



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am

ՀԱՅ ԴԱՍԱԿԱՆՆԵՐԻ
Գ Ր Ա Դ Ա Ր Ա Ն

Պ Ե Ր Ճ
ՊՌՈՇՅԱՆ

ԵՐԿԵՐ

«ՍՈՎԵՏԱԿԱՆ ԳՐՈՂ»
ՀՐԱՏԱՐԱԿԶՈՒԹՅՈՒՆ,
ԵՐԵՎԱՆ — 1984

Կազմեց՝ Ս. Գ. ՍԱՀԱԿՅԱՆ
Առաջարանց Կ. Ա. ԴԱՆԻՆԻՑԱՆԻ

Պոռոշյան, Պ.
Պ 896 Երկեր (Կազմեց՝ Ս. Գ. Սահակյան, Առաջարանց
Կ. Ա. Դանինիցյանի. — Ե.: Սովետ. գրող, 1984.—704

էջ.— (Հայ դասականի գրադարան)

Հայ մեծ վիպասան Պորոշյանի ներկա ժողովածուում ղե-
տեղված են հեղինակի «Հացի խնդիր», «Ցեցեր» և «Բղղե» հան-
րահայտ վեպերը:

4702080100 (14)

Պ 705 (01) 84 84 «Ց»

ԳՄԴ 84 21

Ար 1

© «Սովետական գրող» հրատարակչություն, Կազմիչու,
առաջարանի և ձևավորման համար, 1984

ՊԵՐՃ ՊՌՈՇԵՑՆ

19-րդ դարի հայ դասական գրողների շարքում Պորոշյանը
գրավում է ուրույն և հատկանշական տեղ: Մասնավորապես նրա ան-
վան հետ է կապվում մի ամբողջ գրական հոսանքի՝ գյուղագրության,
զարգացման պատմությունը:

Լինելով բնականից մեծապես օժտված, գրական հախտուն բնավո-
րության տեր մարդ, նա նշանակալից դեր կատարեց 1860—90-ական
թվականների գրական շարժման մեջ, ստեղծեց մնայուն երկեր, գյու-
ղական հանրակեցության, նահապետական բարեբերի միջից դուրս բե-
րելով ու կենդանագրելով այն մարդկային հարաբերությունները, որոնք
ներկայացնում են գրողի ապրած ժամանակաշրջանի կյանքը, պատմու-
թյունը:

Պ. Պոռոշյանը (Հովհաննես Տեր-Առաքելյան) ծնվել է 1837 թվակա-
նին, Աշտարակում: Սկզբնական կրթությունն ստանում է գյուղի դպ-
րոցում, ապա անցնում Թիֆլիս և ընդունվում Ներսիսյան դպրոցը:
Մեանով էլ գրեթե ավարտվում է նրա ուսումնառությունը: Երիտասարդ
Պոռոշյանը վերադառնում է հայրենի գյուղ և պարապում ուսուցչությամբ,
ապա որպես Մոզնու վանքի վանահոր գործավար, հնարավորություն
ստանում ուսումնասիրել Արագածոտն գավառի գյուղերը, գյուղացիների
կյանքը, նանաչել ժողովրդի վարժ ու բարբը, ժողովել բանահյուսա-
կան նյութեր: Վերադառնալով Թիֆլիս, 23-ամյա Պոռոշյանը ակտիվ
մասնակցություն է բերում արևելահայ նոր քառուղիի հիմնադրման գոր-

ծին: Նա և՛ դերասանություն էր անում, և՛ պիեսներ գրում, և՛ տոմսեր վաճառում քատրոնի ծախքերը հոգալու համար:

Պատահաբար ընթերցելով հենց նոր հրատարակված «Վերջ Հայաստանին», Պոռոչյանը գրիչ է վերցնում և հյուսում իր առաջին ազգագրական գյուղավեպը՝ «Սոս և Վարդիթերը» (1860): Այնուհետև երկար ժամանակ զբաղվելով քառերական գործով, ուսուցչությամբ, բաժնետերերի Հյուսիսային Կովկասի ֆալակները որպես լուսանկարիչ, Պոռոչյանը բողոքում է գրական աշխատանքի և միայն 17 տարի անց կրկին հանդես գալիս վիպասանական մի երկով («Կովածաղիկ»): Այս շրջանից սկսվում են գեղի ստեղծագործական աշխատանքի բուն վերելքի տարիները: Նա գրում է վեպեր, պատմվածքներ, հուշեր, կատարում քարզմանություններ, կրճա մասնակցություն բերում հայ գրական-հասարակական կյանքին: Բեղմնավոր էր հատկապես նրա գործակցությունը նորաբաց «Մարե» ամսագրի հետ: Այստեղ են ապագրվում «Ցեցերը», «Բողոքն», «Հունուն», ապա «Տարագում»՝ «Սկիզբն երկանցը» (1892), նետո՝ «Հուշիկների» Ա հատորը:

1890 թվականին տոնվում է Պոռոչյանի գրական գործունեության 30-ամյա հոբելյանը: «Այսօր անա,— գրում էր Ավետիս Արապխանյանը «Մուրե»-ում,— Պերն Պոռոչյանցն է, որի վրա դարձած է բնդհանուրի ուշադրությունը—ականավոր աշակերտը մեծ Արոյլաճի, նկարագրողը մեր ժողովրդական կյանքի—որպես ոչ մեկ ուրիշը մեր գրականության մեջ, անկասկած առաջինը բուն ժողովրդական գրականության մեջ»:

Գրական աշխատանքը համբավվոր վիպասանին նյութական փոքր վաստակ էր բերում: Նա հարկադրված էր մինչև խոր ծերություն դասավանդել հայկական դպրոցներում, տանելով հայ վարժապետի ծանր ու դժվարին խաչը:

Պոռոչյանը մեռավ Բաբվում 1907 թվականին: Նրա դին տեղափոխվեց Թիֆլիս և ամփոփվեց խոջիվանքի գերեզմանատանը:

Պերն Պոռոչյանի ստեղծագործությունը հայ կենցաղի, սովորույթի բառ ու բանի շտեմարան է, անմրցակից ազգագրական, բարբառական շերտերով ու ընդգրկումներով, նահապետական դարատե հարաբերությունների պարզ, անխարդախ նկարագրությամբ: Պոռոչյանի տաղանդը իսկական բարբառի տաղանդ է: Նրա ստեղծած գյուղավեպերի հմայիչ ու մնայնության գաղտնիքը պիտի որոնել հայ գյուղացիության սոցիալական կյանքի նշգրիտ ուրվագծումներում բացահայտվող ազգային ոգու, ազգային տիպարի, ազգային հոգեբանության մշտապես առնմանող գեղեկությունների մեջ:

1860 թվականին «Կոունկ հայոց աշխարհին» ամսագրում հրատարակվում է մեր առաջին գյուղագրական-ազգագրական վեպը՝ «Սոս և Վարդիթերը»: Այն ժամանակվա սովորությամբ Պոռոչյանը իր երկի նախադր զարդարել էր մի առաջարկությամբ. ուր փորձել էր գծել «Սոս և Վարդիթերի» ժանրային սահմաններն ու ազգագրական ընդգրկումը: Իր տեսական մտաբանները նա ամենից առաջ բխեցնում էր այն հայացքից, թե «ազգությունը պահպանող միջոցներն» են՝ ազգային ծեսերը, սովորություններն ու ավանդությունները և որ դրանք պետք է ի յույս հանել «այս լուսավորյալ դարում», «մեր նախնի ժողովրդի հոգվու պատկերը» անխաթար պահելու համար: Այսպիսի նշանակություն վերագրելով հոգևոր այդ իրողությանը, երիտասարդ գրողը բացատրում էր դրա հասարակական ներգործիչ դերը՝ բարոյախոսական պատկերացումներից ելնելով: Քանի որ ազգային ավանդությունները «բուն մեր ազգի հոգին են ցույց տալիս», ուրեմն և հայկական հանճարի ծնունդ են, հետևաբար դրանք «պարունակում են յուրյանց մեջ մեծ բարոյական դասեր»: Առնելով այդ բարոյական դասերը, ազգը կազդուրում է իրեն և կենդանի պահում «հայության զգացմունքը»: Խաչատուր Աբովյանը հենց այդպես էր մտածում, որ գրեց «Վերջ Հայաստանի» «առջունավոր շարագրությունը... նկարագրելով նրա մեջ երևանու նահանգի Քանախեո գյուղի լեզվի դարձվածքը և տնային մի ֆանի սովորությունը»: Նվ այսպես, Պոռոչյանը հիմնավորում էր «Սոս և Վարդիթերի» ազգագրական միտվածքը՝ իրեն Աբովյանի հետևորդ համարելով և «Վերին» էլ «ժողովրդական կենաց» մի բարեհաջող նկարագրություն:

Գյուղագրական-ազգագրական վեպի պոռոչյանական պատկերացումներն իհարկե, մասամբ միայն կապ ունենին «Վերջ Հայաստանի» հետ: Բայց այդ կապը կար: «Վերին» ազգագրական հարստությունը, լեզուն և գեղարվեստական միջավայրը բավական էին պոռոչյանական համոզումների առաջացման համար: Նոր սերնդի գրողների մեջ Պոռոչյանը առաջիններից մեկն էր, որ ազգագրությունը կապում էր գեղարվեստական գրականության հետ և մյուս կողմից՝ «հայ մարդու հատկությունը» բխեցնում տեղային գավառական կենցաղից ու սովորություններից: Աբովյանի օրինակը նրա համար չափազանց ուսանելի էր:

1877-ին Պոռոչյանը հրատարակեց «Կովածաղիկ» ազգային վիպասանությունը, որ ինչ-որ չափով արձագանքում էր Խուս-բուրբակյան պատերազմի հետ առնչվող հայ ժողովրդի ֆաղափական սպասելիքներին:

«Կովածաղիկը» ժամանակակից վեպ էր, թեև վիպասանի ըմբռնըմամբ այն ավելի քան հարյուրամյա հեռավորություն ունեցող պատմական անցյալին էր նվիրված: Սիմեոն կաթողիկոսը և էջմիածնական միջավայրը, Ներսես V կաթողիկոսի մանկության տարիները, Աշտարակն իր հնօրյա նահապետներով ու իշխաններով, կարծես ապահովում էին պատմական վեպի պատրանքը: Այս բոլորն, իհարկե, նիշտ է: Սակայն Պոռոջյանի ստեղծագործական մեթոդի էությունն այնպիսին է, որ հազիվ թե հնարավոր է պատմականն ու ժամանակակիցը զատորոշել նրա վիպագրական ժառանգության մեջ: Պատմությունը, պատմական անցյալը գրողին ներկայանում են որպես արդիականության կենդանի շարունակություն: Աշխարհայացքային համոզումներին հենված իրատեսություն էր սա, որ ամեն անգամ անցյալը ավելի էր մերձեցնում իրականությանը, քան իրականությունն ինքը մոտենում էր անցյալին. դա հետահայաց բնթացք էր, որի դրդիչը անցյալի հանդեպ անկանխակալ մեծարանքի գիտակցությունն էր: Բացի դրանից. շափազանց յուրօրինակ էր անցյալի այսպես ասած ժամանակային ըմբռնումը Պոռոջյանի մոտ. հին, բարի ժամանակները, թեկուզ հարյուրամյա հեռավորությունից, նրան ներկայանում են որպես երեկվա կենդանի իրականություն՝ նահապետական վարժ ու բարձի, գիտակցության ու սովորույթի մշտաճոխով, կայուն և անխառն կեցության տեսքով: Գրողի համար ավանդականը հավասարաժեշտ էր դառնում պատմականին և պատմությունն էլ այլ բան չէր, բայց եթե ավանդականի վրա ննչող եղելությունը:

2

1879-ին Պոռոջյանը հրատարակեց «Հացի խնդիր» վեպը, այն ուներ լայն ընդգրկում, վեր էր հանում 19-րդ դարի առաջին կեսի գյուղական իրականության ցայտուն պատկերը: Գրողը ստեղծել էր հետափոփաշարժ սյուժե, լավ գծագրված կերպարներ:

Խորացնելով գյուղի դասակարգային բաժանումների պատկերացումը, Պոռոջյանը այլ հայացք չէր պարտադրում իր ընթերցողներին, քան հասարակական կազմակերպության *քսական տրվածքի* պահպանման և ամրապնդման մտայնությունը: Այս բնական տրվածքն էլ նահապետական հնօրյա ու ավանդական նիստ ու կացն էր, մարդկանց համայնական-ընկերական միավորումը գյուղի, տնտեսության շրջանակում: Նահապետական հարաբերություններից առանձնացնելով հատկապես համայնական ծխական պատվապահության, ամորթաժողովության, հյուրասիրու-

թյան, օտարասիրության, դժվարին տնտեսական դրության մեջ գտնվելիս մեկը մյուսին օգնելու, իրար հասնելու հանրային-ընկերական սովորությունները, Պոռոջյանը դրանց էր վերագրում հասարակական կազմակերպությունը պահպանող հիմնապատճառի նշանակությունը: Գրողը գիտեր, որ հասարակությունը ունի օրենքներ, միապետ և դասակարգեր: Սա հավիտենական բաժանում էր և միաժամանակ հասարակական կազմակերպության անխոտոր սկզբունք: Օրենքը ամենամեծ ուժն էր հասարակության համար: Օրենքից զատ հասարակության մեջ գործում էր «հասարակական դատաստանը», որ անարդարությունը պատժող հանձարի արդարամտության կրողն էր: Եվ վերջապես գոյություն ունի մարդու գլխավոր դատափորը՝ խիղճը, որ նույնպես կառավարում էր աշխարհը, և որը կողմնորոշում էր մարդու անձնական ու հասարակական գործունեությունը: Այն, որ գոյություն ունի գյուղացիությանը շերտավորող երեք հասարակական խավ՝ «կալվածատեր, միջակ և ստորին դասակարգ» և այն, որ դրանց միջև ստեղծվել են էսպես դասակարգային հարաբերություններ — գրողի համոզումների համաձայն — «բնական» ու հավիտենական վիճակ էր հասարակության համար: Հասարակությունը դրանից չի տուժում: Հասարակությունը տուժում էր երեսն ու ոտնահարվում էր օրենքի՝ հասարակական կազմակերպությունը ղեկավարող այդ ամենահզոր ուժը: Պոռոջյանի պատկերացմամբ արդար վաշխառու, մլխատեր ինչպես նաև ինչպես ենթարկվում էր բռնի ունեզրկման, որովհետև երկրի կառավարիչները՝ տվյալ դեպքում՝ գավառապետը և յուրայինները, ոտնահարում էին օրենքը: «Հասարակական դատաստանը» ոտնահարող խղճագուրկ և ընչափող մեծավորների ապագան գրողը նկարագրում էր նույնքան սև գույներով, որքան օրենքի հետ նրանց հանդիպման պահը:

Ինչպես նաև ինչպես տիպարը շահախնդրում էր Պոռոջյանին հենց այդ իմաստով: Նա գծում էր այս մարդու կյանքի պատմությունը՝ ազնվաբարձ նահապետականության հաղթանակը կանխահուշելու համար: Ինչպես նաև ինչպես ի վերջո հաղթում էր, համենայն դեպս, պետությունը և արդարադատությունը գործում են նրա օգտին: Հանցավորները դատապարտվում են՝ «պատմական այն նշմարտության համաձայն», թե «օրենքի դեմ մեղանշողը ժամանակին յուր պատիժն ստանում է»: Ինչպես նաև ինչպես հանդիպադրվում էր գյուղն ավերակող նորամուտ ուժերին և հենց այդ գուցահեռի մեջ ուրվագծվում են հնօրյա այս մեծահարուստի աստվածասեր վարժն ու մարդահանո բնավորությունը: Բայց սկսեմ սկզբից: ՀՀայաստանի մի տեսակ գյուղացի հարուստների տիպն էլ, — ասում էր Պոռոջյանը, — կենդանանում էր ինչպես նաև ինչպես: Բավական մեծ կա-

բողոքյան անէր Աշտարակի պարծանքը: Ուրիշ վաշխառուների նման չէր հեշանը, խղճմտանով ու արդար մարդ էր: Երբեք մեկին մեկ շահ չէր անի. «Նա շահի համար բան էլ չի ասում, ինչքան մեր սիրան ուզում աս վրե՛ն ե՛ն դնում, նա էլ ոչ մի խոսք չի ասում»: Օրհնում-օրհնաբանում էին մարդիկ: Խեշանի ազգն ու տակը, մարդասեր հոգին և մաքրամաքուր խիղճը:

Խեշանի «անբավ հարստությունը» ձեռք էր բերվել, ինչպես վկայում է Պոռչյանը, արդար ու հալալ աշխատանքով, առևտրով ու վաշխառությամբ, եթե, իհարկե, չնշին տոկոսներով մարդկանց օգնելը «վաշխառություն պիտի համարել»: Նահապետական հնօրյա նիստ ու կացով, պատվապահ ու երզնախոս, ազնիվ ու որդեսեր այս մլխատեր վաշխառուն է անա, որ դառնում է Սև չրի գլխին նստող մովրովի և միկիտանշուստու գործակցության զոհը: Խեշանենց Խեշանի հյուրասեր բնավորությունը, նահապետական վարքն ու բարքը, ծանրախոհ միտքը և նրբազգաց հոգին իդեալականացնում է Պոռչյանը՝ նրա կերպարի ու տիպարի մեջ դնելով հնօրյա, ավանդական հարաբերությունների նախամեծար գեղեցկության ամբողջ հմայքը: Մարդիկ «էն ժամանակներում» ապրում էին այնպես, ինչպես Խեշանը: Պարզ էին և հավատացյալ, բարի էին և կամեցող, չափ չունեին ուրիշի ունեցվածքի վրա և օգնում էին մեծավորներին ամեն ինչով: Խեշանը սակայն աննետացող սերնդի ներկայացուցիչն էր: Ոչ միայն կորչում-վերանում էին հնավանդ այս մարդիկ, այլև փոշիանում էր սրանց կերպարանքն ամբողջացնող հնօրյա վարքն ու բարքը: Խեշանը դիմադրում է բախտի դաժան հարվածներին՝ հավատացած, որ Սաֆոն ու մովրովը ժամանակին իրենց պատիժն ստանալու են: Վեպի սկզբից մինչև վերջ մովրով—Սաֆոն—Խեշան փոխհարաբերությունների ամբողջ ընթացքը կառուցված է փոխադարձ ինքնաբերական գործունեության մեթոդով: Եթե այստեղ նահապետական բարձրագույն ազնվամտությունն է, ապա այնտեղ ժամանակակից ստորությունը և հրեշտավոր քնշափաղցությունը: Զուգահեռ հանդիպարումների մեջ պարզ ու որոշ ներկայանում են ուղղագիծ կերպավորման բոլոր թերությունները: Խորամանկամտությունը, փողի պաշտամունքը, ընշամոլ ու անբարո վարքը Սաֆոյին դարձնում են մեկն այն նորելուկ հերոսներից, որոնք կյանքի են կոչվել գյուղական նորօրյա հարաբերությունների զարգացման թելադրանքով: Մովրովների, յասավուլների, կոզակների, դասավորների գավառային կազմակերպության խսկական աջակիցն ու գործակիցն է Սաֆոն: «Հավազակի ու ույաթի» բարեկամ վերեզակ գինեվանառը:

Պոռչյանի ստեղծագործությունը հատկանշվում էր գեղարվեստական տեսանորիզոնի ընդարձակությամբ. գյուղական կյանքը նա դիտում էր

բազմանյութ և տարբերաբնույթ կապերի մեջ՝ միացնելով սրան ժողովրդական սովորույթի, վարք ու բարքի ընդարձակ ու գունագեղ նկարագրությունները: «Հացի խնդիրը», ըստ Պոռչյանի, շարունակությունն էր «Սոս և Վարդիթերի» ազգագրական ծրագրի: Մյուս կողմից «սկեպտիկյան ուղղությունը» այստեղ վերջնականապես գերակշռություն էր ստացել, և այս էր, որ որոշում էր նրա վեպի գրականության մեջ գրավելիք առաջնակարգ դիրքը: Քննադատական դիրքորոշումը գաղութատիրական կարգերի հանդեպ՝ նրան տարել էր ժողովրդի խսկական ցավերի ու տառապանքների աշխառքը: Նա առաջին անգամ հայացքը դարձնում էր գյուղացու ունեզրկման, կողոպտման ու շահագործման այն տխուր տեսարաններին, որոնք բնութագրում էին հայկական գավառների ու գյուղերի անմխիթար կացությունը: Այստեղ նրա գրիչը, իրոք, ներկառատ մի երանգալակից էր օգտվում: Նրա համար կարևորություն ուներ ոչ այնքան «ձեռի մտածությունը» (կոմպոզիցիան), կամ «դեպիների դասակարգությունը» (սյուժեն), որքան պատկերն ինքը և սրա հարազատ, լուսանկարչական վերարտադրությունը: Այդ պատճառով նա հանախ էր ընդհատում պատմության թելը, և ասե՛նք, յասավուլներին բնութագրելու համար, սկսում նկարագրել խաբեբա և անխիղճ այդ մարդկանց վայրենի գործողությունները գավառում: Եթե Պոռչյանին հարկավոր էր գյուղական իշխանավորների շարաշահումները ձաղկել, նա նորից մեկդի դնելով «դեպիների դասակարգությունը» և ներկայացնում էր «թավչին»՝ սկզբնահաշվի անսարանը: Սկեպտիկյան ուղղության ներկայացուցիչը՝ Հաֆուլը, այս անգամ ոչ թե գիշերային առանձնության և լուռության մեջ, այլ հենց «գեղի արյունը ծծողների» առաջ բողոքում էր՝ նրանց անօրենն ու անարդար գործողությունները մերկացնելով: Գյուղական կյանքի տեսարաններն, այսպիսով, նկատելի գերակշռություն էին ստանում և որոշակի ոճական երանգ հաղորդում վեպի ամբողջությանը: Վեպը գոյանում էր տեսարանների շարակցումից, սյուժեն ու կոմպոզիցիան ենթարկվում էին այդ շարակցումների անպատեհության կամ պատեհության «մամուլային»:

1890-ական թվականները Պոռչյանի համար շափազանց բեղմնավոր տարիներ էին: Տասնամյակի ընթացքում գրողը «Մուրն» ամսագրում հրատարակեց իր երեք խոշոր գյուղավեպը՝ «Ցեցերը», «Բրդեն» և «Հունոն»:

«Յեցեք» վեպը Պոռշյանը գրել էր Ավ. Արասխանյանի առաջաբանով: Այն սերտորեն աղբնշված է «Հացի խնդիր» վեպի գաղափարաբանական ուղղությամբ: Ավելին, այստեղ ավելի հստակ են դարձել այն պատկերացումները, որով առաջնորդվում էր գրողը հայ գյուղաշխարհի հասարակական պահանջումները և սոցիալական դրությունը ֆինելիս:

Պոռշյանի ռեալիզմը ինչպես «Հացի խնդիր» վեպում, այնպես էլ «Յեցեքում» սրոշապես սնվում է միջավայրի իրական-գծային պատկերներով: Տիպականացման նրա մեթոդը մերժում է հոգեբանական վերլուծությունը և կանգ առնում միայն գործողության ու միջավայրի փոխադարձ կապի վրա: Մարդկային լիարժեք բնավորությունը՝ կենդանագրված ներքին աշխարհի բովանդակ հարստությամբ և հակասություններով ու սրանից ելնող այն կապերով, որոնք սրոշում են արտաքին աշխարհի հետ մարդու ունեցած հարաբերության ձևը, անծանոթ է Պոռշյանին: Նա տեսնում է հատկապես տվյալ միջավայրի գծերը յուրացրած մարդու պարզ արտաքինը: Միկիտան Սաֆոն կամ Բալասան աղան ռեալիստական կերպարներ են այն շափով, ինչ շափով որ սրանք երևան են հանում իրենց միջավայրի էական գծերից մի փանիսը—այսֆանը միայն, բայց ոչ ավելին: Եթե մոտիկից նայելու լինենք պոռշյանական տիպերին, ապա դժվար չի լինի ցույց տալ դրանց ուղղագիծ—միակողմանի բնույթը: Մի դեպքում մենք տեսնում ենք գործողություն—միջավայր հարաբերությունից ծնված հատկանշանակություն (որ է Պոռշյանի տիպականացման հիմնական եղանակը), մյուս դեպքում՝ նկարագրական հանձնարարականի պարզ զուգակցում տվյալ մարդկային բնավորությամբ: Երկու դեպքում էլ տիպականացումը ձեռք է բերվում գծային եղանակով, այսինքն՝ կերպարը իրականանում է միայն այն ձևերի մեջ, որոնք արդյունք են արտաքին փոխհարաբերության կամ միջավայր-գործողություն կապի սուբյեկտիվ նանաշման:

«Յեցեքի» գաղափարաբանական իմաստը խարսխված է գյուղական երկու տիպերի՝ Արտեմ Սերգեյիչի և Բալասան աղայի հասարակական գործունեության հակադրության վրա: Եթե Արտեմ Սերգեյիչը այն «հանձնարավոր» տանուտերն է, որ կարող է համայնքի բարոյական ու տնտեսական շահերը համադրել պետական օրենքից ելնող ժողովրդասիրական շահախնդրություններին և հասարակաց դատավորի իր միտքի գլուխը բերել, ապա Բալասան աղան սրան հակադրված այն ուժն է, որ ավերակում է համայնքի միասնությունը, մարդկանց մղում ազանության, կործանում բույլին և նանապարհ հարթում կամայականության ու դաժան ընչաֆողության առաջ:

Ինչպես «Հացի խնդիր» վեպում, այնպես էլ «Յեցեքում» Պոռշյանը «հասարակաց դատաստանին» հատկացնում էր անարդարությունը պատժարարող ծանր լախտի դեր: Այս մտայնության հենքը հասարակական կառուցվածքի և ղեկավարման պոռշյանական պատկերացումներն էին: Վիպագիրը այն ամենը, ինչ անարդար էր կյանքում և դատապարտության արժանի, բացատրում էր «օրենքի» հանդեպ մարդկանց կատարած զանցանկներով: «Օրենքի» տակ նա հասկանում էր ամենից առաջ պետական օրինադրությունները և ապա ավետարանական հոտմամարդկային հանձնարարականները, որոնք ուղղակիորեն զգածում են ժարդու ամենամեծ դատավորի՝ խղի հետ: Պոռշյանը տեսնում էր, իհարկե, հասարակության դասային բաժանումները, տեսնում էր, որ երկիրը, կյանքը ղեկավարվում է կառավարչական հիերարխիային ենթակա հաստատությունների օգնությամբ, տեսնում էր նաև, որ ենթատիեհանաձորումը այդ սիստեմում ռատիեհանաբար տանում է քեպի մարդկանց ղեկավարման ավելի ու ավելի անբար ու բավական ինֆեուուույն եղանակների գործադրումը: Փոխաբանայից մինչև զավառապետ և զավառապետից մինչև տանուտեր ձգվում էին պաշտոնների և հաստատությունների ամբողջ շարքեր: Այստեղ չէ, որ նա որոնում է կյանքի հակասությունների բացատրության բանալին: Նրա համար կարգը և դրան հովանավորող օրենքը անձեռնմխելի են, ճիշտ այնպես, ինչպես նաև նահապետական բազմադարյան սովորություններն ու հաստատությունները: Նա փայլն մարդկանց մեջ է որոնում հասարակական շարիքի բուն արմատը: Մարդիկ իրենք չեղվում են» կարգից և օրինապահությունից, հաշվի չառնելով ոչ կյանքի փոփոխական ու անցողիկ բնույթը և ոչ էլ «հասարակաց դատաստանի» անողոք ու մշտնջենավոր արդարամտության հետապնդումը:

Պետություն—եկեղեցի—օրենք և «հասարակաց դատաստան»— անհերկիր պահող հիմնական ուժը և միջոցները: Գրողը առաջնորդվում էր անհա այս պատկերացումներով, երբ մերկացնում ու դատապարտում էր մարդկանց անիրավությունը և ընչաֆողությունը: Եթե հարուստը աչքի տառ ունենար մերձավոր շահը և կյանքի ունայնամտությունը, եթե աղաֆառը չհուսահատվեր յուր ներկա դառն գրության վերա... այսֆան գեղծումներ չէր պատահիլ, տնանկությունը արհամարհված չէր լինիլ, իրավունք, արդարություն և սյարտանանաշություն իրենց նշանակությունը պահպանված կլինեին և մարդկությունը յուր բունիլի բնթացից չէր շեղվիլ: «Հասարակաց դատաստանի» բախտորոշ և արդարակշիռ ձեռքը ըստ էության իրականացնում էր վերին բարձրագույն կամքը:

Մի անգամ գյուղամիջում հավաքվածները գրուցում կին Քալասան աղայի մասին.

— Ցեց ա, որ մտել ա մեր շանը, — ասում է մեկը:

— Ցեցը նա չի, ցեցը նրա ոտները լիզողներն են...

— Էլիկ շեֆ (համայնէ), հասարակություն չեմ, դրան մի լսեմ, գեղ կանգնի, գերան կկտորի, գեղովի խոսքը մին արեմ, սե գցեցեմ ձեր կտուն ով ա բռնում:

Պոռոջանը, իհարկե, այնքան միամիտ չէր, որ մտածեր, թե միայն ներքին համաձայնությամբ և միասնականությունով հնարավոր է կանխարգելել ցեցապետի գործողությունները: Հենց բնարությունների նկարագրությամբ նա փամուս է տալիս մարդկանց այդ պատկերացումը: Բացի դրանից, նա պատկերում է տնտեսական այն կապերը, որոնք որպես սարգոստայն հյուսել է Քալասան աղան, խնկված ու բազմահյուս այդ ցանցի մեջ ներհաշվով գյուղական շխմուրդները: Միարանվելու համար պետք էր նախ այդ կապ ու կապանքից ազատվել: Իզուր չէր խոզոն ծաղրում գյուղական ինքնավարությունը: Քալասան աղայի հետ խոսելով «նոր օրենքների» մասին, նա շափազանց դիպուկ մի նկատողություն է անում. «Հենց էս դրսի ֆորմերն են, թե չէ էլ ետ վաղուցվան տանուտերությունն ա, դատաստանն օր առաջ տանուտերն իր ֆուսուտակին ա տեսած ըլնում ու փողերը շերտ ածում. մենք էլ մի դիմիցն ենք մեզ համար նանգում ու ծծում, նորը հենց բնզով ա ջոկ, որ առաջ ուտողը մին էր, հիմի մի ֆանիսը»: Իրադրության այսպիսի ռեալ արժեքավորումը և ստեղծված կարգերի այսօրինակ բնութագրականը ավելի քան հակասում է գյուղական ինքնավարություններին և «բարեբաւ օրենքին» տված Պոռոջանի գնահատությանը: Բացասական հերոսը և գրողը միևնույն երևույթի բնութագրման միանգամայն տարբեր ծայրաբևեռներում են կանգնած: Բայց չէ որ նշմարողությունը խոզոյի կողմն է: Հակասությունը Պոռոջանի համոզումների և նկարագրած իրականության միջև առաջանում էր այն բանից, որ գրողը պարզապես չէր կարողանում տեսնել օրենքի և օրենքը գործադրողների միջև եղած կապն ու կապակցությունը: Պատմական նշմարողության նրա բնութագրումը նույնքան սուրբեկտիվ էր, որքան դրա մեկնաբանությունը: Այդ պատճառով Պոռոջանի սոցիալական հայացքների ընդհանուր համակարգում առաջանում էին խոր նեղվածիներ, գեղարվեստական իրականության և իրական հարաբերությունների համապատասխանության ռեալիստական սկզբունքը խախտվում էր ամեն անգամ, երբ գրողը փորձում էր պատմական և

հասարակական նշմարողությունների իր սեփական բնութագրումները հանձնարարել՝ որպես հավիտենական բարոյաբանական սկզբունքներ:

Եթե «Հացի խնդիր» և «Ցեցեր» վեպերում Պոռոջանը, այնուամենայնիվ, շխմուրդացավ թափանցել գյուղում կատարվող սոցիալական տեղաշարժերի բուն իմաստի մեջ, եթե նրա համար անբացատրելի էր մնում գյուղական շարաշահումների և բռնադատումների դասակարգային բովանդակությունը, և եթե մյուս կողմից՝ նա կառչում էր «հասարակաց դատաստանի» գաղափարին, որպեսզի կարողանա գոնե մտովին փրկել կործանվող գյուղական համայնքը, ապա «Բողոք» վեպում նրա հայացքը կարծես ազատվում է ուժանտիկ մթաճնումից և համակվում սոցիալական իրավիճակը գնահատող մտքի պայծառատեսությամբ: «Բողոքն» թերևս ցրված է շատ անփույթ և արագ, քան Պոռոջանի մյուս վեպերը: Բայց դա բնավ էլ չի խանգարում տեսնել այս վեպի գաղափարական մտայնության նոր շերտերը:

Գյուղական իրականությունը «Բողոքում» արտակարգված է մի նոր կողմից: Գործողությունների կենտրոնում կանգնած է թեժաթուխ մի փեռեգակ, որ արագորեն մագլցում է «վաշխառուական կարիերայի» սանդուղիով: Դեռ 10—12 տարեկան մանուկ, ապագա այս հարստանաբիշը, համակվում է փողի կուտակման անմարելի տենչով: Աշտարակում վաստակած 10 կոպեկանոցը կարծես մատնանշում էր հիմնադրամի կախարհական գործությունը: Փողին վերագրելով մոգական ուժ, Պոռոջանը կանխավ երեխայի բնավորության մեջ դնում էր դրամասիրության միստիկական գծեր: Գնանք այս երևույթի մեջ տեսնում են պարզապես ուժանտիկական բեռնացման իրողությունը: Մխալանք է սա, որ, անշուշտ, Պոռոջանի աշխարհայեցողության բյուրեքնման արդյունք է: Ամբողջ խնդիրն այն է, որ գրողը շափազանց մակերեսային պատկերացում ուներ վաշխառության ծագման ու առաջացման հասարակական պատճառների մասին: Չկարողանալով բացատրել դրամակուտակման տնտեսական երևույթը կամ շխմուրդով, որ դրա տակ գործում են ժամանակակից սոցիալական հարաբերությունների ընդերքում առկա ուժերը, Պոռոջանը մարդկանց մոլեգին փողասիրության անհասկանալի կրքի մեջ դնում էր միստիկական բովանդակություն: Երեխան կամ մանուկը, ինչպես ասում է Պոռոջանը, կյանքի ու աշխարհի մասին տակավին չունի իր հաստատուն պատկերացումները, երբ նրա մեջ ծնվում են դրամապաշարության բնագոյներ: Փողը դառնում է ոչ միայն պաշտամունքի առարկա, այլև պարեգոտում է մանուկի հոգեբանությունն ու միտքը մի

անհավանելի շղթայով: Բողեն իր պահվածքի մեջ մարմնավորում է բնական ընչասիրության և փողապաշտության մոլուցքը:

Կարբի գյուղի նախընթաց պատմությունն անելով և ուրվագծելով կարբեցիների առևտրական գործի մեջ ցուցաբերած հմտությունները, Պոռչյանը փորձում էր բացատրել Բողբի՝ որպես անհատականության ու տիպարի, երևան գալու պատճառները: «Այդ նարպիկ ժողովրդի, այդ առևտրականության ընդունակ մթնոլորտի զավակն էր կոլտ շարչի Բողբեն», — ասում էր գրողը, — կանխահուշելով այն միտքը, թե ընթերցողը գործ պիտի ունենա մի իսկական կարբեցու, մի «սատանայաբ բնավորության» հետ:

Պոռչյանը հանրածանոթ իրողությունների վրա էր հենում գյուղաշխարհի իր պատկերացումները: Նրա համար ինչպես վաշխառությունը, այնպես էլ առևտրական գործը դատապարտելի էին ոչ թե այն պատճառով, որ օգտակար չէին գյուղացուն կամ գյուղական համայնքին: Հաբուստ մլխաեեր և վաշխառու խեղանեց խեղանը, տեսանք արդեն, գրողի համակրանքը շահած գերագնիվ այն բնավորությունն էր, որ որպես իրենապատիպ ներկայացնում էր հայ նահապետական գյուղի վսեմ կերպարանքը: «Բողբում» Ջհուղ Աղաչանը նույն բարի վաշխառուն է, ազնիվ առևտրականը, չհավորներին օգնող բարերարը, ֆրիստոնեական երկյուղածության և մահալեցնող վարքի իսկական հերոսը: Մասն գյուղի և գյուղացու նեցուկներն են, հնօրյա ավանդապահներ, աղքատի ցավը դարձանող առաջյալներ, միջնորդներ պետության և գյուղական շխալորության տնտեսական հարաբերությունների կարգավորման: Այս կարգի վաշխառուների և հարուստների վերաբերյալ Պոռչյանը պահած ունի մի հատուկ համակրանք: Ինչպես խեղանանց խեղանը, այնպես էլ Ջհուղ Աղաչանը ի վերջո փողաեանչ նորելուկների զոհն են դառնում: Եթե մի կիտան Սաֆոն զբկողի իր ամբողջ հմտությունը բանեցնում է խեղանանց «ամբավ հարստությունը» սեփականելու, ապա Բողբեն էլնում-խորտակում է իր բարերարին և այն էլ առանց որևէ հիմնավոր պատճառի: Բողբեն անբացատրելի ատելությամբ է լցված դեպի այդ հեզաբարո, սոսաֆինի, աղքատասեր վաճառականը: Մի կիտան Սաֆոն յասավուլ Մարգարի առաջնորդությամբ ու խորհուրդներով է նետվում դեպի իր զոհը: Բողբեն նախահարձակ է լինում, ինչպես թավաւտում դարանած հովազը, նրան պետք է պարզապես կործանել Ջհուղ Աղաչանին: Պոռչյանը միայն գեղարվեստական հոտառությամբ է կոտհում այդ սարսափելի ատելության սոցիալական իմաստը: Ջհուղ Աղաչանը ըստ երևույթին շարժում էր, ոչ միայն փերեզակի վանքաականական նախանձը, այլև հակադրվում էր

Բողբին որպես այն բարձր մարդկային սկզբունքների կրող, որոնց դեմ պատերազմ էր հայտարարել նույն ինքը խոշա Բաղդասարը: Նրկու դեպքում էլ անակնկալ հարստացած վաշխառուի ատելությունը դեպի բարերարը տրամաբանվում էր մրցակցին անխնա ոչնչացնելու այն բարոյականությամբ, որ սեփականել էին նորելուկ դրամաշորթները, և, որը կոտհում, բայց և միայն կոտհում էր գրողը՝ չկարողանալով տալ այդ փաստի ոչ հոգեբանական և ոչ էլ առավել ևս գեղարվեստական հիմնավորումը:

Բողբեն՝ այդ խստասիրտ, փողաեանչ գյուղական կրեսոսը, աստիճանաբար կապեր է հաստատում ոչ միայն զավառային վարչության ու ոստիկանության հետ, այլև կապալառուների, որից հետո նրա առաջ բացվում է վաշխառուական հաղթարշավի լայն ասպարեզը: Սկսելով մանրավաճառությունից և անցնելով մուրհակային խարդախումների գործառնություններին, Բողբեն մուտք է գործում պետական կապալների յուզոտ փողաշխարհը:

Հարստանալու համար միջոցների մեջ ոչ մի խտրություն չղնող ավագակաբարո այս մարդու գործունեությունը Պոռչյանը ներկայացնում է որպես տասնևիններորդ դարու երկրորդ կիսաշրջանի «վերափոխական տակնուվրայության» իսկական արտահայտություն: Ճիշտ է, գրողը շափազանց աղոտ պատկերացում ունի ֆաղաֆներում կատարված տնտեսական հեղաշրջման բուն ընթացքի մասին: Այստեղ նա տեսնում է միայն հայտնի առևտրական տների կործանման և անհայտների երևան գալու իրողությունը միայն, մի բան, որ ընդգծում է ֆաղաֆային կապիտալիզմի վերաբերյալ գրողի ունեցած սահմանափակ պատկերացումները: Գյուղական իրականության մեջ նա նշմարում էր ավելի կարևոր տնտեսական իրողություններ: Մասամբ հիշտ էր կոտհում ապրանքադրամական հարաբերությունների պահանջով ասպարեզ ելած գյուղական բուրժուազիայի հասարակական դիմագիծը: Բայց, ինչպես արդեն ցույց ենք տվել, Պոռչյանը չէր կարողանում տեսնել ոչ նորագույն տնտեսական երևույթների պատմական ետնախորքը, ոչ էլ առավել ևս հասարակական ապագան:

Բողբի գործունեությունը «վերափոխական տակնուվրայության» հետևանք համարելով, Պոռչյանը աշխատում էր գյուղական իրականությունը բզկտող նորամուտ հարաբերությունների լայն ֆոնի վրա ուրվագծել «գարմանահրաչ նորագությունների» նշմարիտ բովանդակությունը:

Մի անհշան, արհամարհված մարդուկի, որպիսին Բողբեն էր, կենսագրության դրվագները գրողը օգտագործում էր գծելու համար դարի «ընդ-

հանրական հեղափոխության» իսկական պատկերը: Դա փողի հանդեպ կայր և միստիկական սիրո մի իսկապես խելահեղ արշավի պատմություն էր, որ կանխում էր երևակայության ամեն մի թախչի և, որպես սառում է Պոռոչյանը, «լսողի անձը սարսափեցնում»: Փողապաշտությունը, որպես վարակը, հարակում էր «միսմիտ և պարզ մարդկանց» կենցաղը, հոգին, գիտակցությունը: Ամբողջ լավը, մարդկայինը, բարոյականը դատապարտված էր վայրենաբարո հոշոտման: Գրողը պարզապես շփոթված ու վախեցած էր հանկարծական հեղաշրջումի ամբողջ ընթացից, չէր կարողանում հաշտվել այն մտքի հետ, թե մեկընդմիջտ պիտի կործանվեն իդեալական նկատված մարդկային այն փոխհարաբերությունները, որոնք մի քանակ-երեսուն տարի պուշ ծաղկում էին հայկական միջավայրում:

Պոռոչյանի սոցիալական երազանքը հանգչում էր նահապետական օջախի դուրեք հարատևող բարոյաբանական սկզբունքների վրա: Սերն ու միաբանությունը համայնական կենցաղի ու ապրելանքի «բարոյական արդյունքն էր», որ օժում էր քաղաքային և գյուղական հանրությանը այլասիրության «սրբանվեր ջրով»: Պարզ է, որ հայր Աբրահամու «լուսնոզեն» կերպարը փայփայող մեր գյուղագիրը բողոքների հանդեպ լցվելու էր անհաշտ մի բռնամանկով և սխալ անխնայ հարվածներ ընդհանրության միստիկական, որպեսզի գոնե մասամբ հագուրդ տար ատելության ու զգվանքի այն զգացումներին, որ ծնում էին նրա մեջ գյուղական համայնավարության սոցիալական դավանանքը ոտնահարելու ելած մարդիկ: Պոռոչյանը բարեագրի իր գրիչը անկուն գայրույթով էր շարժում «վերափոխական տակնուվրայության» հերոսների դեմ և մի այլ պատճառով: «Ցեցերի» հրատարակումից հետո նա ապրեց գաղափարական հետաքրքիր մի շրջադարձ: Եթե նախկին գյուղավեպերում «հասարակաց դատաստանը» և «փրկարար բնիչը» այնուամենայնիվ գալիս էին մեղմելու և հուսադրելու վիպագրին, թե ամեն ինչ վերջնականապես կարած չէ, և որ վերադարձի հանապարհը հույնական բանակ է, որքան այդ նախադրեով ընթանալը, ապա «Բողոքում» նշմարելի է հուսահատական հայացքի առկայությունը: Թեև իբրև բարոյախոս նա դեռ ամբողջովին չի կորցրել իր հույսը մարդու ներքին դատավորի՝ խղճի և աստծու հանդեպ, այնուամենայնիվ, արդարությունը վերագտնող կամ վերհաստատող բնիչի իդեալական կերպարանքը այլևս չի առաջնորդում նրան հասարակական շարիքը պատժապարտելու վսեմ գործի մեջ: Գրողը կարծես թե հասկացել է ռոմանտիկ ու անհող այդ միջամտության ապարդյունությունը:

Բողոքն ինչ-որ պահ կիզի—մատուռի ներսում հանդիպում է «կրոնական զգացման» փոխարի ահավորությանը» և շարչիական կեղծավորությանը անհետադարձ լինում:

«Մեղա քեզ, տեր, սեբես մեղավոր եմ քո առաքին, — ասում է նա: Սակայն այդ միայն մի պահ. հետագա գեղեցիկ գուրջ և անսխալ, որ «չեմենաղության և կրոնասիրության մեջ սնված, բայց մոլորության մեջ ամենը կորցրած գյուղացի երիտասարդը» բեղունակ է հաղթահարել նախապաշարմունքի պատենչն անգամ: Եսլյեիսկ այն ժամանակ, երբ նրա ձեռքերը թաքսվում են Շողիկի արյան մեջ և, կարծես, բացվում գործած եղենագործության մանրամասները, նա դուրս է գալիս մատուռից և հասնում համրավաճոր սուրբ Հովհաննեսի աղբյուր՝ ոչ թե հոգին փրկելու, այլ մաքրագործվելու համար: «Այս ջուրը, — ասում է շարչին, — թող մաքրի իմ ձեռքերից նուրա արյունը և մեղքն ինձ սերն ու հիշատակը»: Ուրեմն ոչ թե զղում, ոչ թե խղճի տառապանք, այլ վեժմանդությանը հագուրդ տված մարդասպանի իսկական վայրենաբարո ուրախություն. «դեհ... հիմի թող Ջիուղ Աղաչանն էն կյանքումը պսակի յուր աղջկան, յուր սիրած Բստինենց Միոյի վրա ու հարսանիքին յուր կնոջ հետ ձեռքոնուկ պար գա, իսկ ես այստեղ պար կգամ, որ իմ ընդամեններից վրեժս առա: Ճիշտ որ Բողոքն ձեռքերը բարձրացրեց և պարելով նանապարհ ընկավ դեպի տուն»: Այս վերջաբանը ավելի ակնառու է դարձնում պոռոչյանական համոզումների մեջ տեղի ունեցած շրջադարձը: «Քննությունը, — ասում է Պոռոչյանը, — ոչինչ մեղադրանք չկարողացավ բարդել Բողոքի պարանոցին»: Հասարակաց անողոք դատաստանն, ուրեմն, անուժ էր Բողոքի հանդեպ: Եվ դա հասկացել էր գրողը. կյանքը ուներ իր զարմանալի և անողոք տրամաբանությունը, որին որքան էլ անձնապես անհամաձայն, այնուամենայնիվ, չէր կարող շինտել նա, քանի որ նախկին գյուղավեպերի բարոյախոսական հանձնարարականները ոչ միայն չշահեցին մի ընդհանուր համակրանք, այլև դիտվում էին որպես գյուղական իրականության նշմարտացի պատկերը խաբարող «վիպականության» արգասիք:

«Հունոն» Պոռոչյանի ամենահավաք և ամենամշակված վեպն է: Ըստ երևույթին, 90-ական թվականների սկզբներից մինչև դարավերջ գրողի միտքը զբաղված է եղել Հունոյի կերպարի գեղարվեստական իրացման խնդրով: Ձեռնարկելով վեպի գրությանը, Պոռոչյանը հարկադրված էր գեղարվեստորեն հիմնավորել նախ՝ Հունո անհատականության երևանքալու պատճառները: Գրողի պատկերացմամբ պատահական անխաղձությունը Հունոյին ներհաշում է ողբերգական այն դեպքերի հորձանուտը,

ուր երբեք չէր կամենա ընկնել ազնիվ աշխատանքով սեփական հացը վաստակող գյուղացի այդ երիտասարդը: Ընկերոջ տրամադրության դիմաց նա գործել էր պատվասեր մարդու ամբողջ դաժանությամբ: Հունոն որդեգրվել էր աղետների պաշտպանությանը և պատերազմ հայտարարել գյուղական ցեղերին: Տառապյալները նրա մոտ էին գտնում իրենց մխիթարությունը, գրկողները՝ պատիժը: Վեպի նախադրության մեջ Պոռչյանը վեր էր հանում երկակի այն վերաբերմունքի իրական պատճառները, որ հանդես էին բերում Հունոյի նկատմամբ գաղառական մահը, ստորին պաշտոնեությունը և հասարակ ռամիկը:

Նոր Քայագետի ֆազաբային հրապարակում անցուդարձ անողների բազմության մեջ կանգնել էին երեքը՝ հեղինակը, գաղառական ոստիկանության ստորին ծառայողներից մեկը և «մի ուրիշը» ու խոսում էին Հունոյի մասին: Լազր Գերասիմիչը խորհուրդ է տալիս պաշտոնական գործերով Գեղամա լեռնի հարավային գյուղերը մեկնող Պոռչյանին մի ֆանի օրով— ճետածղել ճանապարհորդությունը, մինչև որ դազախներն ու շափարները կրոնեն Հունոյին. «...Իմ կարծյով, ամենից անվտանգ ժամանակն է գնալու, մինչդեռ Հունոյին չեն բերել,— միջամտեց մի ուրիշը,— Հունոյին աստված մի արասցե, եթե բռնեցին, գլուխը մի սոխ կդառնա, Լարաբադի կողմերից եկած ավազակախմբերը մեզ օր չեն տալ:

— Քոզեք, աստված սիրեք,— բարկանում է Լազր Գերասիմիչը,— գետնի տակն անցնի ձեր Հունոն. լույս ընկած օրից՝ մեզանից ոչ միեր նա կոպեկի երես չի տեսել, իսկ թուրք ավազակներից ամեն ժամանակ ծառայողների բաժինը լի ու լի կար, ամեն մեկն առաա-առաա լվլվում էինք»: Բարկացնում էր Լազր Գերասիմիչին Հունոյի ազնվությունն ու մարդասիրությունը: Հին այս կաշառակեր անիծում էր գաղափարական ավազակապետին՝ հասույթի ազդյուններից զրկվելու համար. ո՞ւմ են պետք նրա ազնվությունն ու մարդասիրությունը, ազատ նպարտը ավազակ երբեք մտածի չի գալիս, «հաղցած փառով նային է կնում...»: «Թեկուզ անոթի սառկի,— հարում է Գերասիմիչը,— բայց մեզ ինչո՞ւ է գրկում»: Ուրեմն, Հունոն գաղառական ստորին պաշտոնեության գայրույթն ու ատելությունն էր շարժում բնավ էլ ոչ նրա համար, որ սարսափի ու տազնապի մեջ էր պահում երկիրը, հակառակը, տրտնջում ու հայհույում էին նրան, որ վերացրել է սարսափն ու տազնապը, որ կտրել է ավազակախմբերի ռաբր ճանապարհներից, որ զսպաշապիկ է հազցրել ընչափայլ մեծատուններին և սրանց գործակից մարդասպաններին ու գողերին: Հունոն զրկում էր գաղառական շինովնիկու-

թյա՛նը. նակատագրի որպիսի՛ հեզնանք: Ոստիկանությունը, որ օրենքի պաշտպանն էր ու կատարածուն և հալածում էր Հունոյին, ներկայանում էր հալածվողի դերում և այն էլ ում կողմից՝ օրենքից դուրս հայտարարվածի: Արդյո՞ք հասկանո՞ւմ էր Հունոն, որ օրինապահության և կարգի պաշտպանների հանդեպ «մեղապարտ» իր գործունեությամբ ինքը կյանքով պիտի վճարեր, ֆանգի այս աշխարհում ով կարող է հանդուրժել զրկվածների արդարադատությունը:

«Հացի խնդիր» վեպին անդրադառնալիս նկատել ենք, որ Պոռչյանը գյուղերում կատարվող անիրավությունների պատճառը ոչ այնքան պետական հարկատվության և հողային հարաբերությունների մեջ էր տեսնում, որքան «ստորին և երկրորդակարգ պաշտոնյաների անկանոն գործողությունների»: Լազր Գերասիմիչի թուլացիկ կերպարն ուրվագծելով, գրողը դարձյալ շեշտում էր իր այդ համոզումը, միայն թե այս անգամ նրա միտքը հասու էր ավելի կարևոր մի օրինաչափություն պարզելու: «Հունոն աչքի փուշ է դարձել երկրի վրա աչք ունեցողների համար»,— մի առիթով ասում է Տաթևի գյուղական ֆահանհան: Պոռչյանը փորձում էր հենց այս նշմարությունը հրապարակ հանել գաղափարական ավազակապետի և նրա դեմ ելած գաղառական պաշտոնեության հակամարտի իրական պատճառները բնեկիս: Լազր Գերասիմիչը նույնիսկ դեմ չէր «էկզեկուցիա» կատարել գյուղերում՝ Հունոյին բռնելու համար: Այնպես էր սա, որի ենթաբնագիրը ճիշտ ընթերցելու դեպքում հնարավոր էր ըմբռնել բուրժուարական—խոլվարարական մենակրոպի հետ կապված գրողի սոցիալական պատկերացումների էությունը: Մարտահրավեր նետելով «խեղճ գյուղացու ֆրախեք լափողներին», Հունոն ելնում էր հասարակության մի ամբողջ կազմակերպության շահերի ու շահախնդրությունների դեմ: Ձենք ձեռքին՝ շափելով Գեղարձունյաց գավառի լեռ ու դաշտը, նա հինգ տարի շարունակ մարդկանց, աշխատավոր գյուղացիներին ու բարի ֆազաբայներին բերում էր այն համոզման, որ խեղճի ու թուլի, զրկվածի ու անիրավվածի իրավունքը պաշտպանել՝ նույնն էր թե արդարությունը վերականգնել: Ուրեմն, կար արդարության մի այլ ըմբռնում, որ Հունոյինն էր, հետևաբար, նաև ժողովրդական վարի խավերինը: Ձի կարելի չտեսնել, որ գանգատվելով «աշխարհի անիրավությունից» և այդ անիրավության դեմ գենք առնելով, Հունոն, ըստ էության, փորձում էր հաստատել ռամիկի «օրենքն ու իրավունքը», հակառակ գողի, ավազակի, շահին շահ առնողի, խաբեբանների, անօրենների, «աղամորթու հայտնի ու թաֆուն թշնամիների» տենդագին, անգիշում, համառ սխալալության ու գայրույթի: Մակայն Հունոն, ինչպես

ժողովրդական վարի խավերը, հասկանում էր, որ ռամիկի «օրենքն ու իրավունքը» աշխարհ բերելու նրա շահերը ճակատագրականորեն դատապարտված են: Ոչ միայն այն պատճառով, որ Հունոյի դեմ ստիք է կանգնել ստորին ոստիկանության ամբողջ կազմակերպությունը, այլև, որ Հունոն ինքը մեռակ է այդ արյունահեղ կռվի մեջ: Հունոն փակում է պաշտոնեության «ժողովրդացողների» նանապարհը: Դրա համար էլ ոստիկանությունը պատրաստ է անգամ «էկզեկուցիայի» դուրս գալ՝ խոզվարտին գաժանորեն պատժելու: Չէ՞ որ այդ խոզվարտը, ըստ էության, գործում է պետության օգտին և ոստիկանությանը զրկում իր իսկ հասույթի «օրինական» աղբյուրներից: Այստեղ պետության «սուրբ պարտականությունը», որի իսկական կենսագործողն է ստորին պաշտոնեությունը, ոտնահարվում է նույնքան անարգել, որքան դյուրությանը ավագակր և ոստիկանը համագործակցում են երկիրը թալանելու:

Ինչ Գուլոյի հետ կապված պատմությունից էլ առաջ Հունոն որոշել էր ոստիկանական ծառայության անցնել՝ ազնվականների դեմ կռվելու: Այն ժամանակ արդեն անիրավության իրական ուղիները տեսնող գյուղացին մտադրվել էր արդարության հետևերով գնալ, մոռանալով հեռատես այն խելոխությունը, որի մասին ակնարկում էր տաթևցի ֆահանան: Եվ երբ հարկադրված ընկերասպան դարձավ, վնաս իրագործել վաղուցվա իր մտադրությունը— թե ու թիկունք դառնալ խելոխերին ու արժանի պատիժ տալ «գողերին, ավագակներին, տնաֆանդներին, կաշառակերներին»: Բայց դա մի «անհեռատեսություն» էր, ֆանգի Հունոն չգիտեր կամ չգիտե՞նալու էր տալիս այն իրողությունը, որ ավագակներն ու տնաֆանդները ի վերջո ավարը բաժանում էին այն մարդկանց հետ, ում «ձեռքին է իրանց վիճակը»:

Մի ծաղկով գարուն չի գա: Պոռոջանն ինքն էլ համոզված էր դրանում, մանավանդ տեսնում էր, որ գաղափարական ավագակապետի հետագան ի վերջո կանխորոշված է այն պայմարի ելքով, որ Հունոն պարտադրել է երկրի վրա «աչ՛ ունեցողներին»: Իսկ այդ ելքը ըստ երևույթին միակն էր՝ Հունոյի պարտությունը: Գողը, սակայն, ուրվագծելով իր հերոսի հնգամյա գործունեությունը, կարծես հուշում էր երկրում ընդհանուր արդարություն հաստատելու այն նախընտրելի եղանակը, որը կապվում էր միայնակ խոզվարտի արդարակշիռ բազկի հետ: Բայց սա միայն Հունոյի ամբողջ գործունեությունից մակաբերվող եզրակացությունն է, այսպես ասած, օբյեկտիվ ընդհանրացումը: Պոռոջանը, սակայն, ըստ երևույթին, ալիքի հակված էր թշվառներին ու խելոխերին

օգնելու ելած գաղափարական հերոսի տիպարի մեջ տեսնել այն իդեալական գործչին, որին ամենից շատ և ամենից առաջ կարիք ուներ հետևելու գավառական պաշտոնեությունը, որպես պետության «սուրբ պարտականությունների» միակ կենսագործող: Իր տեսակետը ճշմարտության խոր հիմքեր ունի. սպացուցում է արդարադատությանը ինքնակամ հանձնվելու Հունոյի վերջին գործողությունը:

Հունոն մեղանշել էր օրենքի դեմ, բայց և կանգնել անիրաված գյուղական շփոթության թիկունքին: Հասարակաց դատաստանը Հունոյի կերպարանքն էր առել և իստագույնս պատժապարտում էր շարագործներին: Երկրի կառավարիչներին նա մատնացույց էր անում դժբախտությունների ծովն ընկած շփոթ գյուղացիության իսկական թշնամիներին: «Օրինաց աչքը» դարձնելով գավառում կատարվող հանցագործությունների վրա և կռվելով հանցագործների դեմ, Հունոն, որպես «հասարակաց դատաստանի» լիազոր-իրավատեր, շահել էր ամբողջ հայ ու թուրք աշխատավորության համակրանքը: «Աշխարհն օրհնում էր» նրան և ոչ միայն օրհնում, այլև ամենուրեք գործակցում և օգնում անվտանգ մնալուն: Գավառի աղքատ ու խեղճ գյուղացիները նրա նեցուկն էին ու ապավենը: Ջուրերի լանջերին, ֆարափների գլխին, հարթավայրերում ծվարած խոլ ու մութ գյուղերը դասակարգային մարտակովի իրենց լիազորությունները հանձնել էին Հունոյին՝ «հասարակաց դատաստանի» լիազոր իրավասիրոջը, կասկած անգամ չունենալով, որ ազնիվ այդ վրիժառուն գործում է ժողովրդական արդարամտության ու խղճի համաձայն: «Հունոն մինչև օրս ոչ մի անմեղ մարդից մի կաթիլ արյուն չի հանել. նրա սպանածները կամ մարդակեր ավագակներ են, կամ խելոխների հոգեհաններ»:

Հունոն ժողովրդական վարի խավերի արդարամտության ու խղճի «մեղակացրած սուրն էր»: Իր մենախոսության մեջ նա երևելի խոսքեր էր ասում. «Իմ ձեռքով կողոպտված ու կյանքն ու արևները ֆամուն տվածներն արժանի են եղել պատժվելու, բայց իրանց փողի ու հարստությունի ձեռքովը միշտ փախս են տվել աստծո ու մարդկանց էս կյանքի դատաստանիցը, ու ես աստծու սուրն եմ դառել ու մի ձեռքով էղպեսների դատաստանն էս աշխարհումը կտրել, որ էն կյանքումն երկնային դատավորը խեղճ գա, նրանց դատաստանը ֆաղցր անի»: «Հասարակաց դատաստանի» լիազորն ու իրավատերը աստծու հետ գործակցելու իր միսիան հանձնառել էր հասարակաց դատաստանի չզրված կանոնագրից: Նրա հեղինակությունն ու համբավը ժողովրդական շրջաններում լիցֆա-

վորվում էր հենց այդ միսիայի խոր գիտակցությամբ: Եվ սակայն Պոռո-
յանը չէր կարողանում հաղթահարել հակասությունն իր իսկ սեփական
համոզումներին: Հունոյին նա հանձնում էր արգարագատությանը «համ-
բնդհանուր» այն հանձնարարականի համաձայն, որ հրահանգում էր, թե
«օրենքի գեմ մեղանշողը ժամանակին յուր պատիժն ստանում է»: Պոռո-
յանը չէր կարող դուրս գալ այդ կախարդական շրջանից:

ԿԱՐԼԵ ՌԱՆԵԼՅԱՆ

ՀԱՅԻ ԽՆԴԻՐ

Ա

ԳԻԼԻՐՈՋ

1840 թի 50 թվականներին, լավ շեմ հիշում ժամանակը, միայն
սյսքանը գիտեմ, որ Հաշտարար առյանները դուրս գալուց շատ առաջ
էր, մի սաստիկ պարզկա գիշեր, ջրօրհնիցից հետո, ութօրեքի ճոճան
ցրտերին՝ մի յափուներում կոլոված ձիավոր չէր հարցնում ոչ ձիու փոքն-
լոցը, ոչ յուր երեսին սրլլալով խփող սուր քամուն, ոչ աչքերից իջնող
արտասուներին և ոչ երկար ընչացքներից կախ ընկած սառցի լուկեքանցը:
Նա Աշտարակու կողքովը՝ Կավահանքի կողմած ձորակի մտախցը բարձ-
քանում էր:

Հուսինն առաջնորդում էր այս ճանապարհին ընտելացած, արագըն-
թաց երիվարին, իսկ ինքն երիտասարդն անդադար կրնկում էր անխոս
անասունին և հաճախ-հաճախ սանձը թափ տալիս: Երևում էր, որ ձիա-
վորն անհամբերությամբ շտապում էր մի մտադրյալ նպատակի ժամ
առաջ հասնելու:

Եթե մեկն այդ բուպեին ձեռք տար մեր ճանապարհորդին, կտեսներ
անշուշտ, որ կրակի նման այրվում է և, շնայելով ցրտին ու պարզկին,
քրտնքի գոլորշին ամպի նման վրայիցը բարձրանում է:

— Կմենեմ ու կխափանեմ,— մտածում էր վճռաբար երիտասար-
դը,— կամ թե տուն ու տեղը քամուն կտամ, հօրը կոռի ու բեզյառի¹
տակի կփտացնեմ: Տասներկու տարի յա՛ ոտս ձիու օրգանգուից² վեր չի
եկել, շորս մովրով³, վեց քոմակի⁴, երկու դիրանդ⁵ ու քսանի շափ

¹ Անօրեն հարկապահանջություն: ² Ասպանդակ: ³ Փավառապետ: ⁴ Օգնական: ⁵ Թարգ-
ման:

գրագրներ եմ փոխել ու ոչ մի խեր չեմ տեսել, հիմի անջախ¹ ա վեգս ալլու կաննել², մեր Սաքոն քամակիս սուրբ Սարգսի պես կաննած³ ուզում ա ինձ բախտավորացնել, բաս էլ իմ կերածը հարամ չի⁴, որ աչքս բաց աշտարակցի հեշանենց հեշանի աղջկանը ճանկիցս դուրս թողամ: Ինձ ի՞նչ, թե աշխարհքը վրես կխոսի, թե աղջիկը բաշխարթմա⁵ ա արած, կամ թե հերն ինձ շան տեղն էլ չի քցիլ. նրա ըրխին⁶ ո՞վ ա մտիկ տալիս, սաղ ըլի Սաքոն, հերիք ա, որ նա ինձ թե ու թիկունք ա. մին էլ տեսար ֆանդ ու ֆելը⁷ բանացրեց, աշխարհքն իրար գլխով տվեց, միջ-տեղիցը հեշանի աղջկանը դուրս քաշեց, ինձ փեշքաշ արեց, համ ինքը մի լավ բաղի տեր դառավ, համ ինձ ընչանք շլինքս հարստութունի միջին թաղեց: Դե՛, գնա՛ մեջը լող տուր. բենքուտ⁸ Մարգա՛ր, սիրուն կնիկը կողքիդ՝ դու ու տունդ լիքը: Փտեցի էսքան տարի սրա-նրա աչքին մտիկ տալով, ընչանք ե՛րբ պտի յասավուլութուն⁹ անեմ. սա էլ փեշակ ա՞, ուզվորը մեզնից լավ ա: Տո՛, մի ասա՛, ո՞վ միտք կաներ, թե էս քառասուն տարիս անցկացրած, մազերս շալ ընկած, օղորմածիկ Մարոյիս ու երկու երեխեքանցս հողին պահ տալուց հետո, նոր ջահելանամ, փարբեցութունս թողամ, գնամ Աշտարակ, առաջին հարուստը դառնամ: Ընտուր են ասել՝ աշխարհքս մի նարդիվան⁸ ա, մինը նի ա ըլնում⁹, մինը վեր գալիս: Թող մի քանի ամսից հետո մինը համարձակվի ինձ ասի փարբեցի յասավուլ Մարգար, ատամները փշրեմ, ատամները, ըստուց հետո ես աշտարակցի եմ, աշտարակցի, հեշանենց հեշանի փեսա Մարգար աղեն, թող ամեն մարդի աչքը չ՛որս բացվի: Ջանքմ սա՛ն¹⁰ Սաքո՛, նա մենակ ճանաչեց, թե ես ինչպե՛ս մարդ եմ, թե չէ ուրիշ յասավուլ չկա՛ր, որ նրանց համար էս բանն աշխատեր. համա չէ, նա լավ գիտի, թե Մարգարն ի՞նչ իգիթ¹¹ տղամարդ ա. ասում ա՛ ես կուզեմ, որ ծերությանս վախտը քեզ պես հարևան ունենամ, արի՛, ասում ա, Մարգա՛ր, ինձ լսի՛, հեշանի աղջիկը քեզ համար ուզենք, քեզ համար լավ երազ եմ տեսել, պտի հարստանաս, համա առաջուց խոսք տուր, որ բանը գլուխ գալուց հետո իմ ներքի բաղին կպած հեշանի բաղն ինձ բաշխես: Ի՞նչ ախմախ¹² էի, քիչ մնաց դաբուլ չէի ըլնում¹³, քիչ մնաց Սաքոն էս փառքին ուրիշին պտի տիրացներ. թե որ դու չես ուզում, ասում ա, Ղահրամանին կտամ, նա ավելի սիրուն ու ջահել ա: Չէ, ախպե՛ր, խելքս հացի հետ չեմ կերել, որ իմ բախտին քացով տամ. Սաքո՛

1 Հագիվ: 2 Գործս հաշողել: 3 Բաշխարթմա անել, նշանակում է մանկության օրերում տղա աղջիկ նշանելու խոսք տալ: 4 Բերան, երախ: 5 Հնարագիտութուն: 6 Սոստամ: 7 Ցասավուլ, կնշանակի գավառական ոստիկանության ստորին պաշտոնյա: 8 Մանուղը: 9 Բարձրանում: 10 Կեցես: 11 Քաշ: 12 Հիմար: 13 Չէի համաձայնում:

չան, ասեցի, քեզ ջաբբա¹ մնի տեղակ երկու բաղ՝ թաք ըլի խոստմունքդ կատարես: Ծո՛վ ա, ծո՛վ Սաքոյի իմ ըրը, բերնիցս խոսք առավ թե չէ, ձիու քամակը թռավ ու դպու էջմիածին: Իրեք-չորս սհաթից հետո ի՛նչ արեց, ի՛նչ շարեց, գործակալի հրամանը բերեց: Հենց իմանաս մեր Սաքոն կրվկիվի² եղ ունենա, ձեռաց մեր մովրովի դուխը եղ քսեց, նրա կամքն էլ առավ, նրա հրամանն էլ վրեն ավելացրեց: Ես ու իմ աստվածը, հալալ ա Սաքոյի կերածը, երկու իրեք մովրով ա փոխել, ամենին էլ մատների վրա խաղացրել ա նոխտեն³ դնչներին դրած՝ ո՛ր դիհն⁴ ուզեցել, ձին դենն ա քշել. տնաշենը էս մեր Սև ջրի գլխի միկիտանխանն⁵ ձեռքը քցած օրիցն ինքն ա մհալը⁶ կառավարողը: Համա, տո՛, որ էս բանը գլուխ չգա, հեշանը մովրովի ու գործակալի հրամանները ոտի տակ տա, ես հո աշխարհքի միջին թուք կըլնեմ, իմ հրնկերների լիզվի տակիցն էլ դուրս չեմ կարող գալ. էլից դուրս⁷ էն փուլ կենդանի շտիկ Համբոն: Է՛հ, ո՞նց թե գլուխ չի գալ, ո՞նց թե հրամանները գորութուն չեն ունենալ, էն սըրբ Գրիգորը վկա՛ հեշանի թողը քամուն կտամ. մին էլ էն տեսար՝ մեր բոլոր յասավուլներին հավաքեցի ու դուռը կոխեցի, օրով-ցերեկով աղջկանը տանիցը դուրս քաշեցի, թարքիս⁸ դրի ու հայդե՛ դպա վանքը՝ գործակալի գուռը. սաղ ըլին հաստաշլինք Մահմադը, սարի արջ հեշոն, օգոստոսի աղվես քաշալ Ալին ու հավազող Պետոն, ջանները չեն խնայիլ ինձ համար, գործակալ հայր սուրբն էլ մովրովի խաթեր էն սհաթն իր ձեռովը կպսակի, դեռ ես էնպես անեմ՝ ոնց որ ըլի էսօր պսակը խափանեմ, հետո կտեսնենք: Տո՛, ցնդե՛լ եմ, խելքս կոլցրե՛լ եմ, ես ո՛ւր եմ անց կենում: Աշտարակը ո՛րտեղ թողի, ո՛ւր հասա. ա՛յ սատկած ձի՛, քու իզանըդ՝ կորել է՛ր, դու շգիտե՛ս, որ ես Աշտարակ պտի մտնեի, առաջին գալը հո չէր, որ ճամփեն մուրեցիր, — բարկանում էր մեր շտապողը ձիու վրա ու խեղճ կենդանուն մտրակի տակին մահացնելով՝ ես դարձնում դեպի Աշտարակ: Բայց, իհարկե, էս բանումը ձին մեղավոր չէր. շատ էլ հասկացող անասունն ուզեցավ ծովել ճամփաբաժանիցը դեպի Աշտարակ, բայց, մեր վերացած երիտասարդն այնպես թափ տվեց սանձն և կրնկեց դեպի Մոզոնու թառը¹⁰, որ ձին շունչը Պատաշարներումն առավ:

— Ա՛խ, — կատաղաբար փնշացնում էր ձիավորը, — մի մարդի գործ որ աստված չհաշողի, ազամորդին ի՞նչ ա կարող անել, ձին ի՞նչ մեղավոր ա: Աբլորականչին Սև ջրի գլխիցը ձի նստեցի, էս անտեր թղթի կտորները ծոցիս, միտք ունեի լիսը բացվելուս Աշտարակ մտնեմ, որ

1 Գնծա: 2 Թալուն է: 3 Սանձ: 4 Կողմ: 5 Գինետուն: 6 Գավառ: 7 Մանավանդ: 8 Գավակ: 9 Ուշիմութուն: 10 Բարձրութուն:

դեռ պսակ չգնացած՝ հարսանիքը գլխներին հարամ անեմ, քեֆները պնչներիցը հանեմ, ես էլ իմ մատը տարա իմ աչքը հանեցի. քնշանք ետ կդառնամ Աշտարակ, պսակն էլ կուտեն, պսակաճաշն էլ. նրանից հետո վաղի ասածի նման՝ ճաշ ուտելուց հետո դու արի ձեռին ջուր ածա՛ւ. Դա՛հ, դա՛հ, մի քիչ էլ ոտներդ փոխի, Դիլիբոզ ջան, էս ա լիս ա, ւզոթարանը լավ բացվեց, տեսնում եմ, որ դու էլ տոտա-տոտա ես անում՝, մի սհաթ էլ գնա ու տանուտեք Սիմոնի մսրքումը՝ տաք զօմումը դարին ու դարմանը քեզ համար ճտահար կըլնի. մի՛ վախիլ, սաղ ըլնի էս դամշին², սրա շնորհքը տանտիրոջից բռնած՝ ընշանք գզիրն³ ու վերջին մարդն էլ հայտնի ա. իրանց-իրանց կբերեն ու քեզ համեցեք կանեն, տակդ էլ իստակ կբերեն, չոր փեյին⁴ շաղ կտան. քեզ մատա՛ղ, Դիլիբոզ, քի՛չ էլ, քի՛չ էլ, ոնց որ ըլի՛ քաշ արի՛, տեսնում եմ, որ քրտնքումը չլղչպում ես, ջուր ես կտրվել, համա ես էլ քեզանից պակաս չեմ:

Կուզես քեզ մեղադրի՛, կուզես ձիուդ խրախուսի՛ր, կամ մտրակահար արա, անխելք եղբա՛յր, հենց որ ձիուդ սիրտ տալու համար Դիլիբոզ անուն ես գրել, պետք է Սև ջրի գլխից մինչև Աշտարակ էլ քար ու քոնք չհարցրած, էլ դար ու փոս չնայած, մի գլուխ քշեի՛ր: Կամ շուտ ճանապարհ ընկնեիր, որ յուր ժամանակին հասնեիր, կամ թե խելքդ գլխիդ պահեիր ու ճանապարհից շուրջվեիր. իսկական Դիլիբոզ էլ որ լինեիր քո գլանկիր⁵ ձեզ, որ Արարստանու իխիներիցն⁶ էլ լինեիր, էլի ոտները ջուր կիչնեին, ուր մնաց թե քո սուտ Դիլիբոզդ⁷:

— Է՛հ, բանը բանիցն անց ա կացել, էլ ձին չի գնում:— Մեր անծանոթն իջավ ձիուցը, սկսեց սանձից քաշել և հուսահատությունից լաց եղավ, մանավանդ, երբ որ արևը սպիտակ ձնի երեսին արծաթափայլ փոված տեսավ ու աչքերը Մոռնու թառիցը դեպի Աշտարակ դարձրեց, ճռները թուլացավ:

— Է՛հ, գուլար քարը, թե Մոռնու ձորիցը գիլանը⁸ դուս կգան քեզ պատառ-պատառ կանեն, ա՛յ Դիլիբոզ,— աւաց նա ու յափունջին ծածկեց ձիու վրա, բաց թողեց ձիուն և ինքը ոտքով սկսեց վազել դեպի ներքև:

Անբուն գամփունքը, որոնք սովոր են գիշերը մինչև լույս գլուղի շուրջ բոլորտիքը պտույտ-պտույտ անել ու պատառոտել ոչխարի հոտի քամակիցը ման եկող շաբաթներով քաղցած գայլերին, օտարականին

1 Հոգնածությունից ոտքերը կարգին չգնել: 2 Մտրակ: 3 Գլուղական ստորին ոտի-կանոթյան պաշտոնյա: 4 Քակորի փշրանք: 5 Անշնորհք: 6 Երամ, քակ: 7 Դիլիբոզ կոչվում է նծույզի մի տեսակը: 8 Գայլերը:

հեռվից նկատեցին ու ատամները կրճտեցնելով՝ հաշոցի ձայներն իրար խառնած՝ Կարմրավորի մոտ դիմավորեցին մեր խելոքին:

Նրիտասարդը մի քանի անգամ մտրակն օդի մեջ պտտացրեց, որ գուցե հեռանան ու կորչեն անպիտան շները, բայց նրանք ես առաջիկ կատաղեցին ու շուրջ բոլորած՝ մեջ առան տղային և եթե չէր պպզել գետնի վրա՝ ծվիկ-ծվիկ կանեին:

— Էս էլ քեզ մի՛ ցավ,— մտածում էր անբախտ ճանապարհորդը,— խնամիքը հիմի գնացին հարսին ծամ տանելու, ես պտի էս գազանների մեջտեղը կուչ գամ ու սպասեմ, ընշանք որ մի աստծասիր մարդ գա ինձ սրանցից աղատի, որ գնամ ժամիցը դուրս գալուս հասնիմ. ամո՛թ ինձ, հազար ամո՛թ, թե որ հրնկերներիցս մինը պատի տակիցն ինձ մտիկ տալու ըլնեիր էս սհաթը վայն եկել էր ինձ տարել: Տո՛, ի՞նչ եմ երեխի պես կուչ եկել. սաղ մհալը իմ ձեռին դողացնում եմ, մի քանի շների ահի՛ց պտի կատու դառնամ,— ասեց մեր կտրիճն ու դաշույնը հանեց, տեղիցը վեր թռավ:

Գազանները մեր հերոսի նստելուց հետո պահապանների նման շորս բոլորքը կտրած՝ մոմում էին և ոչինչ չէին անում. խանչալի ծայրը տեսնելուն պես՝ կրակ կտրեցան և ամեն կողմից հարձակվեցան տղայի վրա:

— Տո՛չ, տո՛չ,— գոռաց նա և խանչալը օդումը պտտելուս մեկին փոքր-ինչ վիրավորեց, բայց մյուս կողմից՝ յուր կոռչից արյունը շոշալով սրածայր լափշնի՛ կրնկովն իջավ, և եթե կրկին չէր նստել, փոքր էր մնացել, որ շներից մեկը նրա հրեսը ծվատում էր: Առհասարակ այս է միակ հնարքը ոչխարի աներկյուղ շներից ազատվելու. չգիտեմ՝ ի՞նչ են մտածում նրանք, որ նստողի վրա չեն հարձակվում, միժիայն հըսկում են, որ չվեր կենա:

Բարեբախտաբար, մի գլուղացի կուն² դուրս ձգելուս տեսավ էս բանն ու քթոցը վայր ձգեց, վազեց օգնություն հասնելու:

— Հա՛յ, հո՛յ, կորե՛ք հա, կորե՛ք, ա՛յ շուն, կորե՛ք,— ճաջ գլուղացին, և հնազանդ գամփունքը, պոչերը ոտքերի արանքները կոխելով՝ հեռի քաշվեցան:

— Բարի լի՛ս, Մարգար աղա՛, էս աջար-աջար³, էս ո՞նց ա որ էս վախտ դու ոտով ես մեր գեղը մտնում, որ ապարանցոց ոչխարի շների ձեռն ես ընկել, ո՛ւր ա քո ձին, յա թե չէ էս մոտիկ գեղերումը մի ձի չդատա՛ր, որ նստեիր:

— Դու դեռ ասա՛ էս ի՞նչ դալի ու զուռնի ձեն ա գալիս,— պատաս-

1 Այլ, կռիկ: 2 Անասնոց աղբ: 3 Ի՞նչ կնշանակի:

խոնկեց մեր Մարգարը.— ամեն բան յուր կերթա, ձին կորչիլ չի, նրա բանը խեր ա:

— Հարսանիք ա, Մովկինց Աղաջանի տղան պսակվում ա տեղանենք հեշանի աղջկա հետ:

— Դե շո՛ւտ, շո՛ւտ էս շնորին հակալ-հակալը քցի՛, առայ ընկի՛. տանուտեր Սիմոնը գիղումն ա՛, թե չէ:

— Խաշխապերն էլ հենց ինքն ա, որտեղ որ ա՛ ժամը կտանին: Վա՛հ, տո, էս ո՞ւմ ձին ա, որ առավոտենց քշերհանա անտեր-անտիրական թառը ներքե ա գալիս՝ մի յափունջի վրեն, շըլնի՞ տիրոնջ գլխին մի բան ա եկել. կա՛ց, բռնենք տանենք տանուտերի կուշտը, լավ ա, դու էլ ըստեղ գտնվեցար, Մարգար աղա՛, թե չէ մեր գեղի վրա մի շառ՝ կքցեին, կասեին տիրոնջը դուք եք սպանել, դե հետո արի ու շուղար՝ տո՛ւր:

— էդ իմ ձին ա, ինքն իրան կգա,— ասաց Մարգարը,— դու շնե-րիցն անցկացրո՛ւ, տանուտերի հետ շատ վտազ գործ ունիմ:

— Հաղիր՝ ձին էլ հետներս քաշե՛նք:

— Չէ, ասում եմ, դեռ ինձ տանուտերի դուռը տա՛ր ու ետ արի ձիս բեր:

Դեռ հարսին երդիկի տակը չէին բերել, դեռ տերտերը նոր էր ուզում պատրաստվել ձեռք-ձեռքի տալու, որ գզիրը լերդապատառ տուն ընկավ ու տանուտերի ականջումը քշվաց:

— Դեռ ձեռք-ձեռքի շտաք, տերտե՛ր,— հրամայեց խաչեղբայր տանուտերը,— ես հենց հիմա ետ եմ դառնում, գզիրն ասում էր, որ յառավուլ ա եկել, ինձ վտազ ուղում ա:

— Գյոռ ու ջհանդամը՝ գնա՛ր, ոտը կոտրվե՛ր, սե ըլե՛ր՝ դրանց երեսը ոչ տեսնեինք, խերի համար հո չե՛ն գալ,— ասացին մի քանիսն և սկսեցին աղջիկներ պարել տալով պարապել մինչև խաչեղբոր վերադառնալը:

— Ըստուր տակիցը լավ բան չի դուրս գալ, տղե՛ք, աջ աչքիս վերի կուպը հենց սկսեց խաղալ թե չէ, գզիրը տուն ընկավ, ու հիմի էլ ընենց ա թռչկոտում, որ կասես քյանդիրբազ՞ ըլի,— գուշակեց հեշուներ:

— Ես էֆեմերդուն էսոր մտիկ տվի,— մեջ մտավ տերտերը,— գրում ա, որ էսոր լուսինը թե որ բակ ըլեր, հրազն էլ, ամեն բանն էլ օրը պտի կատարվի:

1 Հայածիր: 2 Զրպարտանք: 3 Գատասխան: 4 Լավ ես է: 5 Գերեզմաններն ու գծիքը: 6 Լարախաղաց:

— Աստված խեր վրա բերի,— տանտիկինը փոշտաց,— տեսնենք ընչո՞վ կվերջանա:

— Անտե՛ր ըլի էս պինչը,— ձեռքով յուր քթին խփելով նշանացի հասկացրեց տանտիկինը տղամարդկանցը,— շատ փիս եմ փորձել:

— Տո՛, կացե՛ք, ես մի գնամ տեսնեմ՝ տանուտերն ինչի՞ ուշացավ,— զավազանն առավ դուրս գնաց տերտերը, և դեպի տանուտերի տունը:

Բ

ԱՌԱՋՆՈՐԴՆ ԵՄ ԵՄ, ԲԱՎԼԵՆ ԽԱՇԱՍ ԵՄ ՑԱՆՈՒՄ

— Ինձ լսի՛, Մարգար աղա՛, գոգիդ քարը վեր ածիր՛, մեր 70 գեղ մհալի մեջ ինչ աղջկա վրա մատդ դնես, թե որ շգնամ շուգեմ քեզ համար, ես մարդ չեմ. ես իմ հոր տղեն շըլնիմ, մորից ծնած շըլնիմ, շան մեջքից ընկած ըլնիմ. ամոթ բան ա, ամենքն էլ կլսեն ու կծիծաղան, էս լավ բան չի:

— Դե ես ի՞նչ մեղավոր եմ, ջո մովրովի հրամանն ա. կուզես կատարի՛, կուզես ցխի մեջ ջցի՛ր,— ծոծրակը քորելով՝ իրան անմեղ ցույց տալով պատասխանեց Մարգարը տանուտեր Սիմոնի խոսքին:

— Ախպեր, հազիր պարզն ասե՛ս, էլ ո՛ւր ես խոսքն օլոր-մոլոր քցում, սաքի՞ ես չեմ հասկանում, որ ջո մտքինդ հեշանի աղջիկը չի, նրա մալ ու դովլաթն՝ ա՛, թե չէ դու որբների, երկու երեխա թաղած մարդ, որ կնիկ առնել ուզեիր, կգնայիր ազափ աղջիկ կուզեիր՞, էն էլ նշանած աղջի՞կ: Դու էլ լավ գիտես, որ հեշանն էս արար աշխարհքի հարստությունի տերն ա. ասենք, դորթ ա, անտակ ծով ա հեշանի դովլաթը, էլ վերքեվում՝ չի, էլ թիվ ու համբարք չկա, համա ում դամաթ՞ էլավ՝ էլավ, դամաթի ճամփեն կապիլ չեն. տասնուհինգ տարի ա՛ բանը քութահ՛ ա էլել՞, հիմի դու եկել ես, տաք ջրի վրա սառը ջուր ես լցնում՝ թե ի՞նչ. քեզ մատա՛ղ, Մարգար աղա ջա՛ն, արի հեշանիցը մի քանի շահի փող պոկեմ ջո ոտների՛ քրեհը, վեր կա՛ց, աստծու անումը տո՛ւր, քո ճամփեն գնա՛. մովրովն էլ որ հարցմունքս անի, ասա՛, գնացի տեսա՛ պսակել են, ես էլ մի կուշտ փլավ կերա պսակաճաշին, մի երկու թաս էլ գինի վրեն խմեցի, աստված շնհավոր անի ասեցի ու երեսս ետ թեքեցի:

1 Արխանիկ ալդ բանը: 2 Իրր թե: 3 Կալվածք և հարստություն: 4 Հավաքվում: 5 Բախտ: 6 Վերջացել է:

— Ի՞նչ ես երկար կաստամանին գցել¹, տանուտեր Սիմոն, դու ինձ խելք ո՞ւր ես սորվացնում, ես որ կամ՝ մի հրամանակատար մարդ եմ, ինձ դրկել են, որ քեզ էս հրամանը տամ ու գլխիդ կաննեմ՝ որ կատարվի. չես անի, պսակը չես խափանի, ես էլ դամշիս կպտրտեմ, հարսանքավորի ջանին կընկնիմ ու ծակը կկոխեմ: Ախար թե որ սրա մեջը մի բան չըլներ, գործակալ հայր սուրբն ընչի՞ էս գիրը կգրեր, որ տերտերը շպսակի. հալբաթ² մինը գնացել մատնել ա, որ մեջը չհաստիթյունի պես բան կա, նա էլ էս հրամանը թվանքու ձեռով թոցրել էր Սև ջրի գլուխը մովրովին, որ յասավուլ դրկի, պսակը խափանել տա: Ես քեզ ուզում չէի գործակալի թաղթը շանց ասամ, տերտերի վրա էր, ու ընչունքի ինքը տեր հայրն էլ հրեա իր ոտովն եկավ, հիմի բանը կպարզի:

Ասաց յասավուլ Մարգարն ու գտակածալիցը մի ծավլուսոված թղթի կտոր հանեց տվեց մտնող տերտերին, մի կողմից էլ խոնարհությամբ աջը համբուրեց:

— Աստված օրհնեսցե, Մարգար աղա՛, — փնթփնթաց տերտերը ու ակնոցները հանեց աչքերին դրեց, և թուղթն աչքերից հեռու բռնած՝ սկսավ այս ու այն կողմը դարձնել:

— Զեռքիցն երևում ա, որ մեր գործակալի գրածն ա, — ասաց տերտերը, — բայց աչքես չեն ջոկում, տունը մուլն ա, մի գնամ դռանը կարդամ, կամ թե չէ, տանուտեր, լավ կըլնի, որ մարդ դրկես, մեր դերձիկ Ստեփանի տղին կանչել տաս հարսանքատնից. նա, աստված իր հորը բաշխի, ջրի պես կկկլացնի կես սհաթումը:

— Աղբաթ խեր³, տերտե՛ր, — քմծիծաղ տվեց տանուտերը, — սաքի որ սուտ փահլեվանի պես գլոզուկը⁴ ձեռաց հանցիր, քնթիդ ծերին տնկեցիր հա՛, տեսնում չե՞մ, որ բլբլի պես ծլվլացիր. էլ աչքերիդ ի՞նչ ես մեզ գնում, մենք հո իրար ճանաչում ենք. ահի տարին ի՞նչ էիր, թե մահի տարին ի՞նչ ըլիս. հա էդ ես ու էդ ես. մենք հասակակից մարդիկ ենք, կարոտ մնացի, որ մի օր տեսնեմ քեզ մի բարովագիր կամ մի սանադ⁵ գրելուս, յա ուրիշի գրածը կարդալուս. քունն էն ա — խոնարհեցո՛, ապրեցո, հոգվոց, պահպանիչն ասես ու ժամուցը չեբոջ քցես: Գզի՛ր, գզի՛ր, — ձայն տվեց տանուտերը՝ դուռը բանալով, — շուտ հասի՛, էս սհաթս դերձիկ Ստեփանի տղին էստեղ կանչի, թե՛՛դ, ոտիդ վրա ե՛տ ես դառել:

— Խեր ըլի՞⁶, Մարգար աղա՛, ի՞նչ կա էսպես քշերհանա, — դարձավ տերտերը դեպի յասավուլը, — էլ ի՞նչ զուլլուղ՝ ունիք մեր խեղճ խալխի

¹ Երկարարանություն անել: ² Իհարկե: ³ Բախտը բարի լինի: ⁴ Ակնոց: ⁵ Ծուրհակ: ⁶ Բարի լինի: ⁷ Մառախություն:

գլխին, ողորմելիքումն էլ ոչ ջան մնաց, ոչ տաշտերումը հաց. էս ինչքան կոռ ու բեգյառ, ինչքան խարջ՝ ա, որ էս մի քանի տարի իրար վրա ողորմելի ժողովրդի շնքին բարձել են: Ես ըլիմ իմ կարգը, էս ա վաթսուն տարիս մոտենում ա, դու դեռ ջահել ես, աստված զորացնի, թեկուզ տանուտեր Սիմոնին հարցրո՛ւ. Փառք աստծու, ասենք հիմի քրիստոնեի աշխարհք ա, հիմի մեր խաչին ու հավատին հայհոյող չկա, համա էս ի՞նչ ա. քանդեցին էս ձեր տնաքանդ մովրովները: Ասենք ես քեզ համար շեմ ասում, Մարգար աղա ջա՛ն, դու մեր որդին ես, հայ քրիստոնյա ես, բայց դու ինքդ էլ գիտես, որ առավոտենց տեղիցը շուտ զարթնողը խեղճ ժողովրդի գլխին ա շաքուզ կոտրում: Ելապկա² չդառավ, մեր գլխին պատիժ ու կրակ դառավ, ով ծածկում ա, էլ աստծու ծրիցն ըլում ա, իլլաքի թե՞ մեր հայերը: Ախար տե՛մ աշխարհքն ի՞նչ օրին ա հատել. անցյալ օրը մեր քուլլումը հավաքված՝ գրից ենք տալիս. մին էլ էն տեսնեմ, որ մեր հօշականշի Սուտասանեց նեսոն, որ Սինոդումը գրագիր ա, ձիու վրա նստած՝ եկավ. հոգի ունեմ տալացուկ, օրհնյա ի տե՛ր ասեց ու ձին կանգնացրեց: Ամենքն էլ տեղներիցը վեր կացան, դառկները վեր կալան, գլուխ տվին, բայց ես ծեր մարդ, էն էլ ինչքան չըլնի՝ տերտեր, աստված օրհնեսցե ասեցի ու հարց ու բարով արի նստած տեղիցս: Ախար ինձ ի՞նչ կտազեր երեկվա երեխի համար ոտի վեր կենալ: Ի՞նչ ես կարծում, Մարգար աղա ջա՛ն, ի՞նչ ասի, որ լավ ըլնի. ոչ տարավ, ոչ բերեց, թե՛ տերտե՛ր, դու քո սպիտակ միրքիցդ ամանշում չե՞ս, որ ես գալիս եմ ու դու տեղիցդ վեր չես կենում: — Ա՛յ որդի, նեսո ջա՛ն, — ասում եմ, — դու մեր բալեն⁴ ես, ինձ ի՞նչ լայաղ⁵ ա քեզ պիս մի մատը բորփի՞ համար ոտի կանգնել, ի՞նչ կա, որ Սինոդումը գրագիր ես: — Զէ՛, — ասում ա, — դուք ձեր պատիվը չեք հասկանում. ում գլխին որ չլապկա տեսնիք, պտի էն սհաթը վեր թաշեք, ոտի վրա շորանաք գլխաքաց, թեկուզ ըսկի շինովնիկ՞ էլ չըլնի: — Ա՛յ որդի, — ասում եմ, — ի՞նչ անենք, որ չլապկա ունիս, մի՞թե դրանով քեզ իրավունք ա տված, որ ինձ պես մի ոտը գերեզմանումը տերտերին խայտառակես, որ քո առաջին տեղիցս ժամ չեկա. հիմի ո՞վ չի շլապկա դնում, հրե Երևան մի՞նն երեք սաղ ապասի ա, Երևանի մեկդանովը որ անց ես կենում, նորքցի երեխեքն էլ իշանոնց վրա նստած՝ շլապկեն գլխներին, հավողը բարձած բազար են գալիս. մեր Ալոյի տղեն էլ, որ Մարուք աղի դռանը նոքար⁸

¹ Հարկ: ² Հայտնի է ամենքիս, որ ծառայողներն իրավունք ունին կոկարդով գլխարկ ծածկելու և դեղին կոճակներով հագուստ հագնելու: Այս բանից ատիթ առած՝ շատ ստորին պաշտոնյաներ սկսում լին երկյուղ ներշնչել ժողովրդի մեջ և հարստահարել: ³ Մանավանդ: ⁴ Երեխա: ⁵ Հարմար է: ⁶ Մանուկ: ⁷ Աստիճանավոր: ⁸ Մառա, սպասավոր:

ա, էն օրը մի լավ շլապկա գլխին՝ ուռած փքված էկավ, դեսն անց կացավ. ես էլ հենց իմացա, թե դու էլ Ալյոնի տղեն էս:

— Ընչի՞, միտդ չի՞, տերան՝ ր, — մեջ մտած տանուտերը, — էն տարին որ մի հրկար մովրով կար. մի օր ձին նստած՝ մտնում ա մեր գեղը: Ես Ուտուցովն անց եմ կենում, ի՞նչ տեսնեմ, որ աշխարհքը հավաքված ա գլխարաց ու մեջտեղն էլ մի շլապկավոր ա երևում ձիու վրա նստած. մի գոռոցի ձեն էլ սաղ Ուտուցը վեր ա կայել: Դու մի՞ ասիլ, մեր խեղճ շխտկազուխ Սարոն ա. վեր են կոխել, քամալին բարակ բարդու ճիպոտներ, որ փշրում են, ի՞նչ ա, թե մովրովն անց կենալուս չի ճանաչել ու գտակը չի վեր կայել, նա էլ կաննել ա ու խեղճ Սարոյին է՞ր օրը քցել: էնքան տվին, որ մարդն էլ տեղից չէր կարողանում նստիլ, հրեսի վրա վեր էր ընկնում: — Շան որդի՞ք, ձեր հերն անիծած, — գոռում էր մովրովը, — ըստուց ետը վա՛յ էն մարդին, որ մի օրեն ճամփից շլապկի ծերը տեսնի ու ոտի վրա շորանա. էլ հարցնիլ չի ուզիլ, թե ո՞վ ա, ո՞վ չի, իմացած կացե՛ք, որ շլապկեն ձեր աստվածն ա:

— Հախ աստծու՛, շատ դրուստն՝ ա ասել, — պաշտպանեց Մարգարը, — իհարկե որ շլապկին պտի պատիվ տանք, մենք թե որ շլապկե պատիվը չիմանանք, երկու աչքով պտի թոռանանք, բաս հիմի ու ղշլբաշի օրովը մին ես համարո՞ւմ:

— Օրհնյալ լինիս, այ որդի՞, ո՞վ ա ասում, թե հիմի լավ չի, համա դու ինձ ասա՛, ինքդ չես տեսնո՞ւմ, որ խախտումն էլ հալ չմնաց, եզր վեր են կացնում, տակիցը հորթ ուզում, զոռով մարդկանցը կովացնում են, որ մեջտեղը իրանք մոծակի պես ծծեն՝ արնաքամ անեն. էլ ոչ դիվան կա, ոչ դատաստան, ոչ իրավունք կա, ոչ արդարություն. վերջին մեհ-տարիցը՝ բռնած՝ ընչանք ինքը մովրովը՝ ձեռը դեմ արած ուզում են: Ախար ո՞րտեղից տան, մի մեր գեղի հալը՝ հարցրու՛ կսարսափես, որ լսես. տուն կա՞, որ պարտքի տակ թաղված չըլնի. ի՞նչ են անում, կերածները՝ պաս օրերին ցամաք հաց ա, ուտիսին՝ մի կտոր աղվեսի շոր պանիր, հագածներն էլ՝ որ մի թելը քաշես, ինը հարիր կարկատան վեր կընկնի, ախար թե որ էս կոռ ու բեգյաուը չըլնի, ինչի՞ համար պտի պարտքի տակ ճիվեն: Առաջ ով սր մի թումանն՝ պարտք էր ունենում, թունը չէր տանում ընչանք մի եզր, յա մի կով չէր ծախում, իր հոգին թափում. հիմի գիտե՞ս քանի թումաններ են էն անտեր սանադի մեջ գրում. ի՞նչ եզր, ի՞նչ տուն ու տեղ, ի՞նչ մուլք՞, որդին էլ որ ծախե՛:

1 Աստված վկա: 2 Ուզիլ: 3 Թխապան: 4 Գրություն: 5 Էնն թումանը երեք մանեթ էր: 6 Կավածք:

պրծնում չկա. ըսկի շգիտեմ, թե սրա վերջն ո՞ւր պտի հասնի, սրա ծերն ո՞ւր պտի կտրվի, երկնային տերն ինքը լիս ու ճար անի:

— Հատուր վախալը չի, տեր հա՛յր, դու ինձ լսի՛, կատարելո՞ւ ես գործակալի հրամանը, թե հենց հիմիկուց ձին նստեմ ետ դառնամ ու ձեր մեղքը ձեր շլի՞նքը, գնացե՛ք, ոնց կուզեք, խոսքի տակից դուրս եկեք:

— Աստված օրհնեսցե՛, Մարգար աղա՛, ես Հունան մարգարեն հո չեմ, որ իմանամ, թե էս թղթի կտորի միջին ի՞նչ ա խղբղած. կա՛ց, մեր տիրացուն գա՛ տեսնենք, հետո կխոսենք, կամ թե չէ. կըլնի, որ դու էս գրի գորությունին եթուկ ես՝, ասա՛, էլի՛, քեզ հավատում չե՞մ:

— Ա՛յ, տիրացուն եկավ, հիմի թող գիրը խոսի, — գլխով ցույց տվեց Մարգարը տուն մանող պատանուն:

Տիրացուն տերտերի հրամանով սկսավ կարդալ:

— Հրամայն Աշտարակ գեեղջ տեր Հովհաննեսին:

«Որ իմացած կենաս համաձայն, հայդարարությանդ ես գթեզ պատվիրյալ էինք պսակել գշեղնառ Խեչանյան ընդ պարոն Աղաջանի որթի Սմբաթին, հետ կույս ընդ կուսի, համաձայն օրինած, և կանոնաց առաքելական և կայսերական օրինած շիք զարգելք կամ զհասությունս վասնօրո հրամայենք ի ստանալ գրությանս պսակալույժ արևել զնոցա. վասն զի ի պատճառս աղա Մարգարի յասավուլի մովրովի հրամանն այնպես է խնթրելով ի մենջ որպես բարեգամ, և քաջ սիրելի, վասնօրո և գհրամանքն: Կատարեսցիս, զպսակին ոչ առասցիս, ըստ ծեսի հայաստայնյայց սուրբի և առաքելական եզեղեցվու սրփո կաթողիգե էջմիածնի, ամեն:

Գործակալ սարգարապատու և կարոտ մայի որ է զավատի յթանասուն ու մեկ գյուղի

Քաղեսու վարդապետ:

Տիրացուն բարձր-բարձր կարգում էր վերոգրյալ երեսիի հրամանը, իսկ տերտերն ու տանուտերը բերանները բաց՝ մտիկ էին տալիս և զարմացմամբ դլսները ծանր շարժում: Մարգարի համար. էլ մի՞ հարցնիլ, ուրախությունից ոտքերը գետնիցը կտրվել էին:

— Զա՛ն, շա՛ն, զալամիդ՞ ծերը պաշեմ, հրե լիզու ա՛, քըչան աղբյուր ա՛, — բացականչություններ էր անում մեր հերոս յասավուլը, — ընդօր են ասել՝ սուր լիզուն օձը ծակիցը կհանի, է. մենք ըսկի մարդ

1 Տնդակ ես: 2 Գրելիզ:

3 Գ. Գոռյան-Սրկեր

չենք էլեկ, էշ կելիլ ենք, էշ մենծացել, մենք ի՞նչ խաբար պտի տանկնք էս աշխարհքիցը:

— Իհարկե, որդի՞, իհարկե՞, — հաստատում էր փաստաբանը տեր Հովհաննեսը, — թե որ քործակալ հայր սուրբն էրպես խմատուն չըլնէր, էլ ընչի՞՞ հղ փառքին կարծանաքնելին սազ վանքումը նրա պես պիտունը չկա, աստված փառոց պահի իրան:

— Հո հասկացա՞ր, տերտեր, ինչ ա զրոյ քործակալը, — Շեկնարար հարցրեց տիրացուն:

— Հասկացա, որդի՞, հասկացա, բայց էլ ընչի՞ տերտեր եմ, որ էք երկու խոսքն էլ քնդի շքնկենծ. համա գու էլ որ մի անգամ պատմեա. ավելի լավ կլինի:

— Ես ոչինչ չհասկացա, շատ խրթին ա զրոյ:

— Դու դեռ ջանել ես, որդի՞, էք տեսակ խրթին քրվածները գծար կմտնին քո բեյինը¹. մեր գործակալը հրամայել ա, որ Աղաջանի տղեն ու իր նշանածը, շունքի որ կույս են, պասկալուցք առնել, այսինքն թե պասկը չույս առնել, սաքի թե ուղել ա սակ, որ պասկը մի քիչ ետացրու, որ լիար լավ բացվի, ընչանք որ ես էլ, ասում ա, իմ բարեկամ մովրովն էլ՝ Մարգար անին առաջուց արկեցինք ու մենք էլ էս ա քամակից կգանք կհասնենք: Իհարկե՞, արժանաճար ազա մարգ ա մեր եկնանք, մեր մհայրամբ մարգ չըլնի, որ նրան պարտք չըլնի. քա էնպես մարգին որ չպարտվեն մովրովն ու քործակալը, ինձ ու քեզ հո չե՞ն պատվիլ: Եստ լավ կըլնի, ի՞նչ, հազար առանց էն էլ պասկը ետացավ. մի քիչ էլ կկենանք, հենց հիմի որտեղ որ ա, կգան, ու մի լավ քեֆ կանենք:

— Հենց էդ ա, որ գլխի ես ընկել, տերտեր, — ծիծաղելով ասաց տիրացուն, — դու ինձանից լավ ես հասկացել:

— Ի՞նչ եք ասում, ի սեղ աստծու, մի լավ կարդացեք, էդպես բան չկա գրած, — լեղապատառ խոսքը կտրեց Մարգարը, — գործակալ հայր սուրբը հրամայել ա, որ ինքն էլ ու մովրովն էլ ուզում են, որ պասկը քանդվի, մենծ չհաստիջուն կա մեզը. ինձ էլ հենց ըստուր համար են գրվել:

— Ի՞նչ թե պասկը քանդվի, քեզ ո՞վ ասաց, թե չհաստիջուն կա, հաս ու չհաս չեկողը ես չե՞մ, կրկի էլ օխոց պորտը գիտեմ, նշանի պահպանիլը սրանից սասը տասնուհինգ տարի առաջ ես եմ ասել քարեկենդանին. ոնց որ Մախիսի ու Ալազրադի մեջը տղա ու աքրիկ կհասնի, բնենց էլ նրանց մեջ մի մտոր չհաստիջուն չկա: Թե ուրիշ քան գիտես, Մարգար ջան, ասա՛. գու որ կաս՝ յասավուլ Մարգարն ես, ես որ կամ՝

մենծ տեր Հովհաննեսն եմ. դու ոչ գիրը գիտես, ոչ գրի զորութունը, համա ես ամեն բան հասկանում եմ. սաղ այսմավորքը շրի պես գիտեմ. սիրաջ ես, յանդիչ էս, լավ չես գրիի ընկել. քեզ զրկել են, որ գաս տեղ պատրաստես, որ իրանք էք գան. բնենց չի՞, տանուտեր Սիմոն, դու ի՞նչ ես ասում. էլի ես ու դոնե ենք սրանց. մեջը ինչուք ու քլամալի՛ տերք, սրանք ջահել-չուհուր են, իլլաքի թե էս իմ ագաշ՝ տիրացուն, զովեցինք՝ կով գառավ. երեխավայրենից, օղորմածիկ դորձիկ Ստեփանը մեռավ սրան կարդացենք տարով, սա ըսվի մի մարդ չըսուով:

— Ի՞նչ ես ասում, տեր հայր, էս հրաման գրոզն ինքն էլ չի հասկացել, թե ի՞նչ ա ուզում ասի:

— Ո՞վ, Թադևոս վարդապետ՞ տը:

— Ի՞նչ անեմ, թե վարդապետ ա:

— Վա՛յ, հողը մեր տան կտերը կենա, որ դեռ ձվից դուրս չեք եկել, տերտեր վարդապետի էլ չեք հավանում. ընենց չի՞, տանուտեր, դորթ չեմ ասո՞ւմ, Մարգար ջան:

— Էդ դրաղ կենա՞, տերտեր ջան, հիմի պասկը խափանում ե՞ս, — համբերությանից գորսա կկամ Մարգարը, — թե չէ ինձ յասավուլ Մարգար կասեն, էսա վեր կկենամ, աչքերս կչոնեմ, հարսանքավորին շուշուր կթցեմ, ժամումն էլ որ ըլին՝ դուրս կանեմ:

— Դու ինձ ասա՛, դորթ ես հրամանք անո՞ւմ, որ մեր գործակալն ու մովրովը չեն ուզում պասկել:

— Ես բա սուտ եմ ասո՞ւմ:

— Դե որ նրանք կամենում են, մենք ի՞նչ ենք, քանի՞ գրխանի ենք. ասում ա՝ աչքը բարձրանա՝ բարձրանա, ունքիցը վերեւ չի կարող գնալ, դե որ գործակալն ասում ա չհաս կա՛: Ըն ա կա, առաջնորդը ես եմ, բակինն խաշած եմ ցանո՞ւմ. տեսնո՞ւմ ես, համաձայն կալեքականն ու առաքելականն օրինաց՝ նա մեր ամենքիցը շատ գիտի, դեռ մովրովն էլ վրադիր, դու ի՞նչ ես ասում, տանուտեր Սիմոն:

Տանուտերն ասերը վեր քաշեց և յասավուլ Մարգարի երեսին նաչեց:

— Ի՞նչ էլավ ձեզ, տերտեր, տանուտեր, — միմյանց քամակից տուն ընկան գզիրն ու ժամհարը, — օրը միմեց, կիրակրնորը փշացան, հարսն ու փեսեն վաղուց երգվի տակին պատրաստ կանձած են, որ ձեռ-ձեռի տաք:

— Ես իմ մովրովի խոսքից դուրս չեմ կարող գալ, — վնճեց տանուտերը:

— Գործակալն էլ իմ մովրովն ա, — հաստատեց տերտերը:

¹ Եկեղեցական:

¹ Եկել: ² Անվանակից: ³ Մի կողմ կենա:

— Կնացե՛ք, ասացե՛ք, որ պսակը մնաց, — խաբար զրկեցին հարսանքաւուներ:

— Ես էլ դնամ Սաքոյին աչքալիս տանեմ, — կամաց մրթմրթաց Մարգարն ու տեղիցը վեր կացավ, — էս օրվան անելիքն արինք, էգուցվանն էլ կտեսնենք, բանը՝ բան շանց կտա:

— էս առաջին օրն ա, ա՛յ, որ յասավուլ գա դեղն ու առանց կուշտ փորով հաց ուտելու ու մի կես լիտր գինուց, արաղից իրան ոտի քրեհ տանելու՝ գեղիցը դուրս գնա, — ասաց տանուտերը տերտերին, յասավուլ Մարգարի գնալուց հետո:

Գ

ԱՅՂՐ ԳՅՈՒՆ ԵՎ ՍԵՎ ԶՈՒՐԸ

էջմիածնից մոտ երեք ժամաչափ դեպի արևմտահյուսիս գտնվում է մի լիճ, որին ժողովուրդը Այղր անունն է տալիս:

Այղր գյուղից շատ մոտ, թավ եղեգնուտների և ճահիճների միջից հառաջանում է այն պատմական գետը, որ կոչվում էր հնումը Մեծամորի, իսկ այժմ՝ Սև ջուր: Այղր լիճը և գետը միմյանցից բաժանողը մի երկու-երեք հարյուր քայլաչափ մերկ տափարակ է: Մերկ եմ ասում, որովհետև ինչպես գետի, նույնպես և լճի եզերքը ծածկված են խոտ եղեգներով, որտեղից տարին մի անգամ մերձակա գյուղերը շինում են յուրյանց համար փսիաթ կամ խոխրներ, իսկ այդ տափարակի վերա, բացի բարակ սեզից, ոչինչ չես գտալի:

Թե՛ լիճն և թե՛ գետն ունին տեղացիների աչքումը մեծ նշանակություն: Գետի եզերքի եղեգնուտները նվիրական են ամեն հայ քրիստոնեի համար. որովհետև այստեղ, ասում են, խողացած արածում էր մեր քրիստոնեության հիմնաքարը՝ հուժկու Տրդատը. այստեղից նա մերթմերթալով վազեց, մեր կուսավորիչ պապի առաջին գլուխը քաղչ ձգած կանգնած և նրա օգնության շնորհիվը կրկին մարդկային կենդանուց ստացավ՝ մի ականջով միայն Սև ջրի գլխի՝ արածող կենդանու իշատակը շնորհակալով: Մինչև այսօր էլ որսորդները Սև ջրի գլխին խոզ սպանելով՝ միմյանց ասում են. — ի՛նչ կլինեք հայ քրիստոնեի հալը. թե որ մեզ պես մի որսորդ սպանած ըլնեք մեր խողացած Տրդատ թագավորին: Մյուսն էլ պատասխանում է. — ասում են՝ ինքը Տրդատ թագավորը զգլված ա էլել իր խոզությունիցը. որսորդ տեսնելուն պես դաստի՛ եկել

առաջներին ման ա եկել, որ բալքի տան սպանեն, վերջանա իր շարժանքները. համա ասու հրամանովը նետ ու աղեղի լարը կտրվել ու ու Տրդատը սող ա մնացել:

Այլը գյուղի վրա հնարած առասպելներն ափելի շատ են: Մինչև ցայսօր էլ ես անտարբերությամբ չեմ կարողանում հիշել Այղր գյուղի անունը, որ անձս չքոտմնի:

Երբեք չեմ կարող մոտանալ, ինչպես իմ հանգուցյալ հայրը վսեմ և ազդու բառերով պատմեց ինձ Այղր գյուղի բոլոր պատմությունները, երբ որ ձիու վրա ինձ յուր թարքն առած՝ գնում էինք Սև ջրի գլուխը մովրովից ինձ համար արձակման վկայական ստանալու, որով գնամ՝ ուսում անեմ:

— Գիտես, որդի՛, որ մենք մոտենում ենք Այղր գյուղին, տե՛ս, հրեկն քարափի տակին ա, մի քիչ էլ ներքև գնանք՝ կերևա: Այղր գյուղը հասարակ ջուր չի, — շարունակեց յուսանողին, — նրա ջուրը չի գնում, միշտ կաննած ա, նա անտակ ա, մարդ չի կարող նրա մեջը մտնել: Էն սհաթը կուլ կտան հրեղեն կենդանիքը: Ուրիշ ջրերի միջինը ձկներ ու գորտեր են, համա Այղր գյուղի միջին սրանց ոչ միևն չես գտնիլ: հրեղեն ձիանք, սիստակ հրեղեն գոմեշներ, մարդաձուկն ու շատ ուրիշ գազաններ են լիքը Այղր գյուղումը: Էդ հրեղեն ձիանոց ցեղիցն ա, — շարունակեց հայրս, — Քյոոզլվի դաթը՝, որ թևալոր է եղել Այս բունը, իբր թե, տեսել է խառատ՞ Մուրաղը: նա տասը-տասնհինգ փայտե ուղտեր շինած, իրար բամակից կապած, սանձը ձեռին քաշելով, Կողբից աղ է եղել բերելուս, հանկարծ դիմացից տեսնում է Քյոոզլվին յուր կարիճներով և երկյուղից բանդում, վալը թափում գետին յուր ուղտերն և զարձնում մի կուլտ փայտ ու ինքը մտնում Այղր գյուղի եղեգների մեջը:

Քյոոզլին, որ նկատած է լինում ուղտերի շարքը և հիմա գտնում է փայտացած, շատ գաղմահում է այս հնարաղեա վարպետի վերա. հրամայում է յուր քաջերին, որ որ լինի, պտրտել այն մարդուն և յուր առաջին կանգնեցնել: Խուղարկուները քաջ գիտենալով, որ մարդը թաքկացած կլինի եղեգնուտների մեջ, իջնում են այնտեղ, ձիանքն արոտի թողնում և սկսում որոնել: Ամբողջ օրը, երբ որ Քյոոզլին զուր ժամանակ է կորցնում, վարպետը մի տեսիլ է դառնում ու կորչում, հրամայում է ձայն տալ, թե ինքը երդվում է իր սրովը, որ եթե փայտե ուղտերի տերը դուրս գա ինքնահոժար, նա նրան ոչ միայն չի պատժիլ, այլև կվար-

1 Ղութն էր այն առասպելական նժույզ ձին, որով Քյոոզլին բուրջության անուն է տարի: 2 շյուսն:

Շատրի. ապա թե ոչ, երեք շաբաթ շրջապատած Այդր գյուղ՝ քաղցած պիտի սպանի նրան:

Եվ ահա դուրս է գալիս Մուրադը դողալով և գլուխ տալիս Քյոոզլիին:

— Քո ձեռագործն է այդ ուղտերը, — հարցնում է Քյոոզլիին:

— Հրամեի՛ք, գլխիդ դուրբան:

— Ընչի՞ թաք կացար:

— Քո անունից աշխարհքն է սարսափում, և ուղիղն ասեմ, հիմա էլ չէի դուրս գալ, եթե քեզ ավետիք տալու առիթը չունենայի: — Մուրադը պատմում է Քյոոզլիին, որ ինքն ակառատու էր, երբ նրա մատակ ձին արածում էր լճի ափումը, մի հրեղեն սպիտակ աչքը՝ ձի դուրս եկավ ջրի միջից, թուփ նրա մատակի վերա ու կրկին ջրի տակը մտավ:

— Ուրեմն դու ազատ ես, սարքի՛ր քո ուղտերդ, բարձի՛ր բեռներդ և ճանապարհ ընկիր:

Մուրադն ստացավ Քյոոզլիի ընծան, կարգի բերեց յուր ձեռագործը, բարձեց աղն և գնաց:

Քյոոզլիի հրամանով ի պատիվ այն այդր ձիու, որը տասն և մեկ ամսից հետո պարգևեց իրան նրա սիրեկան Ղոաթին, այդ լիճն այն օրժանից կոչվում է Այդր գյուղ:

— Բաս էդ Այդր գյուղի ջուրը ո՞րտեղից ա գալիս, ո՞ւր ա գնում, — հարցրի հորս:

— Ասում են, որ ջուրը գալիս ա Արագած սարի կատարումն եղած լճից. էդ բանն իմացել է մի հովիվ: Նա այծի քամակից ձգում է յուր գավազանը, որ ընկնում է Արագածի լճի մեջը: Մինչև մոտ է գալիս հովիվը, տեսնում է, որ յուր գավազանը ջրի երեսին չի: Այս երևույթը նրան կարծիքի տակ է ձգում. մանավանդ, երբ նա Արագածի ստորոտներումը ոչխարներն արածացնելուս, գլուխը գետնին է դնում մի փոքր հանգրստանալու, միշտ ջրի քշքոց է լսում: Մի շաբաթից հետո դիպվածով նույն հովիվն յուր ոչխարները դաշտն իջեցնելուս Այդր գյուղի մեջ տեսել է յուր փայտը: Հովիվի կասկածն ավելի սաստկանում է. նա մտածում է, որ Արագածի գլխի լճի և Այդր գյուղի մեջ հարաբերություն կա, անպատճառ ջուրը Արագածից գետնի տակովը հոսում է ներքև և գոյացնում է Այդր գյուղը. դրա համար հովիվը մի ջվալ² դարման շալակում է, բարձրանում Արագածի կատարը և լճի մեջ լցնում. երկու օրից յուր դարմանի հետքը Այդր գյուղումն է գտնում:

¹ Որձ. ² Տոպրակ, մսխաղ:

— Բաս էդ ո՞նց ա, որ ջուրը միշտ կաննած մնում ա մի պատիկ լճի մեջ ու դուս չի գնում, — հարցրի ես հորս:

— Ասու հրամանովն ա, — պատասխանեց հայրս, — դվբալի օրո՞վը Երևանու վերջին Հյուսեին խան Սարգարն սղոնցով Այդր գյուղ խառնել Սև ջրի հետ: Իրեք հետ իրան երազ եկավ, որ էդ գյուղի ջուրն անիծած ա, դա գնացկան ջրի հետ շլտի խառնվի. աղամուրդին էդ ջրի համը շլտի տեսնի, Սարգարն ականջ շաքեց ու Այդր գյուղի ու Սև ջրի մեջտեղի թմբան վրա մի առու փորեց: Վերջի օրը հենց որ մի պատիկ թումբ էր մնացել, որ ջուրը գնար, մին էլ էն տեսան, որ գյուղի երեսը կրակ դառավ, միջիցը ահագին գազաններ կրակի հետ դուրս թռչտապցին, քիչ էր մնացել, որ ամենքին էլ կուլ էին տալիս, թե գլուխ շաններն չկորչեին: Ինքը Սարգարը հեռվումը կաննած՝ էս բաներն իր աչքովը տեսել ա ու էլ ես առուն լցնել տվել:

Եվ արդարև, հետաքրքիր այցելուն այսօր էլ կնկատի լինը և Մեծամորին բաժանող տափարակի մեջտեղը մի հին առվի հետքեր:

Ահա այսպիսի առասպելների հետ է կապված Այդր գյուղի պատմությունը, սակայն հավանականն այն է, որ մի ճահճալից լիճ է նա, որը տափարակի տակից անպատճառ կապ ունի Մեծամորի գետի հետ:

Սովորաբար գետերը առաջ են գալիս և կազմվում մանր աղբյուրակներից և վտակներից, իսկ Մեծամորին մի բացառություն է. ամբողջ գետն այդ փոքրիկ տեղի շամբուտ ճահճներիցն է բխում և հառաջ գնում դեպի Երասխը: Պետք է ենթադրել ուրեմն, որ ժողովրդական առասպելը զուրկ չէ մասամբ ճշմարտությունից. կարող է այն էլ լինել, որ Մեծամորու և Այդր գյուղի ջրերը Արագածի զանազան բարձրավանդակներից են, որ գետնի տակով իջնում և Այդր գյուղումը լույս են տեսնում, կրկին գետնի տակը մասնում ու փոքր-ինչ հեռի՝ Մեծամորի գետը հառաջ բերում:

Դ

ՄԿԻՏԱՆ ՍԱՔՈՒ

Սև ջրի գլխին, այսօր էլ կարծեմ, դեռ կարելի է նկատել մի երկու ավերակների հետքեր, որոնք փոքր ժամանակ հնախույզ ճանապարհորդին կանգ առնել կտան և մտածմանց մեջ կձգեն:

Այդ երկու ավերակներից հյուսիսային կողմը գտնվածն այն արժանահիշատակ ամարաթն¹ է, որ մի-երկու տարի քաշում էր դեպի յուրյան

բաղձաթիվ ծագելուց Սարգսրաբատու և Կարբու կողմած գաղափարը՝ արդարություն և իբրևավունք խնդրելու։ Ուզում եմ ասել, թե այս ավերակի տեղը մի քանի տարի առաջ մեծ շինություն էր։ Այստեղ էր կենում այդ գաղափարի կառավարիչը, կամ ռամկական բառով մոլորուն՝ յուր օգնականներով, զրադրներով և ոստիկանական բոլոր պաշտոնյաներով։ այստեղ էր և նրա դատարանը։

Այս մեծ շինության դիմացը, նրանից ոչ շատ հեռու, Սև ջրին ավելի մոտիկ եղեգնուտաներին կից էր մյուս ավերակի տեղը՝ կառավարչի ամառաթի գինետունը, կամ միկիտանխանեն։

Մոլորովի ամառաթից ոչ պակաս կարևոր էր այս գինետունը։ Այսպիսի մի ժողովատեղին հեռի լինելով գյուղից և բնակությունից, հարկավ պետք է ունենար մի տեղ, ուր եկվոր բաղձությունն իջևաներ, կերակրվեր և պատասպարվեր։ Այսպիսի հյուրանոցներ ամեն մեծ ճանապարհների վերա գտնվում են։

Մոլորովի ամառաթի շինվածքն այնքան հետաքրքիր չէ մեզ համար, մի լայն պարսպավոր բակ է այն, մի կողմը կարգով բավականին միահարկ սենյակներ շինած՝ ուր զետեղվում էին ինքը գավառապետը, յուր իրավաբանը և օգնականները։ փոքր-ինչ հեռվի մի քանի մանր-մունր սենյակները գրագրների բնակարաններն էին, քամակի կողմը գոմն էր, ուր կապվում էին ձիանքն և կենում էին ստորին պաշտոնատարները՝ յասավուլ, մեհտար, կողակներ և այլն։ Գոմին կպած էր բանտը՝ երեք-չորս մանր և մութ սենյակներով։

Գինետունն ուներ նույնպես մի լայն պարսպապատ բակ, որի մեջ կային մի քանի տներ. գոմը, մարագը, մառանը, հավաբունը և այլն. ինքը գինետունը շինված էր այդ բակի արևելյան կողմը, ճիշտ ամառաթի դիմացը։ Երկու մուտք ուներ նա, մինը ուղղակի դրսից, որ էր հասարակաց դուռը, իսկ մյուսը՝ բակի միջից։ Այս կողմից մտնում էին հեռու սեղերից եկած խնդրատուները, կապելով յուրյանց ձիանքը բակի մեջ, կամ գոմումը։

Գրսից եթե ներս մտնելի գինետունը, ուղղակի դիմացը շինված էր գինեվաճառի առևտրատեղին, շրջապատած տախտակյա վանդակով ինքը միկիտանն էլ մեջտեղը կանգնած։ Արևելյան կողմը բացվում էր մի դուռը, որտեղից միմյանց միջով կարելի էր մտնել երկու ուրիշ սենյակների մեջ։ Սոքա էին եկվորների իջևանը, կամ հյուրատունը. գինեվաճառի քամակի պատի վերա էլ կար մի փոքրիկ դռնակ, որի նշանակությունն օտարականների համար մի հանելուկ էր դարձել. միկիտաններն իբրևք ասում էին, թե այդ յուրյանց ամենակարևոր մթերքների պահելու տեղն ու յուրյանց ննջարանն է։ Այս դռնակի ներսը խորհրդա-

վոր էր մանավանդ այն պատճառով, որ նրա քամակի կողմի պատի վերա կար մի ուրիշ դուռն՝ ահագին ժանգոտ կողպեքով փակված։ Այդ մուտքը տանում էր ուղիղ դեպի եղեգնուտաների խորքը։ Զարմանալին այս է, որ ուրիշ տեղից այդ դռանը մոտենալ անհնարին էր. եղեգնուտի շարունակությունը մինչև այդ հարկի պատն էր հասնում. իսկ այս դռանը մոտեցող նեղ անցքի մուտքը շատ հեռու էր։ Եթե հետաքրքիր մարդը կամենար տեսնել այդ ժանգոտ կողպեքը և եղեգնուտ ճղելով արևելյան կողմից, որպես և իցե, ներս սողար, կտեսներ, որ այդ նեղ անցքի վերա ձիանց ոտնատեղի են երևում, հետևակ մարդու հետք հագիվ է նշմարելի։

Ուրեմն հասարակ մահկանացուի համար թե՛ գինետան միջից և թե՛ դրսից այդ տան ներսն անմատչելի էր, սակայն եղել են փոքրաթիվ արժանավորներ, որոնք կարողացել են նկարագրել մեզ այդ խորհրդավոր ծածկի ներքին կողմը։ Ասում են, որ երկու մուֆ սենյակներ էին պարունակվում միմյանց մեջ. դրանցից մինը գոմ էր՝ խոր-խոր մտուրներով, իսկ մյուսը մի դատարկ սենյակ՝ շորս-հինգ հատ անթափանցիկ պատուհաններով։ Բայց թե ընչի՞ համար էին պետք գալիս և ի՞նչպես էր, որ միկիտանն երբեք դրսից դրված փականքին չէր մոտենում, իսկ դուռը միշտ բացվում-փակվում էր, այդ ոչ ոք չէր համարձակվում հարցնել. գինեվաճառը թիված դեմք կառներ, կամ բուրբուղին էր պատասխանիլ, կամ թե կասեր, որ ինքն էլ չգիտե, թե ո՞ր ժամանակիցն է այն ժանգոտ կողպեքը և ինչի՞ համար. ինքը մտած օրից այնպես է գտել։

Սև ջրի գլխի միկիտաններից մեկին միայն մենք ճանաչում ենք և որի հետ մենք բախտ պիտի ունենանք շուտ-շուտ հանդիպելու։ Դա միկիտան Սաքուն է, ընթերցող, որի հետ պատիվ կհամարենք քեզ ծանոթացնել։

Իրա համար մի քանիսն ասում են, թե քրդատանցի է, ոմանք էլ պնդում են, թե աշտարակցի է։ Այս վերջինները հիմնում են յուրյանց խոսքը նրա վերա, որ գինեվաճառ Սաքուն ուներ Աշտարակումը մի-երկու այգի։ Ո՞ր աշխարհբիցը կըլնի Սաքուն, թող լինի, մեղ համար ողջ մեկ է. մենք նրան ճանաչում ենք տասը-տասներկու տարեկան հասակից, երբ քարչ էր գալիս նա զորանոցների գինեվաճառների դռներին։ Ասում են, որ ոչ մի գինեվաճառ չի կարողացել երկու-երեք ամսից ավելի պահել Սաքոյին, մեր զալում՝ լակոտը մոր կոճակ կտրող է եղել, աչքի սուրմա թոցնող. ոչ միայն հաճախորդների գրպաններից անհաստատել են նրա օրովը զանազան մանր-մունր առարկաներ, գինեվաճառի ծոցից

ու խելքն ունեի՞ն, թե ոչ: Հավանական է, որ ոչ. ես կարծեմ Սաքոյի իրան հանձարն էր այդպես հանրահռչակ արել: Թրու է՝ բան չի, ամեն մարդի բուն չի. ո՞վ էր կարող Սաքոյի պես վստահ գործ բռնել. ո՞ւմ տոաջին մովրովի դուռն այնպես բաց կլինեիր, ինչպես մեր Սաքոյի Տեոե՛ք, թե մեր միկիտանն ինչպես է շարունակում իր տեսակցութունները մովրովի հետ:

Մու՛թը գետինն առավ, ոտքը խաղաղվեց, ամեն մարդ մտավ յուր սենյակը: Սաքոն հանձնեց գինետունը յուր սպասավորին և գնաց դեպի մովրովի ամարաթը: Նա ուղիղ ճանապարհովը չի գնում. նա անց կացավ պատի տակը և շուտ-շուտ խլշկոտալով իրան ձգեց մովրովի նախասենյակը: Նրա համար առաջուց իմաց տալ չկա. յասավուն իրավունք չունի արգելելու նրան: Սաքոյի ներս մտնելուց հետո նա պարտավոր է թողուլ նրան նախասենյակումը և դուրս գալ. դուռը հսկել, որ օտար մարդ չգա: Բավական է, որ մովրովը տանն է: Ներսից դուռը փակած էլ լինի, Սաքոն ուներ յուր բախեչու ձևը. իսկույն դուռը նրա առաջին կրացվի: Մովրովի քնած ժամանակն էլ Սաքոն կարող է ուղղակի մտնել ննջարանն և գարթեցնել. այդ կնշանակե, որ մի անհետաձգելի գործ կա:

— Տղա՛յք, ո՞վ կա այդտեղ,— ձայն է տալիս մովրովն յասավուլին և նորից խտրիվ պատվիրում, որ ոչ ոքի չընդունեն:

Մտնում է Սաքոն մովրովի մոտ, կանգնում դռան տակին և գլուխ տալիս՝ ձեռքերը կրծքին դրած: Նա գլուխը չի բարձրացնում, մինչև մովրովը չհարցնի.— հր՛, ի՞նչ կա:

— Քս սաղությունը:

— Ասա՛ տեսնեմ:

Ենթադրենք, ընթերցող, որ ես ու դու էլ կախարդական գլխարկ հագած՝ աներևութանալու գորություն ունինք և լուռ ու մունչ մի անկյունում կանգնած լսում ենք. ուրեմն ականջ դիր:

Սաքոն ուշացրեց մովրովի պատասխանը:

— Հը՛,— ձայնը բարձրացրեց մովրովը,— ի՞նչ ես պտոշներդ կես դադ կախ քցում, բերանիցդ հո քրե՛՛՛ չե՞ն ուզում, խոսի՛, էլի՛. ի՞նչ կա, ի՞նչ չկա:

— Ը... ր... ր... ոչինչ, էնպես մեծ գործ չկա՝ մտա քո սաղությունը հարցնեմ:

— Կա՛վ, ես գիտեմ, թե իմ սաղությունը քեզ համար ի՞նչ արժի, ասա՛ մտքինդ, արդարի՞ք² են եկե՛լ:

— Հրամեկի՛ք, աղա շա՛ն:

— Քանի՞ հոգի են, ի՞նչ են ուզում, չա՞ղ են, թե լղար:

— Երեք ախպեր են, խնդիրը մի հասարակ բան ա, համա մեջը նյութ կա. դրանք ուզում են բաժանվիլ, մեջենք համաձայնություն չկա. մենք ախպերը մենծահարկ ա ուզում, պատիկները չեն տալիս, հիմի եկել են, որ դու բաժանես:

— Ընչի՞ իրանց տանուտերը չի վերջացրել:

— Չէ՞ որ ես քեզ խնդրեցի, որ քո կողմից տանուտերներին պատի հրամայեմ, որ եղալի գործերը չհամարձակվին իրենք վերջացնել:

— Որքան միտքս է, այդ իրավունքն ես քեզ չեմ տվել:

— Է՛հ, աղա, դու էլ շատ բանի քամակիցն ես ընկնում. ամեն բան հո մատնահետաք տալով չպիտի՞ հրամայես. մեք էլ մարդ ենք, խոտ հո չե՞նք արածել, պտի հասկանանք ու էլ գլխացուլ չենք շտանք քեզ. ես եմ քո կողմից հրամայել:

— Հրամանաթուղթ հո չե՞ս դրկել:

— Գ՛ձվե՛լ եմ, ի՞նչա. մեկին իր էստեղ էլած վճարն եմ պրտավիրել, մեկին յասավուլի բերանով եմ ապստրել:

— Ամա՛ն, Սաքո՛, դու մեր գլխին մի փորձանք չլերես:

— Թող իմ ջանին գա, թե որ սրանից քեզ մի վնաս հասնելու ըլի. ո՞վ կա մեր մհալումը, որ բան հասկացող ըլի, յա ձեռիցը մի բան գա. անասունը քեզ օրինակ. քո խոսքը մհալի մեջ թուղավորի խոսքից վեր ա, դու ես մեր տերը, մեր դատավորը, մեր կյանքի ու մահի վճիռ տվողը. թուղթն էլ ա քո ձեռին՝ դալամն էլ՝, ինչ կամեցար՝ կամեցար. ստում ա՛՝ գոր ինչ գրեցի՞՛ գրեցի, ո՞վ ա քո առաջը բնուողը, ուզես քոթկի՛² մեջ կփտացնես, ուզես Սիբիր կղզիես:

— Ա՛յ տղա, շատ վստահ ես խոսում, Սաքո՛, Երևանումը սր իմացան, գիտե՛ս ինչ կանեն, մեղ հոգեց-հոգի կկորցնեն:

— Է՛հ, աղա՛, հենց իմանաս ինձ հայտնի չի, որ նրանք էլ չեն կարող քո մի մազին դիպել. ո՞վ իր աչքը քո կուլի, իր հացին քացով կտա. թե որ քեզանից ավելի խեղ տվող պանեն, թող քո սեղը դրկեն. ի՞նչ են ուզում անկուշաները, մրջմի քարվանի պես յասավուլը Երևանա ճամփիցը պակասում չի՝ բեռները լիքն առաջ արած. էս ի՞նչ ա՛՝ տկերով Աշտարակու գինի, արադ, Եղվարդա լսի պես ցորեն, Ապարանու արդար բշահրեբարի պես կովի եղ, Հայթաղու իստակ գղած ապրշմի պես բամբակ, Մուլլադուրսունա հատիկ-հատիկ հընտրած բրինձ, Ալիբեշլի մեղրի պես շիրբախտի ձեթ, Գարխնի կարմիր ինձուրի պես գլուխ սոխ: Ընչանք քալել ստխն էլ մեր մհալիցն ա Երևանու բուլոր շինովնիկների քունջ ու

¹ Վարձ: ² Կնդրատուր:

¹ Գրել: ² Փալտի կոնդ—տանջանաց գործիք:

պուճախը լցվում, էլ ի՞նչ աստծու կրակ են ուզում, շաքար-չափն էլ, որ մեր խալխը համն էլ չի տեսել, մեր մհալիցն ա գնում. էս մի բանն էլ (Սաքոն բուժ և ցուցամատը միմյանց բանով հասկացրեց, որ փողի համար է ասում), էս մի բանն էլ շաքթի էս գլխին դու գնում ես, շաքթի են գլխին հետո տանում էս. ես իմ աստվածը, ես որ նրանց տեղակ ըլիմ, քեզ ասիլ չեմ, թե աչքիդ վերեն ունք կա:

— Տո՛, ընչի՞ ուրեմն իմ նախորդին փոխեցին, — ժպտաց մովրովը:

— Մարդ ինչ կանի, աղա՛, իր գլխին կանի. մարդն ըտե՛նց ա, հենց որ ոտին տեղ արեց, գլուխն էլ կամաց-կամաց նեքսն խցկեց, իրան ջլիս՝ մոռանում ա. քեզանից առաջի մովրովը քանի նո՛ւ էր, դրկում էր ու իր տեղը հաստատ էր. քիչ-քիչ ոտն առաջ գրեց, հենց իմացավ. թե իրանից մենծը չկա. նրանց հակառակ էր գնում. մի-երկու անգամ գրեցին, ջիլավը՝ քաշեցին, համա չէ՛ տեսան որ կապը կտրել ա, մին էլ էն տեսանք, որ, ըճը՛, մի բարի լսի. հրամանքդ ըստեղ կաննած, նրա ոտը սլքացրիր. ես կասեմ, որ շատ լավ էլավ. իր հախն՝ էր. ասում ա՛ օձի գլուխը որ կցավի, է՛նքթա ճամփի մեջտեղը վնր կընկնի: Ա՛յ, ի՞նչ կասեմ քեզ. գիտես, որ մարդս մարդով ա, գիտես, որ Երևան նստող-ների աչքն էլ մհալի վրա յա դու էլ մհալի կառավարողն ես, միշտ ղըր-կում ես:

— Դու հենց գիտես, Սաքո՛, թե ինձ էժան նստեց էս տե՛ղը:

— Ո՞նց կըլի, աղա ջա՛ն, առ ու տուրն ախպեր են. ընչանք տաս ոչ, անիլ էլ չես. հենց էդ ա, որ ես մեր հին մովրովին ղնամիլ՛՜ եմ անում, էն տնաքանդը գողով փող էր տվել էս տեղին ու համ փողիցն ընկավ, համ տեղիցը:

— Ախար ի՞նչ քար քցեք խեղճն իր գլխին, էդ անաստվածներն ինչքան էլ դրկում ես, բավականանում չեն ու փիս ուզվորի նման ձեռքերը միշտ դեմ են անում: Դու հենց գիտես, Սաքո, որ իմ վերկալածի կեսն էլա ինձ մնում ա՞. դու ոչ մեռնիս, շարեքն էլ որ մնա, շատ շնորհակալ եմ: Անունը կա, որ ռոճիկ եմ ստանում, հավատացնում եմ, որ մի կուրեկ իմ քիսեն չի մտնում. գնում են Երևան, ստորագրում ստանալու համար և դուս գալիս. դեռ մի բան էլ իմ շեթիցն եմ դնում: Է՛հ, ո՞ր մի՛նն ասեմ, Սաքո՛, դժա՛ր ա, դժա՛ր, մեկ էլ մեղադրելու չի, որ կաշառք ենք վերցնում: Հա՛, լավ միտս եկավ, լսի՛ր՝ քեզ մի բան պատմեմ: Նրեք տարի առաջ՝ Արագի էն երեսին մովրով էի, մին էլ մի գիր եմ ստանում, որ ինձ հալհալաթ⁵ կանչում են Երևան: Շտապում եմ, մուժը գետինն առնելուս հասնում ու ուղղակի գնում նաչալնիկի մտա: — Բա-

րով ես եկել, — քաղցրությունով ձեռս բռնում է նաչալնիկը: Ես դարձա-նում եմ, առաջին անգամն էր, որ նրա երեսին ծիծաղ եմ տեսնում: — Գիտես ընչի՞ եմ կանչել քեզ, հրամայում է նա: Փառնավուտի մոտ դա-գախներին կացարան պտի շինվի, տերությունից հինգ հազար մանեթ ա նշանակած, փողերն եկել են, պտի ստանաս ու գնաս շինել տաս: Քու արեք, Սաքո՛, ուրախությունից չէի իմանում՝ ինչ անեմ: — Աչքի՛ս վրա, քո մեծությունն, առեցի, պատրաստ եմ քո հրամանը կատարել:

— Ուրեմն վե՛ր կալ թուղթն ու մի ստացական գրի, որ ինձանից հինգհազար մանեթ ստացար, և ա՛հա փողը, վի՛ր կալ գնա՛, երեք շորս ամսից հետո աներջ պատրաստ ըլիմ:

Ընչանք ես թուղթը ձեռքս կառնելի, նա իր շարժածին՝ բաց արեց ու մի ծալք փող հանեց, ձեռին բռնեց, սպասում է, որ գրեմ ու ինձ տա. էլ չեմ գիտում, թե ո՞նց եմ գրում. երկու րոպեում թուղթը պատ-րաստ էր:

— Ես գլուխս կտամ, թե նա բոլոր փողը քեզ տված ըլի, — մեջ ընկավ Սաքոն, — ես էլ որ ըլի, մենձ մասն ինձ կպահեի, քիչը կտալի:

— Հենց էնպես էլ աչեց. մին էլ ջանս դող էլավ, երբ որ էն ահագին ծալքի երեսիցը հաղար մանեթ համբարեց, ինձ տվեց, մնացած շորս հազարն արխեին՝ էլ ետ դրեց իր գուլթին՝ ու կողպեց: Ա՛յ, ասում է, էս հազարը տա՛ր, երբ որ կպրծնի. էլի արի ստացի՛ր, բուլոր փողը մի՛ տանիլ, ճանապարհին կկորցնես:

— Միամիտ կա՛ց, ասում եմ, քո մեծությունք, երեսա հո չե՛մ, որ կորցնեմ:

— Է՛հ, ի՞նչ դժվարությունով ես բանը հասկանում, — աչքով անև-լով ժպտաց երեսիս նաչալնիկը, — դե տա՛ր էդ հազար մանեթը, ոնց կուզես՝ տունը շինի՛ր վերջացրո՛ւ, մի տեսենք, թե ամեն մեկիս կղթան հասնո՞ւմ ա. գիտե՛ս քանի աչքեր կան էդ փողի վրա:

— Ուրեմն տեղն եկած միջոցին ինձ կպաշտպանե՞ս, ասում եմ, քո մեծությունը, թե որ հարց ու խնդիր ըլի, թե որ մհալը գտնեցատ տա, թե ես իրենց բեզլառն պվելացնում եմ, մշակ, փայտ և ուրիշ շի-նության համար նյութեր եմ պահանջում:

— Ո՞նց թե չեմ պաշտպանիլ, թե որ մենք մեկս մեկու չպաշտպա-նենք, երկու շաքթի մեջը մեր պողը գուրս կգա ու ամենքս միասին կկորչենք. մի՛ վախիլ, գնա քեֆդ քոք պահիր՝, դոանս առաջի մեյրա-նումն⁵ էլ չեմ թողալ կանգնին, դադախներով հետ կաժեմ. բաս որ մհալը

1 Բուրովին: 2 Սանձը: 3 Արժեր: 4 Մեղադրել: 5 Շտապ:

1 Արկը: 2 Ապահով: 3 Արժը: 4 Ուրախ կաց: 5 Շրապարակ:

չի՛նի իր դարավույնների՝ ու դադախներին կացարանները, ես ա դուն հո չե՛նք շինելու, ո՞վ ա նրանց հորը պարտական:

— Շատ շնորհակալ եմ, քո մեծությունը, աստված քե՛ղ երկար կյանք տա,— ասեցի ու հազարը համով-հարկերով ծալեցի, ջեբս² դրի ու գլուխ տվի, դուրս եկա:

— Դե ընչի՞ չէիր գլուխ տալ, աղա ջա՛ն, մենակ էն հազարովը հո չի՞ր բավականանալ, ախար տները շինելուս մշակների, մասալի³ մեջ էլ քեզ քիչ օգուտ չէր մնալ:

— Օ՛, Սաքո՛, քեզ ոչ ով չի կարող խաբել, ինչքան գետնի երեսին ես, երկու էնքան էլ գետնի տակին ես, իհարկե առանց էդ չէր ըլիլ. քիչ-քիչ էլ ընտելից եկավ. հիտուն մշակ մի գեղի վրա քցելու փոխանակ երկու հարյուր հրամայեցինք ու քսանհինգով անց կացրինք, մի քանի մանեթ էլ մեր ջեբը քցեցինք և այլն:

— Գիտեմ,— ասաց Սաքոն ժպտալով,— մի երկու-երեք էնքան էլ էդ տեղերիցը կգար:

— Հա, մի քիչ ավելի կամ պակաս:

— Էդ բաներն ինձ մի՛ սովորացնիլ, գլխիդ մատաղ. ես շատ լավ գիտեմ, թե ընչե՞ր կանց կենար: Հտոնք թողանք, մենք մեր էսօրվա բանը խոսենք:

— Ղո՛րթ. դու բանի ես եկել, Սաքո՛, շարունակի տեսնենք:

— Էլ ի՞նչ շարունակեմ, երեք ախպորն էլ ջոկ-ջոկ թափ եմ տվել, մենձ ախպերն իր մենձահարկը քեզ ա տալիս, թե որ պատիկներին մի լավ խրատես, մենձի պատիվը ճանաչացնես. պատիկներն էլ մենձահարկը քեզ տալուց հետո՝ մենձ ախպորը լեզուն կարճացնելու համար մի բան էլ վրադիր են տալիս:

— Նրանց հող ու գետինն ինձ պետք չի, դու փող ասա, փո՛ղ:

— Փող կըլնի. բա հող հո չի ըլնիլ. դու գութան շունես, որ եզներդ քցես մեջը վաքես: Ասում ա՝ էջը մատաղ չի ըլնիլ, իշագինը մատաղ կըլնի: Վեճը նաղդ կշինենք ու փող կառնենք:

— Խոսքը շատ սովորինն ա:

— Իհարկե՛:

— Հիմի ի՞նչ պտի անենք:

— Ոչինչ, գլխիդ մեղքիմ, հենց որ քո մոտ կգան, իրեքի վրա էլ կբարկանաս, որ ամեն դարտակ բանի համար քեզ գլխացավանք են տալիս, կհրամայես ծակը կոխել, երկու օր կձգնեն, հետո ես միջնորդ կընկնեմ, կբաշխես. մենձին կհրամայես պատկներին շղթնել⁴, պատկնե-

րին էլ կպատվիրես մենձի պատիվը պահել, ինձ էլ կկանչես, կհանձնես, որ ինչպես խելքս կտրում ա, դրանց բարիշացնեմ¹, իհարկե գրանից առաջ շառմբուրը իր ոտովն եկած կըլնի:

— Շատ դալումն² ա էս Սաքոն, որ սրա պեսները շինեին, ի՞նչ պտի ըլնեիր մեր հալը, մենք քաղցած կզկուտայինք, ո՞վ էր կարող ամեն մի գեղացու հետ երկար մասլահաթներ³ անելով մի քանի կոպեկ պոկել. ախար ոռճիկով մարդ կապրի՞. տարեկան շորս-հինգ հարյուր մանեթ ա, որ ըսկի Երևանու մենձամենձների դռներին կանգնած յասավույններին չի հերիք՝ թե որ էն էլ ստանանք,— մտածում էր ինքն իրան մովրովը՝ Սաքոյի հեռանալուց հետո. բայց թե ինքը Սաքոն ի՞նչպես վարվեց այս գործի վերաբերությամբ, հետևյալ գլուխը թող բացատրի:

Ե

ՄԱԿԸ

Մեզ հայտնի է, որ մովրովի բակի մեջ գոմին կպած էր բանտը: Երևում է՝ բանտի դռան փոքրությունիցն է, որ կոչվում էր ծակ: Ներս մտի՛ր այդ ծակիցը և լավ դիտի՛ր նրա ներսի կողմը:

Մի մութն և խոնավ նախասենյակի մեջ երեք մանր դռնակներ են բացվում. ո՛ր մեկի դուռն էլ բանաս՝ գարշահոտություն է դիպում քթիդ՝ սառն և բարակ քամու հետ միասին: Երեք սենյակների ներսն էլ միատեսակ է. իսկ կահ-կարասիքը՝ միմյանցից փոքր-ինչ զանազան. ամենքի մեջն էլ փռված է մի անկյունումը մի-մի բորբոսնած հին եզեգնյա փսիաթ. իսկ պատերի վերա մեկի մեջ հաստ բեռների վերա ամրացրած են շղթաներ և ծայրերին ձիանց ոտքը ձգելու համար փականք, որին բխով անունն են տալիս: Մյուսումը նույնպես շղթաով պնդացրած է մի հաստ կոճղ, որ երկու կտորից միմյանց հետ միանում և բաժանվում են մի գլխի գորությունով. այս էլ ժողովրդի բառովը Բոթուկ անունն է կրում: Երրորդ տեղումը մի պինդ ոլորած հաստ պարան է կապած: Մի-մի հնադարյան՝ պոունգները կտարատված ջրի փարշ էլ դրած են փսիաթի մոտ, հետն էլ մի սևացած կավյա քերեղան:

Անտեղյակ այցելուն կմուրլվի և չի կարող ճանաչել այս մութը տան և յուր միջի կահ-կարասիքի նշանակությունը, կամ թե հիշյալ շարժարանաց գործիքներից կգուշակի բանտ լինելը. իսկ բախտի հարվածից դիպ-

1 Պահպանների: 2 Գրպան: 3 Երևանյան պիտուր: 4 Զրկել:

1 Հաշտեցնել: 2 Ծարպիկ: 3 Խորհրդակցություն:

վածով աշատեղ ընկնողը սարսափմամբ կասի, թե սա է ս. Նշանավոր ծակը, որի անունն ամեն մի գեղացու սարսափեցնում է:

Եթե մեր ներս մտնելուց այս սենյակներից մեկի մեջ մտնող չգտանք, այդ չէ նշանակում, թե մյուսներն էլ նույնպես դատարկ են:

Հանցանքի համաձայն պատիժն է լինում. կտենես մեկ սենյակի մեջ մի անկյունում կուշ եկած մինք, որի ոտք ու ձեռքն ազատ են. մյուսի մեջ մի իշվառը՝ մի կուռք քիտվի մեջ կողպած՝ մյուսը թույլ կախ ընկած. երբորդում գետնի վերա բնկողմնած մի ավելի ողորմելին, ոտքի մեկը կոճղի մեջ ավքացրած, պարանով էլ ձեռքերը մեջքին կապած:

Ահա Ան ջրի գլխի բանտի կամ ծակի պարզ նկարագրությունը: Մենք վերը մոռացանք ասելու, որ քանի մի տարի հազիվ կար մովրովի կացարանը Ան ջրի գլուխը տեղափոխելը. առաջ այդտեղ կողակների կացարան էր. իսկ թե ի՞նչ բանի համար են գործ դրել առաջ այդ ծակերը, մեզ հայտնի չէ:

Մովրովի մոտից Սաքոյի հեռանալուց երկու օր հետո, երեկոյան, այս ծակերից մեկի մեջ մտավ մեր Սաքոն:

— Բարի իրիկուն ձեզ, ա՛յ տղեք, էս ի՞նչ խաթի՛ մեջ ընկաք դուք:

— Ա՛խ, Սաքո ջան, ո՞րտեղ ես, դու էլ մեզ մոռացար, քանի՞ հետ քամակիցդ յասավուլ ենք դրվել, անճախ-անճախ եկար:

— Ի՞նչ անես, ախպե՛ր, էս շան տղա մովրովի ահու մարդ կարում ա ոտք փոխի՞. թե որ իմանա, թողս քամուն կտա. սաստիկ հրամայել ա, որ դուսսաղների՞ մոտ օտար մարդ չմտնի: Էլի օղորմի յասավուլների հորք, սիրտս չի դիմանում. աղաչանք եմ արել, թե որ ինձ ուզող լի բռնվածներիցը՝ քշերը ոնց լի, ինձ նեքսն բերեն. ի՞նչ անես, ախպե՛ր. գլուխը քարը, թե օրական մի-երկու չիտր գինի ու արագ մուֆտա՞՜ յասավուլների փորը կմտնի, մարդի խղճմտանք հո հանգիստ կըլինի՞: Ախար չէ՞ ես էլ քաշել եմ, գիտեմ, թե ինչքա՛ն դժար ա էս ծակի մեջ մնալը: Ես էլ որ տեսություն չգնամ խեղճ դուսսաղներին, խեղճերի հալը չհարցնեմ, սաղ տարով բռնված կմնան, ու ոչով ասող էլ չի ըլնի, թե էսօր ես մեռել, թե էգուց: Հը, էս երկուդ եք ըստե՞ղ, էդ ո՞նց էլավ, որ երեքիդ էլ բռնեց. բաս ո՞ր ա ձեր մենձ ախպերը:

— Պտի որ նրան մենակ ա բռնել. ըսկի բան հասկացա՞նք, թե ի՞նչ էլավ, մին էլ տեսանք, որ մի-մի են շահսիլասի՛ երեսներխ հասավ ու յասավուլները պարանով ձեռներս մեջքներխ շարբանդեցի՞ն՝ ու առաջ

արած բերին կոփեցին մեզ երկուսիս էս ծակը, մեր մենձ ախպերն էլ դիմացի ծակը:

— Կանի՛, ախպե՛ր, կանի՛, շատ անասուլած անխղճմտանքն ա. համա էս էլ ձեզ ասեմ, որ կոճոնահաչ՛ ա տալիս:

— Ի սե՛ր աստծու, մեզ էս ծակիցը հանի՛, ինչ կուզի, իրանով Սն ծովն ըլի: Քեզ մատաղ, Սաքո ջան, յարար մեր ձիանն ի՞նչ էլան, լավ ես մտիկ տալի՞ս, թե չէ:

— Ամոթ չի՞, ըտենց բան կասե՞ն. գիտեք, որ սաքոս լսի պես կպահեմ ձեր ապրանքը: Հենց որ յասավուլը խարար բերեց, որ ձեզ բռնեցին, էն սհաթը ձեր ձիանը քաշիլ տվի, իմ ձիու կշտին կապեցի ու օրական խոտ ու դարմանը պակաս չի: Էդ ոչինչ, տղեք ջա՛ն, ըտուր բանը խեր ա, մի էս ասացե՛ք, չէ՞ որ դուք ասում էիք, թե ինչ որ ձեր մենձ ախպորը մենձահարկ կհասնի, իրան՝ մովրովին կտաք, թաք ըլի ձեր կողմը պահի. բաս էդ իրան շասեցի՞ք:

— Տո՛, էդ տնաքանդն ըսկի խոսացրե՞ց, որ մենք էլ բերաններս քաց անենք, մի երկու-երեք խոսք կլալտացրեց ու բռնտեց:

— Շա՛տ հարամկերն ա՛ շա՛տ, դեռ ըսենց մովրով չի եկել:

— Սաքո ջա՛ն, մեր ձեռն ա քո փեշը՞, մեզ մի ճար արա՛:

— Ախպե՛ր, ես ու իմ ասուլածը, սիրտս կտոր-կտոր էլավ, երբ ձեր բռնվիլը լսեցի. ուզեցա առանց ձեր կանչիլու գնամ, ոտերն ընկնիմ, աղաչանք անեմ, համա չեք իմանում ի՞նչ մարդ ա, խոսք հասկացնիլ չի ըլում. քո ի՞նչ բանն ա. ասում ա, խանվում ես, դատավորն ես ե՞մ, թե դու: Մի ասող ըլի, թե՛ ա՛յ տնաքանդ, ո՞նց թե իմ ինչ բանն ա. մի արի՛ կես սհաթ էս աղվեսի բնումը նստի, հետո իմացի խալխի հալն է՛: Ի՞նչ էլավ, որ քոմակչին՝ մի բարի քրիստոնյա մարդ ա. նրան երեսիս փարդա՛ եմ շինում, նրա ձեռովը բան եմ հասկացնում:

— Դո՛ւ գիտես, Սաքո ջա՛ն, օխտը պապդ դրախտումը կծվվան, թե որ մեզ էս ծակիցն ազատես:

— Իլլա՞՞ չկա, ընչանք բերանը մի կտոր եմ՞ քցենք, մունքյուն՞ չի ըլի:

— Ախպե՛ր, դու մեր վեքիլը՞, գնա՛, ինչ որ սիրտդ ուղում ա՛ տա՛ւր, թեկուզ մենձահարկը չի՞, մի բան էլ մեզ հասանելիքիցը տո՛ւր:

— Արանը փողն ա, փողը, ընչանք նաղը՞ համբարես ոչ, կձեռնի ու չի անիլ:

1 Կաշառահաչ տալ, այսինքն՝ կաշառքի համար զանազան պատրվակներ ի գործ դնելը
2 Քեզ ենք ապավինելու
3 Ոգնակառի
4 Վարդապետ
5 ճար
6 Ուտեղիք
7 ճար
8 Հասավտարմատարը
9 Կանխիկ

1 Փորձանք: 2 Բանտարկյալներ: 3 Ձրի 4 Խոտ ապտակ: 5 Կատրտեք

— Տալն էր ա, որ մեր մտտին փող չկա, երկու շահի ջիբի խարջուղով՝
հո յուր շի՞ գնալ. բաց թողալ տո՛ւր, գնանք գեղիցը դրկենք:

— Բա՛, բա՛, բա՛, մտքովդ շանցկացնես:

— Դո՛ւ քեզանից տուր, Սաքո ջան, հո գիտես, որ մեր աչքը մեր
դռանն ա՞, գնանք թե չէ, կբերենք:

— Ես ձեզ ալատում չե՞մ, համա որ շունի՞մ, հո գիտեք, որ ջաճս
չեմ խնայիլ:

— Սաքո ջա՛ն, վերև աստված՝ ներքև դու, թե որ դու մեզ օգնություն
չհասնիս, էլ ո՞վ ունի՞ք էս անվերի վերի՞ խոզանոցումը:

— Սըբբ Գևորգի գլխաքարը վկա, որ չկա. խի՞, որ ըլի աչքս եմ
կոխո՞ւմ, շահով՞ մի բան չի՞, պարտք եք ուզում, օղորմություն հո չի:

— Բաս ո՞նց անենք:

— Ես էլ եմ մնացել մոլորված:

Մեր Սաքոն ձեռքը ճակատին դրեց ու սկսեց երկար մտածել:

— Մի բան միաս ընկավ, տղե՛ք ջան,— վերջապես ասաց Սաքոն,—
կացե՛ք՝ առաջ գնամ մի ձեռուն անեմ⁵, բերանը շափեմ, տեսնեմ ինչ-
բա՞ն ա ուզում. հենց անենք, որ ձեր գործն էլ մի անգամ վերջանա
պրծնի: Հետո կգամ դիլբանդի մոտ, պտի որ նա փող ունենա, նրանից
կուզեմ, ձեր անումովը սանադ կշինենք, ինքս էլ վերջիլ կըլնիմ ձեր տե-
ղակ, վերջացնենք, տանենք, աչքը կոխենք:

— Հա՛, Սաքո ջա՛ն, քեզ մատա՛ղ, դու գիտես:

— Համա էլի լավ կըլնի ձեր մտքինն իմանալ. ինչբա՞ն կարող եք
տալ:

— Դո՛ւ գիտես, Սաքո ջա՛ն, ալլահվերի⁶, ոնց որ քո սիրտը կուզի:

— Ձէ, դե ես ո՞նց անեմ, ձեր քիսի՞ զորությունը ձեզ ա հայտնի:

— Ի՞նչ ես կարծում, ինչբա՞ն ա հերիք, Սաքո ջա՛ն:

— Վալլահ⁸ չգիտեմ, էնպես անկշտումն ա, որ քշով ե՞րբ ա դաբուլ
կենում. հերիք չի, որ ինքը խուլում պրծնում ա, հրամայում ա քոմակ-
շուն, գիլբանդին, գրագրներին ու յասավուներին էլ ջոկ-ջոկ բաժին տալ:

— Դե՛ ասա՛ ութ-ինը թումանը անձախ տեսնի, էլի՞:

— Է՛հ, ի՞նչ եք ասում, բերանս էլ չեմ կարող բաց անել, էղբանով
բակի բոմակչու համար էլ չի բավական կենալ:

— Վա՛յ, մեր տունը քանդելու, մեր երեխեքանց բերնի թիթեն կըս-
րելու միտք հո չունի՞:

— Էղ ա, է՞, դրա տունը քանդվի՞. քանդեց էս մհալն ու թողեց.

սանդն էլ ա իր ձեռին. սյուպոքն էլ. ո՞ւմնից ա վախենում: Ասում են՝
սրա կնիկը նաշալնիկի հետու մոտիկ ազգականն ա՝ թե ճանանչն ա,
ամիսներով Երևան ա ըլնում. մենծի հետ՝ ոնց որ ես ու դու, խոսքները
մին ա:

— Վա՛յ, վայ, վա՛յ. դե ասա ոահաթը՛ քանդվելու ա, էլի՞:

— Տո բաս նոր եք իմանո՞ւմ. համա, էհ, ի՞նչ ենք ջուլը լցրել
սանդն ու ծեծում, ասում ա՝ օձի սեխն էլ նալալի՞, սիպտակին էլ. էս
շունն էլ էն շանիցն, երկուսն էլ մի տանիցը:

— Բաս ո՞նց անենք, Սաքո ջա՛ն:

— Դե մի ձեր կտրական խոսքը չիմացա, որ էնու գյորա՞ն էս էլ իմ
բանը բռնեմ:

— Ախպե՛ր, գնա՛, ընչանք տասնուհինգ թուման խարջի, ում բե-
րանը կուզես՝ ցխի՛ր, որտեղից կարող ես՝ ճարի՛ր. ինչբան շահ կուզես՝
տո՛ւր, մեր աչքի լիսը կըլնիս:

— Դե՛ լավ, թե որ ինչպես ըլի բանը յուր տանենք, ձեր միտքն
ի՞նչ ա, ասում եք, որ ձեր ախպորը չեք ուզում մենծահարկ տալ, էլի՞:

— Ձա՛նըմ, ախպիրն էլ մոտացանք, մեր գլուխն էլ. թե մենք իմա-
նայինք, որ դատավորն ըսենց պտի ըլներ, մենք մեր օխտը պորտը կա-
նիծենք, մեր ձեռը մեր տանիցը դուս չէինք քցիլ. յա թե չէ, ով ա՞
իմացել, որ բաժանքի մեջ մոլորով խառնվի: Ընչանք օրս լսել ու տեսել
ենք, որ մեր գեղումը մեր դռանը տանուտերն ու իշխանները մի քանի
շահի, յա մի գլուխ շաքար կերել, բանը պրծացրել են:

— Էլ ընչի՞ էկաք ըստեղ:

— Լա՛վ չէինք ուզում գալ էս ծակի դուռը, համա տանուտերն յա-
խեն՝ ճղելով դեսը դրկեց: Էս մոլորովը հրամայել ա. ասում ա, որ ըստուց
ետը ամեն բան ինքը պտի վճռի. ես ձեր գործը չեմ կարող կտրիլ: Հոգի
ունեմ տալացուկ, խեղճ մեր մենծ ախպերը հենց որ իմացավ, ա՛յ սեե-
րեսներ, ասեց, եկեք կորչինք մեր երեսի ջրովը, ոնց որ ըլի, տնավարի
մեր օջախումը վերջացնենք ու դատավորի դուռը չերթանք: Մենք էլ
ուզում էինք լսել, համա տանուտերը շթողեց. բանն ինձ չպիտի հաս-
ցընեիք, ասեց, էլ հիմի չեմ կարող ձեզ թողալ, պտի գնաք մոլորովի
դուռը, նա ինքը հրամայել ա, որ ամեն գանգատավորի իր դուռը դրկեմ.
հալրաթ ընտուր համար, որ կաշառք ուտի, ընենց չի՞. Սաքո ջան:

— Աշկյարա ա՞, էլի՞:

— Աստված ալիլի բեթարիցը՞ թափի՞:

— Բաս ասում եք ձեր մտքինն էն ա, որ ձեր ախպորը մենծահարկ

1 Ձեռաց մսխելիք: 2 Կարոտություն շունիք: 3 Վայրի: 4 Տոկսով: 5 Արձարձեմ:
6 Բարեխոջարար: 7 Քսակ: 8 Աստված վկա:

1 Հպատակ մողովորդ: 2 Անեծք: 3 Ըստ այնմ: 4 Սմիթ: 5 Հայտնի է: 6 Վասթարիցը:

շտաք, էջի՞. գուք ասում եք, որ ասանց էն էլ ձեզ պրծեց ա, ձեր հոր
գատած փողը տակովն ա արեց ու ոչինչ չի շանց տվեց, էջի՞, ես ու իմ
աստվածը, տեղն ա, որ ձեր մենծ ախարող մի շտի ազնվի շտաք, որ
աչքը կոխի. շատ լավ եք միտք արել, ինչ որ նրան մենծահարկ կհասնի,
շնորհ-զիջկոց արեք, թող զուրդ ու զուշն՝ ուտեն, թող մովրովի փողը
մտնի, թաք էզ փավոր մարդի հասիցը դաք:

— Ա՛խ, Սաքո ջան, գնա բռնիմա էլ ում կուզես տո՛ւր, փաք մեզ
էստեղից հանի՛ր. թե մի-երկու զշեր էլ մեանք, էս նամ՞ գետնին կբա-
մոտվինք:

— Գուք միամտու կացեք, մի սհաթ չի քաշեց, ձեզ քատեղանց կհա-
նեմ, թող ձեր մենծ ախարերն ամիսներով փտի: Անկուշտ, անաստված,
չի էլ ամանեղած. ասա ի՞նչ պտի տանիս էս աշխարհիցը, որ էս խեղճ
մարդկանց պրծեմ ես. պանց էլ էն հոր որդիք չե՞ն, քեզ հապալ ա,
սրանց հարա՞մ:

— Չէ՛, չէ՛, Սաքո ջան, ձեներ փողմանեց ենք, նա էլ ձեր մենծ ախ-
արերն ա, մեզ հերոսթոն ա արեց, հենց արա, որ մեր ջիւղիցը ոչինչ
չգնա, ձեր փարցածը նրա քիսիցը դուր գա ու խրան էլ քայք թողալ տո՛ւր:

— Ա՛յ հապալ մարդիկ, ա՜մո՞թ ձեր ախարը, որ ձեզ հետ քտեկց ա
վարժեց. ես որ զբնեի ձեր տեղտի, վեջի կտոր հաքո կտաչի, փաք էզ
փավոր անխղճատանք ախարերն էլ պրծնեմ ջրներ: Է՛հ, ոչինչ, զունքի
ձեր սիրտը ձեր ախարը համար քափում ա, նրա համար էլ պտի խրեղ-
րած՝ որ պրծացնեն:

— Հա՛, քեզ մատաղ, հա՛:

— Բաս գուք միամտու կացե՛ք, որտեղ որ ա, ես ես եմ քատնում,
բայթի՞ ձի քանի շահի հարեմ, ում տեխը՞ քրեղա ա՞ քրեմ, — ասաց Սա-
քոն և գուրս գնաց:

— Հիմի էլ մտենեք էս ծակը, տեւենեք սրանից ի՛նչ ենք պրծում, —
որեց Սաքոն ու քանտի գուտն քրկու հարք քրեխն ծածկեց: Իրմացի
ծակի գուրդ քայք արեց նա և տուն վտալ:

Մի աղոտ ձիթի ճրագ ծխում էր պատուկը ցցած տախտակի վե-
րա: — Հստեղ մարդ չկա՞, աչքս էլ լավ չի տեսնում, քաս ո՞ր ծակունն
ա խեղճ մարդը, — խարխափելով սուտը եկավ Սաքոն:

— Համեցե՛ք, Սաքո ջան, — մի նվազ ձայն պատտախանեց նրան
անկյունից:

— Խեղճ բեշարա՞, մկար՞ քեզ ըստե՞զ հասցրին քո փուլ կենդանի
ախարեղիցը, — կարեկցաբար ասաց Սաքոն, — գե հիմիկ արի լավու:

Յ՛բն արա՛, եթիմ՝ պահի՛ մեծացրու. հա՛, ախար, աշխարհընմա
հետիպար՞ ասած բանը չի մնացել. փշանան լավ չի՞ էդպես ախարները:
Թե աստված արդարագատ ա, ո՞նց չպտի քո հազը նրանց աչքերը բռնի.
ա՛յ ծամանակ. մարդ էլ իրան հերոսթոն անող ախարն էս օրին
կհասցնի՞:

Մի քանի ալապիսի խոսքերով նախապարտապես Սաքոն մեր բան-
տարիլալ մեծ եղբորը:

— Ինչ էլավ՝ էլա՛վ, պտիք քարը, թող իմ արածն աստված իմա-
նա, ասում ա՛ լավություն արա՞՞ քցիր ջուրը, ձուկը որ չիմանա՞՞ աստված
հո կիմանա՞. համա, Սաքո ջան, մի ճար տե՛ս, մենք կմեռնինք էստեղ,
մեր երեխեքը կմնան անտեր:

— Ես ի՞նչ կտրամ անել, ախար՛ք, հե՞ գիտե՛ս, որ ջանս չեմ խնա-
լիլ ձեր համար. թե առաջվա մովրովի վախտը կըլնե՛ր՝ չէի էլ թողալ, որ
իր երեսն էլա տեսնեիք, համա մի հենց օճը կծածին ենք ուստ եկել՞,
որ հետը խոսվում չի: Ես չե՞՞ որ իր դժոխքի քածին հերը պատանն ուսին
քաշ տալով դա, ընչանք պլոկի ոչ, բան չի շինիլ:

— Ի՞նչ ունենք, ախար՛ք, որ ի՞նչ տանք, գնա ասա, թող մեր փշա-
նալու պողնեքիցն ինչ որ ինձ մենծահարկ ա հասնելու՞ առնի, իրանով
Ան ծովը, թաք մեզ քստեղից ազաախ:

— Է՛հ, խոսքդ ափսոս չի՞ խարջում ես. նիսինն մեր մովրովի հա-
մար հա էլած՞ հա չելած. էսօր տո՛ւր, էսօր, էսօրվա շահին էզոցվա
մանեթից նրա համար հազար փառքով լավ ա:

Սկսավ նույնպես Սաքոն բացատրել ներկա գավառապետի անաստ-
վածությունը, կաշառակերությունը, գավառը տակն ու վերա անելը և
այլն: Ի վերջո, սրա տալիք փողի քանակությունն էլ ուզածի չափ նշա-
նակեց. խոստացավ պարտք առնել ծառայողների մեկիցն և դուրս եկավ:

— Է՛լի ապրեցիր, միկիտան Սաքո՞, քո բանն աջ ա, ով կուզի՞ թող
հաշա, — ուրախ բացականչություններով գնում էր Սաքոն դեպի յուր
գինետունը:

— Եկե՛ք, այ Նիկոլա մանեթիներ, ես ձեր ջանին մեռնիմ, եկե՛ք.
Կես սհաթ չի քաշիլ՝ ձեզանից մի քանիսը կմտնեք մեր հաստաքեքի՞ն՞
մովրովի ու կովի պես քոմակչու ջեքը, որ նուտեր հանեք, էլի մեր շաք-
մաշե՞ն՞ լցվե՛ք. մեկեկներդ էլ ես կգաք ըստեղ տաք-տաք կպտեկեք,
կքրանեք. Սաքոն ձեզ հեշտությունով բաց չի թողալ, ես ձեր կարողին
մատա՛ր:

1 Գալիեր ու Քրեյտենից: 2 Խեղճ: 3 Գուրս: 4 Գերան: 5 Քչվա: 6 Միթն:

1 Որը: 2 Երախարք: 3 Հանգիպել: 4 Հաստուկեղ: 5 Իրամարկը:

Խոսեց Սաքոն փողերի հետ ու բազմականին սպիտակ արծաթյա ամբողջ մանեթներ առավ ու գնաց գրագրներին մեկի մոտ:

Կես ժամից Սաքոն բանտից դուրս եկավ, երկու թուղթ ձեռին բռնած՝ գնում էր դեպի յուր խանութը:

— Կրեթե՛ն ու ջաններն է՛լ դուս կգա, շլինքներն էլ օխտը գուց կերկարի, — ասաց նա, — հիմի անխելք ախպերտանց հոգիքն էս թղթի միջին իմ ջերուճա ա. խեղճերը հենց գիտեն, թե էս ա, էս բոլոր փողերն էլ գնացին մովրովի ջերը, — ո՞նց չէ, գոգո դեմ արա՛:

2

ՄԻ ԿՏՈՐ ՀԱՅ

Արեգակը ճաշվա տեղը նոր հասած կլիներ, որ յասավուլ Մարգարն իջավ Այլը գյուլի ամարաթի բակումը, ձին կապեց ու մտավ յասավուլխանեն՝

— Հը՛, Մարգար, ո՞րտեղից ես գալիս, ո՞ւր էր զրկել քեզ աղեն, — հարցրին մի-երկու յասավուլներ:

— Մհալն էի գնացել, թուղթ էի տարել: Աղեն արդաշիքանցն² ընդունել պրծել ա՛:

— Նո՞ր, ճաշ էլ կերել ու քնել ա:

— Դո՞ւր:

— Մենք էլ նոր ամանները լպտեցինք:

— Գնամ տեսնիմ՝ Սաքոյի մոտ պողոտաներիս կացնելու բան կգրտենե՞մ:

— Ըո՛, դու գեղերիցն ես գալիս ու քաղցած ե՞ս, ես ավատամ, որ դու հիմի շորս-հինգ գեղում շողամիշ շես էլե՞լ³ ու խուրջինդ էլ պոտեհար լցված չի՛:

— Աստված վկա, դեռ անաժուճ եմ. թե կուզե՞ք՝ վե՛ր կացեք, խուրջինս տեսե՛ք. քսկի կարացի՞, որ մի տեղ մի չուր խմելու համար էլա բանդ ըլիմ. ձենց պատվերներ տվեց, որ ջանս դող ընկավ: — Մախկ տուր, ասում ա, թե որ արևը ճաշ չի հասած՝ ըստեղ ըլլնիս, կաշիդ կքերթեմ, դու էսօր ինձ շատ պետք ես: Ձեզ մատա՛ղ, թե որ հարցնի, ասացե՛ք՝ դու նոր դուլսդ վեր դրած կլինեիր, որ սա տուն մտավ: Սպանեցի՛ խեղճ ձիուս, սպանեցի՛. թե ինձ շեք ավատում՝ գնացե՛ք, խեղճ

Դիլիբոզիս տեսե՛ք, քափ ու քրտինքի միջին կորել ա: Բա ըսկի բան չկա ուտելո՞ւ, որ մին էլ Սաքոյի կուշտը չերթամ:

— Փշրունք չի մնացել, վե՛ր կաց, շուտ գնա Սաքոյի մոտ, թե չէ նրա էլ կիրակրները կարծնի, հետո գնա ծոխանքը կի՛:

— Կավ, շո՛ւտ, ա՛յ տղա, բարով եկար, — ասաց Սաքոն Մարգարին գինետուն մտնելու, — հը՛, տղա ե՞ս, թե աղջիկ:

— Սաքի ես իմ օրումն ե՞րբ եմ աղջիկ էլել: Ամա՛ն, Սաքո ջա՛ն, կամաց խոսանք, էս կողքերի օթախներումն ոչով ըլլնի ու լսի:

— Է՛հ, հեր օրհնա՛ծ, ի՞նչ ես դարդ անում, էդ քնջնի վեր թափած անլեզու հայվան դաղախներից հո երկյուղ չկա. էս օթախումն էլ մի քանի ախմախ գեղացիք են, որ ինձ տո՛ւր՝ քեզ տամ՝: Դե հլա նստի՛, նստի՛, տեսենք՝ ի՞նչ արիւր, բերաններս պտի եղստե՞նք, թե չէ:

— Սաքո ջա՛ն, գնա՛, որ գնա՛, բանի կեսը գլուխ ա եկել:

— Պսակը խափանեցի՞ր:

— Տղի պես:

— Ապրի՛ս, բաս որ քեզ ասում էի, թե գլուխ կգա՞. հիմի իմ բալլի մոտի տեղանի բաղն ի՞մն ա, հո:

— Դրան էլ կասկած կա՞. էնքան ըլի՛ աղջիկն իմ ճանգը քցես, ընչի՞ շեմ տալ. շալաբու հաղոհն ա, դու էլ կե՛ր, էս էլ. քիսիցս ի՞նչ ա գնում, վրեն քրտնել ե՞մ, թե պապիս մեջքն ընտեղ ա երկուտակվել ընդի տալով:

— Ես քեզ որ ասում էի, թե մովրովի ու գործակալի մի մասը թղթերը ժամիցն էլ ետ կգարձենե՞ն:

— Էդ ամենը լավ, Սաքո ջա՛ն, ասենք դու մովրովին էլ խաբեցիր ու գործակալին էլ, պսակը խափանելու հրամաններն առար. էսօրեն էգուց՝ որ բանը բացվի, չէ՞ որ մենք սիրբրակուն կըլնենք:

— Գնա՛, վախլո՛ւկ մուկը, ի՞նչ պտի ըլնի, քո հրամանաթղթերը շինովի հո չէի՞ն. դու մի յասավուլ մարդ ես. քո գործը քո աղի հրամանները կատարելն ա, քեզ ի՞նչ:

— Կավ, էգուց որ քննություն ըլնի, որ մեջը շհաս-մհաս չի էլել, էս հո մենք հողի հետ կհավասարվենք:

— Տո՛, ձենդ կտրի՛, երեսա՛, էդպես բաներն են Սաքոյի ձեռովն անցկացնել. քիցը մի քսան-երեսուն անմեղ մարդիկ Մահմատ-Հասանի, Փոլատի, Ահմատի ու ուրիշ գողերի գլխավորների տեղակ տարադաշո՞ծ ձերն եմ հանել տվել, յա Սիրբիրումն էսօր էլ փտում են. էդ դարդակ բանիցը պտի վախենայի՞: Դու գնա՛, անկաջդ սինջ քեզ համար տեղդ նստի՛, ես քեզ կասեմ, թե որ օրն ի՞նչ պտի անել: էս իմ բամակի դոնա-

1 Ցասավուլների կացարանը: 2 Խեղրատուններին: 3 Կախի: 4 Անսթի:

1 Ոչինչ չեն հասկանում: 2 Կախազան:

կիցը մի նեքսև մտի՛, մի քանի յափուներում կոլովածներ կան՝ մի նրանց տե՛ս, նրանք սաղ ըլին, աչքդ դեռ թերթած չըլինի՝ աղջկանը թարբիդ դրած տեսնիս. դե՛, դու կուզես՝ վեր կաց քաշվի՛ր. սրանց հետ խոսուլ եմ ուզում, հազիր լավ վախտն ա, սշով չկա, արգաշիքն էլ գնացել են. էս դազախներին էլ ցանեմ, ուղ անեմ, էդ ա քոռացել են՝ էնքան լակել են. ամեն միւր երեք թաս խմել ա նիսիա՛. ասենք՝ դրանց վրա աննելիք ունենամ, կորած տեղ չի. խեղճերն ինչ ստանում են՝ իմ գախը² են կոխում, հերթի չի, գեղերից ճանգները քցածներն էլ ինձ են բերում: Տեսնում ես էն պողպարը, որ կախած ա. երկու սհաթ չկա՝ էն ծուռը քնթանին, քո կողմը նստածը, թուրքի սուրուկ³ միջիցը թոցրել էր, կոխել դամշլղի⁴ մեջը. կես շարեք տաքտեղի ջուր⁵ տվի. ձեռիցն առա, միս արի ու մի շարեք միս էլ իր վրա նիսիա գրեցի:

— Ասենք՝ քո ձեռիցն ամեն բան գալիս ա. Սաքո ջան, համա, ախպե՛ր, դու մի օր քեզ էլ, մեզ էլ փորձանքի մեջ կբցես: Տո՛, ո՛նց չես վախենում էդ մարդակիր ավազակներին օրով-ցերեկով դուքանումդ պահում ես. Մահմատ-Հասանի գլխի համար հազար մանեթներ ա խոստացած՝ դու ըսկի բանի տեղ չես քցում. մովրովը որ իմանա՝ քեզ ի՞նչ կանի:

— Տո, ձենք կարի՛, ա՛յ ախմախ, բա մովրովը չի կանչել սրանց, Աս եմ բերել տվել. էզուց առավոտ կլես, որ թալինի ճամփին իրեք օսմանցվի բեզիրգյան⁶ են թալանել. դու ինձ ո՛նց գիտես, դեռ մարդիկը Ղարսիցը դուրս չէին եկել, որ ես հոտն առա, բուսունը պահել տվի՛. մովրովին ասեցի, սրանց կանչեց ու զրկում ա. ըստեղ նստել են, որ մութը գետինն առնի թե չէ, ճամփա ընկնին:

— Ա՛յ տղա, Սաքո՛, զորթ՝ ես զարմանում եմ, դու ո՛րտեղից ես անց կենում էդ տան քամակը, որ սրանց համար դուռը բաց անես. Ղորս կողմից դամիշն ամառ-ձմեռ կաննած ա. մի օր ես երկու սհաթ շարշարվելով, երեսս արինվլիկ անելով՝ անճախ մտա. լսել էի, որ էն կողմիցը մի դուռը կա՝ ժանգոտ կողպեքը վրեն, ու չէի տեսել:

— Ո՞վ ա անց կենում, խաչակնքում եմ թե չէ՝ կողպեքն իրան-իրան բացվում ա:

— Թե աստված կսիրես՝ հանաք մի՛ անիլ, ասա, հո գիտես՝ ի՞նչ բերանիցը խոսք չի դուրս գալ:

— Էն կողպեքն անբալնիք ա բացվում, պտի հանգն⁸ իմանալ:

1 Ապառիկ: 2 Գրամարկ: 3 Հոտ: 4 Եղեգնուտ: 5 Արազ: 6 Վանառական: 7 Բուսուն պահել, կնշանակի դարան մտնել: 8 Հնարք:

— Բաս էդ ավազակները ո՛րտեղից գիտեն:

— Միւր մեկելին շանց ա տվել ու էն գլխիցն ըսենց եկել, ըսենց գնում ա:

— Բաս մովրովն էլ գիտի էդ բանը՞:

— Առանց էն կըլնե՞ր:

— Հիմի՛ էս սհաթս ո՞վ կան ըստեղ:

— Ինքը Մահմատ-Հասանը մի քանի արենկերների հետ:

— Ղոշա՛ղ ես, Ղոշա՛ղ, Սաքո՛, համա, ա՛յ տղա, մենք էլ մատներս լպստեղու ե՞նք, թե չէ:

— Բաս առանց էն հո չի ըլնիլ, իշի մշակ հո չե՞նք, որ տարին տասներկու ամիս խողերի հետ էստեղ դամշի քոթ՝ ենք կոծում. դու գալոց մի՛ անիլ, ամեն մարդ իրանու գյուրա² կըստանա:

— Դու միշտ ըտենց ես ասում, Սաքո ջա՛ն, համա պիտե՞ս որ անցյալ շաբթի յասաղի³ ապրանքիցը մեզ՝ յասավուշներիս շատ քիչ բաժին հասավ. մենք շարշարվում ենք, դու ես մեղսեղը լեղ տալիս:

— Թշնամու խոսք ա, Մարգար ջա՛ն, ես է՛լ հիմի էնքան օգուտ չունիմ. առաջվան մովրովի վախտի էլած խերի կեսը հիմի չի մնացել. էդ ընդուց էր, որ նա խամ⁴ մարդ էր՝ Ռուսեթիցը նոր եկած. ոնց ուզում էինք՝ մեր միջին շինում էինք: Համա սա քսան տարի յա՛ մհալները վեր ա կոխել ուտում, սրանից ի՞նչ խեր պտի տեսնինք: Մենք լսել ենք, որ մովրովի թալանածը գողի հետ հավասար կես պտի անի ու կխալցն իր ձեռ ու ոտին էլ բաժին պտի տա. սա խեղճ գողերիցը հալալ կեսը վերցնում ա, նրանց կիսիցն էլ հրամայում ա, որ ուրիշների բաժինն էլ հանեն: Մի նեքսև մտի, խեղճ Մահմատ-Հասանին հարցրո՛ւ, արին արտասունք ա թափում մեր էս մովրովի ձեռիցը. համա ի՞նչ անի, ձեռին հար ունի՞, պտի տա:

— Էդ հո ասենք ըտենց ա, համա խոստովանվի՛, Սաքո ջա՛ն, որ դու մովրովից էլ շատ բաժին ես վերցնում. առաջ-առաջ քեզ մոտ են գալիս, էլած-չելածը հետդ կիսում, նոր տանում ես մովրովի մոտ: Էլ ի՞նչ ես կարմրում, ումնից թաքուն ա՛ ինձանից հո ծածուկ չի՞:

— Ես զարմանում եմ քեզ վրա, Մարգար ջա՛ն, բա ամենից ավելի ո՞ւմ շարշարանքն ա շատ. թե որ սրանց հիմի ըստեղ բռնեն, ո՞վ պտի պատասխան տա. մովրովն էլ, քոմակչին էլ ու ամենքդ էլ փեշերդ թափ կտաք, ձեռներդ սինը կքսեք, դրադումը կկաննեք, ես պտի կրակի միջին մնամ: Էդ էլ ես թողանք. շաբթներով սրանք իմ մոտ հինգ-տասը

1 Արմատ: 2 Ըստ յուր շափու: 3 Մարսանեղությամբ բերած ապրանք: 4 Անփորձ:

ձիւղորով աւարում են, ինձ ո՞վ ա մի սև փող տալիս. բաս իմ փողը ցանովի ա՞:

— Ո՞ւմ կշտին ես արճինգ անում, Սաքո ջա՛ն, տո լոթի՛, լո՛, լո՛, բրդի տղին էլ լո՛, լո՛. Սև ջրի գլխին դու հո խաղինեք ես կապել էս երկու տառումը. էսքան տարեն յասավուլ եմ, քեզ պես միկիտան չեմ տեսել, գիտե՞ս քանի մովրով, քոմակչի ու միրզեք եմ փոխել. ասենք, թե որ օղորմածիկ կնիկս մեռած չըլնեք, ես էլ հիմի ըստեղ շէի ըլնիլ, ըսկի դաբուլ չէր լսի փայլ:

— Դրա համար էլ էնքան ծեծեցիր, փիտի տակին սպանեցիր:

— Դե լա՛վ, հին դարմանը քամուն չեն տալ, հին դարդերս մի՛ նորոգիլ:

— Դե սուս կա՛ց, դե ձենդ կտորի՛, որ մենք իրար հասկանում ենք. իմացի՛, որ իմ սրոջի՛ բացվելու պես՝ դու կորած ես:

— Տո, ախպե՛ր, գիժ հո չե՞նք, որ իրար սրս բաց անենք: Աստված տա՛ Էնքան հարստանաս, ինչքան քո սիրտը կուզի. ես իմ հոգի՛ն, դու որ չըլնիս՝ ես որ տասը տարի էլ կենամ, մի սև փողի տեր չեմ դառնալ. համա հիմի տեսե՞՞ում ես՝ մատդ պտտեցիր՝ ուզում ես ինձ նոր ջահե-լացնիլ, ազափ աղչկա մարդ շինիլ:

— Որ վերջը մի կտոր հացի տեր ըլնիս:

— Որ դու էլ մի ուրիշ բաղ ճանգղ քցես:

— Որ երկուսս էլ հաց ունենանք: Հա՛ց, հա՛ց, մի կտոր հա՛ց. ինչ կանես՝ արա՛, խարի՛, քանդի՛, պոկի՛, գուփի՛, սպանի՛, թաք մի կտոր հաց ունենաս... աշխարհքիս առաջին մարդիցը բռնած՝ ընշանք վերջի մշակը մի կտոր հացի համար են աշխատում. ուրիշին որ տեսած չըլնիս՝ յասավուլ ես, տասը մովրով ես փոխել, ըսկի մինն էլել ա՞, որ գա ու խալխին չդուփի, մճալի տնւր չքանդի, մճալը փորը չկոխի. ընչի՞ հա-մար՝ հացի, մի կտոր հացի:

— Դե, Աերգե՛յ, մի-մի ստաքան էլ նիսիա տո՛ւր, խմենք գնանք, — ասացին աուսերեն կողակները, որոնք ոտքի վերս հազիվ էին կանգ-նում, — պետք է դիանք սահմանազուլսը պահենք, թե չէ էլի կանդրա-բանդ՝ կփախցնեն անպիտան մուսուլմանները:

— Հերի՛ք ա, հերի՛ք. — բոթելով դուրս ձգեց կողակներին մեր Սա-քոն, — առանց էն էլ երեկվանից ձեր վերս փող կա, թե մեկ էլ խոսեցել ե՞, թվանքներդ կխլան. մովրովի մոտ կտանիս:

Ետե՛ց կողակները սրպես և իցի դուրս ելան գինետանից ու մի քանի քալ հետո եղկաների տակ վայր ընկան ձյունի վերս:

— Դե՛ հիմի դու վեր կաց գնա՛, — ասեց Սաքոն Մարգարին, — քա-նի ոչով չի եկել. ես մտնիմ էս մեր տղեքանց մոտ, քո գործի համար էլ մի խոսամ:

է

ՔԱՐԵԿԵՆԴԱՆ ԿԱՄ ԲԱՇԻՔՅԱՐԹՄԱ

Սրանից երեսուն կամ քառասուն տարի առաջ, բուն բարեկենդանի վերջին շաբաթը Աշտարակու քուչեքանցովն անց կենալ շէր լինիլ: Ամեն տեղ ուրախություն, ամեն տեղ սեր ու խնջույք, ամեն բարձր կտեր սե-ղան փոել-բաց անելը հասարակ բան էր. էլ ջահել ու ահել շկար, էլ երիտասարդ ու միրքավոր շէր ջոկիլ, բոլորը միասին ջահելացել՝ կայ-տառացել էին. պապիս Կես պատվելի իշխանները կալերումը լախաի՛ էին խաղում ու հաստ կտավն գոտկից ուրոած լախան էնպես էին ֆոռաց-նում, իրար սնջքի կայցնում, որ մեջքի գոլն² էր վեր կենում: Տերտերն էլ վերարկուն ծալած մի կողմը դրած, կապի ծլբփան³ փեշերը կոկիկ հա-վաքած, գոտիկը խրած՝ էնպես ծուլ-ծուլ էր լինում⁴ ճծի⁵ բոլորքովը, որ կասես, թե սա իրան կյանքումը միշտ ըմբշամաքտ է եղել. միմիայն լախտը, որ մեջքախառն ուսագլխին հասնում էր, դղում էր, որ էսպես բան իր օրումը չի տեսել: — Դե օրհնած, մի քիչ էլ կարգիս խնայեցե՛ք, կամաց տվե՛ք, է, — ասում էր մեր տեր հայրն ու էլ ետ թռչկոտում ճծի շորս կողմը, աշխատելով լախտը բոնողի ձեւքիցը խելու:

— Ոչինչ, տերտեր ջա՛ն, էսօր մուրախաս⁶ ա, բարիկենդան օրեր ա, խելքներս կորել ա, — պատասխանում էին մեր իշխաններն ու իրանց խաղի հետ ընկնում:

էսպես իրարանցում, էսպես հարայ-հրոց թե ուրիշ ժամանակ լինեք, ամենքը կկարծեին, թե գյուղը կոխեցին, ավար տվին, մոտակա գյուղե-րիցն անգամ գուցե օղնություն կգային, բայց հիմի ամբողջ Արագած-ժուլան գավառն է այդպես, ի՞նչ պետք է արած:

— Դե՛ հերիք ջարդվեցինք ձեծվելով, լավ ալիր-աղցան էլանք, մի քիչ էլ վեգ խաղանք, ով տարվի՛ մնի տեղակ երկու գավ գինի բերի:

Սկսում էին ալնուհետե մեր մազով-միրքով իշխանները վեգը ձեռ-քերի մեջ պատեցնել և ճծի մեջ շարած ընկույզներին աչքել:

1 Կանվյա գոտից պինդ ուրոած պարան՝ զարկելու համար: 2 Շերտ: 3 Լանու-թյունից շարժելու ու ձայն հանելու: 4 Ոստոստում: 5 Բոլորակ գիծ, որ քաշում են երե-խայրն և շորս կողմովը պոռույա գալիս կամ ընկույզ են շարում մեջը և վեգ խաղում: 6 Արձախարդ:

— Ա՛յ գիտի, էրնեկ էր էն օրը, որ մենք ջահել էինք, միտս ա գալիս, ես էի ամենից լավ խաղացողը,— պարծենում էին ամեն մեկը,— քանի տարի կրնի՞ վեզի սախկեն՝ ձեռքս շեմ առել։ Խնարկե որ ջահելները մեզ կտանին ու մեր քնչի կարասի ձեփը կպոկվի. պա՛հ, պա՛հ, պա՛հ, ձեզ դուրբան, ի՞նչ գինի ունիմ, քաղցրությունից կծպծում ա՛, կծպծում, պոռշենրդ իրար կկպչեն, չէ՛, ախպե՛ր, ես պտի տարվիմ. թե որ էսօր մեր ներքի հիքու գինու համը շտեանիմ, ձեզ էլ շխմացնեմ՝ ես կմեռնիմ. էլ ո՛ր օրի համար եմ պահել։

— Տո, դե վեզդ քցում ես՝ քցի՞, քանի՞ խոսես ու քո քացախի պես գինին գո՞վես. քո ինադու ես պտի տարվիմ, որ մեր մենծ հիքու գինու համը բերանումդ ընչանք մահոթ թողամ. սրան տե՛ս, է, ես կթողամ, որ դու պարծենաս. էս սհաթը տասը կարասի ծեփ կպոկիմ՝ միևը մնիցը լավ,— ասում էր երկրորդն ու վեզը ձգում, գիտությունս փրստ անցկացնում¹։

— Տո՛, օյինբազ՝ Գեվո՛, ես տեսնում չե՞մ, որ դու դաստի՛ ես փրստ գալիս. որ մեռնիս, համ պոպոքներե՞ կտանիմ, համ էլ մնի տեղակ շորս գա՞վ գինի կբերեմ. գերեզմանս հա չպիտի՛ լցնեմ. աստված էնքան տվել ա, փառք իրան, որ ճտահար ա,— ասում էր երրորդն ու վեզը շարտում։

— Հո՛յ, հո՛յ, պարծեցողին ես միշտ ըտենց տեսա,— ծափ էին տալիս մյուսներն ու թռչկոտում, երբ սա չէր կարողանում ճիշտ խփել։

— Տո՛, գե հերիք ա, միլքներիցդ ամաչեցե՛ք, էն երեխեքանցիցն էլա զրնեցե՛ք, որ աղուխը կապել են ձողու ծերը, բայդաղ՝ շինել ու Քյասոնց բարձր կտերը յալլա են կանչում. գնանք մենք էլ մի քիչ բողազներս թաց անենք։ Փարբու խանը հիմի կգա. մեր Ղուկոն էլ էս երկու օր ա գնացել ա, ո՛վ գիտա՝ հիմի էջմիածին կրնի, թե Հուշական, յա Փարբի։

— Ա՛յ տղա, մարգարեի որդի էի՞ր, հրես Փարբու խանի ազվեսն՝ նկա՞վ։

Մին էլ էն տեսար՝ դուխը երկար պոպոզոր քաղիքի գտակը անցկացրած, ոչխարի գզգզված մորթին բուրդը դեպի դուրս միջքին կապած, երեսն ալյուրոտ մի տղա, մի ահագին աթարոց՝ ձեռքին սյուն տալով՝ նկավ, խոր գրուխ ա՞վեց մեր իշխաններին։

— Հը՛, ի՞նչ մարդ ես, ո՞վ ես, ո՞ր աշխարհի քամին ա քեզ պառտել, մեր գեղը քցել,— հարցնում է մի ձերուներ։

¹ Այն վեզը, որով մյուսներին կամ ընկույթին խփում են։ ² Թխալվում։ ³ Մաղածուս ⁴ Գիտամար։ ⁵ Ընկույթ։ ⁶ Ամաչել։ ⁷ Գորշակ։ ⁸ Ազվես կոչում են հարսանյաց կամ մի ուրախության համբավարիին։ ⁹ Կրակ խոտնելու փայտ։

— Արզ անեմ՝ Աշտարակու էլ ու հասարակությունին, որ մեր Փարբու տերը՝ ղոշաղների ղոշաղ Եղգյար խանը՝ իր նազիր-վեզիրով, իր նաքար-փեքյառով հինգ հարիր մարդով գալիս ա մեր սուփրեն շեն անելու, մեր բարեկամությունը հաստատ պահելու։ Նրա հրամանն ա, որ սաղ գեղով, իշխաններով դուս գաք նրա առաջը։

— Մեր պիտի, մեր աչքի վրա տեղ ունի մեր խանը, մենք վաղուց նրա համար տեղ ենք պատրաստել տանուտերի այվանի՞ կտերը. սուփրեն շաղ, գաթա-հալվեն զերիլի՞ պես, հազար մարդով էլ որ գա, մեզանից ոչինչ չի պակսիլ։ Աղա՛, ա՛յ պատկներ, թե՛զ, Փարբու ազվեսին մի խալաթ,— հրամայում էր մի իշխան։

էս խոսքի հետ մոտիկ տանից մի շար ալանի բերում ձգում էին մեր պատգամաբերի վիզը, քամակին էլ մի քանի լախաի կպցնելով՝ ճանապարհ դնում։

— էլ ի՞նչ եք ուշանում, ա՛յ խալսը, գնանք, էլի՛, հիմի կգա մեր Եղգյարը։

Գնում էին այնուհետև մեր իշխաններն և իրանց համար վաղուց փոված սուփրի շորս կողմովը շարվում. գափ ու դուռնեն էլ դրանց պոչիցը կպած էր, ուր եթթալին, հետները տանում էին։

— Ա՛յ տղա, Ղազար, ասենք փարբեցի Եղգյարն էլ լավ խանություն ա անում, համա մեր Ղուկոյի պես չի ըլնիլ։

— Գի՛ժ ես, ի՞նչ ես, Փարբին մեզ կհասնի՞, որ նրանց խանը մերին հասնի. մեր Ղուկոն որ կա՛ խտակ խան ա. որ գալիս չի՛ մեջտեղը ձգվում իշի վրա նստած ու հրամաններ տալիս, ես աչքերին մտիկ տալով՝ մոռանում եմ, որ մասխարություն ա անում, էն սհաթը միտքս են գալիս Երեանու հին խաները։

— Բա իլլաքի որ ֆալախա յա դենել տալի՛ս։

— Դու ասա՛ ո՞նց չի ծիծաղում։

— Տանուտեր, դու ուտել-խմելու հայտան՝ ես, էլ բսկի շես ասում, թե Փարբու խանի խալաթն⁵ ի՞նչ պտի ըլնի։

— Գուք քեֆ արե՛ք, ես վաղուց պատրաստել եմ։

— Յալլա՛,— գոռում են քուչեքումը,— յալլա՛,— լսվում է ամեն կտրներից, ու ամեն տեղից դիմավորում են Փարբու խանին, որ Գրչի-խելի կողմից երևեցավ։

— Ա՛յ, հա՛յ, հա՛յ, էս ինչ շատվոր են, սաղ գեղը հետք բերում ա տեսչեն Եղգյարը։

Միայն մեր տանուտեքը, իշխաններն ու տերտերը, որ տանուտերի

¹ Խեղիր անեմ։ ² Վերահարկ։ ³ Անչափ։ ⁴ Հոգսուն ես։ ⁵ Պարզեր։

կտերը քեֆ են անում, նրանք չեն առաջ գալ, ինքը խանը սկետք է դա և նրանց սեղանի վերա գտնի:

Ուսած-ուսած բազմած է մեր փարբեցի Եղգյարը իշի վրա, պոռը ձեռքին բռնած, երեսը դեպի ետ, մի երկար գերեմաւտի՝ ճիպոտ էլ մյուս ձեռքին իբրև շիրուխ: ղնչին ղեմ արած, նրա ղխին դրած է մի գլգլված պարսից խանի երկար գտակ՝ վրան հին փալասների փաթաթած. նրա երեսը քսած է աթարով վառվող տան օճոռքի մուր, նրա վիզը ձգած է զանազան ոսկորների կտորներից շարք. հագած ունի նա մի պատա-
ռաւուն, ծլանքները հազար տեղից քարշ ընկած պարսկի արխալղահին. նրա կուրծքը բաց է, նույնպես մրով սևացած՝ կողքիցն էլ մի երկար փայտե սուր կախած: Երկու երիտասարդ. նույնպես այլանդակ հագնված, քաշում են իշի սանձը. երկուսն էլ քամակիցը մի-մի մեծ գավազանի ծայրերը սրած՝ բզում են իշին. դափ ու զուռնեն առաջին ածելով՝ քաշում է այդ հանդեսը դեպի տանուտերի կտուրը, իսկ խուռն ամբոխը միշտ յալլա՝ է կանչում:

Ել ահա խանն իշի վրա նստած մտով տանուտերի բակը:

— Զո՛ւ, շո՛ւ, օ՛շ, շշո՛շ, գնա՛, ա՛յ սատկած էշ, ի՞նչ էս նազ անում, էս պատիվը խանինն ա, քոնը հո չի՞,— ասում են բողոններն ու խեղճ իշին վեր հատում ու ստիպում, որ տանուտերի սանդուղքներիցը բարձրանա: Բայց ճար կա՞, էշը կարո՞ղ է այդ անել:

— Դե՛, վեզի՛ր, նազի՛ր, առաջ եկե՛ք,— հրամայում է ընդհանուր կառավարիչը, որ միշտ մեկ կողմից մյուսն է վազում և յալլա կանչել տալիս, կամ ճանապարհ բաց անում,— ի՞նչ եք սպասում, բարձրացրե՛ք խանի մոխրաթավալը²:

Միծաղ՝ որ էստեղ տես, ամեն կողմից վեր են կալնում անլեզու անասունին յուր վերա բազմած խանի հետ միասին ուտերթի վերա և ելնում սանդուղքներով: Յալլա՛, գոռում է բազմութունը. իսկ վերևիցը ալյուրը շաղ են տալիս խանի և իշի գլխին: Փռշին ողջ բակը բռնում է, բոլորը ալյուրոտվում են, ում երեսին կամ գլխին էլ որ քիչ է թափվում, ինքն յուր ընկերի մեջքից վերցնում՝ քսում է յուր երեսը. իսկ մեր խանի համար՝ էլ մի՛ հարց: Իլ, երևակայի՛ր մրի ու ալյուրի մեջ կոլովված մի գունդ միս:

— Գլո՛ւխ, գլո՛ւխ ալեք, Աշտարակու իշխաննե՛ր, մեր ողորմած խանին,— կարգադրում է ընդհանուր կառավարիչը:

Վեր են կենում բոլորը սեղանի վրայիցն և իրենց տեղը կանգնած՝ խանարհուժյամբ գլուխ իջնում: Վա՛յ նրան, ով մի փոքր ուշ գլուխը

կաացրեց. աչքով է անում խանն յուր կառավարին, և բարակ ճիպոտը կաշում է այդ հանդուգն մարդին:

— Տալխա՛,— հրամայում է խանը,— քաշեցե՛ք տանուտերին մեկան:

Տասը-քսան այլանդակ հագնված երիտասարդներ մոտենում են տանուտերին, պառկացնում ու ոտները ֆալխի մեջ ոլորում:

— Հարցրո՛ւ դրան,— հրամայում է խանն յուր նազիրին,— դա քանի՞ գլխանի էր, որ մեր հրամանը չկատարեց, մեզ շան տեղը շքեց, մեր առաջը շեկավ:

— Քողութուն կանես, խանն ապրած կենա,— խնդրում է տանուտերը պառկած տեղից,— ես քո մեծութունի համար պատրաստութուն էի տեսնում ըստեղ իմ իշխաններով. տեսնո՞ւմ ես՝ հրամանոցը համար սուփրեն բաց արած ա. վարդի շարքա՞րը՝ շահբյասու² մեջ լիքը հաղիր դրած, ավզուշը՝ ձողու ծերին կախ արած, որ հրամայես թե չէ՝ խորովենք անուշ անես. քո ընծեղ էլ, լավ մտիկ տո՛ւր, ոտները կապած գառը ըստեղ պատրաստ, երբ որ ուզես՝ փլավի գլխին առաջը կրե՛րենք:

— Աֆարի՛մ, աֆարի՛մ⁴, տանուտե՛ր. տղե՛ք, բաց թնդե՛ք դրան: Անում է իսկույն մեր տանուտերը գավաթով լիքը քացախն և խոնարհությամբ մատուցանում խանին:

Շատ լավ էլ գիտի բարձրապատիվ խանը, որ շարքաթ կոշվածը ոչ այլ ինչ է, եթե ոչ քացախ, բայց ոչինչ դեմք շցույց տալով անում է ձեռքը և մոտեցնում բերանին:

— Օխա՛յ, ի՞նչ լավ էր շինած, սիրտս հովացավ, շատ ծարավ էի:

— Այ տղա, հորսը մոտ բերե՛ք,— հրամայում է տանուտերը:

Վերցնում են ջահեղները ձողու ծայրին կախած սպանած ազնավն և առաջ բերում:

— Տարրա՛շ,— հրամայում է խանը,— վեր կալ էս կաթավը, երբ որ մեր երկիրը կերթանք, փլավի գլխին տապակած առաջս կբերես:

— Հստեղ բեր էդ գառը,— տնօրինում է տանուտերը:

Մոտ են բերում ոտները կապած տեփրի⁵ մեջ դրած սև կատուն և համեցեք անում խանին:

— Ա՛յ անպիտաններ, ձեր գառը կատու դառա՞վ. շո՛ւտ, շուտ կապտեցե՛ք Աշտարակու բոլոր իշխաններին, քթկի միջին պտի փտացե՛նք, ընչանք որ խելքները գլուխը գա, էլ ետ կատուն ոչխար շինեն,— հրամայում է խանը: Բայց նրա այս հրամանն էլ չի կատարվում, որով

1 Նեկտոր: 2 Մեծ գավաթ: 3 Որս: 4 Կեցցե՛ս: 5 Փայտյա բոլորակ ափսե:

հետև իսկույն մյուս կողմից առաջ է բերվում մի մեծ և պարարտ որձ ոչխար և գյուղի կողմից ընծայվում խանին:

— Շատ շնորհակալ եմ Աշտարակ գեղի մենծ ու պրստկից, իրանց պատիվն իմ աչքի, իմ գլխի վրա. համա ըստեղ կա մի խեղաննեց խեղան, նրա համար ինձ խաբար ան հասել, որ շատ վատ մարդ ա, որ օրական նրա տանը հինգ աղքատ կշտանալու տեղակ՝ տասն ա կշտանում, որ շաբաթ-կիրակի ժամ գնալու փոխարեն, իրիկուն-առավոտ ժամից ետ շի ընկնում. էդ մարդին ես պիտի պատժեմ, թե որ դա ձեր միջին ա, էս սհաթս գա իմ առաջին շոքի: Հը, շո՛ւտ, ո՛ւր ա էն մարդը, տանուտե՛ր, ձեռաց ըստեղ ստեղծի՛ր:

Մտտ է գալիս այնուհետև խեղանի ընծան՝ մի լիտր թունդ արալ:

— էս արաղը զրկել ա, խանն ապրած կենա, ջո մենծութունի համար խեղանը, որ անուշ անես. ինքն էլ հենց հիմի ջո զուլուղին կգանվի:

— Գլուխ տո՛ւր, գլուխ տո՛ւր, իրեք հետ գլուխ տո՛ւր խանին, խեղան աղա,— ձայն է տալիս ֆաբրաշը, և խեղճ խեղանը կատարում է յուր պարտքը:

— Չոքի՛ր,— հրամայում է արհամարհական հայացքով խանը՝ գլուխը բարձր բռնած, աչքերը դեպի երկինք դարձրած, գերեմաստի շիբուխը դնչին:

Նազիրը քաշում է խեղանի կոնիցը, շոքացնում իշի առաջին: Բավականին միջոց լուսթյունից հետո բարեհաճում է խոսել խանը.— ես միտք ունեի, խեղան աղա՛, շատ խիստ պատժել քեզ, համա ջո ընծեն իմ աչքերը կապեց. վեր կա՛ց արի ձեռս պաշի՛ր ու ազատ ես:

Խեղճ խեղանը այդ էլ կատարեց:

Այնուհետև մի քանի իշխանների, որոնցից մի-մի պարզև պոկելու հույս ուներ խանը, ֆալախա է դնել տալիս, մինչև անգամ մի քանի ձիպոտ էլ խփել է տալիս, իհարկե, շատ կամաց, և ստանում՝ որից գինի, որից բրինձ, մյուսից՝ յուղ, երրորդից՝ ձու, հավ և ալյն. և դրանցով ներում նոցա, բայց միշտ ձեռքը համբուրել տալով:

— Մնացե՛ք բարո՛վ,— վերջապես ասում է խանն և ուզում է ետ դառնալ յուր հանդիսականներով, բայց ի՛նչ կարելի է: Մինչև հիմա արածները կատակ էր, հիմի սկսվում է ուղիղ հյուրասիրությունը: Խանի հետի բոլոր եկողները պտի վաչելին աշտարակցոց սեղանիցը և խանի՝ երկու գյուղին միաբանություն և հարատևություն ցանկանալով և ապա նույն և մի կերպիվ յալլա կանչելով, իշին բարձրացրած՝ ճանապարհ ընկնին դեպի մի ուրիշ մերձակա գյուղ:

— Ա՛յ, աղերք, երեք օր ա մեր Ղուկոն խան դառած՝ գնացել ա

դեղերը, ըսկի խաբար ունի՞ք թե չէ, ո՛ւր մնաց, հետն էլ խելի՛ շահել-շուհուլներ կան,— հարցրեց տանուտերը փարբեցոց գնալուց հետո:

— Ղուկոն երեկ էջմիածնումն էր,— պատասխանեց մի երիտասարդ,— շատ քեֆ շանց տվեց, կոտորեց ամենքին ու թողեց ծիծաղացնելով. էջմիածնի դռանց ֆարշի՞ վրա աթոռ էր դնել տվել, վրեն բազմել, էշն էլ մի վարդապետի էր բռնել տվել. մի քանի եպիսկոպոսներ կապտեց. իր համար շատ ընծեք աննելուց ետը, հրամայում էր թվանք-չոնցն էլ բան բաշխել. մեր տղեքանցը ետ էր կաննացրել՝ թվանքչոնցն էր նազիր-վեզիր շինել. դուք, ասում ա, սովոր եք տերտեր-վարդապետի կապիլու:

— Ես որ ասում եմ Ղուկոն դոշաղ ա՞, էս բողաբերան ջամաղակեր՞ փարբեցոց պես չի՞. ախար աշտարակցի յա, մեզ ո՞վ կհասնի,— պալ-ծեցավ մեկը:

— Հետո ի՛նչ փեշքաշներ էին տալիս վարդապետները:

— Թոփերով զութնիք ու շամու ալաջեք էր առնում, որիցը մի երես-սրբիշ, մեկելիցը շախու. մնի մեջքիցն էլ մի լավ շալ գոտիկ ետ արեց:

— Ապրի՛ ինքը, նրանց հախն ա, տարին տասներկու ամիս նրանք են ուրիշից մուֆտա ուտում, թող մի օր էլ իրանք տան:

— Թամաշեն էջմիածնումը Ղուկոյի գալուց առաջ էր, տանուտե՛ր,— ասաց երիտասարդը,— պտի տեսնիք, թե էն մենծ-մենծ սպիտակ միրքավոր եպիսկոպոսներն ու վարդապետները ո՞նց էին փեշերը բշտել արքմա խաղում ֆաբշի վրա, գոռոտոցն ընչանք գեղն էր գնում, ձնթոփով հենց էին իրար գլխի կպցնում, որ վեզարը թռչում էր, ու թե որ լսնիք՝ ի՛նչ պետո-պետո՞ խոսքեր էին ասում, որ էս ամաչում եմ:

— Ոչի՛նչ, բարիկենդան օրեր ա, նրանց խելքն էլ կորել ա, էս քանի օրս արեղաթող ա:

— Ցալլա՛,— ձայն-ձայնի տվին փարբեցվոց գնալուց հետո մանր երեխայքը՝ Աշտարակու ուսումնարանի աշակերտները, և բարձրացան յուրյանց թաշկինակ դրոշակով մեր իշխանների մոտ:

— Ա՛յ դուք բարով, հազար բարի՛, մեր հույս ու ումուտեն՛ր, մեր փեղի ճրագնե՛ր, մի քանի տարուց ետը մեր տեղը բռնողներ,— գոռացին ամեն կողմից մեր իշխանները:

Իշխանների հետ սեղանի վերա նստած էր գյուղական վարժապետը: Այս բարեկենդանի վերջին երկու շաբաթը նա արձակել էր ուսումնարանը: Եշխայքը բերին յուրյանց հետ մի տեփրով լիքը միրգ, մեջտեղը

1 Բավականին: 2 Սալահատակ: 3 Տուրքաբանլուր գյուղ յուր ավելորդ արհամար-հական անունն ունի: 4 Անվաճի:

մի փոքրիկ բաժակ լիքը գինի, բաժակի մեջ մի վեզ ալու կանգնացրած, մի պինդ ուրած լախտ էլ մրգի վերա դրած, վայր դրին յուրյանց վարժապետի առաջին:

— Յնծա¹, խալֆա²,— ասաց մի համարձակ աշակերտ:

— Դե ցնծա՛, վարժապե՛տ,— ծիծաղելով կրկեցին իշխանները,— սաղ տարին իրավունքը քո ձեռին էր, հիմի սրանցն ա, ինչքան որ դու սրանց ծեծել ես, էսօր սրանք պտի տեղակը քեզանից հանեն:

Վարժապետը գիտությունը ուշացրեց պատասխանը:

— Մեր տղե՛ք, էլ ինչի՞ եք սպասում,— տնօրինեց նույն համարձակ աշակերտը, և իրանցից մինը լախտը ձեռքն առավ, անց կացավ վարժապետի ուսի կողմը և բարձր բռնեց:

— Դե ցնծա՛, խալֆա՛, թե չէ հասավ մեջքիդ,— ասաց նա և կամաց խփեց վարժապետին:

— Պի՛նդ, պի՛նդ կպցրու, ապրի՛ իմ տղեն,— խրախուսեց տանուտերը: Վարժապետը ձեռքը գրպանը տարավ, հանեց մի քանի մանր արծաթե դրամներ և ձգեց բաժակի մեջ:

— Չէ՛, էդքանով մենք քո հորն օղորմի չենք տալ,— գլուխը պտտեց լախտը բռնողը,— ցնծում ես՝ ցնծա՛, թե չէ միտս ա, թե քանի հետ իմ մեջքս դու դաղել ես:

— Հալբաթ մեջքը քոր ա գալիս,— ասաց համարձակ երեխան:

Վարժապետը մի քանի դրամներ էլ ավելացրեց:

— Դե գնացե՛ք, մի գառն առեք, ձեզ համար բարեկենդան արե՛ք, մտիկ տվե՛ք, որ շար տղեք շատեն ձեր մեջը, շատ անհամութուններ շանե՛ք, խելոք կացե՛ք: Թե որ կարողացա, ես էլ կգամ կտեսնեմ. գնացե՛ք, երեխայք, էդ միրգն էլ դրկեցե՛ք մեր տունը:

— Աստված կյանք տա, շատ շնորհակալ ենք,— ասացին երեխայքն և դարձան դեպի իշխաններն ու գոռացին.— ձեզ էլ շնհավոր բարեկենդան, ամեն տարի էս վախտը հասնիք, մեր գլխիցը ոչ պակսիք:

— Ը՛հ, գլխովդ պտիտ գնամ, է՛յ, կարո ջա՛ն, քյալաշ բալա ջա՛ն³, ուրախանում էր մինը յուր որդու վերա:

— Մազոյիս ձեռը զանգակի նման զնգզնգում ա, էսքան երեխեքանց միջից չոկնվում ա,— պարծենում էր մինն յուր որդու վերա:

— Մի տաղ ասա՛, քեզ մատաղ, Սմբատ ջա՛ն, բարով մենծանաս, իմ աչքիս սև ու սիպտակը, քեզ մի ընենց աղջիկ ուզեմ, որ սաղ մհալի՛ բերանը բաց մնա,— ասաց Մվիկենց Աղաջանը:

Երեխան լռեց ու աչքը ձգել էր յուր վարժապետի երեսին:

— Ասա՛,— հրամայեց վարժապետը և Սմբատը երգեց:

Մի խոր հոգոց դուրս թռավ էս ուրախության ժամանակը եռանկեց եռանկի սրտից, և արտասուքներն իրանց-իրանց գլղրը-գլղրը երեսովը ցած եկան, երբ Սմբատը տաղի տունը վերջացրեց:

— Ապրե՛ս, բալե՛ս, աստված քեզ քո հորը բաշխի,— ուրիշների հետ սրտալի օրհնություն էլ տվեց եռանկը,— արի՛ մի քեզ պաշեմ: Երեխան մոտ գնաց և եռանկի արևը ձեռքը համբուրեց:

Երկար ժամանակ եռանկը գրկել երեխային, չէր կարողանում թողնել:

— Փառք իրան, ի՞նչ անենք,— հառաչեց վերջապես եռանկը,— քեզ մատա՛ղ, Աղաջան ջան, սիրտդ մնա ոչ, հանկարծ լցվեցի, երբ որ երեխիդ ձեռքը լսեցի. դնամիշ շանեք՛, ախպե՛ր, դժար ա. քեֆներդ էլ փուշ արի՛. ի՞նչ կըլնեք շորսիցս իրեքն իրան բաժին վերցնեք աստված՝ Սմբատիս էլա թողեր մեզ մխիթարանք:

— Թե աստված կպիրես, եռանկ, սիրտդ խարաք մի՛ անիլ¹, մեզ մեջ ո՞վ չի կսկիծ տեսել. էլի աստծուն փառք տո՛ւր, որ քո միտունար աղջիկդ էսօր ծաղկի փնջի նման հոտ ա տալիս: Տղեն ու աղջիկը՝ երկուսն էլ զավակներ են, տղեն ո՞րն ա, լավ աղջիկն օխտը տղի համ կտա: Աստծով Հեղինարդ կմենծանա, մի լավ մարդի կտաս, փեսեդ քեզ որդուց հազար անգամ լավ պատիվ կտա ծերությունդ ժամանակը,— կրկեցին այս ու այն կողմից եռանկին:

— Աղաջան ջա՛ն, մի մուրազ անց կացավ սրտովս, արի՛ էն ազիզ օրն էսքան խալխի միջին մուրազս չուր մի՛ կտրացնիլ:

— Ա՛չքիս վրա, Սմբատիս էլ որ ուզես, քեզ փեշքա՛շ. շտվողը մարդ չի՛:

— Դե որ ըտենց ա, կառավարի՛շ, խնդրում եմ թասերը լցնիլ տաս:

— Մի-մին թաս գինի՛, լի՛քը-լի՛քը,— հրամայեց կառավարին և բաժակները լցվեցան:

— Ձեզ դուրբա՛ն, գինի ածողներ, ոչովի մեջ շտաք, ամենքին էլ լիքը-լիքը խմացրեք, թող իմ խաթեր էս մի նեղությունը քաշեն:

— Մեր աչքի վրա, եռանկ, դու ասա՛ ինչ որ ուզում ես, թե կուզես՝ գավերով կդարդակենք,— ապահովացրին ամենքը:

— Ասացե՛ք՝ աստված շնհավոր անի,— կարգադրեց եռանկը.— ով սաղ, ով մեռած. Աղաջանի հետ մենք սրտով մանկուց ախպեր ենք, էսօր էլ խնամի եմ ուզում դառնալ. գառնուկ Սմբատին ես իմ լիս ու

1 Ենթոհ արա: 2 Խալֆա կոչում են վարժապետին: 3 Ընտրյալ որդյակ:

1 Մի՛ մեղադրեք: 2 Փշացրի: 3 Մի՛ փշացնիլ:

ճրագ Հեղինարի հետ բաշխյալ քամա եմ անում. էսօրվանից մի երեխա շունիմ՝ երկուսն են. բարով մենծանան, իրանց թագ ու պսակին արծա- նանան, մենք էլ Աղաջանի հետ երկու հալիվորներս մեր պառավներին կուրը բռնած, սրանց բախտավորութունը տեսնենք՝ հետո հողը մըտ- անենք, Աղաջան ջան, դայիլ՝ ե՛ս, դրուստն ասա, քո հորն օղորմի՛:

— Վա՛յ, բա դայիլ չե՛մ, Խեչան ջան, խնամի Խեչան, մարդ ի՞ր աչքը քոն կուզի՞, սրանից ավելի էլ ի՞նչ բախտավորութուն:

— Աստված շնհավոր անի, բարեկամաց աչքը լիս ըլի՛, բարով մենք էլ հարսանիքն ուտենք, — ձայն-ձայնի տվին բազմականները, — աստված ձեր բարեկամութունը հաստատ պահի. տերտե՛ր, փառոց կե- նա՛ս, շուտ պահպանիչն ասա՛:

Ամենքը ոտքի կանգնեցան, լուսթյունը տիրեց և պահպանիչով նշանն օրհնվեց. երեխայքն էլ վարժապետի հրամանովը տաղով հաստատեցին այս նշանադրութունը:

— Ա՛յ պատիկներ, — ծիծաղելով ասաց տանուտերը երեխաներին, — գուց որ ըսենց քեֆի մեջ եք, բաս ըսկի ձեր քվերտանց ու մերերի հա- մար էլ հոգս քաշո՞ւմ եք, թե նրանք ի՛նչ բանի են:

— Սաքի բարեկենդանին ո՞վ ա առանց քեֆի մնում, — պատաս- խանեց մի ավելի համարձակը, — սաքի ձեզ հայտնի չի՞, որ մեր մե- բերը մի քանի այվաններում հավաքուոված՝ ձվածեղն ու հալվեն, հավի միսն ու գաթեն առաջներին խոշի-խոշի՞ են խաղում: Նանս ինձ իմ բա- ժինը տվեց, զրկեց հրնկերներին կուշտը, քվերս կոնատակը մի կապոց դրեց, զրկեց ազափ աղչկերանց մեջն ու ինքն էլ մի մենծ բողջա կապեց, վեր կալավ գնաց Ազգենց այվանումը քեֆ անելու:

— Ապրի՛ք, բալեք ջան, — վերջապես ասաց տանուտերը, — առե՛ք էս մի-մին թիքա հարվի ու գաթի կտորները, բերաններդ քաղցրացրե՛ք ու գնացե՛ք, ձեր զովդն՝ արե՛ք:

Երեխայքն երգելով ու յալլա կանչելով ետ դարձան:

Նրանցից հետո նույն հանդիսով այցելութուն արին մեր իշխան- ներին մի քանի գյուղերի խաներ և գանազան ուրախ խմբեր:

Ամբողջ բարեկենդանի շաբաթը ոչ միայն Աշտարակումը՝ բոլոր հայ գյուղերումն այս միևնույն ուրախութուններն էին կատարվում:

1 Համաձայն: 2 Հանգանակությամբ խնչույքներ անել: 3 Խնչույք:

Տասնևչորս կամ տասնևհինգ տարի այս նշանավոր բարեկենդանից հետո՝ բուն բարեկենդան կյուրակի օրը կրկին աշխարհքն իրան մոռացել էր, քեֆն էր միայն մեջտեղը ամենքի ուշադրության առարկան դարձել:

Աշտարակու ջահելներն էլ մտիկ շեն տալիս ծնկնահար նստած ձյու- նին, գեղեցիկ հագնված՝ կանգնած են Ազգենց կալումը՝ ձիանց վերա- նրանց գնեքի և հագուստների ոսկի ծոպերի փայլմունքը միացած ձյունի պեծերի հետ, աչք են ծակում: Օտարականը չի հավատալ, թե սրանք միևնույն տղայքն և ձիանքն են, որ հաճախ պատահում են մեծ ճանա- պարհներին, ցնցոտիների մեջ կոլոված, մի ահագին փալան էլ մի հա- սարակ ձիու վրա դրած, մրգեղենի, զինու կամ արաղի բեռը վրեն, ցնում են քաղաք ծախելու:

— Է՛հ, ի՞նչ պտի տանինք էս աշխարհքիցը, աշխարհքիս մալն աշխարհքումը պտի մնա. թեկուզ ջանդ էլ քանդի, մի լավությունն ու լավ կյանք քաշելը կմնա մարդիս. հերիք ա, մեռանց աշխատելով, էս բարեկենդանին էլա մի քիչ ուրախանանք:

Այս խոսքերով երիտասարդները ոգևորված՝ ոչինչ չէին խնայել յուրյանց հագուստը, զարդարանքն և ուրախությունը կատարյալ անելու համար: Դեռ աքլորականչին ամեն մարդ շուտ վեր է կացել, քորել, մաք- րել յուր ձին. գարի տվել է սպասում լուսաբացին, որ թամբը դնի վերան և քամակը թռչի. հրացաններն ու մյուս զենքերը վաղուց հավի եղ քսած՝ պատի վրան քաշ են արած. էլ կարծիք չկա ուրեմն, որ առավոտյան ժամից հետո մեր անհամբերները մի քանի թիքա խորովածի հետ քուֆ- թի՞ գունդը յուղի մեջ փշրել թունդրի մոտ, սպիտակ լավաշ հացով վա- յելել են ու խնդրել յուրյանց ծնողներին, որ շատ շուշանան:

— Գնա՛, որդի, հենց էս ա մի երկու թաս էլ խմեմ, բերանըս օղո- դեմ, տեղիցս վեր եմ կենում. տանուտերի օղումը պտի հավաքվենք, որ բնտեղից դպա ձեզ գանք:

Ոչ միայն մեր երիտասարդների համբերութունը հատավ, կարծես ձիանքն էլ շտապում են մի ժամ առաջ ցույց տալու իրանց շնորհքը. կանգնած տեղն ե՛րբ են հանգստանում. Արաբստանի նծույզի նման առաջի ոտներով այնպես դաբր են հատանում ու քանդ անում, որ գետինը դմբղմբում է. սառած՝ պնդացած ձյունի կտորներն յոթը կազ ժյունգ- ծյունգ են լինում, խրխնջոցի ձայնը, ինչպես ասած է, օխտը սարի քա-

1 Ուլատիտիկ՝ մի բլուր է Աշտարակու մոտ: 2 Մեծված մտով կերակուր ետ

մակն է հասնում. և ընչի՞ պետք է չհասնի, Աշտարակու երիտասարդն իրան կզրկի, ձի առնելու և նրան դարմանելու համար ոչինչ չի խնայի:

— Տո՛, ասում են՝ Ղափանցոնց Կարոն մի թագա ձի ա առել, որ աստղերի հետ ծուլծուլ ա ըլնում, տեսել ե՞ս,— հարցնում են իրարու:

— Ընչի՞ չի առնիլ, աշխատողն ինքը՝ փշացնողն ինքը. էդ ընչի՞ցն ա, որ ես ու դու լավ ձի կունենանք, նա չի ունենալ: Էդ որ քո սիրտը փառավորվում ա, երբ որ իրիկները տանում ես ձորումը, յա առվումը խտակ լվանում, պոչը քիբարի՛ կապում, վրեն թռչում ու խաղաքնելով տուն գալիս, որ սիրուն աղջիկները գոնեբի սողնակներիցը քեզ վրա հայիլ-մայիլ ըլնեն², բա Կարոն էլ քեզ պես շահել չի՞:

Այսպիսի եռանդամբ և լավ գնով առած ձիանքն են, որ անսովոր աչքը բեռի տակին չի կարող գովել, որ երևում են փալանի տակին, ինչպես մի ետ ընկած լաբու³. բայց Աշտարակու երիտասարդի աչքը չի խաբվում. նա այլպակս չի ուզում յուր ձիուն անվանել, եթե ոչ «Էյախ-լանս»⁴:

Մեր տղայքը խումբ-խումբ եղած՝ յուրյանց այսօրվան անելու գործի վերա են դատում, թե ինչպես Ուտիս տատին պտի քեֆով տանին ընչանք Ուլատիտիկու կոնդը⁵ ճանապարհ դնեն, իսկ Մեծ պաս պապին համեցեք անեն. ամեն մարդ յուր զենքը, ձին ու շիրիզն⁶ է գովում և յուր կռան զորությունը չհավատացողին մի ժամից հետո Ուլատիտիկի թրմբանը ցույց տալ սպառնում:

Մի ուրիշ խումբ էլ մի փոքր հեռու քաշված՝ հետևյալ խոսակցությունն է անում շատ ծածուկ.

— Վա՛յ թե չգա ու մեր խորհուրդը քամին տանի:

— Չէ՛, անպատճառ կգա, որ իրիկունք գնա իր նշանածի մոտ փովի:

— Ես նրան փովիլ կտամ, թող մի Ուլատիտիկի դուզն ընկնենք:

— Տղե՛ք, հենց արե՛ք, որ ուրիշները ֆահմեն ոչ⁷, թե սարքովի էր. սաքի թե ուրիշին խփելու, նրան դիպավ շիրիզը:

— Էդ նամարդություն ա, որ ամենքդ հրկեբրանաք, մնին ալքեք, թե ղոշաղ եք՝ աշկյարա հետը մեյդան դուս եկեք. ո՛վ ավելի շնորհք ունի, նա թող տանի:

— Նրա հո՛րն օղորմի: հերիք չի, որ սաղ մհալի ազափների⁸ աչքը ջո՛ր ա կտրացրել, հեշանի ծովի պես հարստությունի տերն ա դառել, հիմի էլ չէիր ուզիլ՝ որ գլխներին նստեցնենք:

1 Կոկիկ: 2 Չմայլին: 3 Հասարակ բեռնակիր ձի: 4 Նծույզ: 5 Բուր: 6 Ձիարշավի ժամանակ ձեռքին բռնած հաստ փայտը, որ միմյանց վրա արձակում են: 7 Չեկանեն: 8 Ամուրիներ:

— Մարդի դամաթն¹ էր ու ինքն էլ, ես իմ աստվածը, արժան ա:

— Տո՛. թե էն հարստությունը չէր ըլիլ, ոչ ով նրան երեսկ չէր տալ. ասենք, տարածը մի հուրի-փարին² չի, համա ախար ընչի՞ պտի էնքան մլքերն ու փողը նրա ճանկն ընկնի, է՛:

— Դե հեշանը ինքն էլ չէր իմանում, թե իր օղորմածիկ ախպերը պտի իրան էնքան հարստությունի տեր շինի ու մի օր վեր ընկնի մեռնի, թե չէ Սմբատի պես տղին ընչի՞ աղջիկ կտար. նրա աղջիկն ո՛վ չէր ուզիլ. դեռ նշանած ա՛ էս օրս քանի՞ գլուխ պատողներ կան, թե որ նշանած լըլներ հո՛ էլ մի՛ ախիլ:

— Սաքի դրուստն ասեմ, մինն էլ ես եմ էն աղջկա ուզողը. էգուց-էլօր էլ ինամախոս պտի դրկենք. համա ես ուրախությունով կուզեի հեշանի քվեր աղջկանը, թե որ իր կարողությունի կեսն ինձ տալու ըլեր:

— Փեշդ պինդ բռնի, չվեր թափի, Հերիքնագի պես սիրունը թե որ մի քիչ մուլք ունենար, էլ ո՛վ կհարցներ, հիմի մի քշեր դուրը կոխած տարած կըլներ:

— Ամոթ ա, ամոթ, դուք կնիկ եք ուզո՞ւմ, թե փող:

— Է՛հ, ախմա՛խ, փորս կծակի՞, որ էն էլ ըլի, էն էլ:

— Ախպե՛ր, թող Հեղնարին ինձ տան, ես հեշանի մլքերի տերը դառնամ, թող ավելի գեշ ըլներ, թեկուզ, մի ալքն էլ քո: Համա հիմի, փառք աստծու, ի՛նչն ա պակաս. ի՛նչ անենք, թե իր հորաքվոր աղջկա պես սիրուն չի, մի պակասություն հո չունի՞, ըսկի մի՛ խոսք, որ սաղ մհալումը Սմբատի պես բախտավոր տղա չկա. տեսնո՞ւմ ես՝ քանի հարուստների ու աղեքանց որդկերանց բերանն ա՛ ցխե՛լ. էլ ուրիշների հետ ի՛նչ բան ունինք, մինն էլ մենք. ալքներս չի վերցնում. վաղի աղվեսի պես դունչներս չի հասնում, ասում ենք՝ թթու ա, ատամներս կառնի. նախանձու էսօր ընչե՛ր ենք միտք անում: Եկե՛ք, ձեռք քաշենք, աստված իրան դամաթ անի, ի՛նչ անենք, թե Սմբատը մեր պես հաբուստ հոր որդի չի. խոստովանվեցեք, որ մեր գեղի տղեքանց ալքն ա:

— Տղե՛ք, ես ձեզ խոսք եմ տալիս, որ Սմբատն էն աղջկան արժանի չի ըլնիլ, իհարկե, ես մի՛ բան գիտեմ, որ Հեղնարն ալքով ալք չունի վրեն մտիկ տալու:

— Տեսնում չե՛մ, որ մուլքը գետինը կոխելու պես դու ես մզմզալով հեշանի դոնովը նեքս կարծնում:

— Հեղնարն ըսկի երկու խոսք չի խոսում հետը, ընչանքի վերջը Հերիքնագի հետ են դունչ-դնչի տված ձավար անում³:

— Բաս չէի՞ր ուզիլ, որ նշանածի հետ դունչ-դնչի տար. դե նշանած

1 Բախտն էր: 2 Հավերժահարսն: 3 Վարախոսություն:

տղեն հենց ըտենց ա, շե՛ս լսել, որ ասած ա՛ քննիմ մհանա ա արել՝, չարոջը տես ա էրթում. էնթավոր քննու ջանին մեռնիմ, ես Սմբատի աեղակ ըլնիմ, գլուխս նրա ծնկնիցը վեր շեմ ունիլ, թող հենց նշանածս աչքերը պլստրակին արած՝ մտիկ տա:

— Տղե՛ք, դուք կտեսնիք, թե ո՛վ կտանի Հեղնարին:

— Տո՛, դե ձենդ կտրի՛, լոբբազ՝ Արշակ, դու էլ քանի՞ փշես. ի՞նչ անենք, թե հեղանենց հարևան եք ու դրիշակ՝ ունիք. ո՛վ գիտա՞ մի-մին գող կատվի պես աչքդ ծակովը նրա վրեն ես քցում, նա էլ հանկարծ քեզ վրա ա մտիկ տալի, դրանով սրտիդ հույս ես դնում, թե Հեղնարն իր նշանածին չի սիրում, քեզ վրա աչք ունի:

— Կտեսնենք, էդ ետվա բան ա, մենք հլա էսօր Սմբատի դունչ ու պոունգն արնոտած, շանա՛մանեն կապած՝ ղրկենք իր նշանածի մոտ, թող զնա սիրուն Հերիքնազի ձեռքովն իր յարեքը՝ կապտիլ տա, էդ վերջի բանն ա:

— Ես ասում եմ՝ էդ մի՛ անեք, վա՛յ թե մեր փորած փոսի մեջը մենք ընկնինք. վա՛յ թե Սմբատը մեր քինթ ու պոունգը փշրի ու սևերես ետ դարձնի. Ես առաջի օրը չի՞ հո նրա հետ ջերիգ խաղալը, չէ՞ որ շատ ենք տեսել:

— Էդ ա, է՛, հենց դրա համար մենք էլ թաքուն ենք անում, թե չէ մենք չգիտե՞նք, որ նա ամենքիցս էլ դռաղ ա:

— Ես հիմիկուց ձեզ ասում եմ, որ ես ոչ ձի կխաղամ, ոչ կխառնվիմ:

— Բաս կերթաս կմատնես, էլի՛:

— Չէ, հեռվումը կկաննեմ, ձեր նամարդությունին մտիկ կտամ:

— Լա՛վ, դու իրան բան մի՛ ասիլ, վերջը մեզ նամարդ կանչի:

Եթե լավ գիտեիու լինեինք, այս դավաճանող խումբն ամեն բանով զանազանվում էր մյուս մնացածներից. ամեն բանիցն իմացվում էր, որ սրանք բոլորն ունևորենք էին, որոնք անպատվություն համարելով իրենց համար աղքատ-ուղբուտի տղայոց հետ կանգնելը, բաժանվել նրանցից՝ մի կողմն էին հավաքվել:

— Ի՞նչ են էդ ամբարտավանները մեզանից ջոկնվել, հեռու կաննել. թքեմ դրանց հարստությունի վրա, սաքի որ փողատեր են՝ մեզ ի՞նչ, ո՞ւմից են ավելի, որ լայաղ շեն անում⁵ մեր միջին կաննիլ. — ասաց չքավորներից մեկն յուր մոտ եղողներին:

— Չե՛ս իմանում, նրանք հենց գիտեն, թե փող շունեցողին աստված չի ստեղծել:

¹ Պատրվակ է բռնել: ² Պարծենկոտ: ³ Երկու պատկից դրացիների միջին պատուճը մի փորրիկ ծակ էր դրիշակը, որտեղից միմյանց ճրագ կամ բաժին կտային: Այժմ էլ չկա: ⁴ Վերքերը: ⁵ Արժանի չեն տեսնում:

— Դրանց գլխի ճոթովոցը, մենծ-մենծ որ բրդում են, էգուց շգնան Սվիկենց Աղաջանի տղի ձեռիցն իր նշանածին խլե՛ն:

— Ասում են՝ դրանք ամենքն էլ հեղանի մոտ մարդ են ղրկել, աղ-ջիկն ուզել ու քնթով են մնացել, հեղանը դնումն էլ չի նեքսե թողել:

— Բաս չէ՛ ու հեղանը պտի Սմբատի մի մազը փոխեր դրանց գլխի հետ:

— Ափսոս չի՞ Սմբատը, նրա սիրտն ո՛վ ունի, ըսկի մի օր նրա բերնիցը մի պարծենկոտ խոսք լսել ե՞ք, որ ինքը հեղանի պես մարդի փեսեն ա, հեղանի մալ ու դովլաթը պտի վայելի:

— Տո՛, նրան ո՛վ կհամարի, տեսնում չե՞ք՝ ինչքան խոնարհ սիրտ ունի. նրա կշտին աղքատի տղեն էդ ուռած-փքվածներիցը հազար փառքով լավ պատիվ ունի:

— Գիտեք, տղե՛ք, ի՞նչ կա, — մոտեցավ դրանց մի երիտասարդ, որ ավելի մոտ էր կանգնած հարուստների խմբին, — իմ անկաջովս ընկավ, որ էդ մեր քարովն ընկնելու՝ հարուստները միտք ունին էսօր Սմբատին ջիրիդով յարալու անել², որ իր նշանածի ու քննու՝ մոտ խալտառակ անեն: Սմբատը որ գա, իմաց տանք իրան, թող օյաղ կենա՞, երանց հետ ձի շխաղա:

— Հազիր որ մենք բուսուն պահենք⁴, Սմբատի քամակիցն ընկնողի կռանն աչքենք, ջիրիդը ձեռիցը վեր քցենք:

— Լա՛վ, էդ էլ լավ ասեցիր:

— Ա՛յ, Սմբատը գալիս ա, տեսեք՝ ո՛նց ա հազնված, ո՛վ կասի, թե սա էլ իր համար մի քանի շահու տեր ա, յա թե չէ էսօրեն օրս հեղանենց հեղանի փեսեն ա. ես կուուս կկտրեմ, թե որ նա դուզ մեզ մոտ չգա:

— Բարի լիս, տղե՛ք ջան, — մոտ եկավ Սմբատը ձիու վերա նստած՝ դեպի շքավոր դասը, — շնհավոր բարիկենդան. շատ տարիներ ըսնց իրար հետ ուրախություն անե՛նք: Ագա՛, փշած տկե՛ր⁵, դուք ի՞նչ եք ջոկնվել, վերի էձի պես հեռու կաննել. ամոթ ա՛, ամո՛թ, մոտ եկե՛ք, խառնվեցե՛ք էս կարիճներին, որտեղ որ ա՛ մեր իշխանները կգան, թող նրանք էլա շտեսնեն ձեր գոռոզությունը, — ասաց Սմբատը հարուստներին:

— Չէ՛, հենց ըսնենց հավաքվել խորհուրդ էինք անում, թե ուտիսին ո՞նց ճամփու քցենք:

— Սաքի սրանք դրա համար շեն հավաքվե՛լ:

¹ Գոռոզ: ² Վիրավորել: ³ Չգուշը: ⁴ Պարան մտնենք: ⁵ Գոռոզներ:

— Գատրաստվեցե՛ք, Թվանքներդ վերի ոտք քաշեցե՛ք, — ձեն տվեց մի երիտասարդ:

— Յալլա՛, — ձայն-ձայնի տվին ամենքն և հրացանների միանվագ արձակվելու ձայնը լռեցրեց մեր իշխանների առաջին եկող դասի ու զուռնին:

Մասի տալով, պարելով, ուրախ ու զվարթ եկան մեր իշխաններն ու կանգնեցան Ազգեց կալումը. գավերով գինին դրանց առաջին քաշվում էր. մի կողմից լցնում, մյուս կողմից հազար օրհնություններով դատարկում էին:

— Ամեն բան դրկած տ Ուլատիտիկի գլուխը, որ մեր ջահելները մի լավ քեֆ անեն, — հարցրեց տանուտերին մի ծերունի:

— Խուրջինները լիբը-լիբը առաջուց դրկել եմ. ձեզ տեսեմ, ջա՛հելներ, մի լավ ուրախություն արե՛ք:

— Է՛հ, դրանց ի՛նչ էրնեկ կտամ, դրանց տարիքումն էնպես քեֆեր ենք արել մենք, որ սրանից ետն իրանց օխտը պորտն էլ չի կարող անիլ: Գնացի՛նք մեր օրերը, էն օրվան սեր ու սոհրութն՝ էլ չկա:

* — Ապրին իմ տղեքը, — տնօրինեց տանուտերը, — Ուտիս տատին լավ ճամփու դրե՛ք, տարե՛ք ընչանք Ուլատիտիկու կոնդի գլուխը, ընտեղ մի լավ վերջին քեֆ շանց տվե՛ք, բաց թողե՛ք՝ գնա իր արևի ձենն ածի՞ պասակեր թուրքերի միջին, մին էլ ով սաղ՝ ով մեռած՝ ընչանք զատիկ: Մենք պաս պապին էլ համեցեք արե՛ք, թող գա՛՛ էդուց առավոտ ոտներն երգիկներիցը քաշ անի:

— Էն ա, հա՛, մենք պաս պապը հիմի Ուլատիտիկի գլխին հաստ գոմշի կաշուց տրեխները հագել, տրեխվաններն ա կապում, համա մեր Ուտիս տատը. գզգզտոված, դոնները բոբիկ՝ գլուխ ա առնում, պապի ձեռիցը փախշում, որ գնա, թուրքերի տներումը տափ կենա: Խե՛ղճ Ուտիս, ի՛նչ պտի դոնի քաղցած թուրքերի մոտ, մի կտոր շորթան էլ չկա, որ բերանին քսի, ճարը կտրած՝ ինքն էլ պտի պաս պահի:

— Ոչինչ, մի օր էլ պասի տրեխները կծակվին:

— Դե՛ գնացե՛ք, գնացե՛ք, ասոված ձեզ հետ. համա, մեր տղե՛ք, առաջ կտրուկ արե՛ք, ով որ ձեզանից թե՛զ բարձրանա Ուլատիտիկի գլուխը, նա ազափ աղջկերանց սիրեկանը կըլնի, — ասաց տանուտերը:

— Ծ՛ս կբարձրանամ, ե՛ս, ամենքից շուտ կըջեմ իմ ձին, ես ձինը կճղեմ, — մի քանի ձայներ ի միասին բարձրացան:

— Հրե՛, հա՛, Ուլատիտիկի գլխին մեր տղեքը բայդաղը՞ տնկել են, եկե՛ք մի-երկու գլուխ էս թմբան վրա ձի քշենք ու կարգով կանդնենք

իրար հետ, ձիանոնց գլուխը բաց թողանք, տեսնենք՝ ո՛վ կըլնի՝ էս երկու օրվա աղջկերանց բերնի խոսելիքը, — տնօրինեց ազափբաշի՝ Սմբատը:

— Դե՛ առաջուց դու ձիուդ գլուխը բաց թո՛ղ, ես էլ քամակիցդ գալիս եմ, Սմբա՛տ, — ասաց նրան Արշակը, — ջիրիդիցս վախեցի՛, մի նշան չթողա վրեղ, էս իրիկուն նշանածիդ մոտ ամանչես ո՛չ:

— Համեցե՛ք, — ասաց Սմբատն ու ձիու գլուխը բաց թողեց:

Դեռ երկու քայլ նա չէր հեռացել, մի քանի ջիրիդ այս և այն կողմից բարձրացան, որ իջնեն նրա գլխին. բայց մեր դավաճանները զարմացած մնացին, երբ յուրյանց ջիրիդները տեղ չհասան, առաջներին վեր թափվեցին ու յուրյանց կռները ցավեցան:

— Թթո՛ւ էր, աղազաղե՛ք², նամարդությունը լավ չի, ջիրիդ խաղալ ուզողը թող մեյդան դուս գա, խոսքն Արշակինն էր, որ Սմբատի քամակիցը քշեց, ջիրիդը քցեց, համա նրա խելքի բանը չէր Սմբատի պես տղի վրեն նշան թողալը. էդ որ ձեր մտքումն ա՛ մեր կրնգի տակին, մի-մին դուս եկե՛ք մեյդան դեռ առաջ մեզ հետ, հետո Սմբատի, — ասացին նախապատրաստված երիտասարդներն, և դավաճանները կապվեցան: Նոքա ամոթից օչինչ շասացին:

— Հիմի դո՛ւ գնա, ես եմ գալիս, — ձայն տվեց Սմբատն Արշակին, երբ որ ձիու մանգղիը³ հասան ու Արշակը ջիրիդը կիսաճանապարհին վայր ընկավ, առանց Սմբատին դիպչելու:

Արշակը մկան նման կուշ եկած՝ ետ քշեց յուր ձին: Տասը քայլ չէր հեռացել նա, որ Սմբատի ջիրիդը կպավ նրա մեջքին ու գլխի վերա ձյունի մեջ գետին փոեց: Ձին փախս ընկավ. Արշակի մի ոտքն ասպանդակի մեջ յուր հետ քարշ տվեց:

— Օգնեցե՛ք, օգնեցե՛ք, հիմի ձորը կքցի, — գոռացին ամենքն և մեծ դժվարությամբ ձիուն կանգնեցրին, Արշակին ազատեցին, որ ուշագնաց՝ երեսը բուրբ արյունոտվել էր. բարեբախտաբար գետինը կես գազ ձյունով ծածկված էր, ապա թե ոչ, քարերի մեջ գլուխը կփշրվեր:

Ամենքից առաջ վրա հասավ Սմբատը, գրկեց Արշակին և ձյունով երեսը տրորեց. նրա սիրտը կտոր-կտոր էր լինում, որ յուր ձեռքովն այս դեպքը պատահեցավ: Ընկերներից մի քանիսը կորագլուխ լռել էին, ոմանք ուրախացած՝ արդարության վճարքն էին համարում:

Վերջապես Արշակն ուշքի եկավ, վերքերը կապեցին, ձիու վրա դրին և բարձրացան Ուլատիտիկ:

— Ձեզ եմ թողնում մեյդանը, տղեք ջա՛ն, — ասաց Սմբատը, — ես Արշակի՛ հետ կամաց կբարձրանամ, դուք քշեցե՛ք, առաջկտրուկ արե՛ք:

1 Ուրախություն: 2 Ցուր գլխի հոգու քաշի: 3 Դրոշակ:

1 Ամուրիների գլխավոր: 2 Ազատանիք: 3 Ըսպարեզ—ձիու փախսը դադարած տեղը:

— Որ բռնեց ա, մենք էլ չենք քշիլ.— հրաժարվեցան ամենքը և Ժանր-Ժանր բարձրացան բլրի գլուխը:

Մի մեծ սեղան, ամենայն բարիքով լի, սպասում էր մեր կտրիճների բլրի գլխին:

Երեկո էր, որ տղայքը ետ դարձան հրացաններ արձակելով և երգեր ասելով Ուլատիտիկի գլխից: Նրանք գտան իշխաններին և ծերերին էլի Աղզենց կալումը, ուր նոքա փոքր ժամանակ առաջ եկել սպասում էին՝ աճբողջ օրը տանուտերի վերի կտերը ուրախություն անելուց հետո:

Երիտասարդները շնորհավորեցին իշխաններին մեծ պասը, և ամեն մարդ գնաց յուր տունը:

ԽԵՉԱՆԵՆՑ ԽԵՉԱՆԸ

Հայաստանի մի տեսակ գյուղացի հարուստների տիպն էլ կենդանակալ է՝ խեղանկեց խեղանի մեջ: Ընդհանրապես գյուղացիք չեն սիրում խառնվել հասարակական գործերում. ամեն մարդ յուր անձնական հոգսի, յուր տան ցավի հետն է, յուր երիխեքանց ապրուստը ճարելն է նրա մտածմունքը: Այդ ասելով չի կարելի խել գյուղացուց յուր մերձավորներին օգնելու հատկությունը: Մեր խոսքը գյուղական կառավարչական գործի համար է, որի համար ինքն իրան առաջ է գալիս մի ուրիշ դասակարգ:

Հին ժամանակները սպիտակամորուս պատվելի ծերունիներն էին այս մարդիկը, որոնք իրենց լլխին ունենալով մի ավելի խելահասը՝ տանուտերի աջակցությամբ յուրյանց անձը գյուղի օգտի համար շատ անգամ դնում էին: Վերջերումս այս նահապետական ազնիվ սովորությունը փոխվեց. ծերունիների թվի հետ նոքա հարգանքն էլ պակասեց, նոքա տեղը բռնեցին հարուստ և խարդախ անշափահաս շողոքորթները. ծերունիներին բաժին մնաց յուրյանց ցուպն ու եկեղեցին. նոքա ցավելով մտիկ էին տալիս գյուղի անկարգ դրության վերա և մի առածով յուրյանց վիշտը հայտնում էին.— վա՛յ քեզ, քաղաք, քաղաք, քաղաք մաճուկ ա դառել, ասում էին նրանք ու գլուխները շարժում:

Խեղանկեց խեղանը, թե յուր երիտասարդության և թե ծերության ժամանակը, չի խառնվել գյուղամեջ: Քանի նրա եղբայրը կենդանի էր ու ինքն էլ առույզ և ուժեղ, նա միայն յուր տնային գործերն էր կառավարում, յուր այգիներն, անդրն էր մշակում. իսկ նղբայրն յուրյանց բերքը Երևան, Գյումրի և Փամբակ տանել ծախելու և շահացնելու հոգսերումն էր:

Այսպիսով, նրանց պապական հարստությունն օր-օրի վրա ավելանում էր:

Միակեղանակը, որով կարելի է ասել, թե խեղանը գյուղական գործերի մեջ խառնվում էր՝ այն էր, որ նրա դուռն ամենքի համար բաց էր, ճանապարհորդներ, որ գիշերն Աշտարակումը մնալու համար ծանոթ շունեխն. աղքատներ, որ մի գդալ տաք կերակուր չէին կերել, խեղանի դուռը շատ լավ ճանաչում էին: Սրանք աստուծո հյուրերն են: Պաշտոնապես եկած մարդիկ, որոնց գալուցը տանուտերն և մի քանի յուր համակից առաջավոր իշխանները մի օգուտ չէին կարող տեսնել, նույնպես խեղանի դուռն էին վայր բերվում. ապա թե ոչ, թող ներքև խեղանը, նշանավոր աստիճանավորին, կամ օգուտի դուռը բաց անող ծառայողին խեղանի քուչն էլ չէին տանիլ, ո՛ւր մնաց տանը հյուր տալ. էդպիսի մարդկանց անունով ինքը տանուտերը մի քանի մարդկանց մասնակցությամբ գյուղից բալական շահ ունի ստանալու:

Երեցփոխի տանն իջեցնելու հյուրը նույնպես խեղանի տանն էր պատասպարվում. մի գործակալ, մի վարդապետ, մի ժողովարար քողրստանցի տերտեր, որոնք երեցփոխի հյուրերն են, սրանց էլ սովորաբար ժամկոչը խեղանի տունն էր առաջնորդում:

— Ա՛յ խեղան, ասում ա՛ խեբը տեսնի՛ Հերապետը. շառձեն քաշի կարապետը,— կրկնում էին նրան շատ անգամ գյուղացիք,— թե որ մեր մուֆավելու՝ տանը վեր եկող ղոնաղներին դու պտի պատիվ տաս, տանդ պահես ու ճամփու դնես, էլ բնչի՞ չես ուզում մութավելի դառնալ. էլ ի՞նչ ա մնում անելու:

— Զէ՛, ախպե՛ր, ձեր հորն օղորմի, ինձանից ձեռք քաշեցե՛ք, ես էդպես դալմադալ բաների հետ գլուխ չունիմ, ասած ա՛ խաչը խաչապաշտին խոռով կիենա, ես Սև քարի ապրանքից վախում եմ. մարդ ենք, ես ի՞նչ գիտեմ, բալքի սխալմունքով գանձանակի կամ մոմի փողիցը մի սև գրոջ խառնվեց իմ ջիբի սև փողբրի հետ ու խարջեցի. չէ՞ որ իմ հալալս կհարամվի, իմ տունը կքանդվի. ես ի՞նչ պտի պատասխան տամ իմ ասածուն. չէ՛, չէ՛, չէ՛. ես ձեզանից կխնդրեմ, որ ինձ թողաք, խղճմտանքս հանգիստ. մի կտոր հալալ հաց ուտեմ: Վնաս չունի, ում կուզեք, ում արժան կտեսնեք, մութավելի շինեցե՛ք, ու նրա տանը վեր գալու աստուծու ղոնաղներին իմ դուռը դրկե՛ք:

— Լավ կթի կով ենք ունեցել,— երբեմն խոսում էին առանձնապես միջյանց հետ տանուտերն ու յուր սրատամ օգնականները.— եղալի թիբեքը մեզ ենք պահում, անխերները խեղանի դուռն ենք տանում, պետք

եկած վախտն էլ նրա տանիցը գավերով գինի-արաղ ենք ուզում, ու մեր
զգարին գեղի ծախսի մեջը դնում:

— Տասն էդքան ամեն օր տարեք, թե կուզե՞ք, — ասում էր տանու-
տերին տեշանք, — թաք ըլի ինձ գեղի գործերի մեջը մի՞ խառնեք, փառք
աստծու, մի կտոր հաց ա՛ տվել, ընչի՞ չպտի հրեկեր-հարեանի հետ
կիսենք:

Մեր տեշանք շատ ուրախ էր, որ իրան տանուտեր կամ երեցփոխ
չէին դնում, նա հոժարութեամբ տալիս էր ամեն ուզած, որ իրան չէին
արգելում յուր սիրելի պարապմունքից, — յուր տներն ու մլթերը կառա-
վարելուց:

Կյուրակի օրերը միայն տեշանի հագին մաշիկ կտեսնեիր, լի օրե-
րը արեխները ոտներին, մի սպիտակ հնամաշ շարքյազի շուխա հագած՝
կամ տանն էր գործում, կամ՝ թե բանվորների հետ այգումն ու անդամը:

Այդ պատճառով գյուղացիք ծաղրածութեամբ նրան երեսին ժլատ
էին կոչում:

— Այ՛նքան պատե՞ղ, դու չե՞ս ամանելում, ընչանք իրիկուն արևի տա-
կին գլուխդ աղլուխ փաթաթած՝ խոտ ես խորումում (խրձնել), երեսեքդ
հո գլուխդ կոխել չե՞ն, ո՞ւմ պտի թողաս, երկու ախպերով մի երեսա
ունիք, Մվիկենց Աղաջանի տղեն մատով գերեզմանդ հո չպտի՞ փորի,
որ խնայում ես մշակի փող տաս ու ինքդ հանգիստ գեղամիջին ձեռներդ
չեքդ դրած ման գաս: Դու՞ հո դո՞ւ, ախպերդ էլ քշեր-ցերեկ շուրիցը
տուն լի գալիս. սաքի ի՞նչ կըլնի, որ ձեր դռանը ձեր մասիլը՝ սաղաց-
ենք ու նեղութուն չքաշեք, — կես ծաղր, կես շիտակ ասում էին տեշանին
յուր ընկերակիցները:

— Չէ, ախպե՛ր, ամեն մարդի խելք իր գլխին ա, — սրատասխա-
նում էր նա:

Տեշանը սիրում էր նույնպես լավ ուտելը. ամառը այնքան չէ, բայց
ձմեռը անխափան, առավոտյան ժամից դուրս գալուց հետո, որ մի նա-
խաճաշիկ շաներ մի կթղա արաղով ու մի-երկու գավաթ գինով, նրա
օրն օր չէր: Ուտի՞ օրերն ավելի ուրախ էր լինում նրա սիրտը, ժամից
հետո միսն անում էր, տուն բերում ու իր ձեռքով խորովածը կոտո-
րում, շամփուր անում ու կրակի վրա տոտժացնում:

Մի քանի պորտաբույծ պարոններ իրար աչքով անելով՝ ցույց էլի
տալիս տեշանին ու մի փոքր ժամանակից հետո գալիս, դռանը կանգ-
նում ու ձայն տալիս, — տեշա՛ն, այ տեշա՛ն, դուս արի՛ բան ենք ասում:

— Չոռ ու ցավ եք ասում, — ուրախ-ուրախ գոռում էր ներսից տե-

շանը, — ես ձեր փորսցավանքը չգիտե՞մ, խորովածի հոտը շների պես
պնչներով ա գիպել. դե եկեք լավեցեք, էլի՛: Աղա՛, ա՛յ մեռածներ, ի՞նչ
լավ եկաք, մեր երեսին (եղբոր համար էր ասում) բստեղ չի, մենակ
էլ էս անտերի թիթեն բողազովս կուլ չի գնում: Ես արմանում եմ՝ մի
փարա՛ մարդկանց վրա, որ կարողանում են մենակ հաց ուտել:

Ո՛ր օրն էլ խորովածի պատրաստ ժամանակը դրսեկիցը ձայն տվող
չլիներ, ինքը տեշանը շամփուրի կրակին կթողեր, դուրս կերթար ու քու-
չով անցնողին ներս քարշ կտար, իրան սեղանակից կաներ, մանավանդ
եթե օտարական տեսներ, էլ ձեռք չէր քաշիլ:

— Իմ ախպերս տարին 12 ամիս օտարների դռներին ա, սրանց
կերածն էլ նրա բաժինն ըլի:

Այս էր տեշանի համոզմունքը:

Շատ չքաշեց, սակայն, տեշանի ուրախութունը տրամության փոխ-
վեց:

Մի ձմեռ Ապարանում՝ Ափնա գյուղի ձորումը նրա եղբայրը քթար-
գիլ ընկավ, ոտները ցրտատար եղած՝ երեք օրից տուն հասա՞վ՝ անկողին
մտավ և մի քանի օրից հետո աչքերն հավիտյան փակեց:

Այս տարաբախտությունը տեշանին շատ կտրեց, մանավանդ, երբ
մի-երկու ամսից էլ մեռավ նրա կինը, բոլորովին ծերացավ և փոքր
մնաց՝ ինքն էլ հուսահատությունից մեռնում էր:

Նրա տան կառավարողը մնաց յուր այրի քույրը, որ վաղուց չքա-
վորության պատճառով յուր միակ շերիքնազ աղջկա հետ տեշանի մոտ
էր բնակվում:

Երկու տարի տեշանը եղբոր համար սուգ պահելուց հետո կրկին յուր
տնային գործերին կացավ և փոքր առ փոքր առաջվան ուրախ բնությունն
ստացավ. մանավանդ երբ յուր և քրոջ՝ հասակակից աղջիկները տաս-
ներկու կամ տասներեք տարեկան հասակը մտան, նա բոլորովին մո-
ռացավ յուր վիշտերը:

Թեպետ տեշանի եղբոր կենդանության ժամանակն էլ նրա հարսու-
տության համբավը ամեն տեղ տարածված էր, բայց և այնպես օտար-
ների աչքը նրա դռանը չէր, ուրիշների շահասիրությունը զրգռելու տե-
ղիք չկար. նրա միակ ժառանգ աղջիկը դեռ փոքր էր, իսկ ժառանգու-
թյան կեսն եղբորն էր պատկանում:

Բայց եղբոր մահից հետո, երբ տեշանը մնաց միակ տերը յուր մեծ
կարողության, և նրա աղջիկն յուր տարիքին հասած՝ նրա ժառանգն էր,
շատերի ուշադրությունը տեշանի հարստության վրա դարձավ:

Քեպես ձեղնարը նշանած էր, Քեպես նա գեղեցիկ չէր, ամենքը խոստովանում էին, որ Հերիքնազը շատ սիրուն, համեստ ու տեսարար է ձեղնարից, բայց ով հասած տղա ուներ, խեղանի աղջկանն յուր տանը հարս տեսնել էր ցանկանում: Ոչ ոք էլ չէր ուզում միտք բերել, թե խեղանն ու Մվիկենց Աղաջանն օրինավոր բարեկամություն են անում: Թե խեղանի տրտմության միջոցներն Աղաջանն էր նրա մուլքն իրանի պես հոգ տանողը, թե Սմբատը բաշխեալքսմա արած օրից դեսը հարսագատ որդու նման խեղանի տանն ընդունված էր և երկու փոքրիկ աղջիկներն այլապես չէին ճանաչում Սմբատին, եթե ոչ ինչպես իրանց եղբայրը:

— Անբուն ցեց ա խեղանի հարստությունը,— մտածում էր ամեն մի նշանակություն ունեցող հայր,— էլ ի՞նչ կարծիք, որ խեղանի ունեցած-չունեցածն աղջկանն ա. թե որ դրան ձեռք չըցեմ, անխելքություն ա. իմ տղեն Մվիկենց Աղաջանի որդուցն ընչո՞վ ա պակաս:

— Չենդ կորի՛, անպետք լակո՞տ,— բարկանում էին այսպիսի հայրերն յուրյանց որդուց վերա, երբ որ վերջիններս համարձակվում էին հակառակել յուրյանց հոր նպատակին, շհավանելով խեղանի աղջկա գեղեցկությանն, և յուրյանց մոր ձեռքով հասկացնում էին յուրյանց ցանկությունը Հերիքնազին տղելու.— ի՞նչ սիրունություն, ձինն էլ ա սիրուն, որ ոտի տակի կղզորվում ա. սիրունությունն էսօր կա, էգուց՝ ոչ. դու ասա՛ էն մալ ու դովաթը քոնը՝ դառնա, որ միջին լեզ տաս, կնկա սիրունն ու գեղը ո՞րն ա. քո մերը որ սիրուն չէր, տեսնում չե՞մ, որ մենք պակաս մարդ ու կնիկ ենք: Գծվե՛լ ես. ի՞նչ ա, ա՛յ որդի, խելքդ հացի հետ ես կերե՛լ, խեղանի քվեր աղջկանից քեզ ի՞նչ խեր ու խաշու. խեղանի աղջիկն ուզի՛, որ դու էլ, քո օխտը պորտն էլ քեզանից ետը վաշելք:

Ոչ միայն աշտարակցիք էին աչքը տնկել խեղանի աղջկա վրա, երկու-երեք հարևան գավառների հարուստներն էլ ատամները սրած՝ միտք էին անում խեղանի աղջիկն ուզել:

Այս ձայները միշտ խեղանի ականջն էին ընկնում, բայց նա ժպտում և գլուխը պտտում էր:

Ժ
ՔՆՄԱՆՔԱԿԵՔ

Բուն բարեկենդանի կյուրակի երեկոյին, ինչպես ասացինք, աշտարակցիք վերջ դրին Աղզենց կալումն ամբողջ երկու շաբաթվան գժու-թյուններին, ամենքը միմյանց բարի գիշեր ասելով, ուրախ դատի՛կ ցան-

կանալով՝ մտան յուրյանց յուրաքանչյուր հարկի տակն՝ յուրյանց ընտանյաց հետ մեծ պասին դիմավորելու:

Գլուղումը լուռությունը տիրեց, վերջացավ այն կերուխումը, բոլորովին մի հասարակ երեկոյի նմանություն առավ օրը. կարծես թե այս գլուղի մեջ երկու շաբաթ շարունակ ոչինչ արտաքու կարգի բան չէր պատահել: Այս արտաքուտ էր. մտի՛ր ամեն մարդի տունը, և բոլորովին ուրիշ տեսարան կտեսնես:

Տան նախանդամը կամ ծերունին շուրջ արած յուր բոլոր գերդաստանը, շարվել է քուրսու՛ տակը՝ բերանփակե՛ք անելու:

Այստեղ ահա նահապետական սուրբ ավանդությունը պարզ արտափայլում է, տան նահապետն յուր լիազոր իրավունքի մեջն է. ամենքը նրա աչքին են նայում, նրանից ականածում են: Իսկ մեր պապը կամ ափուն, քաղցրությունն և սերն երեսին, չէ թե այս անցյալ երկու շաբաթվան նման աղաղակներով ու հարայ-հրոցներով է դիմավորում պասին, քավիցի, նա համեստ և զվարճալի բարոյական առակներով, հիսուն օրվա հյուր եկող մեծ պասի վերա խոսելով, այս բարեկենդանի օրախությունները գժություն համարելով՝ գովում է պասը:

Մեր ծերունին սրտանց ուրախ է, նա ոչ մի օր յուր շորս կողմն այսպես հավաքված չի տեսել յուր ընտանիքին և մերձավորներին. այսօր նա միայն յուր փոքրիկ գերդաստանի հետ չէ սեղան նստել. նա բազմել է այն սեղանի գլխին, որի շորս կողմն յուր մերձավոր ազգականներն են շարված:

Բաժանված փոքր եղբայրներ, հորեղբոր որդիք, ամուսնացած աղջիկներ յուրյանց այրերի և զավակների հետ՝ բոլորը, բոլորը հավաքվում են յուրյանց ազգապետ ծերունու մոտ՝ նրա օրհնությունն անելով, նրա հետ միասին բերանփակե՛ք անելու:

Մերունու տանը ոչինչ նոր պատրաստություն չի տեսնվելու, ամեն եկող գերդաստան յուր հետ բերում է բարեկենդանից մնացորդ ուտելիքներն և մի զավ գինի ու խառնում նրանց տան՝ եղածի հետ: Այս երեկո օջախ չպիտի վառվի, պապոնց օջախիցը միայն ծուխ պտի բարձրանա, էն էլ բերանփակե՛քի ձվածեղն անելու համար:

— Աղջկե՛րք, երեխե՛ք, հենց որ կերթաք պապոնց, կամ մեծ ափունենց տունը, ամենքդ էլ գնացե՛ք պապի ձեռը պաշեցե՛ք ու ասացե՛ք.— շնհավոր բարիկենդան:

Ի՞նչ ուրախությամբ սերնդի նահապետը գրկում է յուր սիրելիներ-

1 Մի ցածր սեղան է, որ թոնիրը իջնելուց հետո գնում են թոնրի վերա, կապերաներով ծածկում և ոտքերը տակը գրած՝ նստում են:

րին և աշքերն երկինք բարձրացնելով՝ օրհնում վերին նախախնամությունն և աղոթում, որ արժանացնի իրան նրանց մի բուռը հողին:

— Պապի ջա՛ն, հեքիաթ՝ ասե՛ս:

— Դե մի պաշ տո՛ւր:

Երեխեն թուշը դեմ արեց, պապը մկան ու կատվի առակը պատմեց:

— Պապի ջա՛ն, ինձ համար էլ ասա՛:

— Դեռ կա՛ց, էս մինը Գոքորիս համար եմ ասում:

— Պապի ջա՛ն, բա ինձ համա՞ր:

— Դեռ էս լսի՛, աղվեսի ու հավերի հեքիաթն էլ քեզ համար եմ պատրաստել:

— Պապի ջա՛ն, բա ի՞նձ համար,— ազատ բարձրանում է մի երեք-չորս տարեկան մանուկ՝ մեծ աղջկա տղեն՝ պապի ծնկան վերա ու միրքի թելերի հետ խաղում:

Հանկարծ բերանը մոտեցնում է նրան պապն և ատամներով բրուռում սիրուն տղայի փափրիկ կուռը:

— Ասե՛քք ծիծաղում և ուրախանում եմ:

— Իմ կո՛ւռն էլ, իմ կո՛ւռն էլ, պապի ջա՛ն, իմ կուռն էլ կծի՛:

— Չէ՛, քո կուռը պահի, ոչխարներ պտի շինեմ կուռդ վրա:

էլի երեխաների կշկշոցը տունը բռնում է:

Մեծերն էլ կամաց-կամաց մասնակից են լինում այս անմեղ զվարճություններին:

Բավական ժամանակ անց կացավ, և առակը մոռացվեցավ:

— Վա՛յ, հեքաթը կիսատ մնաց, աղվեսը կիտովի:

— Հա՛, հա՛, պապի ջա՛ն, հեքաթն ասա՛, հեքա՛թը:

— Որտեղ մնա՞ց, մտիցս ընկավ:

— Ը՛, ը՛, ը՛, վա՛յ, մոռացա:

— Դե՛, մտքամոլորեն՛ր, ասենք՝ ես եմ հալիվորել, դուք ընչի՞ պտի մոռանալիք. ամո՞թ քեզ, Մուկո՛ւշ, էս քո հեքաթն էր, ով մոռանար՝ դու պտի մտքումդ պահերի:

— էլ ետ գլխի՛ցը, պապի ջա՛ն, էլ ետ գլխի՛ցը:

— Գլուխն էլ մտքիցս թռավ, ընչանք հերթով մի-մին պաշ շտաք, միտս չի գալ. ով շուտ թուշը դեմ կանի, նրա համար կասեմ:

Միմյանց ետ խփելով, երեխայքն ուրախ-ուրախ պապի գիրկն ու շալակն ելան և աշխատում են երեսները շուտ մոտեցնել նրա բերանին:

— էլ չեմ ասում,— համբուրելուց հետո հրաժարվում է պապը,—

սոված փորս վեց-վեց՝ ա անում. դե գնացե՛ք, տատին ասացե՛ք, թող հացը քաշի, մի քիչ փորնհրս լցնենք, հացից ետը շատ բան ունիմ պատմելու:

— Չէ՛, չէ՛, սուտ ես ասում. էսօր բարիկենդան էր, սաղ օրը կերել ես, մենք էլ սոված չենք. ա՛յ, շիրումս գաթի կտոր ունիմ,՝ իշտահ չկա, որ ուտեմ, կուզե՛ս՝ քեզ տամ:

— Չէ՛, ես հաց ուտիլ եմ ուզում, կիրակները կմնան, էգուց դեմ կածենք, շներին կտանք:

— Տատի ջա՛ն, դե դու էլ թեզ արա՛, նոր կերակուր հո չե՛ս և փնրու, էլ ի՞նչ ես ետացնում,— փոքրիկ շրթունքներն ուռեցնելով, քաշքրշում են տանտիկնոջ փեշերը մեր գառնուկները,— պապը սոված ա, ի՞նչ անկուշտ ա, սաղ բարիկենդանին միալար² նի ա տալի³ ու դեռ ասում ա, թե թափանիս⁴ մի դիհը դարդակ ա:

— էլ քունջ ու պուճախ մի՛ ընկնեք, ինչ ունիք-չունիք՝ բերե՛ք, մեջտեղը լցրե՛ք ու դուք էլ նստոտեցե՛ք, էս իրիկուն մի հալալ հաց ուտենք, բերանվակե՛մ անենք, էլ ո՛վ սաղ, ո՛վ մեռած,— հրամայեց պապը, և ամենքը միասին շարվեցան:

— Ա՛յ պառավ, դու հենց նստի՛ կես երեսդ մեր դիհն ըլի, կեսն էլ հարսների, դու երկու ախոռանի ես,— ծաղրածություն է անում պապը յուր կնոջ հետ:

Տղամարդկանց քամակին շարվում են հարս ու աղջիկներն և երեսները մյուս կողմը դարձրած, քամակները դեպի այր մարդիկը, ընթրում են:

— Ա՛յ կնիկ, էսքան բանը որ մեր առաջն ես լցրել, էդ ջահել-չուհուլին ի՞նչ ա մնացել,— հոգաց պապը:

— Տո՛, հար կտրածի մա՛րդ. ըստեղ էնքան թափած ա, որ մի շաքաթ էլ բարիկենդան ըլեր, հատնիլ չէր. մի տե՛ս քանի՞ տնվոր ենք, ամեն տանից էլ եկել ա, ասես՝ էսքանը բերում էիք՝ թե ի՞նչ:

Սկսվում են նույնպես սեղանի վերա կարճ-կարճ ծիծաղաշարձ ասացվածքներ:

— Դուք էլ պստի հարսներ չե՛ք,— հանդիմանում է պապը այր մարդկանցը,— մենակ ես հո չպտի՞ խոսամ, ի՞նչ եք բերաններիդ հուպ տվել, հալրաթ մի-մին բան էլ դուք կիմանաք, ասացե՛ք, էլի՛:

Ուրախությունն ընդհանրանում է, մուրախաս ա, պապը հրաման տվեց, ամենքն ինչ սրախոսություն գիտեն, գործ են դնում:

Հարսներն էլ փառ-փառ ծիծաղում են:

1 Առակ:

1 երես լաղցած եմ: 2 Անգաղար: 3 Ներս է լցնում: 4 Ստամոքսիս:

— Դե՛, ով խաղ գիտի՛ պահի ոչ:

Ամեն մարդ յուր շնորհքը բանացրեց:

— Ա՛յ կնիկ, դե վեր կա՛ց, օջախդ կպցրո՛ւ, բերանփակեցի՛ր ձվա-
ծեղն արա՛, հացը վեր քաղենք, էս երեխեքը մի քիչ ուրախութիւն անեն:

Տանտիկինը մեջտեղ բերեց մի հաստ ձվածեղ, ամեն մարդ մի-մին
թիքա վերցրեց. բերանը դրեց. ծծի երեխեքանց պտոշներին էլ որդեսեր
մայրերը քսեցին, և պապը մի երկար օրհնութիւն ու քարոզ սկսեց:

— Տարվան մեջը շատ ուրախ օրեր են գալիս-գնում,— սկսեց պա-
պը՝ մի թաս գինի ձեռքին բռնած,— զատիկ, շրորհներ, հինգ նավակա-
տիկ, ես ի՛նչ գիտեմ, ո՞ր միսն ասեմ, մենք էդ օրերումն էլ ուրախա-
նում ենք. համա ձմեռվա տան բան ու գործի թեթև վախտի համար
մեր օգորմածիկ պապերը սարքել են բարիկենդանը, որ ամեն աշխա-
տանք թողանք, քեֆի հետ ընկնենք: Ինչ գծութիւններ արինք, ինչ կե-
րանք, ինչ խմեցինք, վերջացավ պրծավ, 50 օր մենք պաս ա գալիս,
ինչքան որ պարապ օրեր ենք անց կացրել, պտի էս օխտը շաբաթի մեջ
տեղակը հանենք: Էգուց-էլօր աշխատանքի օրերը դուս կզան, պտի ամեն
մարդ իր աստծու անումը տա, գլուխը քաշ իր աշխատանքին կենա, որ
աստված էլ նրա ճակատի քրտինքն օրհնի, նրա վար ու ցանքին, նրա
հանգ ու հանդաստանին, նրա հիքանոնցը լիութիւն, առատութիւն տա:
էս իրիկուն ձվով բերաններս փակեցինք, ընչանք զատիկ շաբաթ իրի-
կունը, մին էլ ո՞վ ապրի, թող տեսնի, կարմիր ձվով բեռանքացեմ անենք:
Աստված ըսենց ուրախ սրտով, ցամաք աշքով զատկին արժանացնի
ամեն հայ քրիստոնէի, նրանց սաղաղիցն էլ ձեզ, իմ որդի՛քս, ձեր երե-
խեքանցով, ձեր օգլուշաղով. մոտ եկե՛ք, բալն՛քս, ամենքիդ էլ պաշեմ,
բարով դուք էլ իմ տարսը դառնաք, շատ-շատ տարիներ ըսենց ուրախ
սուփրա բաց անեք, փեսեքանց, թոռների, ծոռների տեր դառնաք, ձեր
երեխեքանց կարմիրը կապեք: Ա՛յ հարսներ, ա՛յ աղջկեք, շատ ապրիք,
հնազանդ ըլիք, դուք էլ պառավիք ու իմ պառավի պես ճանգլաճուտերով
հացի նստիք, բարով սև օրեր շտեսնի՛ք, ձեր սև օրերն էսօրվա պես
ըլին, ինձ ու իմ պառավին էլ ձեր ձեռովը հողը դնեք, ձեր մի բուռը
հողին արժանանանք, երկնային թագավորիցն էլ խնդրել եմ անարժան
բերանովս, որ մեզ իր արթալութիւնին արժանացնի. ամեն:

Անխտի ամենքը վեր կացան, պապի ու տատի ձեռքը համբուրե-
ցին, սրանք էլ նրանց երեսները պաշեցին, և սեղանը հավաքվեցավ:

— Ա՛յ կնիկ, դե գնա՛ մի քիչ պոպոթից-մոպոթից բեր, երեխեքանցն
առաջն ածա՛, մի քիչ էլ վեզ խաղան ու գնան իրենց տները,— հրամա-
նեց պապը:

Մի ուրախութիւն էլ նոր սկսավ. մի կողմը վեզ են օջում տղայքը,

Մյուս կողմը թուղանգի են խաղում հարս ու աղջիկները. ավելի հասա-
կավորներն էլ հավաքվել են պապի մոտ և զվարճանում նրա համով
հանաքների վերա:

Խեղանենց Խեղանն էլ յուր տան նահապետն ու գլուխն էր. նա շատ
տխուր բերանփակեք արեց. նրա քույրը շատ ստիպեց նրան շկտորել երե-
խեքանց սիրտը, բայց նա լսել անգամ չուզեց:

— Ի՛նչ կըլնեք, որ հիմի իմ ախպերս ու հընկերս կենդանի ըլնեին
ու մենք էլ մի ուրախ պաս բռնեինք,— պնդում էր նա քրոջ խոսքե-
րի դեմ:

— Աստծով, երբ որ Հեղնարին կպսակենք, Սմբատը քեզ ախպերու-
թիւն էլ կանի, որդիութիւն էլ:

Խեղանի տրամադրութիւնը փոքր-ինչ փարատվեցավ, երբ որ Սըմ-
բատը տուն մտավ, ձեռքը համբուրեց:

ԺԱ

ԱՆՄԵՂ ՄԱՆԿՈՒԹՅՈՒՆ

Եթե ազգականութեան մեջ կա մի ամուր կապ, որ մարդկանց իրա-
րու մոտեցնում, իրարու ուրախութեանն ու տրտմութեանը մասնակից է
անում, այդ քաղցրութիւնն ավելի զգալի է հասարակ ժողովրդի մեջ,
քան բարձր դասակարգի, գլուղականաց մեջ առավել՝ քան թե քաղա-
քացիների:

Գլուղացին յուր անձնական գործի հետ միասին պարտականութիւն
է զգում յուր ազգականի կարիքին հասնելու, յուր մերձավորի ուրախու-
թեան ու տրտմութեան ժամանակը նրա զգացմունքներին բաժանորդ
լինելու:

Նա ուրախ է, երբ յուր հեռու-մոտիկ քարեկամի տանը մի բարե-
բախտութիւն է պատահել, մի հարսանիք, մի ծնունդ. նա ամենայն
սիրով շնորհակալութիւն է անում, երբ նրան ավտիք են տալիս:

— Այժդ լո՛ւյս, քեռուդ աղջկանը նշանել են, կամ թե՛ խնամուդ
կինը տղա է ծնել:

— Աջքալուսով կենաս,— պատասխանում է նա քեզ,— բարով ձեր
աղիք սիրեկաններին էլ ռաստ գա էս ուրախութիւնը:

Այսպես էլ իմացիր և տրտմութեան ժամանակը:

Սեր, քաղցրութիւն, մոտիկ հարաբերութիւն, շարունակ միեմանց
տուն գնալ ու գալ, կեսգիշերին, մեղգիշերի բարեկամի կարիքին հաս-

նել,— այս գեղեցիկ հատկութիւններով կհիանա Հայաստանի գյուղերը մտնող մեկը, մանավանդ, եթե նա ծանոթ չեղած գյուղական պարզութեանը, սնած քաղաքի շինծու, կենցաղավարութեամբ, դիպվածով ընկնի վերոհիշյալ երանակետ կյանքի մեջ: Միանգամայն կզմայլի այնպիսի անձը՝ տեսնելով այնքան շքեղ սեր և անխարդախ բարեկամութիւն:— Այո՛,— կասի նա,— ո՛րքան մեծ զանազանութիւն, ո՛րչափ նախանձելի վիճակ, ո՛ր գյուղացու անկեղծ բարեկամութիւն, ո՛ր մեր քաղաքացիներիս քաղաքավարական կեղծ կանոնների վերա հիմնված առերես ունեցած մարդահաճոյութիւն:

Մերձավորների ու բարեկամների հարաբերութեանց վերա խոսելով՝ մենք չպետք է խլենք գյուղացուց բոլոր յուր նմաններին ցույց տված համակրական զգացմունքը: մի տեղ նա ասում է,— մոտիկ հարևանը լավ է հեռու բարեկամից, մյուս տեղ՝ առաջ մերը, հետո մերոնցը: Այս երկու առածը միմյանց չեն վնասում: սրանցով գյուղացին թե հարևանին է սիրում և թե ազգականին: մանավանդ, եթե նրա բարեկամութիւնը նոր է, նոր խնամութիւն են կապել յուրյանց մեջ:

— Խնամի ջան,— ուրախ դիմավորում է նա յուր ազգականին,— բարեկամացանք՝ բարեբարացանք:

Այդ օրից նրանք միմյանց տան անդամներն են:

Խեչանենց Խեչանի և Սվիկենց Աղաջանի մեջ երեխաներին բաշխբարթմա արած օրից մի ամուր բարեկամութիւն հաստատվեց, նրանց տները, համարյա, միացան, մի գոլալ տաք ու հովը բաժանում էին իրար հետ:

Բավական չի, որ երկու սիրով խնամիքն ամբողջ օրերով համարյա միասին էին լինում, Սմբատը գիշերներն էլ իրենց տանը շէր քնում:

Ինչպես առհասարակ գյուղական սովորութիւնն է, Սմբատը ձմեռներն ուսումնարան էր գնում, ամառներն այգին, կամ արտը: այդ միջոցումը նա շէր էլ հարցնիլ, թե իրենց տաշտի՞ցն է հարկավոր հաց վերցնել՝ գրպանը դնել, թե Խեչանենց: Երկու դուռն էլ բաց էր յուր համար, երկու տունն էլ իրանն էր: շատ անգամ նա մոռանում էլ էր, թե ո՛ւմ տղեն է: Հեղինարի ու Հերիքնազի մեջ նա ոչինչ զանազանութիւն չէր գտնում, երկուսն էլ յուր քույրերն էին, Խեչանն էլ յուր հորեղբայր: Ահա այսպես էր պատասխանում նա հարցնողին: նա ոչ բաշխբարթմի նշանակութիւնն էր հասկանում և ոչ նշանածութիւնը: նա պարզ, անմեղ երեխա էր և նույն անմեղութեամբ շարունակում էր յուր երթևեկութիւնը, մինչև որ տարիները մի օր նրա թևիցը բռնած ետ քաշեցին:

Այս միևնույն դրութեան մեջ էին և երկու մատաղատուն աղջիկները: քանի՜ փոքր էին, նրանք միմյանց այլպէս չէին ճանաչում, եթե ոչ

հարազատ քույրեր: եթե հարցնելու լինեիր՝ ելլալը ունի՞ք,— այո՛, կպատասխանեին,— Սմբատը մեր եղբայրն է: Երեխայական անմեղ խաղեր, Սմբատի հետ քաշել, քաշքշվել, ծեծել, ծեծվիլ, միմյանց դեմ շքրթունք ուռնցնել, մի քանի րոպե խոսվել, էլ ետ միմյանց գիրկն ընկնել, հաշտվել, ահա այսպես էին երեք երեխաների հարաբերութիւնները:

Երկու աղջիկները, համարյա թե, հասակակից էին, իսկ Սմբատն երեք կամ չորս տարով մեծ էր նրանցից, և այդ էր պատճառը, որ աղջիկները միմյանց հետ վեճ ունեցած ժամանակը, շատ անգամ, իրենց դատավոր էին կարգում Սմբատին:

— Սմբատ ջա՛ն, իմ դի՛չը պահի՛,— փաթաթվում համբուրում էր Հեղինարը:

— Սմբատ ջա՛ն, սուտ ա ասում, իմ կուսը կա՛ց,— ցերկն էր ընկնում և թուշը կամ աչքերը տղայի պոռշներին դեմ անում Հերիքնազը:

— Երկուսդ էլ սուտ եք ասում, կորե՛ք, գնացե՛ք,— ետ էր խփում Սմբատը, բայց այդ ժամանակ նա էլ՝ երեխաների ձեռքից շէր պրծնում, վրան էին թափվում, վայր ձգում և այնքան շարշարում, երեսն և գլուխը պաշպշում, կրծքին նստում, մինչև որ նա երկուսին էլ ճշմարտացնում էր:

Խեչանի կինն, ինչպես հայտնի է, վաղուց մեռած էր, երկու երեխաներին միահավասար մայրութիւն էր անում Խեչանի քույր Մարիամը՝ Երեկոյան, երբ նա անկողինը փռում էր, երկու աղջիկներն ու Սմբատը պարզապես հանվում էին և Սմբատին մեջ առած՝ խաղում, մինչև որ քունը նրանց աչքերը փակում էր:

— Չեր ջանին մեռնի՛մ, անմեղ հրեշտակնե՛ր,— ասում էր Մարիամըն ու յուր շորերն էլ հանում, երեքին կարգով համբուրում, նրանց կողքը մտնում, մի պակաս-պուտ «հայր մեր» ասում, երեք երեխաներին էլ խաշակնքում ու աչքերը փակում էր: Խեչանն էլ իրան պարտականութիւնն էր համարում անկողին շմտած՝ երեխաներին համբուրել ու այնպես պառկել:

— Փառքդ շատ ըլնի՛, աստվա՛ծ,— ձեռքերն երկինք էր բարձրացնում նա,— ո՛վ կկարծեր, թե օր ծերութեան դու ինձ էս մխիթարութիւնը պտի տաս:

Ոչինչ բան չէր խանգարում երեխաների պարզ միտքը, սերն էր թագավորած նրանց մեջ, քանի նրանք մանկութեան տարիների մեջ էին:

Գյուղի ուսման ընթացքը շատ երկարատև չի: մի երկու երեք ձմեռ երեխայքը կհաճախեն մի տիրացուի կամ տերտերի մոտ՝ մի ութ կանոն սաղմոս կամ կտակարան ձեռքերին, ու մարտը դուրս հալուն պես գրքերը կրկին կծալեն, տան խոր անկյուններից մեկում հանգիստ կտան ու կերթան իրանց ծնողներին պետք գալու դաշտի կամ այգու գործն:

բումը: Վերջն երբ մի քանի տարի շարունակ տերտերի բակումը ֆալախի մեջ մտնելուց ու ապտակներ ուտելուց հետո փոքր-ինչ խզբզոց իմացան կամ, ինչպես իրանք ասում են, իրանց հոր նիսիեն¹ գրել կարողացան, նրանց ուսումը լրացավ, փիլիսոփա դառան՝ պրծան, տերտեր հոչատի՞ դառնան, շատ կարողացողը կգծվի:

Ահա մեր Սմբատն էլ յուր ուսման ընթացքն ավարտեց. նա այժմ ոչ թե միայն յուր հոր նիսիենն է գրում ու կարդում, տեղն ընկած ժամանակն ուրիշների համար բարովագիր կամ սանադ էլ է գրում. նա ուրեմն էյամուլ եղավ²:

Ահա նա մտավ տասնևվեց տարին:

— Կա՛ց,— մի օր նրան ասաց մի ներքին ձայն,— ո՞ւր ես գնում դեպի խեչանի տունը, այդ ձերը չէ, քո աներանց տունն է:

Եվ Սմբատը կանգ առնավ. նա յուր մեջ մի փոփոխություն զգաց, նրա երեսը կարմրեց, տաքացավ:

Նա յուր շուրջը նայեց ու հեռվից մի գյուղացի տեսավ: Էլ չկանգնեց Սմբատը, ետ դարձավ ու մինչև յուրյանց այգին մին վազեց:

— Ամո՞թ ա, ի՞նչ կասեն, թե օրով-ցիրեկով նշան:սծի կուշտն ա գնում,— մտածեց նա:

— Է՛հ, ինչ կուզեն ասեն, ի՞նչ անենք, թե նշանածս ա, ես հո պեղե՛մ, որ իրան ուտեմ. դեռ նշանածս պատիկ ա, դեռ երթալն ամոթ չի:

Այսպես խելքը փչեց պատանեկության մեջ նոր ոտ դրած Սմբատի և նա կրկին քայլերն ուղղեց դեպի խեչանի տունը: Գնաց, բայց վա՛յ էն գնալուն՝ ինչ նա գնաց. գողի պես կուշ ու ձիգ անելով, ծուռն և ետ ընկած փողոցներով, յուր սովերիցը վեր թռչելով, որպես և իցե բակը ներս ընկավ: Նրա բախտիցը Մարիամն այդ միջոցումը պարապած էր տնային գործով, չնկատեց Սմբատի այլայլմունքը, խեչանն էլ տանը չէր, ապա թե ոչ կարելի էր կարծել, որ Սմբատն այսօր մի արգելված բան է գործել:

Երկու աղջիկներն իհարկե, չէին կարող Սմբատի շփոթմունքը տեսնել, նրանք ըստ սովորականին էլի փաթաթվեցան, էլի համարեցին, էլի ուսերիցը ճուղակ ընկան³, բայց Սմբատը միշտ աշխատում էր դուրս ընկնել նրանց գրկիցը: Մին ուզում էր, որ նրանց վեր կոխի, տակը դնի, մազերը գզգզի, ծեծի ու ծեծվի նրանցից, խոռվի, գլուխը պատին դեմ տա՛ կանգնի, մինչև որ յուր ամեն օրվան խաղի ընկերներն իրան քարշ տան, պաչեն, պաչվին ու հաշտվին, ուզում էր առաջվա պես վարվի

նրանց հետ, բայց չէր կարողանում: Կարծես մինը ձեռքիցը բռնած՝ ետ էր քաշում:

Մինչև այսօր Սմբատն յուր մեջ ծանր ու թեթև չէր արել, չէր համեմատել, թե երկու աղջիկներից ո՞րն ավելի գեղեցիկ է, դուրեկան է. երկուսն էլ նրա համար մեկ էին, երկուսն էլ յուր քույրերն էին, նա գեղեցկության վերա ոչ գաղափար և ոչ հասկացողություն ուներ: Թեպետ Հեղնարը Հերիքնագի փոքր ավելի շար էր, դրա համար էլ ինքը շատ անգամ Հերիքնագի դիհն էր կենում և Հեղնարին ատում. մինչև որ Հեղնարը գալիս լաց էր լինում, աղաչում, փաթաթվում, որ Սմբատն ու Հերիքնագը յուր հետ բարիշեն ու խաղան, բայց այդ ի՞նչ վնաս, դրա վրա ո՞վ էր մտածել:

Այսօր առաջին օրն էր, որ Սմբատը գլուխը հանկարծ բարձրացրեց, երկու աղջկա վերա ևս աչք զարձրեց ու յուր մեջն ասաց. Հերիքնագը սիրուն է:

— Հերիքնագը սիրուն է,— մտածեց նա ու մի խոր հոգոց քաշեց և դուրս գնաց:

Աղջիկները վազեցին քամակիցը, կանչեցին, լաց եղան, բայց Սմբատը ետ չդարձավ. նա գնում էր ու ինքն իրեն մտածում.— Հեղնարն իմ նշանածն ա, համա Հերիքնագը սիրուն ա:

— Ընչի՞ էլ առաջվա պես Սմբատը մեզ հետ խաղ չի անում,— հարցրին մի անգամ երեխայքը Մարիամին:

— Ընտուր որ հիմի նա մենծացել ա, ամոթ ա նրան խաղալը:

— Ընչի՞ էլ շուտ-շուտ չի գալիս, եկած վախտն էլ ինչքան աղաչանք ենք անում, քշերը մեզ մոտ չի քնում:

— Ախար ամոթ ա, ո՞նց կըլնի նշանածը նշանածի կշտին քնի, Սմբատը Հեղնարի նշանածն ա:

— Չէ՞ որ դու ասում էիր, թե ախպերներս ա:

— Ընչանք հիմի ախպեր էր, հիմի նշանած ա:

— Իմ է՛լ նշանածն ա,— հարցրեց Հերիքնագը:

— Չէ, քու փեսեն ա:

— Չե՛մ, ը՛, թող ինձ էլ նշանած ըլնի:

— Հազիր որ ինձ էլ փեսա ըլնի՛:

— Չէ՛, երկուսիս էլ համ փեսա ըլնի, համ նշանած, որ խոռվենք ոչ:

— Ախչի՛, գլխիցս ոտդ էլեք՛, էդ ո՞նց կըլնի, Սմբատը Հեղնարը նշանածն ա, Հերիքնագի փեսեն:

— Նանի ջան, փեսեն ա լա՛վ, թե նշանածը:

¹ Ապառիկ: ² Գիտության ընթացքն ավարտեց: ³ Կարկեցան:

¹ Հեռացե՛ք:

- Երկուսն էլ մին են:
- Լավ ա՛ որ երկուսն էլ մին են, թե չէ մենք չէինք ուզիլ, որ մերս փեսան ըլնիր, մեկելիս նշանածը:
- Հոբիր շան, Սմբատն երբ որ մեր տունն ա գալիս, էլ ինձ հետ չի խաղում, խոսում, հենց միալար Հերիքնազի հետ ա հանաքներ անում,— գանգատվեց մի անգամ Հեղնարը Մարիամին:
- Օրենքն ըտե՛նց ա, ասենք, Սմբատը քեզ համար ա գալիս, համա քննու հետ պտի խոսի, նշանածի հետ շատ խոսալն ամոթ ա. Հերիքնազը քենին ա, դու նշանածը:
- Թե որ ըտե՛նց ա, թող Հերիքնազը ըլնի նշանածը, ես քենին. ես ուզում եմ, ինձ հետ էլ խոսի ու խաղա, յա թե չէ մի օր ես ըլնեմ նշանածը, մի օր Հերիքնազը:
- Անմեղ բալե՛ք,— մտքումն ասում էր Մարիամն ու երեսը շուտ տալիս, հեռանում:
- Ախլի՛, հրե՛ նշանածդ եկավ,— ասաց մի օր Հերիքնազը Հեղնարին:
- Հեղնարի շանը մի սարսուռ ընկավ, նա կարմրեց, տաքացավ ու ներս փախավ:
- էս տարիներն էին՝ նրանք էլ մտել էին տասնևչորս տարին:
- Մինչև այսօր աղջիկներից ոչ մեկը չէր մտածել յուր անցյալի կամ ապագայի վերա, երկու քույր էին յուրյանք, յուրյանց հայրը եռչանն էր, մայրը՝ Մարիամը:
- Ընչի՞ ես քեռուս քեռի եմ կանչում, Հեղնարն՝ ափու՞:
- Ընդուր որ նա իմ ախպերն ա, քու քեռին կըլնի. համա Հեղնարի հերն ա:
- Բաս ես հեր լու՛նե՞մ:
- Չէ՛, դու եթի՞մ ես,— պատասխանեց Մարիամն յուր աղջկանն ու էլ չկարողացավ դիմանալ, աչքերիցը թափելով հեռացավ:
- Ես եթի՞մ եմ, էս մեր տունը չի՞,— մտածեց Հերիքնազն ու փուլը թողեց՝:
- Ընչի՞ ես քեզ հոբիր եմ կանչում, Հերիքնազը՝ նանի,— հարց տվեց Հեղնարը:
- Ընդուր որ ես քո հոր քիրն եմ, Հերիքնազի՛ մեքը:
- Բա էս ձեր տունը չի՞, դուք մեր տանն եք կենո՞ւմ:
- Հա՛,— հոգովոց հանեց Մարիամը:

— Բաս իմ մերն ո՞ւր ա:
 — Աստված տարավ:
 Հեղնարն աչքերը լցրեց ու հեռացավ:

ԺԲ

ՃԼՈՐԹԻ

Մեծի պահոց երկուշաբթի առավոտը ծեղելահան ամեն պտռավ տանտիկին տեղիցը շուտ կվերկենա, տան մյուս անդամներին կզարթնացնի, տղամարդկանցը ժամ կղրկի, կնիկարմատներին էլ կհրամայի պղնձկարգը ցած բերել, պասահան կանի, ուտիսի հոտը միջից կկտրի ու խտակ-խտակ լվացած տեղերը կշարի:

— Ախլե՛ք, մի սոխ ու օխտը բմբուլ բերե՛ք,— կհրամայի տանտիկինը, և սոխի վերա յոթը փետուր կարգավ կշարի սպիտակ անիվի ճաղերի նման ու յուր ձեռքովը կտանի, տան երդիկիցը կկախի:

Յոթը փետուրը պահոց յոթը շարաթն է, ամեն կյուրակե մի-մի փետուր պտի քաշեն սոխի վրայից, վերջին փետուրն էլ ծաղկազարդին կհանեն և կնշանակի, որ պասը վերջին է հասել, զատկի հոտը փչում է, կարմիր ձուն ներկելու օրերն են:

— Այ խիզան՛, աչքներդ երդկին քցեցե՛ք,— կհրամայի տանտիկինը սոխը կախելուց հետո,— շնհավոր մենձ պաս, բարով հասնինք զատիկը՝ ուրախ սրտով, ցամաք աչքով. պապին շնհավորեցե՛ք, տեսե՛ք՝ թևավորված ոտները կախ արեց մեր երդիկովը, ծանր-ծանր նստեց, բարով պապի բմբուլները պոկելով տկլորացնենք, ումբրը՞ լորը պոչ շինենք³, հետ ածենք, գնա՛ քարափների տակին տափ կենա:

Այս օրը հայաստանցու համար շատ մեծ և նշանավոր օր է. նոքա զատկից պակաս ուրախությամբ չեն դիմավորում մեծ պասին, նոքա այսօր պասը նհավորեմ ունին:

Առավոտյան ժամումը «լվացարուք սրբեցարուքը» լսելուց հետո՝ ամենքը տնետուն կընկնեն և միմյանց համբույրներ տալով կշնորհավորեն մեծ պասը:

Նորափեսայն էլ, որոնք այս ձմեռ պսակվել էին, այսօր շատ մեծ գործի վերա են:

Սրանցից միըն՝ Սաթումենց Սահակն այսօր առած յուր խաշեղբորն

1 Ընտանիք: 2 Կյանքը: 3 Լորի պոչ շինել՝ նշանակում է կարճացնել. հայտնի է, որ լորը պոչ լու՛նի:

ու փեսեղբորը, յուր նորափեսայութեան հանդերձը հագած, մի գավ գինի և մի ափսեով շոր միրգ փեսեղբոր ձեռքը տված, գնաց յուր աներանց տունը՝ նրանց պասը շնորհավորելու:

Սաթումենց տանն այսօր մեծ հարկինքս՝ է, նորահարսի համար պետք է այսօր պասվա բաժին գար յուր մոր ու բոլոր բարեկամների տներիցը. այսօր նորահարսը պիտի հավաքեր յուր բոլոր ընկերուհիներին, և նրանց հետ պաս բռներ:

Աներոջ ձեռքն ու զոքանչի կուրծքը համբուրելուց հետո՝ մեր նորափեսա Սահակը նստեց յուր ընկերներով քուրսու վերի կողմը:

— Ա՛յ կնիկ, էլ մի՛ հտացնիլ, իրեք սհաթ մի՛ ծածոացնիլ², — տնօքինեց Սահակի աները, — ես գիտեմ, էսօր խեղճ փեսիս քաշ պտի տաս քո բարեկամների դռներին, էնքան ազգ ու ընտանիք ունիս, որ Մողոնու նախրիցը շատ են³, ընչանք իրիկուն անճախ կպրծնեն խեղճ տղեքը. բե՛ր սրանց խալաթը⁴:

Սահակի զոքանչը բերեց մի-մի զույգ նորասանու նաշխուն գյուլբա, դրեց աղիզ հյուրերի առաջը, իսկ փեսային՝ գյուլբի հետ մի բաղ-գաղի աղլուխ էլ վիզը փաթաթեց ու թուշը պաշեց:

— Իե հրամայի՛, խնամի, — խոսեցավ փեսեղբայրը, — տեսնե՞ք քանի՞ տուն ենք պասաշնհավորեք գնալու. էսօր մենք քո ճորտերն ենք, քարափովն էլ որ քցես, լսելու ենք:

— Բարո՛վ դու էլ էս օրին արժանանաս, բայե՛ս, — օրհնեց նրան Սահակի զոքանչը, — դե ես մի-մին ասեմ, դու համբարի՛. ա՛յ, լավ միտներդ պահեցե՛ք, ձեզ մատա՛ղ, մոռանաք ոչ, էլ մեր՝ ազգականների ձեռքը պրծնիլ չեմ, կասեն՝ Շողակաթը լալազ շտեսավ⁵ իր փեսին մեր տունը դրկելու:

— Տո՛, դու ուրախ կա՛ց, խնամի ջա՛ն, քանի կարաս՝ շարի՛, կուցես Շուխոնց դեմիցը բռնեմ գնամ Ղոթի Ակոփի տանը դուս գամ: Ինչի՞ շպիտի գնանք, փորներս կծակի՞, պատիվ պտի ստանանք, պատուհաս հո շպտի՞ քաշենք. ասենք, փեսեղ իր խալաթն ամեն տեղ կառնի, հալբաթ մի քանի աստծասերների աչքն էլ մեր վրա կբաղցրանա:

Պառավն սկսավ համարել՝ մամոնը ծալելով, էս բերդաթաղումը՝ Շուխոնց Ալմաստը, Չնղինց Զմրութը, Սալադենց Զավահրը, Քուրդ-Մանուկենց Յաղութը, ընտեղից ետ գաս առվի ափովը՝ Զաղենց Նարգիզը, Մելումենց Լիլիֆարը, Վարսանենց Սալբին, մտնես պուճուր քուչեն՝

1 Հացկերպ: 2 Ձեռքի: 3 Մողոնի մի փոքրիկ գյուղ է Աղասարափու մաս: 4 Պարգ: 5 Արժան շտեսավ:

Բոշենց՝ Ոսկին, Ղափանցոնց Զառնշանը, Թումանենց Սիմիղարը, անց կենաս սրբը Մայրամի թաղը՝ Միրզի Վաթերը, Ճուրուրան Մաքուն...

— Դե՛ լա՛վ, դե՛ լավ, էլ գլուխդ ցավացնիլ մի՛, — խոսքը կտրեց փեսեղբայրը, — ձեր ազգ ու ընտանոնց մենծիցը բռնած, ընչանք օրորոցի երեխեն, եփած որ ըլին՝ խաշուն կճանաչեմ, թե որ մինը մնա՝ ինձանից ուզի:

— Դե՛ աստված ձեզ հետ, տղեք ջան, աշխատեցեք շուտ վերջացնել, կնիկարմատի խոսքին շատ անկաջ մի՛ կախեք, մի քանիսն էլ լոք տվե՛ք¹, սրան որ հարցնելու ըլնիք՝ կվակերենց տունն էլ կղրկի. որտեղ խելքներդ կփշի՛ մտե՛ք, որտեղ՝ ոչ՝ անկաջի քամակը քցե՛ք², — խառնըվեցավ Սահակի աները:

— Ը՛, սուտ ա ասում, ձեզ մատաղ. փեսա ջա՛ն, դու սրան լսես ոչ, ամեն տեղ էլ գնացե՛ք, թե չէ ես էլ պրծնիլ չեմ, երկու գազ քինթ կախ կքցեն:

— Դու միամիտ կա՛ց, նանի՛ ջան, աչքիս վրա, էսօր ափունիկ չենք լսիլ, էսօր իրավունքը բռննա՛, — միամտացրեց փեսեն:

— Ա՛յ տղա, մտիցս ընկավ, թե երեխիս քեֆը³ հարցնեմ, քոռանա Թագուհուս նանի աչքերը, քանի՞ վախտ ա՛ տեսել չեմ:

Պառավն աղջկանը միտքը բերեց և աչքերիցը թափեց:

— Է՛հ, աղջկանդ համար ի՞նչ ես հոգս անում, խնամի ջան, — կատակ արեց փեսեղբայրը, — էլ դուք ըստուց ետը նրա աչքումն ի՞նչ կգաք, ուրախ տոճնգի ա տալիս, տաք տեղ ա գտել, մորազ ձկան նման քշերն ընչանք լիս էս քո քյալաշ⁴ փեսիդ ծոցումը խլալտում ա՛:

— Գնացե՛ք, գնացե՛ք, ա՛յ անամոթ, — գլուխն ամաշելով քաշ ձգեց պառավը, — բարով դու էլ քո խլալտանին արժանի ընիս:

— Ամե՛ն, ամե՛ն, աստված բերանիցդ լսի, — ասաց փեսեղբայրն, ու մեր տղաքը գնացին խնամոնց բոլոր բարեկամների պասը շնորհավորելու:

Ամեն տեղ էլ նորափեսան ու խաչեղբայրը մի-մին զույգ գյուլբեք ստանում էին, իսկ փեսեղբայրը մի քանի տան միայն արժանացավ պարգևի:

Սահակն յուր աներանց բոլոր բարեկամների տները ման գալուց հետո՝ սկսավ յուրյանց ազգականներին էլ տեսություն գնալ. բայց էլ պարգևի թող չսպասեն. այդ պատիվը միայն նոր խնամոնց մոտ կտեսնեն:

— Շատ ուշացանք, մի երկու-երեք՝ տուն էլ մնաց, անց որ ըլի՛

1 Քալիքը լայն դեղով անցնել: 2 Քրպիտությունք: 3 Կտրեմ: 4 Երտում:

պրծնենք ու տուն գնանք. տղի՞ք, հաշվաւաս ճլորթին վերջացած կըլինի, մեզ կըլինի սպասում,— տնօրինեց նորափեսան:

Ինչպէս ասացինք, այսօր Սահակինց տանը մեծ հանդես կար, բազմականին ազափ աղջկերք ու շահել հարսներ հրավիրված էին: Սրանց միջին շէր գտնիլ միայն այս տարվա պատկվածներին. այսպիսիների բոլորի տներումն էլ ճլորթի կար: Սրանք այսօր իրանց տանից դուրս չէն գալ:

Հացատան երգկի փայտիցը կապել են մի պարան և ամենքը հերթով ճլորթի են ընկնում: Ամուսնացածների ընկնելու ժամանակը ոչինչ հետաքրքիր բան չկա. մի քանի անգամ ճլորթու մեջ նստած՝ կճոճեն ու կիջեն: Տեսարանն ազափ աղջիկների ճոճելու ժամանակն է. սրանք էլ պտի ավարտեն, որ վերջուցը նորափեսան շնորհավորելու տեղերից վերադառնա ու յուր նորահարսի հետ ճլորթի ընկնի:

— Աղջկի՞ք, հարսները պրծան. հիմի դուք սկսեցի՞ք, շո՛ւտ, որտեղ եք ա՞յն փրփու տուն կընկնի,— տնօրինեց տանտիկինը:

Երկու օգիտող ավելի վստահներիցը՝ մի-մի ճիպոտ ձեռքներին, կանգնել են ճլորթու այս ու այն կողմը: Մի ուրիշ աղջիկ էլ քամակիցը առաջ է հրում պարանի վրա նստողին և սա օդումը ճոճում է:

— Նշանածիդ անունն ի՞նչ ա,— խփում են ճիպոտով ճոճողին ու հարցնում:

— Ամա՛ն, ամա՛ն, ամա՛ն:

— Որ կարվիս՝ պտի ասես, ճիպոտը վրեղ կկոտրեմ:

Մինչև որ ճոճողը որևիցե ազափ տղայի անուն չտա, նրան կփսին: Ճլորթու տաք ժամանակն է, նորափեսի գալը մոտ է, աղջկերքը շտապում են շուտ ճլորթի ընկնել ու պրծնել, որ չըլնի թե տղեքանց մոտ նշանածի անուն ասել ստիպվին ու խայտառակվին:

Ամենքը ուրախ են:

Այդ միջոցը ոչ ոք չնկատեց, որ տան մուփն անկյուններից մեկում երկու աղջիկ երես-երեսի նստած, ձեռքները կզակներին դեմ տված, կամաց քփչում են:

— Ախի՛, ամոթ ա, հերիք լաց ըլնես, աչքերդ կարմիր տակ են դառել. լա՛վ որ ամեն մարդ իր քեֆի հոգումն ա, մեզ միտք բերող չկա, քեզ մատա՛ղ, թե ինձ սիրում ես, աչքերդ սրբի՛: հիմի էն անզգամ Զանազանն ամենքին էլ կարծացնի ու փետը ձեռին կգա գլխներիս ցից կըլնի, հո փախչիլ չե՛նք կարող, կարգ ա, պտի ճլորթի ընկնենք. էսօր էս մարդկանց տանն ուրախություն ա, հո մենք սրանց քեֆը հարամ չե՛նք կարող անել:

— Օ՛հ, ես կմեռնեմ ու Սմբատի անունը չեմ տալ, ախար սրտիցս

պտի բխի. որ չի ըլնում, ի՞նչ անեմ, ո՛ր կրակն ընկնիմ, դու հենց միշտ մեղադրում ես ու զոռ անում, որ սիրեմ, շատ էլ լավ տղա յա, որ կպչում չի՛, որ չե՛մ սիրում:

— Ախի՛, քանի՞ ասես, ըստեղ դրա վախտը չի, դեռ մի աչքերդ սրբի՛ ու պատրաստվի. թե կուզես ըսկի Սմբատի անունն էլ մի՛ տա, որ կհարցնեն, ասա նշանածիս անունը կիրակոս ա, պրծանք՝ գնաց:

— էդ դու կարող ես՝ որ ազափ ես, համա ես ի՞նչ քարը քցեմ գլխիս, իրեք տարեկան անլեզու երեխա եմ էլել, որ իմ հերս գլուխս կապել ա. սև բարիկենդան ըլնե՛ր էս օրն իրանց գլխին. ինձ էլ իմ ախպորտանց ծոցը դրած պրծած ըլնեք, որ իր քեֆի համար մի մատը երեխեքանց գլուխը կապեր ոչ. յարա՛ք, էս ի՞նչ անօրեն սովորույթ ա, ծծի երեխին էլ բաշխյաբքմա կանե՛ն:

— Դե ուրիշը հո չի արել, Հեղնար ջան, քո հերը քեզ վրա իրավունք ունեք, հիմի ո՛ր աղջիկն ա իր սրտի ուզածին գնում:

— էդ ա, է՛, որ տավարի պես ականջներիցս բռնած ում ուզում են՝ տալիս են. աղջկերանց սրտին էլ հարցնեն՛ն:

— Բախտավոր կըլնին ամենքն էլ, թե որ քո նշանածի պես տղի թուշ ըլնեին՛, ասենք՝ դու ես, որ քո բախտին քացով տալիս ես:

— Շատ լավ ես ասում, Հերիքնազ ջա՛ն, համա որ սիրում չե՛մ:

— Լա՛վ, լա՛վ, հե՛րիք ա, Հեղնար ջա՛ն, դարդերդ էստեղ աշլա անելու՞ տեղը չի. ինձ հայտնի ա, թե ընչի՛ չես սիրում, գիտենամ թե դու նրա մեջն ի՞նչ ես տեսնում, մի իմանանք տեսնենք, թե Արշակը քե՛զ ա սիրում, թե քո հարստությունը:

— Ամա՛ն, ոտիդ տակին մեռնի՛մ, Արշակի համար էդ խոսքերը մի՛ ասիլ, նրա մի զունգը հարիր Սմբատ ածի, նա օրթում կրակն ա ընկնում, որ մի շապկանց էլ հերս կուռս բռնի իրան տա՛ ուրախությունով ինձ կաննի:

— Դե լա՛վ, լա՛վ, աչքերդ սրբի. վա՛յ, կիրանամ, տեսա՞ր ինչ արինք, էնքան նստեցինք, որ նորափեսան տուն եկավ, հիմի ի՞նչ պտի անես. գլխովդ պտիտ գա՛մ, Հեղնար ջա՛ն, մեզ թուք շանես, ուզես չուզե՛ս՝ պտի Սմբատի անունը տաս. ինքն ա փեսախպերը, գլխավիրեղ կաննած պտի ըլնի, հո կարալ չե՛ս խալխի միջին տղի անունը կոտրիլ:

— Ինձ որ մորթեն, ճլորթի չեմ ընկնիլ:

— էդ ըլնու բան չի՛, հրե՛ անզգամ Զանազանը մեզ տեսավ, երեվում ա՛՝ փուշ կենդանին դաստի՞ չէր մեզ կանչում, ընչանք Սմբատի գալը:

1 Հանդիպելու 2 Հայտնելու 3 Դիտմամբ:

— Ախշկե՛ք, Հեղնա՛ր, Հերիքնա՛զ, գրողի մտիցն ընկերք դուք, — ծիծաղելով առաջ եկավ Զանազանը, — վեր կացե՛ք, եկեք ճլորթի ընկե՛ք, դուք եք մնացել, հարս ու փեսեն պտի ընկնին, հաց պտի քաշեն:

— Ես որ մեռնիմ, ճլորթի ընկնողը չեմ:

— Զանազան չա՛ն, քեզ մատա՛ղ, մեզ ազատի, — ասաց Հերիքնազը:

— Որ կտրվիք, ձեռք քաշողը չեմ, սրանց տե՛ս, չեն ուզում տղե՛ք քանց մոտ ճլորթի ընկնիլ, հազիր Հեղնարի նշանածն էլ փեսախպերն ա, ինքն էլ քստեզ ա, նշանածի անումն ասիլ տամ, որ սրտին օխտը թիզ եղ կաննի:

— Զանազա՛ն, Զանազա՛ն, դե էլ ո՞վ մնաց, բեր պրծացրո՛ւ, — ձայն տվեց տանտիկինը, — ամեն տեղից էլ խոռչեքն՝ եկել են, հաց պտի քաշենք:

— Էս ա պրծել եմ, մնացել են Հեղնարն ու Հերիքնազը, սրանք ամանա՛լ չում են, չեն ուզում ընկնիլ:

— Վա՛յ, ես թուք ըլնիմ, պաս երկուշաբթի օրն ազափ աղջիկը որ ճլորթի չընկնի, երա բախտը կկապվի. եկե՛ք, բալե՛ք, — երեսը շանզոնելով մոտեցավ նորափեսի մայրը. — կարգ ա, մի՛ ամաշեք, շուտ արե՛ք: հաց պտի քաշվի, խալխը սոված կոտորվեցին:

— Գեռա՛նք, ճար չկա, — ասաց Հերիքնազն ու Հեղնարին համարյա քարշ տալով մոտ բերեց ու ինքը ճլորթու պարանի վերա նստեց:

— Նշանածիդ անումն ի՞նչ ա, — ճիպտոով խփեց Զանազանը:

— Մուկուլ:

— Քանի՞ տարեկան ա, ո՞ր թաղումն ա կենում:

— Քսան տարեկան, սրբք Մայրամի թաղումը, — ասաց ու պրծավ Հերիքնազը:

— Հը՛, հը՛, հը՛, — ծիծաղեցին ամենքը, — խումարողունց Մուկուլը կըլնի:

— Դե՛ պրծի՛, Հեղնա՛ր, էլ նազուտուզ՞ չի. հարկավոր, նստի՛ պարանի վրա:

Հեղնարը գլուխը կրծքի մեջն է կոխել և ոչինչ չի պատասխանում:

— Շուտ, շո՛ւտ, աղջի՛կս, դու էլ հո նշանածիդ անումը նոր չպտի՞ միտք անես. ասոված գլխիդ սաղ պահի, թագավորի պես Սմբատը կողք քիզ կաննած ա, ով նոր պտի նշանվի, դու մի մատն երեխա էիր, որ էդ բախտին տիրացել ես, — քաջալերում էր տանտիկինը:

1 Փայտյա երկար ափսո: Բայց խոնշա գալ կամ բերել նշանակում է այդ ափսոն ներով կերակրեղեն կամ մրգեղեն ընծա ստանալ: 2 Նազ անել:

— Լա՛վ, ամանչիլ մի՛, Հեղնա՛ր, — առաջ եկավ նորափեսան, — Սմբատի երեսը կծածկենք, որ շտեանի:

Նաչեղբայրն յուր գլխարկը գրեց Սմբատի երեսին:

— Ախշի՛, թուք էլանք, դե ընկի՛ր ու պրծի՛ր, — Հեղնարի ականջու՛մը փսփսաց Հերիքնազը, — հո ձեռ քաշողը չե՛ն:

Հեղնարն անզգայաբար նստեց ճլորթու պարանի վերա. մի աղջիկ քամակիցը հրեց:

— Նշանածիդ անումն ի՞նչ ա, — փեշերին խփեց Զանազանը:

— Սմբատ, — հազիվ լսելի ձայնով պատասխանեց Հեղնարը:

— Բա՛րձր ասա, չե՛նք լսում, — խփում է Զանազանը:

— Սմբա՛տ, — մեքենաբար ձայնը բարձրացրեց Հեղնարը:

Բարձրացավ ընդհանուր ծիծաղ:

— Քանի՞ տարեկան ա, ո՞ր թաղումն ա կենում, էս սհաթս ինքն ո՞ւր ա, շուտ ասա՛, թե չէ ճիպտոք մեջքիդ փշրտում եմ, շո՛ւտ, կաշիդ հանեցի՛:

Հեղնարը լուռ էր:

— Ախշի՛, դե ասա՛ ու պրծի՛, քանի՞ տանջվիս, — խրախուսեց Հերիքնազը:

— Քսան տարեկան ա, Փիլումենց քուչումն ա կենում, էս սհաթս էստեղ կաննած՝ իր նշանածին մտիկ ա տալիս, ուրախանում, — հուսահատաբար ձայնը բարձրացրեց Հեղնարը:

— Ապրի՛ս, ապրի՛ս, զորանա՛ս, — քըքշալով ծիծաղեցան ամեն կողմից, ու Սմբատի ականջը նորափեսան քաշեց:

— Կիսին էլ չես արժան, Սմբա՛տ, — ասաց խաչեղբայրը:

— Որ իմ բախտն ա, — պարծեցավ Սմբատն և աչքերը Հերիքնազի երեսին ձգելով՝ խոր հառաչեց:

— Տեսնե՛նք, — մրմոռաց Հեղնարն և իջավ ճլորթուց. իսկ այս բառը միայն լսեց Հերիքնազը. նա Հեղնարի կոնից բռնած՝ քաշվեց նախկին անկյունը:

Ափսո՛ս, մենք վերջումը Հերիքնազի երեսին շնայեցանք, ապա թե ոչ կնկատեինք այն փոփոխությունը, որ եղավ նրա վերա Սմբատի աչքը դարձնելուց հետո. գլուխը կորացրեց Հերիքնազն և ձեռքն երեսին դրած՝ յուր ճկույթը սաստիկ կծեց ու Հեղնարին քաշեց: Փոփոխությունն ըստպես կան էր, Հերիքնազն յուր բնական դիրքն ստացավ: Եթե չեմ սխալվում, ոչ Հեղնարն և ոչ ինքը Սմբատը նույնպես շնկատեցին Հերիքնազի այլալվմունքը:

— Դե էլ մի՛ ամանչիլ, մոտ արի՛, — ձայն էր տալիս նորափեսա Սահակը՝ ճլորթու մեջ փառավոր բազմած:

Ձանազանը քարշ էր տալիս-կարմիր քողը ծածկած մեկ հարսի դեպի ճլորթին. վերջինս թեպետ ետ-ետ էր ընկնում, բայց երևում է, որ մի ոտքը թույլ էր. մոտ էր գալիս: Վերջապես Ձանազանը նրան զո-
նով գրկեց, Սահակի կողքին պարանի վերա նստացրեց, մի սիրունիկ փոքրիկ երկու տարեկան տղա էլ մեր ամոթխածի գոգին նստացրեց, աղչկեքը քամակներինը հրեցին, ու ճլորտին սկսավ ճոճել:

Հանդիսականները սկսեցին ծիծաղել, իսկ տանտիկինը մեջքը տան սյունին թիկնած՝ մտիկ էր տալիս օդի մեջ ճոճողներին և ասում.— բարո՛վ եկող տարի էս վախտը ըտենց մի սիրուն տղա-ճուս՝ էլ դուք ունենաք, ձեր ջանի՛ն մեռնեմ:

Ճլորթու մեջը նորափեսան և նորահարսն էին, իսկ այս մանուկը տված էր նրանց գիրկը, որ անդրանիկը տղա ծնի:

— Դե պրծի՛, դե շո՛ւտ,— ճիպտոր Ձանազանի ձեռքն առած մոտ եկավ Սմբատը նորափեսին,— պրծի՛, թե չէ մեջքը դաղդղորիկ ածեցի: Նորահարսն ուզում էր վայր իջնել փախչել, բայց մեր երեսը պատ-
նած Սահակը ձեռքը ձգեց յուր խեղճ հարսի վզովն ու երեսը համբուրեց:

Ազգի աղչկերքը կարմրատակած պատերի տակը քաշվեցան, ջահել ամուսնացածներն իրանց միջին ծիծաղեցին միմյանց նայելով, խաշեղ-
բայրն ու փեսեղբայրն էլ գոռացին՝ ան՛շ:

— Կյանքներդ խո՛շ,— պատասխանեց նորափեսան և ճլորթուցն իջավ:

Սեղանը քաշեցին ու ամենքն էլ կարգով շարվեցան: Ուրիշ օրեր մեր աղչկերքն ու հարսները տղամարդկանց երեսն էլ տեսնելով կամա-
չեն, թող թե միասին ճաշեն, իսկ այսօր անպատճառ դրանց սեղանակից պիտի լինեին նորափեսան յուր խաշեղբոր և փեսեղբոր հետ:

Սեղանի վերա մոտ եկավ պատուց տալմա, չորացրած կանաչ պո-
լոնիկի բուրանի, դգմի չիր, կարմիր խաշած պոլոնիկ, շիրբախտի ձիթով տապակած աղցան, զարբար՝ շամշով ու ֆաղցրեղենով շինած փլավ և ալյուրի մեջ տապակած բոխ: Ընդամենն յոթը տեսակ կերակուր:

Անձանտթն էլ կարող էր նկատել, որ այս ուտելիքները զանազան տեսակ են եփված: Այս այն պատճառով էր, որ այսօրվան կերակուրները բոլորն եկած էին նոր խնամիների տներինը. ում տունը որ այսօր նո-
րափեսան շնորհավորեք էր գնացել, մի-մի խոնշա՝ յոթը տեսակ կե-
րակրով ուղարկել էին նորահարսին բաժին, հետոն էլ մի-մի գավ թեր-
մուն՝ իսկ նորափեսան յուր կողմից հրավիրել էր յուր աներոջ կողմից նոր խնամացածների ջահելներին՝ նորահարսի հետ պաս բռնելու:

Աղջիկների պատճառով մեր սեղանակից պարոններն այսօր գինի չխմեցին, թերմունով միայն բավականացան:

— Ախլի՛, դե հաց էլա կե՛ր, ի՞նչ ես խպոնվել՝,— փսփսում էր Հերիքնազը Հեղնարի ականջումը,— սաղ օրը բերանդ նշխարքի կտոր չի մտել:

— Չոռ ու ցավ ուտեմ, հիմի էլ պտի զոռ անեն, թե Սմբատի կուռն ընկի՛, յալլի խաղա՛:

— Պտի խաղաս, կամ չպտի գայիր, կամ եկել ես՝ կարգը չպտի կտորես, դու ըստեղ վիրի արտի ցորեն չես:

— Ըսկի միտս չէր, որ սրանց փեսախպերը Սմբատն ա, դու էլ լկվեցիր, բան չասեցիր, թե չէ դաստահիվանդ՝ կտայի, տանը վեր կընկնեի:

— Իմ էլ միտս չէր:

— Գիտե՞ս, Հերիքնազ ջա՛ն, ինչ կա. ես ուզում եմ, որ Սմբատին էսօր մի տեսակ հասկացնեմ, որ ինձանից ձեռք լվանա. էս հո մարդ խաբել չի, էս աստված խաբել ա. մի մարդի չես սիրում ու նրան ումու-
տով ես անում, որ իր կնիկը պտի դառնաս. ուզում եմ յալլու մեջը կուռն ընկնեմ ու կամաց իրան ասեմ, որ իր կորածը մեզանում չկա:

— Վա՛յ, քոռանամ ես, գժվե՞լ ես, ի՞նչ ա, դու քո հոր անումը աշ-
խարհքի միջին մի մատը մեղրի հետ կհավասարես, ու էդ տղի էլ գլուխը կկտրես:

— Ես ի՞նչ անեմ, խի՞ չի իր ոտն իր կարպետին մեկնում, իր չափը ճանաչում, իր երեսի ջրովը հեռանում. ի՞նչ անեմ, թե հերս բաշիֆյարք-
մա ա արել. երեսա վախտն էղպես բաներ հանաքուց շատ կխոսան. սաքի ինքը գիտի ո՞չ, որ ես ո՛րտեղ՝ ինքը ո՛րտեղ, իմ հերը, մեր հա-
րըստությունը ո՛րտեղ՝ իր հերն ու իրանց անումը ո՛րտեղ. ինքը չի տես-
նո՞ւմ, որ իմ հոր դռանն իրանից լավ նոքարեեր՝ կան, չի տեսնո՞ւմ, որ ես ո՞նց եմ հետը վարվում, երբ որ մեր տունն ա գալիս. ի՞նչ անեմ, դու ես բերանս փակում, թե չէ ես վաղուց շեմքը շանց տված կըլնեի:

— Ա՛խ, Հեղնար, էլի դու երեսություններն սկսեցի՞ր. Սմբատի կոխած հողն ափսոս ա, որ մեր գեղի բոլոր տղերքի երեսին քսեն. դու մի հաց պտի ուտես, մի՞նն էլ մատաղ տաս, որ աստված քեզ էդ բախ-
տին տիրացրել ա. համա հիմի տեղը չի, լավն էն ա՝ սուս կենանք: Իմ խնդիրքս մենակ էս ա, որ դու քեզ էսօր լավ պահես. հենց որ Սմբատը կգա, կուռդ կուռի բռնել յալլու խաղալու, հանգիստ ձեռք իրան տո՛ւր ու խաղա՛:

1 Տղա զավակ: 2 Գինով և մեղրով կամ քաղցրով եփած ըմպելիք:

1 Լսել: 2 Սուտ հիվանդ: 3 Մառանք:

- Ասել ա, թե Արշակին իմ սրտիցս հանեմ, էլի՛:
- Չէ, մատաղ, չէ, ըտուր ժամանակը չի, դեռ էստեղ քեզ լավ պահի՛:
- Կմեռնիմ ու խոսքս կկատարեմ, քո սիրտդ Սմբատի վրա կտաքացնեմ, — մտքումն ասաց Հերիքնազը, — թեկուզ ինձ կյանք նստի:
- Հեղնարը հետս յալլի պտի խաղա՞, թե չէ, — մոտեցավ Սմբատը Հերիքնազին հացից հետո:
- Էրնե՛կ տամ՝ դու էդ կասկածները շունենաս, Սմբատ ջա՛ն, խի՞ չի խաղալ:
- Ա՛խ, Հերիքնա՛զ, դու իմացա՞ր, որ ճլորճու մեջն ինձ մորթեց, էլի դու նրա դիճը պահում ես, էլի ասում ես, թե ինձ սիրում ա:
- Թե որ սիրեր ոչ, ընենց համարձակ բարձր-բարձր, տեղն ու տեղը անումդ կասե՞ր:
- Տեսա՞ր ոչ՝ ի՛նչ ձենով ու սրտով էր ասում. ասենք՝ ուրիշները ոչինչ չհառկացան, ես հո՞ երեսի ուսնաք տեսա, բարկությունից կապրեա՞ի էր:
- Ոչինչ, Սմբատ ջա՛ն, թե ինձ սիրում ես, իմ խաթեր շտեմնելու պտի դնես:
- Քեզ սիրում ե՞մ, — ասաց Սմբատն ու գլուխը կախ քցեց:
- Սո՛ւա, խոստումներդ միտքդ բե՛ր, — աչքերն ոլորեց Հերիքնազն և ցուցամատը շարժեց Սմբատի վրա:
- Ա՛յ երջանիկ տղա, — ասաց խաչեղբայրը նորափեսին, — մեր Սմբատին տե՛ս, մի կուրը հարուստ նշանածն ա քցել, մեկել կուրը հրեշտակի պես քենուն ու յալլի թռչում:

ԺԳ

ՉԵՂՆԱՐՆ ՈՒ ՉԵՐԻՔՆԱԶԸ, ԿԱՄ ԳՈՂ՝ ՍԻՐՏԸ ԴՈՂ

Գյուղական կյանքի պատկեր նկարագրելու համար շատ պայմաններ են հարկավոր: Այդ մարդկանցը ոչինչ աշխատություն չի պետք բավական է, եթե երկու-երեք տարի ապրելով որևէ գյուղում մարդ ծանոթանա նրանց վերունխստին, նրանց տարեկան գործողությունների հետ: Այսբանով հետաքրքիր բանասերը կարող է յուր նպատակի մի մասին հասնել, միանավանդ եթե ինքը տեղացի է, բնիկ է, ոչինչ արգելքների չի հանդիպի:

Մեծ դժվարությունները՝ չասեմ անկարելիությունն ամեն մի քաղ-

լափոխում շվարեցնում է գյուղացու մյուս կիսի հետ մոտիկ ծանոթանալ ուզողին: Կանանց բնավորությունը ճիշտ պատկերացնելու համար պետք է կին ծնած լինել, կին սնած, կին մեծացած:

Պատճառները շատ պարզ են, հայ քաղաքացի կինը մեզ համար մի անմատչելի անձնավորություն է յուր ծածկված բնավորությամբն և փակված կյանքովը, ո՛ր մնաց գյուղացի կինը, որի և այդ մարդու մեջ մի շինական պարիսպ կա:

«Աղջիկը որ կա, անկտրել ձմերուկ է», ասում է առածը, իսկ ես կասեմ՝ այդ մարդու համար գեղեցիկ սեռը ո՛չ միայն անկտրել ձմերուկ է, — նա մի երեակայական աշխարհի քնակիչ է: Մենք թողունք մուսիներին, որոնք բնական և աստվածային օրենքով պարտավորված են մինչև մահ անբաժան լինել: Եթե մի փոքր խոր քրքրենք, մեր եզրակացությունը մինչև ամուսնական առաջաստն էլ կթափանցի: Շատ հետ ընկած գյուղերի մեջ կինն յուր մարդու համար քանի մի տարի նույն անկտրել ձմերուկն է:

Այսպիսի երևույթներն այժմ արդարև հազվագյուտ են, բայց երեքչորս տասնյակ տարիներ սրանից առաջ այնպիսի իրողություններ են կատարվել, այնպիսի գործողություններ են պատմվում ականատես ծերունիներից և պառավներից, որ մեզ միանգամայն անհավատալի է թվում: Կինը մինչև որդի ծնելը իրավունք չի ունեցել յուր մարդու հետ խոսելու. անդրանիկ զավակի առաջին ճիշտ պատու է յուր մոր լեզվի կապանքը, և այդ մի կտոր շնչավորված միտն իրավունք է տվել յուր ծնողին սրտի ուրախությունն յուր լեզվով արտահայտելու յուր թանկագին կիսին՝ յուր սիրելի ամուսնուն, և այն՝ հեռի ամեն աչքերից, ամեն ներկայությունից:

Թողունք, որ տան արական սեռի անդամները մինչև մահը չեն լսած եղել յուրյանց հարկևոր հարու աղջիկների ձայնը, չեն իմացել՝ ունի՞ն նոքա աստվածային պարզեններից մինը՝ խոսելու ընդունակությունը, պարզ ասել՝ համր են նոքա՞, թե խոսուն, թողունք այս ամենն և ասենք, որ այդ թշվառ արարածներն աստծու լուսիցն էլ երկար տարիներով զրկված են եղել, յոթը երկար տարիներ նրանց երեսից չի վեր կացել անթափանցիկ կարմիր մետաքսյա քողը, որ կրել են նրանք հարսնության առաջին օրը, արեգակի կենսատու լուսը չի լուսավորել նրանց հրաշագեղ դեմքը:

Օրըստօրե, դիցուք, թեթևացել է այդ անհավատալի, բայց իրոք ճշմարիտ սովորությունը, բայց կարելի չէ ասել, թե բոլորովին անհետացել է. նա կա, միայն ինչպես ասացի, թեթև լափով և ձևակերպված: Նույն հարսներն են երեսը ծածկած՝ միայն բարակ քողով և ոչ այն-

քան երկար տարիներ, նույն չխոսկանութիւնն է, սակայն սկեսուրների, շափահաս տագրների և օտարականների դեմ, մի խոսքով նույն գերութիւնն է, որ ասել է, թե մեր կինը էլի նույն անկտրել ձմերուկն է:

Իրողութիւնն այսպես լինելուց հետո, խոսք չկա, որ մեծամեծ դժվարութիւնների և, ինչպես ասացի, անկարելիութիւնների պետք է հանդիպի աղջկանց և ջահել հարսների կյանքը ճշտապես նկարագրել ցանկացողը:

Մի բան միայն կարող է հեշտացնել սակավ մասնավորների համար այդ կետը: Պետք է ծնած, մեծացած և մանկութիւնից փոքր-ինչ կրթված լինել գյուղի մեջ, որպեսզի մանկական սուրճիշողութեան մեջ տպավորվածք մարդ կարողանա ժամանակին արտահայտելու, կամ թե ազնիվ խարդախութիւն պետք է գործ դնել:

Հարկավոր է գրավել մի մերձավոր ազգական ժրագլուխ կնոջ համակրութիւնը, որոշյալ տոն օրերից մեկում ստիպել նրան՝ հրավիրել յուր մոտ գյուղի բոլոր ջահելներին, ազափ աղջիկներին և հարսներին, և դարան մտած՝ դիտել նրանց բոլոր շարժողութիւնները:

Եթե ընթերցողի ուշադրութիւնը գրավելու շնորհքին արժանացել է յուր խոսակիցը, ապա խնդրում է բարեհաճել մտնել յուր հետ մի այդպիսի հրավերքի ժամանակ, դիցուք, էլի մեծի պահոցը, փետրվարի 13-ին, տյառնընդատաջի նախատոնակ երեկոյին մի մութը հարկի տակ, ուր յուր քթին պետք է դիպչին յուղի, բոխի, բազկաթանի, դավուրմի¹, և զանազան բռնվածքների ու թթուների աքաշներից² ու կարասներից բարձրացած անուշահոտ բուրմունքը:

Այո՛, ընթերցող, իմ քեռու աղջիկ սիրելի նանոն արժանացրել է ինձ ու քեզ այս բարեբախտութեանը: Նա այդ օրը պատճառ ունեւր իմ խնդիրը հարգելու. նրա տղեն այդ տարին էր պսակվել, նա յուր սրդու դրնդեզն³ էր կատարելու:

Նրանց կտերը նախապես պատրաստված էր դրնդեզը, որին մի խոտի վրան կարելի է կոչել: Մի քանի փայտեր միմյանց դեմ տնկված են վեղարած և վրեն չոր խոտով ծածկած:

Մեր նանոյի տղա Ազոն այդ երեկոյին Աշտարակու բոլոր նորափեսաների հետ եկեղեցումն է. այսօր ժամն էլ դուրսն են ասում: Եկեղեցու բակումը մի ահագին դրնդեզ է շինած, որի շրջակայքը նորափեսայքը մի-մի մոմ բռնած՝ բոլորված են: Ե. «Քրիստոս փառաց բազավորն» երգեցին, տերտերն առաջինը մոտեցավ դրնդեզին և վառեց. մոտեցան

1 Ազած միս: 2 Փորրիկ կարաս: 3 Դրնդեզ՝ կարծեմ պետք է լինի տյառնընդատաջ բառի ազգավորումն:

նորա հետ և բոլոր փեսաներն ու իրոք վառեցին: Հուրը բորբոքվեց և ժամավորների ջերմեռանդութիւնը կրկնապատկվեց:

Ժամից հետո նորափեսայքը նույն մոմերը ձեռքին առանց հանգցնելու յուրյանց խաչեղբոր ու փեսեղբոր հետ եկան բարձրացան յուրյանց կտուրներն ու երեք ծունը կրկնելուց, ու իրանց է հայտնի, թե ի՞նչ մուրազ անելուց հետո, վառեցին յուրյանց դրնդեզները:

Նորահարսներին առաջուց շարսավարված կանգնեցրել էին կտերը. դրնդեզը կպցնելու պես ամեն փեսա բռնեց յուր սիրելի հարսի կուռն և երեք անգամ վառված կրակի գլխովը պտույտ եկավ: Այդ քառսնփակոխ շըլնելու համար է:

Մանր երեխայքն էլ, որոնք կտրները լցված, ատամները սրած՝ փոխինձ՝ ուտելու էին սպասում, նրանք էլ անվախ թռչկոտում էին բոցավառ կրակի գլխովը:

Մի հիանալի տեսարան էր ներկայացնում այդ երեկո մեր գյուղը մոտիկ հանդիսատեսին. երկինքը շառագունել է, լույսը մինչև հորիզոնն է խփել ու խառնվել երեկոյան վերջնալույսի հետ, իսկ այդ միկնույն բանը մի զարհուրելի պատկեր է հեռվից դիտող անծանոթին, այլապես չի կարելի երևակայել, թե ոչ մի ահագին հրդեհ՝ ամբողջ գյուղը բռնած. իհարկե այս երկյուղը մի քանի բոյս միայն կտես: Խոտը բռնկվեց ու իջավ առանց մեծ ծուխ պատճառելու:

Հրդեհը հանգչելուց հետո մեր նանոն ցած տարավ նորահարսին և վեր բերեց տեփի² մեջ փոխինձը քաղցրով շաղախած և գունդ-գունդ բաժանեց:

Այս փոխինձը, որ բոված կամ աղանձած ցորենի երկանքով աղացած ալյուր է, տարին երկու անգամ անխափան պետք է շաղախով՝ սուրբ Սարգսի պահոց ուրբաթ երեկոյին և այս դրնդեզի օրը: Այն օրն առանձնապես աղջիկների համար են շինում, գիշերը շաղախած թողնում, որ սուրբ Սարգինը գա, յուր ձիովը վրայովն անց կենա, իսկ այսօր դրնդեզի այցելուների համար է:

Նանոն վերջացրեց այս ծեսը, ձեռաց ընթրիք տվեց արական սեռի հյուրերին և ճանապարհ դրեց:

Ասպարեզը հիմա մեր սիրուններինն է: Ուրեմն ականջներդ սրի՛ր ու աչքերդ չորս բաց արա՛, սիրելի՛ ընթերցող, դուռն ճեղքը բավական է նպատակիդ հասնելու:

Կավ դիտի՛ր, մի՛ վախիլ, դրսից քեզ տեսնող չկա, ոչ ոքի մտքով

1 Բոված ցորենի ալյուրից քաղցր հեղուկով շաղախած խորխու: 2 Տեփուր՝ բուրբակ մեծ ափսե է:

չի անցնում, թե հյուրասեր տանտիրուհին յուր սեռի դեմ այդպես ան-
ներելի դավաճանութիւն կանի, վստահ եղիր, որ դու այդտեղ տեսնում
ես ոչ միայն Աշտարակու բոլոր սիրունների միայն արտաքին գեղեցկու-
թյունը, — դու մասնակից ես լինում նույնպես և նոցա նվիրական գաղտ-
նիքներին, նոցա սրտի մինչև խորքն ես թափանցում: Մեր Նանոն երեւելի
քաղաքագետ է. նա այնպես հարմարեցրել, այնպես պարապացրել ու
այնպիսի խոսքեր է ասել յուր հյուրերին, որ մեր ամոթխածներն ան-
գիտութեամբ ինձ ու քեզ իրանց խոստովանահայրն են շինել: Բայց ոչ
ես եմ մեղանշում նոցա խոստովանքը պատմելով և ոչ դու լսելով, — ոչ
Նանոն և ոչ մեր սիրուններն այդ ուխտը մեզանից չեն առել:

Եթե Աշտարակու աղջիկների, շասենք բոլորը, գոնե մեծ մասն այս-
տեղ են, ի՞նչ կարծիք, որ մեր մի ժամանակվան թոթովախոս անմեղու-
թյան տիպար քնքուշիկներն, իսկ այսօրվան օրիորդութեան մեջ մտած
Հեղնարն ու Հերիքնազն էլ այստեղ կլինին. նրանք ո՛ւմնից են պակաս,
մանավանդ որ խեղանենց խեղանի տանիցն են և սրանցից մինն էլ նշա-
նած է: Նշանած աղջիկը պետք է այդպիսի տեղեր անպատճառ հրավիր-
վի, թեկուզ բարեկամ էլ չլինի: Գլուզի մեջ ամենքը միմյանց ծանոթ են,
շատերն էլ այգու կամ տան մոտիկ հարևան են:

Նանոյնց հացատունը լիքը զժժում են¹, պստի հարսների գլխի
ոսկիներն ու ազափ աղջիկների վզերի շարքերն աչք են խտտղեցնում,
բայց իհարկե այդ մեզ չի արգելում լավ դիտելու, ում ուզում ենք: Նանոն
այս երեկո իմ խնդրանոք մի-երկու ճրագուեմ մոմեր սովորականից
ավելի պիտի բանացնի. մոմակալներ թեպետ ինքն երկուսից ավել չու-
նեք, բայց չորս հատ էլ ուրիշներից փոխ ուզեց. տան շորս սյուններում
խփած ճրագթաթների վերա էլ ձիթի ճրագներ է դրել. տունը շատ
լուսավոր է:

Մենք թողնենք Հեղնարին ու Հերիքնազին երկու առանձին խմբակ-
ների մեջ կատակներ անեն, մտենք մի ուրիշ ավելի խոհական խմբի
մեջ, ուր ջահել հարսներն են ժողոված և կամաց-կամաց իրար հետ
խոսում են:

Սրանց բերանները պինդ փակող ֆնթկալը հիմա կղակների տակն
է ընկած, ապա թե ոչ յուրյանց ցածր խոսելու պատճառով մենք ան-
ձեռնհաս պետք է լինինք լսելու: Լավ նայի՛ր, ընթերցո՛ղ, սրանց քիթ
ու բերանին, սրանց ծնոտներին, մենք այսպես հաջող դեպք էլ չենք
ունենալ: Եթե մինչև մեր վերջին օրն էլ սրանց հետ կյանք անցկացնենք,
մի հարկի տակ ապրենք, կանացի գեղեցկութեան գլխավոր մասի ներքին

կեսը մենք չենք կարող տեսնել. ուրիշ ժամանակ մենք միայն գուցե
բախտ կունենանք զմայլիլ սրանց կրակոտ աչքերի ու վառվուռն թշերի
կիսի վրա: Ճակատը, հոնքերը շղարշի տակ են ծածկված, իսկ քթի
կիսից վայր այն անիծյալ ֆնթկալն է: Երկու-երեք տարվան հարսների
քնթկալը գոնե մի բավականին բարակ սպիտակ շղարշ է, որտեղից,
թեպետ մեծ դժվարութեամբ, սակայն և այնպես օդն անց է կենում, իսկ
թշվառ նորահարսների քնթկալի վերա իբրև զարդ ավելացրած է և մի
ուրիշ անեղնագործ ծածկոց, որին շալ օշմաղ անունն են տալիս:

Տե՛ս, ուրեմն, ի՞նչ սիրուն գծագրութիւն, ի՞նչ փոքրիկ բերան, ի՞նչ
բոլորակ ծնոտ, ի՞նչ հրեշտակային պայծառ դեմք. լավ նկատի՛ր, շատ
աննշան բացառութեամբ Աշտարակու կանացի սեռն ընդհանրապես գե-
ղեցիկ է: Այս ինձանից չեմ ասում, հայրենասիրական սնապարծութեան
չեմ անում. — մի հաստատված ճշմարտութիւն է այս, որ Երևանու նա-
հանգումն Աշտարակու օղուշաղը¹ ամեն տեղերից սիրուն են: Աշտարա-
կից հետո նշանավոր են մի քանի ուրիշ գյուղեր՝ Քանաքեռ, Վաղարշա-
պատ, Օշական և այլն:

Լսի՛ր, ուրեմն, մեր սիրունների դատողութիւնը մեր նախածանոթ
Հեղնարի ու Հերիքնազի մասին:

— Ախշի՛, ընդուր են ասիլ՝ աստված ամեն բանով մարդի կորցնիլ
չի, ամեն շնորհք էլ մի մարդի չի տալ, Հեղնարը որտե՛ղ, Հերիքնազը
որտեղ:

— Ի՞նչ բանի համար ես ասում, Մաթան ջա՛ն:
— Քա՛ խի՞², բա ըսկի տեսնում չե՞ս, Հեղնարը ոչ մի սիրուն
պատկեր ունի, ոչ մի օրինավոր խոսք ու զրից. հենց իմանաս մրդեզ՞
է՞ծ ըլի, ունքերը բարակ, աչքերը շալ ու պստիկ-պստիկ, թերթեանունք-
ները գեղին, պինդ ու բերանը մենձ, շանեն⁴ երկար, շլինքը կարճ, դոշը
նեքսև ընկած, մատները ցախի պես չոր-չոր, բոլը բարդու պես լողող⁵,
ես ի՞նչ գիտեմ, ո՞ր միսն ասեմ. մի կարմիր թշեր էլա չունի՞ աստու
տվածից, որ մարդը պաշի ուրախանա:

— Հողեմ գլուխդ, ախշի՛, դու ջլիս⁶ խեղճին հողի հետ հավասա-
րեցրիր, Հեղնարն իմ աչքումն էդքան գեշ չի:

— Լա՛վ, թող մի քիչ էլ քո ասածն ըլի. համա նխխան⁷ բնութիւ-
նին ի՞նչ կասես, մեծասրտութիւնի՞ն ինչ կասես, տրաքվիլ, կտոր-կտոր
ըլի, քարափներիցը վեր ընկնելուն⁸ ի՞նչ խոսք ունիս, որ քինթը կես
գազ վերև ա բռնում, ոչովի հետ արժանի չի տեսնում խոսելու, բերան

¹ Խլրտում:

¹ Ընտանիք, գերգաստան. գլխավորապես կանացի համար է ասվում: ² Ընի՛: ³ Շի-
կագուն: ⁴ Մնոտ: ⁵ Անձոնի բարձրացած: ⁶ Բուրբոլի: ⁷ Ռիակալ: ⁸ Գոռոզանալ:

էլ որ բաց արեց, մի լաղաբ¹ էլ շունի, որ մարդի բան հասկացնի, հեղձ Սմբատ, ափսոս չի², էնպես տղի կնիկը պտի դառնա սա:

— Ախշի³, դու բախտն ասա՛, բա՛խտը. խոսքը բա՛խտն ա, էդ որ ըտենց ամեն բանով փնովում ես² հա՛, տեսնում չե՛մ, որ ինձ ու քեզ համար, կամ իմ ու քո քվեր համար ըտենց գլուխ պատողներ էլել են, յա կա՞ն:

— Տո՛, քեզ մատաղ, էդ տեղանի դովաթն ա, նրա անհատնում հարստութունն ա, որ էգուց Սմբատին պտի մնա, ըտուր համար են իրար գլուխ պատում, թե չէ Հեղնարի ընչի՞ն են կարոտ:

— Ը՛հ, կարեմ ես էդ ազափ տղեքանց աչքերը, մարդի կնիկն էլ պտի կնիկ ըլի. թքա՛ծ էն փողի ու հարստութունի վրա, որ Հեղնարի պես աղջիկը պտի բերի. ես որ տղա ընեի սաղ Աշտարակն էլ որ վրեն տալին, Հեղնարին չի առնիլ: Զրատա՛ր Սմբատ, ո՞նց պտի համբերի. էն հրեշտակի պես տղի երեսը վեր կբերի, դրա լեզվին ո՞վ կդիմանա:

— Բաս Հերիքնազը ո՞նց ա դիմանում:

— Չէ՛, ախշի՛, ես Հերիքնազին հարցրել եմ. ասում ա՛ Հեղնարի հենց չըթփրթոցն³ ա, թե չէ սիրտը շատ բարի ա. օրթում-կրակն էր ընկնում Հերիքնազը, որ էսքան տարեն աղջիկ են. մի տան մենծացել են, մի տեղում քնել են, դեռ մի օր Հեղնարիցը չի լսել, թե քամին դպա քեզ ըլի. դորթ ա, ասում ա, մի քիչ իրա վրա մենծ կարծիք ունի, համա էդ էլ չի ըլնիլ, որ շունենա, ինքը հարստի աղջիկ ա, իր հոր ունեցած շունեցածի տիրը: էս օրեն-օրս նշանած ա, ասում ա, համա էլի ուզողները դուրը կտրատում են. դրա սիրտը ես ճանաչում եմ. մարդի գնա թե չէ, ամեն բան կմոռանա, էդ քամիները գլխիցը դուս կգան:

— Բալամ ջա՛ն, էդ Հերիքնազի բարեսրտութունն ա ասում. դու ի՞նչ գիտես, էդ ասուե քաղցր խնամքն ա, որ տեղանի տանը էդ աղջիկը բհամ ա եկել⁴. թե որ Հերիքնազը չըլներ, Հեղնարը կապվիլ չէր. արմացքի բան ա, էսքան հո բամբասում ենք Հեղնարին, համա տն՛ս, թե մի օր Հերիքնազի խոսքիցը դուս գալիս ա՞. մենք դոնեղուր հարևան ենք, ամեն օր ջրի գնալիս, յա քուչեն սրբելիս իրար տեսնում ենք. քանի Հերիքնազը դուս չի եկել, Հեղնարը հետներս ձեն էլ չի տալիս, բարի լիս, բարի առավոտ էլ չի անում, համա հենց Հերիքնազը երևաց թե չէ, մեղը ու կարագ ա դառնում, ասում, լսում, ծիծաղում:

— Ախշի՛, ասում են էդ ծակծկոտվելու Հեղնարը Սմբատին չի սիրում, Շունհետածողենց Արշակի հետ ա իրանց դրիշակովը⁵ սիլի,

1 Վայելախոսություն: 2 Պարսպել: 3 Մեծախոսություն: 4 Առաջ է եկել: 5 Երկու հարևան տների պատի մեջ մի փոքրիկ ծակ:

բիլի¹ անում. ասում են, սաքի էն աներես Արշակն էլ գնում տղեքանց միջին պարծենում ա, թե Հեղնարին ինքը պտի առնի:

— Չէ՛, սուտ կըլնի, հաշացող թագին² հորս չի կարող անիլ, հորս անողը տաղ կանի, տակնահան իր բանը կշինի. Արշակը թե որ առնելու միտք ունենա, մենծ-մենծ բրթբրթալ չի³:

— Սաքի Արշակը հո չի՞ մենակ դրա ուզողը, օրը հարիր խնամախոս ա գալիս. դարթնե՛ս մեր գեղիցը, ասում են սաղ մհալը գրան ուզում են, ընչանք մենծավորներն էլ են գլուխ բարձրացրել:

— Է՛հ, քանի՞ ասեք, էն ա ամենքն էլ հացահաչ են տալիս, էլի:

— Համա ի՞նչ կանես, որ Սմբատն էս բանումը բախտավոր ա. ասում են՝ տեղանն ըսկի գլուխը տակը չի տալիս, ամենին էլ դուռն ա շանց տալիս:

— Փառքիդ մեռնիմ, ասոված, հացն ընչե՛ր չի անում. ո՞վ էր լսած, որ մենծավորը գեղըցու աղջիկ ուզի:

— Ախշի՛, ես մի բան լսեցի, ասում են՝ Սմբատը Հերիքնազին ավելի ա սիրում Հեղնարիցը:

— Ամա՛ն, ա՛յ կնանիք, ինչ բան ասեք՝ դուք կհնարեք, ձեր լեզվի տակիցն ո՞վ կպրծնի: Ի՞նչ կա, որ քենուն սիրի ու նրա հետ խոսի, ծամանակ անցկացնի. քենին ո՞րն ա, քիրը ո՞րը, բաս հո գնալ չե՞ն աներեսի պես գլուխը դնել նշանածի ծնկանն ու նստիլ. յա թե չէ, էդ թավուր⁵ երեսը պատած փեսեն ի՞նչ տուն թողալու յա:

— Ախշի՛, թե մեռոնը կսիրե՛ք, դենը մտիկ տվե՛ք. փա՛ռք քեզ, ասոված. մի Հերիքնազի սիրունությունը տեսեք, ո՞նց ա ծիծաղալուս պոռոչները ետ բացվում: Ես որ ազափ տղա ըլեի էս մառանումը տափ կացած՝ էս սհաթը դուս կպրծնեի, կկաշի էն սիպտակ շարմաղ պոռոչներիցն, էնքան կծծեի, որ արյունը դուս կգար⁶:

— Ի՞նչ շունն ես, ըտուր համար են պոռոչներդ հաստացել ու կարմրել, մարդդ ամեն քշեր, ասա՛ էդ օյինն ա բերում գլուխդ, էլի՛:

— Քո գլխի տրաքոցը, քո փեշին ծունը դնելու ա, ո՞վ գիտա քո բողազովը կուլ չի գնալ:

— Ա՛յ անամոթներ, ինչ լավ, որ ազափ աղջկեքը մեզանից հեռու են, չեն լսում:

— Հանաքը դենը կենա, Աննման ջա՛ն, Հերիքնազի պես սիրուն աղջիկ չկա մեր գեղումը. մտիկ տո՛ւր նրա պայծառ երեսին, սպիտակ

1 Բաղբախտություն: 2 Բարակ, որսկան շուն: 3 Բարձրախոսություն անել: 4 Բացի: 5 Այլպես: 6 Քող ների մեզ մեր համեստ խորհրդատուն, մենք ավելի կարևոր գործ ունիք կատարելու, որքան և արտոբեի լինելու յուր առաջարկությունը, մենք մեր գաբանիցը դուրս չէինք կարող դալ:

ու կարմիր թշերին, կասես, թուշուշուրիկ լող դեղձն ըլի, աչքերը հենց իմանաս մի-մին փիշալա՛ են, ճրագի պես վառվում են, աչքերի սև-սև պտուղները նետ ու անեղի պես մտիկ տվող սրտի մեջ են թաղվում. թամաշ արա՞ պինչը, բերանը, պտոշները, կզակը, ո՞նց մին-մնի մոտ սազում են, հենց իմանաս մի նաշխած պատկեր ըլի, շլինքը տե՛ս, ո՞նց ա բռնում, կասես էն սպիտակ երկարաշլինք ձկնակուլի դուշն՝ ըլի, որ ձմեռները մեր ձորումն երևում ա. դո՛շը, դոշը մտիկ տո՛ւր, ջուխտակ շամամնե՛ր են մին-մնի մոտ դրած, թե գարնան գետնասունկն, որ հողը բարձրացրել, ուզում են գլուխները հանեն ու ուտողի բերնումն ընչանք մահը համը թողան: Վա՛յ, կրեմ ձեր գլուխն, ազափ տղե՛ք, աչքներիդ պիպիկը՛ տրաքի, թե որ սրան տեսնիք ոչ: Ա՛խ, աստված փլավն ո՞ւմն ա տալիս, իշտահն ո՞ւմ. ընչի՞՞ ես տղա չեմ, էն էլ՝ ազափ տղա:

— Ա՛յ քեր, էդ սիրունությունը թո՛ղ, էսօր կա՛ էգուց ոչ. դու Հե-րիքնազի բնությունն ասա՛, էն քաղցր, անուշ լեզուն, էն շողմբոր՝ խոս-քերն ասա՛, էն բարի սիրտն ասա՛, որ մեր ազափ աղջկերանց մեջ ոչ մնումը չես գտնիլ: Թե սուտ եմ խոսում, աչքս հանեցե՛ք, տեսե՛ք՝ ո՞նց ա գլխին հավաքել ու էնքան աղջիկներին իրանով արել: Ես վարսս կկտրեմ, թե որ մի պետո խոսք դրա բերանիցը դուս ըլի գալիս: Անկաջ դրե՛ք, առանց ջանի ոչովի հետ չի խոսում. լսեցե՛ք, պատմում ա, թե հերու ծաղկազարգին ծաղկամուրը ո՞նց են գովել:

— Բաս չէ՛ որ էս մի թորուն՝ աղջկերանց պես երեսի արուղը՞ վեր եկած կըլնի, անկաջ դրե՛ք, ազափ տղեքանց վրա են խոսում: Փշանաս դու, Նոյեմզա՛ր, լսեցի՞ք, ախչի՛, ի՛նչ ասեց. ես կուզեի, ասում ա, էս սհաթս ժամումը Շաժումենց Սոլոյի հետ գլուխ-գլխի տված, պսակվում ըլի, թեկուզ մի շաբթից ետը մեռնեի էլ, սրտումս մի մսխալի չափ դարդ չէր մնալ: Դե՛ հիմի ձեզ եմ հարցնում, Հերիքնազն իր բե-րանիցն էդպես խոսք բաց կթողա՞:

— Տո՛, Հերիքնազը որ կա, հոգի ա, հոգի՛:

— Տնարարությունին էլ խոսք չկա, մորը չի թողում, որ տեղիցը ծած գա. լիսադեմին ամենքիցը շուտ ոտի վրա հազիր ա, տարթը, աթարը՝ կբերի, թունդրի շրթին կկիտի, ջուրը կբերի պղնձները կլցնի, նոր մորն ու Հեղնարին ձեն կտա. մերը վեր կկենա, թունդիրը կրակ կթցի՛. շատ անգամ կովն էլ ինքն ա կթում:

— Դե՛ ասա՛ Հեղնարը սաղ օրը պարապ-ապարապ անց ա կացնում, էլի՛:

1 Գավաթ: 2 Նախք: 3 Թուշուն: 4 Բիր: 5 Հաճախարար: 6 Խումբ: 7 Պատկասանք: 8 Քակոր:

— Պտի ասած, որ Հեղնարն էլ չի սիրում պարապ քաշ գալը, հա-մա Հերիքնազն ո՞ւմ ա բան հասցնում:

— Ախչի՛, բաս Հերիքնազի հրեկերասիրությունը չե՛ս ասում, նրա հետ մի անգամ խոսողը նրա արևովն օրթում կուտի, օխտը քիր ու ախ-պոր համ ա տալիս էդ հերը լիս կտրածի աղջիկը:

— Թող Մվիկենց Սմբատի մխիթարանքն էլ էդ ըլի, որ դրա պես քենի ունի, ինչ որ նշանածը համ շտա, նա քենուցը կհանի:

— Համա ես որ Սմբատի տեղակ ըլի, ոտով-գլխով հենց քենուս իրան կառնեի ու Հեղնարին քենի կշինեի:

— Չէ՛, բալամ, Սմբատն էդ տղեն չի, նա իր հոր խոսքը՝ գետինը չի քցիլ:

— Տո՛, աչքիս լի՛սը, ընչի՞ կթցի, Սմբատը չի, իր օխտը պապն էլ էդ բախտավորությունին չէին ջահիլ՛, շորս ոտով գարու հորն ա ընկել, էդքան հաց ու դուլվաթ կըլնի՞, որ մուֆտա՞ իր ձեռը պտի գա. ի՛նչ անենք, թե նշանածը մի քիչ գե՛շ ա, յա իր ասածի ա, ես կասեմ էգուց-էլօր էդ բնությունները կթողա:

— Հոգուդ մեղք՝ ես անում, թեկուզ որ խեչանն օրվան հացին մու-րացկան էլ ըլեր, Սմբատը նրա աղջկանը կառնեի, ընդուր որ իր հերը բաշխյարթմա ա արել:

— Բաս ասա՛ մարդը ոտով-գլխով բախտավոր ա. համ լավ կնիկ, համ բոլ հաց. հենց դրա համար ա պսած. որտեղ հաց՝ ընտեղ կաց:

— Հերիք ա, բնալ՛մ, Նանոն մոտ ա գալիս, խոսքը փոխենք, աստ-ված Հերիքնազին էլ մի ջիվան՝ տղի ոպստ բերի, էդ հալալ կաթնա-կերը մի շեն օջախ ընկնի:

— Քա, խիզան, ի՛նչ եք բուլուլի՞ճ՝ արել ու իրար յախից՝ ձավար հավաքում՞, — տուն մտավ Նանոն, — մի քիչ էլ ջանգլուլում ու խաղեր ասացեք, ուրախացեք, ի՛նչ անենք, թե մենձ պաս ա. ձեզ ընդուր հա-մար չեմ հավաքել, որ փոխինձս ուտեք ու քլիշաք. ո՞ւմնից եք աման-չում, ազափ տղեքը հո մեր մառանումը տափ շեն կացել ու դռան ճեղքիցը ձեզ վրա մտիկ տալիս:

Մեր Նանոն դեպի դուռը նայեց, ինձ աչքով արեց՝ ու ծիծաղեց:

Երկար կլինեի պատմել, թե ի՛նչ քաղցր երգեր սկսեցին մեր սի-րունները, ի՛նչ ներդաշնակ ձայներ ունեին, ի՛նչպես պար բռնեցին ու երգելով պարեցին, ի՛նչ անարգական ոտանավորներ էին երգում դեպի տղայքը և ի՛նչպես յուրյանց մեջ ուրախանում էին, որ ոչ մի ազափ

1 Հանդիպել: 2 Ձրի: 3 Նազելի: 4 Բուրբակ: 5 Օձիքից: 6 Միմյանց բամբասեց:

— Է՛հ, ի՞նչ եմ ասում, սրանից էլ հարմար օ՛ր. տարին երեք անգամ չի ըլնիլ, որ իմ աներս էս վախտ տուն եկած չըլնի. հազիր իմ բախտիցը հերս նրան իրիկնահացի պահեց, հենց իմանաս աստված աներոջս տուն տվեց՝, որ ինձ դրկեց իրանց տունը, որ երեխեքը մենակ չմնան:

— Ա՛խ, երանի թե մենք իրար ոստ եկած² չըլնեինք ու ես հիմի էս ցավերիցն ազատ կըլնեի,— շարունակեց Սմբատը,— կամ թե չէ էնպես բան ըլնեի, որ ընշանք պսակվելու օրս սրանց դռնովը ներս չմտնեի ու էն օրը քոռեքո՞՞ գայի, Հեղինարի կուռը բռնեի, աչքերս խուփ պսակ գնայի ու հորս ասեի՝ իմ մեղքը քու շիրնքը, խեր ու շառը քեզ.— ա՛խ, ի՞նչ լավ բան կըլնեի... Է՛հ, ի՞նչ եմ գլխիցս դուս տալիս, ես ո՞նց էրարայի Հերիքնազին մի օր շտեմնել, էն իմ ազիզ քենուն, ես նրա հոգուն մատաղ գնամ: Մ՛հ, էրնե՛կ էն տղին, որ մի օր Հերիքնազի կոնիցը բռնած՝ մի դարդակ շապկով դուս պտի քաշի էն հրեշտակին. ես ուրախությունով հեշանի հարստությունն էլ Հեղինարի վրա կտայի, թե որ հնարք ըլնի նշանածներս փոխելու: Վա՛յ ինձ, վա՛յ իմ հոգուն, փշվի ինձ պես փեսեն, որ քենու վրա աչք ունենա. էն էլ Հերիքնազի պես քենու: Համա ի՞նչ անեմ, որ չի ըլնում, ես ընչո՞վ մեղաժոր եմ, որ փլավը տանը թողած՝ ոսպախաշուն են դրել առաջս, թե կեր. որ բողազովս կուլ չի գնում. ես ի՞նչ անեմ, որ սիրում եմ. ո՞վ կըլնի էն մարդը, որ Հերիքնազին տեսնի ու շիրի: Հա՛, շատ լավ եմ հասկանում, որ էն հրեշտակն էլ ինձ ա սիրում, համա սրտումը պահում ա, նա էլ ինձ պես խեղդված ա, նա էլ չի ուզիլ, որ իր քեռու խոսքը գետինն ընկնի: Չէ՛, Հերիքնազի սիրտը բարի ա, բարի՛, նա ինձ պես անպիտան չի, որ եփած կերակրի վրա սառը ջուր ածի. նա կմեռնի ու իր քեռու աղջկա ճամփին քար չի քցիլ: Համա, աստված ջա՛ն, յարաբ Հերիքնազն էլ Շունհետածո՞ղենց թոռի շավ արած⁴ խոսքերը լսե՛լ ա. յարաբ՝ թե որ դրուստ ա, ինչ որ ասում են, Հերիքնազը խաբար չի՞, բաս նա մի օր վրա չհասա՞վ:

— Դե՛հ, էլ հտացնիլ չի՞ պետք, աներս չգա հասնի,— վճռեց Սմբատը վերջապես և պատը վեր ելավ:

Հանդարտ քայլերով դիմեց Սմբատը դեպի երդիկը, ներս նայեց և գտավ ճրագը հանգցրած: Պառկեց նա երդիկի մոտ, ականջը ներս քաշ արեց և լսողությունը լարեց: Տունը լռություն էր:

— Ամո՞թ ինձ,— մտածեց Սմբատը,— խեղճերը ճրագն անցրել, հանգիստ իրանց համար քնած են, իմ մտքովս ի՞նչ շարություններն են

անցկենում, էլօղլուի՛ առած խոսքերն ես չվանի եմ դրել² ու խալիի մեշքն ընկնում:

Նույն զգուշությամբ վեր կացավ պառկած տեղիցն և կամեցավ վերադառնալ: Երկու-երեք քայլ հաղիվ էր արել նա, որ ոտքերը դողացին ու տեղնուտեղը ծնկները ծալվեցան, կարծես թե մխվեցավ մնաց: Սմբատի ականջը փսփսոցի ձայն ընկավ. մի շնչյուն էր լսում նա և չէր իմանում՝ ո՞ր կողմից, բայց երևում էր, թե շատ մոտիկից, խոսքերը պարզ հասկացվում էին: Գիշերվան թանձր՝ ամպոտ մթությունն էր միայն առարկան աչքից փախցնում: Մի-երկու ոտք առաջ գնաց Սմբատն ու ականջը սրեց:

— Չէ, այս կողմից չի գալիս, ձայնը նվազեց: Դեպի աջ դարձավ՝ էլի ոչինչ չկա. դեպի ձախ՝ նույնպես:

— Է՛հ, միտքս պղտորեց, էս վախտ ո՞ւմ ցավն ա կտրել կտրներին քաշ գալ, զուր հոգուս մեղք եմ անում:

Սմբատը հանկարծ թափահարվեց, անձը փշաքաղվեց, նա կանգնեց՝ փնթփնթաց.— ի՞նչ, էս պատի տակին ընի՞ն... չէ՛, էդպես բան չի կարող պատահել. ինձ ասեցին, որ դրիջակի ծակովն են սիրահարություն անում, կտերն ի՞նչ բան ունեն: Փոքր էլի մտածեց.— որ իրար ավելի մոտկանա՞ն... չէ՛, չէ՛, հիմար-հիմար բաներ են գլխովս անցկենում:

Մտածում էր Սմբատն ու մեքենաբար ոտքերը դեպի հեշանենց ու Շունհետածողենց կտեր միջի պատը փոխում: Երկու հարևանների կուռըրը այդ ցածր պատն էր բաժանում:

Էլի կանգ առավ Սմբատը. այժմ երեակայություն չէր, նա պարզ քիչշյունը լսեց. նա այժմ մթան մեջ պատի այս և այն կողմից երկու գլուխ է տեսնում: Շունհետածողենց կողմի մարդը պատը բարձրացավ, այս կողմն իջավ: Սմբատը լսեց համրույրի ձայն:

Չգիտեմ՝ գիտեմ՞ մը Սմբատը նստավ տեղնուտեղը, թե ոտքերն արգելեցին առաջ գնալ, բայց նա լսեց հետագա խոսակցությունը:

— Անշա՛խ մի անշա՛խ³ մենք կարողացանք էս բաց երկնքի տակին իրար տեսնել, անշախ մի տարուց ետն իմ կոներս քո միջքովդ փաթաթեցի. մեռանք էն անտեր դրիջակի ծակով՝ քուֆթի՛ քարի ու պղնձի որբերի՛ վրա նիլնելով ու ցած գալով, մի հալալ պոռչտի էլա չկարողացանք անել:

— Կամաց խոսի՛, ոչով չլսի:

— Է՛հ, ի՞նչ ես ասում, Հեղինար ջա՛ն, էս վախտ ո՞վ կգա ըստեղ.

1 Ներշնչեց: 2 Հանդիպած: 3 Կուլըզկուրայն: 4 Հրատարակած:

1 Օտարների: 2 Հավատացել եմ: 3 Հազիվհազ: 4 Մտով կերակուր է, որ քարի վրա լծեծում են: 5 Կաթսայի քամակի կողմը:

քո անխելք նշանածը մեր բախտիցն, ասում ես, իրիկունս հորդ խաղեր իրանց տանն ա մնացել, չի եկել: Հերիքնազն էլ շորերը հանել թեք ա ընկել, հորաքիրդ էլ ճրագն անցրել ա ու անշորահան ըլի՛լ՝ գլուխը պատին տվել խոմփացնում, որ հերդ գալուս գնա, դուրը բաց անի, մենք հիմի ըստեղ ոնց որ մեր տանն ենք, վախենալու ի՞նչ ունինք:

— Հիմի ինձ ընչի՞ գոռ արիր, կտուրը կանչեցիր, մին չէ՞ր, դրի- ջակի ծակով իրար հետ խոսում էինք:

— Չէ՛, Հեղնար ջա՛ն, պտի օրինավոր խոսանք, էզուց-էլօր մենք ձեր տունը խնամախոս ենք ղրկելու. հերդ որ շտա, ի՞նչ պտի անես դու. ասում ես՝ էս աշունք ձեր հարսանիքն ա, գնալու ե՞ս, թե ոչ:

— Ո՞նց չգնամ, հորս խոսքիցը ո՞նց դուս գամ. լավ էլ գիտեմ, որ Սմբատն իմ կիսին էլ չի արժան, ոչ նրա հերն ա իմ հոր հընկերը, ոչ նրանց տղն ու տեղը մերին կհասնի: Համա հորս բնությունը լավ գի- տեմ. մի անգամ որ խոսքը տվեց, պրծավ, գլուխն ետ կղնի ու իր ասածը կանի, նա Սմբատին աչքի լսի պես սիրում ա, աշխարհքի հետ նրան չի փոխիլ. էլ ես ի՞նչ կհամարձակվիմ պոռոշս պոռոշիս տալ:

— Դու պարզն իրան ասա՛, որ սրտով ինձ ես սիրում, դու Սմբա- տին կնիկ չես կարող դառնալ. դու կմեռնիս, թե որ քեզ ինձ շտան:

— Մին, որ ես հորս երես չեմ ըլիլ, մեկ էլ՝ որ թեկուզ ասեմ՝ ի՞նչ դուս կգա, զուր իմ տեղը կթեթեացնեմ, մի մսխալի շափ հորս չեմ կա- բող կոտրիլ, իր կյանքումն էլ հետս չի խոսալ:

— Թե որ հերդ Սմբատին շատ սիրում ա, թող Հերիքնազին իրան տա, նա էլ օտար չի, իր քվեր աղջիկն ա:

— Ա՛խ, ես Հերիքնազի ջանին մեռնե՛մ. նա ինձ համար մորից էլ, քվորից էլ շատ լավ ա, նա սաղ մհալի մեջ Սմբատից ավելի ոչ մի տղի չի հավանում, նա ո՞նց կթողա, որ ես քեզ վրա միտք ունենամ:

— Թե որ էդքան հավանում ա, խի՞ չի ինքն առնում:
— Շատ էլ որ մտքումն ունենա, նա իմ խաթեր գլուխը կսպանի ու էդ չի անիլ:

— Ասում են՝ նշանածդ էլ Հերիքնազին քեզանից ավելի ա սիրում:

— Նշանածս մեղավոր չի, ես եմ փխր՝, քանի քեզ հետ տեսնվել եմ, էն օրվանից դեպը ես նրա երեսին մի քաղցր աչք չեմ քցել. ախար Սմբատը հո ամսներով՝ նշանած չի, երեսությունից միասին ենք մեն- ծացել: Մի քանի հետ խեղճը հարցրել ա ինձ, թե ընչի՞ առաջվան պես էլ իրա հետ չեմ խոսում, թե դու ձեր տանիցը պատասխան կտայիր, ես էլ էնպես: Միամիտ Հերիքնազը հենց գիտի, թե ամանում եմ նշա-

նածիս հետ խոսալը, Սմբատին սրտավորում ա, էլ չի իմանում, թե քո աչքերի ականաթն՝ ընկած օրից դեպը Սմբատին էլ եմ մոռացել ու իմ գլուխն էլ, էն ասուս գառը Սմբատն էլ ի՞նչ անի. տեսնում ա, որ իրան մոտ չեմ, Հերիքնազի հետ ա նստում վեր կենում. ես շատ ուրախ եմ, էրենկ չէ՞ր՝ էրկսի մեջը սեր մտներ ու նրանք իրանց մուրագին հասնեին, մեր ճամփեն էլ բացվեր. հոգի ունեմ տալացո՛ւկ, Սմբատը Հերիքնազին արժան ա, նրա սիրտը բարի ա:

— Բաս հիմի ո՞նց անենք:

— Ես խաբար չեմ. թե հորս կարացիք բան հասկացնել, գիտես որ ուրախ կըլնեմ, թե չէ, շլինքս ծոած, պտի խոնարհեմ:

— Տո՛, ես մեռել ե՛մ, Հեղնար ջա՛ն, որ քեղ ուրիշի ճանգը քցեմ. չգիտես քեզ ո՞նց եմ սիրում:

— Հա՛, լավ միտս եկավ, Արշա՛լ ջա՛ն, մի օր Հերիքնազի հետ խոսք բացվեց, նա ասեց, որ իմ ուզողները հորս կարողությունի համար են մեր դռները ջարդում. ես էլ միտք եմ անում, որ ըտենց ա. ա՛յ, հենց մինը դո՛ւ. չեք տեսնո՞ւմ, որ Հերիքնազն ինձանից հազար փառքով սի- բուն ա, ընչի՞ չեք նրա քամակիցն ընկնում: Հիմի թե որ դու էլ էդպես տղեքանցիցն ես ու ինձ սրտով չես սիրում, քո ոտդ կպաշեմ, որ մեր միջին ինչ որ անց ա կացել, քարը վերցնես, քարի տակը դնես ու գնաս քո ճամփեն. ես որ քեզ վրա սիրտ ունիմ, աչքիս լսի պես սիրում եմ, ես չեմ ուզում, որ դու փողի ու հարստությունի համար ինձ ուզելուս ըլիս: Քեզ մատա՛ղ, Արշակ ջա՛ն, շուտ արա՛, մի դրուստ պատասխան տուր... էդ ընչի՞ սուս կացար, չըլնի՞ Հերիքնազի ասածները ճշմարիտ դուս գան:

Եթե մթնագիշեր շլիներ, առանց Արշակի պատասխանին սպասելու՝ Հեղնարը կարող էր խոսակցի դեմքից ցուշակել, թե յուր սիրականն ի՞նչ պտի ասի: Արշակն աչքերը գետինը ձգեց ու շփոթվեց, կարծեց, որ բռնվեց, բայց կրկին միտքն եկավ, որ յուր բախտից խոսակցությունը գիշերն է, Հեղնարն յուր երեսը չի տեսնում. դրանով ոգևորվեց նա ու ասաց.

— Ո՞նց թե քեզ սրտով չեմ սիրում, Հեղնա՛ր ջան, գլուխս քո ուղտորին՝ վեր եմ դրել, աշխարհքն իրարոցով կտամ, թե որ մինը հա- մարձակվի քեզ իմ ձեռիցը խլելու. քո հարստությունի վրա ո՞վ ա ուշք դարձնում, իմ հերը քիչ ունի՞, ախպերտինքս գլուխս կոխել ե՞ն. կանք- չկանք՝ երկու ախպեր ենք. էնքան ունինք, որ մեր աչքը մեր դուանն ա. Սվիկենց պես աղքատ հո չե՛նք, քեզ հայտնի չի՞, որ իմ հերը գեղի

առաջին իշխաններից մինն ա. ինչքան որ մեր տանը շինովնիկները¹ ու մենծամենծների համար կիրակուր կեփվի, Սվիկենց հինգ տարի հեւրիք ա:

— Էդ ոչինչ, հարստութունը մենծ բան չի, իմ պսակվելուց ետը Սմբատն ամենքիցը հարուստը կըլնի. բանն էս ա, որ քո հերդ մարդամիջի մարդ ա. դու էլ քո հոր տեղը կբռնես, համա Սմբատն էդ թավուր բաներն ատում ա. նա ասում ա, որ իմ հոր պես աշխատանքի պոչը բաց չպտի թողա, էդ ի՞նչ մարդութուն ա. ասում ա՝ «մարդամիջի մարդս ըլի, հազար թուման պարտքս ըլի»։ ախար ես ո՞նց նրա կնիկը դառնամ, էգուց-էլոր Զրագողենց, էշներկողենց ու Մենծանկանչենց հարսներն ինձանից վերս պտի ձգվին, ինձ վրա պինչ պտի բարձրացնեն, թե ի՞նչ ա՝ իրանք գեղի քեթխուղեքի կնանիք են. համա ես իմ մալ ու դռվաթովը պտի լիզուս ինձ քաշեմ ու ծակը մտնեմ, ի՞նչ ա՝ թե իմ մարդս գեղի միջին քեթխուղութուն² չի կարողանում անել:

— Իհարկե, որ գեղամիջում մարդ ըլիլը Սմբատի բանը չի, ինչ առեւ ա՝ էն պտի դառնա. չէ, նրա հորն օղորմի, էգուց գեղը նրան տանուտեր շշինի, դիվան դատաստան շանել տա՞:

— Բաս ես էլ նրան ո՞նց առնեմ:

— Ախտս եկա՛վ, Հեղնար ջա՛ն, թե հորդ բնութունը լավ գիտես, որ քեզ ուրիշի չի տալ, արի քեզ փախցնեմ, գնանք, մի ուրիշ գեղում պսակվենք:

— Էն օրն իմ հորն ավելի կբարկացնենք, վանքական կանի մեր մուլքն ու մի քոռ կոպեկ չի տալ, որ աչքներս կոխենք:

— Էդ էլ դրուստ ա. կուզե՞ս՝ արի մի բան անեմ, Սմբատիդ արեք սեւացնեմ, մեջտեղից վերցնեմ. մի գիշեր ձեր դռանը բուսուն պահեմ, շեմքի վրա դամե՞՞ փորը կոխեմ՝ պրծացնեմ, որ մեր ճամփեն կապի ոչ:

— Լավն էն ա՝ առաջ ինձ մորթես. ես ոչովի արենպարտ չեմ ուզում ըլիլ. էնքան ապրի՛ ինչքան իր հոր սիրտը կուզի, նա ընչանք օրս ինձ ախպեր ու հընկեր ա էլել, մի վնաս չի տվել:

— Որ մեր ոտին կապանք ա, որ էգուց անկոտրում հորդ կամքովը նրա ձեռին հավի ճուտ պտի դառնաս, որ ինքը մի հասարակ գյաղա՞՞ ձեր էնքան մլքերը պտի վեր կոխի, ուտի: Զէ՛, չէ՛, Հեղնար ջա՛ն, իմ անուամ Արշակ ըլնի, թե որ ես աչքս բաց՝ Սմբատի պես ետ ընկած տղին թողամ իմ սիրածին ձեռիցս խլի. թե որ քո խաթեր սպանեմ էլ ոչ հենց կանեմ, որ անումը մի փող կդառնա:

— Դու նրան ոչինչ չես կարող անել, Արշակ ջան, նա քեզ կհաղա

թի, նրա պես սրտոտ տղա դեռ մեր գեղումն երկուսը չկա. Հերիքնազն ասում ա՝ նա ամենքիցն էլ ղոշաղ ա:

— Դու էլ ավատում ե՞ս, փշեմ՝ վեր կընկնի:

— Բաս հերվա բարիկենդանինը միտդ չես բերո՞ւմ, չիրիզը ձուռացե՞լ ես:

— Էն էլ մի բան էր, ձիս բուզուրմիշ էլավ՝, գլխի վրա եկավ, թամբը շուտ անցավ, ոտս օրզանգուի՞ մեջ մնաց, թե չէ նա ո՞ւմ շունն էր, որ ինձ հետ ջիրիդ՞ խաղար: Մին էլ որ՝ ընդոնք անցկացան. հիմի որ քո սերն իմ սրտումն ա, քսան Սմբատ բոխ միջումը քո անումովը լակ ձվի պես կփխլեմ, ըհ, ես քո ջանին մեռնիմ, ասաց Արշակն և ձեռը ձգեց Հեղնարի մեջքովն, ուզեցավ փաթաթվիլ:

Բայց դեռ օրինավորապես մոտ չէր քաշել աղջկանը՝ պատի մյուս երեսից թրխկոցի ձայնի հետ շախմախի տվին ու կայծերն օդում խազում էին:

— Վա՛յ գլխիս, սատանա ա,— թույլ ձագնով ասաց Հեղնարն ու իրանց սանդղաներովը ներքև վազեց:

— Սատանա՛,— շշկված կրկնեց Արշակն ու ոտքերը դողացին, էլ ոչ մի քայլ չկարողացավ անել:

— Հա՛, սատանա՛,— պատասխանեց հրացանի կայծեր շաղ տալով երևույթն և պատը լոթ տվեց, անցավ Արշակի մոտ ու երկու ձեռքով գլուխը բռնեց, վեր բարձրացրեց:

Արշակն երկյուղից ոչինչ չէր տեսնում և չէր էլ հասկանում:

— Քեզ եմ ասում, ա՛յ դու, լավ մտիկ տո՛ւր ինձ, երեսիդ խաչ հանի՛ր բերանդ մի կտոր հող քցի՛, քո գիրը ջնջվեց. ի՞նչ սատանա, ի՞նչ բան, դու քո հոգեհոտի ձեռին ես, էս սհաթս գլուխդ ծնկներիս միջին ճխում եմ, մի քթալ արինդ ջներին լակացնում: Ո՞ւմ հետ ես խաղ անում, անխելք աղջկերանց մոտ ո՞ւմ դեմն ես պարծենում, ո՞ւմ նշանածին ես քո մուտտառ՞ պոռոչներովդ, քո կեղտոտ շնչովդ ապականում: Երկինք ու գետինք, դժոխք ու սատանեք քեզ հիմի իմ ճանգիցը չեն կարող պրծացնիլ, գնա սատկի՛, քո տիրոջ հերն էլ անիծա՛ծ:

Մեր սարսափելի ստվերը, որին մենք արդեն ճանաչեցինք, այս խոսքերից հետո, երկու ձեռքով Արշակի գլխիցը բռնած՝ բարձրացրեց բոլոր մարմնով և ուզեցավ խփել պատովը, և եթե մի ձեռք նրա քամակիցը չէր բռնել ետ քաշել, մեր Արշակը մինչև հիմի յոթ պատան մաշած կլիներ:

— Սմբա՛տ, արենպարտ մի՛ ըլնիլ:

1 Աստիճանավորների: 2 Իշխանութուն: 3 Դաշույն: 4 Ստառ:

1 Սլքվեց: 2 Ասպանդակ: 3 Սական: 4 Անտաբ:

Այս ձայնը սլաքի նման թափանցեց մեր կատաղած հերոսի մինչև ամենանուրբ ջղերն և նա սարսեց:

Ինչպես եռացող ջրի վրա հանկարծ սառը ջուր լցնես, այնպես նրա սրտով մեր նախանձահույզ փեսացուի փուրը:

Նա վայր դրեց յուր որսին գետնի վերա և աչքերն ետ դարձրեց:

Ոչ ոք չկար:

Մի քանի քայլ յուր շրջակայքը ման եկավ: Ոչ ոք չկար:

— Նա էր, նրա ձենն էր, հենց իմանաս ինձ էլ դիպավ, նա իմ հոգու մեջը խոսաց. նա չի ուզում ես ձեռներս սրա արնի մեջ թաթախեմ. թող գնա ապրի, ինչքան որ իր հոր սիրտը կուզի:

Շվարածի նման նա եկավ Արշակի մոտ և ձեռք տվեց: Արշակը մի քանի անկապ ու անհասկանալի բառեր էր արտասանում, երևում էր, որ նրա լեզուն երկյուղից կպել էր:

— Արշակ, Արշակ, — մեղմ և քաղցր ձայնով կանչեց նա, — վեր կաց, վեր կաց գնա՛ տուն, ամեն բան անց կացավ, ոչինչ չկա:

— Ես մեղա աստծու, ես գլուխս քարը տվի, էլ չեմ անիլ, — թոթովում էր Արշակն ու Սմբատի ձեռքերը համբուրում:

— Գնա՛, գնա՛ ու էլ ուրիշի ապրանքին աչք չունենաս. համա թե որ էլի կհիմարանաս, չախմախի պեծերը միտդ բե՛ր:

Այդ օրվանից Շունհետաձողենց տանն Արշակի ներկայութեամբ էլ չախմախի շէին կարող տալ, նրա լեզուն խառնվում էր, նրա ուշքը գնում էր, նա կանչում էր.

— Սատանի բերնիցը կրակ ա թափվո՛ւմ, ես գլուխս քարը տվի:

— Շորշոփ ա դիպել, — վճռեց շահրիարցի գրբաց տեր Հարությունը սողոմոնին բանալով և ռամ՝ ձգելով, — բայց դրան պրծացնիլն անկարելի ա. շորշոփ ա դիպել, էն էլ դևերի թագավոր՝ Բեհզզգերուզի շորշոփը²:

ԺԾ

ՉՎԱՍԾՆԻ ԽԱՔԵՐ ԹԱՎԻ ԿՈՔԸ ԿՊԱԶՆԵ

— Կաց, ո՛ւր ես փախչում ցնորվածի պես:

Այս խոսքերով մինը բռնեց Սմբատի թևն, երբ նա Արշակին իր ձեռքով բարձրացրեց, ներքև տարավ նրանց բակն և ինքը կրկին վազ եկավ աներանց կտուրը, կամեցավ իջնել յուր ելած պատիցն և հեռանալ:

¹ Վեց հազարյակի հաշիվներ տեսնելով: ² Շորշոփ դիպել. նշանակում է մի երևույթից վախենալ և նրա վատթար հետևանքին ենթարկվել:

Սմբատը շատ ջտապով էր բարձրանում, դժվար թե երկու մարդ կարողանային նրան ետ պահել, բայց մի ձեռքի թույլ բռնվածք տեղնուտեղը կանգնեցրեց իրան:

— Ո՛ւր ես փախչում:

— Հա՛, բաս դո՛ւ էիր:

— Ես էի:

— Բաս քո ձեռովդ ես էսքան բաներն անց կենո՞ւմ:

— Դու էլ հավատո՞ւմ ես, մտքովդ ա՛նց ես կացնում, հոգուդ մեղք չե՞ս անում:

— Բաս էս ի՞նչ բան ա, էս ի՞նչ խաղ ա, որ ինձ հետ անում եք. ես ձեր խաղատե՞ղն եմ, ես երեխա՞ եմ. բաս ես աշխարհքի երեսին ո՛ւր եմ սաղ ման գալի, ի՞նչ երեսով ուրիշներին մտիկ եմ տալիս. ձեզ ի՞նչ եմ արել, որ ինձ խեղճ չեք գալիս, ձեզ ի՞նչ եմ արել, ի՞նչ վնաս եմ տվել...

Սմբատը շարողացավ շարունակել, երեխու նման արտասուքն իրան խեղդեց, խոսքը կոկորդումը կիսատ մնաց, գլուխը կուցրել էր և հառաչում. նրա կրծքի ելևէջը մթի մեջ կարելի էր նշմարել:

— Սմբատ ջա՛ն, արևիդ մատա՛ղ:

— Զէ, էլ ինձ քաղցր խոսքեր մի ասիլ, սրանից հողը ես սաղ աշխարհքի մասխարեն՝ եմ, ես էլ մարդի կարգում չեմ, շան պես քացով տո՛ւր, տանիցը դուս քցի՛. աղքատի տղեն հարուստի աղջկա թափ հողին էլ չի արժան. մի կտոր շոր հաց ողորմություն դուս լքիկեցե՛ք, երբ որ կգամ շլինքս կծոնեմ, ձեր դուանը մուրացկանո՞ցյուն կանեմ. ի՞նչ եմ ասում, հացն ափսոս չի՞, դուռն երեսիս ետ արե՛ք:

Սմբատը շարունակ լալիս էր:

— Սմբատ ջա՛ն, ականջ դի՛ր, ես ամեն բան սեսա, ես քեզանից ավելի՛ եմ գժված ու կատաղած, ես էլ առաջ բանից խաբար չէի. մի քանի օր է, որ դիպվածով տեսա ու ամեն հնարքով աշխատում էի քիչ-քիչ ետ կացնել:

— Ի՞նչպես, դու առաջ ոչինչ տեղեկություն չունեի՞ր, բաս դու դարավուլ չէի՞ր քաշում², որ սիրեկաններին ոչ ով խափանի ոչ:

— Ամո՛թ քեզ, Սմբա՛տ, ես հույս չունեի, որ դու էդ վատ կասկածը կունենաս ինձ վրա, ամո՛թ քեզ, որ ընչանք օրս իմ սիրտը չճանաչեցիր, ամո՛թ, հազար ամո՛թ քեզ:

— Բաս ասում ես՝ դու է՛լ թխաբար³ էիր, դու է՛լ նեղաշել ես դրանց սիրահարությունների վրա, դու է՛լ, դու է՛լ...

¹ Մաղրելիքն: ² Պահապան չէիր կացել: ³ Անտեղյակ:

— Հա՛, քեզ մատա՛ղ, քո ազիզ արևը վկա:

— Բաս ես գնամ, քարափովք վեր ընկնեմ ու պրծնեմ, էլի՛:

— Չէ՛, անումիդ մեռնի՛մ, չէ՛:

— Հերիքնազ ջա՛ն, գլուխս իմս չի, ես կգժվեմ,— ասաց մեր ողորմելին և փարվեցավ յուր քննուն, որ մթնումը կանգնած դիտելուս է եղել: Ինչպես պատմեց Հերիքնազը Սմբատին, ինքը երկու-երեք շաբաթ առաջ դիպվածով տեսել ու լսել էր դրիշակի խոսակցությունը, թեպետ լույս էր ընկել, բայց չէր ուզեցել միանգամից հուսահատեցնել Հեղնարին: Լավ էր համարել աստիճանաբար խոսք հասկացնել: Իսկ այս գիշեր՝ դեռ քնած չի լինում, երբ Հեղնարը վեր է ելնում անկողնից, շորերը մթնումը հագնում ու դուրս գնում՝ ճրագը հանգչելուց հետո: Յուր սիրտն էլ կասկած է մտնում, ինքն էլ նույնն է անում և հետևում Հեղնարին. նա հասնում է նույն ժամին, երբ երկու սիրահարներն առաջին անգամը պատահում են միմյանց. նա նույն րոպեին նկատել է Սմբատին, որ փոքր ժամանակ գետնին նստելուց հետո, կամաց քաշվում է դեպի պատը, բարձրանում ցածր պատի մյուս երեսն և այնտեղից դիտում: Վերջապես նա տեսել է սորա շախմատի տալը, լսել վճռական խոսքերն և յուր քնքուշիկ ու ազդու ձայնովը ետ է պահել սրան մարդասպանությունից. այ՛ո՛, նա սկզբից մինչև վերջը ներկա է եղել և, թեպետ մթնումն, բայց ամեն բան տեսել է:

— Հերիքնազ ջա՛ն,— գրկեց Սմբատն աղջկանն ու ճակատը համբուրեց:

Ոչինչ ընդդիմություն չարեց Հերիքնազը, նա պինդ կպավ Սմբատի գրկին ու մի քանի վայրկյան այդ դրուժյան մեջ լուռությամբ տեղիք տվեց նրա գրկախառնությունը:

— Բավական է,— ասաց վերջապես աղջիկը,— դե՛ հիմի սիրող հանգստացրո՛ւ, էս բոլոր անցկացածները մոռացի՛, ջահել աղջիկ ա, հեռու չի միտք արել, խարվել ա, էդ թավուր բաներ շատ կպատահին. փառք աստծու, որ ինքդ անկաջովդ լսեցիր, թե դրանք առաջին անգամն ա, որ մին-մնի մոտ եկան, դրանց տեղը դրիշակն ա էլել, որ ինչպես իմացար, մեր քնելուց հետո վեր են կացել ու իրար հետ քշփչացել: Մի՛ վախիլ, Սմբատ ջա՛ն, իմ շլնքին թող դրան ճամփու բերիլը, ես սկսել եմ խրատիլը: Հեղնարը քեզ ընենց կնիկ դառնա, որ դու ինքդ էլ արմանաս:

— Հերիքնազ ջա՛ն, էդ բանը մի՛ ասիլ. Խեչանի աղջիկն ինձ համար ըստուց ետը պաս էլավ, ես ուրիշի խտրտից՝ աղջիկ չեմ կարող հանել ու իմ գիրկն առնել. նա ոնց որ մի իժ օձ կփաթաթվի իմ շլնքովը:

— Թե որ ըտենց ա, դու ո՞նց շամաչեցիր ինձ դոշիդ՝ կպցնել, չէ՛ որ մի մարդ էլ թե ինձ ընենց հանդիպի, մի վիշապ պտի կարծի, թե որ մի օր ինձ ուրիշի կնիկ դառած տեսնի:

— Չէ՛, քեզ իմ գլխիցս ոչով չի կաթող խլել, թող Խեչանն ում կուղի՛՝ աղջկանը տա, աստված իրան հետ, ես քո ձեռիցը բռնած՝ պտի դուս քաշեմ էս տանիցը, ըստուց ետը դու իմն ես:

— Սմբատ:

Սմբատի կոները թուլացան, նա այժմ միայն բաց թողեց յուր երջանկությունն յուր գրկից:

— էս վերջինն քլի, որ քեզանից էդ խոսքը լսում եմ,— հրամայական ձայնով ասեց Հերիքնազը,— իմացած կա՛ց, որ թե դու Հեղնարի հիմարությունի խաթեր ոտդ մեր տանիցը կտրել ես, էլ հուրն հավիտենական իմ երեսը չե՛ս տեսնիլ. հենց կանեմ, որ մեր քուլովն էլ չես կարող անց կենալ. մտքումդ լավ պահի՛ր ինչ որ ասում եմ, մեռած էլ ըլիմ՝ գերեզմանիս վրա գալու իրավունք չեմ տալիս քեզ:

— Բաս ի՞նչ կհրամայես, որ անեմ,— լալով հարցրեց մեր ցավալի եղբայրը,— կուզե՞ս, որ անեղեսի պես գնամ, ինձ չսիրող աղջկանը շլինքս ծռած՝ ողորմությունի պես առնեմ: Ախար որ էս մարդն ինձ չի սիրում, ես ընչի՞ եմ նրա մեղքն ընկնում, մե՞ր մեջն ի՞նչ մարդ ու կնկություն, ի՞նչ սեր կըլնի. ես էս իրիկվա անցկացածները իմ մտքիցս ո՞նց պտի ջնջեմ. չէ՛ որ ամեն սհաթ պտի խեղճ կնկա երեսովը տամ:

— Երեսովը տված վախտն էս էլ ասա՛, որ դու էլ իրան չես սիրել, որ դու էլ ինձ ես փաթաթվել ու պաշել. ես էլ թե կպսակվիմ, իմ մարդին կասեմ, որ նա էլ իմ երեսովը տա, որ ուրիշի շունչն ինձ ա դիպել:

— Հերիքնազ ջա՛ն, ինձ ղնամիշ մի՛ անիլ՞, ես ի՞նչ անեմ ո՞ր սարերն ընկնեմ, ո՞ր շուկերը, ո՞ր ձորերը, ո՞ր գետերը, որ քեզ սիրում եմ: Հա՛, ես Հեղնարին չեմ սիրում, նրա համար նշանածացուք շատ կան, Արշակին ես էլ չեմ ուզիլ որ տան, նա մի դատարկ տղա ա. լավ-լավ ուզողներ իրար գլուխ են ճղում, թող գնա մնի հետ բախտավորվի, համա թող քեզ ինձանից չհանեն: Վաղո՛ւց, վաղո՛ւց մտքումս դրել էի քեզ իմ սրտիս փափագն ասեմ, լիզուս չէր պտըտում, էս անտեր երեսը մտից ա, չէր բռնում, համա մի՞թե դու իմ աչքերիցս չէիր հասկանում: Խեղճ արի՛ ինձ, Հերիքնազ ջա՛ն, չէ մի՛ ասիլ, ինձ մի՛ կրակիլ, ես քեզ սիրո՞ւմ եմ, սիրո՞ւմ եմ, որ սպանես էլ՝ սիրո՞ւմ եմ:

— Անօրե՛ն, անխղճմտա՛նք, զոնյա մի՛ ասիլ, քաս ես սիրտ շուռնի՛մ, ինձ մեր չի ծնե՛լ, քարից եմ բհամ եկե՞լ՞, ես մարդ չե՛մ, թե մի

Քաս առվի թումբը, Բաղալենց բաղնի՝ գուլար, ծակ քարի կշտին կկան-
նես ու ներքև մտիկ կտաս: Գիտե՞ս ինչ կգտնես քարափի տակի ան-
դունդումը.— դու կտեսնես նրան, որի պատճառով դու հորդ խոսքը
չպիտի կատարես, դու կտեսնես մենծ թիքեն անկաջը մնացած մի լաշ՝
արևի մեջ շաղախված ու քո խաթեր իր ջահել-չիվան՝³ արևը մթնացրած:
— Ի՞նչ:

— Հա՛, էգուց էլ Հերիքնազդ չի՛ ըլնիլ, ու նրանից ետը՝ քո քեֆը,
կուզես ա՛ն Հեղնարին, կուզես՝ ոչ. էլ իմ աչքերս չեն տեսնիլ, իմ խղճմը-
տանքս էլ ինձ չի տանջիլ, որ իմ խաթեր իմ հորից ավելի սիրելի քեռին
օր ծերության դարդամահ պտի ըլնի, թե իր տված խոսքը չկատարվեց:
էս ա իմ վերջին խոսքը, Սմբա՛տ, էլ ուրիշ ասելիք չունիմ, հիմի գնա՛,
տերը քեզ հետ:

Նո խփեց Հերիքնազն իր մոտիկ Սմբատին ու ինքը վերադարձավ
շտապով սանդուղքներից իջնելու:

— Խոսք եմ տալիս, Հերիքնազ ջա՛ն, քո քաղցր անումը վկա, խոսք
եմ տալիս, որ ինչ քո կամքն ա, էն անեմ,— քամակիցը վազեց, փեշիցը
ձգեց Սմբատն ու ետ քաշեց,— խո՛սք եմ տալիս, որ ամեն տեսած ու
լսածներս հենց էս սհաթը մոռանամ, որ Հեղնարին սիրեմ, սիրեմ՝ քո՛
սիրու խաթեր:

— Հիմի իմ աղիզ փեսեն ես, իմ քաղցր սիրեկան ախպերն ես,—
դարձավ Հերիքնազն ու Սմբատի ճակատին մի սրտանց համբույր դրոշ-
մեց: .

ԺԶ

ԴՐԻՉԱԿ

Նահապետական պարզ սովորություններն օրըստօրե անհետանում
են, բարեկամություն, հարևանություն սուրբ բառերն իրանց նշանակու-
թյունը միմիայն քաղաքավարության ձևերի մեջ են պահում. էլ չկա այն
ընտանեկան կապը, որ օտարներին միմյանց հետ մի տան պես պահում
էր. խոր գյուղերումը, որպես և իցե, այժմ կտեսնես նախկին քաղցրու-
թյան ստվերը, իսկ քաղաքներումն ու մեծամեծ գյուղերումը՝ երբե՛ք
Մի անմխիթար ապագա է գուշակում մեզ այս բանը:

Սրանից քսան կամ քսանուհինգ տարի առաջ, իմ լավ միտքս է, մեր
գյուղերումն երկու դրացի մի տան պես էին ապրում. մի առած ունեին:

որը պատգամի նման ընդունված էր ամենքից. «փոխը օխտը տուն ա
պահել»: Այս առածի սուրբ նշանակությունն ամենքին լավ հայտնի էր,
պատեպատ հարևաններն եղբոր նման միմյանց կարիքին հասնում էին:
Ինչպես այսօր, ես հիշում եմ դրիշակը, որ բացած էր մեր և պատկից
դրացի Ազատենց պատի մեջ: Այս մի փոքրիկ թափանցիկ պատուհան
էր՝ երկու հարևանների միջնապատումը շինած: Ոչ վարագույրն էր ծած-
կում այդ պատուհանն և ոչինչ զգալի արգելք խափան էր լինում ակա-
նատես լինել միմյանց տան գաղտնիքին. մի բարոյական զգացմունք էր,
որ հաստ պատի նման փականք էր դնում դրիշակի վերա, այն է՝ ամեն
մարդ սուրբ պարտականություն էր համարում դրիշակը գործ դնել կա-
րևոր ժամանակը. ճրագ ուզել միմյանցից, կերակրի բաժին տալ իրա-
րու, քաղցր զրույցներ անել պարապ միջոցները, մեկս մեկի նեղությու-
նին օգնություն հասնել: Ահա ինչ էր դրիշակի նշանակությունը: Ընդհա-
կառակն՝ աններելի հանցանք էր, եթե մինը շար գիտավորությամբ
ձգտեր յուր դրիշակից դրացու տան գաղտնիքն իմանալ. եթե որպես
և իցե դիպվածով նա տեղեկանար դրիշակովը յուր հարևանի տան որևիցե
ընտանեկան խորհրդին, նա պատրաստ էր յուր լեզուն բնիցը պոկ տալ,
քան թե մեղանշիլ դրացության սուրբ պարտականության դեմ:

Այսչափ մեծ էր այն նվիրական փոքրիկ պատուհանի սրբությունը
մեր պարզ և առաքինի պապերի համար:

— Որդիք ջա՛ն, ամա՛ն, ձեզ մատա՛ղ, առանց պատը ծեծելու դրի-
շակովը մտիկ չտաք. ո՛վ գիտի՝ ինչ բանի են,— զգուշացնում էր մեզ
ամեն ժամանակ իմ լուսահոգի մայրս:

Մի կողմից էլ որքան այս դրիշակները շինված էին փոխադարձ
օգնության նպատակով և կամ, գուցե, պարսկական բռնակալությունից
ազատվելու մտքով, այդ պատուհաններն էին պատճառը, որ հանկարծ
լսում էիր, թե Կիրակոսն յուր աղջկանը տվել է Մարտիրոսի տղին,
այսինքն՝ յուր դրիշակակից հարևանի որդուն: Երկու սիրով հարևան
տանտիկին մայրերն ազատ միջոցները ժամերով ծնոտները դեմ էին
տալիս դրիշակի քարին և քաղցր զրույցների մեջ խորասուզվում, ուր
և առանց յուրյանց ամուսինների ու որդվոց համաձայնությանը խնամի
էին դառնում:

Շատ հաճախ էր պատահում, որ այս դրիշակները գիշերներն ան-
խոս վկա էին լինում երկու ձեռների այս և այն կողմից միմյանց մեջ
սղմված մնալուն, կամ ժամերով երկու շրթունքների իրարու պինդ կպած
լինելուն:

Երկու հարևան տներից մագնիսական զորությունը դրիշակի պա-
տուհանովը երկու զույգ աչքեր իրար քաշելով՝ մինչև այստեղն էր հաս:

1 Պարտեզ: 2 Դիակ: 3 Նորատի:

ցրնում և որդեսեր ծնող մայրերը, մարդկանցից թաքուն, լսելով յուրյանց սիրելի զավակների պարզ խոստովանությունը, յուրյանց համաձայնությունն էլ վերան ավելացնելով, շատ հեշտություն մտնում էին տան գլխի հաճությունը. մին էլ էն տեսար, որ՝ ախշի Սառան, Հեղնար, Գասպար, Վարդան, քիթի, հոթի, ափեր մտերմական բառերը, որոնցով կոչում էին իրարու, փոխվեցան խնամի ընդհանուր խոսքի:

Ահա այս դրիչական էր մեղավոր, որ մի օր Հերիքնազին սաստիկ վախացրեց:

Խեչանենց Խեչանի տանը վաղուց ամենքը քնած էին. Մարիամը տնային ծանր աշխատանքից հոգնած՝ տեղը մտնելն ու խոմփոցը բարձրացնելը մին արեց. ինքը Խեչանն ամենքիցը շուտ էր յուր սիրելի անկյունումը հանգստանում, Հեղնարն էլ Հերիքնազի հետ մի անկողնում միմյանց գրկել քնել էին, ու բավականին գիշեր էր անցկացել:

Ի՞նչն էր ուրեմն պատճառը, որ հանկարծ մեր Հերիքնազին զարթնացրեց՝ չգիտենք. այսքանը միայն հայտնի է, որ նա յուր կողքը դատարկ գտավ:

Սկզբում Հերիքնազը շատ չմտածեց, բայց մինչ սպասում էր, թե ահա Հեղնարը կրկին յուր կողքը կմտնի, պարզ մի շշնջումն լսեց, որ յուր անունն էլ մի քանի անգամ կրկնվեց: Երկյուղը պատեց աղջկանը. ի՞նչ նորանշան երևույթ էր, գողե՞ր են մտել տունը, կամ թե ինքը Հեղնարը, միաբանած մեկի հետ փախչում է, մի դավաճանությունն կա:— Նա անկարացավ հասկանալ: Զա՞յն տալ արդյոք, թե մի փոքր էլ համբերի,— չկարողացավ վճռել. սառը քրտինքը ծածկեց նրա անձը: Որպես և իցե Հերիքնազը հանեց գլխատակիցն յուր մինթանեն¹, գլուխն անցկացրեց ու տեղի մեջ մի քանի վայրկյան մնաց նստած: Երևի թե շշունջ պատճառողները շտեղծեցին Հերիքնազի շարժվածքը, անընդհատ քշիչոցը շարունակվում էր:

Հերիքնազը լարեց յուր լսողությունն ու պարզ կարողացավ երկու ձայնից մեկը ճանաչել: Էլ կասկած չկար, Հեղնարն էր մեկը, բայց ո՞ւմ հետ և ընչի՞ համար: Այսքանը միայն հասկացավ Հերիքնազը, որ ձայները գալիս էին դրիչակի մոտից:

— Հա՞, հոգն իմ գլխին, ա՛յ, օյին², ինչ կըլնի, թող ըլնի,— մտածեց Հերիքնազն ու համարյա փորտոզ առաջ եկավ ու այնքան մոտեցավ ձայնին, որ յուր ձեռքը դիպավ Հեղնարի հագուստին:

Թե ի՞նչ լսեց, ի՞նչ սիրահարական ձեռնաշարժություններ եղան նրա առաջին, մենք ավելորդ ենք համարում մի առ մի պատմել. մեզանից

ամեն մինը թող հիշի յուր պատանեկությունը, եթե նա մտել է խոհանարանի տարիքի մեջ, իսկ պատանիների համար՝ բոլորովին անտեղի եմ կարծում կրկնել. դեռ ես բերանս չբացած՝ իրանք ինձանից ավելի լավ թարգման կլինեն երկու քշիչողների խոսքերին. ի՞նչ ասենք, Հերիքնազը պարզ իմացավ, որ յուրյանց հարևանի սղեն՝ Շունհասածողենց Արշակը դրիչակի սրբության դեմ դավաճանել է և գողացել է մի գլուխը կապած՝ աղջկա սիրտ, ինչպես որ Հեղնարն էր: Իհարկե, ոչ ոք այնքան չէր մեղադրիլ երկու պատանիներին ևս, եթե սրանցից մինն, ինչպես մեզ հայտնի է, նշանած չլիներ, անկասկած մի քանի օրից հետո երկու տունը խնամի կղաղնային. բայց բանն այս է, որ Հեղնարն էլ յուր գլխի տերը չէր ու ինքն ենթարկվել էր Արշակի աչքերի ազդեցությանը:

Հիշեց Հերիքնազը, որ սկզբումն Արշակը շատ անգամ յուր կողմն էլ մի քանի տարօրինակ հայացքներ էր արձակում, որից ինքը փախս տվեց, սակայն շատ զղջաց խեղճը, որ այնքան հեռատես չի գտնվել, որ Հեղնարին էլ զգուշացներ Արշակի խարդախ և գրավիչ աչքերից: Երբեք թույլ չէր ավել իրան Հերիքնազը մտածել, թե մի բաշխյաբքմա արած աղջիկ կարող կլինի այդ աստիճան թույլ և անհաստատ գտնվիլ, որ ոտքի տակ տա հոր կամքը, օրիորդական համեստությունը, օտարների ասուլիսն ու ենթարկվի ուրիշների աչքերին:

Արդարև Սմբատն ամեն բանով գոված էր, ամեն բանով շնորհալի, աշխատասեր և քաղցրալիզու, շատ ուժեղ և բարեկազմ, խարտյաշ և գանգրահեր, բայց մի հատկությունը Արշակը ո՛չ միայն Սմբատից, գյուղի բոլոր երիտասարդներից էլ գերազանցում էր: Այդ նրա թովիչ ու գրավիչ աչքերն էին: Երբ որ նա յուր հաստ հոնքերը ցած էր թողում և աչքերը սեռում մեկի վերա, մանավանդ եթե սիրաշաղախ լիներ նրա նայվածքը, ամեն բան պրծա՛վ. ամեն գոռոզ ու անընկճելի սիրտ պետք է խոնարհեր նրա հաղթանակի առաջին: Մեծ հաստատակամություն պետք էր, որ դիմադրեր:

— Արշակի աչք ու ո՛ւնքն իմը պտի ըլնի, Սմբատի՛ բոլը, բուսաթն² ու մեկել շնորհքները,— ցանկանում էին գյուղի բոլոր երիտասարդները.— Բաղդադիցն էլ հուրի փարիներին³ քամակիցս քցած՝ ընչանք ըստիդ քաշ կտայի:

Այս դիտելով, Հերիքնազը դատապարտում էր ինքն իրան՝ պատի տակին կանգնած տեղը, երբ լսում էր սիրո թևերի վերա նստած երևակայական աշխարհքի մեջ երկու կյանք վայելողների խոսքերը: Նրա

¹ Երջազգեստ: ² Խազ:

¹ Նշանած: ² Հասակն և տեսքը: ³ Հաղիբժաշարների:

բարկությանը շփ շմնաց, կանգնած տեղը դողաց, երբ նոցա համբույրի ձայնն առավ:

Սկզբում Հերիքնազը կարծեց, թե նոր է սկսել սրանց սիրահարությունները, բայց հիմա էլ կասկած չմնաց, պարզ լսեց, որ մոտ մի տարի է՝ ամեն գիշեր սրանք բոլորի քնելուց հետո՝ դրիչակի տակ ծամեր են անցկացնում:

— Ի՞նչ անեմ, լիս ընկնե՞մ, թե չիմանալու տամ ու կամաց-կամաց Հեղնարին խոսք հասկացնեմ ու էս շար ճամփիցն ետ դարձնեմ, — մտածեց նա և վերջինն ընտրեց:

Միևնուշն ձևով փորսող ետ դարձավ Հերիքնազն յուր անկողինն և պինդ հազալով՝ Հեղնարի անունը տվեց:

Սիրտ ի թունդ, ափալ-թափալ՝ Հեղնարն իրան ձգեց անկողին:

— Հեղնա՛ր, Հեղնա՛ր, — կրկնեց Հերիքնազն և շարժեց ընկերուհուն:

— Ի՞նչ կա, Հերիքնազ ջա՛ն, — պատասխանեց կցկտուր Հեղնարը:

— Մի վատ երազ տեսա, — վրա բերեց Հերիքնազը, — սաքի թե դու արենձովն էիր ընկել, քանի ուզում էիր լող տալով ազատվիլ, մեր հարևանենց Արշակը կուող քաշում էր ավելի խորն ու խեղդի ուզում: Մենք հույսներս կտրած՝ գլխներիս վեր էինք հատում, համա կունեբը քշտած՝ էն դճիցը Սմբատն առաջ եկավ, ընչանք կեսը ջուրն ընկավ ու Արշակին մի սիլլա² տվեց, ետ քցեց, քեզ ծոխ պես ձեռների վրա առավ, ազատեց. դեռ ջրի ափը չէիր դուրս եկել, որ վեր թռա, տեսա տեղումս եմ:

Հեղնարի սիրտն սկսավ ավելի բարձր ու ցածր անել, նա լրջմտաբար հավատաց Հերիքնազին:

Մի քանի անգամ վճռեց Հեղնարը պատմել հանցանքն յուր ընկերուհուն, մի քանի անգամ սկսեց և էլի չկարողացավ շարունակել:

— Լա՛վ, լա՛վ, հերիք ա, ես ամեն բան գիտեմ, Հեղնա՛ր, — ընդհատեց Հերիքնազը, — դու էն բանն ես անում, որ մի օր հորդ ծնկները պտի քուշի մեջտեղը ծալվին, ինքը վեր ընկնի, հոգին տա. ո՞վ ա լսել, ա՛յ ճար կտրած, էդպես բան. աղջիկն երեսությունից նշանած ըլի, հերք գլխին կաննած ունենա ու էնքան երեսի մեռոնը վեր բերի, որ ուրիշի տղի հետ սեր անի՞. ի՞նչ կանես, ա՛յ հողը մեր գլխին, թե որ էգուց նշանածդ իմանա ու ետ կաննի, ի՞նչ կանես, թե որ էդ պարծենկոտ տղեն էգուց աշխարհքովը մին անի³. դու հենց գիտես, թե դա սրտով ա քեզ սիրո՞ւմ, դա քո կարողությունի համար ա քեզ գերի դառել:

— Արևիդ մեռնի՛մ, Հերիքնազ ջա՛ն, էդ խոսքերն Արշակի համար մի ասիլ, նա ինձ համար գուլխը մահի կտա, նա ինձ սրտով ա սիրում,

ես էլ իրան եմ սիրում. Սմբատն ինձ արժան չի, ես քնած-մոլորածի կնիկ դառնալու չեմ. իմ հոր հարստությունի տերն ես եմ, ես կուզեմ, որ իմ մարդը գեղամիջումը մի անում ունենա, ինձ էլ խանում ասեն, մեր դուանն էլ մենծավորներ վեր գան: Վա՛յ ինձ, աստծանից թաքուն չի, քեզանից պահել եմ, մի տարի ա, որ Արշակի հետ ամեն քշեր դրիչակի ծակովը մեր սիրտն իրար բաց ենք անում:

Այս գիշեր երկու աղջիկները համարյա անքուն լուսացրին, ոչ մի՞նչ և ոչ մյուսը իրարու տեղիք չտվին, Հեղնարը պնդում էր, որ կամ Արշակը՝ կամ ոչ ոք, իսկ Հերիքնազը Սմբատի արժանավորություններն էր բարձրացնում ու Արշակին պարսավում:

— Ի՞նչ երեսով ես մտիկ տալիս Սմբատին, երբ որ խեղճը միամիտ գալիս ա մեր տունը՝ էն հուսով, որ իր նշանածին տեսնի:

— Ոնց որ քո գրող ու մահին. սաքի դու ո՞նց չես գլխի ընկնում, որ ես աչքով աչք չունիմ նրան մտիկ տալու. սաքի ինքն էլ ո՞նց չի հասկանում, որ մի տարուց ավել ա, որ ես հետը մի խոսք չեմ խոսել, աներեսի պես գալիս ա քեզ մոտ նստում՝ նստում ու վեր կենում հեռանում:

— Ամո՞թ քեզ, Հեղնա՛ր, ո՞վ մտքովն անց կկացներ, թե ուրիշին սիրելու համար ես նշանածիդ հետ սառը վարվում, մի քանի հետ խեղճ տղեն ինձ հարցրել ա, ես էլ՝ հողն իմ գլխին, միամտացրել եմ իրան, թե դու վաղվան երեսինն չես, ու ուսերը վեր էիր բերում. հիմի ամեն բան հասկանում ես, հիմի ամաշում ես նշանածիդ հետ խոսալը:

— Հերիքնազ ջա՛ն, շա՛տ ես համոզում դու Սմբատին:

— Վա՛յ, քոռանամ, մեր մհալումը նրա նման էլ ո՞վ կա, ծակ բերանը նրա գովքն ա անում, աշխարհքը նրա բարի սիրտն ու ղոշաղությունն՝ ա առակ շինել, ասում. ես ի՞նչ եմ, որ խալխիցը ջոկնվիմ, ես հո ամենքից ավելի եմ ճանանչում:

— Թե որ էդքամ խելքամաղ ես էլիլ, ընչի՞ չես դու առնում նրան, հազիր ինձ էլ միանգամից կազատես իմ աչքի գրողիցը:

Հերիքնազը սարսափեց ու պինդ փաթաթվեց Հեղնարին. նրա մըտքումը նոր բան ծագեց. մինչև այսօր այդ բանի վերա երբեք չէր մտածել. իրա՛վ է, նա սիրում էր Սմբատին ամենայն սրտե, բայց իբրև եղբոր, իբրև յուր սիրելի քեռու աղջկա ապագա ամուսնու. այսօր նա ինքը քենի էր և քենին Հայաստանի մեջ հարազատ քրոջ հետ մի կարգումն է կանգնած, մի զանազանությամբ միայն, որ քենու վստահությունն ավելի մեծ է քրոջից:

Քույրն եղբորը, բնական է, կսիրի, բայց նրա մոտ ավելի համարձակ

1 Ի քթթել ական: 2 Ապտակ: 3 Հոշակի:

1 Քաշություն:

չի լինիլ: Մեր եղբայրները կարծում են, թե քույրերի պարտականությունն է յուրյանց գլխովը փարիլ, յուրյանց համար տոշորվիլ, գլուխը մահու տալ, եղբոր անունովը խանդաղատիլ, բայց յուրյանց կողմից բավական է, որ եղբայր են, դրանով վերջացավ փոխադարձ պարտականությունը, էլ զգվանք, էլ քաղցր վարվեցողություն, էլ ուրախ հայացք, մի անուշ խոսք՝ երբե՛ք, երբե՛ք, դրանք եղբոր կողմից ավելորդ են: «Քույրն ասում է՝ եղբայր ունիմ, եղբայրն ասում է քույր չունիմ»,— ձայն է տալիս հասարակաց առածը. և եղբայրները կարծում են, թե ամենայն իրավամբ է հորինած այս նախադասությունը: Փեսան այդպես չէ, մանավանդ նորափեսան, ևս առավել՝ նորանշան փեսան: Նա ընդհակառակն յուր սրտի բոլոր քնքրությունները, որ պետք է գործ դնել նշանածի համար, անխնայաբար սփռում է յուր քենու առաջին, քենու գոգն է լցնում յուր բերած քաղցրեղենները, մի անկյունում կուշ եկած՝ քենու հետ կտուց կտցի է տալիս ու մինչև գիշերվան կեսը քչփչում է:

Փեսան ու քենին ոչ ոքից չեն ամաշում, տան գլխավորները տեսնում և ուրախանում են, երբեմն էլ կատակով կրկնում.— ա՛յ խելոքներ, շատ մի՛ սիրիլ՝ ատել կա, շատ մի՛ ատիլ՝ սիրել կա,— բայց ոչ մինը սոցանից չի ամաշում պատասխանելը.— իմ փեսան ինձ համար գլխիցս առավել է, կամ թե՛ ով ինձ պես քենի ունենա՝ թող պարծենա, համ կսիրեմ, համ ամենքի կշտին էլ խոսքս բարձր կըլնի:

Իրավունք ունի նորափեսան պարծենալու. նշանվեցավ թե չէ, առաջինը քենին էր, որ հեշտացրեց յուր մուտքը նշանածի երեսը տեսնելու: Շատ անգամ տղայի մտքովը դեռ չի անցկացած լինում կամ չի վստահացած լինում դեռևս զոքանչենց գնալու վերա մտածելու, որ իրեն դիմավորում է մի երեխա և հայտնում քիթիթի¹, դու հասկացի՞ր՝ քենու, զարմացքը, որ ինքը փեսան արժան չի տեսնում նրան տեսություն գալու:

Մեզ հայտնի է, որ իգական սեռը բերան բանալու իրավունք չունի, որ նոցա լեզուները փակված են, որ կես դարու շափ սրանից առաջ ամուսինը տարիներով չի խոսել յուր լծակցի հետ, բայց զարմանալի է, որ փեսան բացառություն է:

Առաջին անգամը մեր ամոթխած քենին,— օրիորդ, թե տիկին— այդ միևնույն է, բայց գլխավորապես օրիորդը, դիմավորում է նորափեսային, բռնում սրա ձեռքը, սղմում յուր ձեռքի մեջ, ողջունում նրան և մինչև ականջները կարմրատակած փեսային քարշ տալիս դեպի տուն:

Մինչև այսօր էլ կան այնպիսի խստասիրտ և հնամուլ հայրեր, որ ոչինչ բանով չեն ցանկանում յուրյանց փեսաներին մինչև պատկի օրն

1 Քուրիկի:

յուրյանց դուռը ոտք ներս դնել տալ. բայց եթե այդ տանը կա մի քենի, հայրիկը թեկուզ երկինքը թռչի, նրա կամքը չպետք է կատարվի, փեսան մուտք կգտնի յուր զոնքանչի տունը:

— էս իրիկուն ես մեր դրսի պատի գլխին կաննած կըլնիմ,— ապսպրում է քենին յուր սիրելի նոր փեսային,— մութը որ լավ գետինն առնի, դու արի՛, պատուվը բանձրացի՛, մի՛ վախիլ, ես կուող կրունեմ, չիմ թողալ վեր ընկնիս, կամ թե՛ դրսի դռն բալնիթը մեջը կթողամ, ձեռք սողնակովը՝ կոխի՛, մատդ կոտտի՞ տակը տուր, հեշտ կբացվի, ես մեր շարդախի³ փետերի տակին քեզ կսպասեմ:

Մի քանի օր ժամերով տուն չի մտնիլ մեր քենին, ձեռք ձգած փեսայի չուխայի⁴ օձիթին՝ նրա հետ քաղցր զրույցներ է անում, իհարկե, յուր քրոջ վերա: Տանն ամենքը գիտեն այս բանն և չիմանալ են ձեռք-նում: Հայրն ևս մի օր նկատում է աղջկա շարունակ բացակայությունը, գլխի է ընկնում, բարկանում է կնոջ վերա ու վերջն ինքն էլ համոզվում է, որ ջահել տղա է, հարկավոր չի սիրտը կտտրել, աշխարհքի համար աղաթ⁵ չի իրանց համար բեղաթ⁶: Այս խոսքերը միտք բերելով, ձեռքը թափ է տալիս ափուն ու— գլխներդ քարն, ինչ ուզում եք արեք, ասում ու լռում է:

Այս մի դատարկ խոսքին էին մնում. զոքանչն ինքը դուրս է գալիս, աղջկանը ձայն տալիս, որ էդ գող կատվին, այսինքն՝ փեսային ներս բերի: Քնքուշիկ փեսասեր քենին քարշ տալով անց է կացնում մեր ամաշկոտ նորափեսային այն նվիրական շեմքովը, ուր այժմ մի սիրտ բարախում է:

Ոչ պակաս սրտատրոփ, պաղ քրտինքը ջանն առած գլխակոր, կարմրատակած, մոտենում է մեր նորափեսան, կամ լավ ևս է ասել՝ կուրորեն հետևում է յուր քենուն և դիմում դեպի տան վերին անկյունն, ուր հոնքերը կախ՝ կնճռած երեսով նստած է աներն, և նորահարսի նման համբուրում է նորա ձեռքը:

— Բարո՛վ ես եկել,— նույնպես հոնքերը շարձրացնելով՝ ասում է անողոք աներն և լռում:

— Դե հիմի էլ նանի կուրծքը պաշի՛,— ներկայացնում է մեր ճարպիկ քենին,— սա էլ իմ մենձ ախպոր կնիկն ա՛ թո խանում բաջին՝:— Բոլորին ներկայացնում է նա, բացի մեկից, և այն մեկն, ամենքիս էլ հայտնի է, որ ինչպես ասած ա, մկան ծակը հազար թումանով է առել, ծալքի վարադուրի տակն է մտել, կամ մյուս սենեկում հոր գլխավերևն

1 Բանալու ծակը: 2 Փայտա փակների միջի մանր ատամները: 3 Սրահ: 4 Վերնազգեստ: 5 Օրենք: 6 Ապօրինավորություն: 7 Խանում քույրը:

երեսը պատին տված՝ պագած՝ է ու չի համարձակվում գլուխը բարձրացնել: Քանի հայրիկն արթուն է, նա յուր դարանիցը չպետք է դուրս գա, իսկ հայրն այդ իհարկե լավ գիտե, շուտ անկողինը բանալ է տալիս, պառկում ու գլուխը վերմակի տակն արած՝ լուռ կենում: Այնուհետև՝ ողջ մեկ է՝ ափուն քնած է. թե աչքերը պլստրակին արած, մի արանքիցը նապաստակի նման դիտում է, թե ինչպես յուր անպիտան փոքր աղջիկը քար է տալիս նշանած աղջկանն և քամակին մթնումը նստացնում, և հետո փոքր առ փոքր առաջ քաշելով՝ ծիծաղելով սուտ.— դե լավ, ամանչիլ մի՛. շեմ ուզում՝ ջեբս քցի՛. մոտ արի՛, էս մեր թագա՞ խնամոնց տղին ձեռը տո՛ւր:

— Տո՛, տնաշենի տղա՛, դու էլ սրանից ավելի հարկևորն ես, բերանիցդ հո՛ քրեհ շե՛ն ուզում, կուռդ բան ուզովի հո չի՛, մեկնի՛ իրան, բարով տո՛ւր, հարց ու բարով արա քո աներանց մենծ աղջկանը,— քաջալերում է քենին փեսային:—

— Բարո՛վ,— շատ կամաց, աչքերը գետնին ձգած, ձեռքերը դողալով, սիրտը վեր ու նիստ անելով, ձգում է մեր փեսան յուր ձեռքը: Աներես քենին երկուսի ձեռքն էլ մոտեցնում է իրարու և պինդ սղմում:

— Դե ա՛ռ, հը, աստված տա՛ ընենց պինդ կպչի, որ էլ պոկ չգա: Որքան և լինի՛ տղեն պնդերես է. այսչափը հերիք էր. այնպես է ձգում խեղճ աղջկա կուռը, որ փոքր է մնում պոկվի, թե որ նա կամավ մոտ չգա: Ի՞նչ պետք է անել, ակամա հնազանդում է, առաջ է գալիս, շընդդիմանալով յուր ձեռքին ժամերով տրորվիլ յուր ապագա թագ ու պսակի ձեռքի մեջ: Բայց թող այսքանով բավականանա մեր պարոնը, թող ուրիշ ոչինչ չսպասի, յուր նշանածի ձայնին ինքն արժանանալու չէ, թեկուզ հինգ տարի էլ նշանած մնան. այսչափս կրոնավորաց բավ է:

Եվ փեսան բավական է սրանով. նա ուրախ է, որ ամեն հրեկո գոքանչենց տունը գալուս, կարող է յուր ձեռքի մեջ ունենալ նշանածի ձեռքն և մի անկյունում նստած՝ յուր սիրեկանի ու քենու հետ ասել, խոսել, ծիծաղել, հանաքներ անել, յուր խոսքերին քենուցը պատասխան առնել: Քենին նշանածի բերանն է: Եվ այս նվիրական էակը, այս քնքուշ արարածը, փեսայի և նշանածի միջնորդը՝ քենին է. քենին՝ նորափեսայի նոր քույրը, որին յուր բարեսրտությունի համար փեսան քրոջից ավելի է սիրում, սիրում է սուրբ սիրով, սիրում է առանց մի շար միտումի, սիրում է, ինչպես կսիրե քույրն իր եղբորը, մայրն յուր աղջկան և այլն: Նույն և մի համակրությունն էլ, նույն և մի փոխադարձ սերն էլ այս պարզ, անմեղություն տիպար քենին է տաժում յուր մեջ՝ ի սեր

յուր հարազատ քրոջ՝ դեպի նրա նշանածը: Այնուցա մտքովը մի օրից մի օր խղճի ընդդեմ բան կանցնի և ոչ մենք իրավունք ունինք բամբասելու:

Քենին ու քույրն՝ երկուսն էլ մեկ են. փեսան եղբորից ոչ ոք չի ջոկել. օրիորդն իրավունք ունի կուժն ուսին ջրի ճանապարհին մի քանի բոպե կանգնել ու քաղցր և հեզահամբույր դեմքով փսփսալ մի երիտասարդի հետ, և ամեն մի գլուղացի սրբապղծություն կհամարի մի շար խորհուրդ մտքովն անց կացնել.— քենի ու փեսա են՝ կասեն ու կերթան յուրյանց գործին: Այո՛, քենի ու փեսա են, նշանածներ հո չե՛ն, որ իրար շվաք տեսնելուս մինը հարավ՝ մյուսը հյուսիս փախչի:

Այս սուրբ և նահապետական սովորությունն դեմ օրինակ չէ եղել, որ մեկը դավաճանի, էլ ի՞նչ զարմանք ուրեմն, որ մեր Հերիքնազն էլ կհետևեր. ի՞նչ կա, որ Հեղնարն յուր քեռու աղջիկն է և ոչ քույրը, նոքա երեխայությունից միմյանց մոտ են մեծացել և հարազատ քրոջ պես իրար սիրում են, ուրեմն Սմբատը Հերիքնազի փեսան է, իսկ փեսան սուրբ է մինչև մի քանի սերնդի համար ևս: Չհասությունը մեր մեջ ոչ միայն օրենքով է արգելված, չհասությունը մահացու մեղք է և՛ ժողովրդի հայրենի սովորության համաձայն:

Շայտց ողջախոհությունը մինչև յոթը պուռն է ջոկել, իսկ մինչև այդ սահմանը բոլոր բարեկամներն յուրյանց ազգականների համար սուրբ և պաշտելի են եղել:

Չգիտեմ, օտարների ազդեցությունիցն էր, թե ժամանակի պահանջն էր, որ մի քանի տարուց հետո մեր նախնյաց այդ սուրբ ավանդության պատը խրամատվել է, առաջվան նման էլ շատ շեն հարցնում, ազգակցական հարաբերություններն էլ այնքան պինդ չեն, երեք-չորս պորտից մարդիկը միմյանցից օտարանում են և ձգտում՝ խնամական կապով կրկին միանալու:

Մեր շահասեր սուրբ հայրերին էլ այդքանն էր պետք, իհարկե սակավ բացառությամբ. կանոնադիրը ձեռքներին, յուրյանց խղճին է մնում այս շնառ համարել, մյուսը՝ հառ: Վերջումն, իհարկե, ամենքն էլ հասնում են, երբ որ լիաբուռն աշհամբույրն նրանց գրպանը կամ խուցն է մտնում: Իսկ այդ սիմոնականությունն, այդ կաշառակերությունը սակավ գայթակղության պատճառ չի դարձել, հոգևորականության վարկն և հարգը ստորացնելու սակավ առիթ չէ եղել: Ժողովուրդն այսպես է, ինքը կտա կաշառը, ինքն էլ կդատապարտի առնողին:

— Հա՛, դրուստ եմ ասում, Հերիքնազ ջա՛ն,— կրկնեց Հեղնարը,— թե որ Սմբատին դու ըտենց սիրում ես, դրանից ավելի լավություն

անիլ ինձ, թե որ նրա սիրտը քեզ քաշես, քեզ վրա տաքացնես ու ինձ ազատես:

— Քոռանամ ու կուրանամ, օխտը տակ երկինքը փուլ կգա՛, ինձ տակովը կանի՛, թե որ էդ բանն ես միտք անեմ:

— Չէ՛, Հերիքնազ ջա՛ն, ոտիդ տակի՛ն դուրբա՛ն գնամ, ինձ ազատի՛, Սմբատը թեկուզ երկնքիցն էլ վեր եկած ըլի՛ ոտներն ամպոտ, ինձ պետքը չի, իմ բերնի սրբությունն ա, ես՝ նրան չեմ կարող սիրել:

Շատ դժվար էր Հերիքնազի գրությունը. նա յուր անզիվ սրտովը իրան թուլ չէր տալ քեռու հացին նենգությամբ նայել, քնուտ փեսայի սիրտը գողանալ, բայց միևնույն ժամանակ յուր կամքի հակառակ՝ Հեղնարի ասած խոսքերը մտքիցը չէին դուրս գալիս: Հերիքնազն երկմիտ չէր Սմբատի լավ հատկությունների մասին, նա կասկած չուներ նույնպես, Սմբատի յուր վերա ունեցած քաղցր ակնարկության համար. նա տեսնում էր, որ Սմբատը սրտամնա է լինում Հեղնարի կոպիտ վարմունքից, երբեմն էլ անբավականությունն իրան հայտնում էր, բայց այս նրան տեղիք չէր տալիս սրբության դեմ մեղանշելու: Հերիքնազի վերա էր երկու կողմից միջնորդի դեր խաղալու պարտականությունը, երկու նշանածների սառած սերը վերանորոգելու պարտքը. բայց, մի կողմից, ինքը շատ անգամ ականատես էր լինում յուր ընկերուհու դրիջակից Արշակի հետ յուր կոշմանը հակառակելուն և, մյուս կողմից, չէր կարողանում բուրբուխն ետ պահել Հեղնարին այդ տղայից:

Յուր ծանր և խոհեմ բնավորությամբ ու քաղցր լեզվովն, արդարև, մի քանի օր ներգործում էր Հեղնարի վրա, խոսք էր առնում, որ ետ կկենա Արշակից, բայց էլի փոքր միջոցից հետո ականջովն էր ընկնում դրիջակի մոտի քշիչոցը:

Շատ անգամ կամեցավ Հերիքնազն յուր մորն ու քեռուն հայտնել բանի էությունը, բայց միշտ ինքն իրան հաղթում էր:

— Չէ՛, թող ոչով չիմանա, ես եմ մեղավորը, ես չհասկացրի Հեղնարին Արշակի շար միտքը, հիմի էլ թող ես էնքան տանջվեմ, որ կարողանամ ետ դարձնել նրան էդ շար ճամփիցն ու իր նշանածի վերա սիրտը տաքացնեմ:

Որչափ և այս խոսքերով Հերիքնազն ինքն իրան քաջալերում էր, բայց մի բան յուր սրտումը ծխում էր, նա օրըստօրե հալվում ու մաշվում էր:

— Ա՛խ, Հեղնա՛ր, քեզ ի՞նչ ասեմ, որ դու սատանեն իմ մտքումս ծնացրիր, էս կրակն իմ սիրտս քցեցիր, որ մի օր պտի ինձ էրի ու փոթոթի,— մտքումն հանդիմանում էր նա Հեղնարին, բայց շատ անգամ

ակամա քաղցր էր թվում իրան անձամբ խոսք բաց անել գիշերները նրա հետ:

— Հեղնա՛ր, դու ո՞նց շամաչեցիր՝ էն խոսքն ինձ ասեցիր:

— Հա՛, Հերիքնազ ջա՛ն, հիմի էլ եմ ասում, ինձ մի մենձ բեռից կարծացնես, քիրություն, մերություն արած կըլնես, թե որ դու Սմբատի սիրտը քեզ քաշես. ի՞նչ, ես սուտ չեմ ասում, Սմբատը լավ տղա ա, երկուսդ էլ մին-մնի արժանի եք. համա մենք իրար չենք գալ, ձեր բնությունները մանկուց իրար բռնում էին:

— Ամո՛թ ա, ամո՛թ, Հեղնա՛ր, էն օրը մահ ըլի, որ քիրը քվոր նշանածի վրա սիրտ ունենա, քվոր բախտին խեթ աչքով մտիկ տա:

Վերջապես միշտ հաճելի էր Հերիքնազին Սմբատի և յուր մերձավորության համար Հեղնարից խոսքեր լսելը, բայց միշտ աշխատում էր ջնջել, անհետացնել յուր սրտից այդ սերը, որ քանի գնում՝ աճում և արմատները խոր էր տարածում:

Բայց Հերիքնազը պահեց, պահեց հաստատակամությամբ, հաղթեց այդ հորդավազ հեղեղի հոսանքին, մինչև որ մի քանի շաբաթից հետո էլ շկարողացավ դիմանալ, լավ համարեց ճշմարիտը խոստովանել Սքմբատին, որով թե յուր կիրքը զսպել, թե Սմբատին յուր նշանածիցը շառեցնել, խոստանալով Հեղնարին էլ համոզել: Այդ միջոցը ընթերցողին քաջ հայտնի է, եթե նա չի մոռացել վերոգրյալ գլխներում պատմածներս:

Այն խորհրդավոր գիշերի համար եմ ասում, երբ Արշակին շուշովի դիպավ, երբ նախանձահույզ Սմբատը մի ականթարթ մնաց՝ պիտի ջախջախեր յուր ախոյանի գլուխը և, վերջապես, երբ ազատիչ հրեշտակը փրկեց Արշակի կյանքը:

Այո՛, ընթերցո՛ղ, հիմա կարծեմ քեզ հայտնի եղավ, որ Սաթումենց տան ճլորթու ժամանակը պատահածն էլ սրանից հետո էր. քեզ համար հիմի պարզվեց, թե ի՞նչ էր նշանակում այն օրվան Սմբատի շփոթմունքը. Հերիքնազի յուր ճկույթը կծելն և հաշտարարի ու մխիթարիչի դեր կատարելը:

Այն գիշերվան անցքից և տված խոստումից հետո Սմբատն էլ յուր խոսքին հաստատ կացավ. նա նույնպես սովորաբար հաճախում էր եռչաննեց տունն և աշխատում իրան ավելի ուրախ ցույց տալ: Իսկ միամիտ Հեղնարն երբեք մտքովն էլ շանցկացրեց, թե հրահանի կայծեր ցայտող սատանան մարմնավորված՝ ամեն օր Ֆահրատի փշի պես յուր առաջին ցցված է, յուր շիրթած նշանածն է:

Իսկ կայծերի զորությունն այնքան ազդու եղավ, որ այնուհետև եր-

կու սիրականները հավիտյանս շհամարձակվեցան միմյանց երեսին նայել, մանավանդ երբ գլուղումը հոշակվեց, թե Շունհետաժողենց Արշակն երկու-երեք շաբաթը մի անգամ դիվահարվում, բերանը փրփրակալում, վայր է ընկնում, մինչև Մողնու սուրբ Գևորգի ճկույթը մեջը թաթախած ջուր են բերում, խմացնում, նոր ուշքի է գալիս:

Այդ օրից Հեղնարը մի սառնություն զգաց դեպի Արշակն և խոստացավ Հերիքնագին՝ աշխատել յուր նշանածին սիրելի:— Է՛հ, ի՞նչ անեմ,— հավելացնում էր երբեմն Հեղնարը,— պտի ճակատիս գրվածքին հնազանդիմ, համա էդ գոռով արջին կալ լծելու պես բան ա:

ԺԷ

ԹԱՎՋԻ

Զմեռվան պղտոր օրերն անցնում են, մեծ պասը բերում է յուր հետ Արարատյան աշխարհի համար չերմ և պայծառ արեգակը. ձյունները հալլում՝ առուններ են կազմում, գետերը բարձրանում են, գետինը կակզում կանաչում է, հազար տեսակ բուսեղենների ու բանջարեղենների հետ դուրս են գալիս գյուղացվող աշխատանքի քաղցր և կարևոր օրերը. Երկրագործն յուր գութանն է սարքում և մաճը բռնած՝ դաշտը հերկում, այգեգործն յուր բահն ու հոտացն է սրում և այգին մշակում, թաղած տեղիցը Ղազարոսի հարուստները տալիս մեռած խաղողի բարունակներին և հոտոցն առնում, ավելորդ մատները կտրատում: Գյուղացի կանանց գործն էլ շատացավ. առափոտվա դեմ շուտ հավաք-տեղակ են անում և մշակողների համար ճաշ կերակուր պատրաստում, ջահել հարսների ու աղջիկների հետ ուղարկում հանդը կամ այգին, հարսներին էլ պատվիրում են, որ հացը վեր դնեն, իրանք աղցան քաղեն իրիկվան բանվորների համար: Պառավ կանայքն ու անգործ ծերունիքն էլ ուրախացել են. ժամերն երկարացել են, օրն երեք անգամ փայտը սյուն տալով ժամ են գնում, տերողորմյան քաշելով դուրս գալիս և տերտերների ու իշխանների հետ քաղցր զրույցներ անելով՝ տուն դառնում, արևկող տեղերումը նըստում ու աստուծո բարիքը, արևի տաքությունը վայելում: Երեսփոխանն էլ զատկվան պատրաստության հետ է: Անցյալ կյուրակի տերտերը քաղոզեց.

— Օրհնյալ ժողովուրդ,— աղբրի նման բխում էր տեր հոր բերանից այս ազդու խոսքերը,— գիտեք, որ մեր պապենական նախնյաց սովորությունն ա, զատկի կերակի առավոտյան հայ քրիստոնեն պտի ծեղե-

լահան ախառի¹ մտով բերան բաց անի. շաբաթ իրիկունը նավակատիկ ենք ըլում, մահղեն շենք ուտում. էն քրիստոնեն, որ ախառով շմանավորվի, սաղ տարին իրավունք շունի մսի համ տեսնելու Ախառի ելը, որ կա, հայ քրիստոնեի նշանն ա. մենք էլ հո, փառք աստծու, հայ քրիստոնյա ենք. մենակ մենք շենք. աշխարհիս մեջ տասներկու խաշպաշտ կան, բոլորն էլ հայ քրիստոնյա են: Գե՛, որ էդպես ա, ժամից հետո դռանը հավաքվեցե՛ք, երեցփոխի հետ երկու մարդ շոկեցե՛ք, որ նրանք ախառի համար փող հավաքեն զատկին մասնակցելու համար: Աստված ձեր քիսի բերանը բաց պահի, որդիք, լիաբուրդ տվե՛ք, մի՛ խնայեք, էլի ձեր վրա պտի բաժանվի, աղքատ-ուղբուտ պտի ուտեն. թե որ մի բան էլ փողիցն յա կաշուցը կմնա, էն էլ եկեղեցու, տերտերի բաժին կերթա, էլի վարձքը ձերց կըլնի: Օրհնյալ եք և օրհնյալ եղերուք, ա՛մեն:

Մեր տեղանը, ինչպես ասացինք, թեպես՞ ամեն բանից փախչում էր, բայց յուր մեջ ուխտ էր արել, որ ամեն տարի ախառի փող հավաքողներից մինք ինքը պետք է լիներ: Այս տարի էլ յուր պաշտոնը արիւթյամբ կատարում էր:

Տանուտերի և իշխանի գործերն էլ շատացել է այս մեծ պասին: Գարունը է, գարնան հարկահանության օրերն են. աղքատի սև օրը դուրս եկավ:

Մի կողմից դաշտն յուր մշակութունն է պահանջում, մյուս կողմից տանուտերը կանգնացրել է յուր գգրին գյուղի մոտ, արգելում է տան գլխավորներին աշխատանքի գնալու, ստիպում է, որ ետ մնան գործից՝ քավջի² անելու. գործը շատ ստիպողական է, տանուտերը գիր է ստացել, երկու օրից յասավուլ պտի գա խարջ³ հավաքելու:

— Գնացե՛ք, ի՞նչ կուզեք՝ արեք, ես մեն-մենակ մարդ եմ, գործիս շատությունից ձեռս բերանս չի հասնում, ես ի՞նչ կարող եմ անել, ինչ կուզեք՝ կտամ, թաք ինձ ազատ թողե՛ք,— խնդրում են ամեն մինը և գլխները հեռացնում քավջի անելուց ու աշխատում գնալ իրանց գործին:

— Զէ՛, գլուխդ քարը, թե հիքիդ էլ կշորանա, գութանիդ եղներն էլ կսատկոտին դաշտումը,— կշտամբում է տանուտերը խեղճ գյուղացիներին,— խարջ պտի հավաքվի, քավջի պտի ըլնի. ամենքդ էլ որ գնաք, էլ ո՞վ գեղի ցավը կքաշի, հարիր կտոր հո չե՞մ ըլնիլ:

— Թե ձեզանում մի փորացավանք չկա, ընչի՞ շեք կիրակի օրը քցում թավջին, հասարակությունը տանը կըլնի, ամեն մարդ էլ կիմանա, թե ի՞նչ եք անում,— պատասխանում են մի քանիսը:

¹ Զատկվան մատաղ: ² Նախահաշիվ: ³ Հարկ:

— Կիրակի շատ ուշ ա, էգուց-էլօր յասավու կգա:

— Գնացե՛ք, ալ տնաքանդեն՛ք, գեղի արյունը ձծողեն՛ք, գնացե՛ք, ինչքան կուզեք գրեցե՛ք, երեխես կնախեմ կտամ. ես էսօր գործից ետ չեմ կարող ընկնիլ. սաքի որ խալխը տանն էլան, ձեր անկուշտ բողազից մենք բան կարանք խլի՞լ. գնացե՛ք, ախպե՛ր, ես իմ կողմանն խոսք եմ տալիս, որ ոչ տաք խոսամ, ոչ հով. էսօրվան մի օրս հազար թուման արծի ինձ համար,— ասում են ամեն մինը և գլխները թափ տալով հեռանում:

— Ա՛յ, տեսե՛ք, էսօրեն էգուց էլ տանուտերի ու իշխանների վրա ծակ ու ծուկերումը մենձ-մենձ բրթբրթաք ոչ, շասե՛ք, թե թավջին հասարակութունից թաքուն են անում ու գեղի վրա մենձ-մենձ ծախսեր բարձում,— արդարացնում է յուր գլուխը տանուտերն և լիակատար իրավունքն յուր ձեռքն առած՝ գլխին հավաքում յուր մի քանի համամիտ իշխաններին և բազմում եկեղեցու պարտիզումը, կամ մի արևկող տեղ ու թավջի անում:

— Դե՛, տանուտե՛ր, դու քո արած ծախսն ասա,— ձայն է տալիս թավջի անողներից մինը,— տեսնենք, թե աշնանից ընչանք էսօր քո քիսիցդ գեղի համար ինչքա՞ն ես մսխել:

Տանուտերը հաշվում է.

— Յասավու Մարգարին երկու շաբաթ տանս պահեցի, երբ որ եկել էր դարավու հանելու. օրական նրա վրա ջուկ խարջ եմ արել մի-մին մանեթ. էս կանի 16 մանեթ. հիմի սրա վրա էլ ավելացրու նրա տված նեղութունները՝ մեր անհանգստութունը. էս ձեր խղճմտանքին եմ թողնում:

— Շատ իրավունք ունի տանուտերը, թե ոչ յասավուը տանը լըլնեք, կնիկը կարող էր դռները փակել, իր հարեանի տունը գնալ. համա դռնաղի համար կերակուր պտի էփվի, տաք ու հոգ պտի անվի, ես ինչ փտեմ՝ հազար ու մին զայմաղալ. ես իմ խղճմտանքով կասեմ, որ էդ շարշարանքը 20 մանեթ պտի հաշվիլ. դուք ի՞նչ կասեք, ա՛յ էլլիլ, մեր տանուտերը մեղք չի՞,— բարձրաձայն վճռում է մի հոնդիսական:

— Դեռ քիչ ա, դեռ շատ քիչ ա,— ձայն են տալիս ամեն կողմից: Տիրացուն, որ քարի վրա պպղել, մի թերթ թուղթ երկայնութունից միջի վրա ծալել, ծնկանն է դրել ու մի պղնձն երկաթակոթ պարսկական թանաքաման էլ մեջքին խրած, փետուրյա գրիչը՝ ձեռքին սպասում էր ծախքը գրել, գրիչը մոտեցրեց թղթին:

— Կա՛ց, տիրացո՛ւ,— ձեռքը բռնում է մի ճշմարտախոսը, որին մենք Հաքուլ անունը տանք,— թե որ ինձ կհարցնեք, յասավու Մարգարի համար տանուտերը մի քոռ սև փող էլ չի խարջել իր քսից. իմ միտս

ա, որ գզիրն օրական տասը-քսան ճուտ էր կալնում սրա-նրա տանից, գավերով գինի էր ուզում, շուշքանցով արաղ: Մի օր ալըրովս տեսա, որ բրինձն էլ փեշը լցրած՝ Մելումենց տանիցը տանում էր: Ես իմ երեխեքանց կարմիր արևովն օրթում կուտեմ, որ յասավու Մարգարի գեղումն էլած վախտը տանուտերն իր օղլուշաղովն էլ նրա սաչիցն՝ էին ապրում. ցախն ի՞նչ ա, հասարակ ցախը, էն էլ շալակներով խալխի հիքանոնցիցն էր կրել տալիս, ի՞նչ ա՞՝ թե Մարգարի համար կերակուր պտի էփվի: Գորթ չի՞, թորո՞ս,— դարձավ յուր մոտ նստողներից մեկին,— մի օր՝ որ գզիրը հինգ ճուտ ձեռին ուներ, մինն էլ ուզեցավ Դոննց պառավի թխսի տակիցը բռնել, պառավն ուշունց տալով մոտ եկավ, ես ի՞նչ ասեցի:

— Իմ միտս չի,— մրթմրթաց թորոսը:

— Տո՛, կեղծավո՛ր, ես շասեցի՞, թե Մարգարը մի մարդ ա, դու հինգ ճուտ ձեռիդ ունես, հերիք չի՞, որ խեղճ պառավի էլած-չէլած ութ ճուտիցը մինն էլ բռնում ես:

— Միտս չի, ասում եմ, ուրիշը կըլնի էլել:

— Տո՛, անասոված, դու չէի՞ր, որ կողքիս բրթեցիր, թե էդ ո՞ւր ես ասում. մի էս հարցրո՞ւ, թե յասավու Մարգարն էս քսան օրվա մեջ տանուտերի հացի պոռնզը մի օր պոկիլ ա՞, անեղեսի պես օրը մնի տանը դոնաղ են տալիս:

— Չէ, ես չեմ ասել:

— Չքվի՞ս ու չորանա՞ս:

— Ձենդ կտրի՞, քեզ ճշմարտախոս ո՞վ դրեց,— աղաղակ են բարձրացնում ամեն կողմից,— համեշա դու պտի կոտրած քթալի պես մեջ ընկնե՞ս, մկան նման կարասը հոտացնե՞ս. քեզանից ի՞նչ պտի գնա, որ վատամարդի ես ուզում դառնալ. 400 տան վրա ամենքին մի-մին սհաբղոան՞ էլ չի ընկնիլ, քո բաժինը ես կտամ, թաք դու սուս կա՛ց:

— Չէ, ախպե՛ր, ես իմ հոգին սևացնիլ չեմ, ընդուր եմ ըստեղ նըստած, որ ամեն բանը հալալութունով դատեմ:

— Վեր կա՛ց, կորի՞ գետնի տակը, քամակիցդ համեցեքավոր հո շըրկեցինք,— բարկացավ տանուտերը,— ես էլ որ սուս եմ կենում, դուք էլ շլիս գլխիս եք նստում, նհախ չէի ձեր գեղի հոգսն էլ քաշում, յասավուին էլ ուտացնում ու խմացնում:

— Ես էլ էդ եմ ասում, քաս էլ ո՞ւր ես յասավուի անումովը գեղի վրա ծախս դնում. դու ինքդ քո բերանովն ասեցիր, որ քո տանը նրա համար խարջ չունիս:

— Շատ լավ ա անում, որ ծախս ա քցում, շուրջի աշքն էլ ա հանում. թե կուզես՝ կորի՛, գեղամիջին քունչ ու պուճախում փսփսա՛, ամենքին էլ հասկացրո՛ւ, որ յասավլի համար ավենորդ ծախս են դրել. մին դու բան դուս կտանիս, մին էլ քեզ պես անխելքները, — ճղճղացին տանուտերի համամիտները:

— Ախպե՛ր, ուզեցի ոչ, հորս խերին ընի, հենց իմանանք մի քանի մանեթ ջիրիցս վեր ընկավ կորավ, — վիրավորված ասում է տանուտերը, հետն էլ յուր համախոհներին ակնացույց անում խեղճ Հաքուլին:

— Ո՞նց թե շուզեցիր. թե որ քո արած ծախսերը մեջ չդնենք, ասել ա թե իմ տված հինգ լիտր արաղն ու կես կարաս գինին շուր կկտրվի, էլի՛:

— Ի՞նչ գինի-արա՛ղ, Սեփո՛, — մեջ մտավ կրկին Հաքուլը:

— Աշքերդ չորս բաց արա՛, — ծղրտաց Սեփոն, — կաղանդին մովրոզին ու քոմակչուն գնացած գինի-արաղն իմ կարասիցն ու տկիցն էր:

— Փշի, հա՛, լեզվիդ տակին ոսկոռ չկա, որ ծակի. տո՛, ես չէի տանո՞ղը, մի հարցրու տանուտերին ու գզրին՝ տեսնենք ո՞ւմ երեսը կսևանա. չէ՞ որ Անթանենց կարասիցն ես եմ չափել, ձիուս բարձել ու տարել:

— Ղորթ ա, մովրոզի համար Աթանենցից էր, համա միրզեքանց ու ձեռ ու ոտի համար Սեփոյիցն առա ու քեզանից ետը ղրկեցի, — պաշտււյան հանդիսացավ տանուտերը:

— Իմ տունը քանդվի՛, թե էդ օրն ինձանից ավելի Սև ջրի գլուխն աշտարակցի ոտ դրած ընի, — երզվեց Հաքուլը:

— Դու խաբար չես, Հաքո՛ւլ, օրթում-կրակը մի՛ ընկնիլ. թե ինձ չես հավատում, գզրին հարցրո՛ւ, ընենց չի՞, գզի՛ր, գնացել ա՞, թե ոչ:

— Տո՛, բաս չի գնացե՞լ:

— Ո՞վ գնաց, — պնդեց Հաքուլը:

— Ես ի՞նչ գիտեմ, ո՞ւմ միտն ա, օրական տասը մարդ հա գնում, հա գալիս է:

Հաքուլը դառն ծիծաղ բարձրացրեց, իսկ Սեփոն և յուր կողմնակիցները կատաղեցին. — մասխարա ունիս՝ գլխիդ տո՛ւր, տանուտերը սուտ չի ասում, խուլ ականջովդ լսեցիր, որ գզիրն էլ վկայեց:

— Իհարկե, ասած ա՛ տանտիրոջ վրա գիս վեր էկավ, ո՞վ տեսավ — գզիրը, — հոգոց հանեց Հաքուլը:

— Օրը ճաշ դառավ, տանուտե՛ր, ի՞նչ ես ամեն դարդակ խոսողի ասածը չվանի դնում, — գոչեցին այս և այն կողմից, — դու քո արած էջխոսերն ասա՛ պրծի, էս խալխն էլ իրանցու գլորա գեղիցն առնելիք

ունին՝ պտի գրվի. թե որ ամեն մի խոսքի համար սրա պես մարդիկը մեջ ընկնին, երկու շաբաթ կանց կենա՛ թավջի չի գլուխ գալ:

— Գրի՛, տիրացո՛ւ, — տնօրինեց տանուտերը, — քսանուհինգ մանեթ ձիու քրեհ եմ տվել մովրոզի կուշտը գնալ-գալու համար:

— Իմ հոր գերեզմանը վկա, որ դու միշտ կոռի ձիով ես գնացել եկել. դեռ Երևանու բազարը քո տան համար առուտուրի էլ խալխի ձիովն ես գնացել, դեռ քո հանդի խուրձն ու հիքանոնց խոտն ու ցախն էլ կոռի ձիով ես կրել, — էլի խառնվեց մեր Հաքուլը:

— Ա՛յ իշխաններ, շիտակ ա խոսում էս մա՞րդը:

— Չէ՛, չէ՛, գլխիցը դուս ա տալիս, դու քո օրումդ կոռի ձի չես նստել, քրեհ ես տվել:

— Տիրացո՛ւ, դու նշանակի 25 մանեթը:

— էլ ի՞նչ ունիս, տանուտե՛ր, էս գրվեց:

Տանուտերը շարեց մի քանի ուրիշ ծախքեր, որոնց ամենքին էլ հակառակում էր Հաքուլը, բայց նրան լսող չկար, տիրացուն գրում ու գրում էր:

— Մի հաշվի՛, տե՛ս, իմ արած ծախսն ի՞նչքան էլավ, — վերջապես ասաց տանուտերը:

— 225 մանեթ:

— Ես ու իմ խղճմտանքը, որ շատ քիչ ա քցում, 300-ի էլ կհասնի, թե որ մի քիչ աստվածո՞ւ ուրանաս, — շողոթորթում էին յուր խորհրդական աղաները:

— Խեղճ աղքատ ժողովուրդ, էս ամենը քո ջանիցը պտի դուս քաշեն ու մարսեն, — խոր հառաչեց Հաքուլը:

— Հիմի, տանուտեր ջա՛ն, էլլիկից՝ տարածներդ ասա՛, որ գեղի հաշվումն առել ես:

Տանուտերը գրպանից հանեց մի երկար ծալած թղթի կտոր և կարդաց.

— Սարդարաբադու առուն հանելու մշակի մասին մովրոզին տված կաշառքի համար Մաթոսից առա 200 մանեթ, Քաթոսից՝ 216 մանեթ, Սեփոյից՝ 300 մանեթ. սրանց ամենքին էլ ջոկ-ջոկ սանաղներ² եմ տվել գեղի անումովը. հիմի վաղեն³ ա, պտի գեղամեջ դնենք ու տանք. շահն էլ տասին երկսով պտի հաշվենք:

— էդքան կաշառքն ընչի՞ տվիք ձեզուգլխուս

— Ո՞նց թե ընչի՛ տվիք. միտդ չի՞, որ օրական 150 մշակ էին ուզում մի ամիս ժամանակի առվի վրա բանելու:

¹ Համայնքից: ² Մուրհակ: ³ Ժամանակ:

— Հևտո՞, շտի՞ք:

— Էդքան շտի՞ք, 40, 20 մարդ գնաց՝ զհրչացավ:

— Այ՛ մարդիկ, աստվածներդ միաներդ բերե՛ք, առաջ՝ որ օրական ոչ թե 150, 15 մարդ էին ուզում մեր գեղից. մին էլ՝ որ ոչ թե մի ամիս, 15 օր էր գրած հրամանումը, և մեկ էլ՝ որ հաշիվ արինք, բոլորն էն ժամանակի գներովը բունեց 250 մանեթի մշակ, իսկ դու հինգ-վեց հարիւր մանեթի ծախս շանց տվիր էս մի քանի մեջ:

— Դու գրի՛, տիրացո՛ւ, ի՛նչ ես դունչդ ցցել սրան մտիկ տալիս, տանուտերը հս սուտ չի՞ ասում. սաքի մեզ էն մովրովի բնությունը հայտնի չի՞, որ քնած վախտն էլ ձեռք բաց ա քնում, թե ինչ ա, բան դնեն մեջը. թե մարդ կըլնիս, ամեն փուչ բանի համար կաշառք չես տալ, տես թե քո գեղի գուլխն ի՛նչ կգա.

— Ես ու իմ աստվածն, ըտենց ա,— արդարանում էր տանուտերը,— ջինգյանա՛ ուզվորի նման աչքը տուն մտնողի շիրին ա. մհալ հարուստների անումն էլ հենց լավ սերտել ա, որ էլ խաբիլ չես կարող: Մի օր ինձ ասում ա՝ ձեր տեղանեց տեղանն ա հարո՞ւստ, թե Իսումը: Ես էլ պատասխան տվի, թե մովրովն ապրած կենա, գեղըցու հարուստը ո՞րն ա. դառը քրտնքով մի կտոր հաց ոնց ըլում ա, աշխատում ենք ամենքս էլ: Համա, երևում ա, որ հավատաց ոչ, գուլխը պտրտեց ու ծիծաղեց:

— Հլա լավ՛, որ մեր Սաքոն մովրովի կշտին ա, գեղի դիհը պահում ա, թե չէ մենք կոռ ու բեդյառի տակից գուլխ չէինք բարձրացնիլ,— կցեց տանուտերի կողմնակիցներից մինը:

— Հա՛, շատ հուսկացել եք,— ընդդիմացավ Հաքուլը,— գառը գիլին պահ տվածի պես ա, Սաքոն տղրկի պես սաղ մհալի արինն ա ծծում:

— Էլ ի՞նչ ունիս, տանուտե՛ր:

— Արադի շիրախանեքը մհրելու՞ եկող մեծավորի համար կաշառքի փող վերցրի Մուրադից պարտք 200 մանեթ, Բարսեղն էլ տվեց մի կարաս արադ:

— Էդ բանումը գեղն ի՞նչ պարտական էր. մի քանի մարդիկ իրանց համար արադ էին քցում, գյումրուկ² չէին տալիս, հետո ուզեցան խարջի տակ դնեն, քանի հետ գրեցին՝ ախանջ շարիք, եկան մհրեցին: Ուզում էին, որ արադ քաշեն՝ օգուտ տեսնեն, իրանք էլ թող ճարը տեսնեն, գեղին դրանցից ի՞նչ օգուտ-վնաս, որ էդ ծախսն էլ գեղամեջ եք դնում.— էլի մեջ ընկավ Հաքուլը:

— Ո՞նց թե գեղին ինչ օգուտ,— ձայն ձայնի տվին մի քանիսը, որ

արադ քաշողներն էին,— բաս էս ոչի՞նչ որ մովրովի կամ մենծավորի արադ ուզած սհաթը տկերը լցվում զրկվում են:

— Գեղի ի՞նչ հոգան ա, որ չի զրկվիլ:

— Ախպե՛ր, քանի՞ գլխանի ենք, որ շղրկենք. մեր մովրովն ա, հո ստար չի, էսօր ուզածը չենք տալ՝ էգուց ընենց կոռ կքցի մեր վրա, որ տակին կճկոնենք:

— Տիրացո՛ւ, դու գրի՛ր, անկաջ մի՛ անիլ:

Տանուտերի ցույց տված ծախքերին եթե ուշադիր լինեինք, բոլորը կոռի, բեդյառի ու գավառական աստիճանավորներին տված կաշառքների պատրվակով էր, և այն՝ վերցրած յուր համամիտներից մուրհակով կամ առանց մուրհակի: Այս բոլոր ավելորդ փողերը գյուղի հարկի հետ միացնում են, ժողովրդից ժողովում և մի քանի մարդով բաժանում:

— Տանուտե՛ր, ինչպես դուս ա գալիս, քո արած ծախսերդ բոլոր էս նստող մի քանի մարդկանցիցն ա, բաս գեղումն էլ ուրիշ ոչով ոչինչ չի տվե՛լ,— հարցրեց Հաքուլը:

— Խալխի հո՛րն օղորմի, շատ մենծ բան ա, որ ամեն միևր մի-մին լիար գինի-արադ տված ըլնի, մեջքներին քար ա ընկել, էն էլ հենց իմանանք, թե մեր քաշած էսքան նեղությունի տեղակ մեզ պատիվ եք տվել,— ասացին միասին տանուտերն ու իշխանները:

— Հաքո՛ւլ, գիտե՞ս ինչ կա,— վերջապես աչքերն ոլորեց տանուտերը.— թե որ դու ամեն մի դարգակ բանի վրա էսքան գլխացավանք պտի տաս՝ լավն էն ա, էս սհաթս վեր կենաս, քաշվիս երեսիդ ջրովը. հեր օրհնա՛ծ, էլ թողում չես, որ մարդ բերան բաց անի, ագուստի պես գլխներիս տնկված դուում ես. էլ չես ասում, թե սուս կենանք, էգուց րողաղներիս կլոքեն:

— Գլխների քա՛րը,— ձեռքը թափ տվեց Հաքուլը,— աստված էլ գիտի, որ ես իմ քիսի դարդումը չեմ. ոնց որ ըլի, մեր ջուրը ջրամանիցը կհանենք. խոսքս անճար աղքատների համար ա, որ թունդիրն ածես՝ շորահոտ չի վեր ըլիլ, ու դուք խղճմտանքներիդ դուռը պինդ կողպած՝ էգուց գլխներին սև պտի բերեք: Թե որ շատ սրտներիդ դիպչում ա, ես էլ տեղանեց տեղանի պես խոսք կտամ, որ գուլխս քաշ քցեմ, ինչ ուզեք՝ տամ, ու գնացեք էն վախտը պղտոր ջրի թոռ քցեցեք, թարքներդ՝ ձկնով կլցվի:

— Ախպե՛ր, թագավորական խարջը հո բաշխիլ չե՞ն, թե որ ուսհաթը չի խարջ տա, բաս ես աշխարհքս ո՞ւմեով ա կառավարվելու:

— Էդ ա. որ թագավորական խարջը ձեր հավաքած փողերի շա-

րեքն էլ չկա, հալալ աղքատին մի քանի սև փող անշախ կընգնի. համա դուք էնքան պոչեր եք ավելացրել, որ ինձ պես տունն էլ դժարանում ա տալը:

— Ախպե՛ր, աստված վկա, մեզ էլ էնքան չի հասնում,— երզվեց տանուտերը,— նաշալնիկի տանիցը բռնած¹ խազինի¹ ծառայողներն էլ մեջ բերելով՝ ընչանք մովրովի վերջին մեհտարը² 1000 ծակ կա կալնե- լու: Երևանա բազարումն էլ չեմ կարողանում ազատ ման գալ. վախում եմ, որ ղուլլուղի³ մարդկանցից մեկն ու մեկը կտեսնի ու վրես կնեղանա, որ քաղաք եմ եկել ու իրանց տեսության շեմ գնացել: Լացդ կգա, Հաքո՛ւլ, որ հետս գաս՝ խարջը տանենք խազինեն տանք. դու մի տե՛ս, թե էն ասիզնացու⁴ թղթերը ո՞նց են շորս աչքով մտիկ տալիս, մի ունկն են ուզում գտնել, որ յախա-մախեքս թոփ անեն, մեզ խաթի մեջ քցեն. աստված ոչ անի, որ մի թուղթ դալք դուս գա, թեկուզ մի մանեթանոց ըլի, էլ պրծնում չկա. տունս էլ որ ծախեմ՝ վրեմ դնեմ, էլի բերդումը պտի փտեմ. դե հիմի ասա, հեշտ ա՞, ես եմ էն թղթերը տպե՛լ, ես ճա- նաչում ե՞մ: Ճարս կտրած՝ պտի դեռ առաջ գնամ խազնադարին⁵ ու փող համբարողին առաջուց տեսնեմ, հետո խարջը տանեմ թաֆիլ տամ⁶. ախար էս ը՛նչով կըլնի, ես հո չե՞մ կարող իմ քիսիցը տալ:

— Ո՞վ ա բան ասում,— կոտրվեց ի վերջո մեր ճշմարտախոս Հա- քուլը,— համա զոռ անելս էս ա, որ բանը խղճմտանքով անեք. ես տես- նում եմ, որ աղքատը շատ ա զբնվում⁷:

— Տո՛, ընչի՞դ ա պետքն, Հաքո՛ւլ,— կողքին հրեց կեղծավորներից մինը,— ընչի՞ ես վատամարդի դառնում, ըսենց եկել ա՞ ըսենց պտի գնա:

— Դե՛ հիմի հաշիվ արեք,— բոլոր ծախքերը գրելուց հետո ձայն տվեց տանուտերը,— տեսնինք՝ թե տան գլուխ քանի՞ մանեթ խարջ ա բռնում:

Մի ահագին գումար կազմվեցավ, քառասպատիկ ավելի բուն արթու- նական հարկիցը:

Նույն տանուտերի համախոհները նշանակվեցան հարկաժողովներ և երեք բաժանմունքի վրա նշանակեցին որոշելու ժողովուրդը՝ մեծ կալ- վածատերեր, միջակ և ստորին դասակարգ:

Թեև հարկաժողովներն առաջին կարգին էին պատկանում, ուրեմն և ավելի պետք է վճարեին, սակայն նոքա ոչինչ չտվին: Ժողովը ցրվե- ցավ:

— Մեր տղա՛, էլի մեջքներս տաքացավ,— յուր համախոհներից

1 Գանձարան: 2 Զիապան: 3 Մառայություն: 4 Թղթադրամ: 5 Գանձապետ: 6 Հանձ- նել: 7 Հարստահարվում:

մեկի ականջումը փսփսաց Մաթոսներից մինը:— Մարդագլուխ մեզ 50 մանեթից ավել կհասնի:

— Համա էդ անիծված տանուտերը թաքուն մեզանից շատ ա կերել:

— Է՛հ, գլուխը քարը, ավելի թիքեն ո՞ւմ փորն ա ծակել. սաքի դրուստը որ ասենք, մենք էլ նրանից թաքուն քիչ չենք պուճախներումը չալափուռ¹ արել:

ԺԸ

ՅԱՍԱՎՈՒԼ

Երևանու երկիրը պարսից իշխանության տակից իսպառ ազատվե- լուց հետո՝ վարչական ձևի կողմանե վանազան փոփոխությանց ենթարկ- վեցավ. սկզբներումն ավելի պարսկականին մոտ, բայց վերջերումը մի հաստատ վարչություն կազմվեցավ: Երևանը նահանգական քաղաք կոչ- վեցավ, նահանգապետ, գավառապետներ և գավառակապետներ նշանակ- վեցան և այդպես տեեց մինչև հաշտարար ատյանների հաստատությունը:

Վիպասանությանս մեջ կատարված անցքերը լինում են գավառա- կապետների միջոցները, որ պարսկական ընդհանուր բառով մովրով էին կոչվում և որ ինքնին ունեին յուրյանց առանձին ատյանը՝ օգնա- կաններով, գրագրներով և ստորին պաշտոնյաներով, որոնց յասավուլ անուն են տալիս:

Թողած մովրովի մյուս ծառայակիցքը, անտեղի չեմ համարում ես մի հայացք ձգել յասավուլների կազմակերպության վերա: Ամենքից ավելի այս ստորին ոստիկանական սպասավորները ծանոթ ու մերձ են ժողովրդի կյանքին և սրանցով է այն մոտ հարաբերությունը, որ ունի գավառապետ յուր վիճակի ամեն դասակարգի հետ:

Որոնենք յասավուլի բունը և ներս մտնենք:

Ահա գավառակապետի բնակարանի մոտ, լայն բակի մեջ մի մեծ ու երկար ծածկի տակ մսուրքներ են շինած, ուր կարգավ մի քանի ձիանք կապտած են: Նույն գոմի վերի անկյունումը, մի առանձին բաժանման մեջ, մի սենեկանման մասը կա, ուր պատերի վերա յափունջիք են կա- խտած: Բարձրացրո՛ւ այս յափունջիներից որը կամենաս, և ահա փայ- լում, շողշողում է հրահանի վերա հորինած պարսկական արծաթյա օղերով հրացանը: Երկու նույնանման ատրճանակ, մի յուղաման, մի

1 Զրկողություն անելով քսակը լցնել:

գլխի քակող գործիք՝ վառողամանի և զնդակամանի հետ զարդարում են հրացանի բոլորքը:

Պատերի տակերին համարյա միշտ կգտնես թիկնած երկու կամ երեք հուճկու մարդիկ՝ արխալուղների թևերը վերև ծալած և կոները մինչև արմունկները բաց:

Ահա սրանք են յասավուլները: Սրանց թիվը երբեմն մինչև տասի է հասնում:

Սրանց պաշտոնն է մովրովի իրավարանից դուրս արձակած բոլոր հրամանները տեղ հասցնել և ի կատար ածելու հսկել, հարկ, կոռու բեգլառ ժողովելու օգնել տանուտերերին և զավառական բոլոր ստորին ստիկանական պաշտոնները կատարել:

Հավատարմության և ուշիմության մասին սրանց կարելի է նմանեցնել որսկան շների: Որքան էլ նոր մարդ լինի զավառակապետը, նրանք ճշտապես կատարում են նորա կամքը:

Սրանք այնքան սուր են մարդաճանաչության մեջ, որ առաջին օրումն իսկ գուշակում են նոր զավառակապետի բռնելիք ընթացքը, այդ պատճառով յասավուլի և յուր տիրոջ մեջ սկզբի օրից մի սերս համակրական հարաբերություն է կապվում. այդ է պատճառը, որ ամեն յասավուլ քանի մի ուրիշ պաշտոնակալներ է փոխում: Ոչ մի նոր զավառակապետի հաշիվ չէ ձեռքից թողուլ այդ մարդկանցը, որոնք զավառի ամեն ծակ ու ծուկը գիտեն, ճանաչում են ամեն մի անձնավորություն և վերջին գյուղի շներն ու կատուններն անգամ համարած ունին:

Հետաքրքիր է յասավուլի ամեն մի քայլափոխը գիտելը: Յուր ձիու կողքին գոմի մեջ նա թիկնած է՝ ինչպես պարսից խանն յուր թավիշյա բարձի վերա. յուր մեծավորի առաջին սպասավորության մեջը նա շան նման գալար է գալիս և ամենայն նվաստության մեջը նա շան նման հրամանը գետինը չձգելու: Ճանապարհի վերա յասավուլն իրան ամբողջ զավառի տերն է համարում:

Յասավուլներ ընտրվում են առհասարակ տեղացիներից՝ գլխավորապես պարսիկներից: Ըթե մահմեդական կրոնի հիմնական կանոնների համաձայն մուսուլմանը պետք է խորշի քրիստոնեից, յասավուլներն ուրեմն սուրբ մարգարեի օրինակատար չեն. նրանց համար հայ, թուրք չկա, նրանք ամենքն էլ ընկերներ են. գլխարկը վերցրած ժամանակը կարելի է ճանաչել հային ու թուրքին. գլխի մեջտեղից ածիլած կտորն և ականջների վրայից կախված մագերի փուլակները պարսկական գլխի նշաններն են. իսկ ահագին ոչխարենին, կես փուլ բուրդ վրեն, մինչև ականջը խոր քաշած, հաստ, ստվար և երկայն ընչացքներ ականջին երկու անգամ փաթույթ տված, ահեղի դեմքը վիթխարի հասակի հետ՝

շատ ծանոթ աչքերի միայն կարող են պարզել յասավուլի հայ կամ թուրք լինելը:

Առանց խտրության երկու հակառակ կրոնի որդիքն ուսում են միևնույն ամանից և խմում են նույն գավաթից. քրիստոնեին սրբազործող, իսկ մահմեդականին պղծող հեղուկն էլ միակերպ սրբելի է յասավուլի համար, թուրքը հայից պակաս չի կոնծում գյուղերումն և կատարը տաքացրած՝ յուր քաջագործությունները բանացնում: Հայի հաց, խոզի միս, թուրքի պանիր, սրբի դուսն մորթած մատաղ, որոնք երկու ազգությանց միույն կամ մեկելին գարշելի են՝ յասավուլի համար հարցնել չկա:

Եվ ահա պատրաստ է յասավուլն յուր պաշտոնը կատարելու: Յուր տիրոջ մի շնչին հրամանը դուրս եկավ, և յասավուլը թռավ ձիու քամակն ու երկու վայրկեների մեջ աներևութացավ. մի մտրակ ձիու փորատակովը քաշեց, և նրա ձին կրակի նման թռչում է մեծ ճանապարհի միջովը: Վա՛յ այն գյուղին, ուր դիմում է մեր յասավուլը, և առավել վա՛յ այն գյուղականներին, որոնց պատահում է նա ճանապարհի վերա:

— Է՛յ, ո՞ր գյուղացի ես, ո՞ւր ես գնում,— մի սառն ու հպարտ ակնարկ դեպի ճանապարհորդը դարձնելով՝ հարցնում է մեր յասավուլ աղեն, ձիու թամբի մեջ ծուրը նստած: Վա՛յ, ասում եմ, խեղճ գյուղացուն, եթե սխալմամբ գտակը մոռացավ հանելը, կամ ուշացրեց խոնարհարար գլուխ իջեցնելը: Ցնցաց մտրակն օդի մեջ և պատառվեց խղճալու կիսամերկ մարմնին, մանավանդ եթե նա հանդգնած լինի շտապել ճանապարհից դուրս գալ և յասավուլին լայն ուղին թողուլ:

— Տո՛, խլանկա՛ջ, քեզ չեմ հարցնո՞ւմ՝ որտեղից ես, ի՞նչ ես դունչդ ծոնկ մտիկ տալիս, խոսի, էլի՛,— հտաքրքրվեցավ երկրորդ և երրորդ մտրակը:

Սև ու մուլը կոխեց մեր անցորդի աչքերը. մինչև նա սթափվեց, լեզուն հանած՝ աղաչանք պաղատանք արեց, մտրակը մի քանի անգամ յուր պաշտոնը կատարեց:

— Աղա՛, հիմար, ի՞նչ ես ծոմոստվում. քեզ հարցնում եմ՝ ո՞րտեղից ես, ո՞ւր ես կորչում, ասա՛ ու պրծի՛, էլի՛, տեսնում ես՝ հեռոց մարդ ա խոսում, արժան չե՞ս համարում պատասխան տալու:

— Գլխիդ մեռնիմ, աղա՛,— հազիվ արտասանում է մոլորված գյուղացին,— այսինչ տեղիցն եմ, այսինչ գյուղն եմ գնում:

— Բաս որ ըտենց ա, էս սհաթս ետ դա՛ն, գնա՛ ձեր գեղը, ձեր տանուտերին ասա՛ յասավուլ Ղահրամանը հրամայեց, որ շորս լիտր լավ բրինձ դրկես մեր տունը. հալ հալբա՛թ, ասա, թող էգուց հասցնի, դինը կտամ, հասկացա՞ր:

Հիմի թե քաջ է մեր ճանապարհորդը՝ թող հանդգնի բացասել, բաշ

ուստա¹ շասելու և կամ խոստանա վերադարձին նրա հրամանը տեղ հասցնել, ըստ որում յուրյանց գյուղը շատ հեռու է մնացել, իսկ գնալիք տեղն արդեն մոտ է: Բայց նա խելքը հացի հետ չի կերել, յուր կաշուցը ձեռք չի քաշել, այդ փորձն յուր հետ եթե առաջինն է պատահում, յուր բնկեր հարևանների շատերի գլխին է եկել և ինքը լսել, կամ տեսել է:— Աչքիս վերա, ասելով, ձեռքը սրտին՝ գլուխ է իջեցնում և յուր բախտն անիծելով վերադառնում:

— Ասե՛ս, հա՛. վայն եկել է քեզ տարել, թե որ չես ետ դարձել,— գոռոզաբար մտրակն օդի մեջ ցնցում է մեր յասավուլն և ձիուն կրնկում, բոլորովին վստահ եղած, որ նրա երեխայքը վաղը կամ մյուս օրը բրնձով փլավ կուտեն, իսկ խոստացած վճարքը նույն րոպեին մոռացման տվեց: Մի փոքր առաջ գնաց մեր յասավուլն և հանկարծ մի ուրախ ժպիտ փայլեց նրա երեսին:

— Եղալի թիքա՛,— ծորելով դուրս թողեց այս խոսքն յուր բերանից, վսեմ դիրք առավ ձիու վրա ու շտապացրեց յուր երիվարը:

Դիմացիցը մի փոքրիկ կարավան է գալիս, օտար գավառի մարդիկ են. մեր յասավուլն ուղիղ դեպի նրանց աշտանակեց յուր ձին:

— Բարե՛ ձեզ,— փոքր-ինչ քաղցր դեմք առած՝ ասաց նա դեպի կարավանը դառնալով,— աստված բարի ճանապարհ տա. ո՞րտեղից եք, ո՞ր եք գնում:

— Փավթակից ենք, գնում ենք Կողբ աղ բերելու:

— Շատ լա՛վ, շատ լա՛վ, բարի ըլնի. բայց դուք իմանո՞ւմ եք, որ օտար գավառի մարդն իրավունք չունի առանց բիլեթի իր մճալիցը դուրս գալ. դուք, իհարկե, կգիտենաք էս սաստիկ հրամանն ու բիլեթ էլ կունենաք:

— Չէ՛, աղա՛, ի՞նչ բիլեթ. Փամբակն ու Կարբու մճալը հարևաններ են, մենք պապենական հա՛ եկել, հա՛ գնացել ենք. ըսկի ղզլբաշի օրովն էլ մեղանից բիլեթ չէին հարցնում, հիմի հո՛ փառք աստծու, չիմա՞ էլ մի էլիկ ենք:

— Հանաք եք անո՞ւմ:

— Չէ՛, դորթ ենք ասում:

— Ո՞նց թե անբիլեթ եք. բաս էլ մեզ ո՞ր են տոնելով՞ տալիս պահում, որ ամեն փախստական կարողանա արձակ-համարձակ, կապը կտրած՝ մճալե-մճալ ընկնել: Գե՛հ,— հոնքերը կնճուում է մեր յասավուլը,— ետ դարձրե՛ք ձեր ձիանքը, գնանք էս մոտիկ գեղը, բոլորիդ

անունն էլ պետք է գրվի, կուներդ կապտովեն ու ղրկվիք ձեր մոզրովին. դուք փախստականներ եք, աղի գնացողը ձեր պես չի ըլնիլ:

— Աղա ջա՛ն, քեզ մատա՛ղ, մենք հայ քրիստոնյա ենք, մենք փախստական չենք, երեք օր ա ճամփա ենք գալիս, ոչ ովի մի առ՛ չենք արել, էս ա Կողբին մոտացել ենք, թող մեր ճամփեն գնանք, մի-մին բեռն աղ տանենք, մեր քյասիբությունին անենք՞:

— Շատ է՛ր խոսաք,— գոռում է մեր Ղահրամանն ու ձիանոնց գլուխը ետ դարձնում յուր հրաշագործ մտրակովը:

— Աղա ջա՛ն, չգիտեինք, էս մինը բաշխի՛, մյուս անգամ առանց բիլեթի չենք գալ:

— Տո՛, ի՞նչ անհասկացողներն եք, երկ օր ա՛ քերանս հացի կտոր չի մտել, ոտքս օրգանգուից ցած չի եկել, թե որ ես ձեզ բաց թողամ, էլ ո՞ւր եմ ըստեղերանք ման գալիս:

— Աղա ջա՛ն, շտենելու դի՛ր, մենք քո ոտի ջաֆեն՞ կբաշենք:

— Դուք ինչա՞ն պտի տաք ինձ, որ ես իմ թագավորին խային՝ մտիկ տամ, ձեզ բաց թողամ, էգուց-էլօր էլ բանն իմացվի, գլուխս գնդանի մեջ մտնի:

— Աղա ջա՛ն, շատեն-քչեն, մի-մին բան կհալաքենք, քո սիրտը կշահենք, աչքի տակով անց կացրո՛ւ գնա քո գործին, աստված բանդ հաջողի:

— Ախար գիտե՛ք ի՞նչ դժվար բան ա պատասխան տալը:

— Ոչի՛նչ, մեր խաթեր պտի յուր տանես:

— Է՛հ, ի՞նչ անեմ, խեղճ եմ գալիս. դուք էլ քյուլֆաթի՞ տեր եք, եկել եք ըստեղ հասել, ետ դարձնել չի ըլնիլ, գնացե՛ք ձեր ճամփեն.— փամբակեցվոց փողերը գրպանը դնելով՝ ճանապարհ դրեց:— Բայց մտիկ տվե՛ք, տղե՛ք,— նախազգուշացրեց մեր յասավուլը,— բան է, եթե ուրիշ յասավուլներ ձեր առաջը կտրելու լինեն, ասացե՛ք, որ Ղարո բեզը մեզ իղին՞ տվեց, թե որ հարցնեն, թե բան տվի՞ք, ասացե՛ք՝ մի թեթև ծառայություն արինք. էն ժամանակն էլ ձեզ նեղություն չեն տալ:

— Աստված կյանք տա, աղա՛:

— Հիմարներ, աղոթք արեք շպատահին, թե չէ մինչև գրպաններիդ բերանը կրկին շքանաք, ճանգերիցը չեք պրծնիլ.— փնթփնթաց ինքնաբավական Ղահրամանն ու ձիուն կրնկեց:

Արժան է տեսնել յասավուլին մոզրովի, կամ գիցուք, մի հասարակ աստիճանավորի հետ գնացած ժամանակը. այն առյուծն այժմ հեզ

1 Վնաս: 2 Մեր կարիքը հոգանք: 3 Չարչարանքը: 4 Նենգ աչքով: 5 Գեղապատանի: 6 Թույլ տվեց:

գառն է դարձել. ամենայն խոնարհությամբ նստած է նա յուր ձիու վերա և բավականին տեղ ետ ընկած է գալիս. ոչինչ բան նա չի տեսնում, ոչինչ գոռոզ միտք նրա մեջը չի անց կենում. նա կատարյալ ծառա է և մի հոգսով միայն զբաղված է. ականջները սրած՝ ամեն բոպե սպասում է յուր տիրոջ հրամանին:

— Ցասավո՛ւլ,— հանկարծ դուրս է թռում այս խոսքն աստիճանավորի բերանից:

— Բա՛լի՛, աղա՛,— պատասխանելն և մոտ գալը մեկ է լինում, բայց միշտ ձիու սանձը պինդ քաշելով, որ մի գուցե յուր տիրոջից առաջ անցնի:

— Կո՛ւլը ես, շե՛ս տեսնում, որ դիմացիցը մարդիկ են գալիս, քո պաշտոնդ մոռացե՛լ ես, միտքդ ո՛րտեղ է:

Հերիք է, յասավուլը հասկացավ ու ձիու կողքին այնպես կրնկեց, որ խեղճ կենդանին երկուտակվեցավ:

— Շո՛ւտ, շո՛ւտ ճանապարհիցը դուրս եկե՛ք, աչքեր շունի՞ք, շե՛ք տեսնում, որ աղեն գալիս է,— աչ ու ձախ մտրակահար անելով՝ շփոթը ձգում է ճանապարհորդների մեջը. — շո՛ւտ գտակ հանեցե՛ք, գլուխ տվե՛ք:

Ուռած-փքված քշում է աղեն յուր ձին ճանապարհի մեջտեղովն առանց մի սառն ողջույնի անգամ արժանացնելու իրեն մինչև գետին գլուխ իջեցնող գյուղացիներին:

Ահա ճշտությամբ կատարեց յասավուլն յուր պաշտոնն և կրկին յուր նախկին խոնարհ դիրքն և տեղը բռնեց:

Անմոռանալի է ինձ համար հիշողությանս մեջ տպավորված, մանկությանս օրերում կատարված մի դեպք: Այս մի իբրողությունը պատմելով՝ կարող կլինեմ յասավուլների ճիշտ պատկերը նկարագրել հետաքրքիր բանասերին:

Աշունքն էր. Աշտարակու այգիների քաղը վերջանալու վերա էր. գյուղումը երևում են միայն կենդուկունդ ծերունիք. երբեմն-երբեմն փողոցներումը ձիուն զա՛ն տալով դուրս են գալիս քաղցու կրողներ, որոնք լեքշերի² կամ արջառների անկարել տկերի մեջ լցրած պճպճան եռացող քաղցուն՝ բարձած ձիանց շալակին, տուն են բերում կարասների մեջ ամանելու: Շուտ-շուտ լեքշի բերանին ցցած փայտը հանել խրելով՝ քաղցուակիրները տկի միջից օղը դուրս են թողնում, որ տիկը չպատավի: Սա, ութ կամ ինը տարեկան մի մանուկ, ձմեռվան կախանի համար ժողոված պահոնի խաղողը մի փոքրիկ քթոցի մեջ ածած, ուսիս դրած՝ բերում էի տուն փոնելու, որ մի-երկու օրից այգեկույթը վերջանա-

լուց հետո կախենք. այդ միայն իմ ժողովածն էր, ապա թե ոչ երկու ձիաբեռն այդպիսի պահոնի խաղող վաղուց տանը փոված էր:

Առաջին անգամը ոչինչ գլխի չընկա, երբ որ տեսա իմ առջևովս մի քանի մարդիկ այս և այն կողմն էին փախչում: Բայց հետո սարսափս բռնեց, երբ— ամա՛ն, աղա՛, գլխիդ մատաղ, կսկծալի խոսքերն ականջս ընկան:

Մեկ էլ ի՞նչ տեսնեմ, մի յասավուլ անողորմաբար ծեծում է մրտրակով մի գյուղացու, որ պինդ բռնած ունի յուր ձիու սանձից և չի տալիս յասավուլին:

— Ամա՛ն, քո տունը քանդվի՛, իմ տունը քանդվեց,— մղկտալով ծվաց գյուղացին,— աչքս դուրս եկավ:

Մի բաց դուռ կար այդ փողոցումը. ես ինձ այնքան չկորցրի, որ դողով ներս ձգեցի բակն և դուռը վրես ծածկեցի, փակը քաշեցի ու դռան ճեղքովը դուրս նայեցա:

Արյունը վազելով ցած իջավ գյուղացու երեսովն, և նա գլխիվայր գետնին պառկեց՝ նույնպես ձիու սանձը պինդ բռնած:

— Թեկուզ քոռանաս էլ՝ հոգրս չի. թե դու սատկած, թե մի շուն՝ դուլլուդի մարդի համար մին ա,— երկու աքացի էլ գլխին իջեցնելով բաց թողեց յասավուլն ընկած մարդուն և հարձակվեց, խոտորափողոցից քաղցուն բարձած դուրս եկող ձիու սանձը պինդ բռնեց:

— Շուտ վեր քցի՛ բեռդ էս պատի տակին,— հրամայեց նա ծործորակը քերող ձիատիրոջը,— ձին հարկավոր ա, լեկո՛ ա եկել, պտի նստի՛ Իլանշալան գնա:

— էս ճամփի մեջտեղը ո՞նց կըլի եփ եկող քաղցուն վեր քցել.— քաշվելով պատասխանեց խեղճը,— համ էլ կոռի հերթն իմը չի, ես մեկել օրն եկա կոռատեղից:

— Ասում եմ՝ ձենդ կտրի՛— մի-երկու անգրելի հայհոյանք թափելով գոչեց յասավուլը,— դու էլ չգառար էդ աներես շան տղեն, որ քոռացավ ու ձիու նոխտեն² ձեռից շթողեց. հերիք ա հետներդ խաղ անեմ, ա՛յ, հի-մի ինքն իրան վեր կընկնի բեռդ:

Այս ասելն ու դաշույնը հանել՝ տկի մեջ ցցելը մին եղավ: Քաղցուի հակն խկույն դատարկվեց, մյուսն էլ հավասարակշռությունը կորցրեց, վայր գլորվեց ձիու մեջքից ու պատառվեց:

Ողորմելի գյուղացին մոռանալով, որ մի կարաս գինին հողի հետ խառնվեց, ընկավ յասավուլի ոտքերն ու աղաչում էր, որ խնայի իրան, ձին ետ տա:

¹ Հրամայեցեք: ² Արջառի առանց կարել տիկ, որով միայն քաղցու են կրում:

¹ Թմիշ ² Երասանանու:

— Տունս կքանդվի, էլած-չելածն երեք բեռն էր, մինը դու թափեցիր, երկուսն էլ տաքարի՝ մեջն ա, կմնա կքացախի, երեխեքանցս տարենն ապուտաւը ջլիս կկտրվի. թող գնամ՝ էն երկու բեռը բերեմ, կարասներն ածենմ, իմ ձեռովը ձիս թամքեմ, լեկոն տանեմ՝ տեղ հասցնեմ ու ետ գամ,— լեզուն հանած՝ պաղատում էր խեղճ մարդը:

— Քո հորն օղորմի՛ր, հեքիմը գյուղը մնա. թե դու քաղցու պտի բերես. շատ մի քանիսի դարդն էր, թե քո լակոտներդ քաղցած կկտորվին:

— Ախար իմ հերթը չի՛, ի՞նչ անաստվածություն ա,— վերջապես հուսահատ ձին ձեռքից թողնեց ողորմելին և վիզը ծռած՝ մնաց յասավուլի քամակիցը նայելով, որ ձին քաշելով այս խոսքերը պատասխանեց ու գնաց.

— Էդ իմ բանը չի, գնա ձեր տանուտերին ասա՝ թող խրատվի ու մյուս անգամ հերթի ձին գեղիցը դուրս շքողա:

Ցասավուլի հեռանալուց հետո արյունում շաղախված պնդերեսը վեր կացավ և փնթփնթալով գնաց. մտրակի ծալը դիպել էր հոնքին և պատռել, որ եթե փոքր էլ ցած առնե՛ր՝ անպատճառ սա էլ զրկված կլինիր յուր աչքից, ինչպես մյուսն յուր մի կարաս գինուց և ձիուց:

— Գլուխը քարը, թե ունքս պատռվեց, հլա ձիս ձեռիցս շքողի, թե չէ սաղ տարին ապրուստից պիտի զրկվեիրք,— ասաց նա ու դնաց, իսկ ես կամաց դուռը բացի ու շունչս մեր տանն առա:



ԳԱՐՆԱՆ ԶԱՐԿԱԶԱՆՈՒԹՅՈՒՆԸ

Գարնան նախահաշիվը կազմելուց երկու օր հետո Արարատյան գավառի ամեն գյուղերումն էլ միևնույն տեսարաններն են ներկայանում, ինչ որ մեր պատմության թելը պահանջում է Աշտարակում տեսածներս ստելու:

Լուսաբացին ամեն մարդ վեր է կենում յուր օրվան բանացնելիք մըշակների հոգսը քաշելու, բայց փողոց դուրս գալուն պես կամ շտապով տուն է ընկնում, յուր երկրագործական գործիքը վերցնում և այգին կամ դաշտը փախշում կամ թե նեղ սոխախներովը մի կերպ գլուխն առնում հեռանում է: Գյուղումը տիրում է խորին լուռություն, երթևեկը կտրվում է և մի քանի մարդիկ միայն այս ու այնտեղ երևում են, հետերը վերց-

1 Շնձանի մեջ շինած գինու հորը:

րած կամ մի հաստընչացք բարձր յասավուլ՝ սպիտակ շերքեզի շուխան հագին, մտրակը ձեռքին և կամ մի դազախ՝ նույնպես մտրակով:

Ահա յասավուլը վսեմ քայլերով փողոց-փողոց է ընկել ու յուր հետ գնացող գլորի ցույց տված դռանն աքացիով խփում և անվախ բակն է մտնում:

— Է՛յ, ո՞վ կա այս տանը,— ճիշ է բարձրացնում նա:

Մի քանի անգամ հայհոյանքներ թափելուց հետո՝ ներսի սենյակների մեկի դռնից, ի վերջո, դողողալով երևում է քիթ ու բերանը պինդ փակած մի պառավ, կամ միջահասակ կին, փեշիցն էլ մի փոքրիկ երեխա փաթաթված:

— Ու՛ր է էս տան տղամարդը,— թուրքերեն կամ հայերեն բարկանում է այն ահարկու պարոնը:

— Տանը չի,— անլսելի պատասխան է ստանում— գնացել ա էջմիածին կամ Երևան, պարտք անի, բերի խարջը տա:

— Ընչանք օրս որտե՞ղ էր, ընչի՞ պտի նոր միտք աներ իր խարջի համար,— գոչում է յասավուլ աղեն և ետ հրելով խեղճ կնոջը՝ ներս մշտնում տուն և ձեռք ընկած անոթը հափշտակում, որ գլխավորապես լինում է կերակրի կաթսա:

Միջի հեղուկը տարածվեցավ տան մեջն և յասավուլի հոգսն էլ շեղավ. նա տվեց պղինձը գզրին և թոնթորալով դուրս եկավ:

— Թե որ ամեն մնի զուռնովը պար գալու ընկինք՝ վեց ամիս խարջը չի հավաքվիլ,— արդարանում է նա յուր առաջնորդող հարկածողովների և գզրի առաջին.— ա՛յ, էս պղինձը կծախենք, խարջը կվերցնենք, թող աներես տանտերը մնա ծոծրակը քորելով:

— Մարգար աղա՛, ինձ բաշխի՛ր, խնայի՛ր էդ ողորմելի որրեկրուն, իր եթիմներին անճախ ա կառավարում, չգիտեմ ո՞ր անաստվածը դրա վրա խարջ ա դրել. ի՞նչ ունի, որ ի՞նչ տա,— խնդրում էր մի ձեռունի մի բակի դռան մոտ յասավուլին, երբ որ վերջինս բռնցքով ետ էր խփում մի կնոջ և կաթնոտ պղինձը գզրի ձեռքը տված՝ դուրս էր գալիս, իսկ կինը ցած ձայնով արտասուքն աչքերին առաջ էր վազում ու աղաչելով շտապում փաթաթվելու յասավուլի ծնկները:

— Քո խաթեր համար ետ եմ տալիս, աղա խեչա՛ն,— պատկառանք հարգեց յասավուլը խեչաննեց խեչանի խնդիրն և գզրին առաջ արած՝ գնաց ուրիշ տուն մտնելու:

Այրի կնոջ աղիողորմ լացն և վերջումը հազարավոր օրհնությունները, որ անխնա տալիս էր նա յուր պղինձը թափողին, խեչանի սիրտը վիրավորեցին:

— Որքան մարդ չի ուզում գեղամիջի խառնվիլ,— ասաց նա ինքն

իրան,— չի ըլնում. էսպէս բաները մարդի սիրտը կտոր-կտոր են անում:
Այս խոսքերով նա գնաց դեպի տանուտերի դուռը, հանեց յուր գրպա-
նից երկու մանեթ և ձգեց դեպի տանուտերը:

— Առե՛ք, աչքերդ կոխեցե՛ք խեղճ Եղսանի խարջը:

— Տո՛, ձեր տունը չքանդվի, էս ի՞նչ աղաղանք ա, որ քցել եք էս գեղը, բաս դուք ձեր խղճմտանքիցը վախենում չե՞ք. թե որ վերջին դառն աղբատիցն էլ խարջ եք առնում, բաս էլ ընչի՞ եք ամեն մարդի վրա էս-
քան մեծ փող հաշվում, կես տարվա մեջ գեղը հո էդքան ծախս չարե՞ց.
Թե որ ձեր անկուշտ փորը չի մտնում էսքան փողը, ո՞ր ա գնում: Լավ չեք անում, տանուտե՛ր, ասում ա՝ «գեղ կաննի, գերան կկոտրի», էգուց-
էլօր դանակն ոսկորին կհասցնեք, դատավորը կիմանա ու էն ժամանակը
ձեզ հոգովով-մարմնով պրծնում չկա:

— Է՛հ, — ժպտաց տանուտերն անտարբերութեամբ փողը վերցնե-
լով, — դու միայն կաս Երուսաղեմ, էլ չես գիտում, թե «աղվեսը մեր մա-
րագումը ճուտ ա հանել, վաղի առածի պես, մեր թագու հզութունի-
ցըն՝ ա». թե որ դատավորի մատը խառը չըլեր, մենք քանի՞ գլխանի
էինք, որ էս բաներն անեինք:

Խեղճ Խեչանը զարմացավ, որ տանուտերը ոչինչ դժվարութիւն չը-
ցույց տվեց փողը վերցնելումը. նա կողմնակի լսել էր, որ մովրովները
կաշառք են ուտում, բայց այս աստիճանի լինելը չէր իմանում:

— Մի՞թե թագավորական խարջիցն էլ մասնավորվում են, — հարց-
րեց Խեչանը տանուտերին, — խարջը գողանալ կըլնի՞:

— Ո՞վ ա ասում, թե գողանում են, ա՛յ, նստի՛ ասեմ քեզ. դատա-
վորը մեզ ա պահում, մենք նրան. ինչքան էլ որ մովրովը խամ մարդ
ըլի, իր գալուցն երկու օր ետը իմանում ա իր շուղուկներիցը², թե մհալի
ամեն մի գեղը դավթարի³ քանի՞ տուն ա, նաֆարի⁴ քանի: Իհարկե մեր
պարտքն ա, երբ որ նոր դատավոր գա, բոլոր տանուտերներս մեր իշխան-
ներով պտի գնանք՝ գալը շնորհավորենք, ճանանչվենք, էն էլ գիտես, որ
դարդակ փետին, ասած ա, շուն չի հաշալ. մեր ըռխին⁵ ո՞վ մտիկ կտա.
Թե որ տկլոր գնանք, ընտեղ ցցվինք. ամեն գեղից աստծու տվածիցը բե-
ռըն ենք կապում ու գնում. — բարով հազար բարի ես եկել, աղա՛, քո
աչքը մեր մհալի վրա քաղցը ըլի՛, ոտդ խերով ըլի՛, դայիմ դագիմի⁶ ըլիս.
էս թավոր մի քանի խոսքեր խարջում ենք. նա էլ իր կողմից գուլիք
տմբացնում ա ու մի երկար քարոզ սկսում:

— Սաքի թե ի՞նչ:

1 Հեղութունից: 2 Կրտսեներից: 3 Մատանի հաշվով, ցուցակով: 4 Ենի՛ անհատի
հաշվով: 5 Բերան: 6 Երկարատե:

— Լսի՛ր: Իհարկե, ինձանից առաջ շատ մովրովներ եք փոխել. առա-
ջինը ես չեմ, վերջինն էլ չեմ ըլնելու. մենք ջուրն ենք՝ դուք կարմուռնը,
մենք գնացկան ենք, դուք մնացկան. համա իմացած կացե՛ք, որ ես
ուրիշների պես չեմ. ինձանից առաջ եկածները ո՛նց են վարվել, ի՛նչ են
արել՝ ես միտք էլ չունիմ քննել իմանալ, ամեն մարդ իր խելքի տերն ա.
Ես էս օրվանից իմ բնութիւնս ձեզ հասկացնեմ. ես կաշառք ասած բանն
իմ դնովը տուն չեմ թողալ. ես շատ բարկացկոտ մարդ եմ, կաշառքի
անում տվողին փետի տակին կմաշեցնեմ, հերս էլ որ մեղավոր ըլնի՛
հուրն հավիտենական կկորցնեմ, որդիս էլ ըլնի՛ Սիբիրումը կը-
փտացնեմ. բայց արդար մարդի դատաստանը դանակի պես կկտրեմ.
հինգ օր չի քաշիլ, կտեսնեք, էնպես պտի անեմ, 10 տարեկան երեխեն
ոսկին զլխին դրած՝ գեղե-գեղ մի մհալի մեջ կարողանա ման գալ. գո-
ղերի ու ավազակների իզ ու թողը պտի կտրեմ: Վայն եկել ա էն մարդին
տարել, որ մտքումը դնի փողի ու կաշառքի ձեռով իր գործը առաջ տա-
նել: էս խոսքերը ձեզ ընդուր եմ ասում, որ դուք ձեր գեղերի տանուտեր-
ներն ու իշխաններն եք, էսօր գեղի տեղակ ըստեղ կաննած եք, գնացե՛ք,
իմ բնութիւնս ձեր ժողովրդին հասկացրեք:

— Դե՛, էլ ի՞նչ ես ուզում, դրանից էլ լավ խոսքե՛ր:

— Համբերի՛, շատ մի՛ վուազիլ, Խեչա՛ն:

— Դե գնացե՛ք, ասում ա, տանուտերներ՛, շատ շնորհակալ եմ, որ
եկել եք ինձ տեսութիւն:

— Բաս էն տարած փեշքաշներն ի՞նչ արիք:

— Էն իրան կարգին վաղուց մառանումը դարդակվեց, ընդուր համար
խոսք էլ չի ըլնում, դեռ դու ականջ դի՛ր:

— Էլ ի՞նչ մնաց:

— Ա՛յ ինչ: Երկու-երեք ոտք դեռ փոխած չենք ըլնում, մին էլ յասա-
վուլը քամակներիցս հասնում ա, թե աղեն հրամայեց, որ տանուտերներն
առանց իրան տեսնելու չգնան: Էդ իհարկե առանց էն էլ գիտեինք ու սպա-
սում էինք: Կես սհաթից մեզ մի-մին ներս ա կանչում ու սկսում նոր
թամբահները¹, նոր հարց ու փորձերը: Սաղ ըլի միկիտան Սաքոն, պա-
տասխանն առաջուց մեր բերանը դրել ա:

— Գեղը քանի՞ տուն ա, հարուստ ե՞ն թե աղքատ, հարուստներն ո՞վ
են, տարեկան ինչքա՞ն արդյունք եք վերցնում, ինչքա՞ն հարկ եք տալիս,
թագավորական խարջից սավահի ինչքա՞ն ավելի թավչի եք անում, նրա-
նից ո՞ւմ ու ո՞ւմ համար եք բաժին հանում, գեղացիք հասկացող մարդիկ
ե՞ն, թե կոպիտ ու անտաշներ, ինչքա՞ն գիր գիտեցողներ կան. ձեր մո-

տիկ գեղերի հետ ինչ փտած-մոռացված վեճեր կամ բաժանելու հանդեր ունիք,— ես ի՞նչ գիտեմ, քանի՞ էս տեսակ հարցմունքներ մին-մնի ետե-վից շարում ա:

— Հետո դուք ի՞նչ եք պատասխան տալիս:

— Հիմի թե ղոչաղ ես, խեչա՛ն, ջոկ-ջոկ ամեն բանը մի՛ պատմիլ-դեռ դու բերանդ բաց չես արել, ինքն ա էլ ետ քեզանից շուտ ամեն բանի հաշիվը տալիս. մենք էլ ի՞նչ անենք, տեղնուտեղը ամեն բան կարգին հասկացնում ենք:

— Դե՛ հիմի գնա՛, ասում ա, քո խելքի կտրածի պես գեղը կառու-վարի՛. կես սհաթ առաջ, որ ես էն խոսքերը ձեզ ասացի, կարգ էր, պտի խոսեի. բոլորի մոտ չի կարելի սրտինդ պարզ ասել: Բայց իմացի՛, որ մոզրովն էլ ձեզ պես մարդ ա՛ ուտիլ ա ուզում, մրսիլ-տաքանալ ունի՛ հագուստ ա պետք, մեզանից բարձր էլ մարդիկ կան՝ նրանց էլ մտիկ տալ ա պետք. իմացած կա՛ց, որ գեղի պարտքն ա իր դատավորի տան տարեկան ապրուստը ղրկել, նրա քիսի խարջըղը՝ շակասացնել, որ նա էլ կարողանա իր մենծերի սիրտը շահիլ. մենծ բան չի, ոահաթի սիր-տը լեն կըլնի, որտեղ իրան հասնելու երկու մանեթը կտա, երկու, երեքն է՛լ ավելի կարող ա տալ, առանց էն էլ ամեն գեղ թագավորական դավթարի հաշվով քիչ ա բռնած, որ մեկել ծախսերը միջիցը դուս գա. էդ բանն էդպես եկել ա, էդպես էլ պտի գնա. դուք շկարծեք, որ ձեր դատավո-րը շքիտի, թե ամեն գեղ քանի՛ տուն թաքցրած ունի խազնիցը:

— Հաջար անգամ կանգնի ու ասա՛՝ գլխիդ մատա՛ղ, ղորթ ես ասում, գեղ ա, չի ըլնիլ, որ մի քանի տներ ավելի շունենա, համա դրանցից շատը աղքատ՝ օրեն հացին մուրացկան են. էդ ընդուր համար են պահում, որ էն աղքատների խարջն էլ ունևորների շլիկը քցեն: Տես թե ո՞նց ա ծիծաղում. տո՛՛ գնա՛, լավ մա՛րդ,— ասում ա,— գնա գործիդ կա՛ց, գե-ղի վերջի աղքատն էլ կարող ա տարեկան մի-երկու մանեթ ճարել. էդ օրենք ա, պտի ասիլ. համա էս էլ կա, որ դուք էլ պտի ձեզ համար էլ, մեզ համար էլ միտք անեք: Ես անխղճատանք մարդ չեմ, ես չեմ ասիլ, որ խարջից ավելացածը բոլորն ինձ բերե՛ք ու դուք համը մի՛ տեսնեք: Էն-պես արե՛ք, որ համ դուք կուշտ ըլեք, համ մենք:

— Դե՛ ասա՛՝ ինքն ա սորվացնում գողութունն, էլի՛:

— Բաս էլ ո՞ւր ես ինձ կրակը դնում էրում, խեչա՛ն, բաս էլ ո՞նց չի նեղացնենք աղքատին, էլ ո՞նց յասավուլ չբերեմ:

— Թե աստված կսիրես, էն անսիրտ յասավուլների անումը մի՛ տալ. իլլաքի թե՛ էս գազան Մարգարը. աչքիս պեծը շախմախի տվեց, երբ որ

էն խեղճ կնգա աղաչանքը լսեցի. համա յասավուլի համար՝ ոնց որ խաղ ու պար:

— Դեռ էլի ոտդ ցխոտ անես, Մարգարի երեսը քսես, էլի միջների լավը դա ա, էլի ինչքան ըլի՛ հայ-քրիստոնյա ա. բաս թե որ էն անօրեն թուրքերին տեսնես, յա դազախների արածները լսես, ի՞նչ կանես:

Տանուտերի ու խեչանի խոսակցութունն ընդհատվեց քուչի մյուս ծայ-րից գոռալով երեսն արյունլվիկ եղած մի բորիկ տղայի դեպի նրանց վազելովը:

— Վա՛յ երեխեքս, վա՛յ դուխս, վա՛յ մեջքս, ձեզ մատա՛ղ, էս ի՞նչ աստծու պատիժ ա,— աղաղակում էր տղան,— օգնեցե՛ք, դազախը մտավ տունս, հարբած էր, էլ չեմ հասկանում՝ ինչ էր ուզում, դամշու՛ տակը քցեց երեխեքանցս, դաղդղորիկն ածեց, ինձ էլ է՛ս օրը քցեց:

Նրա գլխին արյունը թափվում էր, նա հանեց յուր վրայի մետակ արխալուղն և մեջքը ցույց տվեց. լեղակի նման կապտացած էր:

— Ա՛յ տնաքանդ, յասավուլը հերիք չէր, դազախ էլ էիք բերո՞ւմ,— ասաց խեչանը տանուտերին:

— Ղազախին ես չեմ բերիլ տվել,— պատասխանեց տանուտերը,— նա եկել՝ հինգ ձի էր ուզում, դուստաղները՝ պտի տանի Ապարանից մով-րովի կուշտը:

— Էս տնաքանդի տղեն ձի էլ հո չունի՛, սրա տունն ընչի՞ էիք ղրկել:

— Ձիանքը վաղուց եմ ճամփու քցել. ինքը դազախը լակել էր, գզրին պատվիրեցի, որ մի քիչ շնթոկացնի ու ճամփու քցի, երևում ա քնել չի ու վեր ա կացել, տներն ընկել:

— Հիմի էս նաչար՝ տղի համար ի՞նչ պտի անես:

— Ոչինչ, ձեռներիցս ի՞նչ կգա. մոզրովի համար դազախի ձիու ան-պետք դանաղը՝ մեր գեղիցը շատ թանկ ա:

— Ձեր գլխին մեռնի՛մ, ոչինչ չեմ ուզում, միայն թե եկե՛ք տանիցս հանեցե՛ք էն անաստված անհավատին,— հուսահատած խնդրեց տղան:

— Էլ ի՞նչ ես նստել, դե վեր կաց գնա՛, տանուտեր. ո՞վ գիտա՛ խեղ-ճի տունը հիմի ի՞նչ օրն ա քցել:

— Ես ոչինչ չեմ կարող հասկացնել, ա՛յ, յասավուլ Մարգարը գա-լիս ա, սրան տանենք, սա խոսք կհասկացնի,— ցույց տվեց տանուտերը մոտեցող յասավուլին:

— Շատ լավ կըլնի, խեչան աղա՛,— ընդունեց Մարգարը խեչանի խնդիրը,— ես էս սհաթս քո խաթեր դազախին գեղիցը դուս կհանեմ,

բայց ընտելից էլ գնանք, ձեր տանը մի-երկու թաս գինի իմենք. ասում են՝ քեզ լավ գինի ունիս:

— Հերիքնազ շա՛ն, էն ի՞նչ այլակերպ մարդ ա յասավուր. հենց որ հացը տեփրով տարա առաջները դրի ու աչքս նրա աչքին բնկավ, ոնց որ գրողն ու մահը տեսնեի. ես էդ մարդիցը վախում եմ, դրա ձեռովը մեր տան գլխին մի փորձանք կգա,— ասաց Հեղնարը՝ հոր հրամանովը շիրախանեն՝ հաց տանելուց հետո:

— Է՛հ, դրանց սեխն էլ նալաթ², սիպտակին էլ. յարաք դրանցում լավերը կա՞ն. ամենքն էլ մահը տանելու բաներ են,— պատասխանեց Հերիքնազը:

Այդ օրից Հեղնարը քանի յասավուր Մարգարի անունը լսում էր՝ սիրտը դողում էր:

Ի

ԳՐԱԳԻՐ ՀԵՐՈՍԸ՝

Տարեցտարի եռշաբաթի հարստությունն ավելանում էր: 50 թվականների Արեւելյան պատերազմի տաք ժամանակն էր. աշտարակցոցն ապրանքը գետնին չէր մնում. ինչքան քացախած գինի ու շուր խառնած արաղ կուզես տար Գյումրի՝ բանակի մեջը, կեսօր չի քաշիլ՝ տկերդ կդատարկես կվերադառնաս: Խեղանը թեպետ շարվադարություն³ չէր անում, բայց յուր դուանն էլ այնպիսի գնովն էր ծախում, որ կարճ միջոցում մեծ օգուտ ստացավ. նա ի՞նչ կարիք ուներ օր ծերության շուկեղ ընկնիլ, Աշտարակի շահելներն իրանք գալիս աղաչում էին նրան, տանում նրա ապրանքը, շուտ փող շինում ու մյուս շարաթ բերում, թե նրան վճարում, թե իրանք էլ օգուտ քաղում:

— Մեր տղե՛ք,— ծաղր անելով, Ապարանու բքերի մեջ ձյունը ճղելով, կամ ամառվան տոթին գլխարկով երեսների քրտինքը սրբելով, եռշաբաթի գինի-արաղը ձիանց վերա բարձած՝ կատակներ էին անում Աշտարակի երիտասարդները.— հիմի եռշաբաթնեց եռշաբաթի ոտները քուրսու տակին ցրտատար էլան, կամ ուռի ծառերի շվաքումը քնած ժամանակը գլխին արևը խփեց:

— Բաս ձեռները տեսես՝ ինչպես են կուցումել, կուշ եկել՝ թունդրի ափին նստած, խորովածի շամփուրը քաշելուս:

Եվ մեր ուրախ պատանիքն յուրյանց բարձր ծիծաղով և բաղցրաձայն երգելով վերև էին բարձրանում:

Երևանու նահանգն այս տարի մեծ նեղության մեջ էր. Շիրակու գավառը դորքը լցված էր, արյունահեղ պատերազմը ուս և թուրք տերութանց մեջ օրական հազարավոր զոհեր էր անում. թնդանոթների ճայթյունները մի քանի լուպեի մեջ հարյուրներով միևնույն մոր աչքի սև ու սպիտակներ էին խավարացնում: Բանակների մեջ պատերազմն էր յուր հունձն անում, գավառներումը տաժանելի ու դժվարակիր կոռ ու բեգյառն էին հասարակությանն առանց սրի ու մահացուցիչ գործիքների սպանում:

Ոչ այնքան օրինավոր և ուղիղ ճանապարհով եղած պահանջներն էին այսքան նեղությանց պատճառը, որքան ստորին և երկրորդակարգ պաշտոնատարների անկանոն գործողությունները: Գողն ի՞նչ կուզի՝ մուժ գիշեր. այդ խավարասերների օրերը դուրս էին եկել. ամեն մի նոր պահանջի ժամանակը նոր միջոց էր բացվում յուրյանց շահասեր նպատակներին հասնելու: Օրինակի համար. բուն բանակիցք տնօրինություններ է լինում առատ վարձատրությունը պատերազմական անոթներ և պաշարներ տեղափոխելու մի կետից մյուս կետը: Անկարծիք, գյուղացի ժողովրդի համար այս եկամտի աղբյուր էր, մի հարստության դուռն էր: Ամենայն արագությանը շրջաբերական հրամանը տարածվում է գավառակապիտներին ի կատար ածելու, ուշացնելու ժամանակ չէ, հանգամանքը համբերել չի տալիս:

— Էլի՛ եկավ, էլի՛ նոր աղբյուր,— թնդում է ուրախությունից պատվելի պաշտոնատարների սիրտը: Հինգ լուպեի մեջ նոր գործակատարության ծրագիրը պատրաստ է, հրամանաթղթերը գրվում են բոլոր գյուղական տանուտերներին և մի երկու դազախ, մի յասավուր և մի դիվանատան գրագիր թռչում են դեպի օգուտի դուռը: «Ուր գեշն իցե, անդր ժողովեսցին՝ արծվիք»,— պտտում է ժողովրդի բերանում այս գրաբար առածը, իսկ յուրյանից՝ այդ ռամիկ ու տգետ ժողովրդից ավելի յուզալի գեշ, կամ լաշ որտե՞ղ կլինի:

Դեռ տեղ չհասած՝ մեր ախոյաններն էլ յուրյանց գործողությանց ծրագիրն են կազմում. գրագիրը մի-երկու անգամ կարդում է յուր տարած հրամաններից մեկը և գլուխը պտտում:

— Հեր օրհնածն էլ տեղ թողե՛լ է, որ մարդ յուր գլուխը միտք բերի,— վերջապես ասում է նա յուր քամակից եկող յասավուրին,— էս առաջին գյուղը որ պտի մտնինք, ընդամենը հիսուն տուն է, վաթսուն սալ է ուզել. տնաքանդի գյուղումը բոլորը քսան սալ հազիվ լինի, 30 լուծք հզը չի լինիլ, իրանք էլ քաղցած՝ ճաշին են քնում՝ հազիվ մոզրովի ուզածը վճարեն, էլ մենք ի՞նչ տեղից կարող ենք օգտվիլ:

1 Գինետուն, մառան: 2 Անեծք: 3 Զրապանություն:

— Գու քեֆիդ կա՛ց, աղա միրզա¹, դու քանի կարող ես՝ թթու դեմք բռնի՛ր ու ինձ վրա բարկացի՛ր, դեռ թե կուզես՝ հասարակութունը հավաքված տեղը՝ մի երկու ապտակ էլ երեսիս կպցրո՛ւ, վնաս չունի, ձու չեմ, որ փխլվեմ, — ժպտալով և հեղությամբ պատասխանում է յասավուրը:

— Գրանով ի՞նչ առաջ կքցես:

— Էն՝ որ մեր ձեռքին ա՛՛ էսօր հրամանը գլուխ բերե՛լ, թե մի շաբաթի մեջ կատարելը:

— Հա՛, գլխի ընկա:

— Իհարկե, մեր հին արհեստն ա, տեսնո՞ւմ ես էս ղազախները, սրանց էլ հո գիտես, թե ի՞նչ վախտ եմ պետք օժեկու:

— Կտեսնենք, էլի՛:

— Վա՛յ գլխիս, էլի եկան, — ետ նայեց տանուտերը գնալի գյուղի ափը և ձեռքով գլխին խփեց:

— Սաքի ուրախ չե՞ս, — ժպտաց գզիրը:

— Է՛հ, խալխումն էլ հալ շինաց:

Մեր հրամանաբերները ձիանքը լցրած՝ կրակի նման գյուղի մեջ մըտան: Այ միայն գյուղական ահեղ շների հաշոցն ու հարձակմունքը շեն կարողանում փոքր-ինչ սանձել նրանց կատաղի արշավանքը, քուչաներում խաղացող բոկոտն ու մերկ երեխայքն էլ նոցա աչքին ճանձ ու մծեղ են թվում: Առանց աչ ու ձախ նայելու, թթված ու խոժոռ դեմքով գնալի տանուտերի դուռն են քշում նրանք յուրյանց ձիանքը:

— Փախե՛ք, փախե՛ք, երեխե՛ք, փախե՛ք, ձիանոնց ոտների տակին կձխլվիք, — գոռում են հեռվից երեխատերերն ու յուրյանք ծակերը մըտնում՝ թաքում:

Այնպես կարծես, թե այս գյուղում մի հասակավոր մարդ չկա, բացի գզիրից ու տանուտերից, որ շլինքները ծոած՝ դրանց են սպասում:

Գտակը հանած՝ վազեցին տանուտերն ու գզիրը դեպի առաջին քշող ձիավոր գրագիրն ու մինը ձիու սանձը բռնեց, մյուսն ասպանդակը:

Մի ոտը դեռ ասպանդակի մեջ՝ խոսեց մեր աղեն.

— Շուտ արա՛, տանուտե՛ր, կանգնելու ժամանակ չի, 60 սալ պետք է պատրաստես՝ ամեն մինը երեք լծով, ու ճանապարհ դենս այսօր իսկ Ալեքսանդրապոլ՝ պատերազմի դաշտը, այնտեղից գնդակներ պիտի բարձեն, ուղարկեն Ղարսա տակը:

— Գլխիդ մեռնի՛մ, մեր գյուղումը հիմի երկու սել շես գտնիլ, էլած-

¹ Գրագիր:

չելածը 15 կոտրատված սելեր են, էն էլ շատը Գյումրի փողոթնի՛ ալիք են տարել, երեքն էլ գնացել են քոմակչու² օղուշաղը³ Երևանիցը բերելու:

— Դատարկ-դատարկ ի՞նչ ես գլխիցդ դուրս տալիս. ձեզ որ մնա՛ թագավորական սալըստը կոխվ չպիտի անի, որ ձեզ նեղութուն չգա:

— Աղա ջա՛ն, քո գլուխը վկա՛, գեղումը մի սել չկա:

— Քեզ սել կշինեմ՝ կլծեմ, հիմա՛ր, ինձ հետ հանա՞ք ես անում. կանչի՛ էս սհաթս ձեր գեղի կոտորված խալխին, տեսնեմ՝ քանի՞ գլխանի եք, որ թագավորական հրամանը գետինն եք ուզում քցել:

— Աղա ջա՛ն, գեղումն էլ օրինավոր մարդիկ չկան, ջահելներն ամենքն էլ սելերի հետ կոռատեղն են, հալիվոր անկյալներն էլ՝ որը իրանց հանդերումն են, որոնք էլ քսկի ոչինչ բանի պետքական չեն, տներումը հավեր են քշում: Գեղի հալը որ իմանաս՝ լացդ կգա. վարուցանքներս մընացել ա, դեռ մի բուռը ցորեն չենք հողի մեջ շաղ տվել, ցանածներս էլ շորացել կծղել են հնձողի խաթեր. տաշտներումս հացի փշրունք չկա. հենց տուն կա, որ էսօր դուռն երեսին ետ արած՝ ոչ ով չունի, որ իրան մի սառը ջուր տա:

— Ի՞նչ ես գլուխ տանում, քեզանից ո՞վ ա հաշիվ պահանջում, քեզ ասում են սալիք պատրաստի՛ր, կուզես՝ գետնի տակիցը հանիր տո՛ւր, էդ քո բանն է: Տո՛, ի՞նչ ես դուռնդ ցցել, երեսիս մտիկ տալիս, շան տղա, յասավու՛ր, — մոտեցավ գրագիր աղեն յասավուլին ու մի ապտակ խփեց, — քո պաշտոնդ չե՞ս ճանաչում, շո՛ւտ էս բուպիս տունը մի մարդ էստեղ ստեղծե՛ս:

— Գլխիդ մեռնիմ, մենք քո դուլն ենք, դու պտի հրամայես, որ մենք կատարենք, — խոնարհաբար պատասխանեց յասավուրը:

— Հրամայում եմ, շուտ ղազախներին էլ հետդ վեր ա՛ու:

— Ի՞նչ ես կաննել, հիմար անասո՛ւն, — հասավ յասավուլի մտրակը գզրի ուսագլխին, — առաջ ընկի՛ր, տես քանի՞ մարդ եմ հավաքներիցը դուս քաշում: Ղազախնե՛ր, քամակիցս եկե՛ք:

Ինչպես մի քանի շներ, որ աղվեսի քամակիցն ընկած հալածում են ու մոլորված կենդանին օրհասը մոտ կարծելով՝ յուր ոտքերին է ապավինում ու փախչում, այդպես յասավուլի առաջին վազելով՝ տուննետուն է մտնում գզիր Գիրքն:

— Հիմի ի՞նչ ես ասում, տանուտե՛ր, տալու ես սալե՛րը, թե ոչ, — հարցնում է յուր մարդկանց հեռանալուց հետո գրագիրը, թիկնելով տանուտերի սենեկումը բարձի վերա՝ մի փոքր քաղցր դեմք բռնած:

— Աղա ջա՛ն, սուտ չեմ ասում, գեղումը ոչ մի սել չկա:

¹ Կապալի: ² Օգնականի: ³ Կնոջը:

— Ուրեմն ի՞նչ պետք է անենք:

— Քեզ լավ հայտնի ա,— ժպտալով պատասխանեց տանուտերը,— համա, աստված վկա, տնաքանդի ժողովրդի մեջ էլ հալ չկա, ընչանք բողազները պարտքի տակ թաղված են:

— Ոչինչ, որտեղ հարյուր մանեթ պարտք կա, տասն էլ կարելի է ավելացնել:

— Ով ա բան ասում, համա էլ վերցնելու տեղ չմնաց: Աստված սաղ պահի աշտարակցի խեղանենց խեղանին. թե որ նա չըլներ, էս տարի սաղ մհալը հողի հետ կհավասարվեր. աստված նրա օջախը շեն պահի, գեղ չկա, որին նա ձեռք մեկնած չըլնի. ընենց խղճմտանքով ա վարվում, որ ամենքն էլ շնորհակալ են. ուրիշը որ ըլներ՝ մնին-մին շահ կառնեի, համա նա շահի համար բան էլ չի ասում, ինչքան մեր սիրտն ուզում ա՝ վրեն ենք դնում, նա էլ ոչ մի խոսք չի ասում:

— Էլ ի՞նչ եք ուզում, աստված ձերն էլ տվել ա, Աշտարակը հեռու չի:

— Էլ երեսատեղ չի մնացել:

— Շատ խոսիլ չի հարկավոր, դու էլ գիտես, որ մեր երևալը քեզ էլ օգուտ է. հիմի ժողովուրդը կհավաքվին, ես քեզ վրա կբարկանամ, որ մինչև իրիկուն սայլերը պատրաստ լինեն, դու էլ մի քիչ դեմ ընկիր ու հետո՝ երբ որ կտեսնես, որ շատ եմ նեղանում, խալխին դռանը հավաքի, խորհուրդ արեք, որ ես ձեզ երեք օր ժամանակ տամ, հետո կզնաք մովրովի մոտ, էնտեղ էլ մի տեսակ կվերջացնենք:

— Աղա ջան, լավ ես հրամանք անում, համա ուհաթի միջքի իյիկը՝ կոտրվել ա:

— Ի՞նչ պտի անես, ամբողջ աշխարհքի համար է, միայն քեզ համար հո՞ չի:

— Հա՛, իհարկե, ասում ա՝ «էլինան դարա գյուն բայրամ դիր»²:

— Փառք ասածու, որ դու ես ասում:

— Համա, աղա ջան, ի՞նչ ես կարծում, քեզ որ ինչպես քլի, շնորհակալ անենք, մովրովն ինչքանով՝ յուր կտանի:

— Դեռ իմն ասա՛, տեսնեմ՝ ինչքան պտի տաք, մովրովինն էլ ես կասեմ:

— Հինգ մանեթով անց կացրո՞ւ:

— Ի՞նչ...

— Գլխիդ մեռնիմ, էլ բերան մի՛ բաց անիլ, աստված, երկի՛նք, գետի՛նք, ծո՛վ, ցամաք՝ խալխումը ջան չմնաց, էլ վաղի՛նք չի. էս կոխվը պրծնի անց կենա՝ էն վախտը ջանս քեզ մատաղ կտամ:

— Տո՛, էս հնձի ժամանակը որ մանգաղներս բթացնենք, ձեռներս խաչենք, տանը նստենք, էգուց երաշտ եղած վախտն ի՞նչ պիտի աշխատենք:

— Շատ լավ ես ասում, աղա՛, համա մեր գեղի համար չի ասած. հարուստ գեղեր շատ կան, ամեն տեղից էլ իրանուզյորա՛ կտանաք, աստված բարաքաթ՞ տա, դու ինձ լսի՛ր, հինգ մանեթով յուր տա՛ր:

— Դե լավ, քո խաթեր տասը մանեթով վերջացրո՛ւ, մի-երկու մանեթ էլ յասավուլի ու դազախների աչքը կոխի, մովրովին էլ ես կգրեմ, որ խնայի, քիչ բանով ինքն էլ ձեր վրիցն էս կոռք վերցնի:

Թող սրանք իրանց խորհուրդն անեն, մենք հետևենք յասավուլ Մարգարին իր դազախներով:

— Ո՛ւր են էս քանդվածի տերերը.— ճշում է յասավուլը բակումը կանգնած գզրի վրա,— կաշիդ կքերթեմ, թե որ էս սհաթս դուս չես բերել:

— Ես ի՞նչ անեմ, որ ասում են տանը չի, ո՛վ գիտա, ո՛ր արտն ա գնացել,— բարձրաձայն պատասխանում է գզիրն ու աչքով-ունքով դեպի տան դուռը ցույց տալիս:

— Հետս արի՛, դազա՛խ,— ասում է յասավուլն և տան դուռը բաց անում:

— Ես ձեզ ամենքիդ էլ կսպանեմ, թե որ շասեք, թե ուր է տանտերը, — առաջ է վազում դազախը դեպի վերի անկյունը, ուր ջահել կանայք ու աղջիկներն երեսները դեպի պատը դարձրած՝ գլուխները կախել են: Փոքրիկ երեխայքը, որոնք շղկված մտիկ էին տալիս այս տեսարանին՝ լացի ձայնը տունը ձգեցին ու...

— Վա՛յ, նանի ջան, վախո՛ւմ եմ, վա՛յ, նանի ջան, սա մեզ կուտի: Դազախը մի կնոջ ուսից բռնեց, առաջ քաշեց:

Երեխայքը, որ փոքր-ինչ լռել էին, կրկին իրանց նվազարաններն սկսեցին:

Խեղճ ամոթխած կինը գլուխը կրծքին է սեղմել ու անխոս՝ դազախի քամակիցը գալիս:

— Ախար մարդդ ո՛ւր ա, սրանց ձեռիցը հո պրծնիլ չենք,— արդարանում է գզիրը,— Մարգար աղեն էլ շատ խնդրեց դազախին, որ տուն չմտնի՝ չելավ, սրանց հո իմանում ես, լեզու չգիտեն, բան հասկացնիլ չի ըլնում:

Կինը ուները վեր է քաշում և նշանացի դեպի անդը կամ այգին ցույց տալիս:

— Սուտ ես ասում, հենց հիմի ես տեսա, որ գեղումն էր, դեռ մի

¹ Ողնաշար: ² Համայնքի հետ միասին՝ սե օրն էլ գատիկ է:

¹ Ըստ յուր շափու: ² Կություն:

երեխի էլ մեր ձիանոց ոտի տակից փախցրեց,— խոսեցավ յասավու-
լը,— ի զուր ուր ա թախ կենում. դազախին հրամայած ա, որ ամեն ծա-
կուծուկ մտնի. թե խելք ունի՞ թող դուս գա, մորթելու հո չն՞ն, սելեր ենք
ուզում, թե որ չի ունենալ՝ չի տալ:

Գողգոզալով, աչքերը տրորելով ներսի սենեկիցը, կամ քթոցի տա-
կից դուրս է գալիս տան գլուխն և հեռվումը կանգնում:

Յասավուլի աչքով անելովը դազախի մտրակը մի քանի անգամ խեղ-
ճի մեջքին պար եկավ և շինքը ծռած իր հոգեհանների առաջն ընկած՝
գնաց նա դեպի տանուտերի տունը:

— Աղա Մարգար,— քո որդու արևին մատա՛ղ,— ասում է մի ուրիշը
մյուս տեղում,— ինձ էս մի հոգևոր անաստվածի՞ ձեռիցն ազատի, ինձ տա-
նուտերի դուռը մի՞ տանիլ, էս էլ քո ոտքի քրեհը:

Յասավուլը մանեթը գրպանը դրեց և դազախին առավ ուրիշ բակ
մտավ:

Մի ժամյց հետո գյուղացիք տանուտերի դուռը լցված՝ ձայներն եր-
կինքն էին հասցրել:

Ամենքից ավելի լսվում էր տանուտերի գոռուները—գոչուները, որ զանա-
զան անհիշելի օրհնարանություններով գյուղ հիմնարկողի և մինչև էսօր
շարունակողների հոգվոց խնկարկույթությունն էր անում:

— Թեկուզ ճղճղա՛, թեկուզ միջիցդ երկու կտոր եղի՛ր, որ շունինք՝
ի՞նչ պտի տանք. մենք գեղով, էլլիկով կերթանք Երևան, նաշալնիկի
ոտները կընկնենք, որ մեզ մի փրկություն անի. էսքան զահը ու արբար՝
կըլնի՞, երեխեքն էլ ծախենք՝ տակիցը չենք կարող դուրս գալ,— հուսա-
հատված՝ հանդգնում էին տանուտերի դեմը մի քանիսը:

— Ո՛ւր կուզեք՝ գնացե՛ք, էս կովի վախտը ձեր դնչին մոռո չի ըլնիլ,
— համօզեց վերջապես տանուտերը:— Օղորմի էս մարդի հորը, 15 մա-
նեթով կակղացրել եմ, տանք իրան, վեր կենա, կորչի գնա ուրիշ գեղեր,
ընչքան մենք մի-երկու իշխանով գնանք մովրովի ոտներն ընկնենք, մի
բանով խաթրն առնենք, շորս-հինգ սելով անց կացնիլ տանք, գնանք Զո-
րանքյարի թուրքերիցը քրեհենք զրկենք, ընչանք տեսնենք մեր գլուխն
ի՞նչ ա գալիս:

Մեր գրագիր հերոսն յուր խոստման համաձայն մովրովին մի միջ-
նորդության գիր գրեց, 10 մանեթը ծոցը դրեց ու ճանապարհ ընկավ,
ամենևին չմտածելով, թե տանուտերի քսակի մեջն էլ հինգ մանեթ մտավ
կամ յուր յասավուլը միայն երկուսով բավականացա՞վ, թե իրանից ծա-
ծուկ մի քանիսն էլ տները ման գալուս էր յուր ծոցը դրել: Ամենքից զուրկ

միամիտ դազախներն եղան, որ մի-երկու գավաթ գինով և մի-երկու արա-
սի ծխախոտի փողով մինչև երկինք գոհ եղան:

Ամեն տեղ էլ գրագիր աղեն բարեսրտությունը կարեկից գտնվեցավ
ծողովորդի դժվարություններին և ամեն տեղից էլ միմյանց քամակից տա-
նուտերները մի-երկու իշխաններով մովրովի քաղցր ներողամտության
արժանացան:

Խոսք չկա, որ պաշտոնապես հրամայված սայլերի քանակությունն
ամբողջապես գնաց յուր վերա դրած պարտականությունը կատարելու,
իսկ մեջտեղը մովրովն յուր հավատարիմ պաշտոնակալներով այսպիսի
հաջող հանգամանքներից չմոռացավ օգուտ քաղելը. նա ոչ միայն, ինչ-
պես տեսանք, ավելորդ սայլեր էր բարդում և վերջը իջնում պատշաճավոր
թվին, նա և ոչ մի կոպեկ սայլերի համար դուրս տված վարձի փողիցը
յուրյանց տերերին չցույց տվեց:

— Է՛հ, սրանով ի՞նչ ծանրություն է գալիս գյուղացվոց վերս, —
ասում էր մի անգամ մովրովը միկիտան Սաքոյին, — ամեն մի գյուղի վե-
րա տասը սայլ ավելի հաշվելով՝ գյուղին մի զգալի վնաս չի հասնիլ,
յուրաքանչյուր տան վերա մի աննշան գումար կհասնի, իսկ այդ մանր
արծաթները միասին հավաքած՝ կարող են մի քանի մարդի պետք գալ:

— Եվ մանավանդ, որ դու դրանով իշխանությունի հրամանն էլ գետ-
նին չես թողնում, գլխիդ դուրբան, վերա բերեց Սաքոն, — նրանց ուզածը
քո մհալիցը 150 սել էր՝ թամամ՝ գնաց, նրանց ի՞նչ, թե դու ո՛ր գեղիցն
ինչքան ստացար, կամ իրանց տված քրեհի փողերը դու տերերին բա-
ժանեցի՞ր, թե ոչ, էդ տանու բան ա, քո տան գործը քեզ ամենքից լավ ա
հայտնի:

— Գիտեմ, Սաքո, թե դու ընչի՞ ես մեր արածը հավանում. էն տա-
նուտերները, որ մեզ մոտ են գալիս, առաջ քեզ մոտ են իջնում, դու էլ
մեջտեղը շահվում ես:

— Դե՛, սաղ աշխարհքն ըտենց ա, աղա ջա՛ն, մարդս մարդով ա,
մի ձեռը ծափ չի տալ, ամենքս էլ մի կտոր հացի համար ենք աշխա-
տում, ես էլ քո սայլիցը՝ մի կտոր հաց եմ ուտում՝ քեզ օրհնում:

— Ինձ զարմացնում է, Սաքո՛, ռահաթը. նա միշտ լաց է լինում,
միշտ փանգատվում է, որ աղքատ է, ու էլի մի փոքր սեղմած ժամանա-
կը փողը գոգերով է թափում. էս որտեղի՞ց է:

— Սաղ ըլի աշտարակցի տեղանենց տեղանի քիսն. անհատնում
ծով ա, ուզողին էլ չէ՛ չկա:

— Լավ թիքա է, ա՛յ, դա, Սաքո, ո՞նց անենք, որ էդ մարդին մեր ճանգը ձգենք:

— Շատ հեշտ ա, աղա շա՛ն. գեռ մի քիչ համբերիր, իմ աչքի վրա, — պատասխանեց Սաքոն և նրա վերա մի փոփոխութուն եղավ ու պոռչ- ները կրծեց:

— Ոչինչ, դեռ ուշ չի, — փնթփնթաց նա յուր մեջ:

— Ի՞նչ մոլորվեցիր, — նկատեց մովրովը Սաքոյի շփոթմունքը, — երևում է շատ դժվար բան է տեղանին որոգայթի մեջ ձգելը, դրա վրա ես մտածում:

— Համբերութունը կյանք ա, գլխիդ մատաղ. երբ որ օրը կգա բարին հետը՝ ես քեզ կասեմ:

— Բաս էս ցորենների գործը լավ չափ ու ձև արա՛, հետո արի ինձ առի՛:

— Հիմար Սաքո՛, տեսար ի՞նչ եմ ձեռիցս թողել, խելքս ընչանք էսօր որտե՞ղ էր. հացը որտե՞ղ ա էլել, ես ի՞նչ տեղեր եմ քաշ գալիս: Ես ընչի՞ պտի նոր զարթնեմ. հլա օղորմի մովրովի հորը, որ խոսք բաց արեց; թե չէ էն թավուր հացիցը պտի զրկվեի ու իմ մատը տանեի, իմ աչքը հանեի: Համա ոչինչ, դեռ ուշ չի, դեռ ընչանք հիքանիքը չբաղեն, տեղանն իր աղջկանը պսակիլ չի, ընչանք էն օրը շատ բան կարելի ա կատարել. մի հենց հաց ճանգս քցեմ, որ ոչ հատնի, ոչ պակսի: Դեռ ես էս ցորենների գործը ձեռից շոռոգամ, էս էլ պակաս թիքա՛ չի, Եզովպոսի շան պես բերան- ներիս մսի կտորը վեր չքցենք ու շվաթի քամակիցն ընկնենք: Վնաս չու- նի, աղա տեղա՛ն, դու էս մի երկու ամիսն էլ դինջ նստի՛, աշունքը աղջկանդ Սմբատին տալու պատրաստութունը քաշի, մենք կտեսնենք, թե ո՞վ կաշխատի՝ ո՞վ կուտի: Ոնց որ գիտեմ, որ երկու ձեռքիս վրա տասը մատ կա, ընենց էլ հաստատ հավատացած եմ, որ տեղանի աղջիկն էս իմ տասը մատներիս մեջ աղունիկի պես հուփ տված ա: Թե տարեն գլխին մի շաղիկ տղա էլ կբերի, ընդուց ետը ես գիտեմ, թե մեր գեջ նշանածի գլուխը ո՞նց եմ աղը դնում ու մի ուրիշ սիրուն, լիտիկ, ազափ աղջիկ առնում: Զան, Սաքո՛, էլի՛ ապրեցիր, հարուստ կնկա տեր էլ դառար:

Այս խոսքերը ծամելով մովրովի մոտից դուրս եկած՝ գնաց նա դեպի յուր գինետունը:

ԻԱ

ՅՈՐՆՆ

Վերոհիշյալ անցքի մյուս առավոտը միկիտան Սաքոն մեծ գործերի մեջ էր. նա յուր գինետունը հանձնեց յուր սպասավորին մի քանի պատ- վերներով և ինքը նստեց ձիու վերա:

Նա հագել էր դեղին շերքեսի շուխա ու վեշերը շուխի գրպաններովը հանել: Նա մհալն՝ էր գնում՝ մի պարսիկ յասավուլ քամակը քցած:

— Մենք մեր բանը լավ ենք տանում, ինչքան կուզեն՝ նախանձու տրաքին, — մտածում էր նա ճանապարհին: — Շատ անո՞ամ էի մհալը դուս եկել, բայց հիմիկվան պես ոչ մինը խերով՞ չի էլել. շատ լավ ա, ես իմ աստվածը, ես կզնամ՝ ժողովուրդը՝ կպատրաստեմ, ինքը մովրովն էգուց կգա, գործը կսկսի: Ուրիշ մհալներ թե որ մեր պես հեշտ գլուխ բերեն ու մեջն էլ մեր շափ շահվին, թող պարծենան. վերջը հայտնի կըլ- նի, վերջն ա գովելի. ասում ա՝ խուփը գլորվել ա, կճուճը գտել, դորթ որ ես ու մեր հիմիկվան մովրովն իրար շատ լավ ենք բռնում, էնպես անում ենք, որ թուրքի ասածի պես նա շիշ յանսըն՝ նա քյաբաբ (ոչ շամ- փուրն այրվի, ոչ խորովածը), ոչ իրան վնաս ըլի, ոչ ես զրկվիմ, ոչ էլ վերևից եկած հրամաններն երեսի վրա մնան:

— Ա՛յ Սաքո, էս ո՞ւր ենք էլի ոտնավորվել, — հարցրեց ճանապարհին յասավուլ Մահմետը:

— Քո ընչի՞դ ա պետք, ուր որ կերթամ՝ հետս արի, վնաս չես տեսնիլ:

— Ես գիտեմ, որ քո աչքն իմ վրա քաղցր է, — շողորթեց պարսի- կը յուր ազգային բուն բնավորությամբ:

— Շատ լավ էլավ, — մտածում էր Սաքոն ինքն իրան, — մովրովի հետ լավ միտք արինք, առաջ Աշտարակից սկսենք. Աշտարակը մհալի աշ- քըն ա, թե որ նրանք դարուլ կացան³, ուրիշ գեղերը ձեն ու ծպտուն չեն կարող հանիլ:

Այս երեկո Աշտարակումը տանուտերի տանը Սաքոյի հետ շատ եր- կար նստած էին մի քանի պորտաբույժ, ուրիշների հացին սովոր գլուղա- կան իշխաններ: Բավական միջոց նրանք փսփսում էին Սաքոյի հետ. երևում էր, որ ամենքն էլ նրա գալուցը շատ գոհ էին: Նրանք միմյանցից չէին թաքցնում յուրյանց սրտի զգացմունքը. պարզ կարելի էր նկատել, որ Սաքոյի հետ սրանք նույն հարաբերության մեջ չէին, ինչ որ ուրիշ գյու- ղերի իշխանները, սրանց վարմունքը շատ մտերմական էր:

1 Գատառ:

1 Գավառ: 2 Օգուտով: 3 Համաձայնեցան:

— Ինչպե՞ս է մեր սկսվածքը, — հարցրեց մովրովը մյուս օրը Սաքոյին առանձին, երբ ինքը մի քանի ձիավորներով իջավ տանուտերի տանըն և գտավ Աշտարակու բոլոր իշխաններին իրան սպասելու:

— Ոնց որ քո սիրտը կուզի, գլխիդ մատաղ:

— Քանի՞ խալվար¹ են համաձայնում տալ:

— Երեսուն խալվար, ինչքան դու ինքդ հրամանք արիր: Աշտարակիցը սրանից ավելի էլ հարկավոր չի, աղա ջա՛ն. սրանք վար ու ցանքի տեր չեն, սրանցը գինին ու արագն ա, որ քո բաժինը լիաբուռը հանում են. սրանց վրա էդ 30 խալվարն էլ նրա համար քցեցինք, որ մհալն իմանա, թե Աշտարակը տվել ա, իրանք էլ ոտի շկաննեն:

— Քո ասելովդ ուրեմն սրանցից մենք ոչինչ ակնկալություն չպե՞տք է ունենանք:

— Անպատճա՛ռ. աշտարակցիք էն մարդիկը չեն, որ իրանց պարտականությունը չճանաչեն. ոնց որ՝ դու հրամայել էիր, ես 100 խալվարիցը սկսեցի, 30-ի վրա կաննեցի:

— Հետո ինչքա՞ն է մեր հասույթը:

— Դու գիտես, գլխիդ մեռնիմ, որ աշտարակցիք աղա մարդիկ են, իրանց հասնելիք ցորենի գնիցը մի կոպեկ չէին ուզում վերցնել. համա ես ասեցի՞ չէ՛, աղեն ձեզ լավ ա ճանաչում, էդքան էլ ձեզ չի զրկիլ, տասը խալվարի գնովն իմ խաթեր յուր կտանի. մնացածն էլ ձեր քրեհի՞ մեջը գործ դրեք:

— Ուրեմն 450 մանեթից 150-ը մեզ ա հասնում:

— Հրամանի՞ք, 50-ն էլ միջի մարդկանցը՝ մնացածն էլ քրեհի վրա կգնեն:

Մի ժամից հետո Աշտարակու ամբողջ հասարակությունը տանուտերի դռանը հավաքված՝ սպասում էր մովրովի դուրս գալուն: Մովրովի պատվիրանքին համաձայն ոչ ոք չի պակասել:

Մի վայրկյանի մեջ բոլոր գլխարկները վեր կացան և լուռությունը տիրեց:

Մովրովը տանուտերի պատշգամբից հետևյալ ազդու ատենաբանություն սկսավ.

«Միրելի աշտարակեցի՛ք.

Որքան ուրախ եմ, որ ես այսօր իմ գավառի մեջ՝ ունիմ մի այսպիսի ժողովուրդ, ինչպես որ դուք եք, որ իմ ասածներս կարող եք մի առ մի հասկանալ. հասկացող որդին հոր աչու աչքն է. մովրովը որ կա, յուր գավառի հայրն է, ուրեմն դուք էլ իմ երկու աչքերիս լույսն եք:

¹ Երևանի խալվարը 30 փութ է, կամ 100 լիտր՝ ամեն մի լիտրը 12 ֆունտ հաշվելով: ² Բեռնակրի վարձ:

Այսօր ես ամեն տեղ, ամեն մովրովների մոտ պարծենում եմ և տեղըն ընկած ժամանակն էլ ամենքի վերևն եմ նստում, որովհետև ձեր մովրովն եմ: Առաջին անգամն, երբ էս գավառն ինձ տվին, ես շատ տխրությանմ հանձն առա, բայց զարմացա՝ երբ տեսա, որ բոլոր գավառների մովրովները նախանձեցին իմ փառքի վերա: Վերջն իմացա, որ արդարև նախանձելու տեղիք են ունեցել. ես իմ գավառիս մեջ Աշտարակ եմ ունեցել, որ հարկը պահանջած միջոցն իմ երեսը պետք է պարզեցնի:

Մինչև այսօր ես առիթ չեմ ունեցել մի այսպիսի գործի համար ձեզ դիմելու, և ահա այսօր եկել է ժամանակը, որ դուք իմ մեծավորների, իմ նաչալնիկների մոտ ինձ սևերես շթողաք:

Դուք գիտեք, որ հիմի ինչպիսի օրեր են, մեր երկիրն արյունը տանում է. օսմանցին ուզում է, որ մեզ յուր ձեռքի տակն առնի, մեզ բուրիս թուրքացնի, մեր հոգին դժոխքի բաժին անի. բայց մեր քաջ զինվորները Ղարսի մոտ կուրծքները դեմ են տվել, օսմանցու քիթ ու պոռուզն են փրշրում. նրանք պատրաստ են իրանց արյունը թափել ու անհավատներին մեր աշխարհքը ոտք չղնել տալ:

Դուք տեսնում եք, որ ձեր ապահովության համար շատ մեծ-մեծ իշխաններ ու զորապետներ յուրյանց տուն ու տեղը, յուրյանց երեխեքանցն աստուծո հուսով թողել, եկել ձեզ համար թուր են քաշում: Հիմի իմացե՛ք, սիրելի՛ք, որ ձեզ համար յուրյանց գլուխը շինալողներն այսօր քաղցած են. նրանց համար պատրաստած հացը բավական չեղավ. նրանք իրանց տեղը շատ անթիվ ու անհամար հաց ունին, բայց ճանապարհի հեռավորության պատճառով դժվար է բերելը: Եվ մանավանդ ի՞նչ կարիք կար բերելու. մենք մի՞թե պարտական չենք մեր կյանքը նրանց համար մատաղ տալու, մի՞թե մի կտոր հաց պետք է նրանց խնայենք: Իհարկե, կասենք ո՛չ, այնպե՛ս չէ՞՞:

— Իհարկե, գլխիդ մատա՛ղ, չպիտի խնայենք, — ձայն տվեց միաբերան հասարակությունը:

— Երբ որ խորհուրդ եղավ, — շարունակեց ատենախոսը, — թե ո՞ր գավառներից հաց խնդրեն, ո՞րը թողան, ո՞րն է շատ ոտքի տակի, ամենքը միաձայն վճռեցին, որ Շորագյալու և Սարդարաբադու գավառները շատ նեղությունց մեջ են, պատերազմը շատ մոտ է, շատ էլ կողոպտում են, պետք է այդ գավառներից ոչինչ չպահանջել: Ես տեղիցս կանգնեցի և ասացի. — ո՛չ, ես իմ ժողովրդին շատ լավ եմ ճանաչում, նրանք յուրյանց փրկիչ զինվորների համար ուրախությանմ երեխաների բերանից հացը կառնեն և կտան. ես իմ գավառի պատասխանատուն եմ, ես գիտեմ, որ նրանք ինձ խիստ կմեղադրեն, եթե իմանան, որ այս բարի

գործին ես իրանց մասնակից չեմ արել: Ասացե՛ք ինձ, լավ եմ արե՞լ, թե վատ:

— Շատ լավ, շատ լավ ես արել, գլխիդ մատաղ:

— Այս խոսքերն ասելուս դուք էիք իմ աչքիս առաջին, իմ հույսս Աշտարակ գյուղն էր, որ ինքն առաջինն օրինակ կդառնա էս բարի գործին և, ինչպես տեսնում եք, առաջին անգամը ձեզ մոտ եմ եկել, դեռ իմ գավառի մեջ այս բանը ոչ ոք չի իմանում:

Ես շատ լավ գիտեմ, որ դուք վարուցանքս, շունիք, հողագործություն չեք անում, ձերը դինին ու արաղն է, ձեր տարեկան հացն էլ փողով եք առնում, բայց վստահ եմ, որ դուք ոչինչ չեք ասիլ ու կտաք:

Շատ չեմ խնդրում ձեզանից. թե որ համեմատաբար առնելու լինինք՝ Աշտարակ գյուղի մեծություն համաձայն, մի քանի հարյուր խավարներ պետք է պահանջեինք. բայց ո՛չ, շունեցած տեղիցը շատ վերցնելը մեղք է, ձեզանից այնքան ուզում եմ, որ ամեն տան վերա տասը լիտր հազիվ հասնի, ընդամենն 30 խավար է Աշտարակի վճարելիքը. կարծեմ շատ չնչին բան է, այնպես չէ՞:

— Հրամեղի՛ք, գլխիդ մատա՛ղ:

— Կարելի է՝ շատերը կկարծեն, թե այս ցորենը ձրի են պահանջում ձեզանից. — այդպես չէ: Այն ձեր համար գլուխները ետ դրած իշխանները ձեզ շատ են սիրում, նրանք չեն ցանկանալ, որ ամեն բանով դուք վնասվիք. նրանց մեջ մի մարդասեր փողոթնի՛ կա, որ ձեռքը չբռն է տանում ու իր քսակիցն ամեն մի խավարի համար 15 մանեթ ձեզ պարգև տալիս, որ գոնե քրեհի փողը դուրս գա. որովհետև նրանք լավ գիտեն, որ հիմի ցորենի խավարն արծի 65 մանեթ և էստեղից մինչև Ախալցխա էլ, ուր որ պետք է ձեր անասուններին բարձեք ու տանիք, քրեհն էլ կարծի 20—25 մանեթ:

Ահա, սիրելի՛ք, էդպես բարի մարդիկ կան ձեր հոգսը քաշողներ. դուք էլ ձեր կողմից նրանց պատիվը պահեցե՛ք ու առանց ուշացնելու, որտեղից գիտեք՝ ճարեցե՛ք 30 խավար ցորեն, բարձեցե՛ք ձեր ձիանցը, կամ սայլեր վարձեցե՛ք ուղարկեցե՛ք Ախալցխա, էնտեղ ամբարումը՝ պահ տվե՛ք, ապահովագիրը բերե՛ք, ինձ հասցրե՛ք:

Մովրովի գնալուց մի-երկու ժամ հետո, երկու դազախ և մի յասավուլ փողոցներն ու տներն ընկած, անխնա ծեծելով, ամենքին քշում էին դեպի Կարմրավոր եկեղեցիով պատի տակը, ուր տանուտերն յուր համախոհներով սպասում էր թավջի անելու և ամեն տան վրա ըստ կարողություն չորեն բարդելու:

Կրկին ալքատների պղնձները մեջտեղ եկան, թեպետ մյուս կողմից պետք է խոստովանել, որ Աշտարակումն իսկական ալքատներ շատ սակավ էային, մանավանդ այդ տարին: Ո՛վ մի հատ բեռի ձի ուներ, նրանով յուր տունը կառավարում էր, իսկ հարուստները գինի-արաղ ծախելով՝ լավ կարողություն էին շինել:

Այդ էր պատճառը, որ խեղանեց խեղանն այս աւարի ավելի օտար գյուղացիներին էր պետք գալիս, քան թե աշտարակեցից:

Միկիտան Սաքոն, երեկվան յուր խորհրդակիցների և տանուտերի հետ մնացած 300 մանեթը հավասար բաժին անելուց հետո, իրան հասանելիքն ստացավ և մովրովին Աշտարակ թողած՝ յուր յասավուլի հետ գնաց առաջիկա պարսկական «Պատի» կոչեցյալ գյուղն՝ յուր քարուղւթյան պաշտոնը կատարելու:

Մովրովն Աշտարակումն յուր գործը վերջացրեց և յուր գնացքն ուղղեց նույնպես դեպի Պատի գյուղն, ուր էր միկիտան Սաքոն:

— Տղե՛ք, ըստնց չէր, որ մովրովը քարոզեց, — ասաց մեր ծանոթ Հաբուլը մի-երկուսին, — ես երեկ Գյումրի էի՝ իմացա: Ռահաթին փողոթնի յուր խաթեր են նեղացնում: Կոիվը շսկած՝ նա փողոթն էժամն վեր ա կալել, հիմի հացը թանկացել ա, չի կարողանում հասցնիլ, պտի տուն ու տեղը ծախի ու տա: Գոգերով փող ա վեր ածել, որտեղ հարկն էր, ու խեղճ խալխի շլնքին էս բեռը դրել. թե չէ տերությունն իր ռահաթին ըստնց նեղություն կտա՞ր: Ցորենի խավարը 65 մանեթ ըլի, 25 էլ քրեհը, մճալին կխեղդի՞, թե 15 մանեթով քո ձիուն բարձի, 6—7 օրեն ճամփա տար, կամ թե չէ էն փողոթնու աչքերն ուռե՞լ էին մեզ համար, որ իր քիսիցը խավարին 15 մանեթ ողորմություն աներ:

— Գլխները քա՛րն, Հաբու՛լ, սուս կա՛ց, քո հորն օղորմի, ամեն բանում քանդվել ենք, էս էլ նրանցից մինն ըլի, աստված իրանց պատիժը տա, — պատասխանեցին լսողներն ու հեռացան:

ԻՐ

ՑՈՐԵՆԻ ՇԱՐՈՒՆԱԿՈՒԹՅՈՒՆԸ ԿԱՄ ՄԱՇԱԳԻՒՒ ՌԱՄԱԶՅԱՆԸ

Արագած լեռան արևելա-հարավային թմբի վերա է գտնվում Պատի գյուղը՝ Աշտարակից մի ժամաչափ հեռավորությամբ:

Այս գյուղն յուր անվան համեմատ և նշանակություն ունի: 17 տուն մերկ ու քաղցած Սեղլու կոչված պարսիկներն են սորա բնակիչները:

Պատի գլուղն յուր սակավ հողովը շատ ցած գտնվելով ջրից, հազիվ տարեկան հաց է բաշխում յուր ծուլը և անգործ բնակիչներին: Մեկ կամ ամենաշատն երկու նիհար եզն է բախտի այս խորթ որդվոց հարստությունը, իսկ կերածները՝ գարեխառն կամ կորկախառն ճաթ: Մի միխթարություն ունին Պատի գլուղի բնակիչները. նոքա շատ առատությամբ միրգ են վաչելում:

Արագածի լեռնադաշտի ստորտի վերա են երևելի այգեշատ Աշտարակ, Օշական, Փարբի և այլն գլուղերը: Շնորհիվ այդ այգիների՝ Պատի գլուղացիք շատ հաջողաձեռնությամբ լցնում են ամեն գիշեր յուրյանց տներն ամենատեսակ անուշահամ պտուղներով, առանց մի կոպեկ վճարելու: Նրանց հոգը չէ, եթե երբեմն կրոնվին ու կբանտարկվին. գիտեն, որ էլի կազատվին և յուրյանց գործը կշարունակեն:

Ուրիշ աշխատանքի կերպ, ուրիշ տեսակ կենաց եղանակ անձանոթ է մեր այս քաղցրալեզու հարևաններին:

Ես այնչափ չեմ էլ մեղադրում նոցա, ի՞նչ անեն խեղճերը, ինչո՞վ կառավարվին. կթան շունին, որ կաթ ու մածնով լիանան, ավելորդ հաց չունին, որ ծախեն և յուրյանց անհրաժեշտ պիտույքների վերա գործ դնեն. մշակական աշխատանքի սովոր չեն, որ նրանով յուրյանց ապրուստը հոգան, դարերով արմատակայած սովորությունն իրանց թուլլ չի տալիս այդ անելու. նրանք ի նախնյաց ավանդաբար ընտելացել են հարստահարության, յուրյանց դրացի հայերի ճակատի դառն քրտինքը վայելելու, իսկ հիմա, երբ պարսկական բռնակալության շրջանն անցել է, էլ չեն կարողանում հաշտվել արդար վաստակով հաց աշխատելու կերպի հետ: Նոցա ամենասիրելի պարապմունքը գողությունն և բազեները ձեռքներին թռչնորությամբ ձորերումն ու լեռներումը քարշ գալն է:

Շատ տեղերում բոլոր ոտնավոր անասունների տեղը բռնում են քանի մի նիհար հավեր, որոնք նույնպես յուրյանց տերերին կերակուր չեն լինում: Երբ գողությունը չի հաջողվում, խեղճ Սեղլուն սրտանց մի ա՛խ է քաշում ու մյուս առավոտը մի հավի ոտներ կապում, կախում յուր քրթոցիցը ու շալակած գալիս յուր ծանոթ այգետեր աշտարակեցու կամ փարբեցու տունն և մատուցանում նրան յուր ընծան. այն ժամանակ նա հաստատ գիտե, որ յուր ահագին քթոցը գլխե-գլուխ կլցվի խնձորով, խաղողով, դեղձով և այլն:

Մեր գովաբանած Պատի գլուղումը շատ անգամ հավեր էլ չես գտնիլ, ավելորդ հացահատիկներ չեն մնում, որ հավերին տան. ցորենի տականքը քան թե հավի կուտ անեն, յուրյանց երեխաներին լավ կուտ կդառնա:

Մի քանի օրվա մեջ Պատի գլուղացիք յուրյանց տարեկան աշխատանաց բերքը՝ ցորենը կալսում-լցնում են յուրյանց դռներին, կամ գլուղի

ափներում փորած հորերի մեջ, երեսը հողով ծածկում և յուրյանց սիրելի արհեստի հետ ընկնում:

Առհասարակ շատ գլուղերում այսպես է. ցորենի ամբար նոքա չունին, ցորենը պահում են գետնում բաց օդի մեջ: Նոքա փորում են փափուկ գետնին երկու գազաչափ խորությամբ, հորի տակին և կողքերին դարման են փռում, ցորենը մեջը լցնում և հողով ծածկում: Այդ գետնի մեջ տարիներով մնում է ցորենը, ոչ փտում և ոչ ծլում է¹:

Մի բան միայն խիստ զարմանալի է, օրական չի եղել, որ այդ բաց երկնքի տակ անխնամ թողած ցորենը գողանան:

Մի վատ հատկություն միայն ունեին այս սեղլուները. իրարու դեմ դավաճանություն, հարևան հարևանին մատնել՝ սովորական է նոցա մեջ: Լինում են և այնպիսիները, որոնք յուրյանց գլուղի գաղտնիքն ամենաշնչին ակնկալությամբ հայտնում են:

Ամեն գլուղում միկիտան Սաքոն ուներ յուր լրտեսները, ուրեմն Պատի գլուղումն էլ անայատճառ կունենար:

Սաքոն դեռ նոր էր իջել քյոխվի դռանը, որ Պատի գլուղացի մաշաղի Ռամազանը ոտներն ու կոտորիչները մինչև ծնկները բաց՝ եկավ Սաքոյի առաջին կանգնեց և մինչև գետինը խոր գլուխ իջեցրեց:

— Բարո՞վ, մաշաղի:

— Բարո՞վ, աղա Սաքո՛, մեր գլխի՛, մեր աչքի՛ վերա:

— Ինչպե՞ս է առողջությունդ, երեխայդ, ընտանիքդ:

— Է՛հ, աղա Սաքո՛, շատ թանկություն է, կորեկի ճաթ էլ չենք գրտնում, որ երեխայից բերանը քցենք:

— Ուրեմն գլուղումը ծախու ցորեն չի գտնվի՞լ:

— Հանաք ես անո՞ւմ, աղա Սաքո՛, հատիկ էլ չես գտնիլ:

— Հապա ինչպե՞ս անենք, մովրովի մոտ ես քեզ գովելով շափն անց եմ կացրել, հենց հիմի ինքն էլ կգա. գորքի համար ցորեն է հարկավոր,

1 Գետնի տակին դարմանով պատած հորի մեջ ցորենը ապրում է մինչև երեսուց տարի և յուր հատկությունը կամ արժանավորությունը չի կորցնում:

Մի այդպիսի փաստ սրանից տասը տարի առաջ պատահեցավ Մաղկոց ձորի գլուղերից մեկի մեջ. լավ չեմ հիշում Մաքրավա՛նք, թե Գրմաշեն գլուղումն էր:

Այդտեղի բնակիչները գաղթականներ են: 40 տարի առաջ, նոր գաղթած տարիներից մեկում, մի մարդ մեռնելուս կտակում է յուր որդվոց, որ մի հոր ցորեն կա թաղած: Մահը վրա է հասնում և մեռնողի լեզվին կապ է գնում հորի տեղը հայտնելու:

Ժառանգներն երկու-երեք տարի իզուր որոնում են գետնի մեջ, ցորենը չեն գտնում: Տասը տարի սրանից առաջ այդ ընտանիքը նոր տան հիմք փորելուս գտնում են մի հոր լիքը ցորեն բոլորովին անարատ և մարուր և շատ զարմանում են:

Մերուհեներից մինը հիշում է երեսուց տարի առաջ մեռնող մարդու խոսքերը: Այդպիսով ապացուցվում է, որ 30 տարի առաջ կորած հորն է այս:

ամեն գյուղի վերա յուրյանց կարողութեան համեմատ ձգած է. ձեր գյուղիցն էլ չորս խալվար են ուզում, որտեղի՞ց պետք է ձարեք:

Ռամազանը մտածութեան մեջ ընկավ:

— Քե որ տեղը գիտես՝ ասա՛, հիմի է քո պետք գալու օրը, մովրովի աչքի լույսը կդառնաս:

— Չորս խալվար չէ, բայց երկու կճարվի, կես խալվար Մահմատ-Վալու հորումը, 25 լիտր՝ Բյալբալայ նաղու, կես խալվար՝ Լալ-Ղուրբանի, մնացածն էլ՝ հինգ-տասը լտրով կհավաքվի:

— Ծղնե՞ր ինչքան կան:

— 12 հատ կան, բայց երեք-չորսը միայն դյուղումն են, մնացողը Երևանից քրեհ են տարել Գյումրի:

— Այդ ցորնատերերից ո՞րն իր կամքովը կծախի:

— Ոչ մինը. իրանց երեսայից ապրուստն է, թե որ այն էլ ծախեն, բերանները քամուն պետք է բռնեն: Բայց թե որ մովրով աղեն կամե՞նում է, նրանց ո՞վ է մտիկ տալիս:

— Ի՞նչ տեղ է պահած:

— Գյուղի ակերումը, հորերի մեջ. եթե կուզես՝ քանի ոչ ոք չկա, գրե՛նանք՝ ես քեզ ցույց կտամ:

— Չէ, երբ որ յուրյանց հոժար կամքովը չեն տալ, ես մովրովին առաջուց կսովորեցնեմ, որ հրամայի հորերը ցույց տալ. թե շանեն, մովրովի աչքը քեզ վերա կընի, դու իբր թե առաջուց քեզուտեքը հեռանում ես, մովրովն էլ քո քամակիցը ժողովրդի հետ կգա, որտեղ դու կկանգնես, գլուխդ կբորես, յասավույները կփորեն:

Սաքոն Ռամազանին մի մանեթ ընծայեց:

— Քյոխվա, — ասաց Սաքոն տանուտերին, — քո ժողովրդին կանչի՛, խրատի՛, որ առանց հակառակութեան չորս խալվար ցորեն պատրաստեն գորբի համար. պետք է ձեր եզներովը տանիք Ախալցխա հանձնեք: Ես եկել եմ, որ առաջուց իմաց տամ ձեզ, հիմի մովրովը կգա ու երկար չի մնալ այստեղ:

— Գլխիդ մատա՛ղ, Սաքո աղա՛, չորս լիտր ցորեն չկա մեր գյուղումը, ոչ թե չորս խալվար:

— Ենիք ունիս՝ մի՛ չբիլ, թե չէ բերդումը կփախք. մի՛ վախեք, ձրի չեն ուզում, խալվարին 15 մանեթ ողորմություն է դուրս եկել, որ հասարակությունը շատ չնեղանա:

Մի փոքր դիմադրելուց հետո տանուտերը խոստացավ Սաքոյի համար քսան հավ ուղարկել, միայն թե մովրովի բարկությունից յուրյանց ազատի, ինքն էլ յուր ժողովրդի հետ միասին սպասեց մովրովի գալուստյանը:

Մովրովի քարոզն այստեղ այնքան երկար չեղավ. մի խիստ հրաման էր, որ արձակեց նա ու ոտքերը գետին զարկեց, մանավանդ երբ Ասքոյից իմացավ, որ սրանց ոչինչ բանով չի կարելի կոտորել:

— Պառկացրե՛ք առաջավոր իշխաններին, — հրամայեց մովրովն և մի փառավոր ոռոգի՛ ծեծեց մի քանիսին:

— Ես գյուղը կրակ կտամ, հավերի կուտն էլ կկտրեմ, ցույց տվեք ինձ ձեր հորերը, — գոչում էր մովրովը:

— Աղա ջա՛ն, ոտքերիդ մատաղ, մենք հորեր չունինք, բոլոր հորերն էս տարի դարդակ են. եթե չես հավատում՝ համեցե՛ք, աչքովդ տե՛ս: Մովրովը աչքը դեպի Ռամազանը դարձրած գնում էր տանուտերի առաջնորդությամբ:

Մի քանի հորեր արդարն դատարկ էին:

— Յասավու՛ւլ, — հրամայեց վերջապես մովրովը, — փորեցե՛ք էս մարդի կանգնած տեղը: — Նա յուր ձեռքով ետ խփեց Ռամազանին և մի ապտակ էլ տվեց:

— Ի՞նչ ես առաջիս ցցվել, կանգնել, շո՛ւն դու, — բարկացավ մովրովն Ռամազանի վերա, որը գլուխը քորելով՝ մի կողմը քաշվեց:

Յասավույներն առաջուց պատրաստած բահերով սկսեցին փափուկ գետինը փորել:

Եզան նման բառաչելով, ոռոգի ծեծվածներից մինը՝ Լալ-Ղուրբանը առաջ վազեց և ընկավ փորած տեղի վրա:

— Առաջ ինձ բահով սպանեցե՛ք, հետո երեսեքանցս բերանի ապրուստը կտրեցե՛ք, — գոռում էր Լալ-Ղուրբանը:

— Քաշ տվե՛ք, ետ ձգեցե՛ք, — բարկացած հրամայում էր մովրովն և յասավուլ ու զազախ խեղճին երեսի վերա թրևում, հեռացնում էին հորի բերանից: Բայց ողորմելի մարդը կրկին դուրս էր ընկնում նոցա ձեռքիցը և պառկում հորի վերա:

Այս միջոցին հեռվումը կանգնած մանր երեսաների միջից երկուսն անվարտիք, ոտարոբիկ, մեջքների վերա մի-մին քրշահին ձգած, 10, 12 տարեկան հասակում՝ առաջ վազեցին ճշալով և բազմություն մեջը պատռելով, տարածվեցին հորի վերա՝ յուրյանց հոր հետ միասին:

— Սատկացրե՛ք այդ շան լակոտներին, — ծղրտաց մովրովն ու չկարողացավ համբերել, ինքը մոտեցավ և փոքրիկ մանուկներին մի-մի աքացի տվեց, յուր ձեռքովը քաշեց, հետ ձգեց:

1 Ռոզգին այն պատիժն է, որ մարդուն երեսի վրա տարածում են գետին, հեռուցը բաց անում և բարակ մահակներով ծեծում:

— Ռոզգի՛,— հրամայեց նա, և խեղճ Ղուրբանին այնքան ծեծեցին, որ շարժվելու կարողութունից զրկվեցավ:

— Բավական է,— հրամայեց գթասիրտ մովրովը: Անշնչացած մարդին յասավուլները մի կողմ ձգեցին, հորը բաց արին՝ և անարգել ջվալները լցրին:

— Հերի՛ք է,— գթաց մովրովն և դարմանի մեջ մնացած հորի տակին եղած 10 լտրաշափ ցորենը թողին կալ-Ղուրբանի երեսայից տարեկան սնունդ:

Մովրովը վեհանձնարար հանեց գրպանից յոթը մանեթ փող կես խալվարի համար, և սվեց տանուտերին՝ Ղուրբանի ցորնի գինը:

Դրանից հետո բոլոր ցորենով լիքը հորերի վերա մաշադի Ռամազանի գլուխը քոր եկավ և ցորենը հորերի միջից ջվալների մեջ փոխադրվեցավ:

Իհարկե, այժմ էլ գիմագրություններ չեղան, կալ-Ղուրբանի դասը հերիք էր մյուսներին խելքի բերելու: Յորնատերերը բավականացան հեռվումը գլխիկոր կանգնելով, մի-երկու ծերունի մոլեռանդորեն էլ հիշելով յուրյանց կորցրած երջանիկ օրերը, չկարողացան աչքով տեսնել, քաշվեցին յուրյանց տներն, երեսների վերա ընկան և գլխներին ծեծեցին:

— Ազա՛, գլխովդ պտույտ գնա՛մ, գոնե ազատիր մեր գյուղը տեղ հասցնելու ծանրությունից,— խնդրեց տանուտերը:

— Ես երեսպաշտություն չեմ սիրում, ինձ համար բոլոր գավառը հավասար է, պետք է տանիք և ապահովագիր բերեք. եթե բեռնակիր անասուններ չունիք, ինքներդ շալակով տարե՛ք. սալդատը ձեր համար արյուն է թափում, դուք էլ նրա համար մի փոքր շարշարանք կրեցե՛ք, — վճռեց մովրովն և ոտքը դրեց ձիու ասպանդակին:

— Ենորհակալ եմ,— ասաց նա ցած ձայնով ասպանդակը բռնող թուրքին,— քո արած ծառայությունը չեմ մոռանալ, քեզ աչքիս տակին կունենամ, Սաքոն քո հավատարմությունդ ինձ պատմեց:

— Աստված կյանք տա՛, աղա շա՛ն, ամեն ժամանակ պատրաստ եմ քո ղուլլուղին գտնվելու՛¹, — պատասխանեց մաշադի Ռամազանն և մինչև գետինը խոր գլուխ սվեց:

— Ապրի՛ Սաքոն,— մտածում էր ճանապարհին մովրովը,— թե որ նրա խելացի տնօրինությունները շինեին, ես չէի հավատալ, թե այս թանկության տարին հնարավոր լիներ Պատի գյուղի պես աղքատ տեղիցը ցորեն ստանալ:

— Իմ բանը մովրովիցն հաջողակ է գնում, Պատի գյուղիցն էլի իմ բաժինը դուրս եկավ. 20 հավն էլ լավ բան էր. բայց մովրովը ոչինչ չե՛-

կարողացավ դուրս տանել,— մտածում էր Սաքոն մովրովից առաջ Պատի գյուղից ձի նստած դեպի Կարբի գյուղը գնալու ժամանակը, որ պետք է նախապատրաստեր մովրովի գալուստն և ցորենի վճարքը:

Ոչ մի գյուղում Սաքոն ամոթով չմնաց. ում բան հասավ, կամ ոչ՝ նա յուրն ստացավ. առանց ոտքի քրեհի ոչ մի տեղից դուրս չգնաց:

Սաքոյի գործ դրած խելացի հնարքի շնորհիվ այս տարի շատ ընտանիք երեսայից ձեռքերը բռնած՝ ողորմություն սկսան հավաքել:

Հետևանքն այն եղավ, որ մեր հարեան պարսիկները գրգովեցան և յուրյանց վրեժը հայտնապես մովրովից ու Սաքոյից չկարողանալով հանել՝ ձեռք առան ասպատակություն. գիշերները հարձակվում էին հայ գյուղերի վերա, ցերեկները ճանապարհներին ու դաշտերումը հայերին ոչխարի նման մորթում էին:

ԻԳ

ՊՍՏԻԿ Ա. ԱԻ ԸՍՏԻԿ Ա.

Մենք չենք մոռացել այն խոսակցությունը, որ դիպվածով առաջ եկավ մովրովի և Սաքոյի մեջ: Ընթերցողը լավ հիշում է, թե ինչպես կապվեցավ խեղանեց խեղանի անունը գավառից պահանջած սալլերի հետ և ի՛նչ առաջարկեց մովրովը Սաքոյին:

— Լավ թիքա է խեղանը:

Ահա այն երկու բառերը, որ Սաքոյին շփոթեցին: Մինչև էսօր ինչպե՛ս նրա մտքումն այդ բանը չէր ծագել: Ահա ի՛նչ էր նրա պոռոչները կրծելը, ի՛նչ էր նրա շփոթմունքը:

— Ոչի՛նչ. դեռ երկու ամիս էլ ժամանակ կա, դեռ ուշ չի,— հուսադրեց Սաքոն ինքն իրան:

Եվ արդարև, ներկա ցորենների գործը հետաձգել չէր կարելի. միջից դուրս գալու արդյունքն ակնհայտնի էր, Սաքոյի բախտիցը բուն մովրովը՝ պատերազմի դաշտն էր գնացել, իսկ նրա տեղը նշանակված էր յուր օգնականը: Այս մարդն այնպես գործերին լավ ծանոթ չէր, հարստանալու էլ մեծ ցանկություն ուներ, ուստի և Սաքոն իրեն համար լավ մեքենա էր: Նախկին մովրովի ժամանակը Սաքոյի աստղը, փոքր մնաց, պիտի խավարեր. նա ոչ կաշառակեր էր և ոչ ժողովրդի բնությանն անծանոթ: Սաքոյի բախտիցն և ժողովրդի տարաբախտությունիցն էր, որ նա գնաց: Ծշմարիտն ասած՝ ավելի շուտով դրկեցին նրան, բան թե ինքը գնաց:

¹ Պետրոս Մատթարանցը:

Նաչալնիկն երբ որ հայտնեց այդ ժողովրդասեր և անշահամու մովրովին ցորեն հավաքելու գործը, նա բացեիբաց ցույց տվեց, որ գավառի այս նեղութիան ժամանակը մեծ ոճրագործութիւն կլինի նոր հարկ բարդել ժողովրդի վերա, և թե ինքը հրաժարվում է այդպիսի մի պահանջը կատարելուց: Նաչալնիկն, իհարկե, ոչինչ շահեց, միայն աչքերն ոլորեց և այդքանը բավական էր մեր արդարասեր մովրովին հասկանալու համար, թե այսուհետև անհնար էր իրան գավառ կառավարելը: Լավ համարեց գլուխ առնել ու քաշվել պատերազմը:

Վերջապես այժմ միջոցը Սաքոյինն էր և դեպքը ձեռքից թողալն հիմարութիւն կլիներ:

Սաքոն ման եկավ ամբողջ գավառը: Նրա սրի երկու կողմն էլ կտրում էր, ցորենները նրան լավ վեր քաշեցին, ոչ միայն Սարդարաբաղու գավառում՝ ամբողջ Երևանա նահանգումը նրան շճանաչողներն էլ անունը տալիս էին, ո՛րը զարմացմամբ, ո՛րը շնորհակալութիւնով և ո՛րը հայհոյանքով ու անհոգով:

Սաքոն յուր այս ճանապարհորդութիւն մեջ միշտ արժարժում էր յուր մտքումը հեշտանեց հեշտանի փեսայութիւն խնդիրն և միշտ ինքն իրան մեղադրում էր:

— Ա՛խ, ինչպես ուշ գլխի ընկա, հիմա՛ր Սաքո, հեշտանեց հեշտանին ես նո՛ր էի ճանաչում, նրա կարողութիւնի չափը ես նո՛ր գիտեի. ընչի պտի էս տեղը հասցնեի, որ հիմա դժվարութիւն քաշեմ ու մոլորվիմ: Ծվիկենց Աղաջանի տղեն էգուց-էլօր դատած մալի տեր պտի դառնա, իսկ ես տանից-տեղից զրկված՝ սրա-նրա աչք ու ունքին մտիկ տալով, տնաքանդութիւնով, գող ու ավազակների ընկեր դառնալով, խալխի մեղքը պտի վեր կալեմ, թե ի՞նչ ա՛ մի կտոր հաց պտի աշխատեմ, էն էլ՝ կեսն արյուն: Տո՛, հազիր պատրաստ ա հացը մեր դռանը, եփած կերակուրն առաջիս, էլ ընչի՞ եմ քացի տվել դեն գցել. էս խելք չի՞ տիրոնջը պատիժ ա՛:

Երկու բան միայն երբեմն կասկածի տակ էին ձգում Սաքոյին: Աշտարակումն եղած ժամանակը նա լսել էր, որ հեշտանի աղջկանը շատերն ուզել էին ու նա չէր տվել, ամենքի հույսն էլ կտրելու համար հեշտանը մտիկ օրերս հանդիսով նշան էր դրել Սմբատի հետ: Մեկ էլ իմացել էր, իբրև թե Շունհետածողենց Արշակն յուր ատոզ ժամանակն ամեն տեղ պարծենալուս է եղել, թե մի ամբողջ տարի հեշտանի աղջիկն իրան էր սիրում: Շատ անգամ այս բանի վերա ժամերով մտածում էր Սաքոն. նա որքան և շահասեր, բայց ասիական նախանձավորութիւնը ցեցի պես սիրտըն ուտում էր:

— Է՛հ,— ձեռք թափ տվեց մի օր,— չուր ցելսը մարդի փեշին չի կպչիլ. ցնորված Արշակի խոսքերն ո՛վ կշեռքի մեջ կզնի. ներելի ա էնպէս

աղջկանը, որ սաղ մհալի շափ հարստութիւն պտի բերի իր հետ, մեկ էլ ես հո հեշտանի աղջկանը չե՛մ առնում, նրա մալն ու դովաթը պտի ըլնի իմ կնիկը. աղջիկը թեկուզ քոռ ու քաշալ էլ ըլնի, թեկուզ ինձ շսիրի էլ, նրա կյանքը ընշանք երեխա բերիլն ա. ընդուց հետո բարի՛ ճանապարհ, թե իր կամքովը չգնա՛ դրկելն իմ շընքին:

Աշունքացել էր. աշտարակեցիք յուրյանց այգիների գործերից պրծել էին, ամենքն ըստ կարողութիւն հարստացել էին, հարսանիքների օրերը մոտեցել էին, ազափ տղայոց արյունը եռալ էր սկսել, որդեսեր մայրերի տված հույսերը նրանց կողքերումը նստել էին. գիտեին մեր պատանյակները, թե որքան և հայրերը ցանկութիւն շունենան իրենց պսակելու, էս ձմեռ անց կացնելու շեն, քանի որ նանեռն իրանք ուզում են իրենց ազիզ բալեհանց թագ ու պսակին արժանանալու, ուրեմն ինչպես լինի, այս քանի օրս ինամախոսների օրերը դուրս կգան:

Այս ամենը լավ գիտեր միկիտան Սաքոն և նա ուզեցավ ժամանակիցըն օգուտ քաղել:

— Ի՞նչ անեմ, ո՞նց սկսեմ. դիմացե-դիմաց իրան հեշտանին գնամ, երես-երես աղջիկն ուզեմ՝ չի ըլնիլ, վա՛յ թե խրտնացնենք, ունքը շի-նելու տեղ՝ աչքն էլ հանենք: Ախար ի՞նչ կասի, թե ո՛ր երեսով դու գալիս ես իմ նշանած աղջկանն ուզում. ուրիշի ձեռքով էլ, ասած ա՛ փուշ բռնի՛:

Շատ ծանր ու թեթև արեց Սաքոն, շատ գիշերներ գլուխը կռացրած նստեց յուր գինետան ներսի սենյակումն և մտքի հետ ընկավ՝ ոչ մի վրձնական ելք չկարողացավ տալ. ո՛ր կողմը դարձնում էր, գործն յուր հակառակ էր երևում:

Մեզ լավ հայտնի է, որ գյուղացին մեծ հավատ է ընծայում նախապաշարմունքին. մեր Սաքոն թեպետ բացառութիւն էր կազմում, բայց այս անգամ էլ թերահավատացավ:

— Էս լալ նշան չի,— հուսահատվեցավ նա,— մի ունկը շեմ գրտնում, որ բռնվիմ. ո՛ր կողմը քաշում ես՝ կտրվում ա: Ծս Սաքոն ըլիմ ու էսքան վախտ մոլորվի՛մ: Դեռ ի՞նչ լավ, որ իմ գործի համար ա. ի՞նչ կըլնեի իմ հալը, թե որ մովրովը մի խորհուրդ հարցնեի, ու ես էնպէս երկար ժամանակ կմկմայի, չկարողանայի պատասխանել: Չէ, սիրտս մի բան ա զգում. հենց իմանաս՝ քիթս քարին պտի առնի, սառած պտի մնամ:

Անտանելի էր Սաքոյի դրութիւնը, մի անգամ այնպես քաշեց երկու ձեռքով յուր գլխի մազերը, որ փոքր մնաց՝ ցնորվում էր:

Հաստատ քայլերով մի քանի անգամ սենեկի մեջ ման եկավ նա ու հանկարծ կանգ առավ, ցուցամատը ճակատին խփեց ու ասաց.

— Էլ ո՞ր օրի համար եմ պահել, ամենքիցը հո փող չպիտի՞ առնենք. էս մինն էլ առանց փողի ընի, էս մնի փողն էլ իմ քիսիցը դուս գա: Հենց հիմի խեղանի անուամովը մեղալ գրել կտամ ու էգուց կերթամ Աշտարակ. ո՞վ դեղին պոլիմպրյալ, քո պսպղալուն մատա՞ղ, քո զորութիւնը շանց տալու օրերն եկել են, պստի՞կ ես ու ճատի՞կ ես:

Ի՛

ՄԵՌԱԼ

— Հը՛, էլի նոր մարդի՞կ:

— Հրաման քե՛զ, գլխիդ մատաղ, դեռ ո՛ւր ես, դեռ մ՛հալի կեսը սիրտ չի անում. մեռնում եմ տանուտերերին ասելով, որ սրանից վնաս չի հասնիլ, ձեր առաջավոր իշխանների պատիվը չի վեր ընկնիլ, դրկեցեք՝ ում ձեռը ջերն ա հասնում, անկաջ չեն անում, չեն ուզում, որ վերջի հասարակ մարդիկն մեղալ կախ տան, իրանց հետ ձգվին: Վերջապես խոսքս կտրուկ էլավ, դեռ շատերը պտի գան, հիմի մի հինգ հատ եկել են, պտի գրվին, պոլիմպրյալները բերել եմ, համեցե՛ք:

Յ՛վ Սաքոն մովրովի առաջը դրեց հինգ հատ պոլիմպրյալ:

— Քեզ քանի՞ անգամ ասել եմ, որ պոլիմպրյալի թիվը միտո պահես, — բարկացավ մովրովը, — քեզ ասում եմ, որ միայն 184... թվականինը վեր կալ, ի՞նչ ես գլխացավանք տալիս. հո գիտես, որ էն տարվա կտրածն ամենքի վրա ծանր է, ոսկի է, հո պղինձ ու երկաթ չի՞:

— Շատ լավ ես հրամայում, աղա ջա՛ն, — արդարանում էր միկիտան Սաքոն, — համա բուրբ տես ու ճանանչ մարդիկ են. քանի հետ ասում եմ՝ չի ըլնում, աղանչաք են անում, երեսիցս կախ են ըլնում, ես էլ խաթրներիցը՝ չեմ կարենում անց կենալ. կպչում են յախես, որ փոխեմ, հո գիտես, ես էլ ոսկի չեմ կտրում, մի քանի հատ ունեի՞ քեզ տվի, քո շարը տանի՞ն, ջանս էլ չեմ խնայիլ քեզ համար, գլուխս քո ուղուրին² ետ եմ դրել, բայց հիմա որ չկա՝ ի՞նչ անեմ:

— Բաս ինչպե՞ս պետք է լինի:

— Էդ շատ հեշտ բան ա. քո մոտ հիմի պոլիմպրյալներ շատ կան. դրանք ինձ տո՛ւր, ես կտանեմ ինձ մոտ կպահեմ, մեղալ գրվելու համար եկողներին իրանց ոսկին կառնեմ, սրանց հետ կփոխեմ ու թող էլի բերեն քեզ տան. ամեն մեկի վրա էլ մի քանի կոպեկ ավելի փոխելու համար կվերցնեմ, էն խուրդեն էլ կբերեմ՝ քեզ կտամ:

— Վա՛յ թե դու շատ առնես, ինձ քիչ տաս:

— Է՛հ, աղա՛, դու Սաքոյիդ դեռ չես ճանանչում, հո գիտե՛ս, որ ամեն մի պոլիմպրյալը երկու շահուց ավել գլուխ չի ունենալ, թափավուրը՝ շատ քիչ ա. քո խաթեր ես մի-մին սաղ աբասի² էս սհաթը քեզ ավել կրտամ, թող մեշտեղն իմ երկու սաղ շահին կորչի. օտարի հո՛ չեմ տալիս, քո արևին փոխ ըլի՛:

Սաքոն ստացավ մովրովից հարյուրի շափ պոլիմպրյալ՝ 184... թվականի՝ գնացական գնիցը մի աբասի ավելի հաշվելով և թղթադրամով վճարեց մովրովին:

— Հիմի ես էն մարդկանցը ետ կտամ իրանց ոսկիքն, աղա ջա՛ն. կասեմ, որ դու հրամայել ես, որ ամեն մարդ իր ձեռովը տուն բերի. պատվիրի՞, որ մեկ-մեկ ներս մտնին, ու երբ որ էդ ոսկիքը կդնեն առաջդ, բարկացի՛ր, գլխներովը տո՛ւր, ետ դարձրո՛ւ, թող գան ինձ մոտ, ես կրտանեմ:

— Գիտե՞ք ինչ կա, տղեք ջա՛ն, — ասաց Սաքոն յուր խանութումն անհամբեր սպասող պոլիմպրյալների տերերին, — ճար ու իլլաճ շեղավ, վեր չի կալնում, թե որ 184... թվինը չըլնի, ասում ա՝ անկարելի ա. հիմի ձեր փողերն ետ եմ բերել. թե կուզեք՝ դուք ինքներդ տարեք տվե՛ք:

— Մենք էն թվինը որտեղի՞ց ճարենք, մենք հո չե՞նք կտրողը:

— Թե կուզեք՝ ինձ մոտ կա, ես հատուկ դրա համար Երևան եմ գրեացել, մնին կես մանեթ ավել տվել. թե կկամենաք համեցե՛ք, ձեզանից մի կապեկ օգուտն ինձ հարամ ըլի, ոնց որ ինձ վրա նստեցա, տամ՝ տարեք տվե՛ք իրան. որտեղ մի պոլիմպրյալը կգնա, թող կես մանեթ էլ վրեն ավելի էրթա:

Մեղալասեր պարոնները մեծ ուրախությամբ համաձայնեցան, իսկ Սաքոն ձեռաց մովրովից ստացած ամեն մի ոսկուց 30 կոպեկ աշխատեց: Միայն այդքանը չէր. առաջուց Սաքոն ստացել էր սրանցից օգնականի, գրագրների, յասավուլների անունով մի քանի մանեթներ ևս, որոնց կեսը միայն սովորաբար ըստ պատշաճին հասցնում էր, իսկ մյուս կեսը նույնպես յուր դրամարկղի մեջն էր մտնում:

Այնուհետև ամեն ոք յուր ձեռքով Սաքոյի հետ փոխում էր պոլիմպրյալն և անձամբ մատուցանում մովրովին ու անունը գրել տալիս, բայց միշտ Սաքոյին նախապես ներկայացնելով:

Մենք դեռ չբացատրեցինք, թե այս ի՞նչ մեղալներ և պոլիմպրյալներ են:

Արևելյան պատերազմը վերջացավ, այդ նշանավոր արյունահեղու-

1 Գատիվներից: 2 Բախտավորության համար:

1 Զանազանություն: 2 20 կոպ. արծաթ:

թյան հիշատակի համար տերութիւնը դուրս տվեց այն փոքրիկ պղնձյա կարմիր մեղալը, որի վերա սաղմոսի մի տան հետ պատերազմն սկսող և վերջացնող ինքնակալաց անուններն է դրոշմած. այդ փոքրիկ հիշատակարանը պատերազմին մասնակցող բոլոր անհատները պետք է կրեն յուրյանց կրծքին իբրև անմոռաց նշան անձնանվիրութիւն:

Ընդհանուր շրջաբերականով հայտնվեցավ բոլոր գավառակապետներին՝ նշանակել յուրյանց տեսչութեան ներքո եղած գավառների մեջ պատերազմին մասնակցողների անունները, որոնք ըստ քանակութեան թվուն մեղալ պիտի ստանան: Միայն պատերազմումն արյուն թափելը չէր համարվում մասնակցելը. ով ինչևիցե գործում պետք է եկել պատերազմի միջոցը, վայելելու էր այդ արտոնութիւնը:

Մի քանի գավառակապետներ մատը կծեցին և յուրյանց գործունեութեան շրջանն ընդլայնեցին: Այս խմորը շատ ջուր կվերցնէր, ո՛վ ասես՝ կարող էր մասնակցած համարվի: Մեկը գինվորաց պաշարը կարող էր յուր գրաստովը բերած լինել, մյուսը՝ ցորեն կաղալը ջրաղացումը, երրորդը՝ գինի, արաղ ծախած կլինէր բանակումը, մի ուրիշի եզները կամ ձիանքը քրդերի ու ասպատակող թուրքերի ճանկն ընկած կլինէին պատերազմական դաշտից տուն դառնալու և այլն և այլն. հազար ու մեկ պատճառներ դժվար չէր հնարել, և ահա ամեն ոք մասնակցեց այդ մեծ գործին և մեղալ կրելու արժանացավ: Հարց ու խնդիր անողն ո՛վ է. իշխանութեան ներկայացուցիչն ինքը գավառակապետն է, յուր վկայականն է այդ առանձնաշնորհութեան արժանանալու իրավունք տվողը:

Մի քանի գավառակապետներ փոքրով չբավականացան, մեծ գին նշանակեցին մեղալի համար, ուստի և վերջումը հասկացան յուրյանց արած մեծ սխալմունքը, իսկ մեր հեռատես մովրովը Սաքոյի խորին քաղաքականութեան շնորհիվն յուր գործը բռնեց և տարավ: Մի պոլիմպերյալը մեծ բան չի, ամեն մի նախորդ էլ կարող է ճարել: Սաքոն յուր բերանացի շրջաբերականը տարածեց մեր գավառի բոլոր գյուղերը, քե՛ն ո՛վ մի պոլիմպերյալ կրէրի, նա մեղալ կստանա:

Մեղա՛լ, փոքր բան չի, կրծքին կախելու նշան ա, ամեն գյուղացու այս բանը շատ լավ հայտնի է, թե նշանավորին ոչ ոք իրավունք չունի ձեռնելու, նրանից ոչ միայն մարմնական պատիժն է բարձվում, ինքը մովրովն էլ իրավունք չունի մի մատը բարձրացնել նորա վերա: Շատ անգամ գյուղացիք ականատես են եղել, երբ մովրովն ուզեցել է մի խաչավորի, մի ավազակ նշանավորի ապտակ խփել, բայց չի համարձակվել՝ ձեռք բարձրացնելու, բավականացել է միայն բանտարկելով: Ուրեմն մեր նոր մեղալն էլ, նոցա հասկացողութեամբ, այդ իրավունքների տերն է:

Ամենքի սրտումն էլ հուսո կայծեր սկսան արժարծովի, մեղալ-ճա-

րելը հեշտացել է, պատվո ճանապարհը հարթվել է. մի պոլիմպերյալ գրտար պարտքով՝ խարջով, որտեղից և ինչպես եղավ՝ մովրովին տվիր, անունը գրվեց՝ պրծավ. մի երկու շաբաթից, ամենաշատը մի ամսից մեղալը լանջդ կզարդարե, և այնուհետև դու ազնվական ես, յուզբաշի՛ ես, բեզ՞ ես:

Թեպետ պատերազմի պատճառով Երևանա նահանգումը ոսկին շատացել էր, բայց գինը բարձր էր, թղթադրամն յուր հարգը փոքր-ինչ կորցրել էր: Հիմա ոսկի ասած բանը սև աղվեսի պես հազվագյուտ և թանկագին դարձավ. ունեցողը մեկն յուր համար ետ հրեց և մյուսներից օգտիլ մտածեց. մի պոլիմպերյալը մինչև մովրովին հասնելն և անունը գրել տալը ձագեր էր հանում, մինչև տասը մանեթի էր հասնում, մանավանդ թոռներ էլ ունենում էր, երբ հանկարծ այդ նվիրական դեղին մետաղը նպատակին չէր համապատասխանում:

Շատերը մովրովի դռանն էին իմանում, որ 184... անիծյալ թվականինն է շնորհաբաշի և զորավորը: Ծարահատյալ՝ մի-երկու մանեթ էլ նոր ավելացնելով՝ Սաքոյից առնում էին մովրովի քսակից դուրս եկած պոլիմպերյալն և կրկին նրան տանում, անունները նշանակել տալիս և աղա մովրովի քաղցր ակնարկութեան և հուսադրութեան արժանացած՝ սրտի ուրախութեամբ վերադառնում էին տուն, աչքը կթած սպասելով օրվանն և ժամուն, երբ տանուտերը հրամանաթուղթն և մեղալը՝ ձեռքին, գյուղի առաջավորների հետ կգա յուր ոտքն և յուր ձեռովը կկախի կրծքիցը:

Ոչ ոքի դժվար և ցավալի չէին թվում այն մի քանի ավելորդ մանեթները, որոնք Սաքոյի ձեռքով, իբրև թե, մտել էին մյուս պաշտոնականների ծոցը. ոչ ոք չէր էլ ցանկանում մտքովն անցկացնել, թե ազնիվ ու բարեկամասեր Սաքոն օգուտ քաղած կլինի այդ դեպքից:

Այո, լինում էին երբեմն փոքր տրտունջ հայտնողներ, թե Սաքոն չպետք է դավաճաներ հավատարիմ և սրտակից բարեկամութեանն և այնքան թանկ չպետք է առներ պոլիմպերյալը փոխելու համար, բայց դրանք էլ վերջը հիշելով Սաքոյի շերմեռանդ աշխատութիւններն և սրտառուլ եղբայրական միջնորդութիւնը, նրա մոր կաթի նման հալալ էին անում այն շնչին կոպեկները:

Այս երջանիկներից մի հանդուգն միայն ուզեցավ ընդհանուրի կարգից բացառութիւն լինել: Դա աշտարակցի Շահազիզյան-Կամսարականների սերնդից մեկն էր, որ յուր ծագման վերա մեծ համարում ունենալով՝ այլպես չէր ուզում կոչվիլ, եթե ոչ յուր անվանը մոտ յուր հոր անունը ավելացնելուց հետո՝ Շահազիզյան-Կամսարական Աշտարակցի բառերն էլ հետը կցելով: Մենք նորա երկար անվանակոչութիւնը մի փոքր

1 Հարյուրապետ, 2 Ազնվական:

կարճացնենք և վերակոչենք նրան միայն Կամսարական-Աշտարակեցի:

Հարյուր անգամ Սաքոն իբրև մոտիկ բարեկամի համոզեց մեր Կամսարական-Աշտարակեցուն, որ յուր էժանագին պոլիմպերյալովը շնորհյալանա մովրովին. բարեկամությունից խեղդվելով՝ նա խոստացավ մինչև անգամ ուրիշներից մի-երկու շահի էլ պակաս տալ 184... Թվականի պոլիմպերյալը, տասն անգամ հասկացրեց Սաքոն, որ մինչև մովրովի ոտ ու ձեռին բաժին չտա, անկարելի է մեղալի հույս ունենալը՝ անհնար եղավ: Կամսարական-Աշտարակեցին, ինչպես ասած է, սատանի ձին էր հեծել, իր ասածի էր. երևի յուր վերա մեծ վստահություն ուներ, առանց ներկայացնելու, համարձակ ներս մտավ մովրովի մոտ ու զուլխ տվեց:

— Բարև՛, Կամսարական-Աշտարակեցի, — աննշան ժպիտով խոսեցավ մովրովը, — Ի՞նչ ղուլլուղ՛:

— Քո ողջությունն, աղա՛, մեղալի համար եմ եկել, իմ անունն էլ գրի, ես ումին՞ց եմ պակաս:

Նա գրեց սեղանի վերա յուր պոլիմպերյալը:

— Ի՞նչ եք մարդի ձանձրություն տալիս, — խոժոռվեցավ մովրովը, — մի՞թե մինչև հիմա շիմացաք, որ 184... Թվականինն է հարկավոր:

— Աղա ջա՛ն, ինձ ուրիշի ոտքի մի տանիլ, քո Կամսարական-Աշտարակեցին եմ, անց կացրո՛ւ. չկար, չճարեցի, թե չէ ինձ համար մին էր:

— Շատ զուլխ մի՛ ցավացնիլ, չճարեցիր ու մեղալ էլ մի՛ քաշ անիլ, որտեղից եկել ես, այնտեղ գնա՛, ես քո գրուցարնկերը չեմ:

Կամսարականիս պոլիմպերյալը ֆոֆոաց՞ դռան տակը:

— Վեր կա՛լ դուրս կորի՛, էլ իմ երեսը չհամարձակիս գալ. մեծախոսությունը տեսե՛ք, քո Կամսարական-Աշտարակեցի՛ն եմ, շնորհք է համարում ինձ, եթե ես արժանացրել եմ յուր տանը մի անգամ իջնել. ա՛յ մեծ բան, ինձ տուն կպակասե՛ր:

Կամսարական-Աշտարակեցիս յուր լուսո նման փայլուն զուլխը քորելով, վերցրեց շեմքի մոտ ընկած պոլիմպերյալն ու փնթփնթալով և մտքումն սպառնալիքներ տալով՝ դուրս գնաց:

էլ տոհմական ազնվականս ներս չեկավ. Սաքոն փոխեց նորա պոլիմպերյալը, բայց այժմ ոչ երկու շահի պակասով, ընդհակառակն՝ մի արասի ավելով, ըստ որում, ինչպես ինքը երգմամբ հավատացնում էր, յուր վերջինն ուրիշի էր տվել, իսկ այս մեկը նրա պես ազնիվ բարեկամի սիրույն յասավուլիցը ճարեց ավելի թանկ գնով, այսինքն Կամսարականին յուր գինետանը թողեց, դուրս գնաց, մի գրպանից հանեց՝ մյուս գրպանի մեջ գրեց և բերեց:

— Վնաս չունի՛, — գուլխը շարժում էր Կամսարական-Աշտարակեցին, երկու մանեթ էլ մյուս ծառայողների համար ցնծալով, — դեռ ես մեղալն ստանամ պրծնիմ, հետո դրա ղուլլուղն իմ աչքի՛ վրա. թող չբարձենա, թե ինքը մովրով ա, ոահաթն իրան ոչինչ չի կարող անել. մըրջիմն էլ պստիկ ա, համա, ասում են՝ ասլանի անկաջն ա մտնում, էնքան գլխի վրա պտիտ-պտիտ անել տալիս խեղճ գազանին, որ շմացնում, վեր ա քցում: Զատիկ շաբաթ օրը թե անկաջը լուն կծի, թող իմանա որ ես եմ:

— Ոչի՛նչ, Կամսարակա՛ն ջան, — ճանապարհ գրեց նրան Սաքոն, — մեծավոր ա՛ կբարկանա էլ, կսիրի էլ, քեֆի վատ վախտն ես հանդիպել. ես քեզ առաջուց ասեցի, որ մի քանի շահու համար էն մարդի սիրտը չցավացնես, բայց էլ նոր որտե՞ղ, ինչ էլավ՝ էլավ, գնա քո գործին. ես հենց հիմի պոլիմպերյալը կտանեմ իրան կտամ ու անումդ գրել կտամ:

Սաքոն ճանապարհ գրեց Կամսարական-Աշտարակեցուն ու երկու պոլիմպերյալ վերցրեց մովրովի մոտ տարավ:

— Էս Կամսարականի պոլիմպերյալն, աղա ջա՛ն, մի քանի շահու համար էնպես մարդի սիրտը չպիտի կոտրեիր, նա քեզ շատ ա պետք եկել:

— Թող կորչի՛ մեծախոսը, հենց իմանա հորեղբորս որդին լիներ, այնպես էր վստահ հետս վարվում:

— Էդ թողանք, անց կացած բանին էլ օգուտ չկա, թե որ ես նրա սիրտը շառնեի՛ նրանից մեզ վնաս կգար, — խոհական նայվածքով վճռեց Սաքոն, — նրա անունը գրի՛:

— Ասենք՝ ոչինչ չէր գալ, բայց քո խաթեր համար:

— Էս մինն էլ խեչանենց խեչանի մեղալի գինը, — ժպտաց Սաքոն:

— Հա՛, վերջապես ընկա՞վ, հապա ասում էին, որ նա փառասեր մարդ չի՛:

— Դու գրի՛, աղա ջան, դու նշանակի՛, դեռ դրա համար մենք հետո կտեսնենք:

— Ինքն է եկե՞լ:

— Ո՛ր, ես ինձանից եմ տալիս, բայց դու էլ շատ մի՛ քրքրիլ, միայն մի գիր տուր Աշտարակու տանուտերի վրա, սաքի թե, դու ինքդ լսել էիր խեչանենց խեչանի կովի վախտին արած լավությունները, քեզնուքեզն արժան տեսար նրա համար մեղալ գրել: Էդ գիրն ա ինձ էս սհաթս ամենից հարկավորը, ես պտի իրիկունս Աշտարակ ըլիմ:

Սաքոն առավ այս վկայականը, ծալեց, գրպանը գրեց և ձին նստավ: Այս գիշեր նա Աշտարակումն էր:

ԱՐԵՎԸ ՎԱՏ ՏԵՂՆ ԷՐ ՄԵՐ ՄՏՆԼ

Աշունքն անց կացավ, ժողովուրդն յուր աշնանային հարկը վճարելու մնալով անջնալով շտապեցաւ. ամեն ոք յուր բերքի մի մասը ծախեց, օրինավոր հարկը վճարեց և յուր տան պակաս-պոտոր կարգի բերեց. յասավուրներն ու դազախներն այս անգամ շատ շնեղացան մարդ ձեռնելով, եղած տեղից ամեն մարդ օգուտ կտանար, հետին աղքատն էլ մի-երկու բուռ սերմն է գետին ձգում և Արարատյան աշխարհի բարեբեր ու առատաբաշխ հողի շնորհիվ յուր տարեկան ապրուստը վերցնում: Դժվարութիւնը գարունն է, որ ամեն պաշար վերջանալու վերա է լինում, ժողովուրդը դատարկածն է, երկրագործութեան անհրաժեշտ ծախքերի հետ խառնելով է գարնան հարկն և այնքան ճնշումների պատճառ դառնում:

Այս աշունքն ամենքը լի էին, պատերազմը վերջացել էր, հասարակ գյուղացին կոո ու բեգլաոհց թեթևացել էր, տարին առատ էր, ամենի ամբարն, ամենի կարասն ու քունջ ու պոռնախը լիքն էր. այդ պատճառով շատ հարսանիքներ էին լինում: Մինչև խելոքը միտք կաներ, հանկարծ լսում էին, որ գիծը տղին պսակել էր:

Այսպես էլ պատահեցավ մեր տեղանի հետ:

Նա միտք ունի ամենքից շուտ իր աղջկան ամուսնացնել, սակայն այսօր վաղը ձգելով՝ ձմեռվան ութօրեքի արագուրին՝ հասցրեց:

Մի կողմից, այնպես կարծես, թե այդ մեր Սաքոյի գործին գալիս էր. հանգամանքները, կարծես, նրան օգնում էին, յուր նպատակին հասնելու համար միջոցներն երկարանում էին, բայց իրականապես այդպես չէր դուրս գալիս, հենց իմանաս Սաքոյի մաստակն, ինչպես ասած է, ցեխն էր ընկել, չէր հաջողում:

Եթե այդ դժբախտ դեպքը մի ուրիշին պատահած լիներ, ամեն մարդ կարող էր այնպիսի անձի դրութիւնը հասկանալ, բայց Սաքոյի վերա շատ դժվար էր նկատելը. շատ խորամանկ աչք պետք է լիներ, որ կարողանար Սաքոյի անախորժ և տխուր հայացքից բան գուշակել: Բայց և այնպես մի բան բոլորի աչքից չէր փախչում, որ ամբողջ աշունքն ու ձմեռը Սաքոյի մի ոտն Աշտարակ էր՝ մյուսն յուր միկիտանխանայումը:

— Էս ի՞նչ ա պատահել քեզ, աչ Սաքո՛, էս տարի Աշտարակ շուտ-շուտ ես գնում, ջրի ճամփա ես շինել, — հարցնում էին շատերն ու բավականանում նրա տված կարճ պատասխանովը.

— Ոչինչ, տնային հանգամանքներս են:

Բայց այս տնային հանգամանքները շատ բազմաճյուղ էին, դրանք շատ գիշերներ մեր քարասիրտ Սաքոյին լացացրել են: Այնպիսի գիշերներ են եղել այս աշնանը, որ մեր Սաքոն բաց աչքով լուսացրել է, երբեմն մի տեղ ձեռքը ծնոտին ժամերով նստելով և երբեմն աշխատանքի մեջ:

— Երկուսի՛ց մեկը, կամ ես Սաքոն չեմ, կամ պետք ա ասածս անեմ. եթե իմանամ, որ թուրն երեսիս պտի խաղացնեն, ես ետ դառնողը չեմ. հանաք մասխարութիւն չի, դեռ ընչանք օրս իմ օգտիցն ոչ ով չի եկել, հիմի մի հասարակ հալիվոր պտի ինձ հաղթի՞, տեսնե՛նք: Էս ես, էս դու, ա՛յ տեղանեց տեղան, ես մտքումս դրել եմ քո մէքերին տեր դառնամ, դու ուզում ես Ծվիկէնց Սմբատին թողալ. ո՛վ տանի՛ պարծենա:

— Հը՛, սրան տե՛ս, մեղալն էլ չէիր ուղում, ո՛նց կամավորվեցիր. ախար ընչի՞ չպտի համաձայնեիր, ուրիշներն իրար գլուխ են պատում, դու հանգիստ հարկեր քո տանդ նստած՝ իրան ոտովը դուռդ եկավ. համա շատ ետ եկածն էր անիծա՛ծը, հոգիս հանեց՝ էնքան շարշարեց:

— Ոչինչ, հալալ ա, Սաքոյի շարշարանքը նրան էժան չի նստիլ, մի երկու-երեք օր ջիբիցս պոլիմպրյալ բաց թողալով, համ երկուսը տեղակը ծոցս դրի, համ էլ տեղանի աղջկա հետ նրա մուլք ու դովլաթն էլ վրեն կանենք. ասենք մի քիչ սիրուն չի, բայց ո՛վ չհարցնում՝ կուտվի, հարստութիւնը գեշին կսիրունացնի, լալին լեզու կտա, շուխին ջուխտ ոտք, քոռին էլ երկու սուր աչքեր: Ասենք մի քիչ դժար ա ձեռք ընկնում, համա մի բան որ հեշտ ճարվի, էն բանի դադրն՝ ո՛վ կիմանա. ոսկին որ հեշտ աշխատելու ըլներ, էսքան նրա համար ո՛վ գլուխ կպատոեր, ո՛վ էսպես կասովածացներ ու կսիրեր՝ ոնց որ մեր մովրովն ու ես:

Այս հուսադրութիւններով Սաքոն ոգի տուած՝ տանում էր բոլոր արգելքները. նա այն հասարակ մահկանացուներից չէր, որ կիսաճանապարհին վհատեր:

Առաջին անգամը Սաքոն չէր կարծում, թե տեղանն այն աստիճանի կղիմադրեր: Ինչպես մեզ հայտնի է, Սաքոն մեղալի ներկայացրեց տեղանին. ոչ թե մի դատարկ խոսք էր բավականացել այդ ներկայացման համար, այլ գուտ ոսկի էր տվել, 184... թվի սիրեկան պոլիմպերյալ՝ Խուսիք գորովել էր, կճուճը գտել, մովրովն ու Սաքոն լավ էին միմյանց հանդիպել. Սաքոն շատ լավ գիտեր, որ յուր աղեն իր հարազատ հորիցն էլ կաշառք կվերցնի, իր որդուն էլ աչք չի պահել, կմեռնի ու առանց փողի ոչինչ չի անիլ, էդ պատճառով էլ մի պոլիմպերյալի գլխիցը վճռեց անց կենալ: Դրա համար Սաքոն չէր ցավում, նա փոխարենը տեղանից ստանալու հույս էլ չուներ. նա կամեցավ, որ էդ մի պոլիմպերյալովը

1 Խիստ ցուրտ:

1 Արծեք:

արտի ցանկութիւնին հասնի: Բայց հենց այդ բանումն իր խոփը քարին առավ: Երկու օր ինքն ու տանուտերը մեծ աշխատելով՝ հագիվ կարողացան կտորել էն անկտորում խեղանին, որ համաձայնի մեղալ ստանալ:

Ասենք՝ այսօր նա մեղալը շառավ ու կրծքից չկախեց. դեռ ներկայացումն էր գնում, դեռ հայտնի չէր, թե ե՞րբ պիտի բաժանվեր, բայց հարկավոր էր, որ խեղանը մի դատարկ շնորհակալութիւն հայտնէր. մի խոսքն ի՞նչ է, որ նա կողքը գետինը չէր տալիս ու չէր ասում:

— Չէ՛, չէ՛ ու չէ՛, ձեզ ո՞վ խնդրեց ինձ համար մեղալ գրել տայիք. ես որ ուզենայի, մի պոլիմպրյալ կգտնեի դրա համար:

Հազար անգամ կաց ու ասա՛, թե մովրովը քաղցր աչք է ունեցել քեզ վերա, նա ինքն առանց խնդրանաց գրել է,— խեղանը հավատալ անգամ չէր ուզում, մանավանդ երբ իմացավ, թե Սաքոն է միջնորդել, սաստիկ զայրացավ, իսկ երբ միամիտ տանուտերն յուր կողմից բերանից դուրս թողեց, թե Սաքոն գրպանից պոլիմպրյալ է մսխել, բոլորովին կատաղեց. ներս մտավ խեղանը տուն, հանեց երկու պոլիմպրյալ և քաղաքավարութիւնը մոռացած՝ ձգեց Սաքոյի առաջը:

— Ես ոչովի ողորմութիւնին կարոտ չեմ. գլխներովդ դիպչի ձեր արծաթը:

Վերջապես խեղանն այլապես չկամեցավ ընդունել մեղալի առաջարկութիւնը, եթե ոչ երկու պոլիմպրյալ մեկի փոխարեն վճարելուց հետո: Մեզ այնպես է թվում՝ թե այդ Սաքոյի սրտի ուզած բանն էր. բայց ոչ, շատ տհաճությամբ վերցրեց և գրպանը դրեց նա:

Արևը վատ տեղն էր մեր մտել. էն Սաքոն, որի առաջին ոչինչ փակ դուռը չկար, որ երբեք խոսքի տակ չէր մնացել, հիմի ստիպված էր լեզուն բունը դնել և խեղանի պես մարդուն գոնն առժամանակ տեղիք տալ:

ԻՉ

ԱՆՉԱՋՈՂ ԽՆԱՄԱՆԱՍ

— Ա՛յ խեղան, — ասաց այս անցքից մի քանի օր հետո տանուտերը, — քեզ մի բան պտի ասեմ, համա բարկանաս ոչ:

— Ի՞նչ կա բարկանալու, ես գիտեմ, որ կամ աղներդ կըլնի պակաս, կամ մաղներդ, էլ ի՞նչ անօգուտ տեղ փող տալու բան կա, որ ձեր քիսին շահ չի բերիլ, իմ շլինքը կըլնեք քցում, ասա՛ տեսնեմ:

— Չէ՛, խեղան, անկաջ դի՛ր, դու ե՞րբ պտի աղջկանդ պսակես:

— Ի՞նչ կա, էս մի քանի օրս միտք ունիմ, չըլնի՞ թե պատրաստու-

թիւն ես ուզում տեսնիլ, տանուտե՛ր, ախար խաշխապեր ես, Աղաջաննեց հետ դուք ախար խաշխապեր՝ եք. գիտես, Սիմոն, շատ թանթանեք՝ մի սարքիլ, քանի կարաս՝ պակաս բռնի՛:

— Է՛հ, էդպես բաներն ամոթ ա, խեղան, ի՞նչ ծախս պտի անենք. պակենական ինչ որ տեսիլ ենք, էլի էն ճամփովը պտի գնանք. էդ ոչինչ, ես ուրիշ բան էի ասում:

— Ասա՛ տեսնեմ:

— Չի ըլնի՛լ, խեղան, որ միտքդ փոխես: Ընչանք օրս, հո գիտես, 100 մարդ քո աղջիկն ուզել ա, ես միջնորդութիւն չեմ արել: Հախ աստծու Սմբատն օրինավոր տղա ա, համա էսօր, երբ մի ավելի արժանավորն ա լիս բնկել, ես իմ աղջկա բախտավորութիւնի պես քո մինուճարին էլ բարի կկամենայի: Արի՛, խեղան, ինձ ականջ դի՛ր, խոսքդ ետ տո՛ւր, աղջկանդ ձեռաց էս մի քանի օրս պսակենք մեր Սաքոյի վրա:

— Ի՞նչ Սաքո:

— Սաքի չիմացա՛ր, մեր միկիտան Սաքոյի:

— Ի՞նչ:

— Նրա թրի երկու դիհն էլ կտրում ա, էսօր մեր մհալումը նրա պես հաջողակ տղա չկա՝ խոսքով, անումով, փողով ու երեստեղով. դու գիտես, որ գզրից բռնած ընչանք մովրովը նրա ձեռի տակին ենք, մովրովի հեւ ոնց՝ որ ես ու դուն. ախար պես հետն ախպեր ա. էն թավուր տըւհեն, որ քո փեսեն ըլի, էսօր դու մհալումն ամենի վրա երկար լեզու կունենաս: Ես իմ աստվածը, արի դու երեխիդ բախտին քացով մի՛ տալ: Աստված իր հորը բաշխի, Սմբատին էլ ես փնովում՝ չեմ, համա Երագի առաջին շախմախի չեն տալ. աստված քեզ բաշխի՝ քո աղջկանիցը սիրունն ունիս տանդ, քվերդ աղջիկն էլ տուր Սմբատին, էլի քո որդին կըլնի: Արի՛, խեղան, գոգիդ քարը վեր ածա՛, ինձ լսի՛, եկող շաբաթ երկու հարսանիքն էլ մի օր անենք, վերջացնենք: Հը՛, ի՞նչ ես սուս կացել, տեսնում եմ, որ միտքդ տարտղան՝ ա, կամքի գալու պես ես, ձեռդ տը՛ւր, առ էս մատնիքը, աստված շնհավոր անի՛, ասենք ու ծերին կապ տանք, հազիր ինքը Սաքոն էլ գեղումս ա. իրիկունս էլ իրան կբերեմ, ձեռքդ կպաշի: խեղանը լուռ էր:

— Մտիցս ընկավ, — շարունակեց տանուտերը, — ես Սաքոյի խոսքովը չեմ քեզ մոտ եկել խնամախոս. երեկ ես Սև ջրի գլխին էի, ինքը մովրովը հատուկ ինձ կանչեց, պատվիրեց, քեզ էլ շատ-շատ բարով արեց, ասում էր՝ ես հուշս ունիմ, որ խեղանն իմ խոսքիցը դուրս չի գալ, — մով-

1 Խաշխապեր կնշանակի երկուտեք կնքահարեր, որոնք փոխադարձաբար միմյանց կնքահար են: 2 Մեծ հանգես: 3 Պարսավել: 4 Համոզվիր: 5 Երկփոտ ես:

րովն ինքն էլ ուզում ա խաշխապեր կաննի: Սրանից ավելի, Խեչա՛ն, էլ ի՞նչ բախտ ես ուզում. ասում ա՛ յա գառն գյարաբ՝ յա գառն (կամ ոսկի պետք է ունենաս, կամ ույժ). դու դրանով երկուսն էլ ունենում ես. ասածու տվածիցը՝ մի կտոր հալալ հաց ունիս՝ էդ քո գառը, մովրովն էլ քեզ գո՞ւ՝ քեզ թե ու թիկունք:

Խեչանը պատասխան չտվեց:

— Հա՛, ասում ա՛ անաստված տեղը կա՞ց, անարխայ՝ տեղը մի՛ կենալ. լընի՞ թե դու քո փողովը դառահ² ըլնիս, միտք անես, թե քեզ ոչով բան չի կարող անել. մի՞տդ ա Զանգիրասարու մհալի մովրովի օյինը³, որ բերեց իր մհալի հարուստներից մնի գլուխը. անումն էլ մոռացել եմ, էն որ մի լավ քյահլան⁴ Արաբասանու ձի ուներ. մովրովն ուզեց էդ ձին՝ նա չտվեց. վերջն ի՞նչ եկավ գլուխը: Աղիս արդա անեմ, որ դու ես⁵, մի օր էլ դրա տունը կտրեցին, ինչ ուներ՝ չուներ, սրբեցին տարան ու քյահլան ձիու յալ⁶ ու պոչն⁷ էլ տակիցը խուզեցին, շինեցին նոր ցրկնած քուռակ: Գնալու վախտն էլ իրան պարզ աշկյարա ասեցին, թե էս մովրովի ինադն⁸ ա, որ քեզանից հանում ենք. թե որ շես ավատում, կուզես էգուց գնա մովրովի հավաքած ձիանոնց մազերի միջին քո քյահլանի մազերը ջոկի՛:

Ախար հո մի՞տքդ ա, Խեչա՛ն, մի տարի ամեն մհալումն էլ շուերումն արածող ձիանոնց յալ ու պոչը խուզում էին ու երկար ժամանակ շիմացվեցավ, թե էդ ի՞նչ ֆանդ⁹ էր. մին էլ էն լսեցինք, որ մովրովներն ամեն գեղերում տանուտերներին թաքուն հրաման էին տվել, որ ինչ կուզեն՝ անեն, ձիու մազ հավաքեն: Է՛, ո՞վ էր գժվել իր ձին խուզի, մովրովին տա. երեսնն գիտա, որ ձիու շենք ու շնորհքը յալ ու պոչն ա, խուզեցիր՝ նրա գինը կես փող. համա էդ տարին երեք-չորս մհալի ձիանքը բոլորը պոչիկացան: Վերջը հո իմացվեցավ, թե ինչի համար էր: Դու մի՛ ասիլ, հեքիմների պատմելով ձիու մազով շինած դոշակը¹⁰ ջանի՛¹¹ համար սաղլամոթյուն ա¹². մեր նաշանիկն էս բանն իմանում ա ու գրում մովրովներին. թե կուզեք սաղի ծակիցը հանեցե՛ք, ինձ համար ձիու մազ ճարեցե՛ք: Խեղճ մովրովներն էլ ի՞նչ անեն, ձև ու ոտ են ընկնում, ումնից ուզում են՝ մխուր շեն գալիս¹³, իրանք էլ էս խելքն են բանացնում, թաքուն մարդիկ են քցում, խուզիլ տալիս: Ի՞նչ պտի անեիր, ախպեր, տանուտերին էիր գանգատ անում, ասում էր՝ գնացեք մովրովին ասեցե՛ք, մովրովն էլ վաղի սաղն էր քոբում¹⁴, գողդ գտի՛, դիվանն անեմ, ըսուր միտքը ամեն մարդ հասկանում ա,— սաքի-թե ասում ա՛ դե՛հ, թեզով, քանի շաչ տա—

1 Անօգնական: 2 Վտահ: 3 Խաղ, հնարք: 4 Նմուշ: 5 Հայտնի լինի հարգությանը: 6 Բաշ, 7 Ագի: 8 Վրեծ: 9 Հնարք: 10 Մահիճ: 11 Անձի: 12 Առողջություն: 13 Փխտել, բացածել: 14 Նախկին նվազարանն էր հեշեցնում, այսինքն՝ սովորական խոսքերն են ասում:

մարդ թեքել չեմ՝, գլուխդ առ կորի. խալխի ճարն էլ կարում էր՝ սուս էին կենում:

— Իմ երկու ձին էլ խուզեցին,— վերջապես կամաց ասաց Խեչանը:

— Օղորմի՛ քո հորը, ո՞ւմ պտի բան ասեիր, ումնի՞ց գանգատ անեիր. թուրքավար ասած ա, թե գեղը գժվելու՝ մոլլին ա հարցնում, մոլլեն որ գժվի՝ ո՞ւմ պտի հարցնենք. հիմի մերն ա, մովրովը որ ընենց էր սուսում, մենք ի՞նչ անեինք, էլ ո՞ւմ դուռը շարդեինք: Ասենք, մովրովներն իրանք էլ մեղավոր չէին. չգիտեմ՝ ո՞ր մհալի մովրովը, քիչ մնաց, էդ պարզակ բանի համար տեղիցը սլքվում էր. նաշանիկը նրա վրա երեք փութ մազ ա քցած էլել, խեղճն երկու փթից ավել չի կարողացել ճարել. դրա վրա նեղացել ա. սաստիկ բարկացել. տանիցը դուրս արել ու քամակիցն էլ մարդ ա ղրկել, որ խնդիր տա, հեռանա, Ի՞նչ մուննաթչիք², ի՞նչ աղաչանքներ, վերջը-վերջը՝ դրան մի լավ կլպում պոկում ա, սաղ տարեն աշխատածը ձեռիցն առնում, հուսի-հուրիան³, դառը դարդակ ես ղրկում իր մհալն ու բաց թողնում ժողովրդի ջանին: Հիմի լսեցիր՝, Խեչա՛ն, որ բզի գլխին բռնցքով տալ չի ըլնիլ. երբ որ խոսքը վերեկիցն ա, դու էլ պտի լսես:

— Պրծա՛ր:

— Շատ-շատ օրինակներ կարող եմ բերել, որ մովրովին շատը վերջը փոշիմանել ա՛, համա խոսքս երկարում ա: Մի՞տդ ա մեկել տարին Փարբու տանուտերի բանը: Երկու-երեք տարի էր՝ տանուտեր էր, իր տեղը ծանր նստած՝ իր պաշտոնին էր: Շատ լավ, ասեցք թե ինքը տանուտեր նստելուս մովրովին փող տվել ա, համա էսքանը միտք շարեց, թե նոր մովրով ա փոխվել, ինձանից խեք չի տեսել, ըսեի որ լընի՛ նոր տարի ա գալիս, գատիկ, ջրօրհնեք ա գալիս, մի հարյուր մանեթ փող կապեմ, տանեմ իրան տամ՝ ձեք կտրի: Իրանից ի՞նչ պտի գնար. ասում ա՛ ինչ որ գնում ա, բաղիցն ա գնում, բաղմանչուցն ի՞նչ ա գնում. շեն կենա Փարբի գեղը, մի քանի կոռ ավելի հաշիվ կքցեր՝ համ էն փողը դուս կգար, համ էլ իր ոտի քրեհ կմնար: Զէ, մեր աղա խելոք տանուտերը ծանրագոգոթ իր տեղը նստեց. ինչքան մենք իրան քարոզեցինք՝ իլլամ⁵ չէլավ, մովրովն էլ իր մարդկանց բերանովը հասկացրեց՝ անկաջի քամակը քցեց: Մին էլ, ջանքն սան⁶, մովրով, արի՛ Փարբի նստի ու տանուտեր փոխելու հրամանը տո՛ւր: Նոր ոտին ձեռին ընկի՛, նոր պոչին գլխին արա՛, էլ ի՞նչ կօգտես, փող ունիս՝ մեղտեղ արի՛: Է՛, դու ինձ ասա՛, Խեչա՛ն, էն նեղ ժամանակը որտեղի՞ց պտի փող ճարեր, առաջվա իրավունքը ձեռին

1 Քանի չեմ պատժել: 2 Միջնորդներ: 3 Վերջին կտոր հացից ղրկած, մերկացրած: 4 Զղաջել: 5 Ծար: 6 Կեղցե՛ս:

պտի ունենար, որ քարի տակիցը հաներ: Ընչանք մեր տանուտերը փող
զաավ, մովրովն իր կողմից ուրիշ տանուտերացուք մեջտեղ հանեց:

— Վե՞քը:

— Վերջն էն, որ գեղն երեք կտոր արեց. մի մասը հնին էր ուզում,
մնացած երկուսն էլ մեկեկներին: Ղոչաղ¹ մովրովն էլ ամեն մեկիցն 300-
ական մանեթ առավ, երեքին էլ խոսք տվեց. մին էլ էն լսեցինք, որ Փար-
բու պես մի բուռ գեղն երեք տանուտեր ունի: Աշխարհքը մնաց զարմա-
ցած, թե էս ինչպե՞ս կարելի ա, համա երկու շաբթից հետո՝ ամենքն էլ
գլխի ընկան: Գու մի՛ ասիլ, մովրովն ընենց ա սարբում, որ էդ երեք թայ-
ֆեն էլ գալիս խնդիր են տալիս, թե գեղը ձեռաց գնում ա, տանուտերների
մեջը համաձայնություն չի ըլնում, աստու սեբը, մովրովը խնամք անի
իրանց, էլ ետ երեք տանուտերից մնին թողա: Կրկին լսեցինք, որ էն երեք
խեղճ հներին էլ հանել ա, մի ուրիշի դրել ու 400 մանեթ էլ էս նորիցն
առել: Բանն ընենց դուս եկավ, որ էս նոր ընտրվածն էլ անհասկացողի
մինն ա ըլնում, երեք-չորս ամսից հետո դրան էլ գեղցոնց խնդրովը
դուս ա քցում ու էլի հառաջվան մեր խելոքին դնում ու 300 մանեթ էլ նոր
առնում: Հիմի լսեցի՞ր, խեչա՛ն, որ մենձի ասածը պտի կատարենք, թե
չէ գլխներս կցավի. դու էլ ինձ լսի՛ր, մովրովի աչքը վրե՛դ մի՛ ծախ, Սա-
բույին փեսա շինի, աստված էրածն օրհնի:

— էլ բան մնա՞ց:

— էլ ոչի՛նչ:

— Ի՛ն հիմի դու ինձ լսի՛ր, վեր կաց գնա՛ քո Սաբույին ասա՝ համով
հարկևորով՝ որտեղից եկել ա՝ դեմը գնա, օխտը քոտ աղչիկ ունենամ՝
մինն իրան շեմ տալ: Դրա համա՞ր էր մեղալի թուղթն ինձ համար բերել.
հենց իմացավ, թե երկու ոսկին որ իբան տվի, էն ա իր արտին էլ սին
էլավ. երբ որ նս մեղալ քաշ անեմ, թող էն օրն էլ ինքը պարծենա, թե
ինձ ողորմություն արեց, ինձ համար մեղալ բերել տվեց. ես էն ոսկիքը
գլխիցս ուղ անելու համար իրան սեցրի՞, հիմի հասկացա՞ր, տանուտեր.
Սիմո՛ն:

— Հասկացա՛, համա լավ շես անում, խեչա՛ն, մեղքը քո շլինքը:

— Հիմի ուրիշ բան լսի՛ր. էս ա՝ ութօրեքը վերջանում ա, հինգ-վեց
օրից խաշախպեր ես, Սաբույին բան շասես. մի իրիկուն հարսանիքը կը-
նստացնենք, մեկել օրն ամենի հաշտցն էլ իմ տանիցը կվերանա. հիմի
բարով եկա՛ր:

— Թաք ըտենց ըլի, խեղճ ա էն աղչիկը, ծակ բերանը նրա վրա
խոսաց:

— Ճամփի կիսիցը ետ դառնալը նամարդություն ա, քի՛նչ, ուրիշ
հնարք գործ կգնենք, աստմերն հույս ա տալիս,— վհուկ Սաբուն տանու-
տերից խեչանի բացասականը լսելուց հետո և ձին հեծավ ու դեպի Սև ջրի
գլուխը:

Ի՛ն

ՅԱՏԱՌ ՈՐԴԻՆ

Մի քանի օր Սաբուն մտածեց հանգիստ տալ չուք երեքյալ և տա-
տանյալ մտքին, տանուտերը խաբել էր, որ խեչանի ասելով նա էլ էս տա-
րի իր աղջկանը պսակելու չի, ուրեմն շտապելու կարիք չկար:

Այս ապահով դրություն մեջ նա մի շաբաթի շափ, համարյա՛, մո-
ռացավ Աշտարակը, խեչանին, չուք հարստությունեք և այլն:

Մի երեկո, մովրովի մոտ եղած ժամանակը, հանկարծ խոսքը կրկին
խեչանի վրա եկավ, մովրովը հիշեց Սաբույի խոստմունքը, զարմացավ
նրա թույլ շարժվելու վերա, նախատեց, որ խեչանին թափարոգ ձգելու տը-
ված խոսքից հետո՝ ահա երկու ամիս է անցել, մեղալի էլ ներկայացրեց,
բայց, այնուամենայնիվ, ոչինչ օգուտ գեռ չի դուրս եկել:

— Շատին համբերել ես՝ քի՛ն էլ համբերի, գլխիդ մատա՛ղ, Սաբոյ
էն ջանավարը՛ չի, որ բան մոռանա, կամ որսը ձեռքիցը բաց թողա. էն-
պես գիտեցիր, որ խեչանը ձանգեթիդ միջին հուսի տված ունիս:

Այսպիսի մի քանի խոսքերով Սաբուն ցանեց մովրովին ու շտապեց
դուրս գալ: Մի ահագին զավառի կառավարիչը շկարողացավ հասկանալ,
որ իր սիրելին իրան խաբում, արածացնում է:

Կես ժամ չէր անցել, որ Սաբուն սրտատրոփ, մեռելի գույն առած, աշ-
չերն արենկալած, շփթություն մեջ՝ կրկին ընկավ մովրովի մոտ:

— Աղա ջա՛ն, գլխիդ մատա՛ղ, օգնի՛:

— Ի՛նչ կա:

— Ես կես սհաթ առաջ քարոզում էի, որ համբերես, բայց բանն ուրիշ
տեսակ ա էլել, թե էս էրկու օրը խեչանին հավի ճատի պես մեր ձեռու-
մը կարացինք բռնել՝ շատ լա՛վ, թե չէ՝ դժի պես դուրս կթուշի ու մեր աշ-
խատանքը չուրը կերթա:

— Ի՛նչ ես ասում, ո՞ւմ ձեռիցն ա դուրս թուշելու, ի՞՞մ:

— Հա՛, գլխիդ մատա՛ղ, հա՛, քո՛ մի սաղ մհալի տիրոնը ձեռից:

— Ինչպե՞ս:

— Երկար հարցմունքներ մի՛ անիլ, որ ասում եմ՝ դու էլ ավատա, իմացի՛ր, որ Սաքոն մի տականի՛ չի. դու էս սհաթս մի բարովագիր գրի՛ էջմիածին՝ մեր մհալի գործակալ վարդապետին, խնդրի՛, որ ինչ կուզի անի, միայն թե աշտարակցի տեղանենց տեղանի աղջկա պսակը քանդի. քո կողմից մի հրաման էլ Աշտարակու տանուտերին գրի՛, որ բան ա՛ եթե վարդապետը քո խնդիրը չկատարեց, յա թե որ տերտերը չուզենա գործակալի հրամանին լսելու, տանուտերն եկեղծցու դուր փակի ու շրթողա պսակելու:

— Չեմ հասկանում, Սաքո՛, ի՞նչ ես ասում:

— Վարդապետին գրի, որ դու լսել ես. թե էս գործի մեջն արնի բան կա, մարդասպանությունի նշաններ են երևացել ու դու միտք ունիս՝ լավ քննել իմանալ, հետո գործին ձեռք տալ:

— Ի՞նչ ես ասում, նկատում եմ, որ դու խելթիդ չես:

— Գրի՛, որ էս բաներն իր մեջ թաքուն խոստովանքի պես պահի ու իր կողմանն հրամանի մեջը գրի տերտերին, թե ինքը լսել ա, որ տեղանի աղջկա պսակի մեջ չհասություն կա՝ դրա հումար ա արգելում:

— Պարզ խոսի՛ր, ա՛յ տղա, Սաքո՛:

— Գրի՛, որ սաքի դու էլ քո կողմից նրանց չհասությունը լսել ես ու իրան գործակալին հայտնում ես, համ էլ դու շեռ ցանկանում, որ էս պսակը գլուխ գա:

— Ի՞նչ՝ եղավ քեզ, Սաքո՛, այդ դրություն մեջ առաջինն է, որ բեղ տեսնում եմ. մի փոքր հանգստացի՛ր, կարգով ասելիքդ պատմի՛ր, որ ես էլ բան հասկանամ:

— Ոտներիդ դուրբան, աղա ջան, ինձ երկար հարցուփորձ մի՛ անիլ, ինչ որ խնդրեցի՝ շուտ գրի՛ ու ինձ տո՛ւր. ասում եմ, որ թե էս երկու օրս տեղանին շրտնեցինք, մեր բանը շատ վատ կերթա, հիմի էլ խոսացնելու վախտը չի. ես հենց հիմի կերթամ էջմիածին, ինչ որ պետքն ա՛ կանեմ, մեր առաջին գործն էս պտի ըլնի՛, սհաթ կորցնելու ժամանակը չի:

Սաքոն շոքեց մովրովի առաջին ու ծունկը համբուրեց և այս բարասիրտ մարդու աչքերին արտասունքի կաթիլներ երևեցան:

— Վեր կա՛ց, վեր կա՛ց, — հրամայեց մովրովը, — իսկույն խնդրածներդ կատանաս:

— Դե, ընչանք քո գլուխը ծնելն ես էստեղ կըլնեմ, — ասաց Սաքոն ու դուրս ընկավ:

Մովրովը մի քանի անգամ ուտերը վեց քաշեց ։ Սաքոյի ազդեցության տակ ոչինչ երկար մտածել չուզեց. — երևի մի վտանգ կա, որ ուզում է Սաքոն առաջն անել: — Այս խոսքերով նա կանչեց գրագրին ու հրամաններ ինչպիսիք:

Ինչպես վերն ասացինք, կես ժամ այս գործողությունից առաջ Սաքոն շատ հանգիստ սրտով խաբեց մովրովին՝ տեղանին թակարդ ձգելու վերաբերությամբ:

Նա խորամանկ ժպիտով դառնում էր ինքնաբավական դեպի յուր գինետունը և ճանապարհին ծիծաղում մովրովի դյուրահավատության վրա:

— Ո՞նց չէ, գոգո դեմ արա՛, թե ես տեղանի աղջիկը կանեմ, դու շատ խեղ դուս կտանիս. մենձ բան էր, որ մովրով ես. քեզ պես մի քանիսին ենք տեսել. թե մի քիչ էլ շատ կխոսաս՝ արածներիդ կծիկը բաց կանեմ, մեջը կհճճվիս, կմճճվիս ու էլ չես կարող դուս գալ: Բայց թե որ աստված գլխիս կխոսովի, Սաքոն Սաքո չի ըլնիլ, մտքիս դրածը գլուխ չեմ կարող բերիլ, էն վախտը շինքս ծռած՝ փեշիցդ ճուղակ կլնեմ, երկուսս մին կըլնենք, մեր աղա տեղանի բողազին հենց հուպ կտանք, որ աչքերը գազաթը կթռչին:

Այս խոսքերով նա ոտքը ներս դրեց գինետունն և նրա առաջին՝ ինչպես գետնից՝ բուսավ աշտարակցի տատմոր տղեն:

Այս տատմեր կամ մանկաբարձ կոչվածը տղամարդի նման մի միջահասակ կին էր Աշտարակումը: Ցուր այրիանալուց հետո մանկաբարձություն մեջ գործնականապես վարժվել էր և ամեն դուռն յուր համար բացվել էր: Նա չէր նմանում յուր համասեռներին, ոչ ոքի մոտ նրա սեկտավյա քնթիկը քթի ծայրին չէր դիպել՝ ինչպես առհասարակ կանացի ամոթիաժություն նշանն է. յուր կնքահոր մոտ էլ բարձր ձայնով էր խոսում և յուր խոսքերի մեջ այնպիսի խեղկատակ բաներ էր գործ ածում, որ ծերունիների և պատկառելի անձանց զղվանքն էր զարթեցնում. իսկ պատանիների և թեթևամիտների ծիծաղը շարժում: Շուտով տատմերն յուր շրջակայքը ժողովեց գիշերաշրջիկ երիտասարդներին և նրանց հաճույքներն ի գլուխ բերելու էր ծառայում: Սա չեմ ասում, թե Աշտարակումը բարոյականությունն այդ աստիճան խանդարյալ դրության մեջ էր. մեծ մասամբ տատմերը պարապում էր ազափ տղայք ու ազափ աղջիկներ սիրահարեցնելով և նոցանցից միմյանց մեջ խոսքեր տանել-բերելով, քան թե սրբության դեմ մեղանչիլով. թեպետ ըստ առածին՝ «Ծրուսաղեմ էլ առանց շների չէր»:

Մի քանի տան խաղաղությունն այդ անպիտան տատմոր շնորհիվ

վրդովվեցավ, նրա արվեստն ակնհայտնի իմացվեցավ և նա պարկեշտա- սեր աշտարակցիների տներումն զգուշալի երևեցավ:

Այնուհետև տառամեր լեղվադարությամբ էր պարապում, սիրելի բա- րեկամների մեջ ատելություն էր սերմանում, մեկին մյուսի հետ կովաց- նում. էր, լրտեսություն էր անում և ուրիշների տան գաղտնիքը դուրս խլում:

Սույն իսկ կնոջը վարձել էր՝ Սաքոն, լրտես էր կարգել Խեչանի տան վերա՝ Հեղնարի սիրտն յուր վերա տաքացնել և Սմբատին ատել տալու պատվերներ էր տվել, մեծ-մեծ պարզներ խոստանալով:

Ահա այս կնոջ որդին էր, որ գինետանը դիմալորեց Սաքոյին:

— Ի՞նչ կա, խե՛ր ըլի էս վախտ էսպես անժամանակ:

— Մերս ասում էր՝ գլուխդ էդտեղ թրջի, էստեղ վեր արա՛, էս իրի- կուն Խեչանի աղջկա հարսանիքը նստում ա, էգուց պաի պսակվի:

— Ի՞նչ ես ասում.— զարմացավ Սաքոն,— Խեչանն էս տարի աղջը- կանը պսակելու միտք չունի:

— Չէ՛, աղա ջան, թագավորը (Նորափեսան) Մոզի գնաց, ես դեսն եկա:

— Բաս նո՞ր եք իմաց տալիս,— գոչեց Սաքոն կատաղաբար:

— Ոչով չէր իմանում, տաշտադրեք էլ շեն արել, հարսանիքի մսա- ցուն էլ առանց դափ ու զուռնի են մորթի:

— Գնա՛, կորի դժոխքի տակը,— բարկացավ Սաքոն և առանց տղա- չի վերա ուշ դարձնելու՝ դուրս ընկավ ու վազեց մովրովի մոտ:

Հետևանքը մեզ հայտնի է. Սաքոն մովրովից երկու թղթերը գրելու խոսքն առած՝ էլ ետ գինետուն վազեց:

— Ետ դա՛ն էս րոպեիս, գնա՛ Աշտարակ, թող ոչով չիմանա, որ դու էս կողմն ես եկել. թե մի մարդ էս բանի հոտն առել ա, ձեք տունը ձեք գլխին կբանդեմ. մորդ ասա՛ ոնց կուզի անի,— իրան քցի հարսանքա- տուն, հարսին բալքի տեսնի, բալքի կարողանա իմ ասածներս գլուխ բե- րել. ինքը գիտի, ասա՛ թող ինչ որ անց կենա՛ աղջից շփախցնի: Ահա առ, էս երկու մանեթը, տար մորդ տո՛ւր. թող իրան քեթկալագին անի:

Այս խոսքերով ճանապարհ գրեց Սաքոն տատմոր որդուն և ինքը լիբդապատառ տուն ընկավ կրկին մովրովի մոտ:

Համարյա թե հափշտակեց և ոչ համեստությամբ առավ մովրովի ձեռքից նվիրական թղթերը, թուով ձուռ քամակը և երեսն ուղղեց դեպի էջմիածին:

Չյունն երկիրը պատած էր, գիշերը բավականին պարզկա՛ էր, եր- կընքումն ամպի կտոր չէր երևում. լուսինը յուր բոլոր շնորհքը, կարծես, այս գիշեր կամեցել էր ցույց տալ, նա փայլը սփռելով ձնի թերթիկների վերա, գիշերվան մթության մեջն էլ պեծերը մարդու աչքեր խտղտում էին. ճանապարհը լավ կտորված էր և լուսնի լուսով պարզ երևում էր. լուս- թյունն ամբողջ աշխարհը բռնել էր, ամեն շունչ կենդանի յուր համար մի ապաստարան էր գտել՝ մեջը մտել, ոչինչ շշուկ չէր խանգարում բը- նության մեռելությունը: Քաղցած գալլեքն էլ, երևի, իրանց համեղ որսի հոտը չէին առել Արարատյան ընդարձակ դաշտի վերա, որ թողել հեռացել էին էջմիածնի տափարակի վրայից. միմիայն Սաքոյի ձուռ ոտի ճրո- վողյունն էր, որ պարզկալի շնորհիվ կտորված կիթառի նման միանվազ ծորում էր: Գյուղերին մոտեցած ժամանակն երբեմն այս միակերպու- թյունը ընդհատվում էր գյուղական գամփոնների ոռնոցներովը, որոնք ավելի օրուշի՞ էին հաշում, քան թե մի որոշ նպատակավ:

Այս ամենի վերա Սաքոն ուշք չէր դարձնում, նա մտքով գործակալի մոտ յուր փաստերն էր առաջ բերում, յուր խոսելիք ճառն էր պատրաս- տում, իսկ կրնկներով խեղճ ձիու փոնչոցը ոտքերի ձայնի հետ խառնում: Բավական հեռու տեղից լուսնի պարզ լուսովը վերջապես Սաքոյի աչքին ընկավ էջմիածնի գմբեթի փայլուն գլուխն և նրա ձեռքն ակամա- յից հայ-բրիտանոնեի սովորության ազդեցությամբ երեսին բարձրացավ: — Սուրբ Իշմանտեղի լիս գագա՛թ, քո զորությունին մատա՛ղ, զու էս բանը գլուխ բերե՛ս:

Սաքոն որքան և անգարձ ու կամակոր, տնքանդ, որքան և ամեն սըր- բություն ոտքի տակ տված անխղճի մեկը, որքան և համոզմունքը խախտ- ված, այնուամենայնիվ, նա ազատ չէր նախապաշարմունքից, նա հաճախ շարագործություն անելուս էլ սրբերի օգնականությունն էր խնդրում:

Բավականին գիշեր էր անցել, որ Սաքոն իջավ Վաղարշապատի հը- րապարակում շինած հասարակաց զոմի դռանը, ձին կապեց և յուր քայ- լերն ուղղեց դեպի Ղազարապատ, ուր բնակվում էր գործակալ հայր- սուրբը:

Դոնապանը, նստած դռան քամակի քարե նստարանի վերա, խորդում էր երազների մեջ. մեծ երկփեղկյան գուռն, իհարկե, վազուց փու- կած էր:

Սաքոն մի-երկու անգամ բախեց դուռը:

— Ո՞վ է,— հորանջելով աչքերը տրորեց դռնապանը:

— Դուռը բաց, մղձախ՝, գործակալ հայրսուրբի մոտ եմ եկել, մով-րովից վազ թուղթ ունիմ տալու:

— Դու ո՞վ ես, լասավուլ ե՞ս, ի՞նչ ես:

— Ես միկիտան Սաքոն եմ:

— Արի՛,— փնթփնթալով դռնակը էտ քաշեց դռնապանը, շա՛տ կը-վարթնացնես:

Սաքոն բարձրացավ պատշգամբի վերա և բախեց գործակալի սե-նեկի դուռը:

Բայց թե ի՞նչ գործ ուներ գավառի գործակալը Ղազարուպատումը, ո՞ր է նրա բնակության տեղը, ի՞նչ է նրա գործը և հարաբերությունը ժողովրդի հետ՝ մենք թողենք Սաքոյին դուռը բախելու և այդ բանի վերա փոքր-ինչ բացատրություն տանք:

Գործակալ կամ բարեկարգ՝ սոքա են ամբողջ գավառի հոգևոր գոր-ծերի անմիջական կառավարիչները, սոքա են առաջին դուռն, ուստի պետք է մուտք գտնենք դեպի մեր հոգևոր բարձրագույն իշխանությունը. սոքա են քահանաներից հետո ժողովրդյան հոգևոր ներկայացուցիչները, ժողովրդին առաքինության և աստվածապաշտության ճանապարհը բերող-ները, գյուղացվոց հոգեկան ցավերին դարման տանողները, նրանց նե-ղությունց մեջ մխիթարողները և միևնույն ժամանակը ժողովրդից հոգե-վոր իշխանությանը հասանելիք պտուղ և ամեն տուրքերն ստացողները:

Այս արդյունավետ պաշտոնի մեջ ընդհանրապես վարդապետներ են նշանակվում և կոչվում են գործակալ, իսկ հեռատես և մարդաճանաչ ներսես Ե. Աշտարակեցի կաթողիկոսը ղեղձումներ արեց և քահանաներ կարգեց, որոնք կոչվեցան բարեկարգ. տեղ-տեղ էլ բոլորովին աշխար-հականների հանձնեց այդ իրավունքը՝ հոգևոր գործոց վերաբեռնուլ ան-վամբ:

Ներսեսի մահից հետո դարձյալ նախկին կարգը մտավ, աշխար-հականներն ու քահանայք ետ մղվեցան և դարձյալ վարդապետներն յուր-յանց պաշտոնը ճանաչեցին, թեպետ ոչ առանց սակավամասն բացա-ռության. մի քանի տեղեր քահանայք բարեկարգ մնացին:

Ներկա վեհ հայրապետը նույնպես քահանաներին վարդապետներից զերազասեց: Այս մասի մեջ խոհական մեծ դիտապետների տնօրինու-թյունները հարգելի են: Փորձը շատ անգամ ցույց է տվել, որ միշտ քա-հանայք և աշխարհականք ավելի սակավ պահանջելովն էլ վարդապետնե-րից շատ արդյունք են ցույց տվել:

Էջմիածնի միաբան վարդապետը գործակալություն ստանալուն պես ձիավորվում էր, մի թվանքչի էր վերցնում իրեն շարունակ ծառայելու և յուր բնակարանը փոխում էր էջմիածնական խցից գավառի մեջ գտնու-ված մի վանք, իսկ ի՞նչ ալուպիսին չկար՝ յուր ընտրած մի գյուղ յուր նախածանոթներից մեկի մոտ, կամ ուղղակի երեսփոխանի տունը:

Այդ տեղերից նա ավելի հարմարություն էր ունենում ձիու վերա նստած՝ շարունակ յուր գավառի գյուղերն այցելելու, յուր հոգևոր զավա-կացն ուրախացնելու:

Ամեն մի գյուղ գալուն պես՝ կրեցփոխը քահանաներով և մի քանի իշխաններով դիմավորում էր գործակալ հայրսուրբին, ընդունում նրան և յուր տանն իջեցնում:

Հայրսուրբը քննում էր բոլոր հոգևոր պործերը, ժողովում արդյունք-ները, ուղարկում ուր հարկն էր և մի քանի օր մեծ պատիվներ ստանա-լուց հետո՝ ուղևորվում դեպի մի ուրիշ գյուղ:

Այս, իհարկն, ավելի ամառներն է պատահում. ձմեռն ընդհանրա-պես հայրսուրբն յուր կացարանումն է և գործ ունեցողները նրա մոտ են գնում:

Մեծ են գործակալ հայրսուրբների պարտավորությունները, դժվար է և սրանց դրությունը: Իբրև վարդապետ, հոգևոր հայր, նոքա պետք է ժողովրդին ոչ թե նեղություն պատճառեն, այլև տեղն ընկած միջոցը ձեռքից եկածին շափ յուրյանց կողմից օգնություն հասնին: Բայց իբրև գործակալ, հոգևոր շահերի պաշտպան, նոքա պիտի նեղացնեն ժողովրդ-դին, ստիպեն շատ արդյունքներ տալ, աշխատին վանքական եկամուտ-ները շատացնել:

Ահա այն դժվար դրությունը, որի մեջ կաշկանդված է մեր հայր-սուրբը: Բայց տարաբախտաբար պետք է պարզ խոսենք, որ շատ հազիվ կգտնվի այնպիսի բարեխիղճ գործակալ, որ յուր երկու պարտավորու-թյունն ևս հիշելով, աշխատի յուր հեղահամբույր բնավորությամբ, յուր ազդու քարոզներովն, յուր անշահասեր հատկությունովը, մի խոսքով՝ յուր կյանքի օրինակովը հեշտացնել, անզգալի անել իրեն հանձնած հոտի ծանրությունը:

Այո՛, ժողովուրդը ճնշված է, ինչպես տեսնում ենք, մովրովների հարստահարությանց ներքո. շատ անգամ զանազան դժբախտ դեպքերի՝ երաշտությունների, մարախի և այլ ձախորդ պատահարների պատճա-ռով ժողովուրդը յուր գերդաստանն անզամ դժվարանում է կտուավարել, բայց եթե գործակալները գիտենային վարվել բարեպաշտ ու ջերմհոանդ հայ ժողովրդի հետ, վերջիններս յուրյանց բերանից կկտրեին և յուրյանց հոգևոր հասույթը կտային:

Յավոք սրտի պիտի ասեմ, որ վերոգրյալ եղանակով սակավ է գործ տեսնվում. գործակալն երևում է գավառումն իբրև մի երկրորդ մովրով. յուր հետ ունելով թվանքչին՝ շատ տեղ նրան յասավուլի փոխարեն է գործ գնում. պտղի, պսակաճարկ, հոգեբաժին և այլ ամենայն վանքական հասանելիք շատ գյուղերում գործակալն առնում է կրկնապատիկը. մանավանդ պսակահարկ և հոգեբաժին պահանջելու շատ նեղացնում է խեղճ ուսմկին:

Ես ականատես եմ եղել մի-երկու հայրսուրբների, որոնք արտասուք են կաթեցրել թշվառ գյուղացու աչքերից. հազար անգամ ողորմելիքն հրդավել են նրանց սուրբ կարգովը, որ էլ ավելի շունեն՝ ինչքան բերել են, բայց հայրսուրբը չի հավատացել, լսել անգամ չի կամեցել, բարկացել և դուրս է վռնդել:

— Գնա՛, որտեղի՛ց կուզես՝ ճարի՛ր, բե՛ր, աթոռահարկը տո՛ւր և հետո պսակիդ հրամանը կամ ննջեցելույդ յոթը կատարելու իրավունքն ստացի՛ր. եթե իմ ուզած փողը չես բերիլ, որդիդ, կամ եղբայրդ կմնա անպսակ և ննջեցյալդ կզրկվի դրախտից: Մեծ բան է, թե պարտքի տակ ես ընկել. որտեղ 100 մանեթ պարտք կա՝ թող 10-ն էլ ավելի լինի:

Ահա գործակալ հայրսուրբի պատասխանը, ահա իսկ և իսկ այն խոսքերը, որ գրագիր հերոսը մսխեց գյուղացի տանուտերի մոտ:

Ի՞նչ անի խեղճ գյուղացին. նրա եղբայրը մի՞թե թուրք է, որ անպսակ մնա, իսկ նրա աչիզ ննջեցյալին յոթը չկատարելով դրախտից զրկելը նրա վերա սարսափ է բերում. գործակալ հայրսուրբի հրամանավր քահանան իրավունք չունի ոչ մի մեռելի յոթը կատարել, մինչև որ աթոռահարկը վճարելու ապահովագիրը չբերեն: Զա՛նը դուրս գա, թող աղքատը գնա, որտեղից կուզի, ճարի, տա, բայց ո՛րտեղից ճարի. օտար գյուղ, օտար մարդիկ. խեղճ գեղջուկը մի օրվան ճանապարհը բքի ու ձյունի պատճառով երկու օրն է ոտքով եկել, փոքր մնաց բքից խեղդվում էր և այժմ ինչպե՞ս վերադառնա գյուղն և գա:

Ճարը հատած՝ քաշվում է խղճուկը մի կողմը, գլուխը պատին դեմ տալիս և յուր սրտի կսկիծը լացով աշխատում թեթևացնել:

Գործակալ հայրն այս ամենը տեսնում է, նրա սպասավորը հեռվից հետևում է գյուղացու գործողություններին: Երբ սուրբ հայրը հավաստիացավ, որ մարդու մոտ արդարև թաքցրած փող չկա, նա ուղարկում է յուր հավատարմին՝ իբրև սրտացավի տեղեկանալ մեր լալկանի վշտերիցն և կարեկցել նրան:

— Ախպեր, ընչի՞ ես լաց ըլում, ո՞վ ա քեզ վիրավորել, — մոտենում է նրան վարդապետի ծառան:

— Խուրբա՛ն քզի, իմա՛լ՝ էնեմ, օր չի լամ, — պատասխանում է ապարանցի ուսմկը, — չեմ գինա² դո՞ր³ կորսվիմ. էկեր ենք խրա՛ մըր խայրսուրբ, ծառա եմ էնոր աշուն, ճիծս⁵ կարգելու խրամանք կուզենք (կամ հոգեբաժին), եղած-չեղած մըր քիսի փարան, մըր քյասիր տեղով, խինգ մանեթ էր, մկա տաս մանեթ կուզա՛ խրամանք չի տա. ես հո՛ւսս⁶ չարեմ. մըր գեղ չենք, հորթա⁷ գլուխս ի քարեքար տինք⁸, գտնելինք, իդա⁹ տեղ լե մըզի ոչ բարեկամ, ոչ ճանանչ ունենք, իդա ձուև-ձմառն, իդա բորյագին¹⁰ ես կրնա՞մ մեկ լե դառնալ մըր գեղ ու գալ, սրբբ կարաբեդ լե գինա, որ փշուր մը¹¹ մացավ¹², բուք մըզի խեղդեր:

— Ո՞ր գեղիցն ես:
— Աստվածընկալու¹³ ինք, խուրբա՛ն, մըր վանք քո մուրանտն¹⁴ ի տա:
— Գիտես, ախպե՛ր, — գթաց անծանոթը, — սիրտս ցավեց քեզ համար, ուզում եմ քեզ օգնեմ, թե որ դու հայրսուրբին կխնդրես, որ նա գրի ձեր տերտերին, թե ընչանք քեզանից հինգ մանեթ շառնի, քո հարկը չըկատարի, ես քեզ հինգ մանեթ պարտք կտամ, տար գործակալին տուր, հրամանդ առ. գնա՛, խեղճ ես, դարիք ես: Ես քեզ էս լավությունը կանեմ. դու էլ ինձ համար եղից, պանրից, հավից, ինչ կուզես փեշքյաշ¹⁵ ղրկի փողի հետ:

— Օտացդ¹⁶ մեռնիմ աղա՛՛ եսիր¹⁷ կթափես, վըր իմ ջուխտ աշուշ¹⁸ թո¹⁹ էղնի, դու գմըր բան յուլա տար, մընք լե հորթա գացինք մըր գեղ, իմալ եղնի, ճարինք զքո փարեն, տերտրոնչ ի տանք, խետ լե խինգ նուգի²⁰ եղ, երկու խիտր²¹ պանիր քըզի փեշքեշ համա դու զքու անում մըզի բախշա՛, հոր իմանանք, թե վիր²² կուշտ խրկենք:

— Վնաս չունի, դու ղրկի հայրսուրբի անումովն, ինձ կհասնի:
— Աղեկ²³, խուրբա՛ն արևուդ:

Գյուղացին տասը մանեթը գործակալին տվեց, հրամանն ստացավ, բայց մի ուրիշ թղթի վիրա գրած էր, որ մինչև այս գրաբերից հինգ մանեթ փող, հինգ նուգի եղ, երկու լիտր պանիր շտանա, հարկը չկատարի. ստացած ռուպին էլ իրան հասցնի:

Մենք, իհարկե, իմացանք բանի որպիսությունը. ապարանցու անծանոթ բարերարը՝ վարդապետի ծառան յուր տիրոջից հինգ մանեթ ստացավ ու դուրս գնաց, յուր անունովը գյուղացուն պարտք տվեց, յուղու պանիրն էլ տոկոսիք ստանալով:

Այս իսկ և իսկ մովրովի և Սաբոյի մեջ կատարված ոսկիների փոխի-

1 Ինչպե՞ս: 2 Ձգտեմ: 3 Ո՞ր: 4 Մոտ: 5 Արդիս: 6 Որտեղից: 7 Ար: 8 Տալի: 9 Այս: 10 Բուք: 11 Փոքր-ինչ: 12 Մնաց: 13 Աստվածընկալ մի վանք է Ապարանումը, որի անունով և մոտ գյուղն է կոչվում: 14 Մուրազ, խեղդվածք: 15 Պարգև: 16 Ոտքերից: 17 Գեթի: 18 Աչքերս: 19 Թող: 20 Զափ է: 21 Կիտր: 22 Ում: 23 Լավ:

լու նկարագիրը չէ՞, ընթերցող, քեզ եմ հարցնում. հայր գործակալն ինչու՞ վ է վանազանվում մի շահամու մովրովից:

Գուցե կկարծեք, որ այդ բոլոր ստացած հասույթներն և աթոռահարկը գործակալը ճշտությամբ տեղ է հասցնում: Քա՛վ լիցի, շատ կսխալվիք: Էջմիածնապատկան պապի կոչեցյալ տուրքի քանակությունը որոշված է, իսկ մեր հայրսուրբը կրկնապատիկն է ստացել. աթոռահարկն յուր ազատ կամքին է թողած՝ ստանալ յուրաքանչյուր մարդուց ըստ կարողության, առանց ճնշելու, և նեղություն պատճառելու: Եվ որպեսզի ոճիր կամ գողություն չգործվի, պատվիրած է գործակալներին տերտերների անունով տրված պսակի կամ յոթը կատարելու հրամանաթղթի մեջ նշանակել ստացած աթոռահարկի որքանությունը:

Գործակալն իսկությունամբ կատարում է այդ կետը. բայց ինչպե՞ս. — փոխանակ ստացած տասը մանեթի՝ նա պատվիրում է յուր գրուղորին Լրեք մանեթ նշանակել:

Ծիծաղելի էր մի անգրագետ գործակալի արարքը. գյուղացու մոտ յուր գողությունը ծածկելու համար նա սկսում էր երգելով ասել այբուբենը. ո՛ր գրի վերա կանգնեց ու այն տառը մի քանի անգամ կրկնեց, այդ ասել էր, թե այսքան մանեթ նշանակիր:

Աստուծո տվածից ոչ մեր քահանայքը կարողալ գիտեն, որ տված փողի քանակությունն իմանան, և ոչ գյուղացին կհամարձակվի գանգառվել: Տերտերը հազիվ բրդազելով՝ գտնում է իրեն կարևոր տողերը. «հըրամայեմ մեզ պսակել կամ կատարել գյորն»:

Մենք մեր գործակալի գիտություն չափը վաղուց տեսանք՝ Խելանի աղջկա պսակն արգելիլու համար գրած հրամանաթղթի մեջ, և եթե ինքը գործակալն այսպես, ավելորդ է երևակայել, թե սրանց ձեռնադրել տված քահանայքն ի՞նչ կլինին:

Ամեն հիսուն տնաշափ գյուղում երկու-երեք քահանայք կան. սրանց ամենքի ուսումն էլ, համարյա՛, հավասար է. քանի մի տարի տերտերի մոտ ութ կանոն սաղմոս, կտակարան, ժամագիրք ու շարական քրքրելուց հետո, նրանք անգիր սովորում են եկեղեցական պաշտոնատարությունները. այնուհետև ո՛վ շատ տվեց գործակալին, նա շուտ է տերտեր դառնում, պարապ տեղ, կամ պահանջ կա՞ թե ոչ — հարցնել պետք չէ:

Շատ անգամ, երբ գործակալը տեսնում է, որ քահանայացուների սղություն է, ինքն է հարց ու խնդիր լինում և ո՛ր գյուղի մեջ գտնում է այբուբեն գիտեցող մեկին, կոչում է յուր մոտ, հայտնում է նրան, որ ինքը լսել է նրա բարի համբավը, նորա օրինակելի վարք ու բարքն և ցանկանում է քահանայացնել:

Այնուհետև տիրացուն պարտքի տակ է ընկնում, գործակալ հայրսուրբին է բերում, որ սա էլ յուր կողմից, ուր հարկն է, հոգա յուր գործն և բանն յուր կարգավն առաջ է գնում:

Մի քանի ժամանակից հետո մենք այդ տղետ մարդու ձեռքը համբուրում ենք:

Չենք կարող հոգիներս սեել և ասել, որ գործակալն յուր վերցրածները բոլորն ինքն է ուտում, ո՛չ, մեղք է սուտ խոսելը. նա յուր կողմից տարին մի քանի անգամ կոնսիստոր և սինոդ է գնում, անդամներին տեսնում և յուր տեղն ամրացրած՝ վերադառնում: Այլ պատճառով էլ նրա միջնորդություններն առանց բացառության կատարվում են, այդ պատճառով էլ ամեն ոք գիտե, որ գործակալի վերա տված բողոքներն անուշագիր են մնում:

Խոսելով գործակալ հայրսուրբի գործողությունների մասին, մի քանի խոսք էլ բարեկարգ քահանաների համար ավելորդ չէր լինիլ տասելը:

Ինչպես վերն ասացինք, սոքա ավելի բարեխղճաբար էլին կատարում յուրյանց պաշտոնը, բայց և սոցա մեջ եղել են այնպիսիները, որոնց տեսնելով, գյուղացին ափսոսելով հիշել է նոցա նախորդներին, իսկ նոցա կարգող բարձր իշխանությունը վերջը շատ զղջացել է յուր ընտրության մեջ:

Մեկ բարեկարգի համար ավանդությունը պատմում է, որ չրավականանալով ժողովրդին գովելով ու ժապավինյալ մատյանների մեջ պակաս եկամուտ նշանակելով, հնարքներ է որոնելու լինում մատենի մեջ գրածն էլ տեղ չհասցնելու. մի օր ասում է՝ տունս կտրեցին, մատենները տարան. երկրորդ անգամ՝ երեխան հանկարծ մատյանը հացի վառած թոնրի մեջ է ձգել և երրորդ անգամին արդարև բախտն իրան լիովին հաջողվում է: Հիսուն մանեթի շափ աթոռահարկ ծոցին էջմիածին գնալու ճանապարհին կողոպտվում է: Գողերը բավականանում են միայն փողը ձեռքիցն անելով, իսկ հնարագետ տերտերը խնդրում է, որ յուր հնամաշ հագուստն և ածանազին ձին էլ տանին:

Այդ մերկանդամ գրությունները սատանա տերտերն իրան ձգում է էջմիածնի վանքը և լալով հայտնում, որ 250 մանեթ աթոռահարկի հետ յուր ամենապատվական ձին և նոր կարած հագուստն էլ ավազակները տարել են: Յուր ճարտար լեզվովը նա կարողանում է 250 մանեթ շահվիլ աթոռահարկից, մի պատվական ձի ստանալ վանքապատկան ձիանցից և մեկի փոխարեն հինգ-վեց հատ վերարկու այս և այն վարդապետից դուրս կորզել, դեռ, ասում են, հանդերձատանիցը հաջողեցնում է մի

Քաղիշյա եպիսկոպոսական վերարկու ևս յուր տիրուհու համար քյաթի-
րացու¹ ստանալ:

Այժմ, ասում են, այսպիսի շարագործութիւններ շատ սակավ են լի-
նում:

Ահա՛ մի շաբաթ էր, որ գործակալ հայրուրբն յուր վիճակից դար-
ձել էր մայր աթոռն՝ յուր հավատարմութեան պարտքերը կատարելու:

Նա պաշտոն ստացած օրից թողնում է յուր աղքատիկ խուցն յուր
համեստ եղբայրակիցներից մեկին ժառանգութիւն և ինքն էջմիածին
եկած ժամանակը կամ յուր ընկերակիցներից մեկի մոտ իջնում և կամ
իբրև հյուր՝ Ղազարապատի հյուրանոցի սենեկներում:

Սաքոն լսել էր գործակալի էջմիածին լինելն և այստեղ եկավ:

Դուռը երկար բախելուց հետո՝ վերջապես բացվեցավ: Սաքոն նախ
քիթ ու պոռնզով և ապա մեծ սիրով ընդունվեցավ և բավական միջոց
հայրուրբի հետ խոսակցելուց հետո՝ ստացավ մեզ հայտնի նշանաւոր
հրամանաթուղթն և ձին նստավ ու շտապեց Աւ ջրի գլուխը:

ԻՔ

Նույն և մի շտապամբ՝ որ եկել էր Սաքոն էջմիածնից, աճապա-
րեց յասավուխանեն²:

Գոմի դուռն, իհարկե, փակելու հարկ չկար. վաղի առածի պես՝ օձն
յուր պորտովը, դուշն յուր թևովը կհամարակեի՝ն այդ բակը մտնել, որ
աղամորդին մտներ շար մտքով: Սաքոյին հայանի էր անկասկած, թե
որտե՞ղ է պառկած յասավու Մարդարը՝ մեր վաղածանոթը:

Յասավույն և ընդհանրապես ստորադքայլ անձինք, որոնք ամեն ժա-
մանակ ենթարկված են ազաների կամայականութեանը, շատ արթուն են:
Առաջին գիշերը չէր, որ յասավու Մարդարն անժամանակ քնահարամ էր
լինում: Մի աղոտ ձիթի ճրագ վառվում էր սյունի վերա, և Մարդարն աչ-
քերը բանալուն պես ճանաչեց իրեն հրող Սաքոյին: Էլ քերան չկարողա-
ցավ բանալ Մարդարը, օրպես և իցև շտապով հազնվեց և հետեեց իրեն
նշանացի անողին:

— Ի՞նչ կա, ընչի՞ համար ա աղեն էսպես բեվախտ³ քեզ ինձ մոտ
գրկել, իրա կշտին հո յասավու կա՞ քնած. երևում ա շատ թաքուն բան ա,
որ ոչով չպտի իմանա, հա՞,— հարցրեց Մարդարը:

— Լավ գլխի ընկար, հետս արի՛ անխոս. բայց չէ՛, ես կերթամ դու-
քան¹, դու շուտ էս սհաթս ձեզ թամբի՛, ասպապներդ² քաշ արա՛, ինձ
մոտ արի՛:

Մարդարն ուտերը վեր քաշեց և անխոս կատարեց իրեն հրամայողի
կամքը. եթե Սաքոն այսպես խոսում է, անտարակույս մովրովի հրա-
մանն է:

— Ձիդ նստի՛ ու առանց ծամանակ կորցնելու, առանց աջ ու ձախ
աչք թեքելու՝ էս թղթերը չեբդ դի՛ր ու կրակի նման թոխ՝ Աշտարակ:

— Տամ տանուտերին. հետո՞:

— Էստեղ երկու թուղթ ա, շխանես. մինը ծոցդ դի՛ր, մեկելը՝ գտա-
կածալդ. ծոցինդ տանուտերինն ա, մյուսը տերտերին պտի հասցնես:

— Է՛հ, պո՞ժանք, վանքի թվանքի էլ դառանք, էս էր պակաս:

— Լսի՛ր, հանաք չեմ անում, գործը շատ շտապ ա, քո օգուտին ա,
գլուխդ էստեղ թրջի՛, Աշտարակ վեր արա՛. էլի կասես թե Սաքոն ինձ վրա
քաղցր աչք չի քցում. քեզ հենց մարդ շինեմ, որ երազումդ տեսած չընիս,
մտքովդ անց կացած չընի, դեռ իմ լավութիւնը դու հետո կիմանաս,
համա ի՛նչ օգուտ, որ իստանումն³ էհտիբաթ⁴ չկա. էն օրն ինձ մարդատեղ
էլ չես քցիլ, շես ասիլ, թե քեզ աստված ա ատեղծել:

— Մասխարա⁵ ես քցում, Սաքո ջա՛ն:

— Ի՞նչ ես խոսում, հանաքի վախտ չի: Էսք նոր ծեգեղուս դու պտի
քո թղթերը տերեցտեր արած ընիս, թե չէ էլ պետք չե՛ս. էն ժամանակ
ես կզրկվիմ մի պատիկ քաղից, համա դու դարդակմտ⁶ հրում⁷ ետ կնստիս
մի սիրուն նշանածից ու անթիվ անհամբա՞րք մտչ ու դովաթից:

— Սաքո ջա՛ն, դե՛ շուտ ասա, բո՞՞ դանակով կիսամորթ արի՛ր ինձ,
ես գիտեմ, որ աչքդ ինձ համար ուտել չէր⁸. ասում ա իջիև ետրանիխ
համեցեխ աթիև, առեց՝ ինարկե ջուր կրելու ե՛ք տանում, հիմի իմն ա.
բայց ի՛նչ անենք, մեր արհեստն ա, պտի գնաք. համա էլ երկարացնել
չի ուզիլ, ինչ ասելու ես՝ ասա ու պրծի:

— Ախպերութիւնը վկա՛, Մարդար ջա՛ն, խոսքումս սուտ չկա, էս
գործը քո օգուտն ա, քեզ մի հացի տեր եմ շինում, որ ինձպես տասը ծա-
ռա ուզենաս՝ դռանդ պահես. չիմանաս, թե մեջն ինձ շահ չկա, սուտը՝
սուտ ա, էդ աստված խաբէլ ա, սրտն ի հորե տատանար ա, ես էլ իմ բա-
ժինն ունիմ, հիմա ոնց որ իմը մի կաթիլ ջուր, քունք՝ մի մենձ կու՞մ լիքը:
Ի՞նչ անեմ, ախպե՛ր, ամեն մարդ իր հաշիվն ունի, ինձ համար էն կաթիլը
թանկ ա՞ծի ուրիշների չեք կօտրեցը. ես միտք արի, որ թող ես իմ սրտի

1 Խանութ: 2 Ձեք: 3 Աղամորդի: 4 Երախտագիտութիւն: 5 Սաղորմ ես: 6 Զեռնթափ
լիկել: 7 Բուք: 8 Աչքը մեկի համար ուռչել՝ նշանակում է սրտացավ լինել, կարեղել:

1 Կանանց վերնագործու: 2 Յասավուների կացարանը: 3 Անժամ- նակը:

ուզածին հասնիմ, թող Մարգարն էլ շատի տերն ըլի. դու էլ օտար հո չե՞ս, քեզ հայտնի չի՞, որ ես էս տանը քո դունգը ամենքի գլխի հետ չեմ փոխիլ:

— Շատ շնորհակալ եմ, Սաքո ջա՛ն, համա էլ ի՞նչ ես ծամծմում, չի ընի՞, որ շուտ ասե՛ս:

— Համ պտի ասեմ, համ հարկավոր պատվերները պտի տամ, որ մտքիցդ ոչինչ չքցես:

— Դե ասա էլի՞:

— Գիտե՞ս ինչ կա, Մարգար ջա՛ն, աշտարակցի տեղանենց տեղանին ո՞վ չի ճանանչում, նրա հարստութունի ձենն ո՞վ չի լսել, ընենց չի՞:

— Ընենց ա, ընե՛նց, ճլերք՝ մի՛ քցիլ, է՛:

— Էդ մարդը իմ ներքի բաղի մոտ մի բուղ ունի, ոչ մեջտեղը պատ կա, ոչ մի ջոկած չահարա՞, ափս ափին, թումբս լմբանն ա կպած, շատ անդամ խառնվում ենք, նա իմ հավողն ա քաղում, ես նրանք. տարի չիլնի՞ որ մեր մեջն անբավականություն չի դուս գա. թե հախն ասես, կամ նա պտի ծախի՞ ես առնեմ, կամ ես պտի իրան տամ, ձեռը քաշեմ. բանն էս ա, որ ես իմ մուրն աշքիս լսի պես սիրում եմ, նա էլ հարուստ մարդ՝ ի՞նչ կարոտություն ունի. Քանի հետ մարդ զրկեցի, էն բաղի շորս գինը խոստացա տալ, ինքս, քեզ հայտնի ա, որ էս տարի Աշտարակ շատ գնալով-գալով ծիծաղաւեղ եմ դառել ամենքի մոտ, ճար շելալ, 109 էնրան էլ որ տաս՝ տեղանը մոտ չի թողնում. վերջն էն տեղը հասավ, որ կռնիցս բռնեց տանիցը աղբատի պես դուս քցեց. քեզ մատա՞ղ, Մարգար ջա՛ն, խոսքը քեզ մոտ մնա, իմ թուք ու մուրն էլ ջոնն ա:

— Է՛հ. ամոթ չի՞, Սաքո ջա՛ն, խոսքը շարունակի՞:

— Ճարս ի՞նչ. հո գիտե՞ս, որ Սաքոն իր կաշվումը կենողը չի, էդ խայտառակությունը, էդ անուակոտությունը կուզ չի կարող տալ, երկու շաբաթ ա՛՛ քուն ու դադար չունիմ, ի՞նչ անեմ, ո՞նց անեմ, որ էն բաղն իմ ճանգը քցեմ ու տեղանիցը մուրճ հանեմ:

— Տեսնեմ ի՞նչ ես միտք արել:

— Շատ հնարքներ միտք արի, Մարգար ջա՛ն, համա չէ՞, ոչ միևր լեւելումս չնստեց, ոչ մնիցը խելքս ջուր շխմեց, քամու պես եկան անց կացան: Մին էլ հանկարծ դու միտս եկար: Ա՛յ խելքս բան, ասեցի ու դործի քամակիցն ընկա:

— Ես ի՞նչ կարամ անել:

— Չեմ գիտում, դու իմանում ե՞ս, որ էդ տեղանը մի սիրուն նշանած աղջիկ ունի:

— Հա՛, ո՞նց չէ, մի օր տեսա, հաց էլ բերեց մեղ. շուտ լավ տնտղեցի, շատ էլ գիր եկալ ինձ, համա ինքը հենց իմանաւս ինձանից վախեցալ:

— Լավ աղջիկ ա, չէ՞:

— Շատ սիրուն չի, համա լավն ա:

— Խեղանի էլած-չելածն էդ միևուճար աղջիկն ա. ինքն՝ երեք տարեկան ժամանակից բաշխյարքմա ա արած մի աղբաս տղի հետ. էգուց առավոտ լիսը բացվելուս պսակվում ա, էլ շատ խոսալու վախտը չի. թե որ դու խոսք կտաս, որ եթե ես քեզ համար տեղանի աղջիկն ուզեմ, դու էլ իմ ասած բաղն էժան գնով ինձ ծախես, էս թղթերը քեզ կտամ, առ՝ գնա ու պսակը խափանի՞: Մնացածն իմ շլինքին:

— Սաքո ջա՛ն, շատ շնորհակալ եմ, համա տեղանն ինձ ո՞նց աղջիկ կտա, էլ նոր իմ ի՞նչ պսակվելու ժամանակն ա. քեզ հայտնի չի՞, կնիկ ու երկխեք եմ թաղել, նոր էս բեղերին կսազի՞ 20 տարեկան աղջկա երեսի դրոշել, կամ թե չէ օրենքը կհասցնի՞. էտով հո էլած հուզուս կտորն էլ կրակի մեջը կքցեմ, առանց էն էլ թուրք ենք դառել:

— Դո՛ւ գիտես, ախպե՛ր, չես ուզում՝ բարով եկար. ետ դառ գնա՛ բանիդ, խոզի գլուխը խալիչին կենալ չի. ես մարդ կգտնեմ զրկելու. հրե՛, Ղահրամանը քեզանից սիրուն, քեզանից ջահել, քեզանից դոշաղ. ուզում էի օր ծերություն քեզ պես մի բարեկամ ունենամ, թե չէ ընչի՞ս էր պետք:

— Սաքո ջա՛ն, մովրովը գիտի էս բա՛նը:

— Անխելք մարդ ես էլած, տո՛, դեռ մի էս հարցրո՛ւ, թե ես էս սհաթս որտեղի՞ց եմ գալիս, դեռ գնա՛, իմ ձին տե՛ս, քրտինքը վրիցը ծլծլում ա. ես հենց հիմի էջմիածին էի, էս դտակածալը դնելու թուղթը որ կա՞ գործակալի հրամանն ա տերտերի վրա գրած, որ պսակը խափանի, էս մինն էլ մովրովիցն ա տանուտերի վրա, որ շիտղի պսակելու: Հենց որ իմ չուղուլ՝ Աշտարակիցը մթնով տուն ընկավ ու հայտնեց, որ լիսը բացվելուս պսակելու են, մազերս բիղ-բիղ էլան: Վազեցի մովրովի մոտ, կես սհաթ լիզուս հանած աղանչանք արի, ընչանք գործակալի վրա մի բարովագիր առա. հետն էլ Աշտարակու տանուտերի վրա էս հրամանը գրիլ տլի, ծոցս դրի՛ ու թոա Քառյանիս՝ քամակը, ինձ քցեցի Ղազարապատը. գնալ-գալս շորս սհաթ չի քաշել, թե կուզես՝ ձեռք բեր, քրտինքս տես. էլ կասե՛ս, թե Սաքոն քեզ չի սիրում:

— Ճարագիմ՝ ասում եմ, Սաքո ջա՛ն, ո՞րն ա, մեկի տեղակ երկու բաղն էլ քեզ ջաբբա՞, թաք՞ դու էդ բանը գլուխ բերես:

— Դե՛, որ ըտենց ա, Մարգար ջա՛ն, իմացած կաց, որ քո անումն էլ գրիլ եմ տվել գործակալի հրամանի մեջը, որ քո պատիվն ու լիզուն երկար ըլի, համա բան ա՛ թե որ կտեսնես, որ տերտերը ոչ գործակալի թղթին ա ուզում անկաջ կախի, ոչ տանուտերին ա լում, մտքումը գրել ա անպատճառ պսակի, քե՛զ տեսնեմ, ինչ զորություն ունիս՝ գործ դի՛ր, դամշուդ տակը քցի՛ր փեսին էլ, խեշխապորն էլ, հարսանքավորներին էլ ու սալջարդ արա՛. մի խոսքով, տանուտերն էլ որ նրանց դի՛ճը կպահի, ընչունքի խեշխապերն ինքն ա, անկաջ մի՛ անիլ, տո՛ւր, ես պատասխան կտամ:

— Էդ ես գիտեմ, ինձ յառավուլ Մարգար կասեն, ինձ երեխա ծամանակա շան ծիծ են ուտացրել, ինձանում շատ մահամադի՞ չկա:

— Դե՛, շուտ, երկարացնելու ժամանակ չի՛, ձիդ նստի՛ ու ապտված հետդ ըլի. միտդ պահի, որ լիսը շբացված՝ դու մենձ գործ ունիս կատարելու ու էն էլ՝ քո՛ օգտի համար, մեշը հաց կա:

— Գործս աջ ա գնում, պսակը վերջանալուս էլ ըլի, Մարգարը ծամիցը կիսատ դուս կանի, գիտեմ ի՛նչ գազանն ա, հայ յառավուլների մեջ սրա պես ոչ մինը չկա: Խեղճ ախմա՛խ³, խոսքերս նաղդ՝ ապրանքի տեղ առավ, միամտաբար հավատաց. ատամները վեր ա թափել, զրջո՞ տեղովը ազափ աղջկա մարդ ուզեցավ դառնալ, Խեշխափ ու հարստությունի համը՝ բերանը ջրակալացրեց. հիմա՛ր, հիմա՛ր, ինչքա՛ն անհասկացող ու երկար շմտածող մարդիկ կան աշխարհքումս. Սաքոն էս քանի ամիս ա՛ էլ սատանություն շմնաց բանացրեց ու գեռ ոչինչ չի արել, սա պտի ձեռաց Խեշխափ փեսեն դառնա ու ինձպես էլ նոքարներ ունենա: Շա՛տ լավ կըլնի, Մարգար ջան, դու մի պսակը իսպիանի՛, էն ժամանակը կտեսնենք: Մո՞ծը բարակ՝ Մարգար, ի՛նչ շուտ խարվեց, խեղճը չի լսել էն առակը, որ ասում ա՛՝ անհավատ քանին մի հավատալ. ի՛նչ էլ ուրախացավ, ոտները գետնիցը կտրվեցին: Ի՞նչ անի, ոչովի մեղադրելու չի, ամեն մարդ էլ հացի ա ման գալի, հացի խնդիր ա:

Երկար ժամանակ լուսնի լուսով դիտում էր Սաքոն Մարգարի քամակից, մինչև որ նա իսպառ հեռացավ, որից հետո վերոգրյալ խոսքերը փնթփնթալով՝ ներս մտավ յուր սենյակն ու հանգիստ քուն մտավ:

1 Սեծիր: 2 Իրավունք, արդարություն: 3 Հիմար: 4 Չուտ: 5 Չառամյալ, 6 Ճաշակ: 7 Խեղակապես:

Մեր վիպասանության առաջին գլուխներից ընթերցողին հայտնի է Մարգարի առաքելության արդյունքը. մենք գիտենք, թե խեղճն ի՛նչ մուրազով ի՛նչ հույսերով գնաց, ի՛նչ վտանգներից ազատվեցավ, ինչպե՛ս հաջողեցրեց յուր պաշտոնն առանց ընդդիմության և ինչպե՛ս քաղցած փորով ավերիքը Սաքոյին հասցրեց:

Եթե ոչ սք չի մոռացել, Սաքոն մի քանի փիլիսոփայություններ անելով, ինչպես ստում են, Մարգարի գլխատակը փափուկ բարձ գրեց և մըռտավ յուր ներսի՝ ուրիշների համար անմատչելի սենյակն, ուր մեր ծանոթ Մահմատ-Հասան՝ ահաբեի, աշխարհքը սասանեցնող ավազակապետն էր յուր մարդակեր ընկերներով:

Արենարքունիի այսօրվան այցելության պատճառը մենք գիտենք. նոքա կոշված էին մովրովից կողոպտելու Թալին գյուղի մոտով անցնող տաճկաստանցի վաճառականներին և մովրովի հետ իրենց կողոպուտը բաժանելու, գոնե Սաքոն այսպես բացատրեց Մարգարին:

— Մեր աղե՛ք, իգիթներ՛, էսքան ժամանակ է մենք եղբայրներ ենք, իրար ճանաչում ենք,— խոսք բացեց Սաքոն պարսիկների հետ,— բայց դուք մինչև այսօր առանց ձեր սեփական օգուտը միջիցը հանելու՝ բացառապես ինձ ոչինչ բանում պետք չեք եկել. հիմի հասել է օրը, որ դուք մի փոքր նեղություն քաշեք ինձ համար. հույս ունիմ, որ խնդիրս ուրախությամբ կկատարեք: Իրա՛վ է, մի քիչ դժվար գործ է, կարելի է արյուն թափելու կարիք էլ պատահի, բայց ձեր պես քաջերի համար դրանից հեշտ ի՞նչ կա՛:

— Աղա՛-Սաքո՛, — պատասխանեց Մահմատ-Հասանը, — քեզ պես հավատարիմ եղբոր համար ոչ թե ուրիշի արյունը՝ մերն էլ ուրախությամբ մատաղ կտանք, էնքան լինի, որ տեղին ու գործին ծանոթ լինենք, մի քանի անգամ մեզանից մինը կամ երկուսը գնան աչք ածեն, ամեն դուներն իմանան, որ վերջը մենք քեզ մոտ ամոթով շմնանք:

— Շատ շնորհակալ եմ ձեր եղբայրությունից, բայց էս գործը շատ հետաձգել չի կարելի. այս գիշեր այն վաճառականների հետ հաշիվներդ վերջացրե՛ք, էգուց գիշեր մի ուղեցույց պատրաստ կլինի, նա ձեզ կառաջնորդե՛ ուր հարկն է, իսկ մինչև այդ ժամանակը ես ամեն բան կարգի կրեմ:

— Ուրեմն դու մեզ հետ չպե՛տք է լինես:

1 Ինչպես այս գլխում, նույնպես և ամեն տեղ օտար լեզվով խոսակցությունները մենք գրել ենք գրական բարբառով:

— Ո՛ր, իմ ներկայութիւնս կարող է ձեզ արգելք լինել. օրինքի առաջին գործին ուրիշ ձև տալու համար ինձ հարկավոր է հետու քաշվիլ, բայց, իհարկե՛, ես մոտիկ տեղում ձեզ սպասելուս կլինեմ: Եթե այսպես չանենք, ես էլ, դուք էլ ու մովրովն էլ կարող ենք կորչիլ:

— Հետո մեզ առաջնորդողն աշքարացի մե՞կն է, չի՞ շփոթվիլ ու գործին վնասիլ. գիտե՞ս՝ էսպես տեղերում քնքուշ պահած-մեծացրածներն իշի նման են, որ դայլին տեսնելուս զուտ՝ ու վազում են նրա հետ կատակներ անելու:

— Միամիտ կացե՛ք, ձեզ այնպիսի ընկեր տամ, որ մոր ծիծ կտրող լինի. իրավ է՝ ձեր կիսի շափ ույժ, հասկացողութիւն և փորձառութիւն չունի, բայց յուր կյանքի կեսը ճանապարհներ կտրելով է պարապել և գլխավորն այս է, որ մինչև օրս ոչ նկատողութեան է ենթարկվել և ոչ բռնվել է: Գեո՛նորա կողոպտածները տեղ չեն հասած լինում լուր տալու, նա յուր տանը ամեն բան կարգի դրած և մի կողքին փափուկ բարձի վերաթիկնած է լինում. շատ անգամ ինքն է ձիավորվում յուր կողոպտածներին, իբրև թե, օգնութիւն հասնելու նպատակով:

— Հա՛, կան էդպիսի երջանիկները, — ա՛իւ քաշեց խեղճ Մահմատ-Հասանը, — և այն՝ յուրյանց կյանքը շոյալութեան և զանազան մոլութեանց մեջ անցնող աստիճանավորների ու կալվածատերերի որդիքը. ես գլխավորապես դրանց ոխերիմ թշնամին եմ. գլուղացուն, վաճառականին մենք միայն կողոպտում ենք մեր ապրուստը հոգալու համար, որ այրելի ու քարափների ծերպերի մեջ քաղցած շկոտորվինք, որ մի կտոր ուտելու հաց ունենանք. շատ անգամ պատահում է, որ բոլորովին աղքատ գլուղացիներին օգնում էլ ենք. մեր հափշտակածներիցը բաշխում ենք, իսկ այդ աղազադեքը՝ ձեռներս ընկնելուն պես՝ առաջին գործներս լինում է մաս-մաս անել:

— Ընչի՞, մեղք չե՞ն:

— Չէ, աղա Սաքո՛, դրանց մեջ այնպիսիներն եղել են, որոնց մենք սպանել, սիրտը ճղել ու արյունը տաք-տաք բուռն արել, խմել ենք, բայց էլի, եթե արդարութեամբ դատելու լինինք, փոքր է:

— Ինչպե՞ս:

— Մի՞թե քեզ հայտնի չեն այդ բեզզադեքանց արածները, որ էլի հարցնում ես: Գիտե՞ս, որ դրանք պարապում են միայն բազեններ պահելով և որսի շներ քամակները ձգած՝ ձորերի մեջ քարշ են գալիս: Ոչ աշխատել գիտեն այդ մարդիկ և ոչ մի օրինավոր գործ ձեռներիցը գալիս

է. նրանք միայն վատնում են յուրյանց հայրենական ժառանգութիւնները և խեղճ գլուղացիների աշխատած՝ արյան քրտինքով վաստակած բերքը տղրիկ պես ծծում: Այս անկանոն կյանքի մեջ, իհարկե՛, որչափ հարստութիւն էլ լինի, տարվան մինչև կեսը չի բավիլ: Ի՞նչ պետք է անեն: Անկարծիք նապաստակի քամակիցն ընկած ժամանակը հրացանաձգութեան մեջ էլ վարժվել են այնքան, որքան մի մանուկ, որ մի ոտնաչափ տեղ թուշելով, կարծում է, թե մի ահագին վճի գլխով է թռկի:

Այդ նշանավոր քաջասրտութեամբը նորա տասը հոգի միացած՝ ոտից մինչև գլուխ զինավառվում են և թագ կենում խոտորնակի ճանաւարհների մտա գտնված խոր ձորերումը: Հենց որ անգնն գլուղացվոյն միամիտ երգելով անցնելուս տեսնում են, հարձակվում են նրա վերա և մորե-մերկ տկլորում, և ավարն իրանց ծառաների ձեռքով պարտակելուց հետո՝ յուրյանք գալիս են արձակ-համարձակ մերձակա քաղաքումը կամ ոչուղումը ման գալիս:

— Այս ամենը, պիտի ասես, մեզ վնաս չէ տալիս, մեղքն իրենց վիզը, մենք ընչի՞ պետք է վշտանանք, այնպես չէ՞, Սաքո՛: Բայց ոչ, մենք ուրիշ ցավ ունինք, լսի՛ր:

Սովորաբար մի ասպատակութիւն պատահած միջոցն իշխանութիւնն այդ պարոններին է հրավիրում գողերը գտնելու, որովհետև չի կարելի ասել, թե նաչալիկները տեղեկութիւն չունենան դրանց ավազակութիւնների մասին: Գրանք էլ ի՞նչ անեն, որ հավանելի լինի. — ամեն իրանց արած ավազակութիւնները ինձպես նշանավոր մեկի կամ մյուսի վերա են բարդում և ոչ միայն իշխանութեան արդար բարկութիւնն են մեր վերա ավելացնում, այլև մեր գլուխը զնահատել տալով՝ անամոթաբար բացարձակապես մեծագումար դազախներ ու ձիավորներ են վերցնում, մեր քամակիցն ընկած ման գալիս:

Եիցուք, որ մենք ավազակ ենք, մի անգամ դուրս ենք ընկել, բայց մի՞թե մենք մարդիկ չենք, մենք արյուն ու մարմին չունինք, մենք կյանքը զնահատել չգիտենք, հո չե՞նք կարող երկու-երեք հոգով այդչափ բազմութեան դեմ հանդգնել դուրս գալ: Ստիպված ենք լինում շարաթիներով պաշարներս վերջացած ժամանակն անգամ մեր քարանձավների մեջ տոգորվելու: Երբ էլ հնարաւորութիւն չի լինում բնական պահանջին հաղթել, արյուններս աչքի տակ առած՝ դուրս ենք գալիս: Ի՞նչ ես կարծում, Սաքո ջա՛ն, էդ տնպիսաններիցն և ոչ մեկը չի վիրավորվում. հեղուկը կանգնում են ու խեղճ դազախներից շատերին մեր զնդակներին զոհ տալիս և, իհարկե, մեղանից էլ մի երկուսը կյանքը դնում են:

Լա՛վ է, եթե բախուր միշտ հաջողեր մեզ մեր շարաբաստիկ եղբոր դիակն աղասել. շատ անգամ ստիպված ենք լինում մեր գլուխը միայն

1 Ազատանիք. հեգնական բառ է:

մի հնարքով պրծացնելու: Մյուս օրը մին էլ լսում ես, որ այդ անպարծ նապաստակները գովասանքը բերեն-բերան ման է գալիս, իսկ մեր արևազուրկ ընկերի, եղբոր, ազգականների, շատ անգամ և որդվոց դիակը անարգակոծ է լինում ու անպատվում: Քանի՜ անգամ աչքովս տեսել եմ դատարկաշրջիկ սրիկաներին մեր նվիրականությունների թքելու և միսս ծամելով հեռացել եմ, և այս ամենն ո՞ւմ շնորհիվ՝ թո գոված աղազագեքանց:

— Իրավ որ շատ դժվար է, ես գիտեի դրանց ավազակ լինելը և գող բռնելու պաշտոնները, բայց այդքան ցածրություն և երկշտություն չէի կարող երևակայել դրանց մեջ, — տեղի տվեց Սաքոն ոգևորված Մահմատ-Հասանին:

— Է՛հ, ո՞ր միսն ասեմ, աղա Սաքո՛, քեզ լավ հայտնի է մեր վերջի սև օրը: մտածի՛ր, աե՛ս, թե ի՞նչ է ետում մեր ամեն մեկի սրտումն, երբ մենք կախաղանի սանդխտի գլխից, վիզներս սապնած օղակի մեջ անցնելու ընկնին՝ աչքերիս են ընկնում այդպիսի դավաճան, անաստված անխղճմտանքները:

— Ա՛խ, բե՛գ, — գլուխը բարձրացրեց ու խոսեց ավազակներից մեկը, որ մինչև հիմի լուել ու իրան իրավունք չէր համարում ընդհատել յուր մեծավորի խոսակցության թելը, — ա՛խ, բե՛գ, — ասաց սա Մահմատ-Հասանին, — միայն նրա՞նք են մեր թշնամիները: ում համար որ սուր էնք քաշում, տեղն եկած միջոցը նրանք են ամենից առաջ մեզ ուրանում և արդարություն ձեռքը տալիս: Ուրիշները թողած, խոստովանք լինի, մեր գողակից և կողոպուտների մեծ բաժինը վայելող մովրոզները քանի՜ անգամ իրանք մեզ դրկել են ասպատակության, և երբ բռնվել ենք, փոխանակ մեզ ազատելու, Սիբիր են քշել ավել կամ կախաղանի վերա բարձրացրել:

— Հա՛, միտքս է Ահմատը, — ասաց Սաքոն:

— Է, ի՞նչ հետևանք ունեցան Ահմատի խոսքերը: միտքդ է՞, աղա Սաքո՛, ի՞նչ ասաց: Խեղճը թույլտվություն խնդրեց երկու խոսք ասել՝ հետո խեղդվել: Ոչ ոք չէր մտածում, թե ի՞նչ պետք է խոսեր, ապա թե ոչ՝ ե՛րբ կթողալին: — Այստեղ հարկավոր էր շինել ոչ մեկ, այլ երեք կախաղան, — ասաց Ահմատը կախաղանի գլխից, — մեջտեղը մեր մովրոզի համար, աչակողմը՝ յուր օգնականի, իսկ ձախակողմն ինձ համար: Մենք երեքս ընկեր ենք եղել ամեն հափշտակությանց մեջ, և դրանք ինձանից շատ ավելի են վերցրել: Այս էլ իմացե՛ք — շարունակեց Ահմատը, — որ թեպետ ես շատ մարդասպանություններ և հափշտակություններ արել եմ, ես արժանի եմ այս պատժին, թեպետ արդարությունն իմ 12 հան-

ցանքներից միայն ինն է հաշվել, բայց այս հանցանքի համար, որի մեջ իզուր տեղը ձգել է ինձ մեր մովրոզը, ես բոլորովին արգար եմ:

— Բանն այս է, որ այն երկու պարոնն էլ, որոնց վերա մասնացույց եղավ Ահմատը, ներկա էին պատժելու տեղը և լսում էին, — ասաց մի երրորդ ավազակ, — և նրանք շամաչեցին բարձր-բարձր ծիծաղել:

— Ամա՛ն, Սաքո ջա՛ն, սրա խոսեցածը մեր ներկա մովրոզ աղին չվերաբերես, մենք սրանից հոգով շնորհակալ ենք, սա ուրիշների պես չէ, — մեջ մտավ բազմամործ Մահմատ-Հասանը:

— Չարմանալի խոսքեր ես ասում, բե՛գ, մի՞թե դու ինձ նոր պիտի ճանաչես, — յուր հավատարմությունը հաստատեց Սաքոն:

— Այս ամենը թողունք և թո գործքի վերա խոսենք, Սաքո աղա՛, — սկսավ Մահմատ-Հասանը, — ո՞վ է այդ անպիտան կալվածատերը, որ պետք է մեզ առաջնորդ և ընկեր լինի, գուցե մենք նրա դեմ հին ոխ ունենանք և իմ աչքին երևալուց առաջ, իմ քաջ ընկերներիս սրին մատաղ լինի:

— Մաշադի Մահմադ-Բաղըր բեգն է, — պատասխանեց Սաքոն:

— Վնաս չունի, նա դեռ երեկվա երեխան է, նրա սրտումը դեռ օձեր չեն բնակալել, նրա արածները մանկական շարություններ են, մենք նրան թույլ անգամ չենք տալ, որ մոտենա վտանգի տեղին, այնքան՝ որ մուտքը մեզ ցույց տա: Հիմա մեզ ասա, թե մենք ո՞ւր պետք է գնանք և ի՞նչ պիտի անենք, ո՞ւմ պետք է էն աշխարհը դրկենք և ո՞ւմ խնայենք:

— Եթե կարող եք՝ ոչ մեկի արյան տակը մի՛ մտնեք: Գործն էլ այս է, որ դուք պետք է փախցնեք աշտարակեցի Խեչանեց Խեչանի աղջկանը: Խնդրեմ մի հատ կապեկի ակնկալություն չունենաք և բավականանաք աղջկանը փախցնելով և ինձ հասցնելով:

— Մեր աչքի՛, մեր գլխի՛ վերա:

— Մուտքը ձեզ Մահմատ-Բաղըրը ցույց կտա, իսկ տունը կլրտեսի մի կին, որը բոլոր անելիքը կասի ազա Մահմատ-Բաղըրին:

— Հիմա այնպես իմացի՛ր, Սաքո աղա՛, որ աղջիկը կոզբիդ նրատած ա:

— Ուրեմն այս գիշերվա գործն հաջողությամբ ավարտելուց հետո՝ էզուց գիշեր ես հույս կունենամ իմ սրտի սիրեկանին՝ իմ ազնիվ ախպեր Մահմատ-Հասանի գավազիցն ստանալ Երևան՝ նորքա ձորակի գլխի պատշգամբավոր տան գոան առաջին: Ես ձեզ կզիմավորեմ Աշտարակու կամրջի մյուս երեսին, և մենք մինչև նորք միասին կերթանք, լավ կլինի՞, թե ոչ:

— Չույզ աչքի՛ս վերա:

— Էսօր ձեր ընթրիքն և ճանապարհի պաշարը շուտ պատրաստ կլի-

նի, մի ժամից կբերեմ և ինքս կգնամ այս գործը հոգալու: Մաշադի Մահ-մատ-Քազըը ձեզ կսպասի Աշտարակա այգիների վերջումը՝ Օշականա առվի վերա:

Այս խոսքերից մի ժամ հետո Սաքոն հիշեցրեց կրկին թուրքերին յուրյանց խոստումն և ձին նստավ, աճապարեց դեպի Արագած լեռան ստորոտի գյուղերից մեկը:

ԼԱ

ՔՈՒՅՐ ԵՎ ԵՂՔԱՅՐ

— Գնացե՛ք ասացե՛ք՝ պսակը մնաց, — ապսպրեցին տերտերն ու տանուտերը յասավույ Մարգարին ճանապարհ դնելուց հետո:

Պսակը մնաց, պսակը՝ խափանվե՛ց, շատ հեշտ բան է բերանով ասելը. հարսանիքի կես ծեսը կատարված, կոչնականները տունը լիքը, նորահարսնության հալամն օրհնած՝ հագցրած, ձեռք-ձեռքի տալու պատրաստ, ու պսակը մնաց, այն էլ ո՞ւմ պսակը. զավառի մեջ ամենից հարուստ և ամենից պատկառելի մարդու մինուճար դստեր, մի ահագին հարջատության օրինավոր ժառանգի, այն նվիրականության, որ բոլոր որդե-սեր ծնողների յոդեալն էր: Ամենքի հույսն ի դերև ելավ, ամենքն էլ ձեռք վերցրին, ամենքն էլ երանի տվին Սվիկենց Աղաջանի որդուն, և ահա եկել էր ժամը, երբ պիտի նա տեր դառնար այն մեծ կարողության, որի նկարագիրը տասնյակ տարիներ շարունակ աչքի առաջն էր, ահա այդ ամենը գործակալի մի կտոր թղթով խափանվեցավ, ցրվեցավ, քամուն տրվեցավ այնպիսի մեծ շինվածքն, և շուտով նրա փոշին ամբողջ Երևանու նահանգը բռնելու է:

Պսակը խափանվե՛ց, ի՞նչ հեշտ տանելու բան է մի ջերմեռանդ քրորիստոնյա հայի համար, որի եկեղեցական սրբազան կանոնները պսակն յուր խորհուրդների, յուր հավատո էական մասների կարգումն է դրել, որի ազգային նվիրական ավանդությունների մեջ պսակը մարդուս կյանքի ամենից երջանիկ օրն է համարվել և հիմա մի այսպիսի տան մեջ երկու խոսքով հրաման է գալիս, թե պսակը մնաց:

Ամբողջ տունը, բոլոր հյուրերը, որ նշանակում է ողջ Աշտարակը, չուր մաղվեցավ, ուրախությունն ընդհանուր տխրությունի և շփոթի փոխվեցավ. դեռ, իհարկե, առաջին անգամը շատ մութն և անհասկանալի թվեցան այս երկու բռնալից խոսքերը, բայց հետզհետե նշանակության մեծությունն ու ահավորությունն ամենքին զգալի եղավ, ամենքը քստմանեցան, ամենքը ապշած ու սառած՝ իրար հրեսի նայել սկսան: Մի քանի

րոպե բոլոր տունը լուռության մեջ քնկավ, կարծես ոչ ոք չլիներ, կարծես հարսանիքատուն չէր, բայց հետո ցնորքն անցավ, իսկությունն ահռելի եղավ և ամենքն իրար դիպան:

Գուժատու լուրը դեռ նորահարսի սենյակը չէր անց կացել, ջահելները հարսին զարգարած՝ պատրաստ սպասում էին դրսի ձայնին, որ հանեն ձեռք-ձեռքի տալու, և ահա հանկարծ անհեռատես պառավներից մեկը գլխին տալով ներս ընկավ:

— Վա՛յ գլխիս, իմ ախպոր տունը քանդվե՛ց, քանդվի՛ ու քարատակվի՛ գործակալի հոր օջախը:

Այս ճիշն արձակելով պառավ Մարիամը՝ Հերիքնազի մայրը ներս ընկավ ջահելների սենյակը, գրկեց, կրծքի մեջ սեղմեց խեղճ Հեղնարի գլուխն ու կոծում էր:

— Ա՛յ պառավ, հերիք ա, բա՛ց թող էդ անբախտ երեխին, իր ցավն իրան բավական ա, սև կոսպանդ՝ կապի՛ դրա բախտին քար քցուր, սևապսակ ըլի՛ դրա պսակը խափանողը, — մոտեցավ մի ուրիշ կին և ուզեցավ հեռացնել Մարիամին:

Թշվառ Հեղնարը հիմա հասկացավ յուր գլխի եկած փորձանքը. նա պարզ լմացավ, որ իր պսակն արգելվել է և այս բանի վերա մի երկու րոպե յուր մտքի մեջ խորասուզվեց: Մեզ քաջ հայտնի է, որ Հեղնարը սրտով չէր ամուսնանում Սմբատի հետ, հոր կամքից չզուրս գալն և Հերիքնազի շարունակ քարոզները՝ մի քանի հարակից հանգամանքների հետ, նրան ստիպել էին մտնել այդ լծի տակ. մենք չենք մոռացել նրա խոսքերը. «պտի ճակատիս գրածին հնազանդիմ, համա էդ զոռով արջին կալ լծելու պես բան ա»: Ահա դեպքն ինքն իրան այնպես է բերել, որ Հեղնարն ազատվում է յուր տված խոստմունքից, ուրեմն պետք է ուրախ լիներ. իր սրտի ուզածը-կատարվում է և ինքը չի մեղավորը: Այս էր նորա մտածմանց մեջ ընկնելու պատճառը:

Ինչպես ասացի, շատ երկարատև շեղավ Հեղնարի մտածմունքը. րնդամենն երկու րոպե՛ էր, և ինչ մեծ փոփոխություն. այն աղջիկը, որ համոզված էր, թե ինքը բռնությամբ է ամուսնանում յուր շիրքած մարդու հետ, հիմի բոլորովին նոր մարդ վերածնեցավ. նա այդ րոպեից սիրեց Սմբատին, սիրեց այնպես, որ երբեք չի սիրել ոչ ոք նրանից ավելի: Այնքան մեծ եղավ այս սերը, այնքան ահավոր եղավ յուր սիրեկանից զերկվելու հարվածը, որ երբ յուր հորաքույր Մարիամը կորզեց, դեն ձգեց յուր գլխից հարսնության քողը, ինքն էլ մի սուր ճիշ արձակեց ու թուլացավ, գետին ընկավ:

1 Նորափեսայության նշան:

Ահա Հեղինարի դրուժյունը:

Գառնանք այժմ այդ սենեկի մյուս անկյունը: Մի քանի նորատի աղ-
ջիկներ՝ ժողոված մի դավկացած օրիորդի գլխի, շուր են սրակում նորա
երեսին և աշխատում են հրահանի պողովատիկը խցկել նորա կցված
ատամների մեջ. երբեմն աղջիկը բանում է յուր թարշամած աչքերը,
դարձնում դեպի գետնին տարածված նորահարսն և կրկին թուլանում,
դարձյալ հրահանի բանատեղ լինում: Թվի թի ամենքը տան գլխավոր-
ներից մոռացել են սրան և միայն ընկերուհիքն են խնամ տանում:

Մենք, կարծեմ, ճանաչեցինք սրան. սա ողորմելի Հերիքնազն էր:

Մի քանի վայրկենի մեջ զարդարված նորահարսին մերկացրին և
յուր ամենօրյա զգեստը հագցրին, կամ լավ ես ասել, փաթաթեցին մեջը,
որովհետև անհնար էր անշունչ դիակի նման աղջկանը շոր հագցնել:

Մենք միտք չենք բերում և ուրիշ գլխավոր գործող անձինքներին:

Նորափեսայի բարեկամները, նրա հայրը որքան և աշխատեցին առ-
նել յուրյանց որդուն և դառնալ, Սմբատն յուր հորն անգամ չլսեց:

— Գնացե՛ք, ամենքդ էլ հեռացե՛ք էստեղից, — գոչեց նա, — հար-
սանիքը վերջացավ, ես ընչանք օրս էս տան փեսան չէ՝ որդին եմ էլել,
էլի էն եմ. ինձ հետ ի՞նչ ունիք, էս իմ տունն ս:

Սմբատը մտավ ներսի սենյակը, նրա աչքին ընկավ գետնին տա-
րածված Հեղինարը: Մոտ զազեց նա, ետ մղեց պառավներին, գրկեց աղջը-
կան և համբուրեց մի քանի անգամ նորա ճակատը, որ գուցե կյանքի մեջ
առաջինն էր:

Հակառակեց, ասեցինք, Սմբատը յուր ծնողին, որի խոսքից մինչև
հիմա չէր գուրս եկել, հեշտնի որդի՛ն համարեց ինքն իրան, նրա տան
անդամը, զատահացավ ներս մտնել այն սենյակը, ուր արական սեռից,
բացի եղբորից և ծնողից, ոչ ոք իրավունք չունեի ոտք դնելու, և ի՞նչ
եք կարծում՝ նա թուական ոգևորության զորութիւնը՝ մի արեց այն ամե-
նը: — Այ, նա գուցե լսելուն պես ուշքը հավաքեց, խորհեց, կշռեց և
վճռեց:

— Հեղինար ջան, մինչև հիմի իմ նշանածս, ըստուց ետը իմ հալալ
քիրս Հեղնա՛ր, — ձայն տվեց Սմբատը, — աչքերդ բաց արա՛, տես՝ ում
գրկումն ես, դարդ մի՛ անիլ, ազիդ քիր ջան, լստված իրանց հե՛տ,
մեր թշնամիքը դրանով զնաս չեն կարող տալ. թե ընչանք էսօր նշանած
աւնեիր, հիմի աստված քեզ ախպեր տվեց. Սմբատն էսօրվանից քո ախ-
պերն ա, քո ախպերը, որ իր քվոր պատիվը, ամոթն իր գլխիցն ավելի
կպահի. աչքերդ բաց արա՛, հոգի ջան, իմ քիր ջան:

Այս անգամի համբուրի հետ Հեղինարն աչքերը բաց արեց և Սմբատի
երեսին նայեց:

— Սմբատ ջան, իմ պահապան հրեշտակը դա՛ռ, ինձանից մի՛ հե-
ռանալ, — թոթովեց Հեղինարն և նորից աչքերը փակեց:

— Քեզ մոտ եմ, մատա՛ղ, Սմբատն էլ քեզ չի թողալ:

— Հերիքնա՛զս, ո՛ւր ա Հերիքնա՛զս, — աչքերը բացեց Հեղինարը, —
Սմբատ ջան, Հերիքնազիս գտի՛ր, նրան ձեռքից մի՛ թողալ, շո՛ւտ վեր
դիր ինձ, նրան գտի՛ր, նրան մոտս բե՛ր:

Հերիքնա՛զ. — Սմբատի միտքն եկավ այս անունն և սարսեց. այն
բազուկները, որ մինչև ցայժմ այնքան հերոսութեամբ գրկել էին Հեղնա-
րին՝ թուլացան, մազ մնաց՝ վայր էր ձգում կյանքի բերած աղջկանը,
բայց այդ իսկ թուպիին՝ հագուստը գրեթե թաց միացավ դրանց Հերիք-
նազն և երկուսին միասին գրկախառնեց:

— Ի՛նչ մենձ ուրախութիւն ինձ համար, Սմբատ ջան, որ քսենց քեզ
տեսնում եմ, ի՛նչ բախտավոր քենի եմ. էլ ես դարդ չունիմ, էսօրվան
անբախտութիւնը հիմի ոչինչ ա ինձ համար, սրանից ավելի ի՛նչ եմ
ուզում, ես երբ որ տեսնում եմ քեզ իմ սիրեկան քվորը տեր դառած՝
թագավորի պես գլխին կաննած: Նանի ջան, էլ լաց մի՛ ըլիլ, ա՛յ թան-
կագին ղոնաղներ՛, խնդրում եմ, գնացե՛ք հիմի ձեր տները, մենք հար-
սանիքը պրծանք, տեսնո՞ւմ եք, մեր փեսան մեր գրկին ա, թողե՛ք մեզ ու
հեռացե՛ք, երբ որ էլի համեցեքավոր կունենանք՝ ձեզ ամենքիդ էլ կկան-
չենք:

Բուր կանայքը շփոթված՝ շշկլած նայում էին և ոչ ոք չէր շարժվում:

— Բաշխեցեք համարձակութեանս, — շարունակեց Հերիքնազը, — ինձ
չի վայելիլ իմ մոր ու մենծերի առաջին բսնց խոսալ, համա լեզուս ի՛նչ
մեղավոր ա, սիրտս ա խոսում, դուք հենց գիտեք, թե ես խելքս կորցրել
եմ, բայց չէ, Հեղնարիս ու Սմբատիս՝ իմ ազիդ քվոր ու ախպոր արեք
վկա՛, որ սրտով ուրախացել եմ. էն վախտը, մեր գլխին դահր՝ կըլներ,
թե որ Սմբատիս սիրտը կտորվեր, թողար ու հեռանար. ի՛նչ ա էլել,
փա՛ռք աստժու, մեր շարակամներն էսօր խափանեցին հարսանիքը, մի
շարթից հետո էլի կանենք:

— Խնամի Աղաջա՛ն, — մոտ եկավ Խեչանը, — ի՛նչ ես հրեխի պես
աղուխն՝ աչքերիդ դրել լաց ըլում, հոգս մի՛ քաշիլ, հույսդ առաջ աստ-
ժու, նրա ողորմութիւնովն էլ ինձ վրա դի՛ր, իմ ունեցած կարողութիւնս
բոլորը կմսիսեմ ու իմ ուխտը չեմ քանդիլ: Տեսա՛ր քյալաջ՝ որդուդ՝ իմ
քաղցր փեսին, — ո՛ւր ա. — նա գնաց իր պարտքը կատարի, գնաց իր նը-
շանածին ու քվորը մխիթարի. տղամարդը նրա պես կըլնի. մենք հալի-
վորներս նրանից պտի օրինակ առնենք. դու հենց էսօր կտեսնիս, որ ես

իմ կաշու՞նը կենալ չեմ, ես աշխարհքին շանց կտամ, թե Խեչանենց Խեչանը, որ ընչանք օրս ոչ մի գործի չի խառնվել, իր կյանքի մեջ դատավորի դուռ չի գնացել, կարող ա իր տան պատիվը հաստատ պահել: Ո՛ր կորան, ընչի՞ մկան նման գլխներն առան, ծակը մտան տերտերն ու տանուտերը՝ մեր աղա խեչախպերը, թե որ նրանք ինձանից տափ՝ կացան, ես իրանց կդտնեմ, էս անբախտությունի՝ պատճառը կիմանամ, հետո կտեսնենք:

— Ես շատ լավ գիտեմ,— կրակված խոսում էր Խեչանը,— թե էս բանի հերձ որտեղի՞ց ա, նա իմ ձեռքս չի փախչիլ, օ՛, օ՛, օ՛, նա շատ մարդի տուն ա քանդել, բայց իմ տունս շեն կմնա ու նա իր մուրազին չի հասնիլ:

Այս խոսքերից հետո տանուտերն ու տերտերը ներս մտան:

— Բարո՞վ հազար բարի՞,— առաջ գնաց Խեչանը,— լա՛վ որ գլուխ շառաք, գեղիցը փախաք, երեսներիդ փարդա՞ք քաշեցեք, որ էսքան մարդկանց մոտ անպատիվ չըլնիք. տո՛, քանց թե գզրին ու ժամհարին էիք դրկում, դուք չէիք կարող գա՛լ. ոնց որ իմ ուրախությունին մասնակից էիք, իմ տխրությունին էլ հրնկեր կդառնայիք:

— Համբերի՛, Խեչա՛ն, որդյա՛կ, աստված սրտիդ համբերություն տա՛, աստված մարդիս միշտ փորձում ա, մի օր էլ ետ ինքը խնամք կանի, մեր սիրտն ա նեղ, թե չէ աստծու սիրտը շատ լին ա ու ողորմությունի դարգյահը՞ բաց:

— Մառա ե՛մ աստծուն, տերտե՛ր, ես անբավական չեմ, ես ձեզանից մենակ էս եմ խնդրում, որ էն հրամանաթղթերն էսքան խալխի միջին կարգաք. տեսնենք ի՞նչ պատճառով եփած կրակի վրա սառը ջուր լցրին:

Դերձիկ Ստեփանն որդին, որ արդեն ներկա էր, կրկին առաջ կոչվեցավ, կրկին հրամանաթղթերը կարդաց:

Մովրովի հրամանն ավելի հասկանալի աշխարհաբառ էր գրած. այնտեղ պատվիրած էր տանուտերին, որ եթե տերտերը չհարգե գործակալի հրամանը, ինքը յասավուլի օգնականությամբն եկեղեցու դուռը փակի և պսակը խափանի:

— Յասավուլ Մարգարի անումը գործակալի հրամանի միջին ի՞նչ բան ունի, տիրացո՛ւ, ես չհասկացա, ինձ մի գլխի քցի՛,— հարցրեց Խեչանը դերձիկի տղին:

— Ուղիղն ասեմ, ես էլ չեմ հասկանում, և կարծեմ գրողն ինքն էլ յուր գրածից ոչինչ չի հասկացել. մեր գործակալը հայերեն այնքան գի-

տի, որքան էս ֆարսի լեզուն. բայց որքան և նկատում եմ, կարծեմ ուղեցել է ասո՛ն՝ թե ի պատիվ մովրովի և յասավուլ Մարգարի, ես հրամայում եմ պսակը քանդել:

— Սո՛ւտ ա, սո՛ւտ, տանուտե՛ր, կարկատովի՛ ա, թաղա սիպտակ կարկատան ա՛՝ հին սև շորի վրա, ջոռ աշքն էլ կջոկի, ես շատ լավ գիտեմ, թե էս բանի հոտը որտեղի՞ց ա գալիս. ընենց չի՞, տանուտեր Սիմո՛ն, մի՞տոդ ա մեղալի թուղթը, խնամախոսությունը:

— Խեչան ջա՛ն, իմ որդեկերանց արևը վկա՛ ես բանից խաբար չէի, ախպե՛ր, մարդիս էլմը-Ֆեմը՛, աղամորդու սատանությունն ո՛վ կիմանա, ես դրուստն ասեմ, յասավուլ Մարգարի խոսքիցն էնպես էր դուս գալիս, որ ինքն ա ջո աղջիկն ուզում. մովրովն էլ, սաքի թե, իր խաթեր գործակալից պսակը քանդելու հրաման ա խնդրել ու ընչանք իր անումն էլ հրամանի մեջը գրել ա տվել: Ես էլ դրա համար շատ խնդրեցի, աղանչաք արի, խոսք տվի, որ իր համար սիրտն ուզած տեղիցն աղջիկ ուղեմ, քեզանից էլ մի քանի շահի առնեմ իրան սեցնեմ՝ վերկենա, կորչի. չեւա՛վ. ու չեւա՛վ. մին էլ սկսեց վրես բարկանալ, թե ես մովրովի հրամանը ոտի տակ եմ տալիս: Ընչանք հաթաթա՞ էլ տվեց, թե ժամումն էլ ըլին, կես կարգն էլ կատարած ըլնեք, դամշու տակը կքցեք ամենքին ու դուս կաներ: Տերտե՛ր, դու ըլիս ջո անտոնական կարգք, խոսքումս սուտ կա՞:

— Ո՛չ, իմ կարգը վկա, իմ պաշտում-պատարագը վկա. իմ օծումը գիտենա՛, տանուտերի խոսքերը՝ ո՛նց որ ավետարանի կողքին գրած: Ես էլ շատ խնդրեցի յասավուլին, շատ էլ դարդ արի, բայց ի՞նչ կանես. որդի՛ս, իշխանություն ա, գործակալ ա, կարա՞ս շսել. էգուց թվանքչին կգա, մի՞րուքս շղթեխի՞ մեջ կքցի ու քաշ տալով կտանի ծակը կոխի. էն վախտն ի՞նչ կանեմ, որդի՛ս, մի տուն լիքը մանր որք թոռների տեր եմ, թե՞ հայտնի չի՞, որ նրանց ճանգն ընկնողը հեշտ ու հանգիստ պրծնիլ չի:

Խեչանը տերտերի խոսքի շարունակությունն ականջ չկախելով՝ դուրս թռավ, բայց պերճախոս տեր հայրն ուշք էլ չդարձրեց այդ բանին, բավական էր, որ ամենը լուռությամբ լսում էին: Նա, որքան լեզվումը ճարտարություն ունեք, հաստատեց յուր անմեղությունը, խոսաքնելով յուր իշխանավորների անողոք և քարասիրտ բնավորությունները:

Ամեն ոք տանուտերին ու տերտերին իրավունք տվին, տերտերին ավելի արդարացրին, հաստատելով, որ պատասխանատվությունից աղատվելը նրան ավելի դժվար է և մեծամեծ ծախքերի կարոտ:

Հասարակ գյուղականը շատ լավ ճանաչում է յուր թե՛ հոգևոր և թե՛ մարմնավոր կառավարիչներին. նրա ցույց տված սերն ու հարգանքը

1 Թարգմանի: 2 Սկզբը: 3 Վարագույր: 4 Գուր:

1 Հնարագիտություն: 2 Սպանալիք: 3 Բամբակ մարբելու գործիք:

առ հոգևորականությունը՝ յուր քրիստոնեական շնորհ զգացմունքների արտահայտությունն է, իսկ առ մարմնավոր իշխանությունն՝ յուր հպատակության պարտքը հոժարակամ կատարելու: Այս պարտավորություններն առավել մեծ սիրով և ավելի աւրախ սրտով կկատարեն նա, եթե երկու կողմից յուր մերձավոր իշխանավորների քաղցր, մարդասիրական, արգար վարմունքն ու հայրական որդեսիրությունը տեսնի: Բայց խոր հառաչանքն երբեք գլուղական ժողովրդի սրտից դարերով չի կարվել:

Այս վշտերն սննենալով յուրյանց սրտումը, հարսնետրոններն, ասացի, բուրն էլ միաբերան արդարացրին տանուտերին ու տերտերին:

— Ինձ տվե՛ք էդ հրամանաթղթերը, տերտե՛ր, տանուտե՛ր,— ձեռքը ձգեց տեղանք գրսից ներս գալով,— ընչանք իրիկուն էջմիածնումն էլ, Երևանումն էլ բանը կբացվի. թող տեսնենք՝ ի՞նչ գաան մովրդն ու գործակալն իմ երեխի պսակի միջին, որ խափանեցին:

— Բաշխի՛, տեղան ջա՛ն, երեխես ուզես՝ քեզ փեշքյաշ, համա ես իմ տունը եսիր՝ չեմ քցիլ, դու գիտես, որ սիրբական կլնենք,— արդարացավ տանուտերը ձեռքը բացասաբար շարժելով:

— Գու ի՞նչ ես ասում, տերտե՛ր, դու էլ չես տալի՞ս:

— Աստված մի՛ արասցե, ա՛յ որդի, Դավիթ մարգարեն ասում ա իր Գործք առաքելոցի 117 գլխումը, թե զի ով հակառակ կա իշխանության, խածնացե գնա զօճն անապատի: Գիտե՞ս ինչ ասիլ ա.— ով որ, ասում ա, իշխանությունի հրամանաթուղթն ուրիշի ձեռքը քցի, խածնացե՛ էս շատ խրթին գրաբառ ա. էնպես չի՞, ա՛յ ձվից դեռ գլուխը չհանած՝ գործակալին շնամանող տերացո՛ւ,— ժողովրդի մտտ դերձիկ Ստեփանի սրդու գիտությունն արհամարհելով՝ ծաղրեց տերտերը:

— Ի՛սկ էդպես է, խածնացե շատ թունդ գրաբառ ա, ես չեմ հասկանում,— քամահրելով պատասխանեց պատանին:

— Ապրի՛ս, որ պակասությունդ ճանաչում ես. հա՛, խածնացե՛ ասիլ ա կկծի նրան անապատի օձը, որ հրեայքը, այսինքն Քրիստոսին թշնամի ջհուղները շինել էին պղնձից ու փեռի վրա քաշ արել Մոսկես մարգարեի հրամանովը. ով որ Քրիստոսին հավատում էր, ծառա եմ իրան, խաչապաշտ էր դառնում, նրան էդ օձը չէր դիպչում, բայց ով որ կոպապաշտ էր մնում, կամ թե Մահմատին, Ալուն էր հավատում, նրա երեսին թքելուն պես՝ ուռչում, քաղմությունի միջին տրաքվում էր:

— Երկար քարոզների ժամանակ չէ, տերտե՛ր, բռնոք հիմի զղտմս՞ չեն նստում. գու կարճ ասա՛, հրամանը տալիս ե՞ս թե չէ,— նեղացած հարցրեց տեղանք:

— Շաթեացին ասել ա՛՛ ոչ տեսանես զԵ՛... զԻ՛... պը՛... տո՛ս:

— Որ ըտենց ա, իմ աղիզ ղոնաղնե՛րս՛, թողություն արեք, ամենքդ ձեր տները գնացե՛ք, իմ տունը դարդակեցե՛ք, ես գործ ունիմ,— շեշտեց տեղանք:

Մտան ներս եկավ և հայտնեց, որ ձին արդեն պատրաստ է:

— Մեաք բարո՛վ, ես ճամփա ունիմ էսօր կտրելու, ոնց որ խընդրեցի, գնացեք ձեր բանին,— ասաց ու դուրս գնաց տեղանք:

— Աստված սիրողը բունի՛ դրան,— շտապեց տանուտերը,— կերթադուխն ավելի մեծ փորձանքի մեջ կքցի:

Բարեկամները քամակիցը դուրս վազեցին և ձի նստելու ժամանակ առաջը կտրեցին:

— Խեղա՛ն, ա՛յ, տեղան, մեր խաթեր դեռ շտապիլ մի՛, դեռ մի քանի օր համբերե՛նք, տեսնենք՝ գլխներդ ի՞նչ ա գալիս:

Տեղանը լսել անգամ չէր կամենում. նա ուզում էր որպես և լցե այսօր բանը տեղ հասցնել:

— Խեղա՛ն,— վերջապես դուրս եկան տերտերն ու տանուտերը,— մի շարաթ համբերի՛ր, թե որ մի տեղից ձենը դուրս չգա, մենք երկու հրամանն էլ քեզ տանք, գնա՛, որտեղ հարկավորն ա, խնդրեով տո՛ւր. մենք էլ գեղահավան՝ տունը մի մարդ վեր կենանք, գանք քո թասիրը քաշենք՞, էս անպատվությունը մենակ քոնը չի, սաղ գեղինն ա. էսօր քեզ արին, էգուց էլ մեկ կանեն: Գուք ի՞նչ եք ասում, ա՛յ էլիկ, համա՛ձայն ե՞ք, թե ոչ:

— Մեր աչքի՛, մեր շլխի՛ վրա:

— Այ այոպեր, երկաթը տաք-տաք կծեծեն, ինձ բանդ մի՛ անեք, թողե՛ք գնամ:

— Չէ՛, տեղա՛ն, ոտդ ձիու օրդանգուին դրիր թե չէ, աջու աչքիս վերի կույր խաղաց, շատ վատ եմ փորձել. արի էսօր սատանի գլուխը տրորի՛, էդ ճամփից ետ կա՛ց,— ասաց տանուտերը:

— Ո՛, օ՛, օ՛, որդի՛, թե որ էդպես ա, ես քեզ չեմ թողալ, որ մի ոտն առաջ դնես. երազահանն էֆեմերդու գրքի միջին ասում ա՛՛ «Եթե աչ աչֆի վերի կույր ներքի տամարն խաղա, ծախարդություն պատահեսցի», էսօր էլ լուսնի 13-ն ա, օրն շառ է, գրած ա՛՛ երազն օրն կատարի:

— Ո՛չ, տեղա՛ն, քեզ հետ մի բեռն աղ ու հաց ենք կերել, ես քեզ չեմ թողալ, որ էն սևագլխների երեսը գնաս. շատ լավ ա ասում մեր տանուտերը. մի շաքաթից հետո, թե որ քո երեխի պսակի հրամանը չեն տալ,

գեղը քեզ համար կաննած ա, մեջք-մեջքի կտաք՝ սարեր շուռ կտաք. էնպես չի՞, իմ սիրելի ժողովո՛ւրդ:

— Ըտենց ա, աշիդ մատա՛ղ, քո կարգը մեզ խոռվ կենա, թե որ մենք տեղանի համար մի շաքթից հետո ընչանք Դաղստան էլ ըլնի՛ չգընանք:

— Աստված օրհնեցե՛հ, որդի՛ք, ես էլ ձեզ օրհնող կըլնիմ:

— Թող ձեր խոսքն ըլի՛, ես լավ գործին հակառակ չեմ կենալ: Դեհ, խնամի Աղաջա՛ն, — ձայն տվեց տեղանն, — ուրախացի՛ր, էս սհաթս մարդ զրկի՛, թող պսակաճաշը պատրաստեն, մեր բարեկամներովը գնանք մի լավ ուրախություն անենք, մնացողն աստու՛ կամքին թողանք, ընչանք օրը գա՛ բարին հետը:

Աղաջանի տանը պսակաճաշն արդեն պատրաստ էր. կարգն այն էր, որ պսակից դուրս գան ու նորափեսայենց տանը ճաշեն: Բոլոր բարեկամներով մինչև երեկո մեծ հացկերույթ արին:

Խեղանի տանը մնացին միայն չորս հոգի՝ Մարիամը, Հեղնարը, Հերիքնազը և ինքը նորափեսա Սմբատը, որ ոչինչ բանով չհամաձայնեցավ աղջիկներին թողուլ:

— Հերիքնա՛զ ջան, էսօր ինձ աստված՝ ախսեր տվեց, — կրկնում էր հաճախակի Հեղնարը:

— Մի ախպեր, որ իր գլուխը քեզ համար մահի կտա, որ աչքը քո աչք ունքին պտի ունենա, կրակի մեջն էլ զրկես՝ գնա, բարափովն էլ քցես՝ վազե՛վազ ներքև ընկնի, — պատասխանում էր Սմբատը:

— Էդպես խոսքերով իմ սիրտս արին եք կաթացնում, չիգյարիս մեջ շամփուր եք ցցում, — ձեռքը մեկի և մյուսի բերանին սղմում էր Հերիքնազը. — թե որ դուք էսօր ձեր թշնամիների փորած հորի մեջն ընկաք, ես հույս ունիմ, որ շատ շի քաշիլ, ձեր ճամփի քար քցողի աչքը դուս կգա, դուք ձեր բախտին կտիրանաք, ես էլ իմ մուրազին կհասնեմ: Սմբատի և Հեղնարի համար ամենաբողոքանիկ օրն էր այսօր, իսկ Հերիքնազը հոգով տրտում էր. նա յուր սերն սպանեց յուր սրտումը, յուր ներքին ձայնին հակառակեց, տարիներով աշխատեց, որ իր քեռու սիրտն ուրախացնի, իսկ այսօր մի ըրպեի մեջ բոլոր աշխատությունը ջլոր կտրվեցավ:

Իսկ ի՞նչ էր անում պառավ Մարիամը — ոչինչ, նա մի անկյունում նստել՝ առանց արտասուք թափելու լալիս էր:

ՄԱՐԴԱՍՊԱՆ ԱՂՋԻԿ

Աշտարակ գյուղի հյուսիսային ափումը՝ Թորոսենց կոչված կալի մոտ՝ գտնվում էր մի լայն բակ, որի արևելյան կողմումը մի մեծ սրահի տակ կարգով ընկած էին մի հացատուն և երեք-չորս սենյակներով:

Բակի դուռն ուղիղ բացվում էր կալի վերա և նայում էր Մողնու Թառանվանված բարձրավանդակին, ուր ի հնուց մի քանի գերեզմանների թվում մինչև այսօր էլ կան ևրեք թե չորս խաչարձաններ:

Լուսինն այս գիշեր երեկվան նման շատ շեր փայլում, երկինքն ամպոտ էր, բայց ոչ շատ մթնագիշեր. աշտարակցիք վաղուց հանգիստ քնուած էին, ամեն բան խաղաղ էր:

Խաչարձանների քամակին յափունջում կոչովված՝ ոտից գլուխ զրահավորված՝ հինգ ձիավոր սպասում էին:

Փոքր միջոցից հետո դրանց մոտեցավ և մի ուրիշ ձիավոր. նա գյուղի կողմից էր գալիս. մթնումը մենք նրա երեսը շնք տեսնում, բայց նրան ճանաչողը կասեր մեզ, որ նա մի դեռահաս, գեղեցկադեմ, բարձրահասակ պարսիկ բեզգադա էր:

— Ժամանա՞կն է, բե՛գ, — հարցրեց նորեկին սպասող ձիավորներից մեկը, որի հրամայական ձևերից, թվի թե, մյուսների վերա գերազանցություն ուներ, կամ նրանց գլխավորն էր:

— Ո՛չ, աղա՛, դեռ շուտ է. թեպետ փողոցներումը ոչ ոք չկա, տատմեր պառավն էլ ասում էր, որ փեսան այս գիշեր շատ վաղ է գնացել, հայրն և հորաքույրը կես ժամից ավել է քնած են, բայց դեռ երկու աղջիկները արթուն են յուրյանց փոքր սենեկի մեջ: Տատմոր ասելովն աղջիկներն հենց հիմի իրան ճանապարհ են դրել ու անկողինները փռել: Շատ խորամանկն է այն տատմերը, տեղանը տուն չի թողնելուս եղել, բայց ոնց որ եղել՝ մտել է, աղջիկների թույլ կողմը գտել ու ամեն տեղեկություն, ինչ որ մեզ կարևոր է, մի առ մի հարցրել: Մեր փախցնելու աղջիկը պառկած կլինի այն կողմը, ուր մենք պատը պիտի ծակենք: Մակելու տեղը շատ բարակ է, ներսից մի խուլ պատուհան է, որի մեջ այժմ ոչինչ չկա դրած: Մի փոքր էլ սպասենք, աղջիկները խոր քնի մեջ մտնեն և ապա գործը սկսենք, դժվարությունի շնք հանդիպիլ, այսօր ցորեկով ես քանդելու տեղը լավ զննեցի. մի բար կա, լինելը տակը տալու պես դուրս կգա, և ահա՛ մուտքը բաց է մեզ համար:

Աղջիկներն անկողին մտնելուց հետո շատ ժամանակ չքնեցին, նրանք

յուրյանց տան գլխին եկած փորձանքի վերա խոր հառաչանքներ քաշելով, միմյանց մխիթարում էին:

— Հեղնար ջա՛ն, թրխկոց շես լսո՞ւմ, հենց իմանաս մեր պատը քամակից քանդում են,— փսփսաց Հերիքնազն յուր ընկերուհու ականջին:

— Հա՛, Հերիքնազ ջա՛ն, պատը քանդում են, ես վախո՞ւմ եմ, գողեր կլինի՛ն:

— Մի՛ վախի, մատա՛ղ, վերկաց մինթանեղ՝ շլինքդ քցի, գնանք քեռուն զարթնացնենք:

— Ոտներս բռնվե՛ւմ են... Հերիքնազ ջա՛ն... ծնկներս ծավո՞ւմ են... ես չե՛մ կարողանում վեր կենալ,— հազիվ ատամները միմյանց խփելով՝ արտասանեց Հեղնարն այս մի քանի բառն և մնաց տեղումն ընկած:

Մինչ այս, մինչ այն, Հերիքնազը մթության մեջ նշմարեց պատուհանից ներս թափանցած խավար լուսո շառավիղը, տունը ցրտեց և մի մարդու ներս սողալու շարժմունքի հետ աղջիկը լսեց հետևյալ խոսքերը.

— Զգույ՛ջ եղի՛ր, շփոթվի՛ս, շոռոհաս, որ դու ասացիր, թե մեր փախցնելու աղջիկը պատի կողմի պառկածն է, շլինի թե մյուսին մոտենաս. հանկարծ գրկի՛ր ու ծակին մոտեցրո՛ւ, մենք ձեռքդ կառնենք. տե՛ս՝ թաշկինակդ բերանը կոխելը շոռոհաս, որ ձայն չկարողանա հանել:

Ի՞նչ աներ Հերիքնազը, նա ուզեցավ բարձրացնել Հեղնարին, բայց տեսավ, որ խիստ ծանրացել է, թույլ տվեց: Նա իրան չկորցրեց, նա վեր թռավ տեղից և առանց ձայն հանելու վազեց դեպի անկյունը:

Խեղանի տանն ի հնուց անտի մնացել էր մի եռանկյունի սրածայր խիշտ մի հասարակ փայտյա պատենի մեջ: Այդ խիշտը ջուհարդար՞ էր. շարժածվելուց ժանգոտել և անպետքացել էր: Տարիներով ոչ ոք ուշք չէր դարձրել այդ խշտի վերա, միայն մի քանի շաբաթ առաջ, դիպվածով, Սմբատի հետաքրքրության առարկա եղավ այդ հազվագյուտ հնությունը և նա շատ դժվարությամբ պատենիցը դուրս հանեց: Ափսոսալով մի այսպիսի զենքի վերա՝ Սմբատը չրով սրբեց և յուզեց: Այնուհետև մի քանի անգամ էլ յուղել էր նա խիշտը, որով ժանգի ներգործած տեղերը սև բծեր միայն մնացին, իսկ պատենի մեջ շատ հեշտությամբ մտնում էր:

Հերիքնազը վերցրեց այդ խիշտը և մոտեցավ պատուհանին, այժմ

աղաղակ բառնալն ուշ է,— մտածեց նա և առաջին տուն սողացողի ձախ կոնատակիցը ներս խցկեց:

Հերիքնազն՝ այն թույլ աղջիկը, մոռացել էր այդ ընկերին յուր սեռը. նա այնպես հաջողականությամբ կատարեց այդ գործը, որ յուր նպատակին լիովին հասավ. կարծես թե յուր կյանքի մեջ նա միշտ սրի հետ է խաղացել, թշնամյաց դեմ մի քանի անգամ յուր գլուխն է պաշտպանել և մարդու մարմնո ամենավտանգավոր ու երկյուղալի մասի հետ քաջ ծանոթ է. կոխեց նա խիշտը ներս մտնողի ձախ կոնատակն և մի երկու անգամ ոլորեց:

— Օգնեցե՛ք,— հազիվ ճիշ արձակեց գողը,— ես սպանվեցի՛— նա խոխոցն ընկավ, նա էլ ոչ մի խոսք չկարողացավ խոսել:

— Մաշադի՛, Մահմատ-Բաղլըր բե՛գ, ի՞նչ եղավ, ի՞նչ պատահեց,— դրսիցը ձայն տվին մյուսները, բայց պատասխանը Բաղլըր բեգի խոխոցը միայն եղավ: Նրա ընկերները ձեռք տվին նրա ոտքերին և գտան մահվան ընկերի դողման մեջ. մի փոքր միջոցից ամեն բան վերջացավ. նա էլ չէր շարժվում:

— Օգնեցե՛ք, գողեր են կելի:— ձայն տվեց Հերիքնազը յուր գործը վերջացնելուց հետո և վազեց մյուս սենյակը, զարթնացրեց քեռուն և մորը, որոնք քնաթաթախ միայն անկապ բառեր և ճիշ էին արձակում:

— Մի՛ շփոթվիք, ճրագ չվառե՛ք, նորարներին՝ զարթնացրե՛ք,— տնօրինեց անահ աղջիկն և ինքը կրկին խիշտը ձեռքին դուրս թռավ յուրյանց սենյակը: Նա պատուհանի բացվածքովն այս խոսքերը լսեց.

— Տղե՛ք, մեզ չհաջողեց, այսուհետև դեմ դնելն ավելորդ է. մեր միտքը գողություն, կողոպտել չի. իզուր տեղը գուցե մի երկուսի արյունն էլ կթափվի, ահա բակի մեջ ծառաները՝ ձայնն էլ բարձրացավ. ոտքերի տրոփումներն են լսում, հեռանալը խոհեմություն է. ձիանքդ նստեցե՛ք՝ քաշվինք:

— Իսկ այս խեղճի մարմինը կվայելի՞՞ այստեղ ձգել ու երթալ, աղա՛,— հարցրեց ընկերներից մինը խոսողին:

— Դա մեր ընկերը չէ, դրան ո՞վ խնդրեց առաջ ընկնել, իրան պաշտոնն էր միայն ճանապարհները մեզ ցույց տալ, ես քանի անգամ ստիպեցի թույլ տալ մեզ գործել, ականջ չարեց, ուզեցավ մեզ զարմացնել յուր քաշությամբն և՛ ահա պատիժն առավ: Դե՛հ, տղե՛ք, մի նստեցե՛ք, աղաղակը մեծացավ:

Եվ արդարև, Խեղանի գոռյուն-գոռյունը զարթնացրել էր գոմումը քնած ծառաներին, որոնք դուրս գալով բակը՝ օգնություն էին կանչում:

1 Շրջագոստ: 2 Թունավոր է. ասում են, որ ջուհարդարի պատճառած վերքն անբուժելի է:

1 Մառաներին:

— Հիմի ճրագ վառի՛, նանի՛, աստված մեզ աղատեց, գողերը փախան, մենակ մինն իր պատիժն առավ,— ճայն տվեց Հերիքնաղն ու ներս բնկավ, մոր ձեռքիցը խլեց հրահանի պողովատիկը և ճրագը վառեց: Մոր ձեռքերը դողում էին:

Մարտափէլի էր տեսարանը. Հեղնարը համարյա՛ անշունչ ընկած է անկողնումը. մի երկայն դիակ էլ տարածված է պատի մեջ, մարմնո կեսը ներսը սենեկի մեջն է՝ գլուխը պատուհանից վայր կախված, իսկ ուրբերը դուրսը. կողքից բխած արյունը սենեկի մեջ լերդացել է:

Հարևանները բոլոր գարթնեցան, փողոցը, կտրները, բաղն և բակը մարդկանցով լցվեցան, դռները բացվեցան և բազմությունը տուն թափվեցավ:

— Մահմատ-Բաղըր բե՛գը, մաշադի Մահմադ-Բաղըրը՞,— զարմացմամբ ճանաչեցին ամենքը սպանված երիտասարդին.— էս ի՞նչ բան ա:

— Ես սպանեցի,— օրիորդական ամոթխածությամբ գլուխը կորցրած՝ պատասխանեց Հերիքնաղը,— դա մենակ չէր, մի քանի հոգի էին. ոնց որ խոսում էին՝ եկել էին Հեղնարին փախցնելու:

Հերիքնաղը պինդ բռնած ուներ ձեռքին եռանկյունի սրածայր արյունոտ խիշտն և ամենքին ցույց էր տալիս:

— Վա՛յ, նանի ջա՛ն, էս ի՞նչ ա,— Ջլաց նոր ուշաբերած Հեղնարը, երբ որ ճրագի լուսով տեսավ պատուհանումը ձգված դիակը և արյունը: Հեղնարը կրկին ուշաթափվեցավ:

Խեղճ Խեչանն այս տեսարանները չկարողացավ տանել, սրտաբեկ, ծնկակոտոր վայր ընկավ մի տեղ և լաց եղավ:

— Ափսո՞ս իմ Մահմատ-Բաղըր, դու չպետք է սպանվելիր, քեզ գլխահան անողը պետք է էդ պատժին գար.— հաճախ կրկնում էր Խեչանը:

— Ի սե՛ր աստծու, աղջկանս օգնեցե՛ք, Հեղնարիս ետ բերե՛ք, ինձանում ջան չմնա՛ց, էս երկօրն իբար վրա իմ գլխին պատուհա՛ս ա գալիս, աստծուն փա՛ռք, ի՞նչ կարամ անիլ, հալբաթ մեղավոր եմ,— կոծում էր ծերունին:

Հերիքնաղը յուր մոր և ուրիշ կանանց հետ թեպետ ուշաբերին Հեղնարին, բայց նա խիստ թույլ էր, հարկավոր էր անկողին դնել նրան:

Այդ միջոցումը լերդապատառ տուն ընկավ Սմբատը. նա շատ ուշ էր իմացել, նրանց տունը հետո էր:

— Լաց ըննելու ժամանակ չի, Սմբա՛տ ջան,— կամաց մրմնջաց Հեղնարը,— արի Հեղնարին գրկի՛, տանենք հացտտանը թեք քցենք:

Ամբողջ փիշերը Հեղնարը դառանցում էր, ցնորքի մեջ էր: Սմբատն

ու Հերիքնաղը ոտքերի մոտ էին նստած, իսկ ուժահատ ծերունի հայրն ու Մարիամը ձեռքները ծնոտին՝ գլխավերևը:

— էս մեյիզն՛ էսպես մնա՛, ոչով ձեռը յտա,— տնօրինեց տանուտերը,— տղե՛ք, ձիավորվեցե՛ք, մի երկուսը ձեզանից ինձ հետ գան՝ գնանք մովրովին իմաց տանք, մնացածներն էլ բաժին-բաժին էլե՛ք. ամեն ճամփով էլ գնացեք գողերի բամակիցը: Ձեզ մատա՛ղ, ջահելնե՛ր, բան ա՛ թե որ պատահիք, աշխատեցե՛ք, ինչպես ըլի՛ սաղ բռնել, մինին էլ որ ձեռք քցեք, հերիք ա, թե չէ, երբ որ տեսաք ճար չկա, ձեր գլուխը պտի կորչի, տեսաք՝ որ նեղն եք ընկնում՝ գլուխ բանեցրե՛ք, հո՛ գիտե՛ք՝ ի՛նչ օրերի ենք հասել, մովրովի հրամանն ա, որ գողը գալիս ա քեզ սպանի՛՝ դու իբրան մի՛ սպանիլ, աշխատի սաղ բռնես, հենց իմանաս գառն ա, կամ թե չէ՛՝ նոր ոտն էլած հավի ճուս:

Այս արկածը պատահեցավ Սաքոյի Մահմատ-Հասանի հետ խոսեցած երկրորդ գիշերը:

Մյուս օրն առավոտյան լուսը նոր բացվում էր, որ մովրովը մի գրագրով, յուր թարգմանովն և մի քանի յասավուլներով տանուտերի հետ Աշտարակ մտավ:

— Աղա ջա՛ն, ինչ կուզի ըլնի, էլ Խեչանին ձեռաց շթողաս, մեղքը բոլոր նրա շլինքը քցի ու կոները կապած հետդ բեր. հազիվ ինքն իրան մեր ճանգն ընկավ,— ասաց մովրովին Սաքոն, երբ տանուտերի բերած համբավը մտավ հաղորդելու:

Ընթերցողն իհարկե գիտե, որ Սաքոյին հայտնի էին այս գիշերվան հանգամանքները: Նա Աշտարակի ձորի կամրջի մյուս երեսին սպասում էր Մահմատ-Հասանին և նորա ընկերացը: Գործի անհաջող ելքը լսելով Մահմատ-Հասանի բերանից, բաժանվեցավ նրանցից և ծովեց դեպի Սև ջրի գլուխը:

ԱՐԴԱՐԱԿԱՏՈՒԹՅՈՒՆ

— «Բոլոր մեղքը Խեչանի շլինքը քցի՛, կոները կապած հետդ բե՛ր, հազիվ ինքն իրան մեր ճանգն ընկավ»:

Այս տրամադրությամբը մովրովն Աշտարակ մտավ: Որսն յուր ճանկն էր ընկել, բաց թողալն անխելություն էր: Սաքոն այստեղ յուր հաշիվն ուներ, իսկ կարճատես մովրովը չկարողացավ թափանցել յուր հավա-

տարմի գաղտնիքների մեջ. կույր զկուրայն նրա տված կանոններին հետևեց:

Ի՞նչ առավոտ էր, որ այսօր բացվեցավ Աշտարակումը, ի՞նչ սարսափելի ու քստմնեցուցիչ տեսարան էր: Ոչ միայն աշտարակեցիք՝ նոսոտքի ելած երեխաներից մինչև ծերերը, մերձակա գյուղերն ևս հայ և պարսիկ ամենքն, ամենքը դեպի Աշտարակ էին վազում: Վառ համբավը շուտ տեղ կհասնի, ասում է առածը, իսկ այս տխուր դեպքից մեծ ի՞նչ վատ համբավ: Խնչանի պատը ծակել են, աղջիկն ուզեցել են փախցնել և մի ուրիշ թույլ ու անզոր աղջիկ, մի սկար արարած, Մահմատ-Բաղըրի նման կտրիճ տղամարդին սպանել է: Երկու տունն էլ նշանավոր. մինը՝ գավառի ամենից հարուստը, մյուսը՝ քաջատոհմ բեզգաղա, հոր մինուճար, մի մեծ գյուղի կալվածատեր, մի տան ճրագ. իսկ այդ երկու տներն երկար տարիներ է խոնախա՝ ևս իրար հետ, տես ու ճանաչ են: Մահմատ-Բաղըրը տարվան մեծ մասն Աշտարակ էր անցկացնում և յուր իջեվանն էր խնչանի տունը:

Ահա բուն պատճառը, որ Սաքոն անմիտ երիտասարդին իրեն գործիք ընտրեց:

Մահմատ-Բաղըրը դավաճանեց աղ ու հացի ու բարեկամության դեմն և պատիժն առավ: Նա պարսիկ էր և օրենքով հայի հացի պոռնգ չպետք է կտրեր, յուր ծանոթի տանը պիտի բավականանար խաշած ձվով հյուրասիրվելով, բայց Մահմատ-Բաղըրը նոր երիտասարդ, յուր նմանների պես չէր պահում այդ կանոնը. խնչանի տանը նա ուտում էր, ինչ որ յուր առաջը բերում էին և ամենափառավոր կերպիվ վայելում էր. խնչանի գովական գինին ու արաղը: Մահմատ-Բաղըրը զոհ գնաց Սաքոյի շահերին, իսկ ինքն՝ այսքան թշվառությանց պատճառը՝ մի կորկի շափցավ չզգաց, չզղչաց յուր շարագործության վերա: Նա մի բանի համար միայն խիստ ցավեցավ. նրա ծրագիրը ոչնչացավ, ինքը հավիտյանս զրկվեցավ խնչանի հարստությունից. նա մի բանի համար միայն երկվորտեցավ և դորա առաջն առնելն էր յուր ճիգը: Հանգամանքն այնպես բերեց, որ կարելի էր հետևեցնել, թե խնչանը կարող էր գուշակել յուր անբախտությունների բուն պատճառը. առանց խնչանի ցանկության ինքը Սաքոն մեղալի էր ներկայացրել նրան, մի քանի օր առաջ էլ խնամախոս էր խրկել և ահա այս ամենից հետո՝ հանկարծ խնչանի աղջկա պսակը խափանվում է և տանը մարդասպանություն է պատահում:

— Սրա առաջը պտի առնել, թե չէ իմ գլուխն էլ զնդանի տակ կ'ըջտնի ու մովրովինն էլ, — մտածեց Սաքոն և հնարքը գտավ: Երկյուղը մե-

նակ խնչանիցն ա, թե որ նա բռնվի, փակի տակ դրվի, էլ ո՛վ պտի գլուխ ցավացնի, բանը կքնի ու կփտի, համ մենք ապահով կըլնինք, համ էլ մեջը մենձ օգուտ կբաղենք:

Այս ընթացքով Սաքոն պատրաստեց մովրովին՝ և Աշտարակ ուղարկեց:

— Այստեղ դավաճանություն կա, բոլորը հնարովի խոսքեր են, ի՞նչ աղջիկ փախցնել, ի՞նչ աղջիկ մարդասպան, այս տղամարդի գործ է և հին ատելության ու վրեժխնդրության հետևանք, — գոչեց մովրովը դիակը զննելուց հետո, — պատը գիտությունը է քանդած և խեղճ երիտասարդին բռնությամբ կամ խաբեությամբ ներս է մտցրած. ես իսկույն հանցավորը կգտնեմ և նրա շարագործության արժանի պատիժը կտամ:

Մովրովը խնչանի սենեկներից մեկում ատյան նստեց և ծառաներիցն սկսավ հարցմունքի սկիզբը դնել:

Եղելությունը ոչ ոք չէր իմանում բացի Հերիքնագիցը, որին մովրովը մոտ անգամ չէր ուզում թողնել:

— Քո ույծդ ու բազկիդ ղորությունը ի՞նչ է, որ դու այդպիսի երկայն խիշտը կարողանաս ձեռքումդ շարժել և հաջողությամբ սրտի մեջ ցցել: Այդ հին փտած հնարքներ են՝ գլխավոր մարդասպանին աչքից փախցնելու համար, — բարկացմամբ խոսում էր մովրովը, — կամ թե պարսիկը հայի աղջկանն ընչի՞ պետք է փախցնել, ի՞նչ հաշիվ ունեք. քրիստոնյան մահմետականի կին չի կարող դառնալ, և ինչպես դու ինքդ քո բերանով վկայում ես, սրա մյուս ընկերներն էլ պարսիկ են եղել:

— Ես ինչ որ լսել եմ, ինչ որ արել եմ, էն եմ ասում, սուտ խոսելու կարիք չունիմ, հիմիկից ետը կամքը քո հրամանոցն ա, — պատասխանեց Հերիքնագը և մովրովի ձեռքով նշան տալու վերա հեռացավ:

— Առաջ արի՛, աղա խնչան, — հեզնաբար հրամայեց մովրովը, — ի՞նչ էս գլուխդ կախել, սուտ տրտմություն երեսիդ կիտել. քեզ պես ծեր աղվեսների շատ եմ հանդիպել, իմ ձեռքիցս շես կարող փախս տալ: Ես վաղուց գուշակում էի, որ դու ճգնավորի հագուստով սատանա-պետք է լինեիր, վաղուց քո հետքը դիտում էի, բայց չէի կարողանում բռնել քեզ, սատանա էիր և սատանաների ամենից խելացին ու ճարպիկը. գառնազգեստ գա՛յլ դու, գավառի բարերարն էիր հանդիսանում, առանց տուկոսի փող էիր պարտք տալիս, աղքատների ու անկարողների հարկերն էիր վճարում, ամենքի աչքերն էլ հող ու մոխիր էիր փչում ու ռամիկ ժողովրդի գովասանքն ու համակրությունը գրավում. նշանակում է, որ դու վաղուց մտքումդ դրել էիր էս խեղճ բեզգաղայի՝ արևը մթացնելու և վերջը ժողովրդի միջնորդությունովը ու վկայությունովը արդարության ձեռքից դուրս պրծնելու: Զէ՛, չէ, խնչան, քո դիմացիդ մարդը նա չէ՛,

որին դու ջուրը քաշես. լավն այն է, բանի քեզ շատ չիմ ստիպել, ուրիշ օրինավոր միջոցներ ձեռք չեմ առել, պարզը խոստովանիս ու պրծնիս. էս ամենը քո արածներն են, քո դողդուղացող ձևերն են, որ գիշերվան մթության մեջ շատ առուզուրով մթնեի ես խշտի դաստակը և ողորմելի ճիտասարդին քո սխալալուծյանդ դո՛ւ արել:

— Լավ միտք արա՛, աղա մովրո՛վ, թե ի՞նչ ես խոսում. հեշանենց հեշանի ազգը պապե-պապ մի ճանճ էլ չի սպանել, մրջիմը չի կիշորել, ու հիմի ես քո ասելովը պտի 20, 30 տարվան մեր ու Մահմատ-Քաղըրենց տան աղ ու հացին խայի՛ն՝ մտիկ տայի. ես էդ խեղճի հոր հետ ախպոր պես եմ էլել, իրան որդուս պես եմ ընդունել, ի՞նչ քեն ունեի դրա դեմը, որ բերում էի իմ տանը սրտիս մուրը հանեմ, էն էլ ի՛մ տանը. թե որ ես մարդ սպանել ուզեի, ուրիշ տեղ չկա՞ր: Իմ քվոր աղջիկը եղելությունը քեզ տեղնուտեղը պատմեց ու պրծավ: Դու հենց իմանում ես, թե ես որ զարթուն ըլնեի, էս անբախտությունն իմ տանը կպատահե՞ր, բայց չահել անփորձ աղջիկ՝ ինչ որ խելքին փշել ա, էն ա արել: Ես չգիտեմ, էս ի՞նչ աստծու բարկություն ա, երկնային թագավորն իմ ո՞ր մեղքն ա երեսովս տալիս, հալբաթ մեղավոր եմ, որ 100 տարիքով չսոված բանն իմ տանը տեսնվեց. երեկ մինուճար աղջկանս պսակը ձեռ-ձեռի տալու տեղը խափանվեց, էսօր էլ աղջկանս քամակիցն ընկնողներն էս խեղճ ջահել-ջիվան քեզի արլունը մտան ու իրանց մուրազին էլ չկարողացան հասնիլ:

— Լավ որ դու ես ասում, թե ասոված քո մեղքն ա երեսովդ տալիս. շար մարդը միշտ կպատժվի. մենք դատավորներս աստծու արդար աջն ենք, որ քեզ պես շարագործներին պատուհասում ենք:

— Ես շատ լավ գիտեմ, մովրով աղա՛, թե փորձանքների ծերն ո՞ւմ տակին ա. գործակալն ի՞նչ իրավունք ունեի իր տված հրամանը քանդելու, ի՞նչ չհաստիցուն կա մեջը՝ որ գրում ա, ի՞նչ կապ ունեի յասավուլի, կամ թե քո անումն իմ որդու պսակի հետ. քո հրամանն ի՞նչ գործ ունեի եկեղեցական կարգերի մեջը. դու մարմնավոր դատավոր ես, հոգևոր դատավոր հո չե՞ս, դրա համար կանսիստոր կա, էջմիածին կա: Թե որ երեկ մեր գեղացիք ինձ թողային կաթողիկոսի ու նաչալնիկի մոտ գնալու, հիմի ամեն բան հայելու պես պարզ կերևար. բայց արևը վատ տեղ մեր մտավ: Վնաս չունի, դու դեռ քո քննությունդ պրծի գնա՛, էջմիածինը հեռու չի, մնացողն իմ գործն ա:

— Ձայնդ կտրի՛, շնծե՛ր, դեռ սպառնայիք է՛լ ես տալիս, ի՞նձ ես ուզում քո շարագործությունների մեջ խառնել. դու կարծում ես, որ այ-

սուհետև լույս արև՝ պիտի տեսնես, որ մարդու երես գնաս,— բարկացավ մովրովն ու տեղիցը վեր թռավ, մի այնպիսի խիստ ապտակ տվեց խեղճ հեշանին, որ նա շարժվեց ու վայր ընկավ:

— Տանուտե՛ր,— հրամայեց մովրովը,— իսկույն այստեղ կանչել տուր քահանային, թող բերի յուր հետ գործակալի հրամանը, իսկ դու տո՛ւր իմ գրած հրամանաթուղթը:

Տանուտեբը հանեց ծոցից մովրովի գրածն և տվեց իրեն:

— Այս մեկ, հեշան աղա՛, քո փաստերից մեկը ոչնչացավ,— հեգնելով պատահտեց մովրովը յուր գրած գիրը և վառարանի մեջը ձգեց:

— Այս էլ քեզ երկրորդը, սրանից էլ ձեռքերդ լվա՛, գործակալն էլ աղատվեցավ պատասխանատվությունից:— Տերտերի հրամանաթուղթն էլ, ձեռքիցն առնելով՝ կրակի մեջ ձգեց մովրովը:

— Ա՛յ աղա, իմ վկան էլ, իմ տերն էլ նա ա,— պատասխանեց հեշանը երկինքը մատնացուցց անելով,— նա ամեն բան տեսնում ա:

— Այդ թողանք, հեշա՛ն,— շատ ուշ ձեռք առավ անփորձ մովրովը խորամանկությունը,— օրենք է, դատավորը կսպառնա էլ, կսիրի էլ. ես փորձելու համար քո վերա բարկացա, ես գիտեմ, որ իմ գավառումը քեզ նման առաքինի և բարի մարդ չկա. արի՛, ճշմարիտը խոստովանիր. իմացած կաց, որ ինչքան և մեղավոր լինիս, ես քեզ բոլորովին կարողաբացնեմ. ասա՛ ընչի՞ համար այս բանը գործեցիր, ի՞նչ ոխ ունեիր պարսկի դեմ և ինչպե՞ս մտածեցիր այդ հնարքը:

— Աղա՛, դու զուր ինձ էդպես հարցմունքներ մի՛ ածիլ, ես ուրիշ ասելու բան չունիմ. ես հենց էն ժամանակը վրա հասա, որ քվորս աղջիկը բանը վերջացրել էր. ամեն բան նա ա լսել. ինչ որ քեզ ասեց, մեկ էլ երեկվանից դեսն էն ա ասում:

— Չերիք է, հեշա՛ն, մեղք է ուրիշներին մեղադրելը. եթե ամանչում ես այսբան մարդկանց մոտ խոստովանելը, ես բոլորին դուրս կհանեմ, ինձ ծածուկ պատմի՛ր, մեր մեջը կմնա:— Այս խոսքերից հետո մովրովը դուրս հանեց բոլորին. նա հասկանում էր թուրքերեն:

Երկար ժամանակ մովրովը հեշանի հետ փակված մնաց, շատ հորդորներ, քաղցր խաբեական խոսքեր, սպառնալիքներ կարդաց, ծերունու բերանից միայն լսեց ճշմարտությունը:

— Ի՞նչ,— հանկարծ դուրը ետ բանալով գոչեց մովրովը,— դու ի՞նձ ես սպառնում ես սպանելու. իմացի՛ր՝ ո՞ւմ հետ ես խոսում. յասավու՛լ, սրա ձեռները կուպեցե՛ք, ոտքերը շղթայեցե՛ք. գրագի՛ր, արձանագրի՛ր, որ սա սպառնացավ ինձ ևս Մահմատ-Քաղըրի նման սպանել, եթե ես իրան ազատ չթողնեմ. այդ բոլորովին պարզ յուր հանցանքը

խոստովանել կնշանակի, գրի՛ր, թող բոլոր բազմությունն այս խոսքերին վկա դրվին:

— Աղա՛, գլխիդ մատա՛ղ,— տուն մտավ հանկարծ Սմբատը,— ասենք էս բանի մեջ ոչ ես եմ մեղավոր, ոչ էս ողորմելի հալիվորը, բայց ես խնդրում եմ, որ սրան բաց թողաս՝ իմ կոները կապես, ինձ զնչի՛ մեջ դնես. սա ծեր մարդ ա՛ չի կարող տանիլ, համա ես, փառք աստծու, դեռ կոներումս ուժ ունիմ. խեղճ արի՛ գրան ու իր միևնուժար աղջկանը, որ գլխամեռոս նշանածն ա. երեկվանից խեղճ աղջիկը տաքության մեջ բնկած էր. հիմի, երբ որ իր հորաքիրը գոռալով տուն ընկավ, որ դու սրան կապել-չարբանդել ես², հիվանդ-հիվանդ տեղիցը վեր թռավ, ուզում էր գա քո ոտքերն ընկնի, ուժահատված տան մեջտեղը փովեց ու սիրտը գնաց. արի՛, աղա, քո աշքովը տե՛ս ու խեղճ արի՛:

— Դու ո՞վ ես, որ համարձակվում ես իմ դեմս խոսել:

— Ծս էս տան անբախտութենի պատճառն եմ. եթե եռչանն իր տված խոսքը քանդեր, աղջկանն ուրիշ հարուստ աղի տաք, հիմի էս պատուհասն իր տան գլուխը չէր գալ. ոտներիդ մատաղ, աղա՛, ի՛նձ գեջրի դրա տեղակ:

— Գորի՛, աշքիցս հեռացի՛, ես իմ հանցավորին լավ եմ ճանաչում:

— Որ ըտեհնց ա՛ ես եմ մարդասպանը, ես մի-երկու շաբաթ առաջ իմ ձեռովս խիշոր սրեցի, ես խաբնով Մահմատ-Բաղդըրը ըստեղ բերի, ես պատն առաջուց քանդեցի ու թուրքին մեջը կոխեցի, իմ ձեռովս էլ սպանեցի. հիմի լսեցի՞ր. դե՛, անմեղ մարդին բաց թո՛ղ ու ինձ բռնի: էս խոսքը քեզ մոտ էլ եմ ասում, նաչալնիկի մոտ էլ կասեմ, թող էսքան բազմությունը, հայ ու թուրք լսեն ու վկա ըլնին. հրամայի՛ գրագրիդ՝ ասածներս մի-մին նշանակի, ես էլ տակին ձեռք քաշե՛մ:

— Ա՛յ ջամիհաթ³, անկաջ դրե՛ք,— դարձավ Սմբատը դեպի բազմությունը,— Մաշադի Մահմատ-Բաղդըր բեգին ե՛ս եմ սպանել, իմ բերանովս իմ մեղքս խոստովանում եմ, դուք էլ վկա կացե՛ք:

— Սուտ ես ասում, Սմբա՛տ, հոգուդ մեղք մի՛ անիլ,— ներս ընկավ հանկարծ Հերիքնազը, որ պարապած էր Հեղնարի հետ.— աստծուն էլ հայտնի ա, որ էս թիլիկ-միլիկ ձեռներն են սպանել, թե որ չեք ավատում, ա՛յ, արևի նշանները, ե՛ս եմ սպանողը, եթե բռնվել ա՛ ես պտի բռնվիմ, աղա՛, ոտիդ տակին մեռե՛մ,— չոքից աղջիկն ու փաթաթվեց

մովրովի ծնկները,— ոչ իմ քեռին ա մեղավոր, ոչ իմ փեսեն. մինն սպանելուց ետն իմացավ, մեկելը խալխիցը շատ ետո հասավ. ես եմ արել, ինձ բռնի՛ր ու ինձ կախ տո՛ւր: Աստված ինքն էլ իմանում ա, որ իմ սրտումս շարություն չի եղել. ես իմ քեռու աղջկա պատկառանքը պահելու ու մեր գլուխն ազատելու համար եմ արել. ես ոչ իմացել եմ տուն մտնողը Մահմատ-Բաղդըր ա, ոչ նրա դեմ մի ոխ եմ ունեցել. թե ես նրան սպանած չըլնեի, հիմի ոչ իմ քեռու աղջիկն ըստեղ կըլներ, ոչ, շատ կարելի ա, մենք սաղ կըլնեինք. ես մթան միջին տեսա հինգ զոռքա՛ ձիավորներին, թե որ նրանք մեր տունը մտնեին, ի՞նչ կըլներ մեր հալը²:

— Թողե՛ք, բալեք ջա՛ն, թողե՛ք, մովրով աղեն շատ արդար դատավոր ա. ես սրանից շատ շնորհակալ եմ, որ ձեզ մարդատեղ չի քցում, ձեզ մհալ չի դնում³, ես ծերացել եմ, օրերս անց են կացել, մի ոտս գերեզմանումն ա, ես եմ պատժվելու արժանի,— աղջկա խոսքն ընդհատեց եռչանը:— Սմբատ ջա՛ն, քեզ եմ հանձնում իմ տունս կառավարելը, դու իմ երկու որբերին հերություն, ախպերություն, սիրություն արա. էլ ըստուց ետը դու ձեր տունը շգնաս, բոլոր իմ ունեցածներս քեզ համար էր ու էսօր էլ տերը դու ես. ես էս ըրպեից իմ հայրական օրհնությունը ձեր գլխին եմ թափում. թե որ բան ա, ես էս փորձանքիցն էլ պրծնեմ ոչ, պսակվի՛ քո նշանածի հետ ու քո քենուն՝ իմ սիրեկան Հերիքնազին՝ քո հալալ քվեր պես պահի՛ ու մի լավ տղի տուր, հետն էլ քվեր պես անխնա բաժինք տո՛ւր:

— Ափու ջա՛ն, խոսք մի՛ խառնի, թող մովրով աղեն ինձ բռնի:

— Սո՛ւ, էլ իրավունք չունիս խոսելու, ես քեզ հրամայում եմ: Հերիքնազ ջա՛ն,— դարձավ ապա եռչանը դեպի յուր քրոջ աղջիկը,— դու քո պարտքը կատարեցիր, մեր տան ամոթը վերացրիր, աստված քեզ վարձահատույց ըլի՛. վնաս չունի, քեզ մատա՛ղ, ես կպատժվեմ, դու քո քվերդ լավ մտիկ տո՛ւր, միշտ մխիթարի՛ նրան, մորդ սիրտ տո՛ւր. ես գիտեմ՝ ջրատար պառավն էսքան ցավերը չի կարող տանել, շուտով գերեզման կմտնի. դու մի՛ տրտմիր, սիրուն բալե՛ս, Սմբատին ախպոր ու հոր պես ընդունի՛. ես ինքս կերթամ, նեղությունը կքաշեմ ու բանտի միջից էլ աստծուն աղոթք կանեմ, որ ձեր վերջին նեղությունն էս ըլի:

— Զէ՛, չէ՛, դու շես գնալ, ես եմ մարդասպանը, ես պտի պատրժվիմ,— առաջ վազեց Սմբատն ու փաթաթվեց ծերունու վիզը:

— Ոչ դու ես, ոչ նա, ե՛ս եմ մարդասպանը, ե՛ս. էսօրվան մարդասպանն աղջիկ ա, թող աղա միրզեն գրի իմ խոսքերը, թող աղա մով-

1 Եղիայի 2 Կաշկանդել: 3 Բազմութուն:

1 Հուժկու 2 Դրություն: 3 Բանի տեղ չի գնում:

րովն ինձ բանտարկի.— Լերիքնազը մոտեցավ ու գրկեց քեռուն ու Սըմբատին:

— Զգրե՛լ ոչ այս ցնդած տղայի և ոչ այս հիմար աղջկա խոսքերը,— բարկացավ մովրովը գրագրի վերա, երբ նա ուզում էր արձանագրել նոցա ասածները.— ես իմ հանցավորին լավ ճանաչեցի, յուր բերանովը խոստովանեց, դրանք իրանց պխից ձեռք վերցրած անմիտներ են. բայց ես խելք ունիմ, հասկացողութուն ունիմ, ես անմեղներին ու ցնորվածներին պատժելու միտք չունիմ:

— Որտեղի՛ց եկել եք, այնտեղ կորե՛ք, հեռացե՛ք երեսիցս,— հրամայեց մովրովն, և յասավունները աղջկա կոնից քաշելով ետ մղեցին, իսկ Սմբատի վզակոթը տաքացնելով՝ դուրս վնդեցին:

Բոլոր բազմութունը լուռ էր. շատերը շարժված այս աղիողորմ տեսարանիցը՝ ծածուկ արտասովում էին. ամենքը պարզ համոզվեցան, որ սպանողը Լերիքնազն է եղել և շատ իրավացի է արել. Մահմատ-Բաղըր բեգի հորեղբոր որդիքը, որոնք նույնպես ներկա էին, իրանք ևս արդարացնում էին աղջկանը:

— Տանուտե՛ր, հասարակութուն, — ի վերջո խոսեցավ մովրովը, — եկե՛ք այս արձանագրության ներքև ամենքդ էլ վկա գրվեցե՛ք. դուք լսեցիք, որ Խեչանն իր բերանովը խոստովանեց, թե սպանողն ինքն է և թե հին ոխ է ունեցել Մահմատ-Բաղըրի հետ և թե խաբեությամբ յուր տունն է բերել և այս շարագործութունը կատարել: Ես այս ըուպից սրան բանտարկում եմ. մի քանի ժամանակից սա Երևանի բերդը կերթա. մենք սրա գործերը մանրամասն կքննենք, ուր հարկն է՝ կուղարկենք, իսկ ինքը եթե փաստեր կունենա, թող տեղն արդարանա:

— Աղա՛, գլխիդ մատա՛ղ, — մոտ եկան մի քանի առաջավորներ հայերի և պարսիկների միջից, որոնց հեռ էին և սպանվողի ազգակիցքը, — մեզ բաշխի՛ր, բա՛ց այդ ծերունուն. գործիցն երևում է, որ դա անմեղ է և աղջիկն է սպանողը. նա էլ իրավունքով է արել, մեր ամեն միներ նույնը կաներ. երբ պատդ ծակում են ու տունդ մտնում, էլ ուրիշ ի՞նչ կարաս անիլ. գրի՛ր ինչ որ ճշմարիտ է, մենք ամենքս ուրախությամբ ստորագրենք:

— Կորե՛ք ամենքդ էլ իմ աչքիցը, անպիտաններ, — բարկացավ մովրովը, — ձեզ ես մարդատեղ եմ դնում, բան ասում, դուք էլ նազ եք անում. ոչ մեկիդ ստորագրութունն ինձ հարկավոր չի՛, ես իմ քննութունը վերջացրի:

Ամենքը ետ քաշվեցան և գլուխը կախեցին:

— Մահմատ-Բաղըրի դիակը հանձնում եմ յուր ազգականներին, — տնօրինեց մովրովը, — թող տանեն յուրյանց գյուղումը հողին պահ տան,

մինչև որ գավառական բժիշկն Երևանից վերադառնա և գնա վերքը քննի. իսկ դու, Աշտարակու տանուտե՛ր, 10 դրահակիրներ պատրաստի՛ր, որ այս բանտարկյալին տանեն գյուղե-դյուղ Սև ջրի գլուխը:

Այս անաչառ քննությունն անելուց հետո մովրովը ձի նստավ յուր մարդիկանցովն ու վերադարձավ յուր կացարանը:

— Շատ խելոք քննություն ևս արել, գլխիդ մատա՛ղ, հիմի ջերիդ բերանն արխային ետ բաց արա՛ ու մի կողմը կաննի, ուրախ-ուրախ մտիկ տո՛ւր, փառավորվի՛. Խեչանենց Խեչանի փողերը մի-մին ոտնավորվելու են ու քո քիտումը բնակալելու: Ես մոռացա հրամանաթղթերի համար բան ասել, համա քո խելքդ առանց էն էլ ծով ա, ինձանից լավ ես հասկացել ու կրակը քցել, իզութողը՝ ջնջել, որ ըսկի բռնելու տեղ չունենա. ախար ես քո ոտի պճեղի՞² չափ հասկացողութուն ընչի՞ կունենամ:

Ահա Սաքոյի խրախուսականը, որ կարգաց մովրովի գլխին, երբ նա Աշտարակից վերադառնալով՝ կանչեց և յուր կատարած գործերի հաշիվը տվեց յուր մտերմին:

ԼԳ

ԱՆԱԿՆԿԱԼ ՏԵՍՈՒԹՅՈՒՆ

Գիշեր էր, Զեյվա հայաբնակ գյուղումը ոչ մի ճրագ չէր երևում, միայն գյուղի ափին շինած մի հատիկ գեղեցիկ տների սենեկներից մեկի ճրագը դեռ չէր հանգել:

Այս շինութունը մովրովի տներն էր. Սև ջրի գլխից այժմ Սարգարաբաղու գավառակապետի կացարանը Զեյվա էր փոխվել. Սև ջրի գլուխն այժմ ամայի էր:

Չիշյալ պատուհանի ճրագն էլ հանգավ և խավարն ամեն տեղ բլուսեց:

Մովրովի բակումը մթնի մեջ նրա կացարանից բավական հեռու մի ուրիշ տուն կար:

Վերջին լույսը հանգելուց փոքր-ինչ հետո՝ մթնումը մի սովիկ խորխափելով դիմում էր դեպի այս երկրորդ տունը: Նա յուր քայլերն զգուշացրեց, երբ մոտեցավ այդ տեղին. նա ոտքի մատների վերա էր

1 Լետք: 2 Կեղակ:

առաջ գնում: Մի շատ փոքրիկ վանդակապատ լուսամուտ էր երևում պատի վերա. ստվերը դեպի այդ լուսամուտը առաջացավ և ականջը դեմ տվեց: Երևի թե նա մի քչըլուծ էր լսում, բայց խոսքերը չէր որոշում. շատ անհամբեր շարժումներ էր անում և անբավական էր ներսը կատարված իրողությունից:

Ստվերը հեռացավ պատուհանից և շոքելոք դեպի տան դուռը գնաց. այս կերպիվ հաստատապես տեսավ, որ յուր քայլվածքի ձայնը չի վեժ հչնում: Դուռը ծածկած էր և ոչ փակած. անծանոթը մեծ զգուշությամբ բանալ սկսավ, այնպես որ դռան ճոռոցը երբեք չբարձրացավ: Ստվերը շեմքն անց. կացավ և նույն զգուշությամբ առաջ գնաց. նա մոտեցավ մի երկրորդ ծածկած դռան. ականջը դեմ տվեց բանալու ծակին և բերանը բացեց: Ներսի խոսակցությունն այժմ լսելի էր այստեղ: Անծանոթը կանգնած աեղը գողում էր, կարծես թե յուր սրտին անախորժ խոսքեր էր լսում:

Թող այս դարանամուտն այստեղ յուր հետաքրքրությունը լցնի, իսկ մենք մտնենք այդ խորհրդավոր բնակարանի ներսը դիտելու:

Գարնան զվարճալի օրերն են. երկիրն յուր ծաղկափթիթ դրությամբ մեջն է. բնությունը ձմեռվան մերկությունից դուրս եկած, զմայլեցնում է յուր փառավորությամբն ամեն մեկին. մարդիկ ազատվել են կրակով յուրյանց անձը տաքացնելու ծանրությունից, իսկ այս տան մեջ մտնողը սաստիկ սառնություն է զգում. մի խոնավ և գարշելի ծանր օդ ցրտության հետ սարսափ է բերում մարդու վերա: Եթե գիշերը այս բնակարանի մեջ մտնողը երկբայության մեջ կընկնի այս տան այս ժամանակվան խոնավության մասին, ցորեկն իրան շատ ընական կերևի. տունը նոր է շինած, դեռ պատերը չեն շորացել, իսկ մեջը բնակություն են հաստատել: Վա՛յ, ուրեմն, այս տան անբախտ բնակողի ոսկրներին:

Դրսից լրտեսելու ժամանակը ներսը մի անկյունում երկու մարդ կամաց խոսում են. նոցանից մինը մի ալևոր ծերունի է, որի ձեռք ու ոտքը շարժելուս շղթայի շառաչումներ են լսվում, իսկ մյուսը մի առույզ երիտասարդ է: Միակ փովածքն և տան բոլոր կահ-կարասիքը մի կիսամաշ եղեգնյա փսիաթ է, որի վերա այժմ նստած են երկու խոսակիցները, իսկ գետնին ձերի կողմը դրած է մի բեքանը կտրած հին ջրի փարչ:

Երիտասարդը շատ ժամանակ չէ այստեղ է. կես ժամ հազիվ է, որ նա մտավ տուն ու կալանավոր ծերունու ձեռքը համբուրեց: Նրան ներս բերողը մի թուրք յասավուլ էր, որ գրպանիցը բանալին հանեց, տղայի կոնիցը բռնեց, տուն տարավ՝ ձեռքին մի աղոտ ճրագ բռնած, ներկայացրեց ծերունուն և ինքը կրկին ճրագն առավ դուրս գնաց, պատվի-

րելով, որ ինչքան կարելի է տեսակցությունները երկար շարունակեն, ըստ որում իրեն հրամայված է շուտ ճանապարհ ձգել:

Մերն առաջին անգամը ճրագն այստեղ եղած ժամանակը երիտասարդին չճանաչեց. նա յուր սուր հայացքն ուղղեց այս անսովոր տեսարանի վերա և զարմացմամբ նայեցավ. բայց և երիտասարդն ապշած մնաց և մի բույս կասկած անգամ տարավ: Սա՞ էր արդյոք, որին ինքն անձկանոք ցանկանում էր տեսնել. երկու-երեք ամսի մեջ այս աստիճան փոփոխություն կարելի՞ էր սպասել: Մի առույզ և պատկառելի ծերունու փոխարեն երիտասարդը տեսավ մի վտիտ, աչքերը խոր գնացած և սապատող կմախք: Ահա ի՞նչ էր նրա կասկածելու պատճառը:

— Ափու ջա՛ն,— վերջապես աչքերի հայացքից ճանաչեց երիտասարդն ու մոտ վազեց կալանավորին,— ափու ջա՛ն, էդ ի՞նչ օրն էս ընկել:

— Սմբատ ջա՛ն, էս դո՞ւ ես, բալա ջա՛ն, քեզ էլ ըստեզ բերին. դե՛ ասա՛ իմ դուռն հավիտյան փակվեց:

— Ափու ջա՛ն... — կամենում էր շարունակել Սմբատը:

— Իմ երեխե՛քս, իմ երեխեքս անտեր մնացին,— կրկնեց ծերունին, որին կարծեմ ճանաչեցիր, ընթերցո՛ղ. սա շարաբաստիկ Խեչանն էր, որ Սմբատին գրկեց և ուշագնաց եղավ:

— Ափու ջա՛ն... վա՛յ գլխիս... ափու ջա՛ն, մի՛ վախիլ, ես դուստաղ՛ չեմ, ես ինքս եմ եկել քեզ տեսնելու, ես քեզ համար շատ բարով եմ բերել Հերիքնաղիցն ու Հեղնարիցը:

— Հեղնա՛րս... իմ անբախտ բալե՛ս... — Երկու խոսք՝ և ծերունու զուխը ծանրացավ Սմբատի ուսի վերա:

— Հեղնարը լավ ա, ափու ջա՛ն. Հեղնարն էլ, Հերիքնաղն էլ, Մայրան հոքիրն էլ շատ լավ են ու քո կարոտն են քաշում:

— Հեղնարս լա՞վ ա,— կրկին ուշքի եկավ Խեչանը,— երեխես սա՞ղ ա², դարդ չի՞ անում, Հերիքնաղս ու Մայրանս առո՞ղջ են, Սմբատ ջան, ասա՛, ասա՛:

— Հա՛, ափու ջա՛ն, ամենքն էլ լավ առողջ են ու քո կարոտն են քաշում. դու էլ, աստժով, շուտ կազատվիս էս տարտարոսիցը. մեր բարեկամը խոսք ա տալիս, նա խոստանում ա իր գլուխը քեզ համար ետ զնել:

— Մեր բարեկա՞մը, Սմբատ ջա՛ն, էդ ի՞նչ բարեկամ ա, որ աշխատում ա մեզ օգնել. մեզ ըստենց բարեկամ չունինք, ամենքն էլ մոռացել են մի անտեր-անտիրական բեիզբալ՝ հալիվորի:

1 կալանավոր. 2 Ո՞ղջ է: 3 Անբախտ:

— Չէ՛, ափու ջա՛ն, մենք լավ բարեկամ ունինք. նրա ասելովն երկու շաբաթ չի քաշիլ, դու կազատվիս, մենք էլ կուրախանանք:

— Ո՞վ ա էդ բարեկամը:

— Սաքոն:

— Սաքո՞ն... Ի՞նչ Սաքո... շո՛ւտ, շուտ ասա, Սմբատ ջա՛ն:

Մերունին ամբողջ մարմնով դողում էր, նրա ատամները միմյանց էին առնում:

— Հա՛, Սաքոն, մովրովի միկիտանը:

— Վա՛յ գլխիս, իմ տր՛ւնը, իմ երեխե՛քը, սո՛ւս կաց, Սմբատ ջան... սո՛ւս... էդ խոսքը մի՛ ասիլ... ձեռք կտրի՛... էդ անումն էլ բերնիցդ չհանես...

Մերունին դողդողալով ձեռներն ածում էր, նա գտավ Սմբատի բերանն ու այնպես սեղմեց, որ եթե քթածակերը չլինեին, շունը կկտրվեր:

— Սո՛ւս եմ ասում, Սմբատ ջա՛ն,— կրկնեց նա,— իմ տունը քանդողին, իմ դուռը շարողի՛ն, իմ երեխեքանց անբախտությունի պատճառի՛ն, ինձ էս տեղը քցողին բարեկամ մի՛ ասիլ, սո՛ւս... սո՛ւս...

— Ի՞նչ ես ասում, ափու ջա՛ն,— ազատվելով յուր բերանը փակող ձեռքերից, ասաց Սմբատը.— թե որ Սաքոն չլիներ, ինձ ո՞վ կարժանացներ քո տեսությունը. երեք ամիս ա, քանի դու բռնվել ես, էլ մարդ չի մնացել, տանուտերից բռնած՝ ընչանք ջրպետն ու քոմակչին էլ միջնորդ ենք քցել, օտանը գինի-արաղ չենք թողել՝ ծախել՝ սրա-նրա փորն ենք ածել, մովրովի սիրտը չենք կարացել քաղցրացնել. խեղճ Սաքոն էլ, ինչքան լեղու ուներ՝ թափեց, անջախ մովրովին կոտրեց, կես սհաթով քեզ մոտ գալուս հրամանն առավ. հիմի էլ խոսք ա տալիս քեզ մի երկու շաբաթից ետև ազատել տալ:

— Մի՛ ավատաք, բալե՛ք, միամիտ երեխե՛ք. փորձանքի կես ճամփիցն ետ դառնալը խելոքությունն ա: Սաքոն մտել ա ձեր տամարը՝ որ իմ տունը կարողանա հիմքիցը շուռ տալ. մի՛ ավատաք նրան, տուն չթողա՛ք, ոչինչ սրո՞ չբացանե՛ք:

— Չէ՛, ափու ջա՛ն, չէ՛, Սաքոն լավ մարդ ա, նա շատ սրտացավ ա քեզ համար. քեզ բռնելուց ետը մի շաբաթ չէր անցկացած ըլնիլ, որ ինքն իր ոտովն եկավ գեղը, ինձ կանչել տվեց տանուտերի տունը ու խոստացավ քեզ ազատել տալ:

— Ասել ա, թե հենց էն օրիցը, որ ես իրան իմ երեսը չթողի, իր սատանա լեզվիցը լխարվեցի: Տեսա՞ր ինչ եկավ իմ գլուխը. ես գիտեի, որ կեղծավոր տակնահան ա, բայց ընչանք էգտեղը միտք չարի:

Խեչանը կարգավ պատմեց Սմբատին մեղալի գործը, տանուտերի խնամախոսությունն և յուր կասկածները, որ ուներ պսակը խափանելու մասին:

— Անպատճա՛ռ էդ փուշ-կենդանու մատը խառն ա ձեր անբախտությունի ու իմ տան գլխին եկած փորձանքների մեջ, Սմբատ ջա՛ն,— շարունակեց Խեչանը,— իմ սիրտս տուն ա տալիս¹, որ մի խոսքս սուտ չպտի ըլնի. հեռու կացեք էդ մարդիցը, մի՛ խաբվիք նրա շողմքոր լեզվիցը, նրա լեզվի տակին իժ օձի թույն կա. ասա Հեղնարիս՝ էդ անզգամին երեսը չթողա. դեռ դու էլ վախեցի, մի օր քո գլխին էլ մի օյին չբերի. խեղճ Մահմաու-Բաղդրին միտք բեր, նա Սաքոյի խաշովը խաշվեց. դրա ձեռներն արնոտ ա, նա ուզում ա ինձ փեսա դառնա, որ իմ մլբերն հափշտակի. ա՛յ, ի՛նչ ա նրա մտքինը, Սմբատ ջա՛ն, բայց քանի ես սաղ եմ, քանի իմ շունը ղնկիս ծերին ա, նա իմ ապրանքիցը մի շփ չի կարող դուս տանիլ, փեսես չի՝ թեկուզ ինձանից ծնած զավակս էլ ըլնեք. մեռնելուս էլ կտակ կանեմ, որ շան ու գլխի փայլ ըլնի՛, վանքական ըլնի՛, դուրդ ու դուշն ուտի ու Սաքոյի ձեռը չընկնի: Ամա՛ն, Սմբատ ջա՛ն, Հեղնարիս մուղայիթ կաց², չըլնի՞ թե էդ օձի ճուտի թալաքն³ ընկնի, թող իմանա, որ իմ սրտիցը դուս եկած անեծքը իր վրա ու իր սերնդի վրա կըլնի: Ասա՛ Սաքոյի միտքը դու չես, նրա աչքն ուռել չէր քեզ ուզելու համար, նրա սրտինն իմ կարողությունն ա, ճանգն ընկավ թե չէ՝ քեզ էլ մի օր կոչնչացնի էս բանումը, Սմբատ ջա՛ն, ես ամենքիցդ ավելի Հերիքնագիս վրա հույս ունիմ. ասա՛ նրան իմ կողմից, աղաչանք արա՛, բերանն, աչքերը պաշ արա՛, ասա՛, որ հոր պես, մոր պես, ախպոր պես պտիտ-պտիտ անի Հեղնարիս գլխովը, չորսաչքանի դառնա, մաղի մեջ պահի իր քեռու աղջկանը ձվից նոր դուս եկած հավի ճուտի պես, թե չէ ուրուրը կտանի. ասա՛ էն գիշակեր զազանի սիրտը շար ա իմ տան վրա, ասա՛ Հերիքնագիս, իմ հույսս նա ա, նա իմ տան չորս սինն ա:

— Ես չեմ հասկանում, ափու ջա՛ն, դու էնեց քաներ ասեցիր, որ մազերս բիզ-բիզ էլան,— պատասխանեց Սմբատը շվարած.— էն մարդի լեզվիցը մի օրից մի օր ըտենց խոսք չի դուս թռել, նա ինձ քո բռնըված օրից դեսն ախպոր պես սիրում ա. Աշտարակ եկած վախտն ընչանք ինձ շտեսնի, աղջիկներիցդ չհարցնի, քեզանից խաբար չտա, մեզ շարտավորի, ոտը գեղիցը դուս չի դնիլ: Պտի պարզն ասեմ, որ մի երկու հետ էլ տուն ա եկել, Հեղնարին սիրտ ա տվել ու գնացել: Ղորթ ա, Հերիքնագն ըսկի չէր ուզում տուն թողալ, ըսկի երեսը տեսնելը դարուլ չէր

¹ Երակ: ² Գաղտնիք:

¹ Վկայում է: ² Ձգույշ պահիր: ³ Որոգայթ:

անում¹, քեզ պես նա էլ չէր ուզում ավատալ, բայց Մայրան հոգիքն էլ, ես էլ ու Հեղնարն էլ շատ դնամիշ արինք ու կամքն առանք: Ծս բան չեմ ասում, շատ կարելի ա, նա մտքումն ունեցել ա Հեղնարին առնիլ, քեզ լավ հայտնի ա, որ նրա ուզողները շատ էին, համա հիմի մենք Սաքոյի մեջ էդ բանը վարավորդ չենք անում:

— Սմբատ ջա՛ն, ինձ լսի՛, ես քեզանից ավելի փորձված եմ, ես մարդի աչքերիցը սիրտը կհասկանամ. երեք ամիս ա՛՝ էդ օձն ամեն հնարք գործ ա դնում, մարդ չի թողնում՝ մեջ ա քցում, աներեսի պես գալիս կողքիս նստում ա քարոզում, որ ես իրան բարեկամ ճանաչեմ, մոտ չեմ թողում, գլուխս էլ չեմ բարձրացնում, երեսին մտիկ տալիս: Առաջին օրերը դեռ Սև ջրի գլխին մի շաբաթ չոր գետնի վրա էին վեր քցել ինձ, օրը մի կտոր ցամաք հաց ու էս փարշովը ջուր էին դնում կուշտս, հերիք չէր ոտներինս բխովը² ու ձեռներինս գնջիլը, մաշքիցս էլ մի պարան էին քցել, պատին կապել, որ ըսկի շկարողանամ ժած գալ: Վերջն էդ նեռան ձագն եկավ ինձ տեսավ, գլխին տվեց, սաքի թե վրես ցավեց, որ էգպես անխղճմտանք կերպով ինձ տանջում են, ետ դառավ. գնաց մովրովիցը հրաման առավ ձեռ ու ոտս ետ անիլ տվեց, տակս խսիր ու քեշա փռեց, տաք կերակրի իրավունք էլ առավ, դեռ իրիկները ճրագ էլ վառել տվեց: Ծս ոչ մի բերան շնորհակալություն արի, ոչ ձեռ ավի, ընդուր որ մտքինը գիտեի, որ էնպես էլ կատարվեց:

— Հետո լա՞վ բան ես արել:

— Լսի՛ր, Սմբատ, էդ բաներից մի երկօր անց, մի առավոտ քշերով քշերհանա, դուռը բաց արեց, տուն մտավ ու սկսեց գլխիս գիլի ավետարան կարդալ, որ ես խոստովանվիմ իրան, ասեմ, որ Մահմատ-Բաղդրին ես եմ սպանել, դրանով, սաքի մովրովը կբաղջրանա վրես ու գործը շուտ կտա, ինձ կարդարացնի: Մեռա՞վ, կտրվե՞ց, մի ծպտուն չհանեցի: Նրանից ետը գլուխս դանգ ու սար էր արել³. մի օր գալիս էր, թե 100 մանեթ գրագրին տանք, որ քո գործը փոխի, մեկել օրը՝ թե քո մակչին⁴ նորից քննություն անելու պտի գնա Աշտարակ, 500 մանեթ որ տանք, գործին ուրիշ ձև կտա. մի անգամ՝ թե շորս թուրք կան, ամեն մինը 50-ական մանեթ են ուզում, որ ինձ համար վկա դառնան, որ սաքի իրանք քուշովն անց կենալուս պատը ծակող ձիավորներ են տեսել, մի օր էլ ուղիղ եկավ ասեց, թե մովրովը 1000 մանեթ ա ուզում, որ էսօր և՛եթ ինձ բաց թողա: Չե՛լա՞վ, չե՛լա՞վ, միկիտան Սաքոն իմ բերնիցը մի խոսք չսեց, ու երբ որ հույսը կտրեց, տակիս քեչեն հանիլ տվեց, բաժինս քաջրեց, կապերս էլ ավելացրեց:

¹ Զի համաձայնում: ² Կողպեք: ³ Զանձարքել էր: ⁴ Օգնական:

Հիմի տեսնում եմ, Սմբատ ջա՛ն, որ սատանա Սաքոն իր սրտի փափազին ուրիշ կողմից ա հասել. համ իմ տունն ա մտել, համ խարեբայությունով իմ փողերը կերել:

— Հա՛, ափու ջա՛ն, չեմ գիտում՝ Սաքոն իր համա՞ր տարավ էդ փողերը, թե ուրիշներին ուտացրեց, համա ում ի՛նչ տվել ենք, Սաքոյի ձեռովն ենք տվել:

— Տեսա՞ր, տեսա՞ր, որդի՛, տեսա՞ր, որ ես սուտ չեմ ասիլ. լսի՛ր, Սմբատ ջան, ես ինչպես իմ տան տերը, ինչպես հեր, հրամայում եմ, որ էդ միկիտանին ըստուց ետն իմ շեմքը շթողաք, երեսին մտիկ չտաք ու մի քոռ կապեկ իմ գործի համար առանց գիտությունի չխարջեք: Չգիտեմ, երեխեքանցս երեսը տեսնելու արժանի պտի ըլնիմ, թե ոչ, համա ասում եմ, բան ա՛՝ թե որ պարանը շինքս քցելու վախտն էլ Սաքոն գա ձեզ ասի, թե ինձ մի սառը բարով տվեք՝ ձեր հորն ազատեմ, ինքներդ թե որ կարող եք ձեր ձեռովը գլուխս օղակի մեջն անցկացրե՛ք ու Սաքոյի ձեռով ձեր տունը մի բախտափորացնեք. էս ա իմ վերջին կտակը: Հիմի բեր աչքդ պաչեմ, վեր կա՞ց, առանց էդ օձի ձագին տեսնելու հեռացի՛ր էս մարդակեր տեղիցը. ոտի ձեռն ա գալիս, երևում ա յասավունն ա տուն մտնում, որ քեզ ճամփու քցի:

Մերունին համբուրեց Սմբատին, նա էլ սորա ձեռքը մի քանի անգամ լալով պաչեց ու սպասում էր դուռը բացվելուն, բայց ոտքերի տրոփյունն ընդհակառակն հեռացավ և բոլորովին մեռնությունը տիրեց:

— Էստեղ գավաճանություն կա, Սմբատ ջա՛ն, մեզ անկաջ դնող ա էլել,— ասաց ձեռունին,— թե որ էս բանի տակիցը մի փորձանք դուս գա, իմացի՛, որ հեղ միկիտանի տակին էր, հենց ավատաս՝ ինքն ըլնեք:

— Ափու ջա՛ն, շատ ես վախեցել դու էդ մարդիցը, շատ կարելի ա, յասավունն ըլնեք, եկավ դիպավ, տե՛սավ խոսում ենք ու ետ դառավ,— ապահովացրեց Սմբատը:

Այս միջոցին նա յուր կողքից կախած ատրճանակին ու սրին ձեռք տվեց:

— Տասը մարդ որ վրա թափի, վախում չեմ,— մտածեց Սմբատը: Փեսացու և աներացու, կամ ճիշտ՝ հայր և որդի, նորից յուրյանց ցավերի վերա խոսեցան: Մերունին պատվիրում էր Սմբատին աղջիկների սիրտը լցավացնել յուր նեղ վիճակը պատմելով, նա իրատում էր յուր դրությունը լավ կողմից նկարագրել և Սմբատն էլ հավանություն էր ցույց տալիս և խոստանում էր ճշտությամբ կատարել նրա պատվերները, ինչպես և կատարում էր աղջիկների խնդիրը: Նոքա արգելել էին յուրյանց ներկա վիճակն յուրյանց հորն իսկությունը հայտնեցու:

Շատ երկար խոսեցան հեշտանն ու Սմբատը, ամեն բան հիշում էին,

ամեն խոսքի մեջ աղջիկներին անունն էին տալիս, գլուղի բարձրությունն էլ շնորհաբան մտաբերելու:

Խեղանի կասկածները քանի գնաց ավելացավ, յասավուր շատ ուշացավ: Ի վերջո, նրանք լսեցին շատ ոտնաձայն և հրամայական խոսակցություններ, որոնք իրենց էին մոտենում:

Բանալին շարվեց փակի մեջը, դուռը խիստ կերպով ճռնչաց և շորսհինգ հոգի, ճրագուե մոմերը ձեռքներին, տուն թափվեցան:

ԼԵ

ՔԱՐՆ Է՛ Ը ԻՐԱՆՑ ՁԵՌԻՆ, ՊՈՊՈՔՆ Է՛ Լ

Դեռ բանալին պտտվում էր փակի մեջ, որ Սմբատը տեղիցը վեր թռավ, հանեց ատրճառակը, վերի ոտքը քաշեց և պաշտպանողական դիրք առած՝ բանտի մեջտեղը կանգնեց:

Ներս եկողները, որոնց ոտնաձայնից զգալի էր վստահություններն և աներկյուղ առաջ գալը, շեմքն անց կացան, բայց էլի մի ակնթարթի մեջ ետ-ետ քաշվեցան. մի քանիսը շեմքի մյուս երեսումը մնացին: Սոքա ընդամենը վեց հոգի էին, հինգ յասավուր և մի գրագիր, նույն հերոսը, որին մենք պատահեցանք սայլեր հանելու: Նա հագած ունի յուր պաշտոնագրաստն և մի արծաթապատ լեզգու սուր կողքից քաշ արած:

— Ի՞նչ եք ուզում էս կես գիշերին, — հանդարտությամբ հարցրեց Խեղանը:

— Օրենքի անունով ես եկել եմ բանտարկելու այստեղ աշտարակցի Մվիկենց Սմբատին. ես պատրաստվում էի Աշտարակ գնալ, բայց լսեցի, որ նա գտնվում է քեզ մոտ. եթե այս երիտասարդն է, թող անձնատուր լինի:

— Ի՞նչ է արել սա, ի՞նչ է սրա մեղքը, որ բռնում եք, — նվազ ձայնով հարցրեց Խեղանը:

— Էդ ոչովի իմանալու բանը չի, օրենքը դրան բանտարկում է:

— Լսեցի՞ր, Սմբատ, որդի՛ս, տեսա՞ր տակ փորելը ոնց ա էլել. էս քո բարեկամի սարքած թալաքն էր. քո ոտովը կրակ ընկար, հիմի իմ սուսն սուգ էլավ, դու էլ բռնվեցիր, իմ հույսը դու էիր:

— Քանի Սմբատի շունը վրեն ա, նա թալաք չի ընկնիլ, ափու ջան, միամիտ կա՛ց, ով իր գլխիցը ձեռն ա վեր կալել, թող առաջինը մոտ գա ու մի կոներս զնչիլ քցի՛. ես հիմի տեսնում եմ, որ քո խոսքերդ ճշմարիտ են:

— Աղա՛, — դարձավ Սմբատը դեպի գրագիրը, — դու ըստեղ մի՛

աշխատիլ ինձ քո ճանգը քցելու, ես փախստական մարդ չեմ, ճամփա տվեք ես հեռանամ, գնամ մեր գեղը, էս հալիվորիցը մի խաբար տանիմ իմ օղուշաղին, էգուց առավոտ համեցեք ընտեղ՝ իմ աչքի վրա, թե որ մի մազաչափ մեղք ունիմ, բռնեցեք աչքս հանեցե՛ք:

— Ինձ ասա՛ առաջուց՝ դո՞ւ ես աշտարակցի Մվիկենց Սմբատը:

— Ես եմ, ու դու էլ շատ լավ ճանաչում ես ինձ, գուր տեղը խոսքը կտուրը մի՛ քցիլ, անկաջիդ բուրդը հանի՛, ինձ չես կարող դիպչիլ, խեղճ ես, դու էլ ինձ սլես ջիվան-ջահել ես, աչքը ճամփին սպասող կու-նենաս:

— Ես քեզ խորհուրդ եմ տալիս առանց հակառակության վեր դնել գնեք, թողալ, որ կոներդ շղթայեն. էս ես ինձանից չեմ ասում, օրենքին ամենքս պտի հնազանդինք. ապա թե ոչ, ես կստիպվիմ բռնություն գործ դնել. տեսնո՞ւմ ես էս քաջերը, որ մի հրամանիս՝ են սպասում:

— Հը՛, հը՛, հը՛, — դառնապես ծիծաղեց Սմբատը գրագրի խոսքերի վրա, — աղա՛, ես շատ ղոշաղներիցը՝ չեմ, ես իմ գլուխս շատ չեմ գո-վում, համա իմացած կա՛ց. պստիկ բզեզին էլ, որ ուզում ես բռնել, նա իր գլուխը պրծացնելու համար աշխատում ա մարդ կծելու: դու ըսկի թռչունք վեր քցե՛լ ես, սաչմա՞՞ դիպած մի մատնաչափ ծիտն իր սպա-նողին, քանի սաղ ա, ուզում ա պստիկ կտցովը ցավացնել ու ընենց սատկել. հեր օխնա՛ծ, մի լավ միտք արա՛, բաս ես մի ծոխ, մի բզեզի չափ չկա՞մ, բաս իմ ձեռներս գոթրումացե՛լ են՞. ընչի՞, չե՞ս հավա-նում, փշտովն (ատրճառակ) էսպես չե՞ն բռնում, ոտը որ վեր քաշեմ բերանը դալա ձեզ արած, է... էսքան խալխի միջին մնին չի՞ դիպչիլ, իմ բարութի՛ մեջը հո ջուր չի՞ լցրած էլել: Փշտովս էլ որ փրստ անց կենա՞, բաս էս կողքիցս քաշ արած ղզլբաշի թուրը քո լազգու թրիցը քո՞ն ա, բաս ըսկի սրանով գիրի շինք չե՞մ թոցրել, բաս ես շուն վախացնելու համար՞ եմ քաշ տվել, բաս էս խանչալի ծերն էնքան սրություն չունի՞, որ մի երկսիդ սրտի մեջը ցցվի: Ես հո չե՞մ ասում, թե քո մարդիկը կատվաճուտի են, օրինավոր շանգու էլ չեն կարող. ես դրանց գորու-թյունը շատ եմ տեսել, որ անասպապ՞ ու խեղճ գեղացոնց վրա փորձել են, իմ մեջքն էլ դրանց դամշու համն առել ա, համա ավատացած կա՛ց, աղա՛, որ անխելթություն ա յարալու էլած՞ արջին մոտենալը, ինչքան էլ սատկելուս ըլի, էլի շունը փչելու հրոպեին վա՛յ նրան մոտեցողին. էլ ի՞նչ երկարացնեմ, աղա միրզա, թե գլխիցդ չես ձանձրացել, որտե-ղից մտար, դեներ դուս ի՛լ, ես էլ թողամ գնամ խաբարը տանելու:

1 Քաջերից: 2 Հրացանի կոտորակներ: 3 Գոսան: 4 Վառդ: 5 Զգիպչի: 6 Անդեն: 7 Վիրավորված:

— Ի՞նչ սպառնալիքներ ես տալիս, Սմբատ, հո՛ տեսնում ես, որ դու մին ես, մենք՝ վեց. աչքով անեմ թե չէ, կդառնան 66, 106, ես ի՞նչ գիտեմ, քանի քո սիրտը կուզի. բայց ես այդ չեմ կամենում, ես ինձանից ոչինչ չեմ անում, ես մի հրամանակատար մարդ եմ, երդում կերած շինովներկ եմ, իմ եղբորս որդուն էլ չեմ խնայիլ, արի ինձ լսի՛ր ու գենքդ թափի՛ր, թույլ տո՛ւր, որ քեզ բռնեն: Մերունի՛, էթե սրան չես համոզիլ, որ անձնատուր լինի, քեզ էլ մեծ վնաս կհասնի, սրան էլ, ես խղճալով քեզ առաջուց ասում եմ:

— Ախար դեռ ասացե՛ք, ի՞նչ ա սրա մեղքը. մովրովն ինձ գտավ հանցավոր, ի՛նձ մարգասպան ճանաչեց ու դատում ա, էլ սրանից ի՞նչ բան ունի:

— Էգբանն ես էլ չգիտեմ, միայն այս կասեմ, որ մովրովն էլ մեղք չունի, օրենքի առաջին ամենքը պատասխանատու են:

— Սմբատ, — կամենում էր խոսել Խեչանը, բայց Սմբատն ընդհատեց.

— Ափու ջա՛ն, խոսքդ մի՛ խարջիլ, ես մտքումս դրել եմ, որ ընչանք քեզանից խաբար չտանիմ, իմ ջանս սաղ-սաղ սրանց ձեռք չեմ տալ:

— Առա՛ջ, յասավուլներ՛ք, — հրամայեց գրագիրը և ինքը մի կողմ քաշվեցավ, — առաջ եկե՛ք, մի՛ դիպչեք էս հանդուգն երիտասարդին. ճամփա տվե՛ք, թողե՛ք անց կենա, գնա իր համբավը տեղ հասցնի. բայց չէ՛, ինչ որ ձեզ հրամայած է, դուք կատարեցե՛ք, թողե՛ք ամեն բանն էլ իր աչքովը տեսնի և այնպես մանրամասն լուր տանի, թողե՛ք գնա պատմի, թե խեղճ ծերունին զուխն օգակի մեջն անց կացրած ժամանակը՝ հողին փչելուս՝ քանի՞ անգամ զկոտաց. թող գնա ասի, թե շատ կարելի է, որ այս ողորմելի բանտարկյալը մի քանի շաբաթից պետք է ազատվեր, բայց այս գիշեր յուր պես մի կամակոր երիտասարդի պատճառով խեղդվեցավ և ոչ ոք էլ վրեժխնդիր չի կարող լինիլ. գործն այնպես է տարած, որ իբր թե Խեչանին Երևանա բերդն ուղարկելուս յուր մարդիկը ճանապարհիցը փախցրել են և հիմի հետքը չի երևում:

Մի յասավուլ փեշի տակից մի կարճ պարան հանեց և երկու հոգվով մի քանի քալլ ծերունուն մոտեցան:

— Սպասեցե՛ք, — հրամայեց գրագիրը, — նախ դուք երեք յանավուլներդ հանեցե՛ք ձեր գենքերը և այս անձնապատան տղայի առաջը կտրեցե՛ք, որ չհամարձակվի մոտ գնալ. օրենքի անունովը հրամայում եմ ձեզ՝ գործ զենլ ամենայն զորութուն, կյանք շխնայիլ, սպանվիլ, սպանել, միայն թե արգելել սրան ծերին մոտենալու. դուք ծառայողներ եք, դուք պարտական եք սրի, կրակի առաջը գնալ, կատարեցե՛ք ձեզ

սպարտքը. վնաս չունի, թող սա ձեզնից մեկին սպանի, ինչպես ինքն ասում է՝ արյունն աչքի տակն է առել. բայց մինչև ձեզանից մեկի հետ յուր գործը կարծնի, էս երկուսն էլ ծերունուն խեղդած կլինին. վերջապես մեռե՛ք երեքդ էլ, ես էլ թող ընկնիմ ձեզ հետ, միայն թե այս երկուսը ծերունու կյանքը բառնան:

— Կացե՛ք, — ձեռքը բարձրացրեց Սմբատը, — սպասեցե՛ք, ես լավ չհասկացա, ի՞նչ ասացիր դու, աղա միրզա՛, մին էլ ինձ գլխի քցի՛:

— Այն, որ քո բռնվելովդ այս ծերունին մի երկու շաբաթից կարող է ազատվիլ. քննիչը գործը նորից արժարծեց և գտավ, որ դու ես մարդասպանն, ինչպես որ ինքդ Աշտարակումը խոստովանել էիր, երևեցավ, որ խիշտն էլ դու ես սրած եղել, այժմ ինձ հրամայած է քեզ բռնել, ես ձիավորվել էի Աշտարակ գնալ, լուր բերին, որ այստեղ ես. մովրովն, երևում է, լավ է իմացել քո կատաղի բնությունդ, ինձ հրամայեց, որ եթե դու հակառակութուն կանես և քեզնուքեզ չես բռնվիլ, ծերին խեղդենք, քեզ բաց թողանք, դրանով գործն էլ վերջանա. կարելի է այնպես հարմարեցնել, որ այնուհետև էլ մեղքը քո վիզը ձգել. վիճենքը պետք է հաստատեն, որ Խեչանին Երևանու բերդն ուղարկելուս դու մի քանի ձիավորով եկել ճանապարհիցը փախցրել ես:

— Թե որ ըտենց ա, թե որ էս խեղճ հալիվորը պտի ազատվի, ա՛յ էս իմ ասպալը՛, առե՛ք, եկե՛ք հիմի էլ կռնքս կապեցե՛ք, — զինաթափ լինելով մոտ եկավ Սմբատը:

Ցասավուլները կռնքը քամակիցը կապեցին և ոտները բխովեցին²:

— Ա՛խ, Սմբատ ջա՛ն, էդ ի՞նչ արիր դու, — հազիվ արտասանեց ծերունին:

— Վնաս չունի, ափու ջա՛ն, ես շատ ուրախ եմ, որ դու մի քանի օրից կփաթաթվես քո սիրեկաններին ու նրանց կմխիթարես. ես մի գլուխ ունիմ, թող ինձ մատաղ գնա, ասա՛ Հեղնարին ու Հերիթնազին, որ Սմբատն ընչանք էսօր ախպոր պես ա էլիլ իրանց հետ ու ախպեր էլ պտի մեռնի:

— Միամիտ տղա՛, դու քո ոտքովդ ա կանատի՞ մեջն ընկար, ըստոնք բոլորը քո բարեկամի սարքած բաներն էին. ըստուց ետը ո՛չ դու կազատվիս և ոչ ե՛ս. սև ու մութն եկել ա՛ իմ երեխեքանցը տարել:

Այդ միջոցումը ներս մտավ բանտը մի կիտան Սաքոն:

— Վա՛հ, էս ի՞նչ եմ տեսնում, էս ի՞նչ բան ա, աղա միրզա՛, դու էս վախտ էստե՛ղ, Սմբատը զնջա՞ծ, ընչի՞ համար, — զարմացած հարցրեց Սաքոն:

1 Ձենք: 2 Փականքի մեջ դրին: 3 Որդայթ:

— Դո՛ւս, դուս կորի՛, անաստվա՛ծ, անխղճմտա՛նք, անհոգի՛, անհավատ, ո՛ւր ես եկել, ի՛նչ անելու էիր՝ արիր, թե եռչանի մլքերին տեր չդառար, նրա տունը հո՛ հիմքից շուտ տվիր, էլ ի՛նչ ես ուզում, ընչի՛ ես եկել. հերիք չի արածդ, հիմի էլ եկել ես աչքովդ տեսնես, ուրախանա՛ս,— ճշաց եռչանը Սաքոյի վերա:

— Աղա եռչան,— կեղծավոր դեմք առավ Սաքոն,— թող աստված իմ դուռը բերի, ինչ որ ես քեզ համար կամենում եմ. չգիտեմ՝ ընչո՞վ ես քո աչքին փուշ եմ դառել. Սմբատին հարցրո՛ւ, նա քեզ կասի իմ արածները, էս աղա միրզին հարցրո՛ւ, էս յասավուլներիցը մի-մին խաբար ա՛ն, ամենքն էլ քեզ կասեն, թե ես ի՛նչ եմ ցանկացել ձեզ համար ու ի՛նչ եմ արել. հարցրո՛ւ թե ո՞վ էր, որ մովրովից խնդրեց քո աղջկա կամքը կատարելու ու Սմբատին մի անգամ քեզ մոտ թողալու հրամանն առավ:

— Բուրբը լսեցի, բուրբն էլ իմացա՛ դո՛ւ էիր, դո՛ւ արիր, որ իմ աղջիկների աչքերը ճամփին թողաս. էս տղեն էր իմ տան տղամարդը, արիր, որ սրան էլ ճանգո քցես ու էգուց առավոտ գնաս օձի պես ներս սողաս իմ տունը, սուտ ու զորթ խաբարներ ասես, քեզ սրտացավ շանց տաս ու շահել աղջիկներին խաբես. մի օր էլ, բալթի՛, քո շար մտքի դրածին հասնիս, բայց իմացիր, մարդակեր գաղա՛ն, որ քո մտքինդ գլուխ չի գալ, եռչանի մի ծղնտոն էլ չես կարող ճանգել, որ աչքդ կոխես:

— Խեղճ հախվոր, ես քեզ ղնամիշ չեմ անում¹.— կարեկցել ձեզացրեց Սաքոն,— մի օր դու ինքդ քո բերանովդ կասես, որ սխալ էիր. բայց ես զարմանում եմ, թե էս ի՛նչ բան ա, որ էս խեղճ Սմբատին բռնեցին, ես, իհարկե, գիտեի, որ սա իրիկունս բանտն եկավ, մովրովիցը հրամանն ես էի առել. շատ որ ուշացավ, սիրտս կասկած ընկավ, միամիտ վերկայաց, գամ աղեկեկանամ, թե Սմբատն ո՛ւր մնաց, մին էլ աչքիս էս թամաշեն² ընկավ, խնդրեմ ասա, աղա միրզա՛, էս ի՛նչ փորձանք ա, ի՛նչ նոր խաբար ա:

— Այն է, որ օրենքով Սմբատը մեղավոր է, ես Աշտարակ էի գնում սրան բանտարկելու, լսեցի, որ այստեղ է, ներս եկա և բռնեցի:

— Ո՞վ արեց էդ քննությունը:

— Ես և Երեանից եռչանի գործի համար զրկած նոր շինովնիկը:

— Զի՞ ըլնիլ, որ գնանք նրան խնդրենք՝ Սմբատին արձակի:

— Նա հենց այս երեկո գնաց:

— Քեզ չի՞ կարելի խնդրել, որ արձակես Սմբատին. թե որ սա էլ

բռնվեց, էդ խեղճ ծիրի տունը կքանդվի. տանը մնացին երկու ջահել աղջիկներ ու մի չորացած պառավ կնիկ:

— էգուց գնալու եմ այն երկու աղջիկներին էլ բանտարկելու:

— Վա՛յ գլխիս,— ծվաց ծերունին,— տեսա՞ր, Սմբատ ջա՛ն:

— Ա՛խ,— կատաղաբար ատամները կրճտեց Սմբատը,— պրծար իմ ձեռքիցը, միկիտան Սաքո, դու բարեկամությունի անումով մեր տակը ջուր կապեցիր ու բանն էս տեղը հասցրիր:

— Դու էլ ավատացիր, Սմբա՛տ,— արդարացավ Սաքոն,— վնաս չունի, մի օր ես ձեր առաջին կարգարանամ. աղա միրզա՛,— դարձավ Սաքոն դեպի գրագիրը,— թե որ հիմի գնամ մովրովին խնդրեմ, էս տղին ու էն աղջիկներին ազատելու հնարք կա՞:

— Մովրովը չէ՛ նաշանիկն էլ չի կարող աղատել, գործը փոխվել է:

— Բաս ի՛նչ պտի անենք, չի՞ կարելի, որ չբռնած՝ գործը քննես:

— Բայց եթե փախչին, ի՛նչ կանենք, ո՞վ պատասխան կտա:

— Ե՛ս, ես իմ գլուխս օրենքին մատաղ կտամ, սրանց տեղակ Սիրի կերթամ, թե որ սրանք փախչին:

— Պետք չի՛, ինձ հարկավոր չի՛, ես քեզանից ողորմություն չեմ ուզում,— մեջ ընկավ ծերունին,— գլխովդ դիպչի քո արած լավությունը, սատանա Սաքո. չէ՛, աղա՛ միրզա՛, չէ՛, սրա խոսքը պարանի մի՛ դնիլ, ինձ բռնել եք, փեսացուիս էլ բռնեցիր, վեր կաց գնա՛ իմ աղջկանն էլ, իմ քվորն էլ, իր աղջկանն էլ բռնոտի՛, իմ տունը, իմ մլքերը վանքական արա՛, իդ ու թողը՛ կտրի՛, էս օձի ճուտի ձեռք մի ծեղ մի՛ քցիլ, աղանչանք եմ անում քեզ, ոտներդ եմ ընկնում:

— Աղա միրզա՛,— խոսեցավ Սաքոն,— խեղճ եռչանը մի քիչ գաղազած ա խոսում, սա մեղք չունի, քանի ամիս ա՛ մարդի, արևի երես չի տեսնում, իր շվաքիցն էլ կասկածում ա. ողորմելին հենց գիտի, թե ով որ իր համար լավ ա խոսում՝ նա ա իր տակը փորողը. ես քեզ խընդրում եմ, դու սրա ընտանիքին խնայի՛, ես ինքս վամին³ եմ ըլնում, որ ոչ Սմբատը, ոչ էն աղջիկները չեն փախչիլ. թե կուգես՝ գրի, ես տակին ձեռք քաշեմ.դու քո ձեռիցն եկածը սրանց համար մի՛ խնայիլ, ես քո լավությունը կվճարեմ. դու հենց հիմի Սմբատին բաց թո՛ղ ու էս հալիվորի գործի համար էլ լավ գլուխ դի՛ր:

— Ես զարմանում եմ, եռչա՛ն, Սաքոն իր գլուխը ձեր համար ետ է գրել, դու սրան հայհուլում ես, այս ի՛նչ բան է, դու ի՛նչ ես ասում, Սմբա՛տ,— հարցրեց գրագիրը:

— Ես էն վախտը կհավատամ դրա խոսքերին,— պատասխանեց

¹ Մեղադրում: ² Տեսարան:

¹ Հետք, ² Հուսահատ: ³ Երաշխավոր:

Սմբատը, — թե որ էս սճաթս էս ձևոյց-սոյց ընկած հալիվորին ազատիլ տա, դրա ու իր ընտանիքի համար զամին ըլիի ու ինձ թողա՝ մնամ գրա տեղը բռնված:

— Թե որ դու սրտով էդ ցանկանում ես, Սմբա՛տ, — ասաց Սարոն, — ու թե որ էդ կարելի ա, ես կխնդրեմ աղա միրդին, թող քո սրտի ցանկությունը կատարի. բայց ավելի լավ կըլնենք, թե որ դու, աղա միրզա՛, իմ դամինությունովս բոլորին էլ բաց թողալիր:

— Ո՛չ, օրենքը չի հրամայում, — ասաց գրագիրը, — կամ խեղանք, կամ Սմբատն ու խեղանի աղջիկները:

— Բաս ո՛րն իրանք կամենան ես պատրաստ եմ, — ձեռքը կրծքին խփեց Սարոն:

— Ափու ջա՛ն, — դարձավ Սմբատը դեպի ծերունին, — ասա՛ թող քեզ ազատեն, գնաս սրունք, ես մնամ էստեղ ձեր տեղակ:

— Զէ՛, բալես, չէ՛, Սաքոյի խնդրքով արքայություն էլ չեմ ուզում գնալ:

— Միտդ բե՛ր Հեղնարին, Հերիքնազին, մտածի՛, թե ի՞նչ ուրախություն կըլնի նրանց համար, երբ որ քեզ տեսնեն:

— Քո արյունի գնո՞վք պտի ճարեմ էդ ազատությունը, Սմբա՛տ:

— Ա՛խ, ափու ջա՛ն, ես ջահել եմ, կքաշեմ, ասոված ինձ չի կորցնիլ:

— Զէ՛, որդի՛, թե որ ազատվելու ա՛ դու ամենիցը շատ իրավունք ունիս, դու զուր տեղն իմ խաթեր կրակումն էրվում ես. բայց թե ինձ կլսես՝ Սաքոյի տարած արքայությունն էլ մի՛ ուզիլ:

— Ա՛խ, ափու՛, ես ինձ համար ոչինչ չեմ ուզում. ես քեզ խնդրում եմ՝ խոսք տա քեզ ազատեն:

— Ո՛ւմ ձեռովը, միկիտան Սաքոյի՞, հարամկեր, արենխում Սաքոյի՞, հը՛, հը՛, հը՛:

— Երկար սպասելու ժամանակ չէ՛, — տնօրինեց գրագիրը, — սրանք արժանի են էս պատժին, գնանք մեր գործին. յասավուլենե՛ր, տարե՛ք այս երիտասարդին մյուս բանտը, կապեցե՛ք սյունիցը և այս գիշեր թող սյունին փաթաթված՝ կանգնած մնա, իսկ մենք գնանք Աշտարակ, այստեղից, լուսադեմին աղջիկներին բանտարկենք. գնա՛նք, Սաքո՛:

Յասավուլեները Սմբատին քարշ տվին, ամենքը ձեացրին, իբրև թե՛ դուրս են գնում:

— Խեղան աղա՛, — խոսեցավ Սարոն, — էս ի՞նչ իրասածություն ա, որ դու արիթ. հերիք չի՛ ինքդ բռնված ես, քո խեղճ աղջիկների, էս պատվական տղի արնի մեջ էլ մտար, արի՛ կոտորվի՛, խնդրենք աղա միրզին՝ բաց թողա Սմբատին:

— Շատ դորթ ես ասում, — գլուխը կախած պատասխանեց խեղանը, — ես իմ երեխեքանց ու Սմբատիս մահապարտն եմ ուզում դառնալ, իմ մեղքի համար սրանց էլ եմ ուզում պատժիլ տալ. լսի՛, Սաքո՛, թե որ սրտինդ էլ էդ ա, ինչ որ լեզվինդ ա, ես քո առաջին ստով-գլխով մեղավոր եմ, թե չէ լեզուդ ուրիշ ա՛ սիրտդ ուրիշ, թող ասոված քո դատախազն ըլնի՛, ես չէի ուզում կոտորվիլ, իմ ընտանիքի խաթեր էլ չէի դուխ ծոխի, թե որ Սմբատը մեջտեղ չըլներ. հիմի ես կոտորվում եմ, ես խոնարհում եմ, ես ըստուց ետը քեզ ինձ բարեկամ եմ ճանաչում ու խնդրում եմ, որ իմ երեխեքանցս ու Սմբատիս ազատիլ տաս:

— Ոչինչ, աղա խեղա՛ն, ես քեզ վրա չեմ նեղանում, ոնց որ ասեցի, իմ արած ծառայությունը դուք հետո կհասկանաք. ես ուրախությունով իմ շլինքն եմ առնում Սմբատի ու քո աղջիկների զամինությունը: Աղա միրզա՛, հատուկ խնդրում եմ, որ էս ջահել տղին բաց թողաս, խեղան աղի աղջիկներին չըռնես ու աշխատես գործը սրանց՝ օգտին փոխել, — խնդրեց Սաքոն:

— Յասավու՛ւլ, ե՛տ արեք այդ երիտասարդին, — հրամայեց գրագիրը, — այս օրվանից, խեղան աղա՛, ի պատիվ Սաքոյի, ես էլ ձեր բարեկամների շարքումն եմ. եթե Սաքոն ձեզ օգնում է, այդ նշանակում է, որ դուք անպարտ եք:

— Ասոված քեզ վարձահատույց ըլնի, աղա միրզա՛, Սարո ջա՛ն, դու էլ բաշխի՛ ինձ, — ձեռքը ձգեց ծերունին:

Սաքոն բռնեց ու համբուրեց:

— Տեր ասովա՛ծ, դու փոշիմանություն՝ շտաս, — աչքերն երկինք բարձրացրեց ծերունին և Սաքոյի գլուխը համբուրեց:

Եթե ծերունին ինքը դողողում չլիներ, նա կզգար Սաքոյի դողոցը, որ վերջին համբույրի հետ նրա անձի մեջ ընկավ: Բայց Սաքոն շատ շտապով իրեն ուղղեց և դարձավ դեպի գրագիրը:

— Աղա միրզա՛, մի խնդիր էլ ունիմ՝ չի՛ ըլնիլ, որ խեղան աղի ձեռներն ու ոտներն էլ գնչից ազատես ու հրամայես, որ հանգիստ պահեն, թե որ գործը քո ձեռին ա, էդ մի ողորմությունն էլ արա՛:

— Կարելի է, — հրամայեց գրագիրն և ծերունու կապերը քակվեցան:

Սմբատը շտապեց գնաց այս ավետիքն Աշտարակ տանելու, իսկ Սաքոն ձեռք բերեց խեղանի մտերմությունը: Այնուհետև օրը մեկ էր, Սաքոյի ելումուտը տասը:

Սաքոյի խնդրանք՝ Սմբատը հաճախացրեց յուր այցելությունները

կալու իրավունք չունի. մյուս օրը՝ թե քննիչը գործը վերջացնելու վերա է և այս քանի օրս նա բոլորովին կվերադառնա. երրորդ օրը նամակ էր բերում, կարդում հոր կողմից գրած, որով հայտնում է յուր հանգիստ վիճակն և խնդրում է շնորհալ յուր համար. մյուս օրն ինքը տանուտերն էր տուն գալիս և այս բուպեիս Խեչանի մոտից գալն և նրանից բերած ողջույնը հայտնում:

Այս բաներն սկզբում յուրյանց բարեթեր ներգործությունն էին ունենում, բայց, ի վերջո, Հեղնարը կասկածի տակ ընկավ. նա նշմարում էր յուր պահապանների երեսի թանձր տրտմությունն և դրանից գուշակում էր, որ իրան սնտոի հույսերով են պահում. Երբ այդ կասկածն էլ շինծու և ուրախալի դեմքով փարատեցին, մի ուրիշ կողմից Հեղնարի կասկածները սաստկացան. օրերն անց էին կենում, խոստացալ ազատության ժամանակները մի քանի անգամ լրացել էին և դեռ յուր աչքը ճանապարհին էր:

Վերջապես, ինչպես ինքը Սմբատը պատմեց Խեչանին, որ Սաքոն կարողացավ ոտքը ներս դնել Խեչանի տունը և այն հուռովը, որ իրանք մինչև հիմի հիվանդին էին պահում, նույն հույսը Սաքոն դրանց տվեց և ղանազան ստահող պայմաններով փողեր էր, որ դուրս կորզեց:

— Է՛հ,— մտածեց Սաքոն,— այսուհետև ձեռներս պտի լվանամ, էս սղջիկն ինձ համար պաս էլավ, դժար թե սա վեր կենա տեղիցը. հիմի ինձ հարկավոր ա, քանի հալիվորը բռնված ա՝ նրա կարողությունը դուրս ծծել:

Սաքոն լավ գիտեր, որ Խեչանի համար յուր ընտանիքը ոչինչ չեն խնայիլ և ձեռք առավ այդ հաջող հնարքը, ու պետք է ասել, որ նպատակին հասավ:

Հերիքնազը թեպետ սկզբում շատ հակառակեց, մի ներքին հակակրական ձայն նրան ասում էր, որ այդ ժանտախար տուն թողնելու չէ, բայց տանուտերի համոզմամբը Հեղնարի ստիպմունքին ղարողացավ ընդդիմանալ: Սաքոն տուն մտավ և յուր շողորթով լեզվովը հիվանդի սրտումը կրկին հույս զարթնացրեց: Այս պատճառով Հերիքնազը հող էլ չէր անում, թե Սաքոն խարդախությունով է փողերը դուս ծծում. դգալի օգուտն այն էր լինում, որ հիվանդը թեթևություն էր զգում և այս բավական էր:

Շատ գիշերներ Հերիքնազն ու Սմբատը ժամերով նստած հիվանդի մոտ, նրա քնած ժամանակը կամաց խորհուրդ էին անում, հնարներ էին մտածում Խեչանին ազատելու, բայց ոչ մի եղբակացություն չէին կարողանում գալ: Գյուղացիք ու տանուտերն էլ վախենալով մովրովի վրեժխնդրությունից, խորհուրդ չէին տալիս բարձր իշխանության դի-

մելը: Գործը մովրովի ձեռին էր, նա կարող էր այնտեղը բերել, որ մի օրվան մեջ Խեչանին ազատելու, Սիբիր դրկելու կամ հրացանով ծակծակելու վճիռ կայանար: Էլի ամենից օգտավետը Սաքոյի ձեռքով փողի շնորհիվ բան տեսնելն էր:

Ահա զխավոր պատճառներից մինը, որ Հերիքնազը արտաքուստ միայն ընդունելություն էր ցույց տալիս Սաքոյին և զսպում էր յուր իրավացի գրգռված կիրքը:

Խեղճ Հերիքնազ, չգիտեր թե փորձված Սաքոյի աչքից չէր փախել յուր պատրվակվելը. ապա եթե այդպես չլիներ, Սաքոն վաղուց յուր մեքենաները լարած կլիներ նրա դեմը. Սաքոն շատ լավ նախատեսում էր, թե Խեչանի հարստությունն ի վերջո ո՞ւմ է մնալու: Սաքոն յուր մեջ հաստատապես վճռել էր, որ Հեղնարի կյանքն երկարատև չի, թե ջերմը փոխվել է թոքախտի, կամ ինչպես իրանք ասում են, ճլերքի, թե Հեղնարի գերեզմանը մոտենում է և թե օրինավոր ժառանգն յուր առաջին պտտող մարդասպան գեղեցկուհին է, որ կա:

Այսքանը գիտեր Սաքոն, յուր մի ոտքն էլ ամեն օր Խեչանի վերի անկյունումն էր, Հերիքնազի հետ էլ ժամերով միայնակ անցկացնելու միջոցը ձեռքին ուներ և չէր լարում յուր մեքենաները, գիտեր, որ յուր ատամները փուխը են այդ պողովատիկը կրծելու համար և յուր ջանքն անօգուտ պիտի անցնի. Հերիքնազն իրան սիրողը չի, նրա հաստատակամությունը ոչ ոք գրգռիլ չի կարող:

Միակ միջոցը, որով Սաքոն յուր նպատակին մասամբ հասած պիտի լիներ, յուր բռնած ճանապարհն էր: Գեռ քանի Խեչանի այգիների և արտերի բերքը չէր պրծել, ուրեմն և փող կար տանը, նա տնեցոնց կխաբեր, այդ եկամտից գոյացած զուտ դրամը կհափշտակեր, վերջն, երբ այդ պրծավ, նորա ընտանյաց ձեռքովը Խեչանի մոտ մուտք կգտներ ու փողի տուպրակը կդատարկեր:

Ահա ի՞նչ էր նրա ծրագիրը:

Բայց մեզ հայտնի է, որ Սաքոն Խեչանի բանտարկվելու օրից ղկարողացավ ներս սողալ նորա մոտ, և այդ մեծ ցավ էր սրտին: Իսկ որովհետև ինքը խոսք էր տվել մովրովին՝ Խեչանին ճնշելով նրան յուրյանց ճանգը ձգել, Սաքոն ամոթով էր մնում յուր պաշտպանի մոտ:

Մի քանի անգամ մովրովը սաստիկ հանդիմանեց միկիտանին, որ ինքը նորա հորդորանքը անմեղին իբրև մարդասպան բանտարկել է, իսկ հիմա անկարանում է նորա կարողությունից օգուտ տեսնել:

— Սաքոն իր միսը կուտի ու մտքի գրածին կհասնի, աղա ջա՛ն, աչքներս լի՛ս,— տուն եկավ միկիտանը մովրովի մոտ,— ոտս տուն գրի, հիմի Խեչանն իմ թոռի միջին ա:

Նա պատմեց մովրովին յուր հաջողութիւնը և խեղանի տանը ել ու մուտ անելը:

Այնուհետև շաբաթական մանր վաճառականաց ապառիկի նման խեղանի տանից շահված փողի կեսը մովրովի գրպանն էր մտնում, մյուս կեսը՝ Սաքոյի դրամարկղը:

Երբ Սաքոն տեսավ, որ խեղանի տանն էլ ոչինչ չի մնում ծախելու և փող չի հնչելու, Սմբատին խեղանի հետ տեսակցելու իրավունքն առնելն ավետեց:

Միակ հնարքը, որ պետք է պսակեր Սաքոյի աշխատութիւնը, խեղանի հայրական ղգացմունքը գրգռելն էր. միակ տղամարդը, որ հարմար էր խեղանի տան համբավը ճշտութեամբ իրան հասցնելու, Սմբատն էր: Այս կերպով միայն Սաքոն կարող էր թե՛ խեղանի ընտանյաց կասկածը փարատել և թե՛ նրա բարեկամութիւնը և կարողութիւնը շահել:

Եթե ընթերցողը դժվարացավ հասկանալ, կամ կասկած ունի բանտի դուռը շոքեղոք անցնող լրտեսի անձնավորութեան վերա և նրա վերա ճիշտ տեղեկութիւնն առնել ցանկանում է, ապա թող միամտվի, որ այն գիշերաշրջիկը ոչ այլ ոք էր, եթե ոչ ինքը՝ միկիտան Սաքոն: Նա ինքն էր իհարկե Սմբատին բերել տվել, յուր տնօրինութեամբն էր յասավուր ներս տարել տղային ծերունու մոտ և դուռը վրեն փակել, իրան՝ Սաքոյին էլ շատ հետաքրքիր էր խեղանի ու Սմբատի մեջ եղած խոսակցութիւնը:

Սաքոն ականջ դրեց բանալու ծակովը, լսեց և գուցնը տվեց: Նա գուշակում էր, որ խեղանը ամեն թշվառութեանց պատճառը կարող էր իրան համարել ու կասկած տանել, բայց այսպես մանրամասնաբար մի առ մի ամեն բանին տեղյակ լինելը Սաքոյի մտքովն երբեք չէր անցել:

Խեղանն այնպես տնդնուտեղը պատմեց ամեն բանը Սմբատին, որ ոչինչ վկայութիւն չէր հարկավոր. օրենքի առաջին իրողութիւնը հայտնեցնելուն պես Սաքոն էլ, մովրովն էլ կղատապարտվին:

Սմբատին այս ընթացից բանտարկել տալ: Ահա ի՞նչ ծնավ Սաքոյի մտքումը: Մի-երկու քայլ ետ կացավ նա յուր դարանից, ուզում էր գնալ մովրովիցն այդ իրավունքն ստանալ, բայց կանգ առավ. մի նոր խնդիր ծագեցավ նրա մեջ:

Սմբատին բանտարկելը շատ զգալի միջոց է, հարցը կծանրանա և բարձր իշխանութիւնի ականջը կհասնի. վտանգավոր ձեռնարկութիւն է այս, պետք է Սմբատին ազատ թողուլ, պետք է խեղանի տանից երեսուստեղը չկտրել, պետք է ամեն հնարք ի գործ դնել, խեղանին ստիպել,

որ յուր՝ Սաքոյի բարեկամութիւնն իրան համար կարևոր համարի և այն՝ նույն երեկոն շուտացրած:

Սաքոն երկար մտածել չէր սիրում, նա ձեռաց գտավ մեզ հայտնի հնարքը՝ Սմբատին բանտարկելը, աղջիկներին կալանավորելու սպառնալիքը, գրագրի քննչական իրավունքի տեր լինելը և ի վերջո յուր՝ Սաքոյի երաշխավորութեամբ Սմբատին ու աղջիկներին ազատ թույլ տալը:

Այն մի քանի ընթացք, որ խեղանին արդարացի կասկածի մեջ ձգեց յուրյանց խոսեցածը լրտեսելու մասին, այն մի քանի ընթացք բավական եղավ Սաքոյի համար մովրովին քնած տեղիցը զարթնացնել և յուր մտադրութեան բառացի կատարվելու հրամանն ստանալ:

Ընկճվեցավ, հաղթվեց խեղանը և յուր ձեռքովն յուր կարողութեան սպառվելուն օգնեց:

Սմբատի գնալու մյուս առավոտից սկսած՝ խեղանի մուրհակներից օրը մի-երկուսը Սաքոյի ձեռքն էին անցնում և փողերը մովրովի հետ կիսվում:

Լավ դուռն էր բացվել Սաքոյի և մովրովի համար, բախտը նրանց ծիծաղացել էր, խեղանի համար էլ այս մեծ ուրախութիւն էր. նա Ձեյվումը բոլորովին ազատ էր ապրում, Սմբատի այցելութիւնները շաբաթը մի-երկու անգամ լինում էին, խեղանն յուր ընտանյաց բարի համբավն անդադար առնում էր, էլ ի՞նչ հոգն էր նորա, թե յուր փողերը գնում էին:

Սակայն ի՞նչ կա աշխարհումս հարատև. աշխարհս մի անիվ է, որ շարունակ պտույտ է անում. դարձավ և մովրովի բախտի անիվը. Երևանու նահանգը մի նոր քննիչ գալու համբավն իրան հասավ:

Խեղճ մովրովը կարծեց, թե այս քննիչն էլ իրանից առաջ եկած շատերի նման պիտի շոշափեր ծառայողների քսակի բերանն և ուրիշ ոչինչ. այդ պատճառով էլ մեր խելացի մովրովը առաջին գործն արեց խեղանին շղթայելն ու առանց գործի որպիսութիւնն իմաց տալու, առանց գործերը հետը դնելու, խեղանին մի համառոտ առաջարկութեամբ Երևանա բերդն ուղարկելը. մինչև քննութիւնը վերջանալը: Իսկ խեղանի գործերը պատանոց ու ոչնչացրեց, հավաստի գիտելով, թե քննիչ հեռանալուց հետո կարող է անարգել արձակել տալ կալանավորին կամ կրկին յուր մոտ պահանջել:

Այս հուսով մովրովն յուր մյուս գործերն էլ կարգի չբերեց, բայց շատ զղջաց. բանից դուրս եկավ, որ այս նոր քննիչն յուր նախորդներին ոչինչ բանով նման չի եղել: Մի առավոտ յասավուր վստահաբար մտնեցավ մովրովին ու զարթնացրեց, մի քանի խոսքով իմաց տալով, որ քննիչն եկել, իրավարանը կողպել ու իրան սպասում է:

Ամպերը հավաքվեցան մովրոզի գլխին. առաժուտը նրա համար մու-
թը թվեցավ, աչքերը սևացան և այդ գրությամբը ներկայացավ դաժան
ու անկոչ հյուրին:

և
Քննիչ

Մարդս չի իմանում, թե վազն յուր գլխին ի՞նչ պետք է գա. նա, որ
այսօր երջանիկ է, չի մտածում, թե կարող է մի տարուց, մի ամսից,
մի ժամից հետո վերջին թշվառը դառնալ: Անպատասպար շքավորը, որ
յուր կյանքը անբախտության շղթայի մեջ կաշկանդված է համարում,
հանկարծ մի շնչին պատճառից տեսնում է իրան երջանկության ծայրին
կանգնած:

Բայց այսպիսի հազարավոր օրինակները, մեր աչքի առաջին ամեն
օր պատահած կյանքի փոփոխությունները մարդուս վերա սակավ տպա-
վորություն են անում. բախտավորը էլ վազվան համար չի ուզում մտա-
ծել, անբախտն էլ իրան հաժիտյան կորած է համարում:

Եթե մարդս այս բանը կարողանար առանց ուշադրության թողնել,
եթե աղքատը չուսահատեր յուր ներկա դառն դրություն վերա, եթե հա-
րուստը միշտ աչքի առաջ ունենար այս փոփոխությունները, այսբան
զեղծումներ չէին պատահիլ, տնանկությունը արհամարհած չէր լինիլ,
իրավունք, արդարություն և պարտաճանաչություն իրանց նշանակու-
թյունը պահպանած կլինեին և մարդկությունը յուր բռնելիք ընթացքից
չէր շեղվիլ:

Մարդուն տված է գործել, աշխարհքիս բարիքը վայելելու, երջա-
նիկ կյանք անցնելու համար քրտինք թափել, տքնիլ, գլուխը վտանգի
ենթարկել, բայց արդարության դեմ չմեղանշել, ուրիշի ունեցածը անուղ-
ղակի միջոցներով չհափշտակել, ծուռն և պարսավելի ճանապարհով ար-
ծաթի ու փառքի համար անձնուրաց և ընկերադավ լինել. այս բաները
ներելի չեն հոգեկան և մտավոր արարածին:

Ամեն գործիդ մեջ ճշմարտասիրություն, ամեն ընթացքիդ մեջ
արիություն և խոհեմություն, ամեն քայլափոխիդ հեռատես աշխուրդու-
թյուն: Ահա այն կանոնները, որ պետք է առաջնորդեն մարդին: Ցավալի
է, սակայն, որ այս սուրբ օրենքը չենք պահում, չենք պահում՝ մոռա-
նալով մարդուս վիճակի փոփոխությունը:

Պատմությունն, ավանդությունն և փորձը միշտ ցույց են տվել, որ
այս օրենքի դեմ մեղանշողը ժամանակին յուր պատիժն ստանում է,

բայց մենք էլի չենք խրատվում, էլի աներեսի նման մեր պարտքը չենք
ճանաչում և մեր հանցանքի փոխարենը ստանալով՝ փոխանակ արդար
ճատուցում համարելու, ուրիշներին ենք մեղադրում:

Գալով մեր պատմության շարունակությանը, ես ընդհանուրից
մասնավորին եմ անցնում. ժողովրդին թողած՝ ես կրկին դիմում եմ նրա
կառավարիչ առաջնորդներին: Խոսքս մեր մովրոզների վերա է: Ես պատ-
բաստ եմ դաշն կապել, թե նոքա յուրյանց պաշտոնի մեջ մտած օրից
մոռանում են, թե մի օր իրանց արարքը ուշադրության պետք է առնվի,
թե իրանց բարի կամ շար արարքը արդարության առաջին հատուցում
կստանա:

Մենք տեսանք շատ մովրոզներ, իրանց պարտքը չճանաչողներ,
մեր այսչափ պատմածներից հազիվ մեկի վերա մատը դրինք, որ կա-
շառք չի կերել, իրեն հանձնած հոտի նեղությունը չի կարողացել տանել,
թողել յուր երեսի ջրովը հեռացել է պատերազմական դաշտը: Գնաց նա
և շղջացավ, յուր պատիվը պաշտպանեց, հարգանքն ավելցրեց և վերջն
յուր նախկին պաշտոնի մեջ վերակոչվելուս յուր ժողովրդի համակրու-
թյունն և անկեղծ սերը գրավեց: Մյուս մովրոզները օրենքի աչքից էլ
եթե փախել են, հասարակաց դատաստանը, ուսմի անեծքը նրանց
քամակից հետևել է. իսկ այդ հասարակաց դատաստանը, այդ անողոք
դատավորը շատ անգամ խիստ է պատժում, շատ անգամ պատճառ է
լինում օրինաց ուշքը յուր դատապարտած շարագործի վերա դարձնե-
լուն:

Արևելյան պատերազմի ժամանակ մենք տեսանք, թե որքա՞ն ոճիր-
ներ գործվեցան, որքա՞ն հափշտակություններ, գողություններ, ճնշում-
ներ, հարստահարություններ էին լինում, հասնող-հասնողի, տանող-
տանողի էր, ում ձեռն իրավունք էր անցնում, դեռ հօգուտ յուր պաշ-
տոնի ուշին շարած, այդ արտոնությունից շահվել էր ուզում. գորապետը
գորքի եկամտին էր ծուռ աչքով նայում, արյան դեմ գնացող զինվորի
սև հացի պատառին էր դավաճանում, մատակարարները նախ յուրյանց
գրպանն էին պարարում, սև հացի կեսը հող ու կիր էին անում. վաճա-
ռականն յուր փութած ու թթված մթերքովն ազնիվ գողություն էր անում
և յուր գողակից իրավատերի քսակից դեպի յուր արկղը քաշում. գա-
վառակապետները ուսմի վերա դրած հարկը տասնապատիկ էին ծան-
րացնում, միով բանիլ՝ պղտոր ջուր էին գտել, ամեն ոք կարթ և ուռկան
պատրաստած՝ չորս ձեռնանի էին դառել և որսում ու որսում:

Միջոցը չէր ներում, կրիտիկական հանգամանքը չէր թույլ տալիս
արդարությունը վրեժխնդիր լինել. գուցե բուն արդարությունը շատ հե-
ռու էր, գուցե շատ արդարասեր կարծված հավատարիմներ իրանք ևս

ձկնորսներ էին գարձել այսօր. սակայն մի բան նախատեսվում էր, թե կգա մի օր, և արեգակի լույսն ամեն ծմակներ կթափանցի, հասարակաց դատաստանի սղոցը կտապալել թավ անտառների մեծամեծ և սաղարթախիտ ծառերը և ծմակներն ամենքի աչքին ևս ձեռնահաս կլինեն:

Հասարակաց դատաստանն էր, լրտես սատանի նենգությունն էր, թե նույն իսկ արդարության հեռատեսությունն էր՝ մենք ավելորդ ենք համարում հետախուզել, բայց վերջապես արևելյան պատերազմից հետո արդարությունը վրա հասավ և ամեն բան տակնուվրա արավ:

Փոքրաթիվ առաքինությունը ճիաց, խայտաց, իսկ մեծամասնությունը դողաց, սարսեց. խիզճը հանգիստ մարդը ողջունեց անմեղության պաշտպանին, ուսմիկ ժողովուրդն օվսաննայիվ դիմավորեց, իսկ մեր հաջող ձկնորսների ձեռքերը թուլացան, ուռկանները ձեռքիցն ընկան. ըստ որում թեպետ պատերազմը դադարել էր, ջրերը պարզել էին, բայց ազահությունը մոլություն է, և մոլությունից ազատվելը հեշտ չէ: Անիծվի՜ սովորությունը, որ ուզես կամ ոչ, երկրորդ բնություն է դառնում և մարդու արյունի հետ մերվում:

Բանն այս է, որ արդարությունը շատ արագ թռիչք ունեցավ. դեռ ամեն ոք չուր տանը հանգիստ քնած, դեռ ոչ ոք մի շշուկ չիմացած, հանկարծ անկող ճյուղը ներս է մտնում Երևանու նահանգը, հսկան թոթափել դադարեցնում է ամեն գործառնություն, կնիք, փականքի տակ է գնում բոլոր թղթեր ու գործեր և չուր հետազոտությունն սկսում է:

Մի քանի զգաստներ շուտ հոտն առան և չուրյանց գլուխն ազատեցին, սակայն այսպիսի բացառություններ շատ սակավ եղան: Եթե չեմ սխալվում, առաջին իրավարանից մինչև վերջին գյուղական տանուտերների ծոցը՝ բոլորի բանալին արդարության ձեռքն անցավ:

Մեր շրջանը մեզ չի թույլ տալիս ընդլայնել այս խնդիրը և մուտ գործել մի առ մի բոլոր գավառներն ու գավառակները:

Մենք մեր գավառակի հետ գործ ունինք և մեր տան անցքն ավելի լավ ու ճշտիվ կարող ենք դիտել:

— Լսե՛լ ես՝ ի՞նչ կա,— ուրախ-ուրախ պատմում են միմյանց գյուղական ժողովուրդը,— աչքնիդ լի՛ս, ասում են՝ մի մենծ մարդ ա եկել, բեղափի՛լ ամեն դատաստանների բալնիքները հանել, իր ջեքն ա դրել ու դռները մհրե՛ր. ասում են՝ մեր մովրովը դեռ քնած ա էլի, դեռ նոր գեղացիկ նախիրը արոտ են քշելուս էլի, որ էդ աղա մարդն եկել ա Ձեյվա գեղը, մտել դիվանխանեն՝ ու գործերը թափած տեղը մհրոտել՝ ու նո՛ր մովրովին զարթնացրել:

— Աչքի լիսով կենա՛ս, բաս հենց գիտեիր, թե աստված հախը նահախին կտա՞՛:

— Խե՛ղճ մովրով,— սրտանց ցավում էին տանուտերներն իրանց առաջավորներով,— տղե՛, տուտը մեզ չհասնի:

— Շատ լավ էլավ, բաս էս խալիսի աղադանքը պտի մնա՞ր, քանգեց մեր մհալը կովի վախտը. ձեր քինթն էլ որ մի քիչ տրորվի, շատ լավ կըլնի, ջլիս ձեր աստվածն ուրացել էիք,— պատասխանում էր հասարակ ժողովուրդը:

— Ուրախացե՛ք, տղե՛ք, թե որ մեր ջիբիցն անօրենությունով խլած փողերը ետ էլ չենք կարող առնիլ, հաստատ պտի ավատանք, որ պոլիմարյալ սովորներն իրանց մեղալը կտանան,— հուսադրում էին ծաղրելով մեղալասերներին շմասնակցողները:

— Աշկյարա գողություն չէր, բաս ի՞նչ աստծու կրակ էր. ասենք կոռից, բեգյառից, խարջի ավելնորդից, սելից, ցորենից, դարավուլից մի քիչ իշավունք ունեին ուտելու,— մեղր ծախողը մատը կլպստի,— համա, էս մեղալը բոլորովին անիրավություն էր. տնաքանդի մովրովն էս կովումը խազինա կապեց՝ հորիք չէր, մեղալի անումն էլ վեր արեց, խեղճ խալիսի ջիբի պոլիմարյալները գողացավ:

— Ես ու իմ աստվածը, տեղն ա, որ դրան մի լավ պատժեն:

— Անխե՛լք, քրտնել ա՞, թե մեջքը մշակություն անելով երկուտակվել ա. ինձնից, քեղանից առած պոլիմարյալների կեսն էլ որ տա, հերիք ա, արդարացա՞վ պրծավ:

— Էդ էլ ես շիտակ ասում, համա էս ի՞նչ գիտեմ, ասում են՝ էս նոր եկող քննիչը կաշառք ուտող չի. դեռ, ասում են, մի քանի օր ա եկել ա, Երևանի մեջը շատ շինուվնիկների քարը ծովն ա քցել, ամենքն ուռի տերևի պես դողում են:

Այս ժողովրդի կարծիքն և դատողությունն էր:

— Տեսա՞ր՝ գլխներիս ի՞նչ եկավ:

— Հա՛, ախպե՛ր, հա՛, սրա ծուխը մեր քթիցը դուրս չի գալու:

— Գիտե՞ս, ասում են՝ էստեղից են մատնել:

— Ես գիտեմ՝ ո՛վ են այդ կարաս հոտացնող մկները, եթե կրկին իմ իշխանությունը ձեռք կբերեմ, կտեսնեն այդ անպիտանները, այնպիսի փորձանքի մեջ ձգեմ, որ հավիտյանս չազատվին:

— Է՛հ, եղբա՛յր, ո՛ւր ենք իզուր տեղն երկրորդական պատճառների քամակիցն ընկնում, ամանը լցվել էր, պետք է շրթունքներիցը թափվեր. մենք ծառայողներս մեզ բոլորովին մոռացել էինք, մեր անիրավության

ձայնն ամեն տեղ բարձրացել էր, ուսմիկ ժողովրդի մեջ արյուն լիծողինք՝
ողորկի պես ծծեցինք ու քամեցինք. պատերազմը վերջացավ, ժողովուրդը
դեռ շունչ չի առել, մենք էլի շենք դադարում մեր հարստահարութուն-
ներիցը. իհարկե, որ այս լուրը մի օր տեղ պետք է հասնեն, որ ուրիշն
էլ չմատեներ, քամին կտաններ:

— Ինչ անես, եղբայր, արի՛ ու մի՛ անիլ, ես էս պատերազմիցը մի
զոգ ոսկի եմ դուրս բերել, հիմա ինձ հարցրո՛ւ՝ քառորդը մտո՛ւմ է. ինչ-
պես առածն ասում է՝ քթալ-քթալ հավաքում ենք, շերեփ-շերեփ գուս
տալիս. ճանճն ածում է, ճիճուն կրում:

— Ի՞նչ ես արել:

— Ինչ որ դու ես արել. ինձանից ուժեղին՝ իմ նաչալնիկին եմ տվել,
ի՞նչ պետք է անել:

— Իսկ եթե հիմա ետ ուզելու լինի՞ն:

— Այն ժամանակը սև ու մութը մեզ կտանի:

— Դու ի՞նչ կանես, եթե մեղաչներից պոլիմպրոյալներն ետ պա-
հանջեն:

— Եթե միայն այդքանը լինի, կարող եմ տալ. դու ասա ցորհնի,
սայլերի և ուրիշ տեղերից եկած արդյունքների տեղը չիմանան:

— Վերջապես աստված է մնացել, ապա թե ոչ, այդպիսի սառնա-
սիրտ քննիչի ձեռքից մենք բոլորս էլ կկորչենք:

— Այդ է բանը, որ ոչնչով չես կարողանում մուտք գտնել. այսպի-
սի անշահասեր քննիչ իմ 24 տարվան ծառայության մեջ ես չեմ տեսել:
Մենք իմացել ենք, որ քննիչներ գալիս են, տեսել ենք սկզբումը նրանց
կծու, բայց մի երկու ժամից հետո, ոսկիների շնորհիվ, քաղցրացած դեմ-
քը. ականատես ենք եղել նրանց ձևի համար արած գրագրությանցը,
ուտացրել, խմացրել, վայելչություններ ենք ցույց տվել նրանց և մի քանի
հարյուր մանեթի մնաս բարով ասելով, շատ սիրով ճանապարհ ենք
գրել: Բայց այս մարդը բացառություն է, մինչև օրս քննված մեր աս-
տիճանավորների հետ գործ դրած վարմունքը մեզ օրինակ է. խեղճերը
գլխավորապես յուրյանց առաջարկած կաշառքի պատճառով նրա խիստ
բարկությանն ենթարկվեցան:

— Կարելի է քի՞չ են տվել:

— Ո՛չ, հղբայր, ես իմ ձեռքովս եմ համարել իմ պաշտոնակցի
տվածը. ոչ մի քննիչ այդքան չի ստացել: Բայց տե՛ս, թե այդ նոր պա-
րոնն ի՞նչ է արել. ամենայն քաղաքավարությամբ փողը ետ է տվել. այս
պահեցե՛ք, — ասել է, — ձեր երեխաներն ինձանից ավելի մեծ կարոտու-
թյուն ունին, ես ինձ համար հաց ունիմ: Երբ որ գործը քննել ու հանցա-
վոր է գտել, — հիմա, — ասում է, — գնա բեր թե՛ ինձ առաջարկած փո-

ղերն և թե՛ տասն այնքան ավելի. ես հիմա համոզվեցա, որ այն փողերը
ոչ թե թո երեխաների ուտելիքն է, այլ խեղճ ուսմիկ մերկ ու քաղցած
մանուկների բերանի պատառք. այդ փողերն յուրյանց տերերին պետք
է վերադարձնել:

— Աչքներս լու՛յս. բավական չէ, որ պաշտոնագուրկ պետք է լի-
նինք, աղքատությամբ և մուրացկանությամբ պիտի մեր օրն անցնենք:

Այսպես խոսում էին ամեն տեղ երկու-երեք աստիճանավորներ
միասին հավաքված ժամանակը:

Այս խոսակցությունից մենք հասկացանք, որ Երևանու նահանգումն
այժմ ավելի մեծ շփոթ է՝ քան թե անցյալ պատերազմի միջոցը. ամեն
ոք նոր քննիչի և յուր գործողությանց վերա էր խորհում ու խոսում:

Այս պարոնը մի հազվագյուտ անձն էր՝ բարձր կոչման տեր. նրա
վսեմ դեմքը և հեզահամբույր բնավորությունը արդարամտությունը գծա-
գրել էին նրա երեսին. նրա շարժվածքը վեճ էր և ծանրաբարո, նրա
գործքն անաշտ էր և անկողմնապահ, իսկ պարզ հագուստը և քաղցր
վարմունքը մատչելի էին արեւ նրան ամեն կարգի մարդկանց: Շատ շտե-
վեց, գյուղացիք իբրև հայր ճանաչեցին նրան, որն է անբավականություն
ունեցողներն առանց նախապես հայտնելու՝ ներս էին մտնում նրա մոտ.
նա ամենքին նստացնում, խոսեցնում, վշտերն իմանում և հուսադրու-
թյամբ հերթը գալուն հրավիրել խոստանում: Ոչ ոք երկմիտ չէր դեպի
նրա խոսքերը, ամենքն էլ անդրովելի հավատ էին ընծայում նրա խոստ-
մունքներին և յուրյանց բողոքի կեսը կատարված համարում:

Օր չէր անցնիլ, որ նոր դեպքեր լսվեր, նոր չիտիոխությունների և
ծառայողների կանգնման կամ գլորման ձայնը վեր չըլներ: Նոր քննիչը
թեպետ դատավոր չէր, բայց կարծես թե անզուսպ ավազակներն էլ պատ-
կառում էին այդ մարդից. ոչ մի գավառում ասպատակությունների ձայն
չէր լսվում: Այս, իհարկե, շատ բնական էր, ավազակներին խրախու-
սողներն այժմ դրանով պարապելու միջոց չունեին, յուրյանց գլուխը
միայն փրկելու հոգսումն էին. արդարությունն ամբողջ նահանգում յուր
թևերը տարածել էր, և ո՞ր գողը, կամ ճանապարհ կտրողն էր ցնդել ար-
դարության բարկությունն յուր վերա թափել. կաշառելով ազատվիլ ան-
հնար էր, հատուցումը Սիբիր կամ կախաղան էր լինելու. հնարագետ
ավազակներն էլ յուրյանց գլխի ճարը տեսան, թողին հեռացան առժա-
մանակ ուրիշ նահանգ կամ արտասահման. նրանք շատ տերտերից լավ
են հասկացած եղել այն խրատը, որ ասում է. «փախիր, և թաքիր առ-
ժամանակ մի, մինչև անցցե բարկություն տյառն»:

Իզուր չէր արևելյան պատերազմի ժամանակ ծառայողների երկյու-
ղը, անտեղի չէր նոցա սարսափը. նոր քննիչ շնորհիվ մի քանի աստի-

ճանապարհորդների տներ այնպես քանդվեցան, որ փողին մինչև այսօր էլ բարձրանում է. թեպետ նա յուր բարեսրտությամբ ոչ ոքի անվերջ կորստյան պատճառ չդարձավ, որի համար մեծ իրավունք ունի, բայց շատերին ծառայական պաշտոնի վրա հասցնելու և ժողովրդի վերաբերմանը, բոլոր հափշտակածները ձեռքերիցն առավ և ժողովրդի վերաբերմանը. մանավանդ այնպիսի փողերը, որոնք մի նշանակալ գործի համար ստացել էին:

Այդ ծառայողներից ոմանք շատ թշվառ վախճան ունեցան, այլք գործակատարներ մտան, մի քանիսն ավելի արդար վաստակով պարսպեցան, յուրյանց տնտեսական դրությունը բարվոքելու հետևիցն ընկան: Այժմ կենդանիքն յուրյանց ծերությունը, իսկ մեռածների ժառանգներն յուրյանց կյանքը բարորություն են անցկացնում:

Եղան, այո՛, և այնպիսիքը, որոնք խույս տվին արդարադատ քննչի աչքից, մեծամեծ պալատներ ու արդյունաբեր շինվածքներ կանգնեցրին և ճոխության մեջ հղվեցան՝ այսօր էլ պարծանքով հիշում են յուրյանց քաջաբար ճողոպրիլը, բայց դրանք շատ սակավ են:

Մենք, իհարկե, չենք կարող ամենքին հիշել կամ ճանաչել: Կարծեմ այս դուրս պրծնողներիցն եղել են և այնպիսիները, որոնք այստեղից ազատվելով, ուրիշ գործում արդարության ձեռքն են մատնվել և ժողովրդի արյան գնով ձեռք բերածները կորցրել ու ամենադառն աղքատության մեջ յուրյանց վախճանը տեսել են:

Թե այսպես և թե այնպես, 50 թվականներին Երևանու նահանգն եկած քննիչը մի դատախազ երկնային աչք էր ոմանց համար և արագահաս փրկիչ ընդհանուր ժողովրդի համար:

Հետևյալ գլուխները ցույց կտան, թե որքան ճշմարիտ է մեր ասածն այդ զարմանալի մարդու համար, թե արդարացրե՞ց նա ժողովրդի հավատը և թե հերթի սպասողներն ի՞նչ էին շահվում յուրյանց բողոքից:

ԼԸ

ՀԻՆ ՄԻԿԻՏԱՆ, ՀԻՆ ՄՈՎՐՈՎ

Ճշմարիտ է այն խոսքը, թե մարդու գլխավոր դատավորն յուր խիղճն է. նրանից արդար և ոչ մի դատաստան անող չի եղել ի սկզբանե անտի և չի էլ լինելու. ի՞նչ գործում և՛ բարի կամ չար, խիղճը քեզանից անբաժան է, տեսնում է արածներդ և յուր վճիռն ամենքից առաջ տալիս է, կամ դափնի պսակ և կամ հանցավորի սև կնիք է դնում ճակատիդ:

Ոչ մի վճիռ, կարելի է ասած, այնպես զգալի չի լինում, ինչպես մարդու ներքին դատավորի, ամենքին իրան է հայտնի, թե ինքն ինչո՞ւ այսօր խիստ ուրախ է, կամ ի՞նչ կնճիռներ են պատել նրա երեսին. կուզես փակվիր սենեկումդ, կուզես անկողնի մեջ մտիր, գլուխդ վերմակի տակը կոխիր, եթե դու քո դատավորի առաջին սևերեսն էս, մի սուր խայթոց ծակում է սիրտդ, իսկ եթե պարզերես՝ մի հրձվանք, մի ուրախություն փառավորում է քեզ:

Աշխարհքս առանց փորձանքի, առանց պատահարի չի անցել. շատ անգամ անմեղն իզուր տեղը պատժվել է և ավելի շատ սարսափելի շարագործը փառքերով ու պսակներով և օվսանայիվ ընդունվել: Մենք թողենք այդ երկու անհատների արտաքին երևույթը և ներսը քննենք, տեսնենք, թե անմեղն ինչպե՞ս է դիմել դեպի յուր կորուստը և շարագործն ինչպես յուր փառքին դիմավորել: Տե՛ս, ահա աշխարհքը դատապարտում, թքում ու գանակոծ է տնում մեկին, որի երեսին թեպետ նըշմարվում է փոքր-ինչ տրամություն, նրա մարմինը ցավում է, բայց նրա հոգին խաղաղ, նրա սիրտն անվրդով է, նա արհամարհում, ծիծաղում է մարդկանց հիմարության և անմտության վերա, նրա տված պատասխանները լինում են շատ պարզ, առանց կակաղանաց. ընչի՞, — որովհետև ներքին դատավորը՝ խիղճը վաղուց նրան արդարացրել է:

Մյուս անձնավորությունը հաղթական կամարի տակովն անցնելուս, դափնիների և ծաղկների փնջերը նրա դլխին թափվելուս անգամ, կարծես թե տխուր է. նա իրան պատվող ամբոխից կարծես ամաչում է, չի վստահանում յուր վսեմ բարձրության գլխից նոցա երեսին նայել. նա համարում է, թե այս ամեն պատիվներն աչք շլացնելու և իրեն ծաղրելու համար են. նա ըոպե առ ըոպե սպասում է, թե ահա՛, նույն փառաբանող բազմությունը կգահավիժի իրեն մինչև անարգանաց անդունդը, նրա երեսին է միայն ծիծաղը, իսկ սիրտն արյուն է: Ընչի՞, ո՞վ է նրա հանցանքը տեսել. աշխարհքը միաձայն վկայում է նրա առաքինությունների, քաջությունների, հայրենասիրության և այլ մեծագործությունների համար. բոլորը հիացած են նրա վերա, և ի՞նչ է ուրեմն մեր դյուցազնի կասկածի առիթը. — նրա ներքին դատավորը, այն խայթոցը, որ ամեն քայլափոխում ծակում է նրա սիրտը, այն ցավը, որ մաշում է նրա հոգին, այն ներքին ձայնը, որին մենք այլպես չենք կարող կոչել, եթե ոչ աստուծո ձայն:

Զի կարելի ասել, թե ամեն մի անպիտանի վերա այնքան փայլուն կերպիվ ներգործում է խղճի ձայնը: Առհասարակ անզիղջ շարագործի համար ասում են, թե նրա խղճմտանքը մեռել է: Այդ ճշմարիտ չէ, խիղճը միշտ կենդանի է. բայց երկարատև շարագործությունը, շարունակ

անպիտանութիւնն անօրենի համար սովորական է գարձել, բթացել է նրա նորը զգացողութիւնը, նրա հոգին անընդունակ է գարձել խղճի ձայնին ենթարկվելու, և այդ թշվառ էակը հավիտյանս կորած է համարել իրեն և արհամարհանող է նայել ամեն առաքինութիւններին: Սակայն ես համոզված եմ, թե պատահում են մարդուս կյանքի մեջ այնպիսի օրեր, երբ ներքին ձայնն ահալոր կերպիվ գարթնում է անդարձ մեղավորի աչքին՝ նրան ավելի սարսափելի կերպիվ պատժելու համար: Եթե առօրյա կյանքի մեջ ևս շպատահի, վերջին ընկերին այդպիսի թշվառն ամենքի կարեկցութեանն արժանի է: Ահա նա անհույս հիվանդ է. նա զգում է, որ ցնվն յուր մագիլները թաղել է յուր մեջ, քայքայել է իրա մարմնի կազմվածքի ցանցը, և մի քանի ընկերից՝ ինքը թողուլ հեռանալու է յուր սիրած աշխարհից: Հավատա աղպիսին մի ուրիշ անդրաշխարհյա կյանքին կամ ոչ, ինչ կրոն կամ համոզմունք ունեցել է, այդ միևնույն է, նա բաժանվում է աշխարհքիցս, և այդ բավական է. նա այդ ընկերին թշվառ է, նա անիծում է յուր բոլոր անցյալը, յուր արած անօրենութիւնները:

Այդպիսի մահի դեմ գնալուց ոչ պակաս երկչուղիվ դիմավորում են արդարութեան ատենին, երբ հանկարծ երևում է մինը, որ յուրյանց գործերը քննելու է, երբ լսում է, թե մի դատաստան պիտի կտրվի նրա արածների վերա:

Այսպիսի թշվառներից մեկը համարվելու էր մեր մովրոզը, երբ հանկարծ, ասացինք, յասավուրը գարթնացրեց նրան և հայտնեց քննչի գալուստը և դատարանի կնքելը: Մի կայծակ էր, որ շեշտեց խեղճ մովրոզի սրտումը, թե մի անդունդ էր, որ յուր ամենայն ահալորութեամբը բացվեց նրա առաջին և պատրաստ էր նրան կշանկելու:

Ներքին ձայնն յուր ազդեցութիւնն ունեցաւ. նրա բոլոր արած անիրավութիւնները, հարստահարութիւնները, օրինաց և յուր պաշտոնին ընդդեմ գործածները, ինչպես մի հայելու մեջ, նրա առաջին պարզ երկվեցան. նրա իզուր տեղը դատապարտածները, ի թիվս որոնց, իհարկե, և մեր հեշտանը, աչքի առաջին ցցվեցան և դատապարտում էին իրեն: Որքան և կամեցաւ մովրոզը լրաբեր յասավուրի առաջին անտարբեր մնալ, չկարաց, պարզ աչքի պոչով տեսաւ, որ յուր հլու հնազանդ ծառան նկատեց յուր շփոթմունքն և ձիծաղեց յուր շարժմունքի և երկչուտութեան վերա:

— Կորի՛, ի՞նչ ես կանգնել այստեղ, ես իսկույն գալիս եմ, — յուր վրդովմունքը կորցնելու համար բարկացաւ մեր աչքն և որպեստեղից հագնվեցաւ միայնակ, նա որ յուր կյանքի մեջ առանց ծառայի չէր

հագնվել. հագնվեցաւ, և սփրթնած, աշնան ծառի տերև դարձած, ներկայացաւ մեր քննչին:

Ետրազնին աչքերը կարդացին մովրոզիս երեսին սույն իսկ ընկերից նրա հանցավորութեան ցուցակը, իսկ մովրոզի կարկտանման երկարացրած սառը ձեռքը անսուտ վկա եղաւ քննչի արդարացի նկատմունքին:

— Պատիվ ունիմ հարգանք ներկայանալ ձեր մեծապատմութեանը... քննիչ Երևանու նահանգի:

Քաղաքավարական ձևերիս մեջ մովրոզը պարզ գլխի ընկաւ, թե ի՞նչ է ուզում ասել այս անագորույն մարդը. նա հասկացաւ այդ բառերի ճիշտ նշանակութիւնը, որ էր՝ հոգեառ հրեշտակդ եմ, կամ ինչպես մեղանում ասած է՝ քո գրողդ:

— Շատ... շատ... ուրախ եմ, — թոթովեց մեր մովրոզը:

— Լավ գիտեմ, — անձայն պատասխանն էր, իհարկե, քննչի:

— Ես քեզանից ավելի լավ գիտեմ, — մտքումն ասաց մինը, որ մի պատի տակից մովրոզի և քննչի աչքից անտեսանելի կանգնած՝ դիտում էր: Այդ մարդը նոր չէր այստեղ. սա էլ մովրոզի նման քննչի զալստյան հոտն առել էր և նույն կարծիքին էր, որ այս քննիչն իրանից առաջ եկածների կարգիցը պիտի լինի, բայց նա մովրոզի նման անհոգ, կամ ավելի լավն ասենք կարճատես չէր գտնվել, այդ բանի վերա մի քանի գիշեր մտածել էր:

Այս պարոնը թեպետ շատ լավ գիտեր, որ ինչքան անաշտ քննիչ լիներ, չէր կարող յուր վերա արատիք բերել, չէր գտնիլ մի հաստատ փաստ, որովհետև գրավոր և ոչ մի կետ չկա յուր վերա, ոչ մի մատենի, մի մատնաշափ թղթի վերա յուր անունը չէ դրոշմած, յուր գործածները բոլորը բանավոր մատենների մեջ են եղել, բայց և այնպես ապագա զգուշութեան համար լավ համարեց խոհեմութիւնը ձեռքից շթողնել, այս բանին հետախուզել:

Երեկ երեկոյան նա հանկարծ թամբեց յուր ձին և գնաց Երևան: Թեպետ շատ մթնով տեղ հասաւ, բայց հաջողեց մի քանի մերձավորներից և գործին ծանոթներից տեղեկութիւններ հավաքել նոր քննչի մասին: Գողաց այդ պարոնը, երբ մի քանիսի անկումը լսեց. իսկույն եզրափակեց, որ շտապելու է սրա առաջն առնել: Որքան հնարավորութիւն ուներ՝ արեց նա:

Աքաղաղները երկու անգամ խոսեցել էին, որ հեռատես պարոնը ձի նստաւ ու շտապեց դեպի Զեյվա: Եկաւ խեղճը, բայց շատ ուշ: Նա մի բան աչքից փախցրել էր. նա ավելորդ էր համարել հարցնել, թե յուր Երևան գտնված միջոցը ո՞ր է նոր քննիչը: Գուցե ոչ ոք չկարողանար հաստատ պատասխան տալ, ըստ որում ոչովի մտքից չէր անցել, թե

այդ սարսափելի մարդը մութը գետինն առնելուց հետո կարող էր փոստայի կառքով ճանապարհ ընկնել դեպի Զեյվա: Մի խոսքով՝ շատ զղջաց անծանոթ պարոնը, որ ինքն այդ հարցն ուշադրութեան չէ առել:

Դեռ արեգակի շողը չէր սփռել Մասյաց կատարից Արարատյան դաշտի վերա, որ գիշերաշրջիկն եկավ, ձին կապեց և աչքին փոստայի սայլակն ընկավ, որ դատարանի դռանը կանգնած էր:

— Ափսո՛ս իմ աշխատանքը, մենք կորանք, քննիչն ըստեղ ա, անկարծիք գիշերս ա եկել, էջմիածին սպասել և լիսադեմին Զեյվա հասել:

— Էն ի՞նչ փոշտի տրոյկա՞ ա կանցելյարի դռանը կաննած, — հարցրեց անծանոթ պարոնը յուր սպասավորին:

— Զգիտեմ, կես սհաթ կըլնի, որ մի աղա մարդ եկավ ու մտավ մովրովի բակը, — պատասխանեց սպասավորը:

Պարոնը դուրս թռավ և սփրթնեց, երբ հեռվից տեսավ մեզ ծանոթ գրագիր հերոսին, որ ճրագը ձեռքին դողալով բռնել էր, իսկ մի անծանոթ մարդ, որին իհարկե կարողացավ իմանալ, որ քննիչն ինքն է, կընքում էր դատարանի դուռը:

Այդտեղ էին բոլոր գավառական պաշտոնյաները, բացի մովրովից:

— Սրա ձեռքը պրծնիլը շատ դժար ա, կամ անկարելի, — գուշակեց խելացի պարոնը, — մեր խեղճ մովրովը խաբվեց, որ կարծում էր, թե սա էլ առաջինների պես փողահաշ տվողներից կըլնի: Չէ՛, սա շատ մարդի գլխի վրա շուռ կտա, մենք կորանք: Տե՛ս, ի՞նչ գալումն² ա, քերհանա եկել ա, քոմակչուն ու գրագրին վեր կացրել, մովրովին թողել քնած. ափսո՛ս, որ ես ճամփին ոաստ չեկա՞, թե չէ սա իմ առաջիցը չէր կարող փախչիլ, հիմի մեր մովրովն իմացած կըլներ ու շատ գործեր հիմի տեղանի աղջկա պսակի հրամանաթղթերի օրն ընկած կլինեին. բայց հիմի էլ շատ ուշ ա, մենք կորա՛նք:

Ընթերցո՞ղ, կարծեմ հասկացար հիմա մեր պարոնի ո՞վ լինիլը. սա միկիտան Սաքոն էր, թե, չէ մովրովի մոտ ո՞վ կար այդպես նախատեսանողը:

— Է՛հ, շատ հարկավոր ա, ի՞նչ եմ գլխումս մտցրել, թե մենք կորանք. հազիր ասեմ, որ մովրովն իր մարդկանցովը կորավ, ինձ ի՞նչ, ես մի միկիտան մարդ եմ, իմ գինի-արաղն եմ ծախում. ով էլը կըլնի, ես փալանն եմ, հորս որդին հո չի՛. սա չի՛ սրա հորոխպոր տղեն թող ըլնի, ինձ համար մին ա. համա ընչանք էս մրրիկն անց կենալը մեզ ըստեղ մնալը խելոքութուն չի:

Միկիտան Սաքոն էլ չհեռացավ քննիչից, այսինքն՝ ոչ թե մոտ գնաց, —

նա գիժ չէր, որ յուր ոտքովը գնա որոգայթն ընկնի, — նա պատերի տակովը, քննչի աչքից անտեսանելի, դիտում էր նրա արածները:

Մեկ մտածեց Սաքոն գնալ ծածուկ մովրովին զարթնացնել, բայց էլ ի՞նչ կօտեր, բանը բանիցն անցել էր. Սաքոն թողեց ճակատագրին խաղալ մովրովի վիճակի հետ:

Սատանայական էր ժպիտը, որ Սաքոյի երեսին երևեցավ, երբ որ նա պատի տակիցը տեսավ մովրովին թույլ ոտքերով և պատի ծեփ դարձած՝ դեպի քննիչը մոտենալուս:

— Գիտեմ, թե ինչքա՛ն ուրախ ես, — մրթմրթաց Սաքոն մովրովի շատ ուրախ եմ՝ կակաղելով տված պատասխանին. — չէի՞ր ուզիլ, որ էս սհաթս մի թեթև խուլեր դրա փորը մտներ, ձեռաց կոլուեր, էն աշխարհքը զրկեր. համա, խեղճ մարդ, հենց իմացի՛ թե խուլերը քիսեպ մտավ ու քեզ էլ հալից՝ քցեց, էլ դու ըստուց ետը ձեռներդ լվա՛ մհալի մեջ փորդ հաստացնելուց. հենց իմանաս, թե էսօրվանից ես տեսնում եմ քեզ զզզված շինովնիկների կարգումը: — Եվ Սաքոն պատի տակից դաժան կերպով ծիծաղեցավ իր բարերարի, կամ ճիշտը՝ յուր զոհի վերա:

— Դուք ներեցե՛ք ինձ, — խոսեցավ քաղաքավարութեամբ քննիչը, — որ ես ձեզ անժամանակ նեղութուն տվի և առանց ձեր ներկայություն ձեր իրավարանը կնքեցի: Մենք ամենքս պաշտոնական մարդիկ ենք և հավատարմության երզում ենք տված. իմ պարտքս այդպես էր պահանջում և հիմա էլ ստիպյալ եմ հայտնել ձեզ, որ այս րոպեից դադարում է առժամանակ ձեր գործունեությունը. դուք ազատ եք պաշտոնակատարությունից՝ մինչև ձեր գործերն աչքի անցնելն և ապա այնուհետև, եթե արդար դուրս կգաք, որի մասին կասկած չունիմ, այդ է ամեն մի ազնիվ մարդու պարտականությունը, այնուհետև, ասացի, դուք ընդունելով իշխանության շնորհակալությունը, կշարունակեք ձեր պաշտոնը: Ձեր տեղն այժմ ժամանակավորապես պաշտոն է վարում ձեր օգնականը՝ նոր գործեր սկսելով յուր համար, իսկ ձեր գործերը մնում են ինձ մոտ, ես պետք է քրքրեմ:

— Ինչպես ձեր կամքն է:

— Կլանդրեի միայն, որ դուք այսօր իսկ շնորհ անեիք գնալ Երևան և սպասել իմ գալստյանը, գործերն այնտեղ պետք է քննվին, իսկ ձեր ներկայությունը ձեր իրավարանը քննելուս՝ ինձ ավելորդ կլիներ:

Մովրովը լուռ էր. նա գուցե որևիցէ բան էլ ուզում էր ասել, բայց լեզուն բերնումը չէր դառնում, և եթե հանկարծ աչքը դեպի դիմացի պատը չդարձներ, շատ կարելի է վայր կընկներ: Նրա աչքերն ընկան յուր

1 Սայլակ: 2 ձարպիկ: 3 Չհանդիպեցա:

1 Բարվոր դրութունից:

մտերմի աչքերին. մի հենական կես եղավ Սաքոն մովրովի համար, յուր սիրելու ներկայութիւնը ոգևորեց մովրովին, նա մի բոլոր քաջալերվեց, կարծես մի օգնութիւն էր սպասում Սաքոյիցը, որն արդարև հասավ:

Աչքով, գլխով նշանացի արեց Սաքոն պատի տակից մովրովին և մասնները շփելով հասկացրեց այս բոլորին ինչ ընթացք բռնելը:

Մովրովին իմացավ Սաքոյի միաբեր. նա խորհուրդ էր տալիս ներս հրավիրել բննչին յուր սենյակը, թեյի ֆանդի և կաշառք առաջարկել, և այն ոչ թէ շնչին գումար, այլ հազարներ:

— Տունդ քանդվի՞, էլ ձեռիդ ի՞նչ ճար ունիս, էլ ի՞նչ ես կուշ եկել, սոգաթնել՝ հիվանդ հազի պես. տեսնո՞ւմ ես, մի խտրով պոշո պոկեց, դե՞ քաց արա տոպրակի բերանը, էլ ո՞ր օրի համար ես պահում,— ոտքով, գլխով հասկացրեց Սաքոն մովրովին:— Բայց, խեղճ մա՛րդ, ես սնց որ ուսուցիչը² տեսնում եմ՝ քո քարը ծովն ընկավ, փողն էլ չի օգտիլ. էդ մարդը նրանցից չի ելելու. դա ինձանից շատ ետ եկածն³ ա: Բայց կուտս կկտրեմ, գլուխս գրավ կտամ, թե դրա ատամներն ինձ վրա բռնին. մեռնի՛, կտրի՛, Սաքոյի կողքովը չի կարող անց կենալ. սպասի՛ լ. տեսնենք:

— Խնդրեմ դեռ շնորհ բերեք ինձ մոտ՝ թեյ խմենք, մի փոքր հանդրատացե՛ք, միեւն իմ ձիս էլ պատրաստ լինի,— խոնարհությամբ հրավիրեց մովրովը բննչին:

— Թեյի մասին ես շատ շնորհակալ եմ, ես թեյ խմելու սովորութիւն չունիմ, իսկ ձեր սենյակ մտնելն առանց այդ էլ պետք է լինի: Թույլ սեղեք ինձ ներողութիւն խնդրել և ասել, որ դուք այլապես չեք կարող ընթացառեալ ձեր սենյակը, եթե ոչ իմ և այս պարոնների հետ միասին, և թե դուք օշինչ չեք կարող վերցնել այնտեղից առանց մեր գիտութեան. ձեր աճիս ինչք, բացի մի ձեռք հագուստից, որ նույնպես պետք է ականդո՞ւն, դուք չտեսք է վերցնեք. ձեր ունեցած փողն էլ կհնքվի ձեր ներկայութեամբն և կողարկվի գանձարան պահվելու, մինչև քննութիւնը վերջանալը, իսկ ձեզ ծախսելու համար կտրվի գանձարանից մի որոշյալ շահակութիւն:

Մովրովն էլ ուշ շունեցավ խոսելու կամ կանգնելու, նա էլ չկարողացաւ գտնել իրան և բոլոր մարմնով դողաց և, եթե յասավուրը մոտ չէր վազել և կուտը չէր բռնել, անպատճառ գետին կընկներ:

— Մի՛ շփոթվեք, խնդրեմ, նստեցե՛ք փոքր-ինչ այս նստարանի վերջա և հանգստացե՛ք,— քաղցրութեամբ խորհուրդ տվեց բննչը,— հուսաւ, որ այս պաշտոնական ձևակատարութիւնից ձեզ վնաս չի հասնիլ:

— Ես հիվանդ եմ,— պատասխանեց թույլ ձայնով մովրովը:
— Ուրեմն ազելի շուտով հարկավոր է ձեզ շտապել Երևան, ուր կարծես, ինչպես նահանգական քաղաք, լավ բժիշկ կգտնվի:
— Դե՛, Սաքո՛, էլ մի՛ կաննիլ, փասափուտե՛ղ՝ հա՛վաքի,— մրմրեթաց Սաքոն ու երեսը ետ դարձրեց դեպի գինետունը:

Կես ժամից մովրովն երկու յապավուկի ուղեկցութեամբ, ձի հեծած, գնում էր դեպի Երևան: Նա մի վերջի անգամ էլ ուզեցավ յուր հավատարմի հետ խոսել. մտանցով գինետանը և ի՞նչ տեսավ. միկիտանխանն բոլորովին դատարկ և Սաքոն մի-երկու գեյվացվոց հետ կանգնած, փող է համարում. նրա ձին թամբած, դռանը կանգնած էր:

— Էս ի՞նչ բան է,— հարցրեց մովրովը Սաքոյին դուրս կանչելով:
— Ոչինչ, աղա՛, գլուխս սրծացնելու տարի ա, դուքանիս մեզը ծախեցի, առուտուրս վերջացրի, փողերն առնում եմ, որ գլուխս առնեմ քաշվիմ, ընչանք էս սելավն² անց կենա, տեսնենք՝ գլխնեքս ի՞նչ ա գալիս:

— Միջի ապրանքն ի՞նչ արիլ:
— Դատարկեցին, տարան, էժան տվի, որ ոչինչ չթողան, միկիտանխանի հոտը կտրվի էս տանիցը. շատ վնաս արի, համա ի՞նչ անենք:

— Դե՛, արի ինձ հետ գնանք:
— Չէ՛, աղա՛, էսօրվանից մենք էնպես պտի անենք, որ սաքի իրար ճանաչում չենք. երկուսիս օգուտն էլ էս ա, դու աջ կերթաս՝ ես ձախ:

— Հիմի դու աջ գնացիր, ես ձախ,— մովրովի քամակիցը գլուխը շարժելով ասում էր Սաքոն,— բայց ոնց որ ես եին միկիտան Սաքոն եմ, դու էլ եին մովրովը, էսպես էլ գիտեմ, որ իմ գործս աջ գնաց, քոնց՝ ձախ:

10

ՇԱՆՁԻԶՅԱՆՑ — ԿԱՄԱՐԱՎԱՆՆ — ԱՇՏԱՐԱԿԵՑԻ

Երևանու իրավարաններից մեկի դռանն ասեղ քցես՝ գետինը չի ընկնիլ. բազմութիւն, աղաղակ, բարձրաձայն ծիծաղ, հայհոյանք, խառնվել են իրար, ոչինչ բան չի հասկացվում: Մի բառ միայն շուտ-շուտ լսողի ականջին է դիպում՝ մեղալ, մեղալ: Այսքան բազմութեան մեջ մի քաղաքացի, մի մաքուր հագնված մարդ չի երևում. բոլորը խառնիճաղանջ

1 Բնդ կախել: 2 Գործի հանգամանքիցը: 3 Ճարպիկ:

1 Ունեցած-շունեցածը: 2 Նեղեկ:

ոամիկներ են, թուրք, հայ, քուրդ միմյանց մյուս ածված են: Հեռվումը միայն մի քանի քաղաքացիք կանգնել, ծիծաղում են միամիտ ուամկի վերա:

Երկու ուստիկանական թուրք ստորին պաշտոնատարք շատ անգամ կամեցան մահակներով հեռացնել ամբոխն իրավարանի դռնից, որ ներս ու դուրս անելը շարժելվի, հնար չեղավ: Շատերը բարձրացել էին լուսամուտների վանդակների վերա և ներս էին նայում: Երբեմն-երբեմն մի քրքշյուն, մի ծիծաղ բարձրանում էր պատուհանների կանգնողներից և հեռագրական մագնիսի նման լուր տալիս ներքևի կանգնածներին ներս մտած մարդու գլխի եկածը: Իսկույն բոլորը միասին մի խնդակցական ծիծաղ էին բարձրացնում և էլի լռում, սպասելով իրավարանից դուրս եկողին:

— Հը՛, ի՞նչ արիր,— քանի մի հարցեր տեղում էին այդ մարդու գլխին,— մեղալը դոշիդ չի երևում, բեզազա շես դառել:

— Աստված ոչ գիտա մեր մովրովի գլուխն ու արևը, իմ դեղին պուլիմպոյալի տեղակ էս հինգ մանեթը տվին ու դուս արին. օղորմի՛ իրանց հորը, էս էլ որ շտալին, ի՞նչ պտի անեիրք, կեսը կտրելու հո չէինք:

Նվ ներսից դուրս եկողը ցույց էր տալիս յուր ձեռքում ճմլած հինգ մանեթանոց թղթադրամը:

Անմիջապես ներսից դուրս եկողի քամակից մի գրագիր կանգնում էր իրավարանի շմբի վրա և ձայնելով՝ մի մարդու անուն տալիս: Բայց հետ ժամ անցնում էր, մինչ կոչված մարդը, ճղելով ամբոխը, առաջ էր գալիս, ներս մտնում իրավարանը, որից հետո իսկույն դուրս վրեն փակվում էր:

Նույն և մի գոշյունը, նույն հոհոցը, նույն ծիծաղն և հայհոյանքը կրկնվում էր մովրովի ստվերի դեմ:

— Շահազիզյանց—Կամսարական—Աշտարակեցի՛,— ձայն տվեց ի վերջո գրագիրը.— Կամսարականն Աշտարակեցի՛,— կրկնեց ժողովրդի արձագանքը.— Կամսարականն Աշտարակեցի,— երեքկնեց ու շորեքչնեց ամեն ոք, և դեռ մարդ չի երևում:

— Այստեղ չէ՞,— գոչեց գրագիրը:
— էստե՛ղ էր, հենց հիմի էստե՛ղ էր, էս սհաթս ես տեսա, սղմվել էր խալխի մեջն ու դուս չէր կարում գալ:

— Ձեր տունը չքանդվի՛, ես կարո՞մ էս հեշտոթի՛ միջովն անց կենալ, փորիս ճխիլը դուս կգա,— մի ձայն լավեցավ ամբոխի քամակի կողմից:

Բավական միջոց անցավ, որ ուստիկանները փայտի զորությամբ մի անցք բաց արին և քրտնքում կորած Շահազիզյանց—Կամսարականին ներս բերին. բանից դուրս եկավ, որ խեղճ Կամսարականս դիպվածով ընկել է խածամուծի կուտակի մեջ և կես ժամ հազիվ կարողացել է դուրս ընկնել բաց օդի մեջ: Բաղաքացիք դրա վերա մի կուշտ ծիծաղացել են:

— Բարո՛վ,— պատասխան տվեց նախագահական բազկաթոռի վրայից քննիչը Կամսարականի խոնարհ ողջույնին,— որտեղի՞ց ես, քս անունն ի՞նչ է:

Կամսարական Աշտարակեցին աչք ածեց շուրջ բոլորքը և թթի տակին ժպտալով՝ պատասխանեց.— ես աշտարակցի եմ, իմ անունս է... Շահազիզյանց—Կամսարական—Աշտարակեցի:

— Այդ ի՞նչ երկար անուն ունիս,— հարցրեց քննիչը քաղցրությամբ:

— Ես իմ հոր հարազատ զավակն եմ, ազա՛, իմ պապերս էլ աղնվական են էլել ու երկու ազգ են ունեցել՝ Շահազիզյանց—Կամսարական, ինքս էլ բնիկ աշտարակցի եմ. ոչ ուզում եմ հորս երախտիքը մոռանալ, ոչ պապերիս պատիվը վեր քցել, ոչ էլ իմ ծնած տեղս՝ իմ հայրենիքս ուրանալ:

— Շատ լա՛վ, շատ լա՛վ. հիմա ասա՛ ինձ, բարի Շահազիզյա՛նց,— ասաց քննիչը,— ես նկատեցի, որ դու տուն մտնելուս շուրջ նայեցիր և ժպտացիր, ի՞նչ էր պատճառը:

— Ոչի՛նչ, գլխիդ մատա՛ղ, լավ մարդկանց երեսը տեսնելուս մարդի բան հաջող կերթա, սիրտը կուրախանա. մեր աղին տեսա, ուրախացա:

Կամսարականը ցույց տվեց մովրովին:

— Շատ լա՛վ, դիցուք քո ասածը լինի, այժմ պատասխանի՛ր ինձ. դու լավ ճանաչո՞ւմ ես քո ցույց տված պարոնին:

Քննիչը նույնպես գլխով ցույց տվեց մովրովին՝ առանց երեսը նայելու:

— Ո՞նց շեմ ճանաչում, գլխիդ մատա՛ղ, դա մեր աղեն ա, մեր տերն ա, մեր հերն ա, մեր մհալի բարերարն ա, քոտ պտի ըլիմ, որ չճանաչեմ:

— Քեզ ինչ հարցնեմ, պետք է իսկությամբ պատասխան տաս, թե չէ լավ չի լինի քեզ համար. սուտ խոսողն աստուծո առաջին սևերես մնալուց հետո՞՛ օրենքի առաջին էլ պատժվում է:

— Մեռնիմ աստծուն էլ, օրենք դնող թագավորին էլ, երկուսի համար էլ մեր գլուխը մատաղ կտանք. թե որ նրանց մենք խաբենք, մահի ենք արժան:

— Շատ շնորհակալ եմ, երևում է, որ դու մինչև հիմա ներս եկողներից շատ բարձր ես կրթությամբ և հասակացողությամբ. այդ շատ-տար-

1 Ամբոխի:

— Ուրզգի՛,— ձեն ա տալիս մովրովն ու մի սել լիքը կակող ճիպոտ գրա դռանը թափում են:

— Դուս տարե՛ք իմ կառավաթը¹,— հրամայում ա մովրովն ու իր բակի դռան մեյդանումն² իր կառավաթը դնիլ ա տալիս, էն օրենքի 15 հատորը դնում գլխատակն ու սաղ խալխի միջին թեք ընկնում ձգվում:

— Դե հիմի վեր կոխեցե՛ք էն իրեք մարդին,— գոռում ա մովրովն ու իր պառկած տեղիցն էն խեղճ խնդիր տվողներին էնքան ծեծել տալիս, որ դու էլ ասես՝ հերիք ա:

— Չորեչոք մոտ եկե՛ք,— պատվիրում ա նա էդ ծեծվածներին,— դպա ինձ:— Ինքն ըսկի գլուխը տեղիցը չի վերցնում:

— Ա՛յ, ձեր արխեն³ ու քոմակը⁴ գլխատակիս ա, եկեք մին էլ աղաչանք արե՛ք, կարելի ա սա կլսի ու ձեզ կօգնի:

— Տեսնո՞ւմ եք, որ ձեր պաշտպանը շկարողացավ ձեզ պետք գալ,— ծիծաղում ա բարձր-բարձր մովրովը,— խեղճը պինդ ծալված՝ գլխատակիցս չի կարողանում դուս գալ:— Տո՛, հիմարնե՛ր,— ասում ա նա,— դուք կարծում էիք, թե էս թղթի կտորները ձեր հավարին պտի հասնի՞ն. դուք որ սրա տեղն իմացել եք, բաս ես չգիտեի՞, բաս սրա հողվածների գեմը ես պատրաստած բան չունեի՞. ո՞ւմ ինչ արիք. ձեր մատը տարաք՝ ձեր աչքերը հանեցիք. ամեն մի հողվածի դիմացը 1000 մանեթ եմ պատշ. բել, էդ փողերը ձեր ջանիցը պտի հանեմ, իմ քիսիցը հո՛ չեմ տալու Քննիչը ծիծաղեցավ:

— Հա՛, աղա ջա՛ն, հա՛, տես ի՞նչ ա անում.— հրամայում եմ ձեզ,— ասում ա,— որ էդ իրեք մարդդ ամեն մինը ձեր քիտովն էդ պատերը շարեք. գնացե՛ք, 1000-ական մանեթ բերե՛ք, էս գրքի վրեն դրեք, եթե չեք ուզում, որ ձեր կաշիքը դաբաղխանումը⁵ փտին:

— Ի՞նչ պտի անեի՞ն, աղա ջա՛ն. համ տվին, համ էլ շլինքները երկարեց. լավ որ իրենք էլ ունևոր մարդիկ էին, թե չէ խեղճերը հիմի որդով ընտանիքով Սիբիրումը կըլնեին:

— Իսկ ձեր մովրովն այդպիսի բաներ արե՞լ է,— հարցրեց քննիչը:

— Չէ, աղա, մեր մովրովն էդքան չի արել, բայց դե՛, ո՞նց կըլնեի, որ մեզը ծախողը մատը չլպստեր. կովի տարի էր, օգուտ քաղելու տարի էր, պտի շահվեր. էսպես տարի հս միշտ չի ըլնում:

Քննիչն երկրորդ խոժոռ հայացքը ձգեց մովրովի վրա և այդքանը բավական եղավ խեղճի ոտք ու ձեռքը դողացնելու.

— Ասացիր, որ դու ես... Շահագիղյան—կամսարականն—Աշտարակեցին,— խոսեցավ քննիչը,— քո անունն այս մատենի մեջ նշանա-

կած է: ուրեմն դու տվել ես փող, որ պատերազմական մեղալ ստանաս, այնպես չէ՞:

— Հրամեկի՛ք, գլխիդ մեռնիմ:

— Պատերազմ գնացե՞լ ես:

— Ո՛չ:

— Պատերազմական գործերումը խառնվե՞լ ես:

— Ո՛չ:

— Ուրեմն ի՞նչ իրավամբ դու կարծում էիր, որ մեղալ կստանաս:

— Մեր մովրովի հրամանը դուս եկավ, որ մի պոլիմարյալ բերողը մեղալ կանի. ես էլ հավատացի ու տվի:

— Հրամանաթուղթ կա՞ր դրա մասին:

— Հը՛, աղա՛,— ծիծաղեց կամսարականը,— ամեն բանի համար որ հրաման գրվի, որտե՞ղ կերթա, էլ թուղթ ու մրաքավ՝ չի հերիք անիլ: Դրա համար յասավուլներ կան, միկիտաններ կան, տանուտերներ կան, նրանց բերնով եկած խաբարին մի՞թե մենք չենք հավատում. բաս էլ յասավուլն ընչի՞ ա պետք, որ նա իր աղի կամքն էլ չպտի կարողանա բերանացի հայտնել ու դամշու տակը քցելով կատարել տալ:

— Շատ կարելի է այդ մարդիկը սուտ յուրյանց օգտի համար մովրովի անունով պահանջներ են անում և մովրովը բոլորովին տեղեկություն չունի:

— Չէ՛, գլխիդ մեռնի՛մ, տեղ հասած օրը մենք իմանում ենք:

— Ուրեմն ա՛ն էս փողն և գնա:

Քննիչը վեցրեց սեղանի վերա ծալքով դարսած հինգ մանեթանոցներից մի հատ և տվեց Շահագիղյանցին:

— էս ի՞նչ փող ա, որ տվիր ինձ, աղա ջա՛ն,— հարցրեց կամսարականը:

— Այդ քո մեղալի համար տված փողն է. օրենքի վորոթյամբ մեղալ ստանում են միայն պատերազմին մասնակցողներն, իսկ դու ասացիր, որ ինքդ չես մասնակցել:

Մեր... Շահագիղյանց—կամսարականը նոթերը կիտեց ու կանգնած տեղիցը թղթադրամը շարտեց սեղանի վերա:

— Այս ի՞նչ կնշանակի,— զարմացմամբ հարցրեց քննիչը:

— Ես իմ մեղալը կուզեմ:

— Քեզ ասացի, որ մեղալ անհնարին է քեզ ստանալ, բավականացի՞ր այդքանով և դուրս գնա՛:

1 Մահճակալ: 2 Հրապարակ: 3 Պաշտպան: 4 Օգնական: 5 Կաշու գործարանումը:

1 Քանաք:

— Բաս կամ ոչինչ մի տալ, ես ձեզանից զոռով չեմ ուզում, էդ էլ թող շատերի հետ գնա, կամ իմ փողս տվե՛ք:

— Մենք էլ ըո փողն ենք տալիս:

— Ես իմ պոլիմպոյալը կուզեմ, պոլիմպոյալը, 184... թվի պոլիմպոյալը. ես վրեն մի տեղ էլ դանակի ծերով պստիկ նշան եմ դրել. էն որ չըլնի, ես ոչինչ չեմ ուզում, էդ էլ բաշխել եմ մեր աղին:

Կամսարականը մատով մովրովին ցույց տվեց:

— Բացատրի՛ր խոսքդ, ես չեմ հասկանում,— ասաց քննիչը:

— Էս սհաթս, գլխիդ մեռնի՛մ: Ես Աշտարակու մեջ, չկարծես, որ ետ ընկած, հասարակ մարդկանցից եմ. ասենք իմ ազնվությունի համար էստեղ խոսք բաց անիլը տեղը չի, բայց ոահաթի մեջ էլ, փառք աստծու, մարդ եմ՝ ինչ որ մարդին կազգի. ես էլ ինձ համար անում ունիմ, պատիվ ունիմ, հաց ունիմ, տուն ու տեղ ունիմ. թե որ մի երկսիցը ցած ըլիմ, տասիցն էլ բարձր եմ: Ի՛նչ երկարացնեմ, Աշտարակու իշխաններից մինն եմ, էս արխալդին, էս թևերիցս կախ-կախ էլած ծլանքներին՝ մի՛ խաբվիլ, կամ կարկատած շուխիս. ոահաթը պտի իր ոահաթությունի գյուրա՞ վեր ու նիստ անի. մենք քաղքցոնց պես չենք կարող փորնհրս քաղցած պահել, ամեներով տաք կերակրի համ չտեսնել, բազարումը մի-երկու կապեկի հացով ու թարաքչամա թուրքի երեսը քաշած աղվեսի պանրով օրներս անցկացնել ու զլպլտվիլ մահուդներով, դանավուզներով ու բուխարա գտակներով: Մենք մարդին շորով չենք պատիվ տալիս, կամ ճանաչում. ուզենանք էլ լավ շորեր հագնիլ, չենք կարող: Հիմի ասենք, ես աղա մարդ եմ, բայց իմ տան ծառեն եմ. ինձ շատ ամոթ ա, որ իստակ հագնվեմ, ձեռներս սպանով լվանամ ու իմ տան, իմ հանդի, իմ հիբու գործը թողամ երեսի վրա ընկած. աստված մեզ էդ հացը շտա, էդ կազգի քաղքցուն, որ ընչանք իրիկուն ձեռները դումաշներին³, ապրմեղենների ու գուլբաթիներին⁴ մեջ ա խառնում. պապական մենք հողագործությունն ենք տեսել, հողագործությունը մեզ, մերը հողն ա, ես նրա բարաքաթին⁵ մեռնե՛մ:

— Շատ լավ բաներ ես խոսում, սիրելի՛ս,— ընդհատեց քննիչը,— բայց գործից հեռանում ես:

— Զէ՛, գլխիդ մատա՛ղ, մի քիչ էլ, խնդրեմ, համբերես: Ասեցի, որ ես մեր գեղի առաջավոր իշխաններից մինն եմ, դոնաղասիրությունն⁶ ամեն հայ քրիստոնեի պարտքն ա, էդ ամենքս էլ ունինք. մեր աղեքան-

1 Ցեցողներ: 2 Համաձայն: 3 Մետաքսեղենների: 4 Ոսկեթելների: 5 Կրոթյուն: 6 Հյուրասիրություն:

ցը, մեր մհալը կառավարողներին, զուլուղի մարդկանցը պատիվ տալը համ պարտք ա, համ հրամանակատարություն. իհարկե, էդպես մեծավորին մեր գեղը գալու՝ մենք չենք կարող հասարակ տներում ցած բերել. ասում ա՝ հարկս հարկավա՞րաց՝ պատիվս արժանավորաց, ում որ լավ տներ ունի, իր աղին ընդունում ա: Աշտարակու մեջը թե մի-երկու, երեք լավ տներ կան, մինն էլ իմ տներն ա (ասենք փառք իմ աստծուն, սաղ մհալի մեջը մեր գեղի պես լավ տներ ոչ մի տեղ չկա): Էլ կարծիք չկա, աղա ջա՛ն, որ մենժամենժ մարդիկն իմ շեմքովը շատ ներս ու դուրս արած կըլնին. մեր աղա մովրովն էլ, իհարկե, իրան էլ լավ հայտնի ա. որ ըսկի գործ էլ չունենա, քեֆի համար էլա տարենը մի քանի անգամ Աշտարակ ա գալիս ու շաբաթներով կենում. ի՛նչ ասիլ կուզի, որ շատ բաժինն իմ տանն ա վեր գալիս, իմ սառը ջուրն ա անուշ անում, իրան հալալ ըլնի՛:

— Էլ մնա՞ց:

— Էն ա, հա՛, գլխիդ մատա՛ղ, շատին դիմացել ես, քչին էլ դիմացի՛: Մին էլ սաղ մհալի մեջը հուշակվում ա, թե ով որ մի պոլիմպոյալ բերի, մովրովին տա, անումը գրիլ տա, նա մեղալ կստանա: Տունը մի մարդ կար՝ պոլիմպոյալը ճարեց, Զեյվա գեղը վազեց, երկուսը կային՝ գնացին. պատրաստությունի համար մի քանի մանեթ էլ ավել էին վերցնում ու որը ոտով, որը ձիով, որն էլ երկու մարդ մի ձիու կամ մի իշի վրա նստած՝ իրանց քցում Զեյվա: Էս բանի համար ես ամենցիցն ավելի ուրախացա. աղեն (գլխովը մովրովին ցույց տվեց) ինձ խիստ լավ ա ճանաչում, տես ու ճանանչ ենք. միտք արի ու առանց փողի դուրս ընկա խելի՛ տեղ գնացի. ախար ես ումնի՞ց եմ պակաս. իմ գյաղեն², իմ ծառեն մեղալ ստանա, ծեծից ազատվի, աշխարհքն աղնվական դառնա ու ես՝ Շահազիղյանց—կամսարականս մնամ զո՛ւրկ: Գնացի՛, գնացի,— շատ ու քիչ աստված գիտա,— մին էլ կաննեցի ու միտք արի. ա՛յ տղա, ես անփող ո՛ւր եմ գնում, բան ա, բալթի³ մովրովը պատիվս չպահեց, անփող ինձ չգրեց, աշխարհս վաղվանը չի, մի քիչ սառնացել ա,— հագիր պատրաստ գնամ, մի պոլիմպոյալով մարդի երեսը չվեր բերեմ, տանեմ տամ, թե վերցրեց, մի աշքս լիս, թե չվերցրեց, երկու աշքս լիս, իմ փողն իմ չիրին կմնա: Նոր ետ եմ դառել, աղա ջա՛ն, կիսաճամփիցը, տուն եկել ու մի պոլիմպոյալ ծոցս դրել ու գնացել:

Քննիչը, թվի թե, շատ ձանձրացել էր, գլուխը կախել, ուշադրություն չէր անում:

1 Բավականին: 2 Սառա: 3 Գուցե:

Կամսարականն այս նկատելով՝ ծնուտը բռնեց և աղերսալից խնդրեց.

— Գլխիդ մեռնի՛մ, աղա՛ շան, տեսնում եմ որ բեզարեցիր¹, գլուխդ տարա, համա կխնդրեմ, որ մի քիչ էլ լսես, էս ա պրծնում եմ:

— Շատ լա՛վ, շատ լա՛վ,— ժպտաց քննիչը և ուշադրութունը սրեց:

— Դեռ ձիուցը նոր էի վեր եկել,— շարունակեց Կամսարականը,— որ մովրովի միկիտանն ինձ ասեց, թե քո պոլիմպրյալը պետք չի, պոսի 184... թվականինը տանիս ու մի քանի մանեթ էլ մովրովի ձեռ ու սոսի համար խարջես, որ ինդիրդ կատարվի: Ինձ մոտ,— ասեց միկիտանը,— Երևանից բերած էն թվի ոսկիք կան, թե կուզես՝ իր գլխովը, կամ թե չէ քո խաթեր մի բան էլ պակասով քեզ ծախեմ, տար տուր մովրովին: Ես լսիլ էլ չուզեցի, մովրովն իմ բարեկամն ա, իմ խաթը կպահի, ասեցի ու դուզ քեցի, աղիս օթախը ներս մտա: Ի՞նչ ես ասում, գլխիդ մեռնի՛մ, քո դուշմանի գլուխը չգա, ինչ որ իմ գլուխն եկավ. ոնց որ ես սովորուսողիկա՞ր, խաղք ու խայտառակ էլա:

Կամսարականը պատմեց յուր և մովրովի մեջ պատահած անցքը:

— Դեռ ես չհամարձակվեցի, հինգ մանեթանոցը կամանց ստոլիդ վրա քցեցի, բայց իմ խեղճ պոլիմպրյալը, որի պսպղոցն աչքեր էր ծակում, ընչանք դուռն շեմքը մին ֆոռաց:

Հիմի ես դրա համար եմ ասում, աղա շա՛ն, կամ տալիս եք, պոլիմպրյալս տվե՛ք, կամ մեղալս, կամ թե չէ ես ոչինչ չեմ ուզում: Գլխիդ մեռնի՛մ, թե իմ խոսքերումը սուտ ըլի, աչքս հանի՛, թե չես ավատում, մեր մովրով աղին՝ իրան հարցրո՛ւ:

— Կամսարական, դու էլ էդպե՛ս,— հոգվոց հանելով ասաց մովրովը հայերեն:

— Աղա շա՛ն, դու էլ էդպե՛ս,— պատասխանեց նույնպես հառաչելով Կամսարականը,— մի՛տղ ա, որ ասեցի, թե, աղա շա՛ն, քո Շահազիզյանց—Կամսարականն եմ, ախա՛ր էդ խոսքն ես ինձանից հո չէի ասում. ընչանք քեզնից իրավունք չունենայի, ո՞նց կվստահանայի: Մի՛տղ ա, որ միշտ ինձ կանչում էիր՝ իմ Կամսարական. էլ էն մարդը չէի՞, էլ քո ոտն Աշտարակ չպոսի ընկնե՞ր, երես-երեսի չէինք առնի՛լ:

— Ուզի՞ր ես այս պարոնի պատմածները,— դարձավ քննիչը դեպի մովրովը:

Մովրովը սևացել էր:

— Այո՛, — հազիվ լսելի եղավ մովրովի բերանից:

¹ Ձանձրացար: 2 նախատակոծ:

— Տնօրինել, որ դրսի ամբոխը չցրվի, ամենքն ետ բերեն յուրյանց ստացած փողերն և սպասեն,— հրամայեց՝ քննիչը,— իսկ դուք, պարոն գավառապե՛տ, բարեհաճեցե՛ք այս բոլոր հինգ մանեթանոցները փոխել 184... թվի պոլիմպրյալի վերա, և եթե չկան այդպիսիները, այն ժամանակվան գնացական գնովը թղթադրամով վճարեցե՛ք. իսկ այս պատվական անձի ոսկին գտնել անպատճառ և նույնը վերագրածնել, երևի պահած կունենաք:

— Քո արդարադատութունի համար, գլխիդ մեռնի՛մ, ես ոչ մի կուպեկ չեմ ուզում, ինդրեմ ինձ հասնելիք փողը զրկես բերդը էն անմեղ դուստաղներին, որոնք իզուր տեղը տարիներով արևի երես չեն տեսնում ու չոր հացից սավահի ոչինչ չեն ուտում,— մեջ մտավ Շահազիզյանց— Կամսարականն—Աշտարակեցին.— ըստուց ետը մեռնիմ էլ, դարդ չունիմ, աստված ինձ էն օրին արժանացրեց, որ իմ աչքերս քեզ պես մի աղալաթ՝ քննիչ տեսան:

— Քո խնդրվածքդ կկատարվի,— պատասխանեց քննիչը՝ Կամսարականի ձեռքը թոթվելով.— այս բոպեից ավետում եմ քեզ, որ բանտերն էլ շուտով արդարության ձայնը կլսեն, այն տեղերն էլ չեն մնալ առանց իմ այցելության:

Ամեն մարդ յուր փողը թղթադրամով ոսկվո կուրսի հաշվովն ստացավ և շնորհակալութուն արեց քննիչին:

— Միամտացնում եմ ձեզ,— խոսեցավ քննիչն ի լուր ամենեցուն,— որ ձեր տված բոլոր պարգևներն ու կաշառքներն, ինչքան հնարավորութուն կա, կպահանջվին՝ ձեր մովրովներից, և որովհետև շատ մասն հայտնի չէ, թե որքա՛ն է վճարված և ումնից, այդ ամենը կերթան հօգուտ բանտարկյալների և պատերազմի մեջ վիրավորված զինվորների, և այդ կարվի իբրև ժողովրդից նվիր. համաձայն ե՞ք, թե ոչ:

— Համաձայն ենք, գլխիդ մատաղ,— ձայն տվեց ամբոխը:

Շատ սակավ մովրովներ արդարացան, քննիչը, համարյա՝ պատժեց բոլորին, զրկելով բամանց ծառայութունից, այլոց մի քանի տարի պաշտոնազուրկ անելով և շատ սակավներին բոլորովին անբախտացնելով:

Մեր մովրովը վերջիններիս կողմն անցավ:

¹ Արդարադատ:

ԱՆՇՆՈՐՀՔ ԱՎԱԶԱԿՆԵՐ

Սմբատը շատ սանությամբ լսեց միկիտան Սաքոյի շողորթա- կան ցավակից խոսքերը, երբ մի օր ինքն եկավ Խեչանին տեսություն և իմացավ, որ իբր թե մի նոր քննիչ էին ուղարկել Երևանից, որը անմի- ջապես հրամայեց Խեչանին բերող տանել:

— Հա՛, տարա՛ն, սաքի ուզում եմ ասել զրկեցիք: Բաս սուտ չէին խեղճ հալիվորի մտածածները, շատ լա՛վ, տարան՝ տարան, մենք էլ ըստուց ետը տանողի ու տանել տվողի դուռը կճանանչենք:

Այս խոսքերը պատասխանելով միկիտանին, Սմբատը ձիու գլուխը թեքեց դեպի՝ Աշտարակ:

— Սմբատ ջա՛ն, ա՛յ Սմբատ, ախար մի քիչ կա՛ց, տես՝ ի՞նչ եմ ասում, ախար դու հենց գիտես, թե մենք մեղավոր ե՞նք, ախար ես Խե- շանի բարեկամն եմ. թե որ իմ թափած արտատունը տեսնեիր, իմ շոքիլ աղանչաք անիր լսեիր, մովրովի գտակը հանել քննիչին խնդրելուն ակա- նատես ընեիր, էդպես անհավատ չէիր ըլնիր:— Այսպիսի խոսքեր միայն քամու բերելովը Սմբատի ականջին էին դիպում, բայց նա ուշք չդարձ- րեց, մի րոպեի մեջ Սաքոյի աչքիցն աներևութացավ:

— Սատանի հե՛րն անիծած,— մտածեց Սաքոն,— մարդի շարխը՛ որ թարսվի², 1000 տարի գլուխ տրաքացրո՛ւ, օդուա շունի: Ասենք դրանք մեզ ոչինչ չեն կարող անել, 10 տարի էլ Խեչանն անտեր բերողմը փտե- լու ըլնի, ոչով հարցնող չի ըլնի: Էն նոր եկած քննիչը հո չպտի՝ գնար բանտի բորբոսնած հոտերի միջին քաշ գար, որ իմանար, թե մի աշտա- բակցի Խեչան ա էլիլ ու զուր տեղն էնտեղ ճռնչում ա: էդ կողմից մեզ փորձանք չի գալ, բայց մենք մեք մտքի դրածիցը կզրկվինք. ես սաքի ուզեցա, որ տխուր երես շանց տամ, դարդուտ՝ երևամ Սմբատի մոտ՝ Խեչանին տանելու համար, վերջը մի քանի սուտ հույսեր տամ, որ սաքի թե մովրովը կարող ա մի քանի մարդի տեսնելով, կամ էն քննիչ տակը փող դնելով ազատել Խեչանին. բայց էս կուպիտ լակոտը իմ սարքած ֆանդերքս⁴ հիմքն արեգակը շուռ տվեց. հիմի պտի գնա Աշտարակ, տա- նը խաբար տա ու մենք էլ ձեռքներս կլվանանք Խեչանի շալչալ⁵ մանեթ- ների սանադներիցը⁶: էս չի ըլնիր, սրան պտի էս մտքի վրա տեղ չհասց- նել, պտի ճամփեն կտրել, մեր սուտը դորթի տեղակ ուտացնել ու հետն երթալ Աշտարակ:

Թե որ հաջողվեց՝ շատ լավ, թե չէ կոտորվեց ոչ, պտի կյանք ու արևը

1 Անիվը: 2 Շրջվի: 3 Վշտալի: 4 Հնարք: 5 Խախտաբղետ: 6 Մուրհակ:

Արդար Դավթի քյալավեքումը մեզ տալ ու գնալ Խեչանի օջախումը շեն ու բոլ ձգվել: Շատ լավ վախտն ա, հազիր Փերսի գեղացի նարխն իր հրնկերներովն էստեղ են, էլ ժամանակ չպտի կորցնել:

— Տեր աստված, ես ի՞նչ անեմ, ես ո՞նց հասկացնեմ Հեղնարին էս տխուր խաբարը. առանց էն էլ հազը խեղդում ա, օրը մի շարեք արին ա վեր ածում սրտիցը. հիմի որ էս էլ լսի, ձեռաց կմեռնի. Հերիքնազին էլ դժար ա ասելը, վա՛յ թե մերը բան հասկանա ու էն վախտը պրծավ, համ ինքը կմեռնի, համ Հեղնարին կսպանի: է՛հ, գլուխս տրաքվում ա, ըսկի չեմ գիտում, ո՞ր ջուրն ընկնեմ, ճար չկա, էլի պտի Հերիքնազի հետ խոսամ մի հնարքով:

Այսպես մտածելով գառնում էր Սմբատը դեպի Աշտարակ և շարու- նակում.

— Ա՛խ, հիմա՛ր եմ, հիմա՛ր, ո՞նց շուտ եմ խաբվում, քոմմա՛ էն սատանա Սաքոյի արածն ա, խեղճ հալիվորն ըսկի մոտ չէր թողում, ախար ես ընչի՞ պտի էսպես քոռանալուն ըլնի. ես ինչպե՞ս տուն թողա- ցի, նաշար մարդի հոգին վկայել ա. ես հիմի հասկանում եմ, որ էն դռան քամակի գեի ձենն էլ Սաքոյինն էր, նա իմ քամակիցը մտել ա բանտը, բալնքի ծակովն անկաջ դրել, մեր խոսեցածները լսել, վա- խեցել ու գնացել էն օյինը սարքել, գրագրին ու լասավուններին տուն զրկել, ախա՛ր ես ընչի՞ չտվի առաջ գրագրին, ետո լասավուններին, վերջն էլ էդ բելիարին սատկացրի, ընչի՞ պտի թողայի ձեռներս շար- բանդեն²: էն հո անց կացավ, էսօ՞ր ընչի շատկացրի, հո կեղծավորու- թյունը երեսին երևում էր, ուզում էր գլուխս եղել, որ սաքի Խեչանի հա- մար սիրտը շատ ցավում ա, կամ թե չէ մովրովը շատ դարդոտ ա էդ մասին: Ռչի՛նչ, միկիտան Սաքո՛, սպասի՛, էս խեղճ հիվանդի դարդը քաշեմ, Հեղնարին հանգստացնեմ, գնամ խաբեմ, որ իր հերը լավ ա, սրանով սիրտն ուրախացնեմ, բալքի հազը մի քիչ թեթևանա, ու հետո հալբաթ³ մի տեղ իմ ձեռս կընկնիս: Դեռ կաց, ես գնամ Երևան, ամեն բան տեղնուտեղն իմանամ, քո շանորդությունը հասկանամ, ետո կտես- նենք:

— Ա՛յ տղա, ասած ա՛ վա՛յ հախին, վա՛յ նհախին,— կրկին մտած- մունքը փոխեց Սմբատը,— ես հենց էն մարդին կրակն եմ դնում, էրում, բալքի դորթ նա մեղք չունի, ո՞ւր եմ էսօրվանից էն մարդի շվաքի քա- մակիցը թոնթորում⁴, դեռ մի քանի օր սպասենք, հիվանդին հանգստաց- նենք, Երևան գնանք, բանի տակն իմանանք ետո, դեռ ջուրը չհասած՝ ստներս ընչի՞ ենք հանում...

1 Բուր: 2 Կապեն: 3 Գուցե թե: 4 Տրոնջալ:

Ահա այսպիսի շփոթ մտածմանց մեջ Զեյվիցը հեռանալուց հետո Սմբատը թույլ թողեց յուր ձիու սանձը և գնում էր հանդարտ դեպի Աշտարակ: Հանդարտ էր գնում, որովհետև կարիք չկար շտապելու, դրանով կարող էր հեշտանի ընտանյաց կասկածը դարձնել. երբեք այդպես շուտ չէր դարձել նա Զեյվից:

— Սմբատ ջա՛ն, ախար էս ի՞նչ արիր դու:

Սմբատն յուր մտքի հետ ընկած չէր լսել ձիու ոտնաձայնը, որ իրեն հետևում էր. նա շփոթմամբ գլուխը ետ դարձրեց և տեսավ իրեն մոտեցող Սաքոյին:

— Չե՞ս ամանչում, հերիք չի՞ ինչքան սիրտ ես ծակել,— նախատել սկսավ Սմբատը միկիտանին,— ճամփեք է՞լ չես թողում հանգիստ գնամ, այ անաստված, անաստվածի գավա՛կ, ի՞նչ ես ուզում էն խեղճ հալիվորի տանիցը, ձեռ չես վերցնում, քանդեցիր ու քարատակեցիր, ունեցած կարողությունի կեսը դուս ծծեցիր, լափեցիր, ու երբ որ տեսար, թե ձեր խաբեբայությունները կամաց-կամաց դուս կգա, սուտը պոչ ունի, մի օր կխայտառակվիք, համբերություններս կհատնի, աշխարհքի միջին թուք կանենք քեզ ու քո մոզրովին, վեր կալաք էն արդար մարդին, էն անմեղ ծերին հուրն հավիտենական կորցրիք:

— Սմբատ ջա՛ն, լավ տղա ես,— սկսավ Սաքոն,— բայց ջահէլ ես, քո ջահելությունը որ լըննր, շատ կարելի աս մեր մեջը վաղուց անբավականություն դուս եկած կըլննր. ախար ես դարմանում եմ, դու ո՞նց չի հասկացար ինձ, ընչանք օրս ծանր ու թեթև շարիր: Ես բան չեմ ասում, մարդ եմք, սխալական ենք, ես իմ գլուխն արդարացնում չեմ, ես էլ պակասություններ կունենամ, դոստ ու դուշման՝ կունենամ, մնին լավություն, մեկելին վնաս կըլնեմ տված, բայց դու ո՞նց չհասկացար, որ հեշտանի տանն ու տեղին, նրա աղջկանը, ազգ ու ընտանուն, նրա մլքերին ես աչքիս լսի պես եմ մտիկ տալիս. ո՞ւմ արի, ո՞ւմ շարի՝ հեշտանին ի՞նչ արի: Ես մի բան եմ միտք անում, կարելի աս, դու լսել կըլնես, որ ես քո նշանածին ուզել եմ՝ նախանձում ես. համա դու քո աստվածը, ասա՛, մենակ ե՞ս եմ էլել ուզողը. ասենք՝ դու երեսությունից գլուխդ կապած ես ունեցել Զեղնարի հետ, քաշիլյաբմա եք, համա, ախպե՛ր, դե՞ մարդիս շապիկն իր ջանին մոտիկ աս, ասած աս՝ առաջ մերը, հետո մերոնցը, ոչով իր աչքը քոռ չի ուզի. միտք արի, թե բալքի հեշտանն իր միտքը փոխած ըլնի, օրինավոր նշան չի էլել մեջը, 10, 12 տարի առաջ մի գինու քեֆ ասնց կացել, դրա համար ես էլ վեր կալա մարդ զրկեցի. դե՛, մի ծառի պտղի 1000 մարդ քար աս քցում, ո՞ւմ զսմաթն² աս՝ նա աս տանում.

աստված քեզ արժանի անի, Զեղնարը քո ճակատի գրվածն էր՝ դու ես տանում: Իհարկե, լավ կըլննր, որ էն փորձանքն եկած լըլննր, շար մարդկանց բղբեղով պսակը խափանված լըլննր ու դուք էլ հիմի մուրազներդ հասած ըլննիք. բայց աստված էլածն օրհնի, բալքի խեղճ էս էր. աստծով նշանածդ էլ կլավանա, վեր կկենա, ընչանք էն օրն էլ հեշտանը բերդիցը կազատվի ու մենք մի լավ քեֆով հարսանիք կուտենք: Ախպերությունը վկա, Սմբատ, բանն էսպես աս էլել, որ ես քո անոր մոտ խնամախոս եմ զրկել, թե չէ՛ ո՞ր անօրին անխղճմտանքը կերթար հուման շրի վրա սառը ջուր կլցնեի:

— Հիմի դու ուզում ես ինձ ավատացնես, որ դու հեշտանի սրտացավ բարեկամն ես, էլի՛, նրա բունվելու, Սև ջրի գլխին, Զեյվումը ու հիմի էլ Երևանու բերդի շորս պատի միջին տանջանք քաշելու պատճառը դու չես, էլի՛. դու ուզում ես իմ խելքումս նստացնես, որ քո ձեռքով փշացած փողերը բոլորն իրանց տերերին են գնացել ու քո քիսեն չեն մտել, էլի՛, բաս դու ինձ մի մատը քորփա՛ ես կարծում, էլի՛. դու հենց գիտես, թե ես չեմ հասկանում, որ ընդուր համար զրկեցիք բերդը, որ էլ խաբեություններդ ծածկելու տեղ չմնաց, որ շուտով գողություններդ կբռնվին: Չէ՛, Սաքո՛, չէ, ես հեշտանի խոսքերը մտքիս մեջը դեռ տպած ունիմ, որ իմ բունվելու գիշերը գրագրի առաջին քեզ ասեց. հեշտանը մարգարե էր, իմաստուն էր, անխելք ու կարճամիտը ես էի, որ քո օձի լեզվիցդ խաբվեցի ու մարդի տունը բարեկամությունով քանդեցի, դուռը իր օղուշաղի վրեն շարեցի. ես հիմի եմ գլխի ընկնում, որ դու սուտ էիր ասում, թե քեզ համար մին աս, թե ո՞րը մեզանից ազատվեք. էս սհաթը ուրե՞ս տալիս աս, որ դու կխեղդվեիր ու չէիր թողալ ոտը բանտի շեմքիցը դուս դնել. սիրտս վկայում աս, որ գրագրի գալն էլ, ինձ ու հեշտանի ընտանիքի բռնեցիլու սազ ու բազն³ էլ, բոլորը շինովի էին, սուտ խաբարներ էին, ոչ քննիչ կար, ոչ հարցնող:

— Սմբատ ջա՛ն, հոգուդ մեղք մի՛ անիլ,— կեղծավորում էր Սաքոն,— թե որ ես շար սիրտ ունենայի, հեշտանի դեմ մի քնն, մի նախանձ սրտումս պահած ըլննի, հիմի չէի ձիավորվիլ ու ձիուս տրաքացնելով քամակիցդ հասնիլ, որ քեզ մխիթարեմ, մի ճամփա սորվացնեմ, որ գնաս էն ողորմելի հիվանդին սիրտ տաս, շերթաս անմտածել տուն ընկնես ու դուզդան դուզ՝ էդ վատ խաբարը տաս, խեղճ նշանածիդ արենպարտ ըլնիս:

— Ուզում ես ասել, թե եկար, որ խոսք դուս քաշես, իմանաս, թե ես, որ ընչանք օրս քեզանից խաբվելով սուտ եմ կացել, հիմիկեց գնես

1. Բարեկամ և թշնամի: 2. Բախտ:

1. Մանուկ: 2. Զգացողություն: Ուրե՞ս տալ, նշանակում է զգալ: 3. Հնարք: 4. Ուղղակի:

էջ քո պարանի վրա պտի պար գամ, թե պտի Երևանու դիվանխանեքաց՝ գաները շարդոտեմ, մովրովիդ ու քս անօրենությունները աշխարհօրովս մին անեմ ու խեչանին ձեր քցած հորից հանեմ, էլի՛, էդ ես ուզում ասել, քննեց լի՞: Իմացիք բաս, Սաքո՛, ես ոչովից չեմ վախենում, ես էս մի քանի օրս, ոնց բլի՛, Աշտարակումը պտի մթնացնեմ, որ Հեղնարի սիրտը կասկած չընկնի, բան չֆահմի՞, ու մի քանի օրից պտի գնամ Երևան. ասում են մի նոր քննիչ ա եկել Թիֆլիզից, որ մովրովների ախրին նըստում ա՞, առանց աչ ու ձախ թեքվելու. պտի ուղիղ գնամ նրա ոտներն ընկնեմ, ամեն բան տեղնուտեղն իրան հասկացնեմ: Թե որ նրան էլ ձեր կողմը քաշած ըլնիք, թե որ հույսս Երևանից կտրվի, մի ջուխտ քիբառի՛ տրեխներ պտի գործեմ, հագնեմ, գնամ Թիֆլիզ, էլ մեծամեծներ շիտհամ, բուրդին էլ բանի էությունը հասկացնեմ, նրանց ողորմությունը խնդրեմ: Հասկացա՞ր, աղա Սաքո՛, սիրտդ տեղն ընկա՞վ,— ծորելով հարցրեց Սմբատը:— Հիմի ետ դառ գնա՛, գուր տեղը մարդի գլուխ մի տանիլ, էդ դու, էդ քո եկած ճամփեն:

Որքան և Սմբատը սաստիկ հարձակվում էր Սաքոյի վերա, միկիտանն ընդհակառակն ավելի փառաբանոք էր խոսում և ուզում էր յուր մտերմությունը ցույց տալ:

Ոչինչ բանով Սմբատը չկարողացավ հեռացնել Սաքոյին. նա մի խոսքի փոխարեն հարբուրն էր մտխում և հետը գնում:

— Լա՛վ, դու ինձ ասա՛, Սաքո՛,— հարցրեց Սմբատն, երբ որ Մուլադուրսուն գլուղն անցել էին և մոտենում էին Արդար Դավթի ավերակներին,— հիմի միտքդ ի՞նչ ա, ետ շես դառնալո՞ւ, հետս Աշտարակ ես գալո՞ւ:

— Ախար չգամ ի՞նչ անեմ, ո՞նց թողամ քեզ պես ախպեր-տղին տխուր, տրտում, մտքի հետ ընկած ըստեղից Աշտարակ գնաս:

— Թե որ էլպես ա, ես հիմի հասկացա, որ դու սրտով բարեկամ ես էլի խեչանի հետ ու ինձ հետ էլ ախպոր պես ախպեր ես. ես տեսնում եմ, որ գուր եմ քեզ վրա վատ աչքով մտիկ տվի. էլ նեղութուն մի՛ քաշի, ախպե՛ր, էլ ձիուդ մի՛ ջարդի՛լ. էս քար ու քոնքը մի՛ ընկնիլ, ետ դա՛ռ, գնա՛. ոնց որ ասում ես, կերթամ Հեղնարին մի հնարքով կմիամըտացնեմ, հորիցը լավ-լավ խաբարներ կասեմ ու երեք-չորս օրից ետո կգամ Զեյվա, քեզ կտեսնեմ, իրար հետ խելք-խելքի կտանք, բբլքի թե խեչանին մի լիս ու ճար անենք:

Սաքոն բաթ մատը կծեց. նա պարզ տեսավ, որ Սմբատն իրան ցու-

նում է և յուր խոսքերի ստույթյունները նրան շատ լավ հասկանալի են եղել: Եթե երկու օր առաջ լիներ այս բանը, Սաքոն շատ հոգս գուցե չաներ. ինչպես ասել ենք, նա սկզբումը շատ փոքր հավատ ուներ նոր քննիչ արդարամտության վերա, բայց մի քանի օր էր, որ հոտն ուրիշ տեսակ էր փչում, քննիչ անունն ուրիշ տեսակ էր տարածվում. աչք պատճառով էլ Սմբատի խոսքերը ծանրակշիռ երևեցան նրա համար:

— Շատ լավ, շնորհակալ եմ, որ սիրտս ճանաչեցիր, հիմի կերթամ,— պատասխանեց Սաքոն:

Այս խոսքերի հետ միկիտանը ձեռքը գրպանը տարավ, հանեց թաշկինակը և քիթը սրբեց: Այս միջոցին սոքա ձորակի բերանումն էին, որտեղից պետք է բլուրը բարձրանային:

Այս ձորակի մեջն են Արգար Դավթի կոչված ավերակները, որոնց ավանդությունը ես առիթ եմ ունեցել ուրիշ տեղ պատմելու:

Ճանապարհից մի քանի քալլ հետո ձորաբերանի մոտ գտնված ավերակի միջից հանկարծ շորս ձիավոր գուրս եկան և հարձակումն արին ձեր ճանապարհորդների վերա:

— Վա՛յ գլխիս, գողեր են,— գոչեց Սաքոն և ձիու գլուխը վերադարձրեց կրկին դեպի Մուլադուրսուն գլուղը:

— Զիաթա՛փ եղիր, անպիտան հա՛յ,— գոչեցին երկուսը Սմբատի առաջը կտրելով և կռվեցան արգելել նրա ճանապարհը. իսկ մյուս երկուսը կտրեցին Մուլադուրսունի ճանապարհը:

Փախելու տեղ չմնաց. Աշտարակ տանող ուղին մի քարքարուտ նեղ ճանապարհ է, որի միջից եթե գուրս ընկար, անհնար է քարուտ տեղերովը ման գալ. ուղիղ և հարթ ճանապարհը քամակի երկու ձիավորներն են փակել:

Սմբատը մնաց բլրի ստորոտումը՝ մեջտեղը կանգնած:

— Զիաթա՛փ եղի՛ր, ասում ենք, կամ ետ գարձի՛ր, ձորակը մտի՛ր,— գոռաց թուրքերից մեկը.— ապա թե ոչ տեղնուտեղը գետինը կփռենք: Այս ասելով ավազակը հանեց ատրճանակը և ուղղեց դեպի Սմբատը:

Մեր տարաբախտ փեսացուն չավ գիտեք, քո ինչպիսի գլխից ձեռք վերցրած ավազակ ևս լինի, չի վստահանալ այս բարձրավանդակի քարքարուտի մեջ գնեք շարժել, մի՞նչն նա յուր զոհին ձորակը չկտրի. նոցա կանգնած բարձրությունից Մուլադուրսունը և շմբողջ մերձակա գլուղերի տափարակն երևում է. քառորդ ասպարիզաշափ տեղ գուժանավորն քար

1 Իրավարանք: 2 Նկատեք 3 Հոգին հանել: 4 Կռկիկ:

1 Տե՛ս «Կովածաղիկ» վիպասանության մեջ:

հանդիս է հերկում, ուրեմն մի այդպիսի հանդուգն քայլ դժվար էր սպասել այս տեղումը:

— Իսկո՛ւյն, իսկո՛ւյն, շատ բարի՛, պատրաստ եմ կատարել հրամաններդ,— պատասխանեց Սմբատը ավազակներին, և ձիու գլուխը փոքր ինչ ետ ծռելով՝ դեմք ցույց տվեց, որպես թե վերադառնում է, բայց նա հանեց յուր կողքից կախած լայնափող դարաբինձ կոշիկած ատրճանակն և երկու ավազակաց առաջին գետնի վերա կրակեց:

Ավազակները շփոթվեցան, ծուխը մոցա աչքերը լցվեցավ, նոցա ձիանքը խրտնեցան և դուրս ընկան ճանապարհի միջից քարքարուտների վերա:

Օգուտ քաղելով այս հնարքից, Սմբատը կարողացավ յուր առաջին բացված ճանապարհովն արշավել դեպի վեր, որքան ձիուն ույժ կար. բլրագագաթն էր հասել նա, որտեղից բացվում էր հարթ ճանապարհը: Սմբատը ետ նայեցավ և տեսավ, որ յուր առաջը կտրող ավազակներից մեկի ձին գլորվել էր քարովը ներքև, նոցանից երկուքը ձին էին աշխատում բարձրացնել, իսկ մինը նստած էր ձիու տիրոջ մոտ և նրա գլուխը թաշկինակով կապում: Թուրքի երեսից իջնող արյունը պարզ նշմարվում էր:

— Որտեղ ձերն ասեք, իմն էլ էնտեղ ասեցե՛ք,— ծաղրեց Սմբատն անշնորհք ավազակների վերա ու ձիու գլուխը բաց թողեց մինչև Հոշականա կամրջի ձորաբերանի մուտքը, կամ խրամը: Այստեղից երևում է մեր հայերիս գրականության պաշտպան Մեսրոպի վկայարանը:

— Քո գորութունին մեռնի՛մ, ո՛վ սուրբ թարգմանիչ,— երեսին խաշակնքեց Սմբատն և իջավ ձիուցը, սանձը քաշելով հետոտու սկսավ խրամն իջնել:

Սմբատն յուր ազատության փոխարեն մի քառորդ ժամից ջերմ աղոթք էր անում սուրբ Մեսրոպա գերեզմանի առաջին չոքած, որին արժանի լինի՛ն ամեն կարոտակեզ եռանդուն հայեր:

— Էս չէլավ, պտի գնալ Երևան, էն քննչի համար հարց ու փորձ անել, չըլնի՞, դորթ, սատանի անկաջը խուլ, կաշառք ուտող չըլնի ու էս լակոտի խոսքովն ամեն բան տակնուվրա անի:

Այս խոսքերով նույն իսկ երեկոյին ձի նստավ Մաքոն և գնաց դեպի Երևան, նախապես ավազակներիցը լսելով յուրյանց անհաջողութունը: Հետևանքը մեզ հայտնի է:

ԿԵՆՌԱՆԻ ԱՐՁԱՆ

— Սմբատ ջա՛ն, էս անգամ. Ձեյվից գալուց ետը շատ տխուր ես երևում, հենց իմանաս երեսիդ ծիծաղն էլ շինովի ըլնի, ափունի համար շատ քիչ ես խոսում. երեկ տանուտերի հետ տուն մտնելուս ես վարավորդ արի՛, որ մատդ բերնիդ զրիր, հասկացրիր, որ բերանիցը բան չի բաց թողա, մի խոսքով շատ կտրված ես. էս ի՞նչ բան ա, թե որ մի նոր անբախտութուն ա պատահել, ընչի՞ ես պահում, վախում ես, որ ցավս ավելի սաստկանա՞. դարդ մի՛ անիլ, ես սովորել եմ:

— Չէ՛, Հեղնար ջա՛ն, զուր ես միտքդ ցրիվ տալիս, ոչինչ չկա. ափուն², փառք աստծու, շատ լավ ա. քեզ ասեցի, որ մի նոր քննիչ ա եկել, գործերը տակնուվրա ա արել ու ափունին էս երկօրը կարդարացնի. էս կողմից էլ դարդ անելու ոչինչ չունինք, բայց դու ինձ ասա՛, ընչի՞ վրա ուրախանանք, ընչանք ե՞րբ պտի լհերին³ քացի տալդ տեսնենք. հազդ որ բռնում ա, իմ սիրտս 100 կտոր ա ըլնում:

— Չէ՛, ախպեր ջա՛ն, ես վաղուց եմ ավատացել, որ դու ինձ սիրում ես, որ իմ հիվանդութունը քեզ գորութունից քցել ա, վարդի պես կարմիր երեսդ պատի ծեփ ա շինել: Կոլոր թշերիդ ոսկորները դուրս են թափել. էդ իմ հիվանդանալու օրից դեք ես տեսնում եմ, համա հիմի էն չի, քեզանում մի բան կա, մի ուրիշ ցեց երեք օր ա սիրտդ կրծում ա ու դու չես կարողանում ասիլ. Ա՛յ, հոքիրս ու Հերիքնագս էլ տխուր են, համա սրանք քեզ պես չեն. ես կասեմ, որ սրանք էլ բանից խաբար չեն, ըննեց չի՞, Հերիքնագ ջա՛ն, դու Սմբատի աչքերիցը վարավորդ չե՞ս անում, որ սրտումը մի դարդ ունի մեզանից թաքուն:

— Չէ՛, Հեղնար ջա՛ն, ես բան չեմ կարողանում ֆահմել⁴, ես տեսա, որ մեկել օրը Ձեյվիցը սփրթնած ետ եկավ, դուտատ ասեմ, շատ էլ վախեցա, բայց երբ որ պատճառն իմացա, սիրտս հանդարտվեց. պատիկ փորձանքից ա ազատվե՞լ, շորս գողի միջից դուրս պրծնիլը հեշտ բան է՞ր. ես կարծում եմ, որ հիմի էլ էն շորշոփն ըլնի, ուրիշ ոչինչ:

— Իհարկե էդ ա, ուրիշ ոչինչ,— Հերիքնագի խոսքից ոգևորվեց Սմբատը. Այս գյուտը, որ Հերիքնագն արեց, Սմբատին օգնություն հասավ, ապա թե ոչ, հիվանդ աղջկա խոսքերն այնպես շփոթեցրին նրան, որ եթե մի փոքր էլ շարունակելու լիներ, գուցե անկարող պիտի լինեք ծածկելու:— Ետ կարելի ա, որ գողերի զարգանդը⁵ դեռ վրես ա, պտի

1 Նկատեցի: 2 Հայրիկը: 3 Վերմակ: 4 Նկատել: 5 Սարսափ:

դրուստն ասեմ, որ շատ վախեցա,— ուզեցա՞վ հավատացնել Սմբատը:
— Հը՛,— թույլ ծախտ երեցցա՞վ Հեղնարի երեսին,— ի՞նչ որդի ես,
դու էն պտուղն ես, որ երեք օր վախն երեսիդ մնա՞ր. դեռ քո էն օրվան
սփրթնիդ էլ, ես ասում եմ, որ վախից չէր:

— էլ ուրիշ ոչինչ չկա իմ սրտումս, Հեղնար ջա՛ն, հավատացնում
եմ քեզ, ես արմանում եմ, որ դու ինձ վրա ուրիշ կասկածներ ես տա-
նում:

— Է՛հ, ես մեղա ասածու,— հոգվոց հանելով լոնց Հեղնարը:

— Գու չկարծես, թե մենակ Հեղնարն ա վարավորդ արել, Զեյվիցն
ետ եկած սհաթն ես քեզ փոխված տեսա,— ասաց կես ժամից հետո Հե-
րիքնաղը մյուս սենեկումը:— Երեկ մեկել օրը, դրուստն ասեմ, միտքս
շատ ցրիվ էր. մին միտք էի անում, թե գողերի ահն ա քեզ վրա իր շոր-
շոփը թողել, մին էլ խելքումս նստում չէր, էսօր հո՛, ինչքան կուզես կուչ
ու ձիգ արի, աշխատի մեզ ցանես, քեզն ու քեզը բռնվում ես: Մի սհաթ
առաջ ես ուզում էի քեզ հարցնել, ժամանակ չելավ, շատ էլ ցավում եմ,
որ Հեղնարը կարողացել ա հասկանալ. շատ ափսոսում եմ, որ թե դրուստ
մի բան կա, ինձանից պահում ես, մենք երկսով խե՛լք-խեկքի կտայինք,
մի բան միտք կանեինք: Գու ինձ ասա տեսնիմ, Երևանումն ի՞նչ բան
ունիս, որ երեք օր ա ամեն սհաթ ասում ես, թե պտի զնաս. ի՞նչ առու-
տուրդ ա մնացել, քանի՞ վախտ ա, առուտուրից էլ ես կտրվել ու տանից
տեղից էլ:

Սմբատը չկարողացավ համբերել, նա լաց եղավ, հեծկտոցը խեղ-
զում էր նրան:

— Տեսա՞ր, որ բռնվեցիր, տեսա՞ր, որ խեղձ Հեղնարը սուտ չի ասել,
ես շատ դրուստ եմ նկատել: Ինչ էլե՛կ ա՛՛ էլե՛կ ա, էլ մի՛ պահել, ասա
տեսնենք, էլ նոր ի՞նչ փորձանք ա աստված մեր գլխին բերել,— ստի-
պեց Հերիքնաղը:

Սմբատը լացախեղզ էր եղել, նրա սիրտը չէր նստում. կարծես նույն
աղան չէր, որ ամենայն սառնությունք և անտարբերությամբ առաջին
անգամը Սաքոյից լսեց խեղանին բերդը տանելու բռթը: Երկուսից մեկը
սուտ էր. եթե նա Սաքոյի մոտ յուր հաստատակամությունը կարողացավ
անդրդվելի պահպանել, այժմ էլ կարող էր, նշանակում է նրա արտա-
սուրն այժմ կեղծ էր: Բայց ոչ, երկուսն էլ ուղիղ էին, վեհասիրտ Սմբա-
տին չէր կարելի թույլ տալ խեղանի տունն անբախտացնող միկիտանի
մոտ ընկճվիլ. նա նույն րուպիին հասկացավ Սաքոյի ինչ լինելը և յուր
տոկուն բնավորությամբ բարոյապես սպանեց նրան, ստիպեց նրան
շան նման յուր քամակիցն ընկնել, քծնվիլ, կեղծավորիլ և յուր փծնել:

Տեսարեններովը Սմբատին չխաբելուց հետո՝ արենարբության դիմել, նորա
կյանքը բառնալու տքնիլ: Իսկ այժմ Հերիքնաղի առաջին, յուր ամենից
սուրբ և նվիրական էակի դեմն ի՞նչ կարող էր անել, եթե ոչ սրտի զգաց-
մունքն արտահայտել. նորա այդ զգացմունքն այնքան վառ էր դեպի նե-
շանի տունը, նոցա վշտերն այն աստիճան մոտ էին յուր հոգուն, որ լացով
միայն կարեր հանդարտեցնել յուր վրդովմունքը:

— Ասա՛ ու պրծի՛, էլ ի՞նչ ես երեք տարեկան երեխի պես լաց ըլում,
դու է՛լ լաց ըլիս, մենք է՛լ լաց ըլինք, էլ քո տղամարդությունդ ընշո՞վ
ջոկնվի. լացը կնիկարմատին ա տված ու երեսեքանցը. տղամարդի կեսն
էլ որ կտրեն, հոգը չպտի ընի,— մեղադրում էր Հերիքնաղը Սմբատին:

— Սաղ ջանս էլ որ կտոր-կտոր անեին, էլի դարդ չէի անիլ, կամ
մի կաթիլ արտասուկը թափիլ, թե որ ինձ հանդիպեր է՛ն, ինչ որ ուրիշի
գլուխն ա եկել:

— Քանի՞ կախ բցես, դե ասա էլի՛, տեսնում ես, որ համբերություն
չկա, տրաքվեցի, խղճմտանք չունե՞ս, թե իմ սիրտս պողպատից ա:

— Հերիքնաղ ջա՛ն... ափո՛ւն,— էլ չկարողացավ ոչինչ արտասանել
Սմբատը, փաթաթվեց աղջկա վզովն ու մղկտալով լալիս էր:

— Ափուն ի՞նչ... ի՞նչ էլավ քեռիս... մեռա՞վ, մեզ տնաքանդ
արե՞ց,— ինքն ևս հեկեկանքն ու լացը խառնեց Սմբատի հետ Հերիք-
նաղը:

— Զէ՛, քեզ մատա՞ղ, չէ... ափուն էլ Զեյվումը չի, բերզն են տա-
րել,— հաղիվ շնչարգել լինելով կապեց միմյանց հետ Սմբատն այս մի
բանի բառերը:

Կայծակի հարվածի նման ներգործեցին այս խոսքերը Հերիքնաղի
վերա. փոքրիկ երեխային էլ լավ հայտնի է, որ բերզը տարած բանտար-
կյալին էլ ազատություն չկա. բերզ և գերեզման՝ երկուսը մի բան են
նշանակում. կայանավորը քանի մոզրովի մոտ է բանտարկված, որչափ
և նեղությանց ու ճնշումների ներքո լինի, հույս կա, թե երբևիցե կարող
կլինի ազատվիլ. այդպիսի օրինակներ շատ են եղել, մոզրովները տա-
րիներով կարողության տեր հանցավորներին յուրյանց մոտ պահել են,
վերջին կուպեկը դուրս կորզել և դարձյալ, թեև, շատերին նոցանից ուղար-
կել են բերզը, բայց մի քանի բարեբախտներին, կամ որ ճիշտն է՝ անմեղ
դատապարտվածներին, արձակել են: Սակայն հափտեանական կորուս-
տը կուլ է տվել այնպիսի շարաբախտներին, որոնք խորասուզվել են
Երևանա որկրամուլ բերդի անկուշտ փորի մեջ. այդ արենարբու համբ
գազանը քանի՞ քանի արդարների սիրտն է կերել. սե է բերդի դուռը,
սևացնում է յուր շեմքով մի անգամ անցնողի արևը. մահ է նրա նշա-

նաբանը և նա յուր դեղդին խիստ հաստատ է. այդ արյունուռտ հովազը պարսկական բռնակալ տիրապետության ժամանակ բացառապես հայի մտով էր կերակրվում, օր շանցկենար, որ մի քանի հայերի ոսկրներ շփշրեր յուր ժանիքների մեջ. իսկ այնուհետև նորա կերակուրը պակասեց, նա սկսավ անխտիր լափել օրենքի առաջին դատապարտվածներին, էլ զանազանություն շարեց ազգությունների և կրոնների մեջ. առավելապես պարսիկներ էին վերջերումը նրա կերակուրը, քան թե հայեր: Եթե հայերը դատապարտվում էին միմիայն յուրյանց կարողությունով դատավորներին փարթամացնելու համար, պարսիկներին ինքն արդարություն էր ամեն մի քայլի վերա յուր ճանգը ձգում. գողություն, ավազակություն, մարդապանություն, մի շնչին պատճառով օրով-ցերեկով բազմության մեջ ընկերի փորը դաշույնով թափել և վերջապես ամենատեսակ քաղաքական և քրեական աններելի հանցանք պարսկի համար սովորական են հղել:

Մեզ հիմա հասկանալի է Սմբատի ամենախիստ տխրության պատճառը, հիմա էլ մենք չենք զարմանալ, թե Հերիքնազը, — որքան և մի խոհեմ աղջիկ, որչափ և յուր գլուխը ծանր պահող, — բեռը բառը լսելուն պես մի խիստ ճիշտ արձակեց և թուլացավ, և եթե Սմբատի հետ գրկախառնված չլիներ, գետին կընկներ:

Կարելի է շատ կտևեր Հերիքնազի թուլությունը, եթե նույն րոպեին յուր ականջին չդիպչեր յուր արձակած ճիշտ մի ավելի խիստը՝ ծածկած գոան մյուս երեսին: Մթափվեց աղջիկը, ուշքի եկավ, բայց արդեն ուշ էր. դրսի ճիշտ քանի գնաց՝ սաստկացավ, ամբողջ տունը թնդացրեց, մինչև հիվանդի սիրտը թափանցեց:

— Վա՛յ, ախպեր ջա՛ն, վա՛յ, վա՛յ, քո քիրը մեռնի՛, Խեչան ջա՛ն, քեզ բերդ են տարել, դու մեր դուռն երեսներին փակեցի՛ր, — գոռալով տուն ընկավ Մարիամը Հեղնարի մոտ և տարածվեց հիվանդի վերա, սխմեց ողորմելի, կիսամեռ աղջկանն յուր կրծքի մեջ և երբևէ Հեղնարս գոչելով՝ սուգ էր անում:

— Վա՛յ գլխիս, մերս անկաջ ա դրած էլել, — աղաղակեց Հերիքնազն ու Սմբատի հետ մինը նանի և մյուսը հոգիի ձայն տալով՝ վազեցին Հեղնարի մոտ:

— Նանի՛, քո տունը քանդվի՛, մեր տունը քանդեցիր, — հառաչում են Սմբատն ու Հերիքնազը և ուսերիցը ետ քաշելով շատ դժվարությամբ խլում են հիվանդին, կամ ավելի լավն ասել, մեռած Հեղնարին Մարիամի ձեռքից:

— Ճար կտրածի կնի՛կ, էս ի՞նչ արիր, — գոչեց Հերիքնազը... — Սմբատ ջա՛ն, ջուր հասցրո՛ւ, մեր քիրը ձեռքից գնաց:

Ջրի մեջ համարյա լողացրին Հեղնարին, ողջ անկողինը լճի մեջ կոխած, հանածի պես արին, բավական միջոց շարշարեցին, քիթը քաշեցին, ականջները տրորեցին, մինչև հիվանդին աչքերը բանալ տալու հաջողեցան:

Անիրավ թոքախտը վաղուց մաշել և հալել էր Հեղնարին, այժմ բուրրովին մեռելի կերպարանք ստացած, աչքերը մատնաչափ խոր ընկած, եղունգները կապտած, մարմինը սառուց կտրած՝ մի թույլ հայացք ձգեց յուր պահապան հրեշտակների վերա և ափո՛ւ ջան բառերի հետ դարձյալ նախկին դրությունն ստացավ:

Կարեկցության արժանի էր Մարիամի դրությունը. նա Հեղնարի վրայից ետ քաշվելուց հետո կանգնել էր պատի տակին, պատն իրեն հենարան շինել և լուռ ու մունջ, գլխիկոր նայում Սմբատի և յուր աղջկա արարքներին. արտասուքը չորացել էր նրա աչքին, նա դարձել էր իբրև մի անկենդան արձան:

Նախկին հնարքը գործ դնելով՝ Հերիքնազն ու Սմբատը կրկին ուշքի բերին Հեղնարին: Նրա շրթունքը ետ բացվեցան և ավու բառը դեռ չէր լրիվ դուրս եկել բերանից, որ Հերիքնազը շտապեց նրա անունը տալ:

— Հեղնար ջա՛ն, դու մեզ սպանի՞լ ես ուզում, խեղճ չե՞ս գալիս էս ջրատար պառավին, գլխամեռ քվորդ, էս մեք կրակումն էրվող ախպորդ:

Ահա՛ այն խոսքերը, որ հիվանդին ոգևորեցին:

— Ես մեղա՛ աստծու, ձեզ մատա՛ղ, էլ չեմ անիլ, սիրտս ուրախ կպահեմ, — հանցավորի նման ներողություն խնդրեց Հեղնարը. — Հերիքնազ ջա՛ն, իմ տեղս փոխեցե՛ք, էս ջրի միջիցն ինձ հանեցե՛ք ու մոտ եկե՛ք, կողքիս նստեցե՛ք:

Առաջին անգամը չէր, որ Սմբատն յուր հարազատ քրոջ նման ներկա էր լինում Հեղնարի մոտ այդպիսի դեպքումը:

Մարիամն յուր դիրքը չփոխեց, նա յուր տեղիցը շարժվեց, մինչև որ հիվանդին ուրիշ անկողնի մեջ պառկացնելուց հետո՝ Հերիքնազն ու Սմբատը մոտեցան խղճալույն և բերին նստացրին յուր սովորական տեղը՝ հիվանդի գլխավերևը:

— Հիմի դուք էլ նստեցե՛ք իմ աջ ու ձախ կողմս, — տնօրինեց Հեղնարը:

— Լսեցե՛ք, իմ հոգի՛ր, իմ մոքի՛ր, իմ ախպե՛ր, լավ ականջ դրե՛ք, ինչ որ ասելու եմ. բայց չէ, դեռ առաջ խոսք տվե՛ք, որ պտի կատարեք, օրթում կերե՛ք իմ արևովը, ափունիս կյանքովը, որ «չէ՞» շասեք, հետո բերանս բաց կանեմ:

— Հեղնար ջա՛ն, քեզ մատաղ գնա քո քիրը. ոտիդ տակին մեռնե՛մ,

քեզ հիմի խոսալ չի կարելի, դու էսօր ջիս¹ հալից² ընկար, ուժ չմնաց մեզդ. խնդրում եմ, թե որ մեզ սիրում ես, էսօր մի՛ խոսալ, ընչանք մի քիչ ջանի գաս,— պատասխանեց Հերիքնազը:

— Ես էլ Հերիքնազի հետ աղանչաք եմ անում, Հեղնար ջա՛ն, ազիզ քի՛րս,— խնդրեց Սմբատը,— քո առողջութունը խնայի՛, դեռ քեզ խոսալու ժամանակ չի՛. մենք քեզ խոսք կտանք, որ էգուց ինչ ասես՝ անկաջ անենք, համա հիմի քիչ դնջացի:

— Ես ձեր խոսքը կլսեի, թե որ ինձ լավ չղգայի, տեսե՛ք՝ էլ չեմ հեթում, էլ շունչս չի կտրվում, սիրտս էնպես հանգիստ ա, որ երկու շաբաթ ա՛ ըսենց լավ չեմ էլած. դուք միտք չանեք, թե ես ձեզ միամտացնելու համար եմ ասում, ձեր քաղցր արևը վկա՛, փփունիս գլուխը վկա. սուտ չեմ ասում: Արթթ ա, մի սհաթ առաջ փփունիս բերդը տանիլը որ լսեցի, էլ չկարողացա համբերել, կարելի ա կմեռնեի էլ, թե որ դուք ետ չբերեիք, համա հիմի անցկացայվ. ո՞վ գիտա, հերս բերդիցը դուս պտի գա՞, ես էլ նրա երեսը տեսնելու, նրա ձեռը պաշելու արժան պտի ըլի՛մ. բայց փառք աստծու, իր կամքն ա, ոնց որ նա տնօրինել ա, ես հակառակում չեմ:

Հեղնարը խոսում էր ամենայն լրջությամբ և հանդարտությամբ:

— Սաքի ի՞նչ կըլնի, որ էսօր քո խոսալիքդ թողաս,— խնդրեց Սմբատը:

— Թե որ մին էլ ասել եք, թե որ ինձ չեք թողալ սրտինս ձեզ հայտնեմ, էս սհաթս ավելի կվատանամ ու խղճանի հեքիմն ինձ մահի ձեռիցը չի կարող լսել, ձեր քաղցր ըմբրովն³ ու արևովն եմ օրթում ուտում,— ասաց լրջորեն Հեղնարը:

— Լսում ենք, ասա տեսնենք,— վճռեց Հերիքնազը:

— Խոսք տվե՛ք, որ բերանիս փակ չղնեք, թողաք, որ սրտինս դուս ասեմ:

— Տալիս ենք:

— Գիտե՞ք ինչ կա,— սկսավ Հեղնարը,— վաղուց ես տեսնում եմ, որ ինձ վերջ չունիմ, իմ օրերս համբարած են, էսօր, էգուց, թե մի ամսից, երկու ամսից, չեմ կարող ասել, բայց էս տեղերիցն էլ ես վեր կենողը չեմ, էս ցավն ինձ գերեզման պտի տանի: Չկարծեք, որ ես դրա համար մի մազի շափ հոգս եմ անում, մի օր եմ պարտ իմ աստծուն, կտամ ու կպրծնեմ. էս ուղտն ամենքի դուանն էլ չոքելու ա, ամենքն էլ էս ճամփեն պտի գնան: Չեմ կարող ասիլ, թե աստված մեր ո՞ր մեղքի համար զահր արեց⁴, որ էս փորձանքները մեր գլխին եկան. իմ հերն

իր կյանքումը մրջիմ չի կիշորել¹, իր բան ու գործն էլել ա աղքատներին ու խեղճերին օգնելը, իր հոգու, իր ժամի ճամփիցը դուս չի եկել. ողորմածիկ մերս էլ մի հրեշտակ էր, հավերին էլ չէր անիծում, շատ որ զահրեն տանում էին², ասում էր՝ ձեզ տեսնեմ թունդիբը թափվիք, էրվիք ոչ, էս էր լիսահոգու տված մենծ անեծքը. իմ ջրատար հոքիրս իրեքիս գլխովն էլ փարվան ա գնում³, ինքը սոված կկենա ու դուռն եկող աղքատին ու դարիբին առանց տուրքի ճամփու չի դնիլ: Դու, Հերիքնազ ջա՛ն, քո բարի սրտովդ սաղ գեղի աղջիկներին օրինակ ես էլել, Սմբատն էլ իր օրումն ոչովի սիրտը չի կտորել: Ինչքան ես միտք եմ անում, տեսնում եմ, որ էլի՛ իմ մեղքն ա, որ մեր երեսուվը փայավ, ես եմ էն փչանալուն, որ համ հորս խոսքն ուզեցի երեսահանց չկտորել, համ իրանից թաքուն, քեզ հայտնի ա, Հերիքնազ ջա՛ն, թե ինչ անպիտանություն եմ արել: Հորս հոգին վկայել ա, աստված իրան տուն ա տվել, իմացել ա, որ հինգ-վեց տարեկան Սմբատը աստծու գառը պտի մենծանա, իր մինուճար զավակի բախտավորությունն ա ցանկացել ու էս թավոր տղի հետ իմ գլուխս երեսայությունից կապել ա: էն ի՞նչ քաղցր օրեր էին, որ մենք երեսա ժամանակներս անց էինք կացնում, էն ի՞նչ սեր էր, որ մենք ունեինք. հորս սիրտը փառավորվում էր, որ իր սիրեկան երեսեքն ընենց սիրով էին: Ա՛խ, ի՞նչ կըլնե՛ր՝ էն վախտը մեռնեի ու հրեշտակների դասը դասակվեի: Անցկացան էն անմեղ տարիքը, տարան իրանց հետ մեր տան սերն ու քաղցրությունը:

— Չնեղանաս, Հեղնար ջան, խոսքը չեմ կտրում, համա մի քիչ հանդստացի՛ ու էնպես խոսա՛. բարկանաս ոչ, քեզ մատա՛ղ, խոսքդ մոռացնելու համար չեմ ասում,— ընդմիջեց Հերիքնազը:

— Շատ լա՛վ,— համաձայնեց հիվանդն և հինգ րոպեաչափ լռեց:

— Գլուխս քամիներով լցրած, հորս հարստությունների վրա զանաճ էլած⁴, մեր գեղի աղջիկների կեղծավոր խոսքերից խաբվելով, ես ինձ շատ մենծ ոմն էի կարծում, դունչս շատ վեր էի բռնում, իմ նշանածիս չէի հավանում: Խեղճ Սմբատս էլ հենց գիտեր, թե նախրումն էլ ունի, գալիս էր իր նշանածիցը սեր ու քաղցրություն հասկանալու, էլ չգիտեր, թե ի՞նչ տեսակ ծակծկոտվելուն ա իրեն թուշ էլի⁵. Քեզ հայտնի ա, Հերիքնազ ջա՛ն, թե իմ հիմարություններս ի՞նչ տեղ հասան. չգիտեմ՝ Սմբատս իմացա՞վ, որ իր անպիտան նշանածը մի պարծենկոտ տղի աչքերիցը խաբված՝ սաղ տարի հետը սաղ ու բազ⁶ էր անում ու համ իրան խաբում, համ իր հորը, համ աստծուն. չգիտեմ՝ սա հասկանում էր, թե ո՞նց էի աստված աստված անում, որ մեր պսակը գլուխ

1 Երբեք: 2 Չանձրացնել: 3 Բուրովել: 4 Ապաստանած: 5 Գիպել: 6 Քաղցրախոսություն

չգաւ Ղորթ ա, ոչ մի օր ես Սմբատիս համար շար միտք չեմ արել, բայց բաց ասեմ, ոչ ամաչեմ, քոս գրողի ու մահի երեսը տեսնել ցանկանում էի, Սմբատիս ոչ Մի բարկանալ, Սմբատ ջա՛ն, իմ ազիզ ախպե՛րս:

— Զէ՛, հոգի ջա՛ն, դու սիրող շուտ մի՛ տալ, անցկացած բաների վրա ես միտք էլ չեմ անում:

— Հա՛, Սմբատ ջա՛ն, էնքան տեղը քեզ ատում էի, որ քեզնից ազատվելու համար ուզում էի մի հնարք գտնել, քեզ իմ սիրեկան Հերիքնազիս հետ սիրացնել, ու ձեզ իրար հետ սիրացնել տալ: Ա՛խ, ես իմ մտքովս շարունջուն էի ուզում, համա չէի իմանում, թե դրանից մենձ լավություն իմ կյանքի մեջ չէի կարող արած ըլնիլ, թե որ ձեզ, երկու արդար ու բարեսիրտ հրեշտակներդ, իրար հետ միացնեի: Գիտե՛ս, ինչքան ուրախացա, երբ որ հոտով վարավորդ արի՛, որ դուք երկուսդ տաք սիրտ ունիք մին-մնիդ վրա. չէ շասես, Սմբատ ջա՛ն, դու՛մանի՞ աչքը սառա՞՞ք ա, ես ամեն բան տակից իմացաւ էս ա, պրծա, ասեցի ու Հերիքնազիս սկսեցի քարոզել, սրա տամարը՝ մտա, որ քեզ վրա պսակ-վի: Պտի ասեմ, որ ինքն էլ իր սիրտն ինձանից շծածկեց, խոստովանվեց, որ սիրում ա քեզ, համա պսակվելու համար գլուխը մահի էր տալիս, ոչինչ բանով հանձը շառավ: Հերիքնազն էն հոգին չէր, որ իր քեռու սիր-տը կոտրեր, իր սերն իր մեջ մեռցրեց, քեզանից պահեց, ու ինչ որ տես-նում եմ, էսօր էլ քեզ ախպոր պես ա սիրում: Մի՛ ուրանալ, Սմբատ ջա՛ն, որ շատ կարելի ա, դու ավելի հույս ունեիր սրանից, համա սա իր խելոքությունովը քեզ էլ սառեցրեց, ու թե որ չեմ սխալվում, քեզանից հաստատ խոսք առավ, որ իրան քիր ու քենի ճանաչես: Սուտ եմ ասո՞ւմ, Հերիքնազ ջա՛ն, ձեր մեջը խոսակցություն չի՞ էլի, դուք ձեր սերն իրար չե՞ք հայտնել:

— Սուտ չի՛, իսկ էդպե՛ս ա, մենք մեր սերն իրար բաց ենք արել և ուխտ ենք դրել, որ մեր մեջը թաղենք, երկուսս էլ քո ուղուրին՝ մեր սիր-տը մատաղ տանք:

— Ապրի՛ս, որ խոստովանվեցիր, ես էլ հենց էդ տեղն եմ դալիս. դուք էդպես կամեցել եք, բայց աստված արդարադատ ա, ողորմա՞ք ա, նա չէր թողալ, որ սիրող սրտերն իրարից հեռանան. նա դարձել չի կե-նալ՞, որ Հեղնարը շտրելով՝ Սմբատի պես լավ տղի կնիկը դառնա ու Հերիքնազը մեջտեղը Հեղնարի խաթեր իր սիրտը մեռցնի:

— Հեղնար ջա՛ն, էսօր թողանք, — խնդրեց Հերիքնազը:

1 նկատեցի: 2 Թշնամու: 3 Հեռատես: 4 Երակ: 5 Տամարը մտնել՝ կնշանակի հորդորել: 6 Ի շահ քո: 7 Զի համաձայնիլ:

— Մի՛ մոռանալ, որ դու ինձ խոսք տվիր շարգելես. խոսքդ պահի, թե չէ կբարկանամ:

— Բախշի՛, սուս կկենամ, համա նեղանում ես:

— Զէ՛, հանդարտ եմ. լսեցե՛ք, էն ա պրծնում եմ: Ընչանք էն սհաթն էլ, Սմբատ ջա՛ն, որ մեզ ձեռ-ձեռի պտի տալին, ես քեզ չէի սիրում. Ղորթ ա, Հերիքնազիս խոսք էի տվել, որ հորս խոսքիցը դուս չգամ, բայց սիրտս չէր կալում. ինչ կըլնի՛ թող ըլնի, ասեցի ու ճակատիս գրվածքին հետևեցի: Հո՛ տեսաք՝ ի՛նչ էլավ, աստծու մատը մեջն էր, ու մեր պսակը խափանվեց. խափանվեց՝ ուղիշներին ցավ, բայց ինձ համար ամենից բախտավոր օրն էլավ: Էդ օրն ես իմ շտրած նշանածի տեղակ գտա մի սիրած, մի մոր արգանդից ծնածի պես ազիզ ախպեր, որ խոստացավ իր գլուխն ինձ համար շխնայել, որ իր խոսքը կատարեց ու կատարում ա:

— Ու պտի մինչև իր վերջին շունչը կատարի, — վրա բերեց Սրմ-բատը:

— Ես կասկած չունիմ, քո քիրը գիտի էդ բանը ու դրա համար էլ ուզում ա իր ախպորը ցանկանա էն, ինչ որ ամեն մի քիր իր ազիզ մի-նուճար ախպորը կցանկանա: Գիտե՛ս՝ ի՛նչ եմ ասում, Սմբա՛տ, աստ-ված իմ հորն իրանից ծնած տղա չի տվել, բայց տվել ա մի տղա, որի պես ոչ մի հալալ՝ զավակ իր հորը չէր կարող մխիթարել: Աստված իմ հորը տվել ա մի աղջիկ, բայց էն աղջիկը նրա գլխին ցավ ա էլել, իր հորն էնքան փորձանքների պատճառ ա դառել: Բայց մի-բան կա, ասենք՝ իմ հերս էսօր մահապարտի պես Երևանու բերդումը բռնված ա, ու էգուց-էլօր էլ շատ կարելի ա կամ գլուխախորով՞ ըլի, կամ Սիբիրի ճամփին մեռնի, համա էլի աստված իմ հորս սիրում ա, նա հորս ոչ-փուչ աղջկա տեղակ տվել ա Հերիքնազի պես մի աղջիկ, որ եթե խեղճ հալիվորի կեն-դանության ժամանակն էլ շխարողանա մխիթարել նրան, մեռած վախտն էլա պտի նրա հոգու մխիթարանքն ըլի, հորս հոգին թե մի կողմից կտրվ-րի իր աղջկա վրա, մեկն էլ կողմից կուրախանա Հերիքնազի պես բարի ժառանգ ունենալով:

Այստեղ հիվանդը փոքր-ինչ կանգ առավ:

— Հերիքնազ ջա՛ն, քեզ մատա՛ղ, իմ գլուխը կսիրես՝ դրուստն ասա՛, ինձ սիրո՞ւմ ես, — հանկարծ խոսքը փոխեց Հեղնարը:

— Ի՞նչ ես ասում, Հեղնար ջա՛ն, մի՛թե դու չգիտես:

— Սմբատ ջա՛ն, իմ արևը կսիրես, ինձ սիրո՞ւմ ես, — դարձավ հի-վանդը դեպի տղան:

1 Հարազատ: 2 Գնդակազարկ:

— Ոչ մի ախպեր, ես կարծում եմ, չի սիրած էլել աշխարհքիս մեջ իր քվերը, ոնց որ ես քեզ,— պատասխանեց Սմբատը:

— Հոքիր ջա՛ն,— աչքերը վեր բարձրացրեց Հեղնարը դեպի պառավ Մարիամը,— ինձ թաղես՝ թե գրուատ շասես, ինձ սիրո՞ւմ ես:

Մարիամն յուր անշարժ դրուժյունից չէր դուրս գալիս, նրա աչքերումը միայն կենդանության և սրտի թախծի նշան կար:

Սմբատն ու Հերիքնազը մնացել էին իրար երեսի նայելով:

— Վնաս չունի, քո լուռ մնալը էլ ինձ համար պատասխան աս, հոքիր ջա՛ն, քո աչքերդ լեզվիդ տեղակ խոսում են. ես գիտեմ, որ դու ինձ սիրում ես,— ասաց Հեղնարը,— ես շատ լավ իմանում եմ, որ ամենքդ էլ ինձ սիրում եք, ոչ մնիդ սերի վրա կասկած չունիմ. հիմի էլ էն սերի անուժովն օրթում եմ տալիս ձեզ, Հերիքնա՛զ ու Սմբա՛տ, ձեր քվերը բախտավորացրե՛ք:

— Ի՞նչ կուզես, որ անենք,— կարմրելով հարցրեց Հերիքնազը:

— Ա՛յ ինչ. ձեր քիրն երկար չի ապրելու, ոնց որ էլվախտ ասեցի, շատ կարելի աս ամիսներ քաշի, համա վերջս մահ աս. ինձ խոսք տվեք, որ իմ մահից ետ դուք իմ սրտիս ցանկությունը զլուխ կբերեք. էն բանը, որ մի ժամանակ ես շար մտքով էի կամենում, հիմի ուրախությունով եմ ուզում. հորս օջախը ծխելու, հորս հոգին փառավորելու համար եմ ցանկանում, հասկացա՞ք ինչ եմ ստում, վեր կացեք անխոսալ իմ առաջին կաննեցեք, մոտացեք հոքորս ձեռն էլ պաշեցեք, նրա օրհնությունն առեք, եկեք, որ ես էլ ձեզ պաշեմ:

— Հեղնար ջա՛ն,— ուզում էր խոսել Սմբատը:

— Սո՛ւ, մի խո՛սք, մի ծպտո՛ւն, մի չէ՛ թե որ բերաններիցդ դուս ա եկել, ես էս սհաթս կմեռնիմ, բայց ես գիտեմ, որ ոչ մինդ ձեր քվեր մահը չեք ցանկանալ:

Հերիքնազն ու Սմբատը զլիսները կախել էին, շփոթը, տրտմությունը, Հեղնարի խոսքերն այն աստիճան շարժել էին սրանց, որ բացի լուծյամբ կրծքերը բարձր ու ցածր անելուց՝ ոչինչ խոսք չէին գտնում պատասխանելու:

— Շո՛ւտ, շո՛ւտ արեք, սիրտս նեղանում աս, մենակ ձեր խոսքը կարող աս ինձ հանգստացնել,— ստիպում էր Հեղնարն և սրտնեղում:

Եվ ահա այն արձան կինը, այն ուրվական Մարիամը վեր կացավ տեղիցը, առաջ եկավ և Հերիքնազի կուռը բռնեց, անցկացրեց Սմբատի կողմը:

Ազդիկն անխոս հետևում էր մորը:

— Ո՛չ մի խոսք դուս չգա բերանիցդ,— հրամայարար լեզու էլավ արձանը.— ինչ որ Հեղնարիս կամքն ա՛ պտի կատարեք, երեխիս բեր-

նովն աստված ա խոսում, ձեռդ տուր, Սմբատ,— ասաց Մարիամը,— ա՛ն էս քո նշանածը, քո քիր Հեղնարի հրամանն աս, բունի՛ Հերիքնազի ձեռը:

Արձանացած Մարիամի խոսքերի ազդեցությունը սարսափ բերին մինչև անգամ Հեղնարի վերա:

Սմբատը բառացի կատարեց պառավի հրամանը:

— Փառք քեզ աստված, հիմի հանդարտ սրտով կարող եմ մեռնիլ,— աչքերը երկինք բարձրացրեց հիվանդը:

— Իմ ախպոր ու նրա գլխամեռ քվոր օրհնությունն ըլի ձեր գլխին, բալեքս, անարժան մեղավոր բերանովս խնդրում եմ աստծուց, որ ձեզ բախտավորացնի ու ձեր քվորը լավություն տա ու իմ ախպորս էլ սաղ սալամաթ իր երեխեքանց տեսությունին ու իր քվոր գլուխը հողը դնելուն արժանացնի,— ձեռները վեր բարձրացրած՝ օրհնում էր Մարիամը:

Պառավ Մարիամն այս դրության մեջ մնաց երկար ժամանակ. նա մին նայում է Հերիքնազի ու Սմբատի վերա, մին էլ Հեղնարի. վերջինիս վերա աչք ձգած ժամանակը նրա աչքերիցն արտասուքը կաթում էին:

— Հիմի ինձ մոտ եկե՛ք,— ասաց հիվանդը և պառկած տեղիցն առանց օգնության նստեց: Շատ ժամանակ է, որ նա այս կարողությունից զրկվել էր:

Հեղնարը համբուրեց փոխադարձաբար երկու սիրեկանների երեսները. նոքա թաց էին անում ամեն մեկը արտասուքով հիվանդի շորացած ձեռքերը:

— Հիմի լսի՛, Սմբա՛տ,— ասաց վերջապես հիվանդը պառկելով,— ես ինձ շատ լավ եմ զգում. ես գիտեմ, որ ընչանք իմ սրտիս փափազը իմ լեզվովը հորս շասեմ, նրա օրհնությունը ձեր համար շխնդրեմ՝ մեռնողը չեմ: Հիմի քեզ հարկավոր աս գնալ՝ Երևան ու ջանդ շխնայել, իմ հորն ազատելու ճարը տեսնել. հույսս հաստատ աս, որ պտի ափունիս ձեռը պաշելու արժանի ըլնիմ:

Մյուս օրն Սմբատն Երևանումն էր:

ԽՐ

ԵՐԿԱՔՈՂ ՏԱՔ-ՏԱՔ ԿՅԵՄԵՆ

Գու աջ գնա՛, ես ձախ, ասաց Սաքոն մովրովին ու յուր գինետան հաշիվները վերջացնելուց հետո՝ այնպես կտրեց յուր խանութի հետքը, որ յուր հանապազօրյան այցելու Բաքոսի պաշտոնյա դազախներն էլ չէին գտնիլ:

Յասավուլ Մարգարը, որին մենք մոռացել էինք, ինքն իրեն շատ դատապարտում էր, հեշանի տան պատահած բոլոր թշվառությունաց պատճառն իրան էր համարում. նա ուզում էր մի օր ներկայանալ հեշանին և խոստովանիլ, որ ինքը միտք չունեիր նրա աղջկանն ուզելու, Սաքոն էր իրեն տաքացրել. ուզում էր ներողություն խնդրել, բայց ամոթն իրան խեղդում էր, խիղճը խիստ տանջում էր: Յասավուլն է՛լ խիղճ է ունեցել:

Մարգարը այս պատրաստության մեջն էր. նա մտքումը դրել էր գա՝ վառից, ուր ուղարկվել էր, վերադառնալուն պես՝ յուր սիրտը հանգրստացնելու, բայց այնտեղ լսեց, որ հեշանին Երևանու բերդն են տարել: Կատաղեց յասավուլը և ուխտեց, որ ետ դառնալուն պես Սաքոյի վերաթույնը թափի, կամ ինչպես ինքն ասում էր, մի լավ լվանա, որ անմեղ մարդի արինն ընկավ: Ետ դարձավ Մարգարը, գեները ձգեց ու սուրն առանց քակելու շտապեց դեպի միկիտանխանեն: Ոչինչ փոփոխություն իրեն դեռ հայտնի չէր:

Շթոփվեց Մարգարը, գինետան դուռը կրնկի վերա բաց էր, մեջը բոլորովին դատարկ էր, մի քանի տեղում էլ խունկ էր ծխում. կարծես՝ այս տանիցը նոր են ննջեցյալք դուս տարել:

Մարգարը սարսափեց, երեսին խաշակնքեց ու դուս էլավ:

— Ո՞նց թե ծախեց, — հարցրեց երկրորդ անգամը դրսեր կանգնած գյուղացուն:

— Մախեց, էլի՛, առուտուրը վերջացրեց ու ինքը ձին նի էլավ, քշեց դպա Ալազյազ:

— Բա ծառե՞ն:

— Ծառեն էլ հետը տարավ. մի խոսքով մարդն է՛լ միկիտանություն չի ուզում անիլ. տեսնո՞ւմ ես, գինու հոտը տանիցը կտրելու համար մի քանի տեղ իր հոր հոգուն խունկ ա ծխում, — ծիծաղելով ասաց գյուղացին:

— Ես նրա հախիցը կգա՛մ, էսօր մովրովին ամեն բանը կասեմ, — մտածեց Մարգարն ու գնաց դեպի յասավուլխանեն, բայց իհարկե սառած մնաց, ամեն փոփոխություն իրեն հայտնի եղավ և նա լռել ստիպվեցավ:

— Աստված քո դիվանն՝ անի, սատանա Սաքո՛, էս բոլոր օյիները քո բաներն են. եթե դու չէիր էլել, գառան նման մովրովը գել չէր դառնալ, մհալի տունը չէր քանդիլ, խեղճ հեշանին էս փորձանքի մեջը չէր քցել, ինքն էլ էդ կրակի մեջը չէր ընկնիլ:

Այս խոսքերն եղան Մարգարի վերջին մտածմունքը Սաքոյի սովերի դեմ, սրանցով միայն ողորմելին իրան խիղճն արդարացրեց:

Բայց Սաքոյի հոգը չէր. աւաճն սսում ա՛ շուր կհաշա, քարվանը կհոշա: Մեր միկիտանը Ջելվից այդ ժամանակը շատ հեռու էր, այդ խոսքերը նրա ականջին չէին հասնում:

Գնաց Սաքոն, արդարև, դեպի ձախ, գնաց Աշտարակ, բայց գյուղը չմտավ. նա իջավ յուր այգումն և կանչեց տատմորը, նրանից իմացավ, որ Սմբատը դեռ գյուղումն է, բայց շուտով Երևան է գնալու:

Միկիտանը ճանապարհ դրեց տատմորը, սաստկացրեց ամենախիստ հսկողության պատվերներն և ինքն վեր կացավ՝ կանգնեց յուր այգու գլխին: Երկար խորհրդածություններ նրա մտքովն անցկացան: Այս այգին բունեց Սաքոն Մարգարին խաբեությանը պսակը քանդել ուղարկելու պատճառը. հիմա էլ տեսավ, որ այս մնաց յուր վերջին հույսը, նա գույգ ձեռքով գրկեց այն միտքը: — Խեշանը յուր հետ այգեկից հարևան էր, թումբը-թմբան, ծառը-ծառի, միջակը-միջակի հետ խառն էր. ինքը Սաքոն միտք ուներ հեշանի բոլոր կավածքը սեփականացնել և այդ երջանիկ երևակայությունն այժմ երազական ցնորք լինելուն կասկած չմնաց: Ի՞նչ աներ, ուրեմն, այս միակ այգին է՛լ ձեռքից հաներ, այս է՛լ չկարողանար շահվիլ. ամոթ չէ՞ր իրան; իրան՝ Սաքոյին, ոչ մի բանում ցարդ անհաջող չգտնված Սաքոյին հեշանի նման մի գյուղացու դեմ ընկճվիլ: Դիցուք հեշանի հարստության քառորդ մասն ինքը ծծել է, բայց այդ միայն փողով է եղել, այդ յուր ջերմ աշխատությամբ հեշանի տան գրխին բերած մեծամեծ փորձությունների վարձատրության 100-րդ մասն էլ չի կարելի համարել. մի՞թե Սաքոն այդքան միայն սպասում էր: Եթե անպիտան ընկիլը կտրած թթալի նման անժամանակ ներս ընկած շրլներ, նա հեշանին Ջելվումը պահելով՝ մաադիր էր վերջին կողակից դրկելուց հետո, նրա անշարժ կավածքի կծիկն էլ հետզհետե յուր ձեռքն առնել. բայց զզվելի ընկիլը մկան նման կարասն ընկավ ու հոտացրեց: Եթե նա Սաքոյին անձամբ վնաս էլ չհասցնի, յուր ըննության ցանցի մեջ նրան չկարողանա կաշկանդել, այսքանն էլ փոքր վնաս չէր, որ զգալի կերպիվ հասցրեց, խեղճ Սաքոյի եկամտի աղբյուրները ականբիրցը ցամաքացրեց: Ողորմելի Սաքոն անպիտան ընկչին մի վնաս չէր տվել. որտեղի՞ց են երբեմնապես այսպիսի որոմները առաջ գալիս և Սաքոյի նման ժիր, աշխատասեր գործունեի աշխատանքը ոչնչացնում:

— Դե՛, էդ դարմանի տակի ջուրը հո ինքն ինձ գոռով՝ չեկավ, չասեց, թե Սաքո՛, մովրովիցն ու մհալիցը ձեռներդ լվացիր. պրծար, հիմի

էլ միկիտանխանեդ՝ բնակալդ Չեյվիցը ցաքուցրիվ տո՛ւր, գլուխ ա՛ռ, կորի՛. դե՛, քննիչն ըսկի երազումն էլ չէր կարող իմանալ, թե աշխարհ-բումբ մի մովրովներ արածացնող միկիտան Սաքո կա՛ նրան թալաքի մեջ քցեմ: Բայց չէ, Սաքոն մենակ փողի սառաֆ¹ չի, մարդի սառաֆ էլ ա. ես մովրովը չէի, որ ախմախի պէս ճաշքուն տամ, թողամ, որ քննիչը գա գլխիս կաննի, ոտ ու ձեռս շարքանդի², գործերս մճրի³, նոր աշքերս չոնեմ, դունչս ծոնեմ ու մնամ մովրոված, էդպեսներն ի՞նչ մարդիկ են, դրանք գլուխը քոր գալուս ոտի տակն են քորում: Չէ՛, ախպե՛ր, մճալի տիրոնջ հերն էլ անիծած, միկիտանխանինն է՛լ, իմ ջանիցը հո՛ լավ չե՞ն, էսօր կային, էգուց թող չըլնին. էյօր մին էլ տեսար՝ քո խիալ⁴ շարած տեղդ ինքն իրան պուպուզ՝ գլուխը հանեց: Ապրի՛ս, Սաքո ջա՛ն, ինչ որ արիր, շատ լավ արիր, միկիտանխանեդ մի ս՛աթի մեջ ծախծխտեցիր, քեզ վնասված ավատացրիր առնողներին, լավ գինին ու արաղը մուշտարիքանցը⁵ շանց տվիր ու կիսից շատ եռացրած ջուր խառնեցիր, գլխը-ները կապեցիր. շալ-շալ⁶ մանեթները, շղջկան ասիգնացիքը⁷ ջեբդ դրիր, միկիտանխանումդ էլ, սաքի հորդ հոգու համար, էնքան խունկ ծուխ տվիր, որ գինու-արաղի հոտը բնավ չի գալ, դու էլ ձիդ նստեցիր, ծառայիդ ցանեցիր, դպա Ալագյազ դրկեցիր, ինքդ դեսն եկար: Հիմի քո առաջին գործն ա՛՛ Երևան մտնես թե չէ, շինովնիկներից, զուլուղի մարդկանցից հենու ման գալ, մովրովիցն ու իր թայֆիցը ցանվի, մեջ ուտիլ, դրաղ ման գալ, տեղն եկած վախտը փողիդ տոպրակը բաց անիլ, կուպեկներ տալ, մանեթների գործ շինել. ի՞նչ կուզես անիլ, թաք ըլի էսօր Երևանու բերդի միջին քո տան պես ըլնիլ, բերդի դռնովը քեֆդ ուզած վախտն ազատ ելումուտ անել, հեշանի աչքը մտնել ու էնքան կորցրած մալ ու դովլաթից էս մի հիքին էլա քո ձեռը քցել:

Սաքոն այս մտածմանց մեջ ձին սանձեց և հեծավ:

— Հա՛, մի բան էլ մոռացա, — շարունակեց նա յուր խորհրդածու-թյունը, — մենծ էլն ախոռումն ա մնացել, պտի ամեն հնարք բանաց-նիլ, Սմբատի համար քննիչ դուռն ու հեշանի երեսը պաս անիլ: Թեկուզ որ մտածածներս քամին տանի, ոչ մինը գլուխ գալու չըլնի, պտի գարդ չի անեմ, դեռ ինձանից պտի խարջեմ, հեշանից շահվածներս էլ ետ էս գործի համար փչացնեմ, իր եղն իր գլուխը քսեմ ու Սմբատի ոտը էն երկու տեղի շեմքովն էլ տուն շթողամ:

Բախտը Սաքոյին աշքիցը չէր ձգել. այդ իսկ երեկոյան նա յուր վազածանոթ բանտապետի ձեռքով հեշանի մոտ մուտք ունեցավ: Այս ան-

գամ նրան այնպես դժվար չեղավ ծերունու համակրությունը զրավելը, նա փորձված էր, էլ չէր սխալվիլ:

Այդ օրը բանտապետը տուն մտավ և հեշանին ավետեց, որ մովրովը սաստիկ վիրավորվել է քննիչ արած տնօրինություններից՝ հեշա-նին Երևանու բերդն ուղարկելու մասին. նա պաշտոնական թղթով հայտո-նել է նաշալնիկին հեշանի անմեղությունը. մովրովի հայացքով սպա-նություն գործի մեջ ոչ ոք մեղավոր չէ, Մասմատ-Բաղդը բեգն իբրև ավա-զակ արժանի էր սպանվելու (Սաքոն հեշանին բերդն ուղարկելուց փու-թացել էր հասկացնել նրան, թե իրեն ուղարկողը ոչ թե մովրովն է, այլ Երևանից նրա գործի համար հանկարծակի ուղարկված քննիչը):

Այժմ, ասաց բանտապետը, նաշալնիկն իրեն կանչել էր և պատվի-րեց՝ հեշանին ծանր հանցավորների միջից հանել և առանձին մաքուր սենեկում պահել. այս երկու-երեք օրս էլ, անկասկած, նրա ազատու-թյան հրամանը կհետևի:

Անկարծիք, մեծ ուրախություն էր խղճալի ծերունու համար այս լուրը և մեծ թեթևություն մահապարտ, խաժամուծ և ոսմիկ շարադրո-ծների միջից առանձին խցիկի մեջ փոխադրվելը:

Ի՞նչ նեղություն արդյոք չէր տանում նա այդ անզեղջ ավազակների մեջ, ի՞նչ կշտամբանք, ի՞նչ հայհոյանքներ չէր լսում անպատկառ ար-յունարբու բանտարկյալներից: Նրա ալիքն անարգվում և այպանվում էր, նրա երեսն ամեն օր թուք էր տեսնում. անամոթ գազանները, որոնք իրանց կյանքի մեջ միայն մարդասպանություններ են պարապել, որոնք պատիվ, մարդկություն, հարգանք երբեք չեն իմացել, ամենատեսակ տանջանք տալիս էին ողորմելի ծերունուն, սուտ ճգնավոր էին կոչում, երեսին խաչակնքելուս ձեռքն էին բռնում, ետ քաշում, գետնին թքելու պատրվակով նրա երեսին էին թքում, սուտ կոխիկներ էին հնարում և որ-պես թե միմյանց հետ ծեծի բռնված ժամանակ՝ անզգուշությունից նրա գլխին էին ընկնում. մի քանիսն, իբր թե նրան ազատելու նպատակով, յուրյանք էլ մյուսների հետ խառնված, ոտնատակ էին տալիս խղճա-լույն, իրարու հասանելիք բռունցքը հանկարծակի սխալմամբ եղած ձե-վացնելով՝ ծերունու մեջքին էին իջեցնում, պատերի տակի փոշիների մեջ նստում, հողի մեջ կալովում և դալիս նրա մոտ թոթվում էին, աչք ու բերան հողով լցնում, բանտը փոշիի ամպով ծածկում, աղաղակ, հարայ-հրոցք բարձրացնում և մինչև բանտապետի ականջը հասցնում: Եվ ահա, երբ հանկարծ բանտապետի ոտքի ձայնն իմանում էին, վազում հան-դարտ տեղերը նստում էին ու բոլոր հանցանքը միաձայն հեշանի վրա բարդում: — Խեղացնող է, — դուռն էին, — գլուխը պատեպատ է տալիս, ճիշեր է արձակում, մեզ հայհոյում է, հողը գետնիցը քանդում՝ պանը

1 Սեղանավոր: 2 Կաշկանգել: 3 Կեքել: 4 Կասկած: 5 Հաճախորդ: 6 Փայլուն: 7 Քղթադրամ:

ցրիվ է տալիս, անխտիր հայի և թուրքի հավատն է հայհոյում, և շատ ալսպիսի զրպարտանքներ շարում էին իրենց անսանձ լեզուներովը:

Տգետ բանտապետը, գիտությամբ թե անգիտությամբ, հավատում էր այդ շարագործների խոսքերին, յուր սովորական աննկարագրելի հայհոյանքներով սրտի թուշը թափում էր կրկին տարաբախտ հեշանի գըլխին, դեռ մի քանի մահակ էլ նրա կոացած մեջքին էր իջեցնում և հանդարտել հրամայում:

Այս ամենը լուսթյամբ միայն տանում էր առաքինի ծերունին և չէր ուզում երբեք տգետ ու բիրտ բանտապետի մոտ յուր անմեղութունը հայտնել, դիտելով անշուշտ, թե այս վայրենի մարդուն անծանոթ է արգարությունը, նրա իրավախոսությունը միայն յուր գազանաբարտ վարմունքի մեջն է, նրա արժանավորությունը յուր ահռելի դեմքն ու անագորույն ձայնն է, որով միայն դողացնում և սասանեցնում է բանտի ճիվաղներին: Որտեղի՞ց ուներ մի զինվորականութունից անընդունակության պատճառով արտաքսված ստորին աստիճանավոր այնքան խոհականութուն, որ առաքինութունն ու մոլորութունը զանազանել կարողանար:

Ավելորդ էր համարում վերոգրյալ պատճառներով հեշանը յուր անձը բանտապետի մոտ պաշտպանել, լավ էր դատում էլի համբերել և յուր շարագործ ընկերների տված նեղութունները տանել:

Հավանական էր ուրեմն, որ բանտապետի այսօրվան տված ավետիքը՝ սենյակը փոխելու տնօրինութունը՝ հեշանի համար մեծ երջանկութուն էր:

Այս փոփոխութունից մի ժամ հետո բանտապետի խոսքերը միանցամայն փարատեցին հեշանի մտքից երկմտության նշույլը: Բանտապետը մի նամակ բերեց և ծերունու մոտ թարգմանելով կարդաց: Նամակը, որպես թե, Չեյվի մովրովիցն էր յուր վերա գրված: Մովրովը խնդրում էր իրանից հեշանին շատ հանգիստ պահել, հետը պատկառանք վարվիլ և, եթե նրա մոտ գալու լինի այսուհետև նրա փեսացու Սմբատ Միլիկյանցը, շարունակ այցելության իրավունք տալ: Նամակի մեջ մովրովը հայտնում էր, որ ինքը շուտով կուղարկի հեշանի մոտ յուր հավատարիմ միկիտանին, որը կսովորցնի նրան նաչալնիկի մոտ բռնելիք ընթացքը և տալիք պատասխանները: Եվ որովհետև Սաքոն գավառն է ուղարկված պաշտոնական գործերով, մովրովն երեկ նրա քամակից մարդ է ուղարկել և ետ կոչել: Նա խոստանում է Սաքոնի վերադառնալուն պես փութանակի առանց բուշի կորցնելու Երևան զրկել, որպեսզի ուշ չլինի, ինքը, որպես թե, նաչալնիկից թուղթ է ստացել, որ առաջիկա օրերս պետք է քննվի հեշանի գործը:

Ին՞դ՞ ծերունի, այս երկրորդ լուրն էլ հալած յուրի տեղ ընդունեց, հավատաց միկիտանի լարած որոգայթներին և ինքն իրեն գատապարտում էր, որ սխալ կասկածներ է տարել մովրովի ու Սաքոնի վերա: յուր բերդն ուղարկվելու պատճառը նրանց է համարել, յուր բարեբախտների ստվերի դեմ տրտնջացել է:

Այսպիսի ճարտարությամբ փորած գարանից հետո՝ դժվար չէ, ուրեմն, մեզ երևակայել, թե ի՞նչ գրկաբացութունով այս իսկ երեկոյին մութը գետինը կոխած ժամանակը ընդունեց հեշանը Սաքոնին, ի՞նչ ջերմ սիրով համբուրեց նրա ճակատը, երբ որ միկիտանն արտասուքն աչքերին մոտեցավ, բունց նրա դողդոջուն ձեռքը, մի քանի անգամ միմյանց ետևից համբուրեց և ասաց.

— Խեշան աղա՛, ջանս դուս գա քեզ համար, էս ի՞նչ օրն ես ընկել:

— Անիծվի՛ էդ քննիչը՝ մրդեզ՛ է՞ծը, — շարունակեց Սաքոն, — նոր եկած մարդ ա, ոչինչ չի ըլում հասկացնել, ոչովի սլիլ չի ուզում. գիտե՞ս, թե մեր խեղճ մովրովը քեզ համար ինչ լեզու ա թափել. գտակը վեր կալավ, աղանչաք արեց, խոստացավ ինքը քո տեղակ զամին՝ ըլնի, թաք ըլի քեզ Չեյվիցը բիրդը չղրկի, շեյվ՛ ու շեյվ՛: Մի ինչ-որ օրենքի գիրք էր բերել հետը, շուտ-շուտ բաց էր անում, մատը վրեն դնում, թե ըստեղ էս ա գրված, մեկել տեղն՝ էն: Հենց իմանաս, թե մեր մովրովը խոտ ա արածել, դրա գրածների տեղը չգիտի, հո չի՞ կարելի ամեն բանի մեջ շուտ-շուտ օրենքի գրքի պոչիցը բռնել ու կախ ընկնել:

Խեշանը ոչինչ բանից տեղեկություն չունեի. նա չէր լսել ոչ նոր քննիչ գալը, ոչ մովրովի քննության ենթարկվելը և ոչ Սաքոնի միկիտանութունը թողնելը: Նա ի՞նչ կարող էր մտածել, թե Սաքոն էլ իրավունքի տեր չի, թե յուր տեղափոխվելը, մովրովի նամակը՝ բոլորը Սաքոնի սարքած բաներն են, ուզեցավ յուր գործի դրությունը հասկանալ:

— Սաքո ջա՛ն, հիմի ի՞նչ հույս կա, — հարցրեց Խեշանը:

— Էնպես ֆանդ ու ֆելեր՝ բանացրինք, — շարագրեց Սաքոն, — որ էդ քո քննիչն զգի վրա տնկել ենք, մովրովն էն թուք ու մուրն ուտո՞ղն էր, կամ թե չէ ես մեռել էի՞, որ քշեր-ցերեկ տամարը չմտնեի՞ ու ոնց որ սիրտս ուզեր, էնպես շուտ տայի: Գլխին դուրբա՛ն նաչալնիկի, մովրովի թուղթն ստանում ա թե չէ, ձեռաց քննիչն կանչում ա ու լավ լվանում — «պոչը-մոչը կխուզեմ, — ասում ա, — թե որ դու էն թավուր օգուտ տվող մովրովի խաթրին դիպել ես»: Ախա՛ր դու ինձ ասա՛, Խեշան աղա՛, նաչալնիկը խելք չունե՞ր, որ իր հացին քացով տար. ոչ մի մհալի մովրովից էնքան օգուտ չի գալիս իրան, ինչքան որ մեր մովրովիցը:

1 Եեկ, 2 Երաշխավոր, 3 Զնարքներ, 4 Զամոզի

— Մի՞թե մովրովներն իրանք էլ կաշառք տալիս են,— զարմացմամբ հարցրեց Խեչանը:

— Բաս դրա համար ա, որ խեղճի անումը մի քիչ կոտորվել ա, թե կաշառակեր ա. հոգի ունիմ տալացո՞ւկ, ձեռս սրտիս դրած կասեմ, որ մեր մովրովի առած ընծեքանցից 1000-ից մի բաժինն իրան չի մնում:

— Հիմի իմ գործն ի՞նչ տեղ ա:

— Հենց դրա համար էլ զուլխս պատռելով եկել եմ, թե չէ էս վախտ ես Երևանում ի՞նչ բան ունեի: Մհալն էի գնացել, մին էլ մովրովից մի մատը գիր եմ ստանում, թե՛ զուլխը էդտեղ թրջի, էստեղ վեր արա՛, ընչանք իրիկուն շան պես շարշարվել էի, բերանս նշխարք չէր մտել, նոր նստել էի հացի. դեռ երկու թիբա՛ բերանս չէր մտել, որ գիրն ստացա: Միտք արի, որ հացից վեր կկենամ, կերթամ, բայց, արևս մեռնի՛, աղա Խեչա՛ն, թե սուտ եմ ասում, թիբեն բողազովս կուլ չգնաց, հենց իմանաս, թե մինը կողքիցս բրթեց, թե շոռ ու ցավ ուտե՛ս, հարբաթ մի բան կա, որ մովրովը քեզ վռազ կանչել ա, էլ ի՞նչ քո հաց շողամիշ ընկելու՞ վախտն ա, վեր կաց կորի՛: Թիբեն բերնումս վեր եմ թռել ու ձիու քամակն ընկել: Խեղճ Թառախան՝, ա՛խ, ես նրա տոնադներին՝ մատա՛ղ, էն հալն ընկավ, որ ոտս օրդանգուկից հանելս ու ձիուս գետնին ձգվիլը մին էլավ. ափսո՛ս իմ ձի, ինձ վրա շատ երախտիք ունեի:

Սաքոն ձեռքն աչքերին տարավ և արտասուքը, որպես թե, սրբեց:

— Ի՞նչ էլավ,— հարցրեց Խեչանը:

— Փովեց քյահլան Թառախան մեջքի վրա ու ոտները շոռեց. ընչանք ես մովրովի կշտիցը դուս եկա, տեսա, որ յասավուլները քաշ են տալիս պոչիցը. մինն էլ դանակը սրել՝ հետը գնում ա, ոչ կաշին բերթի:

Սաքոն աչքերիցը թափեց:

— Դարդ մի՛ անիլ, Սաքո ջան,— մխիթարեց Խեչանը,— ջանդ սաղ ըլի՛, խոսքս խոսք ըլի, որ էս դժոխքիցը դուս եկած սհաթը քո հավանած ձին քեզ համար առնեմ. մնին հինգ կտամ ու տիրոնջ գոմիցը դուս կբաշեմ:

— Է՛հ, դու ողջ կենաս, Խեչան աղա՛, 100 ձի քեզ դուրբան, նրա համար ո՞վ ա հոգս անում. էնքան էր, որ միտքս ընկավ, լացս եկավ. թե չէ քսկի ես մոտ էլ չգնացի, կամ մնիցը բան էլա չհարցրի. տեսա, որ ձիս սատկել ա, գնացի մտա գոմը ու աչքիս առած յասավուլի ձին դուս քաշեցի, վրեն թոռ ու ինձ Երևան քցեցի: Գոմի դռանը ցած եմ եկել. Թավաբաշուն՝ ձեն տվի, որ ձին կապի, խոտ տա ու ինքս շտապեցի ինձ բերդը քցել. հենց իմանաս յասավուլի ձին էլ Թառախան օրը կընկնի:

— Ախար ընչի՞ համար շտապելով էիր գալիս, ի՞նչ կա որ:

— Էն կա, որ մովրովն ինձ զրկեց քեզ պատրաստեմ, քեզ սարվացնեմ, որ քննչին կամ նաշալնիկին էն պատասխանը տաս, ինչ որ ինքը գրել ա քեզ համար, լըլնի թե ուրիշ բան ասե՛ս, քո պատասխանը նրա գրածիցը ջոկ ըլի ու բանը փշանա. նաշալնիկը մովրովին գրել ա, որ քո գործն էս երկու-երեք օրը պտի քննվի:

— Ա՛խ, Սաքո ջա՛ն, թե որ մովրովն ինձ էստեղից ազատիլ ա տվել, դու տես, թե դուս զալուց ետո ո՞նց պտի նրա ոտը գնամ ու շնորհակալություն անեմ:

— Էտ ետի բան ա, Խեչան աղա՛, դու գեռ լսի՛. երբ որ քեզ կհարցնեն, ասա, որ ինքդ հիվանդ էիր էն քշերը. թուրքի խոխոցը լսում էիր, բայց ուժ չունեիր տեղիցը վեր կենալու. վերջը տեսար, որ քվորդ աղջիկը խիշտն արնոտ եկավ ու պատմեց, ինչ որ անց էր կացել: Դու էլ, ասա՛ հիվանդությունդ մոռացար, վեր թռար, շփոթ քցեցիր, բայց խալխի մոտ էլ ետ ուշտ կտրվեց՝ նստեցիր: Մովրովն եկած վախտն էլ, ասա՛՝ դու քո անմեղությունդ հայտնեցիր, համա երբ որ տեսար, թե քվորդ աղջկանն ու փեսացուիդ պտի բռնեն, մեղքը քո շիները առար:

— Դե՛, իմ ասելիքս հենց էդ ա,— զարմացմամբ ասաց Խեչանը:

— Չէ՛, դու քո հիվանդությունն անպատճառ ասա՛, մին էլ որ՝ դու վախեցել ես, թե քո քվորդ աղջկանն ու փեսին կբռնեն, ընդուր համար ես մեղքը քո շիներն առել:

— Շատ լավ կըլնի՛,— մեքենաբար պատասխանեց Խեչանը:

— Ես մհալը գնալուս Աշտարակովն անց կացա, երեք օր առաջ էն տեղ էի,— ասաց Սաքոն:

— Հա՛, Սաքո ջա՛ն, հենց հիմի ուզում էի քեզ հարցնել, երկու շաբաթ ա, որ ինձ Զեյվիցը բերել են ու տանիցը խաբարություն չունիմ, յարար ո՞նց են երեխքս:

— Քո ըստեղ բերելու օրն ես գնացի Աշտարակ՝ դուզ՝ ձեր տունը. վախեցա, որ էդ խաբարն ուրիշից կիմանան ու կենդանան. գնացի, սիրտ տվի, որ դարդ շանն: Խեղճերը, զորթ ա, լսելու պես աչքներիցը թափեցին, համա ես օրթում կրակն ընկա, որ իմ զուլխս կսպանեմ ու քեզ բերգումն երկար շեմ թողալ տալ: Սմբատն հենց էդ օրն ուզում էր Երևան գալ, բայց ես հասկացրի, որ գուր ա, բերդի դուռն էլ չեն թողալ մտնելու. ա՛յ, հիմի մովրովը նաշալնիկիցը խնդրեց, որ բանտապանին հրամայի Սմբատին տուն թողալու. սրա վրա էլ ջոկ գիր ա գրել: Հիմի ես քեզանից գուս կերթամ, կխնդրեմ, որ Սմբատին չի արգելի. քանի էստեղ ես՝ ամեն

ժամանակ կարողանա գալ ու գնալ, ոնց որ Անյվումն էր. դու միամիտ կաց:

— Ինքը բանտապանն ինձ ասեց,— պատմեց Խեչանը:

— Հա՛, բաս շատ լավ. ես էս երկու-երեք օրը Երևանումը պտի մնամ, քո գործի համար մարդիկ պտի տեսնեմ, Զեյվա ետ դառնալուս Աշտարակովը կանց կենամ ու Սմբատին ինչ որ պատվերներն ա՛ կտամ ու կասեմ, որ գա քեզ տեսնելու:

— Հա՛, Սաքո ջան, հա՛, էդպես մի բան արա՛, երեխեքանցիցս կառկածավոր եմ:

— Անպատճա՛ռ, անպատճա՛ռ, բարի քշեր, — ասեց Սաքոն ու դուրս եկավ Խեչանի մոտից:

— Ամեն բան եղի պես դրսովեց, — խոսում էր Սաքոն ինքն իրեն յուր իջևանը վերադառնալուս. — էգուցվանից մենք մեր բաղի բանը հոգանք. երկաթը տաք-տաք կծեծեն:

ԽԳ

ՂՈՆԱԳՆ ԱՍՏՕՈՒՆՆ Ա.

Երկու-երեք օր թափառեց Սմբատն Երևանումը, շատերից խորհուրդ հարցրեց, շատերի մոտ գնաց և ամենքից միևնույն խոսքը լսեց, թե քրննիչն արդարադատ մարդ է, նրա աչքից ոչինչ չի փախչիլ և նրան մատչիլը շատ հեշտ է:

— Ուրեմն սուտ չէր ասում Սաքոն, Խեչանի գործերը քննել են, բայց մովրովը չի խնդրել, մովրովն ինքն ա սխալացրել քննչին, թե չէ քոս մարդ պտի ըլներ, որ չիմանար, թե խեղճ հալիվորը զուր ա բռնված. գործն ինքն իրան ղազվում-ճղազվում ա, որ էդ քննիչն է՛լ մի բան չի էլել, մովրովի չվանովն ա հորը մտել, մովրովը ոնց շանց ա տվել, էնպես ա դարձրել, — ամեն տեղ ասում էր էս խոսքը Սմբատը:

— Ի՞նչ ես ասում, ախպե՛ր, — հանդիմանում էին նրան լամենքը, — էս քննչի մոտ մովրո՞վը կհամարձակի ձեն տալ. անճախ աստված էս աշխարհքին մի չիս ու ճար ա արել, մի մարդ ա դրկել, որ աղեքանցը ծակն ա կոխել, պոչը-մոչնեքը պոկել ա, ոչ մորթում ա, ոչ ապրացնում. երևում ա՛ էդ քո Խեչանը մեղավոր էր, թե չէ նրա անմեղությունն էլ քննչի աչքիցը չէր փախչիլ, արդար մարդին սա բերդը չէր ղոկիլ:

— Ասում են՝ դեռ էս քննիչը բերդը չի մտել, մհալների մովրովների

գործերը պրծել ա, հիմի էլ քաղաքի ծառայողների ջանին ա ընկել, շուտով էլ բերդը պտի մտնի, — խոսեցավ մի ուրիշը:

— Ասում են՝ ձեր մովրովին հենց օրն ա քցել, Սմբա՛տ, որ քո նոքարի գլուխը չգա, — ասաց մի երրորդը, — հողին բուռն ա հավաքել. հալբաթ ձեր... Ծահազդվանց-կամասրականիցը լսած կըլնիս, ասում ա նրա խոսելու ժամանակը մովրովն ուռի պես դողում էր:

— Չէ՛, ես չեմ տեսել կամասրականին, իմ գեղումն էլած վախտը նա էնտեղ չէր, ի՞նչ կա որ, մի՞թե քննիչը մեր մովրովին նեղացրել ա, քննիչն ո՞վ ա, որ մովրովի վրա իրավունք ունենա, — զարմացմամբ հարցրեց Սմբատը:

— Տո՛, դու ըսկի բանից խաբարություն չես ունեցել. ախար մի նոր քննիչ ա եկել, մովրովների ու ղուլլուղի մարդկանց գործերն ա քննում, ձեր մովրովիցն, ավատաս, հինգ-վեց հազար մանեթ առավ ու էն սհաթը ոահաթի մեջը բաժանեց մեղալի համար, — մեջ մտավ մի չորրորդը և պատմեց մեղալի անցքը:

— Վա՛յ գլխիս, բաս ես հենց գիտեմ, թե քննիչը մենակ Խեչանի գործի համար ա եկած էլել, մկար մեր մովրովին ա ծակը կոխե՛լ. բաս Խեչանին ո՞վ ա բերդը ղրկել. լըլնի՞ թե Սաքոն ինձ խաբեց, կամ թե մովրովն ինքն ա իր գլուխն ազատելու համար Զեյվիցն ուղարկել. որտեղ ըլի՞ ես էս քննչին պտի գտնեմ:

Սմբատը թողեց ու գնաց, նա շատ շուտ գտավ քննչի պարապելու տեղը:

Մեծ բազմություն հավաքված էին դռանը. Սմբատը նայեց, որ ամեն մարդ դռան կանգնած թուրք պոլիցիականին մի խոսք ասելով ներս էր ընդունվում:

Սմբատը դողալով առաջ եկավ և ներս գնալու թույլտվություն խընդրեց:

— Դու ո՞վ ես, — հարցրեց պոլիցիականը:

— Ես աշտարակցի եմ, իմ անունս Սվիկենց Սմբատ ա:

— Մտի՛ր, — ասաց թուրքը և ինչպես կամենում էր դուռը ետ բանալ, մի աներևույթ զորություն կարծես կրկին պինդ ծածկեց:

— Էգո՞ւց արի, էսօր աղեն ժամանակ չունի, — ասաց թուրքը:

— Հալբաթ էս քննիչն էլ թիւացավ, յա քեզարեց, — քշվաչցին մի քանիսը բազմության միջից, — թե չէ ընչանք հիմի ո՞վ էր լսել, որ արգաչուն ետ դարձնեն, ուզողի համար չէ չկար:

— Էս ո՞վ էր, որ ոտներս կոխըճելով առաջ եկավ ընչանք դուռն ու ետ դառավ, գի՞ժ էր, ի՞նչ ա, մի մտիկ տվե՛ք. հենց իմանաս քամակիցը մի մհասիլ ընկած ըլի, ո՞նց ա թողել փախչում, — խոսեցավ մի մարդ:

Այս խոսքի վերա շատերը ետ նայեցան, որոնց թվումն և Սքմբատն էր:

Մեկը շատ շտապով վազում, էդ տեղիցը հեռանում էր:

Սմբատը ճանաչեց, ինքն իրան բազմության միջից, ինչպես եղավ, դուրս ձգեց և անծանոթի քամակիցն ընկավ:

— Տեսա՞ր ոնց կորավ, հալբաթ էս տեղրանք էլ մի շարություն ունի, — մտածեց Սմբատն ու կանգ առավ. — չընի՞ թե ինձանից փախավ, չընի՞ թե սրա ասելովն յասավուն ինձ քննչի մոտ տուն մտնելու շթողեց, թե չէ ի՞նչ կնշանակեր դուռը բաց անելն ու էլ ետ ծածկելը:

Այս մտածումներով կրկին ետ դարձավ Սմբատն ամբոխի մեջ և հեռվից դիտում էր. ամենքին էլ տուն էին թողնում:

— Մին էլ փորձեմ, — վճռեց նա ու մտտ եկավ:

— Ես ուզում եմ քննչի աղին տեսնել, շատ հարկավոր գործ ունիմ, խնդրում եմ ներս թողաս ինձ:

— Համեցե՛ք, — ասաց թուրքն և ուղեցավ դուռը բանալ առանց երեսին նայելու, բայց հանկարծ աչքն երեսին առավ և անունը հարցրեց:

— Էլ վախտ ասեցի, որ իմ անունս Մվիկենց Սմբատ է:

— Քեզ ասեցի, որ էգուց արի, — բարկացավ պոլիցիականը և երկու ձեռքով Սմբատին ետ մղեց:

Խեղճը գլուխը քորելով ետ գնաց:

Ամեն մարդ այս բանի վերա մնաց զարմացած. առաջին խնդրատուն էր, որին քննչի դռանը մերժում էին:

— Ոչինչ, թող էսօր էլ մթնի, — մտածում էր Սմբատը. Երևանի փողոցները չափելով, — էգուց էլ կերթամ, էլօր էլ կերթամ. ընչանք ես էդ քննչի ոտները չընկնիմ, հույսս չեմ կտրիլ: Բայց տեր աստված, թե ոտ էն փախչող մարդը նա էր՝ ո՞նց աներևույթ էլավ, երեսը շտեսա, շորերն էլ հենց իմանաս փոխած ըններ, համա ման գալուցը նրան նմանացրի. նա իմ ձեռքից ընչի՞ պտի կորչեր, ինձանից հո վախում չէ՞ր: Թե ասեմ աչքս ինձ խաբեց՝ ուրիշն ըններ՝ էլ չեմ կարող ասիլ, իսկը նա էր, որ կար. — է՛հ, հերն անիծած, դրա համար ի՞նչ եմ գլուխս ցավացնում, ես իմ դարդի վրա միտք անեմ:

Գլուխը քաշ արած, Խեչանի վրա մտածելով, գնաց Սմբատն երեկոյին յուր իջևանը, կամ որ ճիշտն է, յուր ծանոթ երևանցու տունը:

Իջևաններ կամ հյուրանոցներ առաջ մեր աշխարհքումն անծանոթ էին, հիմա էլ հասարակ ժողովրդի համար դա մի վերացական բառ է:

Հայոց հյուրասիրության վերա մենք շատ անգամ հնք խոսացելու միևնույն բանը, սակավ բացառությամբ կարող ենք սեփականացնել հայաստանցու՞ն ասեմ, չգիտեմ, թե ասիացուն: Վերջինիս համար

ես չեմ կարող ճիշտ գաղափար տալ, սակայն Հայաստանի բնակիչների համար հատկապես կարելի է վճռել, որ այդ երկրի օդ ու ջրի, նրա կլիմայի գորությամբը նրա միջի բուրբ ժողովուրդը՝ բնիկ, թե եկավոր, առանձնապես հյուրասեր են:

Գյուղացիների համար երկար բացատրություններ տալ չի հարկավոր, մի անգամ ասա՛ ղընաղն ամտոննն ա՛ պրծավ: Քաղաքացիք ևս ոչինչ բանով պակաս չեն գյուղացիներից: Վերցնենք օրինակի համար Երևանը:

Այս քաղաքն արդարև մի վաճառաշահ տեղ չէ, մեծ առևտրական կապեր չունի ընդհանուրի նշանակությամբ, հարթված և հեշտացրած հազարդակցություններից զուրկ է, մակայն ի հնուց եղել է Այրարատ նահանգի կենտրոնաքաղաքը, այստեղ էր նստում, մեզ հայտնի է, պարսից կուսակալը սարգար անվամբ, այս էր Թավրիզից ետը առաջին քաղաքը, այստեղ է այժմ այս երկրի նահանգապետի կացարանը, այստեղ են հավաքվել և հավաքվում երկու-երեք ավուր ճանապարհից բուր Երևանու շրջակա գավառի ժողովուրդը առևտրական գործով: Ամեն օր պատահել և պատահում են խաժամուժ ամբոխի բազմություն՝ զանազան լեզվով և բարբառներով խոսողներ ու այլևայլ ազգությունների պատկանող ժողովուրդ: Երևանի հրապարակներն ու ախոռները լիքն են լինում գյուղացվոց ձիանք ու գրաստներ: Այս ամենն, ինչպես ասացինք, շրջակա գավառացիք են:

Համարձակ կարելի է՞ ասել, որ եթե ոչ մեծ մասը, գոնե մի նշանավոր մասը այս եկավորների՝ գիշերը պատասպարվում են Երևանի քաղաքացվոց տներումը:

Հյուրանոցն, ասացի սկզբումը, որ այստեղ անծանոթ էր, այժմ էլ շատ սակավներին, կամ դիպվածով այս կողմերն ընկած եվրոպացի ճանապարհորդներին է պետք գալիս, իսկ հասարակ ժողովուրդը, իսկ գրեցի վաճառական դասը երևանցվոց հյուրն է:

Շատ սակավ գիշեր կպատահի, որ երևանցի հայը կամ թուրքը մի երկու հյուր չունենա, երևանցու հացի եզրը օտարական չկտրի:

Ցորեկն երևանցին ինքն էլ յուր տանը մի կտոր հաց չի ուտում. նա ամբողջ օրը նստած է ծալապատիկ, կամ չոքած է յուր խանութի դռանը և յուր մանրավաճառությամբն է պարապած. մի փոքր փողոցի հաց և սակավ ինչ պանիր է նրա կերածը. իսկ երեկոյին՝ նա գիտե, որ յուր տանը հյոթերն ունի և նրա սեղանը լիքն է բարեհամ խորտիկներով: Երևանցին ուրախ է, որ կարող է հյուրասիրել ամեն տես ու ճանաչին:

Մեր երկրումն անկողինը բացառապես մի անձի համար չէ, սովորաբար մի վերմակի ներքո քնում են տան անդամներից մի քանիսը, մեր

մահիճները բավականին լայն են և մեր վերմակներն ընդարձակ գերդաստանի գլխավոր երկու ամուլները մեջ են առնում յուրյանց մանրիկ զավակներին և երկու պատնեղների նման մինն այս և մինն այն կողմից պահպանում ու փայփայելով քնացնում յուրյանց սիրելիներին:

Բայց մի քանի ձեռք ավելորդ և թանկագին անկողին միշտ դարձած է երևանցու ծալքումը «ղոնաղի տեղաշորը» անունով և այդ անկողինը շատ սակավ գիշեր անգործադրելի կմնա. մի կամ մի քանի հյուր անպատճառ պառկում են նրա տակին՝ շատ անգամ միմյանց բուրբոլվին անծանոթ:

Վնաս չունի, այդ հարկի տակ մտնողներն ամենքն էլ աստծու հյուրերն են և միմյանց եղբայր, եկեղ են Երևան առևտրի. ո՞ր պետք է իջեվանեին, իհարկե յուրյանց ծանոթի տանը: Դեռ ես կարող եմ ասել, որ սոցա մեջ լինում են այնպիսիները, որոնց հետ բարի տանուտերն առաջին անգամն յուր սեղանի վերա է ծանոթանում. մեկն ու մեկը այդ հյուրերից իրանց հետ բերել են մի ուրիշին: Այդ պարոնն էլ այսուհետև այս տան հյուրը դարձավ:

Շատ լավ էլ գիտի երևանցին, որ անշուշտ յուր տանն այս երեկո հյուրեր կլինեն, բայց էլի ինքը որոնում է շուկայումն այնպիսի եկավորներ, որոնք ծանոթ չունին և հրավիրում է բաժանելու յուր հետ մի գավաթ ջուրն յուր հարկի տակին:

Այսպիսի հյուրասիրական հատկության լուր պատմությանմբը միայն ուրիշ երկրներում պատահել է ինձ զարմացնելու բուրբոլին: Ոչ միայն եվրոպացիք, որոնց մեջ մի կտոր անփող հացն աներևակայելի է, նույն իսկ մեր տարաբնակ եղբարց, Հայաստանի հողից ուրիշ տեղ պատվաստված հայերի համար իմ պատմածներս կծու հայրենասիրական ցույցեր են համարվել, ոչինչ բանով ես չեմ կարողացել համոզել, թե հնարավոր է ամեն երեկո հյուր ունենալ: Այդ բանն ինձ համար մեծ ցավ է եղել, հայաստանցին հեռանալով յուր բնիկ երկրից, այդ աստիճան փոխվել է յուր նախնյաց ազնիվ բնավորութունից: Այո՞, համեմատաբար էլի՞ ամեն տեղ հյուրասիրական զգացմունքը հայերի մեջ առավել է, բայց Հայաստանի հետ բաղդատելով ուրիշ տեղերը, իմ տեսած քնադարների հայերը իմ աչքումս խորթ եղբայրներ են երևում:

Այս ասելով ես չեմ ուզում մեծամեծ ներբողներ խոսիլ հայաստանցու ազնիվ բնավորությանց վերա. ընդհակառակն, ուրիշ բաներում շատ ետ է հայաստանցին օտար տեղերից, գլխավորապես հայր ետ է մնացած:

Երևանի ժողովուրդը հասարակական գործերի և ազգային լուսավորության հարցի մեջ մեռած է: Ահա այն մեծ պակասությունը, որ սև

կնիքի նման դրոշմած է Երևանու նահանգի հայերի ճակատին. և մի՞թե այս արատիքը բավական չէ կլանել մեր ամեն ազնիվ հատկությունը:

Վերջապես տեղը և ժամանակը մեզ չեն ներում երևանցու զանազան բնավորությանց վերա երկարորեն ճառել. հյուրասիրությունն էր, որ մեր Սմբատին էլ անզգայաբար քաշեց դեպի Շհաբ կոչված Երևանու թաղերից մեկի մի հայի տուն:

Գիշերից Սմբատը, առավոտ տանուտերի հետ մի նախաճաշիկ անելուց հետո վերադարձավ դեպի փողոց, ուր մոտ էր քննչի խորհրդարանը, և քայլերը դեպի այն կողմն ուղղեց:

ԽԻ

ՔՆՆՉԸ ԲԱՆՏԻ ԽՈՐԻՐՈՒՄԸ

Քննչի դուռը այսօր բուրբոլվին դատարկ գտավ Սմբատը. մի հայ միայն թափառում էր այնտեղ, որին մոտեցավ նա և հարցրեց վախվախելով.

— Ըստեղ չի՞ նոր քննիչը:

— Հրե՞, հա՛, — մատը բարձրացրեց մարդը, — էսօր չես կարող տեսնիլ, բերդը գնաց բանտարկվածներին տեսնելու:

Սմբատը վազեց դեպի բերդի կողմն, ուր մեծ բազմություն էր գնում:

Ամբոխը մոտ էր բերդի դռան և Սմբատն շտապեց հասնել: Շատ վազելով շնչարգել էր եղել և ոտքերի զորությունը կտրվել. ճարը կտրած գոռաց.

— Է՛յ, աղա քննիչ, ա՛յ գլխիդ մատաղ, այ քո ջանին մեռնիմ, մի ոտն ի՛լ, կաննի՛, խնդիր ունիմ:

Սմբատի ձայնն ուշադրության շահեցնեցավ: Ժողովրդի կեսը բերդի դուռն անցել էր ներս, երբ նա հասավ հասա էր: Ուժահատ հանդարտեցրեց նա յուր ձայնն ու քայլերը և աչքով միայն հետևում էր բազմությանը. խեղճը հալից ընկել էր:

Բոլորը ներս անցան, բերդի դռանը մնացին պահապանները:

Սմբատի աչքերից ժողովուրդը ծածկվեցավ բերդի խոտոր պատերի տակին և ինքը մեն-միայնակ հասավ պահապանների մոտ: Երեկ թե արգելված չէր բերդը մտնելը, Սմբատը կարողացավ անց կենալ. բայց մինչ դառնում էր նա դեպի արևելյան կողմի շինության մյուս երեսը, հանկարծ ականջին յուր անունը դիպավ:

Շփոթված կանգնեց նա ու ետ նայեց, ոչ ոք չկար. իսկ ձայնը գալիս էր հանդիպից, ուր ինքը ծովելու էր:

Կանգնեց Սմբատն և հետագա խոսակցութիւնը լսեց.

— Շատ շնորհակալ եմ, որ երեկ տուն չթողիր, առ էս մի քանի կա-
սեկը քեզ բաղնիքի մտխելիք, իսկ հիմի աչքերդ շորս բաց արա՛, նա
դեպի բերդն է գալի, ես նրան տեսա այս կողմը վազելուս. լընի թե կա-
րողանա քննչի երեսը տեսնել:

— Միամիտ կա՛ց, նա իր կյանքումը մեր աղի երեսին արժանի չի
լինիլ,— ասաց երկրորդն, և երկուքը միասին առաջ եկան:

— Էլ չես կարող գլուխդ ինձանից պահել, սատանա Սաքո,— հար-
ձակվեց Սմբատը յուր դիմացն եկող նախկին միկիտանի վերա,— ես
երեկվանից քեզ ճանաչեցի, որ էս թուրքին սորվացրի՛ր ինձ տուն չթո-
զաց. հիմի ի՞նչ պտի անես:

Սաքոն մի ըոպի իրեն կարցրեց, բայց կրկին ոգևորվելով թուրքին
ասաց.

— Ես գնացի, դու քո խոսքդ կատարի՛:

Ետ փախալ Սաքոն դեպի ամբոխն և բազմութիւն մեջ խառնվեցավ:

— Ո՛ւր ես գնում, անպիտա՛ն,— ճշաց պոլիցիական թուրքը Սքմ-
բատի վերա,— քեզ ասում են, որ այսօր անկարելի է քննչին ներկա-
յանալ:

— Պետք է տեսնի՛մ,— հակառակեց Սմբատն և ուզում էր փախա
տալ թուրքից:

— Կարա՞ն՛վ,— ձայն տվեց պոլիցիականն, և դռնապահ զինվոր-
ները առաջին բուսան:

Մի երկու աղճատյալ ուսերին բռները պոլիցիականի բերանից
իջեցրին խեղճ Սմբատի ուսերին հրացանի կոթի հարվածները: Դրանց
հետևից ոստիկանի մտրակը, որոց զորութեամբ և զինվորների ուժեղ
բռան շնորհիվ Սմբատը կրկին դուրս մղվեցավ բերդից, իսկ թուրքի մըտ-
րակը հալածեց նրան մինչև սուրբ Սարգիս եկեղեցու մոտերը:

— Էսօր էլ չելավ,— հուսահատ ա՛խ քաշեց Սմբատը,— բայց կմեռ-
նեմ ու կտեսնի՛մ, հալբաթ քննչին էսօր կխոսացնի ինչանին. իրանից մի
բան կիմանա:

Սմբատի ենթադրութիւնները սխալ դուրս եկան. քննչը մտավ բեր-
դը, այցելեց բոլոր բանտարկյալներին, պահանջեց կալանավորների ցու-
ցակը, ստուգեց թիվը, բայց ոչ ինչանին տեսավ, ոչ նրա անունը հան-
ցավորների կարգումը կարդաց:

Մեզ հայտնի է, որ ինչանն ուղարկված էր մովրովից առանց գոր-
ծերի, իսկ Սաքոն նախապես տեղեկանալով քննչի այդ օրվան բանտը
գալու մասին, տեղափոխել էր տվել ինչանին ավելի ապահով և մաքուր
սենյակ. բանտապետի ննջարանն այժմ ինչանի բանտն էր դարձել: Սա-

կայն քննչը ոչ իրավունք և ոչ տեղիք ունեւր մտնել այդ ննջարանը: Այ-
ցելեց բոլոր բռնվածներին, շատերից մանրամասն տեղեկութիւններ
հարցրեց, մի քանիսին գտավ արդար և նույն ըոպին արձակեց. ոմանց
գործերը պահանջեց և այլոց վերա խոժոռ դեմք դարձրեց:

Բազմութիւնը, որ հետևում էր քննչին և ամեն տեղ իրավունք էր
ստացել նրա հետ ներս մտնելու, զարմանում էր քննչի սրամտութեան
վերա, թե ինչպես է կարողանում արդարը մեղավորից զանազանել:

Սաքոն տեսնում էր քննչի խելոքութիւնը և յուրն ավելի գովում:

— Վա՛յը կգար մեր մովրովի գլխին, թե որ ինչանն էլ էստեղ ըլ-
ներ,— մտածում էր նա,— բայց աֆարի՛մ Սաքո, դու քննչի վրա խելոք
ես, դա իր մահվան օրը կիմանա ու ինչանի երեսը չի տեսնիլ:

Միամիտ ինչանը Սաքոյի թակարդի մեջ այնպես էր անզգալաբար
կաշկանդվել, որ երբեք չէր մտաբերում, թե նույն ըոպին, երբ ինքն
ուրախ նստած է բանտապետի ննջարանումը, պատի մյուս երեսին ի՞նչ
հրաշքներ են գործվում: Շատ ցանկալի կլինեիր, իհարկե, ինչանին, որ
ինքն էլ նույն ժամին գտնված լինեիր յուր մարդասպան ընկերների հետ,
հայտներ յուր ցավերը արդարադատ քննչին, քան թե հանդիստ նստած
յուր ընտանյաց վերա է մտածում և Սաքոյի ու մովրովի համար կյանք
ու արև խնդրում:

Երկար ժամանակ քննչը բերդից դուրս չեկավ, ամեն մի անկյունը
նա մի քանի անգամ մտավ ու ելավ, ամենատեսակ տեղեկութիւններն
ու բողոքները գրի առավ և սիրտը ցաված գործված անիրավութիւնների
վերա՝ դարձավ յուր բնակարանը:

Ով չուշտ՛ ևա կուշտ, մինչև բերդի դուռը աչքով ճանապարհ դրեց
Սաքոն քննչին և ուրախ-ուրախ ետ եկավ, մտավ ինչանի մոտ:

Այդ օրը Սաքոն մինչև մութը գետինն առնելը ծերունու մոտից չհե-
ռացավ:

Սաքոյի գնալուց հետո ինչանին կրկին փոխադրեցին յուր միայն
նարանը:

ԽԵ

ԱՉԱՏՈՒԹՅՈՒՆ

— Ա՛յ, ադա ինչա՛ն, եկավ քո ցանկացած շինովնիկը, դաբալեն՛2
գրիլ եմ տվել, պատրաստել, մնացել ա քո ձեռք քաշելը. սա կտեսնի իր

աչքովն ու կհաստատի,— տուն մտնելով մյուս օրը հեշանի մոտ՝ Սա-
քոն բերեց մի գրագիր յուր հետ:

— Հետո խոստմունքը պտի կատարվի,— հարցրեց հեշանը:

— Երկու սհաթ չի քաշիլ. ամեն բան վերջացած ա, միայն էս թղթի
համար ա բանդ էլած:

Սաքոն ծոցիցը հանեց մի գրոշմավոր գրած թերթ և դրեց հեշանի
սուաչը:

Թե ի՞նչ թուղթ էր այդ, ի՞նչ շինովնիկ էր՝ մենք մեզ թույլ ենք տա-
լիս ետ դառնալ երեկվան օրը:

Ասացինք, որ Սաքոն մինչև բերդի դուռն աչքով հետևեց քննչին և
երբ միամտվեցավ, որ նա էլ դառնալու չէ, ինքն ուրախ-ուրախ մտավ
հեշանի մոտ և մինչև գետինը մութը բռնելը՝ այնտեղից դուրս շեկավ:

Ահա՛ թե ի՞նչ էր անում Սաքոն ծերունու մոտ:

Ով չուշտ՝ ես կուշտ. էս էր Սաքոյի վճիռը. նա մտածում էր՝—
տո՛, ընչանք ե՛րբ համբերեմ, իմ դովրանն՝ անց կացավ, իմ բարեկամ
մովրովն էլ ոտի կանոնողը չի, նրա ժամերը դուս եկան, թե էս մի բանն
էլ ձեռից թողամ, ըստուց հետո մի ասեղ չի ընկնիլ ձեռս, որ մասիցս
փուշ հանեմ:

Այս մտքով նա մտավ հեշանի մոտ և յուր պերճախոսությունը գործ
դրեց:

— Աչքդ լի՛ս, աղա հեշա՛ն, — ժպտալով տուն ընկավ Սաքոն, —
համա ավելի լավն էն ա, ասենք՝ մեր աչքը լի՛ս:

— Ի՞նչ կա:

— Էն կա, որ էգուց քո նեղություններին վերջ կլինի, էսօր բանտու-
մը մնալուդ վերջին օրն ա. ամեն բան պրծավ, մովրովն եկավ նաչալ-
նիկի մոտ, երկար խոսաց ու էգուց պտի գա իր ձեռքովը քեզ ազատի:

— Սաքո ջա՛ն, բերան չի՛ տաճար ա՞, դու ինձ համար ավետարեո
հրեշտակ ես դառնում, ես քո լավությունի տակիցը ո՞նց պտի դուս գամ:

— Իմ վարձքս հենց էն ա, որ դու ազատվում ես. ես մի անգամ
քեզ ասել եմ, որ կմեռնեի, որ քեզ ըստեղ թողայի:

— Շատ շնորհակալ եմ:

— Բայց, հեշան աղա՛, բարկանաս ոչ, մի բան եմ արել, ես գի-
տեմ, որ ինձ հարկավոր չէր առանց քեզ հարցնելու ինձուզուլիս ուրիշի
ապրանքի վրա իրավունք բանացնելը, համա էլ ժամանակ չկար:

— Ամեն բան քեզ մատա՛ղ, Սաքո ջա՛ն, թեկուզ սաղ մլթերս էլ վեր
կալած սրան-նրան բաշխած ըլիս՝ դու ողջ ըլիս, ինձ դարուլ՝ ա:

— Չէ՛, ախար ինձ հարկավոր չէր ինձուզուլիս բան անիլը:

— Ի՞նչ ես արել:

✓ — Իմ հիքու մոտի քո ունեցած հիքին ծախել եմ:

— Ո՞ւմ ես տվել:

— Ես ինքս ինձ վրա եմ ծախել, ծախողն էլ ես եմ, առնողն էլ. զար-
մանալ մի՛, հեշա՛ն աղա, առաջ լսի՛, հետո ինձ քարկոծ արա՛: Դու գի-
տես, որ ժամանակիս ախպերն էլ առանց կաշառքի բան չի շինում. քո
հիքին ես կաշառք տվի:

— Սաքո ջա՛ն, չեմ հասկանում՝ ի՞նչ ես ասում:

— Հենց հիմի կհասկանաս: Էս տարի մի օր մովրովն ինձ ասեց,
որ ուզում ա Աշտարակ ինձ մեր հիքումը դռնաղ՝ գալ: Ուրախությունով
ընդունեցի ու մի լավ քեֆ շանց տվի, սաղ Աշտարակը, մհալի առաջա-
վոր իշխանները կանչված էին: Դեռ հացը չքաշած, տեսա, որ մովրովը
առանուտերին քցել ա առաջն ու ողջ հասարը՝ մեր երկուսի բաժինն էլ
ման ա գալիս: — Ի՞նչ լավ բաղ ունիս, Սաքո՛, — ետ դառնալու ասեց
մովրովը, — շատ հավանեցի:

— Քեզ փեշքլաշ՝ ա, — ասեցի, — գլխիդ մեռնիմ: — Շատ շնորհա-
կալ եմ, — ասեց, — քո ընծեն սիրով ընդունում եմ, բայց ինձ ասա՛.
բոլոր հասարը քոնն ա՞, թե ուրիշի էլ կա: — Չէ՛, աղա, — ասեցի, — կեսն
էն նաչար՝ հեշանինն ա, որ հիմի բերդումն ա: — Հա՞, — ծիծաղեց մով-
րովը, — ի՞նչ ես կարծում, Սաքո՛, — հարցրեց նա, — հեշանն էլ իր բա-
ժինը չի՞ ընծայիլ ինձ, եթե ես նրան Սիրիից ազատելու լինիմ: — Ընչի՞
չէ, — ասեցի, — գլխիդ մեռնի՛մ, դու էդ լավությունն արա՛, իմ աչքի վրա
քո ղուլլուղը:

— Էդ խոսքն էդպես մնաց, հացը կերան, քեֆը քաշեցին ու վերկա-
ցանք իրար հետ գնացինք Չեյվա: Ի՞նչ ես ասում, աղա հեշա՛ն, դու մի՛
ասիլ, էդ մարդը դրուստ մտքումը դրել ա մեր երկսի հիքին էլ զավթի՞,
յախիցս՝ կայավ, ձեթ դառավ, պոկ չեկավ. թե քո բաժինն էլ, հեշանի
բաժինն էլ ինձ համար ձեռք բե՛ր: — Ի՞նչ անեմ, ո՞նց անեմ, ջանս ցա-
վում ա, ես ո՞նց վերցնեմ աչքիս լսի պեռ պահած բեշարած՝ հիքին տամ
մովրովին: Կմկմում եմ ու սուս կենում: Մի քանի օր ըսենց անց կա-
ցավ: Մի առավոտ յասավուն եկավ ինձ կանչեց: Տուն մտա թե չէ, ոնց
որ մի քար վերցնես, մարդի գլխի քցես, էնպես մովրովի խոսքերն ինձ
կիսաջան արին:

— Տե՛ս, — ոչ տարավ, ոչ բերեց մովրովը, — ինչքա՞ն անպիտան:

1 Բարեբախտ ժամանակը: 2 Հանելի:

1 Հյուր: 2 Պարիսպը: 3 Բնծա: 4 Անճար: 5 Տիրապետել: 6 Օձիք: 7 Մշակված:

ես, թե դու իմ խաթրս չէիր կտորել, քո բազն ու քո հարեանի բազն ինձ էիր ծախել, խեղճ ծերունին հիմի Սիրիոյից պրծած կըլնեիր:

— Ի՞նչ ծերունի, ի՞նչ Սիրիոյ, — դողալով հարցրի ես:

— Է՛ն, ասեց, — որ տեղանի գործը վճռվել ա, երեք օրից Սիրիոյ կտանին, դու որ էն բազն ինձ դմիշ շարիր՝ տալը, ես էլ գրեցի նաչալ-նիկին, գործն ինքն իր ձեռովը քրքրեց տեղանին սիրիական արեց:

— Ամա՛ն, աղա ջա՛ն, ոտիդ տակին մեռնի՛մ, — գոռացի ու ծընկ-նեց փաթաթվեցի, — էդ վճիռը փոխիլ տո՛ւր, մնի տեղակ հինգ հիքի քեզ մատաղ:

— Ինձ մինն ա պետք, — ասեց մովրովը, — թե որ դու էլ ու տեղանն էլ էն բազն ինձ վրա կծախեք, տեղանը կպրծնի, թե չէ՞ թող գնա կորչի՛:

— Գլուխդ ի՞նչ ցավացնեմ, տեղան աղա՛, — շարունակեց Սաքոն, — էն քարասիրտն ինձանից մի ձեռացագիր առավ, որ սաքի, թե ողջ երկուսիս բաժինն էլ իմն ա, ու ես իր վրա ծախեցի, դաբալեն էլ սրանից երկու տարի ետևան թվականով գրիլ տվեց:

— Էդ ծուռը-մուռը ճամփեքն ընչի՞ էր բռնում, — հարցրեց տեղանը:

— Ընդուր որ իզը՞ կորչի, թե կաշառք ա վերցնում, սաքի թե երկու տարի առաջ, որ ասել ա՛ հիմի, ես քեզանից առել եմ քո բաժին հիքին ու երկու տարի ետն իրան ծախել: Հիմի կուզես բարկացի՛, կուզես նեղացի՛, տեղան աղա՛, ես մեր երկսի բաժինն էլ միացրել եմ ու առանց քեզ հարցնելու մովրովի անումովը դաբալա տվել: Թե որ ինձ դաբալա կտաս, որ դու էլ ինձ ես ծախել՝ շատ լավ, թե չէ նրա տեղակ իմ մեկել բազերն էլ քեզ կտամ, թող իմ բաժինը կորչի, թաք ըլի՞՞՞ դու ազատվիս:

— Էդ ի՞նչ խոսք ա, Սաքո ջան, — դարձավ տեղանը դեպի նախկին միկիտանը, — դու ինձ համար որ էդ բանն արիր, հենց գիտես, թե ես կթողա՛մ, որ քո արքատն՝ ինձ վրա կորչի. գնա՛, մի դաբալա գրիլ տո՛ւր, բե՛ր ես ձեռք քաշեմ, տար մովրովին. երբ որ ըստեղից դուս կգամ, տես թե քո բաժին հիքու տեղակ ինձանից ի՞նչ ես ստանում:

Ահա այդ կալվածագիրը, կամ դաբալեն էր, որ մյուս օրը Սաքոն մի վարձկան գրագրի հետ տուն բերեց ու տեղանի առաջը դրեց:

— Աղա՛, — խոսեցավ տեղանը գրագրի հետ, — ես իմ խելքիս թամամ՝ ժամանակը իմ հոժար կաճքովս Աշտարակումն ունեցած իմ կրի առվի տակի հիքին ծախեցի Սաքոյին ու էս գլխիցն էլ փողեքն ստացա, թե որ օրենքի առաջին պատասխան տալու բան կա, խնդրում եմ դու վկա ըլնիս:

1 Խնայեցիր 2 Հեռք: 3 Միայն թե: 4 Խաղողի վազի ծառը: 5 Կատարյալ:

— Սաքոյի խոսքովը ձեր դաբալեն ես գրեցի, — պատասխանեց գրագիրը, — բայց մինչև քո հրեւոյ շտեմանի, ես իրավունք չունեի սրան փալը, հիմի քեզ մնում է գրիչն առնել և ստորագրել:

Տեղանը դողողալով կալվածագիրը ծնկան վրա դրեց:

Սաքոն հանեց գրիչը, թաթախեց պղնձյա երկայնակոթ թանաքամանի մեջ և տվեց տեղանի ձեռքը:

Գրչի ծայրը դեռ թղթին չէր առել, դեռ նոր տեղանն ուզում էր գտնել ստորագրելու տեղը, որ բանտի դուռը ետ բացվեցավ և տուն ընկավ Սմբատն երկու պոլիցիական աստիճանավորների հետ:

— Ափու ջա՛ն, դու ազա՛տ ես, — գոռաց Սմբատն ու վազելով մոտեցավ տեղանին:

Մերունու ձեռքերն ևս ավելի դողացին, գրիչը ձեռքիցը վայր ընկավ:

— Սմբատ ջա՛ն, քե՞զ եմ տեսնում, — ասաց ծերունին ու իրեն չիմացավ. նա Սմբատի գրկումը սեղմված էր:

Չեմ կարծում, որ Սմբատը նկատած լիներ տուն մտնելուս Սաքոյին ու գրագրին. նա ինքն էլ այն ժամանակ միայն ուշքի եկավ, երբ յուր հետի եկող պոլիցիականները խլեցին նրա գրկից տեղանին:

Փեսա և աներ աշքները բաց արին և իրանց մոտ գտան միայն երկու աստիճանավորներին և բանտապետին. վերջինս սիլիթնած՝ կանգնած էր դռան մոտ և երկյուղից գողում էր:

— Բայց ի՞նչ եղավ Սաքոն յուր գրագրի հետ, — հարցնում ես ինձ, ընթերցո՞ղ:

— Լսի՛ր. Սմբատի տուն ընկնելուն պես Սաքոն խլեց տեղանի ձեռքից կալվածագիրը, վերցրեց գրիչն ու յուր հետի գրագրին աշքով անելով՝ դուրս ընկավ սենեկից: Այնքան արագ կատարվեցավ այս գործողութունը, որ պոլիցիական աստիճանավորները մի-մի ստիճեր միայն նկատեցին ու չի էլ հետաքրքրվեցան նոցա մասին:

— Դու ազա՛տ ես, ափու ջա՛ն, — կրկնեց Սմբատը տեղանին, — ասաված հախը նհախին շտվեց, մի նոր քննիչ ա եկել, նա քեզ աղատեց:

— Էս ազատութունն ինձ համար ափելի էն պատճառով ա թանկ ու սիրելի, որ քո բերանիցդ լսեցի, Սմբատ ջա՛ն, — ասաց տեղանը, — ի՞նչ էլավ Սաքոն, հիմի թող դաբալեն աա՛ ձեռք քաշեմ, հիմի հեշտ ա, էլ ձեռս չի գողողալ:

— Ի՞նչ Սաքո, ի՞նչ դաբալա, ափու ջա՛ն, — սարսափեց Սմբատը:

— Մեր միկիտան Սաքոն, ի՞նչ էլավ, ո՛ւր գնաց, հենց հիմի էստեղ էր, կրի առվի տակի հիքին իրան ծախեցի մովրովի համար, դաբալեն բերել էր, որ ձեռք քաշեմ:

— Ամենքն էլ իրանց պատիժը կտանան, ափու ջա՛ն, — հուսադրեց

Սմբատը, կարծելով, թե հեշանը ցնորքների մեջ է.— էսօր Սաքոն էլ մոզրովի օրը կընկնի, քո թշնամիքդ գլխի վրա շուռ անցան:

Մերունին ու Սմբատը միմյանց չհասկացան ու շատ էլ չհետևեցին: հեշանը լույս աշխարհ տեսավ. նա այս երեկո Աշտարակումն է:

ԽԶ

ԿՐԿԻՆ ՅԱՍԱՎՈՒՆ ՄԱՐԳԱՐԸ

Մի շաբաթ յասավու Մարգարը բուն շուներ, հանգստությունը նրանից փախել էր, ոչ ցերեկվան պաշտոնատարության ժամանակն և ոչ գիշերը պառկած տեղը չէր կարողանում մոռանալ հեշանին ու Սաքոյին, առաջինի բերդն ուղարկվելը, նրա տան գլխին եկած նեղությունները, աղչկա մահամերձ դրությունը և սրա հետ միասին Սաքոյի միկիտանությունը թողելը, յուր գինեվաճառության հետքն այնպես ճարպիկ կերպով կորցնելը Մարգարի մտածության առարկան էին դարձել. ո՛ր կողմը դարձնում էր գործը, ինքը Սաքոյի գործիք լինելն էր հաստատվում և այն բոլոր թշվառությանց պատճառն իրան էր համարում:

Սկզբումն, ինչպես մեզ հայտնի է, Մարգարն պատուժող դատաստանին թողեց Սաքոյի անիրավությունը հեշանի տան դեմ և դրանով կամեցավ բավականանալ, բայց՝ վերջումն այդ բանն էլ չօգնեց իրեն. յուր խիղճը դրանով չհանգստացավ, մանավանդ թե ավելի խոր խոցեցավ: Երբ մի անգամ էլ գնաց Աշտարակ և տանուտերիցը տեղեկացավ, որ հեշանի աղջիկը շատ չի ապրիլ: Այն բուսից նրա աչքերը կայծակի տվին, վրեժխնդրության ախտը նրա սրտումը բուն գրեց, և նա վճռեց մինչև վերջին շունը Սաքոյից յուր վրեժն առնել:

— Հսնեց բան չի դառնալ,— մտածեց Մարգարը,— օրեցօր քցելով իմ խղճմանըս ծանրանում ա, սատանա Սաքոն իր օգտի համար իմ ձեռովը մի մհալի միջին գոզված ընտանիքի կորչելու պատճառը դառավ, էլ անիրավություն չմնաց՝ արեց ու ամենքն էլ փորձանքի մեջ քցեց, ինքը վեր կացավ կորավ. ես նրա մեկել շարությունների համար չեմ նեղանում, աստվածանից իր պատիժն առնի, բայց ընչի՞ համար պտի հեշանի տունն իմ ձեռովը քանդեր. թող աստված ընչանք էն օրն իմ ջանք սաղ պահի, որ միկիտանին գտնեմ, ինադս առնեմ ու հետո թեկուզ մեռնիմ էլ, դարդ չունիմ: Չե՛ս կարող փախչիլ ձեռիցս, միկիտան Սաքո՛, որտեղ ըլիս՝ կգտնեմ, գետնի տակիցը կհանեմ ու քեզ հետ իմ հաշիվս կվերջացնեմ: Ոչի՛նք, ես սովոր եմ մարդի տուն քանդել, ես հին յասա

վուզ եմ, խղճմանըս մեռել ա, քեզ էլ չեմ խնայիլ. դեռ կաշխատեմ օրենքի ձեռովը քեզ աշխարհքի միջին խայտառակել, թե որ էնտեղից էլ դուրս պրծար, իմ գյուլի առաջիցը՝ հո՛ չես կարող փախչիլ, ընչանք աշխարհքի էն գյուլին էլ որ գնացած ըլիս, քամակիցդ կգամ ու մի օր ինձ քո աչքին կերևացնեմ:

Այս էր նրա Ձեյվից հեռանալու գիշերվան վերջին հրաժարականը. նա կամաց վեր կացավ տեղիցը, դուրս քաշեց յուր ձին ու աննպատակ ուղղեց դեպի Աշտարակ:

Շատ ժամանակ չէր, որ Մարգարն այն տեղից դուրս էր եկել. նա հաստատ գիտեր, որ Սաքոն այնտեղ չէ, բայց էլի գնաց, գյուղի այս գլխից մտավ, մյուս կողմից դուրս եկավ և ուղղակի ձին քշեց դեպի Երեվան:

Երեք օր էր՝ թափառում էր յասավուը փողոց-փողոց, ամեն տեղ Սաքոյիցն էր հարցնում և բոլորից էլ Երևանումը լինելու պատասխանն էր ստանում, բայց թե ո՛ր էր իջևանած, ի՛նչ տեղ է գտնվում՝ այդ ոչ ոք չգիտեր:

էլ գոմ ու ախոռ չթողեց՝ հարցրեց Մարգարը, Սաքոյի ձիու հետքն էլ չերևաց. սիրտը կտորած՝ հուսահատ ուզեցավ վերադառնալ և էլի գավառներումը որոնել նրան: Հենց այդ տեղն էր, որ բախտն իրան քաղցր աչքով նայեց և Սաքոյին երևեցրեց:

Այս այն ժամանակն էր, որ բազմությունը մուտ և ել էին անում քննչի մոտ, և Սմբատը թուրք պոլիցիականիցը հալածվեցավ:

Սաքոն, իհարկե, շտեսավ Մարգարին բազմության մեջ, ապա թե ոչ, այնպես անխոհեմ գործ չէր բռնիլ ու Մարգարի ներկայությամբը թուրքին չէր սովորեցնիլ, որ Սմբատին ներս չթողնի:

— Էս չավ էլավ, կաղը կարմնջումն եմ բռնել,— մտածեց Մարգարն ու այդ բուսից Սաքոյի հետքը չթողեց.— դեռ թող մի երկու օր էլ մնա՛ տեսնենք սրա միտքն ի՛նչ ա:

Այս խոսքերով նա քայլ առ քայլ հետևեց Սաքոյին: Նա տեսնում էր, թե ինչպե՛ս բերդն էր մտնում ու ելնում, նա մինչև անգամ տեղեկացավ Սաքոյի և բանտապետի բարեկամության համար, բանտապետի սպասավորի ձեռքով նրանց խոսեցածներն իմացավ, և ինքն էլ յուր ծրագիրն էր կազմում:

Երբ որ Մարգարը հաստատ իմացավ, թե Սաքոն մի քանի օր դեռ Երևանումը մնալու է, ինքն յուր անելիքը մտածեց: Ամեն բանից ավելի լավ համարեց նա այս նոր քննչի ձեռքով Սաքոյի անիրավությունները բաց անել: Այդ համոզմունքով նա հաջողեցրեց քննչի ծառաների հետ բարեկամություն հաստատել:

— Ես քննչի դիվանխանութիւնը չեմ ուզում երևալ, դիմացիս թշնամին շատ հեռու ա տեսնում, թե որ բան գլխի բնկնի, գլուխը կառնի կկորչի, լալն էն ա՝ մի իրիկուն իր տանը տեսնեմ ու ամեն բան տեղնուտեղն իրան հայտնեմ:

Ահա այս վճռի վերա հաստատված՝ նա տնայատակ թափառում էր Երևանի հրապարակներում, երբ աչքովն ընկավ քննիչը ամբողջ առաջն ընկած՝ դեպի բերդը գնալուս:

Մարգարն ամբողջ հետ ներս մտավ բերդն և քննչի քամակից գնում էր: Նա հանկարծ կանգ առավ. նրա աչքովն ընկավ Մաքոն, որ շփոթվածի նման քայլերը փոխելով ժողովրդի հետ, մի աչքը դեպի ետ էր:

Մարգարը բաց Մաքոյի և պոլիցիականի խոսքերն և տեսավ Մմբատին դուրս անելը:

Էլ շնտենց յասավուր քննչին, Մաքոյի հեռանալուց հետո ինքն էլ դուրս գնաց Մմբատի քամակից և նրան հանդիպեց ճիշտ այն ժամանակ, երբ խեղճը հայածված պոլիցիականի մտրակից, հուսահատ կանգնած էր սուրբ Մարգարի եկեղեցու կողմերն և չէր իմանում՝ ո՛ր դնա կամ ի՛նչ ճանապարհ բռնի:

Մուկը գետինն առել էր այսօր, որ քննիչը տուն եկաւ: Նա յուր տունը մարդ չէր ընդունում և կարիք էլ չկար, ամեն ոք կարող էր ազատ մտնել նրա իրավարանն և յուր ցավերը հայտնել:

Մառայի մի-երկու խոսքը բավական եղավ քակտել տալ քննչին յուր դրած կարգը. նա իսկույն հասկացավ, որ յուր ձեռքի տակն էլ չարագործութիւններ են կատարվում, որ ամեն խնդրատու ներս չեն աւելում, որ ինքն յուր այդքան ճշտութեան մեջն էլ դեռ շատ պակասութիւն ունի և յուր կամաց հակառակ՝ չի կարողանում ժողովրդի պահանջը կատարել:

Իսկույն նա ընդունեց յասավուր Մարգարին և Մմբատին:

— Աղա ջա՛ն, գլխիդ մատա՛ղ, — երկուքն ի միասին քննչի ոտքերն ընկան:

— Ի՛նչ ունիք, պատմեցե՛ք, — բարձրացրեց նրանց քննիչը, — միտ միտ եղե՛ք, որ ձեր խնդիրն առանց ուշադրութեան չի մնալ:

Մարգարը մի առ մի պատմեց յուր խարված օրից, ինչ որ անցել էր, կցելով դրա հետ և Մաքոյի ու մովրոզի բոլոր արածները, իսկ Մմբատը շարունակեց տեսնելու տան ներկա գրութիւնը պատմել:

Քննչի անձը ըստմնեցավ, նա ալլալվեց. նա յուր արած քննութեանց մեջ շատ գործեր էր բաց արել, բայց այսպիսի եղեռնագործութեան առաջին անգամն էր լսում: Նա երբեք չկասկածեց ճշտութեանց մասին:

— Ո՛ւր է այժմ այդ ձեր ասած զարմանալի հանձարի տեր միկիտանը, — հարցրեց քննիչը:

— Չիմի Երևանում ա, գլխիդ մատա՛ղ, — ասացին երկուսն էլ, — քայց նրա կացարանը ոչով չի իմանում:

— Գետնի տակից կհանեմ, — շեշտեց քննիչը վերջին բառը:

— Էգուց ինքք լիսնակի պես ոտներդ կընկնի, աղա ջա՛ն, — ասաց Մարգարը, — նա քո դիվանխանի դռներիցը չի հեռանում, նա ուզում ա իմանալ, թե ի՛նչ տեղ մնացիք մովրոզի գործերը. նա գիտի, որ Մմբատն աշխատում ա քո երեսը տեղեկ, ինքն էլ դրա համար քանի ջանումը շան կա, պտի շարշարվի, որ էգ բանը գլուխ չգա. էդ բանի համար նա յուր կարողութիւնի կեսը կտա:

— Այս ինչպե՛ս է, որ ես այսօր բանտումը չկարողացա տեսնել ձեր ասած տեղանին, — ատամները կրճտելով ասաց քննիչը, — մի՞թե իմ աչքիցս այդպիսի բանը կարեր փախել. ես ամեն տեղ ման եկա բանտի մեջ, բոլոր մատյանները քրքրեցի և այդպիսի մի անուն չտեսա:

— Բանտապետի սենյակն էլ մտա՛ք, գլխիդ մեռնի՛մ, — ասաց Կարապետը Մարգարը, — նրա քննու օթախն էլ բաց արի՛ր:

Քննիչը զարմացական դեմք առավ:

— Ոչինչ բանի վրա մի՛ զարմանալ, աղա ջա՛ն. դու իմաստուն մարդ ես, շատ մարդիկ ես տեսել, քայց ես իմ պոլիս կտամ, թե որ միկիտան Մաքոյի պես մարդ տեսած ըլիս:

— Այս բոպեիս ես ինքս կերթամ բանտն և ամեն անկյունները հարկից կխուզարկեմ, — ասաց քննիչն ու տեղիցը կանգնեց:

— Թե ինձ կլսես, աղա ջա՛ն, շեա շտապիլ, — ասաց յասավուրը, — լծակ ու ծուկեր քրքրելու կարիք չկա. տեղանը հիմի էլ ետ իր օթախումն ա, քո գնալուց ետը բանտապետի ննջարանիցը հանեցին. եթե ինձ չես կովատում, էգուց առավոտ ինքդ գնա՛ ու տե՛ս:

Քննիչն անպայման լսեց Մարգարի խորհուրդը, հրամայեց երկուսին էլ գիշերել յուր տանը և մյուս օրն առավոտյան երկու պոլիցիական աստիճանավորների հետ ուղարկեց նրանց տեղանին ազատելու:

— Մաքոն հիմի բստեղ կըլնի, գլխիդ մեռնի՛մ, — ասաց Մարգարը, — էս քշեր նա քնած չի ըլնիլ. ես լսեցի, որ նա ուզում ա տեղանի բաղը ճանդը քցել. դու Մմբատին ու էս երկու աղեքանցը հրամայի բանտը մտնի, ինձ հրաման տո՛ւր, որ դռներ Մաքոյի բուտունը պահեմ, որ աչքից չփախցնեմ:

— Իրավունք ունիս, — հրամայեց քննիչն և ճանապարհ դրեց նրանց, քայց ավելի զգուշութեան համար մի քանի դարանակալներ էլ նրանց քամակիցն ուղարկեց:

Մեզ հայտնի է, թե ինչպե՞ս ներս մտավ Սմբատը Խեչանի մոտ, ինչպես Սաքոն հափշտակեց Խեչանի ձեռքից կալվածագիրն և դուրս ընկավ յուր ընկեր գրագրի հետ:

Ոչ դարանակալներն և ոչ Մարգարն իրավունք ունեն ձեռքակալի Սաքոյին, նրանք միայն աչքով պահեցին:

Խե՛ղճ Մարգար, հոգին դուրս եկավ Երևանի շուկան պտտելով, հարյուրավոր ծանոթ ու անծանոթից հարցրեց, ոչ ոքից բավարար պատասխան չառավ. Սաքոն մի կաթիլ ջրի պես Երևանու մեջ աներևութացավ: Գարանակալներն էլ յուրյանց պաշտոնը չկարողացան կատարել:

Շատ զղջաց քննիչն յուր անխոհեմության մասին, յուր մեծագործությունները յուր աչքին նվաստացան, ինքն իրեն հաղթված համարեց Սաքոյի մեծության և հանճարի առաջին:

Երեք օր ամբողջ պուլիցիան Երևանը տակնուվրա արեց քննիչ հրամանովը. Սաքոն չկար, ու չկար:

Գավառակապետներն էլ հոգեհան եղան, միկիտան Սաքոն շերևաց: — Ցավն այս է, — նեղանում էր քննիչը, — որ այս մարդն արդարև կա, ամենքը նրան ճանաչում են, և այժմ աներևութացավ:

— Աշխարհքի էն ծերն էլ գնացած ըլիս, միկիտան Սաքո՛, ես երկաթի տրեխներ պտի հագնեմ, երկաթի գավազան ձեռս առնեմ ու թոքամակիցդ գամ, թո իզը շես կարող կորցնիլ, իմ ձեռիցը շես պրծնիլ:

էս վճիռը տվեց յուր մեջ յասավուլ Մարգարն ու գլուղե-գլուղ, քաղաքե-քաղաք, ձիու վրա նստած, ամիսներով պտտում էր Սաքոյին:

ԽԷ

ՀԱՐՍԱՆԻՔԸ ՈՒ ՄԱՀՆԵՒՔԸ ԱՆՊԵՐ ԵՆ

Շատ զարմացավ Խեչանը, երբ Աշտարակ մտավ, իրենց տանը մտնեցավ և յուր ընտանիքից ոչ ոք նրա առաջը չդուրս եկավ: Նա տեսնում էր, որ ամեն մարդ գալիս, աչքալիս էին խոսում, ջահելներից շատերն էլ վազում են դեպի յուրյանց տունը ավետելու, կամ ժողովրդական խոսքով՝ անկաջրոնուկ տալու, բայց յուրյանցից առաջ եկող չկար:

Առանց այդ էլ Խեչանի վերա ուժ չէր մնացել, հիմա երբ կասկածն ավելացավ, երբ յուր ընտանիքը տեսնելու փափագի վերա յուր տանը մի գծրախտ արկածք պատահած լինելու երկյուղն էլ վրան եկավ, բոլո-

րովին ձեռաց գնաց, փոքր մնաց դեռ յուրյանց դուռը չհասած՝ ձիու վրայից վայր էր ընկնում:

Բակի դռան շեմքի մյուս երեսին էր, որ Հերիքնազը ծերունու ձեռքը համբուրեց:

— Բաս ո՞ւր ա Հեղնարս, — դողդոջուն ձայնիվ հարցրեց Խեչանը:

— Տանն ա, մի քիչ քեֆ չունի, — շատ նվազ պատասխան եղավ:

— Ախպեր ջա՛ն, — սենեկի դռանը ծերի վզովը փաթաթվեց Մարիամը, — ախպեր ջա՛ն, թո քիրը մեռնի՛, էդ ի՞նչ օրն ես ընկել, — ճշաց նա և ուշագնաց եղավ:

— Այ քի՛ր, աչքերդ բաց արա՛, նվաղելու վախտ չի, էսօր մեր տանն ուրախություն պտի ըլնի, համա սիրտս ուրիշ բան ա ասում: Հեղնարս չի երևում:

Շրջապատողներից ոմանք ետ քաշեցին Մարիամին:

— Հեղնա՛րս, ուր ա Հեղնա՛րս, — տուն մտնելով գոչում էր Խեչանը, — չըլի՞ թե աչքս դուս ա եկել:

— էստեղ եմ, ափու ջա՛ն, — շատ թույլ ձայն եկավ վերին անկյունից:

Հիվանդն ինքնին կարողացավ նստել անկողնի մեջ:

— Վա՛յ գլխիս... — ահա այն միակ հնչյունը, որ լսելի եղավ թըշվառ ծերունու բերանից:

Այստեղ իմ գրիչս կանգ է առնում. խոսքեր չեմ գտնում այս սրտաշարժ տեսարանը նկարագրելու. ամեն ոք թող ինքը մի քանի բոպե աչքի առաջ բերի այդ տխուր հանդեսը և կզգա:

Հայր ու աղջիկ, երկուսն էլ հիվանդ, երկուսն էլ հալումաշ եղած, երկուսն էլ ուժահատ, խոսելու կարողությունից զրկված՝ գրկախառնված մնացել են. հորը Սմբատն է գրկել քամակի կողմից ու պահպանում, իսկ աղջկանը՝ Հերիքնազը. լռությունը տունը տիրել է, ներկա եղողների միմիայն աչքերի արտասուքն է երևում և հառաչանքների ձայնն է գալիս, ամենքն անշարժ են և տխուր վկա են այս հոգեմաշ տեսարանին:

Փոքր-ինչ հեռվումը երկու հոգի ևս բռնել են մի պառավ կնոջ, որի հեկեկանքը միայն չի լսվում և աչքերումն արտասուք չի տեսնվում: Խեղճ Մարիա՛մ, նա թեպետ սթափվել էր եղբոր խոսքերից, բայց նախկին արձանացած դրությունն էր ստացել և, եթե լինայեմ ասելը, խելքը կորցրել էր ու չէր իմանում արածը: Նրա երեսի մկանունքը միայն շարժվում էին, երբեմն ծիծաղական էին այդ ծամածռությունքը, երբեմն բարկացական և երբեմն զարմացական:

— Սմբա՛տ, ի՞նչ ես սպասում, — կամաց քփչաց Հերիքնազը, — երկուսն էլ ձեռաց գիւցին, ետ քաշեք սրանց:

Եւեղանի ուշքը գլխին էր, նրա ազանքը սուր էր. Հերիքնազի խոսքերը նրան, ինչպես քնից, զարթնացրին. նա ինքն ամենայն զգուշութեամբ ետ բացեց դասեր կռենրն յուր վզից և Հերիքնազի ու Սմբատի օգնութեամբ պառկացրեց անկողնուժը:

— Ափու ջա՛ն, բարո՛վ, հազար բարի՛ ես եկել,— աչքերը բացեց Հեղնարը,— կրաշխես, որ քեզ տեսնելու վրա ուրախացա ու սիրտս թիւլացավ. հիմի էլ երկչուզ մի՛ անիլ, խելքս գլխիս եկավ. հիմի ես հասկանում եմ, թե դու ի՛նչ նեղութիւններ ես քաշել, որ էղբան փոխվել ես. մի կողմից թե՛ մեր հոգան ա քեզ մաշել, մեկել կողմից պարզ երևում ա, որ շատ ես տանջվել ու շարշարանք քաշել, թե չէ մի դարդը, ասած ա, մարդ չի սպանիլ: Այ ազգակա՛ն, բարեկամնե՛ր,— դարձավ դեպի հանդիսատեսները,— շատ շնորհակալ եմ ձեզանից. գիտեմ՝ դուք էլ ուրախացել եք իմ հորս ազատվելու վրա ու եկել եք ձեր սրտի ուրախութիւնը մեզ հայտնելու. բայց թողութիւն կանեք, էս իրիկունը մեզ մենակ թողեք, մեր սրտի կարտը իրարից առնեք, ու էգուց ամենքդ էլ համեցն՝ք մեր տուն աչքալիս, մեր գլխի վրա տեղ ունեք: Հոքի՛ր,— ձայնը բարձրացրեց հիվանդը,— հերի՛ք ա, ուշքի արի՛, մոտացի՛, մեր կշտին նստի՛:

Ամենքը դուրս գնացին:

— Ես քո ջանին մեռնի՛մ, Հեղնար ջա՛ն,— ասաց Եւեղանը,— դու էդ ի՛նչ հալի ես, մկար՛ Սմբատն ինձ խաբում էր, որ ամեն վախտ գալիս քո առողջութեանի խաբարն էր բերում ինձ. ես տեսնում եմ, որ դու իմ գնալուց ետը տեղաշորի միջից վեր շես կացել:

— Էդ ամենը թո՛ղ, ափու ջա՛ն, մեզանից ոչ միե՛ր մեկելիցը պակաս չի շարլովել. քո վրիցը երևում ա՛ ինչ որ քաշել ես բանտի մեջ. քերդ տեղնուտեղը ոսկոս ա դառել, Հերիքնազս էլ քո թողած ալ վարդը չի, ավելի վատթար կըլնեք, թե որ սազ տան զահրը՞ շինքին շրջներ. Սմբատն էլ քիչ չի վեր դիպել... ախ, ափու ջա՛ն... էս ի՛նչ փորձանք էր, որ մեր գլխին եկավ...

Հեղնարն էլ չկարողացավ շարունակել, հազն և շնչարգելութիւնը նրա ձայնը կտրեցին: Մոլորմելին չէր ուզում տեղիք տալ այդ արտաբաններին. շատ ուզեցավ էջի սկսել խոսակցութեանը, բայց հնար չեղավ. ճարը կտրած՝ չուել, հօք երեսին նայելով արտասուքի կալակներ էր թափում աչքերից:

— Հեղնար ջա՛ն, արեիդ մեռնի՛մ,— խոսեցավ Հերիքնազը,— ի՛նչ բանի ես, միտք արա՛, որ դրանով քո հորդ ողջ-ողջ գերեզման կգնես,

1 Մի՛թե. 2 Հոգու:

հանդարտվի՛, սիրող բանի՛, քեռուս անդանակ մի՛ մորթիլ ու քերթիլ. տե՛ս թե ի՛նչ օրն ա ընկել:

Հիվանդը փոքր առ փոքր հանգստացավ. հազց դադարեց. նա աչք ձեռքով նշան տվեց, որ ինքն այժմ իրեն լավ է զգում:

— Ափու ջա՛ն,— մի քանի ժամանակից հետո ասեց Հեղնարը,— սիրտս նստեց, ես ուզում եմ քեզ հետ խոսալ, պոտի անկաջ անես:

— Քեզ մատա՛ղ, Հեղնար ջա՛ն,— մեջ մտավ Հերիքնազը,— դեռ որս վախտը չի, դեռ թող քեռիս էլ մի քիչ դնջանա, դու էլ մի փոքր ուժի արթի՛, փառք աստծու, հիմի էլ հո՛ դնալու չի, հիմիցից դենը ամեն օր մեր կշտին ա, էգուց, էլօր կխոսաս:

— Չէ, խնդրում եմ, ինձ ոչ ով չխառնի,— հրամայաբար ձեռքը բարձրացրեց հիվանդը,— էլ բատուց հարմար ժամանակ չի ըլնիլ. ես ափտեմբ դատուն էի սպասում, իմ ասելու խոսքերը սիրտս կրծում էին, շատ վախտ ա՛ էս օրին էի մեռում ու հիմի, փառք աստծու, արժանացա, իմ աստվածք մեծն ա էլեք, խնդրոս քեռնին շնորհք:

— Ես ուզում եմ, որ խոսա եքխես,— մեքենաբար ընդհատեց Թեոքենին,— դրա ասածներն ինձ համար սուրբ են, դրա խոսքերն ավետարանի պես պոտի կատարեմ, դա վատ բան չի հանիլ իր բերնիցը:

— Ետա շնորհակալ եմ, ափու ջա՛ն, քո հոգին էլ վկայել ա, սրտեք դեռ ջահել են, ոչինչ չեմ հասկանում,— ողորդեց հիվանդը.— բաս լա՛ք, ինչ որ ասում եմ. քո բունվելու օրից դեռն իմ մեջքս գետնիցը չի կտրվել, ես էս տեղաշորին եմ տեսել, տեղաշորն ինձ:

— Իմ աչքերը դուս գան, բալա ջա՛ն,— մեջ ընկավ Խեչանը:

— Չէ, վնաս չունե՛ք, ես ուրախ եմ էս բանի համար. աստված արարողատ ա, նա հախը նհախի՛ն չի տալիս, ես էս պատժին արժանի եմ եղել. թե որ ես չպատժվեի, շատ պոտի տեղանայի. Ղորթ ա, ափու ջա՛ն, մեր տունը մի հայալ տուն ա էլեք, դորթ ա՛՞ դու միջոտ ճշմարտութեանի հետ ես դնացել, բայց դեռ բանից խաբար չես. ոնց որ քո սիրան ա, ուրիշի սիրտն էլ ընենց ես կարծել: Դու չես իմացել, թե քո տանը մի փուշ կենդանի կար, որք պատճառով աստված մեր ողջ ընտանիքին պատժեց, պատժեց ու դրանով ինձ ուրախացրեց. թե որ չէր պատժել նրան, թե որ նրա տեղակ մենակ դու ապաշխարանք քաշեիր, ես շատ պոտի նեղանայի:

— Իմ տանն ուրիշ մեղավոր չկա, բայա ջա՛ն. ես եմ քո ասած անարժանը, ե՛ս եմ, ու աստված էլ իմ մեղքն իմ երեսովը տվեց,— խոսեց խլից Խեչանը:

— Չէ՛, դու չես, ափու ջա՛ն, աստծուն բարկացնողն ես եմ, իմ

պատճառովը դու էլ զուր տեղը կրակի մեջ ընկար. քո մեղքը հենց էն-
քան էր, որ ինձ պես անպիտան աղջկանն երես տվիր ու սիրեցիր, ու
երբ որ ես աստծու ընդդեմ բան էի անում, դու կոնիցս բռնած՝ ետ շքա-
շեցիր: Մենակ դու չես մեղավորը, էս տան գտնվողներն ամենքն էլ մե-
ղավոր էին ու իրանց մեղքն ապաշխարեցին:

— Ի՞նչ ես ասում, Հեղնար ջա՛ն, ես քո խոսքերդ չեմ հասկանում,
ու սվ էս բանի մեջ մեղավորություն չունի, դուք ամենքդ էլ լսի պես ար-
դար եք: Քե որ աստված մեր տան վրա բարկացավ, ասեցի, որ իմ մեղ-
քիցն էր, դուք իմ տեղակ տանջվեցիք. ասում ա՛՝ հերերը ժուռ կերան,
որդկերանց ատամն առավ:

— Համբերի՛, ափու ջա՛ն, ես իմ խոսքերս մի-մին պարզեմ. գի-
տե՞ս ինչ ա մեր մեղավորությունը. դու մեղավոր ես ընդով, որ մի մատը
անհասկացող երեխի գլուխը կապել ես, բաշիֆյարքմա ես արել. ես մե-
ղավոր եմ ընդով, որ խելքի եկած օրիցս քո խոսքը չեմ ուզեցել կատա-
րել, քո հակառակ եմ գնացել. թողած իմ նշանածին սիրել եմ մեր հա-
րկանի տղա Արշակին ու կամք եմ տվել իրան գնալու. հոքիրս մեղավոր
ա, որ մի կողմը թիլա՛ ա թողել, վրես լավ չի հսկողություն ունեցել. դրա
համար էլ՝ ես իմ շափս չեմ ճանաչել. Հերիքնազս մեղավոր ա, որ իմա-
ցել ա մեր միջի սերը ու քեզ չի ասել. Սմբատն էլ մեղավոր ա, որ իր
աչքովը տեսել ա իր նշանածին օտար տղի հետ խոսալու, ու չի թքել
հեռացել, ընդհակառակն, ավելի սերն ավելացրել ա ու, ոնց որ տես-
նում ես, վերջին շնչումս էլ չի ուզում ինձ թողալ:

— Ի՞նչ ես ասում, Հեղնար ջա՛ն, — սարսափեց ծերունին:

— Հա՛, ափու ջա՛ն, խոսքումս ստույթուն չկա, քո աղջիկդ քեզ որ-
դի ասվելու արժանի չի, զորթ ա, աստծուն էլ ա հայտնի՝ որ իմ ու Ար-
շակի մեջ դատարկ խոսքերից ու երեխայական հիմարություններից ավե-
լի ոչինչ չի անց կացել, համա էդքանն էլ շատ ա:

— Դու Արշակի վրա աչք ես ունեցե՛ր, Հեղնա՛ր, — հարցրեց խո-
ժոռած հայրը:

— Հա՛, իմ հե՛ր, աստծուց թաքուն չի, քեզանից ի՞նչ պահեմ, դրա
համար էլ աստված իմ մեղքն իմ երեսովը տվեց, ու ես շատ ուրախ եմ.
հիմի խղճմտանքս հանգիստ ա, գիտեմ, որ դու պտի ներես, թե ասեմ,
որ հիմի ապաշխարել եմ ու մեղքիս թողություն ստացել: Տե՛ս, տե՛ս,
ափու ջա՛ն, — վառվեց Հեղնարի դեմքը, — տե՛ս, երկնքի զոները բաց-
վել են, հրեշտակներն երեք պսակ են բռնել իրանց ձեռին. դրանց մինը

հորացվերս ա, մինը իմը ու երրորդը քոնը. մտիկ տո՛ւր, առաջին պսա-
կին արժանանում ա հոքիրս, մեջտեղինն իմ գլխին են դնում, վերջինը
քեզ են տալիս:

— Հեղնար ջա՛ն, — թոթովեց ծերունին, — էդ ի՞նչ ես ասում. իմ
տունս մի՛ քանդիլ:

— Չէ՛, չէ՛, — ոգևորված շարունակում էր հիվանդը, — ես սուտ չեմ
ասում, մենք իրեքս էլ ճամփորդ ենք. էսօր դեռ ես ու հոքիրս կերթանք,
մի քանի օրից էլ դու մեր քամակիցը կզատ: Բայց ընչանք խոսքս չլսես,
դրախտի զոները մեր համար չեն բացվիլ. մի բան էլ ունիմ ասելու, խո-
սամ ու վիրջանա:

— Ասա՛, ասա՛, բալե՛ս, — աչքը հիվանդի վրայից շվերցնելով՝
ստակալի դեմքով ասաց ծերունին:

— Ես ասեցի, աստված մեր մեղքը մեր երեսովը տվեց, բայց նա
ինքը շատ ողորմած ա, նա չի ուզում, որ խեղանհնց խեղանի օջախն էս
աշխարհքումն անցնի ու վերջանա: էս երկուսի մեջը (Հեղնարը մատնա-
ցույց արեց Սմբատի ու Հերիքնազի վերա) աստծու հրամանովը սերը
վաղուց վառվել էր, բայց սրանք ուզեցան, որ իրանց սրտի ցանկությունն
սպանեն իրանց մեջը, էլ չիմացան, թե աստված ինչ որ տնօրինել ա, էն
պտի ընձի:

— Հեղնար ջա՛ն, — մրմնջաց Հերիքնազը:

— Իմացի՛ր, ափու ջա՛ն, — ուշք չդարձրեց Հեղնարը, — աստծու
կամքն էն ա, որ ինչպես երեսությունից դու Սմբատին փեսա ես ընդու-
նել, էնպես էլ հիմի ճանաչես, ու ինչպես որ Հերիքնազին քո հալալ
աղջկանից չես ջոկել, էսօր էլ էն աչքովը մտիկ տաս. Հեղնարն ու Հե-
րիքնազը քեզ համար մին են էլել, աստված էլ քեզ ու մեր ամենքին մխի-
թարելու համար կամենում ա, որ Հերիքնազը Հեղնարի տեղակ Սմբատի
նշանածը դառնա: Դարո՞ւլ ես, ափու ջա՛ն, աստծու հրամանին:

— Մեռնիմ աստծուն, ա՛յ, որդի. ասեցի, որ քո խոսքերդ ինձ հա-
մար ավետարանի կողքին գրվածի պես են. ես էլ հիմի հասկանում եմ,
իմ հոգիս էլ վկայում ա, որ դու զորթ ես ասում. երկնքի զոները բացվե՛լ
են ու մեզ կանչում են. եկեք, որդի՛ք, Հերիքնա՛զ, Սմբա՛տ, եկե՛ք, ձեր
քվոր առաջին յոթեցեք, — դարձավ ծերը դեպի նոցա. — ա՛յ պառավ քիրս,
դու էլ օրհնի՛՛ էս երկու երեխին, ու մենք մեր ճամփեն գնանք:

Արձանացած Մարիամը մի փոքր առաջ նստեց, իսկ՝ սիրահարներն
աչքները կախ՝ արտասվում էին:

— Ի՞նչ եք գլխներդ կախ քցել, — ձայնը բարձրացրեց Հեղնարը, —
էս էլ հո՛ ես չե՛մ, իմ հերս՝ էս տան տերն ա ձեզ հրամայողը:

Սերունին տեղիցը կանգնեց, նա բռնեց երկու ամուսնի կոնքերը և առաջ քաշեց:

— Չորեցե՛ք,— հրամայեց տեղանը:

Նոքա հնազանդեցան:

— Իմ հայրական ձեռովս միացնում եմ ձեր ձեռները,— ասաց ծերը,— ես օրհնում եմ ձեզ, իմ զավակնե՛րս, թող աստծու օրհնությունն էլ ձեր վրեն ըլի, Հեղնաբիս կամքը թող կատարվի:

— Հիմիկից դենը ես ուրախ սրտով իմ աչքերս կփակեմ. աստվածանից խնդրել եմ, որ ձեզ էս աշխարհքումս բախտավոր անի,— դողդոջուն՝ ձեռքերն երկինք բարձրացնելով մաղթեց Հեղնարն ու համբուրեց նրանց:

Սրեք ձեռք իրար հետ դրվեցան նորանշանների գլխին, երկու ձեռքերի տերերը բերանացի օրհնություններ և բարեմաղթություններ էին կարդում, իսկ երբորդը միայն լռել՝ աչքերով էր յուր սրտի զգացմունքը հայտնում:

Այդ Մարիամն էր:

— Խնամի Աղաջա՛ն, տանուտե՛ր, հասարակություն, — ասաց տեղանը հավաքված բազմությանը, — դուք մի՛ տխրեք իմ ու աղքատնս կամքը լսելով. ճակատի գրվածը չի ջնջվիլ, ինչ որ աստծու կամքն ա, էն պտի ըլնի. իմ խնդիրս մենակ էս ա, որ Սմբատիս մի փառավոր հարսանիք անեք ու Հերիքնազիս օրինավոր ժառանգ ճանաչեք:

Խեղանի խնդրանքը դերձիկ Ստեփանի տղեն գրեց կտակն և գյուղական կարգով ստորագրվեցավ:

Մյուս օրը տեղանի տանից երկու գագազ էին գուրս տանում. այդ Հեղնաբինն ու Մարիամինն էին: Ամենքը լալիս էին, իսկ ինքը տեղանը ձեռքերն երկինք տարածած՝ հեղամուտն աղոթում էր:

Այդպիսի մի մահանիք էլ մի շաբաթ ետք պատահեցավ յոթը կատարելու ժամանակը Հեղնաբի գերեզմանի վերս: Մի ծեղունի գլուխը շերիմի վերա գրած՝ լուս ու մուսը լալիս էր: Տերտերն ըստ սովորության օրհնությունը վերջացնելուց հետո ծեղի կանիցը բռնեց, ուղեցավ բարձրացնել, քր միթիթարանք խոսի՛: Քահանան ձեռքը շտապ ետ քաշեց:— Ձեր տունը չքանդվի, ձայն տվեց, նա, — սա մեռած ա:

— Խեղճ մա՛րդ, մեռունվեցիր, — կրկնեցին ամենքը, — գնա՛, աստված հօգիդ լուսավորի, պարտական ըլի էն մարդը, որ քո օջախին խեթ մտիկ տվեց:

— Ագաջան, — հառաջ կանչեց տերտերը մյուս օրը գերեզմանատանը թաղման ժամանակը Սմբատի հորը, — մեր հանգուցյալ տեղանի

կամքն էր, որ իր մեռնելուց հետո՝ դու ըլնիս իրա ժառանգների հերը և աշխատես իրա օջախի ծուխը չկտրել, շուտ հարսանիքի պատրաստություն տես, եկող շաբաթ էսքան տրամություններից հետո մի ուրախություն պտի վայելենք:

Սմբատի ու Հերիքնազի հարսանիքը շատ հաջող անց կացավ. ամենքն ուրախ էին, բայց նորապսակների սիրտը կտարած էր: Փոքր առ փոքր ժամանակն ինքը բուժեց խոցված սրտերը:

ԽԸ

ԻՆՉ ԵՂԱՎ ՄՐԿԻՏԱՆ ՍԱՔՈՆ

Մի անգամ Պարսկաստանի խորքերում մի գյուղի հրապարակի վերա ամբոխը հայհոյելով քարը էր տալիս մի թշվառ մարդի. շատերն էլ քարեր էին ձգում նրա վերս:

— Հերի՛ք է, շունչը փչեց, դժոխքը գնաց, — գոռաց մի մուլա, — դադարեցե՛ք. այժմ պետք է գյուղից շատ հեռու մի հոր փորեք և մեջը ձգեք:

— Այս ի՞նչ շփոթ է, ո՞վ է այս մարդը, — հարցնում էին միմյանցից նոր եկող հետաքրքիրները:

— Քեշիշ-աղա-մուլեն ասում է, որ սա մեր հավատը հայհոյող է և թե պետք է սրան քարկոծել, — պատմում էին մյուսներն և նորեկների մոլեռանդությունը գրգռում:

— Ո՞վ էր այդ սպանվողը և ո՞վ քեշիշ-աղա-մուլեն, — հարցնում ես դու ինձանից, ընթերցո՞ղ:

Լսիր: Քեզ հայտնի է, որ միկիտան Սաքոն արդարության ձեռքից անհետացավ. յասավուլ Մարգարն էլ նորա քամակիցն ընկած որոնում էր:

Երկու տարի էր՝ Մարգարն ամեն տեղ հարց ու խնդիր էր լինում և միկիտան Սաքոյի հոտը Պարսկաստանումս առավ:

Նա, արդարև, գնաց գտավ միկիտանին մի գյուղում և ճանաչեց: Սաքոն այժմ թուրքացել, մուլա էր դարձել, և չգիտեմ ընչի՛, գուցե քրիստոնեությունից Մահմեդի կրոնքը փոխվելու պատճառով, կոշվում էր ժողովրդիցը քեշիշ-աղա-մուլա էլիսազ:

Մինչ խեղճ Մարգարը հնարքներ էր որոնում մուլա-քեշիշ-աղայիցն յուր վրեժն առնելու, մեր նախկին Սաքոն յուր բնական խելքովը հաս-

կացավ Մարգարի գալստյան պատճառն և գրգռեց յուր ժողովուրդն ընդ-
դեմ յասավուլի, ասելով, որ այդ մարդը մարգարեի սուրբ հավատը հայ-
հոյող է և ինքը մարգարեիցը երազումը պատվեր է ստացել նրան քար-
կոծել տալու:

Քեշիշ-աղա-մողլայի կամքը կատարվեցավ:

Հիմա ասում են, որ Սաքոն մի մեծ գյուղի մողլա է: Նա շատ թշվա-
ռությանց պատճառ է դառնում, ամեն օր գլուղականաց հետ կռիվներ է
անում և բոլորին ձանձրացրել է:

Յ Ե Յ Ե Ր

**Մեյ տաղանդավոր թատրերգու
ԳԱՔՐԻԵԼ ՍՈՒՆԳՈՒԿՅԱՆՑԻՆ**
յուր 25-ամյա հոբելյանի առթիվ
ՍՐՏԱՔՈՒԽ ՆՎԵՐ ՀԵՂԻՆԱԿԻՑ

ՍԻՐԵԼԻ ԳԱՔՐԻԵԼ

Անցյալ հոկտեմբերի 23-ին լրացավ ֆո 25-ամյակը, թեպես այս
ձայնը և արձագանք տվեց բոլոր հայաբնակ տեղերում:

Եթե ֆո անփառասեր համեստությամբ արգելի եղար տաղանդդ
հարգողներին գործնականապես վկայել ֆեզ յուրյանց սրտալիր հարգա-
նաց և անկեղծ սիրո հավաստիք, մի՞թե կարող էիր սահման դնել այն
սրտերին, որոնք մոտդ նստած՝ առաջին թատրոնական պիեսդ գրելուս
ականատես են եղել ֆո երիտասարդական բորբոքալից գործին՝ հայ
թատրոնի սկզբնավորության և հարատևության համար կրած ջանքերին:

Դու հիշում ես անշուշտ, Գաքրիել, այն երեկոն, երբ առաջին ան-
գամ Քիֆլիսի ֆաղափական թատրոնումը հայ ժողովուրդը տեսավ կա-
նոնավոր հայ ներկայացումն:

Արշակ Բ-ն էր այն:

Ներկայացնողները մի ֆանի աննշան նորահաս պատանիներ էին,
որոնք նախապաշարմունքներին հանդգնեցին դիմադրել և այսօր մոռա-
ցության տված մի ժամանակակից գործիչի՝ Գրիգոր Իզմիրյանցի օգնու-
թյամբը բեմը մատչելի արին հայ ամբողջությանը:

Անշուշտ դու չես մոռացել Արշակ Բ-ի ներկայացման ժամանակ
երկու բարձր շրջանին պատկանող երիտասարդների արարքը: Նրանք
կրակ էին կտրվել, նրանք իրենց գլուխը մոռացել էին, նրանք անդադար
ժողովրդից բեմ և բեմից ժողովրդին էին վազում, նրանք դրամական օգ-
նությամբ ներկայացնողներին ֆաշալերում էին և հանդիսականների հա-
մակրական զգացմանը բարգման լինելով՝ մի բուր հանդուգներին յուր-
յանց անմիջական գործակցությունն էին առաջարկում:

Նրանք պահեցին իրենց խոստումը. նրանք միաբանած Քիֆլիսի
առաջնակարգ շրջանի ներկայացուցիչներից 12 անձանց հետ՝ մյուս օրը

համախմբվեցին Գ. Իզմիրյանցի շուրջը, հովանավորեցին պատանհներին և ընդհանրացրին քառունը:

Հայ տարեգրության պատմությունն, անկարծիք, կգետեղծ այն անուններն յուր էջերի մեջ, բայց դու քաջ հանաչում ես այն երկուսից մեկին, որ Արշակ Բ-ի ներկայացման արժանահիշատակ երեկոյից սկսած միշտ անբաժան է եղել քառունական գործիչներից և յուր սահուն գրչով, յուր անաչ լեզվով, յուր քառունական հաշող գրվածքներով օգնել է հայոց քառունի հարատևությանը:

Այդ մարդը դու ես, Գարբիե՛լ, իսկ մյուս ընկերդ անմոռանալի արժանահիշատակ բժշկապետ «Միհայել Տեր-Գրիգորյանցը», որ նույնպես մեծ հույս էր խոստանում ապագայում, երբ անգութ մահը չկարներ նորա կենաց քելը:

Հիշատակն արդարոց օրհնությամբ եղիցի:

Այո՛, Գարբիե՛լ, շգիտեմ զուգադիպարյամբ, քե մի վերջին նախագրչությանդ. «Ցեցեռս» «Մուսն» ամսագրի խմբագրության առաջարկությամբ գրեցի նույն ձևերը, նույն նշանավոր տարիներ, երբ բանում էր ԲՆ 25-ամյա գործունեության շրջանը:

Այդ ժամանակ հիշողությանս մեջ կենդանանում էին մեր անցյալ և փառավոր օտերը, ներկայանում էին աչքիս դու և վաճառուն քառն երիտասարդությամբ և կաթծես, առանց հետս խտեսելու, իսթախույս էիս տալիս՝ անընդհատ գրելու գրել:

Ամիս ու կես տեեց սկսած օրիցս և ներկա երկս արթնանցավ:

Այնուհետև ինձ մնում էր լսել նեբէին բառն զգացմանս թեբողրությանը՝ «Ցեցեռս» նվիրել և անվանը:

Թույլ տո՛ւր ուրեմն, սիրելի Գարբիե՛լ, համբու՛նել էեզ և շեմ սրտիս առհավատչան՝ չնշիե աշխատասիրությանս նվիրելով ԲՆ 25-ամյակին, ցանկալ էեզ երկառ աստիճան, երկաս կյանք և արդյունավոր գրչից առավել բեղմնավորություն, իսկ հայ քառունական նվազչայ շնչին՝ նոր ոգի և արբևություն:

ԳԵՐԸ ԳՈՐԾՅԱԼՆ

Ա.

ՈՒՐԲԱՊԱՆՈՍ

Արարատյան նահանգի մեծ գյուղերից մեկի բնակիչ էր Պետրոսենց Սամփոսնը: Նա հոր միևնույն էր: Նա գյուղի պատվական համարված երիտասարդներից մեկն էր. իգիթ, կտրիճ, ջահեհների մեջ առաջիններիցն էր, ընկեր-հարևանի, թայ ու թուշի (հասակակից) սիրելին էր, մեծ ու փոքրի պատիվը ճանաչող էր:

Սամփոսնը գյուղի առաջավոր տների զարմակ շէր, բայց վերջիններիցն էլ շէր, միջակ կարողության տան որդի էր, հարգելի ու պատվելի մսագործ Գալոյի, կամ, ինչպես ամբողջ գյուղը կոչում էր, Գալ-պիունի տղան էր:

Ընկերական խմբակներում երեկոյան ոտքը խաղաղվելուց հետո, երբ փողոցները գատարկվում էին և երթևեկությունը մնում էր միայն ազապ տղեքանցը, Սամփոսնն անբաժան մասնակից էր:

Բայց նա գյուղը սասանեցնող խմբակների անդամ չէր, այն փռացած, լիստված և զզվելի տանու գողերի, որ դուրսը, դաշտումը մի գինավորված մարդ տեսնելիս՝ կամ քարերի տակ ու փոսերի մեջ կնտնեն, կամ երկչոտությունից լեզունները կկապվի, անցորդի ձիու ոտքի տակը կընկնեն, պողոցները կպատռվի, արջունը կերթա և ա՛լ, աղա՛ (ա՛ռ, տե՛ք) ասելով իրանց հրացանն ու զենքերը միամիտ ճանապարհորդին կտանն ու կզնան գյուղի մեջ կպարծենան, որ Սղիկը, Խեչոն կամ Քյաքամն իրանց թալանեց: Սամփոսնն ասում էր այդպիսիներին, սրունք դուրսն այն աստիճան կնատ են վարվում, իսկ գյուղումը լեզունները՝ երկու գազ մեծացնում են, ո՛չ մեծ են հարցնում, ո՛չ փոքր, ամեն բանի մեջ խառնվում են, գոռում են, հայհոյում են, կոխի են քցում և վերջը սպառնալիք տարով ժողովում են միասին, խորհում, թե ո՞ւմ հանգստությունը խանգարեն, ո՞ւմ հավերը գողանան, ո՞ւմ խոտի դեղերը, հասած բամբակի

արտերը կրակ տան, ո՛ւմ այգու խաղողի պտղատու որթերը կիսահաս խաղողով արմատից՝ հողի բերանից կտրատեն, թափեն ու յուրյանց վրեժն առնեն:

Ո՛չ, Սամփսոնը հեռի էր այդպիսիներից. նա պատկանում էր այն խմբին, որոնք տանը՝ գյուղամիջին աստուծո գառն են, ծնողների ու ծնորունիների հնազանդ, իսկ դուրսը ավազակների դեմ ճակատե-ճակատ կռվում են, մեռնում են գնդակը կրծքից ստացած կամ ցրում են հրոսակների բազմութունը:

Սրանք էլ ունեին յուրյանց ժողովները. պատանեկական անմեղ զվարճախոսութունների ժողով էր այն. սրանք էլ իրանց հաշիվն ունեին— ո՛ւմ աղջիկն էր սիրուն, ո՛րը ո՛ւմ բախտ կլինի, ո՛վ կարող է նազուի աղջիկ Սիրամի սիրտը գողանալ, Սիրամի փոքր եղբոր ձեռքով նրան կարմիր խնձոր ուղարկել և այլն:

Էս խմբակի մեջ ամեն մեկն իր սրտի գաղտնիքը հայտնում էր. մեկը պարծենում էր, որ եթե շտան՝ կփայցնի, մյուսն ուխտում էր սուր կարակետի պասն յոթը տարի պահել, եթե յուր սրտի առարկան իրան վիճակվի, մեկն ախ էր քաշում, մյուսը սիրտ էր տալիս, մի երրորդն էլ լուռ լուռ էր:

Այս վերջինների կարգիցն էր մեր Սամփսոնը. նա միշտ լուռ էր, միշտ լուռ էր, շատ-շատ մի բառով յուր կարծիքը կհայտնեի: Այդ էր պատճառը, որ նա յուր ընկերներից ստացել էր «Ուրբաթախոս» մականունը և անգոհ չէր:

Եթե հանկարծ ընկերի մեկը խոսքը Սամփսոնին դարձներ ու հարցներ, թե դու ո՛ւմն ես սիրում, այս կողմից մյուսը ձեռաց մեջ կխառնվեր. թե՛ է՛հ, դրան ի՞նչ ես հարցնում, չգիտե՞ս, որ դա ուրբաթե-ուրբաթ կխոսի, դա ճգնավոր է, դրանը պաս օրն է:

Այդ նկատողության դեմ Սամփսոնը քթի տակին կժպտար ու կասեր, որ ուղիղ է:

— Մեր տղե՛ք, մի եղալի թիքա ա մենձանում,— խոսք բաց արեց մի երեկո խմբակի անդամներից մեկը.— էս ձեռ Ալեքենց Բարսեղի աղջիկ Սոնեն իրար միս կոծելու պատճառ կդառնա. ինքը սիրուն, Բարսեղի էլած-չելածն էլ շալակին, նրա մերն էլ պողողը չի:

Լա՛վ, որ սաստիկ մուլթը գիշեր էր, մի քիչ էլ ցուրտ էր, ամենքն էլ յափուռնիքը գլխներին էին քաշել ու քշվում, թե չէ մեր Սամփսոնի կերպարանքից ընկերները կվախենային:

Նորա անձի մեջ սարսուռ անցկացավ:

— Մոտ եկողի սիրտ ու թոքը խանչալուվս կթափեմ,— դուրս պրծավ հանկարծ ընկերներից մեկը՝ Դոնդարենց Ասոն:

— Սրա՛ն մտիկ տվեք, տո՛, դու գզրի ձեն շես լսե՛լ, շե՛ս իմանում, որ Սոնեն մինուճար ա ու աշխարհքի մլքերի տերը. դու քանի՞ գլխանի ես, որ գլալնու, սուգիեքանց ու հարուստների ատամներիցը Սոնա դուրս քաշես:

— Չեզ ասում եմ, որ Սոնեն իմն ա, ոչով չի կարող տանիլ:

— Ը... Ը... Ը...— մի շշուկ դուրս եկավ Սամփսոնի բերանից, բայց նրա լեզուն կպավ, ոչինչ չկարողացավ ասել:

— Ի՞նչ ես կմկմում, ա՛յ ուրբաթախոս, մի պտղունց բարութ ունիս քցելու, մի խոսք ունիս ասելու, ասա՛ ու պրծի, է՛լի:

Սամփսոնը ոչինչ չի խոսում:

— Տո՛, քեզ շեն ասո՞ւմ,— ձեռքը քաշեց Ասոն,— դու ի՞նչ մտքի ես, կարա՞մ տանել Սոնին, թե...

Ասոն խոսքը չվերջացրեց, նա հանկարծ ճչաց.

— Վա՛հ, մեր տղե՛րք, սա մահվան դողմանի ա դիպել, մի տեսեք՝ ի՞նչ օրումն ա:

Սուտ չէր ասում Ասոն. Սամփսոնը զընգրը-զընգրը դողացնում էր:

— Էս ի՞նչ ա, տո՛, հիվանդ հո շե՛ս. կուզես ցրվի՞նք, գնա տուն,— ամեն կողմից դարձան դեպի Սամփսոնը:

— Տղեք ջա՛ն, ձեզ մատա՛ղ,— հազիվ մրթմրթաց Սամփսոնը:

— Ի՞նչ կա, ի՞նչ պատահեց:

— Ասո ջա՛ն, ինձ ուպանի ու Սոնի անումը մաստակ մի շինիլ, ծա-միլ:

— Օ, հո՛,— քրքջացին ամենքը,— տեսա՞ր արևը որտե՛ղ ա էլել մթնած. ա՛յ դու դարմանի տակի ջուր, մտքումդ բան ես ունեցել հա՞, ընդո՞ւր ես ուրբաթախոս, հասկացա՞նք, հասկացա՞նք:

— Չեզ մատաղ,— լեզուն բացվեց Սամփսոնի,— ընչանք օրս ես պստիկ ախպոր պես ձեր խոսքի մինն երկու շեմ արել, ջանս ուզել եք. շեմ խնայել. հիմի թե ախպեր եք, էդ մի թևավորն էլ թողեք իմ ականատի մեջն ընկնի, էդ մի աղջիկն ինձ բաժին հասցրե՛ք:

— Քեզ փեշքա՛շ, քեզ հալա՛լ, քեզ ջարբա (պարզև):

— Դու ի՞նչ ես ասում, Ասո ջա ն:

— Ես էլ քեզ խաշախպեր:

— Դե արի՛ մի պողտի անենք:

Սամփսոնն ու Ասոն համբուրվեցան:

— Բայց մեր տղա՛, վայ թե քո ատամների համար թթու ըլնի. մեր աղեքը հիմի վաղուց մատնահաշիվն արել, պրծել են:

— Էդ ինձ թողե՛ք, էն էլ մի պայմանով:

— Ի՞նչ:

— Խոսք տվե՛ք, ձեր կտրին տղամարդության վրա օրթում կերե՛ք, որ էս խոսքն էս ուսու տակին թաղվի, քարը վեր կաշե՛ք, քարի տակը դրե՛ք, հասարակությունի բերանը չքցե՛ք. վերեն աստված գիտենա, ներջքը մենք՝ էս չորս հոգիս:

— Սեւրնս ընի, ընկերի մոտ թուք, խաղք ու խաչտառակ մնայ իգիթ (հաջ) տղամարդ չընի, գլակի տակ լաշտի ծածկի, ով որ բերանիցը հանի,— ձայն-ձայնի տվին տղեքը:

— Ու ով որ էլ գլուխը ետ չդնի, մեր Սամփռնի ուղուրին շկանգնի (չօգնի), երբ որ իր սիրտը կուզենա:

— Ամե՛ն, ամե՛ն:

— Պայմանը մի-մին պոռչտի ա:

— Թող ըլի:

— Չըր՛ւ պ, չըր՛ւ պ, կըր՛ւ պ, կըր՛ւ պ և բարի գիշեր:

Բ

ԱՐՏԵՄ ՄԵՐԳԵՅԻՉԸ

Մի մեծ և խոր ձորի վերա է շինված Օ. գյուղը: Ձորի քարափի վերա է հինավուրց պատմական բերդը: Բերդի ավերակների վերա է այսօր գլուխը ցցել ու պարծենում Գոմշակերենց Արտոյի խոմ-քարն ու ցփն տունը: Կոփածո բերդ, վրեն հողն տուն— կարմիր մետաքսյա թանկագին շորի վերա պառավ տատի հաստ խլկով մանած ու իր տղա ծնեղենս ենզոյի գործած խամ սպիտակ կտավե կարկատան չէ, ի՛նչ է բաս:

Ուրախ է Արտոն, կամ առաջել չափ է՝ յուր պատվանունովը կոչենք, Արտեմ Սերգեյիչը, յուր պալատովը: Նա առանց բավականության չի պակուում յուր «գահլիճ» կոչված սենեկի վերի կողմը և լուսամտից ականջ դնում ձորի խորքում հոսող գետակի քրքրոցին:

Չորս սենյակներ ունի տունը: Նրանցից երեքն քնտանեկան կառավարության են հատկացրած, իսկ ամենամեծը— դահլիճը, կամ ըստ Արտեմ Սերգեյիչի՝ զալան, բարձրաստիճան հյուրերի համար է: Ներսի սենյակները կահավորված են տեղական սովորության համեմատ. հողն հատակի վրա փռված են եղեգնյա խսիր, վրան ծածկած կամ հասարակ կարպետ կամ քրդի թաղիք, իսկ դահլիճը բացառություն է կազմում. նա զարդարված է կիսահայկական, կիսանվորոպական ճաշակով:

Մի քանի գյուրազին աթոռներ, մեկի ոտքը դուրս եկած ու շորի փալատով ամրացրած, մյուսի գլխի տախտակը պակաս, շարված ձն աններկ

բարդի ծառից քաշած տախտակի հատակի վերա, մի հասարակ սեղան, խառատ Ավետիսի ճարտարվեստության ապացույց, բազմացրած է ճարակողմի լուսամտի առաջին. նորա վրան ծիծաղում է մեջը նայողի երեսին նույն Ավետիսի հանճարեղ ուղեղի ծնունդ բոլորակ հայելին, աչ և ձախ կանգնած յուր պահապան հրեշտակներով՝ նույնպես ուստա Ավետիսի շինած քնկալյա աշանակներով:

Գահլիճի մյուս կողմը Վրաստանին հատուկ մի տախտա բռնել է սենեկի կեսը: Տախտի վրա փռված են երկու հատ քրդի թաղիք, երկու թաքքյամի կարպետ և պսակն այդ շաշտությանց մի փամբակեցի կամ վայցձորեցի հաչ կնոջ գործած գոթգ վրայից ծածկած:

Գահլիճի պատի դրսի կողմից, ձորաթմբի ապառած ծայրի միջից, կարծես դուրս էր ցցվել կիսախարսու պատշգամբը: Հրաշալի է տեսքանք, անման է այդտեղից բնությունը. առաջին ձորն յուր կարկաչան հոս գետակով, լեռնաշափ քարափները սուր ու խորտաբորդ ծայրերով, գիմացի բլուրներն յուրյանց լայնարձակ հովիտներով հիանալի են: Անեկարագրելի է մանավանդ դարնան պարզ երեկոյին, երբ բլրներից՝ ամենաբարձրի ետեից նազանճեմ դուրս է գալիս գեշնրի երկնային ճաճան: շափոքների պսակը՝ 15 օրական ժպտածիծաղ լուսինը և պատշգամբի առաջի ձորից վեր բարձրացած հեկայական բարդիների ճյուղերի տերեւների միջից հաղար են մի կտորներով լույսեր է սփռում մինչև դահլիճի խորքը:

Արտեմ Սերգեյիչն իրավ որ ճաշակի տեր է. էս ժամանակները նա միշտ ճրագը հանդցնում է յուր հյուրերին ամենամեծ զվարճության պատճառելու համար: Երեք խոսքով է նա յուր սրտի անշափ բերկրանքը արտահայտում. «великолепно! чудно! безподобно!»:

Ինքը հարգելի Արտեմ Սերգեյիչը բնիկ Օ. գյուղացի է: Վարժ խոսում է ուսերեն և շատ հաճախ էլ հայերեն խոսելու սիրում է աուսերեն խառնել. օրինակ՝ «честное слово, клянусь честью, подле я буду» և այլն: Հարկավոր չէ դիմացի մարդին գիտենալ ուսերեն. Արտեմ Սերգեյիչի համար այդ միևնույն է, նա վարժվել է այդ ձևի խոսակցությանը և շատ անգամ խոսքերն անգիտակցաբար են դուրս թռչում նորա բերանից:

Արտեմ Սերգեյիչը մանկությունից բացաղա է գննվել յուր հայրենի գյուղից. նա ծառայել է զանազան արքունի կապալառուների մոտ, վեր ու նիստ է արել շատ աստիճանավորների ու զազախների հետ, շատերին ծանոթ է, ինչպես ինքն ասում է բոլորի հետ «НА ТЫ» է:

Արտեմ Սերգեյիչն յուր գյուղացիների մեջ էլ պատվով ունի. նա շատ քաղցր, քաղաքավարի և աղ ու հացով մարդ է. մեծի հետ մեծ, փոքրի

հետ փոքր, յուր անուշ լեզվովն, անմեղ կատակներովն և զվարճախոս հատկությունովն ամենի սիրելին է:

Եթե Արտեմ Սերգեյիչն յուր երիտասարդության թարմ ուժը գործ գրեց յուր հայրենի ծննդավայրից դուրս, այսօր խոհականության և փորձառության տարիներում, մոտ 50 ձմեռներ ճանապարհ դրած, Մասյաց գլխի նման ջինջ սպիտակացած, իսկ դեմքի կայտառությանը դեռ զվարթ, դեռ ջահելների կարգումը՝ նա մեծամեծ ծառայություններ է անում իր մանկության օրորանիս:

Այսօր իշխանությունից մի հրաման եկավ, Արտեմ Սերգեյիչն է կատարելու ձեռք ցույց տվողը: Վաղը մի գործակալ, մի առաջնորդ, մի պատվելի հյուր այցելեց գյուղը, Արտեմ Սերգեյիչն է հյուրասիրում, պատվում, նորա արձակած սուրբ աթոռի հրամանը կատարել տալիս և հարգանքով ու լիարուեստ աջահամբուրով ուղևորում: Արտեմ Սերգեյիչն յուր բնտանիքի մեջ էլ պատվական մարդ է. օրը հինգ անգամ տուն կգա յուր սիրելի լծակցի պայծառ երեսը տեսնելու, դեռ պատշգամբը շարձրացած՝ ձայն կտա— Մաշուրկա, գուրուշկա, Մարա՛ն ջան, թաուլա՛ն ջան, կնի՛կ ջան, գալիս եմ: Այս բանը գյուղի և գավառի ժողովրդի հասկացողությամբը շատ ամոթ բան է. տղամարդին ի՞նչ կսագի իր կնոջ հետ ատամները բաց անել, հանաքներ անել, ջան ասել. տղամարդն ո՛վ, կանանց գործերի մեջ խառնվիլն ո՛վ, նրանց հետ վեր ու նիստ անենն ո՛վ. մարդը պետք է մարդ լինի, ինչ որ մարդին կպատկանի. բայց Արտեմ Սերգեյիչը ոչ միայն յուր սեփական կնոջն էր ջան ասում, ջան լսում, ուրիշների հետ էլ միևնույն էր. նա էս բնավորությունովը գավառի մեջ մի բացառություն էր կազմում. նա տանիցը մինչև փողոց գալն ամեն մի պատահած կնոջ հետ հաճուխոսություն էր անում, քաղցր բարի լույս էր տալիս, ժպտալով՝ հարսի, քիքիր (ֆուլբիկ), նանի, քեռու աղջիկ, սանամեր, քավորակին բառերն էր շոռլում, օրհորդներին էլ ուղղակի աղջի Մարգարիտ, Ալմաստ ջան, խնամու աղջիկ խոսքով էր պատվասիրում, պառավների առողջությունն էր հարցնում, ջահել հարսների հետ նրանց մարդկանց անշնորհքության վերա էր խոսում, պատվիրում էր գիշերը հետը լիսսել, երեսը շուտ տալ, խոտվել, աղջիկներից տեղեկություն էր պահանջում, թե ո՞ւմ տղի վրա աչք ունին և այլն, և այլն:

Բանն այս է, որ նա ոչ մեկի հետ կանգ չէր առնում ճանապարհին. հարցմունքներն իրար քամակից հետևում էին քալելին, իսկ որ ամենից նորանշան երևույթ է մեր աշխարհքի համար՝ մեր լիսսականներից ոչ մեկը նրանից չէր ամաշում, չէր քաշվում և անպատասխան չէր թողնում. պառավներն ուղղակի ո՞ղջ կենաս, քեզ մատաղ, Արտո ջան էին սխառախանում. ջահելներից շատերը քաղցրածպիտ աչքերով, քնթիլաները քթից

ցած թողած, սիրուն ատամները ցույց տալով՝ մի կիսաձայն հաճուխոսությունով նախատում էին նրան, որ իրանց գլխավորի անունը բերանը շառնի, ծիծաղատեղ շինի: Աղջիկներն էլ բավականանում էին համեստորեն ժպտալով և գլուխ տալով: Մի խոսքով՝ մեր հարգևորները Արտեմ Սերգեյիչին հար, եղբոր և մերձավորի պես էին ընդունում և սիրում. և սերը սրտանց էր:

Անկարծիք, ոչ մի տղամարդ, ծեր, երիտասարդ, երեխա էլ չէր մնում գյուղումը, որ նորա քաղցր բարևին շարժանանար և մի քանի խոսք էլ նրան ասելու կամ նրանից լսելու բախտը շունենար:

Արտեմ Սերգեյիչն, ինչպես ասացինք, արդեն 50-ին մոտ սպիտակազուխ ծերունի էր (երեսի համար մի՛ հարցնեք, ես միշտ նրան երիտասարդ էի տեսնում, անբեղ, անմիրուք. անխժածը բեղ ու միրուք օրը մի անգամ իր ձեռովն ածելում էր), բայց գյուղի շատ ալևորներ նրան որդու տեղ էին ընդունում և դեմ ու դեմ չաթո, չարթուն կոչում՝ նորա մանկական անունով: Ընդհանրապես գյուղին և գավառին Արտեմ անվամբ էր ծանոթ, վերջերումը մի քանի ուրիշ գյուղեր աղա բառը պոչիցը կարկատեցին, իսկ նոր քաղաքակրթված և լուսավորվածների համար նա Արտեմ Սերգեյիչ էր. միայն տերտերներն ու հայոց ժխական ուսումնարանի վարժապետներն են պ. շարություն հայ խոսքով նրան մեծաբանում, և ի պատիվ մեր Արտեմ Սերգեյիչի պետք է ասենք, որ ինքն էլ յուր կողմից մաքուր հայ գրականակալ դարձվածքներով քահանային ու վարժապետին գիտե գոհացնել:

Ասացինք, որ Արտեմ Սերգեյիչն յուր հայրենի գյուղին մեծ ծառայություններ է արել, սուտ շասացինք: Դեռ նոր էր նա եկել հանգստանալու մի քանի ժամանակ յուր բնտանեկան հարկի տակ, երբ առաջին անգամը մտան գյուղական ինքնավարությունները: Հասարակության անգամը անդրանիկ տանուտերն Արտեմ Սերգեյիչն եղավ. նա միաձայն ընտրած անդրանիկ տանուտերն Արտեմ Սերգեյիչն եղավ. նա միաձայն սպիտակ քվե ստացավ: Ամբողջ հասարակությունը գրկաբաց ընդունեց նոր օրենքները. նրանք ազատվեցան հին տանուտերական ճշումներից: Առաջները՝ ո՛ր գրպանից զնգոցի ձայնը բարձր էր ղողանջում, նա՛ էր ճիպոտը ձեռքն առնում, զլուխը շարդում. այսօր համայնքն յուր հոժար կամքովն Արտեմ Սերգեյիչի պես մարդին է յուր համար գլուխ ընտրել:

Մեծ էր ոգևորությունը. ամեն բերան օրհնում էր բարերար օրենքը, մանավանդ երբ Արտեմ Սերգեյիչն յուր հանձարեղ կառավարությունով ապացուցեց սուրբ օրենքի գերազանցությունն ու փրկարարությունը:

Գյուղի փողոցները մաքրվեցան տարիներով դարսված աղտոտություններից. գյուղն ազատվեցավ բնտանի ցեցերից, կաշառակեր տանուտերներից, երեսպաշտ իշխաններից, աղբատին խեղդող գզիրներից,

տանու գողերից և հարամկեր հարկածողովներից, մեծ ու պատկի մեջ փոխադարձ սեր, հարգանք և պատվապահություն մտալ. վերացան գյուղից սովորական, անվայել հիշողներն ու անկարգ գրույցները. ամեն մարդ յուր պարտքը ճանաչեց, յուր հերթը հասկացաւ. էլ հարուստն ամիսներով անվրդով չէր պառկում, քնում, իսկ աղքատն երեք օրը մի անգամ գիշերապահության հերթ կատարում:

— Գլավնի աղա՛,— գալիս էր մեկը և գգակը վերցնում, բերանը բաց անում գանգատ անելու...

— Չէ՛, գլավնի մի՛ ասիլ, տանուտեր խոսք կա, դու տանուտեր ասա՛. դու քո ոտը իմ կարպետին մի՛ մեկնիլ, իմ լեզուն վատ է սովորել,— ընդհատում էր Արտեմ Սերգեյիչը:

— Տանուտե՛ր, էսօր ջրի հերթն իմն ա, փալանդուզ Պետոն ինձանից ջրգլխի ա, իմ ջուրը կտրել ա, իր պոլոճիկը ջրում:

Գզիրը վազեց Պետոյին բերեց:

— Ծա՛կը,— հրամայում է անաչառ տանուտերը:

Պետոն բանտարկվեցաւ:

— Տանուտե՛ր, Մեխիք-Բաղալի կովն քնկել էր իմ քամբակի արտը, դու ա էի անում, Մեխիքը վրա հասաւ, վրես բարկացաւ, ինձ շան որդի ասեց:

— Ուղի՞ գ է, Մեխիք-Բաղա՛լ:

— Տո՛, դրա հերն անիծած...— ուզում է բացատրություն տալ Մեխիք-Բաղալը, բայց խեղճի խոսքը բերանումը մնաց, տանուտերն աչքով արեց, զզիրն ահան թոթափել Մեխիքի արծաթե գոտին արձակեց ու մի մանեթի փոխարեն գրավեց:

— Տո՛, շան տղա զզի՛ր.— բարկանում է Մեխիք-Բաղալը,— դու քանի՞ գլխանի ես, որ ինձ դիպչում ես:

Նորից տանուտերի աչքը ճպպաց, զզիրը վազեց Մեխիքենց տունը, մի պղինձ վերցրեց, գյուղամեջ բերեց և վաճառ է հանում:

— Խ՛նչ բանի ես, Արտո՛:

— Այո՛, Մեխիք ջա՛ն, իմ աչքի լույս, իմ գլխի տեր, հերի՛ք, որքան մինչև օրս բերաններիդ անսահման իրավունք եք տվել. այսուհետև հայհոյանք անելու, ուրիշին պակաս խոսք ասելու իրավունք չկա, ուշուճցի խոսքը մի մանեթ է, нет, не пушы!

— Հանաք հո շե՛ս անում, Արտո ջա՛ն:

— Գլուխդ վկա, սիրակա՛ն, և տե՛ս, որ խոսքս ուղիղ է:

— Հասարակութի՛ւն,— դառնում էր տանուտերը դեպի խուժանը.—

այս պղինձը գեհաատում եմ մի մանեթ, ո՞վ է ավել տալիս, КТО БОЛЬШЕ? Սկզբներումը դեռ անմեղ կատակներ էին կարծում՝ այն ամենօրյա

քաղցրախոսություններից հետևեցրած, որ Արտեմ Սերգեյիչն ու Մեխիք-Բաղալը բարեկամական սեղանի վերա իրար հետ անում էին. բայց երբ տանուտերը հավատացրեց, որ ասածն օրնեքի հիման վերա է, ոչ ոք Մեխիքի ահու ձայն չտվեց, բայց սպասում էին տեսնել, թե տուտը որտե՞ղ է կտրվելու:

— Ո՞վ է ավելի տալիս,— կրկնեց տանուտերը:

— Մի մանեթ հինգ կոպեկ ինձանում,— ցած ձայնով ասեց կանգնողներից մեկը:

— Դու ինձ վա՛յ տաս, հարամկերի աման լպստող խուզո, — ասամենքը կրճտեց Մեխիքը.— դու հիմի մարդ ես դատել, մարդամեջ ես մաեղ, որ Մեխիք-Բաղալի պղինձը տոլկով (անուղղ) ասնում ես, էլի՛:

— Չայնդ քեզ քաշի՛, Մեխիք-Բաղալ,— պաշտպանեց տանուտերը,— խուզոն էլ իբրավունք ունի, ամեն մարդ էլ:

— Մի մանեթ հինգ կոպեկ, КТО БОЛЬШЕ? — նորից ձայնը բարձրացրեց տանուտերը:

Ոչ ոք ձայն չհանեց:

— Մին մանեթ քսան կոպեկ ինձանում,— այս անգամ ինքը տանուտերը աճրդի մեջ մտավ: Եվ որովհետև խուզոն խոսվեց ու ետ քաշվեց, պղինձը մնաց իրեն՝ տանուտերին: Հանեց գրպանից մի մանեթ քսան կոպեկը, տվեց գանձապիտ դատավորին, իսկույն մանեթը տուգանքի տոմարի մեջն անցկացրեց, ավելորդը տվեց Մեխիք-Բաղալին:

— Է՛, մեր տղե՛ք, եթե Մեխիք-Բաղալի լեզուն բունը մտավ, մենք մեր գլխի ճարը տեսնենք, լեզուներքս սանձ դնենք,— ասացին ամենքն ու հայհոյանքի տուգանքը գյուղական դատարանի ջեւքի տակին թաղեցին:

Ենզճ Մեխիք-Բաղալը բավական տուժեց: Վեց ամիս էր՝ Արտեմ Սերգեյիչը տանուտեր էր, և Մեխիքն ամենից շատ տուգանքը տվեց, բայց իհարկե, նա տանուտերից չէր նեղանում, յուր վատ սովորած լեզվին էր մեղադրում:

Հախ ասածու ինքը Մեխիք-Բաղալը վատ մարդ չէր, բարեսիրտ էր, զվարճախոս էր, սրախոս էր և գյուղի սյուններից մեկն էր, գյուղի համար գլուխը դրած ուներ, մեծ ու պատկի, իրավորի-օտարի, հեքիմ-դատավորների առաջին էլ խոսքը դուրս էր գնում: Միակ վատ բնավորությունն այս էր, որ չէր կարողանում թարգր տալ թաքուն, աշխարհ անքն ընկած տեղից մի շնչին կաշառք վերցնելուց: Այդ յուր անցյալ տանուտերության երջանիկ օրերի սովորությանց հետևանքն էր, իսկ մյուսը՝ առավել վատթարք՝ նա չէր կարողանում լեզուն հա սովորեցնել ուշունցատվությունից. արշալույսից մինչև վերջալույս շարունակ ուշունց էր դուրս գալիս

բերանից: Վնաս չունեն, նրա ուշունցից ոչ ոք խամ չէր և չէր էլ նեղա-
նում, բայց խեղճին էժան չէր նստում:

Քույլ տանք Մելիք-Բաղալին ինքը պատմի յուր ցավը:

Գ

ԽՈՍԱԿՑՈՒԹՅԱՆ ԱՂՋ

Օ. գյուղք իրարանցումի մեջ է. տանուտեր Արտեմ Սերգեյիչն իր գլուխը չի ճանաչում, գզիր ու յասավուլ, առվազ (ջրպետ) ու գլուղումը հաց կիտելու համար ետ ընկած նախընթացի՝ բոլորը գործի մեջ են, տանու-
տերի, սուղիքանց և հարուստների տներում էլ թանկագին կարպետ ու
խալիչա չի մնացել՝ կրվում են դեպի ձորը բազմադարյան կամրջի ական-
ջին գտնված ծառուտը և փոփում կանաչ խոտերի վրա. վերի կողմը տա-
րածած է փափուկ մահիճն և վրան դրած երկու հաս պատվական մու-
թաքա: Հեռվումը մի ծառի տակի մորթված է պարարտ ոչխարը, սարք-
ված են օջախին պղնձներն և շարված են փայտյա դալար շամփրների
վերա խորովածները: Գետի ափին բխող ականակիտ ազրբի ակնումը
շարված են կարմիր գինով լիքը շիշերը:

Ահա եկան Օ. գյուղի բոլոր իշխանները: Ահա և հաստաշլինք Պապի
Գևորգ շապկանց՝ մինչև ծնկները բաց, մսոտ և մազոտ կրծքի վերա ման-
կամարդ կնոջ ստինքներից մեծ-մեծ ծծերը կախ գցած, թոռի պարանը
երեք տակ կոնատակովը վիզը ձգած՝ վայր դրեց թաց թոռն և հրամայեց
իր օգնական գելխեղդ Քորոսին խլպտան ձկներով լիքը ձիու տոպրակը
գետի ջրի մեջ դնել, մինչև ինքը կհրամայի:

— Եկա՛վ, եկա՛վ, — ձայն տվեց հեռվից քարափի վերա կանգնաց-
րած պահապանը:

Ամենքը հառաչ վազեցին. տանուտերը բոլորի գլխին ծառուտից
դուրս կանգնած էր:

— Գրակնե՛րդ, — ձայն տվեց տանուտերը և առաջ վազեց:

— Բարև՛ ձեզ, — ձիուց ցած թռչելով բարձր ողջուն ձայնով թանկա-
գին հյուրը:

Գա գավառի նաչալնիկն էր:

Նա միայն չէր. մի քանի աստիճանավորներով էր շնորճ բերել:

Նա այս անգամ պաշտոնական գործով չէր եկած: Այսօր նա Օ. գյու-
ղացվոց հյուրն էր:

Շատ տարի էր նա նաչալնիկ էր և տարեն մի անգամ այս քաղցր
ազրբի ջուրը խմում էր:

— Բարի՛, հազար բարի՛ ես եկել, աղա՛ ջան, մեր գլխի, մեր աչքի
վրա ես եկել, — առաջ եկավ Պապի Գևորգ թոռի մեջ կոլուած մի ահագին
մեծությամբ խլպտաով կարմրախայտ ցած թողելով կանաչի վրա, —
քեզ փեշքե՛շ, աղա ջան, 20 տարի ա, գլխիդ մեռնե՛մ, ես էս գետի ամեն
մի քարի տակը, ամեն մի խոր գյուղի ձկան ծվարատեղը տարին հարյուր
հետ քրքրել եմ, խոլխոլել եմ ու դնո էս շափին կարմրախետ տեսած չեմ,
անմահակա՛ն ա, անմահակա՛ն, հոգահա՛մ ա, հոգահա՛մ, թիքեն մի
պաճախլու աժի, տեսնում ես, աղա ջա՛ն, ոնց ա թրպոտալով ոտդ պա-
լում, որ հրամայես իրան մատաղ անեն ոտիդ տակին ու իր ղրղրջան
քյալեն թո հրամանքդ անուշ անես:

— Շնորհակալ եմ, Գևորգ, թո կալած ձկներն ես ամեն տարի էս
ծառերի տակին կերել եմ, ոչ մեկն անհամ չի եղել:

Նաչալնիկը հինգ մանեթանոց մեկնեց Գևորգին:

— Տո՛, էս թղթի կտորն ինձ ի՛նչ պտի տաքացնի, աղա ջա՛ն, սաղ
օրը ջրումը թրջված մուկն եմ դառել, մրսել եմ, մի թո օրհնած բերանովդ
հրամայես՝ մի թաս քրտնքի դեղ տան, ոսկորներս տաքանա, ավելի
լավ ա:

— Արտեմ Սերգեյի՛չ, մեր Գևորգին մի թեյի բաժակով արաղ:

— էդ ա, է՛, ջոմարդ մարդի բերնին մեռնեմ, — ասաց Գևորգ, առավ
ձեռքն արաղն և՛

— Աղա՛ ջան, թո կենացը:

Ճաշի թեժ ժամանակն է. սեղանի ծաղիկը Մելիք-Բաղալն է. ամեն
մի բաժակի վերա նա երկար ատենաբանություն է անում և բոլորին ծի-
ծաղացնում:

Նաչալնիկն իր կողմից խմեց Օ. գյուղի հասարակության կենացը և
մի կարճ հորդորով կշտամբեց նրանց անտարբերությունը նոցա անու-
սումնասիրության առթիվ:

Նաչալնիկը դարձավ դեպի Մելիք-Բաղալն և ասաց.

— Իսկ դու, Մելիք-Բաղալ, միանգամայն մեղադրելի ես, լեզո՞ւդ
ասեմ, թե գործդ. թո աչքն ինչպե՞ս է վերցնում, որ այսօր ձեր գլուղումն
ուսումնարան չկա:

Այդ ժամանակ դեռ տարրական դպրոցի հարցը վերջնական ելքի չէր
հասել:

— Նաչալնիկ աղա՛, գլխիդ ու արևիդ մատաղ, — տեղիցը կանգնեց
Մելիք-Բաղալը, — հրամանք արա՛ մի երկու խոսք ասեմ սրտիս փուքը
դատարկեմ, հետո աչքս հանի:

— Իրավունք եմ տալիս:

— Նաչալնիկը հաստատ կենա՛, քեզ էլ հայտնի ա, որ մենք հերե-

նական, պապենական բոի անտաշ գեղըցի ենք, ուսումնարան չենք մտել, քաղաք տեղ չենք ման եկել, կոպիտ, վայրենի ենք, էջ կերել ենք, էջ մեծացել— գեղըցունը որ կա՝ իր աշխատանքն, իր ժամն ու տավարն, իր օրհնութունն ու ուշուցնն ա. ասում ա՝ խերն ու շառն ախպեր են, էնպես էլ օրհնենքն ու ուշուցնը մի հալալ մոր շխտակներ են, մենք ոչ տղեքանց աւ քաղցրոնց պես կարանք առանց ժամ գնալ մնալ, ոչ առանց ուշուցն տալու համբերիլ. ժամիցը գուս գալուս մեր «օղորմի աստծու» հետ «շան որդին» էլ մեկել ատամի տակիցը պետք ա դուս սլլա. ուշուցնը մեր խոսք ու զրցի, մեր խոսակցությունի աղն ա, անաղ կերակուրը համ չի ունենալ, էնպես չի՞, աղա՛ ջան, ջանի՛դ մեռնեմ:

— Լա՛վ, հիմի խոսքդ ի՞նչ ա:

— Չէ՛, դեռ մի հրամանք արա բարի բերանովդ, սուտ ա՞, թե գորթի:

— Ասենք թե ուղիղ ես ասում, գյուղացին ու նաշալնիկն երկուսն էլ առանց ուշուցնի չեն կարող կառավարվիլ:

— Հա՛, դե տեսա՞ր, որ գլուխս ճշմարտախոս մարդի ոտի տակին փարվան կանեմ: Դե՛, աղա ջա՛ն, դե հիմի արի երկար խելքովդ դատի՛, մեր դրությունի մեջը մտի՛ր, մեր հալն ու աֆալն (դրությունը) իմացի՛, մեզ խեղճ արի՛, մեզ էս բարեկական կրակիցն ազատի՛, էրված ենք ողջ հասարակությունով: էս ա վեց կողու ամիս ա, քանի էս նոր օրենքները դուս եկան, մեր Հաթոն մեզ շամփուրն ա քաշել, բռնել մարմանդ կրակին. ոչ մի անգամ խորովում ա, մոխիր շինում, ոչ էլ կրահն ա հանգցրնում, մեզ հովություն տալիս:

— Ի՞նչ Հաթո, Մելիք-Բաղալ:

— Տո՛, էս մեր... ր՛մ... ր՛մ... ր՛մ... էս... շ... շ... մեղա՛, մեղա՛, քիչ էք մնացել էրեխեքանցն էս օրվա ապրուստը շան ու գիլի բաժին էի անում... ո՛չ, ո՛չ, մեղա՛ աստծու...— ծամծմոտեց Մելիքը,— էս մեր պարոն Հաթոն, մեր տանուտեր գլավնին, որ իմ մենծ տղիցը վեց ամսով ու երեք օրով պատիկ ա, ախար սա չիք-չորեքշաբթի օրն ա մնել, ա՛յ չովի սրա գլուխը...

— Մելիք-Բաղալ,— համեատորեն ձայն տվեց տանուտերը,— մանեթը գլորվեց:

— Դե՛, աղա ջան, լսեցի՞ր,— դարձավ բազկատարած Մելիքը նաշալնիկին:

— Ես բան չհասկացա,— ուտերը թափ տվեց նաշալնիկը:

— Չէ՛, դու ինձ ասա՛, էս խոսքի համար աժի՞, որ մեր ազա գլավնին ինձանից մի մանեթ շտրաֆ խլի:

Նաշալնիկը գլխի ընկավ. նա, դիցուք, վաղուց գլուխը Մելիք-Բաղալի ցուխը:

— Ես քեզ լիակատար իրավունք եմ տալիս,— ասաց,— էս ծորի ծանրի շվարումը, էս սառն աղբրի մոտ, էս գետի ափումը, էս բաց երկրների տակին, ոչովից շքաշվես, ինչ քո սրտի ցավն է՝ հայտնես, ինչ սիրտդ քեզ իրավունք է տալիս՝ շխնայես, մի՛ վախիլ, ոչով քո փեշին էսօր չի կարող դիպել, էսօր քեզանից ինչքան տուգանք խզն, իմ վզիս:

— Հա՛, աստված որդիդ պահի, հիմի կասե՛մ, հիմի թող ինչքան ուզում ա՝ բվա մեր բայդուշ Հաթոն, դուս մեր ազոավը:

— Ա՛յ մարդ, Մելիք-Բաղալ,— ժպտալով դարձավ նաշալնիկը,— ինչի՞ ես մեր տանուտեր Արտեմ Սերգեյիչին անպատվում, քաղաքավարի անունը տաս ի՞նչ կլինի. մեկ՝ որ տանուտեր է, մեկ՝ որ քո ազգականդ է և մյուս էլ՝ որ գյուղի ու գավառի մեջ պատվելի մարդ է:

— Տո՛, քեզ մեռնեմ, քո սուլթան բալեքանցը (որովոցը) մեռնեմ, ախար դա որտեղի՞ աղեն ա, ախար ոնց որ ասում էի ու բերնիս եկավ, դա՛ իմ հորեխպոր թոռ օղորմածիկ Սաքոյի տղեն ա. էդ շքվելուն լիս աշխարհ եկավ չիք-չորեքշաբթի օրը առավոտեն ծեղը քցելուս: Խալխին տղա ա ըլնում՝ ուրախանում են, համա մեր խեղճ Սաքոն ամպեց ու մրթած եղևնի պես ալքերիցը թափեց, ի՞նչ ա թե՛ հենց էս չիք-չորեքշաբթի օ՞րը պտի ծնեք. քո մի օր հառաջ, կամ մի օր ետն էր արշա ընկել (եղևացել), աշխարհքը կբանդի՞ր, մեղք կլինե՞ր համա չէ, փխը փխ կլլնի. էս օրն ամեն բան շքվում ա, սա գլուխը գուս ա պրծացնում: Ինչկիցե. բերինք, դատիկ օրը մկրտեցինք, որ չիք-չորեքշաբթու շորշորք վրիցն անց կենա, վեր կալանք, անումը դրինք Հարություն: Դե մեր տնեքումն ո՞վ ա երեխին Հարություն կանչում, անումն էլ երեխի հետ պտի կամաց-կամաց մեծանա. մինը Հաթո ասեց, մեկելն Հարթեն, մենք էլ ա՛յ թուլա (այ շնիկ) էինք կանչում ու ձեռներին թոցնում, ուրախանում: Եկավ որ սա ընկավ Երևան՝ ոսների մեջը. ընտեղերանք ի՞նչ արեց, ի՞նչ շարեց, քանի՞ փողդաղու ալքեր հող ու մոխիր փռեց, դազախին հողախառը հաց ուտացրեց, փոհհարինք քցեց, նրանց ձիանոնցը ջուրն ընկած գարով ուտցրեց՝ սպանեց, իր ջեբը տուգարեց. մի օր էլ տեսնենք մի քանի իրպեսներին՝ Երևանի ջահել-ջուհուլին հավաքել ա, բերել գեղը, բարեկամների տներումը սրապատիվ տալի, մի շաբաթ քեֆից ալք չի բաց անել տալիս, մեր հաշվովը ղոնաղներ ա ման ածում, թե ի՞նչ ա, սաքի պատիվ եմ տալիս, դու մի՛ ասիլ, սա դրանց բերել ա, որ դրանց բերնովը մեզ հասկացնի, որ իր անումն էլ Հաթո չի:

— Բաս ի՞նչ ա,— չհասկանալ կեղծեց նաշալնիկը:

— Ես ի՞նչ գիտեմ, էն տղեքանցից ո՞րն Արտեմ էր կանչում, ո՞րն Արտուշ, մինն Արտուշկա, Արտամուշկա, մի քանիսն էլ Արտեմ Սերգեյիչ, ոնց որ դու հիմի, աղա ջա՛ն, հրամանդ ասում ես: էն օրից գեղը

մենք էլ Արտո ենք կանչում, ընչունքի տեսնում ենք, որ «Հաթո» ասելիս քինթը վեր ա քաշում, սաքի թե ինքն էլ Հաթո ըլնի, մեր գզիր քուրդ Հաթոն է՞լ: Դե «Հարություն» խոսքն էլ մեր լեզվի լաղարը չի (վայել չի), տերտերի ու վարժապետի բառ ա: Համա իմ քրքրված հոգին գիտենա, ես ուրախ կլինեի՝ մեր քուրդ Հաթոյի հընկեր դառնալ, քան թե փթած սերգեկի: Էդ ի՞նչ խոսք ա՝ Սերգեքրիչ: Էլի՛ մարդ կարմիր պահունի խընձոր, կամ մալաշա տանձ դառնա՝ մեղրի պես քաղցր, որ ուտողի բերանը համ տեսնի, քան թե տափպ սերգեկի, որ կախան են անում թե չէ մի շաբաթից հոտում, փթում ա ու՛ վեր ա թափում, ոնց որ մեր Հաթոն, վեց ամիս ա՝ քանի տանուտեր ա դառել, ամեն օր հոտում ա մեր վրա ու մեր խոսքի լազաթը (ախորժակը), մեր քաղցր մասալահաթը, մեր ուշունցը կտրում, մանեթն առնում, շենրոց անում: Բաս էդ մեղք չի՞, աղա ջա՛ն:

— Ախար էլի բան շասացիր, Մելիք-Բաղալ, կարճ կտրի տեսնենք:

— Դե էն եմ ասում, որ քեզ հայտնի ա, որ մենք գեղըցի ենք, հընկեր-հարեան ենք, իրար հետ հաշիվ, առնելացուկ տալացուկ ունինք, պատկից ենք, հող ունինք, բաղ ունինք, բամբակ ու քնջիթ ենք ցանում, ջուր ենք ջրում, ախպեր ենք՝ բաժանվում ենք, ես ի՞նչ գիտեմ, հազար տեսակ կապ ունինք, դե ո՞նց կըլնի, որ տարեն 12 ամիս սիրով, սոհ-բաթով ջան ասենք, ջան լսենք, անմեղ հրեշտակների պես միշտ երեխա մնանք: Դե մեր մեջը խոսք ու վրից կըլնի, տուր ու ծեծ կարող ա պատահի, ինչպե՞ս դիմանանք, սրտներիս փուլը ո՞նց նստացնենք, որ ուշունց չի տանք: Ես քո հորը կքաշեմ, դու իմ օխտը պորտն Աղամա դեսը թումբե-թումբ, շուկ-շուկ կքցես, ես քո կնկա սիրտը կշահեմ, գլխի լաշակիցն ընչաք գյուլբեքը կփառաբանեմ, դու իմ հարս ու քվեր անումը կտաս: Բան ա, աշխարհքն էլ կկառավարվի, սիրտ ա՛ կնստի, յուր կերթա, ուշունցը հո էն հրոպեին տեղ չհասավ, ասում ա՛ դարդակ խոսքը քամին տանի: Էդպես չի՞, աղա՛:

— Խեղճ իմ Մելիք-Բաղալ, հիմի տեսնում եմ, որ ծերացել ես, մի ժամ է խոսում ես, միայն իմ ու քո հայրն ու մայրն ես անհանդիստ անում ու բան չես կարողանում հասկացնել: Բան ունիս՝ բանդ ասա՛, իմ կնկա շորերի հետ ի՞նչ բան ունիս: Կա՛ց գնամ իրան ասեմ, էլ մեր տունը ոտ չես կարալ դնել, յասավուլով ու դազախներով մինչև ձեր գյուղը մեկ քշել կտա:

— Վա՛յ գլխիս, աղա ջա՛ն, ես ի՞նչ ճանճ ու մեղ եմ, որ քո խա՛նումին պակաս խոսք ասեմ, կոմ շար սրտով աչք քցեմ նրա վրա: Ես իմ քիրն ու մերն ա, իմ քերնի սրբությունն ա, ես առակ եմ ասում, օրինակ եմ բերում, ասում ա՛՝ առակն անխոտելի ա, ես մեր գեղական հաշիվն եմ ասում:

— Հանա՛ք եմ անում, Մելիք-Բաղալ, դու խոսքդ շարունակի՛ր:

— Դե էլ ի՞նչ գլխացավանք անեմ, քեզ դուրբա՛ն, մեր հալը հասկացար, էլ ոչ բերաններումս լիզու ա մնացել էս մեր չիք Հաթոյի գլավ-նությունի օրումը, ոչ սրտներումս եղ: Էլ գեղամիջին մի ձեն, մի աղաղակ, մի հարայ-հրոց չես լսիլ, ախար ո՞նց զալմաղալ (աղմուկ) անենք, երբ որ մեզն ուշունց չկա: չէ՞ որ կովի աղն ուշունցն ա, պստի հա՛րսն ա շինել մեզ էս անիծածը: Զարներս հատել ա, մի բան ենք միտք արել: առավոտը որ զարթնում ենք, դեռ երեսներինս խաշ շքաշած՝ դռները պինդ փակում ենք, երթիկ ու փանջարա ծածկում ենք, մի բեռն ուշունց դեռ առաջ մեր խեղճ պառավների (կաճաճ), մեր հընկերների գլխին ենք թափում, մի քանի էլ, հախ ու նհախ, վեր հատում, ախար ուշունցը հո առանց տուր ու դմփոցի յուր չի գնալ, ու հետո մեղքս ի՞նչ թաքցնեմ, մեր էս աղա գլավնի տանուտեր սերգեկի Հաթոյի՛ նոյան տապանիցը բռնած՝ ինչքան արդար ու մեղավոր ննջեցելք ունի, լցնում ենք մի նեղաբերան շուշի մեջ, ինչքան էլ քաղցր ուշունցներ կա մի տեղ ենք հավաքում, շուշի բերանը խցկում, որ տեղ չունենա դուրս փախելու: Էս որ պրծանք, նոր դռները բաց ենք անում երեսներս լվանում, գնում ծամ, մի քանի ծունր դնում հանգիստ սրտով ու ծամից դուրս գալիս իրան՝ էդ անիծածին «օղորմի աստված» տալիս: Դա էլ իր մեջն ուշունց, փքվում ա, թե ինքը նոր օրենքի գլավնի ա, հին տանուտերից չի, մեզ ճամփի ա բերել, մեր ուշունցը կտրել ա, մեզ քաղաքավարի ա շինել:

— Էդ լավ հնարք եք մտածել, Մելիք-Բաղալ, — ժպտալով ասաց նաշալնիկը, — բայց խեղճ կանանցը զոռ է հասնում:

— Էլի ուրիշ հնարք ենք գտել, աղա ջա՛ն, ասենք՝ ես քեզ հետ մի դավի (վեճ) ունիմ, ես իմն եմ ասում, դու քոնը: Երբ օր տեսնում ենք, որ յուր չգնացինք, սրտներս շնստեց, առանց ուշունցի վերջանալու չի, ես կացինն եմ վերցնում, գնում եմ բաղը, դու բահն ես առնում, էրթում դպա ձեր ջաղացի առվի ուռի ծառերը: գնում կանգնում ենք, հոգոց քաշելով՝ ամենքս մի ծառի տակ: Ես ասում եմ. ա՛յ ծառ, քո անումդ Գրիգոր ա: դու էլ, իհարկե, ասում կըլնիս՝ Բաղալ ա: հետո սկսում ենք՝ ես կացնով, դու բահով ծառին շրխկացնում, թրխկացնում ու հետո էլ ուշունցի տուպրակը դադարկում: էն տեղ էլ նոյր մոտիկ ա, Ազամիցն ենք սկըսում, ընչանք Ուռնայի կալը գնում, կենդանի ու՛ մեռել իրար խառնում ու «օխա՛յ» անելով, գալիս մի կուշտ ու կուռ հալալ հաց ուտում:

— Բայց մի՛ մոռանար, Մելիք-Բաղալ, որ մի ծամից ափելի է խոսում ես, կնոջս պատվեցիր հերիք չէր, մեռել-կենդանս էլ անհանդիստ արիր ե էլի խնդիրդ շասացիր:

— Աղաչանքս էն ա, ոտներդ մեռնեմ, որ դու մեր գատավորն ես,

Մեր ցածրի դեղ ու դիր անողն ես, առաջ մեր էս դարդն իմանաս, սրբով
ներիցս հարցնես, հետո ես դառնաս, երեսիս թքես, թե Բաղա՛լ, ձեռ մեկ-
նի՛, աշխատի՛, ուսումնարանն քաց արա՛, որ երեխեքը կարդան: Ես կարչ
գալու հակառակ չեմ, աղա՛ ջան, համա սրտումս եղ չի մնացել: Եթե
գրեես, որ իմ ձեռքը բան կգա, թե ուզում ես, որ ես գործի մեջ խառն-
վեմ, գամ քո ոտներն ընկնիմ, ուրիշին շինք ծանծ, աղորմություն ուզեմ,
իմ հարևան բարեկամին սիրտ տամ, ուսումնարանն քաց անենք, դու էլ
հրաման տո՛ւր էս լեռն ու բոլ տեղումը, էս քըջան գետի ափին, էս սիր-
աջ խորոված հասարակությունի առաջին լիզվիս կապերը քանդեմ, ո՛ւմ
փրատս ուզում ա՛ մի սրտալի, կուշտ ու կուռ ուշուկն տամ, շանս ու հո-
լիս դնչացնեմ, հետո, ինչ որ հրամայես, պատրաստ եմ գլխիս վրա
կատարելու: Թե մի օրվա մեջն ուսումնարանը գլուխ չեկավ, կաշիս բերչ
թեղ տուր յաստվուր սարի արջ Մահմատին: -

— Ուրեմն եթե քեզ իրավունք տամ ուզած մարդիդ հայհոյել, ղրկի՛:
բաց բաց անո՛ւմ ես մի ամսի մեջ, — հարցրեց նաշալնիկը:

— Չխաբվիս, Մելիք-Բաղա՛լ, — մեջ մտավ ծիծաղելով տանուտեր
Արտեմ Սերգեյիչը, — նաշալնիկը քեզ փորձում է, էդ նաշալնիկի իրա-
վունքը չի, էդ տանուտերի վերաբերյալ գործ է, մեղք ես, պարտքի տակ
լմանիս, ես էս գլխից նաշալնիկի ներկայությամբ քեզ ասում եմ, որ
ամեն մի ուշուկն մի ժանեթ տուգանք ունի:

— Դե ձեռք քե՛զ քաշի, չոլումը քամի անո՛ղ, դու էլ շա՛տ ես հավոր-
ուացել, չես հասկանում, թե ո՛ւմ առաջին ես խոսում: Կրակի առաջին
չախմախի չեն տալ, ասում ա. «Երեկ արեգակ՝ կոթնին աստեղը»: մեր
գլխի տերը, մեր պղեն էստեղ՝ դու ի՛նչ կհամարձակիս ծպտուն հանե
թո՛ղ մի-մի օգորմի, հրաման տա, տես իմ բերանիցն ի՛նչ դուս կթափի,
ո՛ւմ ցլխովք վեր կգա, էդ հետո մենք կտեսնենք, թե դու իմ մի հաս
կապեկին ո՛նց ես դիպչում: -

— Իրավունք եմ ապիս, — բարձրաձայն վճռեց նաշալնիկը:

— Դո՛րթ, գլխիդ մեռնեմ:

— Էս բոլոր հասարակությունը քոզ վիս լինի, եթե տանուտեր Աբ-
ահեմ Անդեյիչը քո մի կապեկին ղրկչի, հնգապատեկ վճարեմ:

էլ չեմ խոսում, էլ իմ գրիչն այն շնորհքը չունի, որ Մելիք-Բաղալն
բերանից հորդաբուխ աղբրի նման դուրս թափվածները մի առ մի թղթի
երեսն առնի. որք, եթե ցանկանում եք, գտե՛ք իրեն՝ տանուտեր Արտեմ
Սերգեյիչին, և թող ինքն յուր այրված սրտովն յուր դարդերը ձեզ լա ու
պատմի: Մեզանից ոչ մեկը, համողված եմ, յուր կենաց շրջանում արե-
քան քաղձակազմանի և քաղձատեսակ հայհոյանքներ լսած չունի. երե-

կապեկի անհնար է, թե մեր Մելիք-Բաղալը, երեսը տանուտերին դարձ-
րած, ի՛նչ խոսքեր դուրս թափեց յուր բերանից խեղճ Արտեմ Սերգեյիչի
հասցեին: Ես քառորդ, դուք կես ժամ առաջեք, շարունակ մի-մի ծանր-
ծանր արտասանած հայհոյական խոսքի հետ՝ ձեռաց շարժումով էլ տեղն
էր հատկացնում:

Ամենքը ծիծաղից թուլացել են, ինքը նաշալնիկը՝ մատը կտրես՝ չի
իմանալ, ես է փոզել բարձրի վերա և փոր ու սիրտ բռնած կշկում:

Մելիք-Բաղալն իր խոսքին տեր էր, մի ամսի մեջ դպրոցը գլուխ
բերեց. նույն օրը նաշալնիկից ու նորա հետի աստիճանաձորներից ու
ծառայակիցներից 500 մանեթի շափ նվերը առավ: Իսկ ի ցավ Օ. գյուղի
բոլոր հասարակության և նույնիսկ իրա՛ Մելիք-Բաղալի, Արտեմ Սեր-
գեյիչի տանուտերությունը շատ կարճատև եղավ: մի ազդեցիկ մարդու
գործ դրած մեքենաները նրա հրաժարականը շտապեցրին:

Այդ ժապին Մելիք-Բաղալը մինչև էս օր էլ այն է քաշում:

ՏՂԱՄԱՐԴԻ ՀՈՂՈՆ

Բարեկից աշնան ամենամառատ ժամանակն է: Օ. գյուղի բոլոր այ-
գիներն ամենաքաղցր պահունի պտուղներով լցված են. խնձորի, տափու
ձի, սերգեյի, դեղձի ծառերը, որ գաղտնեքը գծատուտ պատանու նման
գլխները ցցել, երկնքի հետ էին կոխվ տալիս, որ գույնզգույն անուշա-
բուր ծաղիկներով փթթած՝ կարծես ամենքին իրենց գլուխն էին ցույց
տալիս, այսօր այդ բոլոր ծառերը բնունաշալակ մշակի նման կուացել,
փոքր է մնում գետնին կաշնու: Եթե տասնավոր անցուկները շինեին,
որոնց վրա դառամյալ արևորի նման հեռվել են մեր ծառերը, հիմա
ամենքն էլ վաղուց ձեղքնակոտոր կլինեին: Այգիների միջնաձայրերն էլ
միաբանվել են ափների ծառատանկի հետ, խաղողի որթերը կախ են արել
յուրյանց հաստ ու կոխուն ողկույզներն և յուրյանց տասնավոր գույնե-
րովք նմանվում են ճիշտ գոհարազարդ ոսկի անոթի: Մարգարի՛տ կո-
չես սպիտակ քիշմիշի ապամ խաղողին, շոգա՛կն անվանես թափանցիկ
շոգշոգուն առկյարուն, զմրո՛ւթ առես մեծապատուղ ծիրանազույն հալա-
ղուն, հակինթի՛ նմանեցնես եզան աչքի խոշորությունն ունեցող եզն-
աչքին, գեղին ու սև սաթի՛ հետ համեմատես սև ու սպիտակ, արեից
գեղնած խարջուին կամ կանաչեմուն. ո՛ր մեկը համարես. գոհարների
տեսակները չեն կարող մրցել Արարատյան դաշտի խաղողների տեսակ-

ների հետ. հետաքրքրվողներն ասում են՝ մինչև 54-ի են հասել, ես կասեմ՝ էլի լրիվ չէ:

Ուրախ է գյուղացին, նա երջանիկ է, նա այսօր ժողովում է աստուծո տված բարիքը, օրականը ծախում է լեռնացի բեռնաձորներին, որոնք մրջյունի կարավանների նման քթոցները ձիանցը բարձած խռովում են այգեշատ գյուղերումը, իսկ պահուստի զգուշությամբ կրում է յուր մառանը և ճկուն ուռնու բարակ ճղնիկների վրա կախան անում, մառանի առաստաղը զարդարում, յուր սիրուն փոքրիկների ձմեռվան պաշար պատրաստում:

Գյուղական կյանքն ետում է. ամենածեր պապերից և ատամնագուրկ պառավ տատերից բռնած՝ մինչև նոր ոտնավորված թոթոփախոս մանուկը, ամենքն էլ գործում են. մինն ուռ է քաղում, մյուսը կախանում է, երրորդը բուն է բարձում, չորրորդը քթոցը ոտքի տակին կախ է տալիս, կանաչ դեղձ են կլպում, աղջիկներն ալանի են շինում, երկխայքը շորացածներն են հավաքում տնագործ տափարակ ուռյա մատուցարանների— սալաների մեջ, ա՛յս են անում, ա՛յն են անում, ես ի՛նչ գիտեմ՝ ի՛նչ են անում, բայց որ ամենքն էլ բանի են, ամենքն էլ շտապում են ծառայողից պրծնել, որ կպչեն այգեկութին՝ ամենայն երջանկությանց գագաթնակետին:

Աստուծո աչքն այս տարի քաղցր է նայել գյուղացունց վերա. թըրթուր, մարախ, խորշակ, կարկուտ, ժանգ, փոթորկալից քա՛նի, գարնանային հորդահոս հեղեղներ ու տարափներ, ոչինչ երկնային ցասում գյուղի գլխովը չի անցկացել, ոչ մի ծաղիկ ունայն տեղը գետին չի ընկել, ամեն կոկոմած բացվել, բեղմնավորվել և պտուղ է դառել:

Ուրախ են առավելապես այս տարի նշանվելու կտրիճ պատանիքն ու արբունքի հասած հրեշտականման աղջիկները. ցնծում են նրանք և հաստատ հույս ունին, որ իրանցից ոչ մինն այս ձմեռ չի մնալ առանց բարձակից ընկերի, ամենքն էլ արժանի կլինին կանաչ ու կարմիր նարտին՝ սուրբ պսակին:

Ամբարն ալյուրով լիքը, կարասները գինովով փորերը տկղած, մառանը հազարավոր բարիքներով փքված, յուղն ու պանիրը կճուճ-թուփից դուրս են թափում. էլ ծակ փորով աման չի մնացել. վերի այվանումը մինչև առաստաղը բամբակի կորզովն է կիտվել, շանաքավոր է կանչում, կտավատը ձիթահանքումն է ճմլում, ձեթ դառնում, քնշիթը բովում է դային խանումը, և մի քանի օրից արդար յուղից շանազանվող շիրբախտի ձեթը պետք է տկերը լցվին ու թիֆլիս ղրկին. ուրեմն էլ ջահելներին բախտավորելու ի՛նչ արգելք կա:

Իսկ եթե ամեն նորահարսներ ապագայի հուսով են խնդում, դեռ

ուրյանց մեջ վիճակ չձգած, թե ճակատագիրը ո՞ր խումար աչքերը պիտի իրան հանդիպեցնի, ինչի՞ չպետք է ցնծա ու ճխա մեր Սամփսոնը, որ իր պատկից հարևանենց աղջիկ Սոնան ոտը 16-ի մեջ է դրել ու այս ձմեռ յուր կողքը պետք է տաքացնի:

Էլ այսուհետև ումնի՞ց կասկած ունի Սամփսոնը. Ասոն խաչեղբայր դառնալ խոստացավ, իշխաններն ու զարթնեցան կամ դեռ խամփում, մրափում են հիմարության մեջ, իր դժվարությունները վերացել են, ամենից մեծ արգելքներն յուր և Սոնայի ծնողներն էին, որ երկու շաբաթ առաջ իրենց մեջ համաձայնություն են կայացրել, մի-մի բաժակ գինով խոսք են տվել, խոսք առել գյուղական պարզ և համեղ սեղանի վերա այգու ափումը, տերևաշատ ծառերի հովումը: Մնացել է միայն ձևականությունը, որ այգեբանը և դաշտային գործերը վերացնելուց հետո մի օր հայտնեն իրենց զավակների նշանը և մի-երկու շաբաթից հարսանիքի հոգսը քաշեն:

— Երկուսինս էլ միևնույնն են, մի-մին ծառի շիվ են, թող իրար փաթաթվին, ճղքճղքնոտին, մեծանան, ծաղկին, պտուղ տան, որ ծերության մեջ մեզ մխիթարեն,— առաջարկեց դասաբ Գալ-ափուն,— լավ չե՞մ ասում, հարևան ջան:

— Քրիստոսի բերնովն ես խոսում, ես իմ աստվածը, Գալո ջան, իմ կողմանն էս օրվանից աստված շնորհավոր անի,— վճռեց Ալեքսնց Բարսեղը.— հալբաթ աստծու մի մատը կար էս բանի մեջ, մեր խնամոնց աղջիկը (կի՛նը) ասում էր, որ երկու-երեք տարի ա, մեր երեսեքն իրար սիրել են:

— Շատ էլ լավ են արել, դուշմանի (քշեամու) աչքն էլ են հանել. տո՛, պապենական մենք բաղի հարևան էլ ենք, տան դրկիցներ էլ. մեր հերերն իրար հետ են նստել, վեր կացել. մենք մանկուց իրար հետ ենք տոճնգի տվել էս բաղերի կանանչ ափներումը, մեր կնանիքն են մինմնի հետ փսփսացել, հացփոխ արել, մեր երեսեքն են պստկուց անփոխան, փորը բաց էս առունների ցեխերի միջին քաշ եկել, իրար հետ կպտտալով «տափկենալուկի» խաղացել, երբ որ էլ մենծացել են, իրար հասկացել, էն էլ դո՛ւ ասա: էլ ես քեզանից ո՞ր լավի դուր պտի ծեծեի, աղջիկ ուզեի, կամ դու իմ ընչի՞նչ չպետք է հավանեիր, որ երես թեթեիր, շտայիր:

— Կամ ընչի՞ պետք է մեր սերն ու ախպրությունն ավելի շարճ-դացնենք, Գալո ջան:

— Մեր ջուխտ միևնույնների արևներովն եմ երդվում, Բարսե՛ղ ջան, որ մեր երեսեքը մեզանից խելոք են էլել, իրանց գործն էլ գլխիցն են տեսել:

— Յո՞ր, բա նո՞ր ես գլխի ընկնում, որ էսօրվան մի մատը քորփեն տասն իմ ու քո խելքն ունի, էս օրվան օխտը տարեկանը շատ ա հասկանում, քան թե մեր ժամանակի 20 տարեկանը. մեր ջահել վախառը դու աղջիկ-տղա իրար սիրել, խոսք տալ լսե՛լ ես, որ մեր սատանի ձագերն էս հասակումն երկու-երեք տարի ա, մերն ասում էր, իրար խոսք են տվել:

— Ես էլ, Գալո՞ ջան, իմ պառավիցն (կնոջից) իմացա, թե չէ հինգ տարի մնար, ես բան չէի հասկանալ, ախար տղամարդի խելքն էդպես բանի կհասնի՞:

— Մենք տղամարդիքս ի՞նչ ենք որ, Բարսե՛ղ ջան, — սկսեց փիլիսոփայություն անել Գալ-ափուն. — մենք աստժու պարզ միամիտ ախարներն ենք ու մեր կնանկոնց ձեռի աղլխները: Անումն էն ա, սաքի, որ տան գլուխը մենք ենք. շատ սուտ ա, դարդակ, սիրտ հովացնելու խոսք ա, տղամարդը կնիկարմատի անհասի անվարձ ծառան ա ու նրա սրտի ցանկությունների կատարողը: Կնիկն էլ որ կա՝ տղամարդի հոգին ա: Ինչ ուզում ես՝ մտքովդ գի՛ր, — տունդ ո՞նց կառավարես, գործդ ինչպե՞ս տանես, ի՞նչ բան բռնես, ե՞րբ դարիբույժյունի՞ քրեհ-քարվանի գնաս, որդուդ ե՞րբ պսակես, ո՞ւմ աղջիկն ուզես, ո՞նց նստես, վեր կենաս, ես ի՞նչ գիտեմ, ամեն բան ա գործիդ՝ տնային կառավարությունիդ մեջ ընչանք կնկանդ մատը խառք չըլի, մինչև նրա սրտովը չըլնի, գլուխ չի գալ:

— Սուտ չես ասում, Գալ-ափո՞ւ:

— Ո՞նց թե սուտ, խոսքերս ավետարանի կողքումն են գրված, փորձի՛ ու տե՛ս Մեկ էլ, ասենք, մտքումդ դիրք մի ձի-առնես, քո բերքն ու մասիլը բարձես վրեն, տանես քո ձեռքովը սաղացնես, օգուտը ուրիշին շուտացնես: Կնիկդ միտք չունի, քեֆումը չի գոմում ձի տեսնել: Մեկ էլ գիշերը պառկել ես, ողջ օրն եզի պես բանել, շարշարվել ես, վեր ես ընկել, ոտներդ ձգել, որ մի քիչ հանգստանաս, էզուց գիշերահանց աքլորականյին վեր կենաս, մութի-մութ գնաս քո աշխատանքին: Մեկ էլ տեսար՝ խանումդ եկավ, կողքդ մտավ, պառկեց. դե՞, քո կողակիցն ա, աստժու տված հընկերն ա, քո թուլակողքն ա, հո ջոկ տեղաշո՞ չպտի՞ քցի իր համար, էդ աստված էլ կբարկանա, հայ-քրիստոնեի հավատին էլ հակառակ ա. դե էն օրից, որ կանանչ-կարմիր բարակ արեշումն պարանն երկուսիդ շնքովը պատ տվին խաչ ու ավետարանի տակին, ձեռ-ձեռի տվին, միացրին, կնիկը քո մեղքն ա, քո շնքի կապճ ա, քո կողքը չմտած, դուան տակին օխտը ճամփի միջին հո չպտի՞ վեր ընկնի, աստժու պատվիրը հո քանդվի չպտի՞:

— Չը՛մմ...

— Հա՛, մեկ էլ տեսնում ես՝ եկավ: Ուրիշ վախառ ուզում ես հետք քազըր գրիցներ անիլ, քո տան խեր ու շառի վրա խոսիլ, երեսը շուռ ա տալիս, տնքում, ճոռում, վաշում, թե հիվանդ եմ, թող քնեմ, դու էլ՝ գունչդ քարին ա դիպում, քեզ համար տազ ես անում, վեր ընկնում. իսկ էսօր, որ մտքումը դրել ա շեմքովը ձի տուն շթողա, տեսնում ես քաղցր մասլահաթների տոպրակը բաց արեց. — ա՛ մարդ, քեզ մատա՛ղ, սրտումս դարդ ա մնացել, չգիտեմ, էս օրվա տուլմեն հավանեցի՞ր, թե ոչ, աչք հո շատ չէ՞ր, լղար հո չէ՞ր, քո ազիզ արևով եմ օրթում ուտում՝ երեսի ողջ եղը քաշեցի քեզ գրկեցի հանդը, քոռանամ ես, քա ջա՛ն, վայ թե սառել էր, համ շտեսար, գնդերը բկումս շարվեցին, կուլ չգնացին, ոնց էլավ՝ երկու հատ բերանս դրի ու ոնց որ դու հանդիցը մատդ վրեն չդիր, ես էլ էնպես, ախար ի՞նչ կուլ կերթա, առանց քեզ հալալ հաց կուտվի՞, հլա բոյիդ մեռնեմ, ա՛յ քա, տուլմեն լա՛վն էր, թե ոչ...

— Ա՛յ կնիկ, շա՛տ լավն էր, լավ էլ իշտահով կերա, դե հերիք ա, քունս տանում ա, աչքերս գնում են, էսօր էնքան գուժանի մաճի հետ թրե եմ եկել, մեջքիս իլիկը կոտրվում ա, թող քնեմ մի քիչ, որ էն գլուխն ջուրը մերն ա, պտի գնամ՝ բամբակի վերա կապեմ, կիսաշոր ա էլել:

— Դե լա՛վ, կգնաս, — ասում ա ու խունջիկ-մունջիկները (շողո-տորությունը) սկսում կամ թե չէ՝ թնգթնում, տնքտնքում, լաց ըլում, թե իրան շան տեղ չես քցում: Ի՞նչ անես, Բարսեղ ջա՛ն, թագա խնամի՞, դու հո քար չե՞ս, քնատիրոնչ հերն եմ օրհնել, կողքս տաքացնողի սիրտը պակասցնեմ, թե հանգստանալու ե՛մ:

— Է՛... Է՛... Է՛... Գալո ջա՛ն, ըսկի էդ ըլելու բան ա՞, հանգստանալ ես ուզում, հանգիստը գերեզմաններն են՝ որ կան:

— Էնպես չի՞, Բարսեղ ջա՛ն, ճակատներիս գրածն՝ երբ որ լրանա, կերթանք կպառկենք մեջքի վերա, էնքան կհանգստանանք, որ Գարբել հրեշտակը կգա, կողքներիս իր զուռնովը կբզի, Ուռնայի կալը ցույց կտա:

— Դրանից փախչիլ չենք կարող, դու բա՛նրդ ասա:

— Շուռ ես գալիս, ախպե՛ր, սկսում ես կտուց-կտրցի տված քչիլ-չալ, մի քիչ դեսից, մի քիչ դենից, ինքդ չես հասկանում, թե ո՞նց կնիկդ խոսքը փոխեց. բերեց ձիու վրա, ո՞նց գժվարություններն ու ձիու տված վնասները մի-միև գերանի չափ աչքիդ առաջին շարեց, ո՞նց քո խելքումն էլ նստեցրեց, քեզ համոզեց, բերանիցդ խոսք առավ, որ մեր գոմի մոտորքը ձի չի տեսնել: Հենց էնպես էլ ամեն բանի մեջ լավ խմացած կաց, մինչև կնիկդ շքանկանա, պատժու արևի շողքն էլ տանդ միջին չի կարող պտիս գալ:

— Դե դու ասեցիր, թե կնիկը «տղամարդի հոգին ա», էլ ո՛ր ես երկարացնում, Գալո ջան, ախար դու հենց գիտես՝ իմ մտքովն անց ա կացել քո տղին աղջիկ տալը, դո՛ւ ոչ մեռնիս, ամեն օր Սամփսոնդ, աստված քեզ բաշխի, աչքիս առաջին ա, փառք աստծու, հասած, կատարած, բեղերն եկած տղամարդ ա, ես էլ ազապ աղջկա տեր եմ. երեք տարի ա իմ աղջկա ուզողները դուռս ջարդում են՝ չեմ տալիս, դռնովն եմ դուրս անում, երթիկովն եմ մտնում. ես էլ չեմ տալիս, թե դեռ ջահե՛լ ա: Որտեղի՞ ջահե՛լն ա, դու հիմիկվա ծեսերը գիտես ո՞չ, որ 13 տարեկան աղջիկ չեն թողնում տանը մնա. համա մերը մի հատ էր, տղեն ու աղջիկը գլխներս կոխել հո չի՞, որ շտապենք ռադ անել. դե մերն էլ խեղճ ա, հարսը լուսի, ունենալու էլ դուռը չկա, որ գա իրա մատիցը փուշ հանի. չէինք վազում, բայց տուն ա, առանց խոսալ չի ըլնիլ, մեր միջումը սրա-նրա տղի վրա վիճակ էինք քցում, մեկին հավանում, մեկերին փնտովում (պարսավում), հիմա քո տղի անումն ընչանք օրս մտքովս չի անցկացել, մեր քեյվանին էլ բան չէր ասել: Ինչ կանես՝ չգիտեմ, մեջտեղն ընչե՞ր անցկացավ, որտեղի՞ց խանումիս գլխումը պտիտ եկավ. էս երկու շաբաթ ա՛՛ էդ կնիկը տամարս ա մտել, սատանա ա դառել, ինձ հանգիստ չի տալիս,— ա՛յ մարդ, Սամփսոնը լավ տղա ա, էսօր Սամփսոնը մի բռնն եղ ու պանիր ձիուն բարձած, ինքն էլ քիբարի (կոկ) միջին նստած տուն բերեց. Սամփսոնը էս գեղի տղեքանց աչքն ա, Սամփսոնը հորն ու մորը հնազանդ ա, Սամփսոնը է՛ս ա, է՛ն ա, վերջը՝ Սամփսոնը լավ փեսացու ա, Սամփսոնին աչքիս լսի պես սիրում եմ, Սամփսոնը մեր աղջկանը սիրել ա, մեր աղջիկն էլ Սամփսոնին ա սիրել, ես իմ երեխին Սամփսոնիցը հանիլ չեմ, դու էլ պտի կամք տաս: Ես էլ տեսա, որ խաթունիս ձեռիցը չկարացի ազատվիլ, ոչ տարա, ոչ բերի՝ ասեցի.— իմ կողմից աստված շնորհավոր անի:

— Դե տեսա՞ր, Բարսեղ ջա՛ն, որ կնիկը տղամարդի հոգին ա:

6

ՀԱՉԱՆԱԲԱԿ

Մի արևկող այգու հարավային անկյունումն այսօր էլ դեռ երեսը դեմ տված կանգնած է Հնձանաբազը: Այդ մի ավերակ է, որի գազաչափ երկարությամբ քառանկյունի կոփածո քարերի երեսները ժամանակի մաշող գորությունից տեղ-տեղ խորզուրորդվել են: Հնազետը նրան առ սակավն 700—800 տարիներ կընծայի: Ո՛չ տաճարի է նմանվում

այս ավերակը, ո՛չ մի հնադարյան իշխանական պալատի և ո՛չ մեր աշխարհքում մեծ անցքերի և ճանապարհների վերա շինված քարվանսարա կոչված իջևանատեղերի: Ոչ մի հիշատակարան կամ արձանագրություն ենթագրության տեղիք չի տալիս. միայն Հնձանաբազ անունն է, որ փարատում է ամենայն տարակուսանք. այդպես կոչվում են Արարատյան աշխարհի այգեշատ գյուղերի այգիների մեջ տեղ-տեղ մնացած հին հնձանների ավերակները. անունն ինքը ցույց է տալիս, որ դոքա բոլորը հնձանատեղիներ են եղել, ուր տրորվել են ու մզվել մեր պպերի ձեռքով տնկած ու հասցրած խաղողները՝ Նոյ մեծ պպից սկսած մինչև մեր օրերը:

Հնձանաբազը դրսից ոչինչ չի ներկայացնում, այգետերերը, երևում է, թափված քարերը ժողովել են ու թափել ներսը գավթի մեջ. այդպես էլ է. բակումը քարի կույտերից ավելի ոչինչ չկա, խոտն էլ՝ այգու անբաժան ընկերը, տեղ չի գտել, որ դուռս գա. տեղ-տեղ միայն աներեսի պես գլխները դուրս են հանել քարածերպերից եղինջի թփերը, որոնք մարդաշափ բարձրանում են և աշունը շորանում:

Չզարմանաք, եթե ասեմ, որ Հնձանաբազը դարերով ոչ միայն ադամորդու ոտք չի մտել, արևն ու անձրևն էլ դժվար են թափանցելու Հինավուրց հաստաբուն թեղի ծառի խիտ և անխնամ թողած ոստերն են հովանավորել ամբողջ ավերակի վերա, ծառը բարձրացել է և նորից վրանանման կուացրել յուր ճղքները և մինչև գետինը փռել. էլ ո՞ւմ ցավն էր կտրվել, աչք ու երես ծվատել և մի դատարկ հետաքրքրությունից ներս սողալ Հնձանաբազը:

Թեղու փշանման բարակ ոստերի ծայրերը չէին միայն, որ Օ. գյուղացիների ոտքը կտրել է Հնձանաբազիցը. երկու արգելք կար և երկուսն էլ օրինավոր. աղաչինն այն էր, որ թեղուն դիպչելը մեղք էր համարված. թեղին Թուխ-մանուկի տնկածն էր, գյուղի երեխեն էլ գիտեր, որ թեղու ոչ մի ճեղքին դանակ, էտոց, կացին չպետք է դիպչեր, ապա թե ոչ արյուն դուրս կգար. թեղին հենց ինքը Թուխ-մանուկն ա, բարակ ոստերը Թուխ-մանուկի երակներն են, իսկ տերևները նորա գզգզված մազերն են:

Թուխ-մանուկը մերձակա պարսկական գյուղի մուլլի որդին էր. նա քրիստոնյա է դառել, նրա մոլեռանդ հայրը կամեցել է որդուն սպանել, հալածելով հասցրել է մինչև Օ. գյուղի Հնձանաբազը: Մանուկը տեսնում է, որ հայրը հասվեհաս է, խնդրել է աստծուն, որ իրան ծառ շինի, հոռ ձեռքից ազատի: Խնդիրը կատարվել է. մանուկի գզգզված մազերը ճղքներ են դարձել և մուլլի մտնելուն արգելք եղել: Կատաղած մուլլեն այնուամենայնիվ մի փոքր յուր փափագին հասել է, թրով տվել է ծառի

մի ճյուղը բերծել: Այսօր էլ կտեսնես բերծված տեղում շորացած ու սեւացած արյունը:

Երկրորդ ավանդութիւնը Հնձանարագը շինում է օձերի թագաւորի պալատը. թագաւորը քարերի խոռոչներն են թագաւոր-օձի ապարանքները, այնտեղ են նրա գործերը, այնտեղից է օձի թագաւորն յուր ամբողջ բանակով հազարաւոր օձերով կովի գնում Մասիսի ձորաթմբերում, կամ Արագածի կրծքի ճղվածքում Ամբերդա անդերախոր ձորի մեջ գտնված թագաւոր-օձերի վերաւ:

Հնձանարագի օձի օջախի դուռը փոքր-ինչ հեռու գտնված քարակույտերի տակին է¹: Շատերը տեսել են բռնաշափ բազմանկյունի աղամանը, այն հուլը, որ օձի թագաւորը բերանուսէ է պահում ու արեկող արած ժամանակ հանում, բազմացնում յուր շորս պողերի մեջտեղը, թագի տեղ գործ ածում: Այն անում է, որ գոհարի շողշողունը խառնողցնի մտիկ ավողների աչքերը, որ շքան իր խաղաղութիւնը խոտվեն, ժամանակ-ժամանակ թագաւոր օձն ինքն էլ սիրում է զվարճանալ յուր անգին գանձով. նա հուլիսի կրակ թագաւոր շողերին ճիշտ կեսօրին երբեմնապես դուրս է գալիս յուր նագիր-վեղիրներով, յուր անհամար գորքերով ու գալարվում, կուտապ-կուտապ գալիս օջախի ծակի առաջին, հանում է բերանից շողաւոր և ժամերով վերն շարտում, բերանով բռնում, քցում, կալնում:

Հենց էս խառնիխուռն պատմութիւններն են, որ Հնձանարագի ներսն անմատչելի են արել նույնիսկ այգու տերերին:

Դեռ էլի նոր առասպելներ կարող էին հնարվիլ վերջին երկու տարիների մեջ, եթէ դուրահավան պառավներից մեկին կամ մյուսին հանդիպեր լսել Հնձանարագի ներսի հաճախակի փսփսոցները, կամ տեսնեին, ինչ որ մենք պիտի տեսնենք:

Անկարծիք, շատ ապահով են եղել երկու հոգի, որ յուրյանց խորհրդատեղին բնտրել են Հնձանարագը:

Թի արդարև, ո՛չ Ալեքսնց Բարսեղն յուր կնոջով և ո՛չ հանրահայտ Գալ-ափուն մի օրից մի օր մտքներովը շանցկացրին, թե ինչի՞ իրանց միևնույնարները ժամերով անհայտանում են իրենց այգիների խոր թրմբերում:

Գասկած տանելու տեղիք էլ չկար. Մամփոսնը մանգաղը ձեռքին թմբերի մփշումն էր, ուրեմն աշնան հունձն էր անում, խոտ էր հնձում:

¹ Այսպիսի օձաքննք այսօր շատ գյուղերում կան, 100-ավոր մի կանգնաշափ օձեր միմյանց դիմի թագաւոր՝ հավաքվում են բնի կամ օջախի առաջին և ժամերով վայելում արևի տաքութիւնը. Թշախի օձերը ոչ յուրյանց բնի առաջից կհեռանան և ոչ կկծեն:

իսկ Սոնան դեղձի ծառերի տակներն է ժողովում, տանում յուրյանց և հարեան Գալ-ափունենց լայն միջնապատի քարերի վերա շարում, շորացնում: Բանն այն է, որ ոչ թմբերի խոտն է հնձելով վերջանում, ոչ դեղձն է պրծնում, ոչ էլ մեր ջահելներն են թմբերիցը դուրս գալիս:

— Ը՛ս...ս...ս...

— Ը՛ս...ս...ս...

Առաջին շշուկը լսվում է Հնձանարագի գրակից, երկրորդն արձագանք է տալիս ներսից:

Եվ ահա մի բարձրահասակ սևաչյա աղջիկ, առնելով յուր խուլ սուլոցի արձագանքը, շորս կողմը զգուշարար աչքը պտտեց և ներս սողաց Հնձանարագը:

— Մեռա սպասելով, աչքս ջուր կտրեց:

— Չէր կարելի, մերս հազար բանի ա դնում:

— Նատի՛, ոչինչ:

Աղջիկը նստեց կոկ շարաքարերից մեկի վրա:

Նորա կողքին, բավականին հեռու, տեղավորվեց խոտակիցը:

— Քիչ էլ հեռու, մինթանես (չրջազգեսա) կտորոնս, մերս կիմանա, լավ չի:

— էլ ո՞նց հեռու, քաշի պանզին եմ, քիչ ա մնում՝ վեր ընկնեմ, երկուսիս մեջտեղն երկու մարդի տեղ կա:

— Լավ:

Խոտակիցը մի խոր հոցոց քաշեց և մուրացկանի պես վիզը ծռած աչ ձեռքը պարզեց:

Օրիորդը հանդարտությամբ նրան երկարացրեց յուր կողմից ձեռքը: Առավ անծանոթն յուր կոշտացած մատների մեջ օրիորդական քրնջուղիկ մատների ծայրերն և հեռվից շարունակ շփում էր:

Այս գործողութիւնը կատարվում էր ժամերով՝ լուկ-մնջիկ:

Բնության հանգարտ ժամանակը, այն էլ միայն դիշերը, երբ ամեն շնչավոր մրափած են և օդն ամենանուրբ է, ամենասուր ականջը շատ մոտից հաղիվ կարող էր ողողել երկու անընդհատ միապագա շնչառության ելևէջները: Ուրիշ ոչինչ ձայն չէր խանգարում Հնձանարագի խաղաղութիւնը:

— Հերի՞ք է, հոտ շառնեն, աշխարհքի մեջ մի մատը մեղր չտանանք:

Պատասխանը երկու սուների վեր բարձրանալն է, որ ժողովրդի մեջ տկամա համաժայտության արտահայտիչ է, այսինքն թո՛ղ քո ատածը լինի:

Տեղերումը շարունակում են պինդ նստել:

Անցնում է էլի կես ժամ, ավել, պակաս:
Մի նոր շարժում, գլխով դեպի այգու ափը ցույց տալով, աղջկա կողմից:

Հոժարակամ համաձայնության նշան՝ գլուխը դեպի աջ ուսը թեքելով:

Աղջկա բարակ մեղրամոմանման մատները պինդ սեղմվեցան ընկերի փայտյա կոշտ մատների մեջ, մի-մի խանդաղատական հայացք դուրս ցույցին երկուստեք, սևեռվեցան փոխադարձ միմյանց աչքերում, թեղի ծառի թփերը ետ բացվեցան, և մեզ ծանոթ Սոնան արդեն թափ էր տալիս մեծ-մեծ ալանու դեղձերը, քաղլակի մեջ լցնում, ուսի վրա գնում և դուրս գալիս թմբերից:

— Աղջի՛, տարի՛ ա քաշում քո թումբ մտնել-դուրս գալը, — կըշտամբում է մայրը:

— Է՛, ես ի՞նչ գիտեմ, — սրտատրոփ հեալով փսփսում է, քան թե պատասխան է տալիս Սոնան ու քաղլակը վայր գնում:

Բավական ըոպաներ են անցնում, մինչև նորա կրծքի տախտակն յուր վերա բարձրացրած երկու բռնցքաչափ գնդակներով դադար է առնում բարձր ու ցած անելուց:

Սոնան նստել, դեղձ է կլլում: Երևանի նահանգի դաշտային մեծ այգեկից գյուղերի աղջկանց սիրելի պարապմունքն է այս: Ալանի են անում նրանք, այդ տեղական ազնիվ մրգերից մինն է՝ ձմեռը նորափեսաների զոքանչների կողմից թավազա անելու: Ոչ այլ ինչ է ալանին, եթե ոչ կլլած, չորացրած, կորիզը հանած, ներսի դատարկությունը մանր ծեծած ընկույզով լցրած դեղձը:

Թնդում է Ալեքենց Բարսեղի կին Մարգարտի սիրտը. նա աչքի պոչով նայում է յուր հոգու ճրագ դասեր վարդանման ու շառագունած դեմքին և ցնծում է ուրախությունից: Մայրական գորովն արտափայլում է Մարգարտի երեսին. հազար ու մի խառնաշփոթ, ուրախ ու տխուր մտածմունքներ կայծակի պես սլանում են նորա գլխով: Նորա աղջիկը հասել է, երեսը 15 օրական լուսնի նման ետ է գնացել, սև-սև աչքերը երկայն ու խիտ արտևանունքներով զուգաշափություն են կազմել, թանձր թուխ-թուխ, կեռ-կեռ հոնքերի հետ. յուր Սոնայի շափավոր արծվի քիթը միանգամայն հարմարվել է կիսաձվաձև, կիսակլորիկ ծնոտի կամարի հետ, նորա կիսարի փոքրիկ բերանը բարակ և թափանցիկ շրթունքների տակից փայլին տվող լուսաշար մանրիկ ատամների հետ անգիտակցաբար ետ է բացվում, որ կարմիր այտերի ծայրերին շարունակ խաղացնի համեստ կուսական ծախտը: Հապա լայն, փայլուն ճակատը, որի վերին մասը ծածկված է մետաքսյա թաշկինակի տակ, հապա եր-

կայն բարակ մե՛ջքը, եղջերովի սիգապանծ պարանո՞ցը, կանոնավոր իրա՞նը, 12 հաստ հյուսերը վրան ծածանող թիկո՞ւնքը, — բոլորը, բոլորը միասին առած՝ մի կատարելություն են ընծայել Սոնայի շքնաղ կազմվածքին, մանավանդ այս ըոպեին գեղեցկությունն յուր գահը դրել է նորա երեսին:

Մարգարտը լոկ աչքերը դեպի երկինք բարձրացրեց, նորա ջրթունքները հանդարտորեն շարժվեցան, նա աղոթք է մրմնջում, գոհանում է յուր բաժին աստվածանից, սուրբ տիրամոր պաշտպանության է հանձնում յուր անուշ գառնուկին և մի բարի բախտ է խնդրում:

Իսկ աղջի՛կը:

Նա, ինչպես ասացինք, երեսն արևմուտք, նստած է ծառի տակին, գեղձ է կլլում և ժամանակ առ ժամանակ աչքի պոչով դեպի հարավ է նայում. նա կարծես վախենում է, թե յուր շարժումները կասկած կարող են զարթնացնել մոր սրտումը, դեմքն իրան կմատնե, այդ պատճառով նորից աչքերը կորացնում է:

Մայրը բան չի հասկանում, բայց Սոնան հանգիստ չէ. գող, սիրտը դող. նա սպասողական դրություն մեջ է:

Այո՛, Սոնայի աչքը երկար ժամանակ որոնում է խաղողի որթերի տերևների միջից մեկին. նրա սիրտն իրեն կրծոտում է. նա մեղավոր է համարում յուր գլուխը, որ այդքան շուտ զրկեց մի ուրիշին երջանկությունից, որ կապել կաշկանդել է նվիրական քարի վերա յուր անմոռն խոսակցին:

Պարտական էր Սոնան մտածել. մոտ մի ժամ է՝ թողել է ինքը Հընձանարագը, իսկ թեղի ծառի ոստերը դեռ ետ չեն բացվել:

Մարգարտը ոչինչ նկատողություն չարեց, երբ յուր աղջիկը պատվական խոշոր դեղձեթի կեսը միայն կճպեց, մյուս կեսը շտապաբար հոտեց, սալայի մեջը շարեց, դրեց գլխին և թմբերի միջով ուղղվեցավ դեպի միջնապատը:

— Ը՛ս... ս՛... ս՛...

— Ը՛ս... ս՛... ս՛...

Նորից թեղու ճղնիկները շարժվեցան:

Սոնան մի ըոպե կանգ առավ քարի առաջին, գլուխը ծանր տարավ ու բերեց դեպի աջ ու ձախ ուսերը՝ իբրև հանդիմանություն նշան և ակամայից պարզ հեղուկը առավոտյան ցողի շիթերի նման ցած իջավ աչքերի աղբյուրակներից:

Նա նոր բան չարեց. նորա աչքերը հետևեցին քարի վերա արձանացած՝ քան թե նստած էակի տեսանելիքին. դիմացի աչքերն արտասուքեց ուռել էին: Սոնան նստեց. Սոնայի մատները նորից շփվեցան:

— Ամոթ չի՞, երեսա ե՞ս, — շնչաց Սոսան:
— Սպանի՛ր, որ չե՛մ կարողանում, ընչանք ե՞րբ, ասա՛ ու պրծի՛,
եւի՛, մի անգամ մորթի՛ կամ կենդանացրո՛ւ:

— Ա՛ տղա, ո՞նց ասեմ. ախար էս անտեր երեսը միս ու արյուն ա,
քարախանի կաշի հո չի՞, ախար մեր գյուղումն էսպես գլուխը քարը տալ
էլ չսել ե՞ս, ինչ որ մենք արինք:

— Քո կամքը չի՞, թե չես ուզում, քացով տո՛ւր, դեն քցի՛:

— Ամա՛ն, Սամփսոն ջա՛ն, գլխովդ պտիտ գնամ, էգ խոսքն ինձ
ժի՛ ասիւ, իմ օրն առանց քեզ սե ըլնի:

— Բաս ես ո՞ր քարովը տամ իմ գլուխը, երկու-երեք կոլով տարի
ու դու ես շինել, սող կոխած տեղն երեսս եմ դնում, աչքդ թեքած վախ-
տը մահա եմ միտս բերում, գիշերը քունս ա փախել, ցերեկը անդնջում
կեչեղակ եմ դառել, օրերն իրար քամակից շարխի նման գլորվում են,
ընկեր-տղեքանց միջին մատով ցույց տալու եմ դառել. ոչ բերանումս ա
լեզու մնացել, ոչ գլխումս՝ խելք. նրանք հազար են հարցնում, ես մին
չեմ կարողանում պատասխան տալ. մի ժամանակ գիծ մոզի էր անումս,
հիմի ուրբաքալտս են դրել. ուզում ես ընչանք կենամ, որ գեղի գազան-
ները, իշխաններն ու քեդխուղեքը քեզ հափշտակեն, իրանց՝ լոբբազ,
պարծենկոտ, հավազող տղեքանց ճանկը քցեն, ես էլ էս գողկը գլխիս՝
Սամփսոն անումով, ողջ-առողջ գետնի երեսին համ ինքս ման գամ,
համ էլ իմ թշնամի՛ն. նա էլ երեսիս բան շասի, հրեկեր-տղերքանց
մոտ պարծենա, թե էս մի հոգևորի կաքավն իմ թոռն ընկավ. իրիկունն
էլ գա քեզ մոտ, մեին տասն ավելացնելով իր գլուխը գովի, ինձ վրա
ծիծաղա. դու էլ քիթդ թափ տաս ու ասես՝ աչքն էլ հանեցիր, նա ի՞նչ
իմ մարդացու արժան տղա էր...

— Սամփսոն ջա՛ն...

— Հետո դու էլ քո թալ ու թուշ (հասակակից ընկերներ) հարս ու
աղջիկների մոտ բերնե-բերան քցես, ասես, որ երեք դիր, քաղթը թիթի
տեղակ թող ու փեյին փչեցիր աչք ու բողազս...

— Ամո՛թ քեզ, Սամփսո՛ն, որ երկու տարի ա, անպարտե կապել
ես ինձ ոտիցդ, քաշ ես տալիս ու էլի վրես կասկած ունիս:

— Աղչի՛, կասկած չեմ անում, գիտեմ, որ թագավորի տղի հետ
ինձ փոխիլ չես, բայց քանի՞ քոռ կապել աժի: էսօր աշունք ա, աստծու
բարեքը վերեքվում (հավաքվում) չի, էս տարի գյուղումն ինչքան տղա
ու աղջիկ կան, որ քթներն անջախ են սրում, պսակվելու են. քեզ հայտ-
նի ա, որ երեք տարի ա, ողջ գեղի աչքը քո վրեն ա, սիրունությունդ էլ
որ ետ գնենք, հոր միևնուճարությունդ, էքքան մուգ ու կայանքը քեզ
ա մնալու, եղալի թիքա ես. տեղիցը վեր փենտըր գատած ապրանքի ա

ման գալիս, թե որ էզուց եզան նման ականջիցդ բռնի, տա մի գլավնու
կամ սուղիի տղի, դու ի՞նչ կանես, կարա՞ս ծպտուն հանիլ, կարա՞ս
հակառակիլ:

— Վա՛յ գլխիս, Սամփսոն ջա՛ն, վատ-վատ, սիրտը պատռող խոս-
քեր մի՛ ասիւ, աստված մի արասցե, աստված ինձ էն օրը մահ տա:

— Տո՛, ի՞նչ մի արասցե, դու չգիտե՞ս, որ երեք տարի ա՛ սոված
գիլանոնց նման քամակիցդ հոտտալով ման են գալիս, չգիտե՞ս, որ
ուտը 13 տարին դիրք թե ոչ, օրը մին ա, խնամախոսներդ՝ տասնումինս

— Ղորթ ա, բայց տեսնո՞ւմ ես, որ հերս չի տալիս:

— Տո՛, էն օրն ասում էր աղջիկս ջահել ա, էս օր ի՞նչ խոսք ունի.
տո՛, էս տարի որ քեզ չպսակեց, էս ձմեռ մեր քար ու քանդ գեղի նա-
մարդ՝ ազապ տղերքը ձեր մարագումն անկրակիլ խոտ կթողա՞ն, ձեր
բաղերի բարունակներն ու տաշնակները քոքի վրա կմնա՞ն, ձեր գոմու-
մք տավար, ձեր թառերի վերա հավեր կթողա՞ն. չե՞ս իմանում, որ մի
կարգ ջահելներ կան, որ տնքանդությունից ու գողությունից ավելի ձեռք-
ներիցը բան չի գալիս. չե՞ս իմանում, որ էգ վախուկ լապտարակները
չուլումը մուկն են դառնում, գեղումը՝ կատու: Հիմի էլ որ քուլովն անց
ես կենում, դու ես բերանների մաստակը:

— Է՛հ, հոգեմ դրանց գիծ ու խե գլուխն էլ, իրանց վրա թքողինն
էլ. քո մի մուռառա մազը կփոխե՞մ նրանց գլխի հետ:

— Էդ ես շատ լավ գիտեմ, բայց թե որ խոսքը քեզ հասցնեն, քո
կամքը հարցնեն. ոնց որ բոխ միջին գիտեմ, որ էզուց հերդ իմ մուլքն
էրվելուց ու կտրատվելուց ազատելու համար աչքերը հուպ ա տալու,
քեզ գիլանոնց ուխը քցելու:

— Դե լա՛վս գուք էլ շատերից մինը, թող քո հերն առաջկտրուկ
անի, գա ինձ ուզի, հերս էլ կտա, շենքով շնորհքով տղա ես, էլ ինչի՞
ինձ զոռ անում, հոգիս կատիկս հասցնում, որ ես մորս ասեմ:

— Աղչի՛, բա դու չե՞ս իմանում, որ հիմի շնորհքն ու խելքը չեն
հարցնում. հերդ գի՛ծ ա, որ սուղիա-տանուտերների զնչերին տա, ետ
դարձնի, թե ես դասար Գալոյի տղին եմ աղջիկ տալու:

— Ցխեմ սուղիեքանց գլուխը, նրանց ամենքի տղերքն էլ մի-մի
բլնգյազ անշնորհքներ են, քո ոտը շարժեն, նրանց ո՞վ կառնի:

— Տո՛, ջանիդ մեռնեմ, տղի լավությունին ո՞վ ա մտիկ տալիս,
սուղիեքն են քո հորը պետքը, որ էզուց գեղամիջին քամակին կանգնեն
պահապան հրեշտակի պես, դու որ սուղիեքանց կամ գլավնու հարս
դառնաս, հորդ ոչով չի կարող ասիլ, թե աչքիդ վերեն ունք կա, ձնից ու
արևից ավել ձեր բակն ոչով չի ստ գնիլ. գզիր-յասավուլի ձեն ձեր քու-
լումն էլ չի լսվիլ:

— Բաս զո հորն ասա՛՛ ամենի աչքն էլ հանի, էգուց գա հորիցս ուզի, նշան դնի, բուշորի բերանն էլ ցխի:

— Հազար հետ եմ քեզ հասկացրել, որ իմ հերը ձեր դռնովն անց չի կենալ. նա գիտի, որ դու մեր ատամի ծամ չես, նա իր ոտն իր կարպետից դուրս չի մեկնիլ:

— Ընչի՞, դուք ումնի՞ց եք պակաս էս գեղումը. ձեր կարողությունը մերիցն ընչով ա պակաս, մենք էլ երեք բաղ ունինք, դուք էլ. ձեր արտերը մերիցը շատ, ձեր տունը մերիցն ավելի լավ, զո հոր պատիվն գեղամիջումն իմ հորիցն առավել:

— Էդ հո էդպես ա, բայց հերդ խելքը հացի հետ չի կերել, որ գլավունն Գալ-ափունի հետ փոխի:

— Բաս ի՞նչ անենք:

— Էլի ասե՛մ, երկու տարի ա գլխումդ հալում եմ, դեռ էլի՞ հարցնում ես. հասկանում եմ, դու ինձ շինել ես մի հասարակ ձեռի աղյուխ, քիթդ կարբես, կարբես ու մի օր, երբ արբշմե խաս աղյուխը ձեռդ կրնկնի, ինձ դեն կշարտես:

— Սամփսոն ջա՛ն, խեղճ արի՛:

— Հա՛, հա՛, ի՞նչ ես կորցնում, Երկու երեք տարի ա՛ զո շունն ես շինել, քամակիցդ քցել, մի օր մի մսի կտոր չես քցել բերանս. երկու տարի ա՛ ոտիդ տակին փոված եմ, թող էս անլիզու քարը լիզու ընի վկայի, ձեռդ բռնելուց ավելի ինչի՞ եմ արժանացել. շունչդ շնչիս կպե՛լ ա, երեսս երեսիդ դիպե՛լ ա, բերանս բերանիդ գուն առե՛լ ա. շորիդ էլ չեմ համարձակվում դիպչել: Քարասի՛րտ, թե որ սրտումդ սեր կա, ե՛րբ խնայեցիր, ե՛րբ մոտ նստեցիր, ե՛րբ թողացիր մատս երեսիդ կաշի, ասա՛՛ կ՛րբ: Մի ուրիշը, որ ներս մտնի թուխ-մանուկի տունը, էս Հնձա-նաբազը, մեզ էսպես տեսնի, չի ասի՛լ խոոված տեքերակիներ ենք. էս քարն էլ էնքան մեծ ա, որ մեր արանքումը հաստափոր գել-Մուկուչին տեղ կանի:

— Սամփսոն ջա՛ն, չե՞ ես աղջիկ եմ:

— Սաքի նոր խոսք ասեցիր. առաջինն ա, որ խուլ ականջս լսում ա, դեռ մի սաղ տարի հոգիս դուրս եկավ աչքով-ունքով թփերի տակիցը, ծառերի շվաքիցը քեզ հասկացնելով, որ նեքսես օջախ ես վառել. խրրտնած եզան նման օխտը հավողի թումբը մին էիր թռչում, մորդ կուշտն ընկնում. կամաց-կամաց աստված սիրտդ գութ քցեց, սկսեցիր մի տարեն ճամփա հեռվից ջանդալների (խոխի) արանքից գող կատվի պես մարաղ մտնել, ինձ մտիկ տալ, քիչ-քիչ ոտդ առաջ դրիր, իհարկե, քարասիրտ հո չէիր, տեսնում էիր, թե ո՞նց եմ շլինք թեքել, անխոս քեզ պոնկնտում, աղաչանք-պաղատանք անում, ո՞նց էի մղկտում...

— Հերիք չի՞, Սամփսո՛ն:

— Հետո, հը՛... հը՛... հը՛... հը՛... քիչ, քիչ, քիչ, քիչ երկար կանգնեցիր մեր միջնապատի տակին, ձեր թփերի միջին, ու շլինքդ ծռած՝ մունչ-մունչ մնացիր: Ա՛խ, զո ցավը տանեմ, էն ի՞նչ օր էր ինձ համար, ի՞նչ պատկերք էիր դառել, ինչպե՛ս էիր կարմրել առավոտվան նոր ետ բաց էլած կոկոմ վարդի նման ու վռշնել, քիչ էր մնացել ամանչուցդ երեսիդ կաշին պատովի, արյունը գնա: Ըսկի մտքիցս չի ընկնում, ոտներս գետնիցը կտրվել էին, վերացել էի. հենց իմացա, թե էս ա՛՛ հրեշտակս գրկումս ա, էս ա՛՛ ջելրանս իր ոտովն ա եկել. անումդ տվի, Սոնա ջա՛ն, ու մղկտացի: Գառան նման շլինքդ ծռել, կաննել ես. ոչ ձեն, ոչ ձուն:

— Է՛հ, Սամփսո՛ն, հազար հետ ասել ես:

— Վթողա՛ս մոտդ գամ, — հարցրի քեզ. ձեն չկա: — Սոնա՛, ախար ես քեզ սիրում եմ, — ասեցի: Գու քարացել, տեղդ մխվել ես:

— Աղջի՛, մի ձեն հանի տեսնեմ, դու էլ ինձ սիրո՞ւմ ես, թե չէ. — հարցրի քեզ: Էն ի՞նչ քաղցր հրուպա էր, երկնային թագավո՞ր, բերանդ փակ մնաց, բայց մեռնեմ էդ ծիծեռնակի թև աչքերիդ, որ մի մտիկ տալով սրտիդ սրը (գաղտնիքը) քեզանից դուրս խլեցին. աչքերդ քեզ մատնեցին. էն ի՞նչ նետ ու գուլլա էր, որ աչքերիցդ մխեցիր սրտիս մեջ: Ջանիդ մեռնե՛մ, ասեցի, ու ոնց որ թազին ծլունգ-ծլունգ անելով՝ երկու դուաջ (մոտ 2 սաձեն) տեղը մին ա թռչում, իր որսի քամակիցն ընկնում, ես էլ պատի գլխովն ինձ ձեր բաղը քցեցի:

— Շա՛տ ճանգը ընկավ, ա՛յ:

— Հեռու չէիր փախչել, համա զո մի մատը թափ տալն ինձ անշունչ քար շինեց, տեղն ու տեղս թողեց. անիրա՛վ, ո՞նց շունչդ բաղի փոխումն առար:

— Տեսա՞ր, որ երկօրից էլի ետ եկա, քիչ-քիչ թողացի ինձ մոտ գաս, մենակ հեռու կանգնես:

— Բայց որ ձենի՞դ շարժանացա:

— Ընտուր հնարքն էլ գտար, էլ ի՞նչ ես ուզում:

— Մեռնեմ թուխ-մանուկի գորությունին, որ թեղի ա դառել, ճրդ-ճրդոտնել, Հնձանաբազի վրա փլվել խանորդու չի թողնում իր փեշի տակը մտնել: Հալբաթ իր կամքն էր, որ մտքումս տուն տվեց, ինձ դպա իրան քաշեց: Միտք անելով հոգիս բերանս հասավ, թե որտե՞ղ մի խուլ-վաթ, աչքից հեռու տեղ գտնեմ, քեզ տանեմ, որ մեր գալ-գնալն աչկարա շըլնի. կարծես միևր կուտս քաշում ա դպա թեղու փշալը, տո՛, մի մտնեմ, տեսնեմ՝ ի՞նչ կա էստեղ ասեցի ու երես ու ձեռ ճղտեղով

ներս մտա, աղինչներն ետ բաց արի և էս տափակ սե քարը մեզ համար նստելու տեղ ջոկեցի:

— Ես էլ ի՞նչ շուտ կամ եկա՞:

— Անիրավ, դու մտքումդ դեռ ես ինձ ողջ-ողջ գերեզման դնել երկու շաբաթ օձի լիզու թափեցի, ընչանք կարողացա երկու մատդ բրուներ և թեղու տակը մտցնել:

— Դե համ տարար, համ ձեռներս խաղալիք ես շինել, էլ ի՞նչ ես ուզում:

— Ուրի՞շ:

— Ուրի՞շ էլ անու, քանի նշանվել չե՞ք, ըսուց ավելին պա՛ս, ազապ աղջիկն անկտրիլ շամամ ա:

— Բաս մարդ երկու տարի շամամը ձեռումն ունենա ու նրա հոտին շարժանանա՞: Սպանի՛ր ինձ, Սոնա՛, էլ չեմ կարող, կուզես ճշա՞, աշխարհքը գլխիդ հավաքի՛ր, ես պտի իմ շամամիցը հոտ քաշեմ. ի՞նչ ես ասում, ասա՛, հրամայի՛ր, վճռի՛ր, թող մի հոտ քաշեմ քեզանից, թող մոտ նստեմ, քարի վրա արանք շմնա, մի երեսս երեսիդ առնի, Սոնա քա՛ն:

Սոնեն լուռ էր:

— Սոնա՛, մոտ նստե՛մ:

Ոչինչ ձայն:

Սամփսոնը մոտեցավ:

Սոնի կողմից ոչինչ շարժում կամ բացասություն:

— Սոնա՛, կթողա՞ս կուռս շինքովդ պատ տա՞մ:

Սոնայի պարանոցն ինքն իրեն ծովից դեպի Սամփսոնը:

Նրանց շոթունքները մոտեցան. Երկու ամբողջ տարվա մեջ առաջին համբույրն էր, որ Սամփսոնը քաղեց լուր սիրելուց: Կուսական սարք համբույր:

— Հիմի ի՞նչ ես ասում,— բուպեական գրկախառնությունից հետո հարցրեց Սամփսոնը:

— Ի՞նչ պետք է ասեմ. էս իրիկուն սեներս մահապարտի պես պտի մորս ոտներն ընկնեմ, ամեն բան նրան հալտնի անեմ. կասեմ՝ ա՛յ մեր...

Սոնան դողում էր ամբողջ մարմնով: Խոսքերը կցվեցան ատամների մեջ:

— Ի՞նչ ես սիրող կոտրում, Սոնա՛ քան, ինչի՞ փոշիմանածի պես դառար. թե չես ուզում, թե ես արժանի չե՛ի քո մի պաշին, կարող ես մի շահ-սիլլա տալ. դեն քցիլ ինձ, գնալ քո սրտի սիրածին ուզիլ: Փառք աստծու, իրան էլ լավ հալտնի ա, որ էս երկու տարվա մեջ առաջին անգամը շունչս շնչիդ, պտշս պտշիդ գիպա՞լ, վարդի տեքեն էլ մի հետ

ձեռք տալով չի սալարում, չի շփում. թե մի պաշով ալքիցդ ընկա, թե չես ուզում իմն ընկել, կարծի՛ր, թե աստված քեզ մի ախպեր ա տվել՝ օտարությունի մեջ էր, քվերը կարտեղ էր, եկավ գրկեց, համբուրեց, սրտի փափազն առավ, ուրախությունից սիրտը պատռվեց, մեռավ: Հենց իմանում ես՝ դժվա՛ր բան ա գլուխս քեզ մատաղ տալը: Հասեղ նստի՛, գնամ՝ մեր հնձանից դամես բերեմ, կոտեսնես:

Սամփսոնը վեր կացավ և գնում էր:

— Ո՛ւ, ո՛ւ, սխալվում ես, Սամփսո՛ն, տեղդ պինդ նստի,— կուռք քաշեց Սոնան,— զուր ես դամի քամակիցը դնում. գու դամեն բերնումդ ունիս, ոք սրտիս մեջն ես ցցել ու խառնում, սիրող սրտի վրա ծիծաղում: Ես փոշիման չեմ քեզ սիրելուս համար. դու իմ գլուխն ես, իմ ջանն ես, իմ սիրտն ես, գլխիս տերն ես, դու էդ մի պտշը պտշին կպցնելովդ՝ շտրիցիլ իմ սրտին. ի՞նչ երկու տարի, ինչի՞ չես ասում երեք, չորս, հինգ... իմացի՛ր, երեսունությունից աստված մեզ իրար համար ա արշա քցել, տներս ձեր տանը, բաղերս ձեր բաղին կպցրել, որ իրար հետ մեծանանք, իրար հետ խաղանք, իրար ճանաչենք, իրար սիրենք, իրարից անբաժան մեռնենք դրախտ թե դժոխք՝ իրար հետ մտնենք. երեսունուներ սերն ուրիշ էր, մենծացանք՝ ուրիշ փոխվեց, բայց երկսի անումն էլ սեր ա, առաջինը վերջինիցը պարզ սրտով, վերջինն առաջինիցը խելոց մտածած, շափ ու ձև արած, քաղցր ու հաստատ:

— Թե էդպես էր, էլ ընչի՞ մի պաշը քեզ փոխեց, ընչի՞ ուրի տերևի պես դողում է՛իր քամի չէլած տեղը:

— Ա՛խ, Սամփսոն քա՛ն, հիմի եմ հասկանում, որ տղի ու աղջկա մեջը սարեր կան, հիմի եմ գլխի բեկնում, որ ինչ բան տղի համար հեշտ ա, ամոթ չի, աղջկա համար սար շուռ տալ ա. քեզ համար ոնց որ մի կում ջուր կուզ տալ՝ դժար չի ամեն տեղ նստել, ասել, որ Սոնին տիրում ես, Սոնին պաշել ես, Սոնին ուզում ես, բայց ես իմ ծնող մոր մոտ էլ քաշվում եմ: Երկու տարի ա դու ինձ գոռ ես անում, երկու տարի ա՛՛ ամեն օր մտքումս դնում եմ իրիկունը սիրտս բաց անել մորս մոտ ու մութը կոխելու՝ լեզուս խպոնվում ա, բերանս փակվում, Զաքարիայի պապանձումն ա գալի վրես, ամոթն ալքերս կոխում ա, արտասունքն ինձ խեղզում ա, ընկնում եմ տեղաշարիս մեջ, գլուխս բարձի տակին պահում: Ընչաք էսօր էլ իմ տեղերն ամենքիցը շուտ ա վեր քաշվում, թե ինչ ա, մերս հանկարծ բարձիս ձեռք շտա տեսնի, որ թաց ա Ա՛յ, հենց էդ միտքն էր հիմի, որ ինձ դողմանի քերեց, ընչունքի հաստատ մտքումս դրի՛ էս գիշեր անց չկացնել, ամեն բան մորս ասել, ոտներն ընկնել, աղաչել, պաղատել, որ մի հնարքով հորս բան հատկացնի, մեր նշանը շուտ վրա բերի ու գեղիս շուն ու գիլանոցից ինձ

ազատի: Ինձ համար Սամփոսնիս կոխած հողը հազար գլավնի, սուդիա, հողաբարձու, դատավոր-մենծավորի գլխից լավ ա, դու միամիտ կաց:

— Ես մեղա աստծու, հոգի՛ ջան, գլուխս քարովը տվի. ես հենց իմացա, թե պաշի վրա հերսդ եկավ:

— Որ էլ մտքովդ փիս բաներ անց չկացնես Սոնիդ վրա ու կասկածանք չանես, էս ես, էս իմ գլուխը, իմ սաղ ջանս, իմ մարմինս: Որ դու էլ սրանից հետո դամի ու խանչալի ետևից չգնաս, Սոնիդ համար Սիմավոն ծերունի դառնաս, էս էլ թող ըլի երկու:

Սոնան այս անգամ ինքը փաթաթվեց Սամփոսնին:

2

ԱՎԱՄԱ ԽՈՍՏՈՎԱՆՈՒԹՅՈՒՆ

Մարգարիտը ոչինչ նկատողություն չարեց յուր աղջկանն, երբ նա պատվական խոշոր սպիտակ ալանու դեղձերը չհճպեց, ալանի շինեց, ալ գլխահան արեց, ճղճղոտեց և առավ գնաց դեպի շնդիլը. ոչինչ բան շատաց նա Սոնային, բայց ինքը յուր մեջ շատ զարմացավ և կասկածի մեջ ընկավ:

— Շենց կարծես իմ Սոնեն չըլնի, քշվածի պես ա երևում. նա ու էսպես բան բռնի՞, ալանու դեղձը ճղոտի, կամ էսպես հաստ կլպտի՞. կասես եզան մեջքից կաշու զոլեր ա հանած, ափսոս չե՞ն, էլ դեղձերումն ի՞նչ ա մնացել, մսի մենձ բաժինը կլպի վրա ա թողել: Զէ, երեխիս պինը, հենց իմանաս, մի մուխ ա մտել. էս առաջինը չի, քանի օր ա՛ մին տեսնում ես կարմրեց, ալվան վարդ դառավ, մին սփրթնեց, անց որ ջուլհակի հորից նոր կտրած կտավ. կուրանա՞ն իմ աչքերը, ես էլ զըլ-խահան եմ անում, բանի տեղ չեմ քցում, ըսկի չեմ հարցնում:

Նա տեղիցը կանգնեց ու դեպի շնդիլը նայեց: Սոնան դեռ շնդի վրա էր:

— Փառք իմ աստծուն, երեխիս թևերն եկել են, թառա՞ն ա, թառա՞ն. էս տարի գեղի ազապներն իրար գլուխ կջարդեն. մեռնի՛մ էն տղի ջանին, որ ինձ ետնի պտի ասի ու Սոնիս ինձանից խլի. բերանիս ազիզ թիքեն կտամ նրան, ջանս իրան էլ դուրբան, իր յարին էլ. մի էն օրը տեսնեմ ու մեռնի՛մ, գերեզմանիս վրա օխտը թիզ մանիշակ գուրս կգա...

Մարգարիտն աչքը տնկել էր՝ ինքնամոռացության մեջ ընկղմված. նա մտիկ էր տալիս հեռվից յուր միևուճարին ու փառավորվում, այս բուպեիս նա ամենաերջանիկ մայրն էր:

— Մեռնի՛մ մարալին ու ջեյրանին, ո՞վ տեսնի էն սուրբի (ձողա-
շափ) բոյն ու չգժվի:

Մայրն իրավունք ուներ. Սոնան գործը պրծավ և կանգնեց շնդի վերա. նա աչքերը դարձրեց յուր շուրջը. նրա գլուխը պարանոցի վերա մի-երկու պտույտ արեց եթերի անհուն տարածության մեջ. նա ինքն էլ չէր կարող հաշիվ տալ իրեն, թե ո՞ւր է նայում, ինչի՞ է նայում:

Շատ շտեկեց այդ դրուժյունը. նա ցած իջավ պատից և մտավ խա-
ղողի թմբերը. նա էլ չէր երևում:

Մարգարտի երևակայական ցնորքներին, նրա ուրախությանը հե-
տըզհետե տեղի տվին կասկածանքներն ու սրտամաշ տարակուսանք-
ները. մի ժամից ավել ա Մարգարիտն աչքը դարձրել է բուրդ դեղձե-
նիներին և իզուր սպասում է, թե ահա այս ու այն ծառը կշարժվի և
դեղձերը թփթփալով գետին կթափվին. շատ չի քաշիլ՝ Սոնան գեղձը
քաղյակի մեջ ածած, ուսած, թմբերից դուրս կգա:

Մարգարտի ուսքերն անգիտակցաբար շարժվեցին, բայց շատ չկա-
րողացան առաջ գնալ: Շուտ-շուտ ծնկները ծալվում և կանգ են առնում:
Կասկածը կրծում է մոր սիրտը. նրա մտքովը մի բան անցկացավ,
և նա շտապեց դեպի շնդիլը:

— Հո՞ղն իմ գլխին, ցե՛խն իմ աբրին, ես ի՞նչ կանեմ, որ մտքինս
(կասկած) ուղիղ դուս գա. մենք աշխարհքումը թուք կըլնենք, Բարսեղն
ինձ թավեն կղնի, կտապակի:

Մարգարիտը վեր ելավ շնդի վերա: Նրա ձեռքերն ինքնին բարձրա-
ցան դեպի երեսը, եղունգների ծայրերն այտերին քսվելով քնթկալի վե-
րայով ծնոտից ցած իջան:

Այդ ամոթի ու նախատինքի նշան է:

— Քոռանա՛մ ես,— գլուխը շարժելով՝ շարունակ դեղձերին էր նա-
յում նա.— էս ո՞նց ա շարել, էս ի՞նչ օրն ա քցել, ցխի պես իրար վրա
թափել ա ու թողել:

— Զէ՛,— հաստատ վճռեց նա,— երեխես շիտակ փոխվել ա, նրա
ախտը մի բան ա անցկացել, հենց է՛ն ա, որ կա:

Մարգարիտն աչքերը դարձրեց յուրյանց հարևան Գալ-ափունենց
այգու կողմը և հետաքրքրությանը դիտում էր:

Այգու ափումը Գալոյի կին Զարմանն էր պտտվում, ինքը Գալ-
ափուն էլ նստած՝ քթոց էր գործում:

Մարգարտի կասկածը քանի գնաց սաստկացավ, Սամփոսնը ոչ մի
տեղ աչքի չընկավ:

Մարգարիտը ցած իջավ պատից, նա գնում էր թմբերի միջով. բայց
ինքն էլ չգիտեր, թե ո՞ւր. շատ անգամ ուզեցավ ձայն տալ, բայց կար-

ծես, թե մինը նրա շրթունքները հուպ էր տվել, լեզուն չէր շարժվում. և ի՞նչ կհամարձակեր ձայն տալ, հարևանները ե՞րբ են նրա ձայնը լսել, որ հիմա լսեն. մի՞թե կարելի է՝ մի կին այնքան կորցնի յուր գլուխը, որ բաց երկնքի տակին բարձրադիր այգու մեջ անպես խոսի, որ կողքի հարևան տղամարդը լսի. գետինը վեր խորտակվի՝ լավ չի՞ այդպես ալալուզի դանջը (Բեդի վրանի մտախց շինուացող էգ շունը):

Երկու անգամ Մարգարիտն այգու թմբեբը պուլի-պուլ (քմբեբի անցքերը) ման եկավ, բոլոր դեզձենոնց տակը տեսավ, անցկացավ մյուս հարևանների կողմը, հենվից նրանց աղջկանց ու հարսներին էլ տեսողեք. Սոնան նրանց մեջ էլ չէր:

Մարգարիտը գողում էր, լավ էր ուզում, արտասունք չէր գալիս:

— Չե՛մ կարծում... ո՞չ... ո՞նց կըլնի, էդպես բան ե՞րբ ա լաված, է՛հ... — տարակուսանքների մեջ խորատուզված, անկապ հարցերով ուսերը հաճախ թափահարելով, ձեռքերով, գլխով թերահավատության շարժումներ անելով՝ առաջ էր մղվում նա մի ներքին նախազգացություններից դեպի մեզ ծանոթ Հնձանաբազը:

Մարգարտի աչքերը մթնեցան, նրա մազերը ոգնու փշերի պես ցրցվեցան. մի էլեկտրական ցնցում ամբողջ ոսկրաշարքը զրգռեց. նա վայր կընկներ անշուշտ, եթե մերձակա նշենին հենարան չհանդիսանար. նա գրկեց ծառի բունը և գլուխը դեմ ավելի փռած փռակին (ծանրի փռած խոր):

Անտեզի չէր երկյուղը. խեղճի կարծիքն իրականություն է, չհավատացողը թող Մարգարտի աչքերով նայի Հնձանաբազի թեղի ծառին և որդեսեր մորը շնորհալի: Տեսե՛ք՝ ահա թեղու թփոտ ճղճիկները բարձրացան և տակից կոացած գուրս եկավ. — ի՞նչ եք կարծում, ո՞վ՝ մոր սրտի սյունք՝ նրա սիրելի աղջիկը:

Սոնան տեղանտեսն եղավ այս տեսարանին. մի վայրկյան նա կանգ առավ, մյուս ակնթարթում երկու մեծ քալեր արեց, երեսում էր, որ նա վազել էր ուզում, մորը բռնել էր ցանկանում, բայց ոտքերն իրեն չէին հնազանդում, աչ ու ձախ կասում էին. Սոնան քարշ էր գալիս, քան թե քալում էր:

Վերջապես նա մոր մոտ է, տեսնում է մոր դողոցը, տեսնում հեծկըլտանքն ու արտասունքի ցած գլորվելը և չի վստահանում մոտ գալ, բռնել. նա ամոթապարտ հանցավորի նման երկու քայլաշափ հետու կանգնել է և յուր ոտքերի ծայրերին շարունակ նայում:

— Ա՛խ, — հանկարծական սուր ճիշ դուրս թռավ մոր կրծքից ու ոտքերը տեղն ու տեղը ծալվեցին:

Սոնան շատ լավ հասկացավ մոր ճշալու պատճառը. թեղու ճղճները

նորից բարձրացան, ստվերի պես մինը չոր-չոր տալով աներևութացավ թմբեբի մեջ. սրաթև արծիվը միայն այսպես արագ կարող էր ճղել մըթնայրտը:

— Ան սրտի աղջի՛կ, — հազիվհազ հեկեկաց Մարգարիտը:

Սոնան չոքեց մոր առաջին, նրա գլուխն ակամայից ցած գլորվեցավ և մոր ծնկների վերա հենվեցավ:

— Հարն ու մոր թքա՛նք, էս ի՞նչ սև բերիք մեր գլխին:

Սոնան միայն հեթհեթում էր. նրա արտասունքը թրջեց մոր շրջազգեստը և ներս անցավ:

— էս ի՞նչ օրի հասցրիր մեզ, ա՛յ գետինը վեր խորտակվես գո՛ւ էլ, քո մերն էլ:

— Նանի՛ ջան, — հազիվ լսելի հղավ աղջկա բերանից:

— Չոռ ու ցավ քեզ, որ քո ծնողի գլուխը դուս կտրեցիր. սև ըլներ քո ծնելու օրը, փորումս լակ ձու կարվեիր, ջուր դառնայիր՝ աշխարհք չընկնիր, որ էսօր քո հոր անունը հողի հեպ շհավաարեցնեիր, աշխարհքի մեջ խոտելու բանատեղ չըլնեիր:

— Նանի՛ ջան...

— Ան սրտի աղջի՛կ, թեղու տակին ի՞նչ բան ունեիր, տո՛՛ մահի տարած, բնշի մեր անունն աշխարհքով մին արբը:

— Նանի՛, — աչքերը շորի փեշովը սրբեց, գլուխը բարձրացրեց Ասեան. — շատ սարսի եմ, որ դու ինքդ քո աչքովը տեսաչ ու իմացար, թե բանն ինչումն ա. երկու տարի ա՛՛ ամոթեք բուկս հուպ էր ապախ. չէի կարողանում ոտքերդ փաթաթվել, սիրտս բաց անել: Ես խոսք տվի Սամփսոնին, որ օրն էս օր հենց էս իրիկուն մսերքս ուտեմ, սիրտս պընդացնեմ ու ամեն բան քեզ սեսեմ: Հալբաթ աստված ըսենց էր կամեցել, հալբաթ ինքը գիտեր, որ ես էլի սիրտ չեմ անիլ — էլի կպապանձվեմ ու Սամփսոնին կխաբեմ, քո սիրտդ կառկած քցեց, դեսը քաշեց, որ քո բարի աչքովն ամեն բան տեսնիս... Նանի ջան, ես Սամփսոնին սիրում եմ, երկու տարի ա՛՛ խոսք եմ տվել:

Թե ի՞նչ խոսքեր ասաց, ի՞նչ փաստեր առաջ բերեց, այդ յուրյանց պորձն է, բայց մենք տեսնում ենք, որ Մարգարիտը հանգստացավ, նա մինչև անգամ համբուրեց յուր սիրելի գասերը: Նա անկեղծորեն հավասարնալից յուր աղջկանն և ուրախ եղավ, երբ իմացավ, որ առաջին անգամն այսօր յուր սիրելին անմեղ գրկախառնությամբ ամբացրել էր սիրտ անբավանքի շաղկապը:

— Բերանս քիվեբ, բալա ջան, — ասաց նա, — լեզվիս ծերիցը թռածնեքը ծցս թափվին ու ոչ քո և ոչ քո սրտաչ (սրտակից) յարի քեթը չխառվի, որ ես քեզ գուր տեղն անխճեցի:

— Քո անեծքն ինձ ու Սամփսոնին օրհնութիւն ա, նանի ջան:

— Սրտիդ շառնես, աչքերիդ մեռնեմ, բեր էդ փիալա (ճրագ) աչքերդ պաշնեմ. ը՛հ, մեռնի՛մ էս կրակ կտրված թշերին էլ ու սրանց դիպչող պոռոշներին էլ, մեռնի՛մ թագավորի պես փեսացվի ջանին. նանի գլուխը մատաղ գնա Սոնին ու Սամփսոնին: Տես անումներն էլ ինչ լավ սազում են, փառքիդ մեռնեմ, ասովա՛ծ:

— Բա՛ս, ափունին (ճայրիկին) ե՞րբ կասես, նանի ջան,— մոր ձեռքն անդադար համբուրելով հարցնում էր Սոնան:

— Հենց էս գիշեր, հենց էս գիշեր տեղը մտավ թե չէ, շեմ թողալ քնի, տամարը կմտնեմ:

— Բա Սամփսոնի մորը բան չես ասի՞լ:

— Թող Ջարմանին էլ իր տղեն ասի, աշխարհքը մեր վերա կծիծաղի, թե աղչկեքը գլխները կոխի՞լ էին, որ ինքը գնաց, տղատիրոջ դուռը կտրեց, թե եկե՛ք, աղչիկս ուզե՛ք:

Մյուս օրն երկու հարևանները— Գալ-ափունի կին Ջարմանը ու Ալեքենց Բարսեղի կին՝ Մարգարիտը— կտուց-կտուցի տված՝ երկար գրույց էին անում և երկուսն էլ շատ ուրախ էին:

Համաձայնութիւնն երկուսի մեջը կայացել էր: Հետևանքը մեզ հայտնի է. ծառի տակին նստած՝ մեզ յուրյանց բերանով պատմեցին Գալ-ափուն ու Բարսեղը, երկար ու բարակ խոստովանվելով իրարու կիներմատի մեծ ազդեցութիւնը:

ՅԵՑԱՊԵՏԸ

— Բալասան աղեն, Բալասան աղեն,— քիչոցն ընկավ Օ. գլուղը:

Արդարև, հեռվից երևեցան երեք-չորս ձիավորներ, որոնց ամենքի առաջին զալխ էր պատվական կապույտ նժույգի վերա վեհորեն մի կողմի թեքված մի հաստափոր պարոն:

Ձիավորն յուր ուղեկիցներից երկու ձողաչափ հեռու էր գալիս. այդ նշան էր, որ հետևողները նրա սպասավորներն էին:

Նա միջին տարիների մարդ էր, 45-ից մինչև 50 տարի կարելի էր տալ նրա հասակին, նայելով լայն և կոկ ածիլած երեսի թարմությանը և գեր եզան հաստ կզակի (թափանի ճաստ մասերը) նման երեք ծալք իրար վերա կիտված կզակին. միայն չինչ սպիտակ գլուխը, պաշտոնա-

կան նշանակը ճակատին փայլող դիտարկի տակից, 70 տարեկան ալիորի պատկանելի դեմք էր ընծայում նրան:

Ահա ամեն կողմից դիտարկներ բարձրացան. փողոցում քարերի վերա շարվածները բոլորը ոտքի կանգնեցան, մինչև մեր ձիավորը— Բալասան աղեն հասարակության ողջունին կիսապաշտոնական ժպիտով առանց մի բառ արտասանելու ծոնց գլուխն և առաջ անցավ:

Երկար ժամանակ բազմութիւնը ոտքի վերա էր. բավական միջոց մի շշուշ չէր լսվում քանի-մի բոսի սրանից առաջ հարայհրոցը երկինք հասցրած ամբոխի միջից:

Վաղուց Բալասան աղեն թեքվել էր դեպի նեղ խոտորափողոցը, կամ կարելի է արդեն իջել, հանգստանում էր յուր օթևանում, բայց ժողովուրդը ոտքի վերա սառած մնացել էր՝ բերանները կիսաբաց և երեսները թեքված դեպի ձիավորի անցկացրած կողմը:

Օտարը կկարծեր, թե գլուղը առասպելական կախարդի անեծքին է ենթարկվել, կամ մի շար հրեշտակ է երևացել ու մարդկանց դարձրել անխոս արձաններ: Ինչպես ասած է աղոթած էլ էին դառել:

Հակառակ կողմից երևեցավ եվրոպական հին վերարկուն ծածկած մի միջահասակ մարդ:

Նա զարմացավ ամբոխի շփոթ դրութիւն վերա: Նա կամենում էր հարցնել մի բան, բայց կանգնողներից մինը հազիվ լսելի ձայնով ասաց.

— Գնա՛, խուզո՛, գնա՛, Բալասան աղեն եկավ:

— Մեր աղեն,— բացականչեց խուզոն,— վաղո՞ւց:

Խուզոն էլ պատասխանի չսպասեց. նա լեղապատառ վազեց ետևից՝ ինչպես տիրոջը կորցրած շուն, որ հոտը կառնի ու առանց աչ ու ձախ նայելու մին կվազի:

— Թո՛ւ...— գլուխը թափ տվեց մինը խուզոյի քամակից և նստեց:

— Աշխարհքս էդ շարխի վրա ա պտտվում,— պատասխանեց մի ուրիշը թքանք արձակողին և էլի նստեց:

Ամբոխը կամաց-կամաց յուր նախկին դիրքն ստացավ, բայց էլ առաջվան աղաղակը չկար:

— Տեսնես ընչի՞ ա եկել,— խոսեց մինը:

— Ո՞նց թե տեսնես. տեսնելու ի՞նչ կա, հայրու պես պարզ ա:

— Ախար երեկ-մեկել օրը չէ՞ր էստեղ, զատկից հետո չէ՞ր, որ եկավ զատիկը գեղի պնչերիցը հանեց, շատերի ձեռք ծոցումը թողեց. տարները հինգ հետ հո չե՞ն գալ:

— Մենակ մենք հո չենք, եկած կլինի մոտիկ գեղը, մի քանիսի տունը քանդած, բանը պրծած, հիմի եկել ա իր նոր մլթերին մի գլուխ քաշի:

— Տո չէ՛, ախպեր, չէ՛, մարդը գործ ունի, ձկն էլ ա. խելքներդ շնորհ կարճ ա. ո՞նց չեք հասկանում. դրա գալուց առաջ ի՞նչ գողգողոց էր:

— Դե գլավնի փոխելու վրա էինք խոսում, բայց դրան ի՞նչ:

— Բաս քամակիցը վազող թաղի՞ն:

— Վա՛յ գլխիս, լընի՞ ուզում ա գլավնի էլ շինիլ. սուղիա շինեց՝ շատ խեր տեսա՞նք. իստակ երեխանց տակի փալասն էլ դռար կքաշի:

— Ցե՛ց ա, որ մտել ա մեր ջանը:

— Ցեցը նա չի, ցեցը նրա ոտքերը լիզողներն են. ա՛յ, մինը դա, որ քամակիցը վազեց, ինքը որ կա՛ ցեցերի ցեցն ա:

— Էլլիկ չե՞ք (համայնձ), հասարակություն չե՞ք, դրան մի՛ լսեք, գեղ կանգնի, դերան կկտորի. գեղովի խոսքը մին արե՞ք, սև քշեցե՞ք, ձեր կուռն ո՞վ ա բռնում:

— Ի՞նչ հեշտացնում ես. թե մարդ կըլնես՝ ձեռք սև ծակին մոտեցրե՛լ, հացդ կերար, թողդ երկինք կբարձրանա:

— Ա՛յ մարդիկ, խոսելու բան չունի՞ք, դուք տանտեր չե՞ք, ցաղ ու հոգսներդ պրծել ա՞, ինչ եք էգուցվան գալու բաների վրա գլուխ ցավացնում. ինչ աստված կամեցել ա՛ կգա, ուրիշ բաներ խոսեցե՞ք,— ընդհատեց մի ծերունի ընդհանուր խոսակցությունը՝ նշանացի ցույց տալով անկյունում կուշ եկած մի նորահարս երիտասարդի վրա:

Նորից խոլ լուսթյունը տիրեց, խոսողների լեզուն բունը մաավ:

— Սա էստեղ չէր, որտեղի՞ց բուռնվեց,— փսփսացին իրարու և մեկ-մեկ քաշվեցան: Հեռացողը մի արհամարհական հայացքով արտահայտում էր յուր տհաճությունը դեպի երիտասարդն և գնում:

— Ո՞նց հալածակվեցին, ձեր հե՛րն անիծած,— փսփսաց մարդն և ամենքից հետո ինքն էլ քաշվեց:

Ե

ՄԻ ԿԱՐԵՎՈՐ ՄԱՍՆԱԺՈՂՈՎ

Օ. գյուղի արևելյան ափումը, գյուղական տներից 200 քաջաշափ հեռու, ճանապարհից փոքր-ինչ ծռանց, այսօր էլ անցողդի ուշադրությունը գրավում է հողե բարձր ցանկապատի ներսի կողմը եղած գեղեցիկ պարտեզն՝ յուր կենտրոնումը գլուխը հպարտ բարձրացրած փառավոր երկհարկանի շենքովը:

Ճոխ պալատը, համարձակ կարելի է այսպես կոչել, ներքուստ և արտաքուստ ոչինչ բանով նմանութուն չունի գյուղական շինություն-

ներին, նրա առաջի պարտեզը միանգամայն զանազանվում է գրացի բնակիչների պարտեզներից և այգիներից:

Մի մեծ շատրվան՝ վճիտ ջրով չիքը ծիծաղում է այցելուի երեսին և ծակում է յուր ձողաշափ բարձրությամբ շաղ տված ջրի հյուլենների փառքունքով նայողի աչքերը, երբ արևի ճառագայթները հազար կտոր եղած՝ ամեն մի հյուլեն մի-մի շողակնի են փոխում:

Ցանկապատի երկփեղկյա գարվազեն միշտ կոզպ է. չի բացվում շաբաթներով նույնպես և դարվազի միջի դռնակը:

Եթե երբեմն-երբեմն մի կուացած թիկունքով ծերունի, արխալուզի գուրջը հարյուր տեղից կարկատած, ամառները միշտ ոտաքորիկ, իսկ ձմեռները մի ծակծկված տրեխ ոտնեղին՝ ներս ու դուրս շանի բահն ուսին դրած, կարելի է ասել, որ տունը միանգամայն անմարգարնակ է: Մերունին միակ բնակիչն է իշխանական պալատի:

— Հը՛, Քաթո՛ս պապի, էսօր քեֆդ տեղն ա, աղեն եկել ա, լավ-լավ կերակուրներ կուտես:

— Զա՛նը զնա ջհանգա՛մը, ոտը կտորի, ըսկի չգա:

— Ընչի՞ ես ըտենց ասում, պապի՛, քո ախպերն ա, ուլտխ չե՞ս, որ նրա նման ազա ախպեր ունիս:

— Ուրխ կըլնեի, որ էսօր շնաստակ ըլնեք, ի՞՞՞՞ ձեռովս նաշը (գազաղը) բունեի, տանեի թաղեի ու հետո, մի հոգի ենք տալացուկ ասաղ-ծուն, տայի ու պրծնեի:

Տարին մի քանի անգամ ծերունին երկու-երեք օրով կհեռանար յուր կացարանից:

Այդ այն օրերն էին, որ մի մեծավոր երեք-չորս սպասավորներով կզուք, կիշներ դարվազի առաջին և ծառաներին կհրամայեր բախել դրոնակը և գարվազեն բաց անել տալ:

Սրնի ձիանց ոտնաձայնից արդեն ծերը ճանաչում էր եկող հյուրին:

Նա էլ սպասել չէր տալիս դռան բախելուն, իսկույն գոնակը բաց էր անում, դարվազի կողպեթի բանալին շարտում գետին ու ինքն առանց աջ ու ձախ նայելու՝ թողում, թոնթորալով հեռանում դեպի գյուղը:

Ահա այդ օրերումն էին, որ տունը կյանք էր առնում:

Վաղուց այդ տան տեղն ագարակ էր. ծերունի Քաթոսն այնտեղ ամեն տարի համեղ դուրմեք և մեծ-մեծ ձմերուկներ էր հասցնում. ագարակի գլխումը շինած մի հատիկ խրճիթումն էլ ինքն էր կենում:

Այժմ էլ այն խրճիթը կա պալատի քամակին: Շատ աշխատեց Բալասան աղեն խրճիթն էլ քանդելու, բայց Քաթոսը ոչինչ քանով չհամաձայնեցավ:

— Ի՞նչ ես ուզում, ա՛յ գետինը մտնելու,— ասաց նա, քեմ ու գեմ

իր եղբորը՝ Բալասան աղին, — մեր հայրենական կայքից էս մի քյա-
լավեն (ավերակ) է՛լ շես տալ ինձ. վե՛ր կալ, բոլորն ա՛ջոք կոխի. թող
իմ մեյիդն (դիակը) էս ծածկի տակիցը դուրս գա, վերջը էս է՛լ քեզանով
Սև ծովը, ես հո հետս չե՛մ տանելու էն աշխարհը. մեր շորս ախպորից էլ
ո՛վ մնաց. ես էս ա մի ոտս գերեզմանումն ա. դու ես մնացել, մին էլ
հետու ջհանդամներումը կորած պատիկ լակոտը՝ մորդ սիրեկան տղեն,
որ էգուց-էլօր, ես գիտեմ, նա էլ քեզանից ավելի օձի կծածը պտի դուրս
գա կամ թո խաշովը պտի խաշվի խեղճ Վրթոյի պես, որ գինովացրիր,
բերանիցը թուղթ առար, թե իր բաժինը քեզ ա ծախել, ու տուն ու տե-
ղից զրկեցիր, դարդամաս էլավ, ժուռ ու մուռ նշանված մեռավ, նշա-
նածն ուրիշին բաժին էլավ: Ա՛յ մահի տարած, ասենք ես էի խորթ, հո-
րից մին էինք, մորից՝ չոկ, ջրատար Վրթոն հո թո մորի՛ցն էր, ի՞նչ կըլ-
ներ՝ երկու բաղից մնի կեսն էլ նա ուտեր:

Բալասան աղեն տեսավ, որ իր մեծ եղբայրը շատ պետք է փրնթ-
փրնթա, ամենքի մոտ իրան միշտ պետք է դատապարտի, վճռեց չքան-
դել թաթոսի տնակը միայն մի պայմանով, որ նա յուր պարտիզին ու
տներին հսկողություն անի ու պահպանի:

Թաթոսն էլ ուրախությամբ հանձն առավ, մանավանդ երբ Բալա-
սան աղեն թույլ տվեց իրան պարտիզի մյուս ծայրին մի փոքրիկ տեղ
յուր համար ազարակ անել:

Բալասան աղեն, հայանի չէ, թե ի՞նչ նպատակով շինեց այս տունը.
նա այդ արեց, երբ պատերազմը պրծավ:

Բալասան աղի կենսագրությունը քաջ գիտեցողներն այսպես են
պատմում նրա անցյալը:

Նրա հայր քաշալ Մեսրոբը շատ չքավոր է լինում: Նա մտնում է
Երևանում մի մեծավորի այգեպան և միաժամանակ այգու մեջ շինած
չրաղացին ջրաղացպան: Կերևի՝ խելացի մարդ է լինում, որ շորս-հինգ
տարուց հետո Ս. գյուղումը գնեց երկու այգի և մի ազարակատեղ, որոնց
մասին վերը հիշեցինք:

Մեծավորը մի օր տեսել է ջրաղացումը փոքրիկ Բալոյին, հավանել
է նրա գեղեցկությունը և վերջրել է յուր առաջին փոքրավոր:

Ինչպե՛ս է լինում՝ աղեն դրան ղրկում է Մոսկով կարդալու: Նա մի
քանի տարի մտնում է այնտեղ, անշնորհք է լինում, բան չի սովորում,
կիսատ վերադառնում է և մտնում մի դիվանատուն որպես գրագիր: Եր-
կու տարուց հետո, նրա գլխումն ո՛վ է փշում, Վարջավ է գնում, էնտեղ
ձիավոր է գրվում, էնտեղ չին է առնում և ետ գալիս: Բախտը նրան հա-
ջողում է, լավ-լավ պաշտոններ է ճարում, իր մեծավորների աչքն է
մտնում, վերջը պատերազմի տարին, ինչպես է լինում, դրա ձեռքը մի

տեղից մի գումար է ընկնում և դրանով՝ դնում է յուր հարստության
սկիզբը: Ասում են, որ դրան է հանձնված եղել պատերազմից վնաս-
վածներին մատակարարելիք նպաստը. ամենքին լիուրի բաշխելուց հետո
իր գլուխն էլ չի մոռացել: Մեղր ծախողը մատը կլպստի:

Ոմանք էլ պատմում են, թե մինչև վերոհիշյալ գումարը Բալասան
աղեն փող էր շինել: Նա միշտ կատարել է յուր ծառայության մեջ նշա-
նավոր պաշտոններ: Նույնիսկ յուր պաշտոնակիցները հաճախ ծրարեն-
րում դրած դրամական նվերներ են ուղարկել նրան, մի տեսակ բարե-
կամական կապ պահելու յուրյանց ազդեցիկ ընկերի հետ: Մի հիմարը
միայն չի ուզեցել ճանաչել Բալասան աղայի առավելությունը. վերջը
շատ էլ զղջացել է, գլխին վայ է տվել, բայց շատ ուշ. այսօր քաղցած
փորով, պալտոյի բամբակները կախկախտոված՝ քարշ է գալիս գինե-
տների առաջին, երեխայքն էլ թափառաշրջիկ մուրացկաններ են դար-
ձել:

Ամենից խելոքը վարվել է մի գործավարի օգնական: Դիվանատան
ատենադպիրը հիվանդ է լինում, նրա տկարությունը երկարատև բնա-
վորություն է ունենում, բժիշկները նրա վերջը մահ են գուշակում. մինչ
ամենքն ատամները սրած, սպասում էին և կողմնակի կերպով էլ աշ-
խատում էին, թե ե՛րբ պետք է մեռնի ատենադպիրը, որ ձեռք բերեն
բարձր պաշտոնը, մեր գործավարի օգնականը լուռ ու մունջ գնում է նո-
տարիուսի մոտ և այսպիսի մի մուրհակ վավերացնել տալիս. իբր թե
ինքը պարտ է Վլադիմիր Նեստորիչ Մենիկովին հինգ հարյուր մանեթ՝
երեք ամիս ժամանակով, մեջն էլ գրավական է նշանակում յուր այգին:

Նրա բախտիցը ատենադպիրը մեռնում է նույն օրը, երբ լրանում է
ժամանակամիջոցը:

Դնում է նա մուրհակը ծրարի մեջ մի ուրիշ թղթի հետ, թե ըստ
որում շունիմ միջոց վճարելու, ինքնահոժար փոխարենը պատրաստ եմ
ձեռք քաշել այգուցս: Իհարկե, մի փոքրիկ տոմսակով Բալասան աղայի
հովանավորությունն է խնդրում:

Հինգ օր չի անցնում, գործավարի օգնականը, որ միևնույն է թե մի
գրագիր, ստանում է ատենադպրություն:

Այսօր խելացի պարոնը և՛ լավ հաց ունի, և՛ բարձր պաշտոն. շատ
մոտ բարեկամ է մեր Բալասան աղին և օրհնում է Մենիկովի կյանքը:

Մենք մոռացանք ասել, որ Բալասան աղայի անունը քաղաքավարի
չեզով Վլադիմիր Նեստորիչ Մենիկով է: Բավական մեծ վիճարանու-
թյան առիթ է տվել նրա անվանափոխությունը. մի մասնաժողով է կազմ-
վել դրա մասին. Բալասան կամ գյուղական կոչումով Բայո՝ Վալոդի
խոսքին մոտ է եղել. ինչպես հայտնի է՝ Վալոդին Վլադիմիր բառի փա-

դաքշական կրճատումն է. այդ հեշտ են գտել. դժվարություն չեն կրել և ազգանուն որոշելու ժամանակ. նրա հայրը ջրաղացպան էր և այգեպան. մասնաժողովի անդամներից մինը ցանկացել է բարդ ազգանուն կազմել Սարգսիկով-Մելնիկով կոչումով, բայց մեծամասնությունը հակվել է առավելություն տալ հոր ջրաղացպանությանը, մանավանդ որ կարճ և քաղցր է «Մելնիկով» խոսքը: Ինքը Բալասան աղեն էլ շատ է սիրել այդ բառը: Մեծ տարակուսություն է առաջ եկել Մեսրոբ բառը փոխելիս՝ Մոյսեյ, Մինայ, Մեղվեզ, Միտրոֆան, Միֆոդի և ուրիշ շատ Մ տառով անուններ շարել են, երբ տեսել են, որ ոչ մինը չի սագում, ընտրում են Ն-ով նեստոր անունը: Մեկը միայն հակառակել է, ասելով թե նեստորը վիրավորական է, նա եկեղեցու հակառակ հերձվածող է եղել, բայց ինքը Բալասան աղեն ասել է, որ եկեղեցուն նշանակություն չպետք է տալ, նեստորը խելոք մարդ է եղել և այդ իր համար սիրելի է. ուստի և վճիռ են կայացրել Բալասան աղին մեծաբանել Վլադիմիր նեստորիչ Մելնիկով պատվանունով: Յուր ցանկության համաձայն՝ այսպես էլ կոչված է նա յուր ծառայության ցուցակի մեջ:

ԳՅՈՒՂՆԵՐ ԷՆ ԵՆՎՈՒՍԱՎԱՐՎԵԼ

Երեկո է. վերոհիշյալ պալատի վերնահարկի պատուհանները լուսավորված են. վերնահարկումը ոչ ոք չկա, մի փոքրիկ սենեկում միայն ժահճակալի վերա, խալաթը հագին, նստած է ճաղատ ճակատը բաց մեկը. նա քրքրում է սեղանի վրա գրված պայուսակը: Նա հանեց մի կապոց մուրհակներ և սկսեց մի առ մի թերթել:

— Այս մե՛կ. սա մեզ շատ հարկավոր է, ատամնալոր կծան շուն է, պետք է ծանրը փշրել, ժամանակն էլ լրացել է:

Նա նու դարսեց մուրհակը:

— Այս երկո՛ւ, — ձեռք առավ նա մի ուրիշ թուղթ. — սա ծակերում հաշացող է, կծել չի կարող: Այս երե՛ք. հերիք է սրան տոկոսից մի շնչին բան կտորել, և ահա յուր հարազատ եղբոր տակը կփորի: Այս չո՛րս, հի՛նգ, վե՛ց, յո՛թ, — շուտ-շուտ մուրհակների տերերի անունները կարգալով, ինքնագոհ ժպիտն երեսին մի կողմն էր ետ գնում նա, — սրանք քոլորն էլ ի՞մ գործիս ու նպատակներիս կզան, բավական է միայն իմ կողմից մի թեթև հրաման: Է՛հ, ի՞նչ եմ երկարացնում, — նորից խառնեց նա մուրհակների ծալը. — ողջ գյուղն ի՞մ ստրուկն է, և զ՞նա երկե՛րտում եմ: Գե՛տ մի դրամադուխը հաշվեմ, տեսնենք՝ որքա՛ն կլինի, — ասաց նա և հավաքիչը վերցրեց մեկ-մեկ քցեց:

— 35.000 մանեթ. 6՛4, — բարձրաձայն կանչեց նա, — էս գլուխը իսկ եթե տոկոսը, տոկոսի տոկոսը վրան գալու լինինք, ո՛ւր կերթա, 70.000-ից կանցնի... Ո՞վ է, — ձայն տվեց Բալասան աղեն դքսի սենեկի հազոցին:

— Ծս եմ, աղա ջան:

— Գու՛ե՛ս, Խուրճ՛, եե՛րս արի:

Խուրճն խոնարհ գլուխ իջեցրեց, ձեռքերը սրտին խաշած կանգնեց:

Մեզ անծանոթ չէ Խուրճն. սա այն մի հատիկ գյուղացին էր, որ մեզ թափա՛ Մելիք-Բաղալի աճրդի ժամանակ և էլի շուտ փախավ. մենք շնք ձկարագրիլ սրան. շատ չի քաշել, ինքն իրան գլուխը ցույց կտա. այս-բանը միայն իմանա՞նք, որ Բալասան աղայի ընդհանուր կառավարիչն էր Օ. գյուղում և առաջին հավատարիմը:

— Ի՞նչ եղան, — հարցրեց աղան:

— Մի-երկուսն եկել են, գլխիդ դուրբան, բայց մնացողները հենց իմանաս փախս են տալիս. Մելիք-Բաղալը, սաթի թե, գլխացա՛վ ա բրու-նե՛լ, տեղն ա մե՛կ քնե՛լ. ոնց որ տեսնում եմ՝ աղվեսաստի ա տվել. մինը հանդն ա գնացել, մեկիլը ջուր ա ջրում, Ղազարն էլ ասում էր, թե թուրքերը նախրիցը մեր կովը քշել տարել են, մաշադի Նասիր-Քեզին երեք մանեթ եմ խոստացել, գնացել ա տեղը արել, գնում ենք ետ բե-րելու. իմ կարճ խելքովն ամենքն էլ մհանեք են սարքած, դրանք պտի հավաքված ըլնին Մելիք-Բաղալի տունը, դուռը զածկած՝ Արտոյի հա-ճաց քար հավաքելու պատրաստությունում ըլնին, շին ուզում գալ:

— Տո՛, գի՛ծ ես, ի՞նչ է, անցե՛տ հայկան, ձողու պե՛ս բարձրագե՛լ ես, տարին տասներկու ամիս զորությունս տեսնում ես, գիտես, որ թրիտ երկու կողմն էլ կտրում է ու էլի դուրս ես տալիս, թե շին ուզում գալ, ի՞նչ կհամարձակվեն, թող մի չզան, տեսնեն:

— Աղա՛ ջան, որ Արտոյի քարը դուս գա, ի՞նչ կանենք, էդ թղթերի կնք ջուր կդառնա: — Խուրճն գլխով ցույց տվեց սեղանի վրա դիզված մուրհակները: — Համա դու ինձ գլավնի շինի, տես ո՛նց եմ տարին չը-լորած շղջկան մանեթներն առաջիդ կիտում. տես հինգ-առաք մանեթով ո՛նց եմ քեզ հազարներ ամող քաղերի ու մեխի հարիս արգում (արդյունք) տվող հողերի տեր շինում. հո՛ գիտես, որ ձեռքս կգա:

— Գե՛, ձայնդ քեզ քաշի՛ր, կս՛վ, դու էլ կարծում ես, թե քո շնորհքն է, որ այսօր մարդամեջ ես խառնվիլ ճաղատում ես. սո՛ հիմա՛ր, ես որ Ավդալովին շնորհի, քեզ ձիավոր չգրել տայի, վերջը գեմեկի ստրածի ուրյաղնիկ շանել տայի. քեզ ո՞վ շան տեղ կզցեր. ա՛ն, ասում են՝ ձի թիմարելու շնորհք էլ շես ունեցել. տասն անգամ ուրյաղնիկդ գանգաու-վել է Ավդալովին, թե ձեռքիցդ ոչինչ շնորհք չի դո՛ւս գալիս, բայց նա

հրամայել է իմ խաթեր պահել: Տո՛, եթե ես ամեն բանում քեզ չհովանավորեի, հացի տեր շաննի, դու հիմի՞ որտեղ կլինեիր, քեզ ո՞վ սուդիա կշինեիր: Կորի՛ աչքիցս, հիմա՛ր ապերախտ, լույսը չբացված՝ իմ փողերս բե՛ր, որ հինգ տարի է՝ առանց շահի վրադ տնջում է. ես կարող եմ առանց քեզ իմ պարտքերս հավաքել. բավական է, որ Արտոյին կանչել տամ, երես տամ, դռանս շունը կդառնա, իսկ եթե էգուց մլթերդ ծախել տամ, փողս վերցնեմ, դու քաղցածությունից ճաշին կքնես:

Խուզոն տեղն ու տեղը շոքեց:

— Ես գլուխս քարովը տվի, ոտներիդ մեռնիմ, քո մի բալի գլխովը պտիտ տո՛ւր ինձ ու աչքդ վրիցս մի՛ հեռացնիլ. ես քեզ բարկացնելու մտքով շանեցի. խոսք էր. լեզվիս տակից փախավ: Ողջ գեղն ու մհալն ա վկա, որ ես, իմ կնիկը, իմ երեխեքը, տունս տեղս քո ծոխանքաջրովն (աման լվացած ջուր) ենք ապրում, քո թիկունքովն ենք մարդամիջի մարդ, թե չէ ես ո՞վ, Խուզո բեգն ո՞վ:

— Հո հիմի հասկանո՞ւմ ես:

— Ջանս էլ չի դու գալի՞ս, ինձ ոչով գգիր չէր շինիլ, որ թե սուդիա ու էգուց՝ գլավնի:

— Ադա՛, ա՛յ գլխամեռ, իրա՛վ, ինչպե՛ս ես դատավորություն անում. ախար դու գիր չգիտես, — ժպիտն երեսն առած քաղցրացավ աղան:

— Տո՛, գլխիդ, արևիդ մատաղ, ո՞վ ա բան հասկանում, որ ես հասկանամ. սարքի, հոգի ունիմ տալացուկ, տեղն եկած վախտը մարդ պտի ճշմարիտն ասի, մեր էս ողջ մհալումը նոր օրենքները հասկացող գլավնի միայն Արտոն էր, որ կար, վեց ամսից զզվացրինք՝ թոցրինք, թե չէ ի՞նչ դատաստան, ի՞նչ կարգ ու կանոն, մենակ պիտրլն ա խզմզում ու սուդիեքս էլ՝ ձեռք գիտցողը ձեռք ա քաշում, դալամ չիմացողի տեղակ էլ ետ ինքը պիտրլը գրում ա ու տակն ավելացնում, թե «գիր ոչ գիտենարով՝ խնդրանոք գրեցի և վկա եմ»: Հենց էս դրսի ֆորմերն են, թե չէ էլ ետ վաղուցվան տանուտերությունն ա, դատաստանն օր առաջ տանուտերն իր քուրսու տակին ա տեսած ըլնում ու փողերը շեքն ածում, մենք էլ մի դհիցն ենք մեզ համար ճանգում ու ծծում. նորը հնից ընդով ա ջոկ, որ առաջ ուտողը մին էր, հիմի՛ մի քանիսը:

— Էդ թո՛ղ, եկողներն ո՞վ են:

— Դարբենեց Մատոն ու Փոշմանեց Սարոն:

— Փողերը բերել ե՞ն:

— Դեռ, աղա ջա՛ն, փողի վրա խոսք մի՛ քցիլ:

— Հետո դրանց ձեռքներիցը բան գալիս է՞:

— Ո՞նց չէ, աղա ջա՛ն, մինն էսօր գլավնու կանդիտատ ա, մեկն

էլ ամբարդար ու ըսպորշիկ՝ սարքի խարջ հավաքող, երկուսի դունչն էլ մեղրի միջին թաղված ա. մեր գլավնին Սարոյի հետ չէ, որ իր կանդիտատն ա, համա Մատոյի հետ մին են, ամբարի ցորենը քամուն են տվել պրծել, հավերի կուտ էլ չի մնացել. երկու շաբաթ ամեն դիշեո դուս էին տալի, էշակու քարավանով դրկում Երևանա բազարը, ծախում, վերջը մի գիշեր էլ տան ծածկը քանդեցին, թափեցին ու ախտ (ակտ) գրեցին, թե ամբարը քանդվեց, ցորենը հողի հետ խառնվեց, խարջ հավաքելուս էլ խարջի շափ մասրաֆ (գյուղամիջի եղած եբեֆին ծախս) են քցում ու հավաքում, իրար հետ լափում, քանդե՛լ են գեղը, քանդե՛լ:

— Լա՛վ, լա՛վ, կանչի՛ր՝ ներս գան:

— Հա՛, աղա ջա՛ն, լավ միտս եկավ, յախես ազատի՛ մեր լակոտի ձեռիցը:

— Ի՞նչ լակոտ, Խուզո:

— Իմ շան տղի՛ մեր երեխի, քեզ ծառա Կարոյի. գլուխս տանում ա, թե՛ Ալեքանց Բարսեղի աղջիկն ինձ համար ուզի՛:

— Տո՛, գետինը մանես, ես լսել եմ, դու էդ ի՞նչ գլուխդ քարովն ես տալիս, ուզում ես քեռուդ թոռն ուզիլ տղիդ. բաս դու աստվածանից չե՞ս վախում, գլխիդ կրակ կթափի երկնքից: Դու հիմի սուտ չե՞ս հաշում, թե Կարապետն է գոռ անում, հիմի քո միտքդ չէ՞՞ Բարսեղի կայքին տիրանալ, արի ուղիղն ասա՛:

— Քո ոտն իմ գլխիցը շատ գիտի, էն ա հասկացել ես. մեր պապի ետ քցածը քանց Պետրոսենց Գալոն տանի ուտի, ուշունց տա, հազիր մենք ուտենք, օղորմի տանք:

— Ադա՛, էդ ո՞ր ճանապարհովն ես ուզում անիլ:

— Քո սայովն (օգնությամբ), իմ գլխի տե՛ր ու տիրական ջան:

— Ա՛յ անհոգի, մի տես ինչքա՛ն չհաս է, մեջն արյուն է խաղում:

— Է՛հ, աղա ջա՛ն, քո ձեռին չի՞, արյունն էլ կցամաքացնես, չհասն էլ հաս կանես:

— Քանի՞ պորտն է:

— Պորտի ու փորի հետ ի՞նչ բան ունիս, աղա ջա՛ն, սուտ չկա՛ հալալ քեռուս թոռն ա, որ ուզում եմ իմ Կարոյին:

— Աղջիկը շա՛տ է սիրուն, որ տղեդ գծվել է վերան:

— Քո մեղաց պարտական ըլիմ, թե աչքս աչքին առած ըլնի, կամ Կարոյի մտքովն անց կացած ըլնի. մլթերի համար եմ ուզում:

— Ասում են՝ աչքի մեկը կույր է, տնաքա՛նդ, — հեգնեց Բալասան աղան:

— Տո՛, թող քա՛չալ էլ ըլնի, գլխիդ մեռնիմ, իր բաղերի թափերցը

կթաղենք, գլուխը կծածկենք, իր հավոդի պտղները աչքը կդնենք, պիպիկ (քիթ) կշինենք. երեք էնպես բազ ունի, մի քանի էն տեսակ բարելի Քաղեր ունի, որ օխար ձեռնանի ախպոր պես ամեն վախտ նեղութունից կհանեն:

— Ա՛յ գետինը մտած, ախար Գալ-ափունի տղեն մեղք ա, ասում են՝ երկու տարի ա իրար սիրել են, ասում են՝ հաստատ խոսք են տվել առել, էգուց, էլօր նշան պետք է դնեն:

— Է՛հ, աղա ջա՛ն, էն վաղ էր, որ նշանն ու հաստատ խոսքն անց էր կենում, հիմի պահված կնիկն էլ, ասում են, մարդին չի հավանում, թողում ա գնում ուրիշի կողքը տաքացնում. հիմի, ասում են, աշխարհ-քը լուսավորվել ա, գեղերն ընչի՞ չպտի լուսավորվեն:

— Բաս մեղք չի՞:

— Մեղքն ու վարձքը ձեր շինովնիկներիցն ու գիտուններիցը հարց-րո՛ւ. ասում են հիմա էս ա դուս գնում. տեսար մնի կնկա աչքումն եղ կա, ասումդ կա, գլխին բամբաչի՞, ձեռիցը խի՞:

— Է՛, շատ լավ, ասենք թե հոգիներս մի քիչ ժամանակ սենք, բանը գլուխ բերենք, ես ընչի՞ վ պետք է հոգուս ճանապարհը մաքրեմ, չէ՞ որ այս մեղքը քաղել կուզի, ժամպատարագի խաչամբույր է պետք, որտեղի՞ց:

— Քո գագաթը ողջ կենա, քիչ կա՞, տեսնո՞ւմ ես պատի Մասխը, խուզոն ժպտալով աչքով ցույց տվեց մուրհակի կուշտը:

— Ա՛յ անպիտան, ազա՞, դու բոլորովին մուֆթախոս (ձրիակեր) ես եղել, դեռ տանուտեր չես գառել աչքդ ուրիշի գուանն է:

— Ընչի՞, քեզ մատաղ, երեք տարի ա սուգիա չե՞մ:

— Ուրեմն շատ կաշառք ես կերել:

— Քո գլխովն եմ երգում ուտում, անհատնում աղբյուր ա, որ լիովն խմում ենք ու քեզ կյանք ու արև խնդրում:

— Չէ՛, խուզո՞, չէ՛, — լուրջ դեմք առավ Բալասան աղեն, — շատ գովար գործ է այդ, մինչև գործակալին ու վանքումը բան կհասկացնեմ, մինչև ճանապարհը կգտնենք, հոգեհան կլինենք, իհարկե մեջտեղը փող կխաղա, առանց գրան չի լինի, այդ ամենն յուր կարգին դու կբաշխա-բայց պետք է ինձ հաստատ խոսք տաս, որ պահպանուց հետո Բարսեղի վերի բաղն ինձ տաս:

— Ողջ տուն ու տեղս քանն ա, ազա ջա՛ն, բայց ես Բարսեղին ո՞նց, խոսք հասկացնեմ. ես քանի կենդանի ա, մեզ մի չուի չի տալ, որ աչք-ձերս կոխենք:

— Դու էսօրվանից ինձ խոսք տո՛ւր, մնացածն իմ վզին:

Ինչպես երևում է՝ խուզոյին շատ հաճո չեղավ յուր պաշտպանի

առաջարկությունը. նա հաստատ գիտեր, որ Բալասան աղան այս անգ-գամ կատակ չի անում. այն էլ իրան քաջ հայտնի էր, որ աղայի համար գովար չէր ամեն ճանապարհ հարթել. խեղճն ստիպվեց ծործորակը քո-թելով կամաց քրթմնջյունով արտասանել:

— Քո ցավը տանի, աղա ջա՛ն, էնքան ըլի դու բանը գլուխ բերե՞ս, կարոյիս գլուխը մեղրի պուկումը թաղես, էն մի բաղն էլ քո գառը բա-լուկին՝ պատիկ աղին. Չալաբու հավոդն ա, դու էլ կեր, մենք է՛լ:

— Որ աղպես է, գնա ներս քե՛ր այն պարոններին:

Փ

ՎԱՍՆ ՄԵՂԱՑ ՅՈՒՐՅԱՆՑ ԽՈՆԱՐԶ ԵՂԵՆ ՀՈՒՑԺ

Վսեմ քայլվածքով, ձեռքերը խալաթի գրպանը դրած՝ չափում էր Բալասան աղան սենեկի հատակը, երբ դուռը բացվեց և խուզոյի առաջ-նորդությունը շարվեցին յուր անաշին երեք հոգի և բարի գալուստ մազ-թեցին նրան:

— Օհո՞, դու է՛լ, սուգիա Գավի՞թ, մեր խուզոն քեզ համար բան չա-սա՞ց:

— Ծս նոր եկա, աղա ջա՛ն:

— Էլ ի՞նչ փորացավանք ունիս:

— Դեռ սրանց հրամանք արա՞, հետո կխոսենք:

— Սքանց ի՞նչ ունիմ ասելու, ես չեմ կանչել. մեր խուզոն եկավ ասեց, որ ուզում են ինձ տեսնել: Իհարկե պետք է գային, իրանք իրանց պարտականությունը գիտեն. Մատոյի պարտքի ժամանակը մի շաքաթ է՝ լրացել է, Մարոյինն էլ երկու օր կա. շնորհակալ եմ, գիտեն, որ ինձ փող է հարկավոր, բերել են. սպասեք մուրհակը հանեմ:

Աղան ձեռքը ծոցը տարավ և մի քանի թղթեր հանելով՝ սկսեց քրքրել:

— Նեղություն մի՞ քաշիլ, աղա ջա՛ն, — միտքերան խոսքը դուրս թռավ երկուսի լեզվի տակից. — մենք պատրաստությունով չենք եկել, սուգիա խուզոն մեզ կանչեց:

— Թե չէ գալու չէի՞ք:

— Պետք ա ժամանակ տաս, աղա՛ ջան, թուզթը նորենք:

— Բերան չբաց անեք, Նեկոն մեռնի, թե սուտ եմ ասում, մինչև վիզս թաղված եմ:

— Խնդրում ենք կենտ երկու ամիս, բամբակը գնումն ա՛ յանամ քենք, շրթները մաշինումը, ծախենք, մեր հոգու պարտքը տանք:

— Տավար անասուն, թագավորի խաղնին պրծնում կա՞, կողնա-
շէյը մեզ՝ իր բարեկամներին տալիս է, որ ամեն մի թղթի գնից մի-մի
արասի ավել անենք, իր համար շայ-շաքարի փող դուս գա. դե խաղ-
նումը որ ծախսի, նշանակած գնից ավել չի կարող անել:

— Հա՛...
Բալասան աղեն պորտֆելը վերցրեց, հանեց ծալքերից մի կապ վե-
սիլի-թուղթ, ջոկեց երկուսը և տվեց խոզոյին:

— Ահա՛, արանց կտաս, թող գրեղ տան, նշանակած գներից էլ հինգ-
հինգ շահի ավելի կանես, կբերես:

— Մի շահին էլ ճուտեր հանե՞ց, աղա ջա՛ն, — ծիծաղելով ասաց
սուղիա Դավիթը:

— Ա՛յ անհասկացող, անունդ դրել ես դատավոր ու գլուխդ քարից
պինդ է, բաս նեղութուն չե՞մ քաշել, շալակել, հետս բերել. էն էլ իմ
ոտքի վարձն է:

— Մեր գյուղի դուքանները լիքն են, աղա ջա՛ն, նրանք ամեն մի
թղթից երկու շահի են ավել անում:

— Դե նրանք հասարակ դուքանչիք են, նրանց ծախսը քիչ է, հինգ
կոպեկն էլ բավական է, բայց դու արի՛ ու մեր մեծավորներու ծախսին
դիմացի՛, աստված վկա եմ ասում, մինունար նեսկոս մեռնի, թե խոս-
քումս ստույթուն կա. հայ՛ ենք՝ հավատացե՛ք, ծախսի ձեռքից գլուխ
չենք թափում. գիտե՞ք ինչ թանկութուն ա, երեխա ծախելու տարի ա,
նեսկոն մեռնի, թե սուտ է:

— Հեռի՛ քեզանից, աղա ջա՛ն, հավատում եմք...

— Դե էլ հո բան չունի՞ք ասելու, գնացե՛ք, բտ առաջին պահունջ-
մանը շմոռանաք, հիմի նոր օրենք է գուրս եկել, էլ ժամանակ նշանա-
կել չկա:

— Աղա ջա՛ն, թող երեք ամսով գոնե գրվի, վայ թե ջատ նեղու-
թյուն քաշենք:

— Ա՛յ տղեք, էլի քիչ մնաց բարկութունս բերում էլեք. տո՛, ձեզա-
նից ո՞վ է փող ուզում, պահեցե՛ք ինչքան ձեր սիրտը կուզի:

— Է՛, խնամի՛ Դավիթ, դո՛ւ ինչ դուլլուղ. վամ աղդ կլինի պակաս,
կամ մաղդ, էլի՛:

— Փեզ հայտնի ա, աղա ջա՛ն, որ ինչ տարի ա ես սուղիի կանդի-
դատ եմ. որ սուղիին դատարան չի քալիս, ինձ են քաշ տալիս նստաց-
նում. աշխարհքը չի ու մենծութունի տեղ դառնան, ես մի մեղավի
կտոր էլ ա չունիմ, քաս փմ պատվին ամոթ չի՛. ի՞նչ կըլնի խնամքդ բաց
անես, ինձ համար մի մեղալ բերել տաս, ես էլ քաշ անեմ, ջատ ա
սիրտս ուզում:

— Հենց էդքա՛նը. օրն էգո՛ւց:

— Ղո՛րթ, աղա ջա՛ն:

— Նեսկոն մեռնի, թե սուտ եմ ասում:

— Վա՛յ, ես քո ոտքերին դուրբան գնամ:

— Տո, վատը դո՛ւք եք, դո՛ւք, ա՛յ անաղուհաց շնե՛ր, ես միշտ ձեք
քամակին մեծ Մասսի պես կանգնած եմ, բայց դուք չեք հասկանում,
ձեզ լավ հայտնի է, որ էս ուեզդումը գեղ չկա, որ ինձ պարտ չըլնեն—
վաղարշապատ, Աշտարակ, Եղվարդ, Փարբի, Բիրական, Շարուր, Դարա-
լագյաղ— բոլորն իմ ճորտերս են. քաղաքումը բանկերն են ինձ պարտ-
գիտե՞ք բանկն ի՛նչ ա. բայց ի՞նչ ձեք հիմար խելքի բանն է, էդ թող,
սուլթաններն ու խաներն են բռնմս. դրանք ամենն իր կարգին, ես մի-
այն իմ գյուղն եմ սիրում, ընչի՛ — որովհետև մարդիս համար իրանը
միշտ քաղցր է, իմ պորտս էս գեղումն է կտրվել, իմ ծնած տեղն է, իմ
հող ու ջուրն է, ինձ համար ձեք մի մազը ուրիշի գլխից բարձր է: Ինչ
ցավ ունիք՝ ասացե՛ք, իմ սիրտս կպատուվի, որ բաց աչքով տեսնեմ իմ
գեղացու նեղութունն ու չօգնեմ, որտեղ նստում եմ՝ ձեք վերա եմ խո-
սում, մեր մեծավորների հետ ճաշի վրա ձեք կենացն եմ խմում:

— Աստված կյանքդ երկար անի, աղա ջա՛ն. իհարկե, որ մեր պար-
ծանքն ես, համա մի խնդիր էլ ունիմ, աղա ջա՛ն, — շողքորթ հաճույ-
խոսութլամբ ասաց Դավիթը:

— Ասա՛, մի՛ վախիլ:

— Մի քիչ փող էլ ա պետք, մի 150 մանեթի ձեռ բռնի:

— Ա՛ն վեքսիլի թուղթը, էգուց գրել տո՛ւր, բե՛ր:

— Տարով եմ ուզում, աղա ջա՛ն:

— Վնաս չունի, դու մի տարվա շահն էս գլխից հաշվի՛ր թումանին
մի արասով. գրիր բտ առաջին պահանջման, մինչև տարին քեզանից
փող ուզող չկա:

— Էն ա դուզ տարի գրենք, էլի՛:

— Չի կարելի, օրենքը թույլ չի տալիս:

— Էդ օրենքն ամենքի համար ա, աղա ջա՛ն:

— Ո՛չ, միայն մեծավորների պատիվն է այս:

— Քո կամքն ա:

— Նստեցե՛ք, տղե՛ք, կանգնած ոտքներդ սև ջուր վեր եկավ:

— Դե գնանք, աղա ջա՛ն, էլ քեզ ի՞նչ նեղութուն տանք. — ասա-
ցին ամենքն և գլուխ իջեցրին:

— Ի՛նչ անշնորհք մարդիկ եք, ա՛յ մուծիկներ. վեց ամիս կա՛ գյու-
ղը չեմ եկել, մեկդ չեք հարցնում. հիմի էլ եկաք, ձեք գործը հոգացի՞ք
ու ձեռաց գնում եք. նստեցե՛ք, քիչ գրույց տանք, ասուլիս անենք: Աղա՛

Խուզո՞ւ, էն շկա՞ք բաց արա՞, արաղի բուժիլը բե՛ր, էլի ես ձեզ պատ-
վեմ, թե չէ ձեզանում քաղաքավարութիւն չկա:

Ամենքը նստեցան և մի-մի կթղա օղիով օրհնեցին Բալասան աղայի
կյանքը:

— Տե՛ս էգտեղ ի՛նչ միրգ կա, բե՛ր՝ թող բերանները քաղցրաց-
նեն,— հրամայեց աղան, և Խուզոն մի քանի խնձոր հառաչ բերեց:

— Բե՛ր, ա՛յ որդի, բե՛ր, մուծիկից շնորհքը վերացել է, բաղերի,
բոստանների, շաթուկի, շիրբախտի, լավ մրգերի տերերն իրանք են,
ես եմ դրանց համեցեք անում: Ասենք՝ էս մեր Խուզոյի կինն էր ուղար-
կել, անփող է, բայց մեր տան վերջին լուփն էլ փողով է ներս գալիս. ոչ
մի բարեկամ, ծանոթ, ազդական, գյուղացի, ընկեր միտք չարեց, թե
տարվա յուր բերքի ժամանակ, քիչ-չատից, ինձ համար բաժին ուղար-
կի: Ձեզանից ի՛նչ կպակասի, որ ամեն մեկը իր ունեցած գինուց, արա-
ղից, մրգից, բրնձից, լավ ձավարացու սպիտակահատ ցորենից իմ բա-
ժինը հանեք, նրանով հո քանդվիլ չե՞ք. աղքատ եք՝ հարստանալ չեք,
հարուստ եք՝ աղքատանալ չեք: Սո՞ւտ եմ ասում, տղե՞ք:

— Մեզ համար շատ ամոթ ա, աղա ջա՛ն, լավ ես հրամանք անում,—
կրկին դեմքը ծոնց Դավիթը,— մեր աչքի վրա:

— Արաղը քո շինքին, Մատո՞ւ, ես եկող շարաթ մեծ ճաշ ունիմ, մի
մեծալոր ինձ դեպե՛ղ է ավել, որ մի օր ճաշին ինձ մոտ պետք է լինի.
Երկու լիտր արաղ կերթա, էդ թող քո պարտքը լինի: Մյուսներից էլ ձեր
մեջ հաշվեցե՛ք, թե էն օրվան տանձ ու խնձորը ո՞րո՞ք եք բերում. մյուս
բաներն էլ ուրիշների վրին կբարձենք:

— Քո ցավը տանի մի տիկ արաղն, աղա ջա՛ն. բայց աչքս էլ որ
հանես, ճշմարիտը պետք ա ասեմ, մի՛տղ ա, հերու, որ քեզ համար եր-
կու լիտր մեղր բերի՝ լսից սպիտակ:

— Հա՞, հոր հոգու չէր, չհասի համար էր:

— Ինչ կուզի ընի, մին ա. բանն էս ա, որ հրամանքդ բալկոնի
վրա կանգնած էիր ու քո բարի աչքովդ տեսար, որ քո ծանեն աշխա-
նեզ էլ շթողեց ինձ, բակի դռնից ետ դարձրեց: Քեզ շիտակն ասեմ, աղա՛,
սրտիս շատ դիպավ:

— Հետո ես բալկոնումը միայն էի ու քեզ վերև շկանչեցի՞, հետո
չխոսեցա՞:

— Չէ՛, մոտո՞ղ մի ուրիշ աղա էլ կար:

— Ծս էլ հենց դրա համար շկանչեցի, է՛. բաս դու չգիտե՞ս, որ ինձ
անպատվութիւն էր ուրիշ անձանոթ մեծալորի մոտ մուծիկի հետ կանգ-
նել, մատահաթներ անել: Ի՞նչ անենք, թե ծանոթ բարեկամ ես. իմ հա-
րազատ եղբայրն էլ որ գալիս է, էլի իմ սենյակը չի մտնում, նրա տեղը

կուխին է, որ կա: Օղորմածիկ հերս էլ որ կենդանի լիներ, վերև չէի
թողնիլ. ի՛նչ կասեին ինձ իմ ընկերները, ձեզ եմ հարցնում. չէի՞ն ասիլ,
թե սա ի՛նչ մարդ է, որ իր հայրը սա է: Ախար դուք չգիտեք, մի ան-
գամ քիչ մնաց երկրիս մեջ թքանք էի դառնում, լուսահոգի մայրս մի
ձմեռ յուր տունն այստեղ թողած, եկել է, թե ուզում եմ ձմեռը քեզ մոտ
անցկացնել, մխից ձանձրացիլ եմ. ասում է՝ հազում եմ, ծերացել եմ,
էլ չեմ կարող դիմանալ, որպես թե նրա պորտը ծխի միջին չի կտրվել:
Ինչևիցի, մի սենյակ հատկացրի իրեն, որ այնտեղ վեր ու նիստ անի
մեր պառավ քոժի հետ, յուր համար ուտի, խմի, քնի, հանգստանա:
Պու մի ասիլ, դա խիստ նեղացել է, որ մեզ հետ սեղան չենք նստաց-
նում, քոժի հետ ենք ճաշ տալիս: Դի գյուղացի մուծիկի պառավ կին է,
նրան ինչ վայել էր գլխարաց հասկացող հարսի հետ ձգվել: Սա մըտ-
քումը խեթը պահում է: Մեկ օր մեզ մոտ քսանից ավելի խանումներ
են հավաքված, լոտո են խաղում, մյուս կողմումն էլ սեղանը սարքած
է, քաղցրեղենները շարած, որ լոտոյից հետո վեր կենան, անուշ անեն:
Հենց լոտոյի տաք ժամանակը, հանկարժ իմ խայտառակչի մայրս, գլու-
խը փախաններով փաթաթած, ճղճղոտված շորով, բորիկ ոտներին հին
չստերը (մուճակ) ծլմփացնելով տուն է գալիս, բարի իրիկուն ասում ու
մոտենում, կարգով բոլորին ձեռք տալիս:

— Ղոչա՞ղ քեռակին,— հավանեց Մատոն:

— Էլ ի՛նչ ղոչաղ, հյուրերի մեջ փսփոցն ընկնում է, իրարու աչ-
քով են անում և քթի տակ ծիծաղում:

— Նանի՛, որտեղացի՞ ես,— հարցնում է խանումներից մեկը:

— Հենց էստեղից եմ որ կամ,— ծանրագոգոթ սուրյոզնի ասում է
մայրս,— ես դադեն (մատաղ), էս տան մեծն եմ, Բալոյիս մերն եմ,
սա էլ իմ հարգերը հարսն ա, դուք էլ իմ ազիզ աչքի լիս ղոնաղներն եք,
համեցե՛ք, քաղցրեղեն անուշ արեք:

Հիմա դուք իմ խեղճ կնոջ դրութիւնը հարցրե՛ք, աչքերը սեանում
է, քիչ է մնում՝ սիրտը թուլանա. բայց որ խելոք է, կարողանում է
իրեն զսպել. էն կողմիցը գոթանչս վեր է կենում, թե՛ աղչի՛ք, ղորթ է
ասում խնամիս, հերիք է, ինչ խաղացինք, համեցե՛ք, միրգ անուշ արե՛ք:
Ամենքը վեր են կենում, լոտոն քանդվում է:

Երկու ամիս տներումն էլ ուրիշ խոսակցութիւն չկար, մենք էինք
րիբանների ծամոնը:

— Հալրաթ դու էլ ընդուր համար ետ դրկեցիր օղորմածիկ մորդ,
աղա ջա՛ն,— ասաց Մատոն.— լուսահոգին շատ էր տրտնբում՝ ջանս
քանգեցի, սև օրով մեծացրի, բերանիս թիքեն կտրեցի, մարդ շինեցի,
ասում էր, որ էսօր ինձ մարդատեղ չբցի՞:

— Ա՛յ եղբայր, էլ ի՞նչ կարող էի անել, ձեռքիցս եկածն անում էի, երկու տարեներ մի շալ շոր էի կարել տալի, բայց նա գոհ չէր, տա-
րեն մեկ շոր էր ուզում, գլխի շալ, սաղրի մաշկներ, կարմիր դանաուզ,
գոշով շապիկ, դալամբյար արխալուզ էր պահանջում. ախար ես ընչի՞
տեղ էի, միլիոններ հո չունե՞մ. Նեկուն մեռնի, թե սուտ հմ ասում;
առած ամսականս ծայրեծայր չի հասնում, պարտքով ենք ապրում. դե
հո չե՞մ կարող այս մի քանի շահին ջուր շինել: Հլա փա՛ռք աստու, մեռավ,
պրծավ, ականջներս հանգստացավ:

— Դե բարի գիշե՛ր, աղա՛, — ասացին ամենքն և վեր կացան:

Խուզոն սաստիկ անհանդստացավ:

— Ի՞նչ եք շտապում, Գավիթ, դեռ նստեցե՛ք, մի քիչ հանաքներ
անենք, մորս անունը միտքս եկավ, սիրտս նեղացավ:

Նոքա նորից նստեցին:

— Է՛, ասա՛, Սարո՛, ի՞նչ կա ձեր գյուղումը, ի՞նչ չկա, բերքն ինչ-
պե՛ս է էս տարի:

— Փա՛ռք բարերարին, իրա տվածից ամեն ինչ առատ ա:

— Գյուղն էլ հանգստությո՞ւնն է, տանուտերներդ լա՛վ է կառա-
վարում. դա մի կողմով չեղավ, թե տեսնենք դու ի՞նչ շնորհքի տեղ ես.
ուրիշ կանգիդատներ բախտավոր են եղել: Պողոսը, մի տարի չբաշեց,
իր տանուտերը պողոտայի (հնևության) տակ ընկավ, տեղը տիրապե-
տեց. Մարկոսն ավելի բախտավոր էր, Ղամեքը մեռավ, տեղն իրան
մնաց. բայց էդ քո պեղերես Կարապետը ոչ այն աշխարհն է գնում և
ոչ գործի մեջ է ընկնում. ինչպես ես նկատում եմ, դու մինչև նոր ընտ-
րությունը կանգիդատ էլ մնալու ես:

— Էս ա մեր պոչն էլ կխուզեն, էլի՛, — ասաց սուղիա Մատոն:

— Թիչպե՛ս:

— Ժամանակը չբացել ա, նաշալեիկն ապսպրել ա, որ երկ օրից
ձիթահանքումը հավաքվինք, քար քցենք, գլաջին ու սուղիեք բնտրենք:

— Հա՛, — զարմացական դեմք առավ Բալասան աղան, — մեկել
օրը ես նաշալեիկի մոտ էի, բան չասաց. սխալ կլինիս, ա՛յ տղա, կար-
ծեմ դեռ մի տարի կա:

— Զէ՛, աղա ջա՛ն, թուղթն արդեն եկել ա, հինգշաբթի բիբոր (ընտ-
րություն) ա:

— Հնտո ձեզանից ո՞րդ եք գլաջեթ դառնում, ո՞րդ սուղիեք:

— Ո՛չ միևս, ո՛չ մեկելս, — ասաց Գավիթը, — ջահել-ջուհուլներն
են հիմի ատամները սրել, հիմա նրանք են գեղի քեղտուղեքը, մեր ոխին
մտիկ տվող չկա:

— Մեղավորը հայրերդ եք, ընչի՞ եք ձեր որդեկոցն էդքան իրա-

վունք տվել, ինչի՞ մի քանիսին հասարակական վճիռ չեք շինում՝ Սի-
բիր թշև տալիս:

— Ո՞ւմ քշենք, աղա՛. միևն իմ տղեն ա, միևը քո, միևը սրա հո-
րեպոր թոռն ա, մեկելը մի իշխանի քվեր որդին ա, ամեն մեկին ինձ
պես, քեզ պես օխտը պաշտպան ունի. ոչ դու կթողա՞մ, ոչ ես. էնպես
ա՛, թե ոչ, Խուզո՛:

— Դուք էլ այնպես բան արե՛ք, որ աչքները վախենա. վերցրե՛ք
մի քանի խեղճ, անտեր աղքատի տղա գեղից դուրս արեք, թող ձերոնք
տեսնեն ու օրինակ առնին:

— Ո՞նց, արդարը մեղավորի տեղակ կորցնե՞նք:

— Որպես թե ազոավները սև կհագնեն, եթե տասը չբավոր ոչըն-
չանան. միշտ այդպես է, թույլը գորեղի համար է ստեղծված, արջը
գալին է խեղդում, գայլը՝ ոչխարին, աղվեսը՝ հավին, կատուն՝ մկանը.
ե՛րբ ես լսել որ մուկը կատվին հաղթի. աշխարհքս էդպես եկել է, էդ-
պես էլ շարունակվելու է, — խրատում էր Բալասան աղան. — ինձանից
ձեզ խորհուրդ: ձեռք ընկավ, տեսար, որ քեզանից անում է՝ փշրի՛,
ոչնչացրո՛ւ, մեջտեղից քո օգուտը հանի՛ր:

— Բաս մեղք ու վարձք չկա՞, — հարցրեց Մարոն:

— Մեղքն ու վարձքը տերտերների սարքած թոռն ա, որ ձկան պես
քեզ մեջը քցի, կալնի ու իր համար կեր հանի: Շատ էլ լավ են միտք
արել. բաս նրանք ապրելու չե՞ն: Բայց էս թողնենք, — խոսքը փոխեց
Բալասան աղան, — հմի մտքներդ ի՞նչ է, ո՞ւմ եք ուզում տանուտեր
գնել:

— Գեղը ողջ կաննել ա, էլ ետևրտոյին են ուզում, — ասաց Սարոն:

— Արտոն էստեղ է՞:

— Ո՛չ, աղա՛, նախավանի կողմը դազախներին գարի ա պահ տա-
լի, ինքն էլ իսկի չի ուզում, բայց գեղը նոր ա հասկացել, որ էս նոր
սուղիի սարքված օրից իրանք մի տանուտեր են տեսել՝ էդ էլ Արտոն
էր, որ միայն վեց ամիս համ տվեց ու վերջն իր պատվիցը վախեցած՝
թողեց քաշվեց:

— Լավ էր կառավարում, հա՛:

— Ա՛խ, մեր գեղն էր օրն էր բախտավոր, գառն ու գելը իրար հետ
արածում էին:

— Դե որ էդպես է, հիմի էլ Արտոյին ընտրեցե՛ք, էլի:

— Գլխներիս վրա, կընտրենք, աղա ջա՛ն, թե որ համաձայնի.
ասում են՝ թուղթ ա գրել, չի ուզում, ասում են՝ ամիսը հարի մանեթ
փող ա առնում:

— Հա՛, հա՛, հա՛, — բարձրաձայն քրքիչը երկար ծոր էր տալիս:

բարձի վերա ետ գնացած Բալասան աղեն,— հա՛, հա՛, հա՛, Գոմշա-
կերենց Արտոն տանուտերութիւնից փախչում է, միամիտ մուծիկնե՛ր,
դուք էլ հայած յուղի տեղ եք առնում էդ խոսքերը. հարյուր մանե՛ք,
տո, հիմարնե՛ր, ե՛ս լավ գիտեմ, թե դուք. հինգ օր չկա, Արտոյի խա-
զեհնք ինձ մոտ ճաշի էր. մի ամիս ա, որ գողութիւնը բռնել ա ու քո
Արտոյին քաղցած փորով դուրս շարտել. դեռ ուզեցել է պողսուղի տակ
զցի, բայց նա շան պես ոտքերն է ընկել, լիզել, ինքն էլ խղճացել է.
Տո, դուք հենց գիտեք՝ Արտոն հիմի է՛լ էն է. գողերի թագաւորն է.
գյուղը տակն ու վրա կանի, մոր ծիծ կկտրի. պետք է ասած՝ այն ժա-
մանակ էլ նույնն էր, բայց մաշեննիկ էր, իր տեղն էր ուզում տաքաց-
նի, որ հետո ձեզ տգրուկի նման ծծի, բայց խոփը շուտ քարին առավ.
— Ո՞վ նրա իշին շոշ ասեց, աղա ջա՛ն, ինչքան էլ աղաշեցիք,
պոնկնտացիներ, չելավ, թողեց հեռացավ:

— Դուք էրպես կարծեցե՛ք, բայց եթե չէր հեռացել՝ հիմի կա-
տրոմնիկ կլինեք, թող գնա՛ ինձ կյանք ու արև խնդրի, որ աչքով արի,
մաշեննիկը դուրս պրծավ:

— Նա ի՞նչ էր արել, աղա ջա՛ն:

— Բաս էն ոչի՛նչ էր, որ օրական նա մի մարդից երեք մանիք
շտրաֆ էր խլում. բաս էն ոչի՛նչ, որ մեծ ու փոքր շհարցրած՝ բանտ էր
դնում. էն ոչի՛նչ, որ ինքնագլուխ սրա-նրա տանից պղինձը դուս էր
քաշում, տորգ անում, ինքը ծախում, ինքն առնում. չէ՞ որ իրավունք
չունի: Զայնը տեղ հասավ, ուկիզորը պատրաստ էր, մյուս օրը պետք
է գար սելսկի սուղը (գյուղական դատարան) պեշատեր (կնքել), քո
Արտոյից հրաժարականը հենց էն օրը տեղ հասավ: Յոթը ժամը լեզու
եմ թափել նաչալնիկին, որ հրաժարականը նույն օրը հասցրել է, թե
չէ, գնացել էր քո Արտոդ— պողե՛ց, ռազրոյնի՛կ, գող-ավագակը:

— Դե լավ, աղա՛, մեր կարծ խելքովը մի լավ մարդ Արտոն էր.
Եա էլ մաշեննիկ դուրս եկավ, էլ ո՞ւմ ընտրենք,— հարցրեց Սարոն:

— Տո՛, հիմար, լավ մարդս ո՞րն ա, վատը ո՞րը, ամենքդ էլ մի
սանտրի կտավ եք. ընչի, դու չե՞ս կարող լինել, սա չի՞ կարող, նա չի՞
կարող. ահա մեր խուզոն, դուք հո լավ գիտեք, որ գյաղի միինն էր,
աչքումս լավ խաղաց, առաջ քաշեցի, մարդամեջ հանեցի և էսօր Օ.
գյուղի պես տեղի սուղիինն է, իշխանն է. պակա՞ս մարդ է, ձեզ եմ
հարցնում:

Մատն ու Սարոն միմյանց նշանացի ակնարկներ արին, կարծե՛ս
թե գլխի ընկան:

— Ի՞նչ եք լուել,— կրկին հարց տվեց Բալասան աղան,— մեք
խուզոյին որ տանուտեր շինենք, չի՞ կարող գլուխ տանել:

Մատն ու Սարոն տարակուսական ուսաշարժութիւն արին:

— Դու ի՞նչ ես կարծում, խնամի՛ Դավիթ,— դարձավ աղան դեպի
վերջինս:

— Մեր կարծ խելքովն Արտոն լավ էր, բայց որ քո օրհնած բե-
րանով հրաման արիր, ես ի՞նչ իրավունք ունիմ:

— Դուք եկեք ինձ լուեցե՛ք, ինչ ասեմ՝ կատարեցե՛ք, թե ձեր գյուղը
գրոյխտ չդառնա, ինձ հայհոյեցե՛ք:

— Լավ ասողի ջանին էլ կմեռնենք:

— Օգարմի ձեր հորը. ա՛յ ձեզ գլխաբացու՛ մեր խուզոն, ես սրան
եմ կամք տալիս, դուք էլ ինձ օգնեցե՛ք, քարը դուրս բերե՛ք, ձեր երե-
քին էլ սուղիա շինել կտամ. ինչ պակասութիւն որ ձեր գյուղին գո՛
մեղքն իմ վղին:

— Դժվար թե գեղը խուզոյին կամք տա, աղա ջա՛ն:

— Ընչի՞:

— Էս գլխամեռը աղքատ-ուղքուտի տունը բանդեց, աղա ջա՛ն,—
ասաց Սարոն,— մի շահով կաշառք էր ուտում, էդ գլուխը քարը, բայց
որ քո հրամանոց սանաղնիքը շուտ-շուտ էր մեջ բերում, վճռում ու
խեղճերի էլած-չէլածը ծախում, ողջ գեղը հետը թշնամացել ա:

— Ա՛յ տղա, ուրեմն աշխարհքս առ ու կուլ է՞, հիմա դուք վիզ-
ներդ յոթը գազ կախել եք. փող եք ուղում, աստված կվերցնի՞, որ տա-
նեք և ժամանակին շտաք:

— Լավ ես ասում, աղա ջա՛ն, բայց անխղճմտանքութիւնն էլ բա-
նի պետք չի. սա շահը շահին կոխացնում ա, մի ծակ կապեկ չի բաշ-
խում, հասարակութիւնի տունն էլ քանդում ա, մի քիչ յուր գնալ ա
հարկավոր:

— Ե՛ս տ լավ, եկե՛ք ձեզ հետ մի սլայման կապենք, Նեսկոյին
թողւմ, թե սուտ ասեմ. դուք ինձ օգնեցե՛ք՝ խուզոյին տանուտեր շի-
նենք, քանի սա նստած ա, գյուղիցը մի կոպեկ կպահանջեմ. համա-
ձայն ե՞ք:

— Սարի, աղա՛, սա ինչի՞ ա տաք-տաք կպել, չգիտի՞ որ գործը չի:

— Սա չի կպել, ես եմ ուզում. ես հենց կանեմ, որ սա Արտոյին
ձեր մտքիցը կձգի, ի՞նչ եք ասում, իմ խաթե՛ր:

Երեքն էլ լուել էին:

— Դե վեր կացե՛ք, դո՛ւրս կորեք, ապերախտ անպիտաններ,—
գոչեց հանկարծ տեղիցը վեր թռչելով Բալասան աղեն.— մուծիկի որդի
մուծիկնե՛ր, ես էլ ձեզ մարդատեղ դրի, եղբոր նման հետներդ քաղցր
խոսք ու զրույցներ արի, դուք էլ գլխիս եք ուզում նստել. մա՛րջ, դո՛ւրս-
այդ երկուտդ, լույսը շրացված, փողերս բերե՛ք, դու էլ, Դավիթ, որ-

տեղ փողը շաղ են տալիս, էնտեղից վերցրո՛ւ, ով որ էլ քեզ համար ազնվության մեղալ բերել կտա, նրան դիմի՛ր, երեք օրից կպարզվի, թե ո՞վ է տանուտերը: տեսեք՝ սկատինա (անասուն) Գոմշակերի թոռի օրն ինչպե՛ս կսեանա, դո՛ւրս, շո՛ւտ, կորե՛ք, փողերս բերե՛ք:

— Մի՛ բարկանալ, աղա ջա՛ն,— ասաց Դավիթն՝ աչքով անելով մյուսներին,— թե որ քո կամքդ ա Խուզոյին գլավնի շինել, մեր աչքի վրա, էգուց ևեթ գեղը շուտ տանք:

— Ի՛նչ կասեմ օրինավոր խոսքին, ես էլ ձեր երեքին էլ սրան թև ու թիկունք շինեմ, դատավոր ընտրեմ, լույսը բացվի, թե չէ, որքան փող, Դավի՛թ, կամենաս, առաջիդ համարեմ, նորանց էլ եթե պետք է թող վերցնեն, տուրքակի բերանը բաց է:

Կարելի է խոսակցությունը երկար տևեր, եթե դրսի սենեկից ոտնաձայնը մի ուրիշ անձնավորության ներկայությունը չժանուցաներ:

Խուզոն դուրս գնաց և շուտ վերադարձավ. նրա ակնարկն աղային շատ բան ասեց:

— Դե՛, տղա՛յք, ձեզ տեսնեմ, իմ աչ կուռն եք, էլ ձեր առաջին փակ դուռը չի լինիլ, երեքդ էլ այսօրվանից սուղիա եք՝ որ կաք, Դավիթն էլ սուղիայի մեղալի մոտ մի գեղէն պոլիմպերիալի շափ ազնվություն՝ մեղալ կրծքին է կախում:

— Բարի գիշե՛ր:

— Հո չտեսա՞ն վանեցուն,— հարցրեց ազան Խուզոյից նոցա գնալուց հետո:

— Ո՛չ, աչքով արի, մտավ ծալքատեղը:

— Լա՛վ ես արել, նե՛րս կանչիր:

Ներս եկողը մի նիհար, ծաղկատար երեսով, բարձրահասակ, կապտագույն եփրոպական կիսամաշ սերթուկը սե արխալուսչի վերա հագած, մուճակները օտքերին երիտասարդ էր:

Նա գլուղական գրագիրն էր:

ՃԱ

ԷԶՄՒԱՍՆԻ ՈՒՆՏԱՎՈՐԸ

Արարտյան նահանգի ամեն մի գյուղացու աչքին սփորական է հաճախ տեսնել եկեղեցումը դուռն առաջին կանգնած մի-մի օտարական ժամավորի, սրոնք կուրծքը կոճեկով անդադար ծունր են գնում և առանց աչ ու ձախ նայելու, Հիսուսի ներկայացրած ժաջաավարի նման

գլուխը խոնարհեցրած՝ միմյանց տեսնում են յուրյանց բամբակի թելից գործած տրեխները:

Ամեն մի երեխա, ամեն մի սուր աչք գիտեն, թե ո՞վ է ջերմ աղոթքականը, ո՞ր աշխարհքիցն է և ո՞ր է եկել:

— էլի եկել են,— արմնկով հրում են և ցույց են տալիս ժամավորներն իրար և քթներիցը զայրալի հուսահատական ծուխ արձակելով՝ լուռ:

Ժամն արդեն դուրս է եկել. ժամավորները ավետարանը համբուրել են, տվել են ժամկոչին «օղորմի աստվածը» և լսել նրա մեքենայաբար «օղորմի ծնողացող» պատասխանը. տերտերներն արդեն՝ ծալել են յուրյանց փիլոնը և կախել կանանց դասի վանդակից ու յուրյանք դուրս եկել ժամից, խառնվել դրսեը ժողոված ժամավորներին: Ժամհարը հանգցրեց վերջին ճրագը և մոտեցավ օտարականին. բայց նորեկը ոչինչ չի տեսնում, նա մտքով սլացած է հրեշտակների դասը, նա վերացած է անցավոր աշխարհից:

Երկու անգամ ժամհարը զգուշությամբ շարժել է աղոթականին, բայց նա չի շտապում, նրա շրթունքները՝ մրմնջում են «ձկեսցե»-ն:

— Տերտերն ինձ սպասում է, տիրացո՛ւ, պաշտումսհաց ունինք,— կրկնում է ժամկոչը. բայց օտարականը կարծես անտարբեր է գեպի այդ առաջարկը: Նա մի երկու ծունր ևս կրկնում է. և երկյուղածությամբ ուղղում է քայլերը դեպի բեմը, ամեն մի խաշ, ամեն մի պատկեր կարգով համբուրում է, ամեն մյուսի անկյունին երեք անգամ մոտեցնում է շրթունքը և ամեն մի համբույրին երեք անգամ խաշակնքում է երեսը:

Վերջապես աստուծո մարդը եկեղեցու արտաքին շեմքից առավ յուր փափազը և գլխիկոր, հաշված ու համեստ քայլերով, գնում է առաջ, շարունակելով Խաղաղականի «Հավատով խոստովանիմ»-ը:

— Օղորմի աստվա՛ծ, տիրացո՛ւ,— խանգարում է մեր ճգնավորին տերտերը եկեղեցու բակում:

Պանդուխտը հանդարտորեն գլուխը վեր բարձրացրեց, հառաչեց դեպի ձայնը և մի անլսելի շշուկով արտասանած «օրհնյա տեք» խոսքի հետ ակնածական համբույր դրոշմեց տեր հոր սուրբ աչին և ամենահամեստ ու ամոթխած նորահարսին պատշաճ խոնարհությամբ երկրպագություն տվեց շուրջ բոլորած ժողովրդին:

Նո՛քա ժամավորներն էին, նոցանից ոչ մինը չէր հեռացել եկեղեցու բակից, ամենքը սպասում էին այս ներկայացմանը:

— Բարի՛ գալուստդ, տիրացո՛ւ եղբայր, վանեցի՛ ես:

— Այո՛, սուրբ հա՛յր:

- Հայրիկի աշակերտներիցը կլինի՞ք:
- Մտոս եմ:
- Ինչպե՞ս է Հայրիկը:
- Օրհնող է:
- Հիմա ո՞ւր է:
- Վանեն նվաստությունս ճանապարհ դրավ ու ինքը Վարագ գնաց,

հոն դպրոցին հանդեսը կդիտեր:

- Ո՞ր կողմն է աստված՝ ձեզ առաջնորդում, ո՞ւր եք գնում:
- Սուրբ Էջմիածնի ուխտավոր ենք:
- Խնդրվածքիդ կատարումն:

Պատասխանը՝ խոնարհ երկրպագություն:

- Որտե՞ղ եք իջևանել:
- Բաց՝ երկնից տակ, բայց սիրելի, հարազատ և հյուրասեր հայ

հարց և եղբարց հովանիին ներքո:

- Լավ ձայն ունի՞ք, լավ երգել գիտե՞ք:
- Որչափ սուրբ հոգին անարժանս օտտեր է:
- Էջմիածին գնացի՞ք:
- Ո՞չ, Կարսեն Աղվանյան սրբազանին, հանձնարարականով Ալեք-

սանդրապոլի հաջորդ Հուսիկ հայր սուրբին ուղղվեցա, ան ալ զիս այս կողմեն ճանապարհ դրավ քանի մը աշտարակեցի եղբարց ուղեկցու-թյամբ:

- Ուրեմն ձիո՞վ եք եկել:
- Իմ ոտքերս ամուր են, անբան անասունը նեղելու հարկ չկար Հայրիկ մեզի հաճախ ոտքով քալելու և շարժաշուքյան տոկալու վար-ժություններ կավանդեր, ինքն ալ մեզի հետ Վանա շրջակայքը կատտեր, գյուղերը մեզի քարոզություն բնիկ կուտար:

- Հայրիկն աշակերտներ շա՞տ ունի, տիրացո՞ւ ախպեր, — խո-սակցության մեջ խառնվեց մի գյուղացի:
- Մեկ կողմեն կհավելին, մյուս կողմեն կպակասին, դպրոցն ավարտողներու կփոխարինեն նորեկներ:

- Ի՞նչ ե՞րբ եք ավարտել:
- Երկու տարի կա: Հայրիկին պատվիրանավ Կարնո կողմերն երբ ուսուցչություն կընենիք, ամիս մը հառաջ վերակոչեց զիս և բարեհա-ճեց այս կողմերն առաքել յուր սուրբ գրավոր հրամանով:

Տիրացուն ձեռքը ծոցազրպանը տարավ, հանեց մի մեծագիր փոս-տի թղթի լայնությամբ հաստ թղթի վերա խոշոր տառերով գրություն և տվեց տերտերին:

Թուղթը ձեռք-ձեռք պտղտեց, գրագետ-անգրագետ մի թեթև հա-

յացքով. մի հաստատուն գլխի շարժումով հավասար եղան նրա անկեղ-ծությունը:

- Հայրիկի, իր ձե՛ռքն է, — վավերացրին ամենքը:
- Հազար թղթի մեջ կճանաչեմ Հայրիկի ստորագրությունը, — պարծեցավ մի երիտասարդ յուր կողքին կանգնած բնկերին:
- Շատ գովար բան էր, ա՛յ, — կշտամբեց խոսողի սնապարծու-թյունը մի ուրիշը. — ամեն երեխա կճանաչի «Հայրիկ» ստորագրու-թյունը:

— Քիչ ենք տեսնո՞ւմ, շարթական քանի՞սն են գալիս ու անց կե-նում, — քշվաջ երրորդը:

— Կարելի է կեղծ են, — պատասխանեց առաջինին մի անհավատ Թովմաս:

— Դե Հայրիկը մի առատագութ և բարեսիրտ մարդ է, ուզողին գրում, տալիս է, էլ ընչի՞ պետք է շինովի լինի:

— Տիրացու ախպե՛ր, մեր գեղումը վարժապետ չկա, շե՞ս մնալ մեր երեխանցը կարդացնիլ, — հանկարծ առաջարկություն արեց տա-նուտերը:

— Սրբազան պարտքերնիս է ազգիս մանուկ սերունդ կրթել. բայց գեո ժամանակ կա, գուցե նվաստությունս անարժան թվի ձեր մեծաբը-տության, կամ մի այլ հանգամանք խոշընդոտ կըլլա:

— Էլ ի՞նչ գովարություն, Հայրիկի թուղթը քեզ համար լավ ա-վկայում, մենք էլ վարժապետ չունինք, գեղումս էլ մի օրինավոր գրա-գիր չկա. գեղական դատարանումը օրինատետր կա, քեզ կտամ, քիչ-քիչ կսորվես, քեզ էլ օգուտ կըլնի, մեզ էլ:

— Մինք այդ օրինատետրեն մի հատ մը ձեռք բերած ենք, բովան-դակություն մեզի քաջ ծանոթ է, անոր համաձայն գործավարություն ընել մեզի համար դյուրին է:

Տիրացուն հանեց նույն ծոցազրպանից մի գյուղական օրինագիրը:

— Դե բանը գլուխ եկավ, էլի՞, — հուսադրեց տանուտերը. — կա՛ց, մի վախիլ, դու էստեղ մեծ շահմունք կունենաս, մի սիրուն աղջիկ էլ կուզենք քեզ համար, կպսակենք:

— Աստված չընե, միայնակեցություն ուխտեր եմ ի մանկութենն:

— Տերտերը թողություն կտա, վնաս չունի:

— Կա՛ց, տիրացու, կա՛ց, լավ է ասում մեր տանուտերը. էս է՛ ես ձերացիլ եմ, մի քանի տարուց հետո քեզ կձևնադրենք, — խորհուրդ տվեց քահանան:

— Տեր ինքն ինչպես տնօրիներ է, անոր սուրբ կամքը թող օրհնյալ ըլլա:

- Անունդ ի՞նչ ա, տիրացո՛ւ,— մեջ խառնվեց Մելիք-Քաղալը։
- Ավագանիս անունը Մաղաքիա Բաստորմաճյան է, բայց դպրոցական անունս Հայրիկ հաճեցավ կոչել Տաճատ Գնթունի։
- Արտակ Պալունի, Հմայակ Գիմաքսյան, Խորեն Խոսիտոունի...
- Արա Արամյան, Հավանակ Վաշտակյան, Հոյ Հուսակյան...
- Ցուլակ Արբակյան, Պարսլը Պաճուճյան, Պերճ Արրունյան։

Այս անունները միմյանց ետևից կրկնողներն հրեք երիտասարդներ էին. նոքա ոչ ոքի չէին խանդարում, նոքա բերան գիտեին Հայրիկից եկած երիտասարդների դպրոցական կոչումները և իրանց մեջ ծաղրում էին փսփսայով ու ծիծաղելով։

— Ուրեմն, տերտե՛ր, գործը վճռվեց,— ձայնը բարձրացրեց Մելիք-Քաղալը,— մեր տիրուցու Տաճատը կմնա մեր գեղումը. շատ լավ իրար ենք ընկել, մեզանում գինին բոլ ա, սրա էլ հին անումը Բաստորմաչի, նորն էլ Գնթունի, էս վերջինի ք գիրը դուս կբցենք, մենք շուտ խոսող մարդիկ ենք, լեզվներիս տակիցը կսլլա, դուս կընկնի, կմնա Գնունի. հետո կնստենք, լազաթին բաստորմեն տծտծալով շամփրիցը սիպտակ լավաշի մեջը դուս կբաշենք, գյոգրով (ղղմասովակ) գինին էլ կշենք զնշներիս, էլ ի՞նչ դարդ ունինք, կե՛ր ու կոհճա՛, դե քե՛ֆ արա, Բաստորմաչի-Գնունի, ծծա ու ծծա՛, կաց ու պոռչներդ ծպծպացրո՛ւ, բեղերդ լպստի, վախիլ մի՛, հատնիլ չի։

— Ներեցե՛ք, հարգամեծար իշխա՛ն, օրբո՞ն ալ մեր հին ու նոր տղանուններ հարմար են ձերին ասության, բայց մենք նախ ուխտած է՛նք յոթ տարի սուրբ կարապետու պահճ պահել, և երկրորդ գինիի հոս ու համ առած՝ չենք ցարդ։

- Դե կարդացողը դու ես, մենք անգետ գեղըցի ենք, հիմի դ՛ու աես, հայ-քրիստոնեի հավատը գինու վրա չի կապա՞ծ։
- Մն ուրի՛շ բան։
- Դե տեսա՞ր, որ ես իմ բռազյալ (ազեռ) տեղովս քեզանից շատ բան գիտեմ, դեռ է՛ն մի խոսքն էլ քեզ բաշխեցի, շասեցի, թե ո՛վ ա տարին 12 ամիս բանջարեղեն ուտում։

— Բայց արդեն դուք զիս արբեցողի մը ընկերն ըրիք և խոտակեր կոչեցիք, ադ փոքր-ինչ վիրավորական է։

— Է՛յ, խելքդ որտե՛ղ ա, տիրացո՛ւ, ես քեզ իմ հրեկերը շինեցի, ի՛մ, ինձ չե՛ս հավանում, քեզ պես օխտը տղալ սեխիմ. ես որ մի օր գինի չեմ խմում, իրիկունը գնում եմ տերտերի առաջին շոքում, մեղա զայի. լիողութուն անեում. հենց գիտես մենք հայ-քրիստոնեյա չե՞նք. է՛նի էլ ենք խմում, պաս էլ ենք պահում. բաս՝ թո ասելով մենք պիտ-

նեցներ (արբեցող) ու հայվաններ ենք, էլի՛. խոսք էր, սազեց, տեղն եկավ, ասեցի, ի՞նչ ես փալանդ շուռ տալի (վիրավորվել)։

- Մի՛ նեղանալ, տիրացո՛ւ Տաճատ, մեր Մելիք-Քաղալը հանաք է անում, սա մեր գլուղի իշխանն է, սրա քաղցր խոսքերը քեզ էլ դուր կգան, ականջներդ կվարժվին,— հասկացրեց տերտերը։
- Այնժամուս կհասկնամ, որ հարգամեծար Մելիքին ըրած անմեղ կատակ մ'է։

— Տո, արի՛, խելո՛ք, վախիլ մի՛, մենք կբարեկամանանք,— նորից ջարտնակեց Մելիք-Քաղալը,— արի գնանք, էս գիշեր մեր տանը մի լավ քեֆ անենք, կնիկս իր դմբոճիկ (փափկիկ) ձեռներովը քեզ համար մի կախուղ տեղ կբցի, թե կուզես՝ ոտներդ էլ կմածի (շփել). վախիլ մի՛, ես ծեր եմ, բայց կնկանս աչքումը դեռ եղ կա, գիշերն երազումդ կտեսնես, կերածդ կմարսես, առավոտը քեֆով վեր կկենաս։

— Հրամանքնիդ բավականին զվարճախոս անձ մը կերևիք, անմեղ կատակներ կսիրեք, ինձի նման նորատի պանդուխտին քիմք կուզեք պարարել ձեր պարկեշտուհի տիկնոջ մայրական հրապուրանքներով և հայուն հատուկ հյուրասիրությամբ։

— Ծ... օ... օ... լա՛վ ես, լա՛վ, մե՛ր տղա, բերանումդ համ ես ունեցել, ձեռաց հասկացար, որ հալիվոր մարդի հրեկերն ատամները թափված պառավ կըլինի, գունչդ ջահելների փեշերքին ես մեկնում. վախիլ մի՛, իմ խաթունը վրա հինգ կնիկս ա, թո տարիքումս անճախ (հազիվ) ըլնի, ամեն մի աչքը ձեր հստեսների գայֆի ֆնջաններից մեծ ա, ա՛լը (խո՛կ և իսկ) քեզ պես օռու ճգնավորի ու խաբեբանների շալակը տալու ասլրանք ա, արի՛ գնանք։

— Շա՛տ շնորհակալությամբ եմք, սակայն արատիք կրեիք անբժու-թյանս։

— Դե՛, գե՛, արի՛ գնանք, ա՛յ դարմանի տակի ջուր. խաչազող վանեցի չե՞ս, գող կատվի աչքերիցդ ա մալում (հայտնի), թե ի՛նչ պտուղ ես. ամեն մի մազիդ տակին օխտը սատանա կա. ախար Օսմանլուի խաչազողներն էլ վանեցիք են, սալմաստցոնց հարևան եք, է՛։

— Այդ արդեն կարի անարգական է,— դեմքի վերա տհաճութուն արտահայտեց Գնթունին. Բայց Մելիք-Քաղալը նրա վզակոթը թոթվելով, շարունակեց յուր ծաղրածութունները և դեպի յուրյանց կողմը քաշեց։

— Տերտե՛ր, տանուտե՛ր,— գարձավ Մելիքը դեպի վերջիններս,— դուք էլ եկե՛ք գնանք, մեր Գնունի-Քաստորմաչու հետ մի քիչ սեր ու սոճաթ անենք, սրան երկու տարեկան քուռակի պես խամահանուկ անենք (վարժեցնել), թե չէ սա շատ ա տաճինկ քցում։

Ավելորդ է ասել, թե էջմիածնի ուխտավորի ուխտը ետ թողվեց դիւսրդ ժամանակին կատարելու:

Օ. գյուղի հյուրասիրութիւնը, Մելիք-Բաղալի համեղ կատակները, երևտուն երիտեքանց ուսուցչական առատ վճարքը և, որ գլխավորն էր, տանուտերի առաջարկութեամբ գյուղական գրագրի յուղալի պաշտոնը խիստ հաճոյական թվեցին Հայրիկի առաքլալին:

Ի պատիվ Գնթունուն պետք է աւելնք, որ եւ մինչև էսօր էլ գինու հոտը չի առնում, ուխտադրուժ գտնվեց միայն սուրբ Կարապետի դեմ, առաջին իրիկունը Մելիք-Բաղալի համոզմամբ պատր բաց արավ՝ ծեթութեան օրերում ուխտը վերանորոգելու պայմանով:

ԺԲ

ՇԱՆ ՀԵՏ ԱՆԳԵՐԱՅԻ, ՓԵՏԸ ՁԵՌՆԳԻ ՄԻ՝ ՎԵՐ ՔՅԻԼ

— Բարև ձեզ, պարոն Գնթունի՛, ինչպե՛ս եք, — ծանրախո՛հ դեմք առած՝ երկու մատի ծայրով արժան տեսավ Բալասան աղեն դիպչել գյուղական գրագրի խոնարհութեամբ պարզած ձեռքին, երբ վերջինս շողքորթ ծախտով անվտանգ առաջ եկավ դեպի Մելիկիովը:

— Ողջութիւններդ կցանկամ, վսեմափայլ տե՛ր, իշխա՛ն հայկազն:

— Ինչպե՛ս եք կառավարվում այս լեռնային արշերի մեջ, նեղութիւն շե՛ք կրում, շե՛ք հուսահատում:

— Սկզբնէր շատ խորթ կթվեր մեզի ասոնց անկրթութիւն, բայց հետզհետե վարժեցանք, այժմ իրենց ալ սակավիկ մի քաղաքակրթեցինք, մարդավարութեան ուղի՛ն առաջնորդեցինք:

— Հետո օտարութիւնը ձեզ դպալի չէ՞:

— Անշուշտ, հայրենյաց անձուկ շարունակ կտողքե հոգիս, սակայն պարկեշտ լծակից մը և բողոտրիկ մանկիկ մ'ունենալես վերջ՝ բռլորն ալ անցան:

— Կսել եմ, այո՛, մեզ հայրենակից ես դարձել, շատ ուրախ եմ. իմ կարծիք, դժվար կլինի ձեզ օտարութեան մեջ առանց սեփական տուն ու տեղի, առանց այգու և հողի միայն գրադրական սահմանափակ ուժեղով ընտանիք կառավարել:

— Ձեր շնորհիվ, ողորմած բարերա՛ր, այժմ տնակ մը և փոքրիկ այգի մի ևս ձեռք բերած ենք, նախախնամութիւն մի պատառիկ ցամաք հաց ալ խնայած չէ, կայսրիք կերպիվ իվիք:

— Հա՛, այդ չգիտեի, շատ շո՛ւտ, կարծիք, ձեր գալը հինգ տարուց ավելի չէ:

— Այո՛, այդպես է, բայց մեր դատավոր Խուղալերդի բեգին շնորհիվ, գյուղական տանուտիրոջ մարդասեր ներողամտութեամբ տեսակ մը կհեաց եղանակ գտած ենք:

— Մեր վարժապետը հիմի լավ փող էլ ունի, աղա՛, — մեզ մտավ Խուղան, — շահով տված ա մտտիկ գեղերի թուրքերի մեջ. սրա ֆանդ ու ֆելը (հնարագիտութիւն) ոչով չի իմանալ. մենք ինչքան ուզենք՝ ձեռք պատը կքսի, մխուր չի գալ (ուրանալ) ու երկու օրից հետո, մին էլ տեսար, թուրք հաշիներից մնի հինա դրած միրուքը ճանգել ա ու իժի պես տկի-տկի անելով (մկկացնել) բերում, կոխում դատարան, սանդը զավերեի անում (заверить — վավերացնել), փեշատը (կերի) կոխում ու ճամփու բջում:

— Որքա՛ն է մեր տված, քանի մը կոպեկներ, — արդարացավ Գրնթունին:

— Հենց էդ ա, է՛, — շարունակեց Խուղան, — Հաշի Մուստաֆեն սրան տասը մանեթ էր պարտ. ուզեցա իմանալ, թե քանի՞ մանեթ էր պարտքի գլուխը. նա ասեց՝ դրանից ո՛վ ա փող առել, դատարանումը գանգատ ունեի, վճռեցիք իմ օգտին, հրամայեցիք ըսպոլնի (исполнительный лист — կատարողական քերթ) տալ. գնալով-գալով հոգիս դուրս եկավ, շարես կտրեց կաշառք խոստացա. երկու մանեթի թուղթ առավ բերնիցս մի ամիս ժամանակով, էս ա երկու տարի ա, վեց ամս վեց ամիս շահը շահին գալով, տասը մանեթ ա դառել: Ես ի՛նչ եմ հասկանում, ասում ա՛ ինքը գրել ա տալիս իր մոնթերին, ինքը հաշվում, ինքը հաստատում:

— Հետո ստացա՞ք թուրքից ձեր փողը, վարժապե՛տ, — հարցրեց Բալասան աղեն:

— Ստացավ, էն էլ ո՛նց, աղա շա՛ն, — պատասխան տվեց Խուղան. — Վճռեցինք՝ յասօվուլը վերկալավ, գեաց դաշտիցը խեղճ Մուստաֆի ոչխարի սուրուլից (հոտ) շորս հատ էնպես դավուրմացու շիշակ (երկու տարեկան խոյ ոչխար) բերեց, որ ախպերն ախպորը հինգ մանեթով չի տալ. Մուստաֆի հոգին դուս եկավ աղաշանք անելով, որ մինը ետ տա. էս անիրավը քարացավ, քար կտրվեց: էս գլխամեծն էն ոչխարներից 17 մանեթ փող հանեց ու ո՛չ տանուտերին, ո՛չ դատավորներին մի-մի շամփուր խորովածացու էլ շղրկեց, որ բերաններս եղուտեինք:

— Եթե ոտքի վերա ողջ-ողջ է ծախել, ինչպե՛ս ուղարկեր, — պաշտպան հանդիսացավ Բալասան աղան:

— Տո, չէ՛, աղա՛, քա՛ր ընկնի սրա գլխին. դասարին մի շարք միս խոստացավ, մորթիլ տվեց, փոխեց, փողերը հարցաքննութեանը

լցրեց, ոչ իր տունը մի մսխալ միս զրկեց, ոչ դասաբ Պապի Գևորգի միսը տվեց, ասենք՝ Գևորգի սրան հում-հում կուտեր, կիսեզդեր, բայց լեզուն կարճ էր, դատարանումը գործ ուներ, պարտքատիրոջ սանազը վճռած՝ սրա ձեռին էր, սպորնին կտար, փողի տերը Գևորգի տան ծածկի կոճերը կքաշեր:

— Որքա՞ն տոկոս եք ստանում, վարժապետ,— հարցրեց Բալասան աղեն:

— Տո, աղա ջա՛ն, գրանից ի՞նչ կիմանաս, գու ինձ հարցրո՛ւ,— կրկին քնդմիջեց Խուրդն.— անումը տասին երկու շահովն ա, բայց սրա պարտքատերերն էնքան տիմար են, որ ինչ գրում ա՝ անջատում են. հինգ մանեթին մի տարում և հինգ մանեթ էլ շահ ա առնում:

— Հետո կորչում չե՞ն փողերդ, վարժապետ:

— Հատ կոպեկը չի կորչիլ, աղա ջա՛ն, քանի սա դատարանումը պիսը (գրագիր) ա, ոչով չի համարձակվիլ սրա քոռ սև փողին խեթ մտիկ տալ: Գլխովդ եմ երդում ուտում, աղա՛, ոնց որ քեզ արզ եմ արել՝ գլավնի՛ն էլ, սուղի՛ն քն էլ սրա բռանն ենք մտիկ տալիս, տանուտերի հետ միացել ա ու վճռում ա սա՛, կարգադրում ա սա՛, մենք հենց բերաններս բաց՝ ճանճին անող ձիու օգես գլխներս տմբտմբացնում ենք ու ձեռք քաշում: Ի՞նչ ես կարծում, աղա՛, ինչքա՞ն փող ունենա:

— Ի՞մ կարծյոք սա հիմա փող պետք է չունենա. այդ էլ մեծ բան է, որ հինգ տարվա մեջ տան և այգու տեր է գարձիլ:

— Գու ո՛չ մեռնիս, աղա ջա՛ն, 3000 նաղդ նիկոլայ-մանեթ ունի, ես եմ բոլորը ձեռք քաշել:

— Ուրե՞մն սա Տաճկաստանից պարուց յուր հետ փող է ունեցել:

— Ի՞նչ ես հրամանք անում, աղա ջա՛ն, ի՞նչ փող, ի՞նչ գենի՛շկա (կես կոպեկ), մի ջուլտ թելից գործած փորշըկի տրեխ ուներ, տակը հարիր տեղից կարկատան, մի հին պատուտրված Վանի մազի շալից կարճ շուխի պես բան ուներ, արմնկիցը միսն երևում էր: Մելիք-Բագալին հարցրո՛ւ, տես՝ ի՞նչ կպատմի, երկու-երեք ամիս նրա տանն էր կենում. մի սիպտակ կտավի շապիկ ուներ, ասում ա, որ կեղտումը փթել էր, կնիկս, ասում ա, զզվեց, որ լվանա, իմ շապկահինն ա ճզել, գլուխն անց կացրիչ, մի տեսակ յուր տարել ջնշանք փառեց էնք Պուլուզի գուբանիցը նիսիս (ապառիկ) մի քանի գազ ամբողջան վերցրեց, շուշալել, շիխքը քցել:

— Կարծեմ գլխիցը գուրս է տալիս, վարժապետ, էս փչի տասը խոսքից միսն ուղիղ չէ.— նորից պաշտպանողական գլխք ստացավ Մելնիկովը:

— Մասամբ ճիշտ է, գերագնիվ տե՛ր, Վանեն էլս մաքուր հա-

գուտով, բայց քյուրդեր ճանապարհին զիս կողոպտեցին, բոլոր ինչքս տարին, մնացի մերկանդամ, մերձակա գյուղազանք զիս գտին, յուր-յանց ցնցոտիքներով զիս պատսպարեցին: Անոնց հնոտիքովն է, որ մտանք այս գյուղ:

— Տո՛, աղա ջա՛ն, դու սրա խոսքին մի՛ ավատալ, ի՛նչ թալանել, ի՛նչ քուր, թալանվողի ձեռքին թղթերն ի՛նչ բան ունեին, շորերը կառնեին ա մի խուրձը գրեր ետ կտայի՞ն. սրա ծոցը լիքը թղթեր էին:

— Այս ի՞նչ գրեր է պատմում, վարժապետ, իհարկե չեմ հավատում. սա սովորել է ափեղցփեղ, անկապ, անտեղի ցոփաբանություններ անել և, անտարակույս, այժմ էլ կատակ է անում,— հարցրեց Մելնիկովը:

— Մեր հարգո դատավոր Խուրավերդին իրավ կըսե, հետո Հայրիկին և քանի՛ մը հատ ալ ուրիշներու հանձնարարականներ ունեինք, որոնք քյուրդեր մեզ վերադարձուցին՝ զիջյալ մեր աղերսագին թախանձանքներեն, մեզի նման անփորձ և անստակ ուղևորին անշուշտ կարեվոր են անոնք ջերմհուանդ հայ ժողովրդին մեջ արժանավայել ընդունելություն ցուցնելու, ինչպես ալ մեզի հետ եղավ, ամենուրեք հարգանք կպատվասիրեին:

— Իրա՛վ, այդ հանձնարարականներն ինչպի՞ս են ձեռք բերում, վարժապետ, ինձ շատ է պատահել Տաճկահայաստանից եկածների ձեռքներին տեսնել Հայրիկից և զանազան վանահայրերից ու առաջնորդներից տված հանձնարարական թղթեր, և մի՞թե անպատճառ կարևոր են նոքա:

— Անշո՛ւշտ:

— Հե՛ղտ եմ ձեռք բերվում:

— Հայրիկին խնդրելու ոչինչ դժվարություն չկա, ան գթոտ և բարձհամբույր հայր է ընդհանրությամբ, անգամ մը եթե դիմես իրեն, կուտա՝ ով կողի թող լինի. մեծամեծ դժվարությանց կհանդիպին մյուս վանահայրերու և առաջնորդներու քով, առանց ստակի (դրամ) հաղիվ կհաջողի ի՛նչ ընելու է, պիտի տալ, ապա թե ոչ նպատակին անհնար է հասնել:

— Մի՞թե:

— Այո՛, տե՛ր, հայ ժողովուրդ վարժած է այդ հանձնարարականներուն, վանահայրեր այդ քաջ գիտեն և ստակի կկապեն. ըստ իս՝ ամենայն իրավամբ. անոնց թուղթ մեծպպես կնպաստե, մանավանդ որք խաշոր գումար մը շահելու կը միտին:

— Գուք էլ փող տվի՞ր:

— Քանի մը տեղ Հայրիկին հանձնարարական օգնեց. սակայն

սուրբ-Կարապետ՝ սակավ մնաց Հայրիկին հանձնարարականն զրկվելնք
և մենք ալ գանակոծ դուրս մնացինք:

— Ինչպե՞ս:

— Մենք տեղյակ չէինք սուրբ-Կարապետու միաբանութեան տհաճ
տրամադրութենէն առ Հայրիկ, հյուրընկալին, դիմեցինք հանուն Հայ-
րիկի մեզի պատուպարելու. նա առժամայն բռնկեցաւ, խաբեքաւ վանեցի
և այլ վիրավորական ածականներ տեղաց մեր գլխուն և կոչեց յուր
սպասավոր, մեզ պարսպեն վանել հրամայեց: Բիրտ ծառայն մեր բա-
ղուկ ճմլեց վայրենի բյուրդի նման և հայհոյանքներ թափելով՝ մեզ
դուրս վռնեց: Երեկո էր, ուր երթալնիս շրիւնիսք, ընտրեցինք ստակի
անվամբ մեր գործ տեսնել: Հասինք բաղձունացս, քանի մը դուրուշ կո-
րուսինք, բայց հոգ չէր, գործերնիս հաշող էլք ստացավ:

— Այդ շատ հետաքրքիր է, խնդրեմ պատմես, վարժապե՛տ:

— Սպասավոր գաղտնասուխ մեզ յուր սենյակն առավ, խորհուրդ
տվավ մեզ Հայրիկի անուն շուտ, հարցասիրաց քով հայհոյանք խոսիլ
անոր դեմ, կշտամբանք ու լուտանք թափել նորա սովերին և հանձնա-
րարականին հիշողութիւնը շրնել: Մենք ալ այնպես ըրինք: Մյուս օր
սպասավորին ձեռք քսան դուրուշանոց աջահամբույր մեզի կարապե-
տեց առ հյուրընկալ: Քանի մ'օր ալ այնտեղ մնացինք, վանահոր ծա-
ռային ծանոթացանք, շահեցինք, վերջ՝ քառասուն. դուրուշնոցով հանձ-
նարարական մը ձեռք բերինք: Ի՞նչ ընելու էր, սուրբ-Կարապետա ան-
վամբ հայ գյուղական շուտ կրգկորի. անոնց թուղթ մեզի մինչև Կարին
շատ ձեռնտու եղավ, ամենուրեք հյուրասիրութիւն գտանք, քանի մը
ստակ ալ ճանապարհի պարեն առինք, որով թե մեր պիտույք հայթայ-
թեցինք և թե Կարնո աուջնորդին հանձնարարականը շահեցանք:

— Ուրեմն ընդամենը դուք երեք թուղթ եք ունեցիլ ձեզ հետ:

— Տո՛, գրա խոսքի քանի՞սը մի շահով կ'առնեմ, աղա շա՛ն, — էլի
կտորած դրգալի նման մեջ խառնվեց նուզոն, — դա որ եկավ, ծոցա-
չբերը հենց էին տոգած, կասեիր երկու շարթեն շահել ծննդկանի ծծեր
ըլնեին. ի՞նչ երեք թուղթ, ինչքա՛ն սուտ-սուտ փեշատներ, ի՞նչ Տերս-
կամ որդու կոնդակներ, ի՞նչ մատնահարներ, մմոտ թղթեր, սրբի պատ-
կերներ:

— Ուղի՞ղ է ասում, վարժապե՛տ:

— Բարորանքներ կրարդե մեր վերա, մեր ունեցած թղթեր մեր
հիշատակարաններ էին. արդարև կուզան այդպիսի թղթերով Տեր-Նու-
կան որդի, Պտկա սուրբ Դևորգա դուլեր, կոնդակներ ու մատնահար-
ներ կրեռն, խաչեր ևս կունենան, բայց այդ մենք չենք, օտարք կընեն:

— Դե բոլոր ձեր վանեցիքն են, էլի՛, — ընդհատեց նուզոն, — սա-

բի ի՞նչ ևս թարցնում. մենակ դու հո չի՛ս, օրը մին ա, եկողը՝ տասը.
ձեր ոտը կտորվի, գեղ չկա, որ բուն դրած լըլնիք, քանդեցիք, քարա-
տակեցիք էս երկիրը:

— Կմեղանչես, թափառաշրջիկներ, տգետ ուսմիկներ են: Արծվի
Հայրիկին ճետեր միայն վսեմ գաղափարներ և լուսավորութիւն կտա-
րածեն, ուր կերթան:

— Սաքի ո՞վ են քո Հայրիկի աշակերտները:

— Դուք ինձմե քաջ կճանաչեք, ամբողջ Այրարատ նահանգ, Գողթ-
նիք, Սյունիք յուրյանց գյուղերով անոնց դաստիարակութիւն կվայելեն,
որոնցմե վերջին նվաստս, կարծոյք, ըստ կարյացս սակավ ծառայու-
թիւն ըրած չենք ձեր գյուղին. սնապարծութիւն կատեմ, բայց ճշմար-
տութիւն գաղել՝ հանցանք կհամարիմ:

— Ձեր ճամփեն փուշ ու տատաշ դառնար, էս աշխարհքը շմտեցիք.
էլ գեղ, տուն, օջախ, ընտանիք թողե՛լ եք, որ շփշացնեք. ամեն տեղ
հիմն արեգակ շուտ տվիք, Իգդիրը ձեր ձեռովն ընչանք էսօր էլ արնի մեջ
լեղ ա տալիս, Աշտարակ՝ հերը որդուց հանեցիք, բաժան-բաժնութիւն
քցեցիք, երեխեքանցն իրար հետ թշնամացրիք. Ղամարլու՝ աղքատների
բերանից սուտ-սուտ սանադներ շինեցիք, հարուստներին ծախեցիք,
Մարգարի գեղումը միամիտ հարսներին ճանգեցիք, աղջիկ փախցրիք,
դեղն երկու թիրա (կուսակցութիւն) արիք, էսօր էլ իրար միս են ուտում.
Ագուլիս, ասում են, թիշ մնաց ձեր ձեռքովը հաստատ ուսումնարանը
շուտ գա, ո՞ր միւր միտս բերեմ, քանի՞սը շարեմ, հավողի մատն ուտող
դագձի պես բռնել եք էս աշխարհքը. փաթաթվել խեղճ ժողովրդի բո-
ղազին, հուփ կք տվել, աշքերը գազաթն եք թոցրել, հլա էլի խոսում
ե՛ս...

— Կարծեմ ինձնե օգտե սվելի ոչինչ տեսած չեք, ձեր եկեղեցին
այսօր պայծառ կփայլի նվաստիս ջանքով, մանուկներ հրեշտակաց հետ
սրբասացութիւն կընեն. ինքնին խոստովանեցար՝ ձեր գյուղ բարվոք
կկառավարվի, ամենուղ ևս ձեռք եկածին շափ կժառայենք. այժմ ալ
գերազնիվ հայրենասեր տեր-Մեղնիկյան իշխան մեզի հրաման ունի ար-
ձակելու, որ շնորհ ըրիր է յուր լուսափայլ դիմաց տեսութեան անարժան
արժանացնելու:

— Հետո մեջը ոչինչ շահմունք չունիս, էլի՛:

— Մենք անգոհին մեկը չենք, այդ մասին կանխավ խոսեցանք:

— Մի՛ նեղանար, վարժապե՛տ, — խոսեց վլադիմիր նեստորիչը, —
սրանք ողջ գյուղով ի նախնայց անտի ապերախտ շներ են, ինձ դեմ էլ
ապաշնորհութիւն են անում. ձեզ հօ լավ հայտնի է, թե այս գյուղին
ի՞նչ մեծ բարերարութիւն եմ անում:

— Քաջ գիտակ եմ, տե՛ր, մուրհակներ բոլոր մեր գրածն է՝
 — Հապա տեսնո՞ւմ եք, սրանք է՛լի իմ շվաքիս վրա հաշում են՝
 — Կմեղանչեն՝
 — Թողնենք այդ, պ. Գնթունի՛, մենք գործ ունինք կատարելու։
 Բալասան աղան աչքով նշանացի արեց խուղոյին, և նա դուրս գնաց։
 — Գիտեք, իհարկե, թե ընչի՛ եմ ձեզ կանչել։
 — Կգուշակեմ, մուրհակների թվականներ փոխելու, — շնչաց գրա-
 գիր վանեցին։

— Բավակա՛ն չէ՛։
 — Գումարն ևս շարժելու է անշուշտ։
 — Հասկացա՛ր. մի քանի անպիտաններ երկար ժամանակ ինձ
 տանջում են, պետք է սեղմել դրանց. դիցու՛ք՝ ես վերջը կբաշխեմ, բայց
 այժմ այդ մեզ պետք է։

Բալասան աղան նախապես պատրաստած ուներ ցուցակը և փո-
 խելիք գումարների որքանությունը։ Այդ պատճառով էլ նա կարիք չունե-
 ցավ մի առ մի թելադրել Գնթունուն։ Վերջինս շատ քաջավարժ էր երևում
 քերել-չնչելու և նոր գրելու մեջ։ Նրան օգնում էր յուր փոքրիկ, հրդե-
 ված, ոսկրե կոթով սրածայր գրչահատը։ Մեծ գործ էր տեսնում քերված
 տեղը թանաքը, չծծելու համար վանեցու գտած հնարքը. եթե շոշափելու
 լինեինք նրա ձախ բուրձ մատի եղունգը և համեմատեինք աջի հետ,
 ձախը շատ բարակ կգտնեինք։ Գրագիրը քերում էր եղունգը և փոշին
 քերած տեղը դանակի կոթով տրորում. թանաքը գործում էր ինչպես մա-
 բուր թղթի երեսին։

Մինչ վանեցի վարժապետն յուր գործը տեսնում էր, Վլադիմիր Նես-
 տորիչը շարունակ սենեկի երկայնությունը չափում էր յուր քայլերով։

— Վերջացավ, բոլոր կատարվեցավ գերազնվությունդ կարգադրու-
 թյան համաձայն, — ասաց Գնթունին։

— Կա՛վ, այժմ վերցրո՛ւ մի թերթ թուղթ և գյուղի կողմից նաշալ-
 նիկի անվամբ մի խնդիր գրի՛ր, որի մեջ հայտնի՛ր ամբողջ հասարա-
 կության շերմ ցանկությունը խուղոյին տանուտեր ունենալու յուրյանց
 մեջ։

— Աղի՛կ մտածեր եք, մեր ալ փափագն է, խուղավերդի բեզ կա-
 տակներ կսիրե, բայց մեզ հովանավոր է։

— Ես եմ քո հովանավորդ, վարժապե՛տ, ե՛ս. քանի ես կամ, դու
 ապահով ձեռի ու կտրի, ոչ ոք մազիդ չի կարող մոտենալ։

— Յմահ երախտապարտ եմք, — ասաց գրագիրն և թուղթը ձեռք
 առավ։

— Պատրաստ է, — փոքր ժամանակից ձայն հանեց նա։

— Այս կմնա ինձ մոտ, — պատասխանեց Մելնիկովը, — վաղը մի
 քանիսին կկանչեմ, ինքս ստորագրել կտամ, անգրագետների կողմից էլ
 անելիքը քո բանն է, խուղոյի ձեռքով քեզ կուղարկեմ, բայց աշխատի՛ր,
 որ ձեռքերը, որքան կարելի է, միմյանցից զանազանվին։

— Միամիտ կարող եք ըլլալ, տե՛ր, մենք երեսուներթ տեսակ գրու-
 թյան մեջ վարժված ենք. Վարազ՝ դպրոցն այդպիսի վարժություններ
 կընեինք Հայրիկեն գաղտնի, զավառներ կարևոր են դոքա, անգամ մ՛ ալ
 Հայրիկ տեղեկացավ, շատ վշտացավ և պատվիրեց գեթ ի շարն գործ
 լարկանել։

— Վե՛ր կալ հետդ այս մուրհակի թղթերը։
 Վլադիմիր Նեստորիչը տվեց գրագիրն բավականին մուրհակի դրոշ-
 մած թղթեր։

— Կնքեմ, այնպես չէ՞, — ընչանցքի տակին ժպիտի նշույլ երևցնե-
 լով հարցրեց գրագիր վանեցին։

— Հետո էլ վավերացրո՛ւ։

— Տանուտեր Կարապետի ձեռք կբավե՞, թե դատավորներուն ևս
 դնեմ։

— Այն մեկը, որ ձեռք գիտե։

— Անհո՛գ եղիք, պարծա՛նք հայրենյաց, գյուղիս բոլոր ազգեցիկ
 անձանց ձեռք մենք կարող ենք կեղծել, յուրաքանչյուրին վերա ժամեր
 վատնած ենք։

— Ուրեմն մի քանի թերթ հասարակ մաքուր թուղթ ևս վերցրո՛ւ,
 քեզ հետ։

— Կնիք շա՛տ մոտ ըլլա։

— Որը մոտ, որը հեռու, զանազան նպատակների համար։

— Քաջ գիտեմ, երեկոյան օր հարյուր թերթի չափ կնքեցինք և
 չավերացուցինք տանուտեր Կարապետի համար. նա կզգա, որ առաջիկա
 ընտրություն իրեն հերթ հասնելու չէ. նվաստիս հանձնեց յուր համար
 պատրաստել քանի մը հատ ալ մեզի համար կնքեցինք։

— Ընչի՞դ էր պետք, կամ տանուտերն ի՛նչ պետք է անի։

— Ապագային մեծ կարևորություն կա, խնդրողներ անպակաս են,
 զանազան կեզժ կալվածագիրներ, կեզժ մուրհակներ, կանխավճար ապա-
 հովագիրներ շինելու պետք կըլլան։

— Հետո չե՞ս վախենում հայտնվելուց։

— Հոգր պաշտպանս ողջ ըլլա։

— Իսկ եթե ես չպաշտպանե՞մ։

— Մենք աներկմիտ ենք, թե կզնահատեք ընչին ծառայություննիս և
 չենք թույլ տար օտարաց օգնության և միջամտության գիժելու։

— Օ... օ'... վանեցի', լավ եմ հասկանում, ուզում ես ասել, թե գողն ու գողակիցն ի միում պատժի կան. ձեռաց կմատնես, էնպես չէ', ուղի՛ղն ասա:

— Վստահ ենք, որ գործն այդտեղ հասուցանելու փուլը չլինի:

— Աղա ջա՛ն,— ներս մտավ Խուզոն,— լավ միտս եկավ, երեկ աղվակատ Չուլախ-Հարությունն էստեղ էր, որ քո հրամանքի կողմից գնացել էր Դվակոթենց Հայրոյի մոտ: Ասում էր՝ մի թուրք ա հարկավոր գրել տալ, որ գեղըցիք վկայեն, թե Դոնդարենց Ասոյի սպառնված օրը Հայրոն սաքի գեղումը չէր, բամբակները տարել էր Երևան ծախելու. ասում էր՝ մի թուրք էլ ինքը՝ շինել կտա Երևանի դանթարի (կըռոթ) տակի թուրք դալալների կողմից, սաքի թե Հայրոյի բամբակներն են, որն իրանք են ծախել, Հայրոն ընչանք իրիկուն՝ դանթարի տակին ա էլել:

— Իրա՛վ, վարժապե՛տ,— քաղցր դեմքով դարձավ Մելնիկովը գեպի գրագիրը,— մի այդպիսի թուրք էլ պատրաստի՛ր էն Հայրոյի համար. ի՞նչ հիմար բան դուրս եկավ. ես պատվիրեցի գնդակն այնպիսի արձակել, որ պատուհանը կտրի, գնա առաստաղը ցցվի, որ միայն երկյուղ տանք փուշ Ասոյին. անշնորհքն այնքան ցած է նշան տվի, որ գնդակը դիպել է Ասոյի գլխին և սպանել: Դիցուք արժեք, փշերի մեկն էր, ասում են՝ սրտե ի սիրտ ընկեր էր Պետրոսենց Սամփոտնի հետ. եթե նա չլիներ, Սամփոտնն անարտունջ կհնուանար Բարսեղի աղջկանից. ասում են, որ հերու էլ այն փուշն է եղել մեր դռանը կուպր քոտը. շատ լավ էր, որ վերջացավ, պրծավ. բայց ի՞նչ օգուտ, որ անպիտան Հայրոն գլխներին ցավ դարձավ. ուզեմ-չուզեմ, պետք է ազատեմ:

— Խոհեմություն վսեմությանդ հատկանիշն է, գոհակին մեկն է Հայրապետ, կարող է բերանեն հանել և ձեր անբիժ անվանն արատիք պատճառել:

— Ընչո՞վ կապացուցանի:

— Աստվածաբարո հայր Վարդան, կարծեմ, Սիսակին ձեռքով ինքնաձեռագիր ստորագրություն մ, առեր է գյուղականաց շատերեն, որով կստուղվի, թե Հայրապետ Դվակոթյանց գյուղին մեջ շարունակ գողությունը կպարապեր և անոր գողացած իրեղենք երկիցս գտեր են ձեր քեռորդի Վասակին քով. պղնձապատ գոտու անցք ալ մեջ հիշեր է:

— Հասյա՛, այդ գոտին էլ քիչ աղմուկ չհանեց, անպիտան Հայրոն մի բանի բաների հետ այդ գոտին բերել էր քաղաք մեր տունը: Ես, իբրև անպետք բան, անկյունը ձգեցի: Կինս միամտաբար բաշխել էր մեր ծառային. նա էլ կնպել էր մեջքը, գնացել փողոց: Սառանեն հակառակ է լինում. հենց այդ օ՛րը պետք է Անտոնենց Սահակը քաղաք գար. մեր

ծառային հանդիպեր, գոտին ճանաչեր, սյուլիցիա կանչեր և մեջքիցն արձակեր: Հիմար ծառան էլ պարզ ի պարզո խոստովանել է, թե տիկինն է բաշխել: Գիտե՛ք, վարժապետ, որչափ նեղությունը կարողացա պորիցիականին մի տեսակ արձանագրությունը փոխել տալ և գրել, իբր թե ծառան փողոցումը մի թուրքից է գնել: Անելիքն արինք, պատասխանատվությունից ազատվեցանք, բայց ժողովրդի բերանից՝ ոչ. ամբողջ ամիսներով գյուղ ու քաղաքի խոսակցության առարկան էր:

— Աղա ջա՛ն, մի գիր էլ գրիլ տուր, թե Բարսեղի աղջիկն իմ քեռու հալալ թուր չի, խորթ ա,— խնդրեց Խուզոն:

— Ահա, վարժապե՛տ, ձեզ տգետ գյուղացի,— շարունակեց Բալասան աղեն,— կարծում է, ին գիրն է, որ չհասը հասցնելու է. քանիցս իրեն ասել եմ, դարձյալ յուրն է կրկնում. տո, անասո՛ւն, թղթով գործ չի առաջ դնալ. մինչև ես վանքի խցերն օրական հինգ անգամ անվառել ու մուտ չանեմ, մինչև դու քսան անգամ լիքը չգնաս, դատարկ վերագառնաս, մինչև գործակալի ձեռքով երզնական քննություն չկատարվի, գործ առաջ կերթա՞:

— Ներողություն կխնդրեմ. ազգասիրությանդ ձանձրույթ մը պատճառելու,— շողորթ ծախտն երեսին՝ պարանոցը ծոնց Գնթունին:

— Ասա՛, ի՞նչ կա:

— Ակնբեր է, որ եթե Սիսակ գյուղական գրագիր լինի, վսեմությանդ այս ամենայն դյուրությունը կզժվարին. կանխավ ձեր մեծության կհայտնեմ, որպեսզի ամենատեսակ հնարք ի գործ դրվի Գոմշակերյանց Հարությունին ընտրություն խափանելն ետ՝ առաջիկա ընտրելիք տանուտերին պատվեր մ՝ արձակել՝ անարժանությունս ձեռք չհանել. նվաստս կխոսի հօգուտ աշնվությանդ, Սիսակ ձեր շահերուն չի բռներ:

— Գնա՛, ապահով եղի՛ր, վարժապե՛տ, ես ողջ մնամ քեզ համար, երկյուղ մի՛ կրի, ոչ ոք քեզ դիմադրել չի համարձակիլ, հինգ օր չանցած՝ Սիսակին բանտարկել կտամ, դու աշխատի՛ր վարժվել նրա ստորագրությունը կեղծելու:

— Մառայդ արգեն հաջողած է, մեծագիր երեսներ կարենք գրել անոր ձեռքով:

— Ուրեմն բարի գիշեր, վաղն այդ բոլորը պատրաստ լինին:

— Կա՛ց, կա՛ց,— նորից վերադարձրեց Մելնիկովը գրագրին մյուս սենեկից,— լավ հիշեցի, անցյալ օրը փաստաբան Վասիլիչն ասաց. Հայրոյի գործի մասին, թե վատ չէր հանցանքը մի ուրիշի վերա կարկատվեր. ի՞նչ ես կարծում, ի՞նչպես անենք, ո՛ւմ վերա բարդենք, թուրք ի՞նչպես հարմարեցնենք:

— Սպանութենեն մի քանի մ' օր առաջ ոմանք տեսեր են Սիսակ հրացան՝ ի հուս Հայրապետանց տան քովեն անցնելիս. հարցանողաց պատասխաններ է, թե յուրյանց այգվո մեջ աղվես մը բուն դրած է, կերթա սպանելու. մենք արդեն սևագրություն մ'ալ պատրաստած ունինք. ծոցս է, եթե կամիք կարդամ:

Վանեցին ձեռքը տարավ ծոցագրպանը:

— Շատ ետ եկածն ես, վարժապետ, վա՛յ նրան, ով քեզ շճանալի, — գլուխը շարժելով ասաց աղան. — դեռ դու Սիսակին թող, ես ասում եմ Գալ-ափունի Սամփսոնը լավ հրացան արձակել ա իմանում, մեր Խուզոյի սիրտն էլ շահենք: Դիցուք Գալ-ափուն լավ մարդ է, որդին էլ մի հատիկ է, բայց այդ իմ գործն է, դեռ Հայրոյին ազատենք, մեր Խուզոյի տղին էլ պսակենք Բարսեղի աղջկա հետ, հետո որպես և իցե Սամփսոնին ևս ազատել կտամ:

— Մենք Խուզավերդի բեգին հետ ընելիք կրնենք, դուք ալ այս գիշեր կարևոր խորհեցե՛ք, կանուխ, խոնարհ ծառայո՛ք եմ:

— Էլ մտածել հարկավոր չի, դու Սամփսոնի մասին շարադրի, հիսուն մարդի ստորագրություն էլ դի՛ր, բայց չկնքես:

Վանեցի գրագիրը խոնարհ երկրպագությամբ բարի գիշեր մաղթեց յուր խնամակալին և հեռացավ:

— Ադա՛, վեզդ ալու կանգնեց, փուշ կենդանի՛, — դարձավ աղան դեպի Խուզոն, — Սամփսոնիցդ պրծար, տղիդ ոտքի տակի քարերը սըրբվեցին, մնաց չճասի դժվարությունը, այն էլ մի փոքր թիկունքիդ ծանրություն կլինի, բայց վանքոցնց կամքի կրերենք. դու ա՛յս ասա՛՝ ձայն ու ձուռ չկա, տղայքը շատ ուշացան, էն շատ հարկավոր է:

— Ես վաղուց եմ զրկել, մի կուժ հավթ իմ ձեռովս եմ հանել քո զերուզամբից (նկուղ), իրանց սովել:

— Տեսնենք՝ տերտերն ի՞նչ կանի:

— Տերտերն իր գործը գիտի:

— Գլուխդ մեռնի, մինչև մ՛րր ես քեզ համար աշխատեմ, դե գնա՛, գնա տե՛ս՝ տղայքն ո՛ւր մնացին, Գալ-ափունին պետք է խճճել:

ՃԳ

ՍԻՍԱԿ

Միևնույն երեկոյին Պետրոսեանց Գալոյի տանը մեծ պատրաստություն կար, ինչպես ասում են՝ ձեռների մեկը յուզումն էր, մյուսը մեղրումը: Մեծ հացատան թոնիրը դուրս է թողում յուր փորից կատաղի

բոցի կույտերը և մոտ եկողին կլանել է սպառնում. միայն տանտիկինն է, որ խաշերկաթով սանձել է անզուսպ կրակի զորությունը և մեծ-մեծ կաթսաները վերան շարել: Ահա քլթքլթում, փլթփլթում են անուշահամ կերակուրները, ահա ձենձի ցայթումները թոնրի մեջ են թռչում, մի պայծառ լույս արձակում ու կեղզույն բոցի և կրկին չքանալուց հետո անուշ բուրմունքով քթեր պարարում: Մյուս կողմից, վերնահարկի սենյակը գորգերով ու կարպետներով զարդարված՝ կարծես ծպտում է ուրախ և սպասում սիրալիւր ընդունելություն տալ այս երեկոյին յուր մեջ բազմողներին:

Դեռ սենեկումը մի քանի ամենամոտ բարեկամներ են վեր ու նիստ անում, ավելի պատվելի հայրերի են սպասում:

Ամենքի հետաքրքրության առարկան լուսամուտի վերա դրված մատուցարանն է՝ երեսը ծածկած մի սփռոցով: Երբեմն-երբեմն ժողովվածներից մեկն ու մեկը մոտենում, բարձրացնում է ծածկոցը և շոր մրգով լիքը մատուցարանի միջից վերցնում մետաքսյա թաշկինակի ծայրին կապած հակինթյա մատանին, տնտղում, գովու մե ցած դնելով՝ ձեռքն առնում տաններկու պաճախ հողանդական ոսկե մանյակը, գլխի շարժումով հավանությունը հայտնում և կրկին ծածկում:

Այդ Գալ-ափունի տղի՛ մեր Սամփսոնի նշանն է, որ շուտով պետք է տանեն Ալեքենց Բարսեղի տունը:

Քիչ-քիչ սենյակը կենդանություն ստացավ: Բավականին անձինք ժողովվեցան, սպասավորողներն էլ մի կողմից սեղանի պատրաստություն են տեսնում: Գալ-ափուն մինուճար որդու նշանը փառավոր անելու համար մի փոքր շեղումն էր արել սովորական կարգից, կամեցել էր բարեկամներին քնթրիքով պատվել և ապա նշանը տանել նոր խնամոնց տունը:

— Էս ինչի՞ ուշացան, — սկսեց լսվել անհամբերության տրտունջը, — ի՞նչ էլան Գալ-ափուն և Սամփսոնը:

Նոքա երկուսն էլ տանը չեն, հայրը քահանայի քամակիցն է գնացել, որդին՝ տանտերի, Մելիք-Բաղալի և մի քանի պատվելի իշխանների. բայց ոչ մինը կա և ոչ մյուսը:

Նոքա ամենքը հավաքված էին Մելիք-Բաղալի մոտ կարճոր խորհրդի: Առաջիկա տանտերական ընտրության համար էին նոքա մտածում: Ցանկանում էին ընտրել մի մարդ, որ կարողանար ազատել դյուղը ներքին և արտաքին ցեցերից:

Այս մարդը կար, մեզ ծանոթ Արտեմ Սերգեյիչը կարող էր շարիքների առաջն առնել, իսկ նա հեռու էր: Նախիջևանի կողմերումն էր: Նրան

էին՝ դիմել սրանք գրավոր և նրանից եկած պատասխանը լսելու համար էին ժողովվել:

Շատ չէին հավաքվածները, Մելիք-Քաղալն էր նախագահի դեր կատարում, տանուտեր Կարապետն էր, որին մի կերպ քարշ էին տվել. ամենքից հարգված Ղազար բիձեն էր, հին երեցփոխ Նավոն և ժամահար Սուքիասի թոռն՝ երիտասարդ Սիսակը:

Վերջինս բնիկ Օ. գյուղացի էր. սա էր միակ օրինավոր գրագետը: Սրան էր միշտ ակնարկում գրագիր վանեցին, սրանից միայն միշտ երկյուղի մեջ էր. վաղուց չէր, որ Սիսակը վերադարձել էր Օ. գյուղը Գեվորգյան ճեմարանից՝ աչքերի հիվանդութեան պատճառով:

Մինչև այս նորատի երիտասարդի գալը՝ գրագիր վանեցին անարգել գործ էր դնում՝ յուր սուր գրիչը, բայց այնուհետև շատ տեղ, ինչպես ասած է, խոփը քարին է հանդիպում: Սիսակը միշտ պաշտպան էր հանդիսանում գյուղական և հասարակական շահերին: Նա ինքն էր, որ ծնեցրեց ժողովրդի մտքումը Արտեմ Սերգեյիչին վերընտրելու, ինքը սկսեց նամակներով հաճեցնել Գոմշակերյանցին՝ ձեռք բաշել նախիջևնու կողմերի սահմանապահ դազախներին գարի և ցորեն մատակարարելու շահավետ պաշտոնից և գալ հայրենի գյուղը կորստից փրկելու:

Սիսակը դիմադրեց Մելնիկովի մի վնասակար նպատակին: Վերջինս յուր հենու ձգտումների համար համախոսական էր առել Օ. գյուղացիներին՝ բանալու այնտեղ մի հաստատություն, որը միանգամայն վնասակար էր գյուղից ներկա և ապագա սերնդին: Սիսակը բաց արեց յուր հայրենակիցների աչքերը, հասկացրեց ժողովրդին Քալասան աղաչի գիտավորությունները, և գյուխ եկած գործն իսպառ խափանեց:

Սիսակի նշանակությունը և ապագայում կատարելիք դերը քաջ հասկանում էր միայն գրագիր վանեցին. նա Սիսակի բարոյական ազդեցությունից յուր և յուր նմանների կործանումն էր գուշակում: Այս բանը նա Քալասան աղաչից շատ շուտ էր հասկացել, և ինքն առաջինը Մելնիկովի աչքերը բաց արեց:

Մխիթարականը վանեցու համար այն էր, որ Սիսակին չէր հաջողում շարունակ յուր ցանած սերմերը կանաչած տեսնել. գյուղացիք, եթե սրտանց համակրում էլ էին յուրյանց միջից դուրս եկած մի մարդի, բայց արժանի հարգանքը չէին տալիս:

— Աղա՛, եկե՛՛, տեղիցդ կաննի, գրակդ հանի՛ր գլուխ տո՛ւր, տեսնում չե՛ս Սիսակ աղեն ա, — աչքով ցույց տալով ընկերին՝ ծաղրում էր խեղճին մինը:

— Ա՛յ գլխամեռ, կամաց խոսի՛ր, մարդը չինովնիկ ա, թագավորական շկուխց դուս եկած ա, տեսնում չե՛ս՝ չներ կողբիցը քաջ ա.

էզուց-էլզր, ասում են, նաշալնիկի դիվանխանումը սեկլեթար ա դառնալու:

— Քյամուլ ա էլի մարդը (կատարելագործվել), ումնի՛ց ա պակաս, ասում են՝ սա Քալասան աղիցը շատ չին ունի:

— Բաս տեսել չե՛ս, պալտոնի տակին թրի վրա քաջ ա արած, ֆարազիմ (դիցու՛մ) մարդը չի ուզում յուր գլուխը ցույց տալ, խոնարհություն ա բանեցնում, թարքնում ա. թե չեք հավատում՝ վանեցի վարժապետին հարցրե՛ք:

— Ավատաս սա մեր վարժապետի պաշտոնը խլի, ա՛յ, պիսրլություն էլ լավ կանի:

— Անխե՛լք, պիսրլությունն ու գեղի վարժապետությունն ի՞նչ բան ա, որ Սիսակ աղեն վայել համարի, մարդը մի քանի օրից հանելու ա իր մեծ Սուքո պապի խազինեն ու Քալասան աղի պես գեղի վրա ցրվի, գեղն իրան ճորտ անի:

Եվ հանդուռն երիտասարդները ծաղրում էին խեղճ աղաչին և հետևիցը հոհալով ծիծաղում:

Լսում էր այս ամեն սառն արհամարհանքները Սիսակը և չէր նեղանում. նա քաջ ուսումնասիրել էր տգետ գյուղացվոց թույլ կողմը և աշխատում էր շարիքն արմատից կորզել և այդ փոքր առ փոքր իրեն հաշտվում էր:

Սիսակը դիմել էր հրապարակախոսների և գրքեր հրատարակողների և խնդրել էր գրքեր ու լրագիրներ:

Սկզբում դեռ փախչում էին ամենքն այդ բաներից, բայց հետզհետե ընտելացան. շատերն իրենք դիմում էին Սիսակին և խնդրում կարդալ յուրյանց համար նորություններ. գրագետները մինչև անգամ վերցնում էին նրանից և յուրյանք կարդում:

Գրագիր վանեցին տեսնում էր այս և յուր գլուխը կոծում:

Սակավ առ սակավ Սիսակի մտքերը թափանցեցին ժողովրդի բարձր դասակարգի մեջ ևս. խոսքս գյուղի՛ առաջավորների մասին է:

Այս երկերյան Մելիքի տան ժողովն էլ Սիսակի նախաձեռնությամբ էր եզած:

Նրեք անգամ Սամփսոնը բախեց այս երեկո Մելիք-Քաղալենց դուռը և երեք անգամ էլ ինքը Մելիքը նրան մի-մի սրախոսությունով ճանապարհ գրեց:

— Աղա՛, ի՞նչ ա փողդ կատու մտել, ա՛յ Սամփսոն, — ասաց Գալափունի աղին Մելիք-Քաղալը, երբ նա երրորդ անգամ գալով, լեզուն հանած՝ աղաչում էր շտապել, նշանը շուտ տանել. — սպասեցե՛ք, մի քիչ հաշիվ ունինք, վերջացնենք ու էս ա գալիս ենք. առանց ինձ, տանուտերի

ու իշխանների հո շե՞ք կարող նշան տալ, բոլորն էլ ինձ մոտ են: Դո՛ւ գիտես, կուզե՞ք գնացե՞ք, առանց մեզ նշանը տարե՞ք, վախ եկել ա քեզ տարել, էլ հարսանիքիդ կառավարիչ (քամաղա) շեմ դառնալ, ձեթ մարդ-կանց ձեռք կընկես, լավ քե՞ք չի լինիլ, նշանածդ կխոտովի, քացով կտա: — Քանի քո շունը ղնգիդ ծերին ա, բիձա ջա՛ն, նամարդ (տմարդ) կըլնի քեզնից սավահի ուրիշ կառավարիչ ջոկողը:

— Դե գնա՛, էս ա պրծնում ենք:

Քող մի փոքր Ամմիսոնի նշանն ուշանա, մենք հետևենք Մելիք-Բաղալի տան ժողովին:

Դո՛նեքը ներսից պինդ փակված են, Մելիքի որդին ականջը ձայնի՞ ուրիշ սենեկում հակում է: Նա երկու անգամ հեռացրել և տուն չի թողել Բալասան աղայից եկող բանբերին: Այլ Մելիկովի քեռորդի Վասակն էր, որ յուր քեռու կողմից եկել, Մելիքին կանչում էր, բայց երկու անգամն էլ պատասխան ստացավ, թե գլխի սաստիկ ցավից անկողին է մտել և քունը տարել է:

— Բա տանուտերի, Ղազար բիձի ու հրեցփոխ Նավոյի տեղն էլ չգիտե՞ս, քեռոս նրանց էլ էր ուզում, — ասաց Վասակը. — գնալով-գալով հոգահան էլա, իրանց տնեղումը չեն, ասում են՝ ձեզ մոտ են:

— Մեզ մոտ ոչով չկա, — կտրական արեց Մելիքի բորդին:

— Բաս էն ի՞նչ ճրագի շառավիղ ա, որ հորդ օջախի դռան աքանքից երևում ա. թե որ հերդ քնած ա, էլ ճրագն ընչի՞ ա վառ:

— Մերս ա ման գալիս:

Վասակը շատ աշխատեց մի հնարքով Մելիքի դռանը մոտենալ, բայց Մելիքի որդին շարունակ խափան գտնելնց նրա ջանկությանը: Չգտում էր Վասակը մի հնարքով ներսից ձայնի գոնե լսել, բայց Մելիք-Բաղալի շան հաշոցից ոչինչ չէր լսվում:

— Ինքը սուրիա՞ խուրդն ա եկել, ասում ա՛ հորդ զարթնացրու, — ներս մտավ մյուս սենեկով Մելիքի որդին և հայտնեց հորը. բայց պատվեր ստացավ տուն չթողնել և առև՛. որ տաքության մեջ ուշքը կորցրած քնած է, մայրը թույլ չի տալիս անհանգիստ անել հիվանդին:

Խուրդն էլ ձեռնունայն վերադարձավ:

— Խորվածի հոտ ա առել, մեր տղի՞ք, — ասաց Մելիքն իր խորհրդակիցներին. — բայց թե մեր գլխինը գրակ ա ու լաշակ չի, պետք ա դառքի տակին մի բրդոտ էջ խանձենք:

— Ի՞նչ են քամակներիցս ընկել, ուզում են՝ տանին հիմարացնեն ու խուրդի համար քար քցել տա՞ն, — զզվանք հայտնեց Նավոն:

— Մեր աշքն էլ են հանում, ախպե՛ր, — շեշտեց Մելիքը. — ազվեսք մարագումը ձագ ա հանել՝ մեր թագու հղությունիցն ա. ծառը դանգառ

գնաց աստծու մոտ կացնի ձեռիցը, որ իբան կտրում ա, ասեց՝ կոթը քեզանից ա: Մենք որ մի խոսքի ըլնինք, իրար տակ չփորենք, իրարից չուղուլթյուն (լրեսուլթյուն) շանենք, Ջաղացպանենց Բալուն մեզ ի՞նչ կարող ա անել:

— Ի՞նչ չի կարող, Մելիք-Բաղա՛լ, — պատասխանեց Ղազար բիձեն. — մարդս հինդ-տասը շահի ենք պարտք առել՝ ճուտեր ա հանել, մեր վրան պակել, տակիցը դուս չենք կարում դալ, մեղավոր սեկրեսի պես վրա-վրենքս կարճ ա, առաջին գլխներս ծոում ենք. էդուց-էջոր ունեցած-չու-նեցածներս տուկի (անուղ) կկապի, կծախի:

— Էդքանով որ բավականա՞ն՝ գլուխը քարը, կդիմանանք, բայց քե գեղումս բան կա՞, որ էդ անիրավ որդամեռի մատը խառը ըլլինի. ըսկի տեղեկանո՞ւմ եք, թե մեր ջահել-չուհուլներին ո՞վ ա փչացրել. դեմ մարագը կրակվել ա, ում բազերը կոտորվել են, ում տունը կտրվել ա, — պոչը դրա տակին ա. ձեզ քաջ հայտնի ա, որ մեր գեղի սարսափ ջու-հեղների գլուխը դրա քվեր տղա Վասակն ա, պահող, պարտակողն էլ մեր բարեհոգի խուրդն, — գեղիս արդար դատավորը. նա մեղսեղից հալալ բաժին ա անում, կեսը մեր փշերին ա տալիս, մեկել կեսիցն էլ իր բա-ժինը վերցնում ա, մյուսը դրկում քաղաք՝ տնաքանդ Բալասան աղի տունը:

— Դեռ մենք ողորմություն ենք, պարոննե՛ր, — խոսեց Միսակը, — մյուս գյուղերն իսպառ ավերել է. մեզանից որքան և իցե քաշվում է. իբրև հայրենակիցներ մենք տեղյակ ենք յուր անցյալին, ուրիշ գյուղե-րում միանգամայն չափից անց է կացնում:

— Իհարկե իրան հայտնի ա, որ մենք իր օխտը պորտը գիտենք. դրա հերն երեկ-մեկել օրը չէ՞ր, որ Սրևան խոջենց ջաղացի զամբը (ալ-յուրի փոշին) լիզելով՝ հոգին դուս էլավ, — գլուխը շարժեց Նավոն:

— Էն օրը Գառնու դավանին արին էր լալիս. ասում ա՛՝ բերել ա Չո-լախ-Հարությունին պավերնի (հավատարմատար) ա շինել, բաց թողել մեր ջանին. ո՛չ բաղերումս ա հավոդ թողում, ո՛չ դեպքումս չալթուկ, օրը տասի հացն ա կտրում:

— Էդ տնաքանդն ընչանք Գառնու մհալն էլ ա դունչը հասցրե՞լ:

— Էդ թո՛ղ, Միսակ, դու մեր ցավը հոգա՛, Գալ-ափուն հինգ հատ մարդ ա գրկել. դու էս ասա՛ ի՞նչ գիր ես ստացել մեր կրտոյից. պտի քա՞, որ գլալնի ընտրենք իրան, թե ոչ. էս քիրորին (լրեսուլթյուն) թե նա դուս չեկավ, գեղը հոգեց-հոգի կկորչի:

— Պ. Հարություն Գոմշակերյանցն ինձ գրում է, — պատասխանեց Միսակը Մելիք-Բաղալին, — որ ինքը թեև միտք չու՛նի միանգամայն հանձն առնելու, բայց զիջանալով ամբողջ գյուղականաց խնդրանացը՝

այն պայմանով միայն կգա, եթե գյուղացիք միահավան թուղթ տան նա-
չալնիկին՝ առանց քվեարկութեան ընտրել իրեն տանուտեր. իսկ եթե
նաչալնիկն օրենքի վրա հիմնված չհամաձայնի, այն ժամանակ միայն
քվեի դնեն յուր անունը:

— Աստված յուր որդիքը պահի, ա՛խպեր, ես իմ հողին, էլի լավ
մարդ ա, որ մեր խաթրը պահեց. մենք էլ տունը մինը կա՛ կգնանք,
հինգը կա՛ կգնանք սիպտակ կքցենք:

— Դե հիմի վեր կացե՛ք գնանք, մեր Գալ-Ափունի տղի շինքը կար-
միր նոխտա կապենք, նշան դնենք,— ասաց Մելիք-Բաղալը, երբ Սի-
սակը թուղթը գրեց վերջացրեց, և ներկա եղողները ստորագրեցին:

Մյուս օրը երկու թերթ էր գյուղամիջին ձեռք-ձեռք անցնում. մեկը
մեզ ծանոթ ստորագրութունն էր Արտեմ Սերգեյիչի համար, մյուսը Խու-
ղոյի օգտին էր:

Եթե երկու թերթիկներն էլ դիտեիր, շատ միևնույն անուններ կգտնեիր
երկուսի մեջ էլ ստորագրած:

Երկու տեղ ստորագրողներից մի քանիսին մենք ճանաչում ենք.
Վլադիմիր Նեստորիչի երեկոյան խոսակիցներն էին նոքա:

Վերջին թերթի մեջ շատ ձեռքեր միանմանութուն ունեին. քաջա-
վարժ աչքը միայն կարող էր պնդել, թե այդ ամենը մի մարդու ձեռքով
հերյուրած կեղծ ստորագրութուններ են:

Այդպիսի քաջագործութունների առաջինը չէր, որ կատարում էր գյու-
ղական գրագիր վանեցին:

ՃԳ

ԿՐԱԿ

Գալ-ափունի հյուրերը բոլորը ժողովել են: Մելիք-Բաղալն յուր մտ
հավաքված իշխանների հետ բազմել է վերի կողմը, մի-մի կթղա օդի և
մի քանի հետ շամիչ էլ վայելել է, բայց հիմա ինքը Գալ-ափուն ուշա-
ցավ:

Այս երրորդ անգամն է, որ Խլղաթենց տեր Խուրխասի քամակիցն
են ուղարկել և նա չի գալիս, իսկ առանց տերտերի նշան դնել մի ժամա-
նակ կարելի էր, բայց 15—20 տարի ա, որ հոգևոր տիրոջ հրամանովը
նշան եղած տեղը քահանա պետք է գտնվի նշան օրհնելու՝ հայոց-հին
ծիսին համաձայն:

Գալ-ափուն ստիպվել է ինքն անձամբ գնալ քահանային կանչելու,

բայց ամենքի համբերութեանն էլ չափ ու սահման կար. հրավիրվածներն
սկսեցին նեղանալ և Գալ-ափունի վրա տրտեղալ:

— Տո՛, մեղրի պուլիկը լպստող Սամփսո՛ն, վատ հոգեռի պես թո-
ղիք էլ ոչ, թե մեղքներս խոստովանվինք, պարզերես գնանք դրախտի
դուռը ծեծենք. ընչանք գնացիր, եկար՝ խորհուրդներս կիսատ թողիր. լե-
զուդ կես գազ կախ էիր քցել մղկտում, թե եկեք նշանը դրե՛ք, որ ինձ
տուն քցեմ. բաս ո՛ր ա քո՛ շահի թամբալ (ծալլ) հերը, ի՞նչ ա գնացել
չանեն (ծնոտ) կախ քցել ու տերտերի հետ Աշուղ-Ղարիբի առակներն
սկսել. դե գնա՛ կանչի, է՛,— ձայն տվեց Մելիք-Բաղալը:

— Երեք հետ եմ գնացել, բիձա ջա՛ն, հրես մին էլ եմ վազում:
Սամփսոնի գնալուն կարիք չմնաց, Գալ-ափուն ինքը տուն մտավ
թթված, քացախած:

— Աղա՛, չորս ոտնանոց հրեշտա՛կ, Գալ-ափո՛ւ,— իր ձեռով հարց-
րեց Մելիքը.— դու դալլաք (սափրիչ) Զաքո՞ն ես, որ հարսանիքն իրանց
տանը թողել ա, գնացել ուրիշի տանը հացի նստել. ի՞նչ ես նոյան ազ-
ուովի նման լեշով (գեշ) ընկել, ի՞նչ էլավ տերտերը, դե պրծե՛ք
գնանք, է՛:

— Իմ աչքի լույս թանկագին ղոնաղներ (հյուրեր), կբաշխեք, որ
ձեզ նեղութուն տվի,— ասաց հանկարժ Գալ-ափուն սաստիկ հուսահատ
ձայնով.— ամենքդ վեր կացե՛ք, գնացե՛ք ձեր տները, ես էլ նշան դնելու
որդի չունիմ:

Բոլորը սառեցին, քար կտրվեցին, բայց Մելիք-Բաղալն սկսեց.—
ա՛ղա, ա՛յ մեռած, շատ գինովներիցն էլ շես, թե ասեմ՝ գնացել ես, գյու-
խըդ կոխել գինու կարասի մեջ, ծծել, կատարդ տաքացրել, խելքդ կորցրել.
էդ ինչե՞ր ես դուրս տալիս, տերտերն ի՞նչ էլավ:

— Ի՞նչ տերտեր, ախպե՛ր, տերտերն իմ ընչի՞ն ա պետք, երևում ա՛
ես թուրք եմ, որ չհաս աղջիկ եմ ուզում տղիս:

— Աղա՛, ի՞նչ ես ձավար անում (ցնորարանել):

— Ա՛յ մարդիկ, ամենքդ էլ էս գեղիցն եք, էս նշանի մեջ չհասութուն
կա՞:

— Տո, տխմա՛ր, գեղն արմացած մնացել ա, որ էս տարի մի պսակ
պետք ա ըլնի, որի մեջ չհաս չկա. քանի մեր Խլղաթի զարմ երեցը գինի-
արաղ ծախիլը թողեց, փիլոն ծածկեց, հասն էլ դզվեց, հավասարվեց,
չհասն էլ. հիմի դու ի՞նչ ես գլխիցդ դուս տալիս:

— Դե՛, ա՛յ հրեկեր հարևաններ, մին-մին քար վեր կալե՛ք գլխիս
քցեցե՛ք, ինձ տնով տեղով կրակը դրե՛ք, էրեցե՛ք, որ ձեր հայ քրիստո-
նեութունի հիմքը շուռ եմ տալիս, տղիս համար չհաս աղջիկ եմ ուզում:

— Ախար ի՞նչ կա, է՛:

— Զեզ դուրբան, լսեցե՛ք ու ինձ քարով քարկոծեցե՛ք:

Դե, կարգ ա, ասում ա՝ ոչ հեր անմեռ, ոչ որդի անպատակ, աչքիս սև ու սիպտակն էդ մի երեխենն ա— Սամփսոնս ա. աչքս շուր կտրվեց լինքս ու երկենքին մտիկ տալով. աստված ձերն էլ պահի, շունեցողին էլ ինքը տա, ուրախացնի. մտքներումս դրինք՝ էս ձմեռ տնավորենք, մենք էլ հարսնատեր դառնանք: Հալբաթ աստծու իր կամքն էր, որ մեր Ալեքեհնց Բարսեղի նշանածի (կնոջ) հետ մեր տանտիկինը (յուր կինը) ամառս բազումը ծառի հովումը քաղցր զրիցների մեջ խոսք էին տվել, խոսք առել: Դե լավ ու վատս ո՞րն ա, Բարսեղի աղջկանը մի տղա էր պետք, իմ տղին էլ մի՛ աղջիկ. ես էլ, Բարսեղն էլ կամք տվինք (համաձայնեց) ու ասացինք՝ աստված շնհավոր անի: Բայց, դե, բան ու գործի խառը ժամանակն ո՞վ պտի նշան դներ. ասացինք՝ քարը վերցնենք քարի տակը դեննք (ծածկել), աշխարհոգու մին շանենք, բաղաբանից, հանդաբանից պրծնենք, նշան դեննք, պսակենք:

— Էս ժամանակին թաքուն բան կմնա՞,— ասացին այս ու այն կողմից.— երկու օրից ձենը վեր էլավ:

— Դե ի՞նչ անենք, թե վեր էլավ, գողութուն հո չէ՞նք արել, բայց դուք բանը լսեցե՛ք: Մի օր մեր մեծ երեցը ծիծաղելով ինձ ասում ա. Գալ-ափո՞ւ, շտրաֆ (տուգանք) սենիս, տղիդ աղջիկ ես ուզել, ինձ չես հարցրել:

— Է՛...

— Աչիդ մեռնիմ, ասում եմ, առանց քեզ ո՞նց կլինի, էզուց-էլօր քո սուրբ օրհնությանով կնշանենք, ամենքն էլ կիմանան:

— Զէ՛, ասում ա, դու մտքումդ զրիք թե չէ, իմ ծախն ես, պտի գալիր, ինձ հարցնեիր. եբք որ ես խորհուրդ կտեսնեի, կամ ինքս իմ ստովս կերթայի խնամախաս, կամ ուրիշին կղրկեի:

— Կարգիդ կապված ըլնիմ, տերտե՛ր շան, ասում եմ, թե ես տեղյակ էլած կամ. մերերն իրանք են ծառի հովումը տվել ու առել:

— Ես խաբար չեմ, կպել ա, մեծ շտրաֆ կա շլինքիդ:

— Դու ողջ կենաս, ասում եմ, ինչ որ քեֆդ ա (ցանկանաս), հրամանիդ կանգնած եմ:

— Կապուտ շապկավորն, ասում ա, իր ոտովը պտի գա մեր տունը:

— Քո ցավը տանի, տերտեր ջա՛ն, ասում եմ, աշխարհքե ծախս ա գնալու մի գլուխ շաքարն էլ դու անուշ արա, հալբաթ աստված միտք կբերես, մի օր մեզ մի թաս շալ կիմացնես: Բայց, տերտեր ջա՛ն, ասում եմ, էդ քո կապուտ շապկավորը, կամ ուղիղն ասենք՝ մի գլուխ կապուտ թղթով փաթաթած շաքարը դու չհաս տեղիցն ես վերցնում. ես քնչի՞ պտի զրկեմ, փառք աստծու, մեղը չհաս-մհաս չկա:

— Թարջիման (տուգանք) ունիս, ասում ա, լավ իմացի՛ր, որ ընչանք կապուտ շապկավորը, հետն էլ մի գրվանքա իր սիրեկանիցը (թնյ) կապած, փեշատած, ծերիցն էլ արճիճը կախ ընկած՝ մեր շեմքովը ներս չգան ես ո՞չ քո տունն ոտ կկոխեմ, ո՞չ նշանդ կօրհնեմ, ո՞չ կպսակեմ:

— Տերտեր ջա՛ն, ասում եմ, շատ լավ ես հրամանք անում, զրկեմ՝ բայց մեղքս գեռ շլնքիս դի՛ր, հետո ծանր ապաշխարանքն էլ մեղքիս բարձի:

— Դու, ասում ա, էդ աղջկանն ուզելով՝ իմ տանիցը մի քրդի կարմիր կարպետ խլեցիր:

— Կարգիդ մատաղ, ասում եմ, ի՞նչ կարպետ, մեր տանը քրդի կարպետ չկա, մենք կարպետներ ունինք, բայց բոլորը թաղաքյամի են՝ Երեվանա բազարումն առած:

— Ախմա՛խ, ասում ա, դե, տեսնում ես, որ տավարի հրեշտակութունից— գասարությունից ավելի՞ գլուխդ ոչինչ բանից չի դուրս գալիս. քրդի կարպետ՝ հարյուր մանեթանոց թուղթ փողի անունն ա:

— Այո՛, տերտեր, ասում եմ, հայ-քրիստոնեի տանը 100 մանեթն ի՞նչ բան ունի, ես սովորաբար եմ, վաճառակա՞ն եմ, բամբակիս հակները Թիֆլի՛ս հասել, արադի բեռները Զալալօղլի՛ն ա անց կացել, որ 100 մանեթի երես տեսած ըլնիմ, մենք մեր էլած-չէլածը մեր դռանը ծախում ենք, մեր ցավը քաշում, վախտվախտ էլ մի ոչխարի կամ տավարի գլուխ ենք կտրում, նիսիա (ապառիկ) բաժանում, միջիցը միերկու շամփուր խորովածացու աշխատում, աստծուն փառք տալիս:

— Հանաքը մի կողմը կենա, ասում է, Գալ-ափու, դու ինձ հարիք մանեթ վնաս տվիր. տասը տեղից Բարսեղի աղջկանն ուզում էին, տասն էլ չհաս էր. մեջտեղն էլ իմ ջեբն էր լցվում. դու ո՞րտեղից ներս մտար, հաս տեղից աղջիկ ուզեցիր, որ ինձ մի կոպեկ օգուտ չլինի: Էդ ամենն էլ ոչինչ, դու իմ տունը քանդեցիր, իմ բարեկամի ու բարերարի մոտ սեներս արիր:

— Ի՞նչ բարեկամ-բարերար,— հարցնում եմ:

— Բալասան աղի:

Լսողները միանգամից անմիջապես ցնցվեցան, սարսափն ու սառը քրտինքը մեծ ու փոքրին պաշարեց. մինչև հիմա Գալոյի պատմությունը կատակ էր թվում, կամ շատ-շատ քահանայի ջահասիրության և շարության հետևանք, այժմ գործի ծանրությունն ինքնըստինքյան բացատրվեցավ:

— Խոսքդ շարունակի՛,— երկար շշուկից հետո առաջարկեց Մելիք-Բաղալը:

— Ո՞նց թե Բալասան աղին վրեղ բարկացրել եմ, ա՛յ երեց,— շփոթ-ված հարցրի ես,— կցեց նորից Գալուն յուր երկար պատմութունը:

— Բալասան աղի կամքն ա, ասեց, որ Բարսեղի աղջկանն ուրիշի համար ուզի, մի շաբաթ հառաջ ինձ կանչել էր՝ գնացի. հրամայեց, թե փիլոնդ ծալի՛ր, գործակալին ղրկի՛ր, թե որ դու Պետրոսենց Գալոյի տղի նշանն օրհնել ես:

— Հետո, տերտեր ջա՛ն, ասում եմ, հիմի ի՞նչ ես հրամայում, մենք գնանք ո՞ր ջուրն ընկնենք:

— Ոչի՛նչ ասաց, մազաշափ է լ բանի տեղ մի՛ դնիլ, Բալասան աղի ասածը շատ ա չհաս. ինքն իրա աղա տեղովն օրն օխտն անգամ էլ եթե վանքի խցերը տունուղուսանի, շեմքերը մաշի, գլուխ չի կարող բերի. ինչպես քեզ ասում եմ դու մի գլուխ շաքար, մի գրվանքա շայ մեր տունը ղրկի՛ր, բոլորի բերանն էլ ցխիլն իմ բանն ա: Դեռ Բալասան աղին իրան ա տեսել, դեռ իմ սատանայութունից տեղյակ չի. ուզենամ թե չէ՝ հենց կլխկոնձի տալ տամ, որ փոսն ընկած ձիու պես թափահարվի, օձի պես կուտակ-կուտակ անի ու թաղվի մնա, իրա հերն եմ օրհնեք խաթրն եմ պահում, ինձ պետք է գալիս՝ սիրտը շահում եմ՝ թե չէ՝ երկ՝ օրումն իժ օձի պես հենց կշանթեմ, օր ձենը երկինքը կհասնի. ինձ խղաթենց մենձ տեր Սուքիաս կասեն:

— Ի՞նչ պտի անեի, ախպե՛ր, ձեզ եմ հարցնում, սուտ էր ասո՞ւմ, քիչ տուն ա քանդե՛լ, միտք արի, միտք արի ու նշանի քացրեղենի հետ մի գլխի տեղակ երկու գլուխ շաքար առա ու մի գրվանքա կապած, փեշառ կախ շայի հետ Սամփոսնիս ձեռքովն իրան ղրկեցի:

— Ուրախ-ուրախ վերցրել էր շայ-շաքարը,— շարունակեց Գալուն,— Սամփոսնիս հետ էլ բավական հանաքներ էր արել, նշանը մի հենց հաստատ պտի քցեմ քո նշանածիդ շինքը, ասել էր, որ օխտը լուծ գոմեշը շկարենա ետ պոկել: Մենք էլ մեզ համար ապահովացանք, խնամոնց հետ խոսացինք, էս իրիկուն նշանի հոգսը քաշեցինք, շնորհակալ եմ, դուք էլ եկել եք մեզ պատվելու: Դեռ կանչվածները նոր էին հավաքվում, Սամփոսնիս ղրկեցի տերտերի հետևից: Դուրը ծեծում ա ու ձեն տալիս. ինքը ձենը ճանաչում ա ու տղին հրամայում, թե ասա՝ տանը չի: Դու մի՛ ասիլ, Սամփոսնիս հեռվից տեսած ա ըլնում, որ տերտերը Բալասան աղենց տանիցը դուրս եկավ ու իր առաջն ընկած գնում ա: էլ չի ուզում վազի, քամակիցը հասնի, թողում ա՝ մինչև տուն ա մտնում:

— Ո՞նց քե տանը չի,— պատասխան ա տալիս Սամփոսնիս,— հենց հիմի Բալասան աղենց տանից դուս եկավ ու իմ աչքի առաջին եկավ, տուն մտավ:

— Արի՛, Սամփոսն, սրի, հանաք եմ անում,— ձեն ա տալիս

տերտերը ներսից.— էդպես կվախեցնեմ, լեղիդ ջուր կշինեմ, ա՛յ Դու գնա՛, — հրամայում ա,— ես էլ, հրուպե չի քաշիլ, էստեղ եմ:

— Ի՞նչ կասես, Մելի՛ք, բոլորը հավաքվեցին, մնացիք դուք՝ մի քանի իշխաններդ ու տերտերը. խեղճ Սամփոսնիս տերտերից ձեզ էր վազում, ձեզանից՝ տերտերին: Վերջը որ դուք ասել էիք, թե հենց հիմի գալիս ենք, համբերութունս հատավ, ինքս վեր կացա, գնացի դպա երեցն ու առանց դուրը ծեծելու՝ թուշ տուն մտա: Ի՞նչ եք ասում, ախպե՛ր, մի քարափ շուռ անցավ, թե մի կայծակի ամպ էր՝ տրաքվեց դա իմ գլխին, շթողեց թե բերան բաց անեմ, օրհնյալ ի տեք ասեմ. ձենը գագաթն առավ ու աշխարհքի լափը գլխիս ածեց.— Ի՞նչ եք ինձ անհանգիստ անում, ձեր հերն է՛լ, ձեր տերտերինն է՛լ. ես էլ քո տան քահանեն չեմ, գնա՛ տեր Մարկոսին տար:

— Կարգիդ մեռնե՛մ, ասում եմ, ախար էն վաղ էր, որ ծուխ ու մուխ շկար, տերտերների միջին սեր, խաղաղութուն կար, իրար հավատալ կար, մի սև փողը հավասար ախպերաբաժին կանեին. քո ձեռնադրվելուց դեան էն բաներն ո՞վ ա տեսել. իմ ու քո եք արել. մեզ հայվանների պես միջներիդ բաժին եք արել, անումներս ծուխ եք գրել ու կարգին էլ չեք հովվում. առաջ պատահած ժամանակը, ո՞ր տերտերին գնում էինք, ձեռաց հասնում էր, հարամներս հալալում, նեղացածին օրենք հասցնում (ճաղորդել), հիմի հենց օր ա ըլնում, որ եթե ծխատեր քահան գեղումը չի գտնվում, մեկելդ չեք էլ ուզում տեղից շարժվիլ. հիմի էս կես գիշերին ես ո՞ւմ ոտը գնամ, ո՞ր տերտերը կհամարձակվի իմ հարկը կատարել:

— Չէ՛, ասում ա, Գալո, չէ՛, քանի շանը բաց չեմ թողել, քեզ գզգզիլ տվել, համով, հարգևորով (պատվով) վե՛ր կաց, քաշվի՛:

— Տերտե՛ր ջան, ասում եմ, ախար ինչի՞, ի՞նչ սհաթ անցկացավ, որ փոխվեցիր, էն օրը դու ինձանից շայ-շաքար ուզեցիր, առա ու ղրկեցի, էլ ի՞նչ անեմ:

— Մի շատ մեծ բան էլ չես արել, ասում ա, մեջքիդ գոռ ա հասե՛լ, որ 25 տարի ա՝ քո տանու քահանեն եմ, մի գլուխ շաքար ես ղրկել. հարյուր հետ գերեզմանն օրհնել եմ, տվածդ մի-մի արասի ա էլել, շաքարն էլ նրանց հաշվում դուս արի:

— Դե, տերտեր ջա՛ն, ասում եմ, իմ ուժս էնքան՝ ա պատել, էն եմ տվել, գեղըցու արասին քաղթցու մանեթից թանկ ա:

— Ես՛տ չեն դուս տալ, ասում ա, ես քո նշանն օրհնողը չեմ, մեջը չհասութուն կա, էդուց կտանեն, միրքիս ձարերը (մազ) մին-մին կքաղեն:

— Ի՞նչ չհասութուն, ի՞նչ ա գլխիցը դուս տվել,— բարձրագուլ աղաղակ վեր ելավ բազմականների միջից:

— Ես էլ ձեզ պես էդ խոսքի վրա քար կտրվեցի, ստուած մնացի,— շարունակեց Գալոն.— ոտիդ մատաղ, տերտե՛ր, հարցնում եմ, ի՞նչ չհասություն կա:

— Էդ մենք կպարզենք, ասում ա, երբ բանը տեղը կընկնի. դեռ է՛լի ուրիշ արգելքներ կան, որ ժամանակին կասենք: Վերջապես, ասում ա, Գալո, դու էլ հացակեր ես, էն օրն ես քեզ ցերեկի պես պարզ հայտնեցի, որ իմ բարեբարս Բարսեղի աղջկա համար ուրիշ մտքի ա, դու անմեղ տեղը ծախսի ու խարջի տակ մի՛ ընկնիլ, էն աղջիկը քո Սամփոսնի կնիկը չի կարող դառնալ, ականջիդ բուրդը հանի՛ր: Հիմի էլ բարեկամաբար ես քեզ հասկացնում եմ, որ Բալասան աղի մի դատարկ հրամանը ձեր ողջ գեղի հետ ինձ համար հավասար ա. թեկուզ որ էսօր ասի՝ փիլոնդ վեր դիր, մտի՛ր մեչիդը, անխոս կերթամ, ալլահն ու ալկայաբ կանեմ. միտքդ ի՞նչ ա, ես կարամ նրա հրամանը գետինը քցի՛լ, ինձ հրամայած ա ասել, չհաս ա, ես էլ մինչև հոգևոր տիրոջ ոտքը չհաս գոռալով պետք է գնամ:

— Ա՛յ, կապված ըլի նա իր անտոնական կարգին, ինչքան նա հաս ու չհաս ա հարցնում,— ընդհատեց Մելիք-Բաղալը.— ա՛յ մարդիկ, դուք ու ձեր աստվածը, էս գեղումն առաջ հարյուր պսակից միինը չհաս պատահո՞ւմ էր, ո՞վ առաջինն էդ սովորույթը մեր մեջը մտցրեց, էդ պըռ-ճոկվածը չէ՞ր:

— Բաս ո՞ր անիծածն էր,— պատասխանեց Սիսակը,— մոռացե՛լ եք այն տարվա 14 չհասները, որ ինքը հորդորեց; ինքը նշանեց, տասնական մանեթ ստացավ յուր համար, վերջը չհաս հրատարակեց, 14 գուլիս շաքար բարձեց ձիուն, տարավ տեղ հասցրեց ու հրամանը բերեց, և ահա այն օրից ցայսօր մեր մեջ կարգ է ընկել— օտարին թողած՝ արե-նակիցներին ենք վազում:

— Գալ-ափունի ջանն էլ ենք հանում,— կատակի տվեց Մելիք-Բաղալը.— իր քվեր աղջիկն օխտն օրեն ճանապարհ կորցրեց, Կողբումը մարդի տվեց, որ իր մորթոտած տավարի հետ անփող աղ լպսաի, ու գեղի ծեսը քանդեց, տեղին հաս տեղից աղջիկ ուզեց:

Ամենքը ծիծաղեցին, բայց այդ դառը ծիծաղ էր, հուսահատ սրբ-տից արտածայթեցված մաղձ էր քահանայի ստվերի դեմ:

— Հետո՞, հետո՞, խոսքդ վերջացրո՞ւ, Գալո՞,— ասաց Մելիք-Բաղալը,— հիմի չի գալիս նշան օրհնելու, է՛լի:

— Գալո՞,— ասաց ինձ վերջը,— թե ինձ կլես, գնա կանչած դո-նախներիդ մի հնարքով ցանի՛ր, ճամփու դի՛ր, Բարսեղի աղջկանից ձեռք քաշի՛ր, թե չէ՝ գլխիդ շատ խաթաբալեք կգան, ես քեզ...

— Կրա՛կ, կրա՛կ,— աղաղակելով տուն ընկավ հունկարծ մի երի-տասարդ.— Գալ-ափո՛ւ, հասի՛ր, գոմդ ու մարագը էրվում են:

Ամենայն ի՛նչ մոռացվեցավ. բազմությունը ըոպեական դուրս թափ-վեցավ: Աստված հեռու տանի, երկինքը շառագունել է, Պետրոսենց Գա-լոյի գոմի ծածքը փլել է, տավարի բառաչն ու ձիու խրխիչը լսողի սիրտ է կտրատում; մարագը միանգամայն բոցի մեջ հուրհրատում է: Գյու-ղում կուժ ու բղող շմնաց՝ դուրս եկան, բայց օգուտը՝ սակավ, մա-րագն ամբողջ այրվեց, քարաշար պատերը մնացին ցցված, գոմերն էլ հինգ կով յուրյանց հորթերով և մի ձի ծխախեղդ եղան:

— Լավ նշան չղրե՞ց, ո՞նց էր,— փսփսում էին իրար հետ բազմու-թյան մեջ խառնված երկու երիտասարդ:

— Դե հիմի թող գնա, իմ նշանածը տանի, Վասակ ջա՛ն:

— Քեռուս կյանքն երկար ըլի, Կարո ջա՛ն, նա որ չհրամայեր, քո հերդ ի՞նչ կհամարձակեր երկու կուժ նավթն ազերուզամբիցը (նկուղ) դու բերել, մեզ տալ ու ղրկել կրակ տալու. կամ թե չէ՝ շատ էլ, որ քո հերն ասեր, ես կլսեի՞:

— Բաս ո՞նց էլավ:

— Էս իրիկնապահին որ քեռիս ձիուցը վեր եկավ, ինձ ղրկեց Գիւ-կերենց դուքանի դուռը. գնա՛, ասեց, բազմությունն էնտեղ հավաքված ա, քեզ համար մի քնջում (անկյուն) կանգնի՛ր, ականջդ կախ արա՛, տե՛ս՝ ում բերանիցն ի՞նչ ա դուս գալիս: Էս ու էն շատ պտի վայրահաշություն անեին քեռուս շվաքին, բայց մաշակար (կոշկակար) Համբոն, էն սուրբ Կարապետի ծեր դեք, շթողեց, աչքով- ունքով խալխի հասկացրեց, որ ես էնտեղ կանգնած եմ, նրանք էլ ցրվեցին, քուչն՝ դատարկվեց:

— Հետո՞:

— Ես էլ գնացի քեռուս հայտնեցի:

— Վնաս չունի,— ասեց աղեն,— ես էգուց ամենքի հերն էլ կանի-ծեմ, դու մեր խուղոյի տղի հետ պատրաստ կա՛ց, մութը գետինն առավ թե չէ, խուղոն ո՛ւր կղրկի, ի՞նչ բանի կզնի, տեղն ու տեղը կատարե-ցե՛ք:

— Դե մնացածը գիտենք, հերս նավթը հանեց աղենց գերուզամբիցը, մեզ տվեց ու ղրկեց Գալ-ափունի մարագն ու գոմը կրակելու, մենք էլ արինք:

Խոսողներն էին Բալասան աղայի քրոջ որդի Վասակը և Խուղոյի տղա Կարապետը:

СПАСИБО!

— Էգուց գլավնու՝ սուղիեքանց բիբոք (ընտուրթյուն) ա, ճաշից հետո տունը մի մարդ հավաքվին ձիթահանքի բակը, ինքը նաշալնիկն ա գալիս բիրորի. շեկողի մորը կլացացնեն, մի մանեթ շտրաֆ ունի,—

Օ. գյուղն ընկած ձայն էր տալիս կապկերես քաշալ գզիր ծակոն։
Հարկավոր չէր տուգանքի անունով երկյուղ աւալ. տան գլուխ մեկը կար՝ գնաց, երկուսը կար՝ գնաց. մի-մի լավաշ հացի մեջ և մի կտոր պանիր, կամ աղը դրած ձուկը փաթաթում էր ամեն ոք ու գրպանը կոխում, վագում դեպի Ձիթահանքը։

Ձիթահանք կոչված տեղն Օ. գյուղումը չէր։

Մի փոքրիկ պարսկական գյուղի մոտ, Օ. գյուղից ժամաշափ հեռավորությամբ գտնվում էր մի ավերակ։ Ոչինչ հիշատակարան կամ փորագրություն չէր նշմարվում ավերակի վերա. միայն հիմքն և արևելյան կողմում մի շարք սրբատաշ քարեր ազատվել էին ժամանակի անողոր ճանկերից, իսկ մյուս քարերը թե ո՞ւր էին, հաստատ չէր կարելի ասել. ոմանք ենթադրում էին՝ պարսիկ ուսմիկների ձեռքով յուրյանց գոմերի հատակը սալահատակած. այլք հակառակն էին պնդում, ըստ որում պարսկական գյուղը շատ փոքր էր և շատ աղքատ. մի կամ երկու նիհար եզներ և հինգ-վեց հատ հավ էին նոցա տնտեսության առարկայքը. պարսիկներից շատերը գոմ էլ չունեին. մի կիսագետնափոր, կիսախարխուղ խրճիթի մեջ մի անկյունում եզն էին կապում, մյուս կողմը մերկանդամ պարսկաձագերն էին կուշ գալիս յուրյանց բոռկան ծնողների հետ, էլ ընչի՞ վերա պետք է գործ դնեին քարերը։

Ավերակն, ինչպես երևում էր, մի փառավոր անցյալ պետք է ունենար, այդ աշկարա էր շրջապատված մեծանիստ պարսպատեղի հետքերից։

Եթե հավատ չընծայենք պարսկական արևելյան ճաշակով հերյուրած ավանդություններին, ապա ավերակը հայկական սրբարաններից մեկի մնացորդն էր անշուշտ։ Տեղական պարսիկների շուայլ երևակայությամբ՝ այն հնությունն յուրյանց նախկին տիրապետող իշխանի ապարանքն էր. նրա մոտի ապառած քարի ճեղքվածքից դուրս բխած առատահոս և ականակիտ աղբյուրը տոփասեր իշխանի մարմարյա շատրվանին ջուր է մատակարարել. նրա փղոսկրից ճերմակ հողանի կանանց և հուրիփարի հարճերի նրբակազմ ու լուսափայլ մարմինները զովացնող ու թավշային փափկություն տվողն է հանդիսացել, իսկ հասուն և խոհական դատողությամբ՝ ազբյուրը սրբավայրի շերմեռանդ միաբանական եղբայ-

րության միակ ըմպելիքն է եղել, նոցա անդերն ա մարգաստաններն է ջրել, նոցա ջրաղացներն է պտտե, և հետզհետե յուր մեջ առնելով ներքեններում բխած մեծ ու մանր աղբրակները՝ մի գետակ է կազմել։

Ավերակի շրջակայքն այսօր հառաջվանից տարբեր մի այլ պատկեր է ներկայացնում. գյուղի ներկա տիրապետող քաղցած պարսիկ բեգի պարտեզն է կոչվում դա, որ ըստ ինքյան ոչ այլ ինչ է, եթե ոչ սաղարթաբառ ուռնիների երկու շարք, որոնց հովանու ներքև փափուկ սեզի վերա արծե ամառները սրտակից և սիրելի բարեկամների հետ պարարտ գառան տժտժան խորովածներ վաշելել, վրեն էլ դատարկել Օ. գյուղի հեշտախում և զվարթացուցիչ գինին, անշուշտ բարեխառնած աղբյուրի քաղցրահամ և սառը ջրով։

Այդպես էլ անում են. ամառվան շոգին կյուրակի օրերը միշտ կլավի ծառերի տակից մերձակա գյուղորներից կտրիճների երգերի ելեէջները։

Այստեղ էր կարգադրել նաշալնիկն Օ. գյուղի տանուտերի ընտրելատեղին, ոչ թե գրավված տեղի հրապուրանքներից, այլ դիտմամբ ընտրությունը գյուղից հեռու կատարելու նպատակով. ըստ յուր ասության, որպեսզի անգործ հետաքրքիրների խառնաշփոթ խանգարմունքն արգելք չզառնա գործի շարունակությանը։

Բազմափորձ գավառապետի բազմամյա պաշտոնավարության գործնական կողմն էր այս։

Բազմությունը շատ մեծ է, Օ. գյուղն էլ մեծ է. «մեծ տունը մեծ ընտանիք կունենա»։

Անհրաժեշտ է ասել, որ ավերակի հարավ-արևելյան անկյունում մի-երկու սևացած-քարեր միմյանց թիկնած՝ կազմել են տակը մի պատուհանաձև խորշ. անձրևն ու արևը չեն ծեծում այլ խոռոչը, ուրեմն չէին էլ կարող ի հնումն հանգցնել այն ձիթահանքերը, որոնք հաճախ վառվում են եղել շիրմեռանդ հայ և թուրք ուխտավորներից. գերակի ձիթի թանձրը ծուխը մրտտել, սևացրել է սմբողջ խորշը և նրա մեջ ընկած ձիթաշղախ քարը, որին հայերը Ձիթահանքի քար են ասել, իսկ պարսիկներն՝ օջախ, որին հայերը մի նշանալիոր բազմավաստակ հայ գործողի գերիզման են անվանել, իսկ պարսիկներն՝ խլամի հավատարիմ ավանդապահի դամբարան։ Ա՛յս է եղել, թե այն, ո՞րն էր ուղիղ—մենք կարևորություն չունինք խորագնին գտնվելու. փաստ է, որ այդ տեղը վաղ ժամանակ միապես հարգված է եղել երկու այլակրոն դրացիներից։ Այսօր եղածների հետքերն էլ չբանում են։

Ահա եկել է գավառապետը. նա կանգնած է ավերակի բաշի վերա. նրա տեղը բարձր է ամենքից, նա նմանում է այսօր մի թխսի, որի ձագերը, համեմատաբար, շատ փոքր են իրանից։

Գավառապետը ձեռքը բարձրացրեց
Հնդհանուր և մեռյալ լուսթյուն:

Քոլորեցունց գլխները բաց են. երեք պաշտոնական գլխարկ միայն
հանգիստ նստած են յուրյանց տեղը. երեք ճակատ միայն փայլում է
երեկոյան պահու կարմիր արևից ցոլացող ճառագայթներից. մետաղյա
աստղը պսպղում է երեք հոգու ճակատին. նոցանից մինը գավառապետն
է, մյուսն յուր ատենադպրի օգնականը և երրորդը՝ մեզ քաջածանոթ
Վլադիմիր Նեստորիչ Մելնիկովը:

Շատ ծամանակ չէ վերջինիս գալուստը. նա գավառապետից հետո,
յուր սանձակոտոր նծույզը հեծած սիգազանձ մտրակելով եկավ, իջավ,
ձին տվեց վաղուց իրեն սպասող խուրդոյին և մտտեցավ, սեղմեց քաղցրա-
ծպիտ գեմքով գավառապետի ձեռքը:

Տհաճության կենդաները խորշոմեցրին գավառապետի ճակատը. բազ-
մությունը հաճությամբ նկատեց այս և ուրախացավ, ոչ որից ծածուկ
չմնաց, որ սրտանց էր գավառապետի ստոր վարմունքը Բալասան աղաչի
հետ:

— Հրամայեցե՛ք, Վլադիմիր Նեստորիչ:— փնթփնթաց նա և ձեռ-
քով յուր ձախակողմյան քարը ցույց տվեց նստելու:

Մի քեթե ու քուռցիկ հայացք բաժանեց էր գավառապետի համար
ապահով լինել, որ յուր սիրելի ժողովուրդը չէր երկմտում յուր եկած
անախորժ տրամադրության ստուգության մասին:

Եթե գավառապետն յուր բազմամյա փորձառությունով և բարակ
խելքովն ուսումնասիրել է յուր կառավարած գավառի մեծ ու պստկին,
շատերին հականե-հավանե ճանաչում է, ժողովուրդն էլ կշռել ու շարժել
է յուր սիրած նաշախիկի ամեն մի շարժվածքը:

— Գրահներդ դրե՛ք գլխներիդ, սիրելի՛ք. — առաջին հրամանը գուրս
եկավ գավառապետի բերանից: Հրամանը կատարվեց:

— Չորս-հինգ ամիս է՝ ես ձեր մեջ չեմ եղել. — սկսեց բարձր և
հաստ ձայնով նաշախիկը, — և ինչպես տեսնում եք՝ տանուտերի ընտ-
րություն այսօր թուրքի գյուղում եմ կատարում: Դուք, իհարկե, պատ-
ճառը չգիտեք, բայց ես ձեզանից խուզվեմ: Այս վերջին տարին, ձեր
անշնորհք տանուտեր կարապետի հիմարությունից, ձեր գյուղը միան-
գամայն աստժու երեսից ընկել է. օր չի անցկենում, որ մի խայտառակ
ղեպը չպատահի. մարագ կրակել, հնձան այրել, այգի կտրատել, արտ
կրակ տալ, իրար գլուխ ճղել, վերջապես սպանություն — միմյանց վերա-
կարդում ես տանուտերի հայտարարության մեջ, կարդում ես ու շփոթ-
ված մնում. ի՞նչ դարձան այս մարդիկը, մտածում ես, կարծես սրանք Օ.
գյուղացիք չեն: Մի ծամանակ սրանք ոչ միայն ձեր գավառի՝ բոլոր

Արարատյան աշխարհի օրինակն էին, ամենքից հարուստ էին, հացով
քաղաքավարությունով, լեզվով աշխարհքի բերանն էին փակել, այսօր
ընդհակառակն ամեն տնայրանդութուն ձեր միջիցն է դուրս գալիս. քա-
ռասուն տարի է՝ ես պոլիցիական ծառայության մեջ եմ, կյանքիս մեծ
մասը ձեր գավառումն եմ անցկացրել, հայր ու որդու նման ձեզ հետ
աղ ու հացկեր եմ դարձել և այսքան անպիտանություն, ինչպես աչք վեր-
ջին երկու-երեք տարում եմ ձեր գյուղիցը տեսնում, միտքս չեմ բերում.
ո՞վ էր լսած ու տեսած Օ. գյուղացուն բանտ նստած, շղթայակապ բերդը
տարված, բայց այսօր քանի՞սը կան: Մո՞տ եմ ասում:

— Աստված պատճառի տունը քանդի՛, որդիքը կոտորի՛, աղա-
չան, — կոտորած դրգալի պես մեջ մտավ Մելիք-Քաղալը. — ով մեր
գեղի հալալը հարամեց, ով մեր դառը քրտինքով աշխատած տխումորի
(խմար) մեջ արուն խառնեց, ցեց դառավ՝ մեր քիսեն (Քտակ) մտավ, գե-
ղե՞ծ իրար քցեց, մեր գառան պես խոնարհ ջահելներին օձեր շիճեց, մեր
բեզբը (պարանոց) փաթաթեց, նրա տունը հրեղեն սուրբ մտեի, էս Զիթ-
հանքի օջախը նրան գունդ ու կծի՞ծ ածի (խեղճագեղ), հավի պես թզր-
տացնի, էստեղ վերքցի, գու, աղա ջա՛ն, ասա՛ ամեն:

— Է՛, ձենդ կտրի՛, Մելիք-Քաղալ, բեզ անե՞ծ չի սագում, քոնը
խա՞խամ ուշունցներն են, որ եթե բերանիցդ հանել ես, լեզուդ կծա-
կեմ, պարան կանցկացնեմ ու էս ծառիցը կախ կանեմ, — կատակի տվեց
գավառապետը:

— Զէ՛, աղա՛, չէ, գեղի՛ց մեռնե՞մ, աստժով հառանձի էս խաչին իր
արյունը ծծողին իր աչքի առաջին բղղալով (բառաչել) գետինը դիպչե-
լու. էն սուրբ Լուսավորչի լույս հավատիցն եմ խնդրել, քո բեզ էլ, էս
երված ու խորովված հասարակութունին էլ, ինձ՝ էս գերեզմանի դուրս
հասած անբեզ, անմիքուք հալիվորին էլ արժանի անի բաց աչքով էն
օրը տեսնելու:

— Է՛հ, ծերացել ես, խելքդ ետ է տվել, Մելիք, ձենդ կտրի՛, թող
խոսիմ. շաշանակի (շատախոս) պես բերանիս մի՛ գալ:

— Խոսի՛, աղա ջա՛ն, հրամանք արա՛, դու էլ գիտես, թե քամին ո՞ր
կողմիցն ա փչում:

— Ի՞նչ եք շանն իրավունք տալիս հաշախու, — կամաց հրելով գա-
վառապետին՝ փսփսաց ուսերին Բալասան աղան:

Գավառապետը շլսել պատրվակեց, բայց դեմքից երևեցավ, որ ներսն
արյունն եփ եկավ:

— Ինչ և իցե, Օ. գյուղի հասարակություն, — նորից շարունակեց
գավառապետը, — ես ձեզ ժողովել եմ այս սրբատեղի մոտ՝ լայն ու ազատ
դաշտում տանուտեր ընտրելու: Ահա քվեատուփը դրած է ձեշտ ուխտա-

տեղի մոտ, այս գիտութեամբ է արած, դուք պետք է հիմի մոտենաք ասիին. թող մոտ գնացողը առաջ համբուրի սևացած քարը, հետո քվեն ձեռք առնի: Ես իրավունք եմ տալիս ձեզ երեք հոգու քվեարկել, ում որ դուք ցանկանում եք. ով որ, իհարկե, օրենքի զորութեամբ ընտրվելու իրավունքից զրկված չի լինիլ. ում սպիտակ քվեները շատ կլինի, նա կլինի ձեր տանուտերը: Աստված կսիրեք, սիրելի՛ք, ընտրեցե՛ք մի օրինավոր մարդ, որ ձեր ցավերին դարման տանի:

— Ողջ Օ. գյուղի հասարակութունն, աղա ջա՛ն, իմ ձեռովս էս թուղթը քեզ աս տալիս:

— Էդ ի՞նչ թուղթ է, Մելիք-Յաղա՛լ:

— Էս էն թուղթն աս, նաշալնիկն ապրած կենա, որ մենք տանուտեր ենք ուզում էն մարդին, որից, թե միտդ աս, քեզ ձորումը ձուկն ուտելուս դանգատ էի անում, որ իմ ջիբի կապեկները կտրեց շտրաֆ առնելով, որ իմ բլթուլի լիզուն ծակն էր կոխել, որ ուզում էր մեր գեղի վրից ուշուցնա՞նառու անունը վերացնի, որ մեջը կարգ ու կանոն մտցրեց, որ...

— Դե լա՛վ, Մելի՛ք, խուլ չենք, հասկացանք, դուք ուզում եք Արտեմ Սերգեյիչին. ես էլ շատ ուրախ կլինեի, բայց, նախ, կարծեմ նա չի համաձայնիլ յուր պաշտոնը թողնել և, երկրորդ, թող ձեր փոխարեն քվեն խոսի:

— Գլխի՛դ մեռնիմ, մեր ցավը մեզ էլ հայտնի աս, քեզ էլ, քար մի՛ քցիլ տալ, վայթե տակիցը Մոլլա Նասրագինի եղի պուլկի պես շոռ դուս գա:

— Օ. գյուղի հասարակութուն, — ձայն տվեց գավառապետը, — ցանկանում եք միաձայն ընտրություն, այս թուղթը ձեր գրա՞ծն է:

— Ցանկանում ե՛նք, ցանկանում ե՛նք, ոտիդ դուրբա՛ն, նաշալնի՛կ, թուղթն էլ մեր բերանն աս:

— Աղա ջա՛ն, — առաջ եկավ ամբոխի միջից Բալասան աղայի քրոջ որդի Վասակը, — թող էս թուղթն էլ խոսի:

Գավառապետը բաց արավ երկու հանրագրությունները. առաջինն Արտեմ Սերգեյիչի մասին էր, երկրորդը՝ Խուդոյի օգտին: Գավառապետը մնացել էր մոլորված. ուսերի բարձրանալու հետ դեմքի վերա տարակուսանքն էր արտափայլում.

— Ամո՛թ ձեզ, Օ. գյուղացի՛ք, — զզվանքով արտասանեց նա վերջապես, — այսչափ էլ մի հասարակություն իրեն ստորացնի՞, մի մարդ երկու տեղ ստորագրի՞. Դու սրանո՞վ ես խոսում, Մելիք-Յաղա՛լ:

Գավառապետն սկսավ կարդալ երկու թերթի վերա միաժամանակ ստորագրողների անունները:

Մի քանիսն, արդարև, ամոթահար սևացան ու լռեցին. նոցա ձեռքերը կեղծ չէին. բայց մեծամասնությունը բարձրաձայն աղաղակեց.

— Գլխի՛դ մեռնենք, նաշալնի՛կ, մենք մենակ Գոմշակերենց Արտոնի թղթիցն ենք տեղյակ, մենք ուրիշ տեղ ձեռ չունինք:

— Այս խնդիրներն ո՞վ է գրել, տանուտե՛ր, — հրամայեց գավառապետը:

— Առաջինն իմ գրածն աս, — մոտ եկավ ամբոխի միջից Սիսակը:

— Երկրորդը:

Ո՛չ մի ձայն:

— Այստեղ արի՛, ա՛յ տղա, — կանչեց գավառապետը Վասակին, — այս գիրն ո՞ւմ գրածն է:

— Երևան ենք գրիլ տվել, — հանդգնաբար պատասխանեց Վասակը:

— Սո՛ւտ ես ասում:

— Սուտ չեմ ասում, ես ինքս եմ տարել, մի աղա մարդի հինգ մանեթով գրիլ տվել:

— Ո՞վ է գրել, — շեշտեց գավառապետը բարձր և թնդաձայն:

— Ինձ տվեք՝ տեսնեմ, նաշալնի՛կ, — առաջ եկավ Սիսակը և ձեռքիցն առավ:

— Առե՛ք, — ետ տվեց նա թուղթը, — ես գրողին քաջ ճանաչում եմ, բայց հաստատել դժվար է. գողն ինչքան կամեցել է թաքցնել յուր գողացած աքաղաղը, բայց պոռը դուրսն է մնացել. Տաճկաստանի ոլոր-մոլոր գրվածքներն երևում են:

— Կխնդրեմ հարգոյաբար ձերին գերազնվութենեն՝ հրաման ընեք արձանագրություն կազմել. պարոն Սիսակ մեզի կակնարկե, մենք պատիվ կպահանջենք՝ օրինակ որոշյալ հոգվածոց հիմանց ապավինած:

Ժողովրդի միջից մի ընդհանուր քրքիջ և դառն տհաճություն դուրս բռավ գրագիր վանեցու բողոքին պատասխան:

Սա պաշտոն ունեի այստեղ, ձեռքին բռնած ժողովրդագրական ցուցակը՝ սպասում էր անունները կարդալու:

— Իրավունքս պաշտպանել կխնդրեմ, տե՛ր Հայրիկին ճետերն ամեն նախատինք կտանին, բայց պատվո խնդիր կենսական է յուրյանց համար:

— Լա՛վ, լա՛վ, այդ վերջին բանն է, — արհամարհական հայացքով պատասխանեց գավառապետը վանեցուն և վճռեց. — ոչ մի թուղթ չեմ ընդունում, քվեատուփը թող խոսի:

— Որ էդպես աս, նաշալնի՛կ, — ասաց Մելիք-Յաղալը, — թող քար քցողների անումները վանեցին չկարդա:

Գավառապետի հրամանով յուր քարտուղարը կարդաց:

Քվեի դրվեցան նախ Արտեմ Սերգեյիչը:

Քվեներն Օ. գյուղի հասարակուսն ընկուզենիների պտուղներն էին: Ամենքից առաջ քվեատուփին մտեցավ Մելիք-Բաղալը:

— Օ. գյուղի հասարակութուն, — գոչեց նա, — էն ա՛ ժամեծամբը մտաւ, որը մթնում ա, բայց թող քիմ պոպոքն (Ֆվեճ) արևի պես լույս տա: Աստված էլ, բանդեն էլ (մաղը) Արտոյին է ցանկանում. էս էլ իմ սիպտակ քարը:

Հասարակութունն ուրախ էր, որ Արտեմ Սերգեյիչի քվեատուփը լցվեց. բացի խուղոյից, Դարբնենց Մատոյից, Փոշմանենց Մարոյից և սուղիա Դավթից, բոլորն էլ սպիտակ քվե տվին:

Վերջիններս Բալասան աղայի անցյալ գիշերվան խորհրդակիցներն էին. սրանք էլ, դիցուք, չէին ցանկանում խուղոյի տանուտերությունը, բայց աճը վեր էր, քան մահը, հոգեհանն այնտեղ նստած էր և մի առ մի դիտում էր ամենքի ձեռքի շարժումները. ուստի ստիպվեցան սեանալ հասարակության առաջ, քան թե Բալասան աղայի, և սն քվե տվին Մեղադրելի չէր:

Մի դեպք միայն անհասկանալի մեաց ամենքի համար:

Օրենքով քվեատուփի երեսը պետք է վարագուրած լիներ: Մոռացավ արդյոք գավառապետն այս կետը, չենք կարող ասել, առայժմ դեռ մեզ համար այդ արկածքն Աղամա մութն է: Խոսքս այն անթափանցիկ աղջամղջի մասին է, որ մեր Աղամ պապին հուսահատության մեջ ձգեց:

— Դե՛, հասարակությո՛ւն, էլ ո՛ւմ եք ուզում քար ձգել, — ձայն տվեց գավառապետը:

— Դու տեսար, աղա ջա՛ն, որ բացի մի քանի ցածահոգի ոտ լարտողներից, ողջ գյուղն Արտոյին ա կամենում, էլ ո՛ւր ես քեզ գլխացավանք տալիս, — հառաջ եկավ Մելիք-Բաղալը:

— Օրենքն է հրամայում:

Քվեարկվեցավ և նախկին կանգիդատ Սարոն, բայց սակավ քվե ստացավ:

Մուժն արդեն գետինն առնում էր:

— Շուտ արե՛ք, իմ ճանապարհն էլ է հեռու, ձերն էլ, — ձայն տվեց գավառապետը, — ո՛ւմ եք ուզում քվեարկել:

— Խուղոյին, — գոչեց միայն Վասակը:

— Ո՛չ, նաչալնի՛կ, ո՛չ, — կանչեց Մելիքը: Երա հետ ձայն տվին մի քանին էլ, բայց ձայնը փոխած՝ քունջ ու պուճախից:

Խեղճերը ճշմարտությունն ասել վախենում էին. Բալասան աղան յուրյանց կորկոտը կեփեր:

— Ու՛մ եք քար քցում:

— Խուղոյին, — դարձյալ լավեցավ Վասակի ինքնավստահ ձայնը:
— Խուղոյին՝ հո՛ խուղոյին, — հրամայեց նաչալնիկը և ընկուզենները նորից բաժանվեցան:

Մուժն արդեն գետինն առավ. սարերի գագաթները սևապատվել էին. միայն Մասիսն էր չուր արևմտյան այտով աննշմար ժպտում. մարդիկը հագիվ ճանաչում էին իրար. մինչև թուրքի սոված աղայի տանից ձիթի ճրագը կբերեին, քվեատուփը լցվելու վերա էր:

— էլ մարդ չմեա՞ց քվե տալու, եկե՛ք, — հրամայեց գավառապետը:

— Քանի՞ ձեն տաս, աղա ջա՛ն, ես իմ աչքովս տեսա, թե ինչեր անցկացան. հենց մարդ կար՝ երեք-չորս հետ էր տփին մոտ գալիս, շիբեջը բուռ-բուռ հանում էր պոպոքներն ու լցնում, — արդ արավ Մելիքը:

— Թե որ շատ եք նեղանում, Օ. գյուղացի՛ք, — ձայնը բարձրացրեց գավառապետը — եկե՛ք՝ ինձ լսեցեք, էլ խուղոյի քարերը չհամարենք, Արտեմ Սերգեյիչին գրենք տանուտեր, խուղոյին կանգիդատ:

— Ինձ թեև խոսք չի հասնիլ, — ասաց Բալասան աղան, — բայց իմ կարծյոք, պ. նաչալնիկը շատ խելոք է դատում, նեակոս մեռնի՛ թի սուտ եմ ասում, թող Արտեմ Սերգեյիչը լինի տանուտեր, Խուղոն՝ կանգիդատ. գլուխը քարն ա տվել Խուղոն, աչքն ինչքան բարձրանա, ունքից վերև չի բարձրանալ. երկուսն էլ լիմ բարեկամներն են, բայց Խուղոն Արտեմին չի հասնիլ:

Մելիք-Բաղալը լվկվեց. ձայն չհանեց, բայց բոլորեքյան համաձայնեցին:

Գավառապետի հրամանով ճրագի լուսով տանուտեր գրվեցավ Արտեմ Սերգեյիչը և նրան կանգիդատ՝ Խուղոն:

— Ի՞նչ կասեք, տղե՛ք, սուղիեքանց ընտրությունը ետ թողնե՛մ, թե միաձայն ընտրություն անենք:

— Միաձա՛յն, միաձա՛յն:

— Ո՛ւմ եք կամենում:

— Թողեք էս անգամ էլ ես խոսեմ, — կրկին միջամտեց Մելիքիկովը, — եթե Մելիք-Բաղալին իր հասակն արգելք չլիներ, ես ոչ-ոքի իրավունք չէի տալ նրանից հառաջ ընկնիլ. բայց ըստ որում զրան հիմի հանգրստություն է պետք, ես լավ եմ համարում առաջարկել Մատոյին, Մարոյին և Դավթին: Լավ չեմ ասո՞ւմ, Մելիք-Բաղալ՛ը:

— Ես տ. լավ ես ասում, Բալասան աղա՛, թուրքն ասում ա՛ հրեկերը հրեկերին թե չգտնի, աշխարհքս ախ ու վախով անց կկենա. ես էսօրվանից հոտն առնում եմ, ես լավ գիտեմ, թե տանուտերն ո՞վ պտի ընի. խեղճ իմ Արտո՛, մեր ձեռովը քո տունը քանգեցինք. բայց հոգ չի,

վերեն աստված կա. վնաս չունի, թող սուղիեքն էլ ընին Սարոն, Մատոն ու Դավիթը:

— Համաձայն եք, հասարակություն,— կրկնեց գավառապետը:

Մի քանի ձայներ միայն խուլ արձագանք տվին վասակին. ընդհանրությունը լուռ էր:

— Լուսթյունը համաձայնության նշան է,— վճռեց նաշալնիկը և քարտուղարը ձայն տվեց:

— Ընտրվեցան Օ. գյուղի համար հասարակության ստարշինա կամ տանուտեր՝ Արտեմ Սերգեյիչ Գոմշակերով, նրան կանդիդատ՝ Խուդավերդի Դուբաներովածով, իսկ սելսկի սուղիեք կամ գյուղական դատավորներ՝ Մարտիրոս Դարբինով, Սարիբեգ Փոշիմանով և Դավիթ Կաշեպոզով:

— Կճուճը գլորվեց, խուլիք գտավ,— ասաց Մելիք-Բադալն ու գլուխը դարձրեց դեպի Օ. գյուղը:

Ամենքը տրտունջներ արձակելով՝ քարշ էին գալիս հուսակտուր և խավարի մեջ այս ու այն քարին դիպչում, գնում էին և օրհնում պատճառի յոթը պորտը:

Ամենքից վերջը ձիավորվեցան գավառապետն յուր մարդիկներով և Մելնիկովը:

— Спасибо! (շնորհակալություն),— սեղմեց Բալասան աղեն այս խոսքով գավառապետի ձեռքը:

Վերջինս չպատասխանեց. նա հուզված էր, Գավառապետը մտրակեց յուր ձիուն և աջ գնաց՝ դեպի յուր կենտրոնատեղին, իսկ Մելնիկովը դեպի ձախ՝ Օ. գյուղը:

ԺԶ

ՀԱՍՏԱՏՈՒԹՅՈՒՆ

Օ. գյուղացիք բոլորը ջուր մաղվեցան. ամենքի բերանն էլ բաց մնաց. երբ հրամանը բարձրաձայն աղաղակեց Օ. գյուղի հասարակության տանուտեր հաստատված է կանդիդատ Խուդավերդի Դուբաներովածովը, իսկ սուղիեք՝ Մարտիրոս Դարբինովը, Սարիբեգ Փոշիմանովը, Դավիթ Կաշեպոզովը: Իսկ Արտեմ Գոմշակերովին քննության ենթարկված լինելու պատճառով՝ մերժվում է:

Արտեմ Սերգեյիչի անհաջողության մանրամասնություններն իմա նախու համար մենք հետևենք Բալասան աղային:

Տանուտերի ընտրությունից հետո մի շաբաթ կացավ Մելնիկովն Օ. գյուղումը և այս շաբաթումը նա մեծ գործ կատարեց:

Նորա հրավիրանալը մյուս օրն եկավ գյուղը հաշտարար դատավորն յուր պրիստավով: Նոքա իջան վլադիմիր Նեստորիչի մոտ: Երրորդ օրը հրապարակական աճրդախոսություն եղավ. մի քանի մուրհակատերերի շարժական և անշարժ կայքերը սակարկության դրվեցին:

Գյուղականներից ոչ ոք մոտ չեկավ. բացի Խուդոյից և մեզ ծանոթ դատավորներից, որոնց հաստատությունը դեռ չէր եկել այս ժամանակ: Սոքա էլ շուտ ետ քաշվեցան աճրդից. յուրյանց ասելով՝ ուժերիցը վեր էր:

— Ի՞նչ արած, ստիպված եմ ե՛ս ավելացնելու,— խղճաց բարեխիղճ Բալասան աղեն.— թեպետ ինձ վնաս է, բայց լավ է ինձ վնասվել, քան խեղճերի ապրանքը կիսագնի կորչի:

Շատ գթոտ մարդ է եղել Մելնիկովը, ամեն մի վաճառի հանված կալվածքի նշանակյալ գնի վերա հինգ, տասը մանեթ ավելի էր տալիս և յուր վերա թողնում աճուրդը:

— Ի՞նչպես անեմ, եղբա՛յր,— բացատրում էր նա հաշտարար դատավորին,— բոլորեքյան իմ ազգ ու ընտանին, իմ համագյուղացիքն են, ես ի՞նչպես թույլ տամ խեղճերի կայքը կիսագնի ի կորուստ մատնվի. իմ ազգի զավակներն են, ամենքիս սուրբ պարտքն է ազգասեր լինել:

— Անշարժ կալվածքները չեմ կարող գնահատել, կամ գինը մերձավորապես ճիշտ որոշել, որով և ձեր բարեսրտության աստիճանը, նշանակում է, չեմ կարող չափել. բայց ինչ վերաբերում է ձեր գնած շարժական առարկաներին, դուք, վլադիմիր Նեստորիչ, արժողության քառորդ մասը չլճարեցիք,— սառը պատասխան տվեց հաշտարարը:

— Կարելի է ուղիղ էլ է ձեր ասածը,— արդարացավ Մելնիկովը,— բայց այդքանն էլ ավելորդ եմ տալիս. այդ իրեղեններից ոչ մեկն ինձ պիտանի չեն, մեր մառանումն ավելորդ տեղ միայն պիտի բռնեն:

— Էդ տնաքանդ որդամեղը ո՞նց պտի մարսի,— փսփսում էին բոլոր գյուղացիք.— հաղար մանեթանոց բաղն երեք հարյուր մանեթ ա գնահատել տվել, իր պարտքն 290 մանեթ ա, հիմի 310 մանեթով իր վրա ա թողում. դեռ պարծենում էլ ա, թե քսան մանեթ ավել ա տվել, ողորմություն ա արել:

— Ա՛յ ձեզ դուրբան, ո՞վ ասեց, որ էդ անաստվածի պարտքը 290 մանեթ ա, ընդամենը դա հարյուր մանեթ էր տվել, 300 հասցրել եմ, էլի 290 մնում ա,— պարզեց տարակուսանքը պարտապանը:

Միայն մի այգի չէր այս անգամի աճրդի դրվածը. շատերի տունը քանդվեց:

Ամենից զգալին էր զառամյալ մահտեսի Առաքելի դեպքը:

Հաշտարար դատավորը վերջացրել էր յուր գործը և վերադառնում էր Նորա ճանապարհն է մի ջրաղացի առաջով: Ուղիղ ճանապարհի մեջ-տեղովը դիմացիցը փայտի վերա կոթնած գալիս է մի ծերունի:

Հաշտարարի ուղեկից ձիավորը հեռվից ձայն տվեց ծերին՝ մի կողմը կանգնել: Բայց եկողը ուշք չի դարձնում և ոչ գլուխն է բարձրացնում: Ձիավորը առաջ աշտանակեց և մտրակը բարձրացրած սպառնում էր փսիել, եթե ծերը ճանապարհից դուրս չգա:

Ծերունին դողդողում է և մեջտեղը կանգնել է:

Հանկարծ նա սաստիկ երերաց ամբողջ մարմնով և երեսի վրա ընկավ: Հաշտարարի ձին խրտնեց, բաշը ցցեց, կանգնեց առաջի ոտքերի վրա և մազաշափ էր մնացել, ոտքերով պիտի կանգներ ծերի վրա, եթե դատավորը չհաջողեր սանձը թափ տալ և ետ քաշել:

Ամենայն դժվարությամբ նա կարող եղավ զսպել ամենի երիվարի կատաղությունը և ցած թռչել թամբից:

Հաշտարարը հրամայեց յուր ուղեկիցներին վերցնել ծերին:

Նորան նստեցրին ջրաղացի պատին դեմ տված:

Ջրաղացի ցրդոնի (անիվի տեղը) տակից դուրս ցայտած ցողիքը և սառը հովը ետ բերին ուշադնաց ալևորին:

— Օխա՛յ, ես քո ցելթուքսիդ (ցայտուն) մատաղ,— վերջին շնչումս էլի դու ինձ ետ բերիր,— յուր սառած աչքերը դեպի ջուրը դարձրած՝ մրմնջում էր ծերունին:— Բայց սրանից հետո ապրեմ ո՞ւմ համար: դու էիր իմ մխիթարանքը, կորած որդուս եթիմների (որք) ապավենը, որ ձեռիցս դուս եկար: Ի՞նչ անեմ, աստված պատճառին բարի տա իր գործքովը...

Ծերի խոսքերը դատավորի հետաքրքրությունը շարժեցին. նա մտտեցավ ալևորին և երկար հարց ու փորձերից այս իմացավ. որ յուր միակ որդին ընկել է ջրաղացի անիվի թևերի տակ և խեղդվել: Գավառական բժիշկը կամեցել է անպատճառ անդամահատության ենթարկել նորս մարմինը, իսկ հայրը երեսուն մանեթ պարտք վերցնելով Բալասան աղա-յից՝ շահել է լեզու շհասկացող օտարազգի բժշկին և ազատել սիրելի որդու դիակը մաս-մաս հոշտովելուց: Այն երեսուն մանեթը տոկոսակա-լել է, 500-ի է հասել, և այսօր որդուն կլանող ջրաղացը նորա վեց որ-բերին էլ կենդանի-կենդանի թաղում է յուր մեջ. անտեք թշվառների ապրուստի միակ միջոցն էր հայրասպան ջրաղացը, որ որդվոցն էլ քաղ-ցածություն մեջ մահացնելու դատապարտած սեփականություն է դառնում այն մարդի, որը, ինչպես ծերունին վերջումս ստուգել է, դրդել է բժշկին կտրատել և ապա ինքն է համոզել ծերին կաշառքի միջոցով ազատել յուր մեռելն անդամահատելուց:

Հաշտարարը մի սառը զգվանքով ձին մտրակել, հեռացել է սրտա-խաշ տեսարանից, թողած ծերունուն նույն օրն յուր հաշիվը վերջացնել անցավոր աշխարհքիս հետ՝ ճակատագրի կամայականությանը հանձ-նելով վեց խմորակերներին:

Ծերունու վերջին խոսքերը հասավ բառացի կերպով Մելնիկովի ականջին. մի շարք անեծքներ են եղել նորա Բալասան աղայի ժառանգ-ներին ուղղած, բայց նա—շունը կհաշի, քարվանք կքոչի՛ պարսկական առակն է պատասխան ուղարկել անշնչացած դիակի հետևից ու ինքը հաշտարար դատավորի գնալուց հետո հրավիրել է յուր մոտ փաստաբան չուխի Հարությունին, կարգի է դրել նորա ձեռքով Դոնդարենց Ասոյին սպանող Դավակոթենց Հայրոյի թղթերն ու շտապել դեպի քաղաք:

— Մի քանի օր էլ կա՛ց, աղա ջա՛ն, Բարսեղին կանչի՛, համոզի՛, կլինի որ քո խոսքդ լսի ու էլ շտա իր աղջիկը Գալոյի տղին,— խնդրեց Խուզոն:

— Հիմա՛ր,— ասաց Բալասան աղեն,— իմ հետ մնացած յուրա-քանչյուր ծամը կարող է քո գործը ծովը ձգել: հանկարծ Մեր-գեյիչը կհաստատվի տանուտեր և քո ոտներդ սառը ջրումը կմնան. նա շտապեմ, որ բանը փոխեմ:

Վլադիմիր Նեստորիչն ուղիղ էր. եթե մի շաբաթ էլ ուշացած լիներ. Արտեմ Սերգեյիչը հաստատված էր:

Գավառապետն օգուտ էր քաղել Մելնիկովի գյուղում ուշանալուց և մյուս օրը փութացրել էր ընտրողականը ներկայացնել հաստատության: Թալասան աղեն յուր աչքերովը տեսավ դիվանատանը հաստատու-թյան հրամանը պատրաստ. մնում էր միայն ստորագրելու:

— Թող երկու չէ՛ չորս շաբաթով էլ ետ մնա հաստատությունը,— խոստացավ Մելնիկովի շնորհքով տեղ ստացած ատենադպիրը և հրա-մանը գործերի տակը դրեց:

— Ուրեմն ի գործ,— վճռեց Վլադիմիր Նեստորիչը և ներկայաց-րեց քրեական ատենին յուր բերած թուղթը նրանց ստորագրողների հետ Բանն ի՞նչ էր:

Չորս տարի հառաջ գավառի գյուղերից մեկից մի հայ աղջկա փախը-նելու ժամանակ սպանվեց մի թուրք բեգ և կալանավորվեցին նորա երկու սպասավորները: Վերջիններս խոստովանեցան, որ յուրյանք մասնակցել են սպանված կալվածատեր բեգի հրամանով: Փաստաբան Ս. Ա. Պա-րոնի ճարտարափոսության շնորհիվ թուրքերը դատապարտվեցին մի տարվա բանտարկության: Նոքա յուրյանց ապաշխարանքը լրացրել էին: Այժմ այդ մարդիկը, կաշառված Բալասան աղայից, թուղթ են տվել և անձամբ էլ եկել վիայում են, թե յուրյանց ուղարկողն և բեգի սպանվելու

պատճառն եղել է Արտեմ Սերգեյիչը, որի եղբոր որդու համար, իբր թե, փախցնելուս են եղել աղջկանը:

Այն թղթովն առաջնորդեց Մելնիկովը թուրքերին դեպի քրեական դատախազը:

Վերջինս անմիջապես հեռագրեց յուր օգնականին՝ Գոմշակերովին կալանավորելու և դատի ենթարկելու:

Բալասան աղան այսքանով շքավականացավ. մի հեռագիր ևս քաշեց Քիֆլիս Արտեմ Սերգեյիչի տիրոջը և այս մանրամասնությունների հետ հայտնեց, թե յուր մոտ գրավոր փաստեր կան նորա ստորին գործակատարներից, որոնցով ապացուցում է, թե Արտեմ Սերգեյիչը խալվարն ութ մանեթով գնած գարին հաշվել է տիրոջ վերա 12 մանեթով. հետևաբար ամեն մի խալվարի մեջ չորս մանեթ գողացել է տիրոջից:

Այժմ ինքը Մելնիկովն առաջարկում է յուր պատրաստականությունը և քրեախալվոր լինելու կապալառուին և փականքի տակ դնելու Գոմշակերյանցի շարժական և անշարժ կաշքերը:

Երկու օր էր անցել այս անցքից, և ինչպես ասացինք սկզբումը, Օ. գյուղացիք սարսափով լսեցին հուզոյի տանուտերության հրամանը և յուրյանց աչքովը տեսան շուրախ Հարությունին կնքելուս Արտեմ Սերգեյիչի ունեցած-չունեցածը:

ԺԵ

ՀԱՍԱՐԱԿԱՑ ԴԱՏԱՍՏԱՆ

— Բալասան աղե՛ն:

— Օ՛հ, շարժանք այդ զովևի մարդից, — խոժոռ դեմք առած՝ քաջականություն արավ գավառապետը, Օ. գյուղի ընտրության օրից մի քանի օր անց, երբ որ թուրք յասավուրը ներս մտավ նորա առանձնասենյակը և հայտնեց Մելնիկովի գալուստը:

— Ասա՛ ներողություն էր խնդրում, հարկավոր գործեր է ստաքիլ, ուրիշ ժամանակ շնորհ բերե՛ք:

Յասավուրը քայլերն ուղղեց դեպի դուրս:

— Ի՞նչ եմ գծվել. էլ կարծե՛մ. օրն էգուց յուր քսությունը գործ կդնի, ա՛յ անիծած դաժան հոգի, սպասի՛ր, — հրամայեց գավառապետն այս կարճ մտածողություններից ետ յասավուրին. — ասա՛ խնդրում էր՝ Վերջին խոսքի հետ ինքը վեր կացավ և հառաչեց դեպի դուռը:

— Օ... օ... օ... Վլադիմիր Նեստորի՛չ, мое почтение! շատ ուրախ

եմ, — զվարթ դեմքով ձեռքը ձգեց նաշալնիկը տուն մանող թանկագին հյուրին, — այդ ո՞ր քամին պտրտեց ձեզ դեպի մեր աշխարհքը. հրամայեցե՛ք:

— Спасибо! — և Բալասան աղեն երեք անգամ պինդ սեղմեց գավառապետի ձեռքը:

— Չարժե՛:

— Ինձ համար շա՛տ և շա՛տ արժե, Գրիգոր Պետրովի՛չ, դուք ամեն ժամանակ իմ խնդիրներս կատարել եք, իսկ այս վերջին անգամն Օ. գյուղում ինձ մեծ բարեկամություն ցույց տվիք:

— Դե ի՛նչ անենք, Վլադիմիր Նեստորի՛չ, օրենքից թեև մի փոքր շեղվեցինք, բայց պատվական բարեկամի համար մի շնչին ծառայություն անելը մեր պարտքն էր:

— Ի՛նչ էլ հարմար տեղ էիք ընտրել և ժամանակ. մի ժամեն ճանապարհ, թուրքերի մեջ, երեկոյան դեմ, հա՛, հա՛, հա՛, ловко, браг, ловко, нечего сказать, да! որքան խելոքություն, ի՛նչ հեռատեսություն. ո՛վ ընտրվեց, ո՛վ հաստատվեց, да! մեր նահանգումը ձեզ նման գործ հասկացող ոչ եղել է և ոչ կլինի, այդ ես միշտ տեղումն ասել և գրել եմ և այժմ նույնպես կգրեմ:

— Մի՛ նեղանաք, խնդրեմ, Վլադիմիր Նեստորի՛չ:

— Ի՛նչպես, արժանավոր մարդի համա՛ր. այդ խորին պարտականություն է իմ կողմից. մենք գործի մարդիկ ենք, գործը պահանջում է լավ ու վատ ամեն բան տեղ հասցնել. թող որոշվին, թող ճանաչվին հավատարիմն ու ապերախտը, բարեմիտն ու վնասակարը. թող անպիտաններն արժանի պատիժը, իսկ արժանավորները վարձատրությունն ստանան: Այդպե՛ս է, թե ոչ, Գրիգոր Պետրովի՛չ:

— Անկարծիք, Վլադիմիր Նեստորի՛չ, մենք ումնից հաց ենք ուտում, պետք է նորա շահերն անջքի առաջ ունենանք, բայց ամեն ժամանակ, տեղի-անտեղի, աննշան և շնչին դեպքերի համար ձանձրություն տալը սորան կամ նորան՝ ավելորդ է:

— Սխալ եք, Գրիգոր Պետրովի՛չ, ես այդպես չեմ հասկանում, հավատարիմ ծառան հավատարիմ շան նման է, նա պետք է դունչը կոխի ամեն քունչ ու պուճախ (անկյուն), յուր սուր հոտոտելիքը լարի, պտտաի, քրքրի և ամեն գտածոն յուր տիրոջը ներկայացնի. ես միշտ այդպես եմ անում, խտրություն չեմ դնում միջոցների մեջ, մեծի ու պստկի, հասկացողի ու ուամկի մեջ, ինչ տեղից ինչ կասկածավոր հոտ անում եմ՝ ձեռաց հասցնում եմ, և դուք տեսնում եք, որ ես սխալված չեմ. ամենքի մոտ պատիվ ունիմ, ամենքն ինձանից քաշվում են, կամքս կատարում են, ինչպես դուք արի՛ք: Իրավ է, արածդ մի մեծ բան չէ, ձեզ համար

միևնույն էր Մարկոսը լիներ տանուտեր: թե կիրակոսը, բայց դուք չգիտեք, թե Խուզոն ո՞րքան է ինձ պետք. ձեզ շատ քաջ հայտնի է, որ գյուղական հասարակությունն այնքան մեր շինովնիկիցն ահ շուտի, ինչքան յուր տանուտերից, և բնական է, նորան է միշտ տեսնում. նորանից անմիջական կախումն ունի, նորա աչքին է շարունակ նայում, բոլոր յուր գործը նորա ձեռքովն է կատարելու, և իհարկե, նորա ազդեցությունն ավելի կլինի: Դուք չգիտեք, թե գյուղերի մեջ ես որքան անձնական հաշիվներ ունիմ. մի տեղ փող ես տվել՝ դժվար է ստացվում, մյուս տեղ լավ կալվածք կա ձեռք քցելու, երրորդ տեղում մեկը ճանապարհիդ քար է գլորում, մի ուրիշի ախար չի, ուղղակի, քեզ դուր գալիս. դրանց բոլորի հառաչն առնելու է նույն տանուտերի ձեռքով: Ես այսօր մեր գավառի տանուտերներից շատերին իմ ձեռքիս տակն ունիմ առած, ամեն տեղ իմ ցանկացածներն են ընտրվում:

— Բայց շատ էլ ժողովրդին ճնշել հարկավոր չէ, Վլադիմիր՝ Նեստորի՛չ, ես վախում եմ հասարակաց կարծիքից. էգուց, եթե օրենքը դատախազ չլինի, աշխարհքը կղղրդա, թե բարեկամի համար ժողովրդի շահերը ոտնատակ է տրվել, ժողովրդի ցանկացածը մի տեսակ գլորվել է կանդիդատին ընտրել տալու համար, բաց քվեարկություն է եղել..

— Հա՛, հա՛. հա՛, — քրքջաց Մելնիկովը:

Դեռ ծիծաղի վերջավորության ծայրը ծորում էր, որ գուռը բացվեց և կիսաբաց արանքիցը երևեցավ գավառապետի կրտսեր օգնականի գլուխը:

Այս մարդը մի հին ծառայող էր, հիսուն տարին լրացրած մեկն էր երևում. նա յուր կյանքի մեծ մասն անց էր կացրել գավառների դիվաններում. չգիտեմ ո՞րտեղ, մի-երկու տարի կարողացել է գրաճանաչ լինել և մտել է հին գավառական դիվանատներ որպես ստորին գրագիր, բավական տարիներ գրագրի ուճկով կատարել է յուր մեծավորների տան սպասավորի և ծախսարարի պաշտոնը, վերջին արտոնությունն առավելապես վախելի է ամուսնացած մովրդիների մոտ, յուր շողոքորթ ազվեսական ծամածոություններով, ստորաքարը շարժումներով, կանացի մանր պահանջները ճշտությամբ հասկանալու համար նա միշտ տիկնոջ ներքին հանձնարարությանց պաշտոնյան է եղել: Ետ գավառներում է նա պաշտոններ վարել և միշտ երկրորդական դերի մեջ. շատ գրապիրներ եկել, իրանից առաջ են անցել, բարձրացել են, ատենադպիր, օգնական են դարձել, յուր վերա իշխանավոր են կարգվել և ինքը միշտ՝ քթի տակին ծիծաղելով՝ հայտնել է յուր ուրախությունը նրանց բարձրանալու մասին:

Քանի անգամ նրան ծառայությունից արձակելու խնդիր է ծագել և

միշտ նա հնարքը գտել է տեղումը մնալ և շատ էլ ուրախ է, որ յուր երեսնամյա պաշտոնավարության մեջ կրտսեր օգնականից չի բարձրացել:

Ահա հենց այս մարդն էր, որի գլուխն երևեցավ և կրկին ետ քաշվեցավ. խոհեմությունը թույլ չէր տալիս նրան առանց յուր մեծի հրամանին ներս գալու:

— Ну, вот, вот! Թող Վասիլ Վասիլիչը վճռի՝ ուղի՞ղ եմ ասում, թե սուտ, — էլի շարունակեց յուր ծիծաղը Մելնիկովը՝ հետն էլ լսպասելով տանտիրոջ կոչմանը, ինքը ձայն տվեց, — милости просим!

Վասիլ Վասիլիչը զգույշ մեկն նման, ստորագրելուց բնավորոջ հատկությամբ և ժպիտով՝ դեռ մի աչքով յուր մեծավորին էր նայում:

— Մտե՛ք, — կիսաիշխանական եղանակով հրամայեց գավառապետը, և օգնականը ներս եկավ, անվաստահությունով մեծ աչքերով Մելնիկովին ու նստեց դրան մոտ՝ հեռվումը դրված աթոռի եզրին. նա նման էր փշի վերա նստողի:

Սկզբումը Վլադիմիր Նեստորիչին հեշտ շեղավ կարծիք դուրս կորզել Վասիլ Վասիլիչի լեզվից, ամեն մի խոսքի հետ դեռ նախ գլուխը դարձնում էր նա դեպի յուր մեծավորը, և երբ բոլորովին ապահովեցավ, որ յուր խոսքերը լպիտի գրգռեն յուր իշխանավորի գայությունը, սիրտ առավ, աթոռն հառաջ քաշեց և սկսեց Մելնիկովին արդարացնել:

Նա միանգամայն համաձայն էր Բալասան աղայի հետ, թե պաշտոնյան մի մեքենա է, յուր սեփական կամքը չպետք է ունենա, պետք է աշխատի յուրաքանչյուր ազդեցիկ մարդի կամքովն ընթանալ և այլն:

— Բայց ի՞նչ կասե հասարակաց կարծիքը, Վլադիմիր Նեստորի՛չ, — ասաց գավառապետը:

— Քանի՞ կուպեկի կանոնի հասարակաց դատաստանը. իմ բռննաց է, թող ով կուզի՝ հաչե, այնպես չէ՞, Վասիլ Վասիլիչ:

Օգնականը կմկմաց. նա հասկացավ յուր սխալը, յուր մեծավորը համաձայն չէր Մելնիկովի հետ, այժմ ի՞նչ պատասխան տա, որ երկուսի արանքից գուրս պրծնի:

— Да не боюсь, брат (եղբա՛յր, մի՛ վախիր) ասա՛ կարծիքդ, ես նեղացող չեմ, ես գիտեմ, որ դու վաղուց այդ թեորիային ես հետևում, — հրամայեց գավառապետը:

— Իմ կարծյո՞ք՝ Վլադիմիր Նեստորիչի դատողությունը ճշմարիտ է, — կիսավստահ, վիզը ծռած արտասանեց Վասիլ Վասիլիչը. — հիմի չկա հասարակաց կարծիք, ամեն գլխից մի միտք է դուրս գալիս, մարդ ո՞ր մեկին լսի. նա, որ հետևիցդ քեզ դատապարտում է, երեսիդ շողոքոր-

թում է և՛ քո խնկարկուն է դառնում. խելոքությունը Վլադիմիր Նեստորիչի ասածին համաձայն վարվելն է:

— Այո՛, ա՛ն կե՛ր, քանդի՛ր, օգուտդ ճանաչի՛ր, մեծիդ կամքը լավ հասկացի՛ր, թող ով ինչ կամենում է՝ խոսի, միայն քո գրպանդ լիքը լինի քո իշխանությունից պատիվներ ստանաս,— հաստատում էր Մելնիկովը:

— Մեզանից ամեն մեկը,— կրկնեց Վասիլիչը,— մի հասարակ գյուղացու որդի է, իհարկե, բացի ձեզանից, Գրիգոր Պետրովի՛չ,— սխալն ուղղեց նա.— իմ հայրս կապոցն ուսին գյուղերումը թափառում էր. Վլադիմիր Նեստորիչը մի գյուղացու որդի է. ամեն մեկս մի հնարքով դուրս ենք եկել մեր նախկին դրությունից. բայց ի՛նչ կդառնայինք, եթե մեր քսակը մոռանայինք և մեր իշխանությանը հակառակ գնայինք:

— Զուր ես կեղծավորում ինձ, Վասիլ Վասիլի՛չ,— ասաց նաչալնիկը.— ես ինքս էլ մի իշխանական ցեղից չեմ, բայց իհարկե, երկուսիցդ էլ առավել պատվելի տանից եմ և համալսարանական կրթությամբ: Խոստովանում եմ՝ համալսարանի գաղափարները հետզհետե օրը ցնդեցին, շրջանն յուր ուժեղ թաթն իմ վրա էլ դրեց, ականջներս խլացրել եմ բարձր ձգտումների և ներքին ձանձի դեմ, ինքս էլ հավասարապես դատապարտելի եմ, բայց չես կարող ուրանալ հասարակաց՝ դատաստանի ահավորությունը:

— Կարելի՞ է,— դուռն երեք անգամ բախելով՝ դրսից գոչեց մի ձայն:

— Դե հիմա խոսի՛ր, Վլադիմիր Նեստորի՛չ,— գլխով դուռը ցույց տվեց գավառապետը և առաջ գնաց և դուռն յուր ձեռքով բաց արավ:

Ներս եկավ մի մաքուր հագնված երիտասարդ, քաղաքավարություն մրողունեց ամենքին և ասաց.

— Զխանգարեցի՛:

— Ընդհակառակն, շատ ուրախ եմ, հրամայեցե՛ք նստել,— աթոռ ցույց տվեց գավառապետը:

Օգնականն, օգուտ քաղելով հարմար դեպքից, գլխարկն առավ և շտապ գլուխ տալով՝ առանց նկատվելու դուրս ծլկվեց:

— Ինչպե՛ս եք, պարո՛ն Սմբատ,— քաղաքավարի հարցրեց Բալասան աղան:

— Շնորհակալ եմ, պարոն Մելնիկյանց:

— Ի՛նչ եք անում, ընչո՞վ եք պարապած:

— Այժմ ես, պարոն Մելնիկյանց, մեր ժողովրդի ներքին կյանքն եմ ուսումնասիրում, անմխիթար է, վերին աստիճանի տգիտություն, աղքատություն...

— Այո՛, պարոն Սմբատ, այո՛, ինչ պետք է լինի մեր ստորին դասկարգի վիճակը. ամեն կողմից ճնշումն, հարստահարություն, վաշ-

խառունների ճիրանների մեջ սեղմված, տնտեսական դրությունն անապահով, ներքին և արտաքին ցեցերից կերված, կեղեքված, տգիտության մեջ թաղված, նայողի աչքիցն արյուն է կաթում: Հինգ բույս հառաջ պարոն գավառապետի հետ այդ ցավերի մասին էինք խորհրդակցում, մոլորվել, մնացել ենք. այնպես չէ՞, պարոն Գրիգոր:

— Ը՛մ... մ... մ...— արավ նաշալնիկն և ուսերը անխոս վեր քաշեց: Այդ նշանակում էր չգիտեմ՝ ի՛նչ ասեմ աներես ստախտության համար:

— Հա՛, շա՛տ ցավալի է, շա՛տ, պարո՛ն Սմբատ. մի քանի օր առաջ մեր գյուղն էի գնացել.— շարունակեց Մելնիկովը.— տարին մի-երկու անգամ սովորություն ունիմ գնալու. գնում եմ, ժողովում եմ հասարակությունը, յուրյանց պակասությունները հասկացնում, միջոցներ եմ առաջարկում նոցա վիճակի բարելավության համար, իմ կողմից հանձն եմ առնում ըստ կարյացս նյութապես օգնելու, ազգասեր և հասկացող մարդկանցից օգնություն խնդրելու և այլն, և այլն: Դե, հարկավոր է, գիտեցողը չգիտեցողին պարտական է. հայրենասիրությունը մարդուս առաջին պարտականությունն է, ազգասեր մարդն ազգի շահերի համար յուր կյանքը պետք է զոհի, տգետ ընկած եղբոր համար յուր կարողությունը չպիտի խնայի: Այս անգամ էլ գնացել էի հոգալու, որ մի տարրական դպրոց բանաք մեր գյուղումը. իմ կողմից, որքան ձեռքիցս կգար, հանձն առա նպաստել, շնորհակալ եմ պարոն գավառապետից, սա ևս յուր աջակցությունը չխնայեց. այն օրը տանուտերի ընտրություն ուներ, ինքն յուր գործը թողած՝ ինձ հետ միասին խրախուսում և հորդորում էր. գործի հաջողության համար էլ մի արժանավոր մարդի տանուտեր ընտրեց, որը բավական հասկացող և ուսման նշանակությունը ճանաչող անձն է: Ես այսօր եկել եմ իմ շնորհակալությունս մատուցանել պարոն գավառապետին ըստ որում երեկ նոր տանուտերն ինձ մոտ էր, ավետեց, որ ինքը ժողովրդի մեծամասնության համաձայնությունն արդեն ստացել է: Ես էլ ձեռքը սեղմեցի, մոտս ճաշի պահեցի և խոստացա յուր արածները լրագրում հրատարակել տալ. շատ ուրախացավ խեղճը, պատվական տղա է:

— Լսել եմ ձեր այդ հասկացող գյուղացու մասին, Գովաղիչյանց ծաղրալի ազգանուն ունի. ասում են՝ բավականին զարգացած մարդ է, ցանկանում էի հետը տեսնվել:

— Ո՛ր, ձեր ասածը չկամեցավ տանուտեր լինիլ, նա օտարության մեջ է. այս նոր տանուտերը նորա կանդիդատն էր, փոքր է շատե կարողալ-գրել էլ գիտե, շարունակ կարդում է իմ ուղարկած լրագիրները, ուրիշներին էլ տալիս է կարդալու. ես այժմ իմ շնչին ծառայությունս

կարող եմ պարծենալ, որ մեր Օ. գյուղը գավառի բոլոր գյուղերից հա-
ռաչադեմ է. ձեզ էլ կխնդրեի մի անգամ իմ՝ այնտեղ եղած ժամանակը
չնորճ բերել. շատ կհավանեիք և կուրախանայիք. այնպես չէ՞, պարոն
գավառապետ:

— Ը՛մ... մ... մ... այսի՛նքն... ք՛մ... մ... մ... ո՛հ, ճա՛!

— Կարծեմ, պարոն Սմբատ, դուք ես իմ և պարոն գավառապետի
հետ համաձայն եք, որ հարկավոր է շարունակ մտրակել ազգի ցեցե-
րին, աստիճանամուլ և հացկատակ պաշտոնյաներին, ժողովրդի արյու-
նարբու վաշխառուներին, դավաճաններին, մատնիչներին և այն բոլորին,
որոնք անձնական շահի համար խեղդում են ժողովրդի մեջ ամենատե-
սակ բարի ձգտումը:

— Ի՞նչ կարծիք:

— Միևնույն մտքի ենք ես և մեր Գրիգորը՝ պարոն գավառապետը, —
խոսակցությունը հասարակաց դատաստանի մասին էր. մենք երկուքս
նշանակություն էինք տալիս հասարակաց դատաստանին, բայց պարոն
օգնականը... (վերջին խոսքի հետ Բալասան աղեն դարձավ դեպի Վասիլ
Վասիլիչի նստած աթոռը և զարմացական դեմք ցույց տալով՝ հարցրեց
գավառապետին) այս ե՞րբ գնաց, որ մենք չտեսանք:

— Նա գնաց, շտապում էր, — գուլթը շարժեց գավառապետը:

— Ինչևիցե, — շարունակեց Մելնիկովը, — պարոն օգնականը մեր
հակառակն էր պնդում. նա ասում էր, որ ծառայողը մեքենա է յուր
իշխանավորի նպատակներին, ասում էր, որ յուր օգտի համար մեղք չէ
մարդու հափշտակել, գողանալ, մատնություններ անել, ժողովրդի ար-
ժարդու հափշտակել, որ հասարակաց դատաստանը հիմար բան է,
յունը ծծել, ասում էր, որ հասարակաց դատաստանը հիմար բան է,
հիմարների և իմաստականների ստեղծածն է, և եթե ողորմելի ու ծիծաղելի
են այն մարդիկը, որ ազնվություն, սրբություն, պատիվ բանի տեղ
են կոչում և յուրյանց քսակին կվնասեն, պնդում էր, որ բարձրանալու հա-
մար ոտնատակ տալու է ամենայն նվիրականություն, թե հազարավոր
մարդիկ սպանել և վրայովն անց կենալ խղճի ընդդեմ չէ և կարևոր է,
եթե մյուս կողմում քո նպատակիդ իրագործումն է:

— Հրեշի՛ խոսքեր, — բացականչեց Սմբատը:

— Մեղադրելի չէ, խեղճը տգետ, փտած, դիվանատների ստորին
խավերի պտուղ է. ստորաքարշությունից ավելի ի՞նչ եք պահանջում:
Այդպիսիների կարծիքն ինձ համար հավասար է զրոյի: Ուրիշ բան էր,
եթե պարոն գավառապետի նման զարգացած մարդիկ ասեին. թքանք
էր, եթե բերանից դուրս գար. ձեր մասին՝ բերանս էլ չի զորիլ խոսելու.
դուք միանգամայն թարմ ուժ եք, գնացել եք, մտավոր զարգացումն
ստացել և եկել. պաշտոն, կոչումն, հաց, ամենայն ինչ մոռացել եք և

հոգվով, մտքով ու մարմնով նվիրվել ազգային վերաշինության սուրբ
գաղափարին: Գլխով մատաղ կլինիմ ձեզ պեսներին:

— Ամենքիս պարտքն է:

— Չե՞ք հավատում, հոգիս փառավորում է, երբ մեր նոր երիտա-
սարդության ձգտումները դիտում եմ. ձեզ քաջ հայտնի է իմ պաշտոնս,
որ պահանջում է ճշտակատարություն: Բայց անիծվիմ ես իմ ազգովս,
Վասակ կոչվիմ, եթե ես իմ ազգի զավակներին խեթ նայեմ. կարծիքներս
լինում են միշտ նպաստավոր:

— Աննպաստ ոչինչ էլ չկա. այսօր ամեն մի բանագետ մարդու
պարտքն է յուր գիտեցածը տգետ եղբորը հաղորդել. նույն ուղղությամբ
կրթում է ամեն մի լուսավոր վարչություն յուր նոր սերնդին. ի՞նչ կար-
ծիք, ուրեմն, որ նա ուրախ կլինի, երբ յուր տված դաստիարակությունն
արդյունաբեր է լինում:

— Իրավ եք ասում, սիրելի պարոն Սմբատ, բայց իմ փոխարեն
ուրիշը կարող էր զանազան հայեցակետերից նայել ամենքի բռնած
գործին և ըստ այնմ յուր անելիքը կարգադրել. այսօր դիցուք, պարզ
ուսումնասիրական նպատակով դուք ժողովրդի կյանքն եք հետախու-
զում. մի՞թե գժվար էր ինձ ծուռը մեկնություններ տալ այդ ամենին:

— Հրեշների մեծն այդպես անպիտանները կլինին:

— Մի՛ զարմանաք, կլինին և կան, բայց ես նրանցից չեմ. ինձ հա-
մար հասարակաց դատաստանը սուրբ է, պարոն գավառապետը կարող
է վկայել: Սակայն այդ թողնեք, պարոն Սմբատ, ամեն մարդի գործ
յուր համար կվկայի, չկա ծածուկ, որ չհայտնվի. դուք այս ասացե՛ք, չէ՞ր
կարելի ձեր կողմից մի բանով մասնակցեիք մեր ձեռնարկությանը. վատ
չէր լինիլ, եթե լրագրության մեջ մի քանի տող գրվեր, ժողովուրդը
կբաջալերվեր, և իմ շնչին ծառայություններս կարող էին ուրիշների բա-
րի նախանձը շարժել:

— Ամենայն ուրախությամբ, պարոն Մելնիկյանց, ես շարունակ
գրում եմ պարբերական թերթերում, այդ ես անսպառճառ կհաղորդեմ:
Սակայն ներեցե՛ք, ես ուշանում եմ, մեկին ժամադիր եմ: Ծս եկել էի պա-
րոն գավառապետից մեր գավառի հայ ժողովրդի վիճակագրական տե-
ղեկությունը խնդրելու, բայց մյուս անգամ կգամ. այժմ ցտեսություն:

Այս խոսքերով երիտասարդ Սմբատը հրաժարական տվեց յուր խո-
սակցներին:

— Ա՛մմ... մա՛... լեզու, Վլադիմիր Նեստորի՛չ, — բացականչեց գա-
վառապետը:

— Այդպես տխմարներին ուրիշ տեսակ չի կարելի, Գրիգոր Պետրո-

վի՛շ. հասարակաց դատաստանը դորա նման հիմարների ստեղծածն է, դրանց զենքն է, պետք է դրանց փշրել յուրյանց զենքով:

— Սխալվում ես, սիրելի՛ս, ճշմարտությունը չի մեռնիլ. դուք ասացիք, որ ամեն գաղտնիք հայտնի կլինի:

— Իհարկե, եթե հիմարի պես կքնենք ու այդպեսներին լայն ասպարեզ կտանք: Մի հարցնող լինի, թե ո՞վ ես, ինքն երեկվա մածնի աման լպստողն է, հայրը դիվանատանը գրագրություն անելով մի քանի կոպեկ հավաքեց, — աշխարհքի կույր ժամանակն էր, — լավ-լավ կալվածքներ ետ ձգեց, որ այս տգետն անխնա փշացնի. բարեգործություններ է անում, ընկերներին է ուղարկում, գյուղումն է վասնում, հենց կարծում է, թե շարունակ անսպառ աղբրի նման կբխի. արդեն շատ չի քաշիլ, մեկ այգին իմ ճանկը կընկնի, յուր խնամատարի հետ ծրագիրը կազմել ենք վաղը մյուս օրը փողի կարիք պետք է ունենա և ինձ դիմիլ նեղքից պակաս, դեռ մեծ-մեծ է փրթփրթում, դեռ նոր է եկել, թող լիառատ ցրվի. հետո ուշքի կգա, այդպես մնալ չի. շատերին ենք տեսել բարձր իդեա, վսեմ գաղափար, ազգային զգացմունք, ազնվություն, ճշմարտություն և այդպիսի անհամար բառեր թուփակի պես կրկնելուս, անգիր արած փշելուս. բայց ո՞ր են. եկել են, խառնվել մեր մեջ, կյանքի հոսանքին ենթարկվել և մեզանից ավելի նյութապաշտ ու շնական դարձել: Այդպիսիներից մեկն էր իմ խելոք փոքր եղբայրս՝ Արտեմը. չգիտեմ՝ լսմ՛լ եք, որ նա սկզբումը Պետրոս էր, յուր ծննդականումն էլ գրված էր Պետրոս Մեսրոպով. այդ անունովն էլ գիմնադրումն էր շարունակում: Գնում է այնտեղ, ինչպե՛ս է լինում, ո՞վ է խելքին փշում, աշխատում է անունը փոխել Արշավիր Մեսրովբյանց: Ես, իհարկե, նեղացա, երբ ստացա յուր նամակը, բայց հիմա՞ր էի որ խոսեմ կամ դեմք ցույց տամ. դեռ հավանություն տվի և խրախուսեցիլ: Վերջը, երբ եկավ այստեղ, ծառայություն մտցրինք, մի տարուց, տեսնեմ, տրտնջում է յուր արած հիմարության վրա, թե շատ անհաճո և դժվարալուր է ականջի համար Աշավիր Մեսրովբյանց Մեսրովբյանց կոչումը, և կամենում է կրկին փոխել: Նստել ենք, մի քանի օր մտածել և հազիվ կարողացել ենք Արշավիրը փոխել Արտեմ նեստորիչ Մելնիկով:

— Հապա էլ ինչի՞ էր սկզբումը հիմարանում, որ վերջն այդպես պետք է աներ, — հարցրեց գավառապետը:

— Գեռ այդ ոչինչ, ծիծաղելիս պսակվելուց հետո մարդ ու կնոջ գործերն էին. նշանվելու օրից մտել էր հարսնացվի տամարը, որ Իսկուհի անունը փոխել տա Վասիլիսա և նորա հոր՝ Արշակի անունն էլ շինել տա Ալեքսեյ: Քանի նշանած էին, աղաչանքներով էր ուզում համոզել, բայց պոսակվելուց հետո բանը մեծացավ, փոքր մնաց՝ ահագին անբավա-

կանություն էր դուրս գալիս: Ոչինչ բանով հարսս թույլ չտվեց յուր անվան փոփոխությունը. Իսկուհի մկրտվել եմ; ասում էր, Իսկուհի էլ գերեզման եմ մտնելու: Վերջը մի տեսակ ընտանեկան խորհրդով այդ կրակը հանգստացրել ենք, վճռել ենք, որ ամենքին էլ վարժեցնենք հարսիս տիկին կոչել. և, ինչպես տեսնում ես, հարսս յուր կարգի կանանց մեջ միակ բացառությունն է, որ տիկին բառով է վերակոչվում:

— Ես այդ չգիտեի. ինչպես երևում է՝ եղբայրդ սկզբումը շատ եռանդոտ է եղել:

— Ի՞նչ եռանդ, Գրիգոր Պետրովի՛շ, ինչպես ասում են, գլուխը հոպոպներով լիքն էր. օհ, боже мой (ասոված իմ), ի՛նչ նամակներ էր գրում, ի՛նչ փոթորիկներ էր բարձրացնում, ի՛նչ ցնորամիտ առաջարկություններ էր անում ինձ այնտեղից, смешно (ծիծաղելի է), ասում եմ՝ настоящий фанфарон (կատարյալ թեթևալիկ), то есть (այսինքն) օրական հինգ նամակ էր գրում:

— Թե ի՞նչ, որպես թե...

— Գլխիս գայլի ավետարաններ էր կարդում, — շարունակեց Մելնիկովը, — թե լսում եմ, որ ինձ համար ուղարկած 150 մանեթը դու ժողովել ես մի չքավոր ուսանողի անունով, մի հայտարանակ քաղաքում, այն էլ կրկնապատիկն է եղել, կեսը քեզ համար ես վերցրել, մյուս կեսն ինձ ես ուղարկել և գրել ես, թե մի մասը քո արդար վաստակից և մյուս մասը մեր հայրենական կալվածքի եկամտից ես ստացել, թե ինձ տեղեկություններ են հասնում, թե դու վատ ճանապարհի վերա ես կանգնած, կաշառակեր ես, ճնշող, հարստահարող ես, մատնիչ ես, անարժաններից կաշառք առնելով՝ ժողովրդի վերա մոլորեցուցիչներ ես կարգում արժանավոր ղեկավարների փոխարեն, թե վատ և անբարեբարո անձանց շրջանումն ես, ուղղվի՛ր, ասում է, մեր տան անվանը թքանք մի լինիր, և հազար ու մի սրանց նման կույր պատավի քարոզներ:

Ես իհարկե քթիս տակին ծպտում էի միայն:

Մեկ էլ դա ինձանից փող է խնդրում և ճանապարհ ընկնում, գալիս է. և ի՛նչ. լսում եմ, որ ամեն տեղ ծանոթի և օտարի մոտ իմ ստվերի դեմ է կոճում, հայհոյում:

— Գետինը մտնի Բալասանը, փշվի Բալասանը, ես կզնամ, եթե իմ խորհուրդս չլսի և յուր շարություններից ետ չկենա, ազնիվ մարդ չդառնա, ես նրան բարև չեմ տալ: Որ քաղաքը մտել է՝ գլուխս փշելով իմ օձիքից է ձավար ժողովել (բամբասել):

— Հա՛, այդ շեմ լսել. Վլադիմիր Նեստորի՛շ, — զարմացական նշաններ արավ գավառապետը:

— Ականջ դի՛ր, Պետրովի՛շ, գա այդ քամիներովն է գլուխս. ես այս-

տեղ դորա համար չուր ասած անբարեբարոճերի շրջանում յուր նախկին պաշտոնն եմ ստեղծում: Քեզ քաջ հայտնի է, որ նորա պաշտոնը առաջին անգամը մեր պարոնի մտնելով բացվեցավ այն դիվանատանը. ճիշտ է, ծրագիրը կար, բայց բացվելը ես փութացնել տվի բարեկամների հոտն, զալից աշխատությամբ:

Յկավ, իջավ, առաջին եղբայրական համբուլի հետ առաջին խոսքն եղավ ինձ կշտամբելը.— ես քեզանից վշտացած եմ, մեր ազգի անանը խայտառակել էս:

— Քշնամու խոսքեր են,— ասում եմ,— ահա եկել ես, բարի աչքովդ տե՛ս և ստուգի՛ր, հետո պատրաստ եմ խոսքդ լսելու:

— Հետաքրքիր է, Վլադիմիր Նեստորի՛չ, խնդրեմ պատմե՛ք:

— Այո՛, դեռ հազուստը չփոխած՝ ես սկսեցի հիմեկվա հիմարի ծախած խոսքերս նորան էլ շուսյլել,— բարձր ձգտումներ, ազնվություն, ժողովուրդ, ուսում, ստորին խավեր՝ սովորական ռճերով ու նախադասութուններով դորա քաղցած ուղեղը լցրի:

Այդ հիմարը ձեռաց խոսքերս հալած յուղի տեղ ընդունեց, վեր թռավ, նորից գրկեց ինձ ու սկսեց գատապարտել իմ մասին սուտ-սուտ լուրեր տարածողներին՝ իրեն վրդովողներին: Մյուս օրն առանց երկար մտածելու գրեց այնտեղ յուր ընկերներին, որ իբր թե, ինձ վերա ապավեններ բուրդը շարախզունների մտացածին զրպարտանքներ են:

— Попался несчастный (քակարգն է ընկել թշվառ):— Попался և այն ի՛նչպես: Դա, իհարկե, փող չունեք. սկզբներումը թույլ ևս չի տալիս խնդրելու: Ամեն առավոտ քնած ժամանակն մտնում էի սենյակն և իմ ձեռքով կարմիր տասանոց թղթադրամը քսակը դնում: Առաջին անգամը միայն գարմացավ, թե հրաշքով յուր քսակումը փող է երևացել: Միամտացրի, որ ես եմ գրել՝ ձեռքին մսխելու և ծխախոտի համար:— Օ՛հ, ասաց, մարդկային հրեշավոր ազիտություն մեծն այդ անսխիտան բույսը գործածելն է. ես ոչ ծխում եմ և ոչ ծխողներին սիրում:

— Հիմա բերանիցը չի ձգում այդ ցանցառը՞:

— Համբերի՛ր: Մի օր տոտմս ցավում է, ասաց, ծխախոտը ձեռքովս վառեցի և առաջարկեցի ծխել, ծուխն ասամի տակին պահել: Թե մեծ դժվարությամբ, բայց համաձայնեց: Իմ բախտից ծուխը գորավոր ազդեցություն գործեց: Այդ իմ պարզամիտս սկսավ օվսանների կարող ճրաշագործ ծխախոտի մասին: Ես, իհարկե, այդքանն էի ցանկանում. նոր վարժվող ձիւ մտրուկի նման սկսեցի փոքր առ փոքր վարժեցնել. ձրի ծխախոտ բարձր տեսակից, քսակումն անվաստակ փող մեկի փոխարեն հինգն էր ծծում և փքուն-փքուն բառեր ցրվով տալով քամիներ անում:

— Պետք է տեսնելք, Գրիգոր Պետրովի՛չ, ի՛նչ ուսուսուցումներ էր անում, երբ պաշտոնի անուն էի տալիս.— ի՛նչպես, ինքը պետք է մտնի նեխած մթնոլորտի մեջ, սևահոգիների շրջանը: Լսել չէր ուզում, ականց-ձեքը փակում էր, անկյունից անկյուն էր փախչում. մանավանդ կատաղում էր, երբ յուր ծառայակիցների անունն էր լսում:

— Անմե՛ղ երեխա:

— Կա՛ց, ասում եմ մտքումս: Սկսում եմ դրա օրաթոշակը պակասեցնել, տասանոցի փոխարեն հընգանոց, հետզհետե երեքանոց, միանոց, և մի օր էլ՝ բան չկա: Մոռացա ասել, որ այդ ցանցառն յուր հաշիվները չէր հասկանում, և ի՛նչ հարկ կար, քանի որ չուր ասածով և իմ հաստատածով փողը ձեռքի աղտոտություն է, շարժեր ուշադրություն անել. անմիտը տեսնում էր, որ տասանոցի մանրորդը քսակումը չէ, և չէր էլ հետաքրքրվում, թե ո՛ր է:

— Ի՛նչպես թե քսակումը չէ,— հարցրեց գավառապետը:

— Ո՛րտեղից կլինեք, միշտ ես հանում էի. երեկոյան անկողնն մտնելուս քսակն անհոգ շպրտում էր սեղանի վերա. ես քնկուց հետո ներս էի գնում, դատարկում և մի կարմիր տասանոց փոխարենը գետեղում, գուրս գալիս: Եղբա՛յր, այդ խելքի պտուղը ոչ մի օր չհետաքրքրվեց, թե չուր փողերն ո՛ր էն:

Մի օր էլ, ինչպես ասացի, ո՛չ ձխախոտ կա և ո՛չ փող: Ձայն է տալիս ծառային և բարկանում.— ինչո՞ւ այստեղ ծխախոտ չկա:

— Արովհետև մեծ ազալի մաս փող չկա, որ գնեց,— ասում է նախապատրաստված ծառան և ավելացնում է.— այսօր իմ ձեռք հարեանից մի մանեթ խնդրեց:

— Ի՛նչպես, — աչքերը շեկով զարմացմամբ հարցնում է ծառային,— դու ասում ես, որ եղբայրս փող չունի՞:

— Ո՛րտեղից պետք է ունենա խեղճ մեծ ազան, խաղինա (դրամ) հո չէ՞ կարում,— կրկնում է սատանա ծառան.— քանի դուք եկել եք, օրըստօրե պարտքի տակ է ընկնում, արանից, նրանից վերցնում, ձեզ էք տալիս և հիմա ամենքը մերժում են:

— Ուրե՛մն, ես մեծ ծանրություն եմ եղել քեզ համար,— ասում է ինձ այդ օրվան մեր սովորակունից ազգատիկ ճաշի վերա:

— Հնգհարկառուին, պատասխանում եմ, քա եկած օրից ուրախությանս սահման չկա, թշնամյացս լեզունիքը պապանձվել են, ինքդ աշ ձայն հարց ու փորձ ես անում և ստուգում, որ հակառակորդների մեքե՛ նաներ էլին իմ գեմ յուրյանց տարածած լուրերը:

— Այդ թե՛զ, եղբա՛յր, վշտացած ընդհատում է ինձ. ես բոլոր եմ, որ դու պարտքի ես անում իմ հաճույքներիս համար:

— Զարժե, ասում եմ, դորա վերա խոսել: Քեպետ քանի մի օր է՝ անպիտանները զլանում են ինձ պարտք տալ և այն, անկասկած, շարակամներին դողմամբ, բայց ես առաջիկա ծննդյան տոներին իմ պաշտոնատեղից հարյուր մանեթ պարգև պիտի ստանամ, ամենքին կվճարեմ և քեզ համար էլ փոքր ինչ ծախսելու փող կխնայեմ. դժվարն երկու շաբաթի չափ է. համբերի՛ր, մի տեսակ կառավարվի՛ր՝ հետո:

— Ասում ես կառավարվի՛ր,— ներս է գալիս պարոն եղբայրս մյուս օրն ինձ մոտ.— ի՞նչ անեմ, ծխախոտ չունեմ, թերատ թափածներս երեկոյան ժողովցի, կառավարվեցի, իսկ այսօր գժվածի պես ծխել եմ ցանկանում և չունեմ:

Համբերենք, ասում եմ, ես ևս չունեմ. անպիտան վաճառողն էլ մի քանի մանեթ պարտականութանս պատճառով ապառիկ տալը մի ժուռ է:

— Եվ մի՞թե որևիցե գործ չեմ կարող ես կատարել,— հարցնում է ինձ հուսահատութան գազաթնակետումը,— մի ծխախոտի գի՞ն ևս չեմ կարող վաստակել:

— Մի տեղ միայն կա պաշտոնի մտնելու, ասում եմ, բայց փտած մթնոլորտի մեջ չէի ցանկանալ քո մաքուր և լուսավոր միտքդ պղտորել:

Հետո առաջարկում եմ խելքի բուն սիրելույս յուր համար նախապատրաստած տեղը, ուր եթե խոսք կտա շտոգորվիլ շրջապատողների փշացած բնավորութուններով, ապա ինքը վաղվանից կարող է շարունակել:

— Երեխա՞ եմ, ինչ է,— վիրավորված պատասխանեց եղբայրս,— փորձանաց բովի մեջ է գտվում ոսկին ուրիշ խառնուրդներից:— Եվ, որ գլխավորն է,— շարունակում է նա,— ես հույս ունիմ անձնական ազնվութունով օրինակ հանդիսանալ այդ սեւամաղձ և սեւհոգիներին՝ դառնալու դեպի յուրյանց կորցրած ճշմարտութան ճանապարհը:

— Եվ, որ գլխավորն է,— կրկնում եմ յուր խոսքերը,— ես առավելապես ցանկանում եմ քո այնտեղ մտնելը, որպեսզի և այնտեղի մասին փարատես քո թյուր կարծիքներդ. ինչպես արի՛ր իմ վերաբերությանը, իսկ մեր մեծը, ի՞ պատիվ իմ, քո հրեք ամսականդ այս գլխից է խոստանում վճարել՝ իբրև նոր մարդի:

— Մտնե՛լ, անպատճա՛ռ մտնել,— շեշտեց եղբայրս,— ճիշտ է, ես աննպաստ գաղափարներ եմ կազմել ձեր պաշտոնակիցների և մանավանդ ձեր գլխավորի դեմ, խոշոր-խոշոր հանցանքներ եմ լսել, բայց այսօրվանից սկսում եմ համոզվել իմ ակամա սխալանացս վերա:

— Այո՛, այո՛, հաստատում եմ ես և մյուս օրը ոտնամուտը շնորհավորում 225 կտրիկ մանեթներով՝ իբրև թե մեր գանձապետից ստացած և ի հաշիվ յուր ստորագրած:

— Մնացյալն ավելորդ է,— ընդհատեց Վլադիմիր Նեստորիչի երկար ու ձիգ պատմությունը գավառապետը,— այնուհետև ես քո եղբորդ քեզանից լավ եմ ուսումնասիրել, թե նա ի՞նչ պտուղ է. այժմ նա անպիտանութունով քեզանից ամեն բանում երկու աստիճան առաջ է գնացել. դու ողորմութուն ես. վաղն աստված հեռու տանի, քո թշնամին չընկնի նրա որոգայթների մեջ:

— Ընդհատեց նման է այժմյան գնացող մեր ցանցառ Սմբատը. միամիտ ողորմելի. դեռ քամիք են գլխումը բզզում, վզզում. դեռ նոր է շնորհ բերել, դեռ հայրենական դառը վաստակը ջուրը գցելու օրերն են: Թող անի, թող ժողովուրդ ուսումնասիրե. դեռ սպասենք մի քանի ժամանակ. եթե դա էլ չմտավ փորձանաց բովի մեջ՝ իմ եղբոր նման ոսկի դուրս գալու, այն ժամանակը մենք կմաքրենք մեր աշխարհքն այդպիսի ցավերից. կամ այնպես կանենք, որ ինքը կխրտնի, պուշը տնկած մին կփախչի, կամ կվազի մեղավորի նման, որ չէր կամենում դժոխք մտնել, գլխին վեր հատելով կզլորենք անդունդ և կամ կկակղի, կուտի, և, ինչպես առածն ասում է, եկել է մեր մեշեն (անտառ), կսովորի մեր փեշեն (արհեստ):

— Ը՛հ, օ՛Ֆ,— փնչացրեց Մելնիկովը,— այդպեսների ոխերիմն եմ. դրանք մեր անունը մեղցնողն են. դրանցից մեկն էլ մեր գյուղումը կա. թող ես դավաճան անուն տանեմ, միայն թե այդ երկաթի ձվաներ ածող նոր-նոր հավերի արմատը կտրեմ:

— Ո՛ւմ մասին է խոսքդ,— հարցրեց գավառապետը,— մի Գոմ-շակերյան ունեխիք, գլուխը խաշեցիր:

— Նրանից ավելի վտանգավոր Սիսակն է, Գրիգոր Պետրովի՛չ. եթե մեռնի, նա էլ Արտոյի հացը կուտի:

Վլադիմիր Նեստորիչի շարունակությանը վերջ տվեց գավառապետի ամուսինը, որ տուն եկավ, ողջունեց և նորա թևը մտնելով ասաց.

— Հերիք է, շատ խոսելով կատիկը շորացավ. ձեր ձայնը չէր թողնում իմ գառնուկին օրորոցումը հանդուսանալ. հիմա գնանք, մի կթղաօղիով թաց անենք կոկորդդ:

ԺԸ

ՏԱՆՈՒՏԵՐ ԽՈՒԳՈՆ

Տանուտեր Խուդոն երկու-երեք շաբաթ է՝ պաշտոնի մեջ է յուր ընկեր սուգիանների հետ. նա ամենքին ծակն է կոխել. բարակ կարմիր քրիտի փայտի ճիպոտը ձեռքն է առել, տանուտերական մեղալը պա-
29-9. Գոռյան. Երկեր

րանոցից կախել, շղթան երևցնում է, իսկ մեղալը դեղնագույն ուղտի բրդից շուխաշի վերնածոցումը թաքցրած՝ գյուղի էլ գլխիցը մտնում, մյուս ծայրիցը դուրս է գալիս:

Խուղոյի առաջին գործն եղավ դատարանը կարգի բերել: Գեղավարական օրինագրքի կանոնների համաձայն, տանուտերը դատարանի վճիռների կատար ածողն է միայն, իսկ նա յուր քամակին կանգնած հովանավորողի ուժով ամենից առաջ յուր բռան մեջ ժողովեց դատավորներին:

Խուղոն բազմած է մի հողահատակ շինություն մեջ սեղանի ճակատին. նորա աչ կողմից շատ մոտ նստած է գրագիր վանեցին. սեղանի աջ և ձախ երկայնությունը դատավորներն են երկայն իշտանուկ ասած նստարանի վերա կկգած. սեղանի վերա անկարգ, անկանոն սփռված են մի քանի թղթեր, երկու մատյան և կիսաբաց գյուղական օրինատետրը: Մինչև այսօր՝ դատարան նստում էին գործից ազատ օրերը. իսկ հիմա տանուտեր Խուղոյի նոր տնօրինությամբ շաբաթն երեք անգամ դատարան կա և միշտ բողոքավորներն անպակաս են:

Այս դատարանն է, որ լիքն է գյուղացիներով:

— Ով գանգատ ունի, առաջ գա,— ձայն է տալիս գրագիրը. և ահա մոտենում է մեկն յուր արտունջը հայտնում:

— Դու մեղավոր ես, կամ գուցե քարն է տվել քո հակառակորդը,— գոռում է Խուղոն և խելքի կտրած վճիռը դնում ու հրամայում գյուղական գրագիրն գրել և առաջարկել գատավորներին ստորագրելու:

Դատավորներն անխոս և հլու հպատակ են Խուղոյին: Սկզբներումը գրագիրը ծածուկ, աշկարա մի քանի անգամ օրենքի տառը հիշեցնելով Խուղոյին, հասկացրեց յուր ապօրինի վճիռները, բայց նա շան սոճ շղթեց յուր Մենտորին:

— Շատ մի՛ դուրս տալ,— ասում է տանուտերը,— առաջնորդը ես եմ, բակլեն խաշած եմ ցանում. ես քեզ հրամայում եմ պիսքուրթյունդ անես, ինձ խելք շտվորեցնես, թե չէ պոշո կխուզեմ, լակոտներդ կատվի պես ուխո տված՝ բորիկ ոտով մինչև վան մին կփախցնեմ:

Վանեցին ծոծրակը քորեց ու ձայնը փորը քցեց:

— Ձեր ոտքը մեր գլխին առավել կհասկանա, արդարություն ձեր բերանով կհաղթանակե,— շողորթեց նա և տալ արեց:

Խուղոն միայն դատարանումը չէ վճիռ կտրում. ո՛ր փողոցումը կուզես, ի՛նչ քունջ ու պուճախում ասես, նա է բուսնում. էնքան լինի, որ լսեց, թե մի տան մեջ երկու եղբայր իրար սառ խոսքեր են ասում, մարդ ու կին մի ընտանեկան խնդրում անհամաձայն են գտնվում, մեկի անատունը հարեանի բակն է մտել, մեր շունը ձեր կանյրը հաշացել է՝ վեր-

ջացավ. հանկարծ կամ փայտը հեռվից վրեղ թափ տալով ինքն է անձամբ հարձակվում կատաղի գայլի աշքերով, կամ թե գլխին ու յասավույն երկուսը միասին եկան, առանց այլևայլության քեզ քարշ տվին տանուտերի դիմաց, և այն ժամանակը վա՛յ քո օրին. խոհեմությունը պահանջում է լռել, ապա թե ոչ, կակուղ թրխին թիկունքիդ շամփրի նման երկար շերտեր կթողու:

Սակավ մարդիկ մնացին գյուղումը, որոնց փողը չմտավ կարճ միջոցում Խուղոյի գրպանը. արդար ես, թե մեղավոր, միեևույն է, դու էլ, քո հակառակորդն էլ պարտական եք տալ. հերթը քոնն է, թե ուրիշինը, քո գործը չէ քննելը. դու լոկի-մնջիկ մի մարդի օրավարձ տո՛ւր, կամ գնա՛ արքունի կոռ ու բեգլառը քաշելու. կարևորություն և պահանջ կա, կամ ոչ՝ քո հարցնելիքը չէ՛. տանուտերը հրամայում է ձիդ հեծնել, սայլդ լծել, կամ հետևակ գնալ մի տեղից մյուս տեղը դինվորական պաշար տեղափոխելու, թուղթ տանելու, մեծավորի ուղեկցելու և այլն:

Ի՛նչ անելու է, առավել լավ է 40—50 կոպեկ վճարել, քարեքար, սարեսար շքնկնել, քան թե գլխի-յասավույլի անպատկառ հայհոյանքների և տանուտերի սահակներին ենթարկվիլ, քան թե պատիվդ ոտնատակ անել և բանտումը մի օր փակվիլ:

Մի քանի հոգի միայն ազատ էին պրծել Խուղոյի հալածանքներից չհաշված գատավորներին, յուր մերձավորներին ու վանեցի գրագրին՝ նոքա էին Մելիք-Բաղալն ու Միսակը:

— Դրանք բռնումս հուպ տված են, դեռ դրանց համար պահած ա, չեմ շտապում,— ախ էր քաշում մի երեկո վանեցու մոտ Խուղոն.— փորս եփ ա գալիս, որ չեմ կարում ճանգս քցել Գոմշակերի թոռանը— մեր աղա Արտեմ Սերգեյիչին: Ասենք՝ հոգին հանել ենք, ունեցած-չունեցածը փեշատի (կնիք) տակ ենք գրել, բայց ինքը նախավանում ընկած օխտն օրվա ճամփա հեռու ա, ինքը պախ ձեռս ընկնի, որ օրը մեջ ծակը կոխեմ (բանտարկել), խեղզեմ, հոգին կատիկը (կոկորդ) թոցնեմ:

— Դուք այնքան բարի գտնված եք, սակայն, որ Գոմշակերյանի եղբայր մանրավաճառ Պետրոս շարունակ ձեր սովերին դեմ կտրունջա, յուր եղբոր վրեժ ձեզնե առնել կսպանա և դուք ազատ թույլ կտաք զնա յուր փոքրիկ խանութով գյուղ կեղեքել,— համեստ պատասխանեց գրագիրը:

— Շաբաթ չի անցկենալ, որ ես նրան շտրաֆի տակ չքցեմ, կոռ ու բեգլառ շառնեմ. էլ ի՛նչ անեմ, մարդը գիլղի ա (մախ) տալիս, առ ու սուր ա անում, հո չե՛մ կարող դուքանը փակել,— զարմացավ տանուտերը,

— Սակայն օրինազանց միշտ կարելի է պատժել, եթե ձեր բարեսըրտություն թույլատրե գձեզ:

— Ախար ի՞նչ դռնով, — մտամուր հարցրեց Խուզոն:
— Բավական է, եթե մի հատ երիզ քակած ծխախոտի փաթեթ գտանք խանութին մեջ, այդ ինքնին մաքսանենդութուն է:
— Պետոն էն շունն ա, որ բաց արած պապիրոսի պաշկեք պահի՞:
— Մենք երեկ մեր ձեռքով շորս-հինգ հատ քակեցինք և ետքի կողմը թաքուցինք, հրք ինք տաճկին փշատ կվաճառեր, — աչքով արեց Գրն-թունին:

— Հա՞, բաս թող լիսը բացվի, — ուրախութունից ճխաց տանուտեր Խուզոն:

Լույս շրացվեց, սև ու մութ բացվեց Արտեմ Սերգեյիչի եղբայր Պե-
տայի գլխին:

Կիսազգազը ձեռքին՝ չիթը շափում էր հաճախորդի համար, որ տանու-
տեր Խուզոն յուր դատավորներով, գրագրով ու գգիր-յասավուչով տուն
մտավ, առաջ գնաց դեպի Գնթունու աչքի պոշով ցույց տված ապրանքի
շարքը, քրքրեց ծխախոտները, ջոկեց նրանց միջից տասնի շափ բաց
արած փաթեթներ և բարձր ձայնով ասաց.

— Թագավորի խազինին խեթ մտիկ տվողին օրենքը պատժում ա.
դու պաշկեքանցից (փաթեթ) հասով պապիրոսներ ես ծախել. էս օրվա-
նից դուքանդ փեշատում եմ (կնեի), մինչև ամօրվա շինովների (մախ-
սապետ) և սլեստու (ֆենիչի) գալը:

— Պապիրոսի պաշկեքն իրավունք ունիս փեշատելու և պրատակով
(արձանագրություն) անելու, — մեջ խառնվեց հաճախորդը, — բայց դու-
քանի վրա փեշատ դնելու՞ ոչ:

— Ընչանք ե՞րբ Ֆահրադի փուշ դառնաս, առաջիս ցցվես, դուզ ճամ-
փիս քար շաղ տաս, — բորբոքված հարձակվեց տանուտեր Խուզոն ճըշ-
մարտախոս մարդի վերա, և ձեռքի թրխի կակող ճիպտոն այնպես ան-
զգուշաբար վրա բերեց նորա կրծքին կախած ոսկե մեղալին, որ ճիպտի
ծայրը երեսախառն դիպավ աչքի աղբյուրականը և արյունը շոտաց՝
ինչպես շատրվանի խողովակից:

— Ա՛յ մարդիկ, վկա կացե՛ք, — դարձավ վիրավորը դեպի խանութի
առաջին ժողոված հասարակությունը, — Մելիք-Բաղալն օր ծերության՝
ոսկե մեղալը դոշին՝ հարամկերի աման լպստող Խուզոյի ձեռքով ծեծ
կերավ. փոշիմանողի (զոջացող) մերը տղա բերի:

— Ձեռիցդ կկածը շխնայե՛ս, — հեռացող Մելիքի քամակից ճիպտը
ճոճեց տանուտեր Խուզոն և Գոմշակերենց Պետոյի դուքանը փեշատեց:
Հաճախորդը Մելիք-Բաղալն էր:

ԳՅՈՒՂԱԿԱՆ ՓԱՍՏԱԲԱՆՆԵՐ

Երեկո է. տանուտեր Խուզոյի վերնահարկումը բոլորակ բարձին թիկ-
նած է մեծ տախտի երկայնությամբ մի կարճահասակ, թխադեմ և շիլ
պարոն. նա օտարական հյուր է: Անծանոթի հագուստը մի խառնուրդ է
հին և նոր տարազի. գավառական քաղաքի թերուս եվրոպական դեր-
ձակի կարած սև սերթուկի տակին երևում է հայաստանցի նորահարսի
պտղունցով բամբակած կինամոնագույն արխալուղը. նորի գլխին դրած
ոռու մուժիկի մահուդյա գդակին հակասում են տախտի առաջին դրված
սև սեկի կոշիկներն ու ոտքերի խորասանու նշանկար գուլրեքը. նորա
մեջքը պնդող արծաթապատ փոկե գոտին անհամերաշխ է կապտա-
գույն կիսազինվորական անդրավարտիքին. մի խոսքով՝ պարոնի մեջ
ակնհայտի նկատվում էր համեստ արհեստավորի շրջանից տեղական
աղաների կամ ծառայողների դասակարգին հասնելու զգալի ձգտումն:

Օտարականը միայն չէր. նա երբեմն-երբեմն գլխի ծանր շարժում-
ներով, կամ բացասական նշաններով յուր հավանությունը կամ տհա-
ճությունն էր արուահայտում յուր ոտքերի մոտ տախտին նստած խոսակ-
ցին:

— Ա՛յս րոպեին, — ասաց հյուրը և վեր կացավ, մոտեցավ սենեկի
մյուս անկյունումը դրած ճանապարհորդական խուզին կոշված պայու-
սակին և հանեց նորա միջից մի կապոց:

Հիմա նա անծանոթ անձնավորություն չէ. յուր կաղ ոտքն իրեն
մուտեց. նա հանրահռչակ փաստարան շուխա Հարություն գյուղական
աղվակատն է:

Պարոն Հարությունն յուր կապոցով եկավ նստեց տեղը, քակեց փա-
թեթը և տախտի վերա փոնց նորա միջի առարկայքը, որ ոչ այլ ինչ էին,
եթի ոչ մի քանի թերթ հասարակ թուղթ, մի-երկու կարած գործնական
մատյաններ և մի հաստ ու կարճ գույնզգույն շերտավոր կաղմած գիրք:

— Սա՛ կիտսի, սա՛, տանուտեր Խուզո՛, — ինքնապարծությամբ երեք
անգամ ձեռքով զարկեց փակած գրքին շուխա Հարությունը և բաց արավ
գիրքը. — տեսնենք դեռ ի՞նչ է ասում զակոնը մեղալավորին ծեծելու
համար, հետո մեր շանգալները քցենք շորս կողմից:

— Բաց ասեմ, ոչ ամաչեմ, պարոն Հարություն, ծեծել եմ, սուտ չի.
հենց տվի ճիպտով, որ ծծի վրա կախ ընկած ոսկի մեղալի զնգոցը քո
Մելիք-Բաղալի կնկա ականջը հասավ գլուխը խմորի թունդիրը կոխած
ժամանակ, աչքի արյունը օխտը գաղ շրկրկի էր տալիս. ափսո՛ս, որ

ժիւանգամից պիպիկը շարլիսաց (շպատովեց), որ լուսավորվեր (կուրանալ), վերջանար, — շիտքցրեց տանուտեր հուզոն:

— Да-брат. դժվար է, գաղտնը շատ ստրոգի է (խիստ է), — ժանր-ժանր գլուխը շարժեց փաստաբանը: — Բայց այնուամի պիցի, տանու-տե՛ր, ես ողջ լինեմ քեզ համար, հինգ այնչափ էլ ծեծած լինեիր, կմար-տիր, էնքան լինի՛ էս գլուխից լոնդի Բարանովի ոտը կտրես, իմ կլիենտ-ներս (ծխերս) նրա ճանգը շքես:

— Էդ ի՞մ շնքին, էնպես ոտը կտրեմ էս գեղիցը, որ շվաքը չերևա. էն վախտը քանի կարաս ծոցդ տողացրու թուղթ փողի ծալքերով. ա՛յ, հենց հմի որտեղ որ ա, մի դմպոճիկ կարմրախետ ձուկը թող կընկնի: Լոգս մի՛ անի, դու քանի կուլես՝ հուպ տո՛ւր, նրա խոսքերից սիրտդ շպակասի, տեղը կա. ինչքան փող պետք գա, մեր Բալասան աղի քիսեն սող ընի, մի թղթի կտոր ա, կգրիլ տանք ու փողերը քո ջե՛րը կլցնենք:

— Սողոն էստեղ ա, — ներս մտավ և հայտնեց գզիրը:

— Կանչի՛ր, — հրամայեց տանուտերը:

Չուխի Հարությունը շտապեց կրկին թիկնել բարձի վերա և հոն-քերը ժողոված, քիթը կախած և աչքի բիբերը սեղմած՝ առաստաղին նա-յել. կարծես խորիմաստ փիլիսոփայությունով ուզում էր տան թանձր ծածկի միջով թափանցել երկնից համաստեղության գաղտնիքը զննելու. նա արժան անգամ շհրամայեց գեթ մի ակնարկ ձգել ներս մտնող գլու-զացի երիտասարդի խոնարհ երկրպագությանը. նա, ինչպես ասում են, վերացել էր և յուր ոտքի տակը շէր տեսնում:

— Ադա՛, փուշ կենդանի Սողո՛մ, — ցածր և ակնածական ձայնով ու հնչումով ասաց ներս եկողին տանուտերը, — Էդ ի՞նչ հալի (դրու-քյամբ) ես տուն գալիս մի պատվավոր աղա մարդի առաջ. կարծես թթի գլեբրին (թոշուն) վախացնելու համար թթենոնց վրա դրած հին շորերից ճղքան վրա հագցրած ույտող ընիս. շես կարում մի քիչ շնորհքով, շեռ-քով հագնելի՞:

— Գլխի՛դ մեռնիմ, տանուտե՛ր, քեզ հայտնի չի՞ իմ աֆալը (դրու-քյուն). հենց կարողանանք պատիկներին շուշիկ ու փուփու (հագուստ և կերակուր) հասցնել, որ մեր գլխի հոգսն էլ քաշե՞նք:

— Ընչի՞, դեռ եկամուտդ շես ծախե՞լ:

— Ի՞նչքան մասիլ (բեբե) ունիմ ինձ, որ ի՛նչ փուշ հանի իմ մա-տիցը. շհանգամի էն գլխին կորած երկու տախտակ բաղ ունինք, որ դեռ հավողը ջուր չընկած շըշալած (թերահաս լինել) որը ծտերն են կոցա-հարում, որը թուրքն ու շունն ա տանում. մի կալատեղի շափ հող ունինք, էնքան չի բերում, որ եկող տարվա սերմացու վեր ունենք, դառը քրը-

տընքով, ատամներս հուպ տալով՝ մի տեսակ ծերը ծերին անշախ ենք հասցնում, էլ ո՛րտեղից հագուստի քամակիցն ընկնիմ:

— Հիմի որ ես քեզ հարստացնեմ, էս գլուխի առաջավոր մարդկանց շարքումը կարգին համփա շինեմ, ինձ ի՞նչ ես տալիս, ձեռս սլաշո՞ւմ ես:

— Ձեռդ չի՛ ոտդ կլիզեմ. բայց դու հո աստված շե՞ս, որ բռնով հողը վերցնես, ոսկի շինես, գոգս լցնես. մեր ճակատին ըսնեց ա գրված, էս-պես էլ պետք ա ըլնենք:

— Հանաք շեմ անում, էս արեք, Սողոմ, մեղքս գալիս ես. ես ուզում եմ քեզ ձեռիս տակն առնեմ: Ասում ա՛՝ «մի առվով որ մի ժամանակ ջուր ա գնացել, էլի կերթա»: Քո լիսահոգի հերդ էս գեղի սնեքից մինն էր, առաջին համփեն էր. բայց քեզ պարտական են քո մոտ բարեկամներդ, որ դու որք մնացիր, նրանք քեզ գրկեցին ու ահագին կալողությունը փո-րերը քաշեցին:

— Էլածն էլել, անց ա կացել, տանուտե՛ր, էլ հին դարմանը քամում տալն ի՞նչ կանենք:

— Էս կանենք, որ ես կընկնեմ էս փիլիսոփա աղա մարդի ոտները (տանուտերն աչքով ցույց տվեց շուխի Հարությունին), կխնդրեմ, կպա-ղատեմ, ձեռդ սրա փեշը կտամ, Պետրոսենց Գալոյի աժդահա (ախազին) բաղը, որ վեր ա կոխել ուտում, ետ խլել կտամ ու իր տիրոնը կար-ծանացնեմ:

— Ի՞նչ ես հրամանք անում, տանուտե՛ր, երկնքիցը կեծակ (կայծակ) կտրաքի գլխիս. Գալ-ափունի դառը քրտինքն ինձ ո՛վ հալալ կանի: Էսօր-վա պես միտս ա գալիս, ես տասը-տասնումեկ տարեկան հոտաղ երեխա էի, որ ողորմածիկ քեռիս հորս պարտքի տեղակ ծախեց. դեռ նոր երկու տարեն տնկած բաղ էր, թփերն էլ հետը պոկեիր, մի քթոց հավող շէր հավաքվիլ: Խեղճ Գալ-ափուն ջանը քանդեց, բեշարեց (մշակեց), բաղ հասցրեց, որ ես էսօր զնամ նրա հասած տղամարդ մլքի գլխին ցցվեմ, թե մի ժամանակ մերն ա էլե՛լ. աստված մի՛ արասցե, իր մոր կաթի պես իրան անուշ ընի:

— Ադա՛, շաշ հայվարա (ազետ), օրենքն ա հասցնում, դու հո զո-ռով շե՞ս խլում, քո հերեհական կայանքն ես ետ առնում, հո ուրիշի մլքին շե՞ս տեր կանգնում:

— Ձէ, տանուտեր ջա՛ն, իմ խելքս ջուր չի խմում էդ տեսակ օրեն-քից, ոնց որ տեսնում եմ, դու ուրիշ հրամանքդ ունիս անելու. պտի ասես՝ հիմի հանաք ես անում հետս կամ իշի տեղ ես դնում. բայց շե՞ որ մենք էլ հացակեր ենք:

— Ձէ՛, իմ որդենց արեք, ո՛չ հանաք կա խոսքերումս, ո՛չ շանաք (շհանաֆ). թե շես ավատում, թող աղա Հարությունը գլխումդ մի-մին

հալի, հասկացնի. փառք աստծու, ինքն ա Երևանա հողի (նահանգի) առաջին պակոնագետ (օրենսգետ) արվակատր:

Վերջին խոսքերը հուզոն բարձրաձայն շեշտում էր:

Չուխա Հարությունն, առանց գծագրութիւնը փոխելու, մի հայացք ձգեց Սողոմի երեսին, մի արճամարհական ժպիտ խաղացրեց շրթունքի վրա և աչքի կոպով ստից գլուխ դիտում էր յուր դիմացը կանգնած մոլորված մարդանման կենդանվուն:

— Աղա՛ Հարություն,— սկսեց հուզոն,— սա իմ ասած տղեն ա, ինքը շատ պատվաւան հոգի (անձն) ա, երեք տարի ա՛ պսակված ա, երեք երեխա ունի, իր հոր ապրանքն ուրիշներն վեր են կոխել, ուտում ու իր քորփեքը (մանկունք) թունդիր ածես, էրես՝ շորահոտ չի գալ: Ես սրան խորհուրդ եմ տալիս թո փեշը բռնիլ, մի քանի ամսից իր հոր միջին տիրանալ: սա հենց կարծում ա, թե իր վրա ծիծաղում եմ. խնդրեմ, սա խեղճ գեղըցի անգետների մի՞նն ա, հրամանքդ սրան գլխի բցես բանի էութիւնը:

Փիլիսոփա փաստաբանն ինքնագոհ ժպիտով սկսեց մատները խազացնել առաջին ընկած շերտավոր օրինագրքի կազմի վերա և հետևյալ պատասխանը տվեց.

— Կերևի մեր եղբայրը մի պրոստոյ մուփիկ (հասարակ ումիկ) է, դակոնի ստատիկքանցից (օրենքի հողվածներից) տեղեկութիւն չունի, ապա թե ոչ խելոք մարդն իր դախտից (օգտից) չէր փախչիլ: զայնուհետև ինքն է պաշտպանում որբերին ու նեսովերշենոյեանիքանցը (անշափահա): Ես, իհարկե, կարիք չունիմ գլխացավանքի մեջ մտնել, ժամանակս էլ չի ներում էդպես պուստոյ (չեշին) գործերը վերցնել, գիշերօթերեկ պարապած եմ, գիշերները պրոշենիբըն ու զայավլենիբն (խնդիր և զեկուցում) եմ պատրաստում, ցերեկը սղեռումն եմ գաշիշչատ անում (դատարաններումը պաշտպանել): բայց որ ինքդ, տանուտեր նուդավերդի, ինձանից սովետ (խորհուրդ) ես հարցնում՝ կասեմ, գիտեցողը չգիտեցողին պարտական է: Ես տեսնում եմ, որ դու բարեսիրտ տանուտեր ես, չես ուզում, որ թո ժողովրդի մեջ անիրավութիւններ կատարվին: Կսի՛ր ուրեմն. եթե, ինչպես ականջովս ընկավ ձեր խոսելու ժամանակը, այս եղբայրը 10 տարեկան մանուկ է եղել, երբ քեռու ձեռքով սրա այգին ծախվել է, սա կարող է այժմ յուր հայրենական անշարժ կալվածքը ետ ստանալ: Հարկավոր է մետրիչսկի սվիդետելստովո (ծննդական վկայական) ձեռք բերել. դժվար չի, կոնսիստորի շեֆներին (անդամ) կամ սեկրետարին (ստենագրափի) մի քանի շահի կամ մի գլուխ շաքար ուտացրի, 30 տարեկանը տասը կշիւնն: Երբ որ այդ վկայականը ձեռքիդ ունեցար, կաթիկ էլ կտիրանաս, ծախված օրից մինչև այսօրվա դախտից

(եկամուտ) էլ հետը. թե որ չանեմ, աչ ձեռս կկտրեմ, սղի մեշտեղը շեֆների (անգամ) առաջին դեմ կձգեմ ու դուս կգամ, որ իմ ոտս սղի դոնովը մյուս անգամ ներս չմտնի:

— էդ ասա է՛, աղա Հարություն, մի լավ հասկացրո՛ւ էս անպող անասունին, արի ու սրա պեսներին լավութիւն ցանկացի. ծամում ես, բերաններն ես դնում, չեն ուղում կուլ տալ, կամենում են, որ մատով ներքև խցկենը,— արդարացա՛վ տանուտերը:

— Ա՛յ ձեր գլխին մեռնիմ,— ուսերը վեր քաշեց Սողոմը,— ախար մին, որ մեր բաղը հորս պարագի տեղակ ա ծախվիլ. մեկ էլ, որ նաչար Գալ-ափուն իր մատների միսը կերել ա, ընչանք հասցրել ա. էդ ո՞ր դակոնը կարա հալալ աշխատանքին խեթ աչքով մտիկ տալ:

— Այդ բոլորը ոչի՛նչ, սիրելի եղբայր Սողոմոն. նախ՝ այդ պարոն Գալուստը զակոնի սաախայի դեմ է գնացել, մեղավոր է. նորան ասած էր, իրավունք չունի նեսովերշենոյեանի մանուկի ապրանքին մոտ գնալու. ի՞նչ ասնովանիա (նիմունք) ունեք շսելու, և երկրորդ, որ նա թո այգու դախտըն է կերել. ուրմն դու իրավունք ունիս առանց մեծ փող մըսխելու՝ կայքին տիրանալ:

— Գալ-ափուն օրենքն ի՞նչ էր հասկանում:

— Է՛... սիրելի՛ս, ամեն մի թագավորի հպատակ պարտական է օրենքը գիտենալ. դու այդ խոսքով մեղանշեցիր. մեկ անգամ բերանիցդ հանեցիր, մյուս անգամ դուրս շրոզնես ուրիշի մոտ, թե չէ փորձանքի մեջ կընկնես. քեզ խղճում եմ, մեր տանուտերի բարեկամն ես, թե չէ իսկույն պրոտոկոլ կկազմեի և դու կկորչեիր:

— Բաշխի՛ր, աղա Հարություն, շսելու դի՛ր, գլուխը քարը տվեց,— միջնորդեց տանուտերը և դարձավ Սողոմին.— տո, ավանա՛կ, իշի քուռա՛կ, դու թագավորի արվակատի մոտ թագավորի օրենքին չես հավատո՞ւմ. հիմի վեր կենա՞մ կաշի-մաշիդ պլոկեմ:

— Բաշխի՛, աղա ջա՛ն, ես մեղա աստծու,— վիզը թեքեց Սողոմը:

— Այդ ոչինչ, ես անհիշաչար հայ մարդ եմ. դու այժմ կարճ կապի՛ր. եթե չես ցանկանում թո սեփական այգիդ ետ ստանալ, թո կամքդ է, գնա՛, իսկ եթե հոժար ես, կարող ես մի քանի մարկա (դրոշմանիշ) առնելով իմ ձեռքովս կարճ միջոցից մի պատվական այգու տեր դառնալ:

Տղան ծործորակը քերեց, նա մտածմանց մեջ ընկավ՝ աչքերն աննպատակ հառելով հիմար աշխարհ նման:

— Դե ի՛նչ ես կմկմում, գյաղա (տւա), մորթբողի՛ (մորմեռ ուղի), աղա Հարությունին պավերնի (երաշխավոր) շինո՞ւմ ես, որ քեզ ձեռաց էս գեղի համփեքանց շարքուքը խաւնի. թե չէ՛ ասեմ ախար (ար-

ձանագրութիւն) գրի, ընչանք Սիբիր մին քշի, — կիսահեղուքներն, կիսա-սպանալից հարցրեց տանուտերը Սողոմին:

— Քո կամքն ա:

— Դե արի՛, բալամ (զավակս), արի՛ աղա Հարությունի ոտը պաշի, հարցրա՛ւ ինչքան մարկի փող կհարկավորի, գնա բե՛ր, թող էգուց էս մարդն երեսին խաչ հանի ու գործիդ ձեռք տա:

— Առայժմ դեռ 20 մանեթից ավել պետք չունինք, հարկավոր է առաջ միտովոյ սղումը (հաշտարար ատյան) պըշլին (մախ) տամ, թղթի փող տամ, հետո երբ գործն օկուծնոյ սուղը (նահանգա՛լան դաստարան) կմտնի, այնտեղ էլ մի շնչին բանով գըշլս կրերենք, — ապահովացրեց փաստաբանը:

Սողոմը նորից գլուխը քերեց և վախվախելով տանուտերի աչքերին նայեց:

— Հասկացա, — գլուխը շարժեց տանուտերը, — մեր Սողոմը պատ-րաստ փող չունի: Վնաս չունի, որդի՛, — սիրտ տվեց նա, — առավոտը Տաճատ վարժապետին 40 մանեթի մի վեխիլ (մուհակ) գրել տուր մեռ Բալասան աղի անումով, զավերնի անիլ տուր, բեր փեշատը դնենք, ես աղա Հարությունին յուր կտանեմ, մնացածն էլ գործիդ համար կհար-կավորի, թող ինձ մոտ մնա, ուտեմ էլ՝ կորած տեղ չի, մի օր քեզ պետք կգամ:

Մի քանի անգամ էլ ծոմատովեց Սողոմը, փեշերքն ուղղեց, թևքով քիթը սրբեց, աջ նայեց, ձախ նայեց, թակարդում բռնված աղվեսի նման ոտքի մեկն առաջ դրեց, մյուսը ետ, վերջը մի հապաց ու համաձայնեց տանուտերի առաջարկութեանը. խոստացավ մյուս օրը գնալ աղա Հարությունի հետ հաշտարար-նոտարի մոտ նրան երաշխավորական տա-լու Գալուստ Պետրոսյանից յուր հայրենական այգին ետ պահանջելու մասին:

Բայց, բար ընկնի Սողոմի գլխին, տանուտերի տանից դուրս եկավ և ուղղակի Գալ-ափունի դուռը բախեց, ամեն ինչ մանրամասնորեն նորան հայտնեց:

— Խիղճս տանջում է, ասում է, չեմ կարող թաքցնել: զուգանների ճանգն եմ ընկել, ձեռներից չեմ կարող աղատվիլ, հավատացնում էր, բայց դու, Գալ-ափո՛ւ, ինչ գիտես՝ էն արա՛:

— Ի՞նչ անեմ, — մտածեց Գալուն Սողոմի գնալուց հետո և տրեխ-ները հագավ, շտապեց Մելիք-Բաղալինց տունը:

Այս անգամ Գալույի գործը լավ հաջողեց:

Մելիք-Բաղալին հյուր էր զավառական մյուս փաստաբանը, — լու-լախ Հարությունի ախոյան լոնդի Պողոս Բարանովը:

Նրան հրավիրել էր ինքը Մելիքը՝ յուր ծեծվելու վրեժը պահանջելու տանուտերից:

Նորա առաջին էլ թափված էին նույն օրինագիրքը, նույն թղթերն ու գործերը, ինչ տեսանք յուրախ Հարությունի մոտ:

Արդեն Մելիքի բողոքագիրը պատրաստ էր, որ Գալ-ափուն մտավ և ամեն բան մի ըստ միոջն հայտնեց:

— Ես էդ քո շուրս շանն էն օրը քցեմ, էնպե՛ս փախցնեմ սղիցը, որ մկան ծակը հարչուր թումանով առնի. էդ քո Սողոմոնիդ էլ տկտրացնեմ, վերջին շապիկը թողնեմ, սուղեբքի իզդեժեժեմ էլ (դատարանական ծախեժը) վղին բարձեմ և շթույլ տամ պարոն Գալուստի այգու մոտովն անցնելու. այս րոպեին տասնվեց ավել այդպիսի գործեր ունիմ այդ ան-պիտան շուրսի դեմ, — պարծեցավ Բարանովը:

— Հնդուր են ասել՝ փեշաքսարը (արհեստավորը) փեշաքսարին թըշ-նամի ա, — նկատեց Մելիք-Բաղալը: — Լիսը որ բացվեց, ձի կնստենք, պարոն Պողոսի հետ կերթանք սրան պավերեժի կշինենք, ինչ ծախս էլ կհասնի, կտանք, — կարգադրեց ինքը Մելիքն ու Գալույին ճանապարհ դրեց:

— Եղբա՛յր սիրելի, քսան անգամ այդ անպիտանին առաջարկել եմ, որ աղնիվ խոսք տանք միմյանց, ույնզղի (զավառ) բոլոր գլուղերը վիճակ ձգենք մեր մեջ, ես նորա բաժինը ոտք չդնեմ, նա իմը. բայց չի լսում. ո՛ր գլուղը գնում եմ, լսում եմ, որ եկել է՝ խառնշտորել, չեղած տեղից իսկեժ (պահանջ) ստեղծել ու վերցրել:

— Դե, էդ հո՛ քո օգուտն ա, մեկզ գործ սկսողի կողմից կլնիք պա-վերեժի, մեկելդ՝ դիմացի մարդի, ինչպես որ մեր Գալույի գործումը, եթե շուրս Հարությունը Սողոմին չհամոզեր, դու նրանից շահմունք կունենա-լի՞ր: — հարցրեց Մելիքը:

— Ավելի օգտակար չե՞ր լինիլ, եթե գործն էլ ստեղծեինք, երկու կող-միցն էլ ստանայինք:

— Հետո ինչպե՞ս էիր վերջացնում, ո՞ւմ օգտին:

— Վերջ ի վերջո օգուտը մերը կլիներ, իսկ գործի տերերը կամ կհաշտվեին, կամ միանգամայն կբանդվեին, այնպես ետ կկանգնեին:

— Չեր այդ աղվակատությունն ու տերտերությունը մին ա, — ըն-չացքի տակից ժպտալով ասաց Մելիք-Բաղալը, — մեռելից էլ եք առնում, կենդանուցն էլ:

— Պարոն Պողոս, ասաց մյուս օրը Մելիք-Բաղալը, էսօր իմ ու Գալույի քեզ ընկերանալը ետ մնաց, խիստ հարկավոր գործ ա պատա-հել. դու հրամանքդ գնա՛, մենք մի երկ օրից կգանք քեզ մոտ, թղթերը շինել կտանք:

— Ձեր խարերու հե՛րն անիծած,— ձեռքը թափ տուեց Մելիք-Քաղալը Բարանովի քամակից.— սատկած իշան եք գտել նախնեքը քաշել եք, խեղճ դեղորցանց արյունն եք ծծել. թե չեմ մեռնիլ, երկուսիդ ոտն էլ էս մհալիցը կկտրեմ ու էնպես աղվակատների կերթամ, որ գործ շինեն, ոչ թե ինձ աղբատացնեն:

Ի

ԽՈՓՈՂ ՔԱՐԻՆ ԱՌԱՎ

Ամեն տան ճրագները հանգել են. Օ. գյուղի փողոցներում ոտքը խաղաղվել է. պառավները մի հանգ քնել են ու վարթնել, դուրս գնացել, իրանց հովին տվել ու տուն մտել: Այդ միջոցումը մի տան վերնահարկի պատշգամբի վրա մի յափնջում կոլոված մարդ մոտենում է լուսամուտին և՛ հետ քաշվում: Պատշգամբը երկու դուռն ունի. նոցանից մեկը տանում է տան մեծ սենյակը, մյուսը՝ նույն սենեկի հետ ներսի դռնով կապ ունեցող կանանց բաժինը, ուր միաժամանակ կերակուր եփելու փոքր թոնիրն է սարքած: Եարժումներից երևում է, որ գիշերաշրջիկն այս տան համար օտար էր. նա սովորական դռնովը չէր բարձրացել պատշգամբը, նա ուղղակի փողոցից պատույն էր վեր ելել:

Ահա կանանց սենեկի դուռը բացվեց, մի նորահաս աղջիկ դուրս եկավ, քարշեց յափնջին ու երկուսը միասին մոտեցան պատին:

Պատշգամբի պատի տակին մի ծառի մեծ կոճղ տարիներով ընկած է և նստարանի տեղ է պետք դալիս:

Այս տեսակցությունն առաջինը չէր երկու ժամադիրների մեջ:

Այն օրից, երբ Օ. գյուղացիք աշնան բերքը ժողոված՝ տուն հավաքվեցան կոճղի պաշտոնը մեծացավ. այս տարի գիշերն էլ անշունչ փայտի կտորը շհանդստացավ. խաղաղությունը տիրելուն պես այդ երկու հոգին մինը կանացի սենեկից էր դուրս գալիս, մյուսը պատիցն էր վեր բարձրանում և, կոճղի վերա նստած, փսփսոցի մեջ էին մտնում:

Աքաղաղն առաջին անգամ թեք թալ՝ էր տալիս և դեռ նոքա նստած էին լինում: Ինչքան երևում էր, սենեկի մեջ քնած երկու ուրիշ անդամներից մեկին անհայտ չէր անքուն պեղի (դեռնի)՝ այս արարքը: Սովորով չէր պատահիլ, որ մի միջահասակ կին զգուշությամբ բաց կաներ կանացի սենեկի դուռը, գլուխը կհաներ, իսկ մարմնով ներսը կմնար, որ պեսզի յուր շապկանց լինելը չնկատվի, և ներս կկանչեր կոճղի վրա նստողներից մեկին, իսկ մեկելին քաղցը հանդիմանությունով մտորոց կտար բավախանալ և գնալ քնելու:

— Հենց հիմի գնում եմ, հենց հիմի գալիս եմ,— լսում էր միամիտ կինը երկուսից միասին և մի կնճիռով յուր տհաճությունը հայտնում ու գնում անկողին մտնում: Խառք երագները չէին թողնում մտատանջ կնոջը երկար քնել. էլի շուտով զարթնում էր, ձեռքով շոշափում յուր աչ կողմի դատարկ անկողինը, ճրքալով վեր կենում, նոր խոստումն անում իրեն դիվադագար անողներից և նորից պառկում:

Երկու նստողները մեր լավ բարեկամներն են. Սամփսոնն ու Սոնան էին նոքա:

Այն օրից, որ Գալ-ափունը ու Բարսեղը այգու ծառի տակին արևելյան խնդիրը վերջացրին, Բարսեղը թեթև աչքով էր նայել և չէր բարկացել երեկոները շատ ուշ երբեմնապես Սամփսոնին յուր պատշգամբումը տեսնելու:

— Աղա՛, դեռ չուրը շհասած, ոտքերդ հանեցիր,— նկատողություն արեց առաջին երեկոյին Բարսեղը Սամփսոնին: Բայց երբ ամաչկոտ փեսացուն կարմրեց ու գլուխը քարշ ձգեց, Բարսեղն յուր մի նկատողությամբ ամենայն փակ դուռը բաց արեց:

— Գու մեղավոր չես, որդի՛, աշխարհքն ա շուռ անցել, փչացել. մեր ժամանակը պտեիր, որ աթարոցով ետ ածեի, փեսեն աներանց շեմքից քթթի (նորահարսին հագցնելու շորերը) հետ պետք է տուն մտնել: Բայց հիմի ամեն ինչ փոխվել ա, տեսնում ես՝ նշան էլ չես դրած, մի դարդակ խոսք ենք տվել, արևի շողքի պես, պուպուզ, տուն ես ընկել. վնաս լուծի, ջահել եք, քե՛ք քաշեցե՛ք, հիմիկվա սերը քաղցր կլինի:

— Քիչ մնաց՝ մկան ծախը հարյուր թումանով էր առնում, երբ ոտիդ շփթոն (ձայն) առավ, ուզում էր գող կատվի պես փանջարովն իրան վեր քցի. համա էլ ո՛րտեղ, դուռը բաց արիր, հոգեհոտի պես գլխավերևը ցցվեցիր, մեր լեղին էլ չուր շինեցիր.— շողքորթեց կինը մարդուն:

— Բաս էդ անգամ Սոնին չե՛ս ասում, որ բունջն ա մտել, պանրագող մկան նման գլուխը կախ քցել, աչքերը սլվացրել: սաքի թե շատ ամանչում ա: Դե, շա՛ն աղջիկ, հրե՛ս, ա՛ռ ոտներն աչքդ կոխի՛, ոտով գլխով քեզ բաշխեցի,— կիսակատակ տալով բունց Բարսեղը Սամփսոնի կուր և հրեց դեպի աղջիկը:

— Գնա՛, Սամփսո՛ն, գնա անորդ ձեռք պաշի՛, որ քեզ իզին (իրավունք) ա տալիս մին-մին գալ-դնալ. ես դմիշ չէի անում սիրտդ կոտրել, բայց հենց որ երևացիր, մահա՛ն դող տվի. մտքումս ասում էի՝ հիմի Սոնի հերը տուն կգա, քեզ քարհալած, ինձ ու Սոնիս էլ սալջարդ կանի, բայց լավ սհաթի ոստ եկար (հանդիպեցար), բախտդ կտրուկ ա:

Ուղիղ էր Մարգարտի ասածը. եթե Բարսեղն էս րուպեին Սամփսոնեց սեղանի վրիցը չի վերկացած լիներ, եթե նա Գալ-ափունի հետ

երկարակոթ դրումը շան ասելով վայելած շիններ, էսպես թեթև չէր անց-
կենալ փեսացվի առաջին հանդիպումը:

Սատանա էր Սամփսոնը. հենց որ նկատեց, թե հոր ու աներոջ քիֆը
տեղն եկավ, ինքը դռնի դ՛րս, ու կատվի նման վեր շուլալվեց (բարձ-
բացավ) նշանածենց պատիցը:

— Դե գնացե՛ք գլազմի վրա (պատշգամբ) մի քիչ ասուլիս արեք,
թող հերդ թեք ընկնի, քնի,— ձեռքով դուռը ցույց տվեց Մարգարիտը փե-
սացվին ու աղջկանը:

Այդ օրից Սամփսոնի համար Սոնենց տունը ջրի ճանապարհ էր
դարձել, նորա ոտքը բացվել էր:

Այդ օրից Սամփսոնն յուր ընկերների համար ուրբաթախոս չէ. կա-
տակներն ամենքից վաղ ինքն էր սկսում. պատմում էր, որ նշանածի մո-
տիցն է գալիս, որ զոքանչի ձվածեղը սիրտը բռնել է և այլն: Այդպիսի
միջոցները միշտ հիշում էին յուրյանց ընկեր թշնամու գնդակի զոհ
գնացած խեղճ Դոնդարենց Ասոյին, հայհոյում էին, ուխտում էին վրեժ-
խնդիր լինել նրան սպանող Դավիթենց Հայրոյից, որ շատ ժամանակ
չէր՝ Բալասան աղի երաշխավորութեամբ արձակվել էր բանտից:

Բայց ահա մի քանի օր է, որ Սամփսոնը ոչ ցերեկն է գլուղամիջին
երևում և ոչ գիշերներն ընկերական խմբակին է այցելում:

Չարազետ նշանի երեկոյից հետո էր այս:

Մի քանի անգամ Սամփսոնի ընկերները բախեցին նրանց դուռը,
հորը հարցրին, մորից տեղեկություն ինդրոցին, բայց միշտ մի տեսակ
անորոշ պատասխանով վերադարձան:

— Տղե՛ք, մեր գլխինը լաշակ ա, թե որ մեր ընկերի հավարին չհաս-
նենք (օգնել), մենք խոսք ենք տվել՝ մեր գլուխը Սամփսոնի ուղտորին
ետ գնել, պոռշտով էլ սլալման ենք կապել. էսօր մեկ ամոթ ա, որ թո-
ղանք նրա թշնամիքն ուրախանան. մենք պտի կաշիներիցս դուս գանք,
նրանց տունը կրակողին գտնենք, շամփուրը քաշենք, խորովենք ու, ով
որ էլ նրա սրտի մուրաղն ուզում է խափանել, Սամփսոնի նշանածին
կամենում է տիրանալ, պտի բռնենք, կամ խոսք առնենք, որ ետ քաշվի,
կամ թե չէ շլինքը մի սև դազիլ (մազե առածան) պետք ա կապենք, ձեռ-
ները կպրի մեջ հինա դնենք ու արևը մեր մտքները:

Սամփսոնի ընկերները կատակ չէին անում, նրանք գտան տունը
կրակ տվողներին. տանուտեր խուղոյի տղա Կարապետն յուր բերանով
պարծեցել էր, որ ինքն է կրակ տվել Բալասան աղայի քրոջ որդի վա-
սակի հետ և թե, շատ չի քաշիլ, ինքը Սոնային էլ կտիրանա:

Սամփսոնի տրտմութեան պատճառն իսկապես ոչ նշանի հետ մնալն
և ոչ հրդեհն էր:

Յուր աները մյուս օրը յուր բերանովն էր հրամայել, որ սիրտը
չկորի, գա ու գնա, Սոնի հետ խոշ ու բեշ անի: Բարսեղը Գալ-ափունի
հետ էլ խորհուրդ էր արել, որ մենք տերտերի խոսքերը պարանի տեղ
չգնի, մի կերպով գլուղի մյուս քահանային համոզի. մեկի ծուխը դառ-
նա, նրանց ձեռովը մի իրիկուն նշանը տա, մեկիլ օրը հարսանիքը նրա-
տացնի, պասակի, զուշմանին (քշնամի) տրաքացնի, իրավորեն ուրա-
խացնի:

Եվ աշխատում էր Գալոն, և շարունակում էր յուր երեկոյան այցե-
լությունները Սամփսոնը. բայց շատ շանցավ, հոր ու որդու ոտքը միան-
գամից քարին առավ:

Գալոյի երեսին ամեն դուռը փակվեց, գլուղի երկու տերտերները
կտրական կերպով մերժեցին նորա խնդիրը, սլարդ ասացին, որ մեծ
տերտերը երկու տարի յուրյանց երկուսի հետ էլ խոտվ էր, խոտվ էլ պաշ-
տոն էր կատարում, հետները չէր խոսում, իր լեղվովն էր պատվիրել
նքանց, որ շհամարձակին էդ նշանի գործի մեջ խառնվիլ, ապա թե
սպանացել էր մեկին Սևանի խոնավ խցերի մեջ փտացնել տալ, մյու-
սին հորվիրապի Լուսավորչի վիրապի մուտքի դռնապանն անել:

— Եթե բանն էդտեղն ընկավ, Սամփսոն ջա՛ն,— դեմ ու դեմ երե-
սին պսաց մի երեկո Բարսեղը,— էսօրվանից իմ տունը քեզ համար
պաս էլավ. իմ աղջկա անունը ես չեմ թողալ աշխարհքովը մին ըլնի:
Երկու շաբաթ ձեզ ժամանակ, գնացե՛ք, քարեքար դիպե՛ք, թե կարացիք
մաղի գլուխը մի բան քցել (հաջողացնել) էս քո տունը, էս քո նշանածը,
արի դուրս քաշի տա՛ր, մորդ կաթի պես քեզ հալալ: Թե չէ՝ դուք ձեզ
համար, ես ինձ համար, զոռով բան չի գլուխ գալ. ճակատներիդ ինչ
գրած ա, էն պտի կատարվի:

Ահա հենց այս սառը պայմանն էր, որ Գալոյի տունը սգի մեջ էր
դրել. հայրը մոլորված չգիտեր՝ ինչ աներ, որդին երեք օր ցորեկը մթնա-
սենյակից դուրս չէր գալիս, իսկ գիշերը Բարսեղենց պատի տակից չէր
հեռանում: Ինչպես ասում են՝ Սամփսոնի խոփը քարին դեմ եղավ:

— Է՛հ,— վճռեց մի երեկո էլ Սամփսոնը,— ջուրն ընկնողն անձրևից
չի վախիլ. էս էլ մի կյանք չի. որ քաշում եմ. ասում ա՝ պղինձը վեր ըն-
կավ, չկտորվեց, բայց ձենը վեր էլավ: Աշխարհքին հայտնի ա, որ ես
Բարսեղի փեսացուն եմ. հիմի ես թողամ իմ նշանածն ուրիշի ճանգն
ընկնի ու ապրի՞մ. թող որտեղ քարակի, էնտեղ կտորվի:

Այս խոսքերով նա կապեց յուր երկսայրի դաշույնն ու քայլերն ուղ-
ղեց դեպի յուր սովորական պատի ճանապարհը:

— Ուրիշներն անծանոթ տեղից աղջիկ են գուս քաշում, փախցնում,
իրանց մուրադին հասնում, իմ Սոնին մի խոսք ասեմ, հետս Հնդստան

կերթա, գնամ բերանիցը խոսք անենմ, Լգուց իրիկուն ձին նստեմ, թարթ քաշեմ, գործակալի առաջին հետը շոքեմ, պսակվեմ ու օրով-ցերեկով կուռը բռնած՝ գեղը մտնեմ, տեսնեմ ո՞վ չի ասիլ բարաքյալլահ (կեցցես):

— Կա՛ց, Սամփսոն, մեռանք քեզ ման գալով,— Բարսեղենց պատի տակին շրջապատեցին նրան երեք-չորս հոգի:

Մեղավոր չէր Սամփսոնը, որ գլուխը երևակայություններով լիքը, միտքն օդի մեջ պտտելուս, նա առաջին անգամից շճանաչեց յուր ընկերների ձայնը և դաշույնը պատենիցը հանեց ու կամենում էր յուր ճանապարհը կտրողներին վերա հարձակվել:

— Աղա՛, մենք ենք, Սամփսո՛ն. Սոնայիդ արևը կսիրես, զժուլությունդ ևս դի՛ր:

Սիրեկանի անունը նրա կոնքը թուլացրին, նա ուշքի եկավ և ճանաչեց իրեն շրջապատողներին:

Ընկերներն ամեն բան պարզեցին նրան, խոստացան յուրյանց աջակցությունը, պատրաստականություն հայտնեցին Բալասան աղալի դուրը կուպր քսել, տունը կրակել, տանուների այգին արմատահան անել, նորա ախոյան Կարապետին էն աշխարհքն ուղարկել: Բայց Սամփսոնը մերժեց բոլորը:

— Իմ խնդիրքս ձեզանից էս ա, իմ աղիվ ախպերնե՛ր,— ասաց նա,— որ էս տանիցը դուք մի քանի օր հեռու ման գաք, պետք եկած վախտը ես ձեզ կկանչեմ:

Ընկերները հեռացան՝ սրտները կտորած. իսկ Սամփսոնը՝ բարձրացավ պատովն և ոտքերի ծայրով մոտեցավ լուսամուտին ու ներս նայեց: Ոչինչ ձայն, ոչինչ շշուկ, ամենքը խաղաղ քնի մեջ էին:

Բայց ահա ներսի մթության մեջ, կրակ կտրած պատանուն քաջ ծանոթ կետից, ուր նորա աչքերն էին հառած, մի ստվեր սպիտակին սվեց:

Սամփսոնի սիրտը ժամացույցի ճոճանակի նման սկսեց ճկճկալ. նորա բերանն անգիտակցաբար ետ բացվեցավ, ձեռքն ու ոտքը բարակ ծղոտի նման, ինչպես մի խիստ քամուց. կանգնած տեղը զոլզոլում էին. նա մխլած մնացել է տեղը, նորա ուշքն էլ իրան չի դեկավարում, նորա աչքերը սևացան. մի բուպե, և նա գետնովն է դիպչելու և աղմուկ բարձրացնելու:

Հիրավի նա ընկավ. բայց մի գրկի մեջ. նորա ընկնելու ձայնը չվեր էլավ:

Սառել էր Սամփսոնի անձը, սակայն սկսեց աաքանալ, ջերմությունը սկիզբն առավ ճակատիցը. այն ի՞նչ կրակ էր, որ ճակատի ուղիղ միջակետից մի ակնթարթում տարածվեցավ բոլոր ջղերի մեջ:

Այդ յուր նման քունը կտրվածի համբույրն էր, որ դուրսական բալզամի ազդեցությունը գործեց:

Այդ Սոնան ինքն էր. մի քանի գիշեր է, մինչ հայրը ճանապարհ էր ցույց տվել յուր ապագա թագ ու պսակին, Սոնան անքուն սատանս էր դառել, մտնում էր անկողին, գլուխը բարձի տակը կտրում ու հեկեկանքների մեջ խեղդվում, որ հայրը չլսի յուր հառաչը, որ մայրը չկըշտամբի յուր հանդգնությունը:

Հայրն ուշք չէր դարձնում, բայց մոր սրտագգաց աչքնրից չէր փախչում զավակի երեսի թախիծը. նկատում էր յուր սիրելու զգալի կերպիվ փոփոխությունը, գունատությունը, խոր ընկած աչքերը և յուր վիշտն յուր սրտումն էր խեղդում, ոչ մարդին, ոչ Սոնային էր մի բան ասում. ամուսնուցը վախենում էր. իրեն խստիվ պատվիրած էր Սամփսոնին ներս շթողնել, ալցկանն էլ խնայում էր:

Ձգում էր Սոնայի սիրտը. նա անհամբեր սպասում էր ամեն քրեկո, նա մինչև անգամ զարմանում էր, որ երեք գիշեր իր սրտի սիրելին կարողացել է համբերել ու պատը չբարձրանալ:

Մի քանի անգամ նա ծնողաց խոր քնի մեջ մտած ժամանակ դուրս էր գալիս պատշգամբը, աչքերն ուղղում էր յուրյանց հարևան տան մթության մեջ նշմարվող լուսամուտին, ժամերով կանգնում էր և նորից տուն մտնում:

Գիշերն այս գործողությունը անընդհատ կրկնվում էր: Հենց այս րուպեններից մեկն էր, երբ Սոնան շթողեց վայր ընկնել յուր գրկի մեջ ապաստարան գտած ուշագնացին:

— Ո՛ւշ,— պատասխանեց աղջիկը Սամփսոնի վճռական քայլի գեմ,— էդ ճամփեն ամեն սհաթ մեր առաջին ա. հորդ ասա թող էլի դես ու դեն դիպչի, բալքի մի հնարքով պսակի հրաման բերի. թե չէ, սր բանն էգտեղ հասնի, հինգ օր առաջ, հինգ օր ետ, ես քունն եմ, դու իմը, քեզանից սավահի ուրիշներն իմ նաշս (ղագաղ) մենակ իրավունք ունին էս տանիցը դուս տանելու:

— Բայ՛ ես ո՞նց համբերեմ, անումիդ մատաղ. երեք օր ա՛ ես ոչ կենդան եմ, ոչ մեռած. մի օր որ քեզ չեմ գրկում, հենց իմանաս մահն ա շլեքիս փաթաթվում:

— Հուզս մահի գլխին, ո՞ւր եմ լողնում, որ տեղս բռնի. ընչանք բանի գլուխը գալը հորն ու մորս քնելուց հետո քեզ կառնեմ, կմտնեմ մեր գոմի օդն ու վղիցդ պոկ չեմ գալ՝ ընչանք աքլորի երեք բերան կանչելը. թե որ մեր աքլորն էլ շուտ կկանչի, կխեղդեմ:

Այդպես էլ անում էին սիրահարները. հավերք պատրաստվում էին թառից իջնել, որ Սամփսոնը հեռանում էր իր սիրելուց:

ՄԻԿԻՏԱՆ ԱՍՔՈՅԻ ԵՐԿՎՈՐՅԱԿ

Նոյեմբերի մառախլապատ և ցուրտ երեկոներից մեկն է. աղքատ ու հարուստ կուշ են եկել իրանց սնելուամբ. շքավորները վաղուց յուրյանց ունեցած շուլ ու փայլասի տակն են հավաքել կիսամերկ երեխաներին՝ իսկ իրանք մարդ ու կին կողքերից աջ ու ձախ պտուկած՝ յուրյանց մարմնի բնական տաքությունն ու արտաշնչությունները մի փոքր ջերմություն են ավելացնում անմեղ արարածների մեջ, մինչև որ քունը նրանց աչքերը փակում է. իսկ հարուստները կերել են աստուծո տված ընթրիքը և քուրսու շրջակայքում տաք թոնրի բուրբը հաստ ու փափուկ անկողինների մեջ հանգստանում:

Միայն Սամփսոնն էր, որ տեղը մտած՝ սուտ խոմփացնում էր և երբ հոր ու մոր քշիչոցն իսպառ դադարեց, հազավ շորերն ու ծածուկ յուր ծանոթ պատը բարձրացավ:

Ի՞նչ է այս. Սամփսոնի աչքերը սևացան. նա սարսափեց, մնաց կանգնած Բարսեղենց պատշգամբի վերա և չէր վստահանում մոտենալ նվիրական պատուհանին ու որոշյալ նշանը տալ. նա սկսեց աչքերը տրորել՝ ճիշտ քնից նոր վարթնածի նման, որի աչքերը առավոտյան արեղակի ճառագայթներից ինքնարեքարար ծածկվում են և շփվելով միայն փոքր առ փոքր ընտելանում են լույսին:

— Երազում հո չե՞մ,— մտածեց Սամփսոնը և նորից աչքերը ճմռեց:

— Ի՞նչ երազ, ճրագ է՝ որ կա,— ինքն իրեն պատասխանեց նա մտքումն և ամենայն զգուշությամբ անցավ Բարսեղենց կանացի սենյակը, մոտեցավ մեծ լուսամուտին ու աղոտ ապակուց ներս նայեց:

Սամփսոնը հանկարծ թափահարվեց, ամբողջ մարմնի մեջ ցնցումն անցկացավ և ծնկները ծալվեցին. նա շոքեց լուսամուտի առաջին և սուր աչքերով դիտում էր տան ներսը:

Անտեղի չէր Սամփսոնի երկյուղը. Բարսեղենց տանը հյուրեր կային, այնպիսի վտանգավոր մարդիկ, որոնց դեմ ինքը պետք է ընկճվեր կամ նրանց կործաներ: Եվ նա զաշույնը հանեց. երկու քայլ, և սենյակի ներսն արյունահոսություն էր կատարվելու, բայց նա այդ շարավ, խելոքություն համարեց սպասել:

Այժմ նա նստեց լուսամուտի տակին:

Նորա բախտից պատուհանի մի աչքը կտորված էր, թուղթն էր բռնել ապակու տեղը. դաշույնի ծայրով զգուշությամբ խառեց թուղթը: Մի

փոքրիկ ծակ բավական էր ականջը դեմ տալու և ներսի խոսակցությունը լսելու: Նա թղթի խաղածը մատով լայնացրեց և ականջը դեմ տվեց:

Այժմ գործում են նորա տեսանելիքն ու լսելիքը. ներսի գործողությունները բոլորը կատարվում են նորա ներկայությամբ:

Հյուրերից մեկը ետ բաց արավ յուր լայնաբղանց վերնահագուստը, ձեռքը գրպանը տարավ, հանեց մի թղթի փաթեթ և պարզեց քուրսու վերա: Մի բաղդադի մետաքսա թաշկինակի ծալքից փայլին տվեց ոսկյա մանյակը, իսկ տակից դուրս եկած մատանու կարմիր հակնթյա գոհարի շողողյունը ծակեց ուղղակի մեր դժբախտ երիտասարդի սիրտն ու աչքերը:

— Ահա՛, էս մեր նշանը, Բարսե՛ղ. կամ վե՛ր կալ, ասա՛ աստված շնհավոր անի, կամ տուր գլխնեքովս ու մեզ երեսի վրա ետ դարձրու,— ոսկի շարքը ձեռքին բարձրացրած՝ շխշխկացրեց երկարահանդերձը:

— Ա՛յ ձեզ մատաղ, ախար էդ ո՞նց կըլնի, բաս հայ-քրիստոնեություն չկա՞, բաս հախ միայն տերը (աստված) կրակ չի՞ շաղ տալ մեք գլխին. ախար մեջտեղն արյուն կա, չհաս ա:

— Քո ի՞նչ բանն է, Բարսե՛ղ,— ընդհատեց խոսողին հոգևորականը.— օրենք դեռ-քանդողը մենք ենք, հասցնողն էլ՝ վանքքիք. ես ասում եմ՝ չհաս չի, նրանք էլ հրամայում են:

— Ախար, տերտեր ջա՛ն, կամ դու ո՞նց կասես, կամ նրանք ի՞նչպե՞ս իրանց հոգին կսևացնեն:

— Մեր աղի քյալլեն (զագաք) ողջ կենա, վանքցոնց կհրամայի, ձեռաց պսակի հրամանը կառնի,— պարծեցավ մյուս խոսակիցը:

Կարծես հիմա հասկանալի է թանկագին հյուրերի ով լինելը. առաջինը Օ. գյուղի ավագ երեցն էր, մեզ հայտնի տեր Սուքիասը, մյուսը՝ ինքը տանուտիր Խուրդն:

Տանուտերի կապերը Բալասան աղայի հետ մեզ քաջ ծանոթ են. բավական է իմանալ. որ տերտերի ավագ քահանայությունը, իսառա փիլոնը և թավշյա կամիլովկան Մելնիկովի միջնորդությանց արդյունքն էր, և ահա մենք կտեսնենք, որ Վլադիմիր Նեստորիչը մի ձեռքով բռնած ունի Օ. գյուղի հոգևորական և աշխարհական իշխանության ներկայացուցիչներին՝ կարևոր ժամանակն յուր օգտին պետք ածելու համար: Սակայն խոստովանվում էր Բալասան աղեն, որ հաճախակի տերտերի հմտությանց դեմ ինքը տեղի է տալիս:

— Հիմի հասկացա՞ր, Բարսե՛ղ, որդյա՛կս, թե աղջիկդ սրա տղին տալով՝ ի՛նչպես մարդի շվաքի տակն ես մտնում. ուրիշները փող կմըսխեին ու էսպես չհաս չէին կարող գլուխ բերել. իսկ հիմի ոչ տանուտերի,

և ոչ քո քսակից մի կոպիկ չի գնալ. Բալտասան աղեն կամեցա՞վ թե չէ, էն օրը պսակի՛ր:

— Ախպե՛ր, ես ոչ աղջիկ ունիմ Խուրոյի աղին տալու, ոչ կաշառքներ մսխելու հոգս քաշեմ. ես մի անգամ հաստատ խոսք եմ տվել Գալոյի տղին, աստված իրան արժանի անի: Էլ ես ձեզ ասեմ, որ դեռ նշան չենք դրել, բայց գլադեն (տղան) կապը կտրած շան նման ամեն գիշեր ներս ա ընկնում: Դե, դորթ ա, քշփշոցից ավել բան չկա միջներին. համա ձեզ լայաղ չի (վայել չէ) ուրիշի շունչը առած աղջկանն ուզել. մերը երգում-կրակն ա ընկնում, միայն ես չեմ հավատում, որ մի հատ էլ ա աղունիկների պես իրար գուրգուրած, կտուց-կտցի քսած չըլնին:

— Հեր օրհնած, հմի ազափ տղեքը որբների կնիկ են առնում, չեն ամաշում, քո պաշած աղջիկը տանուտերի տղի կատիկին դեմ կանի՛:

— Տերտերը ո՛ղիզ ա ասում, մեզ հաճո ա,— հաստատեց տանուտերը:

— Շատ էլ ձեզ հաճո ա, բայց իմ սրտովը չի. ես Գալոյի Սամփսոնից աղջիկ չեմ հանիլ:

— Կփռմանես, Բարսե՛ղ,— սպառնաց Խուրոն:

— Աստված ինքը ոչ փռմանություն տա, շատ անեք՝ բաղերս պտի քանդել տաք, հնձանս պտի կրակեք, ոնց որ խեղճ Գալոյի գլուխը բերիք. գնացեք, արևք: Գալոյի տղեն աղջկանս իմ մլթերի սիրու չի ուզում, նա տկուր դուս կտանի, մենք էլ շատովը չենք, մի տեսակ օրերս կմթնացնենք, ընչանք Սամփսոնի ձեռի հողին կարծանանանք:

— Շատ ես սիրո՞ւմ Սամփսոնին,— խորամանկ հարց տվեց տեր-Սուքիասը:

— Աչքիս լսի պես:

— Նա էլ քո աղջկանը չի կարող առնել:

— Ումնի՞ց կվախենա:

— Ոչովից:

— Դու չես պսակիլ, գործակալին իրան կկանչեմ:

— Տեսնե՛նք:

— Բաս, աջի՞դ մեռնիմ, վե՛ր կացեք, ոնց որ եկել եք, գնացե՛ք, հավաքեցե՛ք ձեր բերած նշաններն ու ուրիշի դռնովը ներս մտե՛ք. ես իմ փեսեն ունիմ, Սամփսոնի կտրած դունգը հազար տղի հետ չեմ փխիլ:

— Վե՛ր կաց գնանք, տանուտե՛ր,— ասաց տերտերը,— պարզ երևվում է, որ սա էլ բանի մեջ խառն է, ապա թե ոչ՝ մարդասպանին, արեն-կերին ո՞վ է գժվել աղջիկ տա:

— Ի՞նչ ես ասում, տերտե՛ր:

— Հանի՛, տանուտե՛ր:

Տանուտերը ծոցիցը հանեց մի թերթ քառածալ թուղթ:

— Էդ ի՞նչ թուղթ ա,— շփոթված հարցրեց Բարսեղը:

— Առ կարդա՛ ու իմացի՛ր,— առաջարկեց տերտերը:

— Ես որ կարդալ իմանայի, օրինավոր մարդ կլինեի:

— Ուրեմն լսի՛ր:

Քահանան սկսեց բարձրաձայն կարդալ.— Մենք մեր աչքովը տեսանք, որ Աստ Դոնդարովի սպանողը Սամփսոն Գալուստովն էր և ոչ թե Հայրապետ Դվակոթովը: Հայրապետն այդ օրը գյուղումը չէր, նա բամբակ էր տարել Երևան ծախելու: Մենք մեր ասածն երդումով կհաստատենք:

— Էդ գիր տվողներն ո՞վ են,— գունատված հարցրեց Բարսեղը:

— Ով իր աչքովը տեսել ա ու էստեղ ձեռք քաշել, գլավնու փեշատովն էլ զավերնի արել (տանուտերական կե՛ռով վավերացնել),— պարծեցավ Խուրոն.— տեսնո՞ւմ ես, հիսուն հոգուց ավել են. էն օրը դատարանումն ինձ խեղդում էին, ես Սամփսոնին խեղճ էի պալիս, չէի ուզում հաստատեմ, նրանք դատարանը գլխներն էին առել, քիչ էր մնացել՝ խեղճ գրազրին ոտնասուակ էին տալիս, որ զավերնին մի քիչ ետացրից:— Թե չես հաստատիլ, ասում էին, մենք կտանենք նաշալնիկի իրան փեշատը դնիլ կտանք, քեզ վրա էլ գանգատ կանենք, թե Գալոյից կաշառք ա կերել: Ես էլ վախեցա ու ձեռք դրի:

— Ա՛յ ձեր տունը մահ մտնի,— վիզը թեքեց Բարսեղը,— դուք ո՞նց եք անմեղ մարդի արյունն ընկնում՝ խեղճ Գալոյի տունը քանդում. հերիք չէ՛ր՝ տունը կրակեցիք, տասը տարեն սնկած բաղն եք ետ խլում, հիմի էլ աչքի սև ու սպիտակը մի տղեն ա, ուզում եք նրա վային նստել ձեր շար մտքերի համա՞ր: Տերտե՛ր, քո անտոնական-կարգին կապված ըլնեմ, թե սուտ ասեմ. էն գիշեր աքլորն երեք բերան կանչել էր; որ Սամփսոնն աղջկանս հետ մեր գյաղմումը (սյառչգամը) փսփսում էր:

— Էդ ա, որ աստված էլ գլխին բարկացավ, աչքը հանեց, է. նա ի՞նչ իրավունքով, դեռ նշան չտված, ուրիշի աղջկան անունը կտրում էր: Աղջիկը որ կա, անկտրիլ ձմերուկ ա, ձեռք տալ չի ըլնիլ,— նեղացած ընդհատեց տանուտերը:

— Ախպե՛ր, նշանս ո՞րն ա, մեջը շհասություն չկա, երեխեքն իրար սիրել են, մի օր պսակվելու են. իր ապրանքն ա, թող էնքան զգզվին, որ բեղարեն:

— Դե թող ըստուց հետո զգզվին,— սպառնաց տանուտերը.— քունի օր ա՛՛ էթ թուղթը ծոցումս պահում եմ, լապուտ (հայտարարություն)

չեմ գրում նաշալնիկին, Սամփսոնին խեղճ եմ գալիս. բայց որ բանն էստեղը հասավ, ի՞նչ ես խորհուրդ տալիս, տերտե՛ր:

— Ի՞նչ պետք է խորհուրդ տամ, ինչ որ անցյալ օրը Բալասան աղեն քեզ հրամայեց, պարտական ես անել:

— Քեզ հավատացնում եմ, Բարսե՛ղ,— ասաց Խուզն,— մեր աղեն Սամփսոնի համար շատ ցավեց, բայց վերջը խորհուրդ տվեց, որ բանի եղելութունը քեզ գլխի քցեմ, նշանը վերցնեմ, գամ քեզ մոտ, էս թուղթն էլ ցույց տամ. թե նշանս վերկալնես, մի հնարքով Սամփսոնին ազատենք, թե չէ՝ օրն-էգուց կոնեբը կապեմ քամակիցը, երկու դարավուրի (պահապան) առաջն անեմ, զրկեմ նաշալնիկին:

— Դու էլ կանես, է՛լի:

— Լիսը դեռ չբացված:

— Էլ լուսանալուն ընչի՞ ես սպասում,— առաջարկեց տերտերը,— քո տեղակ լինեմ՝ այս բոպեհի բռնել կտամ. չե՛ս տեսնում, մեր պարոն Բարսեղը ձեռաց կփախցնի:— Եվ քահանան վեր կենալ ձևացրեց:

Հանկարծ մյուս սենեկի դուռը բացվեց և Բարսեղի կնոջ գլուխն երեվեցավ:

Նա ձեռքով նշանացի խնդրեց տերտերից նստել, իսկ ամուսնույն ներս կանչեց:

— Գնա՛, գնա՛, տե՛ս՝ խնամի Մարգարիտն ի՞նչ ա ասում,— դարձավ քահանան դեպի Բարսեղը,— դա տասը քեզ շափ խելք ունի, դրա խոսքին լսի՛ր, մենք կսպասենք:

— Տունդ քանդվի՛, դուռդ շարվի, ա՛յ մարդ, մենք կորած ենք էնտեղ արնքի (արշան) բանատեղ ա դառնում. գնա մի տե՛ս՝ քո գյազմի վրա (պատաշգամբ) ի՞նչ կա. լա՛վ, որ թխկոցի ձեն լսեցի, դուրս էլա աչքովս տեսա ու եկա, էն ճարը կտրածի աղչկանը զրկեցի:

Կնոջ կցկատուր խոսքերից Բարսեղը ոչինչ չհասկացած՝ կամեցավ անձամբ հասու լինել պատաշգամբի վերա կատարված եղելությանը. բայց էլ կարիք չմնաց գնալու. ահա Սոնան բաց դաշույնը մի ձեռքին, մյուսով ներս է քաշում սարի պես տղամարդին՝ Սամփսոնին:

Նա Սամփսոն չէր, երկու տարեկան թոթովախոս երեխա էր, որի ձեռքը բռնած՝ կարող ես ցանկացած տեղդ քարշ տալ. մանուկը ոչ ուժ ունի քեզ դիմադրելու և ոչ լեզու՝ յուր տհաճությունն արտահայտելու. նա միայն լացով է հասկացնում յուր կամքը: Մեր Սամփսոնը ներկա բոպեհին այդ միակ հատկությունից էլ դուրկ էր. ոչինչ դիմադրություն, օչինչ լաց կամ խոսք. և ի՞նչ էր զգում խեղճը, որ սրտի ցավ հայտնել կարողանար, Սամփսոնը մի անբան, տնային անասունի, քան բանա-

կանի էր նման. քթի ծակերից պարբերաբար դուրս փչած շնչի տուրևա-տության հեծկլտանքն էին միայն կյանքի նշույլներ տալիս:

— Էս ի՞նչ ա,— ուզում էր ձայն արձակել Բարսեղը, բայց Սոնան ընդհատեց. նա ձեռքը բարձրացնելով՝ հասկացրեց հորը լռել, իսկ ինքն յուր քարշ տված էակին, կամ ավելի հարմար ասենք, առարկային, նըստացրեց մի անկյունում:

— Ձեն ու ձուն չհանե՛ս, տեղիցդ չշարժվի՛ս, թե չէ ասածս ձեռաց կկատարեմ,— հրամայեց աղջիկը իբրև մի մայր, որ պատվիրում է երեխային լռել, ապա թե ոչ՝ հայրիկին կասի, նրան սյունից կկապի, մինչև երեկո քաղցած կպահի:

— Ափու ջա՛ն (հայրիկ),— շոքեց Սոնան հոր առաջին.— ոտիդ տակին մատաղ, գնա՛ էդ ժարդկանցը խոսք տո՛ւր, բելգյահը (Նշան) վեր՛կալ:

Սամփսոնն իրան թափ տվեց. մինչև այդ բոպեն նորա բաց աչքերն ու բերանը ոչ մի կենդանության արտահայտություն չէին երևեցնում. մի ապուշ էր, մի անշունչ արձան էր, որի հայացքն յուր հրամայողի երեսից չէր հեռանում. իսկ այժմ նրա գլուխը բարձրացավ, դիրքն ուղղություն ստացավ, բերանը փակվեց ու աչքերի մեջ բարկության ու կատաղության կայծեր ցայտեցին:

— Չլլի՛մ, չիմանա՛մ՝ ձեն ու ծպտուն հանես,— խանչալը Սամփսոնի վերա շարժեց Սոնան,— թե չէ՛, ը՛հը՛...— և նա ծռեց դաշույնի սուր ծայրը դեպի յուր կուրծքը:

Երկշոտ երեխայի վերա ազդեցին մոր սպառնալիքը, և նա հանդարտվեց:

— Էղպե՛ս, սո՛ւս կաց. իմ արածներս հետո կհասկանաս. ժած մի՛ գալ. տեղդ ծանր նստի՛ր,— կրկնեց աղջիկն յուր պատվերը Սամփսոնին ու դարձավ դեպի հայրը:

— Գնա՛, ափո՛ւ, ասա՛ էդ մարդկանցը, որ իմ աղջիկը յուր հոծալ կամքովը Խուզոյի հարսն ա դառնում, բայց նա երկու խնդիրք ունի ձեզանից. առաջինը, որ էստեղ ևեթ Սամփսոնի թուղթը ձեզք, նրան շրիպչեք. մեկելը, որ մի շաբաթ խոստովանք պահեք, գեղը շավ շանեք (չհռչակել): Ասա՛, թե որ մի անլիզու երեխի բերանից էլ էս խաբարը դուս ա եկել, թե ձեր բելգյահը մեր տանն ա, իմ ոտը ձեր շեմքովն անց չի կենալ, ժամիցը՝ սեղանի տակիցը ետ կգառնամ ու չեմ պսակվիլ:

Սուր էր այդ բոպեհին Սոնայի ձայնը, նորա ամեն մի խոսքը լսողի անձը սարսափեցնում էր, ճրագի տակին նորա կերպարանքը վսեմ և սքանչելի էր, դողողուն ձայնը խիստ ազդու էր:

— Ասա՛,— շարունակեց գոհճիկ գլուղականի ամաչկոտ աղջիկը,—

« րազդադի աղուխն ու մատանիքը թողան էստեղ, ոսկիքը ետ տանեն:

— Գե՛, էն գինու գավը տո՛ւր, ա՛յ կնիկ,— անգիտակցաբար ասաց Բարսեղը Մարգարտին,— տանեմ մի-մի թաս աշքալիսեք լակացնեմ (խմեցնեմ) ու ճամփու քցեմ:

— Մի կաթիլ էլ չի՛ կարելի,— վերցրած գավը մոր ձեռքիցը խից Սոնան,— ասա՛՛ աղջկանս կամքն ա, որ էս իրիկուն նշանը թողալուց ավելի ձեր բերանը ոչինչ չպիտի մտնի:

— Ախար էդ ի՞նչպես կըլնի, ա՛յ աղջիկ, բաս նշան կտան ու աշքալիս չեն խմի՛ր:

— Ա՛յ էսպես,— ասաց Սոնան և դաշույնը ձեռքին շտապեց բաց անել միջին դուռը և ուզում էր դուրս ընկնել մյուս սենյակը:

— Կա՛ց, ճար կտրածի աղջի՛կ,— առաջ ընկավ մայրն և արգելեց:— Գնա՛, տնաքանդի՛ մարդ, գնա ասա՛, էլ ի՞նչ ես ուշացնում:

Մարգարիտը դուռը կիսաբաց արավ և մարդին դուրս հրեց հյուրերի մոտ:

— Մի՞ծն ուտեմ խելոք բալուկի, դու էլ գնա՛, դռան արանքը մի՛ քիչ ծերպ արա՛ (դուռը կիսաբաց արա), թող մեր տանուտերի հարսնացուն իր բարի աշքովը տեսնի, որ տերտերն իր ազիզ խաթեր համար հարյուր կտոր է անում նրա առաջվա նշանածին գործի տակ քցող թուղթը. ասա՛՛ քանի ես կենոք կենդանի եմ, ոչով չի կարող Սամփսունի մազին գիպել:

Տերտերն յուր խոսքը կատարեց. Բարսեղը դեռ նոր էր դուռը բաց արել և երեսը դեպի նոր խնամին դարձրել, տեր-Սուրբիսաը ձեռքի թուղթն արդեն պատառոտել էր և ցրիվ տվել հատակին:

— Դե՛հ, տանուտեր կուզո՛ւ, վե՛ր կաց,— տեղիցը կանգնելով ասաց տերտերը,— հարսդ համ խելո՞ք է, համ բարի՛. թե քո Կարապետին բախտավորացրեց, Սամփսունին էլ Սիբիրից ազատեց:

Հյուրերը մետաքսյա թաշկինակն ու մատանին թողին քուրսու վերա իրն նշան և իրանք գիշեր քարի մաղթելով՝ հրածեշտ տվին:

— Հենց իմանաս, տերտե՛ր, միկիտան Սաքոյի հետ մի հոգի, մի մարմին ըլնիս,— ասաց նրան փողոցումը տանուտեր կուզոն:

— Ի՞նչ միկիտան Սաքո:

— Էն, որի պատմությունը դու անցյալ շաբաթ մի գրքում կարդացիր ձեր տանը:

— Դու ի՞նչ գիտես, թե մենք երկուսս մի հորից, մի մորից չենք:

— Հանաք չեմ անում, դու միկիտան Սաքոյի խելքը բանացրի:

— Ինչպե՛ս:

— Ախար էն սհաթը ո՞րտեղից միտդ էկավ Բարսեղին ետ դարձնել:

դուռը բաց անելու՝ ու ինքդ վրադարին (հապենպով) իսկական թուղթը չեքդ կոխեցիր, մի ուրիշ անպետքը հանեցիր ու պատառոտեցիր, նրանց էլ ավատացրիր, թե հենց Սամփսունի թուղթն էր, որ ոչնչացրիր:

— Դե, փառք աստուծո, քո բերանովը վկայեցիր, որ միկիտան Սաքոյի հետ մի հոգի, մի մարմին ենք, մի հոր սրդի ենք, էլ ո՞ւր ես իմ խելքի վերա զարմանում,— պատասխանեց բազմակողմանի դիտումներով կատարյալ միկիտան Սաքոն, քան նորա երկվորյակ տեր-Սուրբիսաը:

ԻԲ

ԽՈՍՔԸ ՇՈՒՏ ՎԵՐԿԵՆԱԼԸ ՉԻ, ԽՈՍՔՆ ԱՍՏՄՈ ՀԱՋՈՂՈՒԹՅՈՒՆՆ Է

Ճատ ժամանակ չէ, որ փոքր-ինչ հեշտացել է Խրամի մուտքը: 1520 տարի հառաջ դեերի անցք էր ներկայացնում նա:

Ասածս Օ. գյուղի ճանապարհն է, որ հաղորդակցություն ունի գլխավոր կենտրոնների հետ: Խրամ կամ Չորամուտը կոչելն յուր հիմնական պատճառն ունի. բնությունը նեղելով մեր աշխարհի անուշահամ գետակներից մեկը անդնդախոր ձորի անմատչելի ժայռերի մեջ, չի կամեցել իսպառ զրկել կենդանի էակներին յուր ամենամահաբերական բարիքներից մեկը վայելելուց:

Չորը, որի մեջ անսահման հավիտենականությունից հոսում է կատաղի գետակը, նմանում է մի կիսազալար տարածված վիշապ օձի, որի գլուխն ավելի է մեծ, քան թե ամբողջ մարմինը, որի տուտը և մարմինը փոված է ընդարձակ դաշտի մեջ, իսկ գլուխը հասցրել է յուր գալաթումը մինչև մեծանիստ լեռները, որի բերանի ճեղքվածքը, թեև համեմատորեն ոչ այնքան լայնարձակ, բայց սուր-սուր ժանիքը, ծնոտների երկու կողմից դուրս ցցված, սարսափ են ներշնչում տեսնողին: Ահագնատեսիլ խորհուրդող քարափներն են գետակ վիշապի ատամները, կապույտ ու պարզորակ ջուրն է նորա երկայն և բարակ լեզուն:

Երեսուների շափ հայ գյուղերայք շարահարված են գետատտի շրջակայքում՝ սկսած ճիշտ այնտեղից, ուր չքանում են ժայռերը, ուր դադարում է կարկաչաձայն խոխոջումը և անհայտանում են փրփրադեղ ալիքները, ուր ականջ խլացնող շատախոս կաշաղակը պապանձվում, հանդարտվում և քնած, մեռած հառաջ է հոսում ավազի և տղմերի միջով. ընդարձակ տափարակի վերայով, ողջույն տալու և միախառնվելու տասնապատիկ իրանից մեծ գետին՝ հայ աշխարհի մայր— հինավուրց Արաք—

սին: Բայց մեր գետակն ըղձատուշոր է լինում՝ հենց ժայռերի պաշտպանությունից զրկված տեղումը, ինչպես ասում են՝ նորա մուրազը փորումն է մնում, փափագին չի հասնում. քաղցած գայլերի նման հարձակումն են գործում նույն տեղում յուր վերա բնակվող գյուղերը և առուներով գետակի վերջին կաթիլն էլ հափշտակում: Մեր գետակը շատ արդյունաբեր է, նորա ջուրը քաղցրահամ է, նորա ամեն մի կաթիլը ոսկի և արծաթ է:

Որչափ դյուրամատչելի է դառնում մեր գետակը դաշտային տափարակի վերա, դորա հակառակը՝ հեշտությամբ մուտք չի տալիս իրանից օգտվելու լեռնոտ վայրերում, ուր, ինչպես ասացինք, խոր անդունդում՝ սանդարամետների կացարանից շատ մոտ է վազում:

Երկու կոփածո կամուրջ միայն հաջողեցրել են նախնիքը կանգնել այն գետակի վերա. բնությունը հիսուն վերստաշափ տարածության մեջ պատառել է ընդամենը երկու խրամ կամ ձորամուտք, որպեսզի շքնհատվի գետակի երկու ափունքներին բնակվողների հարևանությունը:

Թեպետ երթևեկը չի դադարում այդ ճանապարհով, սակայն ածան չի նստում անցվորականին նորանից օգտվելը. անիվը դարերով կովել է և վերջերս միայն հաջողացրել է գլորվիլ երկու հիշյալ խրամներից մեկ կամրջովը, իսկ մյուսով դեռ ոչ մի հեծյալ, ոչ մի քաջ ձիավոր սիրտ չի արիլ ձի նստած անցնելու:

Վերջինս Օ. գյուղի մուտքն է, Օ. գյուղի խրամն է:

Այս կողմից մտնես, հանդեպից գաս՝ միկնույն է, խոնարհի՛ր, իջի՛ր ձիուդ սանձը ձեռքդ ա՛ռ և զգուշությամբ քաշելով ձորը մտի՛ր, ձորից վեր բարձրացի՛ր:

Գեղեցիկ է նայել ճանապարհորդներին՝ միմյանց հետևից ձիանքը քաշելուս. ուղտի շարքի են նմանում նոքա իրար հետևից կապած, այն զանազանությամբ, որ ուղտերի ոտնաձայնը չի լսվում, իսկ այստեղ ձիանց պայտերի և քարքարուտների շարունակ կոփվը միանալով գետակի գոչգոչունին, մի խառնաձայն շաշյուն և շառաշյուն է բարձրանում. արժե, մանավանդ սաստիկ մութ գիշեր ժամանակը՝ խաղաղ եղանակին, նստել մեր անբախտ Արսեմ Սերգեյիչի պատշգամբի վերա և դիտել հեռվից կայծերի բազմությունը, որ օձաձև ցուում են պայտերի և քարերի միմյանց ընդհարվելուց:

Ահա այս դժոխային ճանապարհով Օ. գյուղի խրամով իջան դեպի ձորն երեք հոգի և մոտեցան կամրջին:

Նոքա սառած մնացին կամրջի ականջին միված, երբ նկատեցին ձորի մյուս երեսից խրամի նեղ անցքը մուտ գործելու տասնի չափ ճանապարհորդներին:

— Վա՛հ, — բացականչեց անգիտակցորեն երեք ուղեկիցներից մեկը:

— Էլ ի՞նչ վահ:

— Գնա՞նք:

— Ուզենանք էլ՝ շենք կարող գնալ, տեսնենք՝ էս փոթորիկն ո՞ւմ գրելին աստաբեղու. չես տեսնո՞ւմ՝ քանի հոգով են գալիս:

— Քանի նրանք մեզ շեն նկատել, եկեք մտնենք կամրջի կամարի տակը, թող գան անց կենան, կորչին, մեզ շտեսնեն, — ասաց երրորդը:

— Ո՞ւմ աչքիցն էս պող տալիս (շեղվիլ) փախչում. տե՛ս, ինչպես է գալիլ ժանիքը ետ բաց արել, փառ-փառ ծիծաղում. նա, երևի, մեր մեջ յուր որսը գտել է և պատմում է յուր առաջից եկողներին, — ասաց առաջինը:

— Բաս ի՞նչ անենք:

— Սպասենք, թող գան, անց կենան, հետո կմտածենք:

Վերջին խորհրդածությունն ավելորդ էր, ուղեին կամ ոչ, պարտավոր էին կանգ առնել՝ մինչև դիմացի ճանապարհորդների գալ և անցնելը. ամենալայն անցքը, ուր կարելի էր կանգնել և եկողին տեղ տալ, կամրջի երկու ականջների մասի հետ բացված փոքրիկ հրապարակներն էին: Այստեղ են սպասում միշտ անցվորները՝ միմյանց ճանապարհ տալու:

Գիմացի եկող ճանապարհորդները մոտեցան:

— Բարի լույս, Մելիք-Բաղա՛լ, — հանդուգն ժպտով, գլխի արհամարհական շարժումով ողջույն տվեց նրանցից մեկը:

Բարև տվողը քաղավանի մեջ հրրորդ տեղն էլ բռնում. նրանից առաջ ուրիշ երկուսը բավականացան լուծյամբ ձեռքերը մոտեցնել պաշտոնական գլխարկի եղրին և անց կենալ. քաղաքավարության պահանջն էր այս: Մելիք-Բաղալն յուր երկու ընկերների հետ պատկառանքով գլխարկները հանած՝ վաղուց սպասում էր գիմացի եկավորներին:

— Հը՛, Գալ-ափո՛ւ, քեֆդ ո՞նց ա, էս ո՞ւր բարով. ա՛յ տղա, Սիսակ, դո՛ւ դեպի ուր, էլ ի՞նչ խորհուրդ եք կապել, էլի մի սղուն կունենաք աղալու, — հարցերն իրար քամակից շարեց նախկին ողջունողը մեր երեք մոլորածներին:

— Ոչինչ, աղա՛, — դառն հեզնությամբ, բայց համեստորեն պատասխանեց Մելիք-Բաղալը. — գնում ենք մեր քյասիբությունին (կարիքը հոգալու). երեխեքը տկոթ են, մի քանի գազ խամ կտավ պիտի առնենք, բընդ-մընդորենք (վատ կարել), շլինքները բցենք. ի՞նչ աղուն պտի աղանք. աղունն աղում ա ջաղացի մեծ քարը, ատամները սուր, ինքը հաստ, օր ու գիշեր ծամում ա ծամում ու չի կշտանում:

— Յորևնի ջանն էլ է հանում, նրան ո՞վ է ասում՝ զա ընկնի քարի տակը, որ ճխվի,— պատասխանեց աղա կոչվածը և, երևի մեծապես գոհ յուր սուր և կծու պատասխանից, սկսեց կշկշուլ ձուածան հավի պես ավելի բարձր, քան գետի կարկաշունը:

Քարածերպերը շատ հնուու տարան նորա ծիծաղի արձագանքը:

— Կարծեմ հարկավո՞ր է, Վասիլ Վասիլիչ,— հարցրեց աղեն ուսերեն յուր առաջից գնացող զավառապետի օգնականին:

— Ինչպես կամենաք, Վլադիմիր Նեստորիչ,— պատասխանեց Վասիլ Վասիլիչը:

— Մահձա՞ղ, էստե՞ղ ես,— դարձավ զավառապետի օգնականը դեպի սարի առջ կոչված, քամակից եկող յասավուլը և ցուցամատով մի նշան տվեց:

Յասավուլն երևի լավ գիտեր յուր տիրոջ նշանները. նա կանգ առավ կամրջի սկանչին, կանգնեցրեց յուր համապաշտոն երկու ուրիշ յասավուլներին և երեք զազախներին ու ինքը մոտեցավ Մելիք-Բաղալին և զլխով վերադարձ ցույց տվեց:

— Եկե՛ք, տղե՛ք,— ասաց Մելիքն, և ետ դառան:

— Գալ-ափո՞ւ, տղիդ ե՞րբ ես պսակում,— առանց ետ նայիլու ձայն տվեց Բալասան աղեն.— շո՛ւտ արա, մի հարսանիք ուտացրո՞ւ. իհարկե, անշնորհք շես լինի, կհրավիրես:

— Բարով էն օրը հասնինք, հեշտ է,— սառը պատասխան տվեց Գալուն:

— Գնում ես զործակալի մոտ, է՛լի... հա՛... հա՛... հա՛...— նորից պարանոցը ետ թեքելով կշկշաց Մելիկովը:

Գալուն լռեց:

— Լավ եք միտք արել. Գալ-ափուն պսակի հրամանը կխնդրի, Մելիք-Բաղալը միջնորդ կընկնի աթոռահարկը քիչ առնելու, Սիսակն էլ Քղթերն ու խնդիրները կզբի, եթե, բան է, գործակալը հրաման տալու չլինի. էդպես բաներում Սիսակը վարժ է, գրիչը սուր է, օրական հարյուր խնդիր սուտ և ուղիղ կշարադրի, ձեռք կղնի, կտա, մեկի տունը կշինի, մյուսինը կքանդի. ապրի ինքը, լավ տեղերում է յուր գիտությունը զործ գնում,— թունալից ժպիտով շարահարեց Մելիկովն այս խոսքերը:

— Ես ոչ վանեցի եմ, ոչ վանեցու խորհրդակից և ընկեր,— կարճ կտրեց Սիսակը:

— Շատ չի քաշիլ, կտեսնենք:

Մեծ դժվարությամբ դուրս եկան վերջին խոսքերը Բալասան աղայի բերանից. արյունը գլուխը տվեց, ատամները կցվեցան բարկությունից:

վերջին բառը երկար զողզոջումով ու ծորումով ձգվում էր նրա ատամների կրճատմի հետ:

Լավ որ խրամի նեղությունը տեղ չտվեց Բալասան աղային ետ դառնալու և այդ սրտովը Սիսակի վերա հարձակվելու, ապա թե ոչ, եթե կարողանար և Սամփսունի էլ ուժն ունենար, Սիսակին նա միջից երկու կես կաներ:

Մեր Սոնայի սիրահար Սամփսունի համար չէ խոսքս. սուրբ գրքի հերոս, առյուծի բերան ճղող, տիկին Գալիլայի ձեռքի խաղալիք Սամփսունն եմ ասում:

Ճանապարհորդները խրամը դուրս եկան:

Չորամուտքի բերանին ամենքը ձի հեծան:

Քանկագին հյուրերն իջան Բալասան աղայի տանը:

ԻԳ

ԲԱՐԵՐԱՐԸ

Օ. գյուղը դղրում է, վայնասունը տանում է, յասավուլ, զազախ ընկել են փողոցներն և պատահողի վերա մտրակները ճոճում:

Մեկից խոտ են պահանջում, մյուսից գինի, օղի, հավ, ձու, յուղ, բրինձ և ամենայն բարիք, ընչով գրաստների հետ իրանը էլ կարող են բարեկենդան անել:

Տանուտերը գզրի ձեռքով գյուղական իշխաններ է հրավիրում Բալասան աղայի տունը: Կանչվեցին և Գալ-ափուն ու Մելիք-Բաղալը:

Մելիկովի դահլիճում առյան բացվեց:

Նստած են քննիչը, Վասիլ Վասիլիչը և ինքը Վլադիմիր Նեստորիչը: Սրա կողքին է և տեր-Սուրբիսար:

Գյուղի իշխանները ոտքի վրա են:

Սպասում են:

— Սամփսունը չի երևում,— ներս եկավ և բանավոր գեկուցումն արավ տանուտերը:

Բալասան աղեն թարգմանեց Վասիլ Վասիլիչին:

— Գետնի տակից հանեցե՛ք, բերե՛ք, թե չէ գյուղը կրակ կտամ,— ոտքը հատակին զարկեց Վասիլ Վասիլիչը:

— Ի՞նչ ես կարծում, ո՞րտեղ կլինի թաք կացած,— քիչում էր Մելիկովն յուր կողքին նստածի ականջն:

— Հագիս շպիտք է լիներ այս, գետնի տակիցը դուրս քաշեի, գլուխըդ վկա:

Խոսակիցը ցույց տվեց Բալասան աղային յուր լայն քղանցքը:

— Եթե տեղը գիտես, Խուղոյին աչքով արա՛, թող գնա բերի:

— Ուրեմն ինչո՞ւ է տանուտեր, եթե այդքան էլ գլխի չի ընկնում. ձուկն ինքն իրան ա թուռն ընկել, դա աչքի առաջին թողած, չուրերն (անապատ) է չափում. միայն մեր Խուղոյի բանն աչ է, Բարսեղն էլ խաբել չի կարող, գողն և գողակիցն ի միում պատժի կան:

— Ի՞նչ ես ասում, տերտե՛ր, պարզ խոսի՛ր:

— Ասում եմ, որ Սամփոսնն այս րոպեիս Բարսեղի տանն է:

— Է՛հ:

— Կարգս վկա:

— Ընչի՞ց գիտես, տերտե՛ր, չէ՞ որ Խուղոն ասում էր, թե յուր տղայի էշանը վերցրել է Բարսեղը, ես էլ կարգադրել եմ, հենց հիմի գործակալը կգա, քննություն կանի, խորթություն կմտցնի չհասի մեջ և գործը կվերջանա:

— Հենց էդ է, որ շան աղջիկը զալում (խոտամանկ) էր, նշանը վերցրեց, առաջինն՝ իր խելքով Սամփոսնի մահապարտական թերթը պատռել տալու դիտամամբ, և երկրորդ՝ մի շաբաթ ժամանակ նշանակելով, որ միջոց գտնեն, գործակալից մի հնարքով իրավունք խնդրեն պսակելու: Բայց ի՞նչ մարդի պոչ էին սառցի կապում. նրանց ցերեկը ման եկած տեղերն ես գիշերն եմ հազար անգամ ոտնատակ տվել. հասարակ թուղթը պատռեցի, իսկականը պահեցի, գործակալի հայտարարությունը պատրաստեցի և ձեր քամակից մարդ շրկեցի շուշանալ. — երկաթը տաք-տաք կծեծեն:

— Փառավորվիս, լավ ես մտածել, էդ վիայություններն այսօր մեզ շատ պետք են. աշխատելու է որպես և իցե Դոնդարենց Ասոյի սպանությունը Դվակոթենց Հայրույց հեռացնել, Սամփոսնի վզովը փաթաթել, Բարսեղի աղջկանն էլ պսակել մեր Խուղոյի տղի վրա:

— Էդ հրկու գործն էլ վերջացած համարի: Էնքան լինի՝ Սամփոսնը փոքր կսակածանքի տակ ընկնի, Բարսեղն իր ձեռքով դուս կքաշի աղջկանը. կտա Խուղոյի տղին, եթե, ինչպես ասում ես, խորթությունը հաստատվի:

— Բայց ինչի՞ց գիտես, որ Սամփոսնը Բարսեղի տանն է. քննիչը տասն անգամ սպառնաց թաքցնողին խստիվ պատժել. մի՞թե Բարսեղը գիտությունը չուր:

— Բարսեղն անասունների մեկն է. աղջիկն յուր նմաններին օրա-

կան տասն անգամ կտանի ջուրն ու ծարավ ետ կբերի. նա յուր հորն ու մորն էլ է խաբել:

Եթե մինչև Խուղոյի նշանը վերցնելու օրը Սամփոսնը միայն գիշերներն էր գնում Բարսեղի տունը, այնուհետև ցերեկներն էլ նրանց գոմից չի դուրս գալիս, ես հսկել եմ տվել և ստուգել: Այդ էր պատճառը, որ ձեր գալը փութացրի. ի՞նչ լավ տեղն էլ պատահել եք. ինչպես ասած է՝ կաղը կամրջի վրա եք բռնել. աղջկա խորհրդով Գալոն Մելիքին ու Սիսակին առած՝ գործակալին էր գնում:

— Էդ թո՞ղ, տերտե՛ր, հիմի ասում ես Խուղոյին ուղարկենք Բարսեղի գոմը պատելու, — հարցրեց Մելիքիովը:

— Կարիք չկա, ես ամեն բան կարգադրեցի: հենց հիմի տանուտերի օգնականը կբերի. բերանս քեզ հետ էր խոսում, աչքերս նրան էր բան հասկացնում:

Ուղիղ էր տեր-Սուքիասի խոսքերը. երկու դազախի հսկողությամբ տանուտերի օգնականը ներս բերեց Սամփոսնին:

— Ո՞րտեղ էր, — հարցրեց Վասիլ Վասիլիչը:

— Բարսեղի գոմումը, — պատասխան տվեց տանուտերի օգնականը:

— Կանչել Բարսեղ Ալեքովին և Գալո Պետրոսովին, — հրամայեց Վասիլ Վասիլիչը:

— Մենք ենք, — առաջ եկան ժողովրդականների միջից Գալոն և Բարսեղը:

— Դու ի՞նչ իրավունքով տանդ թաքցնում ես մարդասպանին. — հարց տվեց քննիչը Բարսեղին:

— Ի՞նչ մարդասպան, աղա՛:

— Սամփոսն Գալոնին՝ քո փեսային:

— Մեկ, աղա՛ ջան, որ Սամփոսնն իմ փեսեն չի. մի դարդակ խոսք էինք տվել, էն էլ տերտերին ու տանուտերին հայանի ա, որ խոսքս ետ առա. մեկ էլ, որ մի շաբաթից ավել ա, ես Գալոյին ու իր տղին ասել եմ որ սրանից հետո իրանց կորածն ինձանում չպտռեն. հիմի էլ զարմանում եմ, թե ինչպե՞ս էլավ. որ Սամփոսնն իմ գոմիցը դուս եկավ:

— Թողեք ես պատմեմ, — խնդրեց Սամփոսնը:

Նրան իրավունք տրվեց խոսելու:

— Սուտ չի, որ Բարսեղ ափերը (պառվանուն) մի քանի օր ա, ինչ տուն չի թողնում. բայց էն էլ ճշմարիտ ա, որ քանի դուս արած չէի, մեկնակ գիշերներն էի գնում, ընդուց հետո ցերեկն էլ եմ նշանածիս հետ սհաթներով գոմումը ջան ասում, ջան լսում. աստվածանից թաքուն չի, աղա՛, էս բազմությունն էլ թող իմանա: Ոչ իմ հերն էր գիտում, թե քանի

օր ա իր տղեն ո՛ր ա կորչում, ոչ Բարսեղն ու իր կնիկն էին իմանում, թե իրանց աղջիկն ընչի՛ ա շո տ-շուտ վերև-ներքև անում բակր:

— Այժմ ասա՛ ինձ, Սամփսոն՝ Գալուստով, — հրամայեց քննիչը. — հաստատ վկայություններով դու մեղադրվում ես Ասատուր Գոնդարովի սպանության գործում. հանձն առնո՞ւմ ես, դո՛ւ ես սպանել, քեզ հանցավոր ճանաչո՞ւմ ես:

Քննիչը ցույց տվեց Սամփսոնին հրուշքով կենդանացած տեր-Սուքիասի ձեռքով պատառված վկայագիրը մի քանի ուրիշ թղթերի հետ:

— Աստված էլ գիտի, աղա՛, որ ես էդ քանիցն անտեղյակ եմ. ընչանք էսօր ինձ կախ տալին, էլ պետք ա ձեռն օձեի, թե անմեղ եմ. բայց էսօր նշանածս, չգիտեմ՝ ո՛ր մեղքիս համար, կտրական ինձ ասաց, որ իր հոր հրամանն ա կատարելու, տանուտեր նուրոյի տղին ա առնելու թե որ էդպես ա, ալրերն ի՞նչ կանեմ, լավն էն ա՛ մի անգամ հա ասեմ ու պրծնեմ. հրամեկիք, աղա՛, Գոնդարենց Ասոյին ե՛ս եմ սպանել:

Ուղիղ էր ասում Սամփսոնը. Սոնան այդ հնարքն էր մտածել իր սիրեկանի ազատության համար:

— Ես քո սիրային հարաբերությունների հետ գործ չունիմ, — խոժովեց քննիչը, — դու ինձ կարճ պատասխան տո՛ւր, սպանե՞լ ես Ասատուրին, թե՞ ոչ:

— Սաքի չէ էլ ասեմ, պրծնելու չեմ, ճղճղատված թուղթը նորացել ա, վկայքն էլ պատրաստ են. ազատվեմ էլ՝ աչքս բաց չպտի կարողանամ նշանածիս ուրիշի կնիկ դառած տեսնել. մահը՝ հա՛ էսօր, հա՛ էգուց. լավն էն ա՛ կասեմ սչանել եմ, ու էսօրվանից կաղատվեմ էս քանդվելու աշխարհքից. հա՛, աղա՛, հենց ես եմ սպանել իմ ձեռքովս:

— Օրենքի առաջին երկդիմի խոսելն ավելորդ է. կարճ ասա՛, Սամփսոն՝ Գալուստով. մի քանի դոկումենտներով հաստատվում է Ասատուր Գոնդարովի սպանությունը քո ձեռքով կատարված. ճանաչո՞ւմ ես քեզ հանցավոր այն գործում:

— Արդեն ինքն յուր բերանովը խոստովանեց, էլ ի՞նչ կարիք կա նոր հարցմունքների, — ընդմիջեց քննիչին Մելնիկովը ուռեբռն:

— Սխալվում եք, հեղնաբար և պատճառաբանյալ խոսքերն ապացույց չեն կարող լինել, — պատասխանեց նրան քննիչը և շարունակեց բազմակողմանի հարցերի դիմել:

Մելնիկովի և յուրայնոց հուսախաբույթյունը աստիճանաբար ավելանում էր, յուրայնոց քաջ հայտնի էր վանեցու ձեռքով պատրաստված գրավոր ապացույցների անդորույթյունը, իսկ Սամփսոնը համառվել մնացել էր:

— Ես իմ ասելիքներս վերջացրի, — վճռաբար շեշտեց նա քննիչին, — նշանածից զրկվելուց՝ Սիրի՛ր գնալը շատ կուզեմ:

— Ես ստիպված եմ ուրեմն քեզ բանտարկել և վկաներին հարցնել, — հասկացրեց քննիչը Սամփսոնին:

Գովար էր ենթադրել, թե ինչ իտրախորհուրդ միայն հղացավ այն ընդհանուր տեր-Սուքիասի ուղեղում, որ հական թոթափել մոտ կանչեց Բարսեղին, ինչ-որ քվիչաց նրա ականջին և հաղորդեց Մելնիկովին:

— Կարելի՞ է խոսք խնդրել, — հարցրեց հանկարծ քննիչից Բալասան աղեն:

— Կարող եք:

— Կինդրբի թույլ տալ ինձ երկու ընդհանուր անանձին տեսակցել Սամփսոնի հոր հետ, իսկ մինչև այն ժամանակը դադարեցնելիք հարցմունքները:

— Գալ-ափո՞ւ, — մի կողմը քաշած՝ իրավունք ստանալուց հետո ասաց Բալասան աղեն, — Սամփսոնը դեռ երեսա է, նա չգիտե, որ ես իրան իմ նեակոյի շափ սիրում եմ. նեակոս մեռնի, թե սուտ եմ ասում, դու ականջովդ լսեցիր, որ Սամփսոնն իր բերանովը խոստովանեց, քննիչին այդքանը բավական էր, նա ի՞նչ կհարցնի, թե սիրածի սառը պատասխանի պատճառով է ուզում կորչիլ: Էս ընդհանուր քննիչը տղիդ կրոնքը կկապի, կղրկի բերդը. բայց այդ ինձ համար մեծ ցավ է, դու էլ մեղք ես. եթե դու ինձ հաստատ խոսք կտաս, որ տղիդ Բարսեղի աղջկանից ձեռք քաշել տաս, ես երաշխավոր կլինիմ, չեմ թողնիլ բռնի, վերջը մի տեսակ բոլորովին կազատենք:

— Ոտներիդ մեռնիմ, աղա ջա՛ն, իմ տան ճրուգը մի՛ հանգցրեք. վերև աստված, ներքև դու. ըստուց հետո Բարսեղի աղջիկը քաշովը մին ոսկի էլ ածենա, մեզ պետք չի, աստված իրա՛ հետ, ում կուզի՞ թող տանի տա:

— Ես քեզ հավատում եմ, Գալ-ափու, դու լավ մարդ ես. միամիտ կա՛ց, քո տղին կազատվի, — ապահովացրեց Մելնիկովը: — Բայց պետք է աշխատել, որ քննիչը չթշնամանա հետը. շատ զուր է Սամփսոնը նրան բարկացնում. մին հա է ասում, մին չէ, էդ իրան վնասում է. ամենից լավն էն է, մի անգամ վճռաբար ասի՛ ես եմ սպանել ու ծերին կապ տա. ես էստեղ չե՛մ, չեմ էլ թողալ բռնեն. փառք աստծու, աշօրդ առաջին ազատ ման ա գալիս Դվակոթենց Հայրոն. տեղիցը վեր կենողը ձեռն էր տալիս, որ նա է սպանել, բայց ես վնացի, երաշխավոր կանգնեցի և բերդիցը հանեցի:

— Աստված կյանքդ երկար անի:

— Դե տեսա՞ր, որ ձեռքիցս գալիս է. քո խելքդ ո՛րտեղ է. թոկից

փախածին որ տեր եմ կանգնում, քո գառը մինուճար տղին դեն կշարր-տե՞մ:

— Հիմի ի՞նչ ես հրամանք անում:

— Պետք է խոսք հասկացնես Սամփսոնին, որ քննիչին կտրական պատասխան տա, հա՛ ասի ու պրծնի:

— Բայց որ հա՛ ասի, մեջք թաղվի ու իմ տունը քանդի՞:

— Անգե՛ա, ես մարդ չե՞մ, ես որդի չունե՞մ, ես խղճմտանքից զո՞ւրկ եմ. ես կուզե՞մ, որ քո տղի մազը թեքվի. նեակոյիս թաղեմ, թե որ էս սհաթը շազատեմ: Այ, թե չես հավատում, քո առաջին հարցնեմ քննիչից օրենքը:

— Պարո՛ն քննիչ,— դարձավ Մելնիկովը,— եթե Սամփսոն Գալուստովը հանձն առնի մեղադրանքը, կարելի՞ է սրան ազատել բանտարկությունից կամ պատժից:

— 3000 մանեթ գրավականը կազատե սրան ժամանակավորապես, իսկ վերջը կամ տաժանակիր աշխատանքի կգատապարտվի, կամ գուցես ազատվի:

— Հիմի ո՛նց է, Գալ-ափու, խոսքս խա՞սք է, թե՞ ոչ, կարո՞ղ եմ ազատել, թե՞ չէ:

— Ի՞նչ ուզես, աղա ջա՛ն, որ ձեռքիցդ չգա:

— Դե ինձ լսի՛ր, համոզի՛ տղիդ, որ ասածս կատարի, հա՛ ասի:

— Սամփսոն ջա՛ն, արևիդ մատաղ, ձեռքդ աղի փեշը բքի, սրան լսի,— վիզը ծռած՝ խնդրում էր հայրը:

— Ինչ ես կամենում, աղա՛, որ անեմ. ուզում ես որ Բարսեղի աղջկանիցը ձե՞ռք քաշեմ:

— Ոչինչ չեմ ուզում,— լրջորեն պատասխանեց նրան Բալասան աղեն,— քո հոր խաթեր ես պատրաստ եմ 3000 մանեթը առլ, քեզ ազատել, թե որ դու մի անգամ վերջնական խոսքն ասես:

— Շատ զուր ես ասում, աղա՛, սչեստչին պարզն ասաց՝ մարդասուրպանի տեղը Սիբիրն ա:

— Դու ջահել ես, Սամփսո՛ն, գլուխդ քարոլն ես տալիս. քո հորն եմ խեղճ գալիս. մի սխալմունք ա, արեւ ես կամ չես արեւ, կորածը կորել է. սաղին էլ հետը կորցնելով՝ ձեռքներս բան չի ընկնիլ. իմ պարտքն է քեզ օգնելը, ես երաշխավոր կլինեմ քո փոխարեն:

— Զփոշիմանես, աղա՛:

— Սամփսոն ջա՛ն, հորդ ծերությունին խեղճ արի՛, աղին լսի՛. աստված իր բալեն պահի, թող քեզ օգնի, թող զամին (եռաշխավոր) կանգնի. իմ դուռը մի՛ փակիլ,— աղաչում էր Գալոն:

— Սպասի՛ր, Սամփսո՛ն,— հռուսչ եկավ տեր-Սուքիասը՝ նախա-

պես ահնարկ ձգելով Մելնիկովի աչքերին,— եթե Բարսեղի աղջկը քեզանից չհանվի, աղին իրավունք կտա՞ս, որ զամին կանգնի, քեզ ազատի:

— Դու է՛լ, տերտե՛ր,— հեգնարար պատասխանեց Սամփսոնը,— լրնի՞ թե ուզում ես սաղացած թուղթը նորից պատռուել, բեղգահը ես վերցնիլ:

— Հա՛, որդի՛, հա՛, էս ձեռքովս քանդածը նորից մեկել ձեռովս կշինեմ, էս աչովը քեզ կպսակեմ. աջս խոով կենա, թե սուտ եմ ասում, էս բազմության մոտ եմ խոստանում. թաք ըլնի դու հորդ խղճաս, թողաս աղեն երաշխավոր դառնա:

— Ոնց որ տեսնում եմ՝ տանուտեր խուղոն էլ ուրախ կլինի, որ ես էս փորձանքից ազատվիմ ու Բարսեղի փեսեն դառնամ, չէ՞, տերտեր, ամենթ ինձ ձեռք որդանց պես սիրում եք.— դառն ժպիտով գլուխը շարժում էր Սամփսոնը:

— Հա՛, Սամփսո՛ն, հա՛, թեպետ դու ծաղրում ես, բայց հենց էդպես ա, որ կա. ի՛նձ լսի՛ր, հորդ ծերությունին խնայի՛ր, դու թող մեր աղեն զամին ըլնի. խոսք եմ տալիս, որ ինքս քո խաշ-ախպերը դառնամ, Բարսեղի աղջկն իմ ձեռքով դուս քաշեմ, քեզ տամ,— մեջ մտավ խուղոն՝ տեր-Սուքիասի և Մելնիկովի աչքերի հայացքից թելադրված:

— էլ ի՞նչ ես ուզում, ա՛յ որդի, Սամփսո՛ն, բաս ես մեղք չե՞մ, բաս քո մերը խեղճ չի՞, ընչի՞՞ ես ուզում մեզ ողջ-ողջ գերեզման դնել. թող աղեն զամին ըլնի, քեզ ազատի,— լալով աղերսում էր Գալ-ափուն:

— Բող քո ասածն ըլի, միամիտ իմ հե՛ր,— խորին հառաչանքով գլուխը տարուբերում էր երկար ժամանակ Սամփսոնը:

— Ասա՛ վերջին խոսքդ, Սամփսո՛ն Գալուստով,— կրկնեց քննիչը:

— Թող Բալասան աղեն իմ տեղակ զամին ըլնի:

— Ուրեմն խոստովանո՞ւմ ես հանցանքդ:

— Հը, հը՛, հը՛...

— Ամոթ է, Սամփսո՛ն, քննիչին էդպես չեն պատասխանիլ,— հանդիմանեց նրան Բալասան աղեն.— ի՞նչ ես վախենում կամ կասկածանք անում. ես ողջ կենամ քեզ համար, սարի պես քամակիդ կանգնած եմ. նեակոս մեռնի, թե սուտ եմ ասում, ասա՛ սպանել եմ ու վերջացրո՛ւ, թող էն անմեղ Հայրոն էլ ազատվի պրծնի:

— Ընչունքի դու՞ քո հրամանքը կամենում ես, որ ես իմ լեզվովս ասած ըլնեմ, թե՛ ես եմ սպանել, նոր զամին կենաս, աչքիս վրա, քո թանկազին խաթեր համար կասեմ:

— Սչեստչի աղա՛, խնդրեմ գրես, որ Ասատուր Գոնդարովին ես իմ ձեռքովս եմ գլուխախորով արել (գնդակահար), հավի պես թպրտացրել, վեր բքել. Հայրո Դավակոթովը մեղավոր չի. Բալասան աղեն ասում ա՛

Հայրոն խեղճ ա, անմեղ ա, ինդրում եմ Բալասան աղի խոսքը կատարես, Հայրոյին ազատես, իսկ ինձ բխովես (շղթայել), բերդը տանես ու Սիրիւր զրկես:

— Դուք կարող եք ձեր երկդիմի խոսքերով արդարանալ կամ դատապարտվիլ դատարանում, բայց ես գրավոր ապացույցների ճշտութեան վրա հիմնված՝ օրենքի անունով ձեզ բանտարկում եմ,— վճռեց քննիչը և պատվիրեց կապել Սամփոսնի կռնեքը:

— Ես կցանկանայի նշանակյալ փողը վճարել և երաշխավոր լինել մեղադրվածի համար, եթե օրենքն այսօր թույլ կտու,— հարց առաջարկեց Մելնիկովը:

Այս միջոցումը տանուտեր խուզոն ներկայացրեց քննիչին մի նամակ՝ Սիսակի ձեռքով գրված, որ ըստ յուր ասութեան, մի քանի օր հառաջ բռնել էր:

Նամակը գրված էր Սիսակի կողմից փաստաբան Բարանովին, որին մանրամասն պատմելով Ասատուր Դոնդարյանցի սպանութեան գործը, խորհուրդ է հարցնում նրանից, թե ինչպե՞ս պետք է վարվել այն դեպքում, եթե գործով մեղադրված և Մելնիկովի երաշխավորութեամբ ազատ թողված Հայրապետ Դվակոթյանցն արդարանա և նրա փոխարեն մի ուրիշը հաստատ վկայութուններով հանցավոր ճանաչվի. հնարավորութուն կա՞ արդյոք հաստատ մարդասպանին արդարացնել, իսկ միանգամ մեղադրված Հայրապետին կրկին դատապարտութեան ենթարկել տալ:

Նամակի մեջ Սիսակն ինքը խոստովանում է Դվակոթյանցի անմեղութիւնը, բայց նորա ազդեցիկ պաշտպանին բարոյապես կործանելու համար ցանկանում է անմեղ մարդի կորուստը:

Նամակում հիշված էր Մելիք-Բաղալի և Պետրոսենց Գալոյի անունները՝ սրանք էլ, իբր թե կամակից են Սիսակին և խոստանում են Բարանովին 300 մանեթ, և թե նա կարող լինի Սամփոսնին ազատել, իսկ անպարտ Դվակոթյանցին մեղքի տակ ձգել:

— Մեր գյուղի տունը, սլեստչի աղա՛, էդ նոր ուսումնականներն են քանդում,— նամակը ներկայացնելով բողոքեց խուզոն.— թե մի բարերարութիւն անես, էս տեսակ խարդախների ու խառնակիչների արմատը մեր գյուղիցը կտրես, գեղովի քեզ կյանք ու արև կխնդրենք:

Քննիչը նամակը լավ գննելուց հետո հրամայեց կանչել Սիսակին:

Մարդ ուղարկելու կարիք չմնաց, դուրը բացվեց և լերդապատտա տուն ընկավ Սիսակը՝ մի կապոց կոնստակին մեծ խնամքով հուպ տված:

ԵՐԵՍՓՈՒՅԱՆ

Որպեսզի իմանանք, թե ո՞ւր էր մինչև հիմա Սիսակը, ինչո՞ւ ներկա չէր քննութեանը, ի՞նչ կապոց էր նորա կոնստակին սեղմածը, մենք պետք է մի փոքր հառաջ գնանք:

Սիսակն ավելորդ էր համարել առանց հրավիրանքի ներկա լինել քննութեանը. նա ձիուց իջավ, քաշվեց յուր տունը, վստահ լինելով, թե հենց այստեղ է որ՝ յասավուլը կամ գղիբը դուրը բաց կանի և իրան կպահանջի:

Սակայն որքա՛ն զարմացավ Սիսակը, որ քիչ միջոցից ժամհարը ներս մտավ և հայտնեց, որ գործակալ հայր սուրբն եկել է, իրան խնդրում է.

— Ո՞րտեղ է իջել, ե՞րբ և ընչի՞ համար է եկել, ո՞վ կա հետը, ո՞ր կողմիցն է գալիս,— մի քանի հարց միասին առաջարկեց Սիսակը:

— Իշած է երեցփոխի տանը,— կարճ պատասխանեց ժամկոչը:

— Բարի լինի, հայր սու՛րբ, որտեղից և ընչի՞ համար,— կրկնեց Սիսակը ժամհարին տված հարցերը գործակալին:

— Իմ վանքից՝ ուղղակի մեր երեցփոխան ծերունի Ղազարին հչուր,— ժպտաց գործակալը:

— Բայց ի՞նչ առիթով:

— Օրհնած հոգի, ամբողջ գավառումը մի հատ երեսփոխան ունինք, որի սիրտն յուր մեծ դռնից ավելի լայն է բաց բոլոր հոգևորականներիս համար, և դու զարմանո՞ւմ ես, որ առանց օրինավոր պատճառի սիրտս ուզեց մի-երկու օր ուրախ անցկացնել Ղազար հայրիկի և բարեկամաց հետ միասին:

— Ղազար բիձեն մեր գյուղի հայր Աբրահամն է, հայր սու՛րբ, բայց դուք, կարծեմ, առանց օրինական պատճառի չէիք նեղութիւն կրիլ:

— Շատ մի՛ շտապիլ, Սիսա՛կ, դեռ նստի՛ մի փոքր գոտիներս պնդացնենք, հետո կխոսենք. չե՞ս տեսնում՝ Ղազար հայրիկը քանի տեսակ խորտիկ է դիզել սփոցի վերա. բարեպաշտ մարդը կարծում է, թե լեռնից իջածներ ենք՝ աշխարհք շտեսած:

— Թողութիւն կանեք, աչի՛դ մեռնեմ, ձեր տունն ա, ավել-պակասը բաշխեցե՛ք. «Աղ ու հաց՝ սիրտը բաց», վնաս չունի: մի քիչ նհար (նախանձախիկ) արե՛ք, իրկուներ գյուղի իշխաններն էլ կհավաքվին՝ մի լավ քեֆ կանենք,— ներողութիւն էր խնդրում երեցփոխ Ղազար բիձեն:— Մեկ էլ շատ լավ էլավ, որ շնորհք բերիլ,— ավելացրեց նա.— էն ա՛

տարին վերջանալու մտաւ, էգուց հասարակութիւնը կհավաքեմ, եկեղեցու հաշիվները մաքրենք, ինձ էլ ազատեցե՛ք, էս ա՛ մի ոտս գերեզմանումն ա, ծերացել եմ, էլ չեմ կարողանում առաջվա պես պարտքս կատարել, հոգուս մեղք ա ընում:

— Իրավունք ունիս, Ղազար հայրիկ, երեսփոխանութիւնը շատ աժան չի նստում քեզ. դու այսօր հայ նախկին երեսփոխանի բուն տիպարն ես. վեց տարի է՝ ես գործակալ եմ, մի քանի շրջաններ էլ ուրիշ ժամանակներ եմ կատարել և այսօր միայն քեզ եմ գտնում երեսփոխան, բառի էական նշանակութեամբ, կերակուրը թողած՝ ճառաբանում էր գործակալ հայրը:— Գու, իհարկե, չգիտես երեսփոխան բառի բուն նշանակութիւնը, բայց մեր Սիսակին հայտնի է. այդ խոսքը ոչ թե իսկապես երեցի, քահանայի փոխարեն է նշանակում, ինչպես շատերը կարծում են. իմ հասկացողութեամբ դա ավելի լայն նշանակութիւն ունի. երեսփոխան՝ ասել է ամբողջ հասարակութեան—համայնքի երեսփոխան փոխարեն. հայ ժողովուրդն ընտրելով յուր անդամներից մի հարգելի և վստահելի անձնավորութիւնը իր աստծու տանը տնտես և կառավարիչ, նա կարգել է նույն մարդուն յուր ամբողջութեան երեսփոխանութեան տեղը՝ աստծու անունով ժամանակ-անժամանակ շնորհ բերող հոգևորականներին, անժամանակ պանդխտին, մեծին, փոքրին, տնայեցիին, անտուն-անտեր չբավորին պատասպարելու և ճանապարհ դնելու:

— Իմ կարծիք այդպիսիները շատ սակավ են, հայ պատմական, կամ ավելի լավ է ասել, գաղափարական են, բայց, իհարկե, բացառութիւններ միշտ կարող են լինել, ինչպես մեր Ղազար բիձեն, — ընդհատեց Սիսակը:

— Այսօր, սիրելի Սիսակ, քո խոսքն ուղիղ է, արգեն իմ կյանքի արևն էլ թեքվել է դեպի մուտքը. գլուխս Մասայաց կատարից ձերմակ է, և ես մեծ հուսահատութեան մեջ եմ, որ մի ժամանակվա իրականք այժմ բացառութիւններ և գաղափարական են համարում, և մի օր, գուցե, իսկական երեսփոխանի հետքը չմնաց: Կարող եմ քեզ հավատացնել, որ քանի կեղծ քաղաքականութիւնը ներս չէր մտել հայ աշխարհքը, քանի սակավապետութիւնն առաքինութիւն էր և քանի շուրջ ունայնասիրութիւնը քաղաքավարութեան և հյուրասիրութեան աստիճանաչափ չէր ընդունված, մեր բոլոր երեսփոխաններն իմ նկարագրածներէն էին, որոնց վերջին ներկայացուցիչը, մեր ծերունի Ղազարը, գեա առկայծում է: Շատ լավ հիշում եմ, թե ինչպես ի հնումն տարին մի անգամ երեսփոխանն իմ առաջին, բոլոր հասարակութեան աչքի առաջ, կպարզեր յուր հաշիվները:

— Եվ իհարկե գրավո՞ր, — հարցրեց Սիսակը:

— Ի՛նչ ես ասում, որդյա՛կ, ո՞ւր էր գիր, ո՞ւր էր գրիչ:

Ահա մի հրապարակում ամբողջ գլուխական համայնքը հավաքված լուսնամբ լսում էր յուր երեցփոխի բանավոր հայտարարութիւնը.

— Գանձանակից, մոմավաճառութիւնից, լուսագնից և այլ եկամուտներից ընդամենը եղել է այսչափ գումար. ծախսված է այսչափ, տակը մնում է այսչափ. խնամի Պետրոսի վրա պարտք կա առանց մուրհակի այսքան, ուստա Գրիգորի վրա՝ այսքան, մահտեսի Առաքելի վրա՝ այսքան. մեկի ժամանակը լրանում է աստվածածնի պասի շորեքշաբթի օրը, մյուսինը՝ նավասարգի շաբաթ օրը, երրորդինը՝ անառակի կյուրակե օրը և այլն. մեկի տոկոսը ստացել եմ, մյուսից ցորեն պետք է ստանամ, երրորդին խղճացել, առանց տակոսի եմ տվել. այժմ եկեղեցին ունի զուտ փող այսքան և այլն, և այլն:

— Աստված որդիքդ պահի, հոգվով մխիթարվես, սուրբ եկեղեցին քո միջը հազար անի, քո փշացրածն աստված ինքը լրացնի, — լսում և մխիթարվում էր երեցփոխը: Մանավանդ սահման չէր լինում նորա ուրախութեանը, եթե համայնքն անուշագիր էր գտնվում գեպի նորա առաջարկութեանը, կրկին թողնում են նրան պաշտոնի մեջ, ես, իբրև գործակալ կամ տերտերը, մեր անարժան բերանով, մի պաճապանիչով վերահաստատում էինք նոր երեսփոխանութիւնը:

— Ես երեսկայում եմ, թե ո՞ր աստիճան հոգեպես վարձատրված էր համարում իրան այդպիսի բարեպաշտ երեսփոխանը, հայր սո՛ւրբ, — ասաց Սիսակը:

— Վարձը, որ երեսփոխանն ստանում էր ձրի կատարած ծառայութիւնների համար, շատ վսեմ էր, շատ մխիթարական էր. այդ նրա հոգեկան ուրախութիւնն էր, այն քաղցր համակրանքն էր, որ գլուխի մեծ ու փոքրը, իշխանն ու ազգառաջ նրան հարգում էին, նրան սիրում էին, նրան ընդունում էին: Երեսփոխանն իրավունք ուներ քահանայի հետ միասին, շատ անգամ միայնակ, էլ ու մուտ անել ազատորեն յուր երաշխավորող ժողովրդի հարկի տակ, խորհուրդ ստանալ, խորհուրդ տալ, կարիք ունեցողի կարիքն իմանալ, դարմանելու հոգար քաշել, նրանց ուրախութեանն ուրախակից, նրանց տրտմութեանը տրտմակից և վշտերին կարեկից լինել:

— Բնական էր ուրեմն, որ հասարակութեան այնպիսի պատկառելի անդամակիցը համահավասար սիրելի կլիներ ամենքին, — եզրակացութիւն արեց Սիսակը:

— Համ սիրում էին, համ խոսքը գետինը չէին քցում, — միջամտեց Ղազար բիձեն. — մենք ի՛նչ մութավելի (երեցփոխ) ենք, մութավելին իմ լսի բաժին հերս էր. ես նրա ոտքի հողին չեմ արժան, մի մազ պտի ըննի՛ նրա փեշիցը կախ, գլուխը ետ դրած էր էս գեղի համար.

30 տարի մութավելութուն էր արել, քանի դուս էր գալիս՝ նոր ընտրում էին. ինքն էլ ուրախութունով ընդունում էր ու իր դուռը ավելի լին բաց անում: Ես ջահել էի, լավ հիշում եմ. հորս երեսը ծիծաղ չէր գալ, եթե մի օր մեզ տար ու մեր մեծ օդումը, տանը և օթախումը երկու-երեք վարդապետ, օտար տերտեր, ճամփորդ ուզվոր, մուրացկան շքնեհին, մեք սեղանի վրա դարիբ-դուրբաթ (պանդուխտ) շնատեր, մեր հացի պոռն-գը աստծու ղոնաղը (նյուր) շկտրեր, մեր մարագի ծաղիկը ծերին շո-րացրած յոնշա խոտը (առվյուտ) դիզումը հանգիստ մնար:— Ա՛յ ճար կտրածի մարդ,— մի-մի անգամ թոնթորում էր ողորմածիկ մերս,— ախար ո՛չ ջաններումս ջան մնաց, ո՛չ տաշտերումս հաց. հիմի էլ թող ուրիշներն անեն, մենք հո էս գեղին տնով-տեղով ճորտ շե՛նք գրված. ընչանք ե՞րբ, հերիք չի՞:— Չե՛նդ, ձե՛նդ, ա՛յ Եվայի աղջիկ,— բարկա-նում էր հերս,— ուզում ես ինձ ճամփից հանե՞ս, ընչի՞, մենք էս գեղըցի շե՛նք, մեր երթկի մուխը գեղի մխի հետ չի խանկում, երկինք բարձ-րանո՞ւմ. գեղը որ կա, մի մենձ տուն ա. տերտերն էն տան հողեր գլուխն ա, տանուտերն ու երեցփոխը տերտերի մեծ որդիքն են. մինը պտի էն տան անդամների աշխարհային հոգսերը քաշի, նրանց ապ-րուստին, նիստ ու կացին, լավ ու վատին գլուխ քաշի, մեկելը նրանց աստծու հրամանները կատարելու ճամփեքը պատրաստի: Տերտեր, տա-նուտեր, մութավելի, գզիր, ջրբաժան, ժամհար— բոլորս էլ մեծ գերդաս-տանի ծառեքն ենք, նրա ընտրածներն ենք. մեր տունն էլ, մենք էլ մեր անեցած-շունեցածն էլ մեր գեղինը, մեր հասարակությունինն ա, էդ մի պարտք ա, պտի հատարենք: էսօր ես եմ, էգուց դու ես, երկու տարուց՝ Պողոսը, հինգ տարուց՝ Պետրոսը. մենք մին-մնու համար ենք. մի ձևոր ծափ չի կարող տալ. ունեցողը շունեցողին, հարուստն աղքատին, գորե-ղը անզորին պարտական է. էսօր ինչ իմն ա՝ քոնն ա, ինչ որ քոնն ա՝ նրանն ա, ով որ ինքը տվել ա, ինքը ստեղծել ա, ինքը ամենքիս էլ մի աչքով իր աթոռից մտիկ ա տալիս: Ա՛յ սրանք էին իմ հոր պատասխան-ները իր տանտիկնոջը:

— Դե ասա՛ դու էլ քո հոր ճանապարհն ես բռնել, էլի՛,— ընդհա-տեց Սիսակը:

— Մեզա՛ աստծու, կիսին էլ արժան չեմ,— գլուխը շարժեց երեցփո-խը.— իմ հոր սիրտը կվերցնե՞ր, որ հայր սուրբս գար, վեր գար ու հիմի մենակ քեզ հետ նստեր էս աղքատ սեղանի վրա, հաց անուշ աներ. արա պես թանկագին ղոնաղի պատիվը բարձրացնելու համար պտի սրա շորս կողմը շարված ըլնեին գեղիս առաջավոր իշխաններն ու սիպտակ-ձիրուք հալիվորները: Գալիս էին, նստում, վայելում, ժամանակ անցկա-ցում եկող պատվելի ղոնաղի հետ ու վեր կենում, գնում:

— Ո՛վ դիտե, մի դատարկ շնորհակալություն էլ չէին անում,— հե-տաքրքրությամբ հարցրեց Սիսակը:

— Ի՞նչ շնորհակալություն: մարդ իր տանն իրանից շնորհակալու-թյուն կանի՞. շնորհակալ էին ըլնում աստվածանից, որ էսպես ազիզ ղոնաղ էր դրկել մեզ համար:

— Այժմ համեմատեցե՛ք, հայր սո՛ւրբ, ներկա երեսփոխաններին մեր Ղազար բիճի լուսահոգի ծնողի և յուր հետ. քանի՞սը կգտնեք սրանց օրինակին հետևողներ, սրանց պես հավատարիմ ավանդապահներ:

— Ի՞նչ եք ասում, սիրելի Սիսա՛կ,— հոգվոց հանեց գործակալը.— այժմյան երեսփոխանությունը խայտառակություն, նախատինք է մեր ազգի համար:

— Եթե ձեզ նեղութուն չի լինի, մի ընդհանուր պատկեր ներկայաց-նեիք, շատ հետաքրքրական է. դուք քաջ գիտակ եք և փորձված,— խնդրեց Սիսակը:

— Ցավալի է, բայց ասեմ. այժմ մարդիկ երեսփոխ են դառնում ոչ իրանց ղոները. այլ գրպանները լայնացնելու համար. եկեղեցին նրանք ստանում են իբրև մի եկամտի աղբյուր՝ սեփական քսակը լցնելու. ոչ միայն գործակալին կամ օտարական հոգևորականին է սառն ընդունե-լություն անում երեցփոխը, այլ չքավոր մուրացկանի դեմ էլ աշքերը փակում է. դժվարը ոտքը եկեղեցու շեմքով ներս դնելն է. շարշարվի՛, թե պետք է կարողանաս նրանից հաշիվ պահանջել կամ արձակել. ո՛չ ժողովրդի պահանջը, ո՛չ հոգևոր իշխանության հրամանները չեն ազ-դում նրա վերա, մինչև ուժ չես գործ դնում: Անունը կա, որ կոնսիստո-րիայի կնքով ժապավինված սոմար ենք տալիս՝ տարեկան եկամուտը մանրամասնորեն նշանակելու, բայց երբ կամիս՝ պահանջի՛ր, մեր այժմյան երեսփոխանը քեզ ներկայացնում է մաքուր և անգրիլ տևտրակը նույնու-թյամբ, ինչպես ստացել էր:

— Չե՞ք պահանջում:

— Բերան ցավացրո՞ւ՝ որքան կուզես, ամենամեծ շնորհքը, որ նա քեզ անում է, այդ մի կտոր թղթի երեսի անկարգ, անկանոն խզմզած, իբր թե, հաշիվն է՝ այս բովանդակությամբ:

— Հինգ մկրտությունից, երեք պսակից, երկու ննջեցելից լուսգին՝ այսքան, զանձանակից՝ այսքան և այլն: Եթե դիցուք տարեկան եկամուտ ցույց տվեց երեսուն մանթ, դու ինքդ պետք է ենթադրես, որ եկեղեցին մի քանի կոպեկներ ծախքը դուրս գալուց հետո անշուշտ պարտ է մնա-ցա՞ծ մեր հավատարիմ երեսփոխանին, որ յուր բարեպաշտական զգաց-մունքների թելադրությամբ առատաձեռն սրտով ընծայում է եկեղեց-վույն, ինչպես ինքն առանց կարմրելու ասում է՝ «յուր հոր խերին»:

— Ուրեմն նա յուր հափշտակությունները ծածկելու համար խոհեմություն գործ դրած կլինի եկեղեցական զարդ ու անոթներ ավելացնել, մի քանի նորոգություններ անել, որտեղից միջոց ունենա գողանալու:

— Գոհ ենք, եթե գրով ու ցուցակով իրան հանձնված խաշ ու սփռոցներից յուր դատեր համար օժիտացու, յուր որդու նշանի համար մատանի չի դուրս տանի:

— Բայց մի՞թե եկեղեցին ոչինչ գումար չի ունենում:

— Շատ էլ ունի, բայց ումնի՞ց ի՞նչ ես պահանջելու. ժողովուրդը մի առ մի հայտնում է գումարի քանակությունը, գիտե էլ, թե ո՞վ ո՞րքան է կլանել. բայց ոչ երեսփոխանն է խոստովանում և ոչ նորա հես միասին մաքրագործողներն են հանձն առնում. և ի՞նչ ես կարծում, ո՞ւրք են ընդհանրապես երեսփոխանի պաշտպանները:

— Գրավ կզնեմ, եթե գյուղական իշխանները չլինին:

— Այո՛, տանուտերը, դատավորները, հառաջավորները և հարուստները: Բողոքում է նոցա անիրավությանց դեմ հապարակությունը, փաստերով տեղն ու տեղը ցույց են տալիս, բայց անօգուտ. գրավոր և ոչ մի ապացույց չկա. ստիպվում ես կամ լուկ և քո ձեռքով տված տոմարիդ մեջ բավականապես երեսփոխի ցույց տված կեղծ հաշիվներն արձանագրելով և կամ դիմում ես կողմնակի միջոցներին:

— Ինչպե՞ս:

— Ինձ հաջողվել է մի քանի տեղ բանալ այդ դեղձումները, նեղը ձգել խարդախ երեսփոխանին և մի գրավոր մուրհակ ստանալով իրանից՝ մի քանի ամսից հետո օրենքով պահանջել: Սակայն ի՞նչ օգուտ, որ նախ՝ ամեն տեղ և ամեն ժամանակ չի հաջողվում, և երկրորդ՝ մեկ խարդախին պատժում ես՝ մյուսի որկորին կերակուր տալու համար. ում ձեռքն ընկնում է, նա է ուտում:

— Միակ միջոցն ուրեմն երեսփոխանությունը քահանաներին հանձնելն է:

— Այդ էլ եմ արել, սիրելի՛ս, բայց շատ տեղ իրանք քահանայքն ու ինքը բարեկրոն գործակալը աջակցում են անխիղճ երեսփոխանին նորա մութը գործերի մեջ և որկրամուլ հարսի նման մածոնի սերը նախապես երեսիցը քաշում, անհագաբար լպստում ու հետո տակի մնացած շինճուկը դնում սկեսոր կամ հյուրերի առաջը: Է՛հ, սիրելի Սիսակ, սիրտս արյան ծով է դար... — ուզում էր շարունակել գործակալը, սակայն Ղազար բիձեն, որ շատ ժամանակ չէր՝ բացակա էր, կրկին ներս մտավ. ձեռքին մի կախան խաղող և ասաց. — ջանս դուրս գա քեզ համար, հայր սուրբ ջա՛ն, կերակուրը սառեց, ինքդ սոված մնացիր, գոնե քաղցր հավող էլ ա անուշ արա՛:

— Բայց, հայր սու՛րբ, մենք խնդրից շատ շեղվեցինք. դուք ինձ շատացիք ձեր շնորհ բերելու պատճառը, — հարցրեց Սիսակը գործակալից:

— Գորա համար էլ քեզ կանչել եմ, — ասաց նրան վարդապետը, — այսօր դու պետք է օգնես ինձ՝ կատարելով քարտուղարի պաշտոն. ես եկել եմ քննել մի շհասության գործ, համաձայն ձեր ավագ քահանայի ներկայացրած ճյուղագրության և բարձրագույն իշխանության կողմից ինձ հանձնարարած հրահանգի:

— Եվ ո՞ւրք են ամուսնացողքը:

— Ձեր տանուտերի որդի Կարապետը՝ Բարսեղ Ալեքյանի դստեր հետ. ինչպես քահանայն հայտարարում է, մեզը թեև խորթություն կա, բայց տերտերն յուր վրայից պատասխանատվությունն իսպառ վերցնելու համար խնդրում է գրածները քննությամբ և երդումով հաստատել:

— Վա՛յ, նրա տունը քանդվի, ի՞նչ տերտեր ա, — բացականչեց Ղազար բիձեն:

Սիսակը որովհետև գիտեր իրողությունը և սպասում էր այդ օրին, չվհատվեց, այլ բարձրաձայն քահ-քահ խնդաց:

Են՞դ՞ Սիսակ, քթերից դուրս եկավ ծիծաղը. նրա աչքը դիպվածով առավ սենեկի լուսամուտի կտրած ապակու փոխարեն կպցրած թղթին և նա այնպես ծլունգ եղավ նստած տեղիցը, որ նորից վայր ընկավ տախտի վերա:

— Ի՞նչ է այն, — ծղրտաց Սիսակը և վեր ցատկեց, մոտեցավ լուսամուտին:

— Եղե՞ննագործություն, հայր սու՛րբ, — գուհեց նա և, չկարողանալով անշափ վրդովմունքից խոսել, սիրտը բաբախելով մատով գործակալի ուշադրությունը հրավիրեց դեպի թուղթը:

Վարդապետը շտապով մոտ գնաց պատուհանին և խորագետ աչքերով ակնոցի օգնությամբ սկսեց որոշել գրվածքը, բայց բան գլխի չընկավ. թուղթը թափանցիկ էր, լույս տալու համար դադ արած ձեթ էր քած:

— Ի՞նչ է այս, Սիսակ, ես ոչինչ չեմ հասկանում:

— Աղաչում եմ, հայր սու՛րբ, օգնեցե՛ք ինձ, իմ ձեռքերս դողում են, նեղություն կրեցե՛ք զգուշությամբ դուրս պոկել այս եղեռնային փաստը:

Գրահատի ծայրով գործակալն առանց դժվարության քակեց լուսամուտից այլուրի շաղախով ամրացրած թուղթը:

— Այժմ առա՛ ինձ, Ղազար բիձա՛, ո՞րտեղից է այս թուղթը կպել ձեր պատուհանին, — հարցրեց Սիսակը:

Երեցփոխը ոչինչ բացատրություն չկարողացավ տալ. իսկ նրա կի-

նո, պարզն ասաց, որ ոչ միայն այդ մի քերթը, դորս նման շատերը միասին ինքն ստացել է Տաճատ վարժապետի կնոջից, որոնցից մի քանիսով թղթած ունի մյուս սենեկի ապակի շունեցող պատուհանները. մյուս ավելորդները գեռ թափած են յուրյանց տան խորշումը:

Եվ արդարև, տանտիկինը գողը լցրած ներկայացրեց բավականին թղթի կտորտանք և ցույց տվեց բոլոր պատուհանները:

— Ի՞նչ է այս, սիրելի Սիսակ, այս ի՞նչ թղթեր են, բացատրի տե՛սնենք, ինչո՞ւ այդպես վրդովվեցիր, — գարմացմամբ հարցրեց վարդապետը:

— Ներեցե՛ք, հայր սո՛ւրբ, որ ձեզ ոչ միայն անպատասխան եմ թողնելու, այլև պետք է ձանձրություն պատճառեմ ձեզ՝ անձամբ կատարել քննությունն, առանց ուրիշ գրագրի մասնակցության. հանգամանքները փոխվեցին, ինձ այլևս ձեզ պիտանի լինելն անպատեհ է. շտապում եմ ձեռնհաս միջոցից օգուտ քաղելու: Իմ ինչիքս այս է, որ դուք փութացնե՛ք ձեր քննությունը, իմ գնալուց մի քանի րոպե հետո գրեիք քննիչին ետ թողուլ յուր գործը մինչև վաղը, և դուք ձերը վերջացնե՛ք:

Գործակալի դրական պատասխանն առած՝ կապեց Սիսակն յուր թանկագին գյուտը թաշկինակի մեջ ու վազելով ընկավ Բալասան աղաչի բակը:

— Ա՛յ, սխտաչի աղա՛, հրես մատաղն ինքն իր ոտովն ա եկել, — արախ-ուրախ ղեկուցումն արավ տանուտեր Խուզոն. — սա ինքն ա մեր գեղի փիլիսոփեն՝ պարոն Սիսակ ժամհարյանցը, որին էս սհաթը դուք հրամանքը ցանկանում է՛ր ծանոթանալ:

Տանուտերի խոսքերը միանգամայն անուշադիր մնացին Սիսակի կողմից. հաստատ կարելի է ասել, թե նա չսեց անգամ յուր հաշվին արած կծու երգիծաբանությունները:

Առաջին անգամը նա շփոթվեց, երբ ամեն կողմից աչքերն յուր վերա սեևովեցին. նա նման էր այս րոպեին որսի հոտով թակարդի մեջ ընկած բազի, որի վերա հանկարծ դռները փակվեցին, ու դուրս թռուչելու անցք չգտավ:

Նա մի-երկու քայլ ետ գնաց, յուր շուրջը նայեց և մնաց կանգնած մեջտեղը:

- Նստեցե՛ք, — տեղ ցույց տվեց քննիչը Սիսակին:
- Տեր քննի՛չ, — մեքենաբար արտասանեց վերջինս և կրկին լռեց: Ուրիշ ի՞նչ պետք է աներ, որ չլռեր:

Նորա լեզուն չէր շարժվում, հետքը խեղդում էր նորա ձայնը կուկորդումը. նա նմանում էր մի գորովագութ մոր, որ յուր սիրելի մանուկը իլած լինի ավաղակի ճանգից նույն րոպեին, երբ դաժան գաղանի սուրը

վերջ պետք է դներ անմեղ գառնուկի կյանքին: Ի՞նչ գորովանոք նա կսեղմեր յուր սիրելի զավակին. ի՞նչ սրաթև արծվի արագությամբ կփախցներ յուր անգին գանձը, իրան հետապնդող մարդասպանից ազատվելու:

- Նստեցե՛ք, — կրկնեց յուր առաջարկությունը քննիչը Սիսակին:
- Շնորհակալ եմ. — ասաց նա զգաստանալով և քաշվեց մի կողմ:
- Դո՛ւք եք պարոն Սիսակ ժամհարյանցը, — բաղաբավարություն մարց տվեց քննիչը:

— Այո՛:

— Մի քանի հարցմունքներ ունիմ ձեզ առաջարկելու, կարո՞ղ եք պատասխանել:

- Իրավունք ունիք, այժմ հանգիստ եմ:
- Դուք մեղադրվում եք սպանությունը ծածկելով, անմեղին զրուպարտելով, իսկ մարդասպանին արդարության ձեռքից ազատելու ձեռնուհանումն անելու փաստերով:

- Ի՞նչ պապացույցներ ունիք:
- Ձեր սեփական ինքնաձեռագիր նամակը:
- Ես ոչինչ այդպիսի թղթեր չեմ գրել, իմ ձեռքս աշխարհին հայտնի է:
- Իհարկե, և դուք կձանաչեք:
- Անշո՛ւշտ:
- Առե՛ք:

Երկու-երեք րոպեաչափ Սիսակն աչքերը նամակի վերայից չէր հեռացնում. բոլորի ուշադրությունը դեպի նա էր: Ամենքը կարծում էին, ին նա կշփոթվի, բայց սխալվեցան: Սիսակը ընչացքի տակին մի աննշան ժպիտ խաղացրեց և լուրջ դեմքով թուղթը ետ տվեց:

- Սպասում եմ պատասխանի, — կարճ հարցրեց քննիչը:
- Դուք ուղիղ եք:
- Ուրեմն ճանաչո՞ւմ եք ձեր հանցանքը:
- Պարոն քննի՛չ, — արհամարհական նայվածքով յուր շուրջը դիտելուց հետո բարձրաձայն շեշտելով խոսեց Սիսակը. — ամեն բան կհավատայի, բայց այս աստիճան խտրազավանք՝ թույլ չէի տալ ինձ երեակայելու. այս նամակն իմ սեփական գիրս է, բայց ոչ իմ ձեռքով գրած:

- Պարզ խոսեցե՛ք:
- Ավելի ոչինչ չեմ կարող ասել, միայն թե գիրն իմն է, գրողը ես չեմ. եթե, հիրավի, այս գրությունն ապացուցվի, և մարդասպանը, որին, իբր թե, ես պաշտպանում եմ, խոստովանի յուր հանցանքը կամ ուրիշ վկայություններով նա դատապարտվի, ապա օրենքի հիմամբ իմ պա-

տիժս հավիտենական արքունի է. սակայն կրկին կարող եմ հավատացնել ձեզ, որ ես այս նամակի մասին տեղեկություն չունիմ:

— Իսկ ձեռքը խոստովանում եք, որ ձերն է:

— Ճիշտ և ամենաճիշտ:

— Ուրեմն դուք կամ հիվանդ եք, կամ ստում եք:

— Հայելու պես պարզ է ինձ համար գործը, գիտեմ էլ գրողը, բայց մարդը կատարելագործված է արվեստի մեջ դպրոցական նստարանից. կեցցե՛ դիտությունը:

— Դուք ուրիշի՞ն եք կամենում մեղադրել:

— Երբեք, ավելորդ ես է, փաստեր առայժմ չկան, իսկ կեղծած է այն աստիճան ճշտությամբ, որ ես ինքս իմ խոսքերիս վրա տարակուսում եմ:

— Մի դրական պատասխան եմ պահանջում ձեզանից:

— Առայժմ խոսքերս հակասական պետք է լինին. գրողն ես չեմ, ձեռքն իմն է, այդ ձեզ համար, իհարկե, նշանակություն չունի. ես այժմեն շնորհավորում եմ իմ ոսոխների ժամանակավոր հաղթությունը. օրենքով հիմա դուք իրավունք ունիք ինձ բանտարկել, եթե կամենան իմ բարեկամներս. ես ընդդեմ չեմ, մինչև ծայրը մի տեղից գուցե կերևի:

— Կարո՞ղ եք երաշխավոր ներկայացնել:

— Ո՛չ կարող եմ և ո՛չ էլ կցանկանամ որևէ մարդի անբախտության պատճառ լինել. երաշխավորողին փրկություն չկա. մենք գյուղով, հասարակությունով մեր գործը լավ գիտենք. այս նստողներն ամենքն էլ շատ լավ հասկանում են ասությունս:

— Եստ իզուր եք կողմնակի բարուրանքներ բարդում, պարոն Սիսակ,— մեջ խօսնվեց Մելնիկովը,— եթե կամենաք՝ ես երաշխավոր կլինեմ:

— Սխալվում եք, ազա Բալասան, ա՛խ, ներեցե՛ք, Վլադիմիր նեստորի՛չ ձեր հաշիվների մեջ. դուք ձեր բարերար երաշխավորությամբը ոչինչ զգալի արդյունք չեք դուրս տանիլ. մի բան մի՛ մոռանաք, որ ես Երասխն ու Ախուրյանն էլ չեմ տեսած, ուրեմն և տաճկական սահմանը չեմ անցած:

— Ձեր խոսքերն և՛ անհասկանալի են, և՛ վիրավորական:

— Առաջինը կարող եմ պարզաբանել, իսկ երկրորդի համար ձեզ եմ թողնում մտածել: Այո՛, պարոն, ես վանեցի չեմ. հաջողած կլինե՛ր անշուշտ թղթեր կեղծել, եթե հինգ տարի առաջ, դեռ վանեցին չեկած, դեռ ինքս դպրոցի ստորին դասատան աշակերտ, ամառը հայրենի օդը մի-երկու ամիս ծծելու ժամանակս լսած լինե՛ի մի մարդու, գործիք դառնալի նրան և վարժություններ անե՛ի՝ կեղծելու նրա մուրհակներն և ուրիշ

թղթերը: Այդ պարոնին դուք քաջ ճանաչում եք, պարոն Մելնիկով. նա մի հաստափոր աղալի անվանակից է. դուք ինքը շատ լավ մարդ եք, բայց նա ողջ գավառի ցեցերի մեջ ցեցապետն է, ծծել է ժողովրդի արյունը և սարսափ է դարձել ամենքին:

— Խնդրեմ լռեցնել դրան,— դարձավ Բալասան աղեն դեպի քննիչը,— դա պատիվ է շոշափում:

— Այո՛, գերազնիվ տե՛ր, ձերին հետ մեր ալ պատիվը կշոշափե,— գլուխը շարժեց գրագիր վանեցին:

— Գրեցե՛ք, ավելացրե՛ք, պարոն քննիչ,— շարունակեց Սիսակը,— որ ես ասում եմ և պնդում, թե իմ շեշտած ցեցապետը գող է, ավազակ է, մատնիչ է, ազգի դավաճան է, ժողովրդի արյունարբուն է, այս բոլոր թշվառությունց պատճառն է, այս խարդախ գործերի հեղինակը և մեղսակիցն է. ավելացրե՛ք, որ ես մերժում եմ ձեր ցույց տված նամակի ճշտությունը, որ ես փաստեր և հաստատ գրավոր ապացույցներ ունիմ, թե ո՛ր խարդախ ձեռքով կեղծված և ո՛ւմ թելադրությամբ կատարված են այս ամենը. և որպեսզի պարոն Մելնիկովը շիտույլ տա ծաղր առնել ինձ՝ առաջարկելով յուր անգոր երաշխավորությունը, և չպարծենա յուր տարած հաղթանակով, ա՛հա այս կապոցը թող վերականգնե ճշտությունը:

Սիսակը քակեց կապոցը և քննիչի առաջին փոեց մի կույտ ճմրված, ճիւղված թղթեր:

Ամենքը լուռ են, ամենքի հետաքրքրությունը ավելացել է, բոլորի աչքերը հառված են դեպի այդ թղթի կտորները:

Հանդիսատեսներից մի մարդ միայն կորցրեց յուր գլուխը:

Քննության բոլոր ժամանակն այս պարոնը շատ ուրախ տրամադրության մեջ էր. նա թեպետ չէր խոսում, բայց տեր-Սուրբասի և Մելնիկովի քամակին նստած՝ երբեմնապես մեկի կամ մյուսի ականջին, քաշվելով և անվստահությամբ, ինչ-որ խոսքեր էր փսփսում:

Այժմ այս մարդը շփոթվեց և իրան կորցրեց:

— Ես չեմ թույլ տար, կրողքեմ, դո՞խք և սանդարամետք օգնություն կկոչեմ. հափշտակություն, ավազակություն, կատաղի՛ք գեհեհին,— տեղիցը կանգնած՝ բացականչում էր մարդը ձեռքերն օդումը շարժելով և մեկ դռանը նայելով, մեկ քննիչի մոտ ընկած թղթերի կապոցին:

Հանկարծ երկու գործողություն միասին կատարվեցավ. այստեղ հարձակումն գործեց գլուխը կորցրած մարդն արկածալի փաթեթի վերա, իսկ այնտեղ հեռատես Վասիլ Վասիլիչի բազմափորձ հմտությունը դռան

անցքը արգելեց: Նորա մի հայացքը բավականին եղավ՝ սարի արջ Մահ-
մազին և զազախներին դուռը կողպել տալու և շարաբաստիկ Գնթունու
ձեռքից հետաքրքրութեան արժանի կապոցը խլելու:

Հուսահատ թշվառականը գրագիր վանեցին էր:

Նույն րոպեին ժամկոչը տուն մտավ և մի նամակ տվեց քննիչին,
տերտերին էլ ասաց, որ գործակալ հայր սուրբն եկել է և կանչում է:

— Գուք, տանուտե՛ր, և տեր հա՛յր, կարող եք գնալ հոգեվոր իշխա-
նութեան ներկայացուցչի հրամանները կատարելու, իսկ դուք, պարոն
Սիսա՛կ, առայժմ ազատ եք, — վճռեց քննիչը:

— Իսկ ես կինդրեի, — պատասխանեց Սիսակը, — այս րոպեիս,
առանց ժամավաճառ լինելու, պարոն օգնականի ներկայությամբ փութալ
և խուզարկել պատվելի Գնթունու տունը: Այս թղթերի մնացորդը հար-
կավ դեռ շատ բաներ պետք է պարզեմ, եթե կարելի է, ես ևս կցանկանայի
ձեզ հետ լինել:

— Բայց դուք ինձ շասացիք, թե այս ծրարը ձեր ձեռքն ի՞նչպես անց-
կացավ:

— Թող տիկին Գնթունին յուր բերանով պատմեմ ձեզ եղելությունը:
Հասարակության պատվելիներն երկու խմբի բաժանվեցան. մինը
տանուտերի և տեր Սուքիասի հետ դիմեցին երեսփոխի տունը, մյուսը՝
քննիչի, Վասիլ Վասիլիչի և Սիսակի հետ տանուտերի օգնականի առաջ-
նորդությամբ մտան գրագիր վանեցու կացարանը:

Բալասան աղեն և այստեղից մերժվեցավ Սիսակի զեկուցման հա-
մաձայն:

Գործակալի քննությունը երկար չտևեց. տանուտերի ժողոված տաս-
ներկու վկայքն այնպիսի անձինքներից էին, որոնք առանց ձիգ ու բա-
րակ մտածմունքների, արտաքին աչքերի հետ խղճմտանք էլ փակեցին և
մոտեցան խաչ ու ավետարանին:

Նրանք միաձայն հաստատեցին, որ Բարսեղի կինն երկրորդն է, որ
Սոնան կնոջ հետ բերովի է, նորա առաջին ամուսնությունիցն է և ոչ հու-
ղոյի հարազատ քեռու թոռը, ինչպես որ ավագ երեց տեր-Սուքիասի հայ-
տարարության մեջ ճշուղտվորված էր:

Վկաներից մեկը միայն սկզբումը դուրսը խորհրդակցել և համա-
ձայնվել էր բոլորի հետ. բայց երբ խաչ ու ավետարանը տեսավ, ներքին
ձայնի խայթից դողաց:

Ամենքն արդեն համբուրել էին սրբությունները և պնդեցանությամբ

պատում գործակալի հարցմունքներին, իսկ այս մարդը դեռ տատան-
վում էր:

Սա հին երեցփոխ Նավոն էր:

— Շուտ արա՛, պարոն Նավասա՛րդ, ես շտապում եմ, համբուրի՛ր,
որ գործ սկսենք, — հրամայեց գործակալը:

— Աշի՛դ մեռնեմ, դժար ա, կրակին մոտ գնացողը կերվի:

— Ո՛չ, որդի՛, ճշմարտությունը խոստովանելը հանցանք չէ. ինչ գի-
տես, ա՛յն ասա:

— Ճշմարիտ խոսողի տակին մի Արարատանի ձի պտի, ոտներն
օրդանգովումը (ասպանդակ), դամշին (մտրակ) ձեռին, ծառայե՛մ, որ
ասելիքն ասի ու ընչանք խուզաֆրին կրնգի ու մին պոկ գա:

— Ո՛չ, սիրելիս, դու հին մարդ ես, այդ պատճառով քեզ հեշտ է
թվում. հեռագիրը թուշունից էլ արագ է, — կատակով պատասխան տվեց
գործակալը:

— Զուրն ընկնողն անձրևից չի վախիլ, պարոն Նավո, գյահկիր
(ետ մնացող) ձին քարվան չի կաբող կտրիլ. ասում է՝ մեկը գնաց մի
աշխարհք, տեսավ բոլորը կույր են, ինքն էլ աչքերը պինդ կապեց, որ
էրանցից չզանազանվի, — մեջ խառնվեց տեր Սուքիասը:

— Բաս Գաբրիել հրեշտակի հրեղեն սո՛ւրբ, տերտե՛ր:

— Տերտերը Գաբրիելի ճանապարհը կձոխի, պարոն Նավո:

— Է՛հ, քո ասածը թող ըլի, — հոգվոց հանեց Նավոն և այս խոս-
քերով մոտեցավ բազմոցին:

— Ո՛վ սուրբ խաչ ու ավետարան, մեռնե՛մ ձեր ոտքի տակին, սուտն
ու դորդը ձեզ էլ շատ լավ հայտնի ա. բայց ով որ առաջին անգամ էս
սովորույթը մտցրեց մեր գեղը, շհասը հաս արեց, հասը շհասի փոխեց,
դուք նրա պատիժը տաք:

— Ագուավի ձեն որ ասոված լսեր, Վարդավառին ձյուն կգար, —
միմյանց մեջ փնթփնթացին տերտերն ու տանուտերը:

— Ուրեմն, հայր-սուրբ, աշխարհքը խաղաղություն ընկավ, խեր ու
շառը կտորվեց, բարեկամն ուրախացավ, թշնամին պատովեց. մի մատը
գիր տո՛ւր՝ պսակենք էզուց, — խնդրեց տանուտեր խուղոն:

— Վաղը տերունական տոն է, պսակ չի լինի, մյուս օրն էլ պաս
է, նույնպես անկարելի է. ես շտապում եմ մերձակա գյուղը, երկու օր
այնտեղ կլինեմ, վերադարձին կհրամանագրեմ, — կարգադրեց գործա-
կալն ու ժողովն արձակեց:

ՆՈՐՆՆ ԴԵՊԻ ՎԱՆ

Գիշեր է. մի շատ մութն և ականակիր գիշեր, ձմեռվա այն աղբա-
 մրդշուտ և ծանր գիշերներից մեկը, որի համար ժողովուրդը սովոր է
 ասել՝ մահ մանածողն աշխարհքի վրա թևերը փռել է: Սուտ չէր, օդի
 թանձրությունն ամբողջ Օ. գյուղացվոց սրտի վրա փթանոցի նման ծան-
 րացել, նստել է. կարծես ողջ գյուղը մի գերդաստան լինի, և այդ ըն-
 տանիքի ամենասերելի ու պիտանի անդամը հենց այսօր կյանքն ու արևը
 քեզ է տվել և բոլորի աչքիցն այնքան արտասուք է թափել, որ արտա-
 սունքի պարկերը դատարկվել են, և աղբյուրակները շորացել, կարծես
 այնքան են գլխներին վեր հատել, որ սկավառակներում ուղեղի փոխարեն
 կապար է լցվել, կարծես այնքան են գոռացել, որ կոկորդում ձայների
 թելերը կտրատվել են, էլ չեն գործում, որ մարդիկ իրարու միտք հա-
 զորդեն:

Բավականին գիշեր է անցել, բայց ոչ քնողն է քնել՝ ինչպես հարկն է,
 ոչ արթունն է բավականություն ստացել. քնածներն անհանգիստ երազների
 մեջ են խորդում ու խեղդվում, արթունները շարդված, վհատված ու լքե-
 ված՝ հազիվ մի-երկու խոսք լուրի-մնչիկ փոխանակում են միմյանց հետ:

Մյս ամենը դժնդակ օրվան համատարած անախորժ լուրերն էին
 ազդել. ո՛վ հաղթվեց, ո՛վ տարավ, ո՛վ պետք է իսկապես ուրախանար
 ցորեկը կատարված դեպքերից,— ոչ ոք հաշիվ չկարողացավ տալ իրան.
 համայնքի մեծամասնությունը սրտաբեկ էր՝ անմեղ ու ազնիվ երիտա-
 սարգն իզուր տեղը դատապարտվել էր. տանուտերի վկաների խղճերը,
 ճիրաններն ու ժանիքները սրել էին և ծվատում ստախոս տերերի սրբ-
 տերը. ինքը տանուտեր նուզոն յուր մեծ հովանավորի հետ ավելի իրա-
 վունք ունեին տրամելու, քան թև ուրախանալու. ի՞նչ արժեք ունի նրանց
 այս օրվան հաղթանակը՝ Մամփոսնի բանտարկությունը և չհասի հաս
 ապացուցելը. Սիսակի թղթերի կապոցը և Գնթունու տանից խուզարկու-
 թյունից հետո դուրս եկած շարագուշակ փաստերը մեծ հեզաշրջություն
 պետք է տան տարիներով մտածած, կազմած և իրագործվելուն մի քայլ
 մնացած ծրագրին:

Սառույց է, ո՛չ Բալասան աղեն, և ո՛չ յուրաչինք գիտեն Սիսակի կա-
 պոցի և վանեցու գլրոցից դուրս հանած մի քանի թղթերի ու նամակների
 բովանդակությունը, բայց եթե նրանք յուրյանց համար աննպաստ և կաս-
 կածելի չլինեին, ինչո՞ւ ապա քննիչն յուր խուզարկությունը վերջանալուն
 պես տնօրինեց բանտարկել Տաճատ վարժապետին և ցանկություն

հայտնեց փոխվել մի այլ տուն, ուր, իբր թե, բար յուր ասության, ոչ ոք
 իրան չխանգարե պարապելու:

Մեծ տեղիք ունեւր Վլադիմիր Նեստորիչը քննիչի յուր տանեց փոխ-
 վելուց և գործակալի նոր թողած իջևանը՝ երեցփոխ Ղազար բիձի տունը
 գնալուց հետո կրճտել ատամները МАЛЬЧИШКА (տնաա երեխա) քննիչի
 վերա և Վասիլ Վասիլիչի մոտ սպառնալ, որ հինգ օր չի քաշիլ, այս
 նահանգից նրա ոտքը ինքը կտրել կտա:

Ի՞նչ ունեւր Վասիլ Վասիլիչը Մելնիկովի օրինավոր վրեժինդրական
 հուզմունքի դեմ, բացի հավանություն տալուց և քննիչի դեմ արդար բա-
 րեկամությամբ տհաճություն արտահայտելուց. երեկվան երեխայքը այս-
 օր եկել են և տարիներով ծառայության մեջ կյանք մաշած գործողների
 վարկը ոտնատակ տալիս:

— Իմ կարծոք, ի պատիվ ձեր, Վլադիմիր Նեստորիչ,— ասաց Վա-
 սիլ Վասիլիչը,— քննիչը պարտական էր բազմության առջև ձեզ սառը
 խոսք ասել, հանդգնուել բերած անպետք թղթի կտորտանքը կրակն ածել
 և յուր առած անպատկառ խոսքերի համար նրան անմիջապես բանտար-
 կել տալ, այլ ոչ թե մի աչքի պոչով բուպեական գնեությունից հետո նրա
 հետևիցն ընկնել, գնալ, երկար տարվան արժանավոր գրագրի տունը խու-
 զարկել և վնդըք նրան էլ բանտարկել, ЗА ЧТО, ПРО ЧТО?

Այ՛ո, Բալասան աղի խորհրդապահ Գնթունին էլ բանտարկված էր,
 և այդ հանգամանքը մի հաստ ջրազացքարի պես նստել էր Մելնիկովի
 սրտի վերս:

Բանտարկված էր վաճեցին միևնույն հարկի տակ, միևնույն տանը,
 որ վարժապետից երկու ժամ առաջ մտել էր և գլուխը կախ, բայց խիղճը
 հանդարտ նստել Սոնայի անփորձության գոհ սիրելիլն՝ չգործած հան-
 ցանքը վիզն առնող Մամփոսնը:

Մտել էր Գնթունին իբրև կալանավոր Գյուլնազարենց խանութներից
 մեկի մեջ, որ շատ ժամանակ չէր՝ բանտի տեղ էր պետք գալիս. բայց
 նա չէր տեսնում Մամփոսնին. միևնույն հարկի տակն էր արդարև Մամփ-
 օսնը, բայց երկուսին անջնատող միջապատ կար:

Հին մոզրովության ժամանակները գյուղերումը բանտեր չկային.
 դատաստանը շատ բազադրյալ չէր. ծանր հանցավորին մի-երկու ժամով
 կոխում էին մի զոմ կամ մի մարագ և դուռը վրեն փակում. իսկ թեթև,
 տանու գողերին գյուղական տանուտերը ծերունիների և քեղիսուղեշանց
 բանավոր վճռի համաձայն մի քանի ապտակ էր հասցնում կամ մի-երկու
 ժամ ծառիցը կապում ու բաց թողնում: Իսկ հաշտարար օրենքներից հե-
 տո՝ հասարակության տանուտերը գյուղական դատավորների համաձայ-
 նությամբ մի հարմար տուն է վարձում բանտի համար:

Օ. գյուղի հասարակութեան բանտը Գյուլնաղարենց դատարկ երկու խանութներն էին:

Շատ տարապայման վճիռ էր կայացրել այս անգամ քննիչը, տանուտեր Խուրդոյին էլ հետ էր կանգնեցրել պաշտոնավարութիւնից. այդքանն էլ բավական չէր. իր սեփական տանը հրամայել էր ինչպես կալանավոր մնալ այս գիշեր, իսկ տանուտերի օգնականին բացարձակապես պատվիրել էր երկու պահապան բանտի դռանը դնել, մեկն էլ տանուտերի փողոցումը շրջեցնել:

Գիշերից բավական անցել էր. Մորփեոսի շաղ տված խաշ-խաշի փոշին արդեն յուր ազդեցութիւնն էր արել Օ. գյուղի բնակիչների վերա. Քշվառ Գալ-ափուն էլ իրանից ավելի անբախտ կնոջ հետ լացել, գլխները կոծել էին և շորերով նստած տեղը՝ նղդել, ննջացել, բայց քնի մրափեցնող աստվածը կամ լավ չէր տեսել, կամ շտեմնելու էր տվել մի քանի հոգու, որոնց աչքերից քունն իսպառ փախել էր:

Ահա միաժամանակ բոլորովին զուգահայտութեամբ երկու տանից դուրս եկան երկու հոգի. նրանցից մեկը դեպի աջ փողոցը թեքվեց, մյուսը՝ դեպի ձախ. նրանք իրար չեն տեսել. մութը խիստ է: Մենք չենք կարող նշմարել երկու խորհրդավոր գիշերաշրջիկների դեմքն ու հագուստը, սակայն եթե նրանցից մեկին ճրագի լույսով մի տեղից տնողեինք, կտեսնեինք, որ լայն ու երկայն դաշույնի կոթի վերա փայլում են երկու արծաթյա բեռնազուխներ: Մյուսի մասին ավելորդ է հետաքրքրվել, նա ոտով գլխով մեզանից աննկատելի մնաց:

Անհայտ անձնավորութիւնները զանազան խոտորնակ փողոցներից դուրս եկան Օ. գյուղի ծայրը և մեկը «Յոթն եղբոր» կողմած գերեզմանների կողմից, մյուսը կիր աչրելու մեծ հնոցի տակից մոտեցան մի շինութեան. այսպես ասել՝ մեկը հյուսիսից և մյուսը հարավից հառաչեցին դեպի միևնույն շինութիւնը: Ոչինչ տուն, ոչինչ ուրիշ շենքեր չկային այդ միահարկ, մի կարգի կառուցած սենյակների մոտ. նոքա շինված էին գյուղից դուրս Օ. գյուղի խրամը տանող ճանապարհի վերա:

Ահա հյուսիսային կողմից եկողն անցկացավ շենքի քամակը. նույնն արեց և հարավից եկողը, բայց սա շոռվեց դեպի շինութեան հետևի կողմը, այլ կկգեց հարավային պատի մոտ եղած ձիաքար մահարձանի տակին:

Հյուսիսայինը հանեց դաշույնը և սկսեց շենքի պատի վերա փոքրիկ օտնատեղիներ փորել:

— Լավ է,— մտնաց նա և կատվի նման պատը շանգոնով վեր բարձրացավ շինութեան կտուրը և հյուսիսային բաշի վերա բացված ծխնելույզի ծակից գլուխը ներս խցկեց:

— Վարժապետ, վարժապետ,— շատ հաղիվ ներս թափանցեց սենյակի մեջ անծանոթի խուլ ձայնը:

— Վասակ, եղբայր, դո՛ւ ևս,— մի նույնպիսի բութ պատասխան եղավ ներքևից:

— Թե կարաս՝ վերև արի՛, աղեն բան ա ասել, պտի քեզ հասկացնեմ:

— Ինձ վեր ելլել անհարմար է, աղնի՛վ Վասակ, ծխնելույզի ձանձախարիթ (մուտ) մեր հագուստ սեցնելով՝ վաղը մեզի կմատնե. եթե կուզես նե՛ ինքդ իջիր:

Վասակը, որ արդեն հասկացանք, Մելնիկովի քրոջ որդին էր, ոչինչ ընդդիմութիւն չարավ, քսվելով մտավ ծխահանի մեջ և ղովարութեամբ իջավ շինութեան ներսը, որը, ինչպես տեսանք, բանտն էր:

— Պահապաններ շնկատեցի՞ն քեզի,— հարցրեց կալանավոր վանեցին:

— Մեռլի պես քնած են շարդախի ծածքի տակ, մին ուզեցա մոտենամ, ձեռս կոխեմ, չիբներիցը բանտի բալնիքը հանեմ, բաց անեմ, դռովը տուն գամ, մին էլ սիրտ շարի, ո՛վ գիտա՝ որի չիբին ա:

— Որքան մենք լսեցինք, Գասպար առաջարկեց Շամոյին պահել բանալին:

Թողնենք Մելնիկովի երկու հավատարիմներին խորին խորհրդակցութեան մեջ, մենք անցնենք բանտի հարավային պատի մյուս կողմը և հետևենք մեկել անծանոթին:

Երկար ժամանակ անհայտ անձնավորութիւնը նստած էր դամբարանի մոտ. նա այլայլված էր. նա չէր կարողանում սրտի տրոփը հանգրստացնել:

Երևում է, որ անծանոթը Վասակի նման քաջասիրտ չէր. մի տեսակ վստահութիւն, մի աներկյուղութեան ուժ կարծես պակասում էր յուր կյանքի մեջ առաջին անգամ այսպիսի համարձակ քայլ անող էակին:

Խավարի թանձրութեան մեջ նա մի քանի անգամ շուրջը նայեց, ամեն մի գերեզմանաքար, ամեն մի դիմացի այգիների ծառի կատար մի-մի հսկաներ, մի-մի գլուխն երկնքում, ոտները գետնքում՝ ալք (ֆալ) էին թվում նրա աչքին, և նա դողում էր:

Հանկարծ դեպի գյուղի գլխի բոլորը ետ նայած ժամանակ ամպալից երկնքի պտուղածքի միջից սակավաթիվ աստղերի ցուլացրած աղոտ լույսով փայլին տվեց բլրի լանջի վերա դարերով հառաջ շինված մատուղ:

Անծանոթը կրկին դեպի ավանդատունը դարձրեց և երեսին խաչակնքելով՝ մի երկու աղոթք մրմնջաց:

— Ո՛վ կոնդի (բլուր) գլխից հուրհրատող (փայլող) սուրբ մատուռ, քե՛զ եմ ապավինել. դու էս տաք ջրին մի հով ջուր ածես, դու իմ սիրտս պնդացնես:

Անշուք տաճարը սուրբ Սարգսի նման ոգևորեց շերմեռանդ հաճատավորին:

Նա վեր կացավ և հառաչեց բանտի դուռը:

Ձգույշ էին նորա քայլերը, բայց վստահ: Նա մոտեցավ երկու քնած պահապաններին և շատ հետաքրքրությամբ դիտեց նրանց դեմքերը. երևի պահապաններից մեկին էր պտոտում նա, որ գտավ և ամենամեծ զգուշությամբ շարժեց՝ ականջումը փսփոսալով նորա անունը:

— Շամո՛ ջան, Շամո՛,— կանչեց նա անլսելի կոչյունով:

— Ը՛... Ը՛... Ը՛...

— Վեր կա՛ց:

— Ո՛վ ես,— աչքերը ճմռելով, շիմացած՝ թե ո՛ւր է, հարց տվեց Շամոն:

— Հետս արի՛,— ասաց վերջինս և նորից անցկացավ բանտի հարավային պատի կողմը, նստեց նախկին դամբարանի վերա:

Շամոն անգիտակցաբար հետևեց:

— Աղջի, Սոնա՛, դու գովե՛լ ես. էս կես գիշերին, էս անվերիվերի (Վայրի) անապատումն ի՞նչ բան ունիս,— ճանաչեց և հարցրեց պահապան Շամոն:

— Շամո ջա՛ն, անումիդ մեռնի քո Սոնեն, ինձ տուն տա՛ր Սամփոնի մոտ:

— Աղջի՛, գետինը շե՛ս մտնում, ուզում ես աշխարհքի մեջ թուր անես քո հորն ու մորն է՛լ, ձեր ազգ ու ընտանուն է՛լ. էդ ի՞նչ ես արել, էդ ի՞նչ ես ասում:

— Արևիդ մատաղ, Շամո ջա՛ն, թե մի մազի շափ սիրում ես քո քեռու աղջկանը, խնդիրքս կատարի՛, ես քեզ համար քեռու աղջիկ չեմ էլել, օխտը հալալ քվեր համ եմ տվել:

— Ախար դու ո՛վ, Սամփոնեն ո՛վ, դեռ մի դարդակ խոսք ա հորդ տվածը. էն էլ էսօր խալխի միջին ասել ա, որ ստունց հետո քեզ գետը կթցի ու Սամփոնին չի տալ:

— Ես էլ չեմ ուզում Սամփոնին, Շամո ջա՛ն, բայց սրտումս դարդ կմնա, թե որ երկու խոսք ունիմ ասելու՝ չկարենամ իրան հասցնել:

— Դե ինձ ասա՛, ես Սամփոնին կհասցնեմ:

— Ձէ, քեզ մատա՛ղ, իմ լիզվովս պտի ասեմ, կենտ երկու բերան խոսք:

Շատ դիմադրեց Սոնի հորաքրոջ որդի Շամոն, բայց վերջը ստիպ-

վեց բանալ բանտի դուռը, և ներս թողնել Սոնային և դրսից դուռը փակել:
Մի թույլ հազ միայն Սամփոնի կողմից հայտնի արավ նորա արթնությունը:

Սոնան հառաչեց դեպի հազը, նախապես մեղմ արտասանելով մեզ քաջածանոթ Հնձանաբազի սուլման նշանաբանը:

— Ը՛... ս... ս... ս...

— Ը՛... ս... ս... ս...

Վերջին ըս հնչման վերա մի հարցական շեշտեց Սամփոնը:

— Ը՛... ս... ս... ս...— հետևեց դրական պատասխանը ազջկա կողմից: Սամփոնը վեր թռավ, կուռը բռնեց և նստացրեց յուր աակը փռած շոր եղեգնյա խսիրի վերա:

— Դու այտե՛ղ, հոգի ջա՛ն, և ի՞նչպես:

— Հորաքվերս տղա Շամոն տուն թողեց. բո՛ր, թող հանգստանամ, տես իմ հալը,— ասաց Սոնան և բռնեց Սամփոնի ձեռքը, պինդ սեղմեց յուր կրծքի վերա:

Մրկածուսի լճի լեռնացած ալիքների նման ընդհարվում էին աղջկա սրտի կափարիչներն յուրյանց ափունքին:

Սամփոնը հնազանդեց. նա լռեց:

— Աստված իմ, էս ի՞նչ թպրտոց էր,— շնչած Սամփոնը և ականջը դեմ տվեց յուր թիկնած պատին:

Արդարև, պատի մյուս երեսին, բանտի մեկել կիսումը, մի թեթև թրխկոցից հետո լավեցավ խոսակցություն:

— Կսի՛ր:

Երկու սիրահարները բերանաբաց ականջ էին դնում:

— Դու կասես, Վասակ եղբա՛յր, թե քեզ մեր գերազնիվ պաշտպան Մելնիկյա՛ն ուղարկեց մեզ մոտ:

— Հա՛, հենց քեռիս ինքն իր բերանովը հրամայեց, որ գամ քեզնից իմանամ:

— Այո՛, ազնվափայլ տեր՝ Բալասան աղան կցանկա գիտել, թե ի՞նչ թղթեր էին ատելի Սիսակին բերածներ, որք տգետ ամուսնույս անփորձ հիմարութենեն անցեր էին Լրեսիոսյան Ղազարի կնոջ ձեռք ու ան տեղեն դիպվածով մեր ոստիսի վրիժառություն փաստեր դարձած. այո՛, կրեսս մեր քաջ հովանավորին, թե ինչպես այն թղթեր, նմանապես և շատ ուրիշ աներկբայելի ապացույցներ խուզարկության ատեն այս երեկո անցան քննիչի ձեռք. Լս այժմ մի առ մի չեմ կրնար բացատրել, գրելու ձեռնհաս միջոց ալ չունինք. բայց փութա՛ հայտնել իրեն, որ եթե ան թղթերն այս գիշեր մի տեսակ շառն քննչեն և շնչեն, մոխիրն ալ հողմերու շհանձնե, զմեզ, զտանուտեր և ինքը զինքը մեծապես

պիտի վնասե, մեր որսործներ վաղ առավոտ կարողարանան և այս հիմար անձնադավ Սամփսոն, որ շրածը բերանովն անտեղի խոստովանեցավ, պիտի ազատի, թշնամիք պիտի հրճվին, և նույն ինքն նախկին տանուտեր ամբաստանյալ Հարություն Գոմշակերյանց պիտի անմեղ ելլե ու կրկին տանուտեր վերակոչվի:

— Ցավն էլ հենց էդ ա, որ շան տղի քննիչը քեռուս տանը չկացավ, դունչ ու պոռնգը քեռուս վրա կիտեց ու վեր կացավ, գործակալի գնալուց հետո կորավ, մութավելի Ղազարի տանը քնեց:

— Սեահամբույր սանդարմե՛տք, յոթնգլխյան վիշա՛պք, տարտարոսի՛ն զավակներ, մենք կորած ենք,— այնպես իրստ ճշաց վանեցին, որ Շամոն դրսից լսեց և մոտ հկավ, դուանը խփեց և հարցրեց.

— Ի՞նչ ես գոռում, վարժապե՛տ:

— Ոչի՛նչ, ազնիվ Շամի՛ր,— սառն հանդարտությամբ ներսից պատասխանեց Գնթունին.— անհանգիստ երազներ զմեղ արթնցուցին:

— Ալ քեզի մնալ անհնար է,— քրթմնջեց Վասակի ականջումը գրագիրը.— շուտ գնա՛ և հայտնե մեր բարեբարին: Թող հնար մի գտնե: Վասակը ծինելույզի ծակովը վեր բարձրացավ:

— Նորեն դեպի Վան, կայք, կին, զավակ ամենայն տեղ դյուրին է ի ձեռս բերել, իսկ անձին ապահովություն, իսկ իրեն ես, իրեն գլուխ՝ գեր ի վերո է, քան զամեն. «ղի՛նչ օգուտ է մարդո. եթե զաշխարհ ամենայն շահեսցի և զգանձն յուր տուժեսցե»:

Գեռես թարմ և կայտառ է մեր դեմք, սեաթույր մեր հերք զմեզ 25-են ավելի հասակ շին ընծայեր, թեպետ 35-են և 40-ին մեջ կխաղա. ամենուրեք կարելի է, դրամն ի քսակ, կրկին ամուսնանալ. բնություն գեղահրաշն Վասպուրականին աղջկունք առավել շքնաղ է կերտեր և բարեկազմ, քան զկապկանմանս Արարատա: Բարեբուխս դեպք մի էր տաճիկ Սալիմ բեգին յուր 150 ոտրլի պարտք այսօր վճարելն, խոհեմություն էր մեր կողմեն խուզարկության ատեն 500 ոտրլիով լի քսակս ծոցս առնել. հապա 350 մանեթ գյուղական հա՛րկ, որ երեկ տանուտեր մեզ հանձնեց ծրարել զանձարանն առաքելու և մեր գրպան մնաց. հապա 175 ոտրլի տաճկահայ սովելոց անվամբ ժողոված նպաստ, որ զավտես ժողոված իմ քով իբր ավանդ էր: 1175 մանեթով զկես տաճկահայք կարելի է գնել և բոլոր փաշաներ ու քյուրդերու շեյխեր յուր գործույն ծառայեցնել: Ցնծա՛, անձն իմ, և ուրախ լե՛ր, բազմի՛ր բախտին քառաձի կառք և սլացի՛ր ուր երկիր առավել բեղմնալից կսպասե ճարպիկ և հմուտ վայելողի,— քշփշաց ինքն իրեն վանեցին և կանկի արագությամբ վառարանի ծինելույզից դուրս մագլցեց, պատն իջավ ու քայլերն ուղղեց

ու դեպի յուր տունը, այլ խրամը ցած գնաց և Տաճկաստանի ճանապարհը բռնեց:

Հա՛, մոռացանք, յուր տան հանդեպ հասած ժամանակ Գնթունու ներսից մի ձայն, կարծես, թիւղդում է նրան ետ նայել, կին և որդի մի վայրկյան սլացան նրա հիշողության մեջ, բայց խոհեմ և կամքի տեր մարդը ժխտական մի շարժումով փշրեց սրտի շենքը և սառն ու դառն հեգնությամբ բավ համարեց ծաղրել յուր մարդկային թույլ հատկությունն ու հառաչ ընթանալ:

— Ոնց որ երևում ա, ձենը կտրվեց,— շշնջաց Սոնան,— վանեցին կարծես բուխարու ծակովը Վասակի հետ դուս գնաց:

— Զառը գնա, ջհանդամը, Սոնա ջա՛ն:

— Ինձ համար ուրախությունն էն ա, Սամփսոն ջա՛ն, որ դու էգուց կազատվիս նրա թղթերով:

— Քանի՞ կոպեկի կառնեմ, ընտեղ կազատվեմ, էնտեղ էլ ինձ կսպանեմ:

— Ի՞նչ ես ասում:

— Սուտ չեմ ասում, ինձ հո բնիլ տվողը վանեցու շինած սուտ թուղթը չէր. քո էսօրվա գոմումն ասած խոսքն էր. դու չէի՛ր, որ ասացիր՝ պտի հորդ լսես, տանուտերի հարսը դառնաս:

— Դու էլ հալած եղի տե՛ղ ընդունեցիր խոսքերս, ես մախուս (դիամամբ) ասացի, որ տանուտերի օգնականը լսի ու սլեստղու մոտ վկայի, ես տեսա նրան ներս գալուս:

— Սոնա ջա՛ն, զո՞րթի:

— Սոնեն գլխովդ պտիտ գա, ես եկել էի քեզ ասեմ, որ գլուխ առնես թռչես. հույսս մեր Շամոն էր, որ մի հնարքով քեզ բաց թողար. բայց հիմիկեց դենը միամիտ եմ, լիսը կբացվի, դու էլ իմ գիրկը կընկնիս:

Դուռը բացվեց և պահապան Շամոն ներս մտավ:

— Ա՛յ աղջի, հերիք ա, արի գնա՛, է, հիմի հընկերս կզարթնի, գետինը կմտնենք:

— Էս ա գնում եմ, բայց դու հընկերիդ զարթնացրո՛ւ, վանեցու քամակիցն ընկեք. հենց լիմանա բուխարու երգիկովը դուս փախավ,— ասաց Սոնան և յուր եկած ճանապարհովը վերադարձավ:

Մեջ գիշերին գյուղը դղրդոցն ընկավ. պահապան Շամոն ու Գասպարը մի քանի հրացանի պայթյուններով ամբողջ գյուղը ոտքի հանեցին:

— Վանեցին փախել է,— տարածվեցավ գյուղը,— բուխարու ծակովը դուրս է գնացել:

ՀԻՇԱՏԱԿԱՐԱՆ

Հետևյալ առավոտն երեցփոխ Ղազար բիձու տանը քննիչի հրամանով առնուտերի օգնականի ձեռքով, կրկին հավաքվեցին Օ. գյուղի առաջավորները. խոսք չկա, այնտեղ էր և այսօր անաշին տեղն էր բռնել: Երեկ նա մի անկյուն էր քաշվել և սպասում էր, թե մի ընկերացի, մի ժամից իրան էլ կկանգնեցնեն քննիչի առաջ. բայց օրը մթնեց ու նրան ոչ ոք հարցմունք չարավ:

— Հա՛, Սիսակ ջա՛ն, ասում ես բանն ըտենց փոխվե՛ց, վանեցու տանիցն էդ լավ-լավ թղթերը դուս եկա՛ն. մեռնեմ աստծու սղորմությունին. հախը նհախին չի տալիս (արդարադատ է). ուրախությունից գլխերս քունս չի տանիլ. զրկենք աշուղ Սալանուն բերել տանք, սազք բոքներ, մի քանի մեր սրտի բարեկամներ էլ կանչենք, սուփրեն բաց անենք, իմ ձեռով կոտորած աղն ու տաքտեղը արած՝ գինին էլ վերեն լցրած բաստուրմեն մի կողմից շամփուրը քաշենք, աժտժացնենք, մի կողմից յալլա կանչենք, քե՛ֆ անենք ու Բալանու ասած Քյոռուղլուի ու Շահ-Իսամալիի հեքիաթները լենք, հետն էլ նոր-նոր հայավար տաղեր ասենք, խոզի արնի պես կարմիր և նոր կտրած պուրմբույալի պես դեղին պսպղուն գինին վրեն կոնծենք. խեղճ Գալ-ափունի ցավերն էլ մտիցը քցենք, ընչանք բարի լիսն ամեն հայ-քրիստոնի հետ մեր վրա էլ ծագի, աստծու ողորմության դուռը բացվի, գնանք մի տեսնենք, թե մեր վաղը իսլամազորդ Գնթունին ի՛նչ պատասխաններ պտի տա սլեսաշուն:

Վերոգրյալ միջոցն առաջարկեց Մելիք-Բաղալը՝ գիշերվա երկայնության դեմ կռվելու և յուր անհամբերությունն անզգալի կացուցանելու համար, երբ նախընթաց երեկոյին մթնով շատ ուշ Սիսակն եկավ և վանեցու տանից խուզարկության ժամանակ դուրս եկած փաստերի մասին պատմեց:

— Զէ՛,— ասաց Սիսակը Մելիքին,— դու լավ կանես՝ սիրտդ հանգիստ թեք ընկնես, քնես, որ էգուց միտքդ բաց՝ լավ լսես քննիչի հարցմունքներն ու վանեցու պատասխանները:

Լա՛վ էլ քնեց Մելիքը, շատ էլ վաղ եկավ երեցփոխի տունը, բայց վանեցու երեսը չկարողացավ տեսնել. նրա քամակից ընկնողներից միին էլ իր տղեն էր, որ գնեք ու զրահ կապած, գյուղի կտրիճ ջահեյների շարքումը, ձիավորվել էր ու Վասիլ Վասիլիչի հետ վանեցու քամակիցն էր քնկել:

Զմեռվան արևն երկու ձողաչափ բարձրացել էր, ինչպես ասում են՝

ով օխտն էլ ուներ, կերել, պրծել էր, որ Վասիլ Վասիլիչին իր պալտոյի մեջ ցրտից կուշ եկած, մի բռունցքը դառած, իր ձիավորներով տուն ընկավ քննիչի մոտ և ասաց. էդ մարդը, ինչպես երևում է, սատանա էր, նա հիմի գետնի տակին բեհեղզեբուղի կողքին նստած իր քաջագործությունները կլինի պատմում, թե չէ ես Վասիլ Վասիլիչը լինեմ, մինչև երասխի կամուրջը տեղ շթողնեմ՝ ոտնատակ տամ, գյուղերը շթողնեմ՝ փոթորիկ բարձրացնեմ և երկրի երեսին չգտնե՛մ, էդ անհնարին է:

— Եթե այդպես է՝ մեր գործը տեսնենք,— վճռեց քննիչը և ժողոված մարդկանց մոտ կարգաց վանեցու տանից դուրս եկած թղթերը՝ սկսելով հետևյալ նշանավոր հիշատակաբանից:

Զմոռանանք ասել, որ ժողովին ներկա էր Վլադիմիր Նեստորիչը, տանուտեր Խուդոն և երեկվան կալանավոր Սամփսոնը:

— «Առաջին թերթ, առաջին տարի, առաջին երես»,— բարձրաձայն գոչեց քննիչը և կարդաց.

«10 սեպտեմբերի 18... ամի, Վան: Ըստ Խորենացվույն՝ «սահմանք քաջաց զենն յուրջանց, որքան հատանեն, այնքան ունին»: Մեզի համար այս երկիր որչափ և սիրելի՛ իբրև մայրենի տնակ, բայց ապարդյուն հողն առատ, դրամ սուղ, հարստություն՝ կենաց նպատակ, հայրենասիրություն՝ անոր ուղին հարթող պատրվակ: Հայրիկին հանձնարարական և ի դյուրահավան երկիրն Արարատյան»:

«13 սեպտ., հուշող էլք, բարի ճանապարհ, ողջամբ մնա՛, Ալգեստա՛ն, մանկությանս օրորա՛ն...»:

— Սոքա մեր գործերին չեն վերաբերում,— աչքի տակով մի երկու երես անցնելով ասաց քննիչը և կանգ առավ երրորդ երեսում:

«20 սեպտ. Աղեքսանդրապոլ, Սհաթչոնց խան. Կարուց սրբազանի հանձնարարական մեզի մեծ հուշս տվավ, բայց տեղվույս պաղարյուն հաջորդ Հ. վարդապետին հանդիմանություն և անհյուրասիրություն փոքրին զմեզ կխոռվե. եթե բոլոր էջմիածնականք ասօր նման խորագետ և խոչընդոտ ըլլան մեզի, մեր ձեռնձգությունը կզժվարին: Որքան կհիշեմ անսիրտ վարդապետին հայացք և անոր կծու խոսքեր՝ կքստնմիմ. ուխտավորին, կասե, այս թղթեր պիտո չեն և ոչ մեզի դիմելու հարկ կա. ահա էջմիածին, գնացե՛ք, ուխտներնիդ կատարեցե՛ք և դարձե՛ք: Ձեր երկիր ավելի կարիք ունի ձեզ նմանների, կասեր, մեզ բավական են մեր գործիչը: Սակայն չգիտեմ, կհասկանա՞ վարդապետն, թե մեզի համար նշանավոր է ոչ գործ, այլ գործին անվամբ մեր քսակ»:

«21 սեպտ., ի նանիր աշխատությունդ, Հայր Հ., մենք քո թիղ տակ գտնանք մեզի համար ընծայողք. կաթոլիկ քահանայի մի ծանոթացանք, զմեզ պապին երկրպագուններ մին ներկայացուցինք, որ կերթա,

իրը թե, յուր կորուսյալ եղբոր որոնելու և անոր մոլեռանդութեան շնորհիվ հինգ ուրբի—մոտ 100 շուրուշ շահեցանք և մի ժամեն աշտարակեց-վոց ուղեկցութեամբ յուրի կանկանիմք՝ նախապես գնած և ծանոթացած գյուղական օրենագրքին հետ, որ գոամիկն շահելու կնպաստե մեզ. կասեն՝ կաթողիկ հոգևորականն ևս մեր կարծածին չափ տգետին մեկ չի եղել, նա ևս յուր հաշիվն ունեցած է, մեր անվամբ ժողովածին կեսն իրեն է պահեր. կեցցե՛. գիտե գործել»:

«22 սեպտ. Ապարան: Այս գավառ մեր երկրե խաղար կերևի. կարծեր այս կույր աշխարհեն օգտվիլ. բայց աշտարակեցի ուղեկիցքս էջմիածնի շուրջ կգերադասեն. հարկ է երթալ և այդ Ավետոյաց երկրին քաղցրութիւն ճաշակել: Շատ հյուրասեր են աշտարակեցիք, մեզ և ոչ մի ասպարեզ թույլ տվին հետի քայլելու, յուրյանց զավակ կտունեն մեզի: Ափսո՛ս, որ նախապես խմիչք ասող հայտնեցի զիս. յուրաքանչյուր քայլափոխին կարելի էր Աշտարակա դինով զվարճանալ, ձիանց վերա բարձած՝ անընդհատ ի վաճառ կտանին աշտարակեցիք զինի և օղի, ամեն բեռնակիր կառաջարկե վերադարձունքուն անուշ անել, ինչպես իրանք կըսեն»:

Քննիչը մի-երկու թերթ ևս շրջեց և կանգ առավ:

«25 սեպտ., Օ. գյուղ: Այս է հաճեցիս իմ, ի սմա բնակեցույց, զի հաճեցա ընդ սա: Մեր օթեան փե՛ք հարմար է. Մելիք-Բաղալ թեպետ հեգնարան ոմն է, հաճախ զմեզ խաշագող կանվանե, բայց մենք չհասկընալ կձևացնենք. թող ասե, օր կուգա՝ ծուխ յուր քթեն կհանենք, առ այժմ երեսուն մանկանց ուսուցման վարձ և գյուղական գրագրի բեղմնալից պաշտոն մեր վարկ բարձրացույց և այդ շատ է մեզ»:

Այնուհետև հիշատակարանի մեջ շարունակվում էր Օ. գյուղի մեջ վանեցու հաստատվելը, ժողովրդի հետ յուր վարվելու եղանակը աշխատութիւնը նախապաշարմունքների նշանակութիւնը բարձրացնելը, յուր ամուսնութիւնը և այլն:

Այս ամենը թոուցիկ հայացքի տակով անցկացրեց քննիչը և կարդաց.

— «18... քվական. երկրորդ տարի. 5 փետրվարի. Օ. գյուղ: Գործերնիս լավ կերթա. տանուտեր կարապետի տգիտութիւն մեզի կնպաստե, ինքն կառաջարկն շատե քչե շահվիլ. դսրիք ես, կասե, օգտվի՛ր.— ալ չգիտե խղճուկ, թե նոր ահա երկրորդ տարին կսկսի մեր գալն, և այսօր մենք տոկոսով բավականաչափ դրամ տված ունինք»:

«20 փետրվարի: Քաղաք գնացինք տնային պիտույք գնելու. կտավեզներ քարած լրագիր զմեզ գնած կտավեն առավել ծառայեց. Տաճկահայքին մեջ քանի մը հիմարք ձերբակալված. են եղած.

երեկ հաջողեցանք անոնց խենթութիւն աղգային նահատակութեան անվամբ այստեղ համբավել, Խորիտունի Խորենին կողմանե մի նամակ շարադրեցինք և ասոնց կարդացինք, որ իբր թե աղբին անպարտ զոհերուն ընտանիք անսնունդ մնացած են, ազգայնոց ձեռնավութիւն կհուսացվի. Հայրիկին կողմանե ալ Խորենին նամակին մեջ շրջաբերականի մի մասն եղած հավելինք, հորում, Հայրիկ, իբր թե, կառաքն յուր ձեռեր ի սփյուռս աշխարհի՝ ազգասեր հայերու գթութեան փշրանք ժողովելու: Մեր հանճարեղ գյուտին սկզբնական հաջողութիւն առավել շահավետ ապառնի կավետե: 15 ուրբի հանգանակեցինք և կարուց վերայով տեղ հասուցած քարոզեցինք: Մասամբ իրավ ըսինք, դրամ մեր քովեն ելավ. Հ. գյուղացի մաշաղի Օրոշին տոկոսով տվինք: Վեց ամիս ժամանակամիջոցով, քսան ուրբի հաշված»:

«10 մայիսի: Փա՛ռք ճակատագրույն, մեր կարծածեն առավել երջանիկ ենք եղած. ընդհանուր խլրտում մի կհուզի այս կողմեր. Ա. Ընծայնոց զինքն զխավոր գործակալ կքարոզե ամենուրեք. այս ավուր իրմն ստացած նամակիս մեջ ծրարյալ վկայագիր մը զիս Արարատյան լայնատարած դաշտին կեդրոններու միույն վարչութեան մենաշնորհութիւնը. կու տա: Հունձք բազումք են և մշակք սակալք, կգրե սիրելին Ընծայնոց, հնձե՛ որքան ուշիմութիւնդ կթելադրե. ցորենին մի մաս սեպտեմբեր շտեմարանիդ մեջ ամբարե, մյուս մաս մեզի բածին հա՛ն, իսկ աննշան մասն ալ հարդին փոշուն հետ աչքեր խտողելու համար խտտաշունչ հողմոց բերան տալուն և տեղ հասուցանելուն մի՛ հուլանար. երբեմնապես քո գործունեութիւնեն բարձրաբարբառ հաշիվ տալ պարտք համարի՛ր, նվերք և դրամք, իբր թե, մեր Հակոբոսին ձեռք կեդրոնական հանձնաժողովին ուղարկած նշանակե մի՛ մոռանար զՀայրիկ ցուցանել ատենապետ կեդրոնի՛ն, ա՛նոր անուն միակ զորավիգն է մեր քաջակորով շահարկական ձեռնարկութեանց»:

«Խորամանկ Ընծայնոց շարունակ կատեր զՀայրիկ և կհայհոյեր, իբրև անբարեբարո զինքն վարագե՛ն: Վանելո առթիվ. այսօր նա ելեր՝ հանուն Հայրիկի վաշխարհ կթնդեցնե: Վնաս չունի, մենք ևս չենք սիրեր զՀայրիկ, բայց ի պահանջել հարկին նույնը կեննք»:

«7 հունիսի: Ա. Ընծայնոց կգրե, թե մի շահավոր առևտուր սկսած է ինքն մեր նախկին ընկերաց հետ. արագածիդ ոռոսական ձեի հրացանք մեծ արժեք ունին ի Տաճկահայս, քյուրդեր հոտերով ոչխարք չեն խնայեր մի հատ ձեռք բերելու: Ես կգրե Ընծայնոց, հարյուրեն ավելի ժողոված և վանեցու տարագ մտած հայախոս քյուրդ Մստոյին ձեռք Իզդիրի ճանապարհով ի Բագրևանդ հասուցած եմ. այնտեղ մեր Արտակ Պալունին կսասանա և քյուրդերուն մեջ ի վաճառ կհանե: Այստեղ երեկ.

կասե, մի հատ մը ինքս վաճառեցի 25 ո. ճանապարհորդք բժշկի մը: Այժմ, կասե Ընծայնոց, հրացան և փամփուշտ խնդրել օգտավորագրույն կդատեմ, քան դրամ, զի հանուն քյուրդերուն և տաճիկներուն ձեռք հարստահարյալ հայ եղբարց՝ հրացան և փամփուշտ խնդրելը տեղվույթ թեթևամիտ դշուրահավանաց զրգիւր կշատացնե և մեր ոտաց ներքո հողն առավել ամուր կընե»:

«30 հուլիսի: Ա. Ընծայնոց կկշտամբե զմեզ ցարդ և ոչ մի հրացան շատաքելուս համար. երկիցս կգրե՝ Մատոն առ քեզ է ուղղվեր և ձեռնունայն վերադարձեր: Հավատարիմ աղբյուրներե ինքը լսեր է, թե մեր կողմեր, մանավանդ Ա. քաղաք, հայրենասիրական վառ եռանդ առավել շատ կարելի է արծարծել, իսկ այնտեղ հրացանի փամփուշտի մեծ պաշար կա և հեշտիվ ի ձեռս կուգա»:

«Միրեմ զքեզ, ըստ Հայրիկին, միամիտ իմ Ընծայնաց, մենք արդեն քո առաջին նամակ ստացանք և անհապաղ գրեցինք ի Վան, կոչեցինք մեր եղբայր Մարտիրոս և 150 հրացան 10.000 փամփուշտաց հետ առանց մի վճարքի Մարտիրոսը կողմով եղբորս ձեռք Կարին ուղարկեցինք. եթե Բագրևանդա սովալուկ քյուրդեր հայերու հոտեր կողոպտելով կարող են լավ գին վճարել, Կարնո ճոխ տաճիկներ և բազմաթիվ քյուրդերու ազգապետք, որք անպակաս կվիտան անդ, միմյանց ընդդեմ մրցելով՝ տասնապատիկ կհատուցանեն»:

«20 օգոստոսի: Մարտիրոս կգրե, թե ինք երկու ամուր մեջ վաճառեց հրացաններ և կխոստանա յուր բաժին դրամ ի Վան տանել և փութով վերադառնալ. հոգ չէ, արժանի է մշակել վարձու յուր. սակայն, անիծյալ Մաղախ՛ը, օր-ամուր տարակուսանք կալեծիս ներսս: Մարտիրոս շատ ուշացավ. արդյոք քյուրդեր կողոպտեցին, թե հարուզատ զհարուզատն դավաճանեց: Վերջինս առավել հավանական կթվի: Մարտիրոս խոժոռեցավ, երբ վաճառքն քառորդ մասն միայն իրեն բաժին որոշեցի. ըստ իս, կբավեր. բազմահմուտ խոհարարին ձեռք պատրաստած անուշահամ կերակուր ամեն օր կարեր ուտել...»:

Այս տեղից սկսած քննիչը երկար չէր կանգ առնում երևելի հիշատակարանի վերա. նա հետևում էր գտնել յուր գործին վերաբերյալ հարակից դեպքեր:

Նվ ահա, բավական թերթ անցնելուց հետո, նա կարդաց.

«18... թվականի, երրորդ տարի, 20 սեպտեմբերի: Բախտին ժպիտ քաղցր է առ իս. զավառիս հզորագույն աստիճանավորներն ամենազորավոր և ամենավտանգավոր մեզ յուր զաղտնի խորհրդական ըրավ, յուր բարձր հովանավորություն մեր վերա ունիլ խոստացավ. մենք այսուհետև յուր ծածկարար՝ դպիր և նոտարն ենք»:

«18... թվական, չորրորդ տարի...»:

Քննիչը բարվոք գտնեց լուծյամբ կարդալ և անցնել: Նա երբևնայես մի-մի կես-հեզնական, կես-արհամարհական և կես-հանդիմանական ակնարկ էր դարձնում դեպի Մելնիկովը և նրա ականջին փսփում:

— Վերջապես, ներողություն եմ խնդրում, Վլադիմիր Նեստորի՛չ, — ասաց նա, — որ ես ստիպյալ եմ այս հիշատակարանից մի քանի կտորներ, որոնք ձեռ պատիվն են շոշափում, իսկ մեր գործի շատ մութն և կարևոր կետերը լուսաբանում, իբրև քաղվածք արտագրել:

Նա կարդաց:

«18... թվական, հինգերորդ տարի. 25 հոկտեմբերի:

«Այս գիշեր Մելնիկով հանձնեց մեզ կնքելու յուր համար շատ չգրված մուրհակի գրոշմյալ թղթեր և բավականին հասարակ գրելու թերթեր. մենք փոխեցինք նրա հանձնարարականով բաղում մուրհակաց թվականներ»:

«...Այս անձ, որքան խարդախ, այնքան սնապարծ, ստախոս է. ցայսօր յուր շատ խոստումներն և ոչ մին կատարեց, շարունակ կուզե յուր ազդեցություն մեզ ընկճած պահել, կխոստանա յուր հովանավորություն, եթե մեր գաղտնի գործեր հայտնվելու ըլլան. մենք ալ բառախազերով իրեն հասկացուցինք մեր ուժ: Այլևս անազան է, ինքն այժմ մեզմե առավել կախումն ունի, քան թե մենք իրմե. սպառնացինք զինքն երևան հանել. եթե մեզի շարիք մշ հասնել դիպի»:

Քննիչը նորից լոց. մոտ երկու ժամ հիշատակարանից կտորներ էր արտագրում նա:

Սարսափելի է Բալասան աղայի և յուրայնոց գրությունը, երբ քննիչն ընդհանուր ուշադրություն հրավիրեց և կարդալով մի առ մի համեմատեց երեցփոխ Ղազար բիձի լուսամտից և վանեցու տանից հանած թղթերը:

Այստեղ պարզվեցան Մելնիկովի թելադրությամբ կատարված բոլոր շարիքները — Դվակոթենց Հայրոյի ձեռքով Դոնգարենց Ասոյի սպանությունը, Աբտեմ Սեղգեյիչ Գոմշակեղյանցի անկումը, Մամփոսնի դեմ խմբագրված մեղադրականը, Սիսակի ձեռքը կեղծելու փաստերը, նրա կողմից շարադրված նամակը, Խուրդյի տանուտերություն մանրամասնությունները, Սիսակին կործանելու ձգտումներն և այլն, և այլն: Մի խոսքով այն ամեն ապացույցները, որոնցով քաջբազմեցան Մելնիկովի ցանցերը, որոնցով պարզվեցան խաբեբա թափառաշրջիկների ձեռքով ստեղծած շահադիտական նշանավոր ձեռնարկությունները: Բոլոր սևագրությունները, ի՛նչ և ո՛ւմ համար վանեցին գրել էր, բոլոր թղթերը, որտեղ ձեռքեր կեղծելու փորձեր ու վարձություններ էր արել, պահված էին:

Քննիչը փակեց և կնքեց ճարպիկ վանեցու հիշատակարանը և բոլոր իրական գրավոր փաստերը: Ընթերցողի համար էլ փակվում են սլափաժուռայանն ամենահետաքրքիր և տխուր էջերը:

Մյուս օրը գավառական բանտն ուղարկվեցին երեք հոգի. նրանք էին՝ Մելնիկովի երաշխավորությամբ ազատ շրջող Ասատուր Գոնդարյանցի սպանության համար մեղադրված Հայտապետ Դվակոթյանցը, Բալասան աղայի քրոջ որդի Վասակը և տանուտեր Խուզոն:

Գլխավոր գործիչներից Օ. գյուղում մնացին ինքը՝ Վլադիմիր Նեստորիչ Մելնիկովը և ավագերեց տեր Սուքիասը:

Տերտերի համար բավական համարեց քննիչը գրել գործակալին, իսկ Բալասան աղայի համար ստիպվեցավ միայն հրավիրել գավառական բժշկին:

Ուրիշ անելիք անհնար էր, դեռ նոր էր քննիչը յուր որոշումը հայտնել վերոհիշյալներին բանտարկելու և Մելնիկովին դատախազի իրավանցը հանձնելու համար, որ Վլադիմիր Նեստորիչն ամենքի ուշքն յուր վրա դարձրեց:

Աթոռը չկարողացավ դիմանալ յուր վերա նստած երևելի Բալասան աղայի ծանրությանը, շրջվեց գետին, յուր հետ տարածելով հատակին վանեցու պաշտպանին:

Հարվածը խիստ էր. հանկարծական կաթվածքը թուլացրեց Մելնիկովի աջ կեսը՝ գլխից սկսած մինչև վերջը:

Շատ անտանելի կացություն էր. երեք տարի թշվառ մարդը հիվանդ մնաց, ինչպես ասում են, գետնին գերի, անկողնին աքացի տալով, այն էլ՝ մի ոտքով:

Շատ բժիշկներ եկան, մեծ-մեծ այցավճարներ ստացան և դարձան, բայց ամենը միաձայն անբժշկելիության վճիռ կարդացին:

Երեք տարի էր՝ շարունակ կցկտուր և անհասկանալի բացականչություններով, ինչպես երևում է, ցանկանում էր Բալասան աղեն մի քանի խոսք ասել և չէր կարողանում. լեզվի ձախ կողմով սկսված հնչյունը անհասկանալի թոթովանքի կամ լիփոցի էր փոխվում ձախ կիսումը, ձախակողմյան առողջ ուղեղի հոգեկան թելադրությունը խառնաշփոթ դանգված էր դառնում աջ կիսումը:

Երեք տարուց հետո խապառ դադարեցան Վլադիմիր Նեստորիչ Մելնիկովի տառապանքները. Պարկյան քույրերը վերջապես խղճացին և նրա ցավալի կենաց թելը բավ համարեցին ետ տալ: Մկրատը թեև բուժ էր, բայց կտրեց:

Ով որ ցանկանում է փորատել անախորժ դեպքերի անախորժ տպա-

վորություններն յուր սրտից, թող շնորհ բերե, քննությանը վերջացնելուց մոտ մի ամիս հետո Գալ-ափունենց հացատունը:

Գալաճաչ է. տերտերը նոր վերջացրեց «Թագավոր գոլով»-ը, նորափեսա Սամփունեց կանգնեց տան վերի պատի տակին դրած բարձին, իսկ նորահարս Սոնային Գալ-ափունեի կին Ջարմանը պարելով, դափ ու զուռնի ուղեկցությամբ, տարավ հարսի համար պատրաստած սենյակը:

Հարսանքավորները լավ քեֆի մեջ են. խմվում է թագավոր (նորափեսի), թագուհու (նորահարսի), խաչեղբայր Մելիք-Բաղալի կենացը:

Կառավարիչ կամ թամադա է Օ. գյուղի սիրելի և միահավան քվեից առավելությամբ ընտրած, խարդախ ճանապարհներով հաստատվելուց զրկված, բայց արդարությունը պարզելուց հետո նորից հաստատված տանուտեր Արտեմ Սերգեյիչը:

— Ադա՛, ա՛՛ անշնորհք, տավարի հրեշտակ Գալ-ափունե, — ձեն տվեց խաչեղբայր Մելիք-Բաղալը, — չե՞ս ամաշում, մեր ավագ երեցին համեցե՞ չես արե՞լ:

— Հատեղ չի, շա՛րդ տանեմ, ադա խաչախպեր Մելիք շա՛ն, տեր Սուքիաս հայրը Սեանումն ա, հիմի քեզ համար աղոթք ա անում, վեց ամսից հետո կգա ու քեզ կօրհնի:

— Խնդրում եմ՝ մեր ուրախության ժամանակ ավելորդ խոսակցությունները դադարին, չհին դարմանը քամուն չեն տալ: — մեջ խառնվեց Օ. գյուղի նոր վարժապետ և նոր գրագիր Սիսակը և յուր կողմից առաջարկեց Արտեմ Սերգեյիչի կենացը:

Երեկոյան զանգակները տալիս էին, Գալ-ափունեի տան ուրախությունը գեռ շարունակվում էր:

ՎԵՐՋ

Ա

ԲՈՇԻ ՏՂԱՆ

Կարբեցի է կոչուր (կարճաճասակ) Բղղեհ: նա այժմ կամ ծերացած, ոտք ու ձեռքից ընկած, մի գյուղի կամ քաղաքի թույլ անկյունում կյանքի հետ կոխվա է տալիս, հոգեառի անունից օրն ի բուն սարսափի մեջ է, կամ թե սե հողի միջին որդ ու ժժմունքների կերակուր է եղել, յոթը պատան է մաշել, մարդկանց ու ասածո հիշողությունից խալառ մոռացվել շեքերի կարգն է անցել:

Մեր պատմությունը սկիզբ է առնում Բղղեհի պատանեկական թարմ ու գեներ տարիներից:

Այդ այն անցած, մտահան եղած ժամանակներն են, երբ հազար տեղից գուրջ ու փալատով կարկատած խուրջինն ուսը ձգած՝ ամեն մի հական մեջ հինգ շուրուկ շահու (յոթը կոպեկ) մանրավաճառի* ապրանք դրած՝ գյուղական երեխայի ձեռքով կերտված խաղաչնդակի նման գլղիզը գալով գյուղերն էր ընկնում ու շարունջուն անում:

Շատ բազմատեսակ ու բարդ չէին Բղղեհի ապրանքի քանակն ու տեսակները. մի երկու թոփ ասեղ, մի քանի ջորոց, մատնոց, կոճակներ, կերակրիղենի համեմունք՝ զիրա, սև պղպեղ, մետաքսի թել, մի քանի կերակրիղենի համեմունք՝ զիրա, սև պղպեղ, մետաքսի թել, մի քանի գազ ածանագին ծալավենն ու երիզ՝ գեղջուկ պառավների տնարարուցան անհրաժեշտ պիտույքներ, ծամոն, ծծմբապատրույզ, արեթ, հրաթյան անհրաժեշտ պիտույքներ, ծամոն, ծծմբապատրույզ, արեթ, հրահան, շանթաքար և այլ այսպիսի տնտեսության համար կարևոր իրեղեններն էին նորա հարստությունն և հույս ու ապավենը:

Երկու-երեք տարի Բղղեն ինքն էր միայնակ թե՛ ապրանք առնում, թե՛ ծախում, թե՛ գրաստի պաշտոն կատարում. վերջը բախտը խաղաց նորա հետ, կատաղ շարեց, սրտանց սիրեց ու մի համեստ, ծանրաբարո,

միամիտ, գլուխը միշտ կախ, սակավապես ընկեր էլ շնորհեց, խուրջինը Բղղեհի ուսից վերցրեց: Բղղեհի բեռը թեթևացրեց, Բղղեհն օգնություն ուղարկեց:

Մի մարդի հետ որ բախտը հաշտվի, ամեն կողմից բարություններն սկզբումը անձրևից գոյացած սարալանջերով վազող քշջան վտակների նման կտեղան, վերջը վտակները գոչգոչան գետերի կփոխվին ու մարդի տուն ու տեղը, քունջ ու պուճախը, ծոցն ու գրպանը կլցնեն:

Իհարկե, բախտավոր էր Բղղեն, որ մի երեկո, գյուղերից վերադառնալիս, Կարբի գյուղի մոտերքը գնչունների (բռշա, ցիգան) քարավանը, նրան հանդիպեց և մի շատ հաջող փոխարինություն առաջարկեց:

Բռշայի սև իշուկը հիվանդացել էր, ճանապարհի մեջտեղն երկար ու ձիգ շորս ոտքը շարդախ էր արել, տիրոջ սիրտն յուր դնչի պես սևացրել. ո՛չ ծեծ ու մահակի, ո՛չ քացու ու հոյհոյանքի էր ականջ դնում, ո՛չ բարկություն ու աղաչանք էր քանի տեղ հաշվում, և ո՛չ տեղիցը շարժվել էր ուզում:

Մտորվել էին գնչուները. ամակտար, աշխատավոր իշուկ էր, սպանել, կաշին քերթել՝ ձեռքները շեր գոռում, թողալ, հեռանալ ափսոս էին գալիս:

Որտեղից որտեղ Արագածի իրիկնապահի գիծ քամին պտտեց, մեր Բղղեհն գնչուների քարավանին դեմ բերեց:

— Ի՞նչ տամ, բռշա,— հանկարծ դուրս թռավ Բղղեհի բերանից:

— Ի՞նչ կտաս, ջանիկս:

— Երկու սիլլա (ապտակ), մի քացի, խեղճ անասունը որտեղ որ է շունջը կփշի, գիշերս քաղցած գայլերի ու բուրդը թափած աղվեսների փորերը կկշտացնի, լավն էն չի խուրջինումս գտնված ծիրանի շիրը վերցնեք, կյանք ու արև ձեզ բաշխող, բազմաշարշար հայվանին ինձ թողնեք, շալակեմ տանեմ մեր գոմումը վեր գցեմ, կսատկի՝ կաշին ինձ համար արեխ կանեմ, կհագնեմ, կօրհնեմ. կապրի՝ կծերը մեջքին կդնեմ, գլուգումը շուր շեղած ժամանակը կերթամ ձորիցը շուր կբերեմ, ինքս էլ կխմեմ, ուրիշի սիրտն էլ կհագնեմ, ձեզ էլ վարձք կլինի, ինձ էլ:

Փողն ինչ կուզի՝ մութ գիշեր: Չիրը խախալի մեջ դատարկվեց, գնչուների բօբիկ երեխաների սիրտն ուրախացավ: Բղղեն էլ գրաստի տեղ դարձավ:

էն էլ խկյոք ու իմաստություն է ունեցել. հենց որ Բղղեհի մոր գոգնացը առջևը փովեց, գարու հոսը քթովը դիպավ, դիրքը փոխեց, իրան ուղղեց, դարին կրտմբալ սկսեց, քիչ-քիչ տեղիցը կանգնեց, գարին բուր մաքրազարգեց, Բղղեհի հետ եղբայրանալն ավելի ձեռնտու համարեց, բան թե գնչուների շարաճճի մանուկների տված Հուզալի տանջանքը:

— Մեկ շինինք, երկու լինին, իմ սիրելի բոշի տղա, — այս անունը տվեց իշուկին Բղղեն ու խուրջինը նորա պարտականութունը շինեց:

— Չո՛ւ, հա չո՛ւ, չո՛ւ, հա չո՛ւ անելով, այնուհետև, սիրտն ուրախ, քեֆը թոք, դամազը շաղ, դեմքը զվարթ՝ առաջ էր անում Բղղեն բոշի տղին ու ինքը նորա քամակից, գերեմաստի ծառից կտրած մահակը ձեռքին, լուսածեգին դուրս էր գալիս Կարբուց, մինչև իրիկուն թափառում էր Կարբու շրջակա գյուղերում, արևմտոցին մամտալով, փնթփնթալով, Քյուր-օղլուի խաղերից իրան լսելի ձայնով դունդունալով, երգելով, դառնում էր Կարբի՝ աչքը ճամփին սպասող յուր պառավ Սալբի մորն ուրախացնում, նորա եփած ձավարի վոկիկը (արգանակ) խփշտում, փորը կշտացնում, յուր մարմնին էլ հանգիստ տալի, բոշի տղի ոտներին էլ:

Կատաղի էին այն ժամանակվա շները, օտարական պանդուխտը մեծ գծվարությամբ էր կարողանում անց կենալ արևելյան ազգերին հատուկ գյուղական նեղ փողոցներով, փոքր էր մնում զազանները ծվիկ-ծվիկ աննին, ձիավորին ձիուց էին ներքև քաշում, եթե գյուղացիներից օգնութուն ու էր հասնում, իսկ կոլոտ Բղղեի հետ բոլոր սարսափելի գամփրոները հաշտ էին:

Հավատարիմ տնապահները, ճաշվա շոգին բակի դռան շեմքի առաջին մի կողքի ձգված, երբ Բղղեի խոպոտ հագագային ձայնն առնում էին, բրդոտ, կեռիկ պոչերն երեք անգամ գետնովն էին տալիս, ողջունելու նման մի շարժում էին անում ու նորից անձնատուր լինում թուպեական հանգստության: Պառվուկ տատի օրորի նման անուշ էր հնչում կատաղի օտարատյացների ականջին կոլոտ Բղղեի սովորական հետևյալ մեղեդին.

— Խանում-բաջինե՛ր, թել առե՛ք, ասեղ առե՛ք, ձութ ու ծամոն առե՛ք, քիշմիշ ու նոխուտ առե՛ք, ձեր պատովածները կարկատեցե՛ք, ձեր ակառների (առամ) շաղացքը բանեցրե՛ք, ձեր կտուցը քաղցրացրե՛ք, ձեր ձուկ-պժուկի (մանուկներ) պզզոցն ու վնզոցը կտրեցե՛ք: Ազապ աղջիկնե՛ր, օտարի ապրանքնե՛ր, աչքի սուրմա (դեղ) առե՛ք, դեղադրիք առե՛ք, հիլ ու մեխակով բերաններդ անուշացրե՛ք, ջուր արե՛ք գլխներդ առե՛ք, զի ու մեխակով բերաններդ անուշացրե՛ք, վիզը փաթաթուրե՛ք, զխնիրուն, թիկունքներուն բեռ դարձե՛ք: Տո՛, սատանի ձագե՛ր, վեցե՛ք, գլխներուն, թիկունքներուն բեռ դարձե՛ք: Տո՛, սատանի ձագե՛ր, անդնջում ձժե՛ր, դուք իմ անբաժան պոչուկնե՛ր, ինձմե՛ հեռացե՛ք, ձեր մամերու (տատ), ձեր աղեներու (մայր) գլուխը տարե՛ք, քաղցր քիշմիշիս տոպրակը պարպեցե՛ք (դատարկել), ծամոնիս լիքը պարկը դատարկեցե՛ք, տո՛, դևի լակոտնե՛ր, աներես սրթխնե՛ր, ի՛նչ եք չորս կողմ շարվել, ճամփաս արգելում, քելե՛ք (զնացե՛ք), չի՛ր, փշատ, բամբակ, ալյուր, բրինձ գողացե՛ք, բերե՛ք խուրջինս տկզեցե՛ք, ծամոն ծամեցե՛ք:

— Դե՛ լավ, դու մեզ հայհոյում ես, հա՛, կոլոտ Բղղե՛, ուրեմն կերթանք, էլ քամակիցդ շենք ընկնիլ, — սպառնում էին մանուկներն ու հեռու քաշվում:

— Տո՛, ձեզ դուրբա՛ն, ձեր մորը դուրբա՛ն, լեզվիս ի՛նչ կաշեք. սըր-տիս աշեցե՛ք, աչքս հանեք՝ ձեն շեմ տալ, ըմեն ձեզ փեշքա՛շ, եկե՛ք, կերե՛ք, փշացրե՛ք՝ թաք ինձմե՛ մի՛ հեռանաք, — իսկույն սիրտն առնում էր նա մանուկների և մի բուռը շամիշ հանում նրանց բաժանում:

Բղղեի ամենից արդյունատու հաճախորդները գյուղերի փոքրիկ շարերն էին, քան թե խանում-բաջինները. բայց երեխաներից ավելի նա սիրում էր քունջ ու պուճախից իրան ձեռքով անող, մոտ կանչող գնորդներին: Սիրուն նորահարսներն էին վերջիններս ու արբունքի մտած, իրանց ճանաչած աղջիկները, որոնց անունը լուսավորյալ աշխարհքումը «օրիորդ» բառով էր կնքված:

Բոշի տղի բնագրումն ավելի էր զարգացած, քան թե Բղղեի ուշք ու միտքը. հենց որ տան մեծը, տան տղամարդը, սկեսուրը, սկեսրայրը, ամուսինը, տագրը, եղբայրը մի տանից հեռանում էին, բոշի տղան այդ տան առջևից անցնելուս, ոտքը ծանրացնում էր: Բղղեի աչքն էլ յուր հարազատ եղբոր բոշի տղայի ոտքերին էր, ձեռաց նա էլ փայտն էր սուն տալիս, կանգ առնում փողոցումն ու մեղեդին զլում:

Ահա դուրս էր սողում հացատան անկյունից մարաղ մտած կատվի նման քողը մինչ կուրծքը ցած թողած, երեսը ծածկած նորահարսը, նա ձախ ձեռքով բարձրացնում էր կարմիր մետաքսյա քողը և աջով նշանացի ներս էր կանչում կոլոտ Բղղեին դեպի ամենամութ խորշը:

Մի անագյա ասեղաման, մի սև ոսկրյա դեղադրի (աչխեր դեղելու գործիք), աչքերը թխացնող փոքր-ինչ փոշի՝ նորատի ամուսիններին գրավելու ճիշտ միջոց, մի քանի մեխակի հատիկներ, մի երկու շարք գույնըզգուրն դուրագին ուլունքներ — ահա սրանք էին սիրաբորբոք նորահարսի առևտրի առարկաները: Մի մեծ ամանով ալյուր, մի երկու տասնյակ ձու, մի քանի բուռ բրինձ, ձավար, ձեթ, յուղ և տանց գտնված ամենատեսակ բարիք, ինչ կուզե թող լինի, քարից փափուկ լինի, ուրախությամբ ստանում էր Բղղեն յուր ծախածներին գին և սև իշուկի շալակը ծանրացնում:

Զգույշ էին սիրուն հարսները, նրանք շատ հեռատես են, հում գործ չեն բռնիլ, նրանք քաջ գիտեին, որ վաչ կգար իրանց արևին, սկեսուր բռան մեջ կմնային իրանց ծամերից քաղած մազերը, եթե իրանց առևտուրը հայտնվեք կամ մեկը նրանց տեսնեք Բղղեի հետ ձեռք ու ոտքով, իշարաթով (եղանացի) խոսելիս: Հնարքն առաջուց մտածված էր, զգու-

շուժյունները ձեռք էին առնված. ահա բակի դուռը ծերպ արած (կիսա-բաց) այնքան, որ աչքի մինը հագիվ տեղավորվեր, հսկում էր հարսի սրտակիցը՝ տան մեջ նորա հետ միակ խոսակից ընկերը՝ նորա քաղցրալեզու տալը՝ նորա ամուսնի մարդու տանելու քույրը՝ տանու օրիորդը:

Մի հազոց, մի թեթև ծափ աղջկա կողմից բավական էր գեղեցկուհի շողակն քնքուշիկին հական թոթափել յուր վարագույրի տակը հալածելու համար:

Միջանկյալ տանք, որ վաղ ժամանակը ո՛ր տան անկյուններից մեկում տեսնեիր վարագույր կախված՝ իսկույն կհասկանայիր, որ այս տարի այնտեղ մի պսակ է կատարվել, տան կեցողների թվումը մի շտուկան անդամ է ավելացել, տան ջահել տղամարդի կողքը տաքացնող է եկել: Մինչև տարին չբոլորվեր, ո՛չ վարագույրն անկյունից կվերացվեր, ո՛չ հարսի երեսից՝ քողը. մի օտար ոտնաձայն առնելու պես, յուզք կրակին էրելուս լիներ, հարսը պարտական էր ձեռքից թողնել, վարագույրի տակը խցկվել:

Կոլոտ Բղդեն վարժ էր յուր արհեստի մեջ. օրիորդի նշանները նրան էլ զգաստացնում էին, առաջ էր գալիս նա բակի մեջտեղն ու իր նշանավոր երգն շարունակում:

Շատ լավ գիտեր Բղդեն, որ ինքն ուրիշ շարժիների վերա մեծ առավելություն է ստացել յուր ման եկած գյուղերումը. այդ մի գաղտնիք էր, թե ինչու՞ ամենքը վստահ են կոլոտի հավատարմության վերա, ոսկին որ սինոզ (ափսե) դրած լինի, Բղդեն վրեն խեթ աչք չի ծռել, — ահա՛ այս կարծիքն էին կազմել գյուղացիք Բղդեի մասին:

Բայց թե այդպե՞ս էր արդյոք, ոչինչ բանի ձեռնամուխ չէ՞ր լինում նա տան օդամորդի շեղած միջոցը, խուրդիների մեջ կամ գրպանը չէ՞ր մտնում տնային որևէ գործիք, — այդ Բղդեին ու սատանային էք միայն հայանի, — աստված այդպիսի տեղծրու՞մը գործ ու հաշիվ չունի:

Այսքանը միայն պարզ է, որ ամիսը մի անգամ կոլոտ շարժի Բղդեն երկու լիքը ժագե թեռեր (պարկ) միմյանց կարած, յուր սիրելի բոշի տղին բարձած, մի փայտյա խթան ձեռքին, բզկեով, Աբարտնու եզնաքարավանի հետ ճանապարհորդակից եղած՝ անցնում էր Աշտարակու կամուրջովը դեպի Երևան:

— Զան, զան, — նորա շուրջը ոստոտալով՝ ճամփու էին դնում Բղդեին գյուղական մանուկները մինչև կամուրջը, — Բղդեն յուր գողացած մանրուք տանում է Երևան ծախի, ապրանք բերի, երկու-երեք օրից հետո լիություն կընկնի, բերաններս կթաղցրանա:

Այս՝ շարժության երրորդ, թե՛ չորրորդ տարին էր:

ԿԱՐՔԻ ԱՎՅՆՈՒ

Պատմության մեջ շատ վաղ ժամանակներից է հայտնի Կարքի աճանը, նորա հուշակի համար, արդարև, մեծ հիշատակություններ չկան, բայց ի հնուց անտի Արագածոտն գավառի արևելա-հարավային կեսը Կարբու անունն է կրել, Կարբու գավառ է կոչվել: Արագած մեծանիստ ու ծաղկավետ սարի հարազատ գավակ Քասախ գետը, թողած յուր հայ աշխարհքի համար պարծանք, քրիստոնեության օրորան էջմիածինը, ահեղազոր Տրդատի սիրելի մայրաքաղաք Վաղարշապատը, որի դաշտերը ոռոգելով, որի հողը լիզելով գնում, ողջունում է հայ աշխարհքի Մայր-Արաքսին և նորա ծոցումը հանգստանում, այդ Քասախն էլ, ասում ենք, շատ երկար ժամանակներ Կարբու գետ է կոչվել, Կարբու անունովն է ճանաչվել: Այսքանը բավական չի, մինչև այսօր մի երգի վերջավորություն— թափշուրմա կա, որ Կարբուն վաճառաշահ քաղաքի փառքն է ընծայում: Եթե երգը մոռացվել է, որից շատ պատմական մանրամասնություններ կարող էինք հետևցնել, բայց թափշուրմի տողը շատ բան է պարզաբանում:

Ահա թե ինչ է պտտում իբրև առած ժողովրդի բերանում.

«Դուքան-բազարն է Կարքի»:

Իսկ դուքան-բազարներ միայն հին ժամանակը մեծամեծ քաղաքներում են տեղի ունեցել:

Քանի մի տարի առաջ մեր աչքով տեսած բանն է, քարակույտերի ու սղթալի ավերակների խառնիխուռն և անկանոն դիզվածքներ էին Կարբու մեծ մասը. տեղ-տեղ միայն տխուր տպավորություններ էին անում մարդու վերա ավերակների մեջ ցցված անշուք բնակարանները, որոնք կես գարից գեսը կարկատվել, վերաշինվել ու իրանց տան տեղ են տվել Հին Բայազետից գաղթած մեծաթիվ գաղթականության մի փոքրաթիվ հատվածին, և ինչ շինք ու շինություններ. հին փառավորության հետքը չի նշմարվում ո՛չ հիմա, ո՛չ մոտիկ անցյալումը, անճաշակ ու աղքատիկ միահարկ խրճիթներ են բուսել կամարակապ և քարակերտ պալատների տեղ:

Հին հույակապ քաղաքից շեն և անվնաս էր մնացել միայն հինավուրց սակավաձև ճարտարապետությանը կառուցած ամրապինդ սուրբ տաճարը, դրանք են Կարբու մայր եկեղեցին և յուր նշանավոր զանգակատունը՝ մի քանի կանգուն տեղ իրարից անջատված, նրանք մշտամոտենչ

ականատես և կենդանի վկա են եղել այսօրվան փլատակների նախկին փառազարդութիւններին:

Դարեր եկել, սահել էին, կործանիչ բռնակալ ձեռքեր խարխարել, հիմն ի վեր էին տապալել Կարբին, նորա ամեն մի քարը տասն անգամ շրջըրշել էին, թե ինչ է, իրանց ազա՛ ընշաքաղցութիւնով կարողանան մի պահեստի տեղ, մի ծածկած գանձ գտնել. բայց աներևույթ մատն ամենքի վերա սարսափ ու զարզանդ է ազդել և թույլ չի տվել անսուրբ ձեռքերին դիպչել, մոտ դալ յուր նվիրական տանը:

Հարկավ, մի սուգ անող, մի լալկան պետք էր այս լուռ դամբարանի վերա և հենց այդ ողբերգուն մնացել էր աստծո սուրբ տաճարը՝ Կարբու եկեղեցին: Սև-սև քարերի ծերպերից բուսած կանաչներն են տառապյալ և վշտակոծ այրու գզգզած մազերը, պատերի և առաստաղի վերա մնացած խոնավութիւնի հետքեր են նորա շորացած արտասուքը, տեղ-տեղ բնութիւնի հարվածներից մաշված և դուրս թափված քարերի խոտոշներն են նորա վերքերը:

Լոն էն Կարբու սաղմոսերգութիւնները, այլևս չի հնչել ժամ հրա՛ վիրող կոշնակի ձայնը և միայն գլխակեր բուն փոխարինել է կոշնակ զարկող ժամկոշին:

Այսօր էլ չեն քերվել Կարբու եկեղեցու Կիզի-մատուռ անունով դանդակատան գլխից գիշակեր թռչունների ապականութիւնաց հետքերը:

Կարբու դիրքը ներկայումս խիստ մեծ չէ. բայց ինչպես երևում է, նա շատ լայնանիստ տեղ է բռնել. բուն Կարբուց մի ժամաշափ հեռու մի ավերակ կա, որ հին Կարբու անունն է կրում. այդքանով էլ որ չբավականանաք, շատ անգամ ամայի և խոպան տեղը վարելուս Կարբու շրջակայքում՝ գութանի խոփը բանդ է ընկնում մի-հին պատի, մի կիսաքանդ շենքի, որից երևում է, որ յուր ժամանակին նա մեծ տարածութիւն է ունեցել:

Բայց զարմանք բան է, թե այդ նշանավոր քաղաքն յուր բազմամարդութիւնով ինչպե՛ս է կառավարվել առանց ջրի: Անուշահամ Քասախ գետը, որքան և Կարբու անունովն է կոչվել, բայց կարբեցուն միշտ սակավամատչելի է մնացել, անդնդախոս ձորը, իր միջով գծի նման գոռում-գոռում անելով վազում է Քասախը, յուր վիթխարի ժայռերով և դժվարագնաց մուտքով այսօր էլ անհյուրասեր է գեպի Կարբին:

Մի գետակ կա միայն, այդ Դալի-չայ անուն կրող Արագածի գավակներից միին է, որ ոռոգում է Կարբին և յուր շրջապատող Արագածի լանջի վերա ընկած գյուղերը. իսկ այդ գետակը շատ անբավականացուցիչ է Կարբու և մի քանի ուրիշ գյուղերի համար:

Այսպես թե այնպես՝ Կարբին մի պանծալի դիրք է ունեցել և յուր

ցրված ու տարագրված ժողովուրդը վաճառականութիւն ու ճարպկութիւն մեծ ընդունակութիւն է ցույց տվել:

Միայն «դուրան-բազարն է Կարբի» խոսքերը չեն, որ կարբեցու առեւտրականութիւնի հաջողութիւնի ապացույց են. տեղական բնիկները կարբեցուն կոչել են և կոչում են սատանախար կարբեցիք: Այս խոսքերին իբրև հիմունք մի կարճ առակ ևս մնացած է, որով որոշվում է կարբեցու սեփական ձիրքը:

Ահա այն առակը. Մի անգամ որպես թե մեծ վիճարանութիւն է ծագել կարբեցու և սատանախի մեջ. արեւի ծագումն է եղել նրանց հակաճառութիւն շարժառիթը. նրանցից ամեն մեկը պարծեցել է յուր հեռատեսութիւնը. պայքար են մտել, դաշն են կապել, մեծ վճարք են դրել, թե ո՞վ իրանցից շուտ կտեսնի արեւի ծագումը:

Աբշալուչից էլի կանուխ՝ երկուսն էլ կանգնել են որոշյալ տեղում. դեպի արեւելք է սեւեռել յուր աչքերը սատանան և սրտատրոփ սպասել է երկրի լուսատուն տեսնելու և դաշը շահելու: Դեպի ավագ Մասիսի երկնածայր և ալեզարդ կատարն է նայել ճարպիկ կարբեցին:

— Հազթութիւն, — ծափ զարկելով ձայն է տվել կարբեցին և ցուցամատով պինդ խթել է յուր հակառակորդի կողքը:

— Ի՞նչ է:

— Չոռն ու ցավը պինդ է, կույր ես ու աստծու երեսից ընկած, ի՞նչ ևս դունչդ արեւելք ցցած մնացել՝ գարու հոտին քիթը վեր քաշած իշիպես, աչքդ արեւմուտք դարձրու, ահա պսպղում են Մասիս պապի արծաթափայլ մազերը, չե՛ս տեսնում, ձյունի ոսկեշող հատիկներն անգին ալմաստի պես աչք են ծակում, հիմի աչքերիդ եղած լույսն էլ կկրորեն:

— Իրավ որ, աչքով էլ, մտքով էլ կույր եմ եղել, որ աշխարհքի ստեղծագործութիւնից մինչև էսօր հարյուրավոր փորձանք եմ հասցրել՝ այս աշխարհքին ու ոչ մի օր չեմ նկատել, թե Մասիսն է յուր վիթխարի հասակով արեւին առաջին բարև տվողը, — խոստովանում է անկոտրումը:

Ուղիղ էր սատանախի խոսքը. հայ աշխարհքի համայն լեռների կատարների վերա է մայր Մասիսի՝ սրբազան Արարատա հսկայական հովանի աչքը. Մասիսի գագաթի արեւելահայաց կեսն է ծեղաբացին դիմավորում լուսավորների թագավորին, իսկ երեկոյան ժանգառքից առաջ, էրա արեւմտյան երեսն է առնում աշխարհքիս արտաքին մակերևույթը խավարի մեջ թողնող հեռացողի վերջին հրածեղը:

Ահա՛ այդ ճարպիկ ժողովրդի, այդ առևտրականութիւնի ընդունակ մթնոլորտի գավակն էր կոլտու շառի Բղզեն:

Ք

ԲՈՒՆ ՈՐՐՏԵՂԱՅԻ Է

Կարբեցի էր, ասում ենք, կոլոտ Բղղեն, Կարբու հող ու շրի սնուցած, մեծացրած, շարժիւթյան պատվին արժանացած այդ գունդ ու կծիկը, այդ փշատի ծառի ծառիկ-մոտիկ բունը:

Եվ արդարև, մարդ մոլորվում է աստծու քնած ժամանակ ստեղծված այս մարդանման զանգվածքին մի ուրիշ առարկայի հետ համեմատութիւն անել կամենալիս, իսան ասես՝ իսան չէ, աղամաորդի ասես՝ աղամաորդի չէ. մարդ լինե՞ր, մարդանման ուղղակի յուր ճանապարհը բռնած առաջ կերթար կամ ետ կգար, շորքոտանի՞ է, այն էլ՝ հազիվ թե, մենք տեսել ենք, որ շորքոտանիքը մի բնորոշ ման գալու ձև ունին. իսկ մեր տնաքանդը գոնե երկոտանու և շորքոտանու մեջտեղը մի ուրիշ շարժուն էակ ներկայացնե՞ր:

Ամենից հաջող համեմատութիւնը հնարել են կոլոտ Բղղեի ման եկած գյուղերի երեխայքը:

— Է՛յ, հրե կոլոտ Բղղեն յուր բոշի տղին առաջն արած՝ Մոզնու թառովը ներքև է գալիս, հենց իմանաս՝ արջի երկու տարեկան քոթոթ լինի:

— Արջի քոթոթն էն չէ՞ր, որ հերու Քարվիզի լոթիքը բերին մեր կալումը խաղացրին, նա խո դուզ ման գալ ունե՞ր:

— Դե՛ ասա նառ ուղտ է, էլի, դոշը դուրս պրծած, ոտ փոխելու էլ լնզնգում, ամբումբում է:

— Ընչի՞ եք ձեր հոգուն մեղք անում, ուղտը, դոթ չէ, գնալիս տըմբ-տըմբում է, բայց ճամփեն ուղիղ է գնում: Բղղեն էդ շնորհքն ունի՞, մի լավ մտիկ տվի՞ք,— մի ոտն աջ է գցում, մինը՝ ձախ, օձի պես կոլոլ-կոլոլ է անում, կուտապ-կուտապ է գալիս:

— Թե բտենց է, օձ ասենք ու պրծնենք:

— Օձն ափսոս չի՞, բարակ, շարմա՛ղ:

— Բաս ինչի՞ նմանեցնենք:

— Ես գտա,— ուրախութիւնով առաջ վազեց մինն այն կողմիցը,— ծառի փտած քոթուկը (կոնդ) որ ճղում ես, վախտ-վախտ միջից միահավասար կարճ ու հաստ որդեր են գլորվելով ներքև ընկնում, ո՛չ գլուխ է երևում, ո՛չ պոշը. շարժվելուս գլուխը աջ է դնում, պոշը ձախ, իստակ ծառի որդ է, որ կա:

— Մառի ո՛րդ է, ծառի ո՛րդ է Բղղեն,— թուկոտացին, կայտառեցին միասին ծափ տալով մանուկները:

— Մառի ո՛րդ կոլոտ Բղղե, ծառի ո՛րդ կոլոտ Բղղե,— պար բռնեցին ու շրջապատեցին նրան:

Այդ համեմատութիւնն ընդհանուր հավանութիւն գտավ. Բղղեի կոլոտ անունին մի ուրիշն էլ ավելացավ:

Չար մանուկների խոսքին կշիռ չդնելով, մենք ճանաչենք նրան ընդմիշտ կոլոտ Բղղե և ասենք, որ կարբեցի էր:

Բայց ցավն այն է, որ մեր կտրական վճռովը խիստ մեղանշած կլինենք. հեշտ չէ որոշակի անուն տալ նորա հայրենի տեղին:

Ա՛յ թե ինչպես:

Ամենքիս հայտնի է, որ դարուս առաջին քառորդին մի մեծ գաղթականութիւն տեղի ունեցավ հայ աշխարհքումը:— Կարապետ սրբազանը պոկեց օսմանցուի բաժին Հայաստանից մի ահագին բազմութիւն և բնակեցրեց ռուսի ձեռքը նոր անցկացրած հայ երկրում:

Դրանցից զարսեցիք Գյումրի եկան, արզրումցիք՝ Ախլցխա և Ախալքալաք, բասենցիք՝ Ապարան. իսկ հին բայազետցիք երեք կտոր եղան: Նրանցից մի մեծ հատված իրեն համար կենտրոն ընտրեց Սեանա լճի շորս կողմը: Նրանք՝ իրանց հին հայրենիքի անունը իբրև մխիթարանք և սրտներին հովութիւն բերած՝ հիմնեցին համեղ, անմահական իշխանաձկների հայրենիքումն. իրանց նոր քաղաքը և նոր Բայազետ կենցեցին: Մի քանի տուն էլ հարուստներից հարմար դասեցին Ղարսից Գյումրի փախած հաջի աղաների հետ հարևանութիւն անել, ուղղակի քշեցին եկան Գյումրի. իսկ մի փոքրիկ կտոր էլ ընդհատվեցին իրենց հայրենակիցներից և Կարբի հին քաղաքատեղումը բնակվեցին:

Եվ ահա այս Կարբի գյուղում, Բայազետից գաղթելու առաջին տարին, ամեն ծննդաբերներից շուտ, Կարբի տուն գալու ոտնամուտը շնորհավորեց Պողոս աղաչենց հովիի կին այրի Սալբին և շնորհավորեց Կարբուն մի անդրանիկ արու զավակ՝ մեր պատմութիւն հերոս կոլոտ Բղղեին: Ո՛րտեղացի է ուրեմն մեր պատվական բարեկամը. կարբեցի ասելով՝ Բայազետին կվիրավորենք, բայազետցի կոշելով՝ Կարբուն սրտամնա կանենք:

Թող կոլոտ Բղղեի երկու հայրենակիցներն, ինչպես կամենան, իրար հետ հաշտվին, մենք աշքներս բաց ենք արել և ոչ միայն Բղղեին իրան, այլև Կարբու բոլոր ներկա բնակիչների համար կարբեցի անունն ենք լսել. այդ հայրենիքն էլ նրան կսեպհակահենք:

Եվ մեղանշած էլ չենք լինի:

Երկու հայրենիքը՝ Կարբին և հին Բայազետը, իրավ է, երեք օրվան ճանապարհ միմյանցից հեռու են. մինը Մասիսի հարավային երեսումը՝ օսմանցուի ձեռքին է մնացած, մյուսը Արագածի թմբին ռուսի սեփալ:

կանութիւն է դարձած՝ բայց մի որակութեան մեջ, կարծես, միանում են. թե՛ Բայազետումը ծնած ու մեծացած և էսօր էլ այնտեղ մնացած հայր և թե՛ Կարբեցու էսօրվա պտուղները, կարծես մի խնձոր լինին՝ միջից կիսած, մի հոր ու մոր դատած ու բերած զավակներ: 50, 60 տարի է անցկացել, զնալ, գալ, բարեկամութիւն, ազգականութիւն մոռացվել են, երկու-երեք սերունդ են մին մնի հաջորդել, բայց երկու ժողովրդի դեմքերի երկարավուն գծագրութիւնը, բարբառը (որ կարնեցու և ալաշկերտցու բարբառից կազմակերպված մի խառնուրդ է՝ ավելի դեպի Ալաշկերտցին հակված հնչումով), ներքին տնային սովորութիւնները (թող նոր Բայազետը ճարակող վերջերումս նորամուտ կեղծ քաղաքակրթութիւնը և տնավեր շոյալութիւնը), և որ գլխավորն է, բնածին ընդունակութիւնները միևնույն հոր զավակն են համարում նրանց: Թե՛ բայազետցին և թե՛ կարբեցին, երկուսն էլ հարպիկ են, երկուսն էլ խելոք են, երկուսն էլ ամեն բանի մեջ կտրուկ են, ջրաղացի բուլբ ձգես՝ դուրս կգան, քարիցը յուղ կհանեն:

Եվ ի՞նչ է այստեղ ապացուցվում:

Ա՛յ, ի՞նչ: Մենք տեսանք, որ հին կարբեցիք «դուքան-բազար» են ունեցել, վաճառական ժողովուրդ են եղել, «սատանախար» անունն են տարել, ուրեմն խելքով օժտված են եղել. իսկ նոր կարբեցիք նույն ընդունակութիւնները և նույն բնավորութիւնն ունին. կճուճը գլորվել, խուփը գտել է. արժանավոր հորն արժանավոր որդիք են վիճակվել:

Շատ չէին Կարբու նոր բնակիչները. 50, 60 տուն ընդհատվեցին ամբողջից և Կարբու ավերակները շենացրին:

Վարչութիւնը չմիջամտեց նրանց տեղաբնակութեան բաժանման մեջ:

Իրանց միջի պատվելիները, որոնք աղայական իրավունք և նահապետական արտոնութիւն էին վայելում, այստեղ էլ նույն մենաշնորհութիւնն ունեցան, խելք-խելքի տվին, շափեցին, ձեռեցին, ավերակները հետախուզեցին, լավ տեղերն իրանց վերապահեցին, մնացածը հասարակ ժողովրդի վերա բաժին-բաժին արին:

Սալբին երիտասարդ այրի էր, նորա ամուսինը, միաշքանի Գսպեն, Պողոս աղայինց հին տան ամալան երիցն էր, աչքը բացել և Պողոս աղայինց շնչավոր կենդանիների թվումն յուր գլուխն էլ տեսել էր:

Եվ որովհետև ամալան մի տեսակ սեփականութեան պես բան է յուր տիրոջ համար, թեև ոչինչ քաղաքական կամ մասնավոր պայմաններով կապված չէ, այլ նահապետական ավանդականութեան վերա է միայն հիմնված, այդ պատճառով աղայի պարտականութիւնն է յուր ստորին անդամի, յուր հացափոր ծառայի, — յուր ամալայի ամենատեսակ հոգսերը քաշելու:

— Տո տղա՛, Գսպե՛, էդ ի՞նչ ա:

— Գլխուդ դուբբան, դառն ա, — ասաց և թազիքյա կուլար կոշված հովվական վերարկուի տակից մի կայտառ, ձյունանման սպիտակ, ճակատը ծաղիկ, սիրուն գառնուկ հանեց Գսպեն, գլուխ տվեց յուր տիրոջը ու տան մեջ բաց թողեց:

Հունվարի վեցն էր այդ օրը. Պողոս աղան յուր ընտանիքի հետ ջրօրհնայաց հանդեսին եկեղեցումը ներկա լինելուց հետո՝ յուր գերդաստանի արական սեռի հետ նստած՝ ուրախ տրամադրութեամբ ճաշ էր վայելում:

Երեսայքը ճաշը թողած՝ վեր թռան և գառանը փաթաթվեցին:

— Տո տղա՛, Գսպե՛, դու էդ գառը էս ամուսնի կիսին հո՛ւստ ես բերում ես, — հարցրեց քաղցր դեմքով Պողոս աղան:

— Գսպեն քո ոտի տակի հողն է, քո սայից (ի շնորհո Բո), աղա, բալաք (խայտաբղետ) մաքին (էգ ոչխար) աշնան դեմ ծանրեր էր, երկու ամիս կա, որ ծնավ, էս լե պահեցինք, աչք ունեցանք վրեն, ջոջացրինք ու բերինք քեզ փեշքեշ, — ասաց Գսպեն և կրկին գլուխը տանկական ձևով ծռելով՝ աչք ձեռքը նախ գետնին տվեց, ապա բերանին մոտեցրեց ու գլխի վերա դրեց: Այս նշանակում է՝ ես կուսնում և իմ գլխի տիրոջ ոտքը համբուրում եմ:

— Տողա՛, դու որ մեզի ուրախացրիր էս ազիզ օրը, ես էլ քեզի կուրախացնեմ. քո բեղեր, հա՛, հա՛, սևացիր են, ջոջեր ես, օրերդ հասուկ են, էս բարեկենդանքին քեզ կկարգենք (պսակել), մեր մեհտար (ծիպպան) Բոգի խորտիկ Սալբի աղջկան կառնեմ քեզի:

Գսպեի քեֆը քոք եղավ. Պողոս աղան ասածը կատարեց և հետի բարեկենդաններին մի շարաթվա մեջ նշանեց ու պսակեց նրան:

Աղայի ավանդապահ ամուսինը՝ Ալմաստ խաթունը, շատ դիմադրեց, պնդեց պահպանել տեղական սովորութիւնը. նախ նշանել, մի երկու տարի նշանած պահել, վերջը պնակել. բայց Պողոս աղան յուր խոսքին տեր կացավ և նախնական սովորութիւնն առաջին անգամը քանդեց:

— Աշխարհքը քեզ կբամբասի, — քիթը ցցեց խաթունը:

— Ոչ ոք բան չի ասիլ, — ապացուցեց աղեն, — եթե մենք ուրիշ տեղից աղջիկ ուզեինք, բաշուդ, սուդ հախի՛ տայինք, ամեն ոք իրավունք ուներ տրտնջալու կամ մեր վերա խոսելու. բայց մենք մեր մի

1 Բաշուդ և սուդ հախի. առաջինը նշանակում է գլխազին, երկրորդը՝ կաթի գին, սորա ահագին վճարքներ էին, որ հին ժամանակը փեսացուն տալիս էր յուր աներոջը: Սուդ հախին գորանիս հասուկ ընծա էր: Այժմ էլ շատ նահապետական տեղերում դեռ չի վերացել այս սովորութիւնը:

ամալայի աղջիկը մյուս ամալայի տղին ենք ուզել, տղեն էլ մերն է, աղջիկն էլ, երկուսի ուտեցնող, հագցնողն էլ մենք ենք, երկուսն էլ մեր տան անդամներն են, մի օր պետք է այդ պսակը կատարեինք, և քանի շուտ՝ այնքան լավ: Ուրիշ բան էր, եթե մեր ամալայի աղջիկը տայինք ուրիշ աղայինց ամալայի տղային կամ նրանցը մենք ուզեինք, այն ժամանակ նշանածներին երկար միջոց կպահեինք, բաշտուղ էլ կշինեինք, սուղ հախի էլ կտայինք:

Պողոս աղան իրավունք ուներ. երկուսն էլ իրանց ամալաներն էին: Այդպիսի ամալաները խոր գյուղերում մելիքների, առաջավորների և ուսուցիչի դռանը այսօր էլ կան և սրտի մտոք ու անտրտունջ ծառայում են: Նրանց պահանջը շատ չէ. մի կտոր ցամաք հաց, մերկությունը կիսով չափ ծածկելու հնոտիներ աղայի կողմից, և ահա նրանք կյանք շին խնայում տիրոջ ուղտերին:

Ամենից ժիր մշակը, ամենից հավատարիմ և սրտացավ անդամը աղայի տան համար՝ ամալն է: Թող ուրիշը տասնապատիկ առավել փափկություններ և վարձատրություններ խոստանա, ընչով կուզե, թող հրապուրի, ամալան յուր աղայի տան ցամաք հացը բոլորից կգերադասի, նա յուր աղայի շոր հացին կույր չի մտիկ տալ:

Բայց եթե ամալան գրավվի բանսարկունների խոստումներից կամ ինքնաբերաբար մտածի թողնել իսպառ յուր տիրոջ շեմքը, ոչ ոք նրան գեմ չի կենալ, նա ազատ է յուր ընտրած ճանապարհը գնալու:

Ամալան իրավունք ունի մինչև անգամ առանձին տուն ու տեղ դառնալ, յուր սեփական վարուցանքսն, յուր տնտեսությունն ունենալ և միաժամանակ յուր աղայի տանից ոտքը շկտրել:

Եվ ահա Գսպեն, Պողոս աղայինց ամալա Գսպեն, սիրուն կնոջ մարդ եղավ, ընտանեկան քաղցրության ճաշակն առավ:

Անբախտ մարդ, ճակատագիրն այլապես էր տնօրինել. ռուս-թուրքական առաջին պատերազմը նորա կենաց թելը կտրեց, գաղթականությանը զոհ գնաց Գսպեն, Երասխի անցքումը քրդի կեռակտուց սրին մատաղ եղավ արթուն և անձնազիր հովիվը՝ երկու քուրդ սպանելուց հետո:

Պաամությունը կարճ է, քրդերը չէին թողնում հոտն այս կողմն անցկացնել, ոչխարի առաջը կտրեցին շորս ձիավորով. Գսպեն յուր կոմբալազուլու դազանակով (հովվական ցպով) երկուսին մի-մի հարվածով ձիուցը գահավժ կործանեց, երրորդի սրից ինքն արիաբար ընկավ:

— Ենդը է նաչար Սալբին, — ասաց մի օր Պողոս աղան Ալմաստ խաթունին, — հերիք է ինչքան որ խեղճը շարչարվեց մեր դռանը. մեր տան քամակի ալեբրակներից երկուսը ծածկենք, իրան տանք, մի աչ-

խատանք, տնարար այրի տղամարդ հարենք, ամուսնացնենք, թող գնան իրանց արևի ձայնն ածեն. այս երեխան էլ կմեծանա, իրանք էլ նոր երեխայք կունենան, իրանց մի կտոր հացը կունենան:

— Չեմ կարծում, որ մարդու գրա:

— Ընչո՞ւ համար, Սալբին գրավիչ է, աչքերը սև, թշերը կարմիր, հասակը բարձր, անձն առողջ, մեջքը հաստ. ոսկրը պինդ, գործի կաշնբուս էլ՝ կարծես հում-հում է ուղում քանն ուտել, ընչի՞ պետք է մեր գրանն օրը սև անի, կյանքը փրացնի:

— Ես միայն իմ մեռնեցիլու օրը չեմ կարող փժանալ, — պարծեցավ նույն երեկոյին Ալմաստ Խաթունը Պողոս աղայի մոտ, — յոթը ժամ գայլի ազնուարան կարգացի Սալբու գլխին, իրան ապանում է, այսուհետև, առում է, իմ մարդն, իմ ուրախությունն, իմ միջիթարանքն էս մի մատը երկինն է: Եթե իմ աղին յուր քաղցր աչքովն ինձ էջ լավությունը կամենա, երկու ծածկի տեր անի, մինչև մահս, քանի կամ, օրական մի հաց կուտեմ, մինն իմ աղայի բարեխափության համար մատաղ կտամ:

— Թող յուր ասածը լինի:

Եվ Պողոս աղայի հրամանով կարճ միջոցից Սալբին յուր սեփական հարկի տակն էր տաժանելի աշխատանքներից հանգիստ առնում:

ԳԴՄՅԱ ՍՐՎԱԿԻ ԶՄՄՈՒՅՄՆԵՐԸ

Երկիրը փոխվեց, օգ ու չուրը փոխվեց, մարդիկը նոր, տոփորությունները նոր, աշխարհքի տեղադրական պայմանները նոր: Զանազան Պողոս ու Պետրոս աղաներն իրանց օրերը ցրին, հայր Աբրահամու նահապետական գոգումը հանգստացան, սեփական աշխատանքը, պայտեթյան խնդիրը աստիճանաբար առաջ եկավ և շատերի թվումը Սալբու և յուր իմաստակիր փոքրիկի համար պահանջ դարձավ:

Գնացին Կարբի գաղթած աղաների հարստությունները, փոքրիկ գյուղը, կարճ միջոցով, շէր կարող մրցել նահանգական քաղաքի հետ. երեւանը թողած՝ ո՞վ կզնար Կարբի առուտուր անիլու. իրանք աղաներն էլ, որ սկզբում մեծ հոժարությամբ, առանց երկար ու խորը մտածելու, կենտրոնից բաժանվել և Կարբին էին ընտրել, փոքր առ փոքր այդ աղաները կամ աղքատացան և կամ երկրի պայմանների հետ լավ ծանոթացան ու քաշվեցին ոմն ալատեղ և ոմն ալետեղ, մի քանիսը գաղթեցին Գյումրի, որ արդեն նոր մկրտվել էր և հին թուրքական անունի տեղ Ալեքսանդր:

րապով շքեղապանծ անունին էր տիրացել, մի մասն էլ Երևան գնացին, խանութների ու կայանքի տիրացան:

Կարրումը մնացին չբավոր և բանվոր դասակարգը և միջակներից մի քանիսը: Առաջիններին վիճակվեց երկրագործությունը, միջակներից փորձ փորձեցին հին Կարբու շուկայատեղի մի կարգ ավերակներ շենացու նել, խանութ նստել և առևտրով պարապել:

Ոչ մինը և ոչ մյուսը նպատակներին չհասան. հողը սակավ էր Կարբումը, վարուցանքսի տեղ չկա, տարեկան ուտելիքին չէր բավականաբար նում ցանածները. ժողովուրդն ստիպվեցավ օրավարձ մշակությունով պարապել, մի քանիսն էլ խուրջինի մեջ շարունակ խուրդավարթ (փերեզակի մանր ապրանք) դրած՝ գյուղերն ցնկան, ոտքերի կաշին մաշելով թափանել սկսան. իսկ միջակ դասը խանութի դրամագլուխը խժոքեցին, օրն եկած վաստակով ապրել չկարողացան, սրանք էլ ստորին գեղջուկի կարգն անցան:

Թե՛ կարբեցուց և թե՛ շրջակա գյուղականաց օրավարձ մշակության գլխավոր կենտրոնը այգեշատ Աշտարակ գյուղն է:

Չմեռն անցկացավ, գարնան անուշաբույր հոտը փչեց թե չէ, Աշտարակի ճանապարհը կենդանություն կստանա. կարբեցի, Հովհաննու վանքից, ապարանցի, մոտակա պարսիկ գյուղացիք շոր հացը գոտինեցրում, մեջքներին կապած՝ լցվում են Աշտարակ՝ օրավարձ բանվորություն անելու, գլուխ և ընտանիք պահելու:

Տղամարդի, կինարմատի, մեծի, փոքրի, ամեն չափահասակի համար գործ կա իմ սիրելի Աշտարակումը, ծով է, հո գյուղ չի: Եվ այդ ծովի մեջ արձակ լողում են ալիքների պես, նեղ փողոցներում ծփում են օրն ի բուն աշխատանքի և հացի կարոտ խուռն բազմությունը: Ուրուց կոչված փոքրիկ հրապարակը (աստված հրապարակ համարի) գլխավոր ժողովատեղին է օրավարձ մշակների. իրարանցում, ճիշտ, աղաղակ ականջ են ծակում՝ մարտը սկսելուց մինչև խորը աշունքը Ուրուցումը առավոտները շատ վաղ: Չի տևում կես ժամ, արեգակի գլուխը փայլելուն պես՝ Ուրուցումը մի մշակ չես դառնում, բոլորը վարձվել են, բոլորը քաշվել են այգիները:

Հին ժամանակը հում նյութ էր մշակի վարձատրությունը, Աշտարակի մեղրածորան պտուղները, քաղցրահամ գինին և գրգռիչ օդին էին աշխատանքի գինը. այսօր այնպես չէ, այսօր ամեն ծառայություն փողով է վճարվում:

Միայն փոքրահասակ երեխայքն ու պառավ կանայքն են, որ տեղական բերքի հետ են փոխարինում իրանց աշխատանքը: Այսօր արքատ պետք է ժողովի, վաղը ծիրան պետք է հավաքի, տներումը՝ բուրդը, այ-

գինեյումը՝ քար պետք է մաքրվի ու գզվի. այդ բաները պառավների ու մանուկների գործն է. կանեն, կաշխատեն, կուտեն և աստծու տված եկամտից շարաթվա վերջը կամ ամեն երեկո, իրանց վարձը կառնեն լիուրի ու կերթան:

Միայն հեռավոր ապարանցին է, որ շարաթով մնալու պայմանով է տեսնում յուր պատրաստությունը: Վա՛յ այն պատրաստությանը. ինքն է՛ յուր քրքրված ջուրբեն ու անթարին, յուր քոլոզն ու յուր տրեխները ու մեկ էլ մի ձեռաց դագանակ. ո՛չ շալակին պաշար կա, ո՛չ գրպանումը կոպեկ, քաղցած փորով գալիս է, կուշտ վերադառնում. իսկ մերձակա գյուղացիք առավոտը գալիս են, երեկոյին վերադառնում:

Տարվան խստասիրտ եղանակը՝ դառնաշունչ ձմեռն յուր բոլոր անողոք սաստկությամբը նույնպես չի կարողանում հաղթել Աշտարակի սիրահար այցելուներին: Չյունը գազուկես. նստում է, բուք ու բորյազը աչ ու ձախ վզզալով ճանապարհների հաղորդակցություններն ընդհատում են, Ապարանը անդրօվկիանյան անմատչելի աշխարհ է դառնում, իսկ Աշտարակի ճանապարհն երբեք չի կապվում. կենսատու հեղուկը՝ ոսկրներ տաքացնող գինի-արաղը մագնիսի պես իրանց են քաշում իրանց երկրպագուներին:

Ցեցը կքրքրի մի որոշյալ թիվ Հովհաննու-վանքցու, կարբեցու, մանավանդ մողնեցու մարմինը, եթե շարթի գոնե երկու օրը մի գավ ձեռքին՝ Աշտարակ շիջնի:

Առանց հարգելի պատճառի շեշտեցի մողնեցուց վերա, որոնք Աշտարակի ամենամոտ դրացիներն են, և այդ հանգամանքը իրանց թշվառության գլխավոր պատճառներից մեկն է. ամառ և ձմեռ մողնեցին ծուլ, անգործ, անբան և աղքատ է, նորա հողերն ուրիշներն են վարում, որովհետև սուրբ Գևորգի ուխտատեղին տաք մատաղով է կշտացնում մողնեցու փորը, Աշտարակն յուր մարսեցուցիչ խմիչքներովն է լրացնում նրանց հաճույթը. գի՞ծ է ուրեմն մողնեցին՝ երկիր վարի, քրտնի, շարաթովի և տնտեսությունը պարապի: Անծանոթ աչքն էլ դժվարություն չի կրել զանազանելու բնիկ աշխատակիցներից գյուղի նեղ-նեղ փողոցներում մի տանից մյուս տուն մուտ ու ել անող օտարականին:

Սրանք, ահա՛, վերահիշյալ Բաքոսի պաշտոնյաներն են, որ ձմեռվա հետ համբերությամբ կռիվ տալով, մի տեսակ գցել են իրանց Աշտարակ և ծանոթների տներն են այցելում:

Տալիս են նոքա սովորական բարեք հյուրասեր տանտիրոջը և քուրսու ներքին կողմումը առանց համեցեթի շոքում, ձեռքները կոխում գյուղացու այդ միակ տաքություն պահող փալաններով ծածկված թախտակը:

— ՄՖ...

— Ի՞նչ կա, սանձահար Բարսեղ:

— Խիստ ցուրտ է, դողմանի եմ դիպել:

Մեր հյուրն յուր խոսքը հաստատում է մարմինը սրբաբացնելով և ատամներն իրար բախելով:

— Գմբսես, իհարկե, քարերն էլ սառույց են կտրվել, իսկ ջո միսդ հարչուր տեղից բաց երևում է. հե՛ր օրհնած, վրայիդ արիալահահներ տասը տարի է, հեռոց անբաժան եղբայր է. կնոջդ աչքերը հենց իմանաս ձյունը տարել է, աղբահնոցումը լիքը փալաւ-փուլուա է, թող հավաքեն, կարկատեն, մեջքները հո չի՞ կոտորի, բան ու գործների անո՞ւնն ինչ է, քարզահի տակ են նստա՞ծ, թե՞ խնոցի են հարում:

— Է՛հ... կնքավոր Ազո, մինն ասում ես, մյուսը թողում. երեխայքս քաղցած ճաշին են քնում, տանը բրդուն չկա, ո՞վ սիրտ ունի յուր գլխի ճարը քաշելու: Տանը որ հացի կտոր լինէր, գլխիս ի՞նչ թաս էին կոխել էս ցուրտ ու բուք վախտը, էս պարզկա օրը տանից դուրս գալու. եկել եմ քեզանից մի քանի շահի խնդրեմ, ալյուր տամ, շաղախենք, երեխեքանց բերանը գցենք:

Շատ է լսել աշտարակեցին յուր սանահեր մողնեցի Բարսեղի խոսքերը. նա ընշացքի տակին ժպտում և հրամայում է կնոջը, հարսին, աղչկանը գինու դոմյա սրվակը կարասիցը լցնել ու սանահեր Բարսեղի մջրսած անձը տաքացնել:

Մոռացվեցին այնուհետև ընտանիք, կարիք, մերկություն. մեր սանահերը մի շարք մեծ պասից երկար օրհնությունով սրվակի կոթը քերանին մոտեցրեց, մինչև հատակը քամեց և մաքրասեր կատվի նման շրթունքները լպստելով, արխաղի քղանցքով էլ ընշացքը սրբեց:

— Անո՛ւ:

— Կյանքդ խո՛ւշ, աստված օջախդ շեն ու շեն պահի, հերքդ դրախտի մեջ հայր Աբրահամի գոգումը ծվվա. հիմի գնամ տեսնեմ՝ ի՞նչ եմ անում,— ասում է մեր Բարսեղը, տեղիցը վեր կենում, մնաս բարովը տալիս կնքավորի տանը:

— Մի կտոր կակուղ հաց ու սո՞խ բե՛ր, խանոսեմ բաջի՛,— խնդրում է Բարսեղը մի երկրորդ տան դղումը ցամաքացեներուց հետո,— այսօր բերանս նշխարք չի մտել, ինքս էլ շատ ուշացա, օրը մթնեց, ոտներին ուժը մի քիչ տեղը բերեմ ու դպա տուն ձգվեմ:

— Այս գավն էլ լցրեցիք,— առաջարկում է Բարսեղը մի ուրիշ տան, նույնպես դրումի հետ համբուրվեցուց հետո,— եղբայրս Եսասիկի մրսել է, հիվանդ է, քիթը բռնես՝ հոգին կփչի, էսօր առաջին անգամն աչքը

բացեց և գինի ուզեց. փոխարենը գարունը մի օր կզանք կբանենք, մի բանվոր ինձ վրա ունենաս:

Գավը լցվեց և տիրոջ հետ ճանապարհ ընկավ դեպի վեր:

Երևում է՝ ցրտի սաստիկ ուժն է բորբոքիչ հեղուկի գորությունը պակասեցրել, ապա թե ոչ, այսօր հինգ-վեց լիքը դղում Բարսեղի բերանին է կպել, դատարկ տրվել. գինի է, հո ջուր չէ՞: Անձանոթը ոչինչ չի նշմարել Բարսեղների քայլերից. սովոր աչքը միայն քամակից կդիտե, կժպտա:

— Հիմքդ հաստա՛տ մնա, Աշտարակ,— միմյանց ցույց տալով ասում են գնացողի հետևից,— տե՛ս, ինչպես մուկը Բարսեղին ասլան է կտրացրել, կաքավի ոտներով է Մողնու թումբը (քարճաղվանդակալթյունը) սորոր տալով դեպի վեր քաշում:

Բարսեղներն իրենց պայմանին հաստատ են. նրանք փորի գերի են, վաղ գարնանից մինչև ուշ աշունք նրանք ձմեռվան դավերի վճարքն են ետ տալիս, մի կոպեկ նրանց գրպանը փող չի մտնում. շատ էլ արիությանը գործում են, երբեք էլ իրանց ընտանիքի մասին մտածել չունին, երեխայքը տանը քաղցած ու տկլոր կոտորվեն, միայն թե գինու դղումը նրանց հետ հաճախ համբուրվի:

Ե

ՏԱՍԸ ԿՈՊԵԿ ԿԱՍ ԵՐԵՔ ԱՐՄԱՔ ԿՈՊԵԿԱՆՈՑ

Երեկո է. աշնան բարեխառն և մեղմ երեկոներից մեկն է:

Աշտարակից դեպի Ապարան տանող դարիզուսը լիքն է հարչուրավոր հետևակ կին ու մարդ, մեծ ու փոքր ճանապարհորդներով, բոլորի երեսը դեպի Մողնի և թիկունքը դեպի Աշտարակ է:

Հեռացողները շատ ուրախ են. զվարճախոսություն, կատակ, օրվան թարմ անցքեր քարճր-բարճր պատմվում, լավում, ընդհատվում և շարունակվում են:

Ուղևորների ամեն մեկի ձեռքին, ուսին, մեջքին մի ծանրություն կա, ոչ մինը դատարկ ձեռքով չի վերադառնում. մի քաղլակ, մի կապոց, մի տկճոր, մի գավ; մի դալար խաղողի մատը՝ քանի մի ողկույզ հակնթանման խոշոր ու դեղին խաղողներ վրեն շարժվելիս, վերջապես մի ծառի շորուկ մեկի կամ մյուսի բեռն է համարվում. իսկ ամենքի գոտուն ցցած՝ թիկնամիջին երևում է մի-մի կեռակտուց, լայնաբերան հոտոց-դանակ:

— Տո, շուտ-շուտ քելի՛ք, տղանե՛ր, արևն էլ գնաց յուր մոր ծոցը մտավ, անուշ քուն եղավ, մենք դեռ ճամփին ենք,— ասում է մինը:

— Տո՛, յաման, ձե՛զ, դուրբան, մեջքս կնմանի կոտրած մանգաղ, էնքան եմ աշխատել. տիրամեռ խաղողի ճճեր, կասես, մարդու աշփոց կփախնեն, թփերի տակ կպլվին:

— Զանը ելնի՛ տիրոջ, հորս մա՛նն է, ընչի՞ եմ ընծի շարշարմանք եմ տալում եմ, ես իմ ջանին զոռ չեմ բերում եմ, աշքիս առած քաղում եմ, սաբաթի մեջ եմ թալում եմ (ծգե՛լ), մնացող թո՛ մնա, էգուց մկլօր մեր ճճեր թո՛ էրթան պտուղ էնեն բերին:

— Տո՛, ծուռ ճճե՛ր, դուք ի՞նչ կենեիք,— հարցնում է մի երրորդը երեխաներից մեկին, մյուսին:

— Հոգիս բերանս հասավ տիրամեռու խճմար (նեցուկ) ժողվրտելով. առած հախս էս փշուր խաղողն ա,— սրտնջում է մանուկը:

— Տղա՛, Բղդե, դու դո՞ր կբանիր,— դարձավ երեխաներից մինը գեպի մի երկու ըսպե առաջ յուր հետ հավասար քայլող մանուկին:

— Յա՛ սանատա՛ էր, դե՛ էր, հալածակվեց, գետինն անցավ, դարմացմամբ սկսեց աչքը մանուկների մեջ ման ածել և որոնել խոտոզը, երբ Բղդե կոչվածին ոչ մի տեղ չտեսավ:

— Տո, ի՞նչ եղավ, մկա (նիմա) չէ՞ր բերան ծուռ Բղդեն քարը կգար խրտ մեզի, կնմաներ քյարվանից ետ մնացած ուղտու քոշակ:

— Տո՛, ո՞ր մեկին կխարցուս, տո՛:

— Տո՛, Պողոս աղենց Սալբու տղա Բղդեն չէ՞ր հենց հիմի մեր քամակից կիզար ու շի երևար:

— Ահա Բղդեն,— ցույց տվեց մի ուրիշը բոլոր ճանապարհորդներից շատ առաջ:

Եվ արդարև, Սալբու տղա Բղդեն այժմ տասը, տասն և հինգ տարեկան մանուկ էր և կարողանում էր մորը պետք գալ:

Այսօր էլ Աշտարակու քաղվորների հետ էր և տուն էր վերադառնում:

Շատ անհանգիստ էր Բղդեն այս երեկո, նա Աշտարակից դուրս գալուս ամենքից առաջ էր գնում և բոլոր քաղվորներից հեռու էր ման գալիս, երբեմն-երբեմն կանգնում էր նա և հանկարծ որսորդի հրացանից ազատված նապաստակի նման մին աչ խլշկոտում, մին ձախ, հենց իմանաս, ինքն յուր սովերից վախենում էր:

Մի մին էլ ոտը քարը էր ձգում և բռունցք արած՝ ձախ ձեռքը ալխալղի պատռված գրպանից դուրս հանում, բութ և ցուցամատները քիչ ետ բաց անում, բռնումը ամուր սեղմած առարկային խորագնին աչքով մտիկ էր տալիս ու էլի ետ ձեռքն ավելի պինդ հուպ տալիս ու գրպանը կոխում:

Կարծես թե վախենում էր Բղդեն, թե բռի մեջ բանտարկված իր:

թև կառնի, կթռի, աղի պես կհալչի, կոշնչանա կամ ուրիշների հետաքրքրության առարկան կդառնա, կխլվի յուր ճանկից:

Նոր չէր, որ անհայտ ցեցը բնակալել էր Բղդեի բռան մեջ:

Վաղ առավոտից, երբ նա վարձվեց մի աշտարակեցու խաղողը պահող նեցուկները ժողովելու, նորա ձախ ձեռքը ետ շրացվեց:

Մի կողմից նեցուկներն էր ժողովում աչ ձեռքով, մյուս կողմից հաճախակի ձախ ձեռքից աչքը չէր հեռացնում:

Եվ ինչպե՛ս քաջացել, կտրիճացել էր այսօր մեր անտաշ մանուկը, ինչ եռանդով գործում էր: Բացի յուր գործից՝ նա մնացած խաղողներն էր պտուղ անում և այգու տիրոջ քթոցը լցնում:

Այգետերը քանիցս նկատեց նրան, ասաց Բղդեին, որ յուր արած պտուղը յուր գտած ողկույղներն յուր կողովի մեջը գնե, իրան համար պահի. հասկացրեց, որ այգին քաղելուց հետո ամեն աղքատ իրավունք ունի մտնել, քաղվորի աչքից փախած, տերևների տակին մնացած ճիւղերը քաղել, յուր համար տանել, բայց Բղդեն անխոս, գլուխը բացասաբար թափահարում էր և գտած, պտուղ արած խաղողները տիրոջ խաղողին էր խառնում:

— Դու հո քո վարձն ստացել ես,— ասաց երեկոյան այգետերը Բղդեին,— բայց որովհետև այսօր, երեխա տեղովդ, դու հինգ մշակի գործ ես կատարել, տո՛ւր քո կողովդ խաղող լցնեմ, ա՛՛ո, գնա՛:

— Աստված քո մինը հազար անի՛, ես ոչինչ չեմ ուզում,— մերժեց Բղդեն և խորը գլուխ տալով կամենում էր հեռանալ:

Շատ խոսեց, շատ համոզեց այգետերը, բայց Բղդեն ևս առավել խոսարհ երկրպագություններ էր անում:

Նա արդեն բավականին հեռացել էր:

— Բղդե՛, Բղդե՛,— ձայն տվեց հանկարծ այգետերը,— մի բոպե ետ արի՛, բան եմ ասում:

— Ահա՛ այս երկու շահանոցը՝ (եւե՛ կոպեկ) քեզ, իսկ իմ առավոտյան տված մի շահին ինձ տուր: Եղճմտանքս ինձ հանգիստ չի տալ. ողջ օրը դու մի չուրուկ շահով (մեկ ու կես կոպեկ) բանել ես, օխտը մարդի աշխատանք ես արել, նրանց ամեն մինը իրենց վարձը լիուլի ստացուց, իսկ դու մի ճութ խաղող գոնե չվիրցրիր և որքան նկատեցի, չի էլ կերար:

Ա՛յ հրաշք. մարդը հանեց իշի պայտից մեծ մի պղնձադրամ. տասը կոպեկ էր գրած նորա վերա, և այժմյան երեք կոպեկի արժեքն ուներ:

Բղդեն ամբողջ մարմնով սկսեց դողդողալ. նա վրա պրծավ, բարեբար ձեռքն երեք անգամ համբուրեց, ետ բաց արեց բոլոր օրվան սեղմված ձախ ձեռքը, ետ տվեց մեջը պահած կոպեկուկիսանոց պղնձյա դրամ:

մը և փոխարենը կրկնակի մեծն ստանալով՝ առավել պինդ սեղմեց ու հազար շնորհակալութիւններով հեռացաւ:

Ահա՛ հենց այս պղծալի դրամն էր Բղղեի խաղաղութիւնը վրդովող անքուն սատաեան, այդ ամենաթանկագին գանձն էր նա խնամքով փալփալում, ետքա հզոր գործութիւնն էր յուր ոտքերէ ուժը կրկնապատկողը և ճապատկողը:

Քաղվորները կես ճանապարհը չէին դեռ կտրել, որ Բղղեն մտավ Կարբի:

Ա

ՓԵՍԱԴԻՅԻ:

Սալբու բազմադիմի պաշտօններին խուչ գտնվեց սիրական զավակը. նա, բառ սովորականին, ոչ վրեկի քերականին մոտեցաւ. ո՛չ ամեն գիշերովա նման ուրախ ու զվարթ պատմութիւններ արեց, ո՛չ յուր բերած խաղողի ձուօքը քնքշաբար մոր բերանին մոտեցրեց, մոր բերանը շրտակալացրեց: Այս բանից և ոչ մինչ շարեց Բղղեն, քնդհակառակն՝ թեթև զլխացաժը պատճառ բերած, շորերով վայր քեկաւ մոր շինած անկողնի վերա և աչքերը փակեց:

Մայրական գորովայից խանդաղտանքն այնուհետև ի՛նչ կհանգրտացներ Սալբուն. խեղճ կինը մոլորվեց, պաշարվեց, այս ու այն կողմը դիպաւ, էլ տանը հին ու նոր շթողեց, փալաս ու հացի մեզար շմեաց: բերեց զլխին ծածկեց:

Ձիթի ճրագի աղոտ լույսը վաղուց յուր պաշտոնը կատարել էր, ձեթը այրվել, վերջացել էր, պատրիզի դառը մխի հոտը տանովը մին էր եղել, մթութիւնը տիրել էր, բայց այդ ամենն արդեւ չէին կարող լինել որդեսեր մորը՝ յուր զավակի կողքը կտրել, ձեթ ծնոտին դնել և հազարաժող բարձր ու շար ժտածաժանքների մեջ քնկղմվի:

Անտեղի չէին Սալբու կասկածանքները. Բղղեն տաքութեան մեջ կրակ է կտրվել, բերանից արտաշնչված գոլորշին մոր երեսն է այրում, շնչառութեան հեկեկանքը նետի նման ներս է սլանում մոր այրվող արտի խորքը:

1 Քրտադիմի նշանակում է քառի հատակ: Ամեն ոք յուր փողք քառի մեջ պահում է անարտաճառ հին դրամ կամ մի աննշան պղնձադրամ, որի քարեբախտ գործութեանը, իբր թե, փորձած է: Փոքրիկ փողք քառի հիմնադրամն է. նա երբեք չի ծախվել, ետքա կորիւն աղքատութեան ու մանկութեան աղետավոր նշան է:

— Յոթն անվան տեր սուրբ Կարապետ, իմ ձեռքս եմ թալեր եմ քո փեշ, Մողնու զինավոր սուրբ Գևորգ, մուրատատու Յուշու սուրբ Սարգիս, իմ Բղղեիս կռանը կենաք:

Նեղճ կինը Կարբու շրջակայքի պաշտպան սրբերի հետ մտքումը ժողովեց իրանց երկրումը թողած բոլոր Քուփ-մանուկներին, ուրբաթ-գրբերին, կարմիր ու սև ավետարաններին. մեկին խունկ ու մոմ, մյուսին սև հավի մատաղ, երրորդին կիրակմտոցի լույս էր ուխտում ու յուր Բղղեին առողջութիւն խնդրում:

Նա մի քանի անգամ դուռը բաց արեց, երկնքին նայեց, ասողերի նշանները դիտեց:

— Ի՛նչ անեմ, գնամ նանի-Հարթենենց դուռը թակեմ, երկար պառավին զարթեցնեմ, ոտքերն ընկնեմ, աղաչեմ, բերեմ Բղղեիս աղոթել տամ,— մտածեց նա:

Նուսահատութիւնը ողորմելուն ետ է կասեցնում. ժամանակը շատ ուշ էր, Կարբու ոտքը խաղաղվել էր. ամենքը գործից ու աշխատանքից հոգնած՝ խոր քնի մեջ մրափում էին. միք մշակը ցերեկը մինչև իրիկուն անընդհատ վաստակելուց հետո հավերի հետ քուն է մտնում, հավերի հետ է զարթնում:

Մարդ, կին, մեծ ու փոքր անուշ խոմփացնում էին. տեղ-տեղ, գուցե այս ու այն տանը փոքրիկ անհանգիստ մանուկները օրորոցից մոր քունը կտրում էին, ճիշ ու ծվոցով մայրերի ականջներն էին ծակում, զարթեցնում էին թավշի պես փափիկ ստինքի քաղցր աղբրականը, ամուր փակցրնում իրանց շարժադիկ շրթունքները և մզմզալով ներս տանում անուշահամ կաթը. բայց դրանով երեխայքն իրանց նորատի մայրերին երբեք արգելք չէին լինում հենց օրորանի լծանք թեկնելու և մի հանգ քնելու. քնդհակառակն՝ սիրուն զավակի պողոնների միատեսակ շարժումը մի ախորժական գրգռումն էր պատճառում. խանդակաթ մորը և զգուշութեան հետ մի զգաստ քուն էլ բերում էր, երջանիկ երազների եթերական սահմաններումն էր պտտեցնում նրանց երեակալութիւնը:

Գիշերը շատ խաղաղ էր, ձայն ու ձուռն չկար, ավերակների միջից միայն պարբերաբար լսվում էր մելամաղձոտ բուփ տխուր վույն ու վայր:

— Է՛հ, ես ի՛նչպես անհանգիստ անեմ նանի-Հարթենենց պառավին,— փնթփնթաց յուր մեջ Սալբին,— լավն այն է՝ իմ գիտեցած շար աչքի, շար նիաթի աղոթքով բավականանամ, մինչև լուսո շառավիղն ամեն հայ քրիստոնէի հետ իմ տան երդկովն էլ ներս կմտնի:

Առավ Սալբին մի ասեղ, նստեց Բղղեի զլխավերևը, ասղի ծայրով շարունակ խթխթեց տղայի զլխին ծածկած բրդյա հաստ մեզարը և երեք անգամ մրմնջաց հետևյալ աղոթքը.

Աթանիա, Ազարիա,
Հրեա եկամ Հոփսիսինն
Օխտը զաթար (շարք) շորով,
Օխտը պոչ քուտակով.
Չար աչքը՝ շար փուշը,
Չար փուշը՝ շար աչքը:

Աղոթում էր, հորանջում էր, հորանջում էր, աղոթում էր և հետն էլ
ընդհատելով բարձր ձայնով կրկնում էր. պատռին ու թափվին իմ Բղղբիս
աչք զարնողի ջուխտ աչքի պտուղները:

- Աղե՛, — կանչեց աղոթքից հետո հիվանդը:
- Ջանե՛, աղեն հեյրան արևուդ:
- էդ ի՞նչ ես անում ես:
- Քեզ աղոթում եմ, հոգի ջան:
- Ո՛ւմից ես սովորել:
- Ժամկոչ Հովնեից:
- Ժամկո՞չն ումից է սովորել:
- Գրքեենց Շողո հարսից:
- էդ ի՞նչպես բան է:
- Նիաթի (շար աչքի) աղոթքը տղամարդը պետք է կինարմատից
սովորի, կինը՝ մարդից, թե չէ զորութիւն չի ունենալ:
- Սիրտս նեղանում է, բաց արա գլուխս, — ասաց վերջապես Բղղ-
դեն, — դուրս գնա, տես գիշերվա ի՞նչ ժամանակն է:
- Դեռ շատ գիշեր կա, դեռ կեսգիշերը նոր է անցել:
- Լուսաստղը դեռ չի՞ դուրս եկել:
- Դեռ Շամփուր-կշեռքը երկու շվանաչափ է հեռու Բագումքից, դեռ
լուսաստղի ընկեր 12 հուրհուրատող աստղերը նոր են գլխները հանում,
որ լուսաստղը դուրս գալուս՝ ամեն կողմից բարև տան նրան:
- Օ՛հ, ինչքա՛ն գիշեր կա դեռ, ե՞րբ պիտի լուսաստղը դուրս գա:
Բղղբին, ինչպես և ամեն մի գյուղական մանուկին, քաջ հայտնի էր
համաստեղծութիւնի գաղտնիքը, ամեն մի երկնից լուսավոր իրան նշա-
նակութիւնն ունի ժողովրդի աչքում:

Գյուղացին դեռ թոթովախոս երեխայութիւնի մեջ է, յուր մորից,
տատից, պապից. ամառ ժամանակ կալիքումը և կտուրներումը, բաց
երկնքի տակ, քնած ժամանակ դաս առնում աստեղագիտութիւնի ուսումը:

Հազար էլ որ պառավները սրտնեղեն, բարկանան, երեսները մյուս
կողմը դորձնեն, խոռացնեն, խամփացնեն, փնշացնեն, ֆնշացնեն, զուր
է, չեն կարող ազատվել հետաքրքիր փոքրիկ սատանաների հարցափ-
րութիւնից:

— Դու քո հնարքը գործ դիր, մենք՝ մերը, — մտածում են քաղցրիկ
թոռները և պապի կողքերը խտտղեցնում, մորուքը համբուրում, կրթ-
քին բարձրանում, պարանոցովք փարվում, խնդրում, աղաչում, գմբուկ
թշկկները ծերի պոռնների վրա դնում, պաչել տալիս, երկու պաչ էլ
պատմելուց վերջը խոստում անում, պապի բարեհաճութիւնն առնում,
պատմութիւնն սկսել տալիս և ուշիուշով ասածները լսում, մտքներումը
տպավորում:

- Պապի ջան, էն ի՞նչ ասող է, որ քեռոնց կալի գլխին կանգնած
է ու բուրից պսպղանն է, — հարցնում է պապի ծոցին քնող թոռը:
- էն Քարվան-դոանն է:
- Սաքի թե ի՞նչ:
- էն՝ որ քարվանը դաշտումն է եղած լինում, ամպը պատած գիշեր
է լինում, հանկարծ երկինքը պարզում է, քարվանքաշին (քարավանա-
պետ) կարծում է, թե լուսաստղն է, քարվանն շտապեցնում է, վեր կաց-
նում ու ճանապարհ ընկնում:
- Հետո՞:
- Հետո՞ շատ ա՛հ ու զարհուրելի տեղով պետք է անցկենային,
գնում են, գնում, լույսը չի բացվում. մեկ էլ մի խոր ձորի մեջ գողերը
գրանց առաջը կտրում են ու բուրիին բրդում, վեր ածում: Աստղը սխա-
լացրեց, քարվանը կոսորել տվեց, անունը մնաց Քարվան-դոան:
- Իսկ էն ի՞նչ ասող է, որի պոչը, հենց իմանաս, տատիս ջահրի
(ճախարակ) իլիկը լինի:
- էն Ղոյրուղն է: Աման, գառնուկս, — զգուշացնում է ուսուցիչ
պապը, — էլ այսուհետև շողանաս, Ղոյրուղն յուր պոչովք քեզ էնպես
կշամփրի, որ պոչը մեջքիցդ կմտնի, փորիցդ դուրս կգա. նա գիժ ասող
է, լողացողի թշնամին է:
- Հապա մինչև հիմի ո՞ւր էր, չէր երևում:
- Ղոյրուղը խաղողի ժամանակն է դուրս գալիս, մինչև նա դուրս
չգա, խաղողը չի հասնիլ: Քեզ եմ ասում, հոգիս, էլ շողանաս:
- Շատ լավ, շատ լավ: էնպես չի՞, Ցակո, էլ չենք լողանալ. պապն
ասում է՝ Ղոյրուղը որ դուրս եկավ, էլ չեն լողանալ: — Դառնում է պապի
թոռներից մինը յուր հասակակից եղբորը կամ անբաժան մի հարկի տակ
ապրող հորեղբոր որդուն և ականջումը փսփսում:
- Վերջինս տատի ծոցիցն էր եկել դաս լսելու:
- Թող պապին արխեինը քցենք, պատմել տանք, հետո մենք մեր
բանը գիտենք, — փսփսում է նա ընկերի ականջին:
- Դե որ պապն ասում է՝ մի՛ լողանաք, մենք էլ չենք լողանալ,

մեննիլ հո շննք, եկող տարի ամառը կգա, նոր կլողանանք, լավ շն՝ մասում, պապի:

— Շատ լավ, շատ լավ. դե որ էդպես խելոք տղայք եք, եկեք մի պաշնմ:

— Դե որ էդպես է, ասա տնանենք՝ էն ի՞նչ խորդուբորդ տեղ է երկընդունը, հենց իմանաս մեր վերի արտի քարքարուտ ճանապարհը լինի, մանր ու մեծ աստղեր անկարգ, անկանոն շաղ են անցած:

— Էն մեր ուլերն են կրծոտել:

— Ո՞րտեղից բարձրացան:

— Մի ձմեռ շատ ձյուն էր եկել, խոտ չկար, որ ոչխարն արածի, մեր ուլերը ձյունի վրայով բարձրացան, կրծոտեցին:

— Հապա դու երեկ ասում էիր՝ դարմանագողի ճանապարհն է,— մեզն ընկավ մյուսը:

— Որ գիտեք, էլ ընչի՞ եք հոգիս հանում, թողեք քնեմ,— ասաց պապը և ուզում էր երեսը մյուս կողմը շրջել, բայց ճարպիկ դեկկներին մեկը իսկույն լոք տվեց, անցավ պապի կրծքի վրայից, մյուս կողմին պառկեց և յուր շողմարար հաճոյախոսությունները շարունակեց.

— Պապի ջան, պապի, հենց էս մեկը, կենտ էս մեկը պատմի, էլ գլուխդ չենք տանիլ (ցավացնել):

— Հա, դարմանագողի ճամփեն է,— ճարահատյալ սկսեց պապը,— մի գիշեր բլբլան Բելը գնացել էր մեր Հայկ պապի մարագիցը մի թոռ լիբը դարձան գողացել, շալակն առել ու փախչում: Զանս քեզ մատաղ, Հայկ պապի, շներին քսի էր տվել քամակիցը. ինքն էլ մի բարձր կոնգի գլխի կանգնել էր ու մտիկ տալիս: Բելը դարձանը շաղ տալով փախչում էր: Մեր խելոք պապը հենց որ տեսավ, թե շները շկարացին հասնել, գող Բելը դիմացի սարի քամակն է ուզում անցկենալ ու ազատվել, էն սհաթը գազու կիսանոց, կոանս պես հաստ, նետը քցեց աղեղի լարին, աչքեց ու լարը ձգեց: Նետը սըլ... Լ... Լ... գնաց, էդ գող ու ավազակին ծակեց ու վզալուով անցկացավ հինգ օրեն ճամփա, հետու վեր ընկավ:

— Հետո ի՞նչ է անում Բելը:

— Ի՞նչ պիտի անեք, դարմանի թոռը մեջքիցը գլորվեց, պատուվեց, մնացողն էլ էնտեղ շաղանցավ, երկնքի երեսը բռնեց:

— Ինքը՞:

— Ինքն էլ գլխի վերա կունդիկ-կունգիկ անելով (թավալաղ) սարի ծերից գլորվեց ձորը:

— Հապա տատն ասում էր՝ ի՞ժանք որ կրծեցին, երկինքը պատուտորվեց, ջուր թափվեց, ոչխարի սուրուն խեղդվեց:

— Դե, նա էլ էր ուղիղ ասում:

— Բաս ի՞նչպես ջրի առաջն առան:

— Աստված կյանք տա փալան կարող (ճամետագործ) Նոյ պապին:

— Ի՞նչ արեց:

— Փալանը դեն ձգեց, մախաթն առավ, Մասիսի գլուխը բարձրացավ ու երկնքի ճղվածքը պինդ կարեց. ա՛յ, տեսնո՞ւմ եք, էն մանր աստղերը մախաթի ծակած տեղերն են:

Ահա այս մանկական դպրոցի աշակերտ էր ուրիշների թվում և մեր հիվանդ Բղդեն. նա ցանկանում էր իմանալ գիշերվա ճիշտ ժամանակը. բնական է, որ աստղերի շարժումներից պետք է հարցնեք:

— Աղե՛, — կանչեց մյուս անգամ Բղդեն:

— Զանե, ի՞նչ կուզես:

— Ինչ ծանր գիշեր է:

— Մեռնիմ արևիդ, Բղդե ջան, ընչի՞ ես գեշ-գեշ բաներ ես մտքուտում ես:

— Զե՛, դու մի օր ասում էիր, գիշերը որ ծանր լինի, գյուղում մեկն ու մեկը մեռած կլինի, ժամումը մեռել կլինի:

— Տո, քեզ մեռնիմ, Բղդե ջան, դու հիվանդ ես, դորա համար է գիշերը ծանր թվում քեզ,— որդուն հանգստացնում էր սրտատուշոր մայրը և աչքերը անթարու քղանցքներովը սրբում:

Մի շաբաթ Բղդեն հիվանդ մնաց, ազոթող, գրբաց, ջինդար, ամենքն իրանց շնորհքն ցույց տվին. սրբերի դռները բռնեցին և գնալն էլ չձողացվեց. մի սառը քրտինք եկավ վերան, և նա իսպառ ողջացավ:

Մալբու սրտին ցավ և գյուղում ասելիք ու խորին դատողության առարկա դարձավ մի հանգամանք:

Ամեն այցելու պարզ տեսնում էր, որ Բղդեի ձախ ձեռքը պինդ փակվել է, մի բռունցք է գոյացել և չի բացվում. հենց որ մեկն ուղում էր հիվանդի ձախ ձեռքին դիպչել, նա այնպես ծվում էր, որ ամենքի ականջն էլ խլացնում էր:

Ամեն գլխից մի խորհուրդ դուրս եկավ. շատ խորհեցին, հերքեց չզրտան ձեռքը բանալու, չէին համարձակվում դիպչելու, ուզում էին, որ ձեռքը հրաշքով ինքն իրան բացվի: Երբ ճար շեղավ, միաբերան վրձոնցին, որ խաչից է, խաչը միայն կարող է փրկել:

— Սուրբ Հովհաննեսի աղբրիցն է,— վճռեց նետ դեռող, մաղ պարտեցնող կարճիկ Տուտուն:

Յալբին ուխտեց, որ տղան լավանալու և պիտի նրան տանի, սուրբ Հովհաննեսի աղբրում լողացնի:

Մալբու աղոթքն ընդունելի եղավ: Բղդեն բոլորովին առողջ է, նա մոտ կանչեց մորը:

- Մարի՛:
- Ջանե՛:
- Մենք խեղճ մարդիկ ենք, էնպես չէ՛:
- Իհարկե՛:
- Պողոս աղայինց ամալան ենք:
- Հա, բայց հիմա ոչ Պողոս աղա կա, ոչ Մարկոս, Կարբում մնացել են դառը քրտինքով հաց աշխատողներ:
- Ո՛չ, ես ուզում եմ ամալեք ունենալ:
- Ի՞նչ ես ասում, Բղղե՛ շան:
- Այո՛, մա՛յր, — լուրջ դեմքով շեշտեց Բղղեն և ձախ ձեռքը ետ բացարեց ու ահագին տասը շուրուկ կոպեկանոցը մորը ցույց տվեց:
- Սա, սա կլինի իմ հարստության սկիզբը, սա կլինի իմ քիսադիրին, մինչև շունչս բերանուժս է:
- Բղղեն մի առ մի պատմեց մորը կյանքի մեջ առաջին անգամ փող աշխատելու հետաքրքիր պատմությունը:
- Բայց այդ երկու շահով դու ի՞նչ գործ պիտի սկսես, — տարապետական հարց տվեց մայրը:
- Այդ իմ գիտենալու բանն է:
- Աստված սրտինդ կատարի:
- Ուրեմն՝ մի փալասի կտոր տուր:
- Բղղեն խնամքով կապեց հին կարկատանի մեջ յուր թանկագին գանձը և դուրս գնաց:

ՋՀՈՒՏ ԱՂԱԶԱՆԸ

Կարբու արևմտյան կողմը, եկեղեցուց դեպի հարավ, երկու կարգ հին ասիական ձևով շինվեցին Բայազետից գաղթածների խանութները: Փոքրիկ դռներով նեղ և մութ խորշեր էին դռքա. ոչ մի լուսամուտ չէր ձգում դեպի ինքն պայծառ արեգակի ճառագայթները, լույսը ներս էր մտնում շարունակ բաց դռներիցը:

Մի քանի թոփ խամ շիթ, նույնչափ ալաջա կոչված կանաչ ու կարմիր շերտավոր կերպաս, տասնաչափ կտոր շիլա անուն կրող կարմիր ներկած կտավ, քսան-երեսուն գազ գույնզգույն մետաքսյա երիզ (ղայքան) խանութների մեծագույն մասի առևտրականության պարագայքն էին: Առավոտյան ժամից հետո, մինչև երեկոյան ավետաբեր կոչնակի

հատվածական թիկթիկոցը, ծնկան վերա չոքած էին խստակրոն ճգնավորի անշուք խցիկների մեջ Կարբու նոր խոշաները:

Ուրիշ բանի նմանություն չենք կարող տալ խանութի պատվանդանով վերածայնված խոնավ և ցած հյուղերին:

Լայնարձակ ու լուսավոր շենքերի մեծ պահանջ էլ չկար. մի փոքրիկ եռակարգ կամ քառակարգ դաֆաղայ (ղաբակ) բավական էր կրել յուր վերա սակավաթիվ հաճախորդների մերկությունը ծածկող դյուրամատչելի կտավեղենները:

Խանութպանները Բայազետում հուշակավոր վաճառականի փայլը վայելող Կարբի գաղթած խոշաներն էին:

Արղեն համոզվել էին սրանք, որ Կարբու ներկա պայմանները չեն ներում իրանց նախկին վաճառաշահության փառքին բարձրացնելու իրանց նոր հայրենիքը, բայց ճար շունեին, ընկել էին՝ պիտի հաշտվեին նոր դրության հետ, իրանց կյանքի երկու երրորդ մասը վաճառականությանը էին անցկացրել, այժմ, օր ծերության, ուրիշ գործ սկսել չէին կարող, պարապ մնալն էլ մահ էր իրանց:

Այդ պատճառով խոսքը մեկ արին, այդ ծակերը շինեցին՝ միայն ժամանակն սպանելու, մեկ մեկի երեսը տեսնելու և կորցրած փառավոր անցյալի քաղցր հիշողություններով շնչելու համար:

Բոլորովին տարբերվում էր թե՛ մեծությանը, թե՛ նպատակով և թե՛ միջի ապրանքով խանութների վերջին ծայրումը գտնված մի հատիկ լայն ու բարձր կրպակը:

Մանրավաճառի շտեմարան էր այդ, քան թե, ինչպես ասում էին, խանութ: Ընդարձակ սենյակի մի կողմը մեծ-մեծ պարկերի մեջ գետեղված էին մանրունք ծախողի բազմատեսակ ապրանքները, որոնք միայն առավոտադեմ անհանգիստ էին լինում. ուրիշ ժամանակներ ձեռք չէր դիպչում նրանց:

Խանութի առաջի կողմը, սակայն, մանր տուպրակների մեջ շարված էին գետնի վերա վերոհիշյալ ապրանքների տեսակները:

Մի միջին տարիներով մարդ, օրնիրուն չոքած ծնկան վերա, գոհացնում էր յուր փոքրաքանակ հաճախորդներին:

Ջհուտ Աղաջան էր նորա անունը:

Ինքը թեև ջերմեռանդ հայ-քրիստոնյա էր, համեստ, առաքինի և աղոթասեր, բայց դեպքերի բերմունքը վերակնքել էր նրան Հակովբ նահապետի հարազատների ամազանի մեջ:

Ջհուտ անունը սեփականություն էր ստացել Աղաջանն յուր նախկին պաշտոնից:

Նա մի ժամանակ բազազի ապրանքը մի կապոցի մեջ պինդ ամ-

բայցած, ուսին ձգած, կիսագաղը ձեռքին, թափառում էր գլուղերումը և գլուղացոց հագուստն էր հայթայթում: Այդ գործը շատ հին ժամանակներից Պարսկաստանից եկած հրեաների սեփականությունն էր:

Աղաչանը միակ հայն էր յուր պաշտոնով հրեաներին նմանող և կրքեր չէր նեղանում, երբ ամենքն իրան ջհուտ էին ձայն տալիս:

— Զհուտ Աղաչան, ջհուտ Աղաչան:

— Զհուտ Աղաչան, լավ շիլա ունի՞ս:

— Զհուտ Աղաչան, մի քանի գազ խամ չի՞թ տուր:

— Զհուտ Աղաչան, մեր տանը քեզ կանչում են:

Աղաչանն ամենայն սիրով բոլորի կամքն էլ կատարում էր:

Աղաչանն յուր քաղցր բնավորությամբ բոլոր գլուղերի աչքն էր մտել. նա մի գեղեցկագեմ, բարակ երեսով, սև և բարձր ընչացքներով մարդ էր, զվարճախոս էր, քաղցրաբարո էր, բարեհամբույր էր և արդարամիտ էր:

Մանուկներն ամենքից ավելի սիրելի էին նրան:

— Զհուտ Աղաչան, ջհուտ Աղաչան,— ձայն էին տալիս բամակից և վազում, նորա գիրկն ընկնում գլուղական երեխաչքը:

— Ի՞նչ եք ասում եք, ի՞նչ եք ճվճվում եք, ջանե՛, ջան:

— Էգուց ո՞ր գեղը պիտի գնաս:

— Տո, չե՞ գիտե՞ք՝ էգուց ի՞նչ օր է:

— Գիտենք, բայց խնդրում ենք գու առնա:

Եվ նա քաղցր ժպիտը երեսին սկսում էր.

Երկուշաբթի, հինգշաբթի Աշտարակ,

Գինով կթրջեմ շոր բողազիս ծակ.

Չորեքշաբթի, ուրբաթ կերթամ Փարթի,

Իրիկուն քաղցած կղառնամ Կարբի:

Երեքշաբթի օրը բամբախ՝ շանավանք՝

Ձավարով վոճիկ, շոր հացի փշրանք.

Շաբաթ օրն Եղվարդ գոռ կտամ ցորենին,

Մատաղագող մողենցիք, ձերն է կիրակին:

— Սեղք չի՞, որ կիրակի օրն առևտուր ես առնում,— խոսեցնում էին Աղաչանին մանուկները:

— Տո, ձեզի դուրբան, մողենցին ի՞նչ ունի, որ ի՞նչ առևտուր անի, անբան մարդու առնը հաց, հագին շոր ե՞րբ եք տեսել. թե որ սուրբ Գևորգի վանքը Մողնումը չլինի, նրանք քաղցած կկոտորվեն. ամեն տուն տարենը մի երկու թոփ խամ չի՞թ կառնի, կբնդեն, վիզները կզցեն, որ աշ-

նան Մողնու ուխտին տեղը մատաղի գողացած մորթի տան. կիրակի օրն ես գնում եմ Մողնի նորա համար, որ ուխտավորն էդ օրը սուրբ Գևորգի գունից անպակաս է, մողենցու տանից մօի հոտ է գալիս, չի օրը գնամ շոք ու ցա՞վ ուտեմ:

Բավական տարի էր անցել Կարբին շեն անելու օրից, և բոլոր ժամեակը Աղաչանն յուր սիրելի թափառական բազազությամբն էր պարալում:

Սկզբումն Թարաչելի զավակները շատ խեթ աչքով էին նայում Աղաչանի վերա, բամբասում էին, նորա ազրաճքը փտած ու անպետք էին քարոզում, բայց Աղաչանը կարծես խուլ էր դեպի այս ահամուծությունները, գլուխը կախ՝ յուր ճանապարհն էր գնում:

Լավում էր մինչև անգամ, որ հայր Աբրահամու թոռներն Աղաչանի դեմ դավ լարելու հնարքներ ևս մտածում էին: Գտնվել է անգամ իրանց միջից մի հանդուգն, որ քաջասրտություն է ունեցել հայտնելու, որ ինքը սուրբ կվերցնի, մի քաշի սոսկ դարան կմտնի և երեկոյին Կարբի վերադառնալուս՝ Յղաչանի փորը կկոխի:

Խիշտ ոգևորվել են երիտասարդ կտրիճի համազգայինքը, մոռացել են մի քանի րոպե իրանց բնական զգուշությունը և համայնական հանգանկությամբ կարգադրել են սուր գեծը՝ ազատելով անձնագոհ քաջին հանգանակության վճարքից:

— Այդ ամենը շատ լավ,— ավելացրել է երիտասարդ վրեժխնդիրը,— բայց ձեզանից մի երկուք թող գան ինձ հետ թաք կեճան. լույսն ու մութը բաժանվելուց հետո ես վախենում եմ մեն-մենակ ամայի գաշտ դուրս գալու:

— Ես էլ եմ վախենում, ես էլ,— ձայնեք է թարձրանում ամեն կողմից:

— Լոնցեք, սուս կայեք,— մեզ է եկել մի խահականք, որ խորհրդականների հետ սկզբից անհամաձայն է եղել:— Է՛՛՛, սիրելիք,— ձառել է նա,— զուք եք բորբոքվում, ավելորդ եք տաքանում, ոչ զուք մի կոպեկ սրի փող կտաք և ոչ նա յուր երիտասարդության ցնորքները կտրոզ է իրագործել. կոզելու, ծեծելու, սպանելու ընդունակությունը Եհովան վաղուց մեր բնավորությունից հանել է, Կուսի զավակի անձձքը մեզ պետք է ճշդի մինչև ճշմարիտ մետախի գալուստը, մինչև այն օրը մեր պիտին պետք է ծանրանա տեղից շուտ դարթնողի հաստ մուրճը, ինձ լոնցեք, մինչև այսօր մեր հայրերն ու պապերն ի՞նչ ճանապարհով գնացել են, դուք էլ նրանց հետքից մի՛ խոտորվեք, ձեք առևտուրը ճանաչեցեք, փող գանձելու հոգսումք կացեք:

— Հապա Աղաջանց մեր ջահերին վնասում է, մեր հաճախորդները խլի է:

— Երբեք չմտածեք, որ վաճառականութեան մեջ Գայլ Գրեյնի հաղթե՛հ, դուք ձեր գործը մանալեցե՛ք և խոհե՛մ եղե՛ք. Աղաջանն ինքն իրան ետ կբաշվի ասպարեզից:

Անկարծիք, խելոք խորհրդատուն մարգարեի օերնդից է եղել. շատ չքաշեց, Աղաջանի ոտքը գյուղերից կտրվեց:

Մի օր էլ լսվեց, որ ջհուտ Աղաջանն յուր շՊուտությունին բարե մնաք է ասել, թողել է կտավավաճառությունը, ծածկել է Կարբու խանութ- ների ամենավերջին մեծ ավերակը, գնել է բավականաչափ մանրավա- ճառի ապրանք և նստել է մեջը:

Ո՛վ ասես չզարմացավ, ո՛ւմ լեզուն նորա դեմ չբացվեց, Կարբու ո՛ր խոջան չգնաց շկանգնեց Աղաջանի նոր խանութի առաջին և գլուխը շարժեց: Ի՛նչ քամի է մտել այս մարդի քիթը, գծվե՛լ է, տարիներով չի կարող ծախել բերած ապրանքի կեսը, բոլորը կփտի, կփշանա, կկորչի և այլն, և այլն. խոսք շմնաց, որ շասեի՛ն, հարցմունք շմնաց, որ Աղա- ջանի գլխին շթափեին:

— Ոտքերիս ուժը հատավ, հանգստանալ եմ ուզում,— պատասխա- նում էր ծպտալով ամենքին Աղաջանը:

Կարճ միջոցից՝ ամենքն իրանց սխալ ենթադրությունները ճանա- չեցին, միաձայն վճռեցին, որ Աղաջանն յուր անելիքը լավ է հասկացել ու կշռել:

Աղաջանի շտեմարանի ապրանքը շուտ-շուտ վերջանում և նույն արա- գությամբ նորոգվում էր, ամիս շանցներ, որ Աղաջանի ոտքն Երևան չհան- դիպեր. ամեն գնալուն բեռներով նոր ապրանք էր տուն ածում:

Իսկ ի՛նչ մարդիկ էին նորա հաճախորդները:

Կարբու միջնակարգ ժողովրդի որդիքն էին նոքա:

Այս այն դասակարգն էր, որ մսխել, վերջացրել էր Բայազետից բե- րած աննշան հարստությունը, որոնք Բայազետ եղած ժամանակ ման- րավաճառի առևտրով են ապրուստ արել և այսօր ո՛չ այն կարողությունն օւ հարմարությունը կա, որ իրանց նախկին սովոր գործը շարունակեն, ո՛չ Կարբու հանդն ու դաշտը օրինավոր ապրելու և կարգին երկրագոր- ծություն անելու միջոցն է նրանց ընձեռնում:

Հարկավոր էր կամ օրավարձ մշակության ընտելանալ, ինչպես որ շուտ սկսեցին Կարբու ստորին ժողովուրդը և կամ կյանքի ուրիշ եղա- նակ ընտրելու հոգսը քաշել:

Աղաջանը նախատեսեց և հաջողեց:

Նա նախ ապրանքը տուն բերեց. Կարբումը շտեմարանեց և ապա

կանչեց ձեռքից գործ եկող, պարապմունք որոնող երիտասարդներին, քարի խորհրդի հետ ապառիկ ապրանք հավատաց, մի-մի խուրջին յուրա- քանչյուրի ուսիցը կախեց և շարչի անունը տալով՝ ցրեց ամենքին Կար- բու շրջակա գյուղերը, ծայրը մինչև Ապարան հասցնելով:

— Տարե՛ք, ծախեցե՛ք, փոխարենը փող, բուրդ, ցորեն, յուղ, գարի, պանիր, շորացրած ծառապտուղ, մի խոսքով ինչ որ արժան կհամարեք, ստացեք, բերեք իմ հին պարտքը վճարեցե՛ք, նոր ապրանք տարեք,— ասաց Աղաջանը,— կարող եք փողի փոխարեն ձեռք բերած ապրանքով ինձ վճարել,— համաձայնեց նա:

Այդպիսով, առաջին անգամն Աղաջանը ստեղծեց կարբեցի շարչինե- րին, որոնք մի ժամանակ մրջյունների նման ցրված էին Կարբու շրջակա գյուղերումը, իսկ այսօր հետզհետե շքանում են. նրանց տեղը գյուղերը խանութներով լցվում է:

Աղաջանը սխալված չէր. տանը հանգիստ նստած՝ ընդարձակեց յուր առևտուրի ճյուղերը:

Չգալի նեղությունը, որ կրում էր, այդ, ինչպես ասացինք, ամիսը մի անգամ բարձած բեռներով Երևան գնալ և կրկին բարձած բեռներով դառնալն էր. գնում էր շարչիների հավաքած բարիքով, գալիս էր շարչի- ներին մատակարարելիք մանրավաճառի ապրանքով:

Աղաջանի խանութն էր ամենքից առաջ բացվում Կարբումը. դեռ առավոտյան կոչնակը չէր ծածկված, որ մինը մաղթանքներ մրմնջալով՝ Կարբու նեղ շուկայովն անցնում էր. այդ Աղաջանն էր մութե-մութ բարի լույս տալիս յուր խանութի դռանն արդեն սպասող շարչիներին:

Չենց այդ հարգելի պատճառով տերտերն իրավունք էր տվել Աղա- ջանին կիրակի օրերը միայն ծամ գալ:

Քանի գնաց Աղաջանի նշանակությունը բարձրացավ Կարբու և մո- տիկ գյուղերի մեջ:

Յուր բնատուր բնավորությամբ նա մտածեց անձարների ու կարու- յալների կարիքին ևս հասնել դժվար ըրպեններումը. արքունի հարկը ժո- ղովելուս, հացի սակավության դեպքերում, նա ինքն յուր կողմից էր առաջարկում կարևոր նպաստը:

Այս օգնությունն անում էր նրանց, որոնք կարող էին ընչով և իցե, երբևիցե վերադարձնել յուր տվածն աննշան տոկոսով:

Բնական էր, որ ջհուտ Աղաջանի անունը ամենի բերանից օրհնու- թյամբ էր լսվում. ժողովրդի մեջ սառն արհամարհանքով հնչվող «ջհուտ» խոսքը Աղաջանի անվան վերա մի տեսակ քաղցր և համակրական ներ- քաշնակությունով էր արտասանվում:

Մի առավոտ շարչիներին ճանապարհ գնելուց հետո՝ մինչ ծունկը

գետնիցը կտրեց Աղաջանը, կամենում էր խանութը փակել, տուն գնալ, յուր ստամոքսի պահանջը լցնել, ինչպես ինքն ասում էր՝ մի քիչ նհար անել (նախաճաշել) և ետ դառնալ, խանութը ներս ընկալ ճանկարձ մի բոկոտն ու անվատահ պատանի և ուղղակի շոքեց, Աղաջանի ոտքը համբուրեց:

— Յա, դու ծո՛ւտ'ես, տղա, էդ ի՞նչ ես օնում ես:

— Քո դուռն'եմ ընկեր'եմ, ամի (հուրեղբայր),— գլուխը կորցրած աշխարհ զեմքով մրմնջաց պատանին:

— Տողա, ի՞նչ կուզես:

— Ինձ շրաղ արա, մի կտոր հացի տեր շինիր:

— Տղա, Բղղե, դու դեռ երեկվան ճիժն'ես, ես քեզի հետ ի՞նչ ա-
նեմ,— ուսերը վեր քաշեց բարեսիրտ զհուտ Աղաջանը,— ընչի՞ ախոր
չես գնացել Աշտարակ խաղողաքաղ, մի քանի ճուժ խաղող կբերեիր,
մորդ հետ կուտեիք, մե՞ղք կլինեիր:

— Խաղողով փոր չի կշտանալ, ցամաք հացի գին է պետք, էդ մի
կտոր հացը քո ձեռքովն' ինձ տուր, իմ տերս և բարերարս դարձիր,—
գլուխը վեր բարձրացրեց և հաստատապես ասաց Սալբու տղան:

— Տղա՛, Բղղե՛,— խորամուխ նայվածքով հարցրեց Աղաջանը,— դու
քանի՞ տարեկան ես:

— Ադես (մայրս) ասում է, որ Կարբումն ինձանից առաջ ոչ մի
բայազետցի երեխա չի աշխարհ եկել:

— Տեսա՞ր, 15 տարիդ նոր է լրացել, ես քեզ ի՞նչ կարող եմ անել:

— Ոչինչ և ամեն բան:

— Ի՞նչ:

— Աշխարհքը քո հացն է ուտում, գեղերը ման եկող բուրդ շարչի-
ներին դու ես ապրանք հավատում, քո արդար վաստակովն' են նրանք
առևտուր անում. քո ի՞նչդ կպակպի, որ շատերից մինն էլ ես լինեմ:

— Տղա, բերանիցդ ծծած կաթիդ հոտը գալիս է, դու ի՞նչ շարչու-
թյուն անող ես:

— Ոտքդ պագնեմ, տարիներես մի՞ նայիր, ահա այս թող քեզ մոտ
գրավական մնա,— ասաց Բղղեն և դրեց Աղաջանի առաջը մի փոքրիկ
ձեռնաշափ կապոց:

— Ի՞նչ է այդ,— հարցրեց Աղաջանը:

— Բա՛ց և տե՛ս:

Աղաջանը վեր տոսով կապոցը, ձեռքի մեջ շուռնուռ տվեց, շոշա-
փեց, ուսերը վեր քաշեց, գլխով, աչքով տարապետանկրով շարժումներ
արեց և մեկնեց դեպի Բղղեն:

— Ինքդ բաց արա՛, — ասաց նա:

— Ո՛ր, քո օրհնված ձեռքը թող կպչի իմ արդար վանտակին, ք բա-
ցալական շարժում արեց Բղղեն:

Աղաջանը շրթունքներն ուռեցրեց և ստիպվեց կապը քակել:

Մի ուրիշ նույնպիսի փալաս գտավ նա կապած, ետ արեց և՛ երկ-
րորդը, և՛ երրորդը և՛ չորրորդը: Շարունակ միմյանց հետևում էին նոր
կապեր:

— Տղա, էս մասո՞ւնք է, սրբի գերեզմանից առած օրհնության հո՞գ
է, ի՞նչ է, որ հազար փալասում կապել ես:

— Մառա եմ սրբերին,— պատասխանեց Բղղեն,— մասունքն և օր-
հնությունը սուրբ բաներ են, պատիվ ենք տալիս, մի քանի կապերի մեջ
ենք պահում, բայց մարդիս հալալ քրտինքն էլ յուր համար գին ու արժեք
ունի:

Վերջապես Աղաջանը քակեց վերջին կապը:

Նա շշկեց, շփոթվեց և փաթեթների միջից դուրս եկած առարկան
ձեռքից ցած գլորեց յուր նստած թաղիքի վերա:

— Յաման, Աղաջան ամի՛, գլխիդ մատաղ, խնայի՛ր, իմ դառը
քրտինքն է, այդպես արհամարհանքով գետինը մի՛ ձգիր,— ասաց
պաղատագին Բղղեն և հափշտակեց, քան թե վերցրեց գետնից նվիրա-
կանությունը և մեկնեց դեպի Աղաջանը:

— Տղա՛, էս ի՞նչ երկու շահանոց է:

— Քեզ ասում եմ, որ իմ առաջին աշխատանքն է՝ հալալ ապրանքն
է, իմ հարստության մային (խմորն) է,— շափահաս և հասկացող մարդու
ծանրությամբ պատասխանեց Բղղեն և մի առ մի պատմեց երկու շահա-
նոցի ձեռք բերելու դեպքը:— Այս երկու շորուկ շահին ինձ երեխայու-
թյունից կատարյալ տղամարդ շինեց,— շարունակեց Բղղեն,— ինձ հի-
վանդացրեց, գերեզմանի դուռը տարավ, բայց էլի ետ բերեց. հիվանդ
ժամանակս իմ ցավերը մոռացած, սրա վերա էի մտածում, սրա հույսովն
էի ապրում. սրանով ես հասկացա, որ փողը քաղցր բան է և ահա բերել
եմ քեզ մոտ, ավանդ եմ գնում մոտդ, պահիր այս իմ համար ամենա-
թանկագին իրը և փոխարենը ապառիկ ապրանք հավատա, տանեմ գլու-
ղերումը ծախեմ, բերեմ քո փողը տամ, ավելցուկը սորա վերա դարսեմ:
Ազալում եմ, երբ կամքդ կտա, Աղաջան ամի՛, ապրանք բա՛ց թող ինձ.
մոտդ պահիր իմ երկու շահանոցը, լա՛վ պահիր, քո ձեռքովը կապուտի՛ր
կրկին յուր փալասների մեջ և թող քո փողերիդ կողքին ընկած մնա. մի՛
կորցնիր, ձեռքից մի՛ թողնիր, դա իմ քիսադիքին է լինելու:

Բղղեի խոսքերը շատ վստահ էին, մի հաստատակամություն, մի

գերբնական գորութիւն, մի անընկճելի կամք պարզ նկատուամ էին նորա մեջ, նորա ներսումը, կարծես, բորբոքում էր մի հնոց, որի ծխնելույզը նորա կայծեր արտացոլող աշքերն էին:

— Գու հաց կուտես, զավակս, քեզանից մարդ դուրս կգա,— ասաց և գրկեց Աղաջանը Բղդեին,— ահա՛ դու, ահա՛ իմ խանութը, տա՛ր ինչ-ժան կամենաս, ո՛ւր կամենաս, դուուս քեզ համար միշտ բաց է, քեզ արգելք չկա, իսկ այս քո երկու շահանոցը կրկին դի՛ր քսակիդ մեջ, թող քո՛ քիսադիբին քո ծոցումը մնա:

— Ո՛չ,— գլուխը շարժեց Բղդեն,— մինչև որ իմ երկու շահանոցը ձագեր չհանի, ես քեզանից տանողը չեմ. սա մեղունների փեթակի մայրն է, սա խոզի մերուն է, տարին մի քանի անգամ ձագ պիտի տա, շատանա, ապա թե նոր ես քո արկղիցդ հանեմ, յուր համար առանձին փեթակ չինեմ:

— Ուրեմն թող այս դնենք առանձին քսակի մեջ, թող յուր առանձին բունն ունենա. ահա ա՛ն այս քսակը, կապի՛ր քո ձեռքով սրա բերանը, որ կրկին ինքդ բաց անես:

Այդ օրից կարբեցի շարչիների թվում գլուղները թափառող մի մանուկ շարչի էլ ավելացավ:

Դա Բղդեն էր, որ դասավորեց խուրջինի մեջ կարևոր ապրանքը, համբուրեց ջհուտ Աղաջանի ձեռքը և ճանապարհ ընկավ:

ՀԱՄԲԵՐՈՒԹՅՈՒՆԸ ԿՅԱՆՔ Է

Ո՛վ ասես, որ առաջին անգամը փորը բռնած չծիծաղեց, երբ լույս ընկավ գլուղներումը ճղճղուոված, պատառոտոված, բոկոտն մանուկ շարչին, ո՛ր ծակ բերանը նորա վերա շխտեց, ո՛ւմ ձեռքն ասես, որ խեղճ Բղդեի գլխին շարժարացավ. նա ամենքի խոսակցութեան նյութը դարձավ: Բարկութիւն, հայհոյանք, ծաղր ու կատականք, հեգնութիւններ, արհամարհանք մեծ ու պատիկից, արուից ու էգից նորա գլխին էին թափվում:

Տղամարդիկը ծիծաղում, անց էին կենում, պառավները հինգ մատը ետ բաց արած՝ շանչում էին, հարսներն ու աղջիկները քիթ էին բարձրացնում, իսկ երեսայքը օյին չէր մնում, որ գլխին շխաղային,— հող էին ածում գլխին, խուրջինն էին ձգձգում, շներին էին գրգռում ու ինչ տեսակ նեղութիւն ասես, տալիս էին:

Մի տեղ լալիս էր Բղդեն, մյուս տեղ գլուխը քաշ՝ շսելու դնում, անց կենում, իրանից փոքր երեսաներին ձեռքի փայտովը հալածում, մեծերին մի բուռը շամիչ տալիս, աղջիկներին ասեղ ու քորոցներ բաշխում, հարսներին ծածուկ դեղադիրք ու ասղամաններ ցույց տալիս, պառավներին մեծ ծամելու մաստակ առաջարկում և յուր գործն առաջ տանում:

Այնուհետև ոչ ոք Բղդեից չէր խրատում, ոչ ոք նրան չէր վիրավորում, ընդհակառակն՝ շատերը հետաքրքրութեամբ լսում էին նորանոր շարադրած գովասանական մեղեդիներ, երբ նա ձեռքով խուրջինը ցույց տալով՝ նորա միջի ամեն մի ապրանքի համար մի-մի հրապուրիչ խոսք էր շոռայում:

Բացվեց հետզհետե Բղդեի բախտի դուռը, նրանից ձեռնտու շարչի չէր լինիլ, քաղցրալիզու, էծան ծախող, ապառիկ հավատացող և անվնաս:

Միրելի եղավ մանավանդ ազապ աղջիկներին ու շխտական նոր հարսներին, մի մատն երեսին ո՛վ մարդատեղ կղնի, ո՛ր մայր ու սկեսուրը կբարկանան, եթե հարգևոր հարսներին ու ամոթխած աղջիկներին տեսնեն օտարական մանուկի հետ քնթակալը. ցած թողած, խոսալուս ու ծիծաղելուս. ամոթ կլինեի, եթե նրանք մեծ մարդկանց հետ այդ կերպ վարվելիս լինեին. ի՞նչ անենք, թե օտարական են, դարիբ են, տղամարդը տղամարդ է, տղամարդին պատիվ է հարկավոր, մուրացկան գզգզված աղքատի հետ էլ հարս ու աղջկեքն էլ իրավունք չունենին խոսելու:

Դրանից ավելի նպաստավոր դե՛պք. ասել չի պետք, որ նորա առևտուրը կարճ միջոցում հաջող ընթացք ստացավ, նորա գնորդները հետզհետե ավելացան: Շատ շքաշեց, Բղդեն գլուղերի համար սովորական դարձավ, ամեն բակի ազատ այցելուն համարվեց. շները մինչև անգամ հետը բարեկամացան, երբ որ նորա տված կակուղ բոքոն հացի ճաշակն առանձի էլ ի՛նչ ասել կուզե, որ Բղդեի ապրանքը ուրիշ շարչիների ծախածներից գերազանց հուշակվեցավ:

Ամենքի շուրը գտավ Բղդեն, ամեն պայմաններ հեշտացրեց, միայն մի կողմից շատ դժվար դրութեան մեջ էր և երկար միջոց պարտական էր դիմանալ:

Կարբու մյուս շարչիների աշքի փուռը լինելը շատ բնական էր. նրանց դեմ մի վտանգավոր ախոյան էր առաջ եկել և այդ շատ ցավ էր շարչիների համար, այդ նրանց մտածութեան գլխավոր հոգսերից մեկն եղավ:

Ահա՛ վերադառնում են նրանք ամենքը մի գլուղից, երեկոյան դեմ և սովորական ողջույնից հետո սրտի ցավերը միմյանց սլարդ հայտնում:

— Այսօր առևտուրդ ի՞նչպես էր:

— Կար, էլի՛. իսկ քո՞նքը:

— Էլ մի՛ հարցնիլ, ամեն խեր ու բարաբաթը կտրվել է:

— Հանդիպե՛ց քեզ լամուկը:

— Ո՛ւր է, ձեռք ընկնո՞ւմ է, որ մարդ զարկի շան նման սատկացնի:

— Ինձանից էլ միշտ խափս տված է ման գալիս:

— Գյուղերումը մեկ-մեկ աչքի է ընկնում, բայց գյուղամիջին ի՞նչ կարող ես անել: Մի օր Կարոն Աշտարակումը մի շամառ (ապտակ) էր հասցրել, գեղովի հավաքվել էին, խեղճ Կարոյին էնքան թափել էին, որ գեացած ճանապարհը մոռացել էր:

— Դա մեր հացը կկտրի:

— Չարշին էլ շարշի լինի, ում ցավ կթվի, գետնի երեսին չի երևում. Պողոս աղաչենց դոան երեկվան շների լափի գուռը (գուր) լպտտողն է, էսօր մեր ոտքի տակ սառույց է գնում:

— Ո՛ր տունը մտնում ես, մի գլուխ լսում ես, թե կոլտա Բղդեից առանք էժան, լավ ու նիսիս:

— Ջհուտ Աղաչանն է մեղավոր. ո՞ւմ ասես ապրանք է բաց թողնում:

— Գնանք խնդրենք, որ էլ չտա:

— Մարդ յուր հացին քացով կտա՞, նորա ապրանքը ծախվի՝ մըս-խողն ով կուզե, թող լինի:

— Հետո Բղդեն փող տալի՞ս է:

— Հապա Աղաչանին հարցրու... դուք շաբաթ օրերն էլ չեք կարողանում ձեր շաբաթական հաշիվը վերջացնել, — ասում էր ինձ ջհուտ Աղաչանը, — Սալբու տղեն ամեն իրիկուն բոլոր աշխատած փողը բերում, ինձ է տալիս:

— Որ էդպես է, բոլոր շարշիներս խոսքը մեկ անենք, որս հասնենք, քիթ ու մուռը տրորենք:

— Դու ես ասում, թե գյուղերումը չի կարելի, ճանապարհին էլ ձեռք չի ընկնում: շուրթովն է գնում-գալիս:

— Օրական մեկը մեզանից թող հերթով բուսուն պահի (զարան մտնել), լույսը չբացված՝ ճանապարհը կտրի, հենց որ Կարբուց դուրս եկավ, բռնի մի լավ ծեծի և անցկենա յուր գործին գնա:

Վերջին հնարքն էլ շհուտահատեցրեց Բղդեին. շաբաթ չէր անցնում, որ մեկ ամիս մյուս շարշու ապտակների համը շտեսնի. գոռում էր, լալիս էր ու կրկին ուժեղ հակառակորդի հեռանալուց հետո՝ վեր կենում, աչքերը սրբում և ճանապարհ ընկնելով ասում.

— Դադած եզր լավ կալ կանի, էնքան է՛ դուք ինձ կենդանի թողեք, օրական տասն անգամ ծեծեցեք, օր կզա, որ փոխարենը մեկ-մեկ կստանաք, կսպասենք կտեսնենք, — համբերությունը կլանք է:

ՄԱՏԱՄԲ ՆԵՔԵՑԻ

Գյուղ շմնաց Կարբու շրջակայքումը, ուր Բղդեն պարտապաններ չու-
նեն, տուն շմնաց, որ մի տեսակ նորա հետ շկապվի. նա այժմ մար-
թածեջ է մտել, մարդի կարգն է անցել և իրավունքները մեծացրել է:

Ո՞վ ասես՝ նրան բարև չի տալիս, նորա հետ հարց ու բարով չի
անում, նրան չի ընդունում, ո՞ւմ անունը շկա նորա ծոցազրպանումն ու
ձեռաց տոմարի մեջ:

Առաջինումը մասնավոր մուրհակներ էին մի-մի կտոր թղթերի վե-
րա գրած, երկրորդումն առձեռն ապառիկների ցանկն էր՝ հիշողությունից
լթաչելու համար:

Գիր ու գրիչ անձանթ էին Բղդեին, և նա կարիք էլ չէր զգում: Թե-
պետ գրաճանաչներ մատով էին համբարվում այն ժամանակը, բայց
այդ եղածներն ամենքը պատրաստ և պարտական էին նորա էրթով (վըս-
տահորեն) առաջարկած խնդիրը կատարել:

— Ի՞նչ անենք, ախպեր, կարո՞ղ ենք չէ՛ ասել, աշխարհքն էն օրին
է հասել, որ մի կտոր գունդ ու կծիկ, անճոռնի, երկոտանի անասունին մեք
զլխի տերն ենք շինել, մենք մեր ձեռովը ազատ ստրուկ ենք գրվել, —
արդարանում էր ուրիշների և իր սեփական ես-ի առաջին գյուղական
գրագետը, երբ ստիպված էր լինում կարևոր գործը թողուլ և ժամու ու
տարածամու Բղդեի խոսքը լսել, նորա ապառիկը գրել:

Չուր էլ նեղանում էին, շատ ժամանակ կորցնելու ոչինչ չկար, մի
անուն միայն պետք է նշանակեին և ապառիկի գումարը: Ձեռաց ոտքի
վերա գրում և իրանց գործին էին գնում:

Մեծ ցավ էլ չէր Բղդեի համար, եթե գյուղերումը գրչի տեր էլ չգրտն-
վեր. ո՛ր տերտերը նորա սիրտը կկտորի, ո՞վ չի հատտել Բղդեի մոր
ձեռքով պատրաստված, ախորժ փոշտացնող, անուշաբույր քթախոտը:
Բացի եզան փամփուշտի մեջ ծախելու համար ունեցածը՝ Բղդեն միշտ
գրպանումը պարկը լիքը պատրաստ ծխախոտ ուներ. ծեր իշխանների,
պառավ մեծ նանիների և ամեն մի քթախոտի սիրահարի հանդիպելիս՝
առաջին գործը պարկի կապը ետ բաց անելն և քաղաքավարությունը ու
ժպտալով մոտ տանելն է լինում: Անիծածը շատ ժամանակ չբաշտողների
ախորժակն էլ գրգռում էր. էնպես շնորհքով էր առաջ բերում, թավադա
անում պարկը, որ չէ ածել չէիր կարողանում, մի պտղունց վերցնում էիր,
մինչև քթից վերին ծայրը ներս քաշում ու երկու գույզ մի կենտ փռտում:

— Առողջություն, — ձեռաց վերա էր բերում Բղդեն ու իր սիրելի

բողի տղա եղբորը ձեռքով առաջ վարում: Էսօր մեկ, էգուց երկու, և Բղզեն լավ գիտեր, որ երրորդ օրը գրպանումդ մի քթախոտի պարկ պետք է բուն դնի և ուրիշ պարտքերիդ վերա թուփունի փող էլ ավելանա:

Քթախոտի պարտքը չէր նշանակվում Բղզեի ձեռաց տոմարի մեջ միայն տերտերների վերա: Հենց այդ էր պատճառը, որ Բղզեն ոչ մի նավակատիկի, ոչ մի մեռելոցքի գերեզմանատուն չէր գնում. մի կոպեկ յուր հօր հոգուն հիշեքի կամ գերեզման օրհնեքի չէր տված և կարիք էլ չկար, որովհետև ամեն անգամ տերտերի քթախոտի պարկը լցնելուս՝ նա յուր ականջովը լսում էր տեր հօր օրհնությունը:

— Աստված ծնողիդ հոգին լուսավորեցի:

— Մորս էլ օրհնի, տեր հայր,— ավելացնում էր Բղզեն,— մայրս յուր ձեռովն է պատրաստում Մշու թամբաքուփց էս անուշահոտ բուսնություն:

— Աստված մորդ կոնքերի ուժը շպակասեցնի,— ասում էին տերտերները, բայց երբեմն էլ ավելացնում էին.

— Ուղիղն ասա, եղբայր Բաղդասար, էս անգամի բուռնութուն երկու բաժինը, հենց իմանաս, ծեծած ածուխ լինի, թամբաքուփ հոտը շատ քիչ է:

— Ողջ մեկ է, տերտեր, հոտը գա՛ բավական է, քսակներիս վնաս կլինեն Մշից թամբաքու բերել տալ. փառք աստծու, ձորը լիքն է ուտի ծառերով, անփող, անփարա, ինչքան սիրտդ կուզի, էրի, ածուխ շինիր, փողի արա, մի երկու թուփունի տերև էլ հետը տրորի, երկու հատիկ միակ, հիւ, կոլոլ տաքոցիդ, և ահա բուռնութին պատրաստ է, էնքան քաշեցեք՝ քթներդ մրմռան. ես քաշող չեմ, որ դարդ անեմ:

— Այ տղա, ասած է՝ «շիտակ խոսքը հանաքով կասեն», չլինի թե ուղիղ այդպես է:

— Կեսն է հանաք,— կատակի էր տալիս Բղզեն ու տերտերի պարկը լցնում ու յուր էջը քշում, գիտենալով անշուշտ, որ շատ չի տեխի՝ մեկի հետ կրկին դեպի տերտերը կվերադառնա:

Բղզեի հաշիվն ուղիղ էր: Օր չլինեն, որ մեկ կամ մյուս պարտապանի մուրհակը չնորոգել տար կամ նոր մուրհակ չավելացնեն յուր ծոցաթղթերի մեջ:

Մի որոշ սահման էր նշանակել նա յուր ձեռաց ապառիկները մուրհակի փոխելու համար:

Խոսք չկա, սկզբում կոպեկներ էին լինում այդ պարտքերը, որոնք աստիճանաբար արասու, հազար դեանի (30 կոպեկի) և ապա մանեթի ու թումանի էին փոխվում: Մի հազար դեանը 5000 դեանի (1 ու. 50 կոպ.) հասավ, նա կշեղվի ձեռնատոմարից՝ մուրհակի կփոխվի. վեց ամիսը մի անգամ էլ մուրհակի սոկոսը գլուխ կդառնա:

Բղզեի առավելությունը մյուս շարժիների վերա այս էր, որ ուրիշների նման երբեք ինքը չէր ձանձրացնիլ պարտապաններին վճարելու կամ մուրհակը նորոգելու. ի՞նչ մի աներևույթ ուժ կար նորա մեջը, որ ամեն մարդու ստիպում էր դեպի պարտաճանաչություն:

Շատ են խոսեցել այդ մասին խելացի մարդիկը և այդ մեծ զորությունը գտել են Բղզեի աչքերի, նոտա հայացքի մեջ:

Մի քանի տեսակ նայվածք ուներ Բղզեն. այլ էր նոր մուշտարու հայացքը. ուրիշ էր ջահել աղջիկներինը և նորահարսներինը. սրանց երկուսին միջի եղած զանազանությունը շատ չէր, մի տեսակ քնքրություն նկատելի էր աչքերի, դեմքի, շրթունքների և շարժմունքների մեջ, ձայնն էլ, կարծես, կորցնում էր յուր բնական խոսքությունը և մի քաղցրանվագ առածդականություն էր ստանում: Պատավ կանանց հետ առևտուր անելու ժամանակ աչքերի բիրբերը շուտ-շուտ էին պտույտներ անում, մի կիսահեղձական արտահայտություն էին զգալ տալիս խոսակիցներին, բայց ոչ այն չափով, որ սրտնեղելու իրավունք ունենան. գլուղերումը նշանակություն և իրավունք ունեցողների հետ խոսելու ժամանակ նորա աչքերն իրանք իրանց կորանում էին և խորին հպատակություն ու ակնածություն էին արտափայլում, պարտապաններին մուրհակ տալու կամ նորոգելու հիշողություն անելիս բիբերը մի քանի վայրկյան դադար էին առնում շարժողությունից և հենց իմանաս, թե դուրս էին թողնում իրանցից անեղներից էլ բարակ սուր-սուր նետեցի տրցակներ (կապեք) և շող էին տալիս պարտապանի սրտի խորշերումը:

Այդ ժամանակ, ինչքան որ խստասիրտ կամ յուր հաշիվների մեջ անճշտություն սիրող պարտապան լինում էր, ինքն էլ շտապում բարև տալ Բղզեին, կանգնեցնել և հիշեցնել նրան յուր պարտքը:

— Բղզե ջան, ի՞նչ անենք, որ երկու օրից փողիդ ժամանակն է ու ձեռքս պակաս է,— մոտ է գալիս ձեռքը բողի տղի վզին դնում փողոցի մեջտեղը որևէ մի պարտապան, դիցուք, փարբեցի Մաղաքը:

— Քո ցավը տանի, Մաղաք ջան, ունեցած ժամանակդ տուր, ո՞վ է քեզանից էսօր փող ուզողը, տաս էլ՝ ի՞նչ պետք է անեմ, քեզանից լավ մարդի եմ տալու:

Ի դեպ՝ մեր Բղզեն այժմ քաղաքակրթվել է, նա աշխատում է որքան կարելի է փայտ տալ յուր մայրենի բայազետցու բարբառից, չգիտենք՝ ամոթ է համարո՞ւմ, թե՞ Արարատյան բարբառի ճաշակին է ընտելացել նորա լսողության գործարանը:

— Ուրեմն թուղթը նորենք, մինչև աշունքը կալ ու կուտը կժողովենք, բաղամասիլը (այգեպտոլ) տուն կածենք, հոգիս կպզատեմ,— առաջարկում է ինքը Մաղաքը:

— Ինչպես թո թարի կամքդ կհաճի:

— Թե. էդպես է, էգուց սանադը (մուրհակ) շմոռանաս, հետդ վերցնես:

— Մեկ էլ ընչի՞ եմ էգուց քեզ նեղութիւն տալիս, Մաղաք ախպեր, եթե կկամենաս, թուղթը մոտս է, մեկի հետ հաշիվ ունեի, կապոցը վերցրի, ծոցս դրի, թե չէ ո՞ւմ միտքն է գալիս, տարիներով տան քնջումը թոզերի միջին. ընկած մնում է, երեսին էլ չեմ մտիկ տալիս. մի օր էլ մերս, շիմանալով, աղբի հետ սրբել էր ու տարել աղբանոցը քցել. մեկ էլ մերս ետ է մտիկ տալիս, տեսնում, որ շներն աղբը խառնշտորդւմ են հացի փշրումը գտնելու համար ու մի շուն դնով մի կապոցի պես բան է քանդքնդոտում. բարկանում է, բերնիցը խլում, տեսնում թղթեր, վերցնում է տուն բերում, էլ ետ քնջումը վեր քցում:

— Ախպեր, լավ մարդ ես, որ պարտքիդ թղթերն անտեր անտիրական շարտում ես,— զարմանում է Մաղաքը,— իմը որ լինե՞ր՝ օխտը փակի տակ կպահես:

— Քո արևը, տարիներով միտքս էլ չեն գալիս, Մաղաք ջան, թեկուզ կորչին, էսքան էլ դարդ չեմ անիլ,— նա հոգածութեան շափուր ցույց տվեց յուր եղունգի ավելորդ մասը,— ընչի՞ց եմ վախենում, ես հարամկեր մարդկանց հետ հաշիվ չունեմ, իմս ախպեր-տղերքանց հետ է, որ բոլորովին շտան էլ, իրանց մոր կաթի պես հալալ. ախպերութիւնովն եմ երգում ուտում, Մաղաք ջան, որ էսօր էլ չէի սանադները վերցնիլ, թե որ քեզ պես մի ազիզ բարեկամ երեկ ինքը զոռ արած չլինե՞ր, թե մուրհակս բեր, հաշիվը վերջացնենք:

— Բաս էդ լավ էլավ, հենց էսօր գրենք, վերջանա կորչի:

— Քո քեֆն է:

— Ո՞ւմ գրիլ տանք:

— Հրե, այ, տերտերն իշխանների հետ պատի տակին նստած՝ զրից են տալիս: Աստված իրան փառոց պահի, չի էլ թողալ բերան բանանք, դու էջը քշի դպա ժամի բակը, ես աշքով կանեմ տերտերին, մեզանից շուտ կգա:

— Կավ գրի, աջիդ մեռնիմ, սխալ չգաս, շահը ուզիդ հաշիվ արա, հոգու պարտք է՝ ուտի որդին, վճարի հոգին,— սրտի անկեղծ համոզմունքով աղաչում է Մաղաքը:

— Գլուխն ինչքա՞ն է,— մեջքը եկեղեցու պատին տված՝ նստում է քարի վրա տերտերը, մինչև կոլոտ Բղդեն շող... անելով դեմ է ձգում սև իշուկի վզին մահակը, ձեռքը ծոցը տանում, հանում յուր գրպանից կապույտ կտավի քսակը, զգուշութեամբ ետ է բաց անում երկզը և մի ուրիշ կապոց հանում միջից, արձակում հանգույցը և մի ծալք ծալծլոտած ու

աղտոտած թղթեր դուրս հանում ու մեկ-մեկ իշի համետի վերա ետ գարտում, մինչև որ վերջապես գտնում է Մաղաքի մուրհակը:

— Կավ իզան (հիշողութիւն) ունես, ախպեր Բղդե, որ անկարող տեղովդ կարողանում ես սանադներն իրարից ջոկել,— զարմանում է Մաղաքը:

— Դժվարն աշքդ մի անգամ վարժեցնելն է,— պատասխանեց Բղդեքն,— մեկ էլ որ հենց այր-բենը շափտի իմանանք, որ գրի սև ու սպիտակը զանազանենք, ես էլ իմ գրերն ունեմ, այ, մտիկ տուր, սրանք են իմ գրերը:

Արդարև, ամեն մի մուրհակի արտաքին ծալքի վերա շինական նշանագրերի նման որոշ խաղաղվածքներ կային գծված. նոցանից յուրաքանչյուրը մի պարտապանի անունն էր: Բղդեի՝ յուր սեփական մտքի ծնունդն էին նոքա:

Յուր բազմակողմանի ընդունակութեանց հետ՝ մի սուր հիշողութիւն ես չի վլացել Բղդեին բնութիւնը. նա գիտե ամեն մի մուրհակի բովանդակութիւնը, գումարի, տոկոսի, կրկնատոկոսի հաշիվը և ամսահամարը, նա ամսով առաջ հաշված և պատրաստված ունի առաջիկա ժամանակամիջոցի դրամագլխի որքանութիւնը և նա այդ անում է, հաստատ գիտենալով, որ յուր պարտապանն այժմ վճարելու չէ յուր պարտքը:

Ահա Բղդեն գտավ Մաղաքի մուրհակը— փալասից ետ տված լեղակի գույնով կապտացած մի փոքրիկ թղթի կտորը և տվեց տերտերին:

— Օրհնած Մաղաք, դե ասա, թե գլուխը ո՞րքան է, մեկ էլ աշք ցաւ վացնենք, կարդանք, ծերացել եմ, աշքերս լավ չեն տեսնում:

— Գլխի մասին էլ մի հարցնիլ, աջիդ մատաղ,— սրտի ամենամութ անկյունից մի հառաչ է արձակում խեղճ Մաղաքը,— թե գլուխն ետ ուզում իմանալ, մի պոպոք (ընկույզ) մեծացել՝ ձմերուկ է դառել. մեր տնեցիք ասեղ-մասեղ էին առել, էլ չէին մտածել, թե մի բուռն ալյուր, մի ամանով չիր ու փշատ տան, վերջացնեն. մնացել էր նիսիա (ապտոնիկ), իմ արխալղի համար էլ զայթան (եւրիզ) ու կոճակներ էին հարկավոր, էն էլ վրեն ավելացրինք, գարնան թագավորական խարչից (հարկ) մի մանեթ պակաս էր, օխտը դուռն ընկա՝ տվող չելավ, յասաուլն ու զազախը չէին թողնում, թե ոտս ոտի առաջ դնեմ, դամշի (մուրհակ) էր, որ թիկունքսխառը, ուսագլխներիս հասնում էր. մնացել էի մոլորված, շնորհակալ եմ, սորա հերը լույս գառնա, էն կողմիցը դուրս եկավ, հալս տեսավ յուր բարի աշքովը, առանց իմ բերան բանալու ինքը մոտ եկավ, քիսեն հանեց, մանեթն ունեցրը գցեց, մեջքիս դաղդղորիկ գալը կտրեց, երկխեքանցս տակի կարպետը ծախելուց ազատեց: Հին պարտքն ու նորը հաշվեցինք, էլավ հինգ հազար դեան տասը շահի (1 մանեթ 65 կոպեկ):

Քահնգ գլուխ արինք, դառավ վեց հազար դեան. ժամանակին ձեռքներս չհասավ, որ տալինք, յախեքս (օծի՛ք) ազատեինք, հիմի հինգ մանեթից ավելացել է. էնպես չի՞, ախպեր Բղղե:

— Միտքս չի գալիս, գիրը կխոսի, ինչ որ կա՛ կա, իմ ասելովը չի ավելանա, քո խոսքովը չի պակասիլ, եթե ուզում ես, քո գլխին մատող լինի, թուղթը ճղենք՝ կորչի:

— Վա՛, աստված էն օրը մահ տա, Բղղե ջան, մեր հոգու պարտքն է, քեզանից քաշեմ, կտրեմ, քո դառը, հալալ քրտինքին շար աչքով մտիկ տամ, ո՞ւմն ուտացնեմ:

— Ախար ընչի՞ հք ծոծոացնում, ձգձգում, ինձ նեղություն տալիս, ա՛յ որդիք, դուք երկուսդ էլ անպատճառ ձեր առնելացուկի ու տուլացուկի հաշիվը լավ գիտեք, ասացեք ու վերջացրեք. մեկ էլ աչքերիս զոռ շանեմ, — արդար արտունջ հայտնեց հազարով և կոկորդը մաքրելով տեր հայրը և ճարահատյալ սկսեց շուտ-շուտ կարդալ:

— Դե՛ որ էդպես է, ջրի նման սուար (առագ) կայրող ես կարդալ, ա՛յ տերտեր, ի՞նչ ես մեկ խոսացնում, կարդա՛ ու պրծի՛, — իրավամբ կշտամբում էր տեր հոր ուշացնելը Մաղաքը: Բայց Մաղաքի պահանջն արդարացի չէր. տեր հայրը ինչ արագությամբ որ սկսեց մուրհակի կարդալը, նույն ձևով շարողացավ մինչև վերջը հասցնել, կիսումը հանկարծ կանգ առավ էր՝... Ը՛... Ը՛... Ը՛... ծորելով՝ մատներին ծայրով սկսեց աչքերը արորել:

Ավելորդ թող չլինի կրկնել տեր հոր կարդացածը. «Զորություն գրույս այս է, որ ես Փարբի գլուղի բուն բնակիչ Սեթոյի Մաղաքս վեր առի և պարտ եմ Կարբի գլուղի վերաբնակիչ Գսպեի Բղղեից, այսինքն՝ շարչի Բաղդասարից...»:

Հենց այստեղ կանգ առավ տերտերը, թուղթն աչքերին մոտ բերեց և Ը՛... Ը՛... Ը՛... անելով, ամեն մի Ը՛... հնչյունի հետ գլուխն էլ հաճախակի տմբոմբացնում էր:

— Դե՛, Բղղե ջան, վրա քցի՛, ստա՛, տերտերին նեղություն մի տալ, — ընդհատեց Մաղաքը:

— Վալլա՛հ (հանուն աստծու), լավ միտքս չի գալիս, կարծեմ, գլուխը պետք է լինի երկու թուման, տասն ու հինգ շահի (6 մ. 15 կուպ.), — վրա բերեց Բղղեն:

— Վա՛յ գլխիս, — թափահարվեց ոտից գլուխ Մաղաքն և ասամներն անգիտակցաբար մին մնի կպան՝ ճիշտ պղնձագործի սալի վրա մի քանի հոգով միմյանց հետևից կոանահարողների հարվածների նման. նորա ուսերբի մինը բարձրանում, մյուսը ցածրանում էր, մարմնի ամ-

բողջ շղերը շամփուր-շամփուր ցնցվեցան, և լեզուն բերանումն ինչ-որ սնհասկանալի հնչյուններ էր շաղփաղփում:

— Ի՛նչ պատահեց քեզ, օրհնյալ լինիս դու, Մաղա՛ք:

— Ոչի՛նչ, ոչի՛նչ, տերտեր ջան, գրի՛, ինչ որ ախպեր Բղղեն ասում է, դրան ավելի լավ է հայտնի, թուղթն ամեն օր կշտին է՛ կարդալ կտա, կիմանա. մեշտեղը վեց ամիս է անցկացել, ինձ պես հազար ցավ ու հոգսի տեր, մտքամոլոր մարդի մտքին բան կմնա՞:

— Ինձ չե՞ս հավատում, — զարմանք հայտնեց Բղղեն:

— Դե՛, քանի՞ գլխանի եմ, որ չհավատամ, երևում է՛ ես եմ սխալ, իմ կարճ խելքովը հինգ մանեթ ու մի քանի սև փող էր, հալբաթ ճուտեր է հանել:

— Փառք աստծո, տեր հոր ձեռքին է, քո էլ մուրհակն է, թո՛ղ տերտերն յուր օրհնած բերանովը կարդա. դու էլ գիտես, վերևն աստված էլ, ներքև բանդեն (մարդ) էլ, որ ես ոչ գիր գիտեմ, ոչ դալամ: Աչիդ մեռնիմ, աչքերիդ մի լավ զոռ տո՛ւր, ճմոխ՛, թո՛ղ ջուրը թափվի, գրածները լավ ջոկի, — խնդրեց Բղղեն, — մարդ ենք, հողեղեն ենք, սխալական ենք, օրը հազար մարդի հետ հանդիպում եմ, կարելի է, մոռացել եմ, երեկվա կերածս միտքս չի, վեց ամսվան գործն ի՛նչ կմնա:

— Ը՛... Ը՛... Ը՛... — կրկնում է նորից տերտերը և աշխատում գիր կապելով մի բան գոյացնել, — հո՛... ինի՛... նո՛... չէ՛, չէ՛, հենց իմանաս իշի նման է... եչ... րէ...

— Սաքի էլ ընչի՞ ես գլխիդ ու աչքերիդ նեղություն տալիս, քո աչին մատաղ, — ընդհատեց Մաղաքը, — մեր Բղղե ախպերը մի քանի շահու համար յուր հոգին հո՛ սևացնելու չի. թե որ ասում է՛ երկու թուման տասն ու հինգ շահի է, հենց էդքան էլ կլինի. էգուց չէ էլոր, գարնան Մողնու ուխտի շաբաթ օրը, ժամանակը լրանում է. հաշիվ արա՛ էս օրվանից մինչև նավասարդի պաս երկուշաբթին, ինչքան շահ կրանի՛ վրեն արի՛, տասին երկու շահով խզրզի, մատս հուպ տամ՝ վերջանա: Ինչ-քա՛ն կրանի, Բղղե ջան, դու ինքդ հաշվի, դու ավելի գլխի ես (հմուտ ես):

— Ես ի՛նչ գիտեմ, ախպեր, տերտերի ոտը մեր գլխիցը շատ գիտի:

— Օրհնած, օրը մինչև իրիկուն դու ես փողի հետ խաղում, էս հո՛ հոգվոց» չի, «պահպանիչ» չի, որ աչքդ բաց ու խուփ շարած՝ հինգ անգամ ջրի պես ասեմ ու փեշս թափ տամ, ես կանգնեմ, ախլ տվողի ձեռին մտիկ տամ, թե ինչ պիտի հանի քիսիցն ու բուռս դնի:

— Շահը գլուխ արած՝ մի՞նչև նավասարդը կրանի ճիշտ, մի սև փող ոչ ավելի ոչ պակաս, երկու թուման ու կես ու մի շահի, թող շահին էլ մեր ախպեր Մաղաքի ցավը տանի, — հաշվեց և առատորեն նվիրեց կուտը:

— Օ՛հ, միսս սրբարթաց, էդ ի՞նչ ասացիր, Բղզե ջան, ասա հենց էս օրվանից երեխքանցս կուտր բռնեմ, շուրն ածեմ:

— Ընչի՞ ես նեղանում, Մաղաք ջան, բոլորը քեզ մատա՛ղ, ահա առ էս մի մատը թղթի կտորը, պատո՞ր ու շարտի, ես չեմ ուզիլ, որ իմ ձեռքից քո մի մազը թեքվի. մենք ախպերաղերք ենք, տես ու ծանոթ, աղ աւ հացկեր ենք. ի՞նչ ես հրամանք անում, աչիդ մեռնեմ, տեր հայր, քո կարգն ինձ գունդ ու կծիկ ածի, թե խոսքումս սուտ գտնվի:

— Զէ՛, ախպեր, շատ շնորհակալ եմ, քո հատ սե փողն ինձ լեզի թող լինի, մորդ անուշ կաթի նման քեզ հալալ ու մարսական. թե որ երկնային թագավորն իր ողորմության դռները բաց կանի, իր քաղցր աչքովը մեզ մտիկ կտա, հողը գցած բերքերս անվնաս տուն կածենք, բաղերն էլ երես կտան, կարկսից, թրթոցից, ցասումից, ցավ ու շոտից մասիլներս (եկամուտ) ազատ կպրծնի, մենք էլ քո մոտ սևերես շենք մնալ, թե չէ, տերը մի՛ արասցե, լեզվիցս թռչի, քամին տանի, մեր ծովացած մեղքերի համար աստված գլխներս խոռով կկենա, յուր բարկութունը մեր վրա կթափի, էն էլ իր սուրբ կամքն է, վերջին շապիկս կծախեմ, տաշտիս տխամորը (խմուռ, մայա, խաշ), երեխքանցս բերնի պատառը կխլեմ ու հոգիս շեմ սևացնիլ ու հետո վիղս մի գութանի գնջիլ (շղթա) կքցեմ, անմեղ խմորակերների կուտր կբռնեմ, երկրե երկիր քարշ կգամ, կմուրամ, ժողովարարություն կանեմ և ուրիշի դառը քրտինքին խեթ շեմ մտիկ տար Գրի՛, տերտեր ջան, գրի՛, ինչ որ Բղզե ախպերն ասում է. աստված ողորմած է, թե որ մեռնիլ չենք՝ կվճարենք, դու ողջութուն, առողջութուն ասա, ամեն բան հեշտ է:

— Տերն ինքը կողորմի, որդյակ, մի՛ վախիլ, աստվածահայր մարգարեն Դավիթ յուր օրհնաբանյալ սուրբ բերանով ասել է, թե՛ «գութն զոր փորեաց և պիղեաց, ի նոյն անկցի և խորխորատ զոր և գործեաց». այսինքն՝ թե խոր հորի ու փոսի բերնին էլ որ կանգնած լինես, իմ անունը որ տաս, արագահաս սուրբ Սարգսի զորութունովը կողբիդ կանգնած եմ, կունիցդ կբռնեմ, ետ կբաշեմ, չեմ թողալ, որ գլորվես, գրի մեջ ընկնես, քիթ ու պտունկդ շարդես:

— Որ էդպես է, տեր հայր ջան, գրի՛, մեռնեմ սուրբ Գրիգորի զորութունին, ընդուր համար է եկել մեր բաղերի՛ միջին իրեն համար վանք շինել, որ մեր կռանը կենա, թե որ մեր սուրբը արար-աշխարհքի կատաղածներին փարատում, փրկում է, փարբեցուն կթողա՞, որ Բղզե պես մարդի առաջին ամոթով մնանք, էնպես չի՞, ախպեր Բղզե՛:

— Մառա՛ եմ սուրբ Գրիգորի զորութունին, — երեսին խաշ քաշեց Բղզեն:

— Դե, գվիթ-ղալամդ (գրիչ-քանափաման) հանի, Բղզե, — աչքերի՛ հայացքով ցույց տվեց տերտերը Բղզեին յուր գոտին:

Բղզեն հանեց յուր գոտկածալից պղնձյա երկայնակոթ աօտական թանաքամանը, հանեց կոթի դատարկութունից սագի գրիչը և դրեց քարի վերա՝ տերտերի կողքին:

— Դե թուղթ էլ հանի, որդիս, շուտ արա, ես «տունն փարատումի» պետք է գնամ, Բարչոյին տղա է ծնել, եկող շաքաթ մի լավ կնունք ունինք օտեղու, օրհնած Բարբոն անբուն ցեցերի պես ոսկիքը հավաքել է ու մի հիշատակ չունեմ, որ իրանից հետո շուն ու գիլի բաժին շղառնար, հիմա, փառք ասածո, արու զավակ ունեցավ, իր աշխատածն իր տանը կմնաս:

— Այ մեռած Բղզե ախպեր, — ծաղրել սկսեց Մաղաքը, — ասում ես գիր ու զալամ շփտես, բայց քյանդիրբադի (խառախաղաց) տակի մասխարի պես հպարտ-հպարտ գվիթը գոտիկդ ես խրել, գլխիսն էլ երևացնում, տեսնողներն էլ կասեն փիլիսոփա ես, երկնքիցն ասողեր ես վեր բերում:

— Դե, ի՞նչ անեմ, շուտ-շուտ պետք է գալիս, քանի՞ գեղում թանաքաման կճարես, Աշտարակը մի կողմը դիր, որ մի քանի հատ կա, մնացած գեղերը բոլորը կրակ տուր, մեկը շեմ գտնիլ:

— Կուզե՞ս մեկի տեղակ երկուսը դուս բերեմ մեր տանիցը, ո՞ւմ ես վեր քցեմ, գեանտվը տալիս, օրհնած Բղզե, — վշտացավ ամենայն իրավամբ տեր հայրը:

— Սա մեղա ասածու, տերտեր ջան, քո ոտի հողն ու մոխիրն եմ. իմ անկիւրս քո համար չէ, քո հատն էս Կարբու մհալումը (գավառ) ո՞ր գյուղումը կճարվի, դու մեկ ես, որ կաս:

— էպվ, լավ, պրծի, թուղթը հանի, հանաք եմ անում, — քաղցրացավ տեր հայրը:

Բղզեն ետ բաց արեց սև փշուկին դեմ ընկած խուրջինը, հանեց կես թերթ թուղթ, նրա կեսը կտրեց, ինամքով ծախեց, պահեց, մյուս քառորդը ավեց քահանային:

Վտութունը մի քանի քուպե տիրեց. լավում էր միայն գրչի ծանր ու անհաստատ ճեճոտը. ճեճոտ գրագիտք, առանց տեսնելու, հետո տեղից կարող էր հաստատապես վկայել, որ գրողն անփորձի մեկն է, և ձեռքերը դողում են:

Վերջացրեց տերտերը մութնակը և մի թեթև հազով կոկորդի լարերը մաքրելով՝ գլուխը բարձր բռնած՝ սկսեց կարդալ. հասավ մինչև շարաբաստիկ «վեր առի և պարտ եմ»-ը, բայց առաջվա պես էլ կանգ չառավ թշվառական նախադասութեան վերա, քնդհակառակն՝ լավ հասկացնելու համար շեշտեց՝ վեր առի և պարտ եմ Գուպի Բղզեից, «այսինքն՝ Գուսա

նեմ. աշխարհը էջմիածնի պտղին հավաքելու, թե ցորեն կհավաքեք, երկու կոտ ավել կլցնենք քեզ բաժին, բայց եթե գինի կժողովեք, մի մեծ ուսաբողոզ գինի ավելի շուտ կտամ տկի մեջ, որ անուշ անես, ինձ համար աղոթք անես, Բղղիի պարտքիցը շուտ պրծնեմ:

— Օրհնյալ լինես, Մաղաք, կղրկես, բաս ի՞նչ կանես. դու միշտ տվել ես, էլի կտաս, դու որ կաս, մեր տան մերուն հավերից մինն ես, քո ձուռն միշտ կերել ենք, էլի կուտենք. թռչկանն էս մեր Բղղեն է, որ քչիցը տարին հինգ մուրհակ գրել է տալիս էն օրից, որ խուրջինն յուր ուսից վերցրեց, յուր անբաժան ընկեր, մոխրաթավալ, հնադանդ, բոշի տղա, սե իշի շալակը գցեց. ամեն գրելուս մի-մի բան խոտտանում է ու անցուկ-մոռացուկ անում, ականջի քամակը գցում: Սրան ներելի է, կարբեցի է, սատանախար կարբեցի է:

— Մասիսի գլխի արևն ես հրամանք անում, էլի, տե՛ր հայր.— չեշտեց կատակ անելով Մաղաքը:

— Միայն այդ չի, որդի, էլի կա, չգիտե՞ս:

— Այ, տերտեր, ես էդ մեկն եմ լսել, հրամանք արա տեսներն:

— Եթե ամեն բան գիտենալիք, դուք էլ ինձ պես բաբունի կլինեիք.— Կենարավական պատասխանեց քահանայն և պատմեց հետևյալը:

— Երբ որ շարն սատանեն, անիծվի ինքը, կործանվի, անշարժ քարի տակն եղիցի, իմացավ, որ կարբեցին արևն իրանից շուտ տեսավ, Գնքը սևերես, ամոթով մնաց, միտք արեց՝ մի հնարքով երեսի կեղտը սրբել խոսքի տակ չմնալ:

— Եթե դու այդքան գիտուն ես,— ասաց նա կարբեցուն,— կնշանակի մի պատիկ սատանա էլ դու ես. արի եղբայր դառնանք, աշխատանքի կայլենք, առևտուր անենք, թե կուզես՝ վարուցանք անենք, դատումը (օգուտը) հավասար բաժին անենք:

— Շատ լավ,— ասաց կարբեցին, ու մեջները համաձայնություն կայացավ:

— Ի՞նչ գործ բռնենք, որ օգուտը շատ լինի,— մտածեցին նրանք ու վերցրին գազար ցանեցին:

Տարին անձրևային էր, գազարի թուփը մի գաղ քարձրացավ:

Սատանեն, զորթ է, սատանա է, ճարպիկ ու զալում է, բայց մարդիկ մոլորեցնելուց ու մեղքի մեջ գլորելուց ավելի ուրիշ շնորհքներն աստված նրանից կտրել է. նա յուր կյանքումը հողագործություն չէր արել: Բայց ի՞նչ կանես, որ աշքածակ է. միտք արեց, թե ինչ հնարքներ գործ դնի, որ կարբեցուն խաբի, օգուտից զրկի:

— Արի,— ասաց,— կարբեցի եղբայր, էլ դու նեղութուն մի՛ քաշիր գազարը հնձելու, ես ինքս կհնձեմ, երեսն ինձ՝ արմատը քեզ, ես

ինքս կերած չեմ, բայց լսել եմ, որ գազարի արմատը թփերիցը համեղ է: Կարբեցին մտիկ տվեց սատանայի աչքերին, յուր սուր խելքովը նրան ոտից գլուխ չափեց, տեսավ, որ էդ անպոզի հենց անունն է սատանա, ինքը կատարյալ անասունների անասունն է, երևում է, որ գազարի հոտն էլ չի առել, ծիրանի ու դեղին գուլնն էլ չի տեսել:

— Շատ լավ,— ասաց նա սատանին,— թող քո ասածը լինի, քեզ փեշքիաշ, գնա երեսը հնձի, վեր կալ, տակը թող ինձ մնա:

Ուրախ-ուրախ հնձեց սատանեն գազարի տերևները, գեղացու պատկերի մեջ մտավ, մի մեծ սել լցրեց ու տարավ Երևան ծախելու:

— Գազար եմ ծախում, գազար եմ ծախում,— քանի ուժ ունեիր սկսեց գոռալ ու մուշտարիք տաքացնել սատանեն:

— Հիմար գեղացի,— լսողը պատասխանեց,— էշն ինքդ ես, որ ուզում ես մեզ իշացնել. ո՞վ չգիտի, որ գազարի թփերն էշն էլ չի ուտում:

Ղորթ որ շփոթված ու մոլորված կանգնել էր սատանեն շաշի նման, բերանը բաց:

Մեկ էլ, ի՞նչ տեսնի, յուր հարակաշ (ընկեր) կարբեցին գազարի բեռն իշին բարձած՝ բերեց մեյդանումը վեր դրեց: Բաղմությունը գլխին հավաքեց, ձեռաց մարդի ապրանքը ծախվեց, փող դառավ:

Առնողը ետ էր դառնում, սատանին անպատվում, թե՛ անխելքի որդի անխելք, աչքերը շորս բաց արա, գազարի թփերն իշի նման դու կեր ու արմատները բեր մեզ ծախիր. էս մարդիցն օրինակ վեր կալ, սա էլ քեզ նման մի գեղացի է:

Չարն սատանեն սրտի հերսիցը (բարկություն) սեպցավ, կուպր դառավ, ինչպես յուր պիղծ հոգին սև է, ամոթիցը տեղն ու տեղը անդունդը հալածակվեց. բայց սատաները կրճատացրեց կարբեցու վերա, թե՛ սատանա չըլնեմ, եթե վրեժը չհանեմ:

— Առա՞վ վրեժը, տերտեր,— հարցրեց Մաղաքը:

— Հողը գլխին, ցեխն արևին առավ. մյուս գարունք էլ եկավ, կարբեցուն առաջարկեց ընկերանալ: Նա էլ համաձայնեց:

էդ տարին հացի թանկություն էր, վճռեցին ցորեն ցանել:

— Չէ՛, ախպիր,— ասաց նրան աշունքը սատանեն,— հերու գազարումն ես վնաս քաշեցի, խարվեցի, երեսը ես վերցրեցի, տակը քեզ տվի, էս տարի մեռել ես, կտրվել ես, արմատը ես պետք է վերցնեմ, երեսը քեզ տամ, հնձի՛, առ գնա, կուզես ինքդ կեր, կուզես տավարիդ ուտեցրու:

— Համ ինքս կուտեմ, համ տավարիս կուտեցնեմ,— պատասխան տվեց կարբեցին և մարանդուն (մեծ մանգաղ) դրեց, ցորենի արտը հողի բերնիցը հնձեց, վերկալավ, անպետք արմատը սատանին բաժին թողեց:

— Էս բաների համար է, որ կարբեցոնց «սատանախար» են ասում,— շարունակեց տերտերը և դարձավ դեպի Բղղեն:

— Դե, Բղղե, որդի, օրհնյալ լինիս, ետ բաց արա խորջինիդ բերանը, տեսնենք թո հալալ սրտիցդ ի՞նչ է բխում տերտերիդ համար, ի՞նչ ևս շնորհում:

— Երևան գնալիս քեզ համար մի քթի աղլուխ կբերեմ, պարտքս լինի:

— Չէ՛, որդի. ասած է՝ էգուցվան բանին ձյուն է եկել, էս օրվան սև փողն էգուցվա, սհպարդոանից (30 կ.) լավ է. հանի, ինչ որ տալու ես, հիմի տուր:

— Դե հիմի գիտես, որ մորս շինած, անուշ հոտով բուռնութունցն ավելի քեզ վայել բան չունեմ:

— Շանիցը մազ պոկելը խեր է,— ծիծաղելով ասաց տերտերը և հանեց յուր քթախոտի պարկը, լցնել տվեց:

— Երեխեքանց համար էլ մի քիչ ծամելու մաստակ տուր,— ավելացրեց տերտերը:

Շատ շողքորթ հաճոյախոտութուններ գործ դրեց ընչաքաղց կոլտ Բղղեն, որպեսզի մի հնարքով քահանայի աննշան պահանջից ազատվի. բայց, տերտերի խրատական խոսքերի՝ բոպեական տպավորության տակ՝ ստիպվեց մի կտոր-ծամոն պարգև ուղարկել նորա սիրելի զավակներին:

Ժ

ԿԱՐՔՈՒ ԿԱՆՍԵՂԸ

Քասախ գետի ձախակողմյան ափին, Կարբուն հանդիպակաց մի ընդարձակ դաշտավայր շատ անհիշելի տարիներից անջուր ընկած էր:

Մշակելու, վարուցանքս անելու համար չէր պետք զալիս ամայի հովիտը. չու գնացող չոբան-քեարանների և քրդերի՝ անասունների փորն էր կշտացնում, Աշտարակի նախիրն էր ծնկնահար խինալի խոտը ուտում և փխփխալով կաթը տալիս:

Արայի մեծանիստ լեռան շրջապատի արևմտա-հյուսիսային ստորտուն է մեր ասած տեղը:

Արայի հնադարյան, պատմական, վեհապանծ սարը՝ ընդհատված յուր շրջակա Մաղկոցաձորի և Փամբակու լեռնագոտիներից և հսկայական Արագածի բարձրավանդակութունից՝ գոռոզաբար բազմել է այն լալնատարած տափարակի վերա: •

Արևելքից, Արայի լեռան քղանցքը համբուրելով, սահում է դեպի Երևան կարկաշածայն Հրազդան-Չանգուն. արևմուտքից՝ սարի ստինքից դուրս բխած աղբյուրների ծորակներն յուր մեջն առած՝ հորդանում է համեղաճաշակ և առողջարար Քասախը:

Այս երկու անվանի գետակների շնորհիվ արգավանդության հուշակ է ստացել Արարատյան բարեբեր դաշտը: Ժողովրդի բերանում ավանդաբար այսօր էլ ասվում է. Զանգուն օրական մի լիտր ոսկի է տալիս, Քասախը՝ մի լիտր արծաթ:

Նիշյալ տափարակի վերա դարավոր ժամանակից, կողք-կողքի տված, ապրում են բավականին ավերակներ: Շենքից շնորհքից՝ արտաքուստ գյուղատեղի նմանութուն ունին ավերակները, հավանական է, որ հնումն այնտեղ բանել է մի աշխատասեր ժողովրդի գութանի սուր խոփը, խմելու համար օգտվելով Քասախի ջրից. բայց ի՞նչ կանես, որ առաջ էլ լավել է, այսօր էլ լավում է, որ ավերակները Կարբու կալատեղերն են եղել, դրանով հաստատվում է, որ մեր հին նախնիքը մեր նոր պապերից շատ խելացի են եղել. հենքը հասկացել են, թե ուր գազաշափ խոտը ամիսներով թարմ կմնա, այնտեղի ցորենն ու գարին առանց ջրի կբուսնին ու կածին, իսկ նորերը կամ մեծ կարիք չեն զգացել, կամավ խոպան են թողել, կամ թե՛ Արայի սարի անհամար այրերում բնակալած ավազակների խմբերի երկյուղից՝ քոլով բավականացել են և այն արյունի հոտ եկած տեղերից հեռու են փախել:

Քսան-երեսուն տարի է, սակայն, որ մենք հին պապերին նմանեցինք, այդ առատաբեր, մեծատարած դաշտը մեկս մեկու ձեռքից խլեցինք, մոտակա գյուղերի վերա բաժին-բաժին արինք, պատմական գոված ցորենի տեր դառանք, չոբանքյարի անխիղճ ավերածութունից արոտներն ազատեցինք և մեր նախրի համար ընդարձակ արոտատեղեր պահեցինք:

Ամենայն իրավունքով, ուրեմն, ներկա կարբեցին էլ յուր բաժինը կստանար: Կարբու կալատեղերը իրենց շրջակա հողերով նրանցն էր և նրանց մնաց:

Այնտեղ է կալում այժմ կարբեցին Արայի դաշտից հնձած ցորենը, ավերակների մեջ է տեղավորում առժամանակ յուր դարմանը:

Տաժանելի աշխատություն է քաշում կարբեցին, մինչ տեղափոխում է յուր բերքը կալատեղերից. անհուն ձորը, որի միջով անցնում է մեծարդյուն Քասախը, յուր անմատչելի քարափներով կտրել է գետի երկու ափերի հաղորդակցությունը, բայց բնութունը սիրել է յուր բարիքներից օգտվող մարդին. նա տեղ-տեղ բաժանել է իրարից ժայռերի միավո-

բության շարունակութիւնները ու հնարավորութիւն է տվել մոտակա ժողովրդին անցուդարձ անել գետի այս ափից մյուսը:

Ահա՛ այսպիսի մի ձորախորշի մեջ եղած նեղ շավիղ կապում է Կարբին յուր դիմացը գտնվող կալատեղի ավերակների հետ:

Ուղիղ գեպի կալատեղն էր քարձրանում ձորից հեալով խորշին՝ ուր ձգած՝ մի կարճահասակ երիտասարդ:

Գարնան մի ցուրտ առավոտ էր այդ օրը:

Նոտն ու ծաղիկները թեպետ սփռվել էին ձոր ու դաշտերում, բայց խտաշունչ քամին քարից քար, խորշից քունջ դիպչելով կորցրել էր միանգամայն բնության սքանչելահարաշ պարզեանքի գեղեցկութիւնը և անուշ բուրմունքը. անկարգ, անկանոն, մեկ այլ էր ճկում բարակ ցողունները, մեկ ձախ, մեկ վեր, մեկ վար. քիչ էր մնում՝ քարերն էլ տեղահան անի, ուր կանային բույս ու բուսականութիւն:

Չնայած այս դաժան եղանակին և դժվարագնաց նեղ շավիղին, երիտասարդը կովում էր փոթորկալից հողմի դեմ և ձորախորշով վեր էր մագլցում, քննելով քարերի փոսերը, որ վայր չգործվի, քիթ ու մոտթ շարք ու փշուր շանի: Նա շտապում էր: Մի գերեմաստի մահակ բավականին թեթևացնում էր նորա ծնկների հոգնածութիւնը:

Երիտասարդը մի գլուղացի էր. նորա հագուստից ավելի չքավորի, քան թե կարողութիւն տիրոջ հոտ էր գալիս: Գույնն ու ձևը կորցրած մի հնամաշ արխալուղ, տակիցն երևացրած կապույտ օձիքով՝ կտավի շապկի հետ միասին՝ խեղճ հողագործի տեսք էին քնծայում մարդին. նույնը չէին հաստատում, սակայն, երիտասարդի գորշ, հնացած յամանի կոշիկած կոշիկներն և ուղտի քրդից կարած կոպիտ շալ շուխեն. վերջինս չէր համապատասխանում յուր ձևովն ու տարագոյլը տեղական արխալուղին. այդպիսի շուխաներ սովորաբար հագնում են Պարսկաստանից իշաքարավանով ապրանք կրող պարսիկները:

Պարզ երևում էր, որ անծանոթն յուր հայրենի հագուստի մեջ չէ ու երկրագործ էլ չէ: Բայց թե ի՞նչ է, ո՞վ է, ոչինչ չենք կարող վճռաբար ասել. առավել լավ է, մենք հետեւենք նրան:

Քրտինքը ծլծլալով ցած էր իջնում այս մարդի երեսովը և երբ ժամանակ առ ժամանակ վերցնում էր հնոտի արխալղի քղանցքը ճակատի կաթիլները սրբելու, գոլորշին գալարվելով հափշտակվում էր սառը քամուց և անխաղաղ մթնոլորտի մեջ անհետանում:

— Էս անտեր քամին էլ ո՞րտեղից սար ու ձոր գլուխն առավ. տանից դուրս գալուս շատ Գանդարտ էր, չլինի՞ թե խոփս քարին առնի, մտքումս գրածին չկարողանամ հասնել. էն ժամանակն իմ գլուխս էլ ընչի՞ է պետք, լավն էն չի՞ մեռնեմ ու վերջանամ:

Այս տրտունջն անում էր մարդը, երբ ոտքը քարին առավ, գալթեց, վայր ընկավ ու ճակատը դիպավ քարափին ու քերծվեց:

— Օհ, արյուն,— բացականչեց նա՝ ձեռքը ցաված տեղը քննելով:

— Վնաս չունի, տղամարդի կեսը կտրեն՝ այս չպետք է անի. մինչև մարդ դժվարութիւններ չքաշի, հեշտ ու հանգիստ չի կարող ապրել: Էս օր չի, որ ես քաշում եմ, պետք է սորա ճարը գտնել. հենց գիտե՞ս արածը շատ մեծ բան է. օրը մեկ է, գլխիս կարդացած գալլի ավետարանները՝ հազար ու մեկ. շատ նեղութիւն մի տալ, մուշտարու հետ սիրով կառավարվիր, շատ շահ մի վերցնիր, առուտուրիդ մեջ հարամ մի մտցնիր, քրով բավականացիր, որ աստված քեզ շատ տա: Չէ՛, չէ՛, մինչև հիմի լոնցի, էլ չեմ կարող համբերել, մի օր գիծ կովի պես կպողահարեմ, արած լավութիւնը ոտնատակ կտամ, կտորոբեմ: Երեկ վրես հարփ ու զորփ էր անում (սպառնալ), պարտքատերերիդ նեղացնում ես, ասում է, եթե մյուս անգամ լսել եմ, ապրանք չեմ բաց թողալ: Քիչ մնաց, որ ասեի, դու էլ, թո ապրանքն էլ. բայց էլի բերանիս հուպ տվի, միտք արի, որ եթե ջհուտ Աղաջանն ինձ ապառիկ ապրանք չտա, էնքան կարողութիւն չունեմ, որ Երևանից գուտ փողով առնեմ:

Երիտասարդը կրկին վայր ընկավ:

— Մեռնեմ էլ՝ պետք է բարձրանամ, էս է քիչ է մնացել ձորը դուրս գալուն: Տուտու նանեն ասում էր, որ ինքը նետ դնելով չի կարող հասկանալ մարդու գլխի գալացուկը, բայց դարաշի Ֆաթմին շատ էր գովում. նա ասում էր, գետնի տակի գանձ ու հարստութիւնների շափն էլ գիտի՞ բացի տեղը, յուր համար իրավունք չունի վերցնելու, բայց ում ձեռքն է ընկնելու՝ պարզ, աշկարա կասի: Գնամ մի տեսնեմ, եդ փող ու կայանքից ինձ էլ բաժին կա՞, թե՞ մինչև մահս շարչի պետք է մնամ, մեծ ու պստիկի ծաղրուծանակ պետք է լինեմ՝ կոլոտ Բղդե, ծառի որդ, բոշի տղի այսպեր ու հազար ու մի թքանք ու մրանք անուններ պետք է լսեմ, ջհուտ Աղաջանի՛ աչքին պետք է մտիկ տամ, նորա փթանոց թուք ու մուրը պետք է մարսեմ:

— Ախար, արի ու համբերի, մարդ ես՝ դիմացիր. Փարբու տերտերն էլ երկու տող մուրհակ խզմզելու համար ինձ ծաղր է անում, խորջինն, ասում է, թո ուսից վեր առար՝ թո մոխրաթավալ ընկերի շալակը տվիր:

— Կաց, տերտեր քան, շատ չի քաշիլ, թո բարի աչքովդ կտեսնես, որ մոխրաթավալ բոշի տղեն Արաքստանի հրեղեն ձիու է փոխվել, է-օրվա կոպիտ շարչի Բղդեն խոզա Բաղդասար է դառել:

— Դե, սուտ էլ չէր ասում տերտերը, շատ էլ առաջ չեմ գնացել, մի քանի շահի ունեմ գեղեցումը սորա նորա վերա, էն էլ անունը կա՛ ամանումը չկա, ինձ տուր՝ քեզ տամ, ով գիտե, ձեռք պետք է գա՞, թե՞ չէ՞:

էս մի բանը լավ է, որ աշխարհքը դեռ կույր է, մարդիկն իրանց օգուտն ու վնասը չեն ջոկում, շատ մասը տխմար փարբեցի Սեթոյի Մաղաքի օրումն են, փող չեն տեսել, որ պատիվն իմանան, երկու կոպեկ հաշվելու գլուխ չունին, ասածդ հալած եղի տեղ ընդունում են, ուզածդ գրում են, ծոցդ դնում: Երեկ մեկել օրն էր, որ Մաղաքի վերա հինգ մանեթի տեղ երկու թուման ու կես գրիլ տվի. մի քիչ հոգուցս որ ձեռք քաշեի, երեք թուման էլ կգրեի: Բայց էս պատիկ կոպեկներով ի՞նչ գլուխ կգցենք, դրանցով մարդի մարմնից փուշ չի հանվիլ, պետք է հարստանալ, պետք է ջհուտ Աղաջանին հողի հետ հավասարեցնիլ, պետք է մատով ցույց տալու դառնալ. ինչ դար ու փոս էլ առաջ գալու լինի, պետք է լոք տալ անց կենալ:

— Դեռ շատ մի՛ փրթփրթալ, Բղդե,— գլուխը շարժեց մեր կոլտը,— դեռ տեսնենք անատամ դարաշու պառավ Ֆաթմեն յուր ծնոտներն ի՞նչ տեսակ է շարժում:

— Օհ, օրհնյալ է աստված, ձորը դուրս եկանք,— ազատ շունչ քաշեց նա տափարակի բերանին:

Բղդեի ուրախութիւնը կարճատև եղավ. ավերակների միջից, ինչպես գետնի տակից, հարձակվեցին նորա վերա 10, 15 որսկան բարակներ, որսի մեծ ու մանր շներ ու լակոտներ, և հաշոցի արձագանքը մինչև ձորի անդունդը թնդացրին:

— Օ՛շտ, օ՛շտ, ա՛յ շուն, թուլա, կուտու, կուտու, կուտու,— մի քանի սպառնական և համոզիկ բացականչութիւններ արեց Բղդեն, բայց աներես շները ոչնչով չնմանեցին Բղդեի քաջածանոթ գլուղական գայլ խեղդող գամփոներին, նրանք շարունակում են հաշար:

Մի երկու ավելի կատաղիները, առ ոչինչ համարելով մինչև անգամ Բղդեի հաջող մահակաշարժութիւնը, անցկացան գավազանի հարվածից, մինը վարտիքը պատառեց, մյուսն արխաղի քղանցքը դուրս պոկեց և բերանն առած թափեթափ էր տալիս:

Մինչև որ դարաշիքը դանդաղաքալ վրաններից դուրս կգային օգնութիւն հասնելու, Բղդեն հիշեց յուր մորից լսած՝ շների մի առանձնահատկութիւնը:

Չարչի դառնալու առաջին օրվան մոր խրատներից մեկն էլ այն էր, որ երբեք շների վերա փայտ չպետք է բարձրացնել նրանց. հարձակով գործած ժամանակը, ընդհակառակն, պետք է փայտը վայր ձգել:

Նույնն արեց այսօր Բղդեն և շխալվեց:

Շատ շտեկեց Բղդեի բանտարգելութիւնը. դարաշիքը հասան, շներին հալածեցին և այս հոժարակամ կալանավորին ազատեցին:

Գնչուների ցեղերից երեքն են թափառում հայ աշխարհից՝ գլուղներումը— հայ բոշեք (գնչու), մթուղներ և չինգյանեք կամ դարաշիք: Թե առաջինները հին ժամանակն ի՞նչ ծագում են ունեցել և ի՞նչ լեզու՝ իմ գործս չէ, բայց այժմ նրանք հայ են լեզվով և դավանութիւնով, հայ են հագուստով և բարեհամբույր ու խաղաղ բնավորութիւնով:

Ախալքալաքի Մաղկայի գաղթական ժողովրդի լեզուն ու հագուստի տարազն ունին նրանք:

Բոշեքն են մատակարարում մեր աշխարհքին զատկութիւն քաղցր խմորեղեններ և թղթի նման բարակ ու սպիտակ կծկժու լավաշներ շինելու համար շարժաղ ալյուր (նաշիհ) մաղելու շարժաղի մաղեր, սովորական հաց թխելու մաղեր, ցորենի միջից շժեծված հասկերը մաքրող շատարաններ, բրինձ և այլ հացահատիկներ ու ընդեղեններ հստակող խախալներ, ցորենի քարերը ջոկող քարմաղներ և տներ շինելու հողմաղներ: Առաջին երկուսը շատ ճարտարվեստութեամբ գործում են ձիու պոչի մազից, կամ որ նույնն է՝ ձարից, մնացածը հյուսում են կաշուց քաշած բարակ փոկից:

Բոշեքանց ձեռագործներն են նույնպես ուրի բարակ և ճկուն ու ճղնիկներից հյուսած մեր լավաշ թխելու հառափաթեքը, մեր հաց դարսելու, մրգեղեն շորացնելու և գինու կարասների բերանը ծածկող սալաները:

Բոշեքանց վաստակն արդար է, աշխատում են և վարձ են ստանում: Նրանք չունին հաստատ բնակութիւն. վարում են թափառական կյանք և ամեն տեղ վայելում են ազգաբնակչութեանց հարգանքն ու համակրանքը:

Թափառում են բոշեքը խմբովին՝ հինգ-հինգ, վեց-վեց գերդաստան միասին, և ամենայն գլուղ ուրախութեամբ պատսպարում է նրանց իրանց դատարկ մարագներում:

Նրանց բարձրահասակ հաստ ու պինդ ընտիր իշանն են բառնում իրանց վերա բոլոր ծանրութիւնը:

Իջնում են բոշաները մի գլուղում, և գլուղը կենդանութիւն է ստանում:

Բոշի տղամարդը բինումը (իջևան) նստած՝ գործում է մինչև երեկո մաղ ու խախալ, սալա ու հառափաթա. իսկ նորա կինն ու հարսը, կամ

Յենց հասած աղջիկը, կոկիկ տրեխները հագին, մի-մի երկայն հոնի մա-
հակ ձեռքներին, շրջում են դռնեդուռ և վաճառում են:

Արևն ու անձրևը, թափառականությունն ու բաց օդը ծեծում են բոշի
կնոջը, ներգործում են նորա կաշու և գծագրություն վերա, բայց անզոր
են գտնվում խել նրանից նուրբ և սիրուն հաճույական կերպարանքը:

Գտնվում են տգեղներ բոշի կանանց մեջ, բայց մեծամասնությունը
գեղեցիկ և գրավիչ է: Նրանց գլուխն ու երեսը, ներքին ծնոտի հետ բա-
լորված մի ձվաձև շրջանակ են կազմում, որոնց միջին շարունակ խա-
ղում են բոշի խաժական աղջկա կրակոտ, փայլփլուն և կենդանի աչքերը՝
բարակ, շիկագույն, կամար հոնքերի տակից: Ամբողջանում և լրանում
է գեղեցկության կատարյալ տիպը, երբ խորամանկության հետ մի ամոթ-
խած ծայր էլ խաղում է նորա բարակ և նոսր շրթունքների վերա:

Մտնում են ազատ համարձակ բոշի կանայք գյուղացու տունը և
իրանց ապրանքը փոխում են սովորաբար տեղական բերքերի հետ:

Բոշի կնոջ համար ոչ մի փակ դուռը չկա, նա վատահաբայ առաջ
է գնում մինչև վերջին անկյունը՝ եթե տանտիրուհին բակումը չի իրան
գիմավորում:

— Անաներ (մայրեր), բաշիներ (ֆույրեր), խաթուններ, մաղ առե՛ք,
խախալ առե՛ք, սալա առե՛ք...

Ո՛չ միայն տանտերը չի վշտանում բոշի կնոջ ազատ ներս մտնելու
վերա, այլ կատաղի շներն էլ անզոր են գտնվում արգելել նրանց մուտքը:
Բոշի աղջիկը այնպես հաշողակ է պտտեցնում մահակը և շրջանաձև գիծ
կազմում օդի մեջ յուր շորս կողմը, որ գլխից ձեռք քաշած շունն էլ ետ
է ընկնում և ճանապարհ է տալիս:

Գնեցիր բոշի կնոջից ցանկացածդ ապրանքը կամ ոչ, միևնույն է, դու
նրանից չես ազատվիլ՝ մինչև նորա կողքից կախված ոչխարների պարկի
մեջ ժողոված հացերի վերա մի կտոր չավելացնես:

Ահա մի ատելի հատկություն, որով բոշան ընդհանրապես զանա-
զանվում է յուր նստկան կյանք վարող հայ եղբորից:

— Բոշի երես ունիս,— ասում են մեզանում պնդերես մարդին:

Միայլ համեմատություն չէ այս, հայհոյիք, անարգիր, հրիր, կրո-
նիցը բռնիր դուրս ձգիր, բոշի կինը քո տանից դուրս չի դնիլ ոտքը, մինչև
մի բարիք դուրս չտանի. իսկ այդ բարիքներից առաջինը և բոշի կնոջ
գլխավոր օգտվելու առարկան հացն է:

Հազար կրկներ, երգվիր, հավատացրու, թե տանը թխած հաց չկա,
թե վաղը հաց պետք է թխենք, վաղն արի տար՝ անհնար է, բոշի կինը
երեսը դեմ կտա և թովիչ լեզու կթափի, մինչև մի բան դուրս խլի:

— Աստծուն ամանաթ եղնիս (ալմանդ), մանչերուդ խերը տեսնիս,

լուսավորչու լուսեն բաժին առնես, արևուդ սաղաղեն (կյանեդ սիրես):
բոշին բաժին տուր, մի՛ կտրիր:

— Մի մաղ տվիր, երկու մաղ այլուր ստացար, տար հաց թխիր ու
կեր,— ստիպվում ես ասել բոշի կնոջը:

— Բոշան հաց չի ըներ, ջանի՛կս, բոշի ձեռքը խմորին չի կպչիր:

Նա սուտ չի ասում. հավանական է, որ շարունակ թափառականու-
թյունը խել է բոշայից հաց թխելու սովորությունը և այս դարձել է նրանց
համար ավանգակա՛ն նվիրագործված սովորություն:

Մահու շափ հանցանք է բոշի կնոջ համար ձեռքը խմորին դիպցնե-
լը. ամենածանր անեծքը, որ բոշի կինը տալիս է յուր դստերը, այդ խմոր
անելու դատապարտելն է նրան:

— Քեզի տեսնեմ՝ սև առիքին (առաստաղ) տակը ծածկվես, ջուխտ
ձեռքով խմոր էնես:

Հայտնի է, որ հացատուների առաստաղը թոնրի մխից մշտասև է,
իսկ խմորը շաղախվում և թխվում է սև առիքի կամ առաստաղի տակ:

Ամենասիրելի գրաստը բոշայի համար, ինչպես ասացինք, հեզ էջն
է, միակ շորքտանին է, որ նորա հարստությունն է կազմում, նորա
զգվանքի առարկան է, նորա երեխաների ուրախությունն է:

Կով, եզ, ոչխար, այժ հոտերով առաջարկիր բոշային, նա յոթն օրն
ճանապարհ հեռու կփախչի, դրանով դու նորա ընտանեկան պատիվը կա-
րատավորես, նրան կվիրավորես: Նա ինքն յուր սրտի վիշտը գեպի իրան
ցավացնող, ստահակ, անհնազանդ զավակը հետևյալ կծու անեծքով է
դուրս վիժում յուր նեղացած սրտից:

— Քեզի տեսնեմ, օղուլ (որդի), հո-հո էնես, շու-շու շէնես, քուռոյի
(իշի) ձեն շեսս, սև մաքու գառը գրկես, այնպես իմանաս, թե սև իշու
սփան է (իշի ֆուռակ):

Հո-հո հնչումով սովորաբար քշում են կով ու եզանը, իսկ շու-շու
ձայնով վարում են իշին: Բոշեն անիծում է յուր որդուն, որ նա երբեք
յուր կյանքի մեջ չարժանանա էջ քշելու, իշի դոտց լսելու և իշի ձագ գրբ-
կելու: Այս անեծքով նա իշին առավել գերազանցություն է տալիս գառ-
նից:

Այսչափը չեն, որով բոշեքը խոստովանում են իշանց առավելու-
թյունը ուրիշ գրաստներից. շատ ասացվածքներ ու ավանդություններ
ծածկում են նրանք բոշայական շրջանից դուրս գտնված արտաքին աշ-
խարհից:

Հետաքրքիր են նույնպես բոշեքանց հարսանիքների, մահանիքների,
հասարակական ճաշերի և այլ ծեսերի նկարագիրները՝ երգերով ու գոր-
ծով կատարված: Ափսոս, որ իսպառ կորչելու է անհայտություն մեջ: Վառ

խենալով շենթարկվել ծաղրի ու կատականքների այն ժողովրդականե-
րից, որոնց մեջ իրանք կատարում են այդ ծեսերը, բռնաբար աշխատում են
փախուստ տալ պապների ավանդութունից, այժմ նրանք ոչ միայն դա-
գար են առել կատարելուց, այլև մերժում են այդպիսի սովորութիւնների
և երգերի գոյութիւնն իրանց մեջ:

Բռնաբար սովորութիւն են ունեցել պսակված երեկոյին նորափեսա-
յին նստեցնել սառը թոնրի մեջ, նստում էր փեսան և շէր դուրս գալիս
թոնրից, մինչև որ նորահարսը մի երկար ու ձիգ երգով խոստումն շաներ
տունետուն թափառել, վաստակել, մուրալ, անարգանքներ կրել, երեսը
սևացնել, բերել և նրան պահել ու սնուցանել:

Բանաստեղծական բարձր հանճարի ծնունդ կարելի է համարել այդ
երգվածը, եթէ հնար լիներ ձեռք բերել:

Ոչինչ խոստումներ և բարիք իմ կողմից չհրապուրեցին բռնայի պա-
ռավին՝ նորից թելադրել ինձ յուր ուրախ տրամագրութեան վայրկենական
ազդեցութեան ներքո երգածը գրի առնելու:

Բռնայի կինն յուր գլուխն սպանում էր. նա լեզու հանած աղաչում էր
ինձ՝ իբրև ամենագաղտնի խոստովանութիւն պահել յուր հիմարական
լեզվագարութիւնը:

Բոլորովին նման չեն հայ բռնեքանցը հայ աշխարհքի թափառաշըր-
ջիկ գնչուների մյուս երկու ցեղերը— շինգյանները և մթուր կամ դա-
րաշինները:

Չինգյանները մահմեդական շիա դավանութեանը պատկանող մի
ցեղ են, որոնց գործածական լեզուն և հագուստը վերցրած է Ադրբեջանի
թաթարներից: Աղտոտ են նրանք, աներես են, գող են, բայց մի որոշ շա-
փով, նրանց պարապմունքը մաղ ու խախալ ծախելն է. սիրում են նուլն-
պես և բարակ շներով որս անել: Աղվաններ, կուլներ և մասամբ գայլեր,
էժան գնով ձմեռները կարելի է նրանցից առնել: Երբում են նոքա գլխա-
վորապես թուրքերի գյուղերումը, հայերի մեջ մի տեսակ խորթութեամբ են
ներս սողում:

Չինգյանի կնոջ գլխավոր շահավետ եկամուտներից մինն է՝ բարե-
բախտ գուշակութիւններով հայ կանանցը խաբելը. նրանք գուշակում են
առավելապես եղունգի վերա և գավաթի մեջ լցրած ջրին նայելով:

Չինգյաններն իրանց հետ տանում են սև այծի մազից գործած մի
վրան, որի տակին նստելը միևնույնն է, թե բաց օդումը. ամեն կողմից
փշում է, անձրևն էլ շոշոտալով ներս է վազում:

Ամենից անպատիվ, աներես, անհասկացող թուրք և հայ ձանձրաց-
նող, բոլորից արհամարհված ու անարգվածները դարաշի կամ մթուր
ասված ցեղն է:

Ինչ կրոն են դավանում սրանք, ի՞նչ նախնական ծես ու ավանդու-
թիւն ունին, իրանք էլ չգիտեն. ավելի հավանական է, թե սյուննի աղան-
գին հարված լինեն, բայց և ոչ երբեք չեն մտածում կրոնի վերա, խոսում
են մի տեսակ քրդերեն և պարսկերեն լեզուների խառնուրդով:

Սրանք դառն աղքատ են, ծուլ են, գործել չեն սիրում և միայն մու-
րացկանութեամբ են քարշ գալիս:

Զգվելի է դարաշու տեսքը, գործքը, շափազանց աներեսութիւնը,
անասելի աղտոտութիւնը, նիստ ու կացը և վարք ու բարքը: Մարդկու-
թեան խոզերն են իրենց կեղտոտութիւնով այս ատելի, մերկանդամ թա-
փառաշըրիկները. բնտանիք, տուն, կահ-կարասիք, անոթեղեններ ի՞նչ է,
չգիտեն. աղբանոցներից ժողոված հնոտիների կտորներ առանց գունե սա-
ռը ջրի մեջ լվանալու, հաստ մախաթով միմյանց կպցրած՝ փակում է
շափահասների մերկ փորոտիքը և մեջքը. կին է, մարդ է, աղջիկ է, նո-
րահարս է, երիտասարդ է, թե ծեր է՝ հավասարապես կիսամերկ են, ձեռք
ու կոներ, սրունք ու անդամներ, կուրծք ու գլուխ անպատկառար բաց
են. մանուկները հո երկու սեռն էլ միանգամայն մերկ են: Այս ամենը,
իհարկե, մեզ համար է անպատկառութիւն, նրանք ամոթխածութեան վե-
րա գաղափար անգամ չունին:

Մի աղտոտ փալասի մեջ պարանոցովը կապած, լանջի վերա՝ ճրն-
շելով քարշ է ածում յուր հետ ստնտու մայրն յուր երեխային: Զմբած,
ցամաքած, ածխի նման սևացած ստինքը տալիս է մարդակերպ փոքրիկ
լամուկի բերանն ու աչքը շլացած, մեջքը կզացրած, ոտքը կաղալով,
ուժահատ, կիսամեռ հիվանդի դալկացած դեմքով, ձեռքի երկար մահա-
կով շների հետ կոխվ տալով, ձախ ձեռքով մի ուրիշ մերկ երեխա ևս քարշ
ածելով գյուղերի փողոցներում, ճանապարհներին հանդիպողին ձեռք է
պարզում դարաշու կինը:

Մարդ չկա, որ նրանց շանարգե, չհայհոյե, չհալածե. մարդասեր գեղ-
ջուկ հայ կանայքը, որոնց համար աղքատից երես թեքելը մահացու հան-
ցանք է, որոնց ողորմածութեան պատվիրանն է՝ «Տո՛ւր ոսկի գոտին, մի՛
քննի», որոնց համար ամեն աղքատ ու տնանկ, ինչ ազգ ու լեզվից կուզե
թող լինի, աստծու աղքատն է, այսպիսի խնամագութ կանայքն անգամ
շատ հաճախ զզվանքով դուրս են անում դարաշու կնոջը, դարաշու մար-
դուն, դարաշու մանուկին:

— Մայրիկ, աղքատ է եկել, ի՞նչ տամ,— հարցնում է կարեկցելով
դուստրը:

— Ամա՛ն, ամա՛ն, դուրս արա, ներս մի՛ թողնիր, մթուր է, զգու-
շացիր, աչքի սուրմա կթոցնի, դրանց մեծ ու փոքրը բոլորը գող են:

Անուշագիր է մթուրը տանտիրոջ արհամարհանքին. նա ճկվում է,

ուոր-մուոր է գալիս, հաշմ ու արատավոր դիրք է ստանում, երեսի կնճիւնները թշվառի է նմանեցնում ու ողորմութիւն է հայցում:

Քրիստոս, մեր Մայրամն են հայ գյուղերումը նորա մաղթանաք առարկանքերը, խաչակնքելն է գութ զարթացնող զենքը. իսկ պարսկին պատահելուս, մահմեդական գյուղերում՝ Փեյղամբարք, հագրաթի Ալին, Հասան Հյուսեյիններն են նրան օգնութեան հասնողը:

— Մայրիկ, ինչ անում եմ, շեմ անում՝ դարաշու կնիկը չի գնում, — գանգատվում է գյուղացու աղջիկը:

— Աղչի, թող մնա, լավ միտքս ընկավ, գամ քեզ համար վիճակ բաց անել տամ, — ձայն է տալիս ներսից դստեր ապագա բախտով հետաքրքիր մայրը:

Այդքան բավ էր մթոռերի կնոջ համար. նա տեղն ու տեղը ծանր նրստեց շոր գետնի վերա ու սկսեց գովել խորտոտիկ աղջկա դարադաշ (թխահոն) աչքերը, բերանը, քիթը, քայլքը և ամեն ինչը:

Սիրուն օրիորդի քիմքը քաղցրացավ դարաշու կնոջ հաճոյախոսութեանից. մոր բազմապատիկ զգուշական խոսքերը նա մոռացավ, տուժմտավ, գոգը լիքը դուրս բերեց հաց, ալյուր և մթոռերի կնոջ պարկը լցրեց:

Այս գուշակութեան վճարքը չէ, այն փողով պետք է լինի, ապա թե ոչ՝ ֆալը չի խոսիլ (գուշակութեանը չի իրագործվի):

Ահա ստացավ մթոռերի կինը զավակասեր մորից մի երկու կոպեկ և սկսեց անխնա շուռլել սիրուն աղջկա առաջին ամենայն բարիք:

— «Սպիտակ նժույգի վերա, ասողերի տակ թոցնելով՝ նստած է ընչացքը նոր ծրած փեսացուն՝ ձեռքերը ոսկու և արծաթի մեջ. նա գալիս է յուր բախտի ոտքը. վաղուց նա օգր ճղելով թռած, հափշտակած կլինեք յուր գողտրիկ որսը, բայց մի մեծ, անհուն անդունդ նորա առաջին բացված է, մի երկնամբարձ սար ճանապարհ չի տալիս նրան. իսկ այդ վիճն ու լեռը ոչ ոք են, եթե ոչ քանի մի ուրիշ կտրիճներ, որոնք նախանձելով երիտասարդի բախտավորութեանը, իրանք են ուզում անմահական խրեճորի տիրանալ»:

— «Օ՛հ, ինչ երջանիկ ես, խորտ-մորտ աղջիկ, գլուխդ լվանալուս սանրի հետ իջած քո մի հատ մազը աներևութաբար մոտդ կանգնած խտուտիկ աղավնու ոտքն է փաթաթվել. աղավնին բախտ բաժանող հուրինների հրամանատարն է. նա պարզ երկնքի վերայից թեթև հողմին է հանձնել քո մազը, հովն երկար ժամանակ յուր թևերի վերա տարուբերել է անուշ քնով քնած սիրաբորոք երիտասարդների գլխավերևը. շատերի միջից միայն քո ճակատին գրվածն է դուր եկել յուր քաղցր ու սիրուն պատկերով հեզասուր հովիկին, և նա վայր է ձգել մազը շահել տղա-

մարդի աչքերի վերա, երբ նա անուշ երազներով հարբած՝ ժրափած է եղել քնի մեջ: Մազդ խտողեցրել է երիտասարդի աչքերը. նա ձեռքը տարել և վերցրել է երկար ու փափուկ կանացի մազը: Այդ մազը շէր, այլ Չաֆար աղի ճոճուն տեգի սույր ծայրն էր, որ ցցվեց հուրինների սիրելի քաջ խփթի սիրտը, շվիրավորեց, արյուն շոտրս բերեց, այլ կրակ գառալ, վառեց նրան: — Յոթը սարի ետևը լինիս, յոթը թեթեթ երկինքը բարձրացած լինիս, յոթը տակ գետինը. մտած լինիս, ուր որ կաս, որտեղ գտնվում ես, դու իմն ես, իմ ձեռիցը շեւ պրծնիլ, ասաց սիրեկանդ ու թուրը մեջքը կապեց, նժույգի քամակն ընկավ: Խեղճ տղա, ի՛նչ դժվար տեղն է. քամին ուրիշ փրակեզ երիտասարդների քիթն էլ է մտել, նրանք բոլորը զարթնել են, հոտով իմացել են մազի տեղը, յարիդ (սիրահար) առաջը կտրել են և հուրինների պարզկին տիրանալ են ուզում: Ա՛յ, ա՛յ, ա՛յ, ո՛ւֆֆ, արարիչ աստված, դու ազատես, էս ի՛նչ եմ տեսնում ջրի մեջ՝ սուր, կոխ, արյուն, բրդոց, կոտորոց. բոլորն իրար են խառնվել, հարյուրը մեկի վերա են հարծակվել»:

— «Ո՛հ... — փակում է դարաշին աչքերը և ցնցողական շարժումներ անում, — նայեցէք, լավ մտիկ տվեք, զավաթի ջուրն արյուն դառավ, չե՞ք տեսնում»:

Ղարաշին մոր ու աղջկա ուշադրութեանը հրափրում է դեպի զավաթի ջուրը:

— Ոչինչ չի երևում, — հայտնում է մայրը, փակ փեղճ աղջիկը ցանկանա ևս հնարավորութիւն շունի տեսնելու, նորա աչքերը արտասուքով լցված՝ մթնակալել են: Ծթն ամոթխածութեանը արդէլք չլինեք, վաղուց նա երեխայի նման լալիս կլինեք:

— «Մի՛ ցավացնիլ գեղեցիկ աչքերդ, աննման աղջիկ, — աչքի կոպով աղջկա այլայլմունքը տեսնելով՝ ասում է դարաշին, — մտիկ տուր, հուրինները քեզ սիրել են. ահա ոտնատակ տվեց քո սիրահարդ բոլոր մյուս երկշոտ մկներին, նրանցից շատերին կոտորեց, գետնին փռեց, մնացողներին էլ փախցրեց և փշավ ձիւլուցը, պարզ ազբրի ական վերա կոացած՝ Վառնում է արյունոտ սուրբը. ահա նա կրկին թռավ հրեղեն ձիւլ արծաթապատ թամբի մեջ. պատրաստ կաց, նազելի աղջիկ, այսօր է՝ նա կգա, վաղն է՝ քեզ կճկի յուր ուժեղ կոնքերի մեջ»:

— «Ի՛նչ ես գուշն տալիս, գուշն առնում, սիրունիկ, — ժպտալով խրախուսում է դարաշին, — չլինի՞ ձախում ես նորա տղամարդի խժոռ դեմքից. նորա առնական հսկա մարմնի մեջ թաք է կացած մի քնքուշ սիրտ, սերն յուր պահջ դրել է կտրիճի սրտի մեջ. այդ սերը ապրում է, շնչում է քեզ համար ու քեզանով: — Դու ի՛նքդ ես այն սերը»:

Արշալույսին թերթիկները արձակող կիսաբաց կոկոն վարդի թարմ

կարմրութիւնից ավելացավ պարկեշտ կուսի կարմրութիւնը: Նա համեմատորեն ցած թողեց յուր նազիկ աչքերը, և նորա կուրծքը սկսավ մեղմ և պարզորակ լճակի երեսին խաղացող հեզասահ զեփյուռից պատճառած փածանումի նման ելեէջ առնել:

Մթուրբի կինը հասավ յուր նպատակին: Օրիորդից ոչ պակաս ցնծաց որդեսեր մայրը. նա հրամայեց աղջկանը մի հաց ևս վերադիր պարզ տալ բախտ գուշակողին:

— Նանա Մեյրամը (մայր աստվածածին) քեզ բաշխի այս թաղան դուշը (բազն), բաշի,— օգուտ է քաղում հարմար դեպքից դարաշին,— մի հին շապիկ կամ վարտիք տուր իմ այս երեխային, հիվանդ է, մրտմ է. մի կտոր էլ պանիր, միս, ձու, ինչ որ քո քաղցր սրտից բխի՝ տուր, մի խնայիր, որք է, հայր չունի, հինգ օր չկա՝ հորը թաղեցինք:

Ղարաշու կինը հաստատ հավատացած էր, որ մի երկու բան դուր պկտք է տանի այս տանից և շխալվեց:

Մեղավոր շէր գյուղացի հայ մայրը. մթուրբի կինն այնպիսի վրատահությամբ և վարժ է ապագան առաջիդ բաց անում, այնքան ճարտար և կենդանի է նկարագրում և այնպիսի կողմ ու ողորկ ոճով, որ ով ասես կհավատա. իսկ բոլոր գուշակութիւնը կատարվում է տեղական թուրքերեն լեզվով, ապա թե ոչ, մթուրբները հայերեն շատ քիչ են խոսում՝ այն էլ ալաշկերտցու աղճատյալ բարբառով:

Այդ մթուրբների կանայք են, որոնց դիմում է շատ անգամ գյուղացին՝ յուր կորուստը գտնելու համար:

Մի հուսալի երկդիմի պատասխան տալիս է միամիտ նախապաշարյալին դարաշին և յուր հասույթն ստանում:

Մթուրբները, սովորաբար, իջնում են գյուղերից շատ հեռու, ճանապարհների վերա, ջրին մոտիկ: Զինգյանի վրանների նման մի կիսամաշ ծածկոց էլ սրանք ունին:

Բավական է, եթե մի մաքուր հագնված ձիավոր կամ փոստով զնացող ճանապարհորդ տեսնեն մթուրբները: Առանց ժամանակ կորցնելու՝ մոր մի ակնարկից հասկացան և դուրս թափվեցան վրաններից մթուրբ երեխայը շների հետ միասին: Վազում են նրանք ամենայն զորությամբ, նրանց աղաչական ձայները կորչում են վտիտ և ազազուն շների նվազ հաշտցի մեջ. հեռահետի շները հոգնում են, էլ չեն ընկնում ճանապարհորդի քամակից, դադարում են հաշիւուց, իսկ մեր մանուկները մի քանի հարյուր քայլ հետևում են թռչող սայլակին կամ սրընթաց ձիավորին:

Նրանց շունը կտրվում է, ձայները փորն է ընկնում և միայն մի խուլ մոմոց լսվում է. ձեռքերը պարզած ողորմութիւն հայցող մանուկների ոհմակից:

Կաց ու զվարճացիր, եթե ճանապարհորդը իղճաց և մի կուպեկ շաքրտեց ճանձրալի մուրացկաններին:

Ակահչներդ փակիր, որ շսես նրանց բերանից դուրս թափված, միմյանց ուղղած, սնգրելի հայհոյանքները. կուպեկը ձեռքից ձեռք անցավ, ծեծ ու ջարդ, երես ծվատել, խոպու ու կերկերածայն աղաղակներ, նլուվք, անեծք իրար է խառնվել:

Վերջապես մի ավելի ճարպիկը փախցրեց փողը, յուր մորը տվեց, և խաղաղութիւնը տիրեց:

Ահա հենց այս շինգյանաների մեջ նշանավոր Ֆաթմա պառավի մոտ էր դնում մեր բախտախնդրի Բղդեն:

Նա մտավ վրանի տակը:

ԺԲ

ԱՄՆԵԱՅԵՏ ԵՂՈՒՆԳ

«Մի բուռն ավազին թիվ ու համար կա, դեղին շողշողուն իշամեղունները նրանցից շատ են, բզրոցը ականջին դուրեկան է, տվածը սրտի ուրախութիւն է. դառը քրտինքի բերած կուպեկը ուղտի պոչ է՝ չի երկարիլ: Իշամեղուն թող քեզ կծի, թաք ընի դու նորա արյունը ծծի. սև փող սև օրին բանացրու, դեղին ոսկով սարեր դարձրու. ի՞նչ ես հարցնում՝ ո՞վ է, տրորի՛ր վրովն անցկացի՛ր թեկուզ անտակ ծով է. իգիթ մարդի մի ձեռք եղումն է, մինը՝ մեղրումը: Սև իշով գնացած ճանապարհը կարճ կլինի. Քյոտոլու ամպերում թռչկոտող Ղոաթը կատարյալ արծիվ է որ կա. որտեղ հասար՝ ճանկերիդ մեջն առ, ծվիկ-ծվիկ արա, սիրտը քրքրի, փետուրն աշխարհքով մին արա. ուժը քոնն է, ոչ ով չի համարձակվիլ ասել, թե աշխի վերեն հոնք կա. իշամեղուն շատ զորեղ է, ինքը փոքր է, բայց խթանը ջուհարդար պողպատից սուր է»:

— «Միրուն աղջիկն ուրիշի ապրանք է, բայց ուզեցար՝ քոնը կլինի. մեկ երկու պսպղան ոսկով զլխին տվիր՝ հասած ծիրան է, կկաթի, բուռդ կընկնի, ճաշակովդ չէ՛՝ ճխլի ու շարտիր, ուրիշ ծառերի վերա շատ կան»:

— «Կրակը լափեց շներ ու տներ՝ կրակ տվողի սիրտն ընչի ցավի, ձիդ քշիր վրայովն անցկացիր, իշամեղուն բուռն արա գցիր, ո՛չ մտածիր, ո՛չ հոգս քաշիր...»:

— Փա՛հ, փա՛հ, փա՛հ, փա՛հ, հեղեղատի ջուրը վարարել է, սարեր է պատռում, քար ու թումբ է քանդում, ամեն բան կուլ է տալիս... է՛... է՛... է՛... է՛... ափսոս, ջուրը նստում է, սարերի ձյունները հալվեցին...»:

— Դե հերիք է, աշխարհքում ի՞նչն է հավիտենական, — ասաց և աչքը բութ մատի եղունգից հեռացրեց զարաշի Ֆաթման:

Վերևի անկապ ու անհասկանալի երկզիմի խոսքերը սաղի ու քյամանի ներդաշնակ նվագից առավել քաղցր հնչեցին կոլոտ շարշու համար: Նա շատ լավ հասկանում էր զարաշու կնոջ խոսքերը:

Ֆաթման ֆալ էր բաց անում, զարաշու պառավը Բղդեի բախտն էր գուշակում, շինգյանին եղունգին նայող էր:

Բղդեն երկթու կոպեկանոցով երեք անգամ խփել է զարաշու պառավի եղունգին ու սև փողը բուռը գրել, գրամբ ետ էր գցել եղունգի գաղտնիքը ծածկող հաստ վարագույրը, բացել էր պառավի աչքերը, և նա հայտնապես կարդացել էր Բղդեի երեսին յուր ապագա վիճակը:

— Բերանիդ մեռնեմ, բերանիդ, — սրտի ուրախ փղձկանքն արտահայտեց Բղդեն և ձեռքը գրպանը տարավ, մի երեք կոպեկանոց էլ պարզեց ավեց ֆալի կնոջը:

— Թե աստված կտա, ասածներիդ կեսն անգամ կկատարվին՝ գլուխդ ոսկու մեջ կթաղեմ, — լիսախրտ խոստումն արավ նա և տեղիցը վեր կացավ:

ժԳ

ԻՇԱՄԵՂՈՒՆԵՐԸ

Շատ ուշ գլխի քնկալ կոլոտ Բղդեն: Նա կանգնել էր Կարբու Կիդի-մատուռի զանգակատան մեջ, ապուշի նման բերանը բաց՝ ինքնամոռացությամբ աչքը շէր հեռացնում զանգակատան լուսամուտի քարի ճեղքից: Նորա աչքի առաջին կատարվում էր մի նորանշան երևույթ և այնքան անսպասելի արագությամբ, որ նա ժամանակ չունեցավ արտասովոր դեպքը ծանր ու թեթև անելու:

Ասեմ, թե ինչ պատահեցավ:

Այս անցքից մի քանի օր առաջ Բղդեն գնացել էր Երևան՝ ապրանք գնելու:

Շատ ժամանակ չէր, որ նա յուր գործը կապել էր Երևանի հետ: Զհուտ Աղաջանից նա ձեռք քաշեց այն օրը, որ առաջին անգամ Աղաջանը սկսեց հայրաբար հանդիմանություն կարդալ նորա երեսին:

— Ամեն տեղից զանգատներ են հասնում ականջիս, — նախատեց Աղաջանը, — ասում են, որ դու ձեռք կարճ, աղթատ մարդի երեխեքանց բերանի հացն ես կտրում, նրանց տակի վերջին փալատն ես դուրս քա-

լում, մեկին երկու տոկոս ես առնում, մի շահու ապառիկն երեք անգամ ավելի ես նշանակում, քո ընկեր շարշիներին վնաս ես տալիս, քաղցր լեզվով մուշտարու աչքն ես մտնում, վերջը տակը ջուր կապում, իրա՞վ է այս բաները:

— Հապա ես ո՞ւմ հորն եմ պարտական, որ մինչև երեկո ոտքեր մաշեմ, տանջվիմ, շարշարվիմ ու աշխատանքս պատահողի փորը կոխեմ:

— Քշով բավականացիր:

— Աղբանոցներումն եմ գտե՞լ, թե՞ տված ապրանքիդ փողը չես ստանում, — հանդգնաբար պատասխանեց Բղդեն Աղաջանին:

— Բայց ես քեզ խեղդո՞ւմ եմ, անխիղճ կերպո՞ւմ եմ հետդ վարվում, կրկնապատիկ օգո՞ւտ եմ ստանում:

— Շահ չունենաս ընչի՞ կտաս, գանձ հո չե՞ս գտել, հողի տակիցը հո չե՞ս հանել. արդար վաստակով ո՞ւմ է հարստացել, որ դու մի կապոց հասարակ կտավով ջհուտություն անեիր, էնքան վաստակեիր, որ էս ծովի պես խանութը բաց անեիր ու շարշիք շինեիր, աշխարհքը տարածեիր. իհարկե, դու էլ նեղել ես, հարստահարել ես, մեկին հինգ գրել ես, տներ ես քանդել, էս օրին հասել, որ Կարբու մեջ բոլորը գլորվեցին, դու ոչինչ տեղից առաջ եկար. մտիկ տուր էսքան հին խոջաներին, որոնք Բայազետումն անքուն ցեցերի, անթիվ հարստության տեր են եղել, հետները բերած կայանքը թիով է քերվել ու էսօր վերջին շունչներն է կոկորդումը տրոփում, քթերը բռնես՝ քաղցածությունից հոգիները կտան, ամեն մեկի խանութումը քո մի օր ծախածի շափ ապրանք չկա, էս ինչպե՞ս եղավ, դու նրանցից շա՞տ խելոք ես:

— Տո՞, ապերախտ ու անաղուհաց քրդի շուն, — բարկացավ ջհուտ Աղաջանը, — իմ տնկած ծառերի մեկն էլ դու ես, ոչ բարով իմ չրաղն ես, քեզ մի օր նեղացրե՞լ եմ:

— Իմ աչքը ծակում է, ուր որ գնում եմ, քո լավության վերա են խոսում, քո լիքը խանութն են գովում, քեզ են երկինք բարձրացնում. լեղի է իմ կերածն ու խմածը, եթե քեզ գլխի վերա չկործանեմ, հողի հետ չհավասարեցնեմ ու մեն միայն Կարբու գավառումը մատով ցույց տալու չդառնամ:

— Օձի ձագ եմ տաքացրած եղել ծոցումս, որ ուրիշներին կծելուց հետո՞ ինձ էլ խայթի, դո՞ւս, անպիտան, — ճշաց ջհուտ Աղաջանը և հանեց յուր արկղի միջից Բղդեի հիմնադրամ նշանավոր տասը չորուկ կոպեկը և քսակով շարտեց փողոց:

— Ես Սալբու տղա կոլոտ Բղդեն չեմ, եթե ասածս չկատարեմ, — ասաց դառն և կծու ժպիտով ու աներես անպատկառությամբ և շտապ բայլիքով դուրս ընկավ, վերցրեց յուր քսակն ու աներևութացավ:

Այդ օրից էր ահա, որ Բղղեն կտրվել էր Աղաջանից և ամիսը մի անգամ Երևան էր գնում ապրանք բերելու. այդ օրից սկսած՝ Բղղեն ավելիացրել էր յուր ազահությունը, կրկնապատկել և եռապատկել էր ընդառաջացությունը. ամեն տեսակ միջոցներ՝ ներքի և աններքի, չէր խնայում հարստանալու և յուր բարեբարին կործանելու. գոփում էր, գշտում էր, տեղն ընկած ժամանակը գողանում էր, բայց աչքը միշտ անկուշտ էր, ախ էր քաշում ու ծուխը քթիցը դուրս չէր գալիս, այս մանր ու աննշան հնարքները բավական չէին յուր նպատակներն իրագործելու համար:

Ի՞նչ աներ, ուրեմն. ի ցավ յուր սրտի՝ նորա հայտնի հակառակորդը, քանի գնում է, ընդլայնում է յուր առևտուրը, բավական չէին նորա ստեղծած շարժիքը, որոնք Բղղեի աչքի փուշն էին, մի օր էլ հանկարծ Կարբու նախկին հարուստ և այժմ ընկած տներից մեկին՝ Բստինենց Կարապետին, որը մշակության և երկրագործության անսովոր լինելով՝ դուռն երեսին ծածկած էր մնացել, մեր բարեսիրտ ջհուտ Աղաջանը հրավիրեց բաղջրությամբ յուր խանութը, խոստացավ դրամագլուխ և խորհուրդ տվեց Աշտարակումը մի խանութ բաց անել, կտավեղեն և մանրունք ծախել:

Այս էլ հերիք չէր. ջհուտ Աղաջանը առաջարկեց յուր մի հատիկ աղջիկը Կարապետի որդի Սահակին, որին, տեղական սովորության համաձայն, Սճո կրճատյալ անունով էին կոչում:

— Հիմի, որ հացիս կեսը պակասեց, Աշտարակն էր իմ գլխավոր առևտրի կենտրոնատեղին, եթե այնտեղ խանութ բացվեց, էլ ո՞վ ինձ պես մի շարժուց ապրանք կառնի,— մտածեց Բղղեն և քիչ մնաց իսպառ խելքը կորցնում էր:

Ահա այս հանգամանքներն էին, որ նրան ֆալլի Ֆաթմայի դուռն ուխտ ուղարկեցին, այս ձեռնարկություններն էին, որ նորա ոտքը Աղաջանի խանութիցը կտրեցին և երեսն Երևան դարձրին:

Ահա գնել էր Բղղեն Երևանից կարևոր ապրանք և բոշի տղին բարձած՝ ետ էր դառնում, երբ Կարբուց Երևան փոխված յուր հայրենակից մի վաճառական նորան կանգնեցրեց և յուր հետ խոսող ուրիշ անծանոթին ասաց.

— Ամեն օր Կարբի գնացող էիր հարցնում, այս շարժին մեր Սալբու տղա Բղղեն է, սա է Կարբու անդրանիկ ծնունդը, հիմի տուն է գնում, ինչ ասելու ես՝ սրան ասա, սա կկատարի:

— Եթե այդպես է, մի լավություն արած կլինես, Բղղե եղբայր,— ասաց նրան անծանոթը,— եթե այս թուղթը տանես և դնես ձեր եկեղեցու Կիզի-մատուռ կոչված զանգակատան լուսամուտի վերա:

Անծանոթը հանեց գլխարկի տակից մի թուղթ՝ եռանկյունի ծալած և տվեց Բղղեին:

— Անցյալ տարի ես Սպահանումն էի.— պատմեց անծանոթը,— մի սպահանցի հայ, երբ իմացավ, թե ես երևանցի եմ, Կարբին մեզանից մոտ է, խնդրեց. աղաչեց, օձի լեզու թափեց, որ այս թուղթը իմ կամ մի ուրիշի ձեռքով հասցնեմ Կարբու զանգակատունը: Սպահանցին ինքը մեր կողմերը չէր եղած, յուր ասելովը՝ նրանք բնիկ հին կարբեցի են եղել. իրանց պապերից մեկը կտակել է յուր զավակներին, թուռներին ու ծոռներին՝ երբեկից. ինչպես որ լինի, էս թուղթը հասցնել Կարբու Կիզի-մատուռի զանգակատան պատահանը. նզովթով ու անեծքով պատվիրել է յուր կտակը կատարել:

«Հիմա, ասում էր ինձ սպահանցին, կարծես մեր պապի անեծքը մեր տան գլխին ծանրացել է, մեր մեկն երկու չի դատնում, անրախտությունը տարեցտարի մեզ յուր ճանգրի մեջ է սեղմում».— Աղաջում էր, որ էն ցատումն իրանց տանիցը վերացնեմ, որովհետև իրանք աչք չեն բաց անում, որ անձամբ կատարեն պապի հրամանը:

— Ահա տարին լրանում է,— ավելացրեց անծանոթ երևանցին,— որ թուղթը մոտու է, շատա մի կարբեցի, որին հանձնեմ. շնորհակալ եմ իմ բարեկամից՝ խնդիրս կատարեց, քեզ ինձ հանդիպեցրեց:

Անենայն ուրախությամբ հանձն առավ Բղղեն և թուղթը դրեց ծոցը:

Այս թուղթն էր այժմ, որ Բղղեի ուշադրությունը գրավել էր:

Դրեց շրթեց նա եռանկյունի թղթի փաթեթը Կիզի-մատուռի զանգակատան բաց պատուհանի վերա, որ նորա աչքերի բերբը ետ բացվեցան, խելացնորի կերպարանք ստացավ և աչքը տնկեց պատուհանի տակի շարքարերից մեկի ճեղքին:

Ի՞նչ էր այն:

Դուրս թռան հանկարծ միմյանց ետևից, կարգապահ զինվորների նման, ոսկեփայլ և խոշոր իշամեղունները, որոնց ժողովուրդը բոռ անուն է տալիս, և որոնց խայթվածքը կարիճի կծածից ավելի կսկծեցուցիչ է: Բոռերը հետևելով իրարու՝ պատուհանից դուրս էին թռչում:

Միջատների այս տեսակից ամեն ոք զգուշանում է, միայն մեր Բղղեն էր, որ անշարժ արձանի նման տեղումը միավեց ու մնաց: Նա շվարած էր նորա գլուխը միայն ամառվա շոգին, թե՛ արևի տակ դաշտումն արածող և ճանճերից ձանձրացած ձիու գլխի նման բարձր ու ցած էր անում. նա աչքով ուղեկցում էր յուրաքանչյուր իշամեղունին, մինչև որ օդի մեջ աներևութանում էին:

Մթափմունքը շատ ուշ եղավ, կերևի, Բղղեի մտքովը մի բան անցկացավ. մի ակնթարթում գլխարկով տվեց, ճեղքից դուրս եկող միջատներից երկուսին սպանեց: Միջատը գետին ընկավ և թափված խճճի մեջ լքավ:

Բղղեն կուսցավ որոնելու յուր արած որսերը:

Օ՛հ, սարսափ, ոսկի էր սուաջին անգամ աչքովն ընկած առարկան, մի մեծ, մեջք փոս, գոգավոր ոսկի:

Այնպիսի արագութեամբ չի հարձակվում որսկան կատուն ծակից անզգուշարար դուրս սողացած մկան վերա, որքան Բղղեն յուր անձը սարսուռ ձգող ազնիվ մետաղի վերա: Չեմ կարծում, թե նա զգացած լիներ յուր մասի կակիծը կամ տեսած լիներ արյունը, որ սուր քարերին դիպչելով ծորացել էր նորա եղունգի ծայրից:

Բղղեն շարժարեց որոնել. ինքն երկու հատ բոռ էր սպանել. այդ նա չավ տեսել էր, իսկ այժմ գտել է միայն մինը. անկարծիք, երկրորդն էլ պետք է լինի և կա, մի ինչ-որ դեղին փայլուն բան պսպղում է խճերի արանքում. ոսկի է անշուշտ: Երկամութուն չի պետք, իսկապես ոսկի է Բղղեն շատ տանջվեց և շգտավ:

— Հիմա՛ր եմ, ինչ է,— բարձր ձայնով արտասանեց Բղղեն,— իմ բախտին իմ ձեռքով եմ հարվածում. ո՛ւր եմ թողնում սրանց հեռանան: Նա դուրթական զորութունով օժտված թուղթը հափշտակեց լուսանուտի վրայից, գրպանը կոխեց և ձեռքով պինդ փակեց քուրի ձեղքի բեխանք:

Բղղեն կրակ է կտրել, սարսափելի միջատների խայթյունը նորա վերա լի կծածի շափ սկզբում շեն ազդում, ոսկու խանդը ցավի մոմուտի դուրթյունը շփացրել է: Բայց այս միս ու արյուն է, քար ու երկաթ չէ, խայթի հարվածը մեկ չէ, երկու չէ՝ հարյուրավոր պաքներ են շեշտվում նորա ճեռնամիջին, սրան տանիլ չի լինիլ: Որքան և ատամները միմյանց սեղմեց, հրակները ձղեց ամրացրեց, բայց և այնպես հաղթվեցավ, թուլացավ, ձեռքն ինքն անգիտակցաբար ետ գնաց խորշաբերանից:

Ո՛վ վարմանք. ունցքն ազատ է, բայց բոռերն այլևս չեն դուրս գալիս, իսկ բզզոցը զանգակի մեղմացող ղողանջունի նման դեռ լսվում է Բղղեի լսելիքում:

Ի՞նչ է այս:

Բղղեն չկարողացավ հասու լինել, արդյոք ի՞նքը ձեռքով ճմլել է խորշից գլուխը նոր դուրս հանած ժամանակը մի երրորդ իշամեղուի, որ ոսկի է դարձել և անցքի մեջ ամրացել մնացել. թե ինչպես պատահանց, որ խորշն ինքն իրան փակվեց:

Այսպես է, այնպես է, վեց հազարլակի զորութունն է,— յուր գիտնալիք գործը չէ, բայց երրորդ ոսկին փականքի պաշտոն է կատարում, կենդանի զանձերին ներսը բանտարկել է, այլևս դադարեց միջատների ուղեկորութունը:

Ով կյանքի մեջ առիթ է ունեցել տեսնելու բարակ որսկան շանը, երբ

նա քանդում է աղվեսի գետնափոր որջի բերանը, նա կնամանեցնի այս վայրկենում մեր Բղղեին որսորդի բարակին: Շտապ-շտապ ետ է տալիս որսկան շունը ճանկերի ծայրով փորված հողը և հոտոտելիքը դնի հետ միասին թաղում ծակամուտքի մեջ հավաստելու՝ նե՛րսն է այժմ թանկագին մուշտակացու կենդանին:

Սույնօրինակ քանդում, քերում է Բղղեն արյունվա եղունգներով պատահանի քարացած, դարերով ամրացած կրի շաղախը, որպես թե, յուր խելքով, լայնացնելու ճեղքի բացվածքը և դուրս քաշելու ներսում ամրացած մետաղը, բայց երբ եղունգները շեն բռնում, երբ մատների ումն ու հարմարութունը անբավական են լինում ծայրն երկցնող դրամը դուրս կորզելու, կոլտոր գլուխը կորցրած՝ ատամներն է գործ դնում, քիթն ու մուռն է քարերին շփում:

Իզուր էր խեղճի տանջանքը. կարելի է ասել, ամբողջ ժամ ունայն կորցրեց նա, երբեմն կռանում էր, շաղախները քանդում, երկրորդ սպանածը որոնում և դարձյալ ծակում մնացածի ետևից ձգտում. ոչ մինն է ձեռք գալիս և ոչ մյուսը: Նա սկսեց մինչև անգամ ատամներով կրծոտել քարին կպած շաղախը, բայց զուր ջանք և անօգուտ վաստակ, քարը շաղախից և շաղախը քարից կարծրացել էին:

Հուսահատութունից սիրտը քիչ էր մնում պատուլի, և գուցե առաջին անգամ յուր երեսայնութունից դուրս եկած օրից լաց եղավ՝ ճիշտ կամակոր երես տված մանկան նման, որի անտեղի պահանջներն անկատար են մնում քնքուշ մոր կողմից:

— Ի՞նչ ցավ ու կրակ է,— մրմնջաց նա,— հիմա ես ի՞նչ անեմ:

— Ոչինչ, շատ հեշտ գործ. շտապիր տուն, առ բրիչն ու մուրճը և վերադարձիր,— դրդեց նրան ներքին ձայնը:

Բայց օրով-ցերեկով ո՞նց աներ. կիզի-մատուռը գլուղի կենտրոնումն է, դուռը շարունակ բաց, շարածճի մանուկները սովորաբար խաղում են ավերակի մեջ, վայրի աղավնիների բներն են քանդում, մաշկաթև շղջիկներն են հանում պատերի արանքներից. բացի դրանից, քուլիցն անցկենողը կարող է նկատել նրան, և ահա Բղղեն յուր հացը կերավ:

Ի՞նչ անի ուրեմն, ի՞նչ քար զցի յուր գլխին. նա մնաց տարակուսած կանգնած, ոչինչ ելք չկա. ետ ու ետ գնաց անգիտակցաբար, նստեց թափված քարերից մեկի վրա ու աչքը տնկեց պսպղուն ոսկու երևեցող ափին: Երբեմնապես էլ նորա գլուխը ետ է դառնում դեպի դուրս— այդ զգուշութան թելադրութունն էր:

— Յորեկով... գիշերով... ցորեկով... գիշերով... — կրկնեց նա մի քանի անգամ այդ անկապ խոսքերն և վերջը տեղիցը կանգնեց:

— Եվ ցորեկով և գիշերով, թեկուզ տարիներով, մինչև որ ձեռք բույ-

նր քանդեմ, իմ սիրուն շողշողուն բոռեր, գլուխս այստեղ վեր կոնեմ և ձեզ շեմ թողալ այստեղից հեռանաք: Ի՞նչ ուրախ եմ, որ ձեր ընկերը ձեռքիս տակին ճիւղից, պատի խորշումը մնաց, ձեր ճանապարհը փակեց, ձեզ բանտը ձգեց: Ափսոս, սկզբից հիմար ոչխարի նման պելացել մտիկ էի տալիս, թե ինչպես են ձեր ընկերները մին-մին հեռանում, իմ տունը քանդում, սպահանցու տունը շինում. տես ի՞նչ աստված խելքս առել էր, թլխամի թուղթը շուտ չէի վերցնում: Հը՛... հը՛... հը՛... տեսա՞ք ինչպես տազ արիք, հարյուրավոր տարիներ հանգիստ պառկած էիք, ոնց հիմի էլ լուռ կացաք ու կուշ եկաք քարի տակին, որ մի ժամից շղշղկաք իմ քսակի միջին:

— Դուք հո իմն եք ու իմը, բայց ի՞նչ եղավ ձեր երկրորդ ընկերու ես իմ աչքովս տեսա, որ գտակով ձեզանից երկսին սպանեցի, ա՛, մեկն ահա իմ գրպանում, հապա մյուսն ո՞ւր է:

— Զէ՛, չէ՛, գլուխս մահի կտամ ու ձեզանից ձեռք չեմ քաշիլ,— հաստատապես շեշտեց Բղդեն և նորից սկսավ շուռեշուռ տալ գետնին թափած խճերը:

Արևի ուղղահայաց ճառագայթն այնպես զգալի կերպով չէր ծակծրկտալ ու փակիլ Բղդեի աչքերը, ինչպես մի քարի մութը անկյունից հուրհուրատող փոքրիկ մետաղը: Երեք անգամ միմյանց վերա ցնցվեց նորա ամբողջ շղային ցանցը, մինչև նա փայլակի արագությամբ հարձակում գործեց յուր որսի վերա ու հողախառն սեղմեց բռան մեջ:

Այս տեսիլը չէր, երևակայության վաղանցուկ խաղ չէր. այժմ Բղդեն բռնած ունի ձեռքի փախ մեջ երկու հատ ոսկի, փայլուն ոսկի. հողը, որի մեջ հարյուր տարիներով նրանք թաղված են եղել, կարծես ավելացրել է նրանց փայլը:

Բղդեն համբուլներն անդադար կրկնում է և չի կշտանում: Տարփածուն, տարիներով ձգտած յուր սիրեկանի քամակից և հազար տաժանելի տանջանքներից հետո հասած սրտի փափագին, այնպիսի խանդակաթ ակնարկ և համբուլներ չի գրոշմիլ յուր սրտի առարկային, ինչպես կոլտո շարչին թեթև և փոքրիկ ոսկիներին:

— Այս երկու,— բարձր ձայնով հաշվեց նա,— դեռ քանի երկուր դարաված են քո տակիդ, ո՛վ անխոս քար, շատ չի քաշիլ, դրանք բոլորը իմը կլինեն, և սպասիր էն ժամանակը, ջհուտ Աղաջան, դու քո հացը կերար:

Բղդեն սկսեց խճերով ծածկել քարի բացվածքը, այնպես որ ոսկու ծայրն էլ չերևաց:

— Զարն սատանեն հակառակ է, բաց դուռ է, մեկը ներս կմտնի, ոսկու փայլն աչքերին կընկնի: Այն ժամանակն արի էլը ցիխիցը հանիր,

համ էն մարդի արյունը գուր կթափեմ, համ իմ գլուխս կկորչի,— փսփրսաց Բղդեն յուր մեջ և ետ նայելով, դուրս եկավ զանգակատնից:

Նորա բացակայությունն երկար շտեկեց. մի բրիչ և կոան ձեռքին, գող շան նման, զգուշությամբ մի տեսակ անցկացավ Կարբու նեղ փողոցներով և իրան ներս ձգեց Կիզի-մատուռը:

Երկու ժամից ավելի նա անընդհատ աշխատում էր. քրտինքը գափաթի վերին կենտրոնից առվացել էր և շտեղծի պատովածքից դուրս հոսում:

Ավելւորդ աշխատություն էր. մի քանի կոանի հարվածներ, և ահա փշուր-փշուր, կտոր-կտոր կթափեր փուխը և փափուկ քարը: Այդ քարերից շատ կան Հայաստանի ամեն կողմերում. այդ քարերով են կառուցված մեր հուշակավոր անթիվ տաճարները: Ընտարարվեստ քարտաշն այդ քարիցն է տաշել և կերտել մեր սուրբ վանքերի վերա հայ փառավոր անցյալի դրոշմները: Հայ ճարտարապետության հատուկ սքանչելահարաշքանդակներն այդ փուխը քարերի վերա են ձեռագործվել և այսօր աշխարհքի մեջ հայկական ճարտարապետություն անունն են հատկացրել: Հեշտ էր ուրեմն Բղդեին փշրել լուսամուտի քարը, եթե նա երկյուղ չկրեր հարվածների թնդոցով յուր գլխին ժողովել հետադրքի հարևաններին:

Բախտավոր էր Բղդեն, որ հունիսի վերջերն էր, ամեն ոք յուր կալ ու կուտի, յուր դաշտային աշխատանքի հետ էր, բացի պառավ կանանցից և մանրահասակ երեխաներից՝ գյուղումը ոչ ոք չկար. բայց և այնպես զգուշությունը ձեռքից թողնելու չէր, կոանի հարվածները կարող էին հետաքրքրություն զարթացնել:

— Է՛հ, ի՞նչ կլինի, թող լինի՝ էս ժամանակ ո՛վ կա գյուղումը, որ քարի թրխկոցը լսի. երկու-երեք հարված և ամեն բան վերջացավ, տանջվելով հոգեհան եղա,— մտածեց Բղդեն և մի զարկ իջեցրեց քարի անկյունին:

Նորա ձեռքերը թուլացան, նորա մազերը ողնու սուր-սուր փշերի նման ցից-ցից կանգնեցան. այս դրությունն է ստանում կենդանին, երբ մի հեռավոր ոտնաձայն նրան զգալ է տալիս թշնամու մերձավորությունը. Բղդեի աչքերը մթագնեցին, երկաթի գործիքը ձեռքիցը թռավ, ծնկները ճկվեցին: Անշուշտ, վայր կընկնեի Բղդեն, եթե օգնության չհասներ նրան նույն լուսամուտի գոգը՝ նա խոնարհեց, ղլուխը վայր դրեց լուսամուտի վերա և այնուհետև ինքն էլ չիմացավ, թե որքան ժամանակ աչքերը փակ մնաց նույն անզգա դրությունը:

— Ի՞նչ պատճառով:

Մի ահարկու և զարզանդելի խուլ թնդուն էր, որ բարձր երկնակամարից կամ հեռավոր անդնդից տարածվեց զանգակատան ներսը: Բղդեին

թվեցա՛վ, թե ամբողջ երկրագունդն իրար անցա՛վ. մթնոլորտի խաղաղ դրությունը նորա փակ աչքերի առաջ կրեբում էր, սրբավայրը գլխովին տարուբերվեց:

Առաջին անգամ գուցե, սև փողի նշանակութունը ճանաչելու օրից, Բղդեի կրոնական զգացմունքը վիթխարի հսկայի ահավորությամբ կռանի զարկի թնդյունի հետ՝ մատուռի արձագանքի միջոցով յուր բոլոր վեհու-թյունով նկարագրվեց շերմեռանդության և կրոնասիրության մեջ սնված, բայց մոլորության մեջ ամենը կորցրած գյուղացի երիտասարդի աչքին:

Արձագանքն էր այն, որ ներս մտավ կամարակապ զանգակատան պատերի մեջ գրված հողյա բղիկների մեջ, ոլորապտույտներով անդրա-գարձ շրջաններ արեց և Բղդեի գործած մեծ հանցանքի ահավորութունը նորա մտապատկերի մեջ կենդանի նկարագրեց:

Բղդեի և ամեն մի հայ քրիստոնեի համար աստուծո սուրբ տաճար-ների ամեն մի քարը նվիրական է. նա լավ գիտե, որ մինչև անգամ ան-հավատ տաճիկը, վայրագ քուրդը, սատանապաշտ եղիղին մի մթին եր-կյուղածությամբ են վերաբերում դեպի այդ ավերակ սրբավայրը, շա-տերը ոտքով մատաղ են բերում, ճրագալույս են վառում և միայն խիղճը կորցրած շահամու սակավաթիվներն են եղել, որ շեն խնայել, պիղծ ձեռ-քերով քանդել, ավերել մեր վանքերը:

Կոլոտ Բղդեն գիտե այս ամենը և այժմ ինքը ձեռի կեղտ մետաղի համար անհավատից ավելի չզվելի ու անգոսնելի գործ է կատարում, յուր ձեռքով կործանիչ է հանդիսանում յուր նախնայաց արջան քրտինքով կա-ռուցած սուրբ տաճարին:

Այդ արդարացի պատճառով, ինքը, ահավոր սրբությունը յոթն թերթ-յան երկնքից լսելի արեց յուր ահեղասաստ բարկությունը:

— Մեղա քեզ, տեր, սեւերես մեղավոր եմ քո առաջին, — հազիվ երկ-շտտությամբ մի շշունջ արձակեց շրթունքներից կոլոտը և անվստահ հա-յացքով, կուշ ու ձիգ անելով՝ երեսը դարձրեց դեպի զանգակատան կա-թուղիկեն: — Ես մեղա աստուծո, խնայիր ի՛նձ, ո՛վ սուրբ Կիզի-մատուռ, մի՛ բլիր իմ գլխիս, — աղաչեց Բղդեն, — քեզ էլ քաջ հայտնի է, որ քեզ քանդելու մտքով շարակեցի քո քարին:

Կարծես երկնային բարկությունն անցավ, ամենայն ինչ նախկին ան-շարժության մեջ մտավ, լուությունը թառավորեց, արձագանքը դադարեց:

Մի քանի ռուպե ևս մնաց Բղդեն և գլուխը բարձրացրեց:

— Հապա ի՞նչ անեմ, թողնե՞մ այս պսպղան ոսկիքը քարի տակին թաքնված կամ թե թլիսմը կրկին տեղը դնեմ, ճանապարհ տամ գնան, հեռանան, ով գիտե ում ճանկն ընկնեն, ու ևս այստեղ աչքերս պլշած ձեռնունայն դատարկ ե՞տ նստեմ և օրը մինչև երեկս ոտքիս կաշին ուտե-

լով, լեզուս կես գազ կախած, որսորդի շան պես գյուղե գյուղ քարշ գամ, թե մի քանի սև փող պետք է աշխատեմ, որ նրանով կարողանամ փողի, անունի տեր դառնալ ու ջհուտ Աղաջանին՝ իմ ոխերիմ թշնամուն, հողի հետ հավասարեցնել, գլխի վերա կործանել:

— Ամա՛ն, ով սուրբ Կիզի-մատուռ, քո գորությունին մատաղ, տա-րեկան հինգ նավակատիկին մի-մի սպիտակ գառը քո դռանը կմորթեմ, հում-հում կբաժանեմ, միայն թե դու մեղք չհամարես, շբարկանաս, գըլ-խիս խոով չկենաս, թողնես, որ ես էս քարը տեղահան անեմ, ոսկիքը իմը շինեմ, ջհուտ Աղաջանի աչքը հանեմ, ես խոսք եմ տալիս՝ նորից իմ ձեռ-քով քարն յուր սեղումն հարմարեցնել:

Բղդեն սիրտ առավ յուր խոսամունքից և երեք անգամ երեսին խա-չակնքեց:

— Հիմի գիտեմ, Կիզի-մատուռն իմ կռանն է, — վստահորեն ասաց նա, երբ յուր աչքին երևաց քարի ներքին կողմը, քարքարուտների մոտ, մի լայն ճեղքվածք:

Անմիջապես բրիչի ծայրը խոռոչին դեմ տվեց Բղդեն և մի վերջին ուժով քարը տեղահան արեց:

— Բը՛զ... վը՛զ... պը՛զ... — շացին Բղդեի ականջին հազարավոր իշամեղունեք և իրար խառնվեցին:

Մի ռուպեաչափ շշմեց Բղդեն, անզգայորեն շրթունքները ետ բաց-վեցին, աչքերի բերնն ու բունը լայնացան, մատները անգիտակցաբար չովեցին, իրարից հեռացավ, և ո՛վ գիտե, դեռ կարելի է շատ մնար այդ անբնական դրության մեջ, եթե նույն ինքն անբան միջատները չսթա-փեցնեին նրան:

Բոռերը գտան իրանց հանգստությունը խանգարող թշնամուն, սրե-ցին իրանց առանց այն էլ սուր խայթոցները և շորս կողմից գրոհ տվին քաջ պատերազմողների հմտությամբ Բղդեիս վերա:

Սուր-սուր սլաքների հարվածից ավելի զգալի էին մխվում իշամե-ղունների կնճիթիկները Բղդեի երեսին, պարանոցին, աչքերին, քթին, ձեռ-քերին, միով բանիվ մարմնի բոլոր բաց տեղերին:

Իզուր չէ՞ր նորա ճիշը. նա սկսեց աչքերը փակել և ձեռքերը օդի մեջ պտտեցնել, որպես թե յուր բազուկների դրությունով ցրվելու թշնամու բանակը: Բայց շատ սխալ էր նորա հաշիվը, թշնամին խիստ հզոր է եղել. կատաղի միջատները այդպիսով ավելի գրգռվեցին և ավելի խստորեն հարձակում գործեցին:

էլ շտարավ Բղդեն, նա հաղթվեց. կծած տեղն ուռչում է ընկուզաչափ և քայծբանում:

Բղդեն երեսի վերա վայր ընկավ խճերի մեջ:

Այժմ թշնամու բանակին օգնութեան հասան Բղղեի իրան ձեռքերը, ապտակներ է, որ իջեցնում է թշվառական մոլորվածն յուր գլխին, վզին, երեսին. այդպիսով, յուր խելքով բռռերի դեմ է պատերազմում, բայց խկապես ինքն իրան է ծեծում:

Այդ հնարքն էլ շօգնեց: Բոռերն ավելի գայրանում և շեն հեռանում. շատերն սկսեցին խայթոցները նորա հագուստի գործվածքով ներս խըցկել:

Այս անգամ անձնապաշտպանութունը հաղթեց ագահութեանը. կըսկիծն ու մոմուռը քիչ է մնում Բղղեին ուշագնաց անի. նա աչքախուփ, խարխափելով դուրս ընկավ մատուտի միջից:

Նա փախչում է աննպատակ դեպի դաշտը:

Նորա բախտից ոչ ոք չհանդիպեց նորան, ապա թե ոչ, ամենքը կվախենային այս մարդակերպ, փշված, տկզած տկից:

Միջատների կծած տեղերը հավասար ուռել էին, աչքերի կուպերն ամբարտակի նման բարձրացել, ծածկել էին տեսանելիքը, մի-մի նեղ անցքից միայն աչքերը հագիվ գործում էին:

Ցավը շթողեց Բղղեին շատ առաջ վազելու: Մի առվակ խոխոջելով վայր էր հոսում լեռնաթմբից, և Բղղեն նստեց ջրի ափին ու գլուխը դեմ տվեց փոքրիկ ջրվեժի տակին:

Մի դյուրեկան հանգստութուն, մի մեղմիչ զովութուն ամոքեց ցավի կսկիծը:

Կոլտուր գտավ յուր դեղը. սառը ջուրը փրկարար ազդեցութուն գործեց: Ավելի մեղմացուցիչ էր լինում հեղուկ տարրը, եթե երբեմնապես մի բարակ քամի, թեև լիներ նա ոչ ցուրտ, հովահարում էր ջրի թրջած տեղերը:

— Ափսոս, ջուրը տաք է, — մտածեց Բղղեն, — ինչ լավ կլիներ, եթե սուրբ Հովհաննեսի սառն աղբյուրը հեռու չլիներ, բոպեի մեջ երեսիս ուռուցքները կնստացներ:

Երկար չեղավ նորա մտածմունքը. անձը քաղցր է, ցավի խստութեան դեմ տաք առվակն անբավական էր, նորա արած տպավորութունը վայրկենական էր, ուռույցը քանի գնում բարձրանում էր, հզոր միջոցների պետք էր դիմել, և այդ միջոցը՝ յուր բուժվելու ամենաճիշտ դարմանը, նա գտավ սուրբ Հովհաննեսի ցրտասառույց աղբրակը:

Կիզի-մատուռ, ոսկի, ամենը զոհվեցին անձի առողջութեանը. բոլորը Բղղեն մոռացավ: Ի՞նչ արեց, մոռացավ, այն էլ Բղղեն:

Հազար ախ ու վայ արեց, հարյուր անգամ ծնկները ծեծեց, քանիցս քայլերն իրանք իրանց էին մատուռի կողմն ուղղվում, բայց կրկին ետ էին կասվում. թշնամու բանակը քնած չէր. իշամեղրուններից մի քանիսը

գաշտումն էլ նրան հանգիստ չէին տալիս, առ ոչինչ համարելով Բղղեի գործ դրած գնեքերը՝ ձեռքերը, հագուստի քղանցքը, ձեռք չէին քաշում նրանից. մի հանդուգն մինչև անգամ իջել էր նորա թիկունքին և յուր բարակ սուր կնճիթը շորերի գործվածքների միջովն էր ցցել Բղղեի թիկնամեջը: Ինչ դժվարութեամբ ձեռք հասցրեց Բղղեն և բռռին հեռացրեց:

— Ո՞վ է յուր գլխիցը ձեռք քաշել, որ բռռերի ճանկն ընկնի, կամ ո՞վ կհասկանա, թե ամեն մի բռուն երկու-երեք թուման փող արժի, թլիս-մի թուղթը գրպանումս է, էսօր չլինի, էգուց լինի, դեռ ցավի կսկիծը հովացնելու ճարը տեսնեմ, — ասաց վերջապես Բղղեն, դարձրեց երեսը դեպի հարավ և փութաց բռնել Քասախ գետի խոր անցքի ճանապարհը:

Սուրբ Հովհաննեսի աղբրակն էր շտապում նա:

ԺԿ

ՍՈՒՐԲ ՀՈՎՀԱՆՆԵՍԸ ԵՎ ՅՈՒՐ ԱՂԲՅՈՒՐԸ

Կարբուց դեպի արևելա-հարավ, Քասախ գետի ձորածալուի վերա, մի գետնափոր խղճուկ գյուղի մոտ գտնվում է մի կիսակործան սքանչելակերտ ավերակ վանք:

Գյուղի կողքովն անց է կենում Աշտարակից Ապարան տանող ճանապարհը, որտեղից շատ հեռու չէ հսկայական շենքը:

Սովորական անցորդը կամ անհետաքրքիր գեղջուկը մի բարեպաշտական երկրպագութուն մատուցանելով՝ կատարած կհամարի յուր պարտքը դեպի քրիստոնեական սրբարանը. իսկ հնախույզ գիտնականը հանցանք գործած կլինի, եթե ժամեր և օրեր չնվիրե ճարտարարվեստ և հրաշալի շենքի ուսումնասիրութեանը:

Հովհաննես վանքն է այդ մեծափառ տաճարը, Արագածոտն գավառի բազմաթիվ հռչակավոր վանքերի առաջիններից մինը:

Կար ժամանակ, որ Հովհաննես վանքի պարսպում շեն էին հարյուրավոր վարդապետական խցեր իրանց տնտեսատնով, լիառատ մառանատներով, թանգարաններով և ժառանգավորաց դպրոցով. մի օր Հովհաննես վանքը կենտրոնն էր Արարատյան աշխարհի աստվածաբան հեղինակույտերի դիզվածքներ և պատերի բեկորներ են մնացել նախկին փառազարդութուններից:

Հրաշասքանչ է Հովհաննես վանքի ճարտարապետութունը. ամբողջ շենքը կոփածո կարմիր և սև քարերից պնդապես ամրացած և շաղախաված

են միմյանց հետ. մեծ դժվարութեամբ հնարավոր է այսօր էլ որմնաքարերի կցվանքը որոշել:

Մի ահագին քանդակաչից և դրոշմաչոր հաղթանդամ շինութիւն պարսպի միջակետումը հպարտ կանգնած՝ դետեղում է յուր մեջ երկու լայնադիր տաճարներ: Մինը գավիթն է և մյուսը բուն տաճարը:

Հյուսիսից, երևի վերջին դարերում, միացած է փառահեղ շինութեանը մի նոր եկեղեցի սանդաձև կամարով:

Երկու կաթուղիկե հովանավորում են մեծանիստ տաճարին:

Մինը կանգնած է լայնատարած գավթի գլխին, ամրացած շորս բուրակաձև հաստատուն սև ապարածյա կոպածո սյուների վերա, իսկ երկրորդը՝ բուն տաճարի գլխին:

Երկուսն էլ կիսաքանդ են:

Քե՛ տաճարի և գավիթի միջին կողմը և թե՛ արտաքին երեսը լիքն են զարմանալի նուրբ քանդակներով. դանազան խաչեր և սրբոց պատկերներ են ներկայացնում այդ քանդակները:

Վանքի հարավային պատի վերա, գրսեից, վերից վաւ. ձգված են երկու խաչաձև կարմիր քարյա շրջանակների մեջ հարավային պատուհանները. մի այդպիսի շրջանով ես մեջ է առել արևելյան կողմից սեղանի լուսամուտը:

Վանքը կանգնած է անդեղախոր ձորի ծայրին՝ քարափների վերա:

Մի ահագին այլ ձորի կողմից մտնում է ուղիղ վանքի տակը:

Վանքի հարավային կողմը, Քասախի ափին, ձորի մեջ քարափների խոռոչների մեկից դուրս է ցայտում սուրբ Հովհաննեսի ամենապարզ և վճիտ աղբրակը:

Ոչինչ էջք, ոչինչ ճանապարհ դեպի աղբրակը վանքի պարսպից թույլ չեն տալիս ամենի ժայռերը. սեպաձև քարափները դուրս են ցցել վանքի տակի քարայրի շարունակութեամբ իրանց խորդուբորդ քիթն ու մուռը, հենց իմանաս՝ համբույր տալու ձորի մյուս ափերի ժայռերին, իսկ դրանց տակը կազմվել է անհուն անդունդ, կարծես վերևից նայել վստահացողից զահավեժ կործանելու:

Ուզում եմ ասել, թե աղբրակը երկու-երեք հարյուր քայլ հեռավորութիւն հազիվ թե ունենա վանքից, բայց իջնելու ճանապարհ միանգամայն չկա:

Հաշի տակ չեն մտնում գյուղական մանուկները. նրանք գետի հորձանքը ճղելով կարող են միշտ խմել սուրբ Հովհաննեսի աղբրի քաղցրանուշ ջուրը. նրանք վայրի այծերից ավելի ճարպկութեամբ ներքև կտողան մի քարանձավի խորշից: Քասախի ձորամիջումն նրելսաների համար անմատչելի տեղ չկա:

Կանոնավոր և միակ ճանապարհը, որտեղից կարելի է այցելել սուրբ Հովհաննեսի աղբրակին, այդ կարբու ձորամուտքն է՝ վանքից կես ժամաչափ հեռի. նույնքան էլ կռելի ձորամուտքից մինչև աղբրուրը: Նշանակում է՝ Հովհաննես վանքից աղբրակը գալու համար մի ամբողջ ժամ գոհելու է:

Շրջակա բնակիչների համար նվիրական սրբատեղի է սուրբ Հովհաննեսի աղբրակը: Չորի մեջ՝ աջ ու ձախ ափերից՝ շատ տեղեր բխում են մեծ ու մանր վճիտ աղբրուրներ, բայց երանցից ոչ մեկն այն հարգն ու նշանակութիւնը չունի, ինչպես այս բնկույզի տրամագծի շափ հազիվ բխող աղբրակը: Ամեն սք մի ներքին երկյուղածութեամբ է արտասանում սուրբ Հովհաննեսի աղբրի անունը. հազարավոր հրաշագործութիւններ պատմվում են պառավներից սուրբ Հովհաննեսի աղբրի մասին. նորա ուխտավորն անպակաս է:

Հարցասիրական է լսել աշտարակցի երկու պառավի խոսակցութիւնը. դրանից մինը թող լինի հանգուցյալ Քարաաշենց պառավը, մյուսը՝ իրանց հարևան Քյուլբասարը:

— Հաստատ կենա սուրբ Հովհաննեսի աղբրի ակը, մեռնիմ նորա տիրոջ՝ սուրբ Կարապետի ոտի տակին,— ասում է Քարաաշենց պառավը,— աղջի, վեց ամիս էր Հոլիս (Հոլիսիմե բառի կրճատումն է) դող ու էրոցքի մեջ տանջվում ու մաշվում էր, էլ գրբաց ու ջինդար շմնաց, որ չիացրինք, խունկ ու մմին հո հաշիվ չկա, որ սրբեռի դոներին վառեցինք. մեծ տեր-Առաքելի կապած գողը թրի պես կտրում է. խեղճ երեցն երեք չորեքշաբթի իրար վերա կապեց երեխա գողը, ճար ու մունքուն շելավ. լալազար ծաղկի նման կարմրաթուշիկ բալես մի բարակ դերձան էր դառնել, ոսկրները մեկ-մեկ համարվում էին, թիթը բունեիր՝ հոպին կտար. մնացել էինք մոլորված, ուշք ու մտքներս միանդամայն կորել էր. սուրբ Հովհաննեսի աղբրուրը, հենց բունի, մոռացել էի: Ասում է՝ ծովն ընկնողը ձեռները կածի: Լույս դառնա տատմեր պառավի հերը, որ սուրբ Հովհաննեսի աղբրի անունը շովեց, ես ինձ ու ինձ գետինը մտա. դու մի՛ ասիլ, հենց սուրբ Հովհաննեսի աղբրուրն է մեր վերա բարկացած եղել: Չորանա Տրդատս, էն օրն Լեթ մի շիշակ, տարեկան, դմբձիկ թոխի-ոչխար է առել, ձիւ վերա նստել, առջևը դրել, մենք էլ տուն ու տեղով հավաքվել ենք, տաբել սուրբ Հովհաննեսի աղբրի մոտ մորթել, մատաղ արել: Աղջի, կհավատա՞ս, Հոլուս աղբրի ստոր ջրովը լողացնելու ու դողն ու էրոցքը կհավատա՞ս, Հոլուս աղբրի ստոր ջրովը մին էլավ: Աղիզ քորպես (փոփրիկս) մի շաղանակի պես կտրել կորչիլը մին էլավ: Աղիզ քորպես, վոշնեց, էս օր էլ հո՛ բաթի մեջ առաջվանից ավելի լավ լցվեց, կարմրեց, վոշնեց, էս օր էլ հո՛ քո բարի աշրժիկ տեսնում ես, գեղի ազապ աղջկերանց աշքն ու մարալն է, թևերն եկել են, էս օր էդուց կթողնեն:

— Ընչի՞, քիրս (հույր), դու սուրբ Հովհաննեսի աղբրի գորութունից խամ էի՞ր,— մեղադրում է խոսակիցը,— դու չգիտե՞ս, որ ինքն է դող ու էրոցքի տերը. գարունը ծեգում է, շորս բոլորքի գեղերից նրա ըխտավորը չի կտրվում, թուրք ու հայ, ով դողացնում է՝ դպա նրան է վազում, փրկվում ու հա դառնում: Ծս ինքս էլ Մողնու ծեփի տարին՝ էնքան դուզացրել էի, որ ուժից ընկել էի, երեսիս գույնը՝ դեղին զաֆռանը քեզ օրինակ. շատ էլ տապտապում էի՝ օր առաջ ինձ քցել սուրբ Հովհաննեսի աղբրուր ու ական առաջին շինած պստիկ գլուխը (լճակ) մի երկու փարչ ջուր վրես ածել, բայց քեզ հայտնի է էն տարվա ցասում բարկութունը, դնա ոչ հա գա, խեղ բանը (ծանտախտը) Մողնին վեր էր կալել, ոսի սալ-դատը շորս բոլորքը կապել նստել էր, երկնքի թևավորներին էլ շէին ուզում բաց թողալ, ո՞վ էր յուր գլխիցը ձեռք քաշել, որ գնա իր ոտովը կրակը մտնի, կես սհաթումն ուռուցվորի, սևանա, ածուխ կտրվի ու ճրագի պես հանգչի. քս միտը կլինի, կարծեմ, հասած կատարած աղջիկ էիր, էնպես չի՞, ես երկու տարվան քողը գլխիս հարսն էի:

— Քա ի՞նչ ես ասում, էս օր էլ աչքիս առաջին է,— ընդհատեց Քարտաշենց պառավը,— սալդատների մեծավորին կոնատ կապիտան էին ասում, մեր տանն էր կենում. դե, էն ժամանակն էսքան այվան օթախները (վերնահարկ) ո՞վ էր սեցրել, գեղի լավ տներիցը մինն էլ մեր էս օրվան խոտանոց դառած կտեր օթախն էր: Հենց էն տարին ես նշանվեցի: էն գրողի տանելուն, ով գիտե մեռած է, թե կենդան, յուր գործքովն իրան սղորմի, մի օր թունդրի համար աթար (խալո) ներքև ածելիս՝ մին էլ օթախիցը դուրս եկավ ջրի փարչը ձեռին ու ոտով գլխով ինչ հասկացրեց, թե գնա, ջուր բեր: Դե, նորա աչքին ով էր երևում, շվաքը տեսնելուն՝ օխտը պուճախն էինք ներս պրծնում, մերս մահի կտար, հենց ահ էր սվել ինձ ու մեր լսի բաժին ջոատար թելլուին՝ պստիկ ախպորս նշանածին (կիև), խեղճն երկու տարեն հարսն էր. հենց որ լսում էինք, թե ոսները բակումը ման են գալիս, մենք տեղներս սասանում էինք: Սատանական էր, էդ օրը մերս գնացել էր մեր խնամի Մայրանին գլուխ ապրիք (մխթարանք)՝ յուր փարբեցի հարսի մոր աշխարհքիս ցավ ու դարդիցը աղատվելու համար. տղամարդկանցից էլ մեր տանը ոչ ով շկարես էլ գիտեի, որ կոնատ կապիտանը տանիցը հազարիցը մի անգամ չի դուրս գալիս, արխեին բարձրացա կտուրն ու աթարն ներքև թափեցի: էն էի ասում, աղջի, որ հանկարծ դուռը բաց շարեց ու շեմքի վերա կանգ-

1 1840 թվականն էր, կարծեմ, Մողնի գլուխը ծանտախտը ավերեց: Կառավարութունը գործով շրջապատեց, հաղորդակցութունը արգելեց: Այդ արգելքը ժողովուրդը ծեփ կամ ծեփ էլ բառով էր արտահայտում:

կած փարչն ինձ մեկնեց, միսս փշաքաղվեց: Ճարն ինչ, գնացի. լցրի ու աղլուխս ընշանք պնչիս ծեբը ցած քաշած՝ գլուխս կրծիս մեջ կոխած՝ վերև բերի: Տեսա՝ դուռը ծածկել էր ու ներս մտել: Սիրտ շարի, որ տուն մտնեմ, դուռը կամաց ծեծեցի:

— Պեր,— ձեն տվեց կոնատ կապիտանը ներսից:— Անի աղբրն ասում էին, թե հայերեն կենտ երեք խոսք գիտե— բեր, հաց, ջուր: էն էլ սուտ ու սխալ էր ասում, բեր ասելու տեղակ ասում էր՝ պեր, հացին՝ խաց, ջրին էլ շուր:

Ի՞նչ անեմ, ահահար, դողահար դուռը կամանց ճոռացրի ու սիրտս լքեթալով տուն մտա: Ի՞նչ ես ասում, այ մերս, մտիկ եմ տալիս, օթախումը մարդ չկա:

— Բաս ո՞ւր կորավ. սատանա հո չէ՞ր, որ գետինը վեր խորտակվեք, իհարկե, մի տեղ կուչ եկած կլինեք,— խոսքը կտրեց խոսակիցը,— երևում է մտքումը շարը բնակալած է եղել:

— Սուտ չես ասում,— շարունակեց Քարտաշենց պառավը,— գրողը նորա բկիցը կալի, նրան խեղդի, ջրի փարչը պատի տակին վեր գցեցի ու հա դառա թե չէ, մին էլ էն տեսնեմ, էն սե սրտին դուռը ծածկել է ու մեջքով դռան դեմ ընկել. դու մի՞ ասիլ, փորու՞ն օձեր է ունեցել. քա, ի՞նչ ես ասում, աչքերս սևացան, բերանս տաք ջուրը կոխեց, ոտներս բռնվեցին, տեղն ու տեղը մխվեցի, մնացի, երբ որ էն ծակժողովելուն ծանիքը հա բաց արած՝ լիրը աչքերով ինձ մտիկ տվեց:

— Հողեմ նորա գլուխը:

— Ոնց որ մի նետ օձ, մին էլ էն տեսա՝ բնեցած շունեցած ձախ ձեռքը շլինքովս է փաթաթել, ուզում է թուշ բերանն առնի: Ընտուր են ասել՝ աստված սարը կտեսնի՝ ձյունը կդնի: Ասածու ողորմութունն էր, որ աչ ձեռքն արմնկիցը կտրված էր:

— է... հետո...— հետաքրքրությամբ բերանը կիսաբաց՝ հարց տվեց Գյուլբահարը:

— Հետո նորա խնդոցը, թե իրան կեր կենեի, բերնի տաք գուլը որ երեսիս շղիպավ, ոնց որ տկի բերանից դուրս փշած արաղահոտ: Գեռ առաջ ծնկներս մի լոպս ծավվեցին. քիչ մնաց՝ էն քոռանալուի պոռններն երեսիս էր առնում: Մին էլ, հենց իմանաս, թե գինավոր սուրբ Գևորգը կարմիր ձիու քամակին ինձ օգնության հասավ. մի էնպես ծվոց բարձրացրի, որ օձորքը թնդաց, գերանները դողացին ու երկու ձեռքով որ դողին հուպ տվի, ձեռք շլինքիցս պոկ եկավ ու թիկունքի վերա թխկալով գետնին փոկեց. բարդու ծառը քեզ օրինակ, որ կտրում են ու շուտ տալիս:

— Ա՛յ թե աչքը հանել ես:

— Ընշանք կոնատ կապիտանն ուժը կ՛աժվաքեր, խելքը գլուխ: Կգար

ու վեր կկենար, ես շունչս մեր հացատանն առա ու աղատվի ամեն հայ-
քրիստոնյա խաթից ու փորձանքից, ինչպես որ ես ազատվեցի: Էլ էդ բա-
նից հետո՞ օձի մի՞ս էի կերել, որ ոտս կտուրը դնեի՞ քանի էն գրողի
խեղճածը մեր տանն էր կենում: Լավ, որ աստված աշխարհքի աղոթքը
լսեց, խեղճ եկավ, խեր բանը (ծանախար) վերջացավ, ճամփեքը բաց-
վեցին:

— Ախար խոսքդ մոռացար:

— Հա, էն էի ասում,— շարունակեց Քարտաշենց պառավը,— էդ
օրվանից դողը շանս մտավ, էլ դուս չգնաց. օրեցօր հալ ու մաշ էի ըլ-
նում: Էդ հերիք չէր, մի առավոտ էլ լուսադեմին կուծն ուսեցի, ծեղճե-
զելահան գնացի ջուրը: Քուշեքումը ազամորդի չկար, առվի վերա՞ ջըր-
լցքումը մի հարս, մի աղջիկ չէր երևում: Ես իմ կարճ խելքովս կարծել
եմ, թե որտեղ որ է լույսը կբացվի, աղոթարանը կկապտի, սիրտս հան-
գիստ մոտենում եմ ջրլցքին, կուծը ցնում, հանում, առվի ափին կանգ-
նեցնում, ուզում եմ, սաքի թե, երեսս լվանամ, կուծն ուսեմ, ետ դառ-
նամ: Դեռ երեսիս մի անգամ էի շոփ տվել (ջուր սրսկել), մին էլ առվի
մեկել երեսին աչքիս առաջին մի կատվի շոփ մարդ է ցցված. ոչ ավել,
ոչ պակաս՝ մեր պաշը ծաղիկ սև կատուն քեզ օրինակ:

— Հիսուս ու Քրիստոս,— երեսին խաչ հանեց Գյուլբահարը:

— Ա՛յ քեզ մատաղ, էս պատիկ մարդը քիչ-քիչ ձգվեց, ձգվեց, եր-
կարեց, բարձրացավ, դառավ Ճանճապանենց մեծ բարդի ծառի շոփ,
հաստությունն էլ՝ եռանկանց պոպոթի ծառիցն երկու անգամ ավելի:

— Աղջի, բա դու նստել մտիկ էիր տալիս, ախր ալք է էլի:

— Հողը գլխիս, ցեխն արևիս էի մտիկ տալիս, դորթ է, աչքերս բաց
էին, բայց միջին լույս մնացե՛լ էր կամ գլխումս զորություն կա՞ր բան
հասկանալու, մին էլ տեսա, որ էդ ալքը թռավ ջրի մեջը ու լոք-լոք տա-
լով՝ իմ կողմն է անցկենում: Դե, Յիզոյի թոռը, ոտներդ իրար տուր: Մտի
պես տեղիցս վեր թռա ու երեսս ետ շրջեցի: Էլ չգիտեմ, ո՞տքս դիպավ,
թե ալքը խփեց կժին ու փշրեց, շրխկոցի ձեն ականջս ընկավ, բայց ես
էլ չկանգնեցի, մինչև տուն մի շնչի փախա ու տեղաշորիս վերա փովեցի:
Էլ հո աչքս չփակվեց, ուրիշները դրանից հետո օխտը հանգ (անգամ)
քնեցին, նոր լույսը բացվեց:

— Վա՛յ թե ձեռաց դողդ կտրվեց. դող ու էրոցքը մի փուչ (չնչին)
բանից կտրվում է:

— Ինչ էլա՞վ, դու ոչ մեռնիս, դողացնելը դու ըտուց հետո տես,
ատամներս որ իրար շեն կպչում, կասես, ջաղացի շախախա, ձեռ ու ոտս՝
ոնց որ մի ուռու լեզվակ տերև՝ թունդ քամու առաջին:

— Բաս վերջը գողդ ո՞նց կտրվեց:

— Գրախոսումը ծվլլաս, դու իմ ջրատար մեր, խեղճի հոգին դուրս
եկավ. ոնց որ դու ես ասում, էլ բան չմնաց՝ արինք: Շատերը խորհուրդ
էին տալիս՝ Թաքիա գեղի թուրք օձ ման ածող Օջախ-օղլուն բերել, որ
օձի գուլբը լեզվիս վերա դնի, աղոթի, բայց ո՞ւր էր ճանապարհ, անտեր
կեր ցավը (ծանախար)՝ ոնց որ երկնքից վեր ընկած, մտավ Մողնի գեղը,
անտուր, անդանակ բրդեց խեղճ մողնեցունց ու ողջ գեղը ճրագի պես
հանգցրեց. դրա պատճառով ամեն կողմից ճանապարհները կապվեց,
գնալ գալը, ոտքը կտրվեց, էլ ի՞նչ Օջախ-օղլի, ի՞նչ օտարական, սալդա-
տի ահիցն ո՞վ էր տանից դուրս գալիս:

— Աղջի՛, հիմի էդ ոսի արածն աստծուն ընդդեմ չէր գա՞լ, որ ճամ-
փեքը կտրել էին, սաքի թե ցավն ուրիշ գեղ շանցկենա:

— Հո քո աչքովդ տեսար, որ ցավը Մողնուցն էն կողմը շանցկացավ.
Աշտարակը Մողնուց շատ հեռու է՞, ձեն տաս՝ կլսվի, մի ուլի քիթ խոռ-
վե՞ց. կարբին, Փարբին, Պատի գեղը, Յուշին Մողնու շորս բոլորքի գե-
ղերն են, հինգ օրեն ճանապարհ հեռու չեն, ընչի՞ մեի մի տեղը շցավեց
ու մենակ Մողնին հոգեց-հոգի կորավ:

— Քա՛, խեղճ ես, հոգուդ մեղք մի՛ անիր, աստծուն էլ ընդդեմ չի
լինի, դե, էն է աստծու բարկություն էր, իր հրամանն էր, որ կեր ցավը
Մողնումը դոյանա, ընտեղ էլ վերջանա, թե չէ ցավը մա՞րդ է, որ թոփ
ու թվանքով, գյուլլա-բարութով առաջը կտրես, տուն չթողաս. աստուծո
տակիցը փախչել չի լինիլ, մերս, դու քո խոսքդ մի՛ մոռանալ. հետո ո՞նց
արիր, որ դող ու էրոցքը պրծավ:

— Մենք մի մեծ շալիկ-մալիկ աքլոր ունեինք, էնքան նախշուն ու
սիրուն էր, որ արևի տակին Ֆոֆոում էր, պոչի ջղեն (ախալաղի պոչի
եռկայն փետուրը) քրդի թրի պես կոացել էր. տեսնեմ՝ մի օր մերս բռնել
է, գոգնոցի մեջ փաթաթել:

— Դե, մաշիկներդ ոտներդ անցկացրու, ասեց, ուր որ կերթամ՝ քա-
մակիցս անխոս արի: Ես էլ ի՞նչ իրավունք ունեի՞ պոռչս պոռչիս տամ
կամ բան հարցնեմ, հորթի պես ետևիցը վազեցի:

— Մտել ենք ձորը, ուռի ծառերի փունուտներովը (մացառուտ) ան-
դադար վերև ենք բարձրանում. ընչանք Մողնու ձորն անցկացանք, մերը
մեկ հասավ, ծառ չեղած տեղը կուզե-կուզ ենք գնում, որ լինի՞ թե ձորի
թմբից մի սալդաս տեսնի ու գլխներիս տա, ետ դարձնի:

— Էլ ի՞նչ ետ կդարձնեին, կտանեին գեղիցը դուրս շինած կարախ-
տինումը (կարանտին) մի շաբաթ կպահեին, օրն երեք անգամ մուխ
կտալին: Միտդ չի՞, դժվարն էն էր գեղիցը դուրս գալիր, բռնում էին
մրակոլոլ անում:

— Գորա համար մենք էլ կուչ ու ձիգ անելով, շվաքներիցս վախե-

ՇՈՂՈՒԸ

նալով, խլշկոտալով ոնց եղավ, մեզ քշեցինք սուրբ Հովհաննեսի աղբյուրը: Կարբեցի երեխեքը գետումը ձուկ էին բռնում: մերս կանչեց, աքլորի գլուխը կտրել տվեց, կրակ արեց, աքլորը փետրահան արեց, սուրբ Հովհաննեսի իրան զլզլան, զուլալ ջրովը լվաց, լսի պես սպիտակացրեց. քեզ հայտնի է, փայտե շամփուր էնտեղ հարյուրներով կա, գնացողը շինում է, մատաղը խորովում ու քարափի տակին թողնում: Մերս շամփուրն անցկացրեց, խորովեց ու էն տղեքանցն ուտեցրեց. խեղճը ոչ ինքը մի կտոր բերանը դրեց, ոչ ինձ մասնավորեց: Հետո երեխեքանցը հեռացրեց, շորերս հանեց, աղբրի ջրիցն օխտը բուռ վրես ածեց, լեղացրեց:

— Մեռնիմ սուրբ Հովհաննեսի զորությունին, էն է՝ կփրկվեիր, էլի:

— Իմ երկու շուխտ, մի կենտ ասլան տղերքանցս անուռովն եմ երգվում, ամեն ցավ ու շուն էնտեղ թողի, 40, 50 տարիներ են գլորվել էն օրից, ինչքան լավ ու վատ ենք տեսել ու իմ ցանս դող ու էրոջքը չի իմացել՝ ի՞նչ բան է:

— Աղջի՛, դու լսե՛լ ես, ասում են էդտեղ առաջ աղբյուր չի եղել:

— Բաս ե՛րբ է դուրս եկել:

— Իմ տատս պատմում էր, թե սուրբ Հովհաննեսի ժամ շինող վարպետը դողացրի է. մարդը հավում, ուժից ընկնում է. շինությունը կանգնում է: Ժամ շինել տվող վարդապետը շատ դեղ ու դիր է անում, ամեն ժամարարի դողը կապել տալիս, միաբանքին տեր ողորմյա է շոքացնում, ճար չի լինում. նորա ձեռի գործը Հնդստան էլ չեն կարող դուրս բերել: Ինչ անի վանահայրը, հո էնպես փառավոր տաճարի շենքը անփորձ մարդկանց ձեռքը չէ՛ր գցիլ, շենքն ու գեղեցկությունը կես փող չէ՛ր շինիլ. ճարը որ կտրում, ուխտ է անում, որ եթե սուրբ Հովհաննեսն էս դժվարությունին մի հեշտ ճանապարհ ցույց տա, ինքը մի շաբաթ անսվաղ կկենա, մի տարի էլ օրը մի ձեռնաշափ շոր հացով կապրի: Սուրբ մարդի ձեռն աստված կլսի. հենց էն գիշեր սուրբ Կարապետ դրան երազ է գալիս, թե վարպետիդ տար ձորը, գուշ արած (իգուրտ անկեալ) քարի տակին մի նոր աղբյուր եմ բխացրել, նորա ջրից օխտը գավաթ վրեն լըցրու, լեղացրու, բեր, հանի վանքի գլուխը, թող աշխատի:

— Հենց էն օրից դեան էն աղբյուրը դողի փրկություն է:

— Բաս չե՛ս ասում, թե ի՞նչ քաղցր ջուր է, խմելով չես կշտանում, մի թխիկ գառը մենակ կեր, էն ջրից խմի, կմարսես:

Այս և սորա նման շատ հրաշքներ են պատմում սուրբ Հովհաննեսի արծաթափայլ աղբրի մասին Արագածոտն գավառի բնակիչները և, որ գլխավորն է, ջերմողներից շատ սակավին չի հաջողիլ դիմել, լողանալ և շատողջանալ:

վազում էր Բղդեն գնդակահար էրեի նման ցիպի Հովհաննեսի աղբրակը, բայց մի քանի անգամ ոսքը ծանրացրեց: Նա տատանում էր թողնելու կրկի-մատուռը և իշամեղուններին. բրիչ ու կռան այնտեղ ընկած են, գանկագատան լուսամուտը քանդված է, բոռերն այնտեղից շեն հեռացել, մեկը ներս կմտնի, ամեն բան կպարզվի, և ինքը կզրկվի ոսկիներից:

— Է՛հ, թեկուզ մտնեն, ի՞նչ կարող են անել,— հաստատապես վրձնեց Բղդեն,— ամենաշատը՝ լինդն ու գուրզը (բրիչ և կռան) պետք է տանեն, բոռերը հո թևավո՛ւր են, թլխամի թուղթը հո մատս ունիմ, էլ ումնի՞ց եմ վախենում:

Նա ապահովեցավ և շտապեց տեղ հասնել, մինչ աչքերի ուռույցը չի փակել իր տեսողությունը, արևի կիպիչ սաստկությունն յուր զորությունը գործ էր դնում, աչքերը կարող էին բոլորովին ծածկվիլ և նա ամենի քարաժայռի գլխից խոր անդունդը կգահավիժեր:

Ենթադրությունն իրողության փոխվեց. մոտ էր ձորի հունն իջնելու, որ Բղդեն էլ ոչինչ չտեսավ և ոչինչ չհասկացավ, մի «վա՛յ» միայն լըսվեց, և ոտքերը գեանիցը կտրվեցին:

Անդունդը կուլ տվեց մեր հերոսին:

էլ Բղդե չկա աշխարհքի երեսին, ձեռքներս լվանանք:

Ո՛չ, չհուսահատվինք, մենք այդպես շուտ չենք զրկվիլ մեր սիրելուց. նա կորավ, բայց կրկին լույս աշխարհ եկավ:

Ձորի հատակումը՝ ձորաթմբի ստորոտով վազում է գոչգոչալով Քասախի վտակը. դա մի արհեստական ճյուղք է գետակից հանած. Կարբու ջրաղացների հաստակոլով աղորիքը պտտեցնող ջուրն է դա, ջրաղացի առուն է: Նա շատ խոր չէր, բայց սրընթաց էր և լայն:

Բղդեի գահավիժված ուղղությունից փոքր-ինչ ներքև՝ ջրաղացի առվի վերա՝ մի անհեթեթ օտարոտի մարմին վեր բարձրացավ ջրի տակից, աշխատեց ամրացնել յուր ոտքը և դիմադրել արագավազ ջրի հոսանքին, բայց կրկին ծնկներն ընկրկեցան, և նա սայթաքեց և երեսներովայր փռվեց ջրի մտկերևույթի վերա:

Մի քանի գլորումն ու կանգնումն, և խեղդվողին օգնության հասավ առվի թմբանը տնկած սաղարթաշատ ուռնու գեպի ջուրը հովանավորող ոստը:

Տարօրինակ մարդանման երկոտանին գրկեց ուռնու բունը և դուրս սողաց առվի միջից:

Դա Բղդեն էր, որ վերոհիշված քարափից վայր էր գլորվել ուղղակի առվի մեջ:

Նա այժմ կանգնած է առվի ափին և մեքենաբար գլուխը շարժում է:

Նա թրջված է ամբողջ մարմնով, ջուրը ծլծլալով հոսում է նորա վերայից, իսկ Բղդեն ամենևին ուշագրուծյուն չգարձնելով իր անբնական դրուժյան վերա՝ փառավորապես տեղն ու տեղը պառկեց թաց լուտերի մեջ:

— Օխա՛յ, էս ի՞նչ լավ էր, — երկար ծորելով արտահայտեց նա յուր ինքնաբավականությունը, — բռռերի կծած տեղերն կսկիծն ու մրմուռը կորավ, հովացա ու հանգստացա, ի՞նչ ցավ, թե թրջվեցի, արևն էնքան թեժ է, որ ձուն կխորովի, շատ չի քաշիլ, էլ ետ կչարանա:

Բղդեն իրա՛ւունք ուներ. ջուրն յուր փրկարար ուժը ի դորժ էր գրել. իշամեղունների խայթյունի սաստկությունը մեղմացել էր:

Վայրկենական էր ցավի հանգստությունը, արևի տաքությունից կսկիծը նորից խստացավ:

Այս անգամ Բղդեն հաստատապես յուր դեղը գտավ. պառկած ակղից ձեռքով ջուր սկսեց վերցնել առվից և գլխին ածել:

Նա զգում էր զովություն:

Հետզհետե Բղդեի աչքերի կոպերը ետ բացվեցին, հագուստի ջուրը քամվեց և սկսեց փաշաշել (փոքր-ինչ ցամափել). նա վեր կացավ՝ շտապելու դեպի սառն աղբյուրը:

Հանկարծական կատաղությունը Բղդեին ընդգրկեց: Նա ձեռքը գրպանը տարավ, երկու հատ ոսկիններն էին միայն. կախարդական հոանկյունի փաթեթը չկար, թլիսմը գրպանից վայր էր ընկել. ջուրը տառել էր:

Ամեն ցավ ու կսկիծ մոռացություն տրվեցին. Բղդեն այս անգամ ինքը մտավ առուն և ջրի ափերի խոտերը նշմարելով ու տնտղելով ներքև էր գնում:

Թուղթը չկա որ չկա, արագահոս ջուրը վաղուց ջրաղացի նավի շեշտակի հոսանքի մեջ քայքայել է թղթի շաղախը, թլիսմի թուղթն անշուշտ ոչնչացել է:

Բղդեն սակավ մնաց իրան կորցնելու. նա մի տեսակ դուրս եկավ առվից և սրտակտոր վայր ընկավ կրկին առվի թմբանը:

Նա լալիս և հեկեկում էր:

Հուսահատությունը շատ կարճատև էր: Հանկարծական ուսույունով վեր ցատկեց Բղդեն պառկած տեղից և քիթը քամի մտած, նակատը ծաղիկ, կոմբու (կովարաբ) գոմշի հայացքով աչքերը լարեց դեպի յուր եղած

տեղից բավականին հեռու գետափին գտնված Կարբու ջրաղացի դուռը, ուր կանգնած էր մի դեռահաս երիտասարդ և ձորն ի վեր գեպի արևելք սպասողական դրուժյան մեջ նայում էր:

— Ա՛յ, իմ աչքի փշերից մեկը, — մրթմրթաց ինքն իրան Բղդեն, — երկու տարի է՝ ջհուտ Աղաջանը բերանիս յուզոտ պատառը խլել, սրան է ուտեցնում, իմ շարշու ապրանքն բուրբից ավել Աշտարակումն էր փող դառնում, հիմի Աղաջանն այնտեղ խանութ է բաց արել ու սրան մեջը նստեցրել, ինչ է թե իրան փեսա պետք է շինի: Տե՛ս, տե՛ս, ինչպես սիրտը հանգիստ կանգնած՝ մտիկ է տալիս երկնքին, երևում է՝ էս աշունք պսակվելու է, յուր հարսանիքի ալյուրն է եկել աղալու. ինչի՞ չի աղա, ի՞նչ կասի, որ չի ուրախանալ, ինձ պես շարշուծյուն անելով, բոշեքանց նման ղեղերը չի քարշ գալիս, անքրտինք, անվասուսկ հացի վերա է տուն գալու:

Բղդեն սպառնալից կատաղությամբ գլուխը թափահարեց դեպի յուր համագյուղացի Բստինենց Կարապետի որդի ՍՀոն՝ Աղաջանի ապագա փեսացուն:

— Ա՛յս, թե որ սատանեն կոանս կկենա, էս իրիկուն Կիզի-մատուռի բռռերը քսակս կմտնեն ու կուշ կգան, ես գիտեմ, թե ի՞նչ հացի կհասցնեմ ջհուտ Աղաջանին ու քեզ, ՍՀո ջան, — խրոխտաց Բղդեն երիտասարդի վերա, անուշադիր թողնելով այն կետը, թե Սահակը ոչ տեսել է իրան և ոչ մտածում է, թե աշխարհքի երեսին մի աներևույթ թշնամի է ստեղծվել յուր համար:

— Ի՞նչ եմ ասում, — նորից կսկծալի մորմոքով լաց եղավ Բղդեն, — մեղավորին ո՞վ է տվել արքայություն, ընչո՞վ եմ պարծենում, մոռացե՛լ եմ, որ թլիսմի թուղթը չկա:

Մի խոր հոգվոց վհատեցրեց Բղդեին. մի քանի ակնթարթ լուռ էր նա և անզգայորեն նայում էր դեպի Սահակը:

— Ի՞նչ եմ հիմարացել, — ական թոթափել ոգևորվեց նա, — շատ լավ եղավ, որ թլիսմը կորավ. ոսկիքը հիմի թևավորվել են, բոռ են գարձել, ուր որ գնան, իրիկունը ետ են դառնալու Կիզի-մատուռը. թե որ զանգակատան լուսամտումը թուղթը դրած մնար, բուրբ բռռերը կթռչեին, Սպահան կերթային, իրանց առաջվա տիրոջ սնդուկը կմըտնեին. հիմի նրանք իմս են ու իմս. ցորեկով մատուռին բռռերի ահից մարդ չի մոտենալ, էս գիշեր նրանք իմ ծոցումս բուն կղնեն:

— Սպասի՛ր, ուրեմն, ջհուտ Աղաջան, — բռունցք արեց Բղդեն և կուռը քաջ կոփամարտի նման օդումը ճոճեց, — մի քիչ ժամանակ էլ քաղցր երազներ տես ու գիշերները թաքուն նշանածիդ հետ պատի քամակից քշիչա, Բստինի թոռը ՍՀո, շատ չի քաշիլ, դուք կճանաչեք Բղդեին:

Դեռ ամենից առաջ բոռերի կծածները լավացնեն, երեսիս ուռուցքները նստացնեն, էս իրիկուն էլ ոսկիքն իմը շինեն, հետո ձեզ հետ կխոսեն, ձեր աչքին կերևամ:

Անիվի նման մի ոտքի վերա պտույտ արեց Բղդեն, երեսը դեպի արևելք դարձրեց և շտապով ճանապարհ ընկավ դեպի սուրբ Հովհաննեսի աղբյուրը, երբեմնապես տեղ-տեղ կզվելով առվի վերա և գլուխը մեջը խորասուզելով:

Ահա մոտ է Բղդեն աղբրին. ահա առվի թմբան նեղ շավիղն արգելող մի քարափ, որի ստորոտով պետք է շրջան անի նա և տասը քայլից փափագին հասնի: Եթե Քասախ գետի բարձրաձայն խոխոչյունը մի խուլ արձագանքով բռնած չլիներ ամբողջ ձորը, աղբրակի կարկաչունն այս քարի կռից լսելի կլիներ:

Առվի թմբանն անսահման ժամանակից ընկած այս մեծ ժայռը բնական սահման է դարձել սուրբ Հովհաննեսի աղբրի առաջը փոված փոքրիկ սիզավեա տափարակին, որի արևելյան կողմում կանգնած է մի հատիկ դմնիկի մեծ և ոստաշատ թուփ:

Ժողովրդի հասկացողությամբ, սուրբ Հովհաննեսն ինքն է տնկել և աճեցրել այս փշի ծառը, որպեսզի ջերմ ու տենդով հիվանդները երբ գան բժշկվելու յուր աղբրի ջրով, նրանք կարող լինեն ազատ համարձակ մերկանալ թփի մյուս կողմը և աղբրակի ջրով լվացվել, լցնելով իրանց վերա յոթը դավաթ ջուր. իսկ ցավը հետները ետ շտանելու համար՝ հիվանդները պարտական են կտրել իրանց զղանցքից մի կտոր և կապել փշոտ թփի ճղնիկներից մեկին:

Այս իսկ պատճառով է, որ փշի մեծ թուփն յուր վերա կապկայտած հազարավոր գուլնզգուլն ծվենների շնորհիվ նմանում է մի մեծ ծաղկի փնջի:

Մի վերջին անգամ սահմանաքարի արևմտյան երեսին Բղդեն գլուխը թաղեց առվի մեջ և կամեցավ քարը բոլորել:

Երկու քայլ՝ և նա տափարակի վերա էր. Բայց կոլոտ շարշին փոխանակ առաջ գնալու՝ գնդակի արագությամբ ետ ընկրկեց և տեղն ու տեղը քարի տակին կուշ եկավ ու շունչն իրան քաշեց:

Խռիվներն ու խոտերը նրան ծածկեցին:

Բղդեն մնաց բերանքաց, աչքերի բիբերը լայնացան, հոնքերը ճակատը թռան, ջղերի լափազանց ձգողականությունից երեսի ուռուցքն էլ տեղի տվեց: Այս դրության մեջ նա ահռելի էր, կատարյալ սֆինքս էր դարձել. լավ, որ իրան չէր տեսնում, ապա թե ոչ, երկյուղիցը սրտածաք կլիներ:

Ի՞նչն էր Բղդեին ալլակերպողը, ի՞նչ երևցավ աչքին:

Ճիշտ աղբրակի ական մոտ ընկած էր մի պղնձյա գավաթ. փոքր-ինչ հեռու՝ գետնի վերա թափված էին մի երկու կանացի հագուստ, իսկ արևի տակին կանգնած էր մի շքնաղահարաշ նորատի գեղեցկուհի: Մի ուրիշ, միջին տարիքով կին մայրական գգվանքով հագցնում էր գեղանի աղջրկանը: Կարմիր կերպասի շապիկն արդեն ծածկել էր դեռահաս պատանի աղջկա մարմինը:

— Ոսկի կոճակդ ինքդ կախիր, մինչև ես արխալուղդ բերեմ, Շողիկ ջան. մի քիչ առաջ գնա դեպի արևի տակը, քարափի շվաքը վրեժ ընկավ, կմրսես:

Խոսողը հասակավոր կին էր:

— Չեմ մտնիլ, ադե (մայրիկ), — ասաց սիրունիկը և սկսեց ժողովել շապիկի օձիքը, որ ետ էր բացված և տակից երևում էր լուսափայլ լանջը, որի վերա բարձրացել էր օրիորդական թարմ ստինքը:

Դեռ չէր ծածկել աղջիկն յուր փղոսկրյա, թզաչափ բարձր, հոլանի, սպիտակ կարապային պարանոցը:

Մենք շենք կարող գուշակել, թե ի՞նչ էր անցնում այն ըրպեին աննման գեղեցկուհու մտքից, բայց նա խոնարհեցրեց յուր գլուխը, բոլորակ, սևաթույր և խոշոր աչքերը մի ըրպե սևեռեց յուր մարմարոնյա լանջին և մի հեզահամբույր կարճատև ժպիտ խաղաց նուրբ շրթունքների վերա. նա երկու ձեռքով ետ տարավ կրծկալը և կանացի հպարտությամբ նայում էր խանդաշատ աչքով բնության թանկագին պարզեներին:

Աննման էր աղջիկը. հունական ծովային փրփրազգեստ հավերժահարսն էր նա, որ ցնդեցնելով հուլյների գոռ պատերազմասեր աստվածներին, թևածել էր հայ աշխարհքը՝ Արագած լեռան ստինքից բխած Քասախի անմահական կաթնով լվացվելու և հայ ամպամած լեռնածոցերի անհամար քարայր-պալատների մեջ պար առնող ողջամիտ եթերականներին յուր ոտքի տակ ծունկ շոքեցնելու համար:

Բայց հողեղեն գլուղացին յուր համանման մահականցուփ վերա միայն կախարդական ուժ ունի. մինը գտնվեցավ, որ ականատես եղավ այս տեսարանին և, ինչպես ասացինք, ոտքերը դողացին:

Մայր ու աղջիկ, անկարծիք, կլսեին նորա ոտնածայնը, եթե նրանցից միին իրանով դմալված չլիներ, իսկ մյուսը դատերը հագցնելու հոգսով չլիներ դբաղված:

— Շուտ կուրծքդ կապիր, Շողիկս, — քաղցր հանդիմանություն կարդաց նաչրը, — մեռնիմ կոկոմ վարդերիդ, շատ լի քաշի՛լ կփթթին, կբացվին ու լսելքամաղ կանեն նշանածիդ: Աղջի, սատանեն հակառակ

է, հիմի որ էս խոտերի միջից կամ քարափի ետևից Սհոն քեզ մտիկ տար, հո կգծվեր:

Աղջկա երեսը շտապունեց. նա շտապեց փակել կուրծքը և հագնվել:

— Ախար դու չգիտես, առաջուց ես Սհոյին ասացի, որ քեզ բերն-լու եմ վրեղ ջուր ածելու. ինձ խնդրեց, որ իրավունք տամ հետններս գալու ես նրան ասացի, որ կարող է հեռու-հեռու ման գալով մտնել ջրաղացն ու սպասել. ինչքան էլ լինի, ձոր է, լավ չի առանց տղամարդի երկու հոգով գյուղիցն էսպես հեռանալ. հիմի մենք ջրաղացի առաջովը կանց կենանք, խեղճը մարաղ մտած կատվի նման քամակներիցս պետք է քարշ գա:

Շողիկը ոչ մի խոսք չպատասխանեց:

— Հիմի ասում եմ, էդ քո սատանա Սհոյի սիրտը համբերած չի՞նի ջրաղացումը, էս խոտերի միջին կամ քարափների տակին բուսուն (ղա-րան) մտած լինի՞ ի՞նչ կանես. ախար, տղամարդիկը բոլորը ետ եկած-ներ են:

— Լավ չես արել, ադե, որ թողել ես նրան մեր ետևիցը գալ. լսողը ի՞նչ կասի, հայրս կիմանա, կբարկանա:

— Ոչով էլ չի լսիլ, հերզ էլ չի նեղանալ, գողնովի ի՞նչ ունիմ, իմ փեսացուն է, իմ տղեն է, երկու-երեք ամսից դու նրանն ես, նա քոնը, երկուսդ էլ մերը: Մեռնիմ Սհոյս սե-սե բեղերին, ի՞նչ բախտավոր աստ-ղի տակ է ծնվել, քեզ պես մարալն ու ջելրանն իրան բաժին է ընկել, քո հատը Հինդ ու Հնդստանումը չկա: Փառքիդ մատաղ, աստված, ո՞վ իմ պես խորտոկ աղջիկ կունենա. էս երկու շարաթվան դող ու էրոցը քեզ մի քիչ հալեց ու մաշեց, սպասիր, սուրբ Հովհաննեսի գորութունով էլ ետ լցվես ու գիրանաս, տեսնեմ, թե քեզ ո՞վ կհասնի:

— Ես պատրաստ եմ, ադե, գնանք, քանի որ կա, կերեվի,— մոր խոսքերն ընդհատելու համար ասաց վերջապես Շողիկը:

— Որ էդպես է, հին անթարուցդ մի ծլանք կտրիր, տար քո ձեռ-քովը կապիր սև շալուի (ղծնիկ) փշի ծառին. ասա՝ «էս էլ քեզ՝ իմ ցավ ու շոտն էլ»:

Դժնիկին կապած հագարավոր ծվենների մոտ միմն ևս ավելացավ:

Մայր ու աղջիկ մի համբույր ևս տվին սուրբ Հովհաննեսի աղբրա-կան քարին, մի-մի գավաթ էլ պարզորակ ջրիցը խմեցին և ճանապարհ ընկան դեպի տուն, շնկատելով խոտերի միջով դեպի գետափը սողացող շնչավորին՝ մեր քարաթոթոշ (մողեսի տեսակն է) Բղզերին:

Թե որքան նայեց, ինչքան ժամանակ տեղը միաված մնաց, ինչ մըտ-մըտուքի մեջ էր այս բուսելիս Բղզեն, ինքն էլ չգիտեր: Նորա ուշքը տա-նող առարկայքը վաղուց ծառերի ետևն անհայտացել, հեռացել էին, իսկ նա դեռ ցցված մնացել էր. նա այդ բուսելին մի խելքից պակաս ապուշ էր, որ ժամերով անշարժ մի կետում մնում էր կանգնած ու աչքերը հե-ռու հորիզոնին անգիտակցաբար սևեռած:

Այս դրությունից խելացնորին սթափեցնողը լինում են միշտ գյու-ղական շար երեխայքը, իսկ մեր Բղզեի հուշարարն յուր հետ էր, իշա-մեղունների կծածների կսկիծը նորից ավելացավ:

Բղզեն հիշեց յուր գալստյան նպատակը, նա մեքենաբար ձեռքով աչքերը շփեց և խոտերի միջից առաջեց, հետն էլ հատաչեց ու մոտեցավ աղբրական քարին թիկնեց:

Նա սկսեց կծած տեղերը սառը ջրով լվանալ. գործողութունը խիստ դուրախ էր, և նա մի բանի անգամ կրկնեց:

Յավը զգալի կերպով մեղմացավ:

Բղզեն դառձյալ կանգնեց տեղիցը և շարժվեց դեպի ճանապարհն արդելոց մեծ քարը. նա եղունգներով ճանգոնելով վեր մագլցեց քարի կատարը և շարունակ նայում էր ներքև:

— Գնացին, հեռացան,— փնթփնթաց նա ու ցած իջավ:

— Աստծու բաները մարդ չի հասկանալ, փառքիդ մեռնեմ, երկ-նային թագավոր, ես ի՞նչ եմ մտածում, ի՞նչ է գալիս դեմս, ընչի՞ հա-մար եմ գալիս, ի՞նչ է պատահում. եթե աստվածանից շինելու: առա-ջին անգամն է՝ որ ես Շողիկին տեսնում եմ, ամեն առավոտ գեղիցը գնալիս մեր բակի դռանը կուծն ուսին հանդիպում է, ո՞ր օրն է մտքովս մի բան անցկացել. հենց էսօր նորա մերը մտածեք աղջկանն աղբրումը լողացնել, էսօր պետք է բռներն ինձ այստեղ քշեին: Աստվածանից էր, որ կար:

Բղզեն գնաց, կանգնեց Շողիկի կանգնած տեղը:

— Այ նորա ուր դրած տեղը. էս խոտերը Շողիկի տրորածն են, ա՛յ, հենց էս սիրի-սիրի ծաղիկն էր նորա ոտի տակին:

— Հը՛, հը՛, հը՛...— ատամները բաց արած՝ հիմարական ժպիտով երկար ժամանակ հոհոտում էր նա՝ աչքը տնկած գետնի վրա բուսած խոտին:

Կիսացնոր Բղզեն հանկարծ կոացավ ու սիրի-սիրի խոտի հետ մի

Շատ կարելի է երկար ժամանակ ուշքի չգար Բղղեն, եթե արեգակի ջերմությունն յուր ներգործութիւնը չաներ:

Փոքրիկ միջատների նետերի թույնը շատ ազդու էր:

Միրուը կոտրած, հուսահատ վեր կացավ շարաբաստիկ արարածը և յուր շորս կողմն աչքերը ման ածեց:

Ձորամիջումն ամեն ինչ յուր տեղն էր. միայն օդի մեջ բզզացող թևավոր մեղունն ու երբեմնապէս մի քարից մի թփի վերա թևող թռչունիկները՝ այն ջրի ծիտ կոչված սիրունիկ թևավորները, որոնք ջրային լեն, բայց ջրի սիրահար են, գետերի ափերից չեն հեռանում:

Ձորի խաղաղութիւնը վրդովողը միայն գետակի հոսանքի խոխոջութիւնն է:

Մի քանի րոպէ Բղղեն սիրտ չէր անում տեղիցը շարժվել, առավել լավը՝ չգիտեր ո՞ւր գնար և ինչպէ՞ս գնար:

Վերջապէս, հայտնի չէ, թե ի՞նչը Բղղենն ոգևորեց, նա կրկին մտտեցավ աղբրականը և աներկչուղ նստեց լճակի մոտ ու մեջը նայեց:

— Այ՛ հիմար մարդ, — բացականչեց Բղղեն, — ես իմ շվաքից խրրունել եմ, ևս կարծեցի, թե ջրի միջից ինձ նայում է մի յոթնգլխյան վիշապ. դու մի՛ ասիլ վիշապը ես ինքս եմ եղել, էս ի՞նչ օրն եմ ընկել:

Մի խոր թառաշանք դուրս ծորաց Բղղենի ներսից:

— Ի՞նչ կանեն ուրիշները, ի՞նչ պատասխան տամ ես հարցնողին: Հուսահատ թշվառականի խոսքեր էին նորս:

— Հասկանում եմ, — վհատած ասաց նա, — Կիզի-մատուռն ինձ պատժեց, գոխացրեց, որ ևս իրա պատուհանի քարը տեղահան արի:

Բղղեն սկսեց լսլ և հեծկլտալ:

— Անիծած վից հազարյակի գորութիւն, անպատճառ թլիսմը խիտ է եղել, կա չկա՝ գորացն անեծք է դրել բոռերի վերա և բոռերին ձեռք տվողի վերա: Ախար ընչի՞ հանձն առա թուղթն Երևանից բերել կամ թե բերի, դրի պատուհանի վերա, ընչի՞ էի կանգնում, ընչի՞ էի բոռերին սպանում, որ ոսկի դանան ու իմ սիրտս քաշեն իրանց:

— Է՛հ, էս էլ շուղեցի, թող կրկին թև առնեն, թռչեն, իրանց տիրոջ արժանանան, — ասաց Բղղեն և ձեռքը գրպանը տարավ, հանեց երկու հատ ոսկին ու շարտեց:

— Հիմար, հիմար, — շարունակեց շարչին, — թլիսմն ի՞նչ է, որ մարդի այլակերպացնի. Կիզի-մատուռն է բարկացել ու ինձ էս օրը պցել Տեղն է ինձ, ևս մեղավոր, անարժան, սևերես եմ, հայ քրիստոնյան յուր ձեռքով յուր եկեղեցին քանդի՞:

— Ո՛վ յոթն անվան տեր սուրբ Կարապետ, իմ ձեռքն է քո փեշը (էեզ եմ ապավինել), — շոբեց, տեղն ու տեղը աղոթեց Բղղեն, — քո դուռն եմ

եկել, քո աղբրի ջրովն աշխարհքն է ցավ ու շոռից փարատվում, դու բարեխոս կաց սուրբ Կիզի-մատուռի առաջին, խոսք եմ տալիս՝ իմ ձեռքովը քարը տեղը դնել, նորա դուռնը մի որձ ոչխար մատաղ անել: Ամեն, ով սուրբ Հովհաննես, էս օր ևս քո աղբրի ջրովն եմ լվացվում. ուխտս ուխտ լինի, որ եթե իմ առաջին կերպարանքն ստանամ, մի օր քո Հորդանան ուխտ գամ, Հորդանանի ջրովն էլ լվացվիմ:

Այս ուխտն արեց Բղղեն և գլուխը թաղեց լճակի մեջ:

Այս գործողութիւնը կես ժամաչափ կրկնում էր նա:

ԺԷ

ՋՎԱՄԵՆԻ ԽԱԹՐՈՒ ԹԱՎԻ ՊՈՉԸ ԿԳԱՉԵՆ

— Սուրն երեսիս խաղացրու, ջհուս Աղաշան, ես քո դռնիցը հեռացողը չեմ, ես նույն Բղղեն եմ, որ էի, որին դու խղճացիր, հացի տեր շինեցիր, գալիս եմ կրկին ոտքերդ ընկնելու, գալիս եմ ասելու, որ Շոգիկը Բասինի թոռից հանի, ինձ տուր, ինձ քո դուռնը կապած շունը շիջի:

Այս խոսքերը դուրս թռան Բղղենի բերանից, երբ մի ժամաչափ անգաղար լվացվում էր սուրբ Հովհաննեսի աղբրի մոտ և ջրի ափին, քարափի ստվերի տակ, պառկում:

Ենդճի քունը տարել է:

Մեկ էլ հանկարծ նա զարթնեց և, ով աստված, ջուրը հրաշագործութիւն էր արել, սուրբ Հովհաննեսը Սելովմա ավազան էր դարձել իշամեղունների շնորհիվ բորոտացածի համար:

Բղղեն յուր բնական կերպարանքն էր ստացել:

— Բայց մի՞թե արածս հիմարութիւն չէր, — մտածելով և խոհանարանը բռնելով ասաց և աչքերը դարձրեց դեպի մերձակա սիլվալիտ տեղը, — այս ինչ արի ես, ոսկիքն ընչի՞ կորցրի, հենց իմանանք իմ ոտնաղը, — այս ինչ արի ես, ոսկիքն ընչի՞ կորցրի, հենց իմանանք իմ ոտնաղը, — թլիսմի թուղթն Երևանից բերել եմ, տեղ եմ հասցրել, ի՞նչ մեղք էր, եթե փոխարենն երկուսն իմը լինեին, Շոգիկի վզնոցի միջին շատ կհարմարեր:

Բղղեն տեղիցը կանգնեց և երկար ժամանակ խոտերը ետ քաշելով որոնում էր: Փշերը ծակոտում էին նորա մատները, բայց գլուղականի կոշտացած կաշվին այդպիսի ասեղներն ախորժ խտողանք են միայն անազացնում և այլ ոչինչ:

*

Կարելի է շատ պետք է որոնել Բղղեն, եթե յուր սուր տանից երկու նույնանման իշամեղուներ դուրս շթաշին գետի գետը:

— Է՛Տ, աստվածանից որ կարծած է, քաշքշկով ունի շես շինի արդար վաստակ էին. գնացին իրենց տիրոջ բակը մտնելու:

Երկար ժամանակ սշտարեկ այս խոսքի հետ Բղղեն էլքերը պլշած մնացել էին դեպի բոսերի անհետացած կողմը:

— Անիծածներն ինչպե՛ս փայլուն էին,— ժպտաց նա,— ճիշտ այս քիտ տակին են եղել կուշ եկած, այստեղից թռան:

Բղղեն աչքը ձգեց վայրի կանգառի փշուկի թիփն և երկար նայում էր Հանկարծ թափահարվեց նա և ետս ընդ կրունկն մի ոստյուն արեց:

— Եթե թռան գնացին,— ճշաց նա,— հապա էն ինչե՛ր են կանգառի արմատի մոտ: Իմ ոսկիքս են, որ կան:

Նա հարձակվեց և հողախառն կորզեց գետնից յուր ձգած ոսկիքը:

— Երազում հո չե՛մ:

Բղղեն, արդարև, իրան կորցրել էր. նայում էր յուր շուրջը, աղբրին, դեպին, քարածայտերին, ոսկիներին, շոշափում էր յուր անձը և գլուխը շարժում:

Նա սկսեց մի առ մի մտաբերել այս տվուր դեպքերը և թվել:

— Վեր կացա տեղիցս, թլիսմը տարա մատուռը, ոսկիքը բոռ դառան, թռան, երկունս սպանեցի, քարն տեղահան արի, պատիծս առա, ուռուցվորեցի, եկա սուրբ Հովհաննես, Շողիկն այնտեղ էր կանգնած, էս էլ իմ շարած ոսկիքը, որ կրկին բռումս են:

— Ի՛նչ երազ, ա՛յ ձեզ մատաղ, դե երկու հատ չե՛ր:

— Բայց որ հիմա թռան ու գնացին՝ նրանք էլ երկու հատ չե՛ին:

— Է՛Տ, հիմար իմ գլուխ, աշխարհումս հազարավոր բոռեր կան, նրանք էլ հազարիցն երկուսը:

— Զե՛, չե՛, ես ձեզ դուր եմ շարտել,— համբույրներ էր տալիս յուր երկու հատ ոսկիներին,— էլ ձեզանից ես չեմ բաժանվիլ, դուք դեռ ինձ շատ եք պետք. միայն դուք չեք, թլիսմի թուղթն էլ չկա, կիսից ավելի Կիցի-մատուռի մեջ դեռ դժվժում եք, բոլորդ իմը կլինեք՝ ձեր վորությունով էլ ջհուտ Աղաջանի աղջիկը:

Արեգակն սկսեց արդեն յուր կարճ ստվերը կրկնապատիկ երկարացնել դեպի արևելք, ձյունանման ամպերի կույտերը հրափայլ շողշողյուն էին ստանում, երբ վերջին անգամ Բղղեն լվացվեց աղբրակի վերա. հա՛րբուրեց աղբրի քարը և քայլերը փոխեց:

— Ահա գալիս եմ դեպի քեզ, ո՛վ սուրբ Կիլի-մատուռ:

Նա շտապ-շտապ առաջ էր գնում:

— Էսպես բան եք տեսե՛լ,— գլուխը շարժեց Բղղեն և ժպտաց.—

ո՛ր էի գնում, ուր եկա. տան ճանապարհը դեպի աջ է, ես ձախ եմ ծրուվել, եկել փշի թիփ տակը:

— Կգամ էլ, հոգիս էլ դուրս կգա,— շարունակեց նա,— շատ ու շատ անգամ էլ դեռ մոտդ կգամ, ա՛յ սև շալվի փշի թուփ. դու ինքդ շալու ես. անպետք փշի թուփ ես, բայց ծաղկել ես, փթթել ես, հազար տեսակ ծաղիկներ ես տվել. բայց դրանց բոլորի հոտը կորցրեց քո վերա էսօր ավելացած կոկոմ վարդը. ա՛յ, հենց էս, որ ձեռիս եմ բռնել, հոտ եմ քաշում, համբուրում եմ ու չեմ կշտանում:

Բղղեն ձեռքում շփում էր Շողիկի կապած ծվենքը:

— Ասում ենք՝ քո վրա կապոտած փալասներին ոչով իրավունք չունի ձեռք տալու, թե չէ դող ու էրոցքը վիզը կփաթաթվի, բայց ես հո հետս չե՛մ տանում, ի՛նչ վնաս, եթե ես օրը մի անգամ գամ էս կարմիր փալասի կտորին ուխտ, մինչև մի օր իմ սրտիս փափագը գլուխ գա:

Այս խոսքերով մի անգամ ևս համբուրեց Բղղեն Շողիկի անթարու ծվենքը ու ճանապարհ ընկավ: Զվածեղի խաթրու թավի կոթը կպաշեն:

ԺԸ

ՄԿՆԵՐԻ ԾԱՌԱՅՈՒԹՅՈՒՆԸ

Արևը մի ձողաչափ ճանապարհ հազիվ ուներ սարերի մյուս կողմն անցնելու, երբ Բղղեն թողեց սուրբ Հովհաննեսն ու շտապեց դեպի Կարբի:

— Այս քարքարոտներից լուսով դուրս գամ, հետո ես գիտեմ,— վճռեց նա և անհարթ ձորաթմբի դարավանդներով ոլոր-մոլոր վեր բարձրացավ:

Ամառն էր. երեկոյան զորավոր հողմիկը սփռել էր ամեն տեղ ճոխ բուսականության բուրմունքը. ամենահարմար ճանապարհ գնալու և զանդիվեր բարձրություններ կտրելու չափած ու ձևած ժամանակն է. ճանապարհորդի ոտքերն ինքնաբերաբար թեթևանում են, խոտոր-մոտոր ելեէջներն անզգալի են լինում, ուղևորը մի դյուրայի թեթևություն է զգում:

Այս դյուրությունները չէին, որ Բղղեին շինել էին քարափնների ուսերին սորորոզ, վազ առնող կարմրակտուց կաքավ. միայն այս օրվան բազմադեպ եղելությունները չէին նրան առաջ վարդը:

— Մինչև ես ձորը դուրս կգամ, մեր գյուղը սև պատանի մեջ կուլված մեռել կդառնա,— մտածեց նա,— բոլորը քնոտած կլինեն. գործի տեր մարդիկ են, հիմի կալվորը եզներն է թողել, թեզի կողքին պառկել

39— Գ. Պոշյան, Երկեր

հանգստանում է, մշակը հանդիցն է եկել ստներին ու ձեռներին դնելու-
թյուն տալիս. էլ ո՞ւմնից եմ քաշվելու, շտապեմ քանի ժամանակն է:

Մուժը գետինն արգեն առել էր, երբ Բղղեն մտավ իրանց տունը, մո-
րը քնած տեսավ, ավելորդ համարեց զարթնացնելը, շոշափելով գտավ
հրահանի պարկը, հանեց շարչիական խուրջինից մի երկու գույգ մեղրա-
մամ և իրան ձգեց Կիզի-մատուտի մեջ ու ճրագը վառեց:

Ամեն ինչ յուր թողած զրուսթյան մեջ էր. բրիչ ու մուրճն ընկած էին,
պատուհանի քարը շրջված մնացել էր, իսկ նորա մոտ, մի խորշում, մեղրի
բջիջների վերա եռում էին հազարավոր իշամեղուներ:

Այս բջիջները մեղուների կաղմածը չէին, նույնանման բջիջներ կեր-
տում են իշամեղուների երկու տեսակները, որոնցից մեկը մեզ ծանոթ
բոռերն են, մյուսները նոցանից ավելի փոքրամարմին կրետները: Վեր-
ջիններես շենքը շատ աննշան է, իսկ բոռերինը կատարյալ մեղվաբջի-
ջների նման են. այն գանազանություններ միայն, որ բջիջների մեջ լեցուն
մեղրը նույն քաղցրությունը չունի, ուտելու համար էլ միանգամայն ան-
պետք է:

Իշամեղուներն այս անգամ առավոտյան հերոսությունը չգործ դրին,
բզզոց վզզոցը շատ նվազ էր. իրանք էլ մեղրահացների վրայից չթռան.
ճրագի լույսը խողտացրել էր միջատների աչքերը:

Բղղեն շվարել էր. նա մոտենալ չէր վստահանում, հեռվից միայն
զարմացած նայում էր. որքան շատ են եղել երևակայալ ոսկիքը, այն-
քանը թռչելուց հետո՞ դեռ մնացածներին թիվ ու քանակ չկար: Մի՞թե
ցերեկվան թռչողները ոսկիք չէին, բայց ի՞նչ են յուր գրպանի երկու
հատը:

Բղղեն հանեց և ձեռքին բռնեց:

Երևակայություն չէ, ազնիվ մետաղի փայլը ճրագի լույսովն էլ յուր
զորությունը չի կորցնում:

— Բայց կարելի է սրանք հենց իսկական բոռեր են ու թլիսմի տերը
հարյուրավոր տարիներով առաջ յուր ոսկիքն էստեղ թաքցրել է և ուզեցել
թլիսմի ձեռով տանել, սակայն չի հաջողվել:

— Տեսնենք, — ասաց Բղղեն և զգուշությամբ գլխարկով ճմլեց բջի-
ջից հեռու կանգնած միակ իշամեղուին:

Ոչինչ կերպարանափոխություն — մի սատկած բոռ է ընկած գետնին:

Նա չհավատաց աչքերին, բրիչի ծայրով ետ քաշեց սպանած միջատն
ու վերցրեց:

Իշամեղուի փափուկ մարմինն է և ուրիշ ոչինչ. նա տրորեց պողոնցի
մեջ, մի տեսակ մածուցիկ հյուսթ քավեց յուր ձեռքին. բոռի սպիտակ ար-
յունն էր:

— Ի՞նչ կնշանակե ուրեմն, մի՞թե սորա տերը միայն երկու հատ
ոսկի էր պահել կամ ընչի՞ պետք է դուրսն ընկած լինեին:

Բղղեն սկսեց մանրախույզ հայացքներ ձգել յուր շուրջը և քարի
տակը:

Առավոտն ամեն բան կպարզվեր, եթե նա շփոթված չլիներ:

Պատի տակին, քարերի մեջ, պատաշարի ճեղքվածքից դուրս է մղ-
ված երկու-երեք բունաչափ կրախառն ավազ: Ամեն գյուղական մանուկ
կարող է ասել, թե գետնափոր մկների արարքն է այդ. այդպիսի հողա-
կույտերը հարյուրներով կան գաշտերումը՝ մկան ծակերի մոտ:

Գեռ հողի կույտը շխառնած՝ Բղղեն դիտեց հետաքննին աչքով և վրճ-
ոնց, որ հողը թափված է տեղահան արած քարի հետ բացված ճեղքից:
Բղղեն սկսեց հողը խառնել:

Շրաշք...

Շողակույտի մեջ լիքն է Բղղեի մոտ եղած ոսկիներով: Նա մոռացավ
բոռերին:

Շողախառն բուռն արեց և գրպանը լցրեց:

— Ուրեմն գնացող բոռերը ոսկիք չէին, — վճռեց Բղղեն հողը քրքրե-
լուց և վերջին ոսկին վերցնելուց հետո, — ահա՛՛ առավոտյան սպանած
բոռերը:

Այդպես իսկ էր. նորա սպանած երկու միջատները, որոնց ոսկի դառ-
նալու վերա աներկմիտ էր, այժմ ընկած էին քարերի մեջ փոշոտված:

Ինքնամոռացությունը հեռացավ Բղղեից:

Նա ապահովեց, որ միջատները կապ չունեն յուր գտած թանկագին
մետաղի հետ:

Այժմ նա սկսեց գազոնիքը քննել և գտավ:

Յուր տեղահան արած քարի անկյունում, մի արհեստական խորշում,
գլխի վերա շրջված էր մի փոքրիկ կավի բղիկ:

Նրանից քիչ հեռու ընկած էր յուր կափարիչը:

Խուփը միջից երկու կես էր եղած:

Անշուշտ մկներին էր պարտական Բղղեն:

Մկներն են փորել բղիկի տակը, շուռ տվել և ոսկիքը հողի հետ դուրս
թափել:

Առաջինը չէր այսպիսի դեպք պատահելը, շատ մոտիկ անցյալում
մի հոգևորական նույն ձևով վայելեց կրծանների աշխատության արդյուն-
քը. մենակյացն յուր հովանավորության հանձնված վանքի պատի տակին
մկների դուրս թափած հողի կույտի մեջ գտավ ոսկիներ:

Որքանությունը սուրբ հորն է միայն հայտնի, նոցանից միայն եր-
կուսն իբրև հնություն դրված են Մայր Աթոռի թանգարանում:

— Հիմի, ջհուտ Աղաջան, թե ճակատ ունիս դիմացիր, երկու դոշի գլուխ մի պղնձում շեն եփվիլ։ այսուհետև կամ շարշի Բղղեն, կամ ջհուտ Աղաջանը. օրն էգուց մենք իրար կհանդիպենք, դեռ այս գիշեր գնամ հանգիստ քնեմ։

Այս խոսքերով բրիչն ու կռանն առած՝ առանց յուր խոստումը կատարելու, առանց քանդած քարը տեղը դնելու՝ դուրս եկավ շտապով Բղղեն Կիզի-մատուտից և դեպի իրանց տունն ուղղեց քայլերը։

Քե որքան գիշեր էր անցել, ինչպիսի երազներ նրան հուսալից կամ հուսալիք էին արել, հաշիվ չկարաց տալ իրան Բղղեն, բայց մեկ էլ յուր անունը լսեց, տեղից վեր թռավ, ցից կանգնեց, շփոթվեց, մթուձյան մեջ նայում էր յուր առաջին կանգնող սովերներին և յուր շորս կողմը։

Նա քնահարամի շարժումներ էր անում, աջ բազուկով աչքերն էր սրորում, ծործորակն էր քորում, հորանջում էր և իրան առաջարկած հարցմունքներին միայն անկապ և անհասկանալի հնչյուններով էր պատասխան տալիս։

— Ա՛յ տղա, Բղղե՞, ի՞նչ ես շշմել, քեզ շե՞մ հարցնում, էս ժամանակ էստեղ ի՞նչ գործ ունիս,— կրկնեց ձիու սանձը ձեռքին բռնած մի մարդ։

— Աբա... Աբա... Աբարանիցն եմ գալիս,— քրթմնջաց վերջապես ուշքի գալով Բղղեն,— շատ հոգնած էի, նստեցի ձեր դռան առաջին, որ քիչ հանգստանամ, քունս տարել՝ մնացել եմ էստեղ, Աղաջան ամի։

— Իսկ էս լինգն ու գուրզն ի՞նչ բաներ են։

— Աբնագյուղի տերտերինն է, մի փոքր շինություն պետք է անենք, մի քանի օրով խնդրեցի. բայց դո՞ւ որտեղից էսպես ուշ, էս ի՞նչ ձիավորներ են։

— Տողա, դեռ քնած ես, շե՞ս տեսնում՝ ապրանք է, Երևանիցն եմ բերում. էս էն բանն է, որ քո բերանդ յուղոտեց, որ հիմի ինքդ ես բերում։ Վնաս չունի, ես շատ ուրախ եմ, աստված տա ավելի հարստանաս, ձեռքդ հրկարի. բայց ասել եմ, կրկին ասում եմ, Բղղե, աշխարհքը քեզանից գանգատավոր է. թանկ ես տալիս՝ հերիք չէ, ապառիկդ էլ ավելի ես նշանակում, մեկին մեկ շահ ես առնում, քերթում ես, կողոպտում ես ձեռքը կարճ գեղացոնցը. էդ լավ չի, որդի, վերևից աստված մտիկ է տալիս։

Գիշերն արգելք եղավ ջհուտ Աղաջանին նկատել Բղղեի կերպարանքը, ապա թե ոչ՝ նա իրան կպաշտպաներ կամ ետ կփախչեր, երբ տեսներ, թե ինչ գազանային կատաղությունը կուսացավ և գետնիցը վերցրեց մուրճը։

— Գե վեր կալ լինգդ ու գուրզդ և գնա հանգստացիր. բարի գիշեր,— ասաց Աղաջանը և հրամայեց յուր հետի մարդկանց բեռները իջեցնել։

Աղաջանի քաղցր խոսքերն էին, որ մի ակնթարթում իջեցրին Բղղեի բարկությունը։ Նա ատամները կրճտեց, առավ յուր գործիքներն ու հեռացավ, յուր մեջ փնթփնթալով հետևյալը։

— էս ի՞նչ է պատահել ինձ, չէ՞ որ ես մեր տունն էի գնում քնելու, ապա ջհուտ Աղաջանի դռանն ի՞նչ բան ունեի։

— Հա՛, հա՛, հիմի հիշեցի,— երկար ճամանակ մտածմունքների մեջ խորասուզվելուց հետո արտասանեց Բղղեն,— գնացի, որ կռանամ, համբուրեմ էն շեմքը, որտեղից օրն երկու անգամ՝ առավոտը շատ վաղ և իրիկունը շատ ուշ՝ կուժն ուսին անցուդարձ է անում էս օրվա հուրի փարին. հիմա եմ հիշում. չոքեցի, շեմքի փայտն երեք անգամ համբուրեցի, ինչպես երևում է, գլուխս դրել եմ շեմքին՝ անուշ երազների մեջ մտել։

— Բայց գնա, որ գնա, ջհուտ Աղաջան, լավ պրծար, դու անպատճառ էսօր մի լավություն արել էիր. որ քո առաջդ եկավ, քեզ մահից պրծացրեց կամ թե չէ քո մի կտոր հացը գուրզը ձեռքիցս խլեց, թե չէ դու հիմի արենշաղախ, անշունչ ընկած կլինեիր քո շեմքի առաջին։

— Ո՛չ էս, ո՛չ էն, դու էիր, Շողիկ ջան, որ քո լսաթաթախ ձեռներով ուժեղ փահլեանի նման (բմբիշ) կռներս ծալեցիր, ձեռներս թուլացրիր ու հորդ արևը սև անող գործիքը խլեցիր. շատ էլ լավ արիր, դու հո չէիր կարող հորդ արյունով լվացած ձեռքը համբուրել։

— Ի՞նչ... ի՞նչ եմ ասում...— հանկարծ ցնցվեց ամբողջ մարմնով Բղղեն և վերմակը վրայից ետ բացվեցավ։

Արդեն Բղղեն տուն էր հասել. հանել էր յուր շորերը և մտել էր մոր պատրաստած անկողինը։ Առաջինը չէր, որ մայրն այդ նախապատրաստություններն անում էր որդու համար։ Պատահում էր, որ Բղղեն երբեմն շատ ուշ էր վերադառնում գյուղերից. մորն անհանգիստ շանելու համար նա կարգադրել էր, որ յուր անկողինը պատրաստեր և ընթրիքը մոտ դներ։

Գալիս էր Բղղեն, ուտում և տեղը մտնում։

Այս գիշեր նա յուր անկողին մտնելն էլ չէր հասկացել. նա դեռ իրան փողոցումն էր կարծում։

— Երբե՞ք և երբե՞ք,— ձեռքը շարժեց նա,— շարշի Բղղեն տղամարդ չի, որ մի աշեկա առաջին կուշ գա ու նրա հոր շարտած արճից ծանր խոսքերը մարսի... Հը...— դռն մպիտով խնդաց նա...— ուրախ եմ, ասում է, աստված տա ավելի հարստանաս. բայց մուշտարիքանցդ հետ լավ վարվես... Չէ՛, ջհուտ Աղաջան, չէ՛, ձեռներդ լվա, Բղղեն էլ քո տեսած էրեխեն չէ. Պողոս աղայինց ամալին քո իրավունքի տակից դուրս

պղծավ, խրատներդ նորա ականջի շեն մտնիլ, այսուհետև հո դու, հո մի բուռք փողին,— քամունե տվիր՝ էլ չկա, սրանք ողջ կենան, սրանք:

Բղդեն վերցրեց մոտն ընկած արխալուղն և շարժեց, ոսկիքը գրպանումը զողանջեցին:

— Բաս Շողի՞ կը... Չէ՞ որ նա ջնուտ Աղաջանի աղջիկն է, չէ՞ որ իմ թշնամին Շողիկիս հերն է, չէ՞ որ Շողիկս իմ դուժմանի միս ու արյունն է, ո՞նց կտրես միսը, որ արդունը չթափվի. ինչպե՞ս թափես արյունը, որ միսը չկտրվի...:

— Ա՛խ... ես կխելոնեմ... Աղե՛, աղե՛, աղե՛, մեղի՛ կո— ձայն՝ արձակեց մի քանի անգամ Բղդեն, ճակատին զարկեց, անկողնի մեջ կործեցավ, գլուխը կոխեց, բարձի տակը ու հեկեկալով լաց եղավ բարձրաձայն:

ԺԹ

ՋԲԻ ՃԱՆԱԳԱՐՉԻՆ

Լուսազեմ է. բնությունը խաղաղ է ու անուշաբույր. մի թեթևասյուր գեփյուտ մեղմորեն խաղում է ամառվան գիշերալին մթնոլորտի մեջ. մթնածեղ երկնքի երեսը զարդարող փայլուն գոհարները— բյուրավոր մեծ ու մանր աստղերը— միմյանց ետեից ծորելով, անհետանում են կամ տեղն ու տեղը չբանում են. անսահման տարածության թանձր սևաթույլ վարագույրը հետզհետե նոսրանում ու կապտագույն անխռով օվկիանոսի մակերևույթի է նմանում: Արևելյան կողմից մի բարակ շառավիղ՝ թափանցիկ ոսկեգույն շղարշի նրբությամբ, ձգվում էր երկնից երեսին, սրփաելով և ցրիվ տալով յուր ասեղանման սուր-սուր ծայրերը դեպի հեռի արևմուտ, դեպի խոր հյուսիս:

Այդ նոսրացած գոհարների խմբերում դեռ հպարտությամբ խաղում են պայծառ փայլերով մեկ-մեկից բավականին հեռու ընկած առավոտն ավետող տասներկու խոշոր աստղերը: Բայց և նրանց երջանկությունը կարճատև է. լուսը մոտ է, լուսո երկյուղը նրանց էլ սարսափեցրել է, նրանք էլ հետզհետե գունատվեցին և մեկ-մեկ գլուխ առան, կորան: Մինը կա, սակայն, որ չի ուզում ընկճվիլ, դա Արուսյակն է՝ լուսազեմի աստղերի թագուհին, գիշերալին լուսավորներից ամենագեղեցիկը՝ լուսնյակից հետո. նա երեսը դեմ է տվել, ուզում է հակառակել Արալի լեռան քամակից դեպի ինքը շեղված լուսավորների թագավորի սլաքներին: Բայց և նա, հաղթահարված ու դալկացած, գլուխն առավ, չբուցավ: Այդ բոլորից հետո արշալույսն ավետում է մի գեղեցիկ առավոտ և փութաց-

նում է գեղջուկին դեպի յուր սիրելի պարապմունքը, յուր հանդը, յուր դաշուր, յուր այգին, յուր կալ ու կուտը:

Մի այդպիսի առավոտ բացվեց մյուս օրը կարբում:

Չարաբաստիկ Բղդեն՝ սովոր շուտ զարթնելու և յուր շարժությանը հուսալու, այդ գիշեր ոչ քուն էր մտել, ոչ զարթնել, հազարավոր խառն ու շիտթ մտածությունների ու դիտավորությունների ծրագիր կազմելով, ինչպես պառկել էր, այնպես էլ տեղիցը վեր թռավ: Նա ոչ մորը զարթնեցրեց, ոչ շարժու պայուսակին մոտեցավ. մի աներևույթ մղումից, կարծես, ձգվեց դեպի այն նեղ փողոցը, որտեղից անցնելու էին կծերն ուսերին ջրի գնացող աղջիկները:

Այս գործողությունը սկսում էր սովորաբար լուսաբացից շատ առաջ, երբ այգն ու ցայգը չէին տվել միմյանց հրածեղտի ողջույնը:

Պառավ կանանց երկճղի ձայներն էին լինում առհասարակ ջահելներին քնահարամ անողը:

— Աղջիկներ՛ր, հարսներ՛ր, ելեք,— ձայն էին տալիս մեկ էլ անուշ քնի մեջ մտած ժամանակն անքուն պառավները,— քանի մրափեք, կնրմանիք քրդի մեռել, աքաղաղն երեք անգամ բարի լույսն ավետել է, վերի կողմը (արևել)՝ կապտացել է, ելե՛ք դուռն ու տուն սրբոտեցե՛ք, մինչև տավարի ոտքը չի պղտորել առունները, գնացեք պաղ ջուր բերեք, բան ու գործի ժամանակ է:

Պառավների այս պատվերը շարժում ու կենդանություն էր մտցնում գյուղական ողջ բնակչության մեջ:

Մեծ պատրաստություն պետք չէր գյուղի հարս ու աղջիկներին իրանց արդ ու զարդն ավարտելու, իրանց պաճուճանքը վերջացնելու:

Հանեց պստիկ հարսը գլխատակից պատառոտուն, կարմիր, խամ կտավի անթարին, հագավ յուր դեղին շապկի վերայից և ահա նա միանդամայն պատրաստ է գործի կանգնելու:

Ամուսնացած մատաղահաս կանանց գլխի ծածկոցները, որ նույնպես կոպիտ փաթաթաններից են ձևած՝ գիշեր-ցերեկ գլխներից շեն բաժանվիլ, այլ միայն տոն օրերին կբացվին: Միակ աժանագին մետաքսյա ժանվիլ, այլ միայն տոն օրերին կբացվին: Միակ աժանագին մետաքսյա ժանվիլ, այլ միայն տոն օրերին կբացվին: Միակ աժանագին մետաքսյա ժանվիլ, այլ միայն տոն օրերին կբացվին: Միակ աժանագին մետաքսյա ժանվիլ, այլ միայն տոն օրերին կբացվին:

Հասած աղջկանց գլուխն ավելի սակավ պատրաստության կարիք ունի, սանրել, հայելու տակ կտկվել չկա, մի-մի շթյա ծաղկավոր թաշկիռնակ է, որ եռանկյունի ծալում են, ծնոտի տակովը պատ տալի և սուր ծայրը թիկունքին փռում, որպեսզի հարմարին նորա հետ ամբողջ մեջքը բռնող տասներկու երկայն ծամերը և իբրև ծոպեր ծառայեն գլխի ծածկոցին:

Մակավապետ է գյուղական կանացի սեռը, հրապուրիչ պճնազարդություններ նրան շեն զբաղեցնում, նա միայն յուր տնային տնտեսությանն է անձնատուր եղած:

Խոսք շունիմ, նորահարսները խնամքով ծալած և պահած ունին իրանց բաժինքում բերած հարսնության հագուստները, բայց նրանք դեռ շատ տարիներ պետք է բոխչամիջում ծալած մնան. հարսները իբրև օժիտ բերած ունին նույնպես մի փոքրիկ անագյա հայելի ձեռնամիջի տրամագծի մեծության ափի վերա հարմարեցրած, ունին և մի ոսկրե դուրագին սանր. բայց այդ ամենը սովորական օրերի համար չեն, նրանք պետք են գալիս զատկին, տոն օրերին, հերանց գնալուս, ուխտատեղերում և այլն:

Աստծո տվածից՝ ոտնաման հագնելու համար ևս կանացի սեռը ժամանակ չի կորցնում. գյուղացի կինն ու աղջիկը ի մանկությունե վարժ են փուշ ու տատասկ կոխոտելու. նրանց ոտքի տակի մորթը գոմշի կաշուց հաստացել է, փշերի ասեղանման սուր ծայրերը փշրվում, բթանում են նրանց ոտքերի տակ:

Երգում չեմ ուտիլ, կարելի է զարդարվելուս՝ ոտքերը լվացած օրը՝ այդ փշե ասեղների ծակոցը փոքր-ինչ զգալի լինի մեր քնքուշիկ սեռի ոտքերի համար, բայց այն էլ՝ ոտքի երեսից, ապա թե ոչ, ժամերով, թեկուզ չեւաքարը՝ մաշեցնեն ոտքերին քսելով, ներքանի խոռոչներում ամրացած և մարմնի հետ միավորված խճերը մաքրել չեն կարող:

Տանն երես ու ձեռք լվանալու կարևորություն նույնպես շունին գյուղի ջահել կանայքը, այդ նրանք անում են ջրլցքի վերա՝ առվի փրփրալից պղպջակները փշրելով:

Մինչև տան տղամարդն յուր ոտնամանների առասանները կամրացնեն, նորա քնքուշիկ կեսը կամ հարսնացու քույրը, երկու կուժ ջուր է բերում:

Եվ արդարև, գյուղացի տղամարդը՝ շեն թե աղքատ՝ երբեք ոտաբոբիկ չի ման գալ, նոր թե կարկատած՝ մի զույգ յուր ձեռագործ կաշվե տրեխ պետք է ծածկեն նորա ոտքերը:

Ահա մի գավաթ սառը, նոր բերած ջուր ձեռքին առավ տանու աղջիկը, համեստորեն ձեռքի մեկը սրտին դրած՝ կանգնեց եղբոր կամ հոր առջև, խոնարհությամբ սպասավորեց նրան, երեսը լվանալ տվեց և կրկին, կուժն ուսին, վազեց ջրի:

Երեսսրբիչի կարևորություն նմանապես չկա, բաճկոնի քղանցքը կամ լայն թևաբերանը փոխարինում են նրան:

Ինչ ասել կուզի, որ ջհուտ Աղաջանի աղջիկ Շողիկը բացառություն չէր, նա էլ զարթնել էր, նա էլ ջրի էր գնացել:

Բողեն շատ առավոտ էր անցել դեպի առվակը տանող ճանապարհովը, միայնակ, խորջինն ուսին կամ յուր սև իշուկի հետ գյուղերը գնալուս, բայց ոչ մի ջրաբեր կնոջ կամ աղջկա չէր հետաքրքրել, իսկ այսօր աղջիկներից շատերը միմյանց աչքով արին և իրար մեջ քշիչացին.

— Աղջի, հոգս դրա կոլոտ գլխին, ի՞նչ է քուչեն չափում, մեր քամակիցը հոտհոտելով, վերև ներքև անում. չլինի՞ յուր միջումը սիրահարված է, էն ո՞ր անշնորհքը դրան կերթա,— հարցմունքներ էին տալիս ու ծիծաղում սիրունները, երբ Բողեն իրանցից հեռանում էր:

Չգիտեմ, լսե՞ց Սալբու տղեն յուր դեմ արտահայտած կարբու գեղեցկուհիների կշտամբանքը, թե՞ մի ուրիշ դրդիչ հանգամանք մղեց նրան գեպի գյուղի հարավ-արևմտյան կողմը:

Նա այս արեց մի հանկարծական հայացքից հետո:

Բողեն ուղիղ ճանապարհով շնաց. մի քանի ցածր պատերով պարտեզներ շատ ժամանակ չէր, որ տնկված էին այդ կողմերը. նա իրան ձգեց առաջին պարտեզը, այնտեղից էլ երկրորդը, երրորդը, մինչև որ վերջին պարտեզի պատի տակին կուշ եկավ:

Բողեն նստած տեղը դողդողում էր, ժամանակ առ ժամանակ նա գլուխը բարձրացնում էր, աչքերը սևեռում էր դեպի պարտեզից դուրս գտնված հինավուրց ավերակը և նորից կռանում. նորա այլայլված դեմքից կարելի էր գուշակել, որ նա մի դեպքի ականատես է լինում կամ մի խոսակցության ականջ է դնում. երեսը մի տեսակ ծովել էր, բերանը բաց էր մնացել, շուտ-շուտ էլ ականջն էր պատածակին դեմ անում:

Հանկարծ Բողեն թափահարվեց և սարսափահար եկավ. նորա պատկերի վերա կատաղության նշաններ արտափայլվեցին, նա կորզեց մոտն ընկած քարը, ձեռքը բարձրացրեց, որ շարտի դեպի ավերակը, բայց կրկին ցած դրեց ու վեր ելավ տեղիցը, պատի զլխովը թռավ և սլաքի նման իրան ձգեց ավերակի մեջ:

— Ա՛խ...

Այս մի ձայն էր, որ հետևեց Բողեի ներկայությանը և դադարեց:

— Աղջի՛, էստեղ ի՞նչ ես շինում էսքան վաղ, Շողիկ,— հարցրեց ճիլ արձակողին քաղցրությամբ Բողեն:

Ջհուտ Աղաջանի աղջիկը ոչինչ չպատասխանեց, նա սիրտը բարախելով կուցավ ուսելու քարին դեմ տված լիթը կուժը:

— Աղջի՛, էստեղ ո՞ւր, ջրի ճանապարհն ո՞ւր. ընչի՞ համար ես եկել այստեղ, դեռ լույսն ու մութը նոր են բաժանվում,— կրկնեց Բողեն յուր հարցը:

¹ Մի փոքր բուրբակ շեշտ քար է այդ՝ կանանց զարդերի անբաժան ընկերը. նրանով են իջեցնում լվանալու ոտքերի աղտոտությունը:

— Ոչինչ,— հազիվ լսելի եղավ մի մրմուռը:

— Կա՛ց, կուժո՛ւ ուսո՞ւ տամ,— ժպտալով մտտեցավ Բղղեն: Երկու արդեն ուսել էր կուժը. նա քայլերն ուղղեց դեպի ավերակից դուրս տանող դռնակը:

— Մի քիչ համբերի՛, Երկու՛հ,— ձեռքը կտին ձգեց Բղղեն, աղբա առաջը կտրեց և շթողաց դուրս գալ ավերակից:

— Թո՛ղ... Ի՞նչ ես ուզում ինձանից,— տրտնջաց շրթունքն ուռցնելով Երկուհի:

— Աստված վկա, սուրբ Գևորգի գերեզմանովն եմ երդում ուսում, ինձանից քեզ վնաս չի գալ. երկու խոսք ունիմ ասելու, կամ լսիր, կամ ես ինձ անմահ, անգրող կսպանեմ:

— Դու ո՞վ, ես ո՞վ:

— Հապա դու ո՞վ, էն Աշտարակի ճանապարհը բռնած ներքև գնացող բախտավորն ո՞վ, որ թշերիդ ծերերը կարմրացրեց:

Երկուհի միանգամայն կարմրատակեց, դարձավ բազուկի (ճակնեղ) հիված տակ. նա շարժվեց Բղղեին կուժն ուսիցը վայր առնել. նա լսել ու գլուխը խոնարհեցրել էր:

— Ես համբույրի ձայն լսեցի:

Երկուհի պապանձված էր, աչքերը արնոտել էին:

— Քեզ եմ ասում, ես ձեզ տեսա համբույրվելիս:

— Ես թաքուն ոչինչ չունեմ, իմ նշանածն էր, քեզ պես օտար աղբա առաջը կտրող հո չէր,— մրթմրթաց Երկուհի:

— Եթե հայրդ իմանա՞:

— Այսօր չէ՛ մի քանի շաբաթից հայրս ինքը պետք է կռնիցս բռնի, նրան տա:

— Հասեղ ընչի՞ էիք եկել:

— Ո՞ւմ ինչ բանն է:

— Եթե դու շիտակ խոսող ես, ասա՛ ի՞նչ գործ ունեիք գյուղիցը դուրս, ճանապարհից ծոանց, էս ավերակի մեջ:

— Իմ նշանածն է, իմ գլխի տերն է, հրամայեց գալ, իրան ճանապարհ դնել, ես էլ եկա:

— Նա սիրո՞ւմ է քեզ:

— Մեղք է, որ չսիրի:

— Դու է՞լ սիրում ես:

Երկուհի շպտաօխանեց, ձեռքը ձգեց կտի կանթին և ուզում էր վերցնել, բայց Բղղեն գրկեց կուժն ու շթողեց:

— Ի՞նչ ես ուզում ինձանից, հիմա կգոռամ, աշխարհքը գլխիդ կտուղովեմ,— սպառնաց Երկուհի:

— Մի խոսք եմ ասում, լսիր ու գնա, աստված քեզ հետ:

— Մի ժամ է, բռնել ես ու ոչինչ չես ասում, քեզ համար մեծ ամառ է, լույսը բացվեց, երթնեկը հիմի կշատանա, ընչի՞ ես կամենում ինձ խայտառակել:

— Թո՛ղ աստված ինձ պատժի, եթե քո մի մազին դիպչեմ, Երկուհի, միայն լսիր՝ ինչ որ ասում եմ և մի՛ բարկանար, աղաչում եմ:

— Ասա՛, լսում եմ:

— Ձի կարելի՞, որ Բատինենց Մհոյին շտանես:

— Դու իմ հերն ե՞ս, իմ գլխի տերն ե՞ս, դու ո՞վ ես, որ ինձ էղպես հրամանք ես անում:

— Հրաման տալու իրավունք չունիմ, միայն խնդրում եմ:

— Է՛... է՛... է՛հ,— բարկացավ Երկուհի և կրկին ձեռքը ձգեց դեպի կուժը:

— Աղաչում եմ, Երկուհի, ուսերդ եմ ընկնում, ես գժված եմ քո սիրով. կամ էս դուզելիս ետ արա կողքիցս կախած դանակը, վիզս կտրիր, կամ Ես Մհոյին մի՛ գնալ, իմ նշանածը դարձիր:

— Ես ու ես, ի՞նչ ես, երկու տարի է, ես Մհոյի նշանածն եմ:

— Հիմի էլ իմը դարձիր:

— Վա՛յ, հո՞ղը գլխիս, ես անտե՞ր եմ, ո՞րք եմ, ձեռքս ծոցումս անձարի մե՞կն եմ, որ գիամ կին դառնամ, էն էլ ո՞ւմ՝ շարժի Բղղեին:

— Հիմի ես ալլես շարժի չեմ, Երկուհի, ես հիմի փողատեր եմ, քո հորիցը շատ հարուստ եմ, օրն էդուց Աշտարակումը մի մեծ խանութ եմ բաց անելու, դեռ տասն էլ ուրիշ գյուղերում պետք է բանամ, քո Մհոյի հացը պետք է կտրեմ:

— Մի մարդի հացը աստված չկտրի, թե չէ ադամորդին ի՞նչ կարող է անել:

— Քո Մհոյի աչքը հորդ դռանը պետք է մտիկ տա միշտ, հերդ պետք է մի կտոր հաց շարտի, որ նա էլ քեզ պահի, իրան էլ, Բատինի թոռը հինգ զազ խամ չիթ առնելու, վիզդ գցելու կարողություն չունի, բայց ես քեզ ոսկու մեջ կթաղեմ:

— Կերածը կորած է, քիչ մարդիկ կա՞ն, որ էս օր իմ հոք հացն են ուտում ու հիմա նրա ոտը կրծում են. հորս երախտիքը շիմացողի աչքերը թող բռնի:

— Երկուհի, ես չեմ ուրանում, որ քո հայրն ինձ բարություն է արել, բայց այսօր նա իմ դանկի շափ կարողություն չունի. երեկ նա էր, էսօր ես եմ. աշխարհքս սանդուղք է՝ մի՞նը վեր է ելնում, մի՞նը ցած է իջնում. էսօր ես քեզ ոտիցդ դուրս ոսկով ու մարգարիտով կզարդարեմ:

Մի արհամարհական ծաղր արտահայտեց Շողիկը և ձեռքը կծին ձգեց:

— Սուտ չեմ ասում, Շողիկ, եթե չես հավատում՝ տե՛ս ինչ եմ փռում ոտքիդ տակին, էս բոլորը քո ցավը տանեն:

Բողոքն հանեց գրպանից մի կարմիր թաշկինակ, քակեց կապը և սրփոնեց գետնի վերա:

Մեզ հայտնի ոսկիքն էին հուրհրատում և իրանց փայլի պակասորդը լրացնում առավոտյան արևի ցոլացրած ճառագայթներից:

— Տասը, քսան էդքան էլ տանն ունեմ, Շողիկ, բոլորը քեզ մատաղ,— ստախոսեց Բողոքն:

Ոչ մի ոսկի պակաս չէր, բոլորն այսքան էր, բայց այս էլ քիչ չէր, հինգ-վեց հարյուրից ավելի էին:

— Մենք մի կտոր հաց աստուծո տվածից ունինք, սոված չենք մեռնիլ, տար, ուրիշներին վարմացրու,— շեշտեց բարկացած Շողիկը և այս անգամ վճռաբար բռնեց կծի ունկը:

— Չեմ թողնիլ՝ ոտքդ փոխես, մինչև շասես, որ էլ Սհոյին չես սիրում, ինձ ես առնելու:

— Ինչ եմ անելու՞, իմ հոր մի խոսքը քո պարկերով ոսկիքանց ու ակն ու մարգարիտի հետ չեմ փոխիլ. Սհոյի կոխած սև հողը քո գլխից ինձ համար առավել է, կոլոտ Բողոք. գողնովի ոսկիքովդ ես ուզում ուրիշի նշանածը ձեռքիցը խլել. ո՞ր աչքը կույր, ոտքը կաղ, հաց ու ջրի կարոտ աղջիկն արժանի կհամարի քեզ պես այլանդակ մարդագելի ճանկն ընկնիլ:

Շողիկն այս անգամ սաստիկ էր բարկացել. նորա վերա մի անբնական ուժ եկավ. աչքերն արյունակոխ եղան. վերջին բացականչական խոսքի հետ զույգ ձեռքով ետ զարկեց նա Բողոքին, կուժը թռցրեց ու շտապով դուրս եկավ ավերակից:

Ավերակի պատը հենարան եղավ Բողոքին, և նա ազատվեց մեծ փորձանքից, նա գլուխը կամ մեջքը կկոտրեր, անշուշտ, ավերակի մեջ թափված քարերին զարկելով, եթե պատը նրան չփրկեր:

— Շատ լավ, ջհուտ Աղաջանի աղջիկ, դու ինձ վայ տաս, սպասիր հորդ հողի հավասարեցնեմ, քեզ շոքեշոք դուռս բերեմ, ոտս համբուրել տամ. եթե խոսքս չկատարեցի, գնա ու պարծեցիր. բոլոր ոսկիքս դրավերա կփշացնեմ,— սպառնալով մատը թափ տվեց Բողոքն արագ քայլերով կուժն ուսին հեռացող Շողիկի քամակից:

— Ոսկիքդ տար մածնի տուր, գլուխդ քսի,— կտրական պատասխանն եղավ Շողիկի:

Աղաջանի դուստրն էլ չէր երևում. նա ծովել էր դեպի ձախ և մտել

ջրի տանող փողոցն ու խառնվել ջրբեր աղջիկներին, որոնցից և ոչ մեկը չէր նկատել Շողիկի բացականթյունն և վերադարձը:

Բավական ժամանակ էր անցել Շողիկի հեռանալու բուպեից, և Բողոքն ավերակի պատին հենված դեռ նայում էր ականափշ դեպի ջրի փողոցը: Վերջապես նա նկատեց ճանապարհովն անցնող կարբեցի շարժիչներից մեկին, որ խուրջինն ուսած գնում էր գյուղերը շրջագայելու և տեղն ու տեղը նստեց, մինչև որ շարժին հեռացավ:

— Կամ ես կամ ջհուտ Աղաջանը, Երկուսիցս մեկը պետք է Կարբու գավառումը հիշվի, հիշատակվի, կամ ես, կամ Բատինենց Սհոն, Երկուսիցս մեկը պետք է Շողիկին տիրանա, դեռ տեսնենք ինչ կասի ուստա Սիմոնը:

Այս խոսքերով նա կապեց կրկին յուր թաշկինակը, գրպանը շոնեց և շտապով բռնեց Աշտարակու ճանապարհը:

ii

ԲՍՏԻՆԵՆՑ ՍՉՈՆ

Երկու տարի էր՝ Բատինենց Սհոն խանութ էր բացել Աշտարակումը, նա առաջին խանութպանն էր այնտեղ:

Սհոն մի գեղեցկադեմ երիտասարդ էր, բարձր հասակով, թուխ և խոշոր աչքերով, կարմիր երեսով և նոսր նորաբույս ընչանցքով, միշտ ծիծաղադեմ, միշտ հաճոյախոս, հաճախորդների ամեն խոսքին ջանով պատասխանող, այն ջահելներից մեկը, որի համար ամեն տեսնող ասում է, ի՛նչ տղա է, ափսո՛ս, որ մայրը մեկն է ծնել. իսկ համեստ բնավորության և գրավիչ պատկերի համար բոլորեքյան նրան նմանեցնում էին մոր ազիզ պահած մեծացրած ազապ աղջկա: Այդ համեմատությունը միանգամայն հարմարվում էր Սհոյի բնավորությանը. նա շունք կարբեցու խորամանկ ճարպիկությունը. մի մազաշափ սխալմունք յուր կողմից կամ սառը խոսք օտարից՝ նրա երեսը շինում էր երեկոյան բոսորային երկինք, ականջները մեծանում էին, կարմրությունը սփռվում էր բոլորակ դեմքի վերա և քափ ու քրտինքը կոխում էր. այդ ժամանակ նորա ձայնն էլ նվազում էր, որ խոստովանած, առանց նորա էլ ամոթխած օրիորդի մեղդիական և քաջուր ձայնից ավելի չէր:

Մի հատիկ հոր զավակ էր Սհոն, կարբեցի Բատինենց Կարապետի որդին էր:

Կարապետը, իբրև յուր նախկին կարողությունը կորցրած մարդ,

ձեռնահաս շէր լինի երբեք յուր որդուն խանութպան շինել, մինչև անգամ Կարբու մեջ, թող թե Աշտարակու նման տեղումը, եթե ուրիշը նրան շօքներ: Ուստի և նա մեծ ուրախությամբ պատրաստակամություն ցույց տվեց, երբ մի օր ջճուտ Աղաջանն առաջարկեց նրան յուր խնամությունը, ավելացնելով, թե ՍՏՈյին մշտական մի կտոր հաց տալու համար ինքը մտադիր է Աշտարակումը խանութ բանալ նորա համար:

Ասել, անել՝ շատ շտեկեց: Մի կյուրակե երեկո Կարբու իշխանների ներկայությամբ տեր-Հակովբը «Պահպանիչն» ասաց, տեր-Հովակը՝ «Սուրբ խաչիվը», և նշանի մատանին օրհնվեցավ, Աղաջանի տանը մեծ հացկերույթ եղավ, ՍՏՈն Աղաջանին փեսա հրատարակվեցավ:

Ամեն ինչ նախատեսված էր, խաչեղբայր պտուկու կարիք չկար, նախ՝ որովհետև տեղական սովորության համաձայն՝ մի երկու տարի նշանածներին պսակը պաս էր, և երկրորդ, որ Աղաջանի սրտե ի սիրտ բարեկամ Արամենց Հարությունը և՛ խաչեղբայրություն պիտի աներ, և՛ յուր փողոցի կողմի սենյակի դռնի պատը պետք է ծակեր, դուռը կախեր, դարակները շիներ և յուր կողմից մի մասնավոր դրամագլուխ դնելով պիտի ընկերությունը խանութ պահեր ՍՏՈյի հետ:

Բարդ չէին այն ժամանակվա կենսական պահանջները. պարզությունն և նահապետականությունն էր թագավորում հայ աշխարհումը, և ՍՏՈյի խանութը միանգամայն լրացնում էր Աշտարակու և մոտակա գյուղերի կարոտությունը:

ՍՏՈն միաժամանակ ժողովրդի մերկությունը ծածկող կտավաճառ էր և տնտեսական պիտույքը հայթայթող մանրավաճառ:

Առաջին պաշտոնով զգալի վնասը հասավ թափառաշրջիկ հրեա կտավաճառներին, երկրորդ առևտուրը գրգռեց Բղդեի և մյուս շարժիների նախանձը, որ ասել է, թե Աղաջանը մեկ ձեռքով շինածը՝ մյուսով քանդում էր:

Այսպես շէր հասկանում ինքը ջճուտ Աղաջանը. նա յուր հաճախորդ շարժիներին խորհուրդ էր տալիս փոքր առ փոքր տեղի տալ մեծամեծ գյուղերից և իրանց գործունեության շրջանն ընդլայնել այնպիսի տեղերում, ուր դեռ շուկայության ոտքը տուն չի մտել:

Աղաջանի գուշակությունը սխալ չէր, տարեցտարի ժողովրդի տնավեր գնխության և ավելորդասիրության հետ բուսնում էին գյուղերում խանութներն և ավելանում էին:

Բոլոր շարժիքը խոնարհվելով իրանց ճակատագրին, բարձրացան լեռնոտ և քաղաքներից հեռու ընկած գյուղերը. իսկ համառ Բղդեն էր, որ ոչ միայն հակառակեց Աղաջանին, այլև կույր բախտի հաջող բեր-

մունքով այսօր նրանից շատ վեր էր նյութական ուժով, նրա ոխերիմ թշնամին ու խաղաղությունը վրդովողն է:

Բղդեի վերա շկարաց ազդել Աղաջանը, ընդհակառակն՝ նա մեծ ներշնչություն ունեցավ յուր փեսացուի բնավորության վերա:

Մեզ հայտնի է, որ Աղաջանը սակավապետ էր, տկարներին օգնող և անգործներին գործ տվող էր. նա ինքը հասնում էր միշտ՝ թագավորական անհետաձգելի հարկապահանջությունց ժամանակ՝ ձեռը պակաս գյուղականներին՝ ամենօրինավոր տոկոս միայն ստանալու պայմանով, ինքն էր, որ ամեն տեսակ աղետների միջոցին սրբում էր թշվառի աչքի արտասուքը:

Այդ միենույն սիրելի հատկությունները պատվաստեց նա յուր փեսայի մեջ. շատ շքաշեց, ՍՏՈն մի բարի վաճառականի անուն և համբավ ժառանգեց Աշտարակումն ու մերձակայքումը:

Նորա հաճախորդներն ըստ առաջնույն մի քանի գազ կտավեղենի համար ստիպված չէին լինում Երևան գնալ կամ հրեաների տոմարի մեջ մշտապարտապան գրվել:

ՍՏՈն ինքն էր ամեն կարիք հայթայթողը և Երևանու վաճառականաց վստահությունն ու վարկը ձեռք բերողը:

Կրկիննք, որ Բստիսենց ՍՏՈն էր Աշտարակի առաջին խանութպանը. երկու տարի յուր դեմ մքցում շեղավ, բայց մի քանի օր է, որ գյուղի մյուս ծայրումը մի երկրորդ առավել լիքը խանութ էլ բացվել է:

Ո՞ւմն էր և ինչպե՞ս:

ԻԱ

ԶԱՐԳԱՐ ՍԻՄՈՆԸ

Բարի և հեզահամբույր մարդ էր Զարգար Սիմոնը. նորա ջննդավայրը մինչև այսօր էլ ամենքից անհայտ մնաց, բայց խեցբեկ բարբառը, լեզվի տակին ոլորվող բառերը, վարդակարմիր կիսաբուրբակ դեմքը, խնամքով պահպանված, ծիծեռնույն թևից ավելի թուխ, սրածայր ընթանցքը, կոնաձե, մի կողմը ներս ծալած բուխարայի թանկագին մորթոց գլխարկը, մուգ կապտավուն թևավոր շուխեն, այս ամենը նրան մատնում էին, որ Ղարաբաղի կողմից մի եկավոր էր:

Սկզբներումը Սիմոնը մի թափառաշրջիկ վարպետ էր՝ յուր համարվեստ շատերի նման. նա ձմեռները դաշտային գյուղերումն էր մի փոքրիկ սենյակի մեջ բաց անում յուր խուրջը, գետնի մեջ ամրացնում փոք-

րիկ սալը (գնդան), իսկ ամառները լեռնային հով ու զով գյուղերի հյուրի էր լինում:

Նա շինում էր պղնձյա կամ արծաթյա գյուրագին գյուղահարմար մատանիք և ապարանջաններ, փոխանակում էր ցորենի, յուղի և ուրիշ տեղական բերքերի հետ և գեղջկական նորատի հարս ու աղջիկներին զարդարում:

Ուստա Սիմոնը հմուտ էր յուր գործին, պատահում էր, որ նա ոսկի զարդեր ևս պատվեր էր ստանում նշանադրությունների և հարսանիքների համար. նորա ձեռացաջուրն ամենքից հավանություն էր գտնում:

Զգիտեմ ավչի (որսորդ) Փիլումի Սիրամարզ աղջկա գեղեցկությունն էր. թե՞ թափառականությունից ձանձրույթ զգալը, բայց այդ երկուսից մեկը խլեց ուստա Սիմոնի ուսից պանդխտության խուրճը, կոխեց նրան Աշտարակու տներից մեկը, տանտեր շինեց և հաստատ գործի կանգնեցրեց:

Հավանական է, որ Սիրամարզի (առավել լավ է գյուղական կոչումով ասենք)՝ Սիմիզարի բարձր հասակը, կեռ-կեռ հոնքերը, գրավիչ աչքերը, քնքուշ և սպիտակ մորթը հափշտակեցին երիտասարդի ուշքն ու միտքը, երբ նա, Փիլումի երկայնափող, բազասարայ, անխալական հրացանն արծաթե օղերով զարդարելուց հետո՝ մի օր էլ պատվեր ստացավ լափել նորա հրեշտակագեղ դուստր Սիմիզարի հուլանի բիլակը (ձեռքի դաստակը), հնուց մնացած ջարդ ոսկիներից աղջկա համար մի ապարանջան շինելու:

Այդ արտակարգ դեպքին էր պարտական ուստա Սիմոնը, որ տեղը պնդացրեց, Աշտարակից դուրս քայլ շարեց. ապա թե ոչ, Ղարաբաղու դավակը գաղթականությունից ձանձրացողը չէ:

Այսօր իսկ, ո՛ր գյուղը կամենաս՝ գնա, ո՛ր քաղաքումը կցանկանաս՝ հարցրու, եղած օտարականների մեծամասնությունը զարաբաղցիներից է կայացած. զարաբաղցիք են, որ բնատուր խելթով և ճարտարությունով զանազան միջոցներով փող են աշխատում. վաճառական, արհեստավոր, աշուղ, կապալառու՝ գլխավորապես ամեն հողում, ամեն երկրում զարաբաղցիք են:

Սկզբներում այս մարդիկն իրանք միայնակ էին շրջում, չընդհատվելով իսպառ իրանց սիրելի լեռ ու ձորերից, մի տարի, երկու տարի քարշ էին գալիս և մի օր էլ մտքները բերած հայրենիքումը թողած սիրասուն գերդաստանը, շտապում էին զրկել նրանց ու իրանց կարոտը լցուցանելուց հետո՝ կրկին պանդխտության գավազանը ձեռք առնել. իսկ վերջերումս՝ մի կորստաբեր սովորություն հայրենիքի խորթ և ապերախտ գավակի հատկանիշ է ընծայում նրանց:

Այժմ զարաբաղցի թափառականն յուր ընտանիքն էլ հետն է քարշ ածում:

Գյուղ չկա այսօր, ուր չգտնես տեղական կանացի զարդ ու պաճուճանքներից որոշվող մի կնոջ՝ գլուխ՝ հարյուր գունգգուն մետաքսյա թաշկինակներով փալանած, չգտնես մի կին՝ ոսկի կոճակով, կարմիր բեհեզյա շապկով և շաքավոր արխալղով: Դա զարաբաղցու կին է՝ Ղարաբաղի գյուղերից կամ Շուշվա-Ղալից այստեղ վերաբնակված:

Ուստա Սիմոնները բացառիկ երևույթներ են: Ընդհանրապես Ղարաբաղի ժամանակավոր պանդխտության դիմողներից շատ սակավներն ամուսնանում են օտարացիների հետ: Այլ բան է, եթե նոքա Սիմոնի նման բուրբուռի գաղթել են իրանց ծննդավայրից:

Տարիներով բացակայում էր, ասացինք, առաջ, զարաբաղցին ընտանիքից, բայց միշտ աչքը դեպի ետ էր՝ դեպի յուր սիրելի կինն ու զավակը, և գուցե այդ ընտանեսիրությունն է, որ դժվարացրած թափառականության արհեստը՝ ստիպել է շատերին գերդաստանը կատվի ձագի նման բերաններումը բռնել և պտտեցնել աշխարհե աշխարհ:

Աշտարակը չէր միայն, որ սիրում էր ուստա Սիմոնին յուր քաղցր բնավորության և ճշտասիրության համար. նա միշտ պատվերներ էր ստանում և շատ հեռավոր տեղերից:

Առանձին խանութ շուներ զարգար Սիմոնը, նրա փոքրիկ սենյակն էր յուր ընդունարանը, ննջարանը և խանութը:

Մի անկյունում, դռան մոտ, նա յուր ձեռնափութսն էր վայր թողել, մյուս կողմը՝ յուր ամոթխած ջահել կինն էր պատի մեջ շինած փոքրիկ կրակարանի վերա կաթսան դրել, երկու հոգու համեստ ճաշը պատրաստում, մի կողմին էլ Ղարաբաղից հետը բերած փոքրիկ գեղեցիկ գորգի վերա յուր այցելուներին էր ընդունում:

Այս ձմեռն էր. ամառները նա գործում էր բակումը՝ շարգախի հովումը:

Ուստա Սիմոնի բնավորության հետ ընտելացել էր ողջ գավառը. ամենքը գիտեին, որ երեկոյան զանգակը տալուց հետո՝ մինչև մյուս առավոտյան ժամերգության վերջը՝ արհեստին վերաբերյալ գործով նորա մոտ գալ անհնարին է: Այս լի օրերն էին: Կյուրակի և տոն օրերին ինքնըստինքյան հասկանալի են: Այդպիսի գործից ազատ ժամանակներն ուստա Սիմոնի այցելուները լինում էին յուր սրտակից բարեկամները, որոնց հետ նա սիրում էր ուտել, խմել, զվարճանալ և յուր բարձր ու քաղցր երգերով ու բայաթիներով ամբողջ բերդաթաղը թնդացնել:

Մի ամառային երեկո, բավականին ուշ, մինչև զարգար Սիմոնը դեռ

նոր վերջացրել էր յուր գիշերային «ծաղաղականի» աղոթքը և պատահապատում էր անկողին մտնել, նորա բակի դուռը բախեցին:

Այդ ժամանակ, տեղական սովորության համաձայն, ուստա Սիմոնը կտերն էր քնում:

— Ո՞վ եք,— ձայն տվեց զարմացած ոսկերիչը:

Բախողը չի պատասխանում. դռան հարվածները դադար առան:

Սիմոնն էլ յուր կողմից է սպասում պատասխանի:

Նորից բախումը շարունակվեց:

— Ո՞վ ես, եղբայր:

Հուսթյունն է:

Ուստա Սիմոնի համբերությունը հատավ, նա կտրիցն իջավ բակը և հռան սողնակի ծախից կրկնեց յուր հարցմունքը:

— Բաց արա՛, ուստա Սիմոն, գործ ունեմ հետդ:

— Ո՞վ ես:

— Ընչի՞դ է պետք, քեզ համար գործ եմ բերել:

— Ի՞նչ գործ:

— Զարգարի:

— Զարգարի հետ էգուց չէ էլօր կարող ես տեսնվել, էս ժամանակ զարգար Սիմոն չկա տանը. հիմի ավելի Փիլոմի փեսա Սիմոնն է գնում յուր կոնեքին հանգիստ տալու, զարգար Սիմոնը տանը կլինի վաղը չէ մյուս օրը. շորեքշաբթի՝ առավոտյան ժամից հետո. կարող ես գալ, հետը տեսնվիլ:

— Ախար ինչո՞ւ համար:

— Քե դու հայ ես, կիմանաս, որ էգուց կյուրակի է:

— Սխալ ես, ուստա, երեքշաբթի է:

— Սխալը դու ես, էգուց հայի համար մեծ օր է, Սահակ, Մեսրոպի տոնն է. ասենք տոնացույցի մեջ կյուրակի չէ նշանակված, բայց ես մեր աշխարհքումը քանի շաբաթ ջահել ժամանակս կարողալու էի գնում մեր վարդապետի մոտ, նա ինձ հասկացրել է, թե Սահակ, Մեսրոպին ինչ մարդիկ են եղել, ի՞նչ լավություն են արել հայի համար. լուսահոգին հրամայեց, որ էդ օրը միշտ կյուրակի պահեմ, ես էլ կատարում եմ, ինձ ինչ, թե էս աշխարհքումը ոչով չի պահում:

— Տո՛, եղբայր, հաց ասա՛, ոսկի ասա՛, կյուրակիս որն է, հալալ կյուրակիքն էլ որ պահես, քեզ հերիք է:

Սիմոնն ուշք անգամ չդրեց սողնակից լավող փսփսոցին, որի մեջ «ոսկի» բառը մի քանի անգամ շեշտվեց. նա շտապով վեր բարձրացավ կտուրը և սկսեց շորահան լինել:

— Մեղա քեզ տեր,— բարկացավ կտրից ուստա Սիմոնը, երբ դռան բախյունը նոր ի նորո շարունակվեց:

— Եղբայր, քեզ չե՛մ ասում՝ զարգարը տանը չի, ի՞նչ ես գլխացավանք տալիս, հենց հիմի ձայն կտամ, ողջ թաղը գլխիդ կհավաքեմ, քաշվի՛ր, հեռացի՛ր:

— Աստծո հյուրն եմ, պանդուխտ ճանապարհորդ եմ, գիշերս դուրս եմ մնացել, ուստա Սիմոն, մի՞թե դու հայ քրիստոնյա չես, որ էս կեսգիշերին օտարականի վերա դուռը երեսին փակում ես. ինձ համար շատ տեղ չի հարկավոր, մի անկյունում կուլ կգամ, առավոտը կերթամ իմ ճանապարհը. ես կատակ էի անում, քո հավատդ էի փորձում, թե չէ այս ինչ զարգարի մոտ գալու ժամանակ է:

Այս խոսքերը Սիմոնի առաջը դրեց անծանոթը՝ երկրորդ անգամ սպանալիք տալուց հետո:

— Հիմի, ով էլ լինես, իմ գլխի, իմ աչքի վերա տեղ ունիս, համեցեք,— ասաց ուստա Սիմոնը դուռը բաց անելով և ինքը ետ դարձավ, կայծաքարը ձեռն առավ, ճրագը վառեց:

— Բարի երեկո:

— Օ՛հ, Բողոբ՛, դո՛ւ ես, այս որտեղի՞ց էսքան ուշ:

— Կարբուց, ուստա Սիմոն, Կարբուց, ուղիղ քեզ մոտ, քո դուռն եմ ընկել. գուրխս կտրես՝ հակառակողը չեմ, պետք է ինձ խելք սովորեցնես, բացի քեզանից ոչ ոք ինձ օգնել չի կարող:

— Տո՛, սատանախաբ կարբեցի, դու խելքի համար ինձ մոտ կգա՛ս, օրական քանիսի՞ գուրխն ես անլվա կլեկում, հացը ձեռքիցն առնում, ճանապարհ գնում, ով գիտի, էլ ինչ հատիկ ունիս թակելու, մի փորացավանք կոսնենաս, ասա՛ տեսնենք:

— Չէ՛, դեռ առաջ քո օրհնած բերանով, ինչպես տերն ինքը հշմաբիտ է, խոսք տուր, որ խնդիրքս կկատարես:

— Ախար ի՞նչ գործ ունիս:

— Դեռ քո կտրական խոսքդ ինձ բաշխի՛ր:

— Իսկ եթե խնդիրդ իմ ուժերից վեր լինի:

— Խոսք եմ տալիս,— ստիպվեց ասել ուստա Սիմոնը:

Մի բռնաշափ ոսկի թաշկինակի մեջ փռվեց Սիմոնի առաջին:

Սիմոնը մի հատ վերցրեց, զննեց և ասաց.

— Դշխոյն շեղինեի փոս ոսկի են, սրանք թանկագին բաներ են. ամեն մի՛նք տասը մանեթից ավելի կկշռեն, իսկ հատկացողի համար մի հատը հարյուրներ կարծեն. սրանք հին սիքքեա են, ֆոանգեերն ու ինգհաները պղնձյա հին ժանդոտած սե փողին մանեթներ են տալիս, էս հո

ուսկի է. նրանցից մի երկու հոգի Ապարանով անցկենալու՝ մոտս եկան և
ինձանից խնդրեցին. ամառ էր, ես կալումը նստած՝ գործում էի:

— Հիմի էդ մարդիկը ձեռք ընկնողը չեն, ֆռանգստանը հեռու է, դու
ուրիշ խորհուրդ տուր:

- Ի՞նչ ես ուզում:
- Ընչի՞ չես հարցնում՝ որտեղի՞ց են:
- Իմ ի՞նչ ցավն է, քո ձեռքին է, քո ապրանքն է:
- Ախար գտել եմ:
- Բարով վայելես:
- Ուղիդ եմ ասում, եղբայր:
- Ես խոսքիդ իսկության համար կասկած չհայտնեցի:
- Բոլորն հիսուն հատ է:
- Թեկուզ հազար լինի, ինձ համար միևնույն է:
- Ի՞նչ անենք, որ կարողանանք մսխել:
- Տար դիվանի (զանձարանի) առաջը դի՛ր:
- Որ ձեռքիցս առնե՛ն:
- Ես լսել եմ, որ կեսը քեզ կտան:
- Եթե չտվի՞ն:
- Այդ էլ քո գործն է:
- Իսկ եթե հալենք, ոսկու տեղ ծախենք:
- Ո՞ւմ ձեռքը կզորի դրանք հնոցի մեջ գնել, հալել:
- Ուստա Սիմոնի:

— Ասենք էդ մեր գործն է, բայց ուստա Սիմոնը գլուխը քարովը
կտա ու էդ սխալը չի անիլ. ես, իրավ է, իմ կյանքումս շատ փողեր եմ
ջարդել, հալել, ոսկեղեն, արծաթեղեն շինել, բայց նրանք բոլորը նոր փո-
ղեր են հղել, որոնցից շատ կա, իսկ դշխոյն Հեղինեի փոս ոսկի, քանի
խելքիս տիրացել եմ, մի հատ եմ տեսել, ես էդ բանը չեմ անիլ:

— Էս րուպիս դշխոյն Հեղինեն մեզ հաց չի տալ, ուստա Սիմոն,
սրանց մսխելու հնարքը գտի՛ր:

— Եթե հալալ մարդ ես, ինչպես ասացի, պետք է դիվանին հայտ-
նես, կգնահատեն, կիսի արժեքով քեզ փող կտան, հիսունի կեսը մոտ
200, 250 մանեթ կբռնի, էլ ընչի՞ քո բաժին աստվածանից գո՛հ չես:

— Ամենից լավն այն է, մեկը քեզ վերցրու, ֆռանգների վերա թանկ
գնով կծախես, մնացածը հալի՛ր, ինձ տո՛ւր, բայց այն պայմանով, որ
հալելու ձևն ինձ սովորեցնես, ո՛վ գիտե, աշխարհք է, կարելի է, բախտս
կտրում է, էլի եմ գտնում, ամեն անգամ քեզ ընչի՞ գլխացավանք տամ,
քնահարամ անեմ:

— Հասկանում եմ, շատ ունիս ու ինձանից թաքցնում ես. աստված

քեզ հետ, ես քո ասած մարդը չեմ, ում որ խաբել ես, էլի նրան խաբիր,
ես ոչ կհալեմ, ոչ կսովորեցնեմ:

— Ի՞նչ է, մի հատը քի՞չ ես կարծում. էս ոսկի է, ոսկի, մի դատարկ
հալելու համար մեկը վերցնելը նա՞զ ես անում:

— Էդ քո մի հատ ոսկին տա՛ր մաժնի տուր, գլուխդ քսիր:

Բղդեն խիստ ալյալվեց վերջին վիրավորական առածի վերա. նա
այս խոսքն երկրորդ անգամն էր լսում:

— Ուստա Սիմոն, ինչո՞ւ ես ինձ անպատիվ խոսք ասում, էս առու-
տուր է. չես ուզում հալել, քո կամքն է, ինչն է շատ՝ զարգարը, շանը
խփում ես՝ զարգարների վերա է հաշում, դու չէ՞ քո հորեղբոր որդին
կհալի. ծանոթ, բարեկամ մարդիկ էինք, քեզ մոտ բերի, որ օգուտը դու
տեսնես. մեկը քիչ ես համարում աշխատանքիդ վարձ, երկուսը վեր կալ,
միայն էլի ասում եմ, հալելը սովորեցրու...

— Ա՛ռ, քաշվի՛, ասում եմ, քանի տանուտերին չեմ բերել, գլխիդ
կանգնեցրել, էդ տողացրած ջիբերդ դատարկել տվել: Ես քո երեխե՞ն եմ,
որ խաբում ես. չէ՞ որ գողացած աքլորիդ պուշը, վաղի մոլլի նման, փե-
շիդ տակիցն երևում է. դե գնա՛, ես ոչ թագավորական փող ուտող եմ, ոչ
գող եմ, ոչ գողի ընկեր եմ. մեր ճակատի քրտինքով աստված մի կտոր
հալալ հաց է տվել, թող էն ոչ կտրվի իմ գլխիցը. քո ասած մարդն ես
չեմ, ես հայ քրիստոնյա եմ, հայը գողութուն չի կարող անել, անի էլ՝
չի կարող պարտակիլ:

— Ես էլ քեզ պես հայ եմ, ուստա Սիմոն, քեզ ասացի, որ գողացել
չեմ, գտել եմ. իմ բախտս էր՝ աստված ինձ տվել է, ընչի՞ պետք է տա-
նեմ խաղինեն (զանձարանը) տամ:

— Գնա՛, եղբա՛յր, գնա՛, ում որ կեղծավոր փարիսեցութունով
մինչև օրս խաբել ես, էլի նրանց գլուխը կլեկիր, քո ուզածն ես չեմ, քեզ
ընկեր կարող է լինել երեանցի զարգար մաշադի Ռաջաբը, որ երկար շու-
կայումը խանութ ունի. էս գավառի բոլոր ճանապարհ կտրող ավազակ-
ների կողպատածը նրա փորն է մտնում, նրա ձեռքովն է պարտակվում,
նա ինքն է հալում, հինգ անգամ դիվանի ճանկն է ընկել, բայց էլի գլու-
խը դուրս է պրծացրել, նորա համար, որ Երևանի դուլլուղի մարդկանց
կնանոց մատներն ու վիզը նորա ձեռքովն են զարդարված:

— Իմ ուզածն էլ հենց դա է, հալալ է նորա կերածը, մարդն էդպես
պետք է լինի, քեզ պես յուր հացին քացի տվողը քեզ պես էլ ձեռք դա-
տարկ կմնա. մնաս բարով, շատ լավ տեղ սովորիր:

Այս խոսքերով Բղդեն ոսկիքը կապեց ու դուրս եկավ Սիմոնի մոտից:

ԼՍՕՐ ՓԱՇԱ, ԷԿՈՒՑ. ԲՈՇԱ.

1850 թվականների առաջին կիսումն ենք. Երևանում երկիրն ինքն իրան չի նմանում, աշխարհն արյունի մեջ ծփծփում է:

Շատ ժամակ չէ այս տարապայման. և տարադեպ փոփոխություններ. պատմությունիցս դեռ մի քանի օր առաջ գառն ու գայլը միասին էին արածում. մարդիկն, իրանց, սովորական աշխատանքի հետ էին, խկ այսօր, ո՛ր կողմը դառնում էս՝ մտքերն հուզված են և ուշադրությունները լարված:

«Ալեքսանդրապոլ, Կարս, Օսմանցի, Բենքուդոլ, գորք, ասկյար», — ահա՛ այն խոսքերը, որ ամեն անկյունում ականջներդ չորս շինած լում էս ու զարմանում:

Ներկարարի լիդակի կարաս չի խանգարվել¹, լուրերը շինծու և ստեղծովի չեն. կատարված դեպքերը, գլուզերում մտած կենդանությունը հասպատում են իրողությունը:

Ի՛նչ է այս:

Ամեն տեղ խոսում ու պատմում են, թե իշխան Բենքուդյանը թուրք հանած՝ ուսի գորգի առաջն է ընկել: Ալեքսանդրապոլու բերդումն և շրջապատումը բանակներ տվել, Ախուրյան գետի այս կողմի ամերը գինվորներով լցրած՝ պատրաստվում է այսօր կամ վաղը, էս բոպին կամ մյուս ժամին փեւլ օսմանցուի դեմ պատերազմի. պատմում են նույնպես, ճշտորեն թե շափազանցրած, որ գետի մյուս երեսին տաճկի ասկյարի (զորք) կարմիր ֆասերի շատությունից հեռվիցն է՛լ ուրիշ բան չի երևում, կարծես դիտմամբ դաշտ ու սար լալազար ծաղիկ կամ կարմիր պուտ ցանած լինի կամ շիւլ է փռած:

Պատմածներից ոչ մինն պոսպակ չէ, հաստատ փաստ է, որ 50 թվականների պատերազմն անսպասելի կերպով մեծ ուժգնությամբ հանկարծ առաջ մղվեց և մեր աշխարհքի ամեն անկյունը շարժման մեջ դրեց:

Թե քաղաքական շրջաններում քանի՛ ժամանակ էր այս հարիսան եփվում ու հարվում, այդ ժողովրդի խելքից ու մտածողությունից վեր էր և Կովկասյան համայն բազմատարր և բազմալեզու ազգաբնակչությունների համար միանգամայն անմատչելի, սակայն այսօր այլևս գաղտնիք չէ, ողջ աշխարհքն երում է, մարդակեր պատերազմը կամ սկսվել է, կամ

սկսվելու վերա է. Ախուրյանի երկու ամերին ուսի և տաճկի անթիվ-անհամար բանակներն նստել և կովարար խոյերի նման մեկ իրար են դիպչում, մեկ էլ ետ ու ետ գնում առանց երես թեքելու, որպեսզի նորից հարձակումն գործեն, նորից ճակատ ճակատի շրխակացնեն:

Աշխարհքը ժողովել է Ալեքսանդրապոլ, տեղից շուտ զարթնողը Շիրակ է վազում. աշխատանքի ու շահի տարի է, փող վաստակելու ճանապարհը հարթվել է, լայնացել է, ոսկին թիփրով են քերում, լօգովիլը խելքը կորցնել կնշանակի:

Այս ամենը շատ լավ, բայց մարդիկը բոլորն առամնավոր են. արտաքին համազումար շարժականության նման մի ներքին կենսական մեքենա ևս յուրաքանչյուր անթև և անփետուր երկուտանու յուր մեջն է գործում, սրանք ամենքն էլ ուտել են պահանջում, քաղցած մնալ չի կարելի, այսքանի կարիքը որտեղից պետք է լցվի: Դիցուք, որ Շիրակի ամբարները հազարավոր տարիներ առաջ շատակեր Շարաներ են կշտացրել, բայց Շարաներն այն ժամանակը բյուրավոր չեն եղել. այսինքն՝ մի՞թե Շիրակը կհագեցնի. սրանց մի ճար պետք է տեսած, թե չէ քաղցած կկտտորվեն:

Երկյուղ շունինք այդ կողմից, մեր երկրումը ոչ ոք քաղցած չի մեռնի, չեն ու հաստատ մնա բարեից ու արգավանդաբեր աշխարհքը՝ Երևանում հողն ու ջուրը:

Ահա հասել է օրը, որ աշխարհքի մյուս ծայրից մարդիկ հավաքվեն մեր հողումը, ականատես լինին մեր երկրի արգավանդությունը և ետ գնան, զարմանքով պատմեն իրանց հայրենիքումը:

Այդպես էլ եղավ. կոնվը բորբոքվեցավ Շիրակումը և մեր երկրի բերքերն այնտեղ տեղափոխվեցին: Բոլորը խլվեց և կրվեց դեպի պատերազմի դաշտը:

Խլողներն եղան իրանք արդյունահանողները. նրանք թանկ գնով էին վաճառում իրանց արդյունաբերությունը. եղան դրամատերերը՝ սրանք առնում էին առաջին ձեռքից և կրկնապատիկն օգտվում. եղան նույնպես և տեղական վարչությունից կարգված հարկահանները:

Վերջիններս նպաստում էին պատերազմական պաշարեղեն հայթայթողներին: Կապալառուները ձեռնհաս լեղան ճշտությամբ գլուխ տանել իրանց հանձն առած պարտականությունը. նրանք կապալը վերցնելու ժամանակ նախապես աչքի առաջ չեն ունեցել առաջիկա պատերազմը և այսօր ընկճվել են ժանրություն տակ:

Նրանց զիջողություն եղավ, կարգադրվեց, որ տեղացի ժողովրդի կողմից նրանց օգնություն տրվի:

Որպեսզի ըստ կարելույն շտապեցվի ժողովրդի կողմից լինելիք գոր-

¹ Ըստ ավանդության՝ ներկարարի ներկի կարասը խանգարվելուս՝ մինչև արտառովոր ստու չհռչակեն, չի ուղղվի, ներկ չի բռնի:

ծակցութիւնը, կապալառուները բազմադիմի ներելի և աններելի միջոցներին ձգտեցին. նրանք անձնական ներկայութեամբ կամ իրանց ճարպիկ գործակալների ձեռքով մտերմական հարաբերութիւններ հաստատեցին գյուղական, համայնական և գավառական վարչական մարմինների հետ, ճնշում գործ դրին միամիտ գյուղականի վերա, ռամկի հոծարակամ գործակցութեանը պարտականութեան ձև և նշանակութիւն տվին և ծակամատ բախտախնդիրների համար որսկանութեան ազատ ասպարեզ բաց արին:

Ցավալի և դաժանելի էր այն ժամանակ գեղջուկի վիճակը. յուր դառն աշխատանքը՝ աստուծո տված բարիքը, որոնցով առատ էր այդ տարին, ռամկի գլխին պատիժ դարձավ, նորա արդար վաստակն յուր քթերիցն եկավ:

Բավական էր, որ անխիղճ կապալառուի ստորաբարձ գործակատարն յուր ոսկով բարձած լրտեսների ձեռքով հոտ առներ, թե այսինչ գյուղում մի որևէ գյուղականի մոտ ամբարած կա, ինչ տեսակ և լինի, միևնույն է, հացահատիկ կամ աղացած ձմեռվան ալյուրի պաշար— ահա գավառապետի կամ յուր օգնականի գրագիրը, յաստուլը, շատ անգամ նույն պաշտոնատարներից մեկն ու մեկը հանկարծահաս հարձակում էին գործում, դատարկում էին շտեմարանը, բարձում էին հենց իրա պարտատիրոջ գրաստին և թշու էին տալիս այնտեղ, ուր արյունը ջրի հետ միացած էր, ուր հազարավոր մարդիկ բերվածը ուտում, մարսում, սպառում էին և մյուս օրը կրկին գտնում էին տեղը լի:

Այդ ապօրինի հափշտակվածի փոխարեն կապալառուն, իբրև ողորմութիւն, շարտում էր երկրագործի երեսին նախկին էժանութեան ժամանակին գինը, մի վարձատրութիւն, որ այսօր ծաղրալի էր անվանելը:

Շատ անգամ երկուստեք համաձայնութիւն էր գալիս կապալառուի և գյուղական ստորին վարչութիւնների մեջ, տալիք աննշան գումարը վերցվում էր մի նորաստեղծ, երևակայական հարկի վճարք և հավասար կիսում մեքենաներ լարողների մեջ:

Չենք իմանում ինչպե՛ս և ի՛նչ ճանապարհով, բայց մի օր էլ ամենքը տեսան մեր կողմ շարուն փերեզակութեան ցնցոտիներն իսպառ մի կողմը ձգած:

Բողոքն զարդարվել էր սև լաստակի արխալուզով, մի կապտագույն մահուդ ոսկյա ժապավենով շերքեզի շուխա շատ հարմարվում էր յուր անտաշ թիկունքին, և որ ամենից աչքի ընկնողն է՝ ռուսական մի լայն ծածկոցով ֆուրածկա (գլխարկ) ցցվել էր նորա հաստ գլխին և, իհարկե, այնպես էր սագում, ինչպես կովի վերա արծաթապատ թամբը:

Այսօրվանից բոշի տղա սև իշուկը շէր Բողոքի համեստ ընկերակիցը.

մի սպիտակ խրխնջան վաւոճուն Ղարաբաղի Նժույզ էր նորա անտաշ կազմվածքը պարսկական թանկագին թամբի մեջ գեղեցկացնողը:

Այս կերպարանափոխութիւնը կատարվեց Սալբու տղայի մեջ՝ զարգար Սիմոնի տանից հետանալուց մի քանի օր հետո:

Բողոքի ցանկութիւնը կատարել էր մաշադի Ռաջաբը՝ թուրք ոսկերիչը, և հալել էր բոլոր ոսկիները և յուր համարվեստների մեջ ձեռնտու գնով վաճառել էր հավվածքը՝ զանազան զարդեր շինելու համար, փոխարեն համարել էր Բողոքի առաջ հազարի շափ նորաձույլ փոշեթաթախ պոլիպերիալներ:

Այս դեպքը պատերազմը հրատարակելուց մի քանի օր առաջ եղավ: Բողոքի առաջին գործն այնուհետև էն էր, որ իսկույն նա Աշտարակում մի ընդարձակ խանութ բաց արեց:

— Հիմա թող մրցի ինձ հետ Բատինի թոնն յուր խանութով, թող օգնի ջհուտ Աղաջանն յուր փեսին, շատ չի քաշիլ, աչքդ բացուխուփ կանես և ահա մի հաճախորդ չի մնալ Բատինի թոռի կրպակումը,— ասաց Բողոքն և կտավեղենի ու մանրուքի բեռները թափեց Աշտարակու տանուտերի բակումը:

Բողոքն իրան ընկեր ընտրեց տանուտերի որդուն, նորա սենյակներից մեկը դարձրեց կրպակ: Այս թե՛ ձեռնտու էր ՍՏՈՅի դեմ մրցումն գործ դնելու և թե՛ տեղի հարմարութեան պատճառով, չափած ու ձևած էր խանութի համար:

Տանուտերի տղեն էր կառավարիչը և խանութպանը: Էլ ո՛ր գյուղացին կհամարձակվեր ՍՏՈՅից առևտուր անել. տանուտերն ամեն բանում այնպիսի հանդուգն մարդից վրեժ կհաներ:

Արդարև. կարճ միջոցից ՍՏՈՅի խանութից ոտքը կտրվեց, և Բողոքի հուշակը ողջ գավառը բռնեց:

Այս բանին առավելապես նպաստեց Բողոքի նոր պաշտոնը:

Ամեն աչք Բողոքի վերա սկսեց քաղցրանալ. նորա շարժիւթիւնը մոռացութեան տրվեցավ. ընդհանուր կապալառուի կողմից Բողոքն կարգվեց գլխավոր գործակատար և Ապարանի գավառակիցը ցորենառու:

ԻԳ

ԷՆ ԻՆՉՆ Է, ՈՐ ՊՍՏԻԿ Է ՈՒ ՃՍՏԻԿ Է

— Բարո՛վ ես էկի:

Այս խոսքերով ողջունեց առաջին անգամ գավառապետը, երբ Լրեկվան շարժին իրավունք խնդրեց և տրորեց նորա բնակարանի շեմքը:

Բղզեն խիստ կոկիկ էր հագնված: Նա եկել էր կապալառուի կողմից գրավոր հանձնարարությունով:

Մեծավորը հետազնին աչքով նայեց կապալառուի տարօրինակ գործակատարին, քթի տակին ժպտաց և բարև տվեց:

Բղզեն խորին խոնարհությամբ մինչև գետին ծովեց և երկրպագեց:

— Ի՞նչ գուզիս,— երկրորդ հարցը տվեց գավառապետն ուրախ դեմքով և վրաստանին հատուկ հայ արտասանությամբ:

— Քո ողջությունը, աղա՛,— կմկմաց Բղզեն և ձեռքը դրպանը տարավ ու սկսեց խառնել:

— Ի՞նչ ես պտու՞մ,— դարձացած հարցրեց իշխանավորը:

— Քո ողջությունը, տե՛ր,— կրկնեց խորամանկ կարբեցին և մի ոտք առաջ գալով, մի նամակ և մի ծրար հանեց գրպանից ու վախվիսելով դրեց սեղանի վերա:

— Այս ի՞նչ նամակ է: Գ

— Կապալառուիցն է:

— Իսկ այս ի՞նչ ոսկիք են,— բացեց գավառապետը կոշորած թուփը և հարց տվեց:

— Քո մեծություն համար ընծա եմ բերել:

— Քո տիրոջի՞ցդ է, իհարկե:

— Ո՛չ, տիրոջս խոնարհ ծառայիցն է:

— Քեզ համար լսել եմ, որ դու մի հասարակ շարշի էիր ու հանկարծ մեծ խանութի տեր ես դարձել, գավառի հարուստներից մեկն ես հռչակվել ու կապալառուի հավատարմությունն ես ձեռք բերել, ո՞վ տվեց քեզ այսքան կարողություն:

— Քո հրամանքդ:

— Ինչպե՞ս:

— Երբ քո բարի աչքը բաղցր է քո ժողովրդի վերա, աշխատանքն էլ շատանում է, սեր ու եղբայրությունն էլ աճելանում է: Ընչի՞ չէի հարբստանալ, քո ահիցն երկրի գող ու ավաղակությունը կտրվել է, ճակատի քրտինքը դատողի գրպանից ոչով չի խլում, գլուղացուն ողով չի վստահանում ասել՝ աչքիդ վերեն հոնք կա. ամեն մարդ էլ էդպեսով հացի տեր է դառնում, ամեն բերան քեզ է օրհնում, քեզ արևշատություն խնդրում. հիմի էլ հո առաջ ժամանակներումը չենք, որ մինչև յրիկուն կարաբարվեին ու ձեռք բերածն ավաղակի ու շուն ու գայլի բաժին կանեին:

— Սուտ չես ասո՞ւմ, ա՛յ տղա, կեղծավորություն չե՞ս անում:

— Սուտը սատանա է:

Գավառապետը շատ լավ գիտեր, որ Բղզեի խոսքերի ոչ մի բառը ճշմարտություն չէ, բայց բարվոք համարեց կարճ կտրել և ասաց:

— Շատ ուրախ եմ, որ քեզ պես կտրիճ մարդիկն իմ ժողովրդի մեջ աճելանում են, կարողանում են հարստանալ, խեղճին օգնել, աղքատի կարիքին հասնել. դու աչքումս խելոք տղա ես երևում, ես քեզ իմ հովանավորության ներքո կունենամ. նույնն է խնդրում քո տերդ՝ կապալառուն,— նամակն աչքի տակով անցնելով՝ շարունակեց գավառապետը:— զնա՛, պաշտոնդ կատարի՛ր ու երբ պետք կունենաս, համարձակ տուն մտի՛ր, իմ դուռը քեզ համար այսուհետև միշտ բաց է:

— Խնդրեմ, ներող լինես այս մի քանի կուպեկը. ծառայիցդ վերցնես, հույս ունիմ. շատ անգամ ոտքդ, գամ, գամ: Լիքը. ձեռքով. դատարկ փայտին շուն չի հաշալ, դատարկ ձեռքով սեներես մարդիկը միայն տուն կիցկվեն:

— Շնորհակա՛լ եմ, ընդունում եմ,— բուռն արեց գավառապետը ոսկիքը և շոռալով կրկին ցած թողեց թղթի մեջ երևաց, որ համարում էր:

— Ես զգում եմ, գլխիդ մատաղ, ուզում ես հասկացնել, թե անբաղաբավությունն եմ արել. շատ ուղիղ ես հրամայում, տասը ոսկին քո մեծությանը վայել չէ. բայց եթե այդքանն ընդունելություն կգտնի, ուրիշ ժամանակ կրկնապատիկը կարող է լինել:

Բղզեի խոսքն ընդհատվեց յասատլի ներս գալով:

— Փոքր կնյազն է,— խոնարհությամբ հայտարարեց յասատլը:

— Թող գա,— հրամայեց գավառապետը և ոսկիքը փաթաթեց, սեղանի արկղումը թաքցրեց:

Ներս մտնողը մի գեղեցկադեմ, գեղեցկակազմ, դանդաղ, բարձրահասակ երիտասարդ էր, պաշտոնազգեստից կարելի էր ճանաչել, որ նա գավառական վարչության ծառայողներից է. իսկ Բղզեն անունից հասկացավ նորա ով լինելը և մտքումն ասաց. «Շատ հարմար ժամանակ էր, նշանակում է գործս հաջող է»:

— Ո՞վ էր ներս եկողը:

— Փոքր կնյազն էր:

— Բայց ո՞վ է փոքր և ո՞վ է մեծ կնյազն:

— Մեծը ինքը գավառապետն էր, փոքրն յուր օգնականը:

Այս անունով էին հայտնի այս երկու պաշտոնատարները գյուղացուն. բայց թե իսկապես ի՞նչ մարդիկ էին, ի՞նչ ազգից էին, ի՞նչ ազգանուն ունեին, գավառացու գիտենալու և դատելու սահմանից վեր էր. նուն ունեին, գավառացու գիտենալու և դատելու սահմանից վեր էր. բավական էր, որ նորիկ պաշտոնեին մի անունով կնքեց ամբոխի միջից բավական էր, որ նորիկ պաշտոնեին մի անունով կնքեց ամբոխի միջից մի տանուտեր, մի գյուղական պատվելի, և ահա ամբողջ գավառն այդ մի կոչումով է ճանաչում յուր մեծավորին՝ առանց ուշադրության առնելու,

թե յուր կոչած անունը պակաս-պռատ է, սուտ ու սխալ է: Այդ ուսման սովորութիւնն է. նա երբեք ճիշտ անունը չի կարողանում տալ, մանաւանդ յուր համար խորթ ազգանուններին: Նա սովոր է ամեն անուն կրօնատեղ, համառոտել կամ խեղաթոյրել. նույնն անում է և՛ յուր իշխանավորների վերաբերութեամբ. Նիկո, Մխո, Գասո, — ասում է գեղջուկը Նիկողայոսին, Մխիթարին, Գասպարին. Փուշկով, Սվարով, Փանվովսկի, Մաճարբերի՝ հեղհեղվում են օտարազգի անունները: Պատահում է և այնպես, որ ժողովուրդը նոր անուններ է հնարում ամեն մեկ ծառայողի համար. մեկին մեծ աղա է ասում, մյուսին՝ խաթաբալաբեգ, երրորդին՝ ծուռ Կակո և այլն:

Այս իսկ հիման վերա, Բղղեին հյուրասիրողը կոչվում էր մեծ կընյազ, իսկ օգնականը՝ փոքր կնյազ:

— Ի դեպ, մեր երեկվան խոսակցութեան առարկա երկոտանի որսն յուր ոտքովն է ընկել, — ասաց մեծ կնյազը փոքրին՝ Բղղեի համար անհասկանալի լեզվով, — էլ հարկավորութիւն չկա սրան անհանգիստ անելու, սա յուր գործը հասկացող է երևում, սրան պինդ պետք է բռնած:

— Ահա, պարոն Բաղդասար, — խոսքը հայերենի դարձրեց գավառապետը, — այստիկ կնյազն էլ լսել է քո անունը, ուրախ է, որ քեզ տեսնում է:

— Շա՛տ շնորհակալ եմ երկուսիցդ էլ, ձեր ոտքի հող ու մոխիրն եմ:

— Ես փոքր կնյազին խնդրեցի, որ քեզ վերա քաղցր աչք ունենա, դու այսօր գնա, սորա դուռն էլ ճանաչիր:

— Իմ աչքի, իմ գլխի վերա:

— Ես սրան ասացի, որ դու կապալառուի գործակալն ես, սա խոստացավ ամեն ժամանակ քեզ օգնել:

— Ես էլ իմ ձեռքիցն եկած ծառայութիւնը միշտ պարտք կհամարեմ կատարելու:

— Գնա՛ ուրեմն, դուրսն սպասիր, մենք ինչ հարկավոր է՝ կխոսենք, ինչ անելու ենք՝ սորա ձեռքով կանենք:

Բղղեն երկիցս և երիցս գլուխ իջեցնելով դուրս գնաց:

Նա այդ օրը ոչ միայն մեծ ու փոքր կնյազներին ներկայացավ, այլև ամենաստորին դռնապանին էլ այցելեց ու ծանոթացավ: Փալլուն պոլիմպերիալներից բոլորեքյան մասնավորվեցին իրանց կոչման և արժանավորութեանը համեմատ:

Յասաուններն ու դազախներն էին սակայն, որ ոսկու փոխարեն արծաթյա փոշեթաթախ մանեթներն ստացան և իրանց կողմից խոստացան Բղղեի հավատարիմ շնորդ դառնալ:

Ուրախ տրամադրութեան գագաթնակետին հասած՝ դուրս եկավ

Բղղեն գավառական վարչութիւնից երեկոյան դեմ և ձի հեծած՝ շտապեց ճրագվառոցին կարբի մտնել:

— Այսուհետև, Շողիկ, փափկացրու քարի պես կարծր սիրտդ, ուկիքը մածոնի շտվի գլուխս քսելու, տեղին գործածեցի՛՛ քո սրտին տիրանալու. հիմի տեսնենք՝ քո աչքումն ո՞վ ավելի գին կունենա՝ Բասնի սպասիր, Շողիկ ջան, դեռ հորդ բերանի գոլն իմանանք: Վա՛յ ջհուտ Աղաջանին, թե որ «չէ» ասի, հոգեց հոգի կկորցնեմ, մեծ կնյազին աչքով կանեմ, պստիկ կնյազին կհրամայի՛՛ փոշին քամուն կտա: Չէ՛, ջհուտը վ կանեմ, Աղաջանը խելքը հացի հետ չի կերել, օրն էգուց աշխարհքը լավ կլինի, որ մեծ ու փոքր կնյազների հետ մի մոր կաթը ծծած եղբայրների պես ենք:

Բղղեն ցուցամատով երեք անգամ ճակատին խփեց ու շարունակեց.

— Հը՛, գլուխ չի, գլուխ, խելքի բուն է, որ կա. մի քանի հատ պսպրղուն ոսկիքն էսօր քանիսի՛ աչքերը շլացրին, ինչպես բոլորին իմ դռան շունը շինեցին. դրա համար է ասած՝ «պստիկ է ու ճատիկ է», ի՞նչ գործ կատարեցին կոպեկի մեծութեամբ ոսկիները:

— Էլ կասկած չկա, որ ջհուտ Աղաջանի հոգին բոսնս մեջն է, — էլ կասկած չկա, որ ջհուտ Աղաջանի խնամաքարին կնստի, Աղաջանի խոսքը կանի, կովքը ջհուտ Աղաջանի խնամաքարին կնստի, Աղաջանի խոսքը կանի, իրիկունը նշանը կօրհնի, մի երկու շաբաթից՝ Շողիկս իմ նոր շինվող իրիկունը նշանը կօրհնի, մի երկու շաբաթից՝ Շողիկս իմ նոր շինվող տանը շորոր տալով՝ խանմութիւն կանի, Բասնեց Սհոյի վերա թքել էլ չի արժան տեսնի:

Այս և սույնանման վերացական մտածողութիւններով մութը գետինն առած՝ նախկին շարչին մտավ Կարբի:

Ի՞ր

ՏԵՐ-ՉԱԿՈՎԲԸ

Հին Բայազետից գաղթած Կարբու նոր բնակիչների մեջ նշանավոր տներից մեկն էր ջոջ տերտերենց տունը:

Պատմութիւնը մանրամասն չէ հայտնում, թե ո՞ր օրից այդպիսի հռչակ է ստացել այս տունը և ի՞նչ աչքի ընկնող հատկութեան համար, բայց մի ավանդութիւն տան սերնդների ձեռքին հաջորդաբար քահանայական գավազանը ժառանգական սեփականութիւն է արել:

Մեռավ քահանան, տեղը ուրիշն է հարկավոր, օտարներին դիմելու

Սակայն Կարբուն չվիճակվեցավ մի կողմից Բայազետի երջանկու-
թյունը. շատ շտեկեց, շոջ տերտերինց տունն երկու ճյուղքի բաժանվե-
ցավ:

Խոռովությունն ու երկպառակությունը չէին, որ երկու եղբայրներին
մի հարկի տակից բաժանեցին. մեծ խուլերի անողորմությունն էր այդ
անողը:

Աշտարակու տերտերները զո՛հ գնացին խուլերի ճիրաններին, ահա-
գին գյուղը մնաց առանց հոգևոր հովվի, իսկ հոգևոր ծայրագույն վար-
չությունը գիջավ սշտարակցոնց՝ թախանձանցը՝ հրամայեց կարբեցի
տեր-Սիմոնին Կարբին թողնել յուր եղբայր տեր-Հակովբին ու փութալ
լցուցանել աշտարակցոնց հոգևոր պիտույքը:

Տեր-Սիմոնը վերաբնակվեց Աշտարակ, այնտեղ հովվեց, այնտեղ
ապրեց և այնտեղ մեռավ, իսկ տեր-Հակովբը մինչև վերջին շունը մնաց
Կարբումը, սիրեց ու սիրվեց յուր ժողովրդից և մեռնելու՝ յուր տեղը
պարգևեց սիրելի հոտին յուր հարագատ Հայրապետին՝ տեր-Հայրապետ
կոչումով և ինքը խաղաղ հոգովով աչքերն հավիտյան փակեց:

Ահա այս տեր-Հակովբի մոտ մի երեկո ներս մտավ խոջա՞ ասենք,
աղա՞, թե՞ պարոն Բաղդասար՝ մեր նախածանոթ կոլոտ շարչի Բղղեն.
Վերոհիշյալ կոչումներից դեռ ոչ մեկը չէր սեփականացել Բղղեին.
բայց գուշակելի էր, որ ոչ հեռու ապագայում մեկն ու մեկին տիրանալու
էր. այժմ այսքանը հայտնի էր, որ Բղղե անունը իբրև թշնամանք նորա
բացակայության ժամանակ շատ սակավները վատահանում էին ասել,
երեսին ոչ ոք իրան թույլ չէր տալիս այդ աններելի սխալն անելու, այդ
հիմարությունը քարե կարկուտ կղանար վերջը և կթափվեր ասողի գըլ-
խին:

Տեր-Հակովբին խորթ թվեցավ Բղղեի այցելությունը:

— Աստված օրհնեսցե, որդի,— աջ տալով պատասխանեց տեր-
տերը Բղղեի «օրհնյա տերին»,— բայց այս ո՞ր քամին է քեզ պտտել
մեր գոնովը ներս խցկել:

— Մի՞թե, տեր հայր, ամոթ է ժողովրդին յուր հոգևոր հոր ոտը
գնալը,— ժպտալով ասաց Բղղեն:

— Ընդհակառակն, պարտականություն է, որդի, բայց դե՞, շարչի
ժամանակդ ո՞չ միջոց ունեիր և ո՞չ կարիք, այսօր էլ որ հարուստ ես,
Աշտարակումը ծովի նման լիքը կրպակ ունիս, կապալառու ես, երկու-
երեք ձիավորով ես ման գալիս, մեծ տներ ես շինել տալիս, աղաների ու
միրգաների հետ ես նստում, վիր կենում, ինձ պես մի գյուղական խեղճ
քահանային ի՞նչ միտքդ կրերես, մինչև մի փորացավունք շունենաս:

— Մի՞թե դու ուրախ չես, աջիդ մատաղ, քո ժողովրդի բախտա-
վարության վերա, որ իմ հաջողությունն երեսովս ես տալիս:

— Չափազանց ուրախ եմ, եթե մի քանի բաներ, որ պատմում են,
թշնամու խոսքեր լինեին:

Տերտերը չթաշվեց թվել Բղղեի անիրավությունները, որոնց մեջ
համբավ էր հանել նա վերջերս, և որոնց մասին հիշատակությունը թող
մնա հետո:

— Դու ինքդ ասացիր, տերտեր ջան, որ թշնամու խոսքեր են, իմ
առաջադիմությունը շատերի աչքը ծակում է, դու դեռ իմ խնդիրս լսիր
ու գլուխ բեր, հետո կտեսնես, թե քո ծուխդ ինչ անուն կհանի և ինչ ծա-
ռայություն կանի քեզ:

— Ասա, որ լսեմ:

— Խնդիրս շատ հասարակ բան է, քո մտածելիքն ես եմ քեզ հի-
շեցնում, հոգևոր զավակներիդ մեկը շափահաս է, Կարբումը ծնված նրան
հասակակից ոչ ոք չկա, նրանից փոքրերը բոլորն երեխի ու կնոջ տեր
են դառել, իսկ նա դեռ միայնակ չոր կանգառի փշի պես քամու ձեռքից
տարուրերվում է, ամենքը նրան մտքից հանել են՝ դու էլ նրանց հետ:

— Ա՛...: ա՛...: ա՛...: հասկացա, հասկացա, շատ լավ, շատ բարի,
օրն էգուց ցանկությունդ կատարեմ, ուզում ես նոր շինվող տան համար
մի նոր հարսը բերել, այնպես չէ՞, թափանդ յուղտովի է, մեր տղա՛:

— Ամոթ հո չի՞, որ կարմրացնում ես ինձ, տերտե՛ր:

— Ասենք՝ դու կարմրող պտուղ չես, բայց վնաս չունի, եթե փոքր-
ինչ երեսդ տաքանա, իսկ քո առաջարկությունդ, ճիշտ որ հարկավոր է
և ժամանակահարմար:

— Ուրեմն մինչև ե՞րբ պետք է գործը ձգձգես, աշունքն երկու քալ
է մեզանից հեռու, հարսանիքների հոտը փչում է, մի քիչ ցուրտը որ
ընկավ, ամեն տեղ գուռնի ձայնը կբարձրանա, մենք ումնի՞ց ենք պա-
կաս:

— Ո՞ւմ աղջիկն ես ուզում, ասա տեսնեմ:

— Ում դու ինքդ կամ կտեսնես, ում որ եթե մինչև այսօր արժանի
չէի, հիմի քո օրհնությունովը հավասար եմ կամ մի փոքր էլ անց եմ.
այնպես չի՞, տերտեր, որ ես մի ժամանակվա Բղղեն չեմ հիմա, ուրիշ
եթե ոչինչ չլինի, հագուստս հո բարձր է ձայն տալիս:

Բղղեն մատով մի-մի ցույց տվեց յուր շորերը:

— Առական անխոտելի է, սրտիդ շառնես, Բաղդասար ջան, ասած է.
էշն էլ էն էշն է, փալանն է փոխել. փողն ու հարստությունը, շորն ու
զարդարանքը չեն մարդիս մարդի կարգ գցողը. պատիվը մարդիս յուր
մեջ պետք է լինի, բայց, իհարկե, ես չեմ ուզում սիրտդ կոտրել, ինձ

հայտնի է, որ դու խելոք տղա ես, մեր Աղաջանի ձեռքովը ոչինչ տեղից հացի տեր դարձար. այսօր էլ եթե չգնաս այդ ծուղը և մոլոր ճանապարհով՝ մարդ կդառնաս, ինչ որ մարդին պետք է ու վայել:

— Դե՛, հրամանք արա՛, օրհնած բերանովդ, տերտեր ջան, ո՛ւմ աղջիկն էս ինձ կամ տեսնում:

Տեր-Հակովբը քաջ ճանաչում էր Կարբու բուր հասած աղջիկին. բին, գիտեր ամենքի ծնողների դիրքն ու աստիճանը: Նա սկսեց ծայրե ի ծայր, փողոցն փողոց անվանել Բղղեի համար յուր նախկին դասակարգի տան աղջիկներին:

— Ի՛նչ ես անում, տերտեր, այդքան էլ մարդի հողի հետ չեն հավասարեցնիլ. քեզ ի՛նչ, թե երեկ աղքատ էի, քեզ ի՛նչ, թե ես երեկ բոշա էի. էսօր չէ՛ որ հարուստ եմ, էսօր փաշա եմ, դու ինձ էսօրվա գազով շափիր, քո հաշված աղջիկները մի քանի ամիս առաջ կարող էին ինձ համար նշանածներ լինել:

— Հապա էլ ո՛ւմ անունը տամ, որ սրտները չվիրավորեմ, Բաղդասար, հո չե՛մ կարող Ալմաստ խաթունենց, նան Հարթենենց խոսքը մեզ բերել:

Տերտերն սկսեց այնուհետև առաջիկաներից մի աստիճան բարձրներին հիշել:

Բղղեն ևս առավել քիթը շինեց դարձ կոմբալ կամ հավի փուշիկ. տերտերի խոսքերը նրան վիրավորական էին:

— Ինձ ի՛նչ, եթե ուզում ես մեր իշխաններից մեկն ու մեկի աղջիկը՝ իրավունք ունիս, դու անունը տուր, ես կերթամ կխոսեմ. կտան՝ իրենք գիտեն, չեն տալ՝ իրանց կամքն է, շատ կարիք է, տալիս են, աշխարհքը հիմի փշացել է, հիմի մարդը գլխով ու սրտով չի գնահատվում, այլ գրպանով ու քսակով, իսկ հարստությունով, ինչպես լավում է, քեզ արժան աղջիկ չի ճարվիլ Կարբու մեջ, պետք է գնաս Աշտարակիցն առնես:

— Չէ՛, տերտեր ջան, զուր ես ինձ փողոցն փողոց գցում, ես իմ նայրենակիցներից հեռացողը չեմ, իմ կինն անպատճառ Բայազետցու աղջիկ պետք է լինի, և հենց դորա համար եմ քո ոտքն եկել: Շատ ես հեռանում, տերտեր ջան, — ընդհատեց Բղղեն, երբ տեր-Հակովբը կամենում էր տերտերմի հատիկների վերա թվել Կարբու առաջնակարգ ըմտանիքների աղջիկներին, — իմ կորուստը դրանց ոչ մեկի մեջը չկա:

— Մնացի ես, ա՛յ որդի, մեկ էլ իմ մեծ եղբայր տեր-Սեմոնը, ինքս քեզ հարածի է, որ աղջիկ չունի, եղբայր աղջիկն էլ Աշտարակ նշանած է:

— Ընչի՛, տերտեր, չհուս Աղաջանի հատն ո՛վ ունիս Կարբու մեջ, ես ու ես հավասար կզանք, երկուսս էլ նոր հարստացած ենք:

— Վա՛յ, դու յոթը սարի էն երեսի՞ցն ես, Բաղդասար, — զարմացավ տեր-Հակովբը, — չգիտե՞ս, որ երկու տարի է Աղաջանի աղջիկը նշանած է և այս ձմեռ պետք է պսակենք:

— Կարելի է, ի պատիվ իմ, Աղաջանը նշանը կվերադարձնի:

— Ա՛յ տղա, Բաղդասար, աստվածանից վախեցի՛ր, մարդից ամաչի՛ր, ո՛չ դու Աղաջանի հավասար մարդ ես, և ո՛չ նա քեզ մարդատեղ կգնի:

— Բայց ես Բաղդասարն եմ, տերտեր, ես հարուստ եմ, պարկերով սուկի կթափեմ Աղաջանի առաջին:

— Եթե ես Աղաջանի տեղը լինեի, քեզ կասեի՛ ոսկիդ մածնի տուր, գլուխդ քսիր:

— Փանի՛ մի քանի ես այդ անիծված խոսքերը լսեմ, էսքանը մածնի տալ կլինի՛, — բարկացած ձեռքը գրպանը տարավ Բղղեն և հանելով մի քակ լի պոլիմպերիալ, շաղ տվեց քահանայի գորգի վերա:

— Էլ ընչի՛ ես նեղսրտում, որդի, երբ որ քեզ ամենքը վատ են ասում. քեզ շատ լավ հայտնի է, որ Աղաջանի աղջիկն անուն արած է, նշանած է, ուրեմն դու ցանկանում ես Բստինենց կարապետի հին օջախի հիմքը շրջել, լսողը քեզ վրա էլ կթթի, իմ վրա էլ, թե որ ես քեզ լսեմ ու գնամ խնամխոս-չգիտե՞ս, որ ես աստծու քահանա եմ և անիրավ մարդկանց պետք է ուղիղ ճանապարհի բերեմ:

— Ի՛նչ անիրավություն եմ արել, տերտեր:

— Ուրիշի նշանածն ուզում ես հափշտակել, այդ անբրավություն չի՛:

— Որ սիրում եմ, ի՛նչ անեմ, աշիդ մատաղ:

— Էլ աղջիկ չկա՞ր, որ նշանած աղջկա վերա մատը դրիր:

— Սրան հարցու, կարգիդ մեռնիմ, — սիրտը ցույց տվեց Բղղեն, — սորա վերա նեղացիր, կպել է, չի պոկվում. ես ինքս էլ շատ ուրախ չեմ, Աղաջանն աշքիս գորդն է, ուզում եմ մի բուռը մոխրի պես քամուն տամ, բայց բանն այն տեղն է հասել, որ ինքս եմ գլուխս գնում թշնամու ոտքի տակը, որ ինձ տրորտակ տա, օրական հարյուրավոր թքանքներ թափի երեսիս, միայն թե վերջ ի վերջո ինձ խղճա ու փափագիս հասցնի:

— Իսկ եթե՞ Աղաջանը չկամենա Բստինենց Սահակին տված խոսքը ես առնել:

— Օ՛... օ՛... օ՛... էն ժամանակը շնորք կապեցեք, իմ շղթան կտրեցեք, կատաղի գազանի նման ծվիկ-ծվիկ, պատառ-պատառ կանեմ քեզ:

Բստինենց տղին, շճուտ Աղաջանին էլ, ողջ կարողութիւնս արենհում, մարդասպան գողերին կեր կանեմ, աշխարհքը սարսափի մեջ դնող ավազակ Եղիկին կեղբայրանամ ու Աղաջանի ցեղը բնաջինջ կանեմ:

Տերտերը զարհուրեց Բղղեի աչքերից դուրս ցայտած կայծերի փայլատակումից. բերանը փրփրակալել էր, ատամների կրճտոցի հետ մատներն ինքնաբերաբար բացվում և խփվում էին, ճիշտ քաղցած գայլի կամ գիշատիչ անգղի ճիրանների նման, երբ հարձակվելով թուլ նապաստակի կամ անշունչ լեշի վերա, ագահաբար մի կողմից սուր-սուր մագիլներն էի գործ դնում, մյուս կողմից ժանիքով կամ կեռ կտուցով է քաշկոտում, մամսատում:

— Հանգստացիր, սիրելի Բաղդասար, բավական է, արածս կատակ էր, այս շաբաթ հարմար միջոց կընտրեմ, Աղաջանին կհամոզեմ, քո իղձը կատարել կտամ: Վնաս չունի, Բստինենց Կարապետն էլ ինձ կխի, Սահակի համար ուրիշ աղջիկ կուզենք, մինը չէ՛ մյուսը լինի, միայն թե աշխատելու է, որ Աղաջանը չգրկի ՍՏՈյին խանութի ընկերութիւնից, խեղճն երկու տարի է հետը մաշվում է:

— Ե՛ս, ես ի՛նքս ՍՏՈյին կբախտավորացնեմ, գլուխը ոսկու մեջ կթաղեմ, եթե նա Աղաջանի աղջկանից ձեռք քաշի:

— Որ այդպես է, գործը հաջողացնելը թող պարտքս լինի:

— Որ այդպես է, այսքանը թող առհասկատայա լինի քո աջահամբուրի համար, բուն աջահամբուրն էլ հետո:

— Ո՛չ, սիրելի Բաղդասար, ժողովիր փողերդ, քսակդ դիր, ջոջ տերտերենց յոթն անգամ յոթը պորտը քահանա է եղել: Աստուծո կարող զորութիւնով մինչև Քրիստոսի աշխարհքը գալը մեր տան տերտերը շպիտի պակասի, բայց մինչև էսօր լաված չի, հույս ունիմ, որ այսուհետև էլ չի լավիլ, թե մեր տունն էդպիսի կեղտոտ ճանապարհով է հաց աշխատել. աստված հաստատ պահի ջերմեռանդ ժողովուրդը, լիաբուն շահել է յուր քահանային՝ յուր հարամը հալաղղին, ու էլի կշահի, մեր աչքը դռանն է պահել, ապրել ենք՝ կրկին կապրենք, աշխարհքիս գանձն ու հարստութիւնը աշխարհքումս կմնա: Վերցրու փողերդ. երբ բարով-խերով հալավդ կորհնենք, որքան սիրտդ կբխի, կտաս, ես էլ, առանց վրեն աչք թեքելու, ծոցս կդնեմ, նորափեսին ու նորահարսին բախտավորութիւն կցանկանամ:

— Ուրե՛մն:

— Ուրեմն դու գնա գիշերս հանգիստ քնիր, վաղը գործդ շարունակիր, աստուծո ճանապարհը մի՛ մոռանար, աղքատի ու տնանկի աշխատանքը մի՛ խլիր, մի կտոր հաց կեր և Աղաջանին օրհնիր, որ քեզ մարդի մեջ մտցրեց, հույսդ աստուծո նախախնամութեան վերա դիր, որ քեզ մի

խտոր ցամաք հացի տեր է արել. եթե աստված կամեցել է, ցանկութիւնդ ինքն իրան կկատարվի, իսկ եթե ոչ, հազար էլ տանջվիս ու մաշվիս, ինչ գրված է, այն կատարվիու է:

— Ամա՛ն, տերտեր ջան, էդ վերջին խոսքերը բերանիցդ մի հանիլ, — տեր-Հակովբի աչք կաթոգին համբուրելով, բարի գիշեր ասաց Բղղեն:

— Սպասի՛ր, — սպաննաց տերտերը նորա քամակից հրամայական ձեռով, — նզովյալ լինես, եթե այս երեկոյան խոստովանութիւնը բերանիցդ հանես, կամ թե աշխատես ճակատիդ գրվածին դեմ կենալ, կամ բացի ինձանից՝ ուրիշների գլուխը ցավացնես, միջնորդ ձգես. այն ժաբացի ինձանից՝ ուրիշների գլուխը ցավացնես, միջնորդ ձգես. այն ժամանակը թող Կայենի և Հուգայի անեծքը թափվի գլխիդ, փափագիդ՝ ո՛չ հասնիս, երեք անգամ մեծ շարշարանքով աշխարհ մտնես (ամուսնանալ)՝ երեքիցն էլ անպետք փշի զես անպտուղ մնաս. վերջումը մի ժառանգ լույս ընկնի քեզ համար, որ աչքերդ բաց՝ վատնի, շուայի կարողութիւնդ, և դու տեսնիս ու էրվիս, էրվիս ու տնքաս, տնքաս ու ուժ չունենաս առաջն առնելու, կոպեկի կարոտ՝ շուռչ փշեն, հոգիդ սաղայելի ճանկը ձգես:

Բղղեն դողմանի եկավ, ոտքերը թուլացան, ծնկները ծավկեցին, բայց շատ չբաշեց, չգիտեմ ինչ ներքին դրդմամբ՝ ուժի եկավ, լուրջ դեմք առավ և ասաց.

— Շատ բարի, հոժար եմ, միայն թե դու աշխատես գործը գլուխ բերել, հնգապատիկ անեծքի կդիմանամ:

Նա էլ շկանգնեց, դուռը շտապով քահանայի երեսին ծածկեց ու հեռացավ:

16

ԳՈՂԸ ԳՈՂԻՑ ԳՈՂԱՑԱՎ, ԱՍՏՎԱՏ ՎԵՐՆԵՑ ԶԱՐԲԱՑԱՎ

Ժողովրդի նեղութիւնները հետզհետե ավելանում են. երկրագործ, այգեգործ, բոլորեքյան միատեսակ ճնշված են. կապալառու Բազդա-սար աղայի քամու նման թուղը նծույգի սմբակներից՝ կրակի կայծերը սաղայակից ավելի են պեծավորվում. անբան անասունն արդեն ճանափայլակից ավելի են պեծավորվում. անբան անասունն արդեն ճանաչում է գավառական տանուտերների դուռը, նա բնազդամբ հասկանում է յուր գնալու գլուղը. գավառական վարչութեան գոմումն յուր տեղը է որոշած ունի և մի տեսակ ներքին հաճութեամբ և հպարտութեամբ սիրում է կեր ուտել ոռուական ձևի մարքում:

Բղղեն այժմ միայն չի ման գալիս, շորս զինամատուցած կտորի՞ն թուրք թիկնապահ՝ ձիավորները նորա անբաժան ընկերներն են, իշխանության կողմից էլ մի յաստուլ շարունակ նրան առաջնորդում է:

Բղղեն հաճախակի է այցելում գավառական վարչության բնակատեղին. շատերի մոտ է ելում մտա անում, սիրով ընդունված է մեծ և փոքր կնյազների մոտ:

Մի այդպիսի այցելություն կատարվեց տեր-Հակովբի հետ տեսակցությունից մի քանի օր հետո:

Նոր էր վերադարձել նա Ապարանից Կարբի և պատրաստվում էր գնալ տեր-Հակովբից լուր իմանալու, որ մի ձիավոր իջավ նորա դռանը և մի փոքրիկ նամակ տվեց նրան: Նամակը գրած էր Բղղեի ստորազոր-յալների մեկից. նա հայտնում էր, թե գյուղերից շատերը ոտքի են կանդ-նել և ցորեն շեն տալիս. եթե առաջը շառնվի, գրում էր գործակատարը, բոլորը կապտամբին:

Բղղեն ամեն բան մոռացավ, ձի հեծավ և երկու ժամից իջավ գավառական վարչության մոտ եղած գինետան առաջին:

Նա կանգնեց գինետան դռան շեմքին, գլուխը ներս խցկեց և ման-րախույզ հետաքրքրությամբ խորքը գիտելուց հետո՝ ապահովեցավ, որ օտար ոչ ոք չկար ներսը, ուստի և ձայն տվեց.

— Սաքո...

— Հը, Բղղե, գո՞ւ ես, ներս մտիր, ընչո՞ւ ես հեռու կանգնել, աչ-քերը շալ (խաժակն) կովի նման մտիկ տալիս,— վստահ պատասխա-նեց գինու տկի բերանն ամրացնելով Սաքո կոչվածն և շարունակեց¹.

— Տո՞, ա՛յ մեռած, էլի եկե՞լ ես, չե՞ որ ես քեզ ասել եմ խաթեզ (փորձանք) մեզանից հեռու պահիր. գու մեր գլուխը մի փորձանքի մեջ բանդ կանես:

— Ի՞նչ փուչն ես, Սաքո՞, «չեմ ուզում՝ գրպանս դիր», որպես թե ուրախ չես իմ գալուն, իբր թե չգիտես, որ առանց քեզ էս երկրումը ծա-ոք տերեն էլ իրավունք չունի շարժվելու:

— Հանաքը թող, ասա տեսնենք՝ ընչի՞ ես եկել, չե՞ որ մի քանի օր առաջ գործդ կարգի գրինք, գնացիր:

— Ինչպես չգալի, ամեն տեղ ոտս քարին է առնում, Ապարանի ժո-ղավուրդն էլ է, էնտեղ ատամս կտրում է, բայց դաշտի մեծ գյուղերից մի քանիսը, համարյա, երես են թեքել, ձեռքնորը պատն են քսում, խոսք չեն ուզում հասկանալ, տուն չեն կամենում թողնել:

— Ի՞նչ են ասում:

— Ասում են մեր գավառի մեծ ու գլխավոր գյուղն Աշտարակն է, աշտարակցիք են գինու-արալի կեսը ջուր անում, Ալեքսանդրապոլում ոսկի ջինում, օգուտ տեսնում, Աշտարակը մի բնուց ցորեն չի տալիս, մենք ընչի՞ պետք է տանք:

— Եթե Աշտարակը ցորեն չի ցանում, որտեղի՞ց պետք է տա:

— Գնա ու հասկացրու. կոպիտ գյուղացի են, ո՞ր մեկի գլխումը խելք նստացնես:

— Ինձ ի՞նչ ես տալիս, որ օրն էգուց աչքս ձախ դարձնեմ, ամենքը քո ղուլը դառնան:

— Աշտարակն է՞լ:

— Աշտարակի անունը մի՞ տալ, նա թթու խնձոր է, մի՛ աշխատեք կծել, ո՛չ դու, ո՛չ քո կնյազները, բոլորիդ ատամներն էլ կառնի, էլ բան քեզ կարող ծամել, քաղցած կմնաք:

— Հողն ու ջուրը լավ գիտի, Սաքո ջան, ինչպե՞ս ես պաշտպանում քո հայրենիքդ:

— Գու քո Կարբին չես պաշտպանի՞լ:

— Պարտքս է:

— Ուրեմն էլ չհամարձակվիս էդ ծուռն աչքդ Աշտարակի վերա թե-քել, թե չէ էս գավառից մի բուռը հավի կուտ չես կարող դուս տանիլ:

— Մյուս գյուղերի համա՞ր ինչ ես ասում:

— Տեսնենք՝ որքան ես ցնծում:

— Այ եղբայր, տղրուկ ես դառել, ինձ արենքամ արեւ, տվածս հե-րիք չի՞:

— Լո՞ւր, լո՞ւր, թե չէ հինգ օր չի քաշել, պուղ կխուզվի, դիմացինդ միկիտան Սաքոն է, Սարգսարբաղի մովրոզների միկիտանը, քո ցերեկ-վա ման եկած տեղերն ես գիշերն եմ ման եկել, ինձ լավ հայտնի է, թե ո՞ր գյուղումն ինչքան ավազ է բանում, թե ամեն մի խալվար ցորենին որքան ես վճարում, ինչքան հաշիվ տալիս:

— Սաքո ջան, չե՞ որ էս բանի մեջ իմ վարձապետը դու ինքդ ես, հիմի էլ կանգնել ես, հակառակն ես ասո՞ւմ:

— Հանաք եմ անում, քանի ես ողջ եմ, դու քո էլը թշիւր, միայն թե տեսնենք՝ քանի պուլիմպերիալ ես համարում առաջիս, որ բացի Աշտա-րակից՝ մնացած գյուղերը կամքի գան, ցորեն տան:

— Ինչքա՞ն ես կամենում:

— Շատ չեմ ուզիլ, ամեն մի ջվալին մի կուտ՝ ավազ էլ ինձ համար ավելացրու:

¹ Միկիտան Սաքոյի համար տես «Հայի ինչիք» ագիտատեղյուհու: Ծ. 2:

¹ Մի-կուր 12 գրվանքս է պարունակում:

- Իմ աչքի վրա, ահա այս էլ թող բեյը լինի:
- Բղղեն մի բուռը ոսկի ցրիվ տվեց հանրահռչակ միկիտան Սաքոյի առջևը:
- Ուրեմն ձիդ նստիր գնա. երեք օր չքաշած՝ ամեն գյուղից գործակատարներդ բեզ աչքալուսեք կգան:
- Մնաս բարով,— ասաց Բղղեն և ձիու քամակն անցած՝ իջավ գյուղերից մեկում՝ տանուտերի տանը:
- Տանտիրոջ և հյուրի մեջ մի տեսակ լուռ մնջկատակություններ տեղի ունեցան:
- Ներկա եղող օտարները բարվոք համարեցին արգելք լինել նրանց պարզ խոսելուն:
- Ի՞նչ արիր, տանուտե՛ր,— փակվելով տանուտերի հետ՝ հարցնում է Բղղեն:
- Ի՞նչ պետք է անեի, պարոն Բաղդասա՛ր, հազարիցը մի անգամ գործդ ինձ է ընկել, այն է՛լ չկատարեմ:
- Կամ եկա՞ն (համաձայնի):
- Վիզներն էլ յոթը գազ շերկարե՞ց. իրանց որ մնար, մի հատիկ ցորեն չէին ուզում տալ, բայց էնպիսի խաղ խաղացի, որ իրանք աղաչեցին ու տվին:
- Ի՞նչ արիր:
- Ի՞նչ պետք է անեի, հայտնեցի, որ հրաման է դուրս եկել, թե ինչ գյուղում ցորեն չեն տալիս, ամեն մի տանը մի կով թողան, մնացած շորքոտանին քաշեն, տանեն Ալեքսանդրապոլ, մորթոտեն, զորքին կշտացնեն: Այս որ լսեցին, փորները կատու ընկավ, ամեն մեկի տանը տասը քսան կթան ու լծկան կան, հիմար հո չէին, որ մի քանի խալվար ցորենի համար իրանց ապրանքից ձեռք քաշեին:
- Հիմի մեր ամբարումը ցորեն կա՞:
- Երեկ երեսուն խալվար բրնձի նման աղունիլ տվի ու քո ամբարդար (շտեմառանապետ) Պապիկին պահ տվի. էս երկու օր է, Պապիկը տուն էլ չի գալիս հաց ուտելու, բեռները կապում է, գրում է ու շփտեմ ի՞նչ է անում:
- Ե՛րբ պետք է, ուրեմն, ճանապարհ դնե՛ք:
- Երբ որ Պապիկը կասի:
- Շնորհակալ եմ, տանուտեր, առ, ահա, էս քեզ մի շուխագին:
- Աստված կյանք տա, աղա Բաղդասար:
- Հիմի գյուղին որքա՞ն փող եմ պարտ:
- Քո կամքն է, պարոն Բաղդասար:

- Ընչո՞ւ, քեզ հայտնի չի՞, խազնիցը խալվարին տասն ու հինգ մանեթ է նշանակված, էն էլ դեռ փողրաթչին մի կոպեկ չի ստացել, ինչքան էլ տալիս է, յուր քսակիցն է համարում:
- Շատ ուղիղ է քո խոսքը, Բաղդասար ջան, բայց ես ու իմ հոգին, ժողովուրդը մեղք է, քանզվեց ու քարատակվեց, աղիքդ փորումդ կտորկտոր կլինեիր, եթե բարի աչքովդ տեսնեիր, թե ոնց մեր ու մանուկ գրխատարներն վայ տալով աչքերից կրակ էին դուրս թափում, երբ գզիրը կտան առած՝ Պապիկի հետ հորերիցը դուրս էր բերում ցորենը և գլուխ-գլուխ շափելով ջվալներն էր լցնում. ես երեսու ետ էի դարձնում, արտասուքս լեի կարողանում պահել. գլուխդ վկա, խոջա Բաղդասար, այնպիսի չքալոր տանից ենք ցորեն հանել, որ մյուս օրվա համար տաշտումն ուտելու հաց չեն ունեցել: Շատ որ մղկտացին, ես խեղճ եկա ու իմ կողմից խոստացա, որ քո ոտքերն ընկնեմ, խալվարին 25 մանեթ խնդրեմ: Հույսս դու ես, աղա Բաղդասար, ինձ կախ տուր, կտոր-կտոր արա ու դատարկ ձեռքով ժողովրդի երեսը մի՛ ղրկիլ:
- Ախար, էդպես անկարելի խոստումն ընչո՞ւ ես անում, տանուտեր, ես ինքս հո չեմ փողրաթչին, ես էլ քեզ պես մի հրամանակատար մարդ եմ, շատ էլ կցանկանայի քո խոսքը գետին չգցել, 25 մանեթ տալ, կարող ե՞մ, իրավունք ունի՞մ, իմ ձեռքիցը կգա՞:
- Ինչ կանես արա, ինձ հասարակությունի լեղվի տակիցն աղատիր:
- Վնաս չունի, քո աղիվ խաթեր՝ քսան մանեթով հաշիվ կանեմ, չեմ թողալ քո երեսիդ մի սառը խոսք գա ու ինքս երեսս գոմշի կաշի կշինեմ, փողրաթչու յախիցը (օծի՛ք) կախ կընկնեմ, խալվարին հինգ մանեթ ավելի կպոկեմ, եթե շտա էլ՝ քո ցավը տանի, իմ քսակիցը կտամ:
- Է՛յ, աղա Բաղդասա՛ր, ո՞ւմ հայտնի է, ո՞ւմ չէ, ինձնից հո թաքուն չի, հաստատ մնա մեր գետը, ավազին հաշիվ ու համար չկա, ինչքան քո սիրտը կուզի ավելացրու:
- Ա՛յ եղբայր, տանուտե՛ր, մեկն ասում ես, մյուսը՝ թողնում, չգիտե՞ս, թե ամեն մի հատիկի վերա քանի աչք կա, էդ մի փոքր խոռոչուրդն էլ որ լինի, խեղճ փողրաթչին ո՞ր մեկի ծակ աչքը պետք է կըշտացնի. դու հավատո՞ւմ ես, որ ձեռքիս մեկը քսակիցս դուրս չի գալիս, մեծ կնյազին հարկավոր է, փոքրին՝ նմանապես, գրագրին պետք է տաս, յասաուլի ուսուցիչը կըծելու ոսկր պետք է գցես, դազախն արաղի փող է ուզում, միկիտան Սաքոյի բերանը յոթ խուրճը խոտով չես կարող փակել: Հիմի էս կողմն արի՞— տանուտեր կա, գզիրը նորա պոչիցը կպած է, գյուղի իշխանավորը մի կողմիցն է փեշդ քաշում, ծառան ձեռքն է

նորա քամակից գլուխը շարժում էր Պապիկը.— քո խելքովը լավ բան արիր, որ վարձիս կեսը կտրեցիր, ես էլ տեղը հանեցի. քո կարծյորդ տասին մեկ եմ խառնում, էն էլ գետի ավազ. ինչպե՞ս չէ, խելքս հացի հետ էի կերել, որ հինգ մանեթի համար կոտո շարչի Բղդեի մշակը գանայի. ընչի՞ չես ասում՝ տասին երկու եմ խառնում, ապառաժ լեռ քարն եմ ջարդել տալիս, փշրում ու խախալով մաղում, խառնում. մի ձեռնաչափ քարի մանրուքը տասն այնքան ավազից ծանր է. մի սոմար ցորենը քեզ համար դառնում է երկու սոմար, տակին էլ մի սոմար ինձ է մնում. հիմի սորա վերա էլ ավելացրու էն ավելորդ կոտը, որ ամեն մի խալվարին սգանում ենք ցորնատիրոջից: Ասենք էս վերջինի մեջ ինքը՝ տանուտերը, հետս մասն ունի, մի քանի բուն էլ գլորին է հասնում: Էդպես է, պարոն Բղդե, «գողը գողից գողացավ, աստված վերնից զարմացավ»:

Ի՞՞՞

ՅՈՒՏՈՒ

Կարբումը, Կիզի-մատուռի հյուսիսային կողմը, շատ ժամանակ չէ մի ձեռք տուն է բուսել, մի երկու հարկյա փոքրիկ շենք:

Ինքնըստինքյան այդ շենքը մի երևելի և նշանավոր բան չէ, փոքրիշատե ճաշակը զարգացած մարդի համար աչքի ընկնող ոչինչ չունի: Բայց ներկա Կարբու նման մի գյուղի համար այդ տունը լավերից մինք կարելի է համարել:

Լավ ասածս պետք է հասկանալ վերնահարկի վերաբերությամբ, ապա թե ոչ, ներքին հարկի վերա ոչինչ ջանք չի գործ դրված, անկարգ, անձև պատերով շրջապատված մի քանի ծակեր են, որոնք ոչ գոմի պետք կլինեն, ոչ խոհանոցի ու մառանի, ոչ գրաստ կապելու մարքի տեղ է թողած, ոչ վառարանի ծխնելույզ, ոչ գյուղական թոնրի համար մուխ քաշելու երդիկ և ոչ լույս մտնելու մի ծակ:

Այս իսկ պատճառով՝ շինված օրից մինչև հիմի ներքնահարկումը շունչ կենդանի եթե որոնելու լինես, ցամաքային խոնավասեր գորտերից ու հողաբնակ ժժմունքներից ավելի ոչինչ չես գտնիլ: Տան տիրոջ ուշքն ու միտքը, բոլոր հոգացողությունն ու ծախսած դրամը սպառվել է վերնահարկը զարդարելու և արևելյան ճաշակով կարմիր և կանաչ նկարներով լցնելու վերա:

Պարսիկ ծաղկարարը հարեմական, ախտաբորբոք սեղեխների կենդանագիրներ ծեփելով սենյակների պատերին, համակերպվել է, երեկ, տանտիրոջ ժամանակակից հաճույքներին և դիպվածական տրամադրություններին: Դիպվածական և պատահաբար, որովհետև տան ջահել տերը

շինությունն սկսելուց մի քանի օր առաջ միայն զգաց իսկապես, որ ինքն էլ նորահաս երիտասարդ է և բնական հակում ունի դեպի գեղեցիկ սեռը: Նորաշեն պալատը, եթե լսողների ականջին ծանր չհնչե այս մեծաքանությունը և յուր տերը շատ շար ու բարի լեզուներ սրեցին իրանց դեմ և բամբասանքների ու ասեկոսեքի տեղիք տվին:

Խոսողներն իրավունք ունեին. տունը շինվել է, կահավորվել է, կախասինեքով լցվել է, բայց ոչ տերը մի կտոր հաց է կերել մեքը և ոչ տեսել ծանոթներ մի կթղա օղիով շնորհավորական բարեմաղթություններ են արել:

Ցորեկները դռները բուրբուրվին փակ են եղել, փակ գիշերները մի պատվ կին միայն ձիթի ճրագի աղոտ լույսով, ուրվականի նման, յուր երկար ստվերն է տարածել անկյունից անկյուն, սենեկից սենյակ:

Սրգվել չեմ կարող, վերջերումս գիշերներ են պատահել, երբ տան երիտասարդ տերը յուր հնամաշ անկողինը գետնին փոված թողնելով, ինքը ժամերով երթևեկել է փակված սենեկի մեջ և հուսահատ կամ հուսապարար գլորվել ու խամփացել մինչև լույս:

Պարզելու համար ասենք, որ տանտերը, որ թույլ է տվել իրան այս շալլությունը, մեր բարեկամ Բղդեն է, իսկ պատավը՝ յուր մայր Սալբին: Բղդեն շինությունն սկսել տվեց Երևանից վերադառնալու օրը և, ի պատիվ նորա, պետք է խոստովանած, ոչինչ շխնայեց յուր շենքը փառազարդելու համար, որպեսզի, ինչպես ինքը շատ անգամ հեղհեղում էր յուր սրտի խորքում, ջհուտ Աղաջանի աչքերը շացնի յուր հարստությունով, Շողիկին իրանը շինի, փափագին հասնի և հետո Աղաջանին լակ ձվի նման պատուվը զարկի, հողի հետ հավասարեցնի:

Բղդեն շինությունը կարգի դրեց ու ինքն յուր նոր գործին տիրացավ:

Այդ էր պատճառը, որ ցորենառուի թափառական պաշտոնը թույլ չէր տալիս նրան վայելել յուր պալատի հեշտությունները:

Սալբին էլ, իբրև հին կին, ավելի գերադաս էր համարում յուր մխոտ թոնրատանն օրն ի բուն փսփսալ, քան թե աղտոտ ոտքերով սենյակների փովածքը տրորել:

Ուրիշ գործ ու զբաղմունք չունեի Սալբին. նա շարունակ պարապած էր յուր որդու գնած դյուրագին հախճապակյա պնակները լվանալով, որոնք Կարբու համար նոր շալլություններ էին. ըստ որում գործածական տեղական շենքի հասարակ կավի անոթներ էին:

Պատավը լվանում էր, ցամաքեցնում էր, դասավորում էր յուր թոնրատան դարակների վերա և կրկին մի ժամից վայր էր բերում և էլի լվանում:

Վերջապես Սալբու խոսքերիցն իմացվեց, որ տեր-Հակովբի պատգամավորութունն անհաշող է եղել, թե շուտ Աղաջանը վճռողպես հայտնել է, որ եթե աշխարհքումն մնան միայն ինքն ու Բղղեն՝ նա այն ժամանակն էլ յուր աղջկանը կթթվացնի, կբացախացնի, կպառավայնի և Բղղենին չի տալ:

Տուտուն քթի տակին ժպտաց:

— Իսկ եթե ես գլուխ բերեմ, ինձ ի՞նչ կտաք,— հարցրեց նա:

— Ինչ քո սիրտը կցանկանա:

— Խոսքով փլավ չի եփվիլ, յուր ու բրինձ է հարկավոր, բեր տեսնեմ, որքան ես ցնծում, որ ես ամեն դժվարութուն հեշտացնեմ:

— Է՛հ, Տուտու ջան, շատ մեծ-մեծ ես բրդում, կուրանա ու խավառի Բղղենիս մերը, նորա առաջին բոլոր դռները փակ են. երեսես պատմեց, թե ինքն էն ծակժկոտվելու Շողիկի հետ երեսե երես խոսեցել է, և նա իմ տղիս մարդատեղ չի դրել:

— Էդ ոչի՛նչ, դու փո՛ղ ասա, որ աչքեր կապի, մենք էնպես կանենք, որ Շողիկը մոմի պես կհալվի ու կամքի կգա, մենք էն հնարը գիտենք, որ եթե դռները առաջին փակեք, երթկավր տուն կընկնի:

— Տուտու ջան, էդ ո՞ր օրվա համար ես պահել բարեկամութունը:

— Ախար բան ասացի, սրբի դուռն էլ առանց խաշհամբուրի չեն գնում, դեռ մոմն ու խունկը, մատաղն ու գանձանակը չեմ ասում:

— Ա՛յ քեզ դուրբան, ինձ փողն ո՞վ ա տվել, որ քեզ տամ, եթե բանը գլուխ բերես, Բղղես քաշովդ մին ոսկի կտա:

— Հապա դու էլ ընչի՞ ես անունդ Բաղդասար աղայի մեր դրել, որ մի քանի սև փող էլ շունիս ծոցումդ՝ քեզ համար ժամի ու աղքատի տալու:

— Թե սև փողով բան գլուխ կգա, աչքիս վերա. հավ ու ճիվ եմ ծախում, ձու ու բազուկ եմ ծախում, մեկ-մեկ Բղղես սիրտն ուրախ ծամանակը սպիտակ փողեր է տալիս, թե՛ աղե՛, քեզ համար գանձանակի փող արա. էլ ի՛նչ երկարացնեմ, բաժինքումս բերած քսակիս մեջ տասը մանեթի չափ հոգեպահուստ ունիմ, թե որ Բղղենիս փափաղը կատարելու համար էղքանը բավական է, վեր կա՛լ, վերջն էլ, երբ Շողիկը մեր դռնով հարս մտավ, կաց ու ոսկու մեջ լեղ տո՛ւր:

— Առաջին ծախսերի համար հերիք է, գնա բեր:

— Բայց շասացիր, թե մտքինդ ի՛նչ է, ի՛նչ հնարքներ ես գործ դնելու:

— Էդ բանից ձեռքերդ լվա՛, տասը մանեթ չէ, որ քաշովս մեկ ակն ու մարգարիտ տաք, իմ բերանիցս ոչ տաք դուրս կգա, ոչ հով:

Շատ խնդրեց Սալբին, բայց Տուտուն մնաց անհողողող, հետն էլ

սպանաց, որ եթե իրան չեն հավատալ, մի շաբաթ չի բաշի, Բղղեն խալառ խելթահան կլինի կամ արենտեր դառնալով՝ Սիրիբ կերթա:

Այս խոսքերն էին, որ տասնյակ տարիներով դիզված Սալբու կուպկեներն ու սպիտակ փողերը լույս աշխարհ տեսան և Տուտուի ծոցազրպանումը գետեղվեցան:

Ի՛է

ՆՈՐ ԱՇԽԱՐՀ, ՆՈՐ ՄԱՐԳԻԿ

Փամբակածորումն է Հ. անունով հայաբնակ գյուղը: Նա արքունի ճանապարհից շատ ծոանց է և ընկել է Ապարանի ու Փամբակի բարձրաբերձ լեռներից կազմված մի խոր ձորի մեջ:

Այս գյուղի հետ հաղորդակցություն ունեցող անիվի միակ ճանապարհը գալիս է գյուղի արևելյան կողմից, իսկ արևմուտքից միմիայն մի նեղ կիրճ է առաջնորդում ձիավոր կամ հետևակ ճանապարհորդին դեպի ձորաբնակ կիսավայրենի, բայց հյուրասեր ժողովուրդը:

Այսօր չէ, բայց տասը տարի սրանից առաջ յուր գլխից ձեռք վերցրած մարդը միայն իրան թույլ կտար առանց շատերի ուղեկցության վստահորեն անցկենալու վայրի այծերի և մանրատոտիկ եղնիկների այս քարածերպերիցը և Հ. գյուղը մտնելու:

Ուրիշ ելք կամ մուտք ամեն կողմից բնական լեռնային սահմաններով ընդհատված են:

Ձորամիջի է, ասացինք, Հ. գյուղը, բայց ինքը նստած է լեռան բարձրադիր լանջի վերա:

Այս դիրքը ընծայում է գյուղին մի բանաստեղծական տեսք՝ արեւելյան լայն ճանապարհով գյուղն եկող սալավորների, ձիավորների և հետևակների համար: Փոխադարձաբար, գյուղացիք էլ միջոց ունին իրանց տների առաջից զվարճանալ իրանց մոտ շնորհ բերող ճանապարհորդներին տեսնելով: Ուզում եմ ասել, թե որքան գյուղի արևմուտյան կողմը սեղմված է սարերի մեջ, հետևաբար մինչև գյուղի արևելյանս, մի տուն չես տեսնիլ, այնքան ընդհակառակն, արևելքից մի լայնատարած, ծաղկալից, սիրուն հովիտ ընդարձակվում է և ծայրը մինչև մեծ ճանապարհը հասցնում: Եթե աչքերդ սուր են, դռանդ նստիր և հինգ վերստից եկողին նայիր, հենց, կարծես, եկողը թեյի բաժակի նման, մատուցարանի վերա առաջդ է գալիս:

Աշնան վերջերն է. լեռների կատարները մեկ օր՝ տարիների հաշիվը կորցրած զառամյալ ալեորի գլուխ են դառնում, մյուս օրը՝ թխազան-

գորք երիտասարդի կերպարանք են ստանում արեգակի քմահաճության համաձայն. միմիայն հայի համար երկու նվիրական ալիզարդ ծերունի նահապետներն են, որոնց վեհաթիւնն առաջ խոնարհվում են Այրարատ աշխարհի բոլոր մյուս բարձրալանդակութիւնքը, Մասիսն ու Արագածն են, որ սպիտակափառ գլխներով հարավից և հյուսիսից հովանավորում են իրանց փոքր եղբայրներին:

Ղարաշորանու լյառը, որ Փամբակի հարավային կողմի սարերից ամենաբարձրն է, և Ն. գյուղը տանող լեռնային ուղղածիգ ճանապարհը ամառն էլ վտանգավոր է, թող թե աշնան վերջին կամ ձմեռը: Վտանգն երկու կողմից է. եթե բախտ ունեցար ազատ պրծնել սարի գլխի անընդհատ գիծ քամիներից և բքերից, կարող ես անբախտ գտնվիլ և մի վայրկենի մեջ գլխիցդ զրկվել և ձորն ի վայր անգլուխ թավալվոր մինչև անդունդը ճանապարհորդել ու այնտեղ արծիվների ու անգղների համեղ կերակուր լինել:

Ես ոչ ականատես և ոչ երաշխավոր եմ, միայն ասում եմ, որ Ղարաշորանի բարձրութեանց վերա բնութիւնն ինքն է մարդակեր ավազակների համար հարմար որջեր ստեղծել:

Ահա այս ահռելի սարիցը, աշնան վերջին, անվնաս ցած իջան երկու հոգի և երեսներին խաչ քաշեցին, երբ Ն. գյուղի արեւմտյան ափի մարագներից մեկի պատի տակին հանգիստ առան:

— Կինարմատի խելքով ընկանք, ադե՛ (մայրիկ),— ասաց երիտասարդ տղամարդը ձիու սանձը բռնելով,— ես օձի միս կուտեմ և մյուս անգամ կրկին այս տեղով չեմ վերադառնալ:

— Իմ հույսս հաստատ էր, որդի, որ Ն. գյուղի հրաշագործ տերտերի արժանավոր օրհնութիւնը մեզ կպահպանե. մինչև էսօր նորա դուռը գնացողներից ոչ մեկը փորձանքի չի հանդիպել:

— Է՛հ, ինչևիցե, աստծուն փառք տանք, որ էս անիծած սարիցն ազատվեցինք, և շտապենք, քանի մութը չի կոխել, էս անլիզու անասունի համար մի տաք գոմ ու կեր ճարել, մեզ համար էլ մի գլուխ դնելու տեղ գտնել:

— Սիրող հանդարտ պահիր, զավակս, մենք ուղղակի կիջնենք տերտերի տանը. լուսահոգի հորդ հետ նա սրտե ի սիրտ բարեկամ էր և Մուղնու ուխտին սուրբ Գևորգ գալուս մի երկու գիշեր կարբուռը մեր տանը պատիվ է տեսել:

Մայր ու որդի, ձին քարշելով, գյուղը մտան և առաջին հանդիպած ծերունուց քահանայի տունը հարցրին:

— Ի՞նչ գործ ունիք մեր տերտերի հետ, մայրս,— պատասխանեց ալիզարդ:

- Տերտերը մեր ծանոթն է, նորա մտտ պետք է իջնեց:
- Ո՞ր գյուղն եք գնալու:
- Ուղիղ տերտերի մտտ ենք եկել:
- Երևում է գրի գործ ունիք:
- Հրամանի՞ք:
- Որ էդպես է, հետս եկեք, տերտերին ոչ էս գիշեր կարող եք տեսնել, ոչ էլ վաղը:
- Ախար ընչի՞ համար:
- Եդ ձեր գործը չի, էս իրիկուն դուք իմ հյուրերն եք, հետս եկեք: Անծանոթները ձերի խոսքերից ոչինչ չհասկացած՝ կարբեն հետեցին երան:

Ի՞նչ

ՎԵՐԻՆ ԳԼԵԻ ԶԱՐԻՆԱԿՈՒԹՅՈՒՆԸ ԿԱՏ
ՇԱՏԱՆՈՍ ԿԱԶԱՂԱԿ

— Հլա՛ բարի իրիկուն, ա՛յ քիբ, ա՛յ ջհել բալամ (երիտասարդ), բարով, հազար բարի եք եկել մեր շէնը, մեր օջախը, ամեն ճամփից հեշտ: Է՛յ, Քարհանանց աղջի՛կ, քելվանի, դվո՞րն ես հչածակվել, դեսն արի՛, տե՛ս, քե հմա ի՞նչ ազիզ զոնազ եմ բերել: Է, ա՛ ջհելնի, ա՛ քաանգանջի, խի՞, բա դուք ուղուփ շունի՞ք, դուս թափեցե՛ք, ձին քաշեցե՛ք, ալափ սվեք, աստուծո զոնաղներին պատիվ սվեք:

Այս ուրախ բացականչութիւններով ներս մտցրեց ծերունին հյուրերին յուր հարկի տակ:

Հյուրերն էին մեզ ծանոթ Տուտուն և յուր որդին: Տուտուն ստացավ Մարուց տասը մանեթը և նույն օրը որդու ուղեկցութեամբ Փամբակու ճանապարհը բռնեց: Երկրորդ օրն էր, որ նրանք կարբուց գուրս էին եկել:

Տուտուն զարմացած՝ որդուն հարցաւիրական նշան արավ, երբ ծերունու հարկի տակ տեսավ երկու ուրիշ օտարականներ էլ, որոնցից մեկը մի հաստամորուս ոռուսի մուծիկ էր, մյուսը գլխի կեսը մեշտեղից գիծած, մեծափափախ ուղտապան, շորանքյարա թուրք:

— Ա՛ կնիկ,— ասաց ծերունին կիսաերևանցու կիսալոռեցու բարբառով և առողանութեամբ, որով խոսում են քնդհանրապես փամբակեցիք, և որք մենք ավելորդ ենք համարում կրկնելը.— ա՛ կնիկ, շուտ արա էս ալլազգերին հաց ուտացրու, թող դեան հանգստանան, հարա

ներին էլ հրամայիր, որ ջահելներին առանձին իրիկնահաց տան, իսկ մեզ համար, մեր երկու աղիզ հյուրերի հետ միասին մեր փոքր տանը սուփրա բաց արա, նստենք, շոր հոգով մի քիչ քաղցր զրուցներ անենք:

Տուտուն գլխով բացասական շարժումն արավ և հայտնեց, որ իրեն համար ամոթ է տանտիրոջ պես մի պատվելի ծերի հետ սեղան նստել կամ թե բերանի փակը արձակել ու խոսել:

— Զէ,— պատասխանեց ծերունին,— այսուհետև ոչ քեզ, ոչ իմ պառավին վայել չէ շխտական մնալ կամ տղամարդից քաշվել, մենք երեքս էլ օրերս անց ենք կացրել, ասաց, թող ջահել հարսները իրանց հարգևոր պահեն: Դուք, կարծեմ, շատ զարմացաք, երբ ես ձեզ ասացի, թե էսօր տերտերին չեք կարող տեսնել. ես կամենում եմ սեղանի վերա մեր իրիցի մասլահաթն անել:

Եվ հյուրասեր տանուտերն այսպես սկսեց յուր շատախոսութունը, նախապես ներողութուն խնդրելով, որ ինքը շատախոս կաշաղակի նման պետք է ձանձրացնի յուր հյուրերին:

— Ինչպես երևում է, ձեզ հայտնի է մեր տերտերի գրի զորութունը, սրա նման գրբաց արար աշխարհքումն երկուսը չի լինիլ, սրա մոտ գտնված գրերը Սողոմոն իմաստունի յուր մատներով գրածներն են:

— Պարզ բան է, որ էնպես օջախ կա, որ հորից ու պապից ժառանգութուն է ստանում բացի հողը, փողը, շորքոտանին, էլի մի էնպես բան, որ շատերի տանը չկա: Էնպես տուն կա, որ բոլոր եղբայրները իրանց պապերի գիտեցած արհեստն են բանեցնում. օրինակի համար՝ հենց մեկը մենք. ինձ Զուլհակենց Դավիթ են ասում, Զուլհակենց տունը ողջ Փամբակին հայտնի է, ես էլ, իմ շորս որդին էլ, իմ բաժան եղբայրներն էլ՝ բոլորս ջուլհակ ենք: Հենց որ դաշտի գործը վերջանում է, մեկս ու մեկս ոտներս հորումը քարը ենք անում ու մակույկը խաղաղցնում, ա՛յ, տես քո բարի աչքովը, էն քնջի փոսն է մեր ջուլհակի հորը, հենց էս սհաթիս էլ կտավը հինած՝ սանրի միջովն անց է կացրած:

Տուտուն գլուխը տմբամբացրեց ի նշան համաձայնութան:

— Մեր հարևաններ էլ ներկարարենք են կոչվում,— շարունակեց Զուլհակենց Դավիթը,— հենց էս ընկալիս նրանց մեծ ու պստիկ ձեռքերը կապուտ են, մեր գործած կտավը նրանք լեղակի կարասն են կոխում, կապուտացնում ու տիրոջը տալիս:

— Տներ էլ կան, որ իրանց հին պապերից ժառանգել են մի մասունք, մի սուրբ ավետարան, մի խաչ և մինչև էսօր էլ նրանց քնջներից մեկով էդ սրբութունները բազմացրած են, ուխտ գնացողների փափազը կատարում: Էն, նրանց տերերն էլ էդ սրբի խաչհամբուրովն են ապրում:

Տուտուն կրկին հավանական նշան արավ:

— Հենց էդպես էլ մեր քահանան է,— կեցեց Դավիթը,— էդ Սողոմոնիքն ու Վեցհազարյակն յուր պապերիցն են իրան մնացել, իմ ողորմած հոգի պապս պատմում էր մեր տերտերի պապերի արած հրաշքները: Ասում է՝ դրանց տան հոտաղները, մշակները, մինչև անգամ կով կթող կնանիքը բոլորը սատանեք են եղել. ախար լսած կա՞ք, որ կին սատանա լինի, բայց նրանք ունեցել են, էն օղորմածիկը գրի զորութունովը սատանեքանցը դուրս է կանչել գետնի տակից, վրաներիցը մի-մի մազ պոկել է, աղաքարի տակն է դրել ու նրանց յուր տանն անվարձ, անհաց բանացրել է. ախար էդ անիծածները՝ ինչ տեղ ուզում ես պահիր իրանց մազը՝ կհանեն ու կկորչեն, բայց հենց որ աղաքարի տակը դիր, դիպչել չեն կարող, դռանդ շունը կդառնան:

— Ասում է մեր գլուղացիք՝ մեծ ու պստիկ մտիկ էին տալիս սատանեքանց ոտներին ու վրաները ծիծաղում, գլխներին վեր հատում. ախար սատանեքանց ոտները մերի պես չեն, նրանց կրունկը առաջ է, մատները կրնկի տեղը: Ուղիղ է, մեր տեր-Մանուկն էդպես բան չի անում, բայց սա էլ ուրիշ հրաշքներ է գործում: Ես իմ աչքով տեսա, էս մեր պառավի (յուր կնոջ մասին է խոսքը) էլ միտքն է, թե մի ամառ ինչ օջին խաղաց տեր-Մանուկը...

Վերջապես ջուլհակ Դավիթը լռեց, և Տուտուն պատմեց կարճառոտ յուր գալու պատճառը. նրա ասելովը՝ օտարները խլել են յուր քրոջ որդու նշանածին, աղջկանը գիր են արել, սիրտը գողացել են, հիմի ինքն ուզում է տերտերի Վեցհազարյակի շնորհիվ իրանց հարսնացուին օտարի ճանկից ետ խլել:

— Չեմ կարծում, որ մեր տեր-Մանուկն աղջիկ-տղայի գործում խառնվի,— պատասխանեց ծեր Դավիթը,— էն վաղ էր, ինչ էլը կաղ էր, որ մեր տերտերը մի գրչի ծերով երկու ջահել սրտեր մխլատուզի (մազգիս) պես քաշում, իրար էր կպցնում ու թեկուզ յոթ լուծք գոմեջ լծեիր, չէիր կարող ջոկել, բաժանել: Հիմի տերտերը քաշվում է տղա ու աղջիկ սիրահարցնելու գիրն ու թլիսմ անելուց...

— Ընչի՞ համար,— հարցրեց Տուտուն:

— Ը՛մ... մ... մ... էնպե՞ս... մնացե... առաջնորդը ես եմ, բակլեն խաշած եմ ցանում, իշխանավորը ես չե՞մ, երեկ իրավունք էի տալիս, էսօր կոներդ էլ եմ կապում, լեզուդ էլ... է՛հ... թողց՞ւր...— կմկմաց ջուլհակ Դավիթը և դարձավ դեպի յուր կինը:

— Ա՛յ պառավ, մեր ղոնաղներին շատ գլխացավանք տվի, տեղերը պատրաստի, թող հանգստանան, էգուց բարի լուսը կբացվի, ինչ տեսակ աստված մեր տերտերին տուն կտա (ներչնչել), էնպես կանի:

Այս խոսքերով ծեր Դավիթը բարի գիշեր մաղթեց յուր հյուրերին:

— Քայլ մի բան ինձ համար մտի՞ր մնաց, ամաշնչի հարցնել Գազիթ եղբորս,— ասաց Տուտուն Գազիթի գնալուց հետո նորա կնոջը:

— Ի՞նչ:

— Էս ի՞նչ մարդիկ էին ձեր զոհադեմերը, էն ուսն ու շորանքայրեն՞ ձեր գյուղերումն ի՞նչ գործ ունին:

— Ա՛յ քեզ մատաղ, ազիզ քույրս, հենց գիտես թե իմ գլխավորը շատ բան պատմե՞ց. դրանք էլ քեզ պես տերտերի դուռն եկող ուխտաւ՝ վորներ են, երծք օր է գերի են դառել, շեն կարողանում գնալ, միայն՞ դրանք հո չեն, տուն չկա էսքան օրը մեր գյուղումը, որ մի երկու դոնադ չկենի, բոլորը տերտերի մոտ են եկել. գործակալն եկել է, տերտերը ոչ ժամանակ ունի դրանց դարդին դարման անելու, ոչ էլ հճամարձակի մեկի համար մի մատը գիր գրելու, միրուքն ու փիլանը վզիցն կթռչին:

— Ասա մենք էլ պետք է բանտ քնկենք, է՛րի:

ԻՔ

ԱՆՁՆԱՊԱՇՏՊԱՆՈՒԹՅՈՒՆ

Աշունը շատ պտղալիս էր, պատերազմը խիստ կատաղի. ուստի՞ գորքը կարող շրջապատել նստել էր. աշտարակցիք բորբոքման հարբուստացել էին, գինին և օղին մեծ գին ունեին և այդ առևտուրի մեջ աշտարակցիների հետ մրցումն անել ոչ մեկի գործը չէր, նրանց մի սաքը կարս էր, մյուսն՝ Աբարատյանն այգեգործ գյուղերում. բուն Աշտարակի գինին մի կաթիլը մի ոսկիով չէիր ճարիլ լավ կամ վատ, թունդ թե թուլ, թեկուզ մի երակն էլ թթված՝ հավաքում էին գյուղերից, լցնում տկերի մեջ և երծք-չորս օրից այս բոլորը իրրե Աշտարակու արտադրությունն ծախում և վերադառնում, հրկին գյուղերն ընկնում:

Գնողներն էին սպաներն ու զինվորները:

Ո՛չ մի մարդ չէր վերադառնում պատերազմական դաշտից առանց նոր և թարմ լուրի, օրական մի քանի տեսակ համբավներ էին տարածվում. մեկ հուշակվում էր, թե օսմանցին ջարդուփշուղ խոչառակվել է, նորա մի թնն խայտա ոչնչացել է, մյուս բաժինն յուր զնդրով գերի է բռնվել և զՎել խորին Ռուսաստան. մյուս տեղամ ազմուխն աշխարհը վերցնում էր, թե Բեհրուզովը ետ է մղվել քաշիբազուկներից մինչև Ախուրյանի ափը:

Այս լուրերից մի քանիք հաստատություն էին ստանում, շատերն էլ հերքվում էին, նարությունները փոխադարձաբար ուրախություն և սթի-

րություն էին պատճառում երկու գրացի այլակրոն ազգաբնակություններին. հայը հրճվում ու փառք էր տալիս Հիսուսին, որ հզոր է արեւ կրոնակից ուստի քաջ բազուկը և խաչը անսասան զորությունով ընկճել, խորտակել է լուսնի սրածայր եղջյուրները, իսկ պարսիկն առ երես ուրախություն էր արտահայտում, բարձր քաղաքական վարչության գրավոր հրամանին համաձայն աղոթում էր յուր մեշիդներում՝ ուստի գորքի սուրբ կտրուկ անելու համար, բայց ի ներքուստ նա մահաբեր հարված և կարևոր խոց էր ստանում յուր սրտին:

Մեծ մարգարի հավատարիմ ավանդապահ կանաչագուլիս մուլաները, սպիտակագուլիս ախունդները, նույնպես և փնյղամբարի սերունդ, կապտազուլիս սեյիդները՝ թափառաշրջիկ դավրիշների գործակցությամբ ստիպված էին երկու հակասական դեր կատարել. նոցա բերանից միանվազ և՛ հով էր փչում, և՛ ջերմ, տաճարի ամբիոնից մուլան ոգևորված ավետում էր ուստի գորքի հաղթությունը, իսկ մասնավորապես ամեն ուղղափառ իսլամի վերա պարտք էր դնում, որ նա օրական երեք անգամ կատարելիք նամազից մեկը բաժին հանի յուր հոգուն, որպեսզի յուր մահից հետո Մահմեդի դրախտի մեջ հուրի-փարիներով շրջապատված լինի, իսկ երկու նամազը նվիրե օսմանցու թրի հաշողությանը:

Վերողոյալ խորությունը անջատել էր դարերով միասին ապրած հային ու պարսիկին. նրանք միշտ իրարից զուլջ էին և պատրաստ էին մնում. հայն յուր անձնապաշտպանության վերա էր մտածում, պարսիկը վրեժխնդրության և հայ գյուղերի բարիքին տիրանալու հոգսումն էր:

Պարսիկն իրավունք ուներ, լինելով բնական ծուլ՝ յուր հողերը հային էր ծախում՝ շնչին գնով մշակելու և օգտվելու, իսկ ինքը պարապում էր միայն կեղեքելով և հափշտակելով:

Շենց այգ պատճառով, պարսիկները միանգամայն հողի հետ հավասարվեցան, պատերազմի առթիվ ծանրացած հարկերի ու հասերի ներքո ճկվեցին, ուստի ու շինական, բեկզաղա ու խանգաղա մի կտոր հացի կարոտ մնացին. ընդհակառակն, հայ գեղջուկը հարկահաններին հալ էր կշտացնում, յուր տունն էլ բարօրության մեջ էր պահում և նույնիսկ պարսիկին էլ էր օգնում, դեռ ավելորդը վաճառելով կարողություն էր գրկում:

Ի՞նչ անեն ուրեմն պարսիկները, որ շնախանձեն, դիպող բոպեխ էին սպասում, որ վրեժ առնեն, կուտակվել էին մթին ու լեռնաշափ ամպերը, որոտմունք և փայլատակունք միայն պետք էր՝ կարկտելու և շանթահարելու համար:

Այդ վայրկյանը մոտ էր:

Կայծակի արագությամբ մի շարագուշակ գուծ արձագանք տվեց

Կարսից մինչև Մասսյաց ստորոտը, թե ուսի գործը մեծ հարված է ստացել օսմանյան բանակից:

Ռուսաց նորեկ քաջընտիր դրագունի (վիշապագուն) գունդը, իրանց անհմուտ զորավարի առաջնորդությամբ, շրջափակվել է առաջի կողմից տաճկական զորքից, իսկ ետևից՝ ռուսական անհավատարիմ պարսիկ միլիցիայից (անկանոն զորք):

Ոչ ոք չի կարողացել հսկել և իմանալ, որ միլիցիայի հրամանատար պարսիկ խանը գաղտնի բանակցություն է ունեցել տաճկի գլխավոր հրամանատարի հետ, իսկ այստեղ բոլոր պարսիկ գյուղերին է պատվեր տվել, որ նշանը տալուն պես նրանք հարձակում գործեն հայ գյուղերի վրա և սուրբ քաշեն ու կողոպտեն բոլորին՝ մեծից մինչև փոքրը:

Միանվագ կազմակերպված է եղել օսմանցու խորամանկ փաշաների ձեռքով մի գունդ քուրդ հրոսակներ, որոնք այդ հաջող րոպեում տաճկական դրոշակով երեք թնդանոթի ուղեկցությամբ պետք է միանային Ախուրյանի կողմի փեհրի պարսիկների հետ և ավերածություններ անելով հպատակության երդումն առնեին հայերից:

Կարգադրված է եղել, որ դեռ Ալեքսանդրապոլը չառած՝ պարսիկ բազմամարդության օգնությամբ Երևանին տիրեն:

Օսմանյան հրամանատարն իրագործեց յուր ռազմագիտական ծրագիրը. ասում են, մի երկու ժամի մեջ քնաջինջ արեց պարսիկ միլիցիայի շնորհիվ կտրիճ և գեղանի դրագունների, գոցանից երկու թե երեք հոգի միայն դիպվածով ազատվել են:

Հայտնի չէ, թե միլիցիայի դավադրությունն ինչպե՞ս հրապարակ եկավ, բայց անհերքելի ճշմարտություն է, որ դեռ ոչինչ չեղած, դեռ թշվառական դրագունների օրհասից մի շաբաթ առաջ, Արագածոտնյան և Արարատյան գաշտի բոլոր հայերը գիտեին իրենց դրացիների նենգավոր խորհուրդը և իրանք էլ իրանց կողմից պատրաստվեցան:

Հենց այս ճգնաժամերի մեջ մեր հերոս Բղղեն, արհամարհելով ամեն արհավիրք, մի կողմից յուր ցորենառությունն էր շարունակում, մյուս կողմից հանգիստ չէր տալիս ջհուտ Աղաջանին:

Աղաջանը բացասական պատասխան էր ուղարկել Բղղենին տեր-Հակովբի բերանով, անարգել էր յուր հոգատարությունը հացի տեր եղած շարժու ապերախտությունը և շտապում էր, վերահաս փոթորիկներն անցնելուն պես, պսակել յուր աղջկանը:

Բայց Աղաջանի բարկությունը կրկնապատկվեց, երբ մի երեկո յուր փեսա Մահակը հանկարծ ներս բերավ քաշկոտելով մի պառավ կնոջ:

Մահակը պատմեց, որ այս կնոջը բռնել է Աղաջանի շեմքի տակը փորելու:

Կինը Տուտուն էր. նա յուր բերած թլիսմներն էր գործ դնում: Պատալն այլևս թույլ չտվեց իրան խուզարկելու, յուր ձեռքով հանեց երեք կախարդական փաթեթները և դրեց Աղաջանի պոչը: Նա ոչ միայն խոստովանեց յուր մասնակցությունն այս գործի մեջ, ընդհակառակն, հավատացրեց, որ ինքը մեղադրել է Բղղենին և մորը իրանց անխիղճ վարմունքի դեմ, որ չվախենալով աստվածային արդար բարկությունից, ուզում են սատանայական հմայություններով երկու տարվան նշանը քանդել:

Տուտուն կծու երդումներով հավատացրեց, որ ինքը մտադիր է եղել անձամբ թլիսմի փաթեթները Աղաջանին ներկայացնել, բայց եթե այդ նա չի արել և միանգամից դուռը չի բացել ու ներս եկել, այդ այն հարգելի պատճառով է եղել, որ ինքը՝ Բղղեն դրացու պատի տակից հսկում էր ու վերահասու էր յուր գործողությունը:

Աղաջանը պատահողով թլիսմի գրերը՝ սպառնաց Բղղենին Տուտուի ձեռքով, որ եթե նա ձեռք չի քաշել յուր հիմարություններից, ինքը ստիպված կլինի դիմել ավելի զսպիչ միջոցների:

— Այնքան ծեծել կտամ քեզ, — ապսպրանք արեց Տուտուի ձեռքով Աղաջանը Բղղենին, — որ շաբաթ շաբաթ կգժվես:

Տուտուն վերադարձավ և տասնապատիկն ավելացրած՝ պատմեց Բղղենին, ասելով, թե յուր անձը կապուտ լեղակ է դարձել Աղաջանի և յուր փեսացուի մահակներից:

Լալով պատմեց Տուտուն, թե չոքել համբուրել է Աղաջանի ոտքը, համաձայնել է սիրով կրել ամեն տեսակ ծեծ ու պատիժ, միայն թե իրան դարձնեին յուր ծոցից հանած թլիսմը, իբր թե ինքը կամեցել է հավատացնել, թե այդ թղթերը ոչ թե սիրահարական հուռութքներ էին, այլ յուր որդու գլխացավի գրերը:

— Աղաչեցի, գլուխս ոտքի տակին մատաղ անել խոստացա, — շարունակեց Տուտուն, — բայց ի՞նչ օգուտ, ուշաթափվեցա, փոքր մնաց խելքս կորցնում էի, երբ հանկարծ երեք փաթեթների բոցը լուսավորեց մութ տունը, օջախի մեջ վառվող կրակը մի բուպեում լափեց իմ դառը քրտինքի արդյունքը:

— Շատ լավ, — զուխը թափահարեց Բղղեն, — տեսնե՞ք, թե ո՞վ ումի՞ց վրեժ կառնի:

Բայց ոչ Աղաջանն յուր սպառնալիքը զուխ տանելու ժամանակ ունեցավ, և ոչ Բղղեն կամեցավ շուտով յուր մտքումն հղացած խորհուրդը իրագործել:

Ի՞նչ մանր և շնչին կրթեր հափքեցնելու միջոց էր, երկիրն արյունը վերցրել էր:

Դեռ նոր բերանից բերան թռչում էր դրագունի գեղի կոտորումի գույժը, ահա Արագած լեռան հյուսիսային հայ գյուղերը սասանեցան:

Արագածի արևմտա-հյուսիսային սահմանամաս հայ գյուղերում քրդի հրոսակներն իրանց համայնքների գլխավորների առաջնորդությամբ օսմանյան դրոշակը տնկեցին և հպատակության խոստումն առան:

Քրդերից խրախուսված մեր պարսիկ դրացիները խմբավորվեցին և հարձակվելու պատրաստվեցան: Ընչասիրության քաղցը այնքան ուժգին էր նոցա մեջ, որ էլ չսպասեցին օսմանյան դրոշակին և թնդանոթին, այլ խմբակներով հարձակում գործեցին այս և այն գյուղերի վրա:

Բայց որովհետև, ինչպես ասացինք, հայերն էլ իրանց կողմից պատրաստ էին, ամեն տեղ պարսիկներն անհաջողությունի հանդիպեցան և ետ ընկրկեցին:

— Կատաղի էին դարձել հայերը. տասն և վեց տարեկանից վեր, ամեն տղամարդ, բացի դաշույնից, մի քանի կրակ ուներ վրան: Միրկի էր տեսնել, թե ինչպես երեկվան խաղի գնդակով զվարճացող պատանին այսօր մի երկու ատրճանակ գոտկածալումն ամրացրած, մի ծանր հրացան էլ ուսին դրած, ցորեկ ու գիշեր հսկում է հերթով գյուղի շրջակայքում:

Հրացաններից շատերը սեփական էին, մի մասն էլ ստացել էին պետությունից:

Չունեցողներին տերությունը զենք, վառոդ և գնդակ էր ընձեռել:

Յուրաքանչյուր գյուղ յուր ամուր ու ապահով մասում ժողոված յուր ընտանիքը և երեխաներին, պաշտպանվում էր:

Ամեն գյուղ յուր գլխավոր հրամանատարը, յուր հիսնապետներն ու տասնապետներն ուներ. ամեն մեկի պաշտոնը որոշ էր և հայտնի:

Բացի մասնավոր անձնապաշտպանությունից, մերձավոր գյուղերը միմյանց փոխադարձ օգնություն հասնելու ուխտ էլ արել էին:

Կարբու հիսնապետներից մեկն էր ջհուտ Աղաջանը: Նորան ստորադրյալ էր ուրիշների կարգում և յուր փեսա Սահակը, իսկ Կարբու ընդհանուր հրամանատարն էր ինքը՝ յուր սիրելի հոտի անձնադիր հովիվ, քաջասիրտ տեր-Հակովբը:

Միակ բացակա անդամը Կարբու բնակիչների մեջ էր Բղդեն, որ իբրև պաշտոնական անձն, իրավունք չունեք մասնակցելու համայնական պարտականություններին:

Մի քանի գիշեր Բղդեն էլ Կարբի շեր գալիս, ոչ ոք էլ հետաքրքիր չէր լինում իմանալ նորա գիշերելու տեղը:

Միայն Սալբին, իբրև մայր, հոգվոց էր քաշում յուր որդու տեսքով:

Կարբու: Նրան էլ մխիթարում էր յուր գրկից Տառու նանք՝ օրական մի քանի անգամ գալով նորա մոտ քթախոտ քաշելու:

Մի երեկո վերջնալուսից հետո, մինչ գյուղապահ գինակիրները դեռ նոր դուրս էին եկել իրանց հսկողության պաշտոնը կատարելու, Կարբու արևմտա-հյուսիսային կողմից երեք ձիավոր կամեցան Կարբի մտնել:

Գիշերապահության հերթը ջհուտ Աղաջանի խմբինն էր: Աղաջանը դեռ տանից շեր եկել, նորա տեղը կառավարիչ էր ժամանակավորապես յուր փեսացու Սահակը:

Վերջինս, տեսնելով հեռվից սավերները, կարգի հրավիրեց յուր խմբին և գոչեց.

— Ո՞վ եք, մի՛ մոտենա՞ք, ապա թե ոչ գնդակահար գետնին կգլորվեք:

— Ծս եմ, Սհո եղբայր, երկյուղ մի՛ կրիք,— ձայն եկավ դիմացից:

— Իսկ ուղեկիցներդ ո՞վ են,— կրկին հարցրեց Սհոն:

— Իմ ձիավորներն են:

— Իրավունք չկա գյուղը թուրքեր տուն թողնել. եթե ուզում ես գալ, պետք է գրանց ետ դարձնես:

Դեռ հանդիպից պատասխան չստացած, Սհոն մի մարդ վազեցրեց յուզքաշու ետևից:

Ցուզքաշի կոշվում էր խմբապետը:

Այս խմբի յուզքաշին գիտենք որ Աղաջանն էր:

— Դու մի՞թե ինձ չճանաչեցիր, Սհո եղբայր,— կրկին ձայն եկավ հակառակ կողմից շատ ուշ:

Երևում է, որ եկվորների մեջ մի կարճ խորհրդակցություն էր կայացել:

— Առաջին անգամից ճանաչեցի, պ. Բաղդասար,— պատասխանեց Սհոն,— բայց եթե հետիդ մարդիկը թուրք են, իրավունք չունեմ առանց յուզքաշու հրամանի ներս ընդունել:

Մինչ այս, մինչ այն՝ Աղաջանը ձին հեծած եկավ և, իմանալով գործի էությունը, առաջ կանչեց Բղդեին յուր ընկերներով:

Գիշերը պարզ էր. լուսինը 18 օրական լինելով շատ ժամանակ չէր, որ յուր աղոտ փայլը սփռել էր աշխարհքի երեսին, բայց լուսնի լույսը բավական էր հայտնի կացուցանելու Բղդեի ձիավորներին:

Նոքա էին Արագածի լանջի վերա գտնված Ք. գյուղի բեզգադեքանցից երկուսը, որոնք որքան և ազնվատոհմ, բայց մարդասպան ավազակների համբավ էին հանել ամբողջ գավառումը:

Բղդեն Աղաջանին բարև տվեց և մոտ եկավ:

— Որտեղի՞ց այս կեսգիշերին, — սառնությամբ հարցրեց Աղաջանը:

— Գյուղից մի քանի խալվար ցորեն էին պահանջել, Թալինի կողմովը ճանապարհ դրի և վերադարձա:

— Իսկ սրանց ընչո՞ւ ես քեզ հետ շրջեցնում:

— Թալինցի ձիավորների հետ եկա մինչև սրանց գյուղը, նրանց վերադարձրի և սրանց հետս վերցրի:

— Եվ երկյուղ չկրեցի՞ր:

— Ընչի՞ց և ումնի՞ց:

— Իբր թե դու աշխարհքից տեղեկություն չունիս, որ օսմանցին ուսին ետ է քշել, քուրդը Թալինի գավառն է մտել, սարի վրայի պարսիկ գյուղերն էլ պատրաստվել են մեր վրա հարձակվել:

Բղդեն երդվեց, որ ինքը Թալինի կողմից ցորենը ճանապարհ է ձգել յուր հսկողությամբ, թե մի քանի օր է, ինքը թուրք ու հայ գյուղերում շրջում է և ոչինչ վտանգ կամ շփոթ չի նկատել: Ապա դառնալով յուր ուղեկիցներին, ասաց.

— Տղե՛րք, տեսնում եք մեր հայերի պատրաստությունը, շինե՛թ թե հիմարանք, մտքներովդ շարություններ անցկացնեք, եթե ուրիշներն էլ չլինեն, մեր ՄՏՈՆ հերիք է ձեզանից տասին գնդակախորով անել, տեսնո՞ւմ եք, ինչպես գեղեցիկ զրահավորված է, լավ տնտղեցեք սորա դեմքին ու հասակին, ինքը նշանած տղա է, մուրազի վրա է, մի քանի օրից փափագին կհասնի. մեր յուզբաշի Աղաջանի փեսացուն է:

— Աստված տա, աստված տա, — կրկնեցին թուրքերը, — կտրիճ տղամարդ է երևում, ջիվան է, ջահել է:

— Առանց շատախոսության վերադարձրու թուրքերիդ և ինքդ գնա թո տունը, — խստությամբ պատվեր արձակեց Աղաջանը:

— Տղե՛ք, — ձայն տվեց Բղդեն, — յուզբաշի Աղաջանը նեղանում է, որ դուք գովությունը եք խոսում յուր փեսացուի վերա, բավական է, շնորհակալ եմ, կարող եք վերադառնալ ձեր գյուղը:

Թուրքերը գիշեր բարի մաղթելով ետ գնացին, իսկ Բղդեն մտավ Կարթի և իջավ յուր տունը:

— Դու թո հացը կկրար, յուզբաշի Աղաջան, թո փեսա ՄՏՈՅԻ հետ միասին, Ալին ու Մահմադ-Վալին այսուհետև ականակիր խավարի մեջն էլ կարող են հարյուրավոր մարդկանց մեջ որոշել քեզ ու թո փեսին. եթե էս գիշեր չհաջողեցրին, էգուց կամ էլօր երկուսիդ արևն էլ մեր կմտցնեն, դեղին ոսկիքը ձեր ուղուրին են նրանց զրպանը մտել. էն ժամանակը, Շողիկ ջան, շոքե՛լոք ոտս կգաս:

ՈՒՐ ԶԱՐԱԳՈՐԾՈՒԹՅՈՒՆՆ ԱՆՊԱՏԻԺ Է ՄՆՈՒՄ

— Մողինն տարա՛ն, սուրբ Գևորգը քանդեցի՛ն:

Ահա այն բոթատու լուրը, որ փոթորկալից քամու նման խոռվեց առանց դորան էլ անհանգստության մեջ ծփացող և մոլորված Մողինն շրջապատող հայ գյուղերը:

Աշտարակ՝ հարավից, Կարթի՝ հյուսիսից և Փարսի՝ արևմուտքից, երեքից առաջին երկուսը զուտ հայաբնակ, վերջինը՝ հայ և թուրք խառն մի գյուղ:

Վերջինիցս օգնություն սպասելն ավելորդ էր. վաղի առակի պես՝ քաջալը դեղ իմանա, յուր գլխին կանի, ինքը աշնան տերևի նման դեղներ է սեփական անհավատարիմ դրացիներից; երկյուղից մի աննշան հողմիկի հարվածը բավական է նրան. սարսափեցնել. իսկ առաջին երկուքը նույնպես փրանց գլխի ճարը տեսնելու հոգսերումն են. հետևաբար, ժամանակ չէին կարող ունենալ ուշադիր լինել գուժաբերների ձայնին:

Սխալ ենթադրություն է. հայը խաղաղ ժամանակ մոռացկոտության ենթարկված անտարբեր է դեպի ինքնաճանաչության վսեմ զգացմունքը, իսկ նեղության ժամանակ նա գիտե անձնագոհ գտնվել, արհամարհել ամենայն դժվարություններ, տանջանքներ, մահ, մանավանդ երբ վտանգը սպառնում է յուր դարավոր նվիրականություններին, յուր կրոնին, յուր ազգային սրբություններին, յուր եկեղեցվուն:

— Մողինն տարա՛ն, վանքը քանդեցին:

Ներիք էր այս երկու խոսքը գիշերվան թանձր մթնության մեջ հասնելի մի աշտարակցու, կարբեցու, մի հեռու կամ մոտիկ հայի ականջին և սպասելու էր այն, ինչ որ կատարվեցավ:

Գուժը տարածողը վանահոր կողմից ուղարկված մողնեցիք էին: Մողնի գյուղում գտնված սուրբ Գևորգա վանքը թեպետ մեծ և հրոշակավոր ուխտատեղի է և նորա ուխտի ժամանակ, պլխավորապես աշունքը, տասնյակ հազար ժողովուրդ հինգ-վեց ավուր ճանապարհից խոնվում են լիզել հինավուրց մենաստանի քարերը, բաց նա շունի մեծ միաբանություն:

Հասարակ օրերի մշտակա վանքականները մի վարդապետ է վանահայր անվամբ, մի պառավ տնտես կին է, որ հայր սուրբի համար պարզ և անպաճույճ կերակուրներ է եփում, նորա փոխադրյուն է լվանում և վանքին մատող քերած երկու-երեք կովերն է կրթում: մի Մշու երկրացի

հայրենիքից փախած վանքի շորս պատերի մեջ պատասխարված անվարձ մշակ է, որ ամառները գոմի դռանն է խորթում, հոգնած ու ջարդված դաշտիցը վերադառնալուց հետո և ձմեռը գոմի օդայումը մրափում, լվերի մեջ խոմփացնում և մի պատանի մոնթ է՝ վարդապետի ազգականներից կամ ծանոթներից, որ հատուկ նրան աշակերտելու և ծառայելու համար եկած էր:

Ուրեմն ընդամենը շորս կամ առավելն վեց հոգի են, որոնց վնդված է վանքի լայնատարած բակի մեջ ապրել և վանքի պաշտպանության իրենց անձը նվիրել:

Սոքա միայն են և ուրիշ ոչ ոք, որ տարին բոլոր ընդունում են և պատվով ճանապարհ են դնում վանքն այցելող հայ և օտարազգի ուրիշ տավորներին, սոքա են սուրբ Գևորգա թանգարանի, մասունքների և սրբազան անոթների ավանդապահները:

Ո՛չ պարսկական բռնակալ իշխանության օրերում և ո՛չ մեր ժամանակները լսված չէր, որ սակավաքանակ վանքականները վանքի ենթարկված լինեին:

Ծիշտ է, վանքը շրջապատված է քառակուսի հաստահիմն պարբապով, դեռ մի ուրիշ ամուր պատնեջ էլ բաժանել է բակն արտաքին և ներքին մասերի, բայց այդ ամրությունները ոչինչ նշանակություն չունենին հրոսակների հարձակմունքների դեմ, եթե մի երկու տասնյակ ձիավոր մտադրվեին խրամատել պարսպի մի պատը և ներս խոռով վանքի բակը, դժվար չէ նմանապես կրնկահան անել երկփեղկյա դռները:

Չէ, մտածելն անգամ հանցանք էր:

Սուրբ Գևորգա հրաշագործության հուշակը սաբասափ էր ներշնչել գրացի անքրիստոնյա մահմեդականին և քրդին, որ սակավ անգամ պարսկի մուլեն կենդանի մատաղով սուրբ Գևորգա դուռն է եկել, մո՞տ է վառել և գանձանակ է տվել, ընչի՞ց կամ ումի՞ց, ապաքեն, պետք է երկյուղ կրեին վանքից կամ ինչո՞ւ կասկած կտանեին, թե մի օր ստահակ մարդիկ կարող են իրենց դարավոր սովորությունները ոտնատակ տալ, կարող են հանդգնել և պիղծ ձեռներով մոտենալ մեծահամբավ սրբավայրին:

Եթե այս հարգելի և ծանրակշիռ հանգամանքները չլինեին, ո՛չ վանքի հարավային պարսպին կից 15 տուն Մոզնի գյուղն յուր մի քանի քաղցած ու տկլոր անհոգ գյուղականներով և ո՛չ նույն ինքը վանահայրը, այս երկյուղալի ժամանակին, այսքան ապահով ու անվրդով կլինեին:

— Հայր սուրբ, հայր սուրբ, — բախում է սպասավոր պատանին վարդապետի մենարանի փակած դուռը կեսգիշերին:

— Անիժյա՛լ, ի՛նչ ես անհանգիստ անում, դեռ կեսգիշեր չկա, ի՞նչ ժամի ժամանակ է, որ զարթնացնում ես, քեզ համար սովորություն ես արել, չես թողնում մի քիչ քնե՞ք, ես այս անավոտ ժամ չեմ գալու, եթե կամենում ես, ձայն տուր բաշի գլխից տեր-Բարսեղին, թող զա ժամն անե:

— Զարթի՛ր, հայր սուրբ, ժամի համար չեմ քեզ վերկացնում, դեռ կեսգիշեր էլ չի եղել:

— Ուրեմն ի՛նչ ես գուխս ցավացնում:

— Չե՛ս լսում դոսի գուսն բախումները, վանքը պատել են, թուրքերը դռները ջարդում են:

— Իրավ, այս ի՛նչ թխթխոց ու շառաչուն է, — վեր ցատկից հայր սուրբը և անմիջապես մի խելացի կարգադրություն արեց:

— Եթե թշնամին հարձակումն չի գործել գյուղի վերա, — հրամայեց վանահայրն յուր փոքրավորին, — իջիր պատովը, զարթնացրու տերտերին և մի քանխսին, իսկույն ուղարկիր Աշտարակ, Կարբի ու Փարբի՝ օգնություն խնդրելու, վնաս չունի, դռներն ամուր են, մանավանդ միջի գուռը երկաթապատ է, մինչև տեղահան անելը, օգնությունը վերա կհասնի:

Պատանու ուղարկած մողենցիք էին, որ մի շնչի վազելով շփոթ ձգեցին վերոհիշյալ գյուղերը:

— Շո՛ւտ, քաջ եղբայրներ՛ր, — կարգադրեցին հսկող յուզբաշիքը, — գյուղը հավար ձգեցե՛ք, թո՛ղ բոլորեցյան զենք վերցնեն, մի մասը գյուղը պաշտպանեն, մյուսը զինավորված՝ շտապեն Մոզնին պաշտպանելու:

Հայր սուրբն ուղիղ դատեց. վանքը կողոպտող հրոսակները, թվով հիսունի չափ, դեռ նոր քանդել էին պարսպի արտաքին պատը և սկսում էին խոռել գոմի պատը, որ միակ հարմար տեղն էր ներսի բակը մտնելու համար, երբ Աշտարակու և Կարբու սպառազինված ձիավորները, կրակ կորած, միաժամանակ վրա հասան: Քիչ միջոցից մի քանի փարբեցիք էլ հասան:

Եփոթն ընկավ թուրքերի մեջ:

Քանդած պատի մոտ պահապան կարգած ձիավորներն իմաց տվին իրանց ընկերներին օգնություն եկողների մասին, և ավերիչները ետ դարձան:

Հայրը մնացել էին մայրոված, դոսի գուռը փակ էր, հարավային փողմի պարիսպը և Մոզնի գյուղը նույնպես անվնաս, իսկ վարդապետն ու մողենցիք խցերի կտերը աղաղակ ու գոռոցներ էին հանում:

— Հայր սուրբ, — ձայն տվեց աշտարակցի յուզբաշի ավլի Փի՛շ յուռը, — ո՛ւր են թշնամիքը:

— Փրճնյալ լինիք, քաջ զավակներ՛ս, թշնամին ներս է լցվել արթը:

վելյան կողմից պատը քանդելով, ի սեր աստուծո դուք զգուշ եղեք, լի-
նի թե հանկարծ կովի բռնվիք, նոքա ձեզանից կրկնապատիկ ավելին
են, ես վերնահարկի լուսամուտից լավ դիտեցի:

Փիլումը փորձառու զորավարի նման յուր վերա առավ ընդհանուր
հրամանատարությունը և յուր գունդը, եթե կարելի է այսպես ասել, եր-
կու բաժանեց. կարբեցիներին և փարբեցիներին գյուղի տակովն ուղար-
կեց պարսպի արևմտյան կողմը փակելու, իսկ ինքն յուր խմբովն անցավ
արևելք:

— Ես ինքս ներս կմտնեմ բակը, — կարգադրեց Փիլումը, — և մի
երկու գնդակ կարձակեմ դեպի թուրքերը, շփոթ կբարձրացնեմ. եթե թըշ-
նամին հանդգի անուշադիր գտնվել և կամենա վանքի ներսի բակը մտնել,
մենք ետևից շարդ կտանք, իսկ եթե փախուստ տալու լինի, թույլ տվեք
առանց արյուն թափելու հեռանան:

Փիլումի կարգադրությունը զուր անցավ:

Հանկարծ մեկամեկու ետևից դուրս թափվեցին թուրքերը և վախկոտ
նապաստակի նման կորչում էին իրենց որսորդների ձեռքից:

— Ո՛չ մի գնդակ զուր տեղը չկորցնեք, — ուզում էր հրամայել Փի-
լումը, բայց խոսքը բերանին մնաց, փախչողների միջից մի հրացանի
պայթյուն լսվեցավ. գիշեր էր, գնդակը կրակ կտրած շեշտվեց դեպի կար-
բեցոնց խումբը:

— Ես ընկա, տղե՛րք, վրե՛ժ առեք, — ձայն տվեց առաջապահ ձիա-
վորը և գլխիվայր ձիուց գետին ընկավ:

— Ո՛վ էր ընկնողը, — գոչեց Փիլումը և, դեռ յուր պատասխանը
չստացած, ինքն յուր հրացանն ուղղեց դեպի գնդակը դուրս թռած ուղ-
ղությունը:

— Աղաչանն էր, մեր յուզբաշին, — լսվեց կարբեցոնց կողմից:

— Վրե՛ժ, — առյուծի նման մռնչաց Փիլումը, — քամակիցս եկեք,
սպանենք, բրդենք և ոչ մի թուրքի շթողենք կենդանի ետ դառնա:

— Յալլա՛, սուրբ Գևորգը մեր կռանը կենա, — գոչեցին բռնորեքյան
և Փիլումի հետ առաջ մղվեցան:

Գնդակների շաշյունը և փայլը գիշերվա խավարի մեջ նմանվում էր
գարբնոցի սալի վրայից դուրս ցայտած կայծերի, երբ կռանահարները
հաստակուռ մորճերը կարգով զարկում են հրաշեկ երկաթին:

Վերջապես լուսությունը տիրեց, էլ ձայն ու ձուն չի լսվում, էլ ձիանոնց
գոփյուն ու դրոփյուն չկա:

Տեղը մնացին երկու-երեք թուրքեր, որոնք Փիլումի և ուրիշների
գնդակներից Մահմեդի արքայությունն էին վերափոխվել:

— Բավական է, տղա՛յք, վերադարձեք ամենքդ ձեր գյուղերը, —

կարգադրեց Փիլումը, — սպանվածներն էլ թող տեղն ու տեղը մնան,
եթե իրանք շտանեն, էգուց մենք նաշանիկին իմաց կտանք:

Մեր տղայքը Փիլումի տնօրինությունամբ վերադարձան:

Ոչինչ բանով կարբեցիք չհամաձայնվեցին Աղաչանի մարմինը թող-
նելու Մողղումը. հայր սուրբը շատ հորդորական խոսքեր ասաց, բայց
հնար չեղավ:

Կարբեցիք իրանց մեռյալը կապեցին ձիու վերա ու մեծ սգով ետ
դարձան:

Հավատարիմ կենդանին յուր տիրոջ մարմնի մոտից չէր հեռացել:
Կարբու և Մողղու միջասահմանումը, Քասախի քարքարոտ ափի
մոտ, ճանապարհից մի քայլ հեռու, գտնվում է Մողղու սուրբ Գևորգա
նախկին վանահայրերի ու միաբանների գերեզմանոցը:

Նույն տեղումը, սրբակյացների շիրիմներից դեպի արևելք, այսօր
գույգ կանգնած են իրար մոտ երկու բարձրադիր, մամուկատ «ձիա-
քար» կոչված տապանաքարեր, եթե հիշողությունս ինձ չի դավաճանում,
դամբարաններից մեկի վերնագիրն է ուստա Մուրադինը:

Ավանդությունն այսօր էլ Մուրադին ընդունում է սուրբ Գևորգա
հրաշակերտ վանքի կառուցանողը: Մյուս տապանը վերագրվում է քա-
շահմուտ վարպետի ուշիմ աշակերտին:

Մի փոքրիկ «սև շալու» կամ «գծնիկ» կոչված փուշ, շեմ սխալվելի,
եթե ասեմ, դարերով անջպտել և կրկին շողկապել է միմյանց հետ այդ
երկու հիշատակարանները, որոնք առանձին իմն պատկառանքով գրա-
վել են տեղացիների քաղցը համակրանքը: Ամեն ոք սրբազան պարտա-
վել են տեղացիների քաղցը համակրանքը: Ամեն ոք սրբազան պարտա-
կանություն է համարում անձին, այնտեղից անցկենալուս, հիշել Մուրա-
դին և յուր աշակերտին, և «աստված ողորմի սրանց հոգվույն» խոսքերի
հետ պատմել յուր ուղեկցին վարպետի և աշակերտի նահատակության
հետաքրքիր պատմությունը:

Անցքը շատ կարճ է. Մուրադը հոգվով և սրտով սիրելուս է եղել
յուր աշակերտին՝ նորա մեծ ընդունակության և հմտության պատճառով,
նորա ասությունամբ, աշակերտն յուր աջ կուռն է եղել:

Վանքի մեծ կաթողիկեն կառուցանելիս, աշակերտի ոտքը սահում
է, և նա վայր ընկնելով մեռնում է:

Չարադետ դժբախտությունը Մուրադին բարոյապես ընկճում է. նա
հուսահատվում է, ոգևորությունը կորցնում է և չի կամենում շենքը շա-
րունակել: Մուրադը, վանահոր և ուրիշների թախանձանքներին զիջա-
նելով, վերջապես մի քանի օրից իսպառ ավարտում է գմբեթը և վերջին
քարն ամրացնելուց հետո, ինքն իրեն գահավեժ ցած է դրոճում այն
բարձրությունից:

Վախճանը բուսական է լինում:

Մուրադի վերջին խոսքն այս է լինում. «Ի՞նչ կարող է գործել, գործել ձախ ձեռքն առանց աչի»:

Հազիվ վանքին օգնության եկած կարբեցի ձիավորները հասել էին Մուրադի գերեզմանի հանդեսը, որ ամպերի պատովածքներից լուսնի լույսով նշմարեցին նրանք վարպետի և աշակերտի տապանների արանքին փշի թփի սովերումը շարժվող մի էակ:

Բստինենց Սահակը անհետատեսությանը ձին առաջ վարեց եղելությունը ստուգելու:

— Որսն յուր ոտքովն է գալիս, Ալի բեգ, գործերս հաջող է գնում, Մոդնումն Աղաջանի գլուխը խաշեցինք, փեսացուն էլ հիմի իմ գնդակին մատաղ կլինի, և մենք մեզ խոստացած ոսկիքը վաղ գրպաններս կլըցենք. խոշեն խոսքին տեր մարդ է:

Այս խոսքերի հետ միասին Մուրադի գերեզմանաքարի տակից զուխը բարձրացրեց մեկը և հրացանն ուղղեց դեպի Սահակը:

Գնդակը փշրեց Սահակի ձախ ուսազուխը:

— Դավադրություն, մեր տղերք,— գոչեց Սահակը և ուշքը շարժարած յուր վերքին, ատրճանակով փոխադարձ մահացու հարված տվեց հակառակորդի ուղիղ կրծքի մեջտեղից:

Թուրքն անշունչ տարածվեց գետնին:

Նույն այդ միջոցին աշակերտի գերեզմանաքարի ետևից մի ուրիշ գնդակ արձակվեց դեպի Սահակը:

Հարվածն անհաջող անցկացավ, գնդակը շաշունեով սլաց Սահակի գլխավերևով:

Դարան մտած մարդը տեղից կանգնեց և կամենում էր թուրք պատյանիցը դուրս քաշել:

Մուրը մնաց կիսահանիլ: Կարբեցիներից մի կտրիճ երիտասարդ հայհայտական խոսքերով առաջ մղվեց ու քրդական կեռակառուց սրով դավաճանին խոր խոցեց մինչև թաքերը:

Շոգենավի հատվածական փռնչոցի նման դուրս էր փչում արյունը, շիշառության հետ միասին, զլորվողի լայնաբերան վերքի ճեղքից:

Անրակի ոսկրի կեսը մնացել էր պարանոցին կպած, մյուս կտորը կուսն հետ կախ էր ընկելը:

— Աղա Մոդնի՛ն... մեր պատիժը... ավեց... Մահմադ-Վալի բեգ... նա կպատժի և մեզ գրգողին... ախ... խաշա...

Խոխոսքը մեղմացավ, կիսահնչյուն և կիսավարտ խոսքերը ասողը բերանում առանցին:

Մինչ այս, մինչ այն, կարբեցի գրկել իշեցրել էին ձիուց Սահակին

և մեջքը դրեզմանաքարին դեմ տված՝ աշխատում էին դադարեցնել վերքից դուրս թորած ապաժույժ արյունը:

— Դավադրություն, տղերք,— ուշակորույս կրկնեց մի քանի անգամ Սահակը,— այս սպանվածներին ես ճանաչեցի... սրանք երեկ գիշեր մեր գյուղի կողքից ետ դարձան... մի վատ մարդի մատը խառն է այս անբախտության մեջ...

Սահակն այլևս չկարողացավ շարունակել. նրա ուշքը գնաց, նա հազիվ ծանր շնչում էր:

Անկարելի էր Սահակին ձիու վրա նստեցնել:

Երիտասարդներից մի ուժեղը առաջարկեց յուր ծառայությունը, վերքը խնամքով պատած, Սհոյին դրին այս ողտոյի շալախը և ամուր կապած, առան գնացին:

Թուրքերի մարմինը մնաց գերեզմանոցումն ընկած:

Դավառական վարչությունը մյուս օրն ամեն տեղ որոնել տվավ և չգտավ ոչ միայն այս երկու սպանվածներին, այլև փախչող բազմության միջից ընկնողներին:

Շատ շուտ յուր տարածվեց, թե վարչությունը հենց երկրորդ օրը բացել է սպանվածների հետքը:

Աղաջանի մարմինը հողին հանձնվեց առանց աղմուկ բարձրացնելու:

Նորա փեսացուն շարունակում էր կռիվս տալ կյանքի հետ:

Անկառանգ գրությունը կարճատև եղավ. տառերիցների հաշիվները քիսալ դուրս եկան:

Բեհբուդուրը մի անօրինակ քաջագործություն արեց, սակավաթիվ զորքով մի հանդուգն հարձակում գործեց նա թշնամու անթիվ բանակի վերա և ցրիվ տվեց:

Օսմանցին կրկին ետ փախավ, Կարսումը փակվեց:

Շատ շքաշեց, նա Կարսից էլ զրկվեց:

Բեհբուդուրը Կարսն առավ, հանձնեց իրան հաջորդող նոր հրամանատարին և ինքը վերադարձավ հանդիստ առնելու...

Փռամյա պատերազմից հետո նոր հրամանատարը կապեց հարաուսթյան պայմանը և խաղաղությունը վերականգնեց:

Կարսը դարձյալ ետ արվեց յուր նախկին տիրապետող օսմանցուն: Հինական թվականների արևելյան պատերազմի վառ կրակը արքայիսով առժամանակ մոխրակույտի տակ անթիվեց (ծածկվեց), թաղվեց:

Իմ դրախտի բաժին մայրիկս էլ եուսն հնարքն էր գործ գնում. առաջին օրը թոնրի խորքումը մոխրի մեջ թաղում էր կրակի կտորները, որ-

ված ոտնամանը և այժի մորթու (սեկ) երեսով սրածայր դյուրազին լափ-
շինները:

Չեմ մոռանում երբեք մի ծաղրական դեպք, որի մեջ կյանքի բնա-
վորութունն է որոշակի արտափայլում:

Հովհաննեսը Քիֆլիսում ուսանում էր. մի ամառ նա վերադարձել
էր յուր ընտանիքի տեսությանը. նա հագին ուներ եվրոպական կիսա-
կոշիկ՝ առանց երկայն պարանոցի. Հովհաննեսը մի աղքատ գյուղական
որդի էր:

Մի քանի մարդիկ, տեսնելով նորեկի կոշիկները, ենթադրում են,
թե մի հարուստի հնոտիներ են՝ երիտասարդին ընծայած: Այնուամե-
նայնիվ նրանք բարձր են դատում հարցնել, թե որքան է վճարել Հով-
հաննեսն յուր հին կոշիկներին:

— Հին չեն, դուրս գալուցս երկու օր առաջ եմ գնել ութ մանեթի,—
պարզությամբ պատասխանում է Հովհաննեսը:

Բոլոր լսողները զարմացմամբ աչքերը շոտում են և նախատում խեղճ
տղային յուր պողպատ ստախտության համար:

— Տո՛ւ, քամի փշող, ութ մանեթը մի այգու գին է և ոչ մի զույգ
ճտքերը (սլաւաճոց) կտրած, մրով սևացրած, փողոցում գտած կոշիկ,—
կշտամբում է Հովհաննեսին նորա ընկերներից մեկը,— Երևանի մեջ
ամենից թանկավաճառ կոշկակարն է շայիբ Գյուրջի Նավին, որ մի մա-
նեթից վեր կոշիկ չի ծախիլ. այն էլ՝ ամեն մարդ հո հիմար չէր, որ մա-
նեթը շարտեր. Գյուրջի Նավուն կարել տվողները գլխավորապես երգերի
սիրահար տղաներն են, որոնք գիշերը մինչև առավոտ երգել են տալիս
և փոխարենը մի մանեթ են տալիս, մի զույգ կոշիկ էլ վերադիր առ-
նում:

Այս խոսքերն ասողն այն անձն էր, որ երկու-երեք ամիս հետո, պա-
տերազմի բորբոք ժամանակը, հանկարծական հարստության տեր եղավ
և մի օր էլ վերագրյալ կոշիկների նմանին Ալեքսանդրապոլումն ութ մա-
նեթ վճարեց և հագած գյուղ մտավ:

Երեկ տրեխ, այսօր կիսակոշիկ:

Ժամանակի հոսանքի ազդեցությունից ազատ չմնաց և մեր Բղղեն,
կամ առավել լավը՝ խոջա Բաղդասարը:

Նա յուր կարմիր ալաչա օսմանյան արխալուղի վերա սև սերթուկը
հագավ, ուսի ֆուրածկան գլխին դրեց և թուով Քիֆլիս՝ կապալառուի
հետ յուր հաշիվը վերջացնելու Ասում են յուր խեղճ տիրոջ ոտքերը սա-
ռը ջրումը թողեց: Քիֆլիսեցի փորձված կապալառուն՝ նա, որ յուր կյան-
քումը տանավոր ինտենզանտների և հարյուրավոր նրանց ստորադրյալ
աստիճանավորների հետ զործ է ունեցել, որ բազմաշատ կոմիսիոններ

ու գործակատարների դատակալան ձվի նման ատամին է սովել, օգտել,
օգտվել, Բղղեից օձիք պատռելով երգվել է իսպառ դադար տալ շահա-
վետ ձեռնարկությանը, միայն թե մյուս անգամ մի ուրիշ Բղղեի չհան-
գրպի:

Վերադարձավ Բղղեն, ժպտալով, յուր տնտեսության հաշիվը վեր-
ջացնելու տեղից և, ինչպես ասում են, լավ վերադարձավ, լավ եկավ.
Փոք ու գրպանը տոգած:

Բղղեն մոռացության տվեց յուր Կիզի-մատուռը, յուր խոտացած
մատաղները— էլ չէր զարմանում յուր Դշխո Հեղինեի փոս ոսկիների
վերա, այժմ նա եռապատիկն ուներ՝ այն էլ աշխատած սեփական խել-
քով:

Դեռ չհասած Երևան, փոստի սալակի վերա նստած, նա կապեց
յուր ապագա գործունեության ծրագիրը:

Նորա առաջին գործը պետք է լինի Շողիկին առնելն և ապա Երևան
փոխադրվելը:

Բղղեին քաջ հայտնի էր ջհուտ Աղաչանի թշվառ վախճանը, նա ինքն
ուրիշների հետ ներկա էր հանգուցյալ զոհի թաղմանը և թաշկինակն
աչքերից և դեմքից չէր հեռացնում. արդյոք սրտանց կսկիծ ու մորմո՞ք
էր զգում յուր բարերարին կորցնելու համար, թե՞ մի ներքին խղճահա-
րություն երեսի վերա պատկերանալուցը վախենում էր:

Բղղեն Կարբուց հեռանալուց առաջ այցելել էր լեզուն կապված և
ուշքը կորցրած Բստինենց Սահակին, ցավակցություն էր հայտնել նորա
անբախտ հորը, և այսօր համոզված լինելով, որ Սահակը վաղուց արդեն
հայր Աբրահամի գոգումը բազմած կլինի, նա հաստատ հույս ուներ, որ
ինքը կգա և երկու օրից հետո անարգել տեր կլինի Շողիկին, կթողնի
բոլորովին Կարբին, յուր մորը կհանձնի նորաշեն տունը. ու ինքը՝ պար-
սիկ բեկզադեի և խանզադեի նման՝ ձեռքի մեջ կառնի սիրուն թառախի-
կի (քազե) ոտքերը կաշկանդող աներևույթ շղթան կամ թե կրոնի նախ-
ըուն կաքավի սփածանելիքով պատած վանդակը և կտանի, կբազմեցնի
Երևանում մի ժամանակավոր վարձովի պալատում, մինչև ինքը մի կող-
մից ընդլայնե յուր վաճառականական գործառնությունը և մյուս կող-
մից մի շքեղ շենք կառուցանելով՝ տեղավորի նորա մեջ յուր նազելույն:

— Օ՛հ, հոգուդ մատաղ, սիրուն աղջիկ, սրանից ավելի բարեբախտ
վրճակ, քակղ լիքը, շահել և աննման հարսը կողքիդ, կեր, խմի, ուրա-
խացիր ու գրկիդ մեջ պինդ սեղմիր:

Ինքնամոռացությունը Բղղեին վերացական աշխարհքը տարավ, նա
ձարծեց, թե յուր առջև նստողն յուր սրտի առարկան է, և նա տարածեց
բազուկները ու թևերի մեջ ամուր խոտեց փոստի սալաքերին:

— Հավար... օգնեցե՞ք,— ձիանց սանձը թողեց և ճիչ ու գոռոց բարձրացրեց սայլորդը, կարծելով, անշուշտ, թե անծանոթ ճանապարհորդի միտքը դեպի ինքը շար է:

Լավ էր, որ Բղդեն շուտ սթափվեց և ձեռքը ձիանց երասանակին հասցրեց, ապա թե ոչ երկուսն էլ շարդուփշուր պետք է խորտակվեին մոտակա ձորի մեջ:

Նա յուր արարքը վերագրեց աչքերի մթազնությանը և ուշագնացությանը, որով սալորդն ապահովեցավ:

ԼԹ

ԱՄՍԱՏ ԽԱՅՈՒՆԸ

Ոսկրաբույժ խաթունը շատ հուսահատ է, քիթ ու մոտեթը քաշ է արել. հետը խոսել չի լինում, յոթը հարցմունքին մի կարճ պատասխան դրժվարությամբ է տալիս, օրական երկու պատառ կերակուր հազիվ է ուտում, կերածն էլ ջանովը չի անցնում:

Ո՞վ է ոսկրաբույժ Ալմաստ խաթունը և ի՞նչն է նրա տրտմության ջարժառիթը:

Այս պատվավոր անձնավորութունը Կարբու երևելի տներից մեկի տանտիկինն է. նա այրիացած է յուր հարսնության առաջին տարիներում, բայց պահպանել է ընդհանուրի աչքում յուր աղա ամուսնու ժամանակին ունեցած պատիվն ու հարգանքը: Կարբու ողջ զավառը սիրում է Ալմաստ խաթունին և ճանաչում. համարյա ամեն գյուղում գտնելված է:

Ալմաստ խաթունը թեև այսօր միջին հասակի-կին է, բայց չի կորցրել յուր պատանեկական թարմությունը և սքանչելի գեղեցկությունը, մի ժամանակ նա նշանավոր գեղեցկուհու հռչակ է վայելել, այսօր էլ վայելում է: Նրա խոշոր և նշաձև աչքերը, թանձր և կամարակապ հոնքերը, երկայն և խիտ արտեանունքը, լայն ճակատը, բոլորակ այտերը, ասփներումն սպիտակ և հետզհետե վարդի գույնի փոխվող, շափավոր և սակավ ինչ սուր քիթը, փոքրիկ բերանը, նուրբ և կարմրաշաղ շրթունքը, լուսնաձև կզակը, բարակ իրանն և բուժ ու ձվաձև գլուխը միացնող լուսափայլ պարանոցը, այս ամենը համերաշխ են նրա առույգ և փարթամ կազմվածքին:

Ալմաստ խաթունն, անկասկած, շատ փոքրահասակությունից է ճաշակել Բայազետումն ամուսնական քաղցրությունը կամ թե օրիորդ ժա-

մանակ խիստ զգույշ և ծածուկ է պահված եղել ծնողական հարկի ներքո, ապա թե ոչ վայրենի քուրդը կամ հենց կրակոտ հայ երիտասարդը չէին հանգստանա բարբարոս դարումը, մինչև չհափշտակեին չքնաղ աստվածուհուն:

Ալմաստ խաթունը մինչև հիմա էլ մերժում է յուր խնամաքարին նստող շատ երկրորդ ամուսինների առաջարկը:

Նրա մերժելու գլխավոր հիմնակետը տեսիլքի մեջ իրան ազդված հայտնությունն է եղել: Յուր պատմածին համաձայն, նա շատ տխուր էր, որ զրկվելով թանկագին և հռչակավոր ամուսնուց, գեթ չի արժանացել զավակի հոգս քաշելու շնորքին, և թեպետ տհաճ կրկին աշխարհք մըտնելուն, բայց զավակ ունենալու բուռն իղձը ձգտել է նրան, այրիության տարելիցը կատարելուն պես, առաջին դիմողին ձեռքը տա, միայն թե արժանանար մայր լինելու փափագին:

Եվ ահա մի գիշեր, մինչ հանգստյան աղոթքն էր մըմնչում, Ալմաստ խաթունին թվեցավ, որպես թե ինքը Կարբու ձորումն աղցան էր քաղում. հանկարծ բարձր ժայռի կատարից մի քաջակազմ երիտասարդ գահավեժ փոփեց յուր առջև և շարդուփշուր եղավ: Ալմաստը շփոթվեց, մոլորվեց և երկար ժամանակ չէր վստահանում մոտենալ անծանոթ թըշվառ տղամարդին, որն արնաթաթավ հազիվ շարժվում էր:

— Ի՞նչ ես ապշել ու սառած մնացել, չե՞ս տեսնում առաջիդ մորթված հավի նման թպրտացողին,— ըսում է նա յուր հանգուցյալ մոր պատնալից, հանդիմանական ձայնը, որ կանչում էր երկնքից:

— Ինչպե՞ս կարող եմ ես, մի ջահել կին, մոտենալ մի օտարական տղամարդի, ծակ բերանն ինձ կրակ կղնի, կայրի, բամբասաշոր կանի, երկրի երեսին թքանքատեղ կդառնամ,— դողահար, ահահար պատասխանում է Ալմաստը:

— Չէ՛, զավակս, չէ՛, մարդը վերջին շնչումն է, օգնության կարոտ է, դա կարող է անտերությունից զո՛հ գնալ քո կեղծ ամոթխածությանը, մի՛ քաշվիր, մոտ գնա, դանակդ հանիր, պատառոտիր հագուստը և դարման տար՝ ընչով կարող ես:

Ալմաստը ոգի է առնում, առաջ է վազում և կիսաշունչ մարդին դրախտահալած Ադամ պապին նմանեցնելուց հետո՝ գտնում է նրա բոլոր ոսկրները կոտրատված և մանրտուված, ինչ տեղ ձեռք է ձգում, իրան թվում է, թե տաշեղի փշրանք են յուր բռնումը:

— Ես սրան ի՞նչ կարող եմ անել, մայրիկ, Լոխման բժիշկն ինքք պատանն ուսին գերեզմանից վեր կենա, չի կարող օգնել, սրա ոսկրոտիքների մեջ ողջ տեղ չի մնացել:

— Սրի՛ր դանակդ քարի վերա, քերթիր փշրված տեղերի մորթը և

Վկայի մեկ-մեկ միացնել ոսկրներն ու կրկին կարել, կարկրել.— հրամայում է Ալմաստին յուր մայրը:

Մոր պատվերը բառացի կերպով կատարում է այրի դուստրը, երկար ժամանակ պարապում է կիսամեռ հիվանդին բուժելով, քանիցս փակում և նորից շարում է սխալմամբ դասավորած ոսկրները, մինչև որ բուրդովին տեղավորում ու կարգի է բերում փշրվածքը:

Այնուհետև մոր ազդելով Ալմաստը վերցնում է կտավը, շրեշով, ձվով և խնկով սպեղանիք (յախու, պլաստիլ) է պատրաստում, կոտորվածները նրանով ծածկում և տախտակներով կապկպոտում:

Երեք գիշեր տեսիլքը կրկնվում է Ալմաստի աչքին:

Վերջին անգամն մայրն այս է հրամայում և— այսուհետև, իմ սիրելի դուստրս, աստվածանից դու ստացար սնխություն (ոսկրաբուժություն) շնորհք, փոխանակ մի երեխայի հոգս քաշելու, որը քո մտածության առարկան է դառել, քո վզին բարձրում է թշվառ խեղճի և անդամալույծների հոգածության ծանրությունը, մինչև որ շունչը եղունգի ծայրին է (բանի կենդանի ես), սուրբ պարտքդ համարիր առաջին դիմողին օգնություն հասնելու, գնա, կտրածը կապիր, առողջացրու և ո՛չ մի փող վարձատրություն մի՛ ստանար, գործիր, մի՛ ամաչիր, մի՛ քաշվիր, վերքը բաց արա, դարմանիր՝ ինչ սեռի և հասակի լինել հիվանդո:

Այն օրից այսօր է, որ Ալմաստ խաթունն առաջին սնխին (ոսկրաբույժ) է մեր գավառումը, և հավասարապես օգնում է մեծին ու փոքրին, արվին և իգին, նա տղամարդ է՝ տղամարդկանց համար, կինարմատ է՝ կանանց օգնելու:

Մոտ երկու ամիս է՝ օրն երեք անգամ շարունակ այցելում է Ալմաստ խաթունը Բստինենց Սահակին, քակում, արձակում է վերքը, դարմանում է, բայց մազաչափ օգնելն անկարանում է:

Պարսիկ բեկզաղեի հրացանի գնդակն, ինչպես հայտնի է, փշրել էր Սահակի ձախ ուսագլուխը, վնասվածը մի գնդակատեղ էր, բայց ոսկրի կտորը չկար, կտորվել, թռել էր գնդակի հետ միասին: Ալմաստ խաթունն յուր կյանքում այսպիսի դեպքի չէր պատահել, ի՞նչ աներ խեղճը, հո չէ՛ր կարող ուրիշ ոսկրի կտորով մեջտեղի դատարկությունը կարկատել: Իսկ եթե Ալմաստ խաթունի ձեռքից չէր գալիս Սահակին բժշկել, այդ արդեն հայտնի նշան էր, որ միակ հույսը աստուծո ամենազոր աչք է մնացել:

Ողորմելի Բստինենց Կարապետ, ապարախտ հայր, աչքի առաջին հայտնապես տեսնում էր յուր գավակի օրրստօրի մաշվել-հյուժվելը և չէր վստահանում, բերանը չէր զորանում մի խոսք հարցնել Ալմաստ խաթունից. միզուցի պատասխանը հուսահատական լինելու:

Եվ այդպես իսկ էր, Ալմաստ խաթունը Սահակին այցելելու օրից նրան խնամք էր տանում, բայց ո՛չ մի փոփոխություն հիվանդի դրության մեջ չէր նշմարվում, Սահակը միակերպ անզգա ընկած էր, իրան չէր իմանում, նորա կերակուրը մի քանի կաթիլ արգանակ էր, որ բերանն էին լցնում, ո՛չ տնքոց, ո՛չ վրշոց, ո՛չ ասել, ո՛չ խոսիլ, ո՛չ շարժվիլ չկար, միակ կենդանության նշանը քթերից դուրս փշած արտաշընչությունն էր և այլ ոչինչ:

Ով ասես չէր գալիս Սահակին տեսություն. ամեն մի այցելող դուռը դուրս գնացածին պես մի հուսահատ բացասական շարժում էր անում պլսով և հոգոց քաշելով ափսոսում:

Կար սակայն մինը, որ բուրդից առավել կարիք էր զգում Բստինի թոռանն այցելելու և այդ շնորհք նորան արգելված էր:

Քանիցս անգամ Շողիկն աղաչել, թախանձել է յուր մորը՝ նրան տես գնալուս իրան էլ հետը տանել, բայց սառն հանդիմանությունն է յուր պատասխանն եղել:

— Ինչպե՞ս, աղջիկն յուր երեսի ջուրը, ճակատի մեռոնն այնպես կորցնի, որ վստահանա պսակ չգնացած՝ յուր սկեսրայրենց շեմքը տրորել, թե ես իմ նշանածին տե՛ս եմ գնում, ո՞չ ապաքեն դրանով նա յուր սկեսրայրի և վկեսառի գլուխն է տրորում, յուր ծնողաց անունն է խայտառակում, յուր օրիորդությանն է արատ բերում, բոլոր հասարակությունն է արհամարհում: Մյուս անգամ չհամարձակվիս պոռունկդ պոռունկիդ դիպցնելու, սև սրտի աղջիկ, թե չէ մազերդ հատ-հատ զլխիցդ կբազեմ, գետինը մտնիս դու:

Այս կծու կշտամբանքներով Աղաջանի այրին դուռն յուր աղջկա երեսին շրխկացնում էր, նրան սյունի տակին արտասովակուրլ էր անում և ինքը գնում էր փեսացուին տես:

— Ա՛յ դու ծակծկոտվելու, անպատկառ աղջիկ, դեռ մինչև հիմի երեսիդ վրա ընկա՞ծ ես,— մի երեկո աչքերը շատ լալուց կարմրատակած վերադարձավ Շողիկի մայրը և հրամայեց,— շո՛ւտ, վե՛ր կաց, տե՛կ զքե՛ր՝ վեր թափվինք, ես գիտեմ՝ կեղզիշի չհասած մեր գուռը կծե՛ծն: Աստված երկու ձեռքով գլխներին քար զցեց. էստեղ՝ մեր դուռն երեսներին փակ թողցեց, էնտեղ՝ սե թագ ու պակղ կապեց. մի երկու ժամից Բստինենց յույսը կխավարի, նշանածիդ ջահել արևը մեր կմտնի: Ժամից Բստինենց յույսը կխավարի, նշանածիդ ջահել արևը մեր կմտնի:

Աղաջանի այրին զղջաց յուր անզգուշության համար. նա շատ ուշ գլխի ընկավ և դուռը բաց թողած՝ հետոպատուս վազում էր Կարբու փողոցներից մեկովը յուր աղջկա քամակից՝ ինչպես վազում է որսկանի բարակը (ղուն) աղվեսի ետևից. խե՛ղձ կին, յուր աշխատանքն անօգուտ անցավ. ամոթահար, երեսը ճանկոտելով, օնայնաձեռն կտ եկավ նա և

չհամարձակվեց Բստինենց տունը մտնելու, ուր երկու-երեք քայլ իրանից առաջ ներս ընկավ Շողիկը և դուռը մոր երեսին ծածկեց:

Այս առաջինն էր Շողիկի կյանքումը մորը հակառակելը: Նա իրան ձգեց հիվանդի սենյակը և տան մեջտեղը մնաց կանգնած՝ բերանաբաց և շոտ աչքերով:

Շողիկը տարածել էր անգիտակցաբար յուր երկու թևերը, մեկ նայում էր տան մի անկյունումը փոված անկողնուն և մեկ աչքերը դարձնում էր իրան շորս կողմը հավաքվածների վերա: Կատարյալ բանտից փախած կալանավորի էր նմանում աղջիկը, որ ազատությունը գրկելու հույսով արել է վստահ և վճռական քայլ, բայց իրան շրջապատած է գտել հարյուրավոր զինվորներով:

— Արի՛, իմ սևաթուղ հարսնացո՛ւս, արի՛, գլուխ գլխի տվե՛ք նշանածի՞դ հետ,— գոռալով առաջ վազեց Սահակի մայրը և ուզում էր գրկել Շողիկին, բայց մոտ եղողների խոսքերը նրան արգելք եղան:

— Էս ի՞նչ տեսանք, քա, խիզան՛, էսքան էլ անիրավություն, ա՛յ քեզ անամոթություն,— աչքերը Շողիկի վերա տնկած՝ արտասովեցին ներկա եղող հարևան կանայք:

— Լռեցե՛ք և դուրս գնացե՛ք ամենքդ,— առաջ եկավ և կարգադրեց Ալմաստ խաթունը,— սրան աստված է այստեղ ուղարկել, թողք վերջին շնչումն իրար կարտուն առնեն:

Ալմաստ խաթունը բռնեց աղջկա կուռը և առաջ տարավ դեպի հիվանդն ու թողնելով նրան հոգեվարքի անկողնու մոտ, ինքը դուրս գնաց ուրիշների հետ միասին:

Շողիկը, կարելի է ասել, ոչինչ չէր տեսնում, ոչինչ չէր հասկանում, նորա ծնկները ծալվեցին և ընկավ անշունչ դիակի վերա: Անշունչ ենթ ասում և շենք սխալվում, Սահակի թույլ շնչառությունը համարյա գազարել էր, և միայն մի ամենանվազ տրտփյուն զգալի էր լինում կոկորդի աջ ու ձախ կողմերում:

— Սհո՛ ջա՛ն, Սհո՛, իմ գլխի տեր Սհո՛, արևի՞դ մատաղ գնա՛ քո Շողիկը,— վերջապես ձայն հանեց աղջիկը,— չորանան էն մատները, որ շինայեցին քո շիվան արևիդ, ա՛խ, դու ընչի՞ մոտ գնացիր ուստա Մուրադի գերեզմանին, որ քո կյանքդ էլ փչացնես, իմ գլխիս էլ սև ու մութ բերես, աչքերդ բաց արա, անունիդ մեռնե՛մ, մի խոսք ասա՛, ինձ էլ քեզ հետ տար, Սհո ջա՛ն...

Աղեկատուր խոսքերը դուրս էին թռչում մանկատի օրիորդի ջրթուեք:

1 Խիզան նշանակում է ընտանիք, գլխավորապես իգական սեռի:

ներից, նորա հորդ արտասուքը, առու եղած՝ հոսում էր մեռնողի երեսով:

Ո՛վ հրաշք, անշունչը շնչավորվեց, անկենդանը կենդանացավ, երկու ամսվա պապանեմված Ջաբարիայի լեզվի կապերը քակվեցին, հիվանդի աջ ձեռքն ինքն իրան բարձրացավ և փարվեց Շողիկի պարանոցով:

— Եո՛... դի՛կ... — ահա՛ Սահակի շրթունքներից կցկտուր դուրս եկած միակ խոսքը:

— Սհո՛ ջա՛ն, Սհո՛, Շողիկը քեզ դուրբան, էդ ի՛նչ օրն են ընկել դու, ախար ընչի՞ մոտ գնացիր թուրքին, որ քեզ վրա հրացան արձակեց, ախար ես ի՛նչ մեղք էի գործել, որ աստված գլխիս տվեց, աչքս հանեց:

— Թուրքը... մեղավոր... չէր... Բղդեն... շարշի... Բղդեն...

— Ո՛ւր է Բղդեն, Սհո ջան, էստեղ Բղդեն չկա, մենք երկուսս ենք,— պատասխան տվեց Շողիկը Սահակի հատ ու կտոր խոսքերին:

— Բղդեն... մարդասպան Բղդեն... Թուրքերը... Բղդեի մարդիկն էին...

— Ի՛նչ, Սհո ջան, ասում ես Բղդեն էր զրկել թուրքերին, ուրեմն ուրիշների ասածներն ուղի՞ղ է:

— Մողնու վանքն էլ Բղդեն կոխել տվեց՝ հորդ ու ինձ սպանել տալու համար, ես թուրքի բերանից լսեցի, չգիտեմ ի՛նչ թշնամություն ուներ Բղդեն մեր դեմ,— դժվարությամբ և ընդհատ բառերով պատմեց Սահակը:

— Ա՛խ, ինձ է հայտնի կոլտո Բղդեի թշնամության պատճառը, գետինը մտնեմ ես, որ հորս ու նշանածիս արնետերը դարձա: Բղդեն կամենում էր ինձ քո ձեռքիցդ խլել: շատ աշխատեց, շատ հնարք գործ դրեց, բայց ատամը չկտրեց: Երեսուհու հայրս խայտառակեց, հեռացրեց, ես էլ երեսին թքեցի, երեսս շուռ տվի:

— Ուրեմն Բղդեն հասավ յուր փափագին, տարավ կոլտո շարշին, հորդ ու նշանածիդ գլուխը կերավ՝ քեզ ձեռք բերելու համար,— խոր հոգոց հանելով ասաց Սահակը:

— Ո՛ւ, կոլտո շարշին յուր փափագին չհասավ, Սհո ջա՛ն, նա շտաբավ, այլ տարվե՛ց,— կակիծը մոռացած՝ հաստատապես վճռեց Շողիկը,— քո արևովն և հորս գերեզմանովն եմ երդվում, որ Աղաջանի աղջիկը, Բստինենց հարսնացուն, երբեք կին չի դառնալ յուր հոր ու նշանածի արյուն թափողին, կամ ես ձեռ վրեժը կառնեմ կոլտո շարշուց, և կամ, եթե չկարողացա, գլուխս իմ երկու սիրեկաններին սիրուն մահի կտամ:

— Աննաման Շողիկա... ես այժմ մեռնում եմ հանգիստ սրտով:

Մի բուն զորութիւն ուժ տվեց հիվանդի թույլ բազկին, Սահակը մտաբանեց Շողիկի գլուխը և սեղմեց յուր կրծքին:

Վերջին ճիգն է եղել, որով լարվել են հոգեվարքի շղերը. նորա կրծքերը թուլացան, մահն յուր սառը թևը տարածեց ըղձատուշոր երիտասարդի երեսին, նա փշեց յուր շունչը՝ գրկած յուր նշանածին:

— Ա՛խ... — ծվաց Շողիկը և լոնց ու պապանծվեց:

Ալմաստ խաթունը բոլորից առաջ ներս վազեց և գտավ նշանած. ներից մեկին անկենդան և մյուսին մեռելի գրկումն ուշագնաց: Երկու սիրահարների շրթունքները միմյանց պինդ սեղմված էին:

ԹՈՒՍ ԿԱՐՄՐԱՆԵՑ ՁՈՒԿՆ Է ԸՆԴՆԷ

— Բարի լո՛ւյս, քեզ, ա՛յ ջրատար Շուշան: — Բարին հոգիդ, Տուտու նանի, համեցեք նստիր: — էյ, ո՛չ նստելու է գալիս, ո՛չ կանգնելու, երկու շարաթ է օրն երեք անգամ ձեր քուչի գլուխն եմ հասնում, թե չէ՝ ծնկներս ծալվում են ու մնում, սիրտս փուլ էր գալիս, հարս կտրվում է, էլ ետ քարշ գալով ետ եմ գնում:

— Ի՞նչ կա:

— Ի՞նչ պետք է լինի, աչքերս դուրս են թափվում, երբ ձեր դուռն երևում է. ես կարծում եմ, թե էս է՛ պետք է գամ ու իմ կորած հոգու ախպեր Աղաջանիս քաղցր զրույցները լսեմ, բայց որ միտքս է ընկնում, թե ներս պետք է մտնեմ ու երկու էրված խորովված, անտեր, անզուգին անբախտների մոմոտցը լսեմ, գլխիս բոց ու կրակ է վառվում:

— Ի՞նչ պետք է արած, երևի, իմ մեղքն էր, որ աստված երեսովս տվեց:

— Դու՛ հո դու, փորձված կին ես, ոնց որ լինի կհամբերես, աչքս զուգս գա իմ սևապսակ Շողիկի համար:

— Ասացիր ու պոճար, Տուտու նանի, էդ ճար կտրածի աղջիկը ո՛չ գիշերը քուն ունի, ո՛չ ցերեկը դադար, ո՛չ ուտում է, ո՛չ խմում, բերանը նշխարք չի մտնում, հարյուր խոսքին մի պատասխան չի տալիս, հալուժառ է եղել, էսպես որ գնա՛՛ վեց ամիս չի քաշել, սե ու մութը գլխիս կրերի, ինքն էլ էն կորածների ճանապարհովը կերթա:

— Բաս դու մայր չե՛ս, չե՛ս կարողանում առաջն առնել:

— Իմ ձեռքիցն ի՞նչ կգա, ինքս էլ քշվածի պես եմ:

— Ի՞նչ ես խոսում, քա՛, Շուշան, դու էլ հո երեխա չե՛ս, մեռածի ետևից ո՛վ է գնացել, որ մենք գնանք, ո՞րս ենք անմահ, բոլորիս ճանապարհն է, վաղ թե ուշ՝ գնալու ենք, բայց քանի էս կույր, փուլ աշխարհքումն ենք, պետք է ապրենք, օր քաշենք: Աստուծոն էլ դժվար կթվի, որ յուր ստեղծած մարմինը մենք տանջում ենք, ո՛վ է հակառակ. ծանր է, անտանելի է, ասեղ շես կորցրել, սարի պես տղամարդն է գլխիցը շուռ եկել, թագավորավայել փեսացուն է երեխիցը խլվել, մարդ որ հավի ճուտ է կորցնում՝ սիրտն էրում է, մահը մերն է՝ մենք մահինը. քանի կարող ենք, պետք է էնպես անենք, որ բամբասանքի տակ չընկնենք:

— Ի՞նչ բամբասանք, մարդ որ յուր մեռածի համար գարդ անի, էդ բամբասանք է՞:

— Բաս էս լա՛վ է, որ ծակ բերանը Շողիկիդ վրա խոսում է, թե քթի ու բերանը փաթաթել է ու որբերի կնոջ նման սև սուգ նստել, էդ մի՞թե վայել է ազապ աղջկանը, էդ յուր ողորմած հոգի հոր անունին էլ անարգանք է, քեզ էլ անպատվություն է, իրան էլ թքանք է:

— Հոր ու նշանածի համար սուգ պահելն ամո՞թ է:

— Ձէ՛, Շուշան ջան, էդպես չի, հոր համար՝ աղջիկն է, պետք է ցավի, բայց նշանածի համար՝ չի սաղիլ. գիտե՛ս, մերս, հողն իմ գրելիս, ինչ ձայներ են փողոցի փողոց քամու մեջ պտտվում, ծակծկոտվին ասողների լեզուները, Շողիկիս պես ամոթով աղջկա համար էդ տեսակ բամբասանքնե՛ր, շորանա հեարողի բերանը:

— Ի՞նչ են ասում, Տուտու նանի:

— Էս երկօրն ես տասը կնոջ բերան եմ պատռել ու ճանապարհ դրել, ասում են, որպես թե, լուսահոգի փեսացուդ գիշերը մինչև լույս ձեր տանիցը չէր դուրս գալիս, իբրև թե, իրանց կուրանալու աչքով տեսել են, որ երկու նշանածները էդ ու որձ աղունիկների նման ժամերով կտուց կտուցի են տված եղել:

— Հիմկվա մարգկանց մեջ, Տուտու նանի, խղճմտանքի կտոր չի մնացել, էն կորած Մհոն երկու տարի էր նշանված էր, դեռ երկու անգամ մեր ծածկի տակ չի եղել, էն էլ օրով ցերեկով, էն էլ, վա՛յ ինձ, վա՛յ իմ հոգուն, ես եմ փռացած հոգու եղբորիցը թաքուն տուն բերել, մի երկու ձու յուղի մեջ ջարդել, առաջը դրել, էս տնաշնի աղջիկը էդպես ժամանակը գլուխ է առել կորել, մկան ծակերը մտել, ինչքան կանչել եմ, որ գա, կողքին նստի, սատանի ձիու վրա նստել է ու չի եկել. սաթի ոք վերջն էս էր, շառ էլ լավ է արել, որ չի եկել:

— Ընչի՞՛ էդպես ես խոսում, Շուշան, Մհոն չէ՛ր, որ թլիսմի թղթերը ձեռքիցս խլեց, լուսահոգի մարդիդ տվեց:

— Էն էլ մի բան էր, որ պատահել էր, թե չէ խեղճն իր աներացուի հետ դեռ երկու խոսք չէր խոսեցել. դրա համար պետք է բամբասեի՞ն:

— Ո՞ր մեկի բերանին ձեռք դնես, Շուշան ջան, ասում են՝ տեսնողներ եղել են, որ Սահակն ամեն առավոտ Աշտարակ, յուր խանութին գնալու, գյուղի ներքևի ավերակի մեջ Շողիկի հետ քրքրել է ունեցել, սաքի թե Շողիկը կուծն ուսին ջրի ճանապարհից միշտ ծովել: մտել է ավերակը, իհարկե, գիտեր, որ նշանածն էստեղ իրան սպասում է:

— Դու էլ հավատում ե՞ս:

— Ես ի՞նչ գիտեմ, ա՛յ դրանց օրը խավարի, մեկին շես հավատում, մյուս բանն են մեջ բերում, դեռ կեսը շեմ պատմել, ինչ որ խոսում են ու Շողիկի մեղքը քաղում. ի՞նչ էլ հարկավոր է պատմելը, ես քարասի՛րտ եմ, որ դադված և խաշված մոր սիրտն ևս առավել կրակեմ ու բորբոքեմ. ախար ես իմ հարգևոր ու պարկեշտ Շողիկիցն էդպես արարքը ո՞նց հավատամ, ինչ որ երեկի ժամի պատի տակին, արևկողումը նստուած՝ գլխներիցը դուրս էին տալիս. էդ որ ճշմարիտ լիներ, մենք ավելի մոտիկ չե՞նք, մենք ավելի շուտ չէինք նշմարի՞լ. անմեղ հրեշտակի պես աղջկա շնթովն էդպես կեղտ փաթաթելն իրանց հոգուն մեղք չի՞:

— Ախար ի՞նչ են ասում, Տուտու նանի:

— Սաքի ուղիղ էլ որ լիներ, ամոթ չէր. էրեխեքն ի՞նչ կարող էին կարծել, որ իրանցից մեկն ու մեկի օրերը համարած են, ջահելներ էին, կմտածեին, թե էսօր չէ՞ մի ամսից պետք է խաշ ու ավետարանի տակին միանանք, կսկսեին ջահելություններ անել:

— Աստված իրանց աղջկերանցն էլ էն փորձանքին հանդիպեցնի, ինչ որ իմ երեխին պատահեց, ով իմ աղջկա անունը կուզենա սեպցնել սուտ-սուտ զրպարտություններով:

— Դու շատ էլ մի տրտնջալ, Շուշան ջան, ախար ընչի՞ եք պատճառ տալիս, որ սա ու նա լավ վատ մտածեն, ախար դու ինձ ասա, էն ի՞նչ անելու էր, որ քո աղջիկդ արեց. նշանածի հոգի տալու իրիկունք դուրս պրծավ, գնաց նրա վրա ընկավ, նրա շնթովը փաթաթվեց, էս օր էլ ինքը քո բերանովդ ես խոստովանում, որ օտար տղայի համար զուլայը մահին է տալիս:

— Դե պակաս նշանած չի կորցրել, որ շտխրի, դու և ես էլ, որ նրա տեղը լինեինք, կանեինք, սիրում էր, հո՛ սուտ չէր:

— Ո՞վ է ասում, որ շտխրեր, յուր պարտքն էր, որ սիրեր էլ, խոնարհեր էլ, բայց քեզ լավ հայտնի է, որ պակաված, տարիներով իրար հետ ապրած մարդ ու կինն իրար մահից հետո նորից պակավում են, ընչի՞ համար դու շես մտածում երեխայի սրտի խոցն առողջացնել, ընչի՞ շես աշխատում մի լավ տղա գտնել, ձեռաց նշանել, ձեռաց պտակել, որ մի-

նուճարիդ վրայից էլ ալամի (Յամայեֆ) լեզուն կտրվի, ինքն էլ քո տեսի ու մխիթարվի:

— Ի՞նչ ես խոսում, Տուտու նանի, դեռ խեղճ որբիս հոր կեքք քառասունքը նոր է լրացել, դեռ Սհայի գերեզմանի վրա դրած մախը նոր է հանգստացել¹, դու կամենում ես, որ ես աղջիկ նշանելու և մարդի տալու հոգ քաշե՞մ, կորցրածներին ամայի դաշտումն էի գտե՞լ:

— Ի՞նչ արած, քո երեխին դարդամահ շանելու համար, քո մի հատ զավակի վրայից աշխարհքի ասեկոսեն վերացնելու համար պետք է ատամներդ հուպ տաս, սիրտդ պնդացնես ու պապենական սովորությունի գլխովը թռչես:

— Առաջինը՝ որ ես էդ բանը չեմ անիլ, երկրորդը՝ որ էս բոպեիս ո՛ւր է էնպես տղա, որ արժանավորություն ունենա ու գլխապատառ վազի իմ դուռը կտրի, իմ աղջկանն առնի. ոչովի մեղադրել չեմ կարող, ո՞ւմ աղջկանը պետք է ուզեն. աշխարհքիս լավություն անող Աղաջանը թագավորի պես յուր ընտանիքի գլխին կանգնած է, որ ամեն մարդ յուր համար փառք ու պատիվ համարի նրա հետ բարեկամանալ: Տեսքանդի մարդն ունեցած չունեցածն անշահ, անհաշիվ սրա նրա վրա ցրել է, մի մատը թուղթ ո՛ւ առել է, ո՛ւ թողել է, որ գիտենանք, թե ում մոտ ինչ կա. քանի ասում էի՝ մի՛ անիլ, վրես վախտ ծիծաղում, վախտ բարկանում էր: Հենց գիտեր, թե ինքը միշտ կենդանի կմնա, ամենքն իրանիցը կքաշվեն ու ժամանակին տարածը կբերեն, ետ կտան:

— Լուսահոգին, Շուշան ջա՛ն, վստահություն չի՞ արել, մի՞թե դու կարծում ես, որ ձեր փողերը կկորչեն կամ մարդ կլինի, որ քո դրախտական մարդի լավությունը կմոռանա:

— Ընչի՞, շմոռացա՞վ, Սալբու տղա կոլոտ շարչի Բղդեն, որ մեր փողերովը մարդ դառավ ու երբ կողքերն յուզակալեց, խեղճիս երեսին դուռը թրխկացրեց, հեռացավ է՞դ հերիք չէր, էնքան յուր շափուր կորցրեց, որ ուզեցավ աղջկանս յուր նշանածի ձեռքիցը խել. գլխներս տարավ մարդ զրկելով, դու էլ հո ջուլհակի մքուքի պես գնում գալիս էիր. և երբ որ ծամոնը ցեխն ընկավ, էդ քո անհոգի, անհավատ, անաստված, անխղճմտանք կոլոտ Բղդեն թուրքերին կաշառեց, աներոջ ու փեսայի արյունի մեջ մատը թաթախեց:

— Հետո դու աշքովդ տեսա՞ր, որ խոշա Բաղդասարը մարդիդ ու փեսիդ արենպարտը դառավ, հոգուդ մեղք չի՞, որ ամեն քամու բերածի հավատում ես:

— Ես ի՞նչ գիտեմ, ասում են՝ մեր մահապարտն ինքը Բղդեն է, որ

¹ Մեակը թագած երեկոյին գերեզմանի վրա ծուխ են գնում:

կա. եթե ես վկաներ ունենայի, ես գիտեմ, թե ոնց շոքեշոք դիմանի դու-
որ կերթայի և իմ արյունը մտնողից վրեժս կլուծենի:

— Տեսնո՞ւմ ես, Շուշան, դու խոջա Բաղդասարի վրա բարկացած
ես, բայց նա էնքան բարի է, որ ուզում է քո տան վրայից սևն ու սուզը
վերցնել, քեզ էլ, ինձ էլ, աշխարհքին էլ հայտնի է, որ խոջա Բաղդա-
սարն էսօր մեր երկրի առաջին մարդն է և եթե մտքումը դնի, գլխավոր
շինավնիկի ու աղայի աղջկի կաննի, շատերն իրանք են նորա ոտները
իզում, բայց նա ամենի խնդիրքն երեսի վրա է թողել և ուզում է քո
քանդված աունն ու տեղը նորից շինացնել, նա քո աղջկին ուզում է, որ
քո մի հատ սև փողը ուրիշի վրա չկորչի:

— Դեռ մինչև հիմի էլ քո կուտա շարչի Բղդեն մեզանից ձեռք չի բա-
շում:

— Ա՛յ Շուշան, ինչպես տեսնում եմ, աստված քո խելքդ բուրբավին
առել է, քախտն իր ոտքովը քո դուռն է եկել, դու քացով տալիս ես. դու
ո՞նց չես խոջա Բաղդասարին հավանում:

— Ամոթ է, Տուտու՛, դու ինքդ լավ գիտես, որ Պողոս աղենց ամա-
լա Սալբու տղեն ուրիշների տները քանդելով խոջա դառավ, մեկ էլ՝ որ
ես իմ տան գլխի ու փեսացուիս արյունի տակը մտնողին սև մահը կտամ,
որ կոկորդին հուպ տա, խեղդի, վերջացնի և ոչ թե աղջիկ՝ որ լանջովն
ընկնի:

— Էլի ասում եմ, Շուշան, խեղճ արի քո աղջկանը, մի՛ թողնիր, որ
դարդոտվի և գլխին մի փորձանք բերի կամ թե տանը մնա, անսւնը կես
փող շինի, դու ինքդ էլ Բաղդասարից մեծ մարդի կին չես, ողորմած հոգի
Աղաջանը չէ՞ր, որ խամ կտավի կապուցի արորելուցը, ուսի մորթին ամ-
բուրի եզան վզի կաշուց հաստացել էր:

— Դո՛ւրս իմ տանիցը, ջադուբազ (վհուկ) Տուտո՛ւ, մեկ էլ չհամար-
ձակվիս իմ դռնովն անցկենալ, թե չէ ողո՛ղ կկոտորեմ, բերանիդ շափը
ճանաչի՛ր, իմ տղամարդը ո՛չ սրացել է չուր թիկունքի կապոցը և ո՛չ
ուրիշի հացին կույր է մտիկ տվել, նորա աշխատանքն իր ճակատի քր-
տինքն էր, նորա հացի մեջ ուրիշի արյունը չի խառն եղել, էդպեսի մար-
դը քո գովածն է, որի մի քանի սև փողն աչքերդ շլացրել են, հոգիդ
սևել ես, ուզում ես իմ աղջկանն անբախտացնես, գնա, հեռացիր, ասում
եմ, հետինն ու առաջինը լինի, մյուս անգամ իմ աղջկա անունը բերանը
չբերես, թե չէ ինքը որ լսի, սիրտը վերավարված է, էնպես խոսքեր կասի
քեզ, որ կմնաս գլխիդ վրա պատվելով:

— Զէ՛, Շուշան, չէ՛, Շողիկը խելոք աղջիկ է, կանչիր, թող գա, եթե
ես մի քանի խոսքով նրան կամքի չբերի, եթե նա օրն էսօր Սալբու
տղային նշանը չվերկալավ, գու՛ երեսիս թփի:

Գանչելու հարկավորություն չեղավ, Շողիկը ներսի սենյակումն, ինչ-
պես երկեցավ, լսել էր մոր և Տուտուի խոսակցությունը, նա գուրը բաց
արեց և դուրս եկավ:

Մայրն աղջկանը տեսնելուն պես վարձանքով և սարսափով ետ-ետ
գնաց՝ ձեռքերն օդում տարածելով:

— Հասկանում եմ, մայրի՛կ, դու իրավունք ունիս պայմանալու և
աղջկանդ վերա բարկանալու, — ասաց Շողիկը ծանրախոհ դեմքով, —
հորս ու նշանածիս կորցնելու օրից դու անաջին անգամն ես ինձ տես-
նում սանրված գլխով, հյուսած ծամերով և վարպարված բաղդադի թաշ-
կինակով: Ես լսեցի քո և Տուտու նանի գրույցը, երկար ու բարակ մտա-
ծեցի, շափ ու ձև արի և գտա, որ Տուտու նանի ասածներն ուղիղ են,
մեռնողի ետեից մեռնիլն հիմարություն է, ինձ վայել չի շահել օրս սե-
վացնել, քո ախրությունի վերա ավելի ախրություն բերել, արի՛, մայ-
րի՛կ, մոռանանք անցկացրած բաները, արյունն արեով չեն լվանալ, հա-
մաձայնիր Տուտու նանի խոսքին, վերցրու Սալբու տղի նշանը:

— Չալ օձը կծի լեզուդ, քրքրվելու պտուղ, էդ քո խոսքե՞րն են, դու
չէի՞ր ասում, թե հաստա ա գիտես, որ հորդ ու նշանածիդ սպանել տվողը
Բղդեն է, ինքդ չէի՞ր, որ ասում էիր, թե մինչև Բղդեի մի բուռն արյունը
չխմես, քո ծարավդ չի կոտորվիլ, հիմի ո՞ր սատանեն քեզ՝ իր թոռի մեջ
խճճեց, ի՞նչ անցկացավ, որ հորդ ոսկրները դեռ գերեզմանումը չհան-
գրստացած՝ դու ուզում ես նորա մահվան պատճառի վիզն ընկնել, գե-
տինը պատռվի, քեզ դվեր (դեպի վայր) տանի:

— Էրված սիրտը շատ բան կասի, մայրիկ, աղաչում եմ, մի՛ բար-
կանալ ինձ վերա, լսիր մի անգամ քո աղջկանը և թող Սալբու տղեն
նշան բերի:

— Ապրի՛ իմ խելոք աղջիկը. բեր էդ քո ետիջուն աչքերդ պաշեմ,
որ օրինավոր ես խոսում, ընդուր են ասում՝ հիմիկվա շահնիներն իրենց
մեծերիցն ավելի խելք ու հասկացողություն ունին, — Շողիկի գլուխն
չուր կրծքի մեջ սեղմելով դարձավ Տուտուն գեպի Աղաջանի այրին:

— Լսի՛ր ինձ, Շուշան, գոգիդ քարերը թափիր (ճամազվիր), երեխի
խոսքն ավետարանի կողի գրվածիցն է, սրա սիրտը մի՛ կոտորի, սա ան-
գին ջավահիր (զոնար) ու մարգարիտ է, սրա մեղքի տակը մի՛ մտնիլ,
սրա սիրտը վկայում է, որ Բազզասար աղայի նման արար աշխարհ-
քումը փեսացու չես ճարիլ, աչքի լույսի նման կպահի քո աղջկանը:

— Տուտու նանի հոգին էլ վկայում է, որ Սալբու տղեն լավ փեսա-
ցու է, մայրի՛կ, թե չէ պատավ կին է, մի սուր գերեզմանումն է, ընչի՞
պետք է իմ մեղքն ընկնի, էնպես չի՞, Տուտու նանի, — մեջ մտավ Շո-
ղիկը:

— Ը... Ը... Ը... այսինքն... այսինքն... հա... Բաղդասար աղեն... դե', մարդ ենք... ո՞վ գիտե, դե'... բայց լավ տղա է... Հոգիս վկա,— կմկմաց պառավը:

— Դե', տեսա՞ր, մայրի՛կ, որ Տուտու նանը յուր հոգովն երդում է ուտում. եթե էդպես է, խնդրում եմ, դու համաձայնես, ես էլ թեպետ մինչև օրս ատում էի Բղդենին... ո՛չ, ո՛չ... Բաղդասարին, բայց, հիմի Տուտու նանի խոսքովը սիրեցի... հը', մայրի՛կ, ի՞նչ ես լռել, աղաչում եմ, խոսք տուր:

Այս խոսքերով Շողիկը փարվեց մոր պարանոցովը:
Տուտուն շնկատեց, մոր ու աղջկա մեջ մի քիչուն տեղի ունեցավ:
— Ի՞նչ արած, Տուտու նանի, կերևի, երեխիս ճակատի գիրն էսպես էր, գնա Սալրուն ասա՛ թող նշան բերեն,— հայտնեց վերջապես Շուշանն յուր հաճությունը:

— Բայց մի պայմանով, Տուտու նանի՛,— ավելացրեց Շողիկը,— որ հարսանիքը շատ շուշացնի, նշանը ծածուկ լինի, իսկ հարսանիքը փառավոր, և մինչև պսակի օրը մեր դուռը չբանա:

— Աչքիս ու գլխիս վրա, ազիզ ջան, հենց էս իրիկուն, եթե կուզես նշանդ կրերենք, մի շաբաթից հետո էլ գլուխդ կկապենք, պսակ կտանենք:

— Կարմրախետ ձուկը թոռս ընկավ,— մտածում էր Տուտուն՝ շտապելով դեպի Բղդեի պալատը:

Այս գործողությունը կատարվեց Բղդեի Թիֆլիսից վերադարձի առաջին և ետ շաբաթը:

Բղդեի առաջին գործն եղել էր Տուտույի ձեռքով այս վերջին փորձն ևս անել. եթե չհաջողվի, բռնություն մորս կքաշեմ տանից,— վճռեց Բղդեն,— այժմ էլ Աղաջան չկա, որից քաշվիմ, Բատինենց Սհո չկա, որ ճանապարհիս քար ձգի (արգելի լինի):

Ոչինչ միջոցներ պետք չեղավ. մի կերպասյա կարմիր գլխի ծածկոց և մի մատանի նույն երեկոյին Տուտույի ձեռքով նշան ուղարկվեց Բղդեի կողմից Աղաջանի տունը:

ԼԻ

ԽԱՉԵՂՐԱՅՐ

— Շտապիր կշեռքի մի թաթը ոսկի լթրո՛ւ, մյուսում ինձ նստացրու, քաշի՛ր ու ինձ տուր, լավությունս ինչպե՞ս պետք է վճարես, ձեռաց խնամախոս գնալս ու հարսանիքիդ փլավի հոտը աշխարհքովս վեր անելը մի՛ն եղավ:

— Հա՞, վերի ոտումը պատրաստ է՞ր,— սառնություն պատասխանեց Բղդեն Տուտուին, երբ վերջինս հեալով ներս ընկավ, ավետիքը տվեց,— չէ՞, դու երբ Փամբակաձորից թլիսմի թղթերը բերիր ու շհուտ Աղաջանի շեմքի տակ թաղելու ժամանակ Բատինենց Սհոյի ձեռքը ձգեցիր, հույսդ կտրեցիր, թե այսուհետև Շողիկն ինձ համար պաս դարձավ:

— Բաս ինձ ո՞նց գիտես, իմ լեզուս հարյուր թլիսմ արծի,— պարծեցավ պառավը:

— Ուրեմն նշանածի անունով թուլանալ, ետ գալը, որբեվերի կնոջ պես քիթ ու մուկը փաթաթելն աչքակապություն է՞ր. ես սպասում էի, որ քեզ քարհալած բորիկ կփայցնեն. խեղճ Սհո՛, նա էլ հավատացած է եղել, թե շհուտ Աղաջանի զարմը՝ գոված ու ցնդած՝ իր համար գլուխը մահի պետք է տար. ուղիղ է ասած, թե կինարմատին հավատացող տղամարդն իր ձեռքով իր որդայթը կպատրաստի, չէ՞, Շողի՛կ ջան, չէ՞, ինչքան էլ քեզ սիրեմ, ինձ քեզանից ավելի կհավատամ, ինձ արածացնել շես կարող, ես Բատինի թողը շեմ, ինձ խոջա Բաղդասար կասեն:

— Վա՛յ, ա՛յ տղա՛, Բաղդասար ջան, ընդուր են ասում, թե քեզ էլ չպետք է հավատալ, դեռ խեղճ աղջիկը ձեռքդ չի ընկել, վրան իրավունք ես բանացնում. դու հենց կարծում ես, թե ձեռաց, խոսքը բերանիցս թռավ թե չէ, մեր ու աղջիկ ոտքերս փաթաթվեցի՞ն, չէ՞, սիրելիս, յոթը գալի ավետարան եմ կարդացել մորն առանձին, աղջկանն առանձին. շատախոս օձ ավստողի (քովիչ) նման էնքան սուտ ու ուղիղ փշել եմ, բերանս փրփրակալել է. դեռ մայրը ողորմություն էր, աղջիկց մինչև ճանապարհի բերի, Հոգիս բերանս եկավ:

— Ի՞նչ էր դուրս տալիս, ինձ չէ՞ր հավանում:

— Ա՛յ քեզ մատաղ, քեզ ո՞վ կարող է փուղ դնել (պակասություն դնել), քեզ աստված է հավանել, Շողիկն էն էր ասում, թե ինքն ուխտ է արել՝ աշխարհ չմտնել. սե պետք է հազնեմ, ասում էր, վարպետ (կույս) պետք է դառնամ, հորիցս մնացածը խունկ ու մոմի պետք է տամ ու մինչև մահս հորս ու նշանածիս գերեզմանների վերա ճրաղույս վառեմ իրիկուն առավոտ:

— Եվ հետո էգպես ջո՛ւտ մոռացավ խոստումը:

— Ա՛յ տղա՛, ախար դու ո՞ւմ ջանը ուզենաս, որ սարսափ չձգես, ասացի, որ մեր խոջա Բաղդասարն էնպես կանի, որ մեր ու աղջիկ մի կտոր հացի կարոտ կմնաք. ասացի, որ դու, իբրև թե, երդում կրակ ես անում, թե էն հնարքը գործ կդնես, որ Աղաջանի պարտքատերերից և ոչ մեկը մի սե փող չի մխուր գալ (խոստովանի), հետո իրանք շաքիչոք

ստիպված կլինեն զալ, ոտքերդ փաթաթվիլ, բայց դու քացով կտաս, փոքոց կշարտես:

— Մարգարեացել ես, վերջն էդպես էլ կլինի:

— Է՛հ, ես որ իմ պարտքը կատարեցի, գործարարի (օտար) նման երկուսի ոտներն էլ իմ փառս (ոստայն) մեջ խճճեցի, ապրանքը թոնը շինեցի, դու էլ շուտ արա, ձիու խամ քուռակի պես բերանը սանձ դիր, թամբը մեջքին կապիր, վրեն նստիր, հետո երբ որ խամահանուկ եղավ (վարժվեց), ինչպես թո սիրտը կցանկանա, էնպես էլ պահիր, ապրանքը թոնը չի՞:

— Ուրեմն վերջին խոսքն ի՞նչ էր:

— Երբ որ մորն իմ կողմը քաշեցի, աղջիկը շվարեց, մնաց, մի քիչ փնթփնթաց, մրթմրթաց, բայց վերջը ուտերը վեր քաշեց, գրուխը կախեց ու ոահի եկավ (նպատակիլ): Տուգու նանի, ասեց, ֆոշտա-ֆալաքը՝ գար, ինձ չէր կարող թեքել, բայց թո լեզուն ավելի սուր ու խոսքդ ավելի կրտուկ էր, գնա, ինչ որ թո կամքդ կհաճի, պատասխան տար, միայն խընդրիր, որ հարսանիքն շտապեցնի, ինձ աշխարհի լեզվի տակիցն ազատի:

— Ափսո՛ս իմ մեծ ու պատիկ կնյազներ: Հիմի նրանք եթե գործի մեջ լինեին, մեծ կնյազը խաշեղբայրս կդառնար, փոքր կնյազը՝ փեսեղբայրս, էն ժամանակը աշխարհքը նախանձու կտրաքեր:

Այս ցավն էր որոճում բավական միջոց Բղդեն Տուտուին ճանապարհ դնելուց հետո:

— Ոչինչ, խասը չգտնողը խամով էլ կբավականանա, կնյազները չեղան, թող նրանց միրգեն (գրագիր) լինի խաշեղբայրս,— մխիթարեց ինքն իրեն Բղդեն և ձին հեծավ, ժշեց դեպի Զեյվա գյուղը, ուր էր այն ժամանակ գավառապետի բնակարանը:

Գավառական գրագիրը սիրով հանձն առավ Բղդեի խաշեղբայրու թյունց:

ԼԵ

ՀԱՐՍԱՆԻՔ

Քնդաց Կարբու գավառը, թե Բղդեն շուտով պսակվում է շհուտ Աղաջանի աղջիկ վերա, բայց զարմանքից սառած մնում էր ու իր անհանջներին չէր հավատում: Էլ հացակեր չմնաց, որ խեղճ Շողիկի վերա բերան չբանար, ոչ մեկը լավ չխոսեց, առաջինից մինչև հետինը դա-

1 Չալտա-Քալաք — նույն է, ինչ Մեֆիստոֆելը:

տեցին ու դատապարտեցին հոր ու նշանածի հիշատակը ոտնակոխ անող ապերախտ աղջկանը, բուրբեքյան եկան այն համոզմանը, թե աղջիկ կոշվածդ արդարև, վաղի առածի պես, անկտրիլ ձմերուկ է, մինչև հարյուր անգամ շփորձես, չես հասկանալ հատկությունը, ամենեքյան կարծեցին, թե իրանք սխալած են եղել Աղաջանի աղջիկ մասին և թե մի այդպիսի դյուրահավան աղջիկ մի օր էլ յուր ամուսնուն կգավաճանի, շատերը ուրախ եղան, որ կճուճը գլորվել է ու խուփը գտել, Բղդեի նման մարդին այդպիսի կին լավ հատուցումն է: Նույն ինքն տեր-Հակովբը, որ Աղաջանի մահից հետո մի տեսակ խնամատարի բարոյական պարտավորություն էր հանձն առել յուր վերա՝ Աղաջանի այրուն ու որբին յուր հովանավորության ներքո ունենալու, նա ևս շատ խոժոռվեց Շողիկի անմիտ ընտրության մասին: Այս ամենը լսում էր Աղաջանի այրին և արտաբուստ լուռ, ոչինչ չէր պատասխանում, իսկ ներքուստ յուր տանը ուզում էր քրթրել, քճճել յուր «աներես ու լպտոված» աղջկանը, որ մի վհուկ Տուտուի խոսքով յուր տան անունը լակ ձու շինեց, պատույր տվեց:

Շողիկին դատափետում էին առավելապես յուր ընկերակից աղջիկները, թթում և հանդիմանում էին, թե նա ոչ նշանածի համար պետք է այնպես տխրեր և ոչ այսչափ շուտ նրան մոռանար և առաջին անգամն իրանց դուռը բախողի գիրկն ընկներ:

Ընկերներին Շողիկը ոչինչ չէր պատասխանում, իսկ մորը միշտ կրկնում էր. համբերիր, մայրիկ, չէ՞ որ ես Տուտուին խոսք տալուս նախապես թո ականջումը փսփսացի:

— Ինձ էլ քեզ հետ հիմարացրիր, ես էլ մի անխելք կին՝ հավատացի, թե թո ձեռքիցդ կգա կոլոտ Բղդեից հորդ արյունը պահանջել. տակից դուրս եկավ, որ դու մարդու գնալու համար գլուխ ես եղել պատուելիս:

— Ուրբաթ, շաբաթ, կյուրակի, մայրիկ, դու թո բարի աչքովդ կտեսնես, թե ես ինչպես կծխեցնեմ դառը մուխը շարչի Բղդեի քթումը:

Նվ Շողիկը մորը շատ շփրավորելու համար գլուխ էր առնում, հեռանում:

Վերջապես, ուրբաթ, շաբաթ, կյուրակին հեռու չէր, շուտ վրա հասավ:

Բղդեի նորաշեն պալատն առաջին անգամ է ծառայում յուր նշանակությանը, ասեղ ձգես՝ գետինը չի ընկնիլ. հրավիրվածները միայն Կարբու հասարակությունը չէ, Քասախ գետի երկայնություններն եղած բոլոր գյուղերի նշանավոր քեթխուղեքն ու տանուտերներն այնտեղ են:

Առավոտյան ութ կամ ինն ժամն է, հարսանիքավորները, շրջապա-

տած հարսն ու փեսային, պսակ են գնում, Եկեղեցին լիքն է հանդիսականներով, կարելի է ասել, որ Կարբու եկեղեցին յուր կրկին շեն արած օրը կարողաց ցայսօր այնքան ժամավորներ չի տեսել. տեր-Հակովբը շուրջառավորված է և սեղանի առջևը կատարում է պսակի խորհուրդը. նորափեսայի գեմքին հաղթող զորապետի ինքնասիրություն է նկատվում, նա ուրախ է, բայց խոր հոգեբանն այդ պայծառ դեմքի ներքո մի վրիժառուության տրամադրություն կարող էր նկատել:

Ահա հասավ բուն պսակի ահավոր խորհուրդի ժամը. տեր-Հակովբն հրամայեց հարսն ու փեսայի երեսները միմյանց դարձնել. նա ուրիշ քահանաների նման չբավականացավ Մաշտոցի բառացի ծիսակատարությունով, նա փակեց գիրքը և մի քանի պարզ խոսքերով հասկացրեց նորընծաներին իրանց փոխադարձ պարտականությունները. ապա խոսքն ուղղելով դեպի նորափեսան, հարցրեց Մաշտոցի խոսքերով.— ուր դ յ ա կ ի մ, մ ի ն չ և ի մ ա հ տ ե՞ր ես:

— Տեր եմ,— բարձրաձայն խրոխտանոք շեշտեց Բղդեն:

— Իսկ դու, որդյակ իմ, մ ի ն չ և ի մ ա հ հ ն ա զ ա՞ն դ ե ս,— երկրորդ հարցը տվեց տերտերը նորահարսին:

— Ո՛չ մի ժամանակ,— երեսի թանձր քողը ետ ձգելով, գոչեց Շոգիկը:

Ամբողջ հանդիսականները պարզ լսեցին ականջ ծակող, սարսափելի, արտասովոր և տարօրինակ խոսքը:

— Ի՞նչ,— աչքերն ոլորելով բարկությամբ հարցրեց քահանան,— ի՞նչ ասացիր:

— Ասացի ու էլի ասում եմ, տեր հայր, դուք էլ պատվելի հարսանիքավորներ, ինձ ներեցեք, որ ամենքիդ նեղություն տվի և էստեղ հավաքելու պատճառ եղա, ձեր բոլորի առաջին ես՝ մի որդ ու անտեր աղջիկ, համարձակվում եմ թքել իմ հոր ու նշանածի արնետիրոջ երեսին, ես կատարում եմ իմ նշանածին ու հորս գերեզմանին տված խոսքս, հայտնում եմ ի լուր աշխարհքի, որ հաստատ գիտեմ և հավատացած եմ, որ իմ հոր արդար հացին կույր աչքով նայող երախտամուր, երբ որ տեսավ, թե քանի հայրս ու նշանածս կենդանի են, ինքը չպետք է կարողանա ինձ յուր ճանկը ձգել, մտքումը դրեց դիվական հնարքներով յուր ցանկութունը գլուխ բերել. իմացած կացեք ամենքդ, որ Մոզնու սուրբ Գևորգի վանքը կոխել, կողոպտել տվողը շարչի Բղդեն էր. սա ինքը առաջուց վարձած է ունեցել Ք. գլուղացի բեկզաղեքանցը, նրանց ձեռքովն է համոզել թուրքերին և վանքի վրա բերել. սա շատ լավ գիտեր, որ թեկուզ աշխարհքի նեղ ժամանակն էր, թեկուզ ամեն մարդ յուր գլուխն ու բնականիքը պահելու հոգսումն էր, թեկուզ ամեն գյուղ ինքն իրան դժ-

վար էր պաշտպանում, բայց եթե մեկը համարձակվեր մեր վանքերին ու եկեղեցիներին դիպչել, ամեն հայ կմոռանար տուն, տեղ, որդի, ընտանիք, կթողներ ունեցած շունեցածը թշնամու ձեռքին ու ինքը կվազեր յուր աստուծո տունը պաշտպանելու, գիտեր էս անխղճմտանքը, որ եթե մի փոքրիկ երեխա էլ գար վանահոր կողմից և հայտներ, թե վանքը կտրեցին, բոլոր գյուղերը գլխապատառ կվազեին հայր սուրբի հրամանը կատարելու. շատ լավ հայտնի էր էս դաժան հոգուն, որ Կարբուց օգնություն գնացողների մեջ հայրս ու նշանածս էլ անպատճառ կլինեին, և եթե կովիցն էլ ազատ պրծնեին, յուր վարձած թուրքերը մի տեղ հնարք կգտնեին սրա օձ խորհուրդը կատարելու:

Ո՛չ ոք չընդհատեց կրակ կտրած օրիորդին, խորին և մռայլ լռությունը թագավորել էր եկեղեցումը, ճանճի՜ բզզոցը լսվում էր. ինքը Բղդեն սևացել, ածուխ էր կտրվել, շրթունքները շարունակ կրծոտում էր, նկատելի էր, որ աշխատում է որևէ պատասխան տալ, բայց կոկորդը ցամաքել, լեզուն բերանումը չորացել էր, չէր շարժվում:

— Ես դեռ չեմ վերջացրել,— սառնություն բառիճանաբար բարձրացրեց յուր ձայնն աղջիկը,— դու, կոլտո Բղդե՛, փափագիդ մի մասին հասար, ճանապարհդ լաշնացավ, մեզդ ճխացիր, ուրախացար, թե այս է, որ տիրեցիր անտեր աղջկանը, հիմի որ կխեղդես ու քո կինը կշինես: Բայց չէ, սխալված ես, քո փորած հորի մեջ ինքդ երկու ոտքով ես ընկել, Աղաչանի աղջիկը հալալ կաթնակեր է, նա յուր հոր հարազատ զավակն է, ես ոչ մի ժամանակ քո պես խեղճերի արյունը ծծողին կին չեմ դառնալ, ես կույս եմ և՛ կույս Հոռոմսիմի (Հոփսիմե) նման քեզ պես խոզին քարշ պետք է տամ գետնի երեսին, որ հորս ու նշանածիս գլուխը կերար, գլխակեր, արնեխում:

— Ը՛ն... չո՛վ... կը՛... հա՛ս... տա՛... տե՛ս,— կակազեց Բղդեն, բայց Շոգիկը ժամանակ չտվեց շարունակելու.— Մոտ երկու ամիս է, որ իմ նշանածը սառը գերեզմանումն է,— գոչում էր նա,— բայց նրա հոգին դեռ չի հանգստացել, դեռ գերեզմանի վրա անտես, աներևույթ պտտվում է, ես նրան խոսք եմ տվել մինչև իմ խոսքս չկատարեմ, Բրստիկնեց Սահակի հոգին երկինք գնացողը չի. նրա աչքը ճանապարհի է, որ ես քեզանից նրա արյունի վրեժը պետք է առնեմ և կառնեմ, երկու ամիս է, հնարք չի մնացել, որ շմտածեմ, ուզում եմ էնպես վրեժ հանել, որ դեռ ոչով լսած ու տեսած չլինի, կամեցա խանչալը առաջ քո սիրտը ցցել, հետո իմ, բայց մտածեցի, որ քո կեղտոտ արյունն արժանի չէ խանգվել իմ մաքուր արյունին, ես ավելի լավ համարեցի այնպես բան անել, որ դու կենդանի մնաս, բայց ուրախ օր չտեսնես, խղճմտանքիդ առաջին սևերես մնաս, խղճմտանքդ ճանկերով սատանա դառնա ու

սիրտդ ճանդատորի. ես գտա այդ բանի հնարքը. շատ չի բաշխի՛ կուրա-
նալու աշքովդ կտեսնես...

— Բավական է, աղջիկս,— ուզում էր միջամտել տեր-Հակովբը,
բայց Շողիկը ժամանակ չտվեց:

— Ահա, կոլոտ Բղդե, ես իմ ասելիքներս ասացի, առ, աշքդ կոխի
քո ուղարկած հարսնությունի քողը, որ թոռ շինեցիր, ձկան նման ինձ
մեջը փաթաթեցիր, բայց ես էն ձկներից եմ, որ թոռդ գլխիդ պատում
ու միջիցը դուրս եմ փախչում:

Շողիկը կորդեց յուր գլխի գարդերը, յուր բերանը փակող շղարը
և Բղդեին շարտեց. հետո էլ թքեց երեք անգամ նրա երեսին, երկու ամուր
ապտակ իջեցնելով և հաստատ քայլերով դուրս գնաց եկեղեցուց:

— Բռնել տվեք, ո՞ւր եք թողնում փախչի,— դարձավ լացակրկի-
նած Բղդեն դեպի յուր խաչեղբայր գավառական գրագիրը,— այդպե՞ս
պետք է պաշտպանես բարեկամիդ ու քո խաչեղբայրության պատիվը:

— Բռնեցեք, տանուտեր, հանդուգն աղջկանը, դրա արած անպատ-
վությունն ինձ է վերաբերում, ես եմ այսօր այս հարսանիքի գլուխը,—
հրամայեց գրագիր աղեն սրտամնա, վիրավորված և անզուսպ բարկու-
թյամբ,— համբերեցեք, տեսեք, թե ես դրան ի՞նչ տեղն եմ ձգում, ոտ-
ները քոթուկի՛ մեջ փթացնում, որ խելքը գլուխը հավաքի, ինքը գա յուր
նշանածի ոտքերն ընկնի:

Տանուտերին կարգադրություն անելու կարիք չեղավ. ժամավորները
միանգամից դուրս վազեցին և ձայնի տված՝ գոչում էին.— բռնեցե՛ք ե՛ք, բռնեցե՛ք ե՛ք:

Նորափեսա Բղդեն, երևի, ոգևորված յուր պաշտպան խաչեղբոր խոս-
քերից, գազան էր կտրել, բազմությունը ճեղքելով ամենից առաջ վազեց
նա և հասավ հաս էր Շողիկի հագուստի քղանցքը ձեռքը ձգելու՝ ճիշտ
Կիզի-մատուռ զանգակատան դռան առաջին, ուր ուղղվել էր նորահարսը:

— Հա՛, հա՛, հա՛...— երեսը դարձրեց աղջիկը գեպի յուր փեսա-
ցուն և գլուխը թիկունքի կողմը թեքած՝ քրքշոմ էր երկար ծորելով յուր
անվերջ ծիծաղը: Հա՛, հա՛, հա՛, շարշի Բղդեն ուզում է ազատ թռչունին
թռած ժամանակն յուր թոռի (ցանցի) մեջ խճճել. ա՛յ, սա է իմ պաշտ-
պանս, սա, էս սուրբ Կիզի-մատուռը, ո՞նց կհամարձակվես սրա մեջը
մտնել:

Այս խոսքերից հետո Շողիկը ներս մտավ զանգակատունը:

— Դրանից էլ լավ թոռ չէր լինիլ, հիմի էլ շես կարող ձեռքիցս ազատ
վիլ,— գուչեց Բղդեն և աղջկա քամակից ներս ընկավ մատուռի մեջ:

Օ՛ սարսափ, Բղդեն քարացավ և մնաց սառած մատուռի միջնա-
վայրումը, նրա աչքերը սևացան, ականջները՝ խշխշացին, գլուխը պտույտ
առավ:

Ի՞նչ էր այս:

Շողիկը, վայրի կատվի արագությամբ մազլեցելով, վեր է բարձրա-
նում մատուռի կոփվածո պատի մակերևույթի վրայով դեպի զանգակա-
տան կաթողիկեն, շուտ-շուտ վերևից կատաղի հայացքներ արձակելով
յուր թշնամու խրտնած եզան նման չոած ու պշուցած աչքերին, կատար-
յալ ծառկուտուտ կամ ալաշակչակ (փայտփորիկ) թռչուն էր Աղաջանի
գոտսրը, որ ծառերի բնի վրայով ազատ սորորում էր:

Ահա կանգնած է նա ուղիղ կաթողիկեի պատվանդանի առաջ եկած
քարերի վրա. մի ոտնաշափ տարածություն հագիվ թե լինեք պատվան-
դանի լայնությունը. կաթողիկեն շինած օրից վայրի աղավնիներն ու
ճնճուկներն են միայն հանգիստ առել Շողիկի ապաստանած տեղումը:

— Նայիր ինձ, կոլոտ Բղդե՛,— զիլ և սուր ձայնով գոչեց աղջիկը,
զիլ, որքան մի մանկամարդ օրիորդի կոկորդը կգորեր:

Բղդեին թվեցավ որպես թե ոսկիները գտնելու օրվան ահարկու և
զարգանդելի թնդունն էր, որ այսօր առավել հուժկու արձագանք տվեց
զանգակատան ներսը, միևնույն աչն օրվան տպավորությունը տիրեց շա-
րաբխտ շարշու նյարդերի վերա, նրա աչքին երևաց, իբր թե սրբավայրը
տեղահան եղած տատանում էր և մոտ էր փլչելու, Բղդեին լսելի եղավ
մինչև անգամ այն կռանի հարվածը, որ ինքը երկու տարի առաջ իջեց-
րեց Կիզի-մատուռի պատուհանի քարին, որի տակից նա հանեց ոսկիքը:

Բղդեի միտքն եկավ առաջին անգամը ոսկիքը գտած օրն արած
խոստումը. նա ինքն այս իսկ տեղում ուխտել էր տարեկան հինգ նավա-
կատյացը մի-մի սպիտակ գառը զոհել Կիզի-մատուռի սիրույն, բայց
մինչև էսօր և ոչ մի հավի ձագ չէր մորթել: Ահա, այսօր, յուր բախտա-
վորության օրն ուխտն յուր գլխին խոով է կենում, յուր նշանածին աս-
տուծո սեղանի առաջից յուր ձեռքիցը խլում է:

— Ա՛յ մարդիկ, աղա խաչեղբայր,— հեծկառում էր տհաս մանուկի
պես Բղդեն, դառնալով իրան շրջապատողներին և գավառական գրա-
գրին,— դուք սիրտ չունի՞ք, դուք աղամորդի չե՞ք, ընչի՞ եք թողնում,
որ ջհուտ Աղաջանի աղջիկն ինձ վրա ծիծաղի, բարձրացեք, բռնեցեք,
բռնությունը քարշ տվեք, ժամը կոխեցեք և իմ վերա պսակեցեք:

— Ի՜նչ աղջիկ չի, դա սատանա է, դա ալք է,— պատասխանեցին
ամեն կողմից, մարդը մարդի որդին կարո՞ղ է էս հայելու պես կոկ պա-
տը բարձրանալ, սատանի եղունգները միայն կբռնեն քարերի տաշվածք-
ների խոռուփոթները:

1 Թոթով— ծառի հաստ կոնք է, որի մեջ փակում էին կալանավորների ոտքերը:

— Խնչ, գյաղա (տմարդի, ցած) կոչուտ Բղդե, ի՞նչ, դու զոտո՞վ ես ուզում ինձ քո կինդ շինել: լսիր,— ճիշտ արձակեց Շողիկը վերևից,— լսիր վերջին խոսքս. դու քո շար ցանկութունին չհասար, հորս ու նշանածին արյունն էսօր վրեժ են պահանջում, և ես առնում եմ նրանց վրեժը քեզանից: Հեռո՛ւ, մարդիկ, ե՛տ քաշվեցեք, տեղ տվեք, ես պետք է Բղդեի գլխին մի էնպես խաղ խաղամ, որ քանի կենդանի է, ուրախ օր չտեսնի. քանի էսօրը միտքը բերի, Կայենի նման սար ու ձոր ոտնատակ տա ու ո՛չ մի տեղ հանգստություն չգտնի, չէ՛, Բղդե, չէ՛, Բստինենց հարսնացուն գազանի ճանկը շքեկավ, ես գնում եմ հորս հրամանով իմ Սհոյի հետ էնտեղ միանալու, էնտեղ, տես, ահա էնտեղ, երկնքումը՝ հրեշտակների կողքին:

— Ո՞վ սուրբ, Կիզի-մատուռ, դու մեղք չհամարես,— կանչեց Շողիկը բազկատարած և գլխիվայր ցած ձգեց իրան ահագին բարձրությունից:

Լավ է, որ խուժանը սարսափած աղչկա խոսքերից, ոմանք դուրս փախան և ոմանք պատերի տակ քաշվեցին, ապա թե ոչ, մի քանիսը կխորտակվեին, անշուշտ, նրա դիակի ծանրություններից:

Շողիկի գանգը ճեղքվեց, ուղեղը ցրիվ եկավ մատուռում թափված քարերի մեջ:

Կիզի-մատուռի հատակը հարթ չէր. երկրաշարժներն ու Քրիստոսի խաչին թշնամի անհավատներն ամայություն դատապարտված սրբավայրերից շատ սակավները թողել էին անխախտ. երկարատև ժամանակն յուր ավերություն դատակնիքը, ուրիշների թվում, դրել է Կարբուզանգակատան վերա, պատերի խախտվածքներից և կաթողիկեից ցած գլորված քարերն ու կրային ավազախառն շորացած և քարից առավել ամրապնդված շաղախներն ու խճերը ցրված էին գետնին:

Այս քարերից մեկի սուր անկյունը ցցվեց Բղդեի զոհի ուղեղի մեջ, վերջ դրեց նրա կյանքին:

Սույն այս րոպեիս մի մարդ, արբած զինվորի նման, յուր կանգնած տեղը սկսեց տարուբերվիլ, նորա աչքերի կոպերը ծածկվեցին ճակատի ոսկրի ներքո, քթածակերը լայնացան, բերանի կապը առաձգական ուտինի պես ինքնին ետ էր բացվում և կրկին կուշ գալիս, լեզուն հաստ շրթունքների վրայով մի թիզ կախ էր ընկել. մի զարհուրելի ճիվաղի կերպարանք էր ստացել ուշակորույս մոլորվածի, առանց այն էլ՝ դաժան կերպարանքը: Անհաստատ դրությունը կարճատև էր, մի երկու վայրկյան, և կիսացնորի ոտքերն անզոր գտնվեցին հավասարակշռություն պահպանելու: Ինչպես մի հաստարուն ծառ, որ փայտահատի սուր կացնի հարվածներից զոզոզալով կամենում է, կարծես, մի քանի րոպե

գիմադրել յուր թշնամուն, բայց վերջը ստիպված է լինում թեքվել մի կողմի վերա և ահագին թնդունով գետնին դիպչել, այդ ձևով տարուբերվեց թշվառականը, մի ճիշտ միայն արձակեց և զրխակալով մի կողքի վրա տարածվեց զանգակատան մեջ: Եթե կտրած ծառի օրինակը բավական չպարզեց վայր ընկնողի դրությունը, մենք կարող ենք ամեն օր սպանդանոցում ներկա գտնվել մորթվելիք անասունին. ճիշտ համանման կերպով գետնին է ընկնում մսագործի պարանով ոտքերը պրկած մսացու թանձրամարմին եղբ կամ գոմեշը:

Բավական ժամանակ գետնին ճանկոտում, ձեռքերն ածում և կոկորդից խոնջյուններ էր արձակում անբախտ արարածը, ճանկերը բացուխտի էր անում, աշխատում էր բռնել մի ինչևիցե առարկա, սակայն բացի քար ու խճից ոչինչ չկար:

Հանկարծ այս մարդու ձեռքը դիպավ իրանից ոչ հեռու ընկած Շողիկի ջախջախված գլխին, նրա մատները թաթախվեցին նահատակի արյան ճապաղների մեջ, և նա մանկական խաղալու գնդակի նման մի ցատկում գործեց և ընկավ մատուռի լուսամուտի առաջը, ուր գլորված էր պատուհանի վրայից երկու տարի առաջ դուրս կորզած մի քար:

Ողորմելի էակը, կարծես, ծովասույզ խեղդվողի նման գտավ խորտակված նավից կտրված, ալիքների վերա ծփացող փրկության գերանը, նա երկու ձեռքով ամուր գրկեց այս քարը և դադար առավ յուր շարժարանքից:

Այս շարաբաստիկը մեր բարեբաստիկ նորափեսա խոջա Բաղդասարն էր, նա հենվել էր, ապաստանել էր այն քարին, որ յուր ձեռքով էր տեղահան արել լուսամուտի պատից, որի տակին նա գտել էր ոսկու բղիկը և խոստացել էր ոսկիները ձեռք բերելուց հետո կրկին տեղումն ամրացնել, բայց խոստումը անկատար էր թողել:

Բայց ի՞նչ էին անում այսքան միջոց ականատես հանդիսականները: Ամենքը շվարած մնացել էին, բոլորի վրա տիրել էր մի տեսակ ապշություն, ոչ մեկը չէր վստահանում կանգնած տեղից մի քայլ ետ ու առաջ շարժվիլ, ո՛չ մի ձայն չէր խանգարում մեռյալ լուծությունը, բացի Բղդեի կաղկանձյունից, որ քարը գրկելուն պես, այն ևս դադարեցավ:

Վերջապես գավառական գրագիր աղա խաչեղբայրը ամենքից շուտ սթափվեց և, իբրև վարչության գլխավոր ներկայացուցիչ, արավ արժանի կարգադրությունը: Նրա պատվիրանով մեռածին թողին յուր տեղն ընկած, իսկ քանի մի անձինք մոտ գնացին վերցնելու ուշակորույս Բղդեին:

Ա՛յ գարմանք, ամենայն ուժ գործ դնելով հանդերձ, չկարողացան

նրանք հեռացնել Բղղենին յուր գրկած քարից, կարծես, նրա եղունգները սրածայր մեխի պես ցցվել էին քարի մեջ և չէին պոկ գալիս:

— Թողե՛ք... հեռացե՛ք... մի՛ մոտենաք ինձ, — ի վերջո աչքերը ծանր-ծանր ետ բացեց և թույլ ձայնով արտասանեց Բղղենի Հեռոն էլ հաճախակի քարն էր համբուրում:

Արդարև, նա տեղիցը կանգնեց, միայնակ գրկեց երկու մարդով հազիվ շարժելի ծանր քարը և հարմարեցրեց յուր նախկին տեղում. ապա ետ դարձավ և երկու ոտքերի վերա բեկնված երկար միջոց ակնապիշ նայում էր յուր զոհին, որը թևատարած արյունաշաղախ փռված էր մատան միջակետումը:

Թե ի՞նչ էր մտմտում Բղղեն այդ վայրկյանին, ոչ ոք չէր կարող գուշակել, բայց պարզ նկատելի էր, որ նորա ներսումը մի հոգեկան կոխվ էր կատարվում:

Չենք կարող ասել, թե որչափ ժամանակ կմնար այս մտածողության մեջ, եթե հանկարծակի նրա աչքովը շրնկներին յուր արյունաթաթավ մատները:

— Ջո՛ւր, ջո՛ւր, ջուր բերեք, ձեռքերս լվանամ, — դուրս ընկավ մատուռից Բղղեն և ջուր գոռալով վազում էր դեպի Քասախ գետը:

Շատ ուշ գլխի ընկան մարդիկը և հետապնդեցին Բղղենին, սակաֆ անագան էր, ոչ ոք չկարողացավ հասկանալ, թե դեպի ձորի ո՞ր քարափը գնաց նա: Նրա հետքը կորցրին:

Երկու ժամից, մինչ գավառական գրագիրն յուր պաշտոնական արձանագրությունները վերջացրած կամենում էր ձի հեծնել, մինչ հարսանիքավորները պատրաստվում էին ցրվելու, Բղղեն մաքուր լվացված, հանգիստ ու խաղաղ ներս մտավ յուր տունը և բարև տվեց:

Նա գալիս էր սուրբ Հովհաննեսի աղբյուրից:

Ահա այնտեղ էր վազում Բղղեն դուրս փախած մատուռից:

Նստեց Բղղեն աղբրականը և այսպես խոսեցավ.

— Անիծվեր էն ժամը, երբ առաջին անգամը հանդիպեցի ջնուտ Աղաջանի աղջկանը. այս աղբրի մոտ ես հիմարացա, այստեղ էլ պետք է զոջամ իմ սխալանքներին համար, այս ջուրը հանգատացրեց իշամեղունների խալթվածքը, այս ջրի ափում ծագեցավ իմ մեջ Շողիկին սիրելու քանկութունը, այս ջուրն էլ թող մաքրի իմ ձեռքերից նորա արյունը և մեռցնի նորա սերն ու հիշատակը:

Ձեռքերն աղբյուրում լվանալուց հետո Բղղեն մոտեցավ մեզ ծանոթ գծերի վրի թփին, քակեց թփի ճղքից Շողիկի անթարու (հազուստ է) ծվենքը, որը մոր հրամանով կապել էր և որին համբուրելու տալով չէր

հագեցել սիրահար շարչին, ճմեց մատների մեջ և ատամներով ծվիկ-ծվիկ պատառոտեց ու գետնին ցրիվ տվեց:

— Թո՛ղ չմնա և ոչ մի չնչին առարկա, որ երբեքեք կարող լինի հիշցնել ինձ ջնուտ Աղաջանի աղջկանը:

Այս խոսքերից հետո Բղղեն կրկին մոտեցավ աղբյուրին, այժմ նա կոացավ և կուշտ խմեց սառը ջուրը:

— Օխա՛յ, սիրտս հովացավ, ինձ համար այսուհետև ոչ թե միայն զգալի չէ ջնուտ Աղաջանի աղջկա արժանի վախճանը, այլ եթե բոլոր կանայք էլ շնջվին, շեմ ցավիլ, կին ասած արարածդ սրանից հետո չի կարող ինձ հիմարացնել, և եթե երբեքեք ես կին աննելու կարիք զգամ, այն իմ հարստությունս վայելող մի հատիկ ժառանգի համար կլինի, որի ծնվելուց հետո շատ չի քաշի, որ գլուխը աղբ կդնենք. էնպես կանեմ, որ երկու շաբաթումը դարդամահ կլինի:

— Գեհ, հիմի գնանք մեր հյուրերին ճանապարհ դնենք, հիմի թող ջնուտ Աղաջանն էն կյանքում պսակի յուր աղջկան յուր սիրած Բատինենց Մհոյի վրա ու հարսանիքին յուր կնոջ հետ ձեռներունով պար գա. իսկ ես այստեղ պար կգամ, որ իմ թշնամիներից վրեժս առա: Ծիշտ որ Բղղեն ձեռքերը բարձրացրեց և պարելով ճանապարհ ընկավ դեպի տուն:

Քննությունը ոչինչ մեղադրանք չկարողացավ բարոտել Բղղելի պարանոցին, ցնորված ինքնասպան աղջկա խոսքերը ոչ մի իրական փաստի վրա չէին հաստատված:

Շողիկին մայրը թաղել տվեց ո՛չ իրանց, այլ Բատինենց գերեզմանոցումը, Սահակի կողքին:

Շատ շքաշեց, ինքն էլ վշտահար մեռավ և թաղվեց Աղաջանի մոտ: Աղաջանի պարտապանները բոլորեքյան վերադարձրին իրենց վճարքը, Շուշանն այս փողերը հանձնեց տեր-Հակովբեին՝ մարդի վրա մի քար քաշելու և մինչև մահն աճեն հինգ նավակատիկի նորա գերեզմանն օրհնելու:

— Աղե՛, — ասաց մի օր Բղղեն յուր մորը, — այսուհետև կարբումս բնակվելն ինձ համար մեծ անխելքություն է, այդ մեր տները, ինչ կամիս արա, ապրիր մեջք, ծախիր, բժժաչիր, քո գործդ է. ինքդ էլ ինչպես մինչև ցայսօր առանց ինձ կառավարվել ես, այսուհետև էլ նույնպես եղիր. ես իմ բնակությունս հաստատում եմ Ապարանու գյուղերից մեկումը, Ապարանն առայժմ իմ հարստությունս կրկնապատկելու համար ամենահարմար կեդրոնն է: Բայց եթե վճուկ Տառույթ ուտք մի օր լսեմ, որ այս գոծովը ներս է մտել, այնուհետև ոչ ես քո սրբին, ոչ գու իմ մայրը:

ՔՈՎԱՆԴԱԿՈՒԹՅՈՒՆ

| | | |
|--------------|------------------|-----|
| Պերց Պոռոյան | Կարլին Դանիելյան | 8 |
| Հասրի խնդիր | | 23 |
| Ցեցեր | | 333 |
| Բղդի | | 514 |

Պերց Պոռոյան
ԵՐԿԵՐ

Перц Просян
СОЧИНЕНИЯ
(На армянском языке)
Издательство «Советакан грох»
Ереван, 1984

Խմբագիր՝ Ռ. Մ. Մուրադյան
Նկարիչ՝ Մ. Ռ. Սոսոյան
Գեղ. խմբագիր՝ Գ. Խ. Գյուլամիրյան
Տեխ. խմբագիր՝ Վ. Գ. Ավագյան
Վերստուգող սրբագրիչ՝ Զ. Ս. Կարապետյան

ИБ 3921

Հանձնված է շտրվածքի 29. 09. 83, Ստորագրված է տպագրության 22. 02. 84:
Յորմատ 60×84¹/₁₆: Քուղթ տպագր. № 3: Տառատեսակ՝ գրքի սովորական:
Տպագրության՝ բարձր, 40,92 պայմ. տպ. մամ., 41,43 պայմ. ներկ. թերթ, 38,8
Հրատ. մամ.: Տպագրանակ 51.000: Պատվեր 1595: Գինը՝ 3 ռ. 50 կոպ.:
«Սովետական գրող» հրատարակչություն, Երևան—9, Տերյան 91:
Издательство «Советакан грох», Ереван-9, ул. Теряна 91.
ՀՍՍՀ հրատարակչությունների, պոլիգրաֆիայի և գրքի առևտրի գործերի պետական
կոմիտեի № 1 տպարան, Երևան, Ալավերդյան փող. № 65:
Типография № 1 Госкомитета по делам издательств, полиграфии и
книжной торговли Арм. ССР. Ереван, ул. Алавердяна, 65.